


ପୁସ୍ତକ ମଞ୍ଚ



The New Testament in the Kuvi language of India: ପୁସ୍ତକ ମଞ୍ଚ  
(Bible)

## ପୁସ୍ତକ ଶିଳ୍ପ

### **The New Testament in the Kuvi language of India: ପୁସ୍ତକ ଶିଳ୍ପ (Bible)**

copyright © 2020 The Word for the World International

Language: କୁଭି (Kuvi)

Contributor: The Word for the World International

### **ପୁସ୍ତକ ଶିଳ୍ପ, କୁଭି ପୁସ୍ତକ ଶିଳ୍ପ, 2020**

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2023-04-12

---

PDF generated using Haiola and XeLaTeX on 18 Apr 2025 from source files dated 13 Apr 2023

081337bf-dba3-542b-bc85-280acfb14d33

## Contents

ମାତିତ୍ତୁ	1
ମାର୍ଗ	45
ଲୁକ	73
ଜହନ	118
କାମା	152
ରମୟ	195
୧କରତ୍ତ	214
୨କରତ୍ତ	232
ଗାଲାତିୟ	244
ଏପିସ୍ତ	251
ପଲିପ	258
କଲସୟ	263
୨ତେସଲନିକି	268
୧ତିମତି	271
୨ତିମତି	276
ତିତିସ	280
ପଲିମନ	283
ଏବ୍ର	285
ଜାକୁବ	299
୧ପିତର	304
୨ପିତର	310
୧କହନ	314
୨କହନ	320
୩କହନ	321
ଜାହୁଦା	322
୧କ୍ସିକ୍ସି ବଲୁ	324

# ମାଥୁର ଲିଖିତ ସୁସମାଚାର ମାତିୟୁ ରାଚାମାନି ନେହୁଁ କାବୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହୁଁ କାବୁ ପତିୟାଁ ବିତ୍ରାତି ମାତିୟୁ ରାଚାମାନି ନେହୁଁ କାବୁ ଜୀସୁ କ୍ରୀସ୍ତ ଜୀସୁତି କାତା ରାସ୍‌କି ଆହାମାନେ । ଇ ସାରିଗଟା ପତିୟାଁକ୍ ନେହୁଁ କାବୁ ଇନେରି । ଏ ପତିୟାଁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି । ମାତିୟୁ ରାଚିତି ନେହୁଁ କାବୁ ଏରେଲା ରାସ୍‌କି ଆହାମାନେ ଇଞ୍ଜୁଁ ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସ୍ତ ଜାର୍ନାଆତି ୬୦ ବାର୍ସା ତାୟୁ ରାସ୍‌କି ଆହାମାନେ, ଅଡ଼େ ଆମିନି ଟାୟୁତା ରାସ୍‌କି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହୁଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍‌କି ଆହାମାନେ ।

ଜୀସୁ ମାତିୟୁକ୍ ତାନି ସୀସୁ ଆହାଲି ହାଡ଼ିତି ନଚେଏ ମାତିୟୁ ର ସିସୁ ରାହନାସି ମାଚେସି, ଇଞ୍ଜା ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାତି ରଅସି ମାଚେସି, ଏଞ୍ଜାସି ଜୀହୁଦି ଲକୁଡାକି ଇ କାବୁ ରାଚାମାନେସି । ଜୀହୁଦିୟାଁ ଜୀସୁକ୍, ଇ ରାଜିତା ସାଲୁଞ୍ଜି କିନି ରାଜା ଇଞ୍ଜୁଁ ଅଣ୍ଡିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାରତିତି ରାଜି ଆଏ, ସାମା ଲାକପୁରୁ ଜୀସୁତି ରାଜି କାତା ଝେସିହୁଁ ଜାଗ୍ରାତା କିହାଁ ଝେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଗାଣି ତାକି ପୁଃଇ ମେରାତି ଦାମ୍ବୁ ପତିତା ମାହାପୁରୁ ବଲୁ ଝେହନାରି ଝେସାମାନେରି, ଇଞ୍ଜିହୁଁ ପୁଣ୍ଡି କିହାଲି ଅଣ୍ଡିମାଚେସି, ଇ ଆକୁତା ମାହାପୁରୁ ରାଜିତି କାତା ହାରେକା ଝେସିମାନେସି ।

ମାତିୟୁ ରାଚିତି ନେହୁଁ କାବୁ ପୁଃନି ମେରାତି ମୂଲୁ ପତି ଇଞ୍ଜୁଁ ତଞ୍ଜା ଆହାମାନେ, ଇତିହୁଁ ପୁଃଇ ମେରାତି ମାହାପୁରୁ ବଲୁ ହାରେକା ରାସ୍‌କି ଆହାମାନେ, ଇ ପତି ପୁଃଇ ମେରା ପୁଃନି ମେରା ତଲେ ଆଣ୍ଡାମାନେ, ଝେଡ଼ା ହପୁଞ୍ଜାକିତି ସଗୁପୁନାରି ଝେସିମାନେରି, ମାତିୟୁ ତାନି ଆକୁତା ମସାତି ମେରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହାନାୟି ଝେ ମେରା ୧୯:୩; ୨୩-୩୩ ।

### ପତିତା ମାନାୟି

- ୧. ଜୀସୁ କ୍ରୀସ୍ତ ଜାର୍ନା ଅଡ଼େ ତାନି ସେବା କାମା । ୧:୧-୪:୨୫
- ୨. ଜୀସୁ କ୍ରୀସ୍ତ ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜୀସୁ କ୍ରୀସ୍ତ ହାନାୟି ଅଡ଼େ ଝେଣ୍ଡେ ନିଜିନାୟି । ୨୬:୧-୨୮:୨୦

☆ e:er ଲୁକ ୧:୨୭

### ଜୀସୁ କ୍ରୀସ୍ତ ଆକୁ ଆବାୟାଁ (ଲୁକ ୩:୨୩-୩୮)

୧ ଅବ୍ରାହାମ ମୀରଏସି ଅଡ଼େ ଦାଞ୍ଜୁଦତି ମୀରଏସି ଜୀସୁ କ୍ରୀସ୍ତ କୁଡ଼ା ।

୨ ଅବ୍ରାହାମ ମୀରଏସି ଇସାହାକ, ଇସାହାକ ମୀରଏସି ଜାକୁବ, ଜାକୁବ ମୀରଏସି ଜୀହୁଦା ଇଞ୍ଜା ତାନି ତାୟିୟାଁ,

୩ ଜୀହୁଦା ଅଡ଼େ ତାମାର ମୀରଏସି ପେରସ ଅଡ଼େ ଜେରହ, ପେରସ ମୀରଏସି ହେସ୍ରାଣ, ହେସ୍ରାଣ ମୀରଏସି ଅରାମ,

୪ ଅରାମ ମୀରଏସି ଅମିନାଦାବ, ଅମିନାଦାବ ମୀରଏସି ନହସନ, ନହସନ ମୀରଏସି ସଲମନ,

୫ ସଲମନ ଅଡ଼େ ରାହାବ ମୀରଏସି ବୟାଜ, ବୟାଜ ଅଡ଼େ ରୁତ ମୀରଏସି ଅବେଦ, ଅବେଦ ମୀରଏସି ଜିସି ।

୬ ଜିସି ମୀରଏସି ଦାଞ୍ଜୁଦ ରାଜା, ଦାଞ୍ଜୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡ଼େସି,

୭ ସଲମନ ମୀରଏସି ରିହବୟାମ, ରିହବୟାମ ମୀରଏସି ଅବିୟ, ଅବିୟ ମୀରଏସି ଅସା,

୮ ଅସା ମୀରଏସି ଜିହସାପାଟ୍, ଜିହସାପାଟ୍ ମୀରଏସି ଜରାମ, ଜରାମ ମୀରଏସି ଉଜିୟ,

୯ ଉଜିୟ ମୀରଏସି ଜତମ୍, ଜତମ୍ ମୀରଏସି ଆହାଜ, ଆହାଜ ମୀରଏସି ହିଜକିୟ,

୧୦ ହିଜକିୟ ମୀରଏସି ମନସି, ମନସି ମୀରଏସି ଆମନ, ଆମନ ମୀରଏସି ଜସିୟ,

୧୧ ଇସ୍ରାୟେଲକ୍ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀରକା ଜିକନିୟ ଇଞ୍ଜା ତାନି ତାୟିୟାଁ ଜାର୍ନା ଆଡ଼େରି ।

୧୨ ବାବିଲନତା ଅଞ୍ଜିଆଡ଼ି ଜେତ ଜିକନିୟ ସଲ୍‌ଟିୟେଲକ୍ ଜାନ କିଡେସି, ସଲ୍‌ଟିୟେଲ ମୀରଏସି ଜିରୁବାବେଲ,

୧୩ ଜିରୁବାବେଲ ମୀରଏସି ଅବିହୁଦ, ଅବିହୁଦ ମୀରଏସି ଏଲିୟାକିମ, ଏଲିୟାକିମ ମୀରଏସି ଅସର,

୧୪ ଅସର, ମୀରଏସି ସାଦକ, ସାଦକ ମୀରଏସି ଆକିମ, ଆକିମ ମୀରଏସି ଏଲିହୁଦ,

୧୫ ଏଲିହୁଦ ମୀରଏସି ଏଲିୟାଜର, ଏଲିୟାଜର ମୀରଏସି ମତାନ, ମତାନ ମୀରଏସି ଜାକୁବ,

୧୬ ଜାକୁବ ମୀରଏସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିତି ଜୀସୁ ଜାର୍ନା ଆଡ଼େସି, ଏଞ୍ଜାଣାକ୍ କ୍ରୀସ୍ତ ଇଣ୍ଡି ଆହିମାନେ ।

୧୭ ଇଲେଆହୁଁ ଅବ୍ରାହାମ ତାଣାଟିଏ ଦାଞ୍ଜୁଦ ପାଡେକା ସଦ ଜାଣା ଆକୁୟାଁ, ଅଡ଼େ ଦାଞ୍ଜୁଦ ତାଣାଟିଏ ବାବିଲନ ଅଞ୍ଜିଆଡ଼ି ପାଡେକା ସଦ ମାଣ୍ଡି, ଇଞ୍ଜା ବାବିଲନ ଅଞ୍ଜିଆଡ଼ି ତାଣାଟିଏ ଜୀସୁ କ୍ରୀସ୍ତ ଜାର୍ନା ପାଡେକା ସଦ ମାଣ୍ଡି ।

### ଜୀସୁ କ୍ରୀସ୍ତ ଜାର୍ନା ଆନାୟି (ଲୁକ ୧:୨୬-୩୮; ୨:୧-୭)

୧୮ ✨ଜୀସୁ କ୍ରୀସ୍ତ ତି ଜାନୀ ଇଲେକ୍ଟ ଆଡେ । ତାମି ଇୟା ମରିୟମ ଅଡେ ଜସେପ ତଲେ ବାହା ଆହାଲି ରୀସ୍ତ ଆହାମାଟି ଜେଟ, ଏଡ୍ରି କାଲୁଡ୍ରି ଆଆ ନକେଏ, ଏଡ୍ରି ସୁଦୁଜୀଝୁ ତଲେ ପୁରାମାସା ଆହାମାନେ ଇଞ୍ଜି ପୁଣ୍ଡି ଆଡେ ।

୧୯ ଏଚେଟିଏ ତାନି ତକ୍ରା ଜସେପ ର ଦାମ୍ନୁ ଲକ୍ଷୁ ମାଟାକି, ଇଞ୍ଜି ଏଦାଣି ଲକ୍ଷୁ ନକିତା ଦହ ଗାଟାୟି ଇଞ୍ଜି ତହୁଆପେଏ ଇଞ୍ଜି ଏଦାନି ଡକ୍ଷୁହାନା ପିସାଲି ତାରି କିତେସି ।

୨୦ ସାମା ଏଝାସି ଏଲେଇଞ୍ଜି ତାରିକିତି ତାୟୁ, ମେହଦୁ, ମାହାପୁରୁତି ର ଦୁତୁ ଏଝାଣାଇଁ ହାପାନାତା ଏଲେଇଚେସି, “ଆଡେ ଦାଝୁଦ କୃତାତି ଜସେପ, ମରିୟମନି ତକ୍ରି କିହାଲିତାକି ଆଜାଆନି, ଏନାଆଁତାକି ଇଚିହୁ ମାହାପୁରୁତି ସୁଦୁଜୀଝୁ ତଲେ ପୁରାମାସା ଆହାମାନେ ।

୨୧ ✨ଏଡ୍ରି ର କକାଣାଇଁ ଜାନ କିନେ, ଅଡେ ମୀରୁ ଏଝାଣି ଦରୁ ଜୀସୁ ଇଞ୍ଜି ଇଟାଦୁ, ଇଚିହୁ ଏଝାସି ତାମି ଲକ୍ଷୁ ତାମି ବାରେ ପାପୁଟି ଗେଲପିନେସି ।”

୨୨ ମାହାପୁରୁ ଅଣ୍ଡପୁତି ବଲୁ ଝେହନାରି ତାଣାଟି ପ୍ରବୁତି ଇ କାତା ଏନିକ୍ ପୁରା ଆନେ, ଇଦାଆଁତାକି ଇ ବାରେ ଆଡେ,

୨୩ “ମେହଦୁ ର ତାଆ ମାଢା ପୁରାମାସା ଆହାନା ର କକାଣାଇଁ ଜାନ କିନେ, ଅଡେ ଲକ୍ଷୁ ଏଝାଣି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅର୍ଡ “ମାହାପୁରୁ ମା ତଲେ ମାନେସି ।”

୨୪ ଏମ୍ପାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁତୁ ଏନିକ୍ ହୁକୁମି ହାହାମାଚେସି, ଏଲେକିହୁ ଏ କିତେସି, ଏଝାସି ମରିୟମଇଁ ବାହା ଆଡେସି;

୨୫ ✨ସାମା ଏଡ୍ରି କକାଣାଇଁ ଜାନ କିଆ ପାତେକା ଏଦାଣି ତଲେ କୃତାଆଡେସି, ଅଡେ ଏ କକାଣି ଦରୁ ଜୀସୁ ଇଚିତେରି ।

### ୨

#### ଝେଡା ହପୁଝାକିତି ସଗୁପୁନାରି

୧ ହେରଦ ରାଜା ବେଲାତା ଜାହୁଦା ଦେସାତି ବେତଲିହିମ ଗାଡାତା ଜୀସୁ ଜାନୀଆଡି ତାୟୁ, ମେହଦୁ, ଝେଡା ହପୁ ଝାକିତି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି,

୨ “ଆମିନି କକାସି ଜାହୁଦିଢା ରାଜା ଆହାଲି ଜାନୀ ଆହାମାନସି, ଏଝାସି ଆମ୍ପିୟା ? ମାମ୍ପୁ ଝେଡା ହପୁ ଝାକିତି ତାନି ହୁକା ମେସାନା ଏଝାଣାଇଁ ଜହରା କିହାଲି ଝାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକ୍ଷୁ କାବାଆହାନା ଆଜିତେରି ।

✨ ୧:୨୧ ଲୁକ ୧:୩୧ ✨ ୧:୨୫ ଲୁକ ୨:୨୧

୪ ଅଡେ ଏଝାସି ଲକ୍ଷୁତି କାଜା ପୂଜେରାଢା ଇଞ୍ଜି ମେରା ପୁନାରାଇଁ କୃତି କିହାନା, କ୍ରୀସ୍ତ ଏମ୍ପିୟା ଜାନୀ ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣ୍ଡପିତେସି ।

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଣ୍ଡପୁତି ବଲୁ ଝେହନାରି ତାଣାଟି ଇଲେଇଞ୍ଜି ରାସ୍ତକି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ, ଜୀହୁଦାତି କାଜା ନାସ୍ତା ବିତ୍ରାଟି ନୀନୁ ଉଣା ଆଏ; ଇଚିହୁ ଆମ୍ପାଆସି ନା ଇସାୟେଲ ଲକ୍ଷୁଣି ପହି କିନେସି, ଏଲେତି ର ସାଲୁଡ୍ରି କିନସି ନୀ ତାଣାଟି ଝାନେସି ।”

୭ ତାୟୁ ହେରଦ ସଗୁ ପୁନାରାଇଁ ମେଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଝାରି ତାଣାଟି ନେହୁ କୁଁ ଝେଚେସି ।

୮ ଇଞ୍ଜି ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମୀରୁ ହାଜାନା ଏ କକାଣି କାତା ନେହୁ କୁଁ ସିନିକିହାନା ନାଞ୍ଜେ ଜିକେଏ ଝେସ୍ତାଦୁ, ଇଚିହୁ ନାନୁ ଜିକେଏ ହାଜାନା ଜହରା କିକାଇଁ ।”

୯ ଏଚେଟିଏ ଏଝାରି ରାଜା କାତା ଝେଞ୍ଜାନା ହାଚେରି; ଅଡେ ମେହଦୁ, ଏଝାରି ଝେଡା ହପୁଝାକି ଆମିନି ହୁକା ମେସାମାଚେରି, ଏଡ୍ରି ଏଝାରି ନକି ନକିତା ହାଜାନା, ଏମ୍ପିୟା କକାସି ମାଚେସି ଏ ଲାକ ହାଜାନା ନିତେ ।

୧୦ ଏ ହୁକା ମେସାନା ଏଝାରି ହାରେକା ରାହାତଲେ ରାହା ଆଡେରି ।

୧୧ ଏଝାରି ଇଲୁ ବିତ୍ରା ହଡାନା ତାମି ଇୟା ମରିୟମ ଇଞ୍ଜି କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୁତାନା ଜହରା କିତେରି, ଇଞ୍ଜି ତାମ୍ପୁତାଚାମାଟି ପେଡାୟାଟି ବାଂଗାରା, ଦୁପା ଦୁପଣି ଅଡେ ଗାନ୍ଦା ନିୟୁଁ ବେଟୁ ହାଚେରି ।

୧୨ ତାୟୁ ହେରଦ ରାଜା ତାଣା ଝେଣ୍ଡା ହାଲାଆପେରିଝା ଇଞ୍ଜି ମାହାପୁରୁ ଏଝାରାଇଁ ହାପାନାତା ହୁକୁମି ହାହାଲିଏ, ଏଝାରି ଅର ଜିରୁଟି ତାମି ଦେସାତା ଝେଣ୍ଡାହାଚେରି ।

#### ମିସର ଦେସାତା ହାନାୟି

୧୩ ଏଝାରି ହାଟି ତାୟୁ, ମେହଦୁ, ମାହାପୁରୁତି ଦୁତୁ ଜସେପଇଁ ହାପାନାତା ଏଲେଇଚେସି, “ନିଜାମୁ କକାଣି ତାଲୁଇଁ ଅଡେ ତାମି ଇୟାନି ଅହୁଁ ମିସରତା ହାଲାମ୍ପୁ ନାନୁ ମିଜେ ଝେସ୍ତାଆ ପାତେକା ଏମ୍ପାଆଁ ମାଞ୍ଜୁ, ଇଚିହୁ କକାଣି ତାଲୁଇଁ ପାୟାଲି ହେରଦ ଅଣ୍ଡପିମାନେସି ।”

୧୪ ଜସେପ ନିଜାମା କକାଣି ତାଲୁ ଇଞ୍ଜି ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହୁଁ ହାଚେସି,

୧୫ ହେରଦ ହାନି ପାତେକା ଏମ୍ପାଆଁ ଏଝାରି ଡୟିତେରି, ଇ ବାରେ ଗଟଝି ଆନାଣି ମାହାପୁରୁ ଅଣ୍ଡପୁତି ବଲୁ ଝେହନାରି ତାଣାଟି ଇ ମାହାପୁରୁ ଅଣ୍ଡପୁତି ବଲୁ ପୁରା ଆନେ, “ନା ମାର୍ଏଣାଇଁ ନାନୁ ମିସର ଦେସାତି ହାଟା ତାଡେଏଁ ।”

#### କକାରି ତାଲୁକାଣି ପାୟିନାୟି

୧୭ ଖେଡ଼ା ହସ୍ତ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଲ୍ ନାଡ଼ିକିହାନା ହାଜାମାନେରି ଇଞ୍ଜି ପୁଞ୍ଜାନା, ହେରଦ ହାରେକା କପା ଆଡେସି, ହୁକାତି ଉଜେଡ଼ି ଆମିନି ବେଲାତା ତଞ୍ଜାଆହାମାଟେ ସଗୁପୁନାରି ତାଣାଟି ନେହୁକି ପୁଞ୍ଜାମାଟେସି, ଏଦାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାଗେ ମାଟି ନାସ୍‌କାଟି ରୀ ବାର୍ଯାଟିଏ ଉଣା କକାରାଇଁ ପାୟାଲି ତାକି ହୁକୁମି ହାଡେସି ।

୧୭ ଏଚିବେଲା ମାହାପୁରୁ ଅଣ୍ଟପୁତି ବଲୁ ଖେହ୍‌ନି ଜିରିମିୟ ଖେସ୍ତି ଇ ବଲୁ ସାତା ଆଡେ,

୧୮ “ରମାତା ହାଡ଼ା ଖେଜିମାନେ,

ଡ଼ାକି ଅଡ଼େ ହାରେକା ଦୁକୁତି ଗିୟାଁ

ରାହେଲ ତାନି ମାରକା ତାକି ଡ଼ାହିମାଟେ;

ଅଡ଼େ ଏଞ୍ଜାରି ବାରେ ହାହାହାରେରି ଇଞ୍ଜି,

ଏଦି ଦୁକୁ ହୁକହାଲି ମନ କିହି ହିଲାଆଡେ ।”

**ମିସରଟି ଖେଶ୍ଟାଖାନାୟି**

୧୯ ହେରଦ ହାଡ଼ି ଡାୟୁ, ମେହ୍‌ଦୁ, ପ୍ରବୁତି ର ଦୂତୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇଚେସି,

୨୦ “ନିଙ୍ଗାମୁ, କକାଣାଇଁ ଅଡ଼େ ତାନି ଇୟାନି ତଲେ ଇସ୍ରାୟେଲ ଦେସାତା ହାଲାମୁ, ଇଚିହିଁ ଆମ୍ବାଆରି କକାଣି ଜୀଞ୍ଜୁ ଅହାଲି ତାକି ଅଣ୍ଟପିମାଟେରି ଏଞ୍ଜାରି ହାହାମାନେରି ।”

୨୧ ଏଚେଟିଏ ଜସେପ ନିଙ୍ଗାନା କକାଣାଇଁ ଇଞ୍ଜା ତାନି ଇୟାନି ଆସାନା ଇସ୍ରାୟେଲ ଦେସାତା ଖାଡେସି ।

୨୨ ସାମା ହେରଦ ଟାୟୁତା ତାନି ମାରୁଏସି ଆକିଲାଇଁ ଜୀହୁଦାଟି ରାଜା ଆହାମାନେସି ଇଞ୍ଜି ଖେଞ୍ଜାନା ଏଞ୍ଜାସି ଏମ୍ବାଆଁ ହାଜାଲି ଆଜିଡେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି,

୨୩ \*ଇଞ୍ଜା ନାଜରିତତି ଗାଡ଼ାତା ହାଜାନା ଡ଼ୟିଡେରି, ଏନିକିହିଁ ମାହାପୁରୁ ଅଣ୍ଟପୁତି ବଲୁ ଖେହ୍‌ନାରି ରାଡ଼ିତ କାତା ସାତା ଆନେ, “ଏଞ୍ଜାସି ନାଜରିତତାସି ଇଞ୍ଜି ଖେଜିନେସି ।”

**୩**

**ବାପ୍ତିସ୍ମ\* ହାନି ଜହନତି ଖେକ୍‌ନାୟି**

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲାତା ବାପ୍ତିସ୍ମ\* ହାନି ଜହନ ଜୀହୁଦା ଦେସାଟି ବାଃଲି ବାଟାଟି ଖାହାନା ବଲୁ ଖେକ୍‌ହାଲି ମାଟ୍‌ହେସି ।

୨ \* “ପାପୁ ପିସାନା ମନ ଖେହ୍‌ହା କଡାଦୁ, ଇଚିହିଁ ଲାକପୁରୁ ରାଜି ଏଗାଞ୍ଜାହିମାନେ ।”

୩ ମାହାପୁରୁ ଅଣ୍ଟପୁତି ବଲୁ ଖେହ୍‌ନି ଜିସାୟ ତାଣାଟି ଇ ହାଡ଼ା ଖେସ୍‌ପି ଆହାମାଟେ, ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲାଆ ଟାୟୁତା ଖେଜିମାନେ,

ପ୍ରବୁ ତାକି ଜିରୁ ତିୟି କିଦୁ ।”

୪ ଜହନ ଉଚୁ ବାଣାୟାଁ ତଲେ କେପିତି ହିମ୍ବରିକା ତୁରହିମାଟେସି, ଇଞ୍ଜା ତାନି ଟେଡେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ଞ୍ଜିଡେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଟେ ।

୫ ଏଚିବେଲାତା ଜିରୁସାଲମ ଗାଡ଼ା ଇଞ୍ଜା ବାରେ ଜୀହୁଦା ଦେସା ଅଡ଼େ ଜର୍ଦନ ଦାରିତି ନାସ୍‌କାଟି ବାରେ ଲକୁ ତାନି ତାଣା ଖାହାଲି ମାଟ୍‌ହେରି,

୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ମ\* ଅଡ଼େରି ।

୭ \*ସାମା ହାରେକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ମ\* ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇଚେସି, “ଅଡ଼େ ରାସ୍‌କା କୁଡ଼ାତାତେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକଡାଲି ଆମ୍ବାଆସି ମିଙ୍ଗେ ସେଡ଼ନା ହିୟାଡେସି

୮ ଇଦାଆଁତାକି ମନ ଖେହ୍‌ହାମାନାଣି ନେହୁଁ କାମାତା ତହ୍‌ଦୁ,

୯ \*ଅଡ଼େ ଅବ୍ରାହାମ ମା ଆବା ଇଞ୍ଜି ମୀ ମନ ବିଡ଼ା ଅଣ୍ଟପାଆଦୁ, ଏନାଆଁତାକି ଇଚିହିଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବ୍ରାହାମତି ମାରକାଣି ଗାଡ଼ି କିହାଲି ଆଡ଼ିମାନେସି ।

୧୦ \*ଅଡ଼େ ନୀର୍ବି ଜିକେଏ ମାରୁନୁ ତାକିତା କାଃଆଲି ଆଟାମାନେ, ଆମିନି ମାରୁନୁ ନେହୁଁ ପାଡ଼େୟି ଆୟେଏ, ଏଦାନି ଟୁଣ୍ଡହାନା ହିରୁତା ମେଡ଼ପି ଆନେ ।

୧୧ ନାନୁସାଁ ମିଙ୍ଗେ ପାପୁଟି ପିସ୍‌ପି କିହାଲି ଇଞ୍ଜା ମନ ଖେହ୍‌ପି କିହାଲି ଏୟୁତଲେ ବାପ୍ତିସ୍ମ\* ହାହିମାଞ୍ଜାଇଁ, ସାମା ନା ଡାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାରେକା ବାଡ଼ୟୁ ଗାଟାସି, ଏଞ୍ଜାଣି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଆଁ; ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ଇଞ୍ଜା ହିରୁତଲେ ବାପ୍ତିସ୍ମ\* ହିୟାନେସି ।

୧୨ ଏଞ୍ଜାସି ତାନି କ୍ଲାନୁତି ନେହୁଁକି ତାସାହାଁ, ତାନି ଆନାଟି କ୍ଲୁସାହାଁ ଗାଡ଼େୟିତା ଇଟାଲି ଏଞ୍ଜାଣି କେୟୁତା ହେଚି ମାନେ, ସାମା ଟାଟା ପଡ଼ୁଟି ଏଚେଲା ତୁମ୍ବାଆଗାଟି ହିରୁତା ହୁଡ଼ା ତୁହ୍‌ନେସି ।”

**ଜୀସୁ ଏୟୁତା ବାପ୍ତିସ୍ମ\* ଅନାୟି**

(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏଚିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ମ\* ଅହାଲି ତାକି ଜର୍ଦନ କାତାତା ଜହନ ତାଣା ଖାଡ଼େସି ।

୧୪ ସାମା ଜହନ ଜୀସୁଇଁ କାହି କିହାଲି ଅଣ୍ଟପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ମ\* ଅନାୟି ନା ଲଡ଼ାମାନେ, ଇଞ୍ଜା ନାନୁ ନା ତାଣା ଖାହାମାଞ୍ଜି ?”

☆ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୪      \* ୩: ମୁଞ୍ଜନାୟି      † ୩:୧ ମୁଞ୍ଜନାୟି      ☆ ୩:୨ ମାତି ୪:୧୭; ମାର୍କ ୧:୧୫      ‡ ୩:୭ ମୁଞ୍ଜନାୟି      ☆ ୩:୭ ମାତି ୧୨:୩୪; ୨୩:୩୩      § ୩:୭ ମୁଞ୍ଜନାୟି      ☆ ୩:୯ ଜହ ୮:୩୩      ☆ ୩:୧୦ ମାତି ୭:୧୯      \* ୩:୧୧ ମୁଞ୍ଜନାୟି      † ୩:୧୧ ମୁଞ୍ଜନାୟି      ‡ ୩:୧୨ ମୁଞ୍ଜନାୟି      § ୩:୧୩ ମୁଞ୍ଜନାୟି      \* ୩:୧୪ ମୁଞ୍ଜନାୟି

୧୫ ସାମା ଜୀସୁ ଏଞ୍ଜାଣାକ୍ ଏଲେଇଚେସି, “ନା ହାଡ଼ା ଆହମ୍, ଏନାଆଁତାକି ଇଚିହ୍ ଇଲେ ତଲେ ମାହାପୁରୁ ଦାମ୍ବୁତି କାମା କିନାୟିମାନେ ।” ଏଚେଟିଏ ଜହନ ମାନଞ୍ଜି ଆଡେସି ।

୧୬ ଜୀସୁ ବାପ୍ତିସ୍ମା ଅଡି ଦେବୁଣିଏ ଏୟୁଟି ନିଜା ଖାଡେସି । ଏଚେଟିଏ ହାଗୁ ଦେପିଆଡେ, ଇଞ୍ଜା ମାହାପୁରୁତି ସୁଦୁଜୀଞ୍ଜି ପାରଞ୍ଜା ପଚାଲେହେଁ ଜୀସୁ ଲାକ ରେଚା ଖାହିମାଚାଣି ଜହନ ମେସେସି ।

୧୭ ଅଡେ ମେହ୍ଦୁ, ହାଗୁଟି ଇ ହାଡ଼ା ଆଡେ, “ଇଞ୍ଜାସି ନା ଜୀସୁଟି ମାର୍ଏସି ଇଞ୍ଜାଣି ତାଣା ନା ହାରେକା ରାହିଁ ମାନେ ।”

**୪**

**ଜୀସୁକ୍ ତାୟିପାରି କିନାୟି**

(ମାର୍କ ୧:୧୨-୧୩; ଲୁକ ୪:୧-୧୩)

୧ ଏଚିବେଲ୍ମା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି ସୁଦୁଜୀଞ୍ଜି ଲକୁ ହିଲ୍ମାଆ ଟାୟୁତା ଅଡେ ।

୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହିଁ ହାକି ଆଡେସି ।

୩ ଏଚିବେଲ୍ମା ସୟତାନ ତାନି ଦାରିତା ଖାହାନା ଏଲେଇଚେ, “ନୀନୁ ମାହାପୁରୁ ମାର୍ଏଶାତି ଇଚିସାରେ ଇ ଖାଲ୍ମକାଣି ରୁଟି ଆହାଲି ହୁକୁମି ହାମୁ ।”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ ମାଣ୍ସି ଖାଉଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଟିଟି ହଚିମାନି ବଲୁ ତଲେ ନୀତିନେସି ।”

୫ ତାୟୁ ସୟତାନ ଜୀସୁକ୍ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପହାନା,

୬ ଏଲେଇଚେ, “ନୀନୁ ମାହାପୁରୁ ମାର୍ଏଶାତି ଇଚିହ୍ ଇମ୍ପାଟି ତୁଇକା ଗେମ୍ପାମୁ,” ଦାମ୍ବୁ ସାସ୍ତେରିତା ରାସ୍କି ଆହାମାନେ, ନିଜା ଜାତନ୍ନୁ କିହାଲିତାକି ମାହାପୁରୁ ତାନି ଦୁତୁୟାକ୍ ହୁକୁମି ହାନେସି;

“ନୀ କତାୟାଁ ଏନିକ୍ ଖାଲ୍ମକାଣା ଆଡ଼ାଉ ଇଞ୍ଜା ଦୁତୁୟାଁ ନିଜା କେସ୍ତାତଲେ ପେରହା ଆସ୍ତାନୁ ।”

୭ ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ, ନୀନୁ ପ୍ରବୁ ନୀ ମାହାପୁରୁକ୍ ତାୟିପାରି କିଆନି ।”

୮ ଅଡେ ଖେଶ୍ଟେ ସୟତାନ ଜୀସୁକ୍ କାଜା ହରୁ ଲାକ ଅହାନା ଦାରୁଡିଟି ବାରେ ରାକ୍ତି ଅଡେ ଏମ୍ପାଟି ବାରେ ଅଜୁ ଅଡେ ଜୁପକା ତସାନା ଏଲେଇଚେ,

୯ “ନୀନୁ ନାଜେ ମେଶ୍ଟାକୁତାନା ଜହରା କିୟାଦି ଇଚିହ୍ ନୀନୁ ଇ ବାରେ ନିଜା ହିୟାକ୍ ।”

୧୦ ଏମ୍ପାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମୁ ! ଦାମ୍ବୁ ସାସ୍ତେରିତା ରାସ୍କି

ଆହାମାନେ, ‘ଖାଉଇ ନୀ ପ୍ରବୁ ମାହାପୁରୁକ୍ ଜହରା କିଦି ଅଡେ ଖାଉଇ ତାଜେଏ ସେବା କିଦି ।’ ”

୧୧ ଏ ଦେବୁଣିଏ ସୟତାନ ଜୀସୁକ୍ ପିସାନା ହାଜାତୁସ୍ତେ; ଅଡେ ଦୁତୁୟାଁ ଖାହାନା ଏଞ୍ଜାଣି ସେବା କିତୁ ।

**ଜୀସୁ ଗାଲିଲିତା ତାନି କାମା ମାଟ୍ନାୟି**

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ଜହନକ୍ କାୟିଦି ଇଲୁତା ଇଚିତେରି ଇଞ୍ଜା ଖେଞ୍ଜାନା ଜୀସୁ ଏମ୍ପାଟିଏ ଗୁଟା ଆହାନା ଗାଲିଲିତା ଖାଡେସି;

୧୩ ଏଞ୍ଜାସି ନାଜରିତତା ତୟାଆଡେସି, ସାମା କପରନାହୁମତା ତୟାଲି, ସୁବୁଲୁନ୍ ଅଡେ ନପ୍ତାଲିତା ମାନି ର ଗାଲିଲି ସାମ୍ବୁରି ଗାଟୁତା ମାନି ଗାଡ଼ାତା ହାଚେସି ।

୧୪ ଏନିକିହ୍ ମାହାପୁରୁ ଅଣ୍ପୁଟି ବଲୁ ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି; ୧୫ “ସୁବୁଲୁନ୍ ଦେସା ଅଡେ ନପ୍ତାଲି ଦେସା

ସାମ୍ବୁରି ତାଗେ ଇଞ୍ଜା ଜର୍ଦନ କାତା ଆତାଲାଞ୍ଜାକିତି, ଜୀହୁଦିଆଆଡି ଗାଲିଲି !

୧୬ ଆନ୍ଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି

ହାକିତି ନାସ୍କା ଅଡେ ସାହ୍ଡାତା ମାନି ଲକୁତାକି ଉଜେଡ଼ି ତଞ୍ଜାଆନେ ।”

୧୭ ଏ ଚେଲ୍ମାଟିଏ ଜୀସୁ ତାନି କାତା ଖେକ୍ହାଲି ମାଟ୍ନହେସି, “ମୀ ପାପୁ ପିସାନା ମନ ଖେଟ୍ହା କତାଦୁ, ଏନାଆଁତାକି ଇଚିହ୍ ଲାକପୁରୁ ରାକ୍ତି ଏଗାଞ୍ଜାହିମାନେ ।”

**ସାରି ଜାଣା ମୀଶ୍ଟକା ଆହ୍ନାରାକ୍ ଜୀସୁ ହାଟିନାୟି**

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ବୁରି ଗାଟୁଟି ହାଜିମାଚାଟି ସିମନ ଇନି ପିତର ଅଡେ ତାନି ତାୟି ଆହିୟ, ଇ ତାୟି ରିଆରି ସାମ୍ବୁରିତା ଜାଲା ମେଡ଼ହି ମାଚାଣି ମେସ୍ତେସି, ଏନାଆଁତାକି ଇଚିହ୍ ଏଞ୍ଜାରି ମୀଶ୍ଟକା ଆହ୍ନାରି ମାଚେରି ।

୧୯ ଜୀସୁ ଏଞ୍ଜାରାକ୍ ଏଲେଇଚେସି, “ନା ଜେଚ ଖାଦୁ, ନୀନୁ ମିଜା ଲକୁଣି ଆହ୍ନାଣି ଜାପ୍ହାକ୍ ।”

୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି ।

୨୧ ଏମ୍ପାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡେ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜା ଅଡେ ରିଆରି ତାୟିୟାଁ ତାନି ଆବା ଜେବଦି ତଲେ ତଂଗତା ଜାଲା ମୁଦା କିହିମାଚାଣି ମେସାନା ଏଞ୍ଜାରାକ୍ ଜିକେଏ ହାଟିଚେସି ।

୨୨ ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡେ ତାନି ଆବାକ୍ ପିସାନା ଜୀସୁ ଜେଚ ହାଚେରି ।

**ଜୀସୁ ସେବା କାମା ମାଟ୍ନାୟି**

(ଲୁକ ୬:୧୭-୧୯)

† ୩:୧୬ ମୁଞ୍ଜିନାୟି ☆ ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ☆ ୪:୧ ଏକ୍ତି ୨:୧୮; ୪:୧୫ ☆ ୪:୧୭ ମାତି ୧୪:୩; ମାର୍କ ୬:୧୭; ଲୁକ ୩:୧୯,୨୦ ☆ ୪:୧୩ ଜହ ୨:୧୨ ☆ ୪:୧୭ ମାତି ୩:୨ ☆ ୪:୨୩ ମାତି ୯:୩୫; ମାର୍କ ୧:୩୯

୨୩ \*ତାୟୁ ଜୀୟୁ ଗାଲିଲି ଦେସାତା ରେଜି ରେଜିହିଁ ଜୀୟୁଦି ଲକ୍ଷୁତି କୁଟମି ଇଲକାଣା ଜାପୁହିହିଁ, ମାହାପୁରୁ ରାଜିତି ନେହିଁ କାରୁ ଖେସିହିଁ ରଗଗାଟି ଲକ୍ଷୁଣି ନେହିଁ କିହାଲି ମାଟ୍‌ହେସି,

୨୪ ଅଡେ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାରେ, ଇଞ୍ଜା ଲକ୍ଷୁ ବୁତୁୟା ଆଲଗା ମାଟାରାଇଁ, କାଟିଞ୍ଜେତାରାଇଁ, ଇଞ୍ଜା ଟଟ ଖାୟିତାରାଇଁ; ଇଲେତି ହାରେକା ରଗଟି କସ୍ତୁ ଆହିମାନାରାଇଁ ଜୀୟୁ ନକିତା ତାତେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହିଁ କିତେସି ।

୨୫ ଅଡେ ଗାଲିଲି, ଦସଗଟା ନାସ୍‌କା,\* ଜିରୁସାଲମ, ଜୀୟୁଦା ଅଡେ ଜର୍ଦନତି ଏ ଗାରୁତା ମାନି ନାସ୍‌କାଟି ହାରେକା ଲକ୍ଷୁ ଜୀୟୁ ଜେଟ ହାତେରି ।

**୫**

**ହରୁ ଲାକ ଜାପୁନାୟି**

୧ ଜୀୟୁ ହାରେକା ଲକ୍ଷୁଇଁ ମେସାନା ର ହରୁ ଲାକ ହାଜାନା କୁଗିତେସି, ଇଞ୍ଜା ସୀୟୁୟା ଏଞ୍ଜାଣି ତାଗେ ଖାଡେରି ।

୨ ଏମ୍ବାଟିଏ ଏଞ୍ଜାସି ଗୁଡି ଏକ୍‌ହାନା ଜାପୁହାଲି ମାଟ୍‌ହେସି ।

**ଆମ୍ବାଆରି ନେହାଁରି  
(ଲୁକ ୭:୨୦-୨୩)**

୩ ଆମ୍ବାଆରି ଜୀୟୁତା ଏନାଆଁ ହିଲୀଆ ଗାଟାରାକି ନେହେଁ, ଏନିଇତିହିଁ ଲାକପୁରୁ ରାଜି ଏଞ୍ଜାରି ଖାଲ୍ ।

୪ ଆମ୍ବାଆରି ଦୁକୁତା ଡାହିମାନି ଲକ୍ଷୁତାକି ନେହେଁ, ଏନାଆଁତାକି ଇତିହିଁ ମାହାପୁରୁ ଏଞ୍ଜାରି ଦୁକୁ ତୁକନେସି ।

୫ କପା ହିଲୀଆ ଗାଟାରି ନେହେଁ, ଏନାଆଁତାକି ଇତିହିଁ ଦାର୍‌ତିତା ଏଞ୍ଜାରି ଅଦିକାରା ଆନେରି ।

୬ ମାହାପୁରୁ ଦାମ୍‌ତି କାମା କିହାଲି ହାକି ଏସ୍‌କି ଗାଟାରି ଏଞ୍ଜାରାକି ନେହେଁ, ଏନାଆଁତାକି ଇତିହିଁ ମାହାପୁରୁ ଏଞ୍ଜାରାକି ଲଡ଼ାମାନାଣି ବାରେ ହୀନେସି ।

୭ ଏଟ୍‌କା ଲକ୍ଷୁଣି କାର୍ମା ମେହନେରି, ଏଞ୍ଜାରାକି ନେହେଁ, ଏନିଇତିହିଁ ମାହାପୁରୁ ଏଞ୍ଜାରାଇଁ କାର୍ମା ମେହନେସି,

୮ ଆମ୍ବାଆରି ସୁଦୁ ହିୟାଁ ଗାଟାରି ଏଞ୍ଜାରାକି ନେହେଁ, ଏନିଇତିହିଁ ଏଞ୍ଜାରି ମାହାପୁରୁଇଁ ମେହନେରି ।

୯ ହିଡ଼ି ଗାଟି ଲକ୍ଷୁ ନେହେଁ, ଏନିଇତିହିଁ ଏଞ୍ଜାରି ମାହାପୁରୁତି ମୀରକା ଇଞ୍ଜାଁ ଖେଙ୍ଗିନେରି ।

୧୦ \*ମାହାପୁରୁ ଦାମ୍‌ କାତାତାକି ଦୁକୁ ବେଟାଆନାରି ଏଞ୍ଜାରାକି ନେହେଁ,

ଏନିଇତିହିଁ ଲାକପୁରୁ ରାଜି ଏଞ୍ଜାରିଖାୟି ।

୧୧ \*ଏତିବେଲା ଲକ୍ଷୁ ମିଙ୍ଗ ନା ତାକି ନିୟା କି ଲାଜା କିୟାନେରି, ଅଡେ ନା ତାକି ଉଜେ ଉଜେଏ ମୀ କପାଟି ମିତି କାତା ଜଲାନେରି, ଆତିହିଁ ମିଙ୍ଗେ ତାକି ନେହେଁ ।

୧୨ \*ରାହାଁ ଆହାନା ଏନ୍‌ଦାଦୁ, ଏନାଆଁତାକି ଇତିହିଁ ଲାକପୁରୁତା ମୀ ତାକି ହାରେକା ଦାନା ମାନେ; ଏଲେକିହିଁଏ, ମୀ ନକିତି ମାହାପୁରୁ ଅଣପୁତି ବଲୁ ଖେହ୍‌ନାରାଇଁ ଜିକେଏ ଇଲେକିହିଁ ନିୟା କିହାମାଟେରି ।

**ହାରୁ ଅଡେ ଉଜେଡ଼ି**

(ମାର୍କ ୯:୫୦; ଲୁକ ୧:୩୪-୩୫)

୧୩ \*ମୀରୁ ବାରେ ଦାର୍‌ତିତି ହାରୁ ଲେହେଁ, ସାମା ହାରୁ ମୁଆତିହିଁ, ଅଡେ ଏନାଆଁ ଏମ୍ବିୟା ଜିକେଏ ଲେମ୍ବାଲି ଆଏ, ଇଞ୍ଜା ଏଡି ଏନି କାମାତା ପାଡ଼ା ଆଏ, ଲକ୍ଷୁ ଏନାଆଁ କଡ଼ା ତୁକ ଖିସା ହାନେରି ।

୧୪ \*ମୀରୁ ଦାର୍‌ତିତି ଉଜେଡ଼ି ତେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଡି ଏତେଲା ଡ଼ଗ୍‌ନା ଡ଼ୟାଲି ଆଡେଏ ।

୧୫ \*ଅଡେ ଦୀଞ୍ଜି ଡ଼ାସାନା ଆମ୍ବାଆରି ମାଣା ପ୍ଲିକ୍‌ହାନା ଇଟଅରି, ସାମା ଏଦାନି ଦୀଞ୍ଜି ସଡ଼ାତା ଇତିନେରି, ଆତିହିଁ ଇଲୁତା ଖାନ୍ତି ବାରେ ଲକ୍ଷୁ ଉଜେଡ଼ି ମେହନେରି ।

୧୬ \*ଏଲେକିହିଁଏ ମୀ ଉଜେଡ଼ି ଲକ୍ଷୁ ନକିତା ନେହିଁ କିଁ ତଞ୍ଜାଆପେ, ଏନିକିଁ ଏଞ୍ଜାରି ମୀ ନେହିଁ କାମା ମେସାନା ଲାକପୁରୁତି ଆବାତି ଗାଞ୍ଜୁରମି କିନେରି ।

**ମେରାତି କାତା ଜାପୁନାୟି**

୧୭ ନାଙ୍ଗେ ମସାତି ମେରା ଅଡେ ମାହାପୁରୁ ଅଣପୁତି ବଲୁ ଖେହ୍‌ନାରି ମେରାତି ମ୍ଲେକ୍‌ହାଲି ଖାହାମାନେସି ଇଞ୍ଜାଁ ଅଣପାଆଦୁ; ନାନୁ ମ୍ଲେକ୍‌ହାଲି ଖାହାହିଲଅଁ ସାମା ଇ ବାରେ ପୁରା କିହାଲି ଖାହାମାଇ ।

୧୮ \*ଏନାଆଁତାକି ଇତିହିଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ହାରୁପାକା ଅଡେ ଦାର୍‌ତି ମେଣ୍‌ଙ୍ଗାଆ ପାତେକା ଇଞ୍ଜାଁ ଇ ବାରେ ଆଆପାତେକା ମସା ମେରାତି ଇଟାୟି ସିନା ଜିକେଏ ମେଣ୍‌ଙ୍ଗେଏ ।

୧୯ ଏନାଆଁତାକି ଇତିହିଁ ଆମ୍ବାଆସି ଇ ହୁକୁମିଟି ର ଉଣା ହୁକୁମି ମାନଞ୍ଜି ଆଅସି ଅଡେ ଲକ୍ଷୁଇଁ ଏଲେକିହିଁଏ ଜାପୁନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜାଁ ଖେଙ୍ଗିନେସି; ସାମା ଆମ୍ବାଆସି ମାନଞ୍ଜି ଆନେସି ଅଡେ ଜାପୁନେସି ଏଞ୍ଜାସି ଲାକପୁରୁ କାଜାସି ଇଞ୍ଜାଁ ଖେଙ୍ଗିନେସି ।

୨୦ ଏନାଆଁତାକି ଇତିହିଁ ନାନୁ ମିଙ୍ଗେ ଖେସିମାଞ୍ଜାଇଁ, ମୀ ଦାମ୍‌ ମେରା ପୁନାରି ଅଡେ ପାରୁସିୟାଁ ଦାମ୍‌ କିହାଁ ମୀ ନାମ୍‌ ହାରେକା ଆଆତିହିଁ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅତେରି ।

**କପା ଗାଟାଣି ଜାପୁନାୟି**

\* ୪:୨୫ ଦେକାପଲି ☆ ୫:୧୦ ପିତିତ ୩:୧୪ ☆ ୫:୧୧ ପିତିତ ୪:୧୪ ☆ ୫:୧୨ କାମା ୭:୫୨ ☆ ୫:୧୩ ମାର୍କ ୯:୫୦; ଲୁକ ୧୪:୩୪,୩୫ ☆ ୫:୧୪ ଜହ ୮:୧୨; ୯:୫ ☆ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩ ☆ ୫:୧୬ ପିତିତ ୨:୧୨ ☆ ୫:୧୮ ଲୁକ ୧୭:୧୭



୨୧ “ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଇଁ ଖେସପିଆହାମାନେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ ପାୟିନେରି, ଏଞ୍ଜାସି ନୀହାୟି ପାଙ୍ଗାତା ତଣ୍ଡ ବେଟା ଆନେସି ।”

୨୨ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତାୟି ଲାକ କପାଆନେସି, ଏଞ୍ଜାସି ନୀହାୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାନି ତାୟିକି କାର୍ବିଗାଟାଟି ଇଞ୍ଜା ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡେ ଆମ୍ବାଆସି ପଲ୍ଲଆଗାଟାଟି ଇଞ୍ଜା ଇନେସି, ଏଞ୍ଜାସି ହିରୁ ଗାଡ଼ୟୁତା ମେଡ଼ପି ଆନେସି ।

୨୩ ଅଡେ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି ମୀ ତାୟି କପାଟି ଏନି ହାଡ଼ା ମାନେ ଇଞ୍ଜା ଏମ୍ବାଆଁ ଅଣ୍ଡପୁ ଖାନ୍ନେ,

୨୪ ଆତିହୁଁ ଏଡିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାନ୍ତୁ, ଇଞ୍ଜା ମୀ ତାୟିତଲେ ଆଣ୍ଡିତି ଜେତ ଖେଣ୍ଡା ଖାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନୀନ୍ତୁ ଗଡ଼ହା ଆଡାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍ଲୁଞ୍ଜି ଆୟାଲି ଅଣ୍ଡପାମ୍, ଆଆତ ଏଞ୍ଜାସି ନିଙ୍ଗେ ନୀହାୟି କିନାଣି ତାଣା ହେରପାନେସି, ଅଡେ ନୀହାୟି କିନାସି ନିଙ୍ଗେ ଜାମାନାଙ୍ଗା କେୟୁତା ହେରପାନେସି, ଅଡେ ଏଞ୍ଜାରି କାୟିଦି ଇଲୁତା ସୁଣ୍ଡାନେରି ।

୨୬ ନାନୁ ମିଙ୍ଗେ ସାତା ଖେସିମାଞ୍ଜାଇଁ ମୀ ତାକି କିଞ୍ଜିଆହାମାନି ର କାନି ଜିକେଏ ହାଆପାତାକା ଏମ୍ବାଟି ଏନିଜିକେଏ ହଡ଼ାଖାହାଲି ଆଡ଼ଅଡେରି ।

**ଦାରିକାମା କିଆଦୁ ଇଞ୍ଜା ଜାପ୍ନାୟି**

୨୭ ମୀରୁ ଖେଞ୍ଜାମାଞ୍ଜେରି, ଇଲେଇଞ୍ଜା ରାସ୍କି ଆହାମାନେ, ଦାରିକାମା କିଆଦୁ ।

୨୮ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣ୍ଡପୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ ମନ ମନତା ଦାରିକାମା କିଡେସିଏ ।

୨୯ ଅଡେ ମୀ ଚିଃନି କାନୁ ମିଙ୍ଗେ ପାପୁ କିଞ୍ଜିକିୟାନେ ଇତିହୁଁ ଏ କାନୁ ଡେଞ୍ଜା କୁତାଦୁ, ଇତିହୁଁ ମୀ ବାରେ ଆଙ୍ଗା ନକିତା ରିନି କିହାଁ, ଆଙ୍ଗାଟି ର ବାଗା ହିଲାଆଗାଟାଟି ନେହେଁ ।

୩୦ ଇଞ୍ଜା ମୀ ଚିଃନି କେୟୁ ମିଙ୍ଗେ ପାପୁ କିଞ୍ଜିକିୟାନେ ଇତିହୁଁ ଏଦାଆଁ ଜାଡାନା କୁତାଦୁ, ଇତିହୁଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାଟି ର କେୟୁ ହିଲାଆଗାଟାଟି ନେହେଁ ।

**ତକ୍ତୁନି ପିହ୍ନି କାତା  
(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)**

☆ ୫:୨୯ ମାତି ୧୮:୯; ମାର୍କ ୯:୪୭ ☆ ୫:୩୦ ମାତି ୧୮:୮; ମାର୍କ ୯:୪୩ ଲୁକ ୧୭:୧୮; ୧କର ୭:୧୦, ୧୧ ☆ ୫:୩୪ ଜାକୁବ ୫:୧୨; ମାତି ୨୩:୨୨

୩୧ ଅଡେ ରାସ୍କି ଆହାମାନେ, ଆମ୍ବାଆସି ତାନି ତକ୍ତୁନି ପିହ୍ନେସି, ଇତିହୁଁ ଏଞ୍ଜାସି ଏଦାନାକି ପିହ୍ନି ଆକୁ ରାଡାନା ହାପେସି ।

୩୨ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ତୁନି ଦାରି କାମାତି ଦହ ହିଲାଆନା ତକ୍ତୁନି ପିହ୍ନେସି, ଏଞ୍ଜାସି ଏଦାନି ଦାରେଣି କିନେସି; ଅଡେ ଆମ୍ବାଆସି ପିସୁ ଇୟାନି ବାହା ଆନେସି, ଏଞ୍ଜାସି ଜିକେଏ ଦାରେଲା ଆନେସି ।

**ପାରମାଣା**

୩୩ ଅଡେ ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଣି ଖେସପି ଆହିମାନେ, ମୀରୁ ମିତି ପାରମାଣା କିଆଦୁ, ସାମା ପାରମାଣା କିହାମାନାଣି ଡିକ୍‌ଆନି, ମାହାପୁରୁ ନକିତା ପୂରା କିଦୁ ।

୩୪ ସାମା ନାନୁ ମିଙ୍ଗେ ଖେସିମାଞ୍ଜାଇଁ ପାରମାଣା କିଞ୍ଜୁଏ କିଆଦୁ; ପାରମାଣା କିନି ବେଲା ଲାକପୁରୁତି ଦରୁତଲେ ପାରମାଣା କିଆଦୁ, ଏନାଆଁତାକି ଇତିହୁଁ ଏଡି ମାହାପୁରୁତି ସିଂଗାସାଣି;

୩୫ ଅଡେ ଦାରୁତିତି ଦରୁତଲେ ପାରମାଣା କିଆଦୁ, ଏନାଆଁତାକି ଇତିହୁଁ ଏଡି ମାହାପୁରୁତି କଡାୟାଁ ଇଚିନି ଚାୟୁ; ଜିରୁସାଲମ ଦରୁତଲେ ପାରମାଣା କିଆଦୁ, ଏଡି ଆହିମାନେ କାଜା ରାଜାଟି ଗାଡ଼ା;

୩୬ ଇଞ୍ଜା ମୀ ତାୟି ପାରମାଣା କିଆଦୁ, ଇତିହୁଁ ମୀ ତାୟି ର ବାଣା କାଡ଼ିୟା ଆଆତ ଦବ୍‌ଲା କିହାଲିତାକି ମୀ ବାଡ଼ୟୁ ହିଲେଏ,

୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସପେ ଏନାଆଁ ଇଚାଣି ଆଗାଡ଼ା କାଲ୍‌ହିହୁଁ ଏଡି ଲାଗେଏ ତାଣାଟି ଖାନ୍ନେ ।

**ରାକି ଆହ୍‌ନାୟି  
(ଲୁକ ୭:୨୯-୩୦)**

୩୮ ମୀରୁ ଇ କାତା ଖେଞ୍ଜାମାଞ୍ଜେରି, ରାସ୍କି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ ।

୩୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଆଦୁ, ସାମା ଆମ୍ବାଆସି ନୀ ଚିଃନି ଗେଏଲାତା ସାପ୍‌ଡ଼ା ଖେତାନେସି, ଏଞ୍ଜାଣାକି ଅର ଗେଏଲା ଜିକେଏ ତହୁଦୁ ।

୪୦ ଇଞ୍ଜା ଆମ୍ବାଆସି ନୀହାୟି ପାଙ୍ଗାତା ମୀ ସକା ଅହାଲି ମନ କିତିହୁଁ ଏଞ୍ଜାଣାକି ମୀ ହିମ୍ବୁରି ଜିକେଏ ହାଦୁ ।

୪୧ ଆମିନି ଦେସା ସାଲ୍‌ଞ୍ଜି କିନାସି ମିଙ୍ଗେ ବନ୍ତୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରା କିଲମିଟର ହାଜୁ ।

୪୨ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହାଦୁ, ଅଡେ ଆମ୍ବାଆସି ମୀ ତାଣାଟି ରାଣା ଅହାଲି ମନ କିନେସି ଏଞ୍ଜାଣାଇଁ ଆଏ ଇନାଆଦୁ ।

☆ ୫:୩୧ ମାତି ୧୯:୭; ମାର୍କ ୧୦:୪ ☆ ୫:୩୨ ମାତି ୧୯:୯; ମାର୍କ ୧୦:୧୧, ୧୨;

**ସାତୁୟାଁଙ୍କ ଜୀବନଦୁ**  
(ଲୁକ ୭:୨୭-୩୭)

୪୩ ମୀରୁ ଖେଜାମାଞ୍ଜେରି, ରାସୁକି ଆହାମାନେ, ମୀ ପାଡ଼ିତାଣାଇଁ ଜୀବନଦୁ ଇଞ୍ଜା ସାତୁୟାଁଣି ଅପାଆଦୁ ।

୪୪ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଙ୍କ ଜୀବନଦୁ, ଇଞ୍ଜା ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଞ୍ଜାରି ତାକି ପ୍ରାତାନା କିଦୁ ।

୪୫ ଏନିକି ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାରି ଅଡ଼େ ଲାଗେଏ ପଲେଏତି ବାରେ ଲକ୍ଷ୍ମୀତାକି ଖେଡ଼ା ଉଜେଡ଼ି ହୀନାସି ଅଡ଼େ ଦାମ୍ବୁଗାଟାରି ଅଡ଼େ ଦାମ୍ବୁ ହିଲିଆ ଗାଟାରାକି ଜିକେଏ ପିୟୁ ହୀନେସି ।

୪୬ ଇଞ୍ଜା ଆମ୍ବାଆରି ମିଙ୍ଗେ ଜୀବୁ ନୟାନେରି ଏ ଲକ୍ଷ୍ମୀକିଦେଁ ଜୀବୁ ନଡ଼ିହିଁ ଏନାୟି ମେଡ଼ାଆୟାନେ ? ସିସୁ ରୀହନାରି ଜିକେଏ ଏଦାଆଁ କିଅରିକି ?

୪୭ ଅଡ଼େ ମୀରୁ ମୀ ତାୟିୟାଁଙ୍କ ଜହରା କିଦେରି, ଏମ୍ବାଟିଏ ଅଡ଼େ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ?

୪୮ ଏଦାଆଁତାକି ମୀ ଲାକପୁରୁତି ଆବା ଏନିକି ବାରେକିହାଁ ନେହାସି ମୀରୁ ଜିକେଏ ଏଲେକି ନେହୁଁ ଆଦୁ ।



**ଦାନା ହୀନାଣି ଜାପୁନାୟି**

୧ ଲକ୍ଷ୍ମୀ ମେସ୍ତାପେରିଞ୍ଜା ଇଞ୍ଜା ଲକ୍ଷ୍ମୀ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡ଼ିହିଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ ।

୨ ଏଦାଆଁତାକି ଦାନା ହୀନାଟି କୁଟୁ ଗାଟାରିଲେହେଁ ଜାହାରା ନକିତା ତୀଡ଼ି ଉକାଆଦୁ; ଏଞ୍ଜାରି ଲକ୍ଷ୍ମୀ ତାଣାଟି ମାନି ବେଟାଆହାଲି ଜୀହୁଦି ଲକ୍ଷ୍ମୀ କୁଟମି ଇଲୁତା\* ଅଡ଼େ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଖେସିମାଞ୍ଜାଇଁ ଏଞ୍ଜାରି ତାମି ଦାନା ବେଟାଆହାମାନେରି ।

୩ ସାମା ମୀରୁ ଦାନା ହୀନାଟି ମୀ ଟିଃନି କେୟୁ ଏନାଆଁ କିହିମାନେ ମୀ ଟେବୁ କେୟୁ ପୁନାଆପେ,

୪ ଏନିକି ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଞ୍ଜାସି ମିଙ୍ଗେ ଦାନା ହିୟାନେସି ।

**ପ୍ରାତାନା**  
(ଲୁକ ୧୧:୨-୪)

୫ ପ୍ରାତାନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି ଇଚିହିଁ ଏଞ୍ଜାରି ଲକ୍ଷ୍ମୀ ତସାଲି ତାକି, ଜୀହୁଦି ଲକ୍ଷ୍ମୀ କୁଟମି ଇଲୁତା† ଅଡ଼େ ଡେଡ଼ା ଜିରୁତି କନତା ନିତାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାରି ତାମି ଦାନା ବେଟାଆହାମାନେରି ।

୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିଡ଼ା ହାଜୁ, ଇଞ୍ଜା ଦାରା ସୁଣ୍ଠା କତାଦୁ ଅଡ଼େ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡ଼େ ମୀ ଆବା ଆମ୍ବାଆସି ଡ଼ଗୁନା ମେସ୍ତାନେସି ଏଞ୍ଜାସି ମିଙ୍ଗେ ଦାନା ହିୟାନେସି ।

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେଟେପେଟେ ଜଲିଆଦୁ, ଏନାଆଁତାକି ଇଚିହିଁ ଏଞ୍ଜାରି ଅଣପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଖେଜାନେସି ।

୮ ଏଦାଆଁତାକି ଏଞ୍ଜାରିଲେହେଁ ଆଆଦୁ, ଏନାଆଁତାକି ଇଚିହିଁ ମିଙ୍ଗେ ଏନାୟି ଲଡ଼ାମାନେ, ରୀହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି ।

୯ ଅଡ଼େ ମୀରୁ ଇଲେକିହିଁ ପ୍ରାତାନା କିଦୁ; ଏ ମା ଲାକପୁରୁତି ଆବା,

୯୧ ନୀ ଦରୁ ନେହାୟି ଇଞ୍ଜା ମାନଞ୍ଜି ଆପେ;

୯୨ ନୀ ରାଜି ଖାପେ;

୯୩ ଲାକପୁରୁତି ଲେହେଁ ଦାରୁଡ଼ିତା ଜିକେଏ ନୀ କାତେଏ ଆପେ,

୯୪ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମୁ,

୯୫ ମା କପାତଲେ ଦହ କିହାମାନି ଲକ୍ଷ୍ମୀ ମାମୁ

ଏନିକିହିଁ ଦହ ଆହୁଅମି,

ଏଲେକିହିଁ ମା ଦହ ବାରେ ମେକ୍‌ହାମୁ ।

୯୬ ମାଙ୍ଗେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି ପିସ୍‌ପି କିୟାମୁ,

ଏନିକିହିଁ ରାଜି ବାଡ଼ୁୟୁ କାଜାପାଣା କାଲା କାଲାତାକି ନାଦିଏ ଆପେ । ଆନେନ ।

୧୭ ଇଚିହିଁ ମୀରୁ ଏଟକା ଲକ୍ଷ୍ମୀ ପାପୁ ବାରେ ମେକ୍‌ହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମେକ୍‌ହାନେସି;

୧୮ ସାମା ମୀରୁ ଲକ୍ଷ୍ମୀ ପାପୁ ମେକ୍‌ଆସାରେ, ମୀ ଆବା ଜିକେଏ ମୀ ପାପୁ ମେକ୍‌ହାସି ।

**ଉପାସା କିନାଣି ଜାପୁନାୟି**

୧୯ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମ୍‌ଡ଼ି ଖାଡ଼ି କିଆଦୁ, ଏନାଆଁତାକି ଇଚିହିଁ ଏଞ୍ଜାରି ଉପାସା କିହିମାନେରି ଇଞ୍ଜା ଲକ୍ଷ୍ମୀ ତସାଲି ତାମି ମୁମ୍‌ଖାଡ଼ି କିନେରି; ନାନୁ ମିଙ୍ଗେ ସାତା ଖେସିମାଞ୍ଜାଇଁ ଏଞ୍ଜାରି ତାମି ଦାନା ବେଟାଆହାମାନେରି ।

୨୦ ସାମା ମୀରୁ ଉପାସା କିନାଟି, ମୀ ତାୟିଁ ତୁ ନିୟୁଁ ଉହୁଦୁ ଅଡ଼େ ମୁମ୍‌ନୁରହା କତାଦୁ ।

୨୧ ଏନିକି ମୀରୁ ଉପାସା କିହିମାନେରି ଇଞ୍ଜା ଲକ୍ଷ୍ମୀ ନକିତା ତଞ୍ଜା ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଦେରି; ଅଡ଼େ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା ହିୟାନେସି ।

**ଲାକପୁରୁତି ଦନ**  
(ଲୁକ ୧୨:୩୩-୩୪)

☆ ୭:୧ ମାତ ୨୩:୫    \* ୭:୨ ସିନଗର    ☆ ୭:୫ ଲୁକ ୧୮:୧୦-୧୪    † ୭:୫ ସିନଗର    ☆ ୭:୧୪ ମାର୍କ ୧୧:୨୫,୨୬

୧୯ “ଏମ୍ବିୟା ସୀରନେ ଇଞ୍ଜା ଲୀମ୍ବୁ ତୁନେ ଅଡ଼େ ସରକା କାତି ତୁକହାନା ସରୁ କିହା ଅନେରି, ଇଲେତି ଦାରତିତା ମିଲେତାକି ଦନ କୁଡ଼ିକିହାଁ ଇଗାଆଦୁ ।

୨୦ ସାମା ଆମ୍ବିୟା ସୀରଏ ଇଞ୍ଜା ଲୀମ୍ବୁ ତୁନେଏ ଅଡ଼େ ସରକା କାତି ତୁକହାନା ମାଣ୍ଡା ଅଅରି ଇଲେତି ଲାକପୁରୁ ମିଲେତାକି ଦନ କୁଡ଼ି କିଦୁ,

୨୧ ଇତିହ୍ମ ଆମ୍ବିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ ।”

**ଆଜ୍ଞାତି ଉଜେଡ଼ି**  
(ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଞ୍ଜି ଲେହେଁ, ଇତିହ୍ମ ମୀ କାନୁ ନେହ୍ମ ମାନେ, ଆତିହ୍ମ ମୀ ବାରେ ଆଜ୍ଞା ଉଜେଡ଼ି ଆନେ ।

୨୩ ସାମା ମୀ କାନୁ ଲାଗେଏ ମାନେ, ଆତିହ୍ମ ମୀ ବାରେ ଆଜ୍ଞା ଜିକେଏ ଆନେରି ଆନେ । ଏନାଆଁତାକି ଇତିହ୍ମ ମୀ ଆଜ୍ଞାତି ଉଜେଡ଼ି ଆନେରି ଆତିହ୍ମ ଏ ଆନେରି ଏତେକା ଆଜିନାୟି ଆନେ ।

**ମାହାପୁରୁ ଅଡ଼େ ଦନ**  
(ଲୁକ ୧୬:୧୩; ୧୭:୨୨-୩୧)

୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଏନାଆଁତାକି ଇତିହ୍ମ ଏଞ୍ଜାସି ରଅଣାଲ୍ ଜୀଞ୍ଜୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନି କିନେସି ଅଡ଼େ ରଅଣାଲ୍ ମାନଞ୍ଜି ଆଅସି, ମୀରୁ ମାହାପୁରୁ ଅଡ଼େ ଦନତି ହଲିୟାଜ୍ଞା ଆହାଲି ଆଡ଼ଅଡ଼େରି ।

୨୫ ଏଦାଆଁତାକି ନାନୁ ମିଲେ ଝେସିମାଞ୍ଜାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକ୍ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକ୍ ମୀ ଆଜ୍ଞା ତାକି ଅଣ୍ପାଆଦୁ, ରାନ୍ଦାକିହା ଜୀଞ୍ଜୁ, ହିମ୍ବୁରିକା କିହାଁ ଆଜ୍ଞା କାଜାୟି ଆଏକି ?

୨୬ ପଟାୟିସି ସିନିକିଦୁ, ଏଞ୍ଜି ମାଟାଉ କି ଦାଉ କି ଗାଦେୟିତା କୁଡ଼ିକିହାଁ ଇଟାଉ, ଏଲେଆଡ଼ିଞ୍ଜା ଲାକପୁରୁତି ଆଡ଼ା ଏଞ୍ଜାସିକାକି ତାମି ରାନ୍ଦା ହାହିମାନେସି, ଏଞ୍ଜାସିକା କିହାଁ ମୀରୁ କାଜାତେରି ଆଏକି ?

୨୭ ଅଡ଼େ ମୀ ବିତ୍ରାତି ଆମ୍ବାଆସି ତାନି ଗାତି ଅଣ୍ପା ତଲେ ତାନି ଜୀଞ୍ଜୁତି ଆଗାଡ଼ା ପାତିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି ଅଣ୍ପାମାଞ୍ଜେରି ? ଜାଡ଼ାତି ପୂଜାଣି ସିନିକିହାଁ ଅଣ୍ପାମା ଜାପାଦୁ, ଏଞ୍ଜି ଏନିକ୍ ପାଡ଼ାଆନୁ; ଏଞ୍ଜି କସ୍ତୁ କିଉ କି ଲୁଲୁ ଦାଉ,

୨୯ ଆଡ଼ିଜିକେଏ ନାନୁ ମିଲେ ଝେସିମାଞ୍ଜାଲ୍, ରାଜା ସଲମନ ଗାତି ଦାରାତି ହିମ୍ବୁରିକା ହୁଟିମାଟିହ୍ମ ଜିକେଏ ଏ ପୂଜା ବିତ୍ରାତି ର ପୁୟୁ ଲେହେଁ ଅଜା ହିଲିଆତେସି ।

୩୦ ସାମା ଗୁଡ଼ିୟାତା ତୁୟିନି ଗାକ୍ ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆନେ, ଏଦାନାକି ମାହାପୁରୁ ଇତେକା ନେହ୍ମ ଅଜୁ ହାତିହ୍ମ, ଏ ନାମୁ ହିଲିଆଗାଟାତେରି ମିଲେ ହାରେକା ଗାତି ହିମ୍ବୁରିକା ହିୟଅସିକି ?

୩୧ ଏଦାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହ୍ମ ଅଣ୍ପାଆଦୁ ।

୩୨ ଇତିହ୍ମ ଜୀହୁଦିଆଆତି ଲକୁ ଇ ବାରେ ପାରିନେରି, ଅଡ଼େ ଇ ବାରେ ମିଲେ ଲଡ଼ାମାନେ ଇଞ୍ଜା ମୀ ଲାକପୁରୁତି ଆଡ଼ା ପୁଞ୍ଜାମାନେସି ।

୩୩ ସାମା ମୀରୁ ନକେଏ ମାହାପୁରୁତି ରାଜି ଅଡ଼େ ଦାମ୍ବୁତି ପାରାଦୁ, ଆତିହ୍ମ ମୀ ଲଡ଼ାମାନି ବାରେ ହାପକିଆନେ ।

୩୪ ଇତିହ୍ମ ଝିଏତାକି ଅଣ୍ପାଆଦୁ, ଏନାଆଁତାକି ଇତିହ୍ମ ଝିଏତି ଅଣ୍ପା ପୁ ଝିଏ ମୀରୁ ମିଲେତାକି ଅଣ୍ପାପଦେରି, ଇତିହ୍ମ ନୀଞ୍ଜୁତି କସ୍ତୁ ନୀଞ୍ଜୁତାକି ସାରି ।



**ଏଡ଼କା ତାରାଇଁ ନୀହାୟି କିନାୟି**  
(ଲୁକ ୬:୩୭-୩୮; ୪:୧-୪୨)

୧ ମୀରୁ ଏନିକ୍ ନୀହାୟି କିଞ୍ଜି ଆଅଡ଼େରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାୟି କିଆଦୁ ।

୨ ଇତିହ୍ମ ମୀରୁ ଏନିକ୍ ଲକୁଣି ନୀହାୟି କିଦେରି, ଏଲେକିହ୍ମ ଏ ମୀରୁ ଜିକେଏ ନୀହାୟି କିଞ୍ଜିଆଦେରି; ଅଡ଼େ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଲେ ଲାଡ଼ା ହିୟାନେରି ।

୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ପା ହିଲଅତି କି ?

୪ ଅଡ଼େ ନୀନୁ ଏନିକ୍ ମୀ ତାୟିଲ୍ ଏଲେଇଞ୍ଜି ଝାମ୍ବୁ, ନୀ କାନୁତି ଲାଟା ଡେଞ୍ଜାଲ୍, ଅଡ଼େ ମେହ୍ମୁ ନୀ କାନୁତେଏ କାଜା ଲାଟା ମାନେ !

୫ ଆଡ଼େ କୁଟୁ ଗାଟାତି ତଲିଏ ନୀ କାନୁତି ଲାଟା ଡେଞ୍ଜା କତାମ୍ବୁ, ଆତିହ୍ମ ମୀ ତାୟି କାନୁତି ଲାଟା ଡେଞ୍ଜାଲି ନେହ୍ମ କ୍ ମେସାଲି ଆଡ଼ିଦି ।

୬ “ନେହ୍ମ ଆସିତି ନେସକାକି ହାଆଦୁ, ଏଞ୍ଜି ଝେଣ୍ଡେ ତିରଞ୍ଜାହାଁ କାଟାନ୍ତୁ ଇଞ୍ଜା ବାଂଗାରା କିହାଁ ଆଗାଡ଼ା ଦାରାଗାଟି ହାଜ୍ଞା ପାଜିୟାଁ ନକିତା ମେଡ଼ଆଦୁ, ଏଞ୍ଜି ଏଦାନି କାଦତା ତୁଡ଼ବିନୁ ।”

**ରୀହ୍ମୁ, ପାରାଦୁ ଅଡ଼େ ଦୁଝେରିତା ଝେଦୁ**  
(ଲୁକ ୧୧:୯-୧୩)

୭ “ରୀହ୍ମୁ ଆତିହ୍ମ ମିଲେ ହାପକିଆନେ; ପାରାଦୁ ଆତିହ୍ମ ମିଲେ ମେଡ଼ାଆୟାନେ; ଦୁଝେରିତା ଝେଦୁ, ଏତେଟିଏ ମିଲେତାକି ଦୁଝେରି ଦେପିଆନେ ।

୮ ଇତିହ୍ମ ଆମ୍ବାଆସି ରୀହ୍ମନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଞ୍ଜାଣାକି ଦାରା ଦେପିଆନେ ।

୯ ଇତିହ୍ମ ମୀ ବିତ୍ରା ଆମ୍ବାଆସି ଇଲେତି ମାଣ୍ଡାସି ମାନେସି, ତାନି ମୀରୁଏସି ରୁଟି ରାସ୍ତାସାରେ ଏଞ୍ଜାଣାକି ଝାଲକା ହାନେସି,

☆ ୭:୨ ମାର୍କ ୪:୨୪

୧୦ ଅଡ଼େ ମାନୁ ରାସ୍ତିସାରେ ଏଞ୍ଜାଣାକି ରାତୁ ହୀନେସି ?  
 ୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସକାକି ନେହାଁଣି ହୀହିମାଞ୍ଜେରି, ଆତିହୁଁ ମୀ ଲାକପୁରୁତି ଆବା ନକିତା ରାହୁନି ଲକୁକି ଏଚେକା ନେହା ନେହାଁଣି ହୀଅସି !”

୧୨ \*“ଏଦାଆଁତାକି ଲକୁ ମିଙ୍ଗେ ତାକି ଏନିକିଁ ଲେମ୍ବାପେରି ଇଞ୍ଜିଁ ମୀରୁ ଅଣ୍ପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହୁଁ କିଦୁ, ଏଦାଆଁତାକି ଇତିହୁଁ ଇଦିଏ ମସାତି ମେରା ଅଡ଼େ ମାହାପୁରୁ ଅଣ୍ପୁତି ବଲୁ ଖେହୁନି ଦାମ୍ବୁ ପତିତି କାତା ।”

**ଜାକ୍ଣି ଦୁଖେରି**  
(ଲୁକ ୧୩:୨)

୧୩ ଜାକ୍ଣି ଦୁଖେରିତି ହାନ୍ତୁ, ଏଦାଆଁତାକି ଇତିହୁଁ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି ।

୧୪ ଅଡ଼େ ଜୀଞ୍ଜୁତା ଅନି ଦୁଖେରି ଜାକ୍ଣି ଇଞ୍ଜାଁ ଏମାଆଁ ହାନି ଜିରୁ କସ୍ତଗାଗାୟି ଏ ଜିରୁଟି ହାନି ଲକୁ ହାରେକା ଉଶା ।

**ମାରୁନୁ ଅଡ଼େ ତାନି ପାଡ଼େୟି**  
(ଲୁକ ୧:୪୩-୪୪)

୧୫ “ମାହାପୁରୁ ବଲୁ ଖେହୁନାତମି ଇଞ୍ଜିଁ ଖେସାନା ମିତି କାତା ଖେହୁନାରି ତାଣାଟି ଜାଗ୍ରାତା; ଏଞ୍ଜାରି ମେଶ୍ଟାୟାଁ ଖାଣା ଆସାନା ମୀ ତାଣା ଖାନ୍ନେରି, ସାମା ଏଞ୍ଜାରି ହିୟାଁତା କାରବି ଆଡ଼ି କ୍ଳାଞ୍ଜିନି !

୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପକା ମାରୁନୁତା ଅଙ୍ଗୁରି ପାଡ଼େୟି ଆଆଡ଼ିହୁଁ ଅଣ୍ଠା ମାରୁନୁତା ତୟା ପାଡ଼େୟି ଏହୁନେରି ?

୧୭ ଏଲେକିହୁଁଏ ନେହୁଁ ମାରୁନୁତା ବାରେ ନେହୁଁ ପାଡ଼େୟି ଅଡ଼େ ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ ।

୧୮ ନେହୁଁ ମାରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାରୁନୁ ନେହୁଁ ପାଡ଼େୟି ଆୟାଲି ଆଡ଼େଏ ।

୧୯ \*ଆମିନି ମାରୁନୁ ନେହୁଁ ପାଡ଼େୟି ଆୟେଏ, ଏଦାନି ଚୁଣ୍ଡି ଆହାନା ହିଚୁତା ମେଡ଼ପି ଆନେ ।

୨୦ \*ଏଲେକିହୁଁଏ ମିତି ମାହାପୁରୁ ବଲୁ ଖେହୁନାରାଇଁ ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

**ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ**  
(ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରବୁ, ପ୍ରବୁ’ ଇଞ୍ଜିଁ ହାଟାନେରି, ଏଲେତି ବାରେକାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଖେସ୍ତି କାତା ମାନୁଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି ।

୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରବୁ ଏ ପ୍ରବୁ ମାମ୍ବୁନୀ ଦରୁତଲେ ମାହାପୁରୁ ଅଣ୍ପୁତି ବଲୁ ଖେହୁଆତମି କି ? ଅଡ଼େ ନୀ ଦରୁତଲେ ବୁଡୁୟାଁଇଁ ପିସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି ?

୨୩ ଏଚିବେଲା ନାନୁ ଏଞ୍ଜାରାଇଁ ତୀରେତଲେ ଏଲେଇଞ୍ଜିଁ “ଏ ଲାଗେଏ ପଲେଏ ଗାଟାଡେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ ।”

**ରୀ ଇଲକା କେପିନାରି**  
(ଲୁକ ୧:୪୭-୪୯)

୨୪ “ଇଞ୍ଜାଁ ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନୁଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି ।

୨୫ ଗାଡ଼ି ପିୟୁ ରୀତେ ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ, ସାମା ଏ ଇଲୁ ରିଆଡ଼େ, ଇତିହୁଁ ଏଡ଼ି ପାକାତା କାନ୍ଦା କାରହାନା ପୁନାଦି ଦସାମାଗାୟି ।”

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ବାଞ୍ଜି ଲାକ ଇଲୁ କେପା ଡ଼ୟିନି ବୁଦି ହିଲାଆଗାଟି ଲକୁ ଲେହେଁତାସି ।

୨୭ ଗାଡ଼ି ପିୟୁ ରୀତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ ଏମାଟିଏ ଇଲୁ ତରଗାହାଜା ବୁମିତା ଆଣ୍ଡିତେ ।”

**ଜୀସୁତି କାଜାପାଣା**

୨୮ \*ଜୀସୁ ଇ ବାରେ କାତା ରାପୁହି ଜେଟ ତାନି କାତା ଖେଚାରି କାବା ଆଡ଼େରି ।

୨୯ ଇତିହୁଁ ଏଞ୍ଜାସି ତାନି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜାପୁହି ମାଚେସି ।



**ଜୀସୁ କାଜା ରଗ ଗାଟାଣାଇଁ ନେହୁଁ କିନାୟି**  
(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଟା ଖାଡ଼ି ତାୟୁ ମାନ୍ଦା ଲକୁ ତାନି ଜେଟ ହାଚେରି ।

୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହାଁ ମେଶ୍ଟାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିତିହୁଁ ନାଙ୍ଗେ ନେହୁଁ କିହାଲି ଆଡ଼ାଦି ।”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହୁଁ ଆମ୍ବୁ ।” ଏ ଦେବୁଣିଏ କାଜା ରଗ ଗାଟାସି ନେହୁଁ ଆଡ଼େସି ।

୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହୁଆନି, ସାମା ନୀନୁ କାଜା ପୁଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଅଡ଼େ ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେର୍ପାମ୍ବୁ ।”

☆ ୭:୧୨ ଲୁକ ୬:୩୧ ☆ ୭:୧୯ ମାତୃ ୩:୧୦; ଲୁକ ୩:୯ ☆ ୭:୨୦ ମାତୃ ୧୨:୩୩ ☆ ୭:୨୮ ମାର୍କ ୧:୨୨; ଲୁକ ୪:୩୨

ଜୀସୁ ର ରମିୟ କସ୍କା ହଲେଏଣାଇଁ ନେହୁଁ କିନାୟି (ଲୁକ ୭:୧-୧୦)

୫ ଜୀସୁ କପରନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସ୍କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାଡ଼ିମାଲିହୁଁ ଏଲେଇଚେସି,

୬ “ଏ ପ୍ରବୁ, ନା ହଲେଏସି ଟଟଞ୍ଜାୟାନା ହାରେକା କସ୍ତୁ ଆହୁଁ ଇଜ କାଚେଲିତା ତୁରାମାନେସି ।”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଖାହାନା ଏଞ୍ଜାଣାଇଁ ନେହୁଁ କିଲ୍ ।”

୮ ସାମା ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନାନୁ ନା ଇଜ ପାଞ୍ଜୁଲି ଇଟିଦି, ଏଲେତି ଜଟେ ଆଏ; ସାମା ନାନୁ ର ପଦୁ ଖେସା ପାଣ୍ଡାମୁ, ନା ହଲେଏସି ନେହୁଁ ଆନେସି ।

୯ ଇଟିହୁଁ ନାନୁ ରଅଣି ତାଣା କାମା କିନି ମାଣସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସ୍କା ମାନେରି; ନାନୁ ରଅଣାଇଁ ହାଲାନୁ ଇଟିହୁଁ ଏଞ୍ଜାସି ହାନେସି; ଅଡ଼େ ରଅଣାଇଁ ଖାମୁ ଇଟିହୁଁ ଖାନେସି; ଅଡ଼େ ନା ହଲେଏଣାଇଁ ଇଦାଆଁ କିମୁ ଇଟିହୁଁ ଏଦାଆଁ କିନେସି ।”

୧୦ ଜୀସୁ ଇ ବାରେ କାତା ଖେଞ୍ଜାନା କାବା ଆଡେସି, ଅଡ଼େ ତାନି ଜେଟ ଖାହିମାଟି ଲକୁଣି ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଅଁ ।

୧୧ \*ସାମା ନାନୁ ମିଙ୍ଗେ ଖେସିମାଞ୍ଜାଇଁ, ହାରେକା ଲକୁ ଖେଡ଼ା ହପୁ ଖାକିଟି ଅଡ଼େ ଖେଡ଼ା କୁଡ଼ନି ଖାକିଟି ଖାହାନା ଅବ୍ରାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି ।

୧୨ \*ସାମା ରାଜିତି ମୀରକାଣି ପାଙ୍ଗାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲକା ଟୀଟି କିହୁଁ ତୀନେରି ।

୧୩ ଅଡ଼େ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାନୁ, ଏନିକିହୁଁ ନାମାମାଞ୍ଜି ନିଙ୍ଗେତାକି ଏଲେକିହୁଁ ଆପେ । ଏ ଦେବୁଣିଏ ଏ ହଲେଏସି ନେହୁଁ ଆଡେସି ।

ଜୀସୁ ହାରେକା ଲକୁଣି ନେହୁଁ କିନାୟି (ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନମେରି ତାକି କାଚେଲିତା ତୁରାମାନାଣି ମେସ୍ତେସି ।

୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସ୍ତେ, ଅଡ଼େ ନିଙ୍ଗାନା ଏଞ୍ଜାଣି ସେବା କିହାଲି ମାଟ୍ତହେ ।

୧୬ ମିଡ଼ଅଲ୍ଲା ଆହାଲିଏ ଲକୁ ହାରେକା ବୁଡୁ ଆଲଗାମାଟି ଲକୁଣି ଜୀସୁ ତାଣା ତାଚେରି, ଏଚେଟିଏ ଜୀସୁତି ର ବଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଚାହାଚୁ, ଅଡ଼େ ହାରେକା ନମେରି ଗାଟାରାଇଁ ନେହୁଁ କିଚେସି ।

୧୭ ଏନିକିହୁଁ ମାହାପୁରୁ ଅଣପୁତି ବଲୁ ଖେହୁନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡ଼େସି ଅଡ଼େ ମା ରଗତି ଡେକିଚେସି ।”

ଜୀସୁ ସୀସୁୟାଁ ଆହାଲି ମନ କିନାୟି (ଲୁକ ୯:୫୭-୬୨)

୧୮ ଜୀସୁ ତାନି ସାରିଞ୍ଜାକି ଲକୁଣି ମେସାନା, ସୀସୁୟାଁଇଁ ସାମ୍ତୁରି ଆତାଲା ହାଜାଲି ହୁକୁମି ହୀଚେସି ।

୧୯ ର ମେରା ଜାପୁନାସି ଖାହାନା ଜୀସୁଇଁ ଏଲେଇଚେସି, “ଗୁରୁ, ନାନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଖାଇଁ ।”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାଁକି ଡୟିନି ପାଞ୍ଜୁୟାଁ ମାନୁ, ହାଗୁ ଲାକ ଉମ୍ବିନି ପଗାୟାଁକି ବାସାଟାୟୁ ମାନେ, ସାମା ମାଣସି ମୀରଏଣାକି ତାୟୁଁ ଚୁନଟ୍ତହାଲି ବାସାଟାୟୁ ହିଲେଏ ।”

୨୧ ଇଞ୍ଜା ସୀସୁୟାଁ ବିତ୍ରାଟି ଅଡ଼େ ରଅସି ଜୀସୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଇଁ ମାହଣିଣା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଟ ଖାମୁ, ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହୁଦୁ ।”

ଜୀସୁ ଗାଲି ପିୟୁ ସାପି କିନାୟି

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଚାଲିଏ ସୀସୁୟାଁ ତାନି ଜେଟ ହାଚେରି ।

୨୪ ଅଡ଼େ ମେହୁଦୁ ଦେବୁଣିଏ ସାମ୍ତୁରିତା କାଜା ଗାଲି ଆଡେ, ଇଞ୍ଜା ତଂଗ ଏୟୁତା ମୁଞ୍ଜାଲି ମାଟ୍ତହେ, ସାମା ଜୀସୁ ତଂଗତା ତୁରାମାଚେସି ।

୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକହାନା ଏଲେଇଚେରି, “ପ୍ରବୁ, ମାଙ୍ଗ ଗେଲପାମୁ, ଆଆଡ଼ିଁ ମାୟୁ ହାହିମାନମି ।”

୨୬ ଜୀସୁ ଏଞ୍ଜାଣାଇଁ ଏଲେଇଚେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଙ୍ଗାନା ଗାଲି ଅଡ଼େ ଖାଡ଼ିମାଟି ସାମ୍ତୁରିତି ଦାକା ହୀଚେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେଡ଼ି ମାଣସି ? ଗାଲି ଅଡ଼େ ସାମ୍ତୁରି ଜିକେଏ ଇଞ୍ଜାଣି ହାଡ଼ା ମାନୁଞ୍ଜି ଆହିମାନେ ।”

ବୁଡୁ ଆଲଗାମାଟି ରିଆରାଇଁ ଜୀସୁ ନେହୁଁ କିନାୟି

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍ତୁରି ଆତାଲାଞ୍ଜାକିଟି ଗଦରିୟ ନାୟକାଣାଁ ଏଗାହାଜାଲିଏ ରୀ ବୁଡୁୟାଁ ଆଲଗା ମାଟାରି ମାଡ଼ହା ମୁହନି ଚାୟୁଟି ଖାହାନା ଜୀସୁ ବେଟାଆଡେରି, ଏଞ୍ଜାରି ଇଲେତି ଆଜିହପେତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହଲ୍ଲାଆଡେରି ।

୨୯ ଇଞ୍ଜା ମେହୁଦୁ ଏଞ୍ଜାରି କିରଡ଼ିହୁଁ ଏଲେଇଚେରି, “ଏ ମାହାପୁରୁ ମୀରଏଣାତି ! ନୀ ତଲେ ନାଙ୍ଗେ ଏନାୟି ମାନେ ? ମା ବେଲା ଖାଆନେଏ ମାଙ୍ଗେ କସ୍ତୁ ହିୟାଲି ଇମ୍ବାଆଁ ଖାଡ଼ିକି ?”

\* ଟ:୧୧ ଲୁକ ୧୩:୨୯ \* ଟ:୧୨ ମାତି ୨୨:୧୩; ୨୫:୩୦; ଲୁକ ୧୩:୨୮

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟାଁମାତୁ ।

୩୧ ଏ ଲକୁ ବିତ୍ରାତି ବୃତୁୟାଁ ଜୀସୁଇଁ ବାତିମାଲିହିଁ ଏଲେଇଚୁ, “ମାଜେ ପେର୍ହାଦି ଇଚିହିଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାଜୁ ।” ବୃତୁୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍ଦା ବିତ୍ରା ହଚୁ; ଏ ପାଜିୟାଁ ହରୁ କାଡ଼ଦିଟି ଦାବ୍ଡ଼ି ହଚାନା ଦାରିତି ସାମ୍ବୁରିତା ମେଦାନା ହାହାହାଚୁ ।

୩୩ ପାଜିୟାଁ ମେଟିମାଟି ଗଡ଼କା ହଚିହିଁ ହାଜାନା ଗାଡ଼ାତା ବାରେ କାବୁ ଇଞ୍ଜା ବୃତୁୟାଁ ଆଲ୍‌ଗା ମାଚାରି ଏନି ଆଡେତରି ଏ ବାରେ ହାଡ଼ା ଖେସ୍ତେରି ।

୩୪ ଅଡେ ନାସ୍‌କାତି ବାରେ ଲକୁ ଜୀସୁଇଁ ମେସାଲି ଖାଡେତରି, ଇଞ୍ଜା ଜୀସୁଇଁ ମେସାନା ତାନି ହାଦିଟି ହାଜାଲି ବାତିମାଲିଚେରି ।



**ଜୀସୁ ର ଚଟଞ୍ଜାୟିତି ଲକୁଇଁ ନେହିଁକିନାୟି**

(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ଡ଼ଗତା ହଚାନା ସାମ୍ବୁରି ଗାଣ୍ଡାହାଁ ତାନୁ ବାସାଆହାମାନି ଗାଡ଼ାତା ଖାଡେତସି ।

୨ ଅଡେ ମେହ୍‌ଦୁ କାଚେଲିତା ତୁରାମାଟି ର ଚଟଞ୍ଜାୟିତି ଲକୁଇଁ ଡେକାନା ତାନି ତାଣା ତାଡେତରି, ଇଞ୍ଜା ଏଞ୍ଜାରି ନାମୁ ମେସାନା ଜୀସୁ ଏ ଚଟ ଞ୍ଜାୟିତାଣାଇଁ ଏଲେଇଚେସି, “ଏ ମୀର୍‌ଏଣା, ସାସା ଆହ୍‌ମୁ ନୀ ପାପୁ ବାରେ ମେଣ୍‌କାହାଚେ ।”

୩ ଏଚେକା ମେରା ଜାପୁନାରି ଇ ହାଡ଼ା ଖେଞ୍ଜାନା ଏଞ୍ଜାରି ଖେସ୍‌ପି ଆଡେତରି, “ଇ ମାଣ୍‌ସି ମାହାପୁରୁଇଁ ନିନ୍ଦା କିହିମାନେସି ।”

୪ ଜୀସୁ ଏଞ୍ଜାରି ମନତି ହାଡ଼ା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍‌ପୁ ଅଣ୍‌ପିମାଞ୍ଜେରି ?

୫ ଇଚିହିଁ ଏନାଆଁ ଇନାୟି ଉସାସା, ନୀ ପାପୁ ମେଣ୍‌କାହାଚେ, ଆଆତ୍‌ ନିଞ୍ଜାନା ତାକାମୁ ?

୬ ସାମା ଦାର୍‌ତିତି ପାପୁ ମ୍ବେକ୍‌ହାଲି ତାକି ମାଣ୍‌ସି ମୀର୍‌ଏଣାକି ଅଦିକାରା ମାନେ, ଇଦାଆଁ ଏନିକ୍‌ ପୁଞ୍ଜାଲି ଆଡିନେରି,” ଏଦାଆଁତାକି ଜୀସୁ ଚଟ ଞ୍ଜାୟିତାଣାଇଁ ଏଲେଇଚେସି, “ନିଞ୍ଜାମୁ ନୀ କାଚେଲି ଡେକାନା ଇଜ ହାଲାନୁ ।”

୭ ଏମ୍ବାଟିଏ ଏଞ୍ଜାସି ନିଞ୍ଜାନା ତାନି ଇଜ ହାଚେସି ।

୮ ଇଦାଆଁ ମେସାନା ଲକୁ ଆଜିଚେରି, ଅଡେ ଆମିନି ମାହାପୁରୁ ମାଣ୍‌ସିୟାଁକି ଇଲେତି ଅଦିକାରା ହାହାମାନେସି ଇଞ୍ଜିହିଁ ଏ ମାହାପୁରୁତି ଗାଞ୍ଜୁରିନି କିଚେରି ।

**ଜୀସୁ ମାତିୟୁଇଁ ହାଡ଼ିନାୟି**

(ମାର୍କ ୨:୧୩-୧୬; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହିଁ ମାତିୟୁ ଦରୁଗାଟି ର ସିସୁ ରୁାହ୍‌ନାସି ତାନି ସିସୁ ରୁାହ୍‌ନି ଟାୟୁତା କୁଗାମାନାଣି ମେସାନା ହାଚାନା ଏଲେଇଚେସି, “ନା ଜେଚ ଖାମୁ ।”

ଏମ୍ବାଟିଏ ମାତିୟୁ ନିଞ୍ଜାନା ତାନି ଜେଚ ହାଚେସି ।

୧୦ ଈଞ୍ଜା ଜୀସୁ ମାତିୟୁ ଇଜ ତାନି ବେଲା ଏଚେକା ସିସୁ ରୁାହ୍‌ନାରି ଅଡେ ପାପୁଗାଟି ଲକୁ ତାନି ସୀସୁୟାଁ ତଲେ ତିଞ୍ଜାଲି କୁଗିଚେରି ।

୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେରି, “ମୀ ଗୁରୁ ଏନାଆଁତାକି ସିସୁ ରୁାହ୍‌ନାରି ଅଡେ ପାପୁ ଗାଗାରି ତଲେ ତିଞ୍ଜି ମାନେସି ।”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହିଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ ।

୧୩ ଈଦାଆଁତାକି ମୀରୁ ହାଜାନା ଇଦାନି କାତା ଜାପାପୁ, ସାମା ପୂଜା ହାନାୟି ଲଡ଼ାଆଏ, ସାମା ଲକୁଣି କାର୍‌ମାମେହ୍‌ନାୟି ନେହେଁ; ଇଚିହିଁ ନାନୁ ଦାମ୍‌ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଚାଲି ଖାହାମାଇଁ ।”

**ଉପାସା କିନାଣି ଖେନାୟି**

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ\* ହାନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମାମୁ ଅଡେ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ଡ଼ୟିନି ପାଡେକା ବୀହା ଲକୁ ଦୁକୁ ଆଅରି, ସାମା ଦିନା ଖାନେ, ଏଚିବେଲା ବୀହା ହନେଣାଇଁ ଅନେରି, ଏଚିବେଲା ଏଞ୍ଜାରି ଉପାସା କିନେରି ।”

୧୬ “ଆମ୍ବାଆସି ପୁଞ୍ଜଇ ହିମ୍ବିରିତା ପୁଞ୍ଜି ପାସକି ତାଚଅସି, ଏନାଆଁତାକି ଇଚିହିଁ ଏ ପାସକି ପୁଞ୍ଜଇ ହିମ୍ବିରିତି ଗେସାଅନେ, ଇଞ୍ଜା ଏଡ଼ି ହାରେକା କାଜାୟି ଆହିଁ ଗେଞ୍ଜିନେ ।

୧୭ ଅଡେ ଲକୁ ପୁଞ୍ଜି ଅଞ୍ଜୁରି ରାସା ପୁଞ୍ଜଇ ଡକାତା† ଇଚଅରି; ଇଚିହିଁ ଏ ଡକା ଡାୟାହାନେ ଅଞ୍ଜୁରି ରାସା ବହାହାନେ, ସାମା ପୁଞ୍ଜି ଅଞ୍ଜୁରି ରାସା ପୁଞ୍ଜି ଡକାତା ଇଚିନେରି, ଆଡିହିଁ ଅଞ୍ଜୁରି ରାସା ଅଡେ ଡକା ନେହିଁ ଡ଼ୟିନେ ।”

**ର କାଜାଣି ମାଜା ଅଡେ ର ଇୟା ଜୀସୁ ହିମ୍ବିରି କୁଞ୍ଜୁ ଡାଗାନା ନେହିଁ ଆନାୟି**

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଜା ନୀଏଁ ହାହାହାଚେ, ସାମା ନୀନୁ ଖାହାନା ତାନି ଲାକ କେୟୁ ଇଚିତିହିଁ ଏଡ଼ି ନୀଡିନେ ।”

☆ ୯:୧୦ ଲୁକ ୧୫:୧,୨    ☆ ୯:୧୩ ମାତି ୧୨:୭    \* ୯:୧୪ ମୁଞ୍ଜିନାୟି    † ୯:୧୭ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସ୍ତା ରୁପୁ

୧୯ ଏମ୍ବାଟିଏ ଜୀସୁ ନିଜ୍ଞାନା ତାନି ସୀସୁୟାଁ ତଲେ ଏଞ୍ଜାଣି ଜେତ ହାଚେରି ।

୨୦ ଅଡେ ମେହଦୁ ବାର ବାର୍ଯା ପାତେକା ନେତେରି ଖାଜ୍ଜିନି ରଗଗାଟି ର ଇୟା ତାୟୁଖାକିଟି ଖାହାନା ଜୀସୁତି ହିମ୍ବୁରି କୁଜ୍ଜୁ ଡାଗିତେ ।

୨୧ ଇଚିହ୍ ଏ ଇୟା ମନତା ଅଣ୍ଡପିମାଚେ, “ଞ୍ଜାରଇ ତାନି ହିମ୍ବୁରି ଡାଗିତିହ୍ ନାନୁ ନେହ୍ ଆକ୍ ।”

୨୨ ସାମା ଜୀସୁ ଖେଣ୍ଡେ ତାୟୁଖାକି ସିନିକିହାନା ଏଲେଇଚେସି, “ମାଜ୍ଜା ସାସା ଆହ୍ମୁ, ନୀ ନାମୁ ନିଜ୍ଜେ ନେହ୍ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହ୍ ଆଡେ ।

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡି ଉକିନାରାଇଁ ଅଡେ ଡାହ୍ କାଲ୍ଡି ଆହିମାଟି ଲକୁଣି ମେସାନା ଏଲେଇଚେସି,

୨୪ ବାରେ ଇମ୍ବାଟି ପାଜାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକହେରି ।

୨୫ ସାମା ବାରେ ଲକୁ ପାଜାତା ହାଜାଲିଏ, ଜୀସୁ ଇଜ ବିତ୍ରା ହାଜାନା ପଦାନି କେୟୁ ଆସାନା ନିକହେସି ଅଡେ ଏ ଦେବୁଣିଏ ନିଜ୍ଜିତେ ।

୨୬ ଇଞ୍ଜା ଇ କାବୁ ଏ ଦେସାତି ସାରିଖାକି ଖେଜ୍ଜିତେ ।

**ଜୀସୁ ରିଆରି କାଣାୟାଁଇଁ ନେହ୍ କିନାୟି**

୨୭ ଜୀସୁ ଏମ୍ବାଟି ହାଜିମାଟି ବେଲତା ରିଆରି କାଣାୟାଁ କାଜା ରିୟାତଲେ ହାଟିହ୍ ଏଲେଇଚେରି, “ଏ ଦାଢୁଦ ମୀରଏଣାତି ମାଜ୍ଜା କାର୍ମା ମେସାମୁ ।”

୨୮ ଇଞ୍ଜା ଜୀସୁ ଇଲୁ ବିତ୍ରା ହଡାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଖାଡେରି, ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, ମାଜ୍ଜେ ନେହ୍ କିହାଲି ଆଡାନେସି ଇଞ୍ଜିଁ ମୀରୁ ନାମିମାଞ୍ଜେରି ?

ଏଞ୍ଜାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଞ୍ଜାରି କାଣ୍ଡକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜ୍ଜେତାକି ଆପେ ।”

୩୦ ଏଚେଟିଏ ଏଞ୍ଜାରି ମେସାଲି ଆଡିତେରି, ଅଡେ ଜୀସୁ ଏଞ୍ଜାରାଇଁ ଜାଣ୍ଡେ ହୁକୁମି ହାହାନା ଏଲେଇଚେସି, “ହେଣ୍ଡୁ ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଞ୍ଜାରି ପାଜାତା ହାଜାନା ଜୀସୁତି ହାଡ଼ା ଦେସାତି ସାରିଖାକି ଖେସ୍ତେରି ।

**ଜୀସୁ ର ଗୁଲାଇଁ ଜଲି କିତେସି**

୩୨ ଏଞ୍ଜାରି ହଡ଼ା ହାଜିମାଟାଟି ଲକୁ ର ଜଲାଲି ଆଡାଆଗାଟି ବୁଡୁ ଆଲଗା ମାଚାଣାଇଁ ଜୀସୁ ନକିତା ତାତେରି ।

୩୩ ଜୀସୁ ବୁଡୁଇଁ ପେରହା ପାଣ୍ଡିତି ଦେବୁଣିଏ ଏଞ୍ଜାସି ଜଲାଲି ଆଡିତେସି, ଏଚେଟିଏ ଲକୁ କାବାଆହାନା

ଏଲେଇଚେରି, “ଇସ୍ରାୟେଲ ଦେସାତା ମାମୁ ଇଲେଟି କାବାଆନି କାମା ଏଚେଲା ମେସାହିଲଆତମି ।”

୩୪ ଏଚିବେଲା ପାରୁସିୟାଁ ଖେଚେରି. ଏଞ୍ଜାରି ଏଲେଇଚେରି, “ଇଞ୍ଜାସି ବୁଡୁୟାଁ ପିସ୍ପି କିହିମାନେସି” ଏନାଆଁତାକି ଇଚିହ୍ ଏଞ୍ଜାସିକାଣି ସାଲ୍ଡି କିହିମାନି ବାଲ୍ଡପେନୁ ଏଞ୍ଜାଣାକି ବାଡୁୟୁ ହାହିମାନେ ଲାକା ଆଡିମାନେସି ।

୩୫ ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକୁତି କୁଟମି ଇଲକାଣାଁ ଜାପୁହିହ୍ ମାହାପୁରୁ ରାଜିତି ନେହ୍ କାବୁ ଖେସିହ୍ ବାରେଲେହେଁତି ରଗ ନଡେରି ଦୁକାଟି ନେହ୍ କିହିହ୍, ବାରେ ଗାଡ଼ାୟାଁ ଇଞ୍ଜା ନାସ୍କାଣାଁ ରେଜାଲି ମାଟହେସି ।

**ଲକୁତାକି ଜୀସୁତି କାର୍ମା**

୩୬ ଅଡେ ବାରେ ଲକୁଣି ମେସାନା ଏଞ୍ଜାସି କାର୍ମା ଆଡେସି, ଇଚିହ୍ ଏଞ୍ଜାରି ଗଡୁ ହିଲଆ ମେଣ୍ଡାୟାଁ ଲେହେଁ କାକୁଲିଟି ଇତାଲା ଆତାଲା ଆହିମାଚେରି ।

୩୭ ଏଚିବେଲା ଜୀସୁ ତାନି ସୀସୁୟାଁଇଁ ଏଲେଇଚେସି, “ପାଟି ହାଡ଼େକା ସାମା ଦାଃଆନାରି ଉଣା ଜାଣା ।

୩୮ ଏଦାଆଁତାକି ପାଟି ଜାଚାଲି, ଲକୁଣି ପାଣ୍ଡାଲିତାକି ଗୁଡିୟାତି ସାଞ୍ଜୁକାରିଇଁ ବାତିମାଲ୍ଲାଦୁ ।”

**୧୦**

**ବାରଜାଣା ସୀସୁୟାଁ**

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାନି ବାରଜାଣା ସୀସୁୟାଁଇଁ ତାଗେ ହାଟାନା ବୁଡୁୟାଁ ପିସ୍ପି କିହାଲି, ଇଞ୍ଜା ବାରେ ରଗ କସ୍ତୁଟି ନେହ୍ କିହାଲି ଏଞ୍ଜାରାକି ଅଦିକାରା ହାତେସି ।

୨ ଏ ବାରଜାଣା ପାଣ୍ଡିଆଡି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡେ ତାନି ତାୟି ଆହିୟ, ଜେବଦି ମୀରଏସି ଜାକୁବ ଅଡେ ତାନି ତାୟି ଜହନ.

୩ ପିଲିପ ଅଡେ ବାର୍ତଲମି, ତମା ଅଡେ ସିସୁ ରୀହନି ମାତିୟୁ, ଆଲେପି ମୀରଏସି ଜାକୁବ ଅଡେ ତଦିୟ,

୪ ଦେସାତି ଜୀସୁ ନନି ସିମନ ଅଡେ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିତେସି ।

**ବାରଜାଣା ସୀସୁୟାଁଇଁ ପାଣ୍ଡିନାୟି**

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାଟି ପାଣ୍ଡାନା ହୁକୁମି ହାହାଁ ଏଲେଇଚେସି, ମୀରୁ ଜୀହୁଦିଆଆତି ଲକୁତାଣା ହାଲଆଦୁ, ଅଡେ ଆମିନି ସମିରଣି ନାସ୍କାଣାଁ ହଡୁଆଦୁ,

୬ ସାମା ଜାଜ୍ଜାମାନି ମେଣ୍ଡାୟାଁ ଇଚିହ୍ ଇସ୍ରାୟେଲ ଲକୁତାଣା ହାଜୁ ।

୭ ଏଞ୍ଜାରିତାଣା ହାଜୁ ଅଡେ ଖେକଦୁ ଲାକପୁରୁ ରାଜି ଏଗାଞ୍ଜାହିମାନେ ।

☆ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ସିନଗର ☆ ୯:୩୬ ମାର୍କ ୬:୩୪ ☆ ୯:୩୭ ଲୁକ ୧୦:୨

୮ ଅଡ଼େ ନମେରି ଗାଟାରାଇଁ ନେହଁ କିଦୁ, ହାଡ଼ାରାଇଁ ନିକଦୁ, କାଜା ରଗ ଗାଟାରାଇଁ ନେହଁ କିଦୁ, ବୁଡୁୟାଇଁ ପେରଦୁ । ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ ।

୯ ମୀ ତଲେ ବାଂଗାରା ଖେଣ୍ଡି କି ଅଟଡ଼ିତା ଟାକାୟାଁ ଅଆଦୁ,

୧୦ \*ଅଡ଼େ ହାନାଟି ଲେଟା କଡ଼ିନି ମଣା, ରୀ ଜଡ଼ ସକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାହା ବେଟା ଆନେସି ।

୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ବାଟି ଖେଣ୍ଡାହାନି ପାତେକା ଏଞ୍ଜାଣି ଇଜ ଡ଼ୟାଦୁ ।

୧୨ ଅଡ଼େ ଇଜ ହଡ଼ନାଟି ଏଞ୍ଜାରାଇଁ ହିଡ଼ଡ଼ି ଜୀଞ୍ଜୁ ମିଜେ ଆୟାପେ ଇଞ୍ଜୁ;

୧୩ ଏଞ୍ଜାରି ଇଜତାରି ନେହାଁରି ଇଚିହଁ ଏଞ୍ଜାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଞ୍ଜାରି ନେହାଁରି ଆଆତଁ ମୀ ହିଡ଼ଡ଼ି ମିଜେ ଖେଣ୍ଡା ଖାପେ ।

୧୪ \*ଅଡ଼େ ଆମିନି ଇଲୁତାକି ନାସକାଣାଁ ମିଜା ଲକୁ ଅପଅରି, ମୀ କାତାତି ଖେନଅରି, ଏ ଇଲୁଟି କି ଏ ଗାଡ଼ାଟି ହଡ଼ାଖାନାଟି ମୀ କତାତି ଦୁଡ଼ି ହାଣହା କତାନା ଏ ଟାୟୁ ପିହଦୁ ।

୧୫ \*\*ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁତି ନୀହାଁୟି ଦିନାତା ଏ ଗାଡ଼ାତି ଡ଼ଣ୍ଡୁ କିହାଁ ସଦମ ଅଡ଼େ ଗମରା ଦେସାତି ଡ଼ଣ୍ଡୁ ଉଣା କିଞ୍ଜିଆନେ ।

**ଝାହିମାନି କସ୍ତୁ ଅଡ଼େ ନିନ୍ଦା**  
(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ \*ହେଣ୍ଡୁ ମେଣ୍ଡାୟାଁଣି କ୍ଷାଣିୟାଁ ବିତ୍ତା ପାଣ୍ଡିନିଲେହେଁ ନାନୁ ମିଜେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାରୁ ଲେହେଁ ବୁଦି ଗାଟାତେରି, ଅଡ଼େ ପାରୁଞ୍ଜା ପଟାଲେହେଁ କପା ହିଲାଆ ଗାଟାତେରି ଆଦୁ ।

୧୭ \*ସାମା ମାଣ୍ଡିୟାଁ ତାଣାଟି ଜାଗ୍ରାତା ଆହାନା ଡ଼ୟାଦୁ, ଏନାଆଁତାକି ଇଚିହଁ ଏଞ୍ଜାରି ମିଜେ ଆସାନା ନୀହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁଡ଼ି କୁଟମି ଇଲୁକାଣା\* ଏଞ୍ଜାରି ମିଜେ ସାଟୁଣି ତଲେ ଖେଡାନେରି,

୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲୁଞ୍ଜି କିନି ଲକୁତାଣା ଅହାନା ନୀହାଁୟି କିଞ୍ଜିଆଦେରି; ଏଡ଼ି ଏଞ୍ଜାରାକି ଅଡ଼େ ଜୀହୁଦିଆଆତି ଲକୁକି ମାହାପୁରୁତି ନେହଁ କାରୁ ଖେସାଲି ସାକି ଆନେ ।

୧୯ ସାମା ଏଚିବେଲା ଏଞ୍ଜାରି ମିଜେ ହେରପାନେରି, ମୀରୁ ନୀହାଁୟି ଆନିବେଲା ଏନାଆଁ ଜଲିଦେରି ଅଡ଼େ ଏନିକଁ ଜଲିଦେରି, ଏ କାତା ଅଣ୍ଡାପାଆଦୁ, ଇଚିହଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଜେ ଖେସ୍ତାନେସି ।

୨୦ । ଇଚିହଁ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଞ୍ଜୁ ମୀ ଗୁତି ହୀହାନା ହାଡ଼ା ଜଲିନେ, ଏଡ଼ି ଜଲିନାୟି ।

୨୧ \*ତାୟି ତାୟିଇଁ ଆବା ମୀରୁଏଣାଇଁ ପାୟାଲି ହେରପାନେସି, ମାସକା, ମୀରକା ଏଞ୍ଜାରି ତାମି ଇୟା ଆବା କପାଟି ହଡ଼ାନା, ଏଞ୍ଜାରାଇଁ ପାୟିନେରି ।

୨୨ \*ଅଡ଼େ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନି ପାତେକା ସାସା ତଲେ ମାନେସି ଏଞ୍ଜାସି ଗେଲୁପି ଆନେସି ।

୨୩ ସାମା ଏଞ୍ଜାରି ଏଚିବେଲା ର ଗାଡ଼ାତା ମିଜେ ନିନ୍ଦା କିୟାନେରି, ଏଚିବେଲା ଏଟକା ଗାଡ଼ାତା ହାଜୁ, ଇଚିହଁ ନାନୁ ମିଜେ ସାତା ଖେସିମାଞ୍ଜାଇଁ, ମୀରୁ ଇସ୍ତାୟେଲତି ବାରେ ଗାଡ଼ାୟାଁତା କାମା ରାପୁଆ ନକେଏ ମାଣ୍ଡିସି ମୀରୁଏସି ଖାନେସି ।

୨୪ \*“ସୀସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ ।

୨୫ \*ସୀସୁ ତାନି ଗୁରୁ ଅଡ଼େ ହଲେଏସି ତାନି ସାଞ୍ଜୁକାରି ଲେହେଁ ଆତିହଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁଡ଼ି ସାଞ୍ଜୁକାରିଇଁ ବାଲୁଜିବୁଲୁ ଇନେରି ଇଚିହଁ ଏଞ୍ଜାଣି ଇଲୁଡ଼ି ଲକୁବାକାଆଁ ହାରେକା ପଲୁଆ କାତା ଜଲିନେରି !”

**ଆମ୍ବାଆରାଇଁ ଆଜିନାୟି ?**  
(ଲୁକ ୧୨:୨-୭)

୨୬ \*ଏଦାଆଁତାକି ଲକୁଇଁ ଆଜାଆଦୁ; ଇଚିହଁ ଡ଼ଗୁମାନାୟି ଏନାୟିଞ୍ଜା ର ଦିନା ଡ଼ଞ୍ଜାଆନେ, ଏଲେକଁ ଡ଼ଞ୍ଜାଆଆନା ଡ଼ଗୁମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଟାୟି ଇଲେକଁ ଏନାୟି ଡ଼ଗୁ ହିଲେଏ ।

୨୭ ନାନୁ ମିଜା ଏନାଆଁ ଆନ୍ଦେରିତା ଖେସ୍ତାଇଁ ଏଦାଆଁ ଉଜେଡ଼ିତା ଖେହଦୁ, ଅଡ଼େ ଏନାଆଁ ଡ଼ଗୁମାନା ଖେଞ୍ଜେରି ଏଦାଆଁ ଇଲୁ ବୁଡ଼ିୟା ଲାକ ହଡ଼ାନା ଖେହଦୁ ।

୨୮ ଅଡ଼େ ଆମ୍ବାଆରି ଖାରଇ ଆଜାତି ପାୟିନେରି, ସାମା ଜୀଞ୍ଜୁତି ପାୟାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ; ସାମା ଆମ୍ବାଆସି ମୀ ଜୀଞ୍ଜୁ ଅଡ଼େ ଆଜା ବାରେତି ନକତା ନାସା କିହାଲି ଆଡ଼ିମାନେସି ଏଞ୍ଜାଣାଇଁ ଆଜାଦୁ ।

୨୯ ରୀ ଜେତା ପଟାୟାଁ ର କାନି ତାକି ପାରୁପି ଆଉ କି ? ଅଡ଼େ ମୀ ଲାକପୁରୁତି ଆବା ହେଲ ହୀଆତି ଏଞ୍ଜାସିକା ବିତ୍ତାଟି ରଣ୍ଡି ଜିକେଏ ଡ଼ଇ ଡ଼ରଗେଏ ।

୩୦ ସାମା ମୀ ତାୟୁଁ ତୁଁ ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ ।

୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟାଁ ତାଣାଟି ମୀ ଦାରା ହାରେକା ।”

\* ୧୦:୧୦ ୧କର ୯:୧୪; ୧ଡିମ ୫:୧୮    \* ୧୦:୧୪ କାମା ୧୩:୫୧    \* ୧୦:୧୫ ମାତି ୧୧:୨୪    \* ୧୦:୧୫ ଲୁକ ୧୦:୪-୧୨    \* ୧୦:୧୬ ଲୁକ ୧୦:୩  
\* ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧, ୧୨; ୨୧:୧୨-୧୫    \* ୧୦:୧୭ ସିନଗର    \* ୧୦:୨୧ ମାର୍କ ୧୩:୧୨; ଲୁକ ୨୧:୧୭    \* ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩    \* ୧୦:୨୪ ଲୁକ ୬:୪୦; ଜହ ୧୩:୧୭; ୧୫:୨୦    \* ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫    \* ୧୦:୨୬ ମାର୍କ ୪:୨୨; ଲୁକ ୮:୧୭



ଲକ୍ଷ୍ମୀ ନକିତା ଜୀବୁଇଁ ଝେକ୍‌ନାୟି  
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡ଼େ ଆମ୍ବାଆସି ଲକ୍ଷ୍ମୀ ନକିତା ନାଜେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ ।

୩୩ ✨ସାମା ଆମ୍ବାଆସି ଲକ୍ଷ୍ମୀ ନକିତା ନାଜେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

ହିଡ଼ଡ଼ି ପିସ୍‌ପେ କାଣ୍ଡା  
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରୁତିତା ହିଡ଼ଡ଼ି ହାହାଲି ଖାହାମାଲ୍ ଇଞ୍ଜିଁ ମନ କିଆଦୁ; ହିଡ଼ଡ଼ି ହାହାଲି ଖାଆନା, କାଣ୍ଡା ହାହାଲି ଖାହାମାଲ୍ ।

୩୫ ଇଚିହଁ ନାନୁ ଆବା କପାଟି ମାର୍‌ଏଶାଲ୍, ଅଡ଼େ ଇୟାନି କପାଟି ମାଜ୍‌ମା ଇଞ୍ଜା ପୟାନି କପାଟି କୁଡ଼ିୟାନି ଗଡ଼ହା କିହାଲି ଖାହାମାଲ୍ ।

୩୬ ଅଡ଼େ ମାଣ୍‌ସିତି ତାମି ଇଲୁତି ଲକ୍ଷ୍ମୀଏ ବାରେଜାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଝାସି ନା ସାସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଜ୍‌ମା କି ମାର୍‌ଏଶାଲ୍ ହାରେକା ଜୀଝୁ ନନେସି ଏଝାସି ନା ସାସୁ ଆୟାଲି ପାଡ଼ାଆଅସି ।

୩୮ ✨ଆମ୍ବାଆସି ନିଜେତି କୁସ ଡେକାନା ନା ଡେଚ ଝାଅସି, ଏଝାସି ନା ସାସୁ ଆୟାଲି ପାଡ଼ାଆଅସି ।

୩୯ ✨ଆମ୍ବାଆସି ନିଜେତି ଜୀଝୁ ନୀର୍‌ହା କଡ଼ିନେସି ଏଝାସି ହାନେସି, ଅଡ଼େ ଆମ୍ବାଆସି ନା ତାକି ନିଜେତି ଜୀଝୁ ହାନେସି, ଏଝାସି ନୀଡ଼ିନେସି ।”

ଦାନା ପାଣ୍‌ନାୟି  
(ମାର୍କ ୯:୪୧)

୪୦ ✨“ଆମ୍ବାଆସି ମିଜେ ଆବାନେସି, ଏଝାସି ନାଜେ ଆବାନେସି; ଆମ୍ବାଆସି ନାଜେ ଆବାନେସି, ଏଝାସି ନାଜେ ପାଣ୍ଡାତାଣାଲ୍ ଆବିନେସି ।

୪୧ ଆମ୍ବାଆସି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଲ୍, ମାହାପୁରୁ ବଲୁ ଝେହ୍‌ନାରି ଇଞ୍ଜିଁ ଆବିନେସି, ଏଝାସି ଏ ବଲୁ ଝେହ୍‌ନାରି ଦାନା ବେଟା ଆନେସି, ଅଡ଼େ ଆମ୍ବାଆସି କି ତୀରିଗାଟାରାଲ୍, ତୀରିଗାଟାସି ଇଞ୍ଜିଁ ଆବିନେସି ଏଝାସି ତୀରିଗାଟାରି ଦାନା ବେଟା ଆନେସି ।

୪୨ ଅଡ଼େ ଆମ୍ବାଆସି ନା ସାସୁୟାଁ ବିଡ଼ାଟି ରଅଣାଲ୍ ନା ସାସୁ ଇଞ୍ଜିଁ ଗିନାତା ଏୟୁ ଗସାଲି ହାନେସି, ନାନୁ ମିଜେ ସାତା ଝେସିମାଜ୍‌ଜାଲ୍, ଏଝାସି ତାନି ଦାନାତି ଜାକ୍‌ଅସି ।”

# ୧୧

ଜହନତି କାରୁ ହାନାରି  
(ଲୁକ ୭:୧୮-୩୫)

୧ ଜୀସୁ ତାନି ବାରେଜାଣା ସାସୁୟାଁଲ୍ ଇ ବାରେ ହେଲ ହାତି ତାୟୁ ଗାଲିଲି ଦାରିତା ମାନି ନାସୁକାଣାଁ ହାଜାନା ମାହାପୁରୁତି ହାଡ଼ା ଜାପ୍‌ହିହଁ ଝେସିହଁ ଏ ଟାୟୁଟି ହାଚେସି ।

୨ ଏଚିବେଲା ବାପ୍‌ସ୍ତୁଁ ହାନି ଜହନ କାୟିଦିତା ମାଜ୍‌ଜାନା କ୍ରୀସ୍ତତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସାସୁୟାଁଣି ଜୀସୁ ତାଣା ପାଣ୍ଡିତେସି ।

୩ ଏଝାରି ହାଜାନା ଜୀସୁଇଁ ଝେଚେରି, “ଆମିନି ଲକ୍ଷ୍ମୀ ଝାନେସି ଇଞ୍ଜିଁ ଜହନ ଝେସାମାଚେସି, ନାନୁ କି ଏଝାତି ? କି ଅଡ଼େ, ଆମ୍ବାଆରି ତାକି କାଟାନା ଡ଼ୟିନମି ?”

୪ ଜୀସୁ ଏଝାରାଲ୍ ଏଲେଇଚେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଝେହ୍‌ଦୁ ।

୫ କାଣାୟାଁ ମେସିମାନେରି, ସଟାୟାଁ ତାକି ମାନେରି, କାଜା ରଗା ଗାଟାରି ନେହଁ ଆହିମାନେରି, ବେରାୟାଁ ଝେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଜାଲା ଗାଟାରି ନେହଁ କାରୁ ଝେଞ୍ଜିମାନେରି;

୬ ନା ତାଣା ଆମ୍ବାଆରି ଆନାମାନା ଆଅରି ଏଝାରି ନେହେଁ ।”

୭ ଜହନତି ସାସୁୟାଁ ଝେଣ୍ଡାହାଜିମାଟି ବେଲା ଜୀସୁ ଲକ୍ଷ୍ମୀ ଜହନତି କାତା ଏଲେଇଚେସି, “ମୀରୁ ଲକ୍ଷ୍ମୀ ହିଲିଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଜିନି ତାଣ୍ଡି ଆକୁ ?

୮ ଏଦାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିତି ପାଡ଼ାଡ଼ା ହିମ୍‌ରି ହୁଟାମାନି ର ଲକ୍ଷ୍ମୀ ? ମେହ୍‌ଦୁ ଅଜିତି ହିମ୍‌ରି ହୁଟିତି ଲକ୍ଷ୍ମୀ ରାଜା ଗାଡ଼ାତା ଡ଼ୟିନେରି ।

୯ ଏଦାଆଁ ଆଆଡ଼ିଁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍‌ପୁତି ବଲୁ ଝେହ୍‌ନାଣାଲ୍ ? ନାନୁ ମିଜେ ସାତା ଝେସିମାଜ୍‌ଜାଲ୍, ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି କିହାଁ ହାରେକା କାଜାଣାଲ୍;

୧୦ ଇଚିହଁ ଏ ଜହନତି କାତା ରାସ୍‌କି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୁଡୁଇଁ ପାଣ୍ଡାଲ୍, ଏଝାସିଏ ଇ ମାଣ୍‌ସି ।

୧୧ ନାନୁ ମିଜେ ସାତା ଝେସିମାଜ୍‌ଜାଲ୍, ନୀଞ୍ଜୁ ପାଡେକା ଇ ଦାରୁତିତା ଏଚେକା ଜାର୍‌ନା ଆହାମାନେରି, ଏ ବାରେଜାଣା କିହାଁ ବାପ୍‌ସ୍ତୁଁ ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଝାସି ଜହନ କିହାଁ କାଜାସି ।

୧୨ ✨ବାପ୍‌ସ୍ତୁଁ ହାନି ଜହନତି କାତା ଝେହ୍‌ନି ଦିନାଟିଏ ନୀଞ୍ଜୁପାଡେକା ଲାକପୁରୁ ରାଜି ବାଡ଼ୁୟୁ ତଲେ ପାଡ଼ାଆହିମାନେ; ଇଞ୍ଜା ବାଡ଼ୁୟୁଟି ଆସାମାନାରି ଏଦାଆଁ ବେଟାଆହାଲି ଅଣ୍‌ପିମାନେରି ।

୧୩ ଇଚିହଁ ବାରେ ମସାତି ମେରାତା ଅଡ଼େ ମାହାପୁରୁ

✨ ୧୦:୩୩ ୨ଟିମ ୨:୧୨ ✨ ୧୦:୩୮ ମାତି ୧୭:୨୪; ମାର୍କ ୮:୩୫; ଲୁକ ୯:୨୩ ✨ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ ✨ ୧୦:୪୦ ଲୁକ ୧୦:୧୬; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ \* ୧୧:୨ ମୁଞ୍ଜିନାୟି † ୧୧:୧୧ ମୁଞ୍ଜିନାୟି ✨ ୧୧:୧୨ ଲୁକ ୧୨:୧୭ ‡ ୧୧:୧୨ ମୁଞ୍ଜିନାୟି

ଅଣ୍ଠପୁତ୍ର ବନ୍ଧୁ ଝେହ୍ନାରି ତାଣା ଜହନତି ଖାନି ଦିନା ପାତେକା ଝେସ୍ପି ଆହାମାଚେ ।

୧୪ \*ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ ମାଚିହି ଆମିନି ଏଲିୟ ଖାନାୟି ମାଚେ ଜହନଏ ଏଞ୍ଜାସି ।

୧୫ ଆମ୍ବାଆରି କୀର୍କା ମାନୁ ଏଞ୍ଜାସି ଝେଶ୍ମାସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଟା ମାଦି କୁଗାନା କାହି ଡୟିନି କକାରି ଲେହେଁ, ର ଗଚିତି କକାରି ଅର ଗଚିତି ଏଲେଇନେରି,

୧୭ ମାମ୍ବୁ ମୀ ନକିତା ପୀରୁଡ଼ି ଉକିତମି, ସାମା ମୀରୁ ଏନ୍ଦାଆତେରି; ମାମ୍ବୁ ଦୁକୁତି ପାରୁ ପାଚିତମି ସାମା ମୀରୁ ଡୀଆତେରି, ନୀର୍ବତି ଲକୁ ଏଲେତାରି ।

୧୮ ଇଚିହିଁ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇଁ ଏଲେଇଚେରି ବୁତୁ ଆଲଗାମାନାସି ।

୧୯ ସାମା ମାଣ୍ଡସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଞ୍ଜାସି ଚିଣ୍ଡିକାସୁ, କାଡ଼ବୁତୁ, ଏଞ୍ଜାସି ସିସୁ ରାହ୍ନାରି ଅଡ଼େ ପାପୁ ଗାଟାରି ତଣେଏସି; ସାମା ମାହାପୁରୁତି ବୁଦି ଏଞ୍ଜାଣି କାମାଚି ସାତା ଇଞ୍ଜାଁ ଝେଜିନେ ।”

**ନାମାଆଗାଟି ଗାଡ଼ାୟି**  
(ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଚି ଆହାମାଚେ, ଏ ଗାଡ଼ାତି ଲକୁ, ତାନି ପାପୁଚି ତାମା ମନ ଝେଟ୍ଟହା ହିଲ୍ୟାଆତେରି, ଇଞ୍ଜାଁ ଜୀସୁ ଏ ଗାଡ଼ାୟିତି ଲକୁଇଁ ଦାକା ହାହାନା ଏଲେଇଚେସି,

୨୧ ଆୟତା ଡଣ୍ଡ ପାଣ୍ଡିନି କରାଜିନ୍ ଅଡ଼େ ବେଡ଼ସାୟିଦା, ଏନାଆଁତାକି ଇଚିହିଁ ମୀ ତାଣା ଆମିନି ବାଡ଼ମୁତି କାମା କିଞ୍ଚିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଚି ଆହାମାଚିହିଁମା; ଏମ୍ବାତି ଲକୁ ଆଜ୍ଞାତା ବାସ୍ତାୟି ପରହାନା ଦାରମ୍ବତୁା କୁଗାନା ମନ ଝେଟ୍ଟହାଲି ଅଣ୍ଠପିତେରିମା

୨୨ ଆଡ଼ିଜିକେଏ ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ନୀହାୟି ଦିନାତା ମୀ ଡଣ୍ଡ କିହାଁ ସର ଅଡ଼େ ସିଦନତି ଡଣ୍ଡ ଅରହିନାୟି ଆନେ ।

୨୩ ଏ କପର୍ନାହୁମ, ନୀନୁ ଏନାଆଁ ଲାକପୁରୁ ପାତେକା ପାତାଆଦି ? ନୀନୁ ହାଡ଼ାରି ମାନି ରାଜିତା ଅଞ୍ଚିଆଦି, ନୀ ତାଣା ଆମିନି ବାଡ଼ମୁତି କାମା କିଞ୍ଚିଆହାମାନେ, ଏଦାଆଁ ସଦମତା କିଞ୍ଚିଆଡ଼ିହିଁମା, ଏ ଗାଡ଼ା ନୀଞ୍ଜୁପାତେକା ଡୟିତେମା ।

୨୪ \*ଆଡ଼ିଜିକେଏ ନାନୁ ମିଜେ ଝେସିମାଞ୍ଜାଇଁ “ମାହାପୁରୁତି ନୀହାୟି ଦିନାତା ମୀ ଡଣ୍ଡ କିହାଁ ସଦମ ଦେସାତି ଡଣ୍ଡ ଅରହିନାୟି ଆନେ ।”

**ନା ତାଣା ଖାହାନା ଜମାଦୁ**  
(ଲୁକ ୧୦:୨୧-୨୨)

୨୫ ଏ ବେଲାତା ଜୀସୁ ପ୍ରାଡ଼ାନା କିହିଁ ଏଲେଇଚେସି; “ଏ ଆବା, ଲାକପୁରୁ ଅଡ଼େ ଦାରତିତି ପ୍ରୁ, ଇ ବାରେ ହାଡ଼ା ନୀନୁ ବୁଦି ଅଡ଼େ ପୁନି ଲକୁତାଣାଟି ତୁକୁହା ଇଗାନା, ଇ ବାରେ କାତା ପୁନାଆଗାଟି ଲକୁତାଣା ତସିମାନାକି ନାନୁ ନିଜା ଜହରା କିହିମାଞ୍ଜାଇଁ ।

୨୬ ହାଅ ଆବା, ଇଦି ନୀ ନକିତା ରାହାଁତି କାତା ଆହିମାନେ ।”

୨୭ \*ନା ଆବା ନାଜେ ବାରେ ହାହାମାଞ୍ଜାନେସି, ଆବା ପିସପେ ଆମ୍ବାଆରି ମୀରୁଏଣାଇଁ ପୁନଅରି ଅଡ଼େ ମୀରୁଏଣା ପିସପେ ଆମ୍ବାଆରି ଆବାଇଁ ପୁନଅରି, ମୀରୁଏସି ଆମ୍ବାଆରି ତାଣା ତହ୍ନେସି ଏଞ୍ଜାସି ପୁନେସି ।”

୨୮ “ଏ ଖାହୁ ରାତା ଗାଟି ଲକୁ, ବାରେ ନା ତାଣା ଖାଦୁ, ନାନୁ ମିଜେ ଜମିକିୟାଇଁ ।

୨୯ ନା ଜୁଝେଡ଼ି ମୀ ବମିତା ଡେକାନା ନା ତାଣାଟି ଜାପାଦୁ, ଇଚିହିଁ ନାନୁ କପା କାରବି ହିଲ୍ୟାଆନା ସୁଦୁ ହିୟାଁ ଗାଟାଡେଏଁ, ଇଞ୍ଜାଁ ମୀରୁ ନା ତାଣାଟି ମୀ ଜୀଞ୍ଜୁତା ଜମିଦେରି;

୩୦ ଇଚିହିଁ ନା ଜୁଝେଡ଼ି ଡସାସା ଅଡ଼େ ବଜୁ ଡଣ୍ଡା ମାନେ ।”

**୧୨**

**ଜମିନି ଦିନାତି ମାନି**

(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡ଼ିୟାଟି ହାଜିମାଚେସି, ଇଞ୍ଜାଁ ତାନି ସୀସୁୟାଁ ହାକି ଆହାମାଚାକି ଗହଁ ଜେକା ତାପହାନା ତିଞ୍ଜାଲି ମାଟ୍‌ହେରି ।

୨ ସାମା ପାରୁସିୟାଁ ଏଦାଆଁ ମେସାନା ଜୀସୁଇଁ ଏଲେଇଚେରି, “ମେହ୍ମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ର ଦିନା ଦାଞ୍ଜୁଦ ଅଡ଼େ ତାନି ତଣେସିଜା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାସ୍ତେରିତା ପଡ଼ଞ୍ଚି ଆହାହିଲଅତେରି ?”

୪ ଏଞ୍ଜାସି ଏନିକିଁ ମାହାପୁରୁ ଇଲୁତା ହଡ଼ାନା ଆମିନି ମାହାପୁରୁକି ହେରପାମାନି ରୁଚି ପୂଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଞ୍ଜୁଦ ଅଡ଼େ ତାନି ତଣେସିଜା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି ତିଚେରି ।

୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିଡ଼ା ପୂଜେରାଜା ମେରା ଡରିତି ଜିକେଏ ଦହ୍‌ଗାଟାରି ଆଅରି, ମୀରୁ ଏନି ଏଦାଆଁ ପଡ଼ଞ୍ଚି ଆହାହିଲଅତେରି କି ?

୬ ସାମା ନାନୁ ମିଜେ ସାତା ଝେସିମାଞ୍ଜାଇଁ, ଇ ଗାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ବାଆଁ ମାନେ ।

୭ \*ସାସ୍ତେରି ଝେସିମାନେ, ସାମା ପୂଜା ହାନାୟି ଲଡ଼ାଆଏ, ସାମା ଲକୁଣି କାର୍ମାମେହ୍ନାୟି ନେହେଁ, ଇଦାଣି

☆ ୧୧:୧୪ ମାତୃ ୧୭:୧୦-୧୩; ମାର୍କ ୯:୧୧-୧୩ ☆ ୧୧:୨୪ ମାତୃ ୧୦:୧୫; ଲୁକ ୧୦:୧୨ ☆ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫ ☆ ୧୨:୭ ମାତୃ ୯:୧୩

କାତା ମୀରୁ ପୁଞ୍ଜାମାଟିହୁଁମା ଇ ଦହ ହିଲାଆ ଗାଟାଣାଇଁ  
ଦହ କିଆତେରିମା;

୮ ଇତିହୁଁ ମାଣ୍ଠିସି ମୀରୁଏସି ଜମିନି ଦିନାତି ପ୍ରବୁ  
ଆନେସି ।”

ୱାୟିତି କେୟୁଗାଟାସି ନେହୁଁ ଆନାୟି  
(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁତି କୁଟମି ଇଲୁତା\*  
ହାରେସି ।

୧୦ ଅଡ଼େ ମେହୁଦୁ ଏମ୍ବାଆଁ ରଅସି ମାରେସି, ଏଝାଣି ର  
କେୟୁ ୱାୟାହାଜାମାରେ, ଜୀସୁଇଁ ଦହ ଆସାଲି ଏତେକା  
ଲକୁ ଏମ୍ବାଆଁ କାଟାମାରେରି, ଏଝାରି ଜୀସୁଇଁ ୱେରେରି,  
“ଜମିନି ଦିନାତା ନେହୁଁ କିନାୟି ମେରା ମାନେକି ?”

୧୧ \*ସାମା ଜୀସୁ ଏଝାରାଇଁ ଏଲେଇରେସି, “ମୀ ବିତ୍ରା  
ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ  
ମେଣ୍ଡା ଗାଡ଼ୟୁତା ତରଗିନେ, ଇଞ୍ଜା ଆମ୍ବାଆସି ଏଦାନି  
ନିକ୍‌ଅସି, ଇଲେତି ଲକୁ ଆମ୍ବାଆସି ମୀ ବିତ୍ରା ମାନେସି ?

୧୨ ଆତିହୁଁ ର ମେଣ୍ଡାତି ଦାରା କିହାଁ ମାଣ୍ଠିସିତି ଦାରା  
ହାରେକା । ଏଦାଆଁତାକି ଜମିନି ଦିନାତା ନେହୁଁ କାମା  
କିନାୟି ମେରାତି କାମା ।”

୧୩ ଏତିବେଲା ଏଝାସି କେୟୁ ୱାୟିତାଣାଇଁ  
ଏଲେଇରେସି, “କେୟୁ ଦାହୁମୁ ।”

ଇଞ୍ଜା ଏଝାସି ଏ କେୟୁ ଦାହୁସିସି ଏମ୍ବାଟିଏ ଏ କେୟୁ ଅର୍  
କେୟୁଲେହେଁ ନେହୁଁ ଆଡ଼େ ।

୧୪ ସାମା ପାରୁସିୟାଁ ପାଙ୍ଗାତା ହାଜାନା ଜୀସୁଇଁ ପାୟାଲି  
ଏଝାଣି କପାଟି ପାରୁ ପାରାତେରି ।

ମାହାପୁରୁ ଆଟାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଟକା ଆହାନା  
ହଚାହାରେସି, ଇଞ୍ଜା ହାରେକା ଲକୁ ତାନି ଜ୍ଞେଚ ହାରେରି,  
ଅଡ଼େ ଏଝାସି ବାରେଜାଣାତି ରଗଟି ନେହୁଁ କିତେସି ।

୧୬ ଇଞ୍ଜା ତାଙ୍ଗେ ଲକୁଇଁ ୱେକ୍‌ଆଦୁ ଇଞ୍ଜୁଁ ହୁକୁମି  
ହୀତେସି ।

୧୭ ଏନିକିହୁଁ ମାହାପୁରୁ ଅଣ୍ଡପୁତି ବଲୁ ୱେହୁନି  
ଜିସାୟତି କାତା ସାତା ଆନେ,

୧୮ “ମେହୁଦୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ;  
ଏଝାସି ନା ଜୀସୁତି ମୀରୁଏସି, ଆମ୍ବାଆରିତାଣା ନା  
ହାରେକା ରାହାଁ ମାନେ;

ନାନୁ ଏଝାଣିଲାକ ନା ସୁଦୁଜୀସୁ ହାଇଁ,  
ଅଡ଼େ ଏଝାସି ଜୀହୁଦିଆଆତି ଲକୁତାଣା ନୀହାୟିତି  
କାତା ୱେକନେସି ।

୧୯ ଏଝାସି ଗଡ଼ହା କିଅସିକି କାଲୁଝି ଆଅସି,  
ଇଞ୍ଜା ଆଂଗେଣିତା ଏଝାଣି ହାଡ଼ା ଆମ୍ବାଆରି ୱେନଅରି  
।

୨୦ ନୀହାୟିତା ଜୀଣା ଆଆପାତେକା,  
ଏଝାସି ୱାୟିତି ତାଣ୍ଡିତି ଡିକ୍‌ଅସି

ବୟୁଁ ଆହୁଁ ତାଞ୍ଜିମାନି ଦୀଞ୍ଜିତି ତୁପଅସି ।

୨୧ ଅଡ଼େ ଏଝାଣି ଦରୁତା ଜୀହୁଦିଆଆତି ଲକୁ ବାର୍ସୁ  
ଇଟିନେରି ।”

ଜୀସୁ ଅଡ଼େ ବାଲୁଜିବୁଲୁ ବୁଡୁ  
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁଡୁ ଆଲୁଗାମାଟି ର କାଣାଇଁ ତାତେରି  
ଏଝାଣାଇଁ ବୁଡୁ ଆଲୁଗା ମାଟାକି ଗୁଲା ଆହାମାରେସି । ଜୀସୁ  
ଏଝାଣାଇଁ ନେହୁଁ କିତେସି; ଇଞ୍ଜା ଏଝାସି ମେସାଲି ଅଡ଼େ  
ଜଲାଇଁ ଆଡ଼ିତେସି ।

୨୩ ଇଞ୍ଜା ଲକୁ ବାରେ କାବାଆହାନା ଏଲେଇରେରି,  
“ଇଝାସି ଏନାଆଁ ଏ ଦାସୁଦ କୁଡ଼ାତାସି ଆଏକି ?”

୨୪ \*ପାରୁସିୟାଁ ଇ କାତା ୱେଞ୍ଜାନା ଏଲେଇରେରି, ଇ  
ମାଣ୍ଠିସି ବୁଡୁୟାଁ କିହାଁ କାଜା ବାଲୁଜିବୁଲୁ ବୁଡୁ ହିଲାଆନା  
ବୁଡୁୟାଁ ପେରଅସି ।

୨୫ ସାମା ଜୀସୁ ପାରୁସିୟାଁ ମନତି ଅଣ୍ଡପୁ ପୁଞ୍ଜାନା  
ଏଝାରାଇଁ ଏଲେଇରେସି, “ର ରାଜି ତାନୁ ତାନୁଏ ଆସପି  
ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ  
ତୀରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଇଲୁ  
କୁଟମି ତାମୁତାମୁସୁ ଆସପି ଆହାନା ବାଗା ଆଡ଼ିସାରେ  
ତୀରିତଲେ ମାଞ୍ଜାଲି ଆଡ଼େଏ ।

୨୬ ଇଞ୍ଜା ସୟତାନ ସୟତାନଇଁ ପିସପି କିନେ ଆତିହୁଁ  
ଏଦି ବାଗା ଆହାନା ତାନି କପାଟି ନିକ୍‌ତେୟିଏ, ଆତିହୁଁ  
ଏଦାନି ରାଜି ଏନିକିଁ ତୀରିଆହାଁ ତୟିନେ ?

୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁଡୁୟାଁ  
ବାଲୁଜିବୁଲୁ ତଲେ ବୁଡୁୟାଁ ପିସପି କିହମାଇଁ, ଆତିହୁଁ ମୀ  
ମୀରୁକା ଆମ୍ବାଆରି ବାଡ଼ୟୁ ତଲେ ବୁଡୁୟାଁ ପେରନେରି ।  
ଇଦାଆଁତାକି ଏଝାରିଏ ମୀ ନୀହାୟି କିୟାନାରି ଆନେରି ।

୨୮ ସାମା ନାନୁ ମାହାପୁରୁ ଜୀସୁତି ବାଡ଼ୟୁ ତଲେ ବୁଡୁୟାଁ  
ପେରହି ମାଇଁ, ଆତିହୁଁ ମାହାପୁରୁତି ରାଜି ମୀ ତାଣା  
ଏଦାତେୟିଏ ।”

୨୯ “ଇଞ୍ଜା ଆମ୍ବାଆସି ର ବାଡ଼ୟୁଗାଟି ଲକୁଇଁ ତଲିଏ  
ଦହଆନା, ଏନିକିହୁଁ ଏଝାଣି ଇଜ ହତାନା ତାନି ଇଲୁ  
କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଇଁ ତଲିଏ  
ଦସିହୁଁ ଦେ ଏଝାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି  
।”

୩୦ \*“ଆମ୍ବାଆସି ନା ୱାକିଟି ଆଆଗାଟାସି, ଏଝାସି ନା  
ସାଡୁ, ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି  
ଆଲାରା କିନେସି ।

୩୧ ଇଦାଆଁତାକି ନାନୁ ମିଙ୍ଗେ ୱେସିମାଞ୍ଜାଇଁ, ମାଣ୍ଠିସି  
ଲକୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି  
ନିନ୍ଦା କାତା ଜଲୁମାନାଣି ମ୍ଲେକହା ତୁସପିଆନେ, ସାମା  
ମାହାପୁରୁତି ସୁଦୁଜୀସୁ ଦରୁତଲେ ଜଲିନାଣା ପାପୁ ମେଣ୍ଡାକି  
କିଞ୍ଜିଆଏ ।

୩୨ \*ଅଡ଼େ ଆମ୍ବାଆସି ମାଣ୍ଠିସି ମୀରୁଏଣା କପାଟି  
ଜଲିନେସି, ଏଝାଣି ପାପୁ ମେଣ୍ଡାକି କିଞ୍ଜିଆନେ, ସାମା  
ଆମ୍ବାଆସି ମାହାପୁରୁତି ସୁଦୁଜୀସୁତି କପାଟି ଜଲିନେସି, ଇ

\* ୧୨:୯ ସିନଗର    ✪ ୧୨:୧୧ ଲୁକ ୧୪:୫    ✪ ୧୨:୨୪ ମାତି ୯:୩୪; ୧୦:୨୫    ✪ ୧୨:୩୦ ମାର୍କ ୯:୪୦    ✪ ୧୨:୩୨ ଲୁକ ୧୨:୧୦

କାଲୀତା କି ତାମ୍ଭୁ କାଲୀତା ଜିକେଏ ଏଞ୍ଜାଣି ପାପୁ ମେଣ୍ଟିକି କିଞ୍ଚିଆଏ ।”

**ମାର୍ନୁ ଅଡ଼େ ତାନି ପାଡ଼େୟି**  
(ଲୁକ ୭:୪୩-୪୫)

୩୩ ✨“ମାର୍ନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତ୍ ମାର୍ନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇଚିହ୍ ପାଡ଼େୟି ତଲେ ମାର୍ନୁତି ପୁଣ୍ଟି ଆନେ ।

୩୪ ✨ଆଡ଼େ ରାସ୍ତାକୁ କୁଡ଼ାତେରି, ମାରୁ ପଲ୍ଲୁଆ ଗାଟାତେରି ଆହ୍ ଏନିକ୍ ମାରୁ ନେହ୍ ହାଡ଼ା ଖେସାଲି ଆଡ଼ିଦେରି ? ଇଚିହ୍ ହିୟାତା ମାନି କାତା ଗୁଡ଼ି ଜଲ୍ଲିମାନେ ।

୩୫ ନେହ୍ ଲକୁ ନେହ୍ ମନ ବିତ୍ରାଟି ନେହ୍ କାତା ହପ୍ନେସି, ଇଞ୍ଜା ପଲ୍ଲୁଆ ଗାଟାସି ପଲ୍ଲୁଆ ମନ ବିତ୍ରାଟି ପଲ୍ଲୁଆ କାତା ହପ୍ନେସି ।”

୩୬ “ସାମା ନାନୁ ମିଙ୍ଗେ ସାତା ଖେସିମାଞ୍ଜାଲ୍, ବାରେଜାଣା ତାମ୍ଭୁ ଖେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ବାତି କାତା ଜଲ୍ଲିନେରି;

୩୭ ଇଦାଆତାକି ମୀ ଗୁଡ଼ିତି ହାଡ଼ାତଲେ ନାହାୟି ଦିନାତା ମାରୁ ଦହ ଗାଟାତେରି ଅଡ଼େ ଦହ ହିଲ୍ଲୀଆଗାଟାତେରି ଆଡ଼େରି ।”

**ସିନା ପାରିନାୟି**  
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ✨ଏଚିବେଲା ମେରା ପୁନାରି ଅଡ଼େ ପାରୁସିୟା ବିତ୍ରାଟି ଏଚରଜାଣା ଜୀସୁଇଁ ଏଲେଇଚେସି, “ଗୁରୁ, ମାମ୍ଭୁ ନୀ ତାଣାଟି ର କାବାଆନି ସିନା ମେସାଲି ଅଣପିମାନମି ।”

୩୯ ✨ସାମା ଜୀସୁ ଏଞ୍ଜାରାଲ୍ ଏଲେଇଚେସି, “ପଲ୍ଲୁଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟା ପାରିନେରି, ସାମା ମାହାପୁରୁ ଅଣପୁତି ବଲ୍ଲୁ ଖେହ୍ନି ଜୁନସତି ସିନା ପିସପେ ଏଞ୍ଜାରାକି ଏନି ସିନା ହାପୁକି ଆଏ ।

୪୦ ଇଚିହ୍ ଜୁନସ ଏନିକ୍ ତାନିଦିନା ତାନି ଲାଆୟା କାଜା ମାନୁ ବାଣ୍ଟି ବିତ୍ରା ମାଚେସି, ଏଲେକ୍ ମାଣସି ମାରୁଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆୟା ଡ଼ୟିନେସି ।

୪୧ ନାହାୟି ଦିନାତା ନିନିବିତି ଲକୁ ଇ କାଲ୍ଲାତି ଲକୁ ନକିତା ନିଚାନା ଏଞ୍ଜାରାଲ୍ ଦହ କିନେରି, ଇଚିହ୍ ଏଞ୍ଜାରି ଜୁନସ ଖେସ୍ତି କାତା ଆସାନା ପାପୁତି ମନ ଖେବହା ମାଚେରି, ଅଡ଼େ ମେହ୍ଦୁ ଜୁନସକିହା କାଜାସି ଇମ୍ବାଆଁ ମାନେସି ।

୪୨ ନାହାୟି ଦିନାତା ସିବା ଦେସାତି ରାଣି ଇ କାଲ୍ଲାତି ଲକୁ ନକିତା ନିଚାନା ଏଞ୍ଜାରାଲ୍ ଦହ କିନେ, ଇଚିହ୍ ସଲମନତି ବୁଦିତିକାତା ଖେଞ୍ଜାଲି ଦାର୍ଡିତି ହେକ ଦେସାଟି ଖାହାମାଚେ, ଇଞ୍ଜା ମେହ୍ଦୁ ସଲମନକିହା କାଜା କାତା ଇମ୍ବାଆଁ ମାନେ ।”

**ଲାଗେଏ ପଲେଏତି ବୁଡୁ ଖେଣ୍ଟାଖାନାୟି**  
(ଲୁକ ୧୧:୨୪-୨୬)

୪୩ “ର ପଲ୍ଲୁଆ ବୁଡୁ ର ମାଣସି ତାଣାଟି ହଡ଼ା ହାଜାନା ଏୟୁ ହିଲ୍ଲୀଆ ଟାୟୁ ବାରେ ରେଜିହ୍ ଜମାଲି ଟାୟୁ ପାରାତେ, ଇଞ୍ଜା ଏଦାଆଁ ପୁଞ୍ଜାଆତେ,

୪୪ ଏଚେଟିଏ ଏଡ଼ି ଏଲେଇନେ, ନାନୁ ଆମିନି ଇଲ୍ଲୁଟି ହଡ଼ା ଖାହାମାଲ୍, ନା ଏ ଇଲ୍ଲୁତା ଖେଣ୍ଟେ ହାଲ୍; ଇଞ୍ଜା ଖେଣ୍ଟା ଖାହାନା ଖାରୁଆଣି ଇଞ୍ଜା ଅଜିତାଣି ମେହ୍ନେ ।

୪୫ ଏଚିବେଲା ଏଡ଼ି ହାଜାନା ତାନିକିହା ଆଗାତା ପଲ୍ଲୁଆଗାଟି ସାତାଗଟା ଜୀସୁୟା ଆସାନା ଖାନେ, ଇଞ୍ଜା ଏଞ୍ଜି ବାରେ ଏମ୍ବାଆଁ ହଡ଼ାନା ବାସା କିନୁ, ଅଡ଼େ ଏ ଲକୁତି ତଲିତି କସ୍ତ କିହା ତାୟୁତି କସ୍ତ ହାରେକା ଆନେ, ଇ କାଲ୍ଲାତି ପଲ୍ଲୁଆ ଗାଟାରାକି ଜିକେଏ ଏଲେଆହ୍ ଏ ଆନେ ।”

**ଜୀସୁତି ଇୟା ଅଡ଼େ ତାୟିୟା**  
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡ଼ା ଆହିମାଚାଟି ତାମି ଇୟା ଅଡ଼େ ତାୟିୟା ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାରୁ ।

୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହ୍ଦୁ, ମୀ ଇୟା ଅଡ଼େ ନୀ ତାୟିୟା ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାନେରି ।”

୪୮ ସାମା ଇ କାତା ଖେସ୍ତାଣାଲ୍ ଜୀସୁ ଏଲେଇଚେସି, “ଆମ୍ବାଆୟି ମା ଇୟା ଇଞ୍ଜା ଆମ୍ବାଆରି ନା ତାୟିୟା ?”

୪୯ ଅଡ଼େ ସୀସୁୟା ଖାକି କେୟୁ ଦାସାନା ଏଲେଇଚେସି, “ମେହ୍ଦୁ ମାୟା ଇଞ୍ଜା ମା ତାୟିୟା,

୫୦ ଇଚିହ୍ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହ୍ନେସି ଏଞ୍ଜାସି ନା ତାୟି ଏଡ଼ି ନା ତାଙ୍ଗି ଅଡ଼େ ମା ଇୟା ।”

**୧୩**

**ବିଚା ମାଟିନାଣି ପୁଣ୍ଡିକିନି କାତା**  
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲ୍ଲୁଟି ହଡ଼ା ହାଜାନା ସାମ୍ବୁରି ତାକିତା ଲକୁଇଁ ଜାପୁହାଲି କୁରିତେସି ।

୨ ✨ଏଚେଟିଏ ହାରେକା ଲକୁ କୁଡ଼ା ଆହାଲିଏ, ଏଞ୍ଜାସି ହାଜାନା ର ଡ଼ଂଗତା କୁରିତେସି, ଇଞ୍ଜା ଲକୁ ବାରେ ସାମ୍ବୁରି ଗାଟୁତା ନିଚାମାଚେରି ।

୩ ଅଡ଼େ ଜୀସୁ ପୁଣ୍ଡିକିନି କାତା ହାରେକା ଖେସ୍ତେସି, ଏଞ୍ଜାସି ଏଲେଇଚେସି । “ମେହ୍ଦୁ ର ବିଚା ମାଟିନାସି ମାଟାଲି ହଡ଼େସି ।

୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଟାୟା ଖାହାନା ଏ ପାଡ଼େୟି ପେରହା ତିରୁ ।

✨ ୧୨:୩୩ ମାତୃ ୭:୨୦; ଲୁକ ୭:୪୪ ✨ ୧୨:୩୪ ମାତୃ ୩:୭; ୨୩:୩୩; ଲୁକ ୩:୭; ମାତୃ ୧୫:୧୮; ଲୁକ ୭:୪୫ ✨ ୧୨:୩୮ ମାତୃ ୧୭:୧; ମାର୍କ ୮:୧୧; ଲୁକ ୧୧:୧୭ ✨ ୧୨:୩୯ ମାତୃ ୧୭:୪; ମାର୍କ ୮:୧୨ ✨ ୧୩:୨ ଲୁକ ୫:୧-୩

୫ ଅଡ଼େ କଚେକା ବିଚା ଖାଲକାତି ପାଡ଼ାଡ଼ା ବୁମିତା ରୀତେ, ଇଞ୍ଜା ଇରଥା ଗାତି ହିଲାଆତାକି ପାଡ଼େୟି ତବେ ଗଜା ଆଡ଼େ ।

୬ ସାମା ଖେଡ଼ା ହଚାଲିଏ, ଗଜା ଆହାମାଚାୟି ଖେହା ହାଚେ, ଇଞ୍ଜା ତାନି ହୀରୁ ଗାତି ଡ଼ଇକା ହାଲାଆତାକି ଖାୟାହାଚେ ।

୭ ଅଡ଼େ କଚେକା ବିଚା ହାପକା ବୁଟା ଡ଼ଇ ରୀତେ, ଇଞ୍ଜା ହାପକା ବୁଟାୟି ବାରେ ପାଡ଼ାଆହାନା ଆନା ତାକିତି ପୁକ୍‌ହାତୁସ୍ତେ ।

୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜା କାମାନା ର ପାଡ଼େୟିଟିଏ ପାସାକଡ଼ି, ତାନିକଡ଼ି ଇଞ୍ଜା କଡ଼େଦସ ପାଡ଼େୟିକା କାମ୍ବିତୁ ।”

୯ “ଆମ୍ବାଆରାକି କୀର୍କା ମାନୁ ଏଝାସି ଖେଣ୍‌ମାସି ।”

**ପୁସ୍‌ପନି ପୁଣ୍‌ମ୍ବିକିନାୟି**

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା ଖାହାନା ଖେଚେରି, “ଲକୁଣି ଜାପନାଟି ନୀନୁ ଏନାଆଁତାକି ପୁଣ୍‌ମ୍ବିକିନି କାତାୟାଁ ଖେସିହୁଁ ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହୁଁ ଲାକପୁରୁ ରାଜିତି ବାରେ ଡ଼ଗୁମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୟୁ ହୀପକି ଆହାମାଞ୍ଜାନେ, ସାମା ଏଝାରାକି ହୀପକି ଆହା ହିଲେଏ ।

୧୨ ଇଞ୍ଜା ଏମ୍ବାଆରାକି ମାନେ, ଏଝାରାକି ହୀପକିଆନେ ଅଡ଼େ ଏଝାଣାକି ଗାତିଆନେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏନାଆଁ ଜିକେଏ ଅଢ଼ିଆନେ ।”

୧୩ ଏଝାରି ମେସି ମେସିହୁଁ ମେସାଲି ଆଡ଼ଅରି, ଅଡ଼େ ଖେଞ୍ଜିଖେଞ୍ଜି ଖେନଅରି କି ପୁନଅରି; ଏନାଆଁତାକି ନାନୁ ଏଝାରାକି ପୁଣ୍‌ମ୍ବିକିନି କାତାତଲେ ଖେସିମାକି ।

୧୪ ଅଡ଼େ ମାହାପୁରୁ ବଲୁ ଖେହୁନି ଜିସାୟତି ଇ କାତା ଏଝାରାକି ସାତା ଆନେ ।

ଇ ଲକୁ ଖେଞ୍ଜିଖେଞ୍ଜିହୁଁ ଖେନେରି, ଏନାଆଁ ତେଲୁହଅରି, ମେସି ମେସିହୁଁ ମେହୁନେରି ସାମା ଏନାଆଁ ପୁନଅରି;

୧୫ ଇଚିହୁଁ ଇ ଲକୁଡ଼ି ହିୟାଁ ଅଣ୍‌ପାଲି ଆଡ଼ାଆ ଗାଗାୟି,

ଏଝାରି କସ୍ତୁଟି କୀର୍କା ତଲେ ଖେଚେରି,

ଇଞ୍ଜା ତାନି କାଶକା ପଟିତେରି,

ଏନିକିଁ ଏଝାରି କାଶକା ତଲେ ମେହୁଅରି,

ଅଡ଼େ କୀର୍କା ତଲେ ଖେନଅରି,

ଅଡ଼େ ହିୟାଁ ତଲେ ତେଲୁହଅରି

ଇଞ୍ଜା ଏଝାରି ନା ତାଣା ଖେଣ୍‌ୟା ଖାଅରି,

ଅଡ଼େ ନାନୁ ଏଝାରାକି ନେହୁଁ କିଅଁ ।

୧୬ “ସାମା ନେହୁଁ ମୀ କାଶକା ଇଚିହୁଁ ଏଢ଼ି ମେସି ମାନୁ, ନେହୁଁ ମୀ କୀର୍କା ଇଚିହୁଁ ଏଢ଼ି ଖେଞ୍ଜିମାନୁ ।

୧୭ ଇଚିହୁଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାରେକା ମାହାପୁରୁ

ଅଣ୍‌ପୁତି ବଲୁ ଖେହୁନାରି ଇଞ୍ଜା ତୀରିଗାଟାରି ମେସାଲି ମନ କିଚେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଝାରି ଖେଞ୍ଜାଲି ମନ କିଚେରି, ସାମା ଖେଞ୍ଜାଲି ଆଡ଼ାଆତେରି ।”

**ଜୀସୁ ବିଚା ମାଟିନି କାତା ପୁଣ୍‌ମ୍ବିକିନାୟି**

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହୁଁ ମୀରୁ ବିଚା ମାଟିନି ପୁଣ୍‌ମ୍ବିକିନି କାତା ଖେଞ୍ଜୁ ।

୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଟାସି, ଏଝାଣି ହିୟାଁତା ଖେସାମାନି ମାହାପୁରୁ ବଲୁ ସୟତାନ ଖାହାନା ମାଞ୍ଜା ଅନେସି, ଏଝାସି ଜିରୁ ଦାରି ମାଟାମାନି ବିଚା ଲେହେଁତାସି ।

୨୦ ଅଡ଼େ ଆମ୍ବାଆସି ଖାଲକା ବୁମିତା ମାଟିତି ବିଚା ଏଝାସି ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହାଁତଲେ ନାମିନେସି,

୨୧ ସାମା ଏଝାଣି ତାଣା ହୀରୁ ଜୀଆତାକି ଗାଡ଼େକେଏ ତୀରିଆହାନା ମାନେସି, ତାୟୁ ମାହାପୁରୁ କାତାତାକି ବାଡ଼ା ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ ପିସାତୁହୁନେସି, ଏଝାସି ଖାଲକା ବୁମିତା ରିତି ବିଚା ଲେହେଁତାସି ।

୨୨ ଆମ୍ବାଆସି ମାହାପୁରୁତି କାତା ଖେନେସି, ଇଞ୍ଜା ଦାରଡ଼ିତି ଅଣ୍‌ପୁ ଦନତି ଜୁପକା ଏଝାସି ଖେଞ୍ଜାମାନି କାତାତି ପୁକ୍‌ହା ତୁସାଲିଏ, ତାନି ଜୀଝୁତା ପାଡ଼େୟି କାମ୍ବାଆତେ, ଏଝାସି ହାପକା ବୁଟା ଡ଼ଇ ରିତି ବିଚା ଲେହେଁତାସି ।

୨୩ ସାମା ଆମିନିଗାଟାସି କାତାତି ଖେନେସି ଇଞ୍ଜା ନେହୁଁ କି ପୁନେସି, ଅଡ଼େ ନେହୁଁ ପାଡ଼େୟି କାମ୍ବିନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି, ଆମ୍ବାଆସି କଡ଼େଦସ ପାଡ଼େୟିକା, ଏଝାସି ନେହୁଁ ବୁମିତା ରିତି ବିଚା ଲେହେଁତାସି ।

**ଟଲି ଜାଡ଼ାତି ପୁଣ୍‌ମ୍ବିକିନି କାତା**

୨୪ ଜୀସୁ ଏଝାରାକି ଅଡ଼େ ର ପୁଣ୍‌ମ୍ବିକିନି କାତା ଖେସ୍ତେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହୁଁ ବିଚା ମାଟାମାନି ମାଣ୍‌ସିଲେହେଁ;

୨୫ ସାମା ଲକୁ ତୁରାମାନାଟି ତାନି ସାତୁ ଖାହାନା ଏ ଗହୁଁୟାଁ ବିତ୍ରା ଟଲି ଜାଡ଼ାତି ବିଚା ମାଟାନା ହାଚେସି ।

୨୬ ଏଚିବେଲା ଗହୁଁୟାଁ ପାଡ଼ାଆହାନା ଜେକା ଆନିବେଲା ଟଲି ଜାଡ଼ା ଜିକେଏ ତଞ୍ଜାଆତେ ।

୨୭ ଏଚେଟିଏ ସାଝୁକାରିତି ହଲିୟାଙ୍ଗା ତାନି ତାଣା ଖାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡ଼ିୟାତା ନେହୁଁ ବିଚା ମାଟା ହିଲାଆତି ? ସାମା ଇ ଟଲି ଜାଡ଼ା ବାରେ ଏମ୍ବିଟି ଖାଡ଼େ ?

୨୮ ଏଝାସି ଏଝାରାକି ଏଲେଇଚେସି, ର ସାତୁ ଇଦାଆଁ କିହାମାନେସି । ଅଡ଼େ ହଲିୟାଙ୍ଗା ଏଝାଣାଇଁ ଏଲେଇଚେରି, ନୀ ମନ ଏନାୟି, ମାମ୍ବୁ ହାଜାନା ଟଲି ରେଜାନା କୁଡ଼ି କିନମି,

☆ ୧୩:୧୨ ମାତୃ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ ☆ ୧୩:୧୬ ଲୁକ ୧୦:୨୩,୨୪

୨୯ ସାମା ଏଞ୍ଜେଲି ଏଲେଇରେସି, ଆଏ ଏଚେତା ମୀରୁ ଟଲି ଜାଡ଼ା ରେଜି ରେଜିହୁଁ ଗହୁଁୟାଁ ଜିକେଏ ରେଜେରି ।  
 ୩୦ ଗହୁଁ ଦାଃନି ପାତେକା ଗହୁଁ ଅଡ଼େ ଟଲି ଜାଡ଼ା ରହେଁଏ ପାତାଆପୁ, ଅଡ଼େ ଆନା ଦାଃନି ବେଲତା ଦାଃଆନାରାଇଁ ନାନୁ ଏଲେଇଇଁ, ତଲିଏ ଟଲି ଜାଡ଼ା ଦାଚାନା ହୁଡ଼ାଲିତାକି ପେଣ୍ଡାୟାଁ ଏଟକା କିଦୁ, ସାମା ଗହୁଁୟାଁ କୁଡ଼ି କିହାନା ନା ଗାଦେୟିତା ଇଟାଦୁ ।

**ହାସୁଁ ପାଡ଼େୟିତି ପୁଣ୍ଡିକିନାୟି**

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଝେସ୍ତେସି, ଲାକପୁରୁ ରାଜି ର ହାସୁଁ ପାଡ଼େୟି ଲେହେଁତାୟି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି ।

୩୨ ଏ ପାଡ଼େୟି ବାରେ ପାଡ଼େୟିକା କିହାଁ ଉଣା, ସାମା ଏଦି ପାଡ଼ା ଆଡ଼ିସାରେ ବାରେ କୁଚା କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜା ହାଗୁତା ଉମ୍ବିମାନି ପଟାୟାଁ ଝାହାନା ଏଦାନି କମାତା ବଣ କିହାନା ବାସା କିନୁ ।

**ପୁଲ୍ଲା ଏୟୁତି ପୁଣ୍ଡିକିନାୟି**

(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଝେସ୍ତେସି, ଲାକପୁରୁ ରାଜି ର ପୁଲ୍ଲା ଏୟୁଲେହେଁତାୟି; ର ଇୟା ଗହୁଁୟାଁ ଗୁଣ୍ଡାତା ପୁଲ୍ଲାଏୟୁ କାଲ୍ଲହାନା ଇଟିତେ, ଏଚେଟିଏ ଏ ଗୁଣ୍ଡା ପଞ୍ଜାନା ବାରେ ପୁଲ୍ଲା ଆଡ଼େ ।

**ଜୀସୁ ପୁଣ୍ଡିକିନି କାତାତି ଅର୍ତ୍ତ ଝେହ୍ନାୟି**

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ ଲକୁଣି ଝେସ୍ତେସି, ଇଞ୍ଜା ପୁଣ୍ଡିକିନି କାତା ଆଟ୍‌ଆନା ଏନାଆଁଝା ଲକୁଣି ଝେସି ହିଲ୍ଲାଆତେସି,

୩୫ ଏନିକିଁ ମାହାପୁରୁ ଅଣ୍ଡପୁତି ବଲୁ ଝେହ୍ନାଣି ତାଣାଟି ଇ କାତା ସାତା ଆନେ,

“ନାନୁ ନା ଗୁତି ଏକହାନା ପୁଣ୍ଡିକିନି କାତାତଲେ ଝେହ୍ନଇଁ; ଦାର୍ତ ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ ଝେହ୍ନଇଁ ।”

**ଜୀସୁ ଟଲି ଜାଡ଼ାତି ପୁଣ୍ଡିକିନି କାତାତି ଅର୍ତ୍ତ ଝେହ୍ନାୟି**

୩୬ ତାୟୁ ଜୀସୁ ମାନ୍ଦା ଲକୁଣି ପିସାନା ଇଲୁ ବିତ୍ରା ହାଚେସି, ଇଞ୍ଜା ତାନି ସୀସୁୟାଁ ତାଗେ ଝାହାନା ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ଡି କିନି କାତା ମାଞ୍ଜେ ନେହୁଁକିଁ ଝେସ୍ତାମୁ ।”

୩୭ ଜୀସୁ ଏଲେଇଚେସି, “ନେହୁଁ ବିଚା ମାଟିନାସି ଏଞ୍ଜାସି ମାଣ୍ଡିସି ମୀରୁଏସି;

୩୮ ଇ ଦାର୍ତ ଆହିମାନେ ଗୁଡ଼ିୟା, ନେହୁଁ ବିଚା ମାହାପୁରୁ ରାଜିତି ମୀରୁକା ମାସ୍‌କା; ଟଲି ଜାଡ଼ା ସୟତାନତି ମୀରୁକା ମାସ୍‌କା;

୩୯ ଆନିନି ସାତୁ ଏଦାଆଁ ମାଟିତେସି ଏଞ୍ଜାସି ସୟତାନ; ଆନା ଦାଃନି ଦିନା ଇଟିହୁଁ ଜୁଗୁ ରାନି ଦିନା, ଇଞ୍ଜା ଆନା ଦାଃଆନାରି ମାହାପୁରୁତି ଦୂଡୁୟାଁ ।

୪୦ ଇଟିହୁଁ ଟଲି ଜାଡ଼ାତି ଏନିକିଁ ର ତାଣା କୁଡ଼ି କିହାନା ହିରୁତା ହୁଡ଼ିନାୟି, ଜୁଗୁ ରାନି ଦିନାତା ଜିକେଏ ଏଲେକିହୁଁ ଆନେ ।

୪୧ ମାଣ୍ଡିସି ମୀରୁଏସି ତାନି ଦୂଡୁୟାଁଣି ପାଣ୍ଡିନେସି, ଇଞ୍ଜା ଏଞ୍ଜାରି ତାନି ରାଜିତି ବାରେ ଲାଗେଏ ପଡ଼େଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି ।

୪୨ ଅଡ଼େ ଏଞ୍ଜାରାଇଁ ହିରୁ ଗାଡ଼ୟୁତା ମେଡ଼ନେରି, ଏମ୍ବାଆଁ ଏଞ୍ଜାରି ଡ଼ାହୁଁ ପାଲ୍‌କା ଟୀଟି କିନେରି ।

୪୩ ଏଚିଡ଼େଲ୍ଲା ତୀରିଗାଟାରି ତାନି ଆବା ରାଜିତା ଝେଡ଼ାଲେହେଁ ଡ଼ାଞ୍ଜିହୁଁ ଡ଼ଞ୍ଜାଆନେରି । ଆମ୍ବାଆରାକି କୀକା ମାନୁ ଏଞ୍ଜାରି ଝେଣ୍ଡାମ୍ବାରି ।”

**ଡ଼ଗୁମାନି ଦନ ପୁଣ୍ଡିକିନି କାତା**

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ ଲେହେଁତାୟି, ରଅସି ଏଦାଆଁ ମେସାନା ଡ଼କୁହା ଇଟିତେସି, ଅଡ଼େ ରାହାଟି ହାଜାନା ତାନି ଇସିତାସି ଆସ୍ତି ପାର୍‌ଚାନା ଝେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି ।”

**ଦାରାଗାଟି ଅପ୍‌ନି ଝାଲିତି ପୁଣ୍ଡିକିନି କାତା**

୪୫ “ଅଡ଼େ ଲାକପୁରୁ ରାଜି ନେହୁଁ ଅପ୍‌ନି ଝାଲି ପାରିମାନି ର ବେବାରା କିନାଣିଲେହେଁ ।

୪୬ ର ଦାରାଗାଟି ଅପ୍‌ନି ଝାଲି ମେସାନା ଏଞ୍ଜାସି ହାଜାନା ତାନି ଇସିତାସି ଆସ୍ତି ପାର୍‌ଚାନା ଏ ଅପ୍‌ନି ଝାଲିତି କଡ଼ିତେସି ।”

**ମୀଣ୍ଡକା ଆହୁନି ଜାଲ୍ଲାତି ପୁଣ୍ଡିକିନି କାତା**

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ଦୁରିତା ବାରେ କୁଡ଼ାତି ମୀଣ୍ଡକା ଆସାଲି ମେଡ଼ନି ଜାଲ୍ଲା ଲେହେଁତାୟି ।

୪୮ ଏ ଜାଲ୍ଲା ନେଞ୍ଜାଲିଏ ମୀଣ୍ଡକା ଆହୁନାରି ଏଦାଆଁ ସାମ୍‌ଦୁରି ଗାରୁତା ରେଜା ତାନେରି, ଇଞ୍ଜା କୁଗାନା ନେହୁଁଆଁ ବାରେ ରୁଣ୍ଡା କିହାନା ତିରିତା ଇଟିନେରି, ସାମା ଲାଗେଏ ପଡ଼େଏ ଗାଟାଆଁ ବାରେ କୁତା ତୁହନେରି ।

୪୯ ଜୁଗୁ ରାନି ଦିନାତା ଏଲେକିହୁଁ ଆନେ; ଦୂଡୁୟାଁ ହଡ଼ାଝାହାନା ତୀରିଗାଟାରି ତାଣାଟିଏ ଲାଗେଏ ପଡ଼େଏତାରାଇଁ ଏଟକା କିନେରି ।

୫୦ ଅଡ଼େ ଏଞ୍ଜାରାଇଁ ହିରୁ ଗାଡ଼ୟୁତା ମେଡ଼ହା ତୁହନେରି, ଏମ୍ବାଆଁ ଡ଼ୀନାୟି ଅଡ଼େ ପାଲ୍‌କା ଟୀଟି କିନାୟି ଆନେ ।”

**ପ୍ଲାଃଆଣି ଅଡ଼େ ପୁଃନାଣି ଜାପ୍‌ନାୟି**

୫୧ ଜୀସୁ ସୀସୁୟାଁ ଝେଚେସି, “ମୀରୁ ଇ ବାରେ କାତା ପୁଚେରି?”

ଏଞ୍ଜାରି ଏଲେଇଚେରି, “ହାଅ ପ୍ରୁ ।”

୫୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼ିହୁଁ ଆନିନି ଇଲୁଗାଟାସି ତାନି ଇଲୁଟି ପୁଃନାଣି ପ୍ଲାଃଆଣି

ହସ୍ତନେସି, ଲାକପୁରୁ ରାଜିତି ସୀସୁ ଆହାମାନି ବାରେ  
ମେରା ପୁନାରି ଏଞ୍ଜାଣି ଲେହେଁତାରି ।”

**ଜୀସୁଇଁ ନାଜରିତତା ଅପାଆଗାଟାୟି**  
(ମାର୍କ ୭:୧-୬; ଲୁକ ୪:୧୭-୩୦)

୫୩ ଜୀସୁଇଁ ବାରେ ପୁଣ୍ୟକିନି କାତା ଖେସାଲି ଆଡ଼ାଲିଏ,  
ତାୟୁ ଏମ୍ବାଟିଏ ହାଚେସି ।

୫୪ ଇଞ୍ଜା ଏଞ୍ଜାସି ତାନୁ ପାତାଆଡ଼ି ନାୟୁଁତା ଖାହାନା  
ଲକୁଣି ତାମି ଜୀହୁଦି ଲକୁଡ଼ି କୁଟମି ଇଲୁତା\* ଇଲେକିହୁଁ  
ଜାପୁହେସି, ଇଞ୍ଜା ଏଞ୍ଜାରି କାବାଆହାନା ଏଲେଇଚେରି,  
“ଇଞ୍ଜାଣାକି ଇଲେତି ବୁଦି ଇଞ୍ଜା ଇଲେତି କାବାଆନି କାମା  
କିହାଲି ଆମ୍ବିଟି ବାଡ଼ୁୟୁ ବେଟାଆଡେସି ?

୫୫ ଇଞ୍ଜାସି ଏ ବାଡ଼ିୟାତି ମୀରଏସି ଆଏକି ? ଇଞ୍ଜାଣି  
ଇୟା ମରିୟମ ଆଏ ? ଅଡେ ଇଞ୍ଜାଣି ତାୟିୟା ଦରକା  
ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ?

୫୬ ଅଡେ ଇଞ୍ଜାଣି ତାଜିସ୍ତା ମା ତଲେ ହିଲାଇ ? ଇଞ୍ଜାହାଁ  
ଇଞ୍ଜାସି ଏ ବାରେ ଆମ୍ବିଟି ମେଡ଼ାଆଡେସି ?”

୫୭ \*ଇଞ୍ଜା ଏଞ୍ଜାରି ଜୀସୁଇଁ ଅପାଆଡେରି । ସାମା  
ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍ଟପୁଡ଼ି ବଲୁ  
ଖେହ୍ନାରି ନିଜେତି ନାୟୁଁତା ଇଞ୍ଜା ନିଜେତି ଇଲୁ କୁଟମିତା  
ମାନି ପୁଞ୍ଜଅରି ।”

୫୮ ଅଡେ ଏଞ୍ଜାରି ନାମାଆତାକି ଏଞ୍ଜାସି ଏମ୍ବାଆଁ ହାରେକା  
କାବାଆନି କାମା କିଆଡେସି ।

**୧୪**

**ବାପ୍ତିସ୍ତା\* ହାନି ଜହନ ହାନାୟି**  
(ମାର୍କ ୬:୧୪-୨୯; ଲୁକ ୯:୭-୯)

୧ ଏଚିବେଲାତା ଗାଲିଲିତି ସାଲୁଞ୍ଜି କିନି ରାଜା ହେରଦ  
ଜୀସୁତି କାରୁ ଖେଚେସି,

୨ ଅଡେ ତାନି ହଲିୟାଜାଣି ଏଲେଇଚେସି, “ଇଞ୍ଜାସି  
ବାପ୍ତିସ୍ତା† ହାନି ଜହନ ଏଞ୍ଜାସି ହାଡ଼ାରି ତାଣାଟି  
ନିଜାମାନେସି, ଏଦାଆଁତାକି ଇ ବାରେ ବାଡ଼ୁୟୁ ଏଞ୍ଜାଣି  
ତାଣା କାମା କିହିମାନେ ।”

୩ \*ଇଚିହୁଁ ତଲି ହେରଦ ତାମି ତାୟି ପିଲିପ ତକ୍ତି  
ହେରଦିୟାନି ତାକି ଜହନଇଁ ଦସ୍ପା ତାଚାନା କାୟିଦି  
ଇଲୁତା ଇଟାମାଚେସି ।

୪ ଇଚିହୁଁ ଜହନ ତାଜା ଏଲେଇଞ୍ଜିମାଚେସି,  
ହେରଦିୟାନି ଇଚିନାୟି ନୀ ମେରା ହିଲେଏ ।

୫ ଅଡେ ହେରଦ ଏଞ୍ଜାଣାଇଁ ପାୟାଲି ମନ କିତି ଜିକେଏ  
ଲକୁଣି ଆଜିମାଚେସି, ଏଦାଆଁତାକି ଇଚିହୁଁ ଏଞ୍ଜାଣାଇଁ  
ର ମାହାପୁରୁ ଅଣ୍ଟପୁଡ଼ି ବଲୁ ଖେହ୍ନାସି ଇଞ୍ଜା ମାନି  
କିହିମାଚେରି ।

୬ ସାମା ହେରଦତି ଜାର୍ନା ଦିନା ଖାହାଲିଏ, ହେରଦିୟାତି  
ମାଜା ରୁଣ୍ଡା ଆହାମାଟି ଲକୁ ନକିତା ଏଦାନା ହେରଦଇଁ  
ରାହାଁ କିଞ୍ଜିକିଚେ ।

୭ ଏଚେଟିଏ ଏଞ୍ଜାସି ପାରମାଣା କିହାନା ଆଞ୍ଜିଚେସି, ନୀନୁ  
ନାଜେ ଏନାଆଁ ରୀସ୍ତାତିହୁଁ ଏଦି ନିଜା ହାପୁକିଆଚେନ ।

୮ ଇଞ୍ଜା ଏଦି ତାମି ଇୟାନି କାତା ଆସାହାଁ ଏଲେଇଚେ,  
“ବାପ୍ତିସ୍ତା‡ ହାନି ଜହନତି ତାୟିଁ ନୀଏଁ ଇମ୍ବାଆଁ ର  
ସାଡ଼ୁଞ୍ଜାତା ନାଜେ ହିୟାମୁ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହୁଁ ଜିକେଏ ତାନୁ  
ପାରମାଣା କିହାଁ ଆଞ୍ଜାମାଚାକି ଅଡେ ତାନିତଲେ ବକ୍ତିତା  
କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ  
ହାହାଲି ହୁକୁମି ହାଚେସି ।

୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି  
ତାୟିଁ ଦ୍ଵାପିକିଚେସି,

୧୧ ଅଡେ ଏଞ୍ଜାଣି ତାୟିଁ ର ସାଡ଼ୁଞ୍ଜାତା ତାଚାନା ଏ  
ପଦାକି ହାଚେଚେରି, ଇଞ୍ଜା ଏଦି ଅହାନା ତାମି ଇୟାନି ତାଣା  
ଅଡେ ।

୧୨ ଏଚେଟିଏ ଜହନତି ସୀସୁୟାଁ ଖାହାନା ମାଡ଼ୁହା ଅହାନା  
ମୁସ୍ଵେରି, ଅଡେ ହାଜାନା ଜୀସୁଇଁ ଖେସ୍ଵେରି ।

**ଜୀସୁ ପାସାମାଣା ଲକୁକି ତିଞ୍ଜାଲି ହାନାୟି**  
(ମାର୍କ ୬:୩୦-୪୪; ଲୁକ ୯:୧୦-୧୭)

୩୩ ଜହନ ହାଡ଼ି କାରୁ ଖେଞ୍ଜାନା, ଜୀସୁ ର ତଂଗତା କୁଗାନା  
ଲକୁ ହିଲାଆ ଟାୟୁତା ହାଚେସି, ଲକୁ ଇ କାତା ଖେଞ୍ଜାନା  
ଗାଡ଼ାୟାଁଟି ଖାହାନା ତାକି ତାକିହୁଁ ଏଞ୍ଜାଣି ଜେଚ ହାଚେଚେରି;

୩୪ ଅଡେ ଏଞ୍ଜାସି ତଂଗଟି ରେଚାନା ମାୟା ଲକୁଣି  
ମେସାନା କାମା ଆହାନା ଏଞ୍ଜାରି ରଚା ଗାଟାରାଇଁ ନେହୁଁ  
କିଚେସି ।

୩୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା  
ଏଲେଇଚେଚେରି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜା  
ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ  
ଏନିକିଁ ନାସ୍‌କାଣାଁ ହାଜାନା ତାମିଜେ ତାକି ଲହଡ଼ି  
ପାରିନେରି, ଏଦାଆଁତାକି ଏଞ୍ଜାରାଇଁ ହାଜାଲି ହେଲ ହାମୁ  
।”

୩୬ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାରି ହାନି  
ଲଡ଼ା ଆଏ, ମୀରୁ ଏଞ୍ଜାରାକି ତିଞ୍ଜାଲି ହାଦୁ ।”

୩୭ ଏଞ୍ଜାରି ଏଞ୍ଜାଣାଇଁ ଏଲେଇଚେଚେରି, “ମାଜେ ଇମ୍ବାଆଁ  
ପାସାଗଟା ରୁଟି ଇଞ୍ଜା ରୀ ମୀଣ୍ଡକା ମାନୁ ।”

୩୮ ଜୀସୁ ଏଞ୍ଜାରାଇଁ ଏଲେଇଚେସି, “ଏଞ୍ଜାଆଁ ଇମ୍ବାଆଁ ନା  
ତାଣା ତାଦୁ ।”

୩୯ ଅଡେ ଏଞ୍ଜାସି ଲକୁଣି ଗାକିଁ ଜାଡ଼ା ଲାକ କୁଗାଲି  
ହୁକୁମି ହାଚେସି, ଅଡେ ଏ ପାସାଗଟା ରୁଟି ଇଞ୍ଜା ରୀ  
ମୀଣ୍ଡକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ  
ଜହରା କିଚେସି, ଇଞ୍ଜା ରୁଟି ଡ଼ିକହାନା ତାମି ସୀସୁୟାଁକି  
ହାଚେସି, ଏଚେଟିଏ ସୀସୁୟାଁ ବାରେ ଲକୁକି ହାଚେଚେରି ।

୪୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିଚେଚେରି, ଇଞ୍ଜା  
ସୀସୁୟାଁ ହାଚାମାଟି ରୁଟି ଗାଣ୍ଡାୟାଁ କୁଡ଼ି କିହାନା ବାଚାଗଟା  
ତାଲିତା ନେଞ୍ଜିକିଚେଚେରି ।

\* ୧୩:୫୪ ସିନଗର    † ୧୩:୫୬ କହ ୪:୪୪    \* ୧୪: ଗୁଞ୍ଜିନାୟି    † ୧୪:୨ ଗୁଞ୍ଜିନାୟି    \* ୧୪:୩ ଲୁକ ୩:୧୯,୨୦    ‡ ୧୪:୮ ଗୁଞ୍ଜିନାୟି

୨୧ ରାନ୍ଧା ତିନି ଲକ୍ଷ ଇୟାସିକା ଇଞ୍ଜା କକାରି ପଦାଣି ପିସାନା ବାରେ ପାସାମାଣା ଆବାୟା ମାଚେରି ।

**ଜୀସୁ ଏୟୁ ଲାକ ତାକିନାୟି**  
(ମାର୍କ ୭:୪୫-୫୨; ଜହ ୭:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଣି ତଂଗତା ଏକହାନା ସାମ୍ବୁରି ଆତାଲାଖାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକ୍ଷୁଣି ହାଜାଲି ହେଲ ହୀତେସି ।

୨୩ ଜୀସୁ ଲକ୍ଷୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲା ଆହାଲିଏ ଏଞ୍ଜାସି ଏମ୍ବାଆଁ ରଅସିଏ ମାଚେସି ।

୨୪ ସାମା ଏଚିବେଲା ତଂଗ ସାମ୍ବୁରି ଗାଟୁଟିଏ ହାରେକା ହେକ ମାଚେ, ଇଞ୍ଜା ସାମ୍ବୁରିତା ଗାଲି ଝେଚାଲିଏ ଏ ତଂଗ ଖୀତିମାଚେ ।

୨୫ ସାମା ଝେୟା ନେକେରି ଜୀସୁ ଏୟୁ ଲାକ ତାକି ତାକିହଁ ସୀସୁୟାଁ ତାଗେ ହାଚେସି ।

୨୬ ଅଡ଼େ ସୀସୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁତୁ !” ଇଞ୍ଜା ଆଜିତାକି କିରଡ଼ିଚେରି ।

୨୭ ସାମା ଜୀସୁ ଦେବୁଣିଏ ଏଞ୍ଜାରାଇଁ ଏଲେଇଚେସି, “ସାସା ଆହୁଦୁ ଆଜାଆଦୁ ନାନୁ ଜୀସୁଚେଏଁ !”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇଚିହଁ ଏୟୁଲାକଟି ତାକିହଁ ନୀପ ଖାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଞ୍ଜାମୁ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହଁ ହାଚେସି ।

୩୦ ସାମା ଗାଲି ମେସାନା ଆଜିଚେସି, ଇଞ୍ଜା ଏୟୁଣାଁ ମୁଞ୍ଜିହଁ ଏଲେଇଚେସି, “ଏ ପ୍ରବୁ ନାଚେ ଗେଲପାମୁ ।”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାତି ! ଏନାଆଁ ତାକି ଆନାମାନା ଆଡ଼ି ?”

୩୨ ଅଡ଼େ ଏଞ୍ଜାରି ତଂଗତା ହଚାଲିଏ ଗାଲି ତୁଞ୍ଜିଚେ ।

୩୩ ଏଚେଟିଏ ତଂଗତା ମାତି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରଏଣାତି ।”

**ଗେନେସର ରାଜିତା ଜୀସୁ ରଗ ଗାଟାରାଇଁ ନେହଁକିନାୟି**

(ମାର୍କ ୭:୫୩-୫୬)

୩୪ ଏଞ୍ଜାରି ସାମ୍ବୁରି ଗାଟାନା ଗେନେସର ରାଜିତା ଏଚେରି ।

୩୫ ଅଡ଼େ ଏମ୍ବାତି ଲକ୍ଷୁ ଜୀସୁଇଁ ପୁଞ୍ଜାନା ସାରିଖାକି ମାନି ବାରେ ରାଜିତା କାବୁ ପାଣିଚେରି, ଇଞ୍ଜା ଲକ୍ଷୁ ବାରେ ରଗ ଗାଟାରାଇଁ ଜୀସୁ ତାଣା ତାଚେରି;

୩୬ ଅଡ଼େ ରଗ ଗାଟାରି ଜୀସୁତି ହିମ୍ବୁରି କୁଞ୍ଜୁ ତାଗିନେରି, ଏଦାଆଁତାକି ଜୀସୁଇଁ ବାତିମାଲିଚେରି, ଇଞ୍ଜା ଏଚେକା ଲକ୍ଷୁ ତାଗିଚେରି ବାରେ ନେହଁ ଆଚେରି ।

**୧୫**

**ଆକୁ ଆବାୟା ମେରା ଜାପ୍ନାୟି**  
(ମାର୍କ ୭:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଖାହାନା ଏଲେଇଚେରି,

୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟା ଜାପ୍ନି ମେରା ମାନି କିହିଲିଅରି? ଇଚିହଁ ରାନ୍ଧା ତିନାଟି କେସ୍ତା ନରଅରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନୁଡ଼ି ଆହି ହିଲଅଚେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜା ଆମ୍ବାଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି ।

୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଚେ ଏନାଆଁ ହିୟାତିହଁ ନେହେଁ ଆଡ଼େମା, ଏ ବାରେ ମାହାପୁରୁକି ହେରପି ଆହାମାନେ,

୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି । ଇଲେକିହଁ ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି ।

୭ ଆଡ଼େ କୁଟୁ ଗାଟାଚେରି, ମାହାପୁରୁ ଅଣ୍ଡୁପୁତି ବଲୁ ଝେହୁନି ଜିସାୟ ମିଚେତାକି ନେହଁ କି ଇ କାତା ଝେସାମାନେସି ।

୮ ଇ କୁଡ଼ାତାରି ଖାରୁଇ ଗୁତି ତଲେ ସେବା କିୟାନେରି, ସାମା ଏଞ୍ଜାରି ହିୟାଁ ନା ତାଣାଟି ହେକ ତୟନେ ।

୯ ଏଞ୍ଜାରି ମାଣ୍ଡି କେପିତି ପାଣା ପାଟୁତି ଦାମୁତି ନେହଁ କାତା ଇଞ୍ଜା ଜାପ୍ନାହାନା, ଉଜେଏ ନାଚେ ସେବା କିହିମାଞ୍ଜାନେରି ।

**ମାଣ୍ଡିଇଁ ଲାଗେଏ କିନାୟି**  
(ମାର୍କ ୭:୧୪-୨୩)

୧୦ ଅଡ଼େ ଜୀସୁ ଲକ୍ଷୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଝେଞ୍ଜୁ ଇଞ୍ଜା ପୁଞ୍ଜୁ ।”

୧୧ ମାଣ୍ଡି ଗୁତି ବିଦ୍ରା ଏନାୟି ହଡ଼ନେ ଏଦି ଏଞ୍ଜାଣାଇଁ ଲାଗେଏ କିଏ, ସାମା ଗୁତି ବିଦ୍ରାଟି ଏନାୟି ହଡ଼ନେ ଏଦି ମାଣ୍ଡିଇଁ ଲାଗେଏ କିନେ ।

୧୨ ଏଚିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଝେଞ୍ଜାନା କସୁ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନୀ ଲାକପୁରୁତି ଆବା ଆମିନି ମୀରୁନୁ ଉହା ହିଲଅସି ଏ ବାରେ ରେଡ଼ି ଆନୁ ।”

☆ ୧୫:୧୪ ଲୁକ ୭:୩୯



୧୪ ☆ ପାରୁସିୟା କାତା ଖେନାଆଦୁ, ଏଞ୍ଜାରି କାଣାୟା ଆହାନା କାଣାୟାଙ୍କ ଜିରୁ ତହନେରି, ଇଞ୍ଜା କାଣା ଅର କାଣାଙ୍କ ଜିରୁ ତସ୍ତୁହ ରିଆରି ଜିକେଏ ଗାଡୁୟୁତା ତରଗିନେରି ।

୧୫ ପିତର ଏଲେଇରେସି, “ଏ ପୁଣ୍ଡିକିନି କାତା ମାଜେ ଖେସ୍ତାମୁ ।”

୧୬ ଜୀସୁ ଏଲେଇରେସି, “ମୀରୁ ଜିକେଏ ନୀଏ ପାତେକା ପୁନାଆ ଗାଗାତେରି ?”

୧୭ ଏନାୟି ଗୁଡିଟି ହଡନେ ଏଡି ବାଣ୍ଡିତା ହାଜାନା ଏଡି ବାଣ୍ଡିହାନିଲେହେଁ ହଡା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ ☆ ସାମା ଗୁଡିଟି ଏନାୟି ହଡିମାନେ ଏଡି ହିୟାଟି ହଡିମାନେ ଏଡିଏ ମାଣ୍ଡିଇଁ ଲାଗେଏ କିହିମାନେ ।

୧୯ ଇଚିହୁଁ ହିୟାଟି ଲାଗେଏତି ଅଣ୍ଡୁ ହନେ, ଇଚିହୁଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଟି ସାକି ହୀହାଲି ଇଞ୍ଜା ନିନ୍ଦା କାତା ଜଲ୍ଲାଲି;

୨୦ ଇ ବାରେ କାମା ମାଣ୍ଡିଇଁ ଲାଗେଏ କିନେ, ସାମା କେୟୁ ନରୁଆନା ତିନାୟି ମାଣ୍ଡିଇଁ ଲାଗେଏ କିଏ ।

**ର ଇୟାନି ନାମୁ**  
(ମାର୍କ ୭:୨୪-୩୦)

୨୧ ଜୀସୁ ଏ ଟାୟୁ ପିସାନା ସର ଅଡେ ସିଦନ ରାଜିତା ହାତେସି ।

୨୨ ଅଡେ ମେହୁଦୁ ଏ ହାନ୍ଦିଟି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇରେ, “ଏ ପ୍ରବୁ ଦାହୁଦ ମୀରୁଏଶାତି ନାଜେ କାର୍ମା ମେସ୍ତାମୁ ଇଚିହୁଁ ନା ମାଜ୍ଜାନି ହାରେକା ଆଜିହପେତି ବୃତୁ ଆସାନା କସ୍ତୁ ଆହିମାନେ ।”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆତେସି । ଇଞ୍ଜା ତାନି ସୀସୁୟା ଖାହାନା ଏଞ୍ଜାଣାଙ୍କ ଏଲେଇରେରି, “ଇଦାନି ହେଲ ହୀହାନା ପାଣ୍ଡାତୁହୁମୁ, ଏନାଆଁତାକି ଇଚିହୁଁ ଇଦି ମା ଜେଟ କାଲୁଞ୍ଜି ଆହିମାନେ !”

୨୪ ସାମା ଜୀସୁ ଏଲେଇରେସି, “ନୀନୁ ଇସ୍ତାୟେଲ କୃତାତା ଜାଜ୍ଜାମାନି ମେଣ୍ଡାୟା ପିସପେ ଅଡେ ଆମ୍ବାଆରି ତାଣା ପାଣ୍ଡୁଞ୍ଜି ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇରେ, “ଏ ପ୍ରବୁ ନାଜେ କାର୍ମା ମେସ୍ତାମୁ ।”

୨୬ ସାମା ଜୀସୁ ଏଲେଇରେସି, “ମୀରକା ମାସ୍କା କାଡି ଅହାନା ନେସକା ତାଗେ ମେଡନାୟି ନେହେଁ ଆଏ ।”

୨୭ ଏ ଇୟା ଏଲେଇରେ, “ହାଅ ପ୍ରବୁ ଇଚିହୁଁ ନେସକା ତାନି ସାହୁକାରିୟା ତାଣାଟି ତରଗାମାନି ଜୁଟା ରାନ୍ଦା ପେରହା ତିନୁ ।”

୨୮ ଏଚେଟିଏ ଜୀସୁ ଏ ଇୟାନି ଏଲେଇରେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଜ ଆୟାପେ ।” ଏ ଦେବୁଣିଏ ତାନି ମାଜ୍ଜା ନେହେଁ ଆଡେ ।

**ଜୀସୁ ହାରେକା ଲକୁଣି ନେହୁଁ କିନାୟି**

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁରି ତାଗେ ଖାଡେସି, ଅଡେ ହରୁ ଲାକ ହାଜାନା କୁରିତେସି ।

୩୦ ଅଡେ ହାରେକା ଲକୁ ସଟାୟା, ଚୁଡୁଞ୍ଜାୟା, କାଣାୟା, ଗୁଲାୟା, ହାରେକା ଲକୁ ଡାମିତଲେ ତାଚାନା ଜୀସୁ କର୍ତ୍ତା ତଲ ଇଚିତେରି, ଅଡେ ଏଞ୍ଜାସି ଏଞ୍ଜାରାଙ୍କ ନେହୁଁ କିତେସି ।

୩୧ ଇଲେକିହୁଁ ବେବ୍ଡାୟା ଜଲିମାନେରି, ଚୁଡୁଞ୍ଜାୟା ନେହୁଁ ଆହିମାନେରି, ସଟାୟା ତାକି ମାନେରି ଅଡେ କାଣାୟା ମେସିମାନେରି; ଇ ବାରେ ମେସାନା ଲକୁ କାବା ଆଡେରି, ଇଞ୍ଜା ଇସ୍ତାୟେଲତି ମାହାପୁରୁଙ୍କ ଜହରା କିତେରି ।

**ଜୀସୁ ସାରି ମାଣା ଲକୁଣି ତୀସେସି**  
(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଙ୍କ ତାଗେ ହାଟାନା ଏଲେଇରେସି, “ଇ ବାରେ ଲକୁତାକି ନାଜେ କାର୍ମା ହଡିମାଞ୍ଜାନେ, ଏନାଆଁତାକି ଇଚିହୁଁ ଇଞ୍ଜାରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି, ଅଡେ ଇଞ୍ଜାରି ତାଣା ଏନାୟିଞ୍ଜା ତିଞ୍ଜାଲି ହିଲେଏ; ଇଞ୍ଜାରି ହାନାଟି ଜୀସୁ ହଡା ହାଡିଲେହେଁ ଜିରୁତା ତରଗିନେରି, ଏଦାଆଁତାକି ହାକିଟି ପାଣ୍ଡାଲି ନା ମନୁ ହିଲେଏ ।”

୩୩ ସୀସୁୟା ଏଞ୍ଜାଣାଙ୍କ ଏଲେଇରେରି, “ଇଚେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଟାୟୁତା ଏମ୍ବିଟି ରୁଟି ପାଣ୍ଡନାୟି ।”

୩୪ ଜୀସୁ ଏଞ୍ଜାରାଙ୍କ ଖେରେସି, “ମୀ ତାଣା ଏଚରଗଟା ରୁଟି ମାନୁ ?”

ଏଞ୍ଜାରି ଏଲେଇରେରି, “ସାଡାଗଟା ଇଞ୍ଜା ଏଚରଗଟା ଉଣା ମୀଣକା ମାନୁ ।”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି,

୩୬ ଅଡେ ଜୀସୁ ଏ ସାଡାଗଟା ରୁଟି ଇଞ୍ଜା ମୀଣକାଣି ମାହାପୁରୁ ତାଣା ଜହରା କିହାନା ସୀସୁୟାଙ୍କି ହୀତେସି; ଏଞ୍ଜାରି ଲକୁତାକି ହୀତେରି ।

୩୭ ଅଡେ ଲକୁ ତିଞ୍ଜାନା ପାଞ୍ଜିତି ତାୟୁ, ତୀଗିତି ରୁଟି ସାଡା ତାଲି ହାରିତାଣି କୃଡି କିତେରି ।

୩୮ ରୁଟି ଡିଟି ଲକୁ ଇୟସିକା ଅଡେ ଉଣା କକାରି ପଦାଣି ପିସାନା ସାରି ମାଣା ଆବାୟା ମାଚେରି ।

୩୯ ଏଚେଟିଏ ଏଞ୍ଜାସି ଲକୁଣି ହେଲ ହୀହାନା ଡଂଗତା ହଡାନା ମଗଦାନ ହାନ୍ଦିତା ଖାଡେସି ।



**କାବାଆନି କାମା ତସାଲି ଏଲେଇନାୟି**  
(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ☆ ଏଚେକା ପାରୁସି ଅଡେ ସାଦୁକିୟା ଜୀସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସ୍ତାମୁ ଇଞ୍ଜୁଁ ବାଡିମାଲିତେରି ।

☆ ୧୫:୧୮ ମାତୃ ୧୨:୩୪ ☆ ୧୭:୧ ମାତୃ ୧୨:୩୮; ଲୁକ ୧୧:୧୭

୨ ସାମା ଜୀସୁ ଏଝାରାଇଁ ଏଲେଇଚେସି, “ମିତ୍ତୁଅଲ୍ଲା ବେଲ୍ଲା ଏଲେଇଞ୍ଜେରି, ଝିଏ କାରା ଆନେ, ଇଚିହିଁ ହାଗୁ ଗାଦ୍‌ଗା ଆହାମାନେ ।”

୩ ଅଡ଼େ ଲାଇ ବେଲ୍ଲା ଏଲେଇଞ୍ଜେରି, ନୀଞ୍ଜୁ ପିନ୍ନୁ ଆନେ, ଇଚିହିଁ ହାଗୁ ଗାଦ୍‌ଗା ଅଡ଼େ ଦୁନ୍ଦା ମୁତାମାନେ । ମୀରୁ ହାଗୁଡ଼ି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀର୍ବିତି କାତା ଅଡ଼େ ସିନାୟାଁ ପୁଞ୍ଜି ହିଲଅତେରି ।

୪ \*ପଲ୍ଲୁଆ ଗାଟାରି ଇଞ୍ଜା ମାହାପୁରୁଇଁ ଅଣ୍ଠାଆଗାଟି କୁଡ଼ାତାରି ସିନାୟାଁ ପାରିନେରି, ସାମା ଜୁନସତି ସିନା ପିସପେ ଅଡ଼େ ଏଟକାତି ସିନା ଏଝାରାକି ହୀପ୍‌କି ଆଏ, ଇଞ୍ଜା ଏଝାସି ଏଝାରାଇଁ ପିସାନା ହାଚେସି ।

**ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା**  
(ମାର୍କ ୮:୧୪-୨୧)

୫ ସୀସୁୟାଁ ସାମଦୁରି ଆତାଲା ହାଜାନା ସିନିକିତେରି, ଏଝାରି ରୁଟି ଅହାଲି ବାଣା ଆହା ହାଜାମାନେରି ।

୬ \*ଜୀସୁ ଏଝାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ସାଦୁକିୟାଁ ପୁଲ୍ଲା ଏୟୁଟି ଜାଗ୍ରାତା ଆହାଁ ମାଞ୍ଜୁ ।”

୭ ଏମ୍ବାଟିଏ ଏଝାରି ତାମ୍ବୁ ତାମ୍ବୁ ଜଲ୍‌କି ଆହାଲି ମାଟ୍‌ହେସି, “ମୀରୁ ରୁଟି ତାଟା ହିଲ୍ଲାଆୟି ଇଞ୍ଜୁ ଏଝାସି ଏଲେଇଞ୍ଜିମାଞ୍ଜାନେସି ।”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଟାତେରି, ମୀ ବିଡ଼ା ରୁଟି ହିଲେଏ ଇଞ୍ଜୁ ଏନାଆଁତାକି ଝେସ୍‌ପି ଆହିମାଞ୍ଜେରି ?

୯ \*ମୀରୁ ନୀର୍ବି ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷୁଡ଼ି ପାସାଗଟା ରୁଟି ଡ଼ିକ୍‌ହାନା ହୀହା ମାଚେଏଁ, ଇଞ୍ଜା ମୀରୁ ଏଚର ତାଲି ହାରିତାଣି କୁଡ଼ି କିତେରି,

୧୦ \*ଇଞ୍ଜା ଏ ସାରି ମାଣା ଲକ୍ଷୁଡ଼ି ସାତା ଗଟା ରୁଟି, ଇଞ୍ଜା ଏଚର ତାଲି ହାରିତାଣି କୁଡ଼ି କିତେରି, ଏ ବାରେ ମିଙ୍ଗେ ଅଣ୍ଠପୁ ହିଲେଏ ?

୧୧ ନାନୁ ମିଙ୍ଗେ ରୁଟି କାତା ଝେସାମାଞ୍ଜାଆଡେଏଁ, ଇଦାଆଁ ଏନିକିଁ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡ଼େ ସାଦୁକିୟାଁ ପୁଲ୍ଲା ଏୟୁଟି ଜାଗ୍ରାତା ଆହାନା ମାଞ୍ଜୁ ।”

୧୨ ଏଝାସି ରୁଟି ତାକି ଲଡ଼ାମାନି ପୁଲ୍ଲା ଏୟୁତାକି ଜାଗ୍ରାତା ଆହାନା ମାଞ୍ଜାଲି ଝେହ୍‌ଆନା, ପାରୁସିୟାଁ ଅଡ଼େ ସାଦୁକିୟାଁ ଜାପ୍‌ନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଝାରାଇଁ ଝେସାମାଚେସି, ଏଦାଆଁ ଏଝାରି ଏଚିବେଲ୍ଲା ପୁଚେରି ।

**ଜୀସୁଇଁ ପିତର ସାତା ଇଞ୍ଜୁଁ ଝେହ୍‌ନାୟି**  
(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାମ୍ବୁ ଜୀସୁ କାୟିସରିୟା ପିଲିପି ରାଜିତା ଝାହାନା ତାନି ସୀସୁୟାଁଇଁ ଝେଚେସି, “ମାଣ୍ଠସି ମୀର୍‌ଏସି ଆମ୍ବାଆସି ଇଞ୍ଜୁଁ ଲକ୍ଷୁଁ ଝେସିମାନେରି ?”

୧୪ \*ଏଚେଟିଏ ଏଝାରି ଏଲେଇଚେରି, “ଆମ୍ବା ଆମ୍ବାଆରି ବାପ୍‌ସୁ\* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆଡ଼ିଁ ମାହାପୁରୁ ଅଣ୍ଠପୁଡ଼ି ବଲ୍ଲୁ ଝେହ୍‌ନାରି ତାଣାଟି ରଅସି ।”

୧୫ ଜୀସୁ ଏଝାରାଇଁ ଝେଚେସି, “ସାମା ନାନୁ ଆମ୍ବାଆଡେଏଁ ଇଞ୍ଜୁଁ ମୀରୁ ଝେସିମାଞ୍ଜେରି ?”

୧୬ \*ସିମନ ପିତର ଏଲେଇଚେସି, “ନୀନୁ କ୍ରୀସ୍ତ, ଜୀଝୁଗାଟି ମାହାପୁରୁ ମୀର୍‌ଏଣାଟି ।”

୧୭ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ଏ ଜୁନସ ମୀର୍‌ଏଣାଟି ସିମନ, ନୀନୁ ନେହେଁ, ଇଚିହିଁ ମାଣ୍ଠସି ନୀ ତାଣାଟି ଇଦାଆଁ ଝେକ୍‌ହାମାଞ୍ଜଅସି, ସାମା ନା ଲାକପୁରୁଡ଼ି ଆଡ଼ା ଝେକ୍‌ହାମାଞ୍ଜାନେସି ।

୧୮ ଅଡ଼େ ନାନୁ ଜିକେଏ ନିଙ୍ଗେ ଝେସିମାଞ୍ଜାଇଁ, ନୀନୁ ପିତରଡ଼ି†, ଇଞ୍ଜା ଇ ଝାଲି ଲାକ ନାନୁ ନା କୁଲମିତି କେପିଲି, ଅଡ଼େ ହାକିତି ବାଡ଼ୁୟୁ ଏଦାଆଁ ମ୍ବେକ୍‌ହାଲି ଆଡେଏ ।

୧୯ \*ନାନୁ ନିଙ୍ଗ ଲାକପୁରୁଡ଼ି କୁଟିକାଡ଼ି ହିୟାଇଁ, ଅଡ଼େ ନୀନୁ ଦାର୍‌ତିତା ଏନାଆଁ ସୁଣ୍ଡିଦି, ଏଦି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡ଼େ ଦାର୍‌ତିତା ଏନାଆଁ ଦେଏଦି ଏଦି ଲାକପୁରୁ ଜିକେଏ ଦେପି ଆନେ ।”

୨୦ ଏଚିବେଲ୍ଲା ଏଝାସିଏ କ୍ରୀସ୍ତ ଇଞ୍ଜୁଁ ଆମ୍ବାଆରାଇଁ ଝେହ୍‌ଆଦୁ ଇଞ୍ଜୁଁ ଏଝାସି ତାନି ସୀସୁୟାଁଣି ଜାଣେ କିହିଁ ହୁକୁମି ହୀତେସି ।

**ଜୀସୁ ତାନି ଦୁକୁ ବେଟାଆନାଣି ଅଡ଼େ ହାନାଣି ଝେହ୍‌ନାୟି**

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଚିବେଲ୍ଲାଟିଏ ଜୀସୁ ତାନି ସୀସୁୟାଁଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜା ପ୍ରାଟିନାଙ୍ଗା, କାଜା ପୂଜେରାଙ୍ଗା ଅଡ଼େ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜା ତାନି ଦିନାଟିଏ ଝେଣ୍ଡେ ନିଙ୍ଗିନାୟି ମାନେ ।

୨୨ ଏଚେଟିଏ ପିତର ଏଝାଣାଇଁ ଅରଝାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଙ୍ଗ କାର୍‌ମା ଆୟାପେସି, ଇଲେତାୟି ନିଙ୍ଗେ ଏଚେଲ୍ଲାଝା ଆୟାଆପେ ।”

୨୩ ସାମା ଜୀସୁ ତାମ୍ବୁଝାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାଡ଼ୁ ଲେହେଁ, ଇଚିହିଁ ନୀନୁ ମାହାପୁରୁ କାତା ଅଣ୍ଠପାଆନା ମାଣ୍ଠସିତି କାତା ଅଣ୍ଠପିମାଞ୍ଜି ।”

୨୪ \*ଏଚିବେଲ୍ଲା ଜୀସୁ ତାନି ସୀସୁୟାଁଣି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ୍ କିତିହିଁ, ଏଝାସି ତାମ୍ବୁଏ ତାଙ୍ଗେ ଅପାକତାଆନା ତାନି କୁସ ଡେକାନାହାଁ ନା ଜେଚ ତାକାପେସି ।

\* ୧୭:୪ ମାତି ୧୭:୩୯; ଲୁକ ୧୧:୨୯    \* ୧୭:୬ ଲୁକ ୧୨:୧    \* ୧୭:୯ ମାତି ୧୪:୧୭-୨୧    \* ୧୭:୧୦ ମାତି ୧୫:୩୪-୩୮    \* ୧୭:୧୪ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୬,୮    \* ୧୭:୧୪ ପୁଞ୍ଜିନାୟି    \* ୧୭:୧୬ ଜହ ୬:୬୮,୬୯    † ୧୭:୧୮ ପିତର ଇଚିହିଁ ଝାଲି    \* ୧୭:୧୯ ମାତି ୧୮:୧୮; ଜହ ୨୦:୨୩    \* ୧୭:୨୪ ମାତି ୧୦:୩୮; ଲୁକ ୧୪:୨୭

୨୫ \*ଇତିହାସ ଆମ୍ଭାମାନଙ୍କୁ ତାମ୍ଭେ ଜାଣୁ ନୀତ୍ୟ କଥାଲି ମନ କିନେସି, ଏହାସି ହାସି କିନେସି; ସାମା ଆମ୍ଭାମାନଙ୍କୁ ନା ତାକି ତାମ୍ଭେ ଜାଣୁ ହୀନେସି ଏହାସି ନୀତ୍ୟ କଥାଲିନେସି ।

୨୬ ଅତେ ମାଣସି ଇ ଦାତ୍ତତା ମାନାଣି ବାରେ ମେଡ଼ି କିହାନା ତାମ୍ଭେ ଜାଣୁତି ହାସି କିନେସି, ଆତିହାସି ଏହାଣାକି ଏନି ଲାବା, ଇଞ୍ଜା ମାଣସି ତାମ୍ଭେ ଜାଣୁତି ବାଦୁଲି ଏନାଆଁ ହୀନେସି ?

୨୭ \*ଇଞ୍ଜା ମାଣସି ମାର୍ବସି ତାମ୍ଭେ ଆବାତି ଗାଞ୍ଜୁରମିତି ତାମ୍ଭେ ଦୁହୁୟା ତଲେ ଖାନ୍ନେସି, ଏତିବେଲା ଏହାସି ବାରେ ଲକୁକି ତାମ୍ଭେ କାମାତି ଲେକା ତଲେ ପାଡ଼େୟି ହୀନେସି ।

୨୮ ନାନୁ ମିଙ୍ଗେ ସାତା ଖେସିମାଞ୍ଜାକି, ମାଣସି ମାର୍ବସି ତାମ୍ଭେ ରାଜିତା ରାଜାଆହାଁ ଖାନ୍ନାଣି ମେହୁଆ ପାତେକା ଇମ୍ପାଆଁ ମାନି ଲକୁ ବିତାତି ଏତରଜାଣା ହାଅରି ।”

### ୧୭

#### ଜୀସୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀସୁ ସ ଦିନା ତାୟି ପିତର, ଜାକୁବ, ଅତେ ତାମ୍ଭେ ତାୟି ଜହନଇଁ ଏଟକା କିହାନା ଏହାରାଇଁ ର ପାତାଆଡ଼ି ହୁରୁ ଲାକ ଅତେସି ।

୨ ଅତେ ଏହାସି ଏହାରି ନକିତା ତାମ୍ଭେ ଖାଣା ବାଦଲୁଞ୍ଜି ଆହାନା ତାମ୍ଭେ ମୁମ୍ଭୁ ଖେଡ଼ାଲେହେଁ ଉଜେଡ଼ି ଇଞ୍ଜା ତାମ୍ଭେ ହିମ୍ଭୁରି ଉଜେଡ଼ି ଲେହେଁ ଦବଲା ଆତେ ।

୩ ଇଞ୍ଜା ମେହୁଦୁ ମସା ଅତେ ଏଲିୟ ଜୀସୁତଲେ କାତା ଆହିମାଗାଣି ମେସୁେରି ।

୪ ଏମ୍ପାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମାର ଇ ଟାୟୁତା ମାନାୟି ନେହେଁ; ନୀ ମନ ଆତିହାସି ନାନୁ ଇମ୍ପାଆଁ ତାନିଗଟା ଗୁଡ଼ାୟାଁ କେପିଇଁ, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ ।”

୫ \*ଇ କାତା ଖେସପନିଏ ମେହୁଦୁ ଇରାୟି ହାଗୁ ଖାହାନା ଏହାରାଇଁ ପିକ୍‌ହେ, ଇଞ୍ଜା ଏ ହାଗୁଟି ଇ ହାଡ଼ା ଖେଜିତେ, “ଇହାସି ନା ଜାଣୁତି ମାର୍ବସି ଇଖାଣି ତାଣେଏ ନା ରାହାଁ ମାନେ, ଇଖାଣି ବଲୁ ଖେଞ୍ଜୁ ।”

୬ ଇ ହାଡ଼ା ଖେଞ୍ଜାହାଁ ସୀସୁୟାଁ ମୁନୁ କୁତିହାଁ ରୀତେରି ଇଞ୍ଜା ହାରେକା ଆଜିତେରି ।

୭ ଏମ୍ପାଟିଏ ଜୀସୁ ଖାହାନା ଏହାରାଇଁ ତୀଗାନା ଏଲେଇଚେସି, “ନିଙ୍ଗାଦୁ ମୀରୁ ଆଜାଆଦୁ ।”

୮ ଇଞ୍ଜା ଏହାରି ଲାକ ସିନିକିହାଲିଏ ଜୀସୁ ପିସପେ ଆମ୍ଭାଆରାଇଁ ମେହୁଆତେରି ।

୯ ଏହାରି ହରୁ ଲାକଟି ରେଟା ଖାହିମାଗାଟି ଜୀସୁ ଏହାରାଇଁ ହୁକୁମି ହାହାନା ଏଲେଇଚେସି, “ମାଣସି ମାର୍ବସି ହାଡ଼ାରି ତାଣାଟି ନିଙ୍ଗାଆ ପାତେକା ଇ ମେସାମାନି କାତା ଆମ୍ଭାଆରାଇଁ ଖେହୁଅତେରି ।”

୧୦ ଏଦାଆଁତାକି ସୀସୁୟାଁ ଏହାଣାଇଁ ଖେଚେରି, “ଆତିହାସି ନଚେଏ ଏଲିୟ ଖାନ୍ନାୟି ମାନେ ଇଞ୍ଜା ମେରାପୁନାରି ଏନାଆଁତାକି ଖେସିମାନେରି ?”

୧୧ ଏହାସି ଏଲେଇଚେସି, “ଏଲିୟ ଖାହାନା ବାରେ ଅତେ ଖେଶ୍ଟେ ଇଟିନାୟି ସାତା”

୧୨ \*ସାମା ନାନୁ ମିଙ୍ଗେ ଖେସିମାଞ୍ଜାକି, “ଏଲିୟ ଖାହା ରାତେସିଏ, ସାମା ଲକୁ ଏହାଣାଇଁ ପୁନାଆନା ଏନିକିହାଲି ମନ ଏଲେକିତେରି । ଏଲେକିହାଁ ଏ ମାଣସି ମାର୍ବସି ଜିକେଏ ଏହାରି କେୟୁତା ଦୁକୁ ବେଟାଆହାଲି ହାଜିମାନେସି ।”

୧୩ ଏତିବେଲା ଏହାରାଇଁ ବାପ୍ତିସ୍ତା\* ହୀନି ଜହନତି କାତା ଖେସିମାନେସି, ଏତିବେଲା ସୀସୁୟାଁ ପୁତେରି ।

#### ଜୀସୁ ବୁଡୁ ଆଲ୍‌ଗାମାଟି କକାଣାଇଁ ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟି ଏହାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଶ୍ଟାକୁତାନା ଏଲେଇଚେସି,

୧୫ “ପ୍ରବୁ ନା କକାଣାଇଁ କାର୍ମା ମେହୁମୁ, ଇତିହାସି ଏହାସି କାଟିଖେନି ନଚେରି ତାକି ହାରେକା କସ୍ତୁ ଆହିମାନେସି, ଏହାସି ଏତର ପାଲି ହିରୁତା ଅତେ ଏୟୁଣାଁ ତରଗା ହାଜିମାନେସି ।

୧୬ ନାନୁ ମୀ ସୀସୁୟାଁ ତାଣା ଏହାଣାଇଁ ତାଚାମାତେସି, ସାମା ଏହାରି ଏହାଣାଇଁ ନେହୁଁ କିହାଲି ଆଡ଼ାଆତେରି ।”

୧୭ ଜୀସୁ ଏଲେଇଚେସି, “ଆତେ ନାମାଆଗାଟି ଲାଗେଏ ପଲେଏ କାମା କିନି କୁଡ଼ାତାତେରି, ଏତର କାଲା ପାତେକା ନାନୁ ମୀ ତଲେ ଡ଼ୟିଇଁ ? ଏତର କାଲା ମୀ ଲେମ୍ପାନାଣି ଅରୁହିଇଁ ? କକାଣାଇଁ ଇମ୍ପାଆଁ ନା ତାଣା ତାଦୁ ।”

୧୮ ଅତେ ଜୀସୁ ବୁଡୁଇଁ ଦାକା ହାହାଲିଏ, ବୁଡୁ ଏହାଣାଇଁ ପିସା ହାଡୁସେ, ଏ ଦେବୁଣିଏ କକାସି ନେହୁଁ ଆତେସି ।

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ଭୁ ଏନାଆଁତାକି ଏ ବୁଡୁ ପିସପି କିହାଲି ଆଡ଼ାଆତମି ?”

୨୦ \*ଏହାସି ଏହାରାଇଁ ଏଲେଇଚେସି, “ମୀ ଉଣା ନାମୁ ତାକି, ଇତିହାସି ନାନୁ ମିଙ୍ଗେ ସାତା ଖେସିମାଞ୍ଜାକି, ର ହାସୁଁ ପାଡ଼େୟି ସମାନା ମୀ ନାମୁ ମାଟିହାଁ, ଇ ହରୁତି ଇମ୍ପାଟି ଏମ୍ପାଆଁ ଗୁଟାଆମୁ ଇତିହାଁ, ଏଡ଼ି ଗୁଟାଆନେ, ଅତେ ଏନାୟି ଜିକେଏ ଆଆଗାଟାୟି ହିଲେଏ ।

୨୧ ସାମା ପ୍ରାତାନା ଅତେ ଉପାସା ପିସପେ ଅତେ ଏଡ଼ି ଉପେୟିଟି ଇଲେତି ବୁଡୁ ହଟା ହାଲେଏ ।”

#### ଜୀସୁ ତାମ୍ଭେ ହାନ୍ତି କାତାତି ଅତେ ଖେଶ୍ଟେ ଖେହୁନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅତେ ଏହାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏହାରାଇଁ ଖେସୁେସି, “ମାଣସି ମାର୍ବସି ମାଣସିୟାଁ କେୟୁତା ହେରପି ଆହାଲି ହାଜିମାନେସି,

\* ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ \* ୧୭:୨୭ ମାତି ୨୫:୩୧; ରମି ୨:୬ \* ୧୭:୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ \* ୧୭:୫ ୨ପିତ ୧:୧୭,୧୮ \* ୧୭:୧୨ ମାତି ୧୧:୧୪ \* ୧୭:୧୩ ମୁଞ୍ଜିନାୟି \* ୧୭:୨୦ ମାତି ୨୧:୨୧; ମାର୍କ ୧୧:୨୩; ୧କର ୧୩:୨

୨୩ ଇଞ୍ଜା ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଝେଣ୍ଡେ ନିଜିନେସି ।”  
ଏଚେଟିଏ ଏଞ୍ଜାରି ହାରେକା ଦୁକୁ ଆଡ଼େରି ।

**ମାହାପୁରୁ ଇଲୁତାକି ସିସୁ ହୁନାୟି**

୨୪ ଏମ୍ବାଟିଏ ଏଞ୍ଜାରି କପରନାହୁମତା ଝାହାଲିଏ ମାହାପୁରୁ ଇଲୁତି ସିସୁ ରାହନାରି ପିତରଇଁ ଝାହାନା ଝେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?”

୨୫ ପିତର ଏଲେଇଚେସି, “ହାଅ ହାନେସି ।”

ଅଡ଼େ ଏଞ୍ଜାସି ଇଜ ଝାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ପୁ ଏନାୟି, ଦାରତିତି ରାଜାୟା ଆମ୍ବାଆରି ତାଣାଟି ସିସୁ ରାହନେରି, ଏଞ୍ଜାରି ମୀରକା ତାଣାଟି କି ଏଟକା ଦେସାତି ଲକୁ ତାଣାଟି ?”

୨୬ ଏଞ୍ଜାସି ଏଟକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହୁଁ ମୀରକା ହିୟାଲି ଲଡ଼ାଆଏ ।”

୨୭ ସାମା ମାରୁ ଏନିକ୍ ଏଞ୍ଜାରାକି ବାଦା ହାନାତାୟି ଆଆୟି, ଏଦାଆଁତାକି ସାମଦୁରିତା ହାଜାନା କାଟା ମେଡ଼ମ୍, ଇଞ୍ଜା ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁଡି ଏକ୍‌ହିସାରେ ର ଝେଣ୍ଡି ଟାକା ବେଟାଆଦି; ଏଦାଆଁ ଅହାନା ନାଜେ ଅଡ଼େ ନିଜେତାକି ଏଞ୍ଜାରାକି ହୀମ୍ ।

**୧୮**

**ଲାକପୁରୁ ରାଜିତା ଆମ୍ବାଆସି କାଜାସି**

(ମାର୍କ ୯:୩୩-୩୭; ଲୁକ ୯:୪୬-୪୮)

୧ \*ଏଚିଚେଲା ସୀସୁୟାଁ ଜୀସୁ ତାଣା ଝାହାନା ଝେଚେରି, “ଆତିହୁଁ ଲାକପୁରୁ ରାଜିତା ଆମ୍ବାଆସି କାଜାସି ?”

୨ ଏଞ୍ଜାସି ର ଉଣା କକାଣାଇଁ ତାଗେ ହାଟାହାଁ ନିପ୍‌ହାନା ଏଲେଇଚେସି,

୩ \* “ନୀନୁ ମିଜେ ସାତା ଝେସିମାଞ୍ଜାଇଁ, ମୀରୁ ଝେଣ୍ଡେ ର ଉଣା କକାଣି ଲେହେଁ ଆଆତିହୁଁ, ଏନିଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି ।

୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଜେତାକି ଉଣା କିହାକତିନେସି, ଏଞ୍ଜାସି ଲାକପୁରୁ ରାଜିତା କାଜାସି ।

୫ ଅଡ଼େ ଆମ୍ବାଆସି ଜିକେଏ ନା ଦରୁଟି ଇ ଉଣା କକାଣାଇଁ ଆବିନେସି, ଏଞ୍ଜାସି ନାଜେ ଆବାନେସି ।”

**ପାପୁ କିହାଲି ତାୟିପାରି କିନାୟି**

(ମାର୍କ ୯:୪୭-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଞ୍ଜି କିନେସି, ଏଞ୍ଜାଣି ହେରକିତା ର କାଜା ଜେତାଞ୍ଜାଲି ଦସାନା ସାମଦୁରିତି କୁଡ଼ନି ଏୟୁଣାଁ ମେଡ଼ହୁଁ ଏଞ୍ଜାଣାକି ନେହେଁ ଆଡ଼େମା ।

୭ ଆୟଡ଼ା, ଦାରତିତି ଲାଗେଏ କିନାକି ଡ଼ଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ, ଆୟଡ଼ା ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜାସି ଡ଼ଣ୍ଡ ବେଟା ଆନେସି !”

୮ \* “ମୀ କେୟୁ କି କତା ମିଜେ ପାପୁ କିଞ୍ଜିକିୟାନେ, ଇଚିହୁଁ ଏଦାଆଁ ରାଡ଼ହାନା କୁତାଦୁ, ରୀ କେସ୍ତା ଅଡ଼େ ରୀ କତାୟାଁ ଆସାନା କାଲ୍‌କାଲ୍‌ ଡ଼ାଞ୍ଜିମାନି ହିଚୁତା ହଡ଼ନି କିହାଁ କଲା ଅଡ଼େ ସଟା ଆହାନା କାଲ୍‌ଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ ।

୯ \* ଅଡ଼େ ମୀ କାନୁ ମିଜେ ଲାଗେଏ କିଞ୍ଜିକିୟାତିହୁଁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣକା ଆସାନା କାଲ୍‌ଏ ଡ଼ାଞ୍ଜିମାନି ହିଚୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲ୍‌ଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ ।”

**ଜାଜିତି ମେଣ୍ଡାତି ପୁଣ୍ଡିକିନାୟି (ଲୁକ ୧୫:୩-୭)**

୧୦ \* “ହେଣ୍ଡୁ ଇ ଉଣା କକାରି ବିତ୍ରାଟି ରଅଣାଇଁ ଜିକେଏ ହୀଣି ମେହୁଆଦୁ, ଇଚିହୁଁ ନୀନୁ ମିଜେ ସାତା ଝେସିମାଞ୍ଜାଇଁ, ଲାକପୁରୁ ମାନି ଏଞ୍ଜାରି ଦୁଡ଼ୟାଁ ବାରେଦିନା ଲାକପୁରୁତି ମା ଆବାତି ମୁସ୍ ମେସେ ମାନୁ ।

୧୧ ଇଚିହୁଁ ଏନାୟି ଜାଜାମାନେ ଏଦାଆଁ ପାରାନା ଗେଲ୍‌ପାଲି ମାଣ୍‌ସି ମୀରୁଏସି ଝାହାମାନେସି ।”

୧୨ “ମୀରୁ ଏନାଆଁ ଅଣ୍ପିମାଞ୍ଜେରି? ରଅଣାକି ପାସାକଡ଼ି ମେଣ୍ଡାୟାଁ ମାତିହୁଁ, ଏଞ୍ଜାସିକା ବିତ୍ରାଟି ରଣ୍ଡି ଜାଜାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଜାମାନି ମେଣ୍ଡାତି ପାରଅସି ?

୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନୀନୁ ମିଜେ ସାତା ଝେସିମାଞ୍ଜାଇଁ, ଜାଜା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଜାମାଟି ର ମେଣ୍ଡା ତାକି ହାରେକା ରାହାଁ କିନେସି ।

୧୪ ଏଲେକିହୁଁ ଏ ଇ ଉଣାୟାଁ ବିତ୍ରାଟି ରଣ୍ଡି ଜିକେଏ ନସ୍ ଆଆପେ ଇଞ୍ଜୁଁ ମୀ ଲାକପୁରୁତି ଆବାତି ମନ ।”

**ପାପୁ କିତି ର ତାୟି**

୧୫ \* “ନୀ ତାୟି ପାପୁ କିତିହୁଁ, ନୀନୁ ଏଞ୍ଜାଣାଇଁ ମେଣ୍ଡେଏ ଏଲେକିଆନି ଇଞ୍ଜୁଁ ଝେସାନା ତାନି ପାପୁ ତହ୍‌ମ୍; ଏଞ୍ଜାସି ନୀ କାତା ଆସିହୁଁ ନୀନୁ ଏଞ୍ଜାଣାଇଁ ନୀ ତାୟିଲେହେଁ ଝେଣ୍ଡେ ବେଟାଆଦି ।

୧୬ ସାମା ଏଞ୍ଜାସି ନୀ କାତା ଝେନାଆତିହୁଁ, ନୀ ତଲେ ରଅଣାଇଁ କି ରିଆରାଇଁ ଅହିହୁଁ ହାଲାମ୍, ଏନିକିହୁଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତୀରି ଆନେ ।

୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହୁଆତିହୁଁ କୁଲମିତି ଝେହ୍‌ମ୍, ଅଡ଼େ ଜିକେଏ କୁଲମି କାତା ଝେନଅସି,

☆ **୧୮:୧** ଲୁକ ୨୨:୨୪ ☆ **୧୮:୩** ମାର୍କ ୧୦:୧୫; ଲୁକ ୧୮:୧୭ ☆ **୧୮:୮** ମାତି ୫:୩୦ ☆ **୧୮:୯** ମାତି ୫:୨୯ ☆ **୧୮:୧୦** ଲୁକ ୧୯:୧୦ ☆ **୧୮:୧୫** ଲୁକ ୧୭:୩



୯ ✧ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ରିନି ଦାରି ଦହୁ ହିଲାଆନା ଏନି କାତାତାକି ପିସାନା ଅର ତକ୍ରିନି ତାତିହୁଁ, ଏଝାସି ଦାରିକାମା କିନେସି ।”

୧୦ ସାମୁୟାଁ ଏଝାଶାଇଁ ଏଲେଇଚେସି, “ତକ୍ରିନି ତଲେ ମାଣ୍ଡିକି ଇଲେତାୟି ମାତିହୁଁ, ଏଝାସି ବାହା ଆଆତିହୁଁ ନେହେଁ ଆଡେମା ।”

୧୧ ଜୀସୁ ଏଝାରାଇଁ ଏଲେଇଚେସି, “ବାରେଜାଶା ଇ କାତାତି ଆସାଲି ଆଡଅରି, ଇତିହୁଁ ଆମ୍ବାଆରାକି ମାହାପୁରୁ ବାଡ଼ୁୟୁ ହାହାମାନେସି, ଝାରଇ ଏଝାରିଦେହେଁ ଆସାଲି ଆଡିନେରି ।

୧୨ ଇତିହୁଁ ଆମ୍ବା ଆମ୍ବାଆରି ଇୟାନି ବାଣ୍ଡିଟିଏ ବାହା ଆହାଲି ଆଡାଆରେଚୁ ଜାର୍ନା ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକୁ ତାଶାଟି ଏଲେକିଝି ଆହାମାନେରି, ଅଡେ ଆମ୍ବା ଆମ୍ବାଆରି ଲାକପୁରୁ ରାଜିତାକି ତାମ୍ବୁ ତାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡିନସି ଆସପାସି ।”

**ଜୀସୁ କକାରି ପଦାକି ବର ହାନାୟି**  
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଚିବେଲା ଜୀସୁ କକାରି ପଦାୟା ମୁହେଁ କେୟୁ ଇଟାନା ପ୍ରାତାନା କିନେସି, ଏଦାଆଁତାକି ଲକୁ ଏଝାରାଇଁ ତାନି ତାଶା ତାଡେରି, ସାମା ସାମୁୟାଁ ତାଟିମାଟି ଲକୁଣି ଦାକା ହାତେରି ।

୧୪ ସାମା ଜୀସୁ ଏଲେଇଚେସି, “କକାରି ପଦାଣି ନା ତାଶା ଝାହାଲି ହାଦୁ, ଏଝାରାଇଁ ଆଂଗାଆଦୁ, ଏନାଆଁତାକି ଇତିହୁଁ ଲାକପୁରୁ ରାଜି ଏଲେତାରିଝାୟି ।”

୧୫ ଅଡେ ଏଝାସି ଏଝାରି ଲାକ କେୟୁ ଇଟାନା ଏମ୍ବାଟି ହାଚେସି ।

**ର ଦନଗାଟି ଦାଂଗଣେସସି**  
(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡେ ମେହଦୁ ରଅସି ଜୀସୁ ତାଶା ଝାହାନା ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହୁଁ କାମା କିଇଁ?”

୧୭ ଜୀସୁ ଏଝାଶାଇଁ ଏଲେଇଚେସି, “ନେହାୟି ଇନି କାତାତି ନାଙ୍ଗେ ଏନାଆଁତାକି ଖେଞ୍ଜିମାଞ୍ଜାଦି ? ଝାରଇ ରଅସିଏ ନେହାସି; ସାମା ନାନୁ ଜୀସୁ ବେଟାଆହାଲି ମନ କିତିହୁଁ, ବାରେ ହୁକୁମି ମାନଝି ଆମ୍ବୁ ।”

୧୮ ଏଝାସି ଜୀସୁଇଁ ଏଲେଇଚେସି, “ଏନିଲେହେଁତି ହୁକୁମି ?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହାଆନି,

୧୯ ତାଲି ତାଞ୍ଜି କାତା ଆହମ୍ବୁ, ନୀ ପାଡିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ବୁ ।”

୨୦ ଏ ଦାଂଗଣେସସି ଜୀସୁଇଁ ଏଲେଇଚେସି, “ନାନୁ ଇ ବାରେ ମାନଝି ଆହାମାଇଁ, ନାଙ୍ଗେ ଅଡେ ଏନଝା ଉଶା ମାନେ ?”

୨୧ ଜୀସୁ ଏଝାଶାଇଁ ଏଲେଇଚେସି, “ନାନୁ ନେହାଁତି ଆହାଲି ମନ କିତିହୁଁ, ହାଜାନାହାଁ ନୀ ବାରେ ଦନ ପାରଗାନାହାଁ ହିଲାଆ ଗାଟାରାକି ଦାନା ହାମ୍ବୁ, ଇଞ୍ଜା ନା ଜେଟ ଝାମ୍ବୁ, ଏଚେଟିଏ ଲାକପୁରୁ ନାନୁ ଦନ ବେଟାଆଡି ।”

୨୨ ଇ କାତା ଖେଞ୍ଜାନା ଦାଂଗଣେସସି ଦୁକୁ ଆହାନା ହାଚେସି, ଇତିହୁଁ ଏଝାଶାକି ହାରେକା ଦନ ମାଚେ ।

୨୩ ଏଚେଟିଏ ଜୀସୁ ତାନି ସାମୁୟାଁଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଦନ ଗାଟାରି ଲାକପୁରୁ ରାଜିତା ହଡାଲି ହାରେକା କସୁ ଆନେ ।

୨୪ ଅଡେ ଖେଣ୍ଡେ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉଚୁ ସୁଜା କାଣ୍ଡିଟି ହଡା ହାନାୟି ଉସାସା ଆନେ ।”

୨୫ ସାମୁୟାଁ ଇ କାତା ଖେଞ୍ଜାନା କାବାଆହାନା ଏଲେଇଚେସି, “ଆତିହୁଁ ଆମ୍ବାଆସି ଗେଲ୍ପି ଆହାଲି ଆଡିନେସି ?”

୨୬ ଜୀସୁ ଏଝାରାଇଁ ସିନିକିହାନା ଏଲେଇଚେସି, “ଇଦି ମାଣ୍ଡିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆନେ ।”

୨୭ ଏଚେଟିଏ ପିତର ଏଲେଇଚେସି, “ମେହମ୍ବୁ ମାମ୍ବୁ ବାରେ ପିସାନା ନୀ ଜେଟ ଝାହାମାନମି; ଆତିହୁଁ ମାମ୍ବୁ ଏନାଆଁ ବେଟାଆନମି ?”

୨୮ ✧ଜୀସୁ ଏଝାରାଇଁ ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ପୁଃନି ଜୁଗୁ ଆନାଟି ଏଚେଟା ମାଣ୍ଡି ମୀରସସି ତାନି ଗାଝୁରମିତି କାଜାପାଶା ତଲେ ସିଂଗାସାଣିତା କୁଗିନି ଦିନା ନା ଜେଟ ଝାହାମାନାଚେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୁଡାତି ସାଲଝି କିଦେରି ।

୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଶ୍ଟା, କି ତାୟି ତାଜିସ୍ଟା, ତାଲି ତାଞ୍ଜି, କକାରି ପଦାୟା, ଇଞ୍ଜା ବୁମି ବାଡା ପିସାମାନେସି, ଏଝାସି ଏ ବାରେକିହାଁ ହାରେକା ଗାଡି ବେଟା ଆନେସି, ଇଞ୍ଜା କାଲାକାଲାତି ଜୀସୁତି ବେଟା ଆନେସି ।

୩୦ ✧ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆନେରି ।

**୨୦**

**ଅଞ୍ଜୁରି ବାଡାତା କାମାକିନାରି**

୧ ଇତିହୁଁ ଲାକପୁରୁ ରାଜି ଇଲେତି ର ସାଝୁକାରି ଲେହେଁତାୟି, ଲାକ୍ ଖେୟାଲିଏ ତାନି ଅଞ୍ଜୁରି ବାଡାତା କୁଲି କାମା କିଝିକିହାଲି ହାଚେସି ।

୨ ଅଡେ ଏଝାସି କୁଲି ଗାଟାରାଇଁ ଦିନାତାକି ର ଖେଣ୍ଡି ଟାକା ହିୟାଇଁ ଇଞ୍ଜୁଁ ଏଝାରାଇଁ ତାନି ଅଞ୍ଜୁରି ବାଡାତା ପାଣ୍ଡିଚେସି ।

୩ ଅଡେ ନ ଗଂଟା ବେଲାତା ଏଝାସି ପାଙ୍ଗାତା ହାଜାନା ଏଟକାଟାରି କାମା ପୁଃଆନା ନିଟାମାତାଣି ମେସାନା ଏଝାରାଇଁ ଜିକେଏ ଏଲେଇଚେସି,

✧ ୧୯:୯ ମାତି ୫:୩୨; ୧କର ୭:୧୦,୧୧ ✧ ୧୯:୨୮ ମାତି ୨୫:୩୧; ଲୁକ ୨୨:୩୦ ✧ ୧୯:୩୦ ମାତି ୨୦:୧୬; ଲୁକ ୧୩:୩୦

୪ ମୀରୁ ଜିକେଏ ଅଜୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକି ତୀରି ଆହାମାନେ, ଏଲେକିହି ମିଜେ ହିୟାଲି; ଇଞ୍ଜା ଏଞ୍ଜାରି ହାଚେରି ।

୫ ଅଡ଼େ ମାଦେନା ବାର ଗଂଟା ଇଞ୍ଜା ତୀନି ଗଂଟା ବେଲ୍ଲାତା ପାଙ୍ଗାତା ହାଜାନା ଏଲେକିତେସି ।

୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲ୍ଲାତା ପାଙ୍ଗାତା ହାଜାନା ଏଚେରଜାଣା ନିଚାମାନାଣି ମେସାନା ଖେଚେସି, ମୀରୁ ଏନାଆଁତାକି ମାଦେନା ଖେଡ଼ାଡ଼ୁମ୍ବେ କାମା କିଆନା ଉଜେଏ ନିଚାମାଞ୍ଜେରି ?

୭ ଏଞ୍ଜାରି ଏଞ୍ଜାଣାଲି ଏଲେଇଚେରି, ଆମ୍ବାଆରି ମାଜେ କାମା ହେର୍ପା ମାଞ୍ଜଅରି । ଏଞ୍ଜାସି ଏଞ୍ଜାରାଲି ଏଲେଇଚେସି ମୀରୁ ଜିକେଏ ଅଜୁରି ବାଡ଼ାତା ହାଜୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଜୁରି ବାଡ଼ାତି ସାଞ୍ଜୁକାରି ତାନି ଗୁମୁସ୍ତାଲି ଏଲେଇଚେସି, କୁଲି ଗାଟାରାଲି ହାଟାନା ତାୟୁ ଖାଡ଼ି ଲକୁ ତାଣାଟିଏ ମାଟ୍‌ହାନା ନକିତା ଖାଡ଼ି ଲକୁ ପାଡେକା କୁଲି ହାମୁ ।

୯ ଏଚେଟିଏ ଆମିନି ଗାଟାରି ପାସା ଗଂଟା ବେଲ୍ଲାତା କାମାତା ପାଣ୍ଡୁଞ୍ଜି ଆହାମାଚେରି, ଏଞ୍ଜାରି ଖାହାନା ର ଖେଣ୍ଡି ଟାକା ଲାକା ବେଟାଆଡେରି ।

୧୦ ଇଞ୍ଜା ନକେଏ କାମାତା ପାଣ୍ଡୁଞ୍ଜି ଆହାମାନାରି ଖାହାନା ଗାଡ଼ି ବେଟାଆନେରି ଇଞ୍ଜା ଅଣ୍ଡିପିତେରି; ସାମା ଏଞ୍ଜାରି ଜିକେଏ ଏ ର ଖେଣ୍ଡି ଟାକା ଲାକା ବେଟାଆଡେରି ।

୧୧ ସାମା ଏଲେକିହି ବେଟାଆହାନା ଏଞ୍ଜାରି ସାଞ୍ଜୁକାରିଲି କପା ଆହାନା ଲାଗିତେରି ।

୧୨ ଇ ତାୟୁତି ଲକୁ ଖାରଇ ର ଗଂଟା କାମା କିତେରି, ଇଞ୍ଜା ମାମ୍ବୁ ଚୁଡ଼ଡ଼ା ଡୁମ୍ବେ ଖାହୁ ଆହୁ କାରା ଖେହୁ କାମା କିତିହି ଜିକେଏ ନୀନୁ ଏଞ୍ଜାରାକି ମା ସମାନା କିତି ।

୧୩ ଏଞ୍ଜାରି ବିତ୍ରାଟି ରଅଣାଲି ସାଞ୍ଜୁକାରି ଏଲେଇଚେସି ଏ ତରେ, ଖେନାମୁ, ନାନୁ ନିଜେ ନାଡ଼ି କିହିମାଞ୍ଜଅ; ନୀନୁ ନା ତଲେ ର ଖେଣ୍ଡି ଟାକା ତାକି ରାଜି ଆହାହିଲାଆତି କି ?

୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାଡ଼ୁହମୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ ।

୧୫ ନା ଦନଡ଼ି ନା ମନ ଲେହେକି ଲେମ୍ବାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ ଏଲେକିହି ଏ ତାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଖେହନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଟାଟି ବାରଜାଣାତି ସୀସୁୟାଲି ଏଟକା କିହାନା, ଜିରୁତା ଏଞ୍ଜାରାଲି ଏଲେଇଚେସି,

୧୮ ମେହଦୁ ମାର ଜିରୁସାଲମତା ହାଜିମାନାୟି, ମାଣ୍ଡସି ମୀରୁଏସି କାଜା ପୂଜେରାଙ୍ଗା ଅଡ଼େ ମେରାପୁନାରି କେୟୁତା ହେର୍ପିଆନେସି,

୧୯ ଅଡ଼େ ଏଞ୍ଜାରି ଏଞ୍ଜାଣାଲି ହାନି ତଣ୍ଡ ହାହାନା ଏଟକା କୃତାତାରି କେୟୁତା ହେର୍ପିନେରି, ଏଚେଟିଏ ଏଞ୍ଜାରି ଏଞ୍ଜାଣାଲି କିଜି କିନେରି, ସାଟ୍‌ଣି ତ୍ତରିତଲେ ଖେନେରି, ଅଡ଼େ ପାସି ମୁଣ୍ଡାତା ଏକ୍‌ହାନା ପାୟିନେରି, ଇଞ୍ଜା ତୀନି ଦିନାଟିଏ ହାକିତି ଖେଣ୍ଡେ ନିଜନେସି ।

ର ଇୟନି ବାଡ଼ିମାଲିନାୟି

(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି ତାଣା ବାଡ଼ିମାଲିହି ଏଲେଇଚେ ।

୨୧ ଏଚେଟିଏ ଜୀସୁ ଏଦାନି ଖେଚେସି, “ନୀନୁ ଏନାଆଁ ମନ କିହିମାଞ୍ଜ ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରୁକା ବିତ୍ରାଟି ରଅସି ନୀ ଟିଠନିଖାକି ଅଡ଼େ ରଅସି ନୀ ଟେଟ୍ରିଖାକି କୁଗିନେରି ଇଞ୍ଜା ହୁକୁମି ହାମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅଡେରି । ନାନୁ ଆମିନି ସଲ୍ଲାତା ଗସାଲି ହାଜିମାଲି, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଣାଲି ଏଲେଇଚେରି, “ଆଡ଼ିନମି ।”

୨୩ ଜୀସୁ ଏଞ୍ଜାରାଲି ଏଲେଇଚେସି, “ମୀରୁ ନା ସଲ୍ଲାତା ଗହ୍‌ଦେରି ସାତା, ସାମା ନା ଟିଠନି କି ଟେଟ୍ରିଖାକି କୁଗାଲି ହାନି ନା ଅଦିକାରାତି କାତା ଆଏ, ଇତିହି ଆମିନି ଗାଟାରାକି ନା ଆଟା ତାଣାଟି ତାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି ।”

୨୪ ଏଟକାତି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଲି କପା ଆଡେରି ।

୨୫ ସାମା ଜୀସୁ ଏଞ୍ଜାରାଲି ତାଗେ ହାଟାନା ଏଲେଇଚେସି, “ଏଟକା କୃତାତାରି ସାଲ୍‌ଞ୍ଜି କିନାରି କାଜା ବାଡ଼ୁୟୁ ତଲେ ତାନି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

୨୬ ମୀ ବିତ୍ରା ଏଲେକିହି ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍ଡିପିନେସି, ଏଞ୍ଜାସି ମୀ ସେବା କିନାସି ଆପେସି;

୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆପେସି,

୨୮ ଏନିକିହି ମାଣ୍ଡସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡ଼େ ହାରେକା ଲକୁଣି ଗେଲ୍‌ପାଲି ଜୀସୁ ହାହାଲି ଖାହାମାନେସି ।”

ରୀ କାଣାୟାଣି ମେସାଲି ହାନାୟି

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

☆ ୨୦:୧୭ ମାତି ୧୯:୩୦; ମାର୍କ ୧୦:୩୧; ଲୁକ ୧୩:୩୦ ☆ ୨୦:୨୫ ଲୁକ ୨୨:୨୫,୨୬ ☆ ୨୦:୨୭ ମାତି ୨୩:୧୧; ମାର୍କ ୯:୩୫; ଲୁକ ୨୨:୨୭

୨୯ ଜୀସୁ ଅଡ଼େ ତାନି ସୀସୁୟାଁ ଜିରିହଟି ହାଜିମାଟାଟି ହାରେକା ମାନ୍ଦା ଲକୁ ତାନି ଜେଟ ହାଚେରି ।

୩୦ ଅଡ଼େ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜିଁ ଖେଞ୍ଜାନା, କାଜା ଗିୟାଁତଲେ ଏଲେଇଚେରି, “ଏ ପ୍ରବୁ ଦାଝୁଦ ମାର୍‌ଏଣାତି ! ମାଜେ କାର୍ମା ମେସ୍ତାମୁ !”

୩୧ ସାମା ଲକୁ ଏଞ୍ଜାରାଇଁ ପାଲେଏ ଆହାଲି ଦାକା ହୀତେରି, ସାମା ଏଞ୍ଜାରି ଅଡ଼େ କାଜା ଗିୟାଁତଲେ ଏଲେଇଚେରି, “ଏ ପ୍ରବୁ ଦାଝୁଦ ମାର୍‌ଏଣାତି ! ମାଜେ କାର୍ମା ମେସ୍ତାମୁ !”

୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାରାଇଁ ହାଟାନା ଖେଚେସି, “ନାନୁ ମିଜେଟାକି ଏନାଆଁ କିଇଁ ଇଞ୍ଜିଁ ମୀରୁ ଅଣ୍ଡିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ପ୍ରବୁ ଏନିକିଁ ମା କାଣ୍‌କା ଦେପି ଆନୁ ।”

୩୪ ଅଡ଼େ ଜୀସୁ କାର୍ମା ଆହାନା ଏଞ୍ଜାରି କାଣ୍‌କା ଡାଗିତେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି ଜେଟ ହାଚେରି ।

### ୨୧

#### ଜିରୁସାଲମତା ଜୀସୁ ରାହାଁଟି ହଡ଼ନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡ଼େ ତାନି ସୀସୁୟାଁ ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାଗି ଏଜାଲିଏ ଏଚିବେଲା ଜୀସୁ ତାନି ରୀ ସୀସୁୟାଁଣି ଏଲେଇଞ୍ଜା ପାଣ୍ଡିତେସି ।

୨ “ମୀରୁ ନକିତା ମାନି ନାୟୁଁତା ହାଜୁ, ଇଞ୍ଜା ହାଲୁଞ୍ଜିନିଏ ଦସାମାନି ର ଗାଡ଼ଦେ ଇଞ୍ଜା ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ ।

୩ ଅଡ଼େ ଆମ୍ବାଆରି ଏନାଆଁ ଇଞ୍ଜାତିହ୍, ଖେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନ୍ଦେସି ।”

୪ ମାହାପୁରୁ ଅଣ୍ଡିପୁତି ବଲୁ ଖେହ୍‌ନାରି କାତା ଏନିକିଁ ସାତା ଆନେ, ଏଦାଆଁତାକି ଇ ବାରେ ଆଡ଼େ;

୫ “ସିୟନତି ଗାଡ଼ାଇଁ ଖେହ୍‌ଦୁ ମେହ୍‌ମୁ ନୀ ରାଜା ନୀ ତାଣା ଖାହିମାନେସି ! ଏଞ୍ଜାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି ଇତିହ୍ ଗାଡ଼ଦେ ତାଲୁ ଲାକ କୁଗାମାନେସି ।”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଖେସ୍ତିଲେହେଁ କାମା କିତେରି,

୭ ଅଡ଼େ ଗାଡ଼ଦେ ଇଞ୍ଜା ତାଲୁତି ତାଚାନା ଏଞ୍ଜାସିକା ଲାକ ହିମ୍ବୁରିକା ପାସ୍ତେରି, ଇଞ୍ଜା ଜୀସୁଇଁ କୁଗିକିତେରି ।

୮ ଅଡ଼େ ହାରେକା ଲକୁ ତାନି ହିମ୍ବୁରିକା ଜିରୁତା ପାସ୍ତେରି, ଅଡ଼େ ଏଚେକା ଲକୁ ମାର୍‌କାତି ଗଚାୟାଁ ତାଚାନା ଜିରୁତା ପାସ୍ତେରି ।

୯ ଅଡ଼େ ଜୀସୁତି ଡାୟୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାଝୁଦ ମୀରୁଏସି ! ମାହାପୁରୁ ଦରୁଟି ଖାହିମାନେସି ନେହ୍‌ସି ! ମାହାପୁରୁ ଏଞ୍ଜାଣାଇଁ ବର ହୀପାସି, ଲାକପୁରୁ ହସାନା !”

୧୦ ଅଡ଼େ ଏଞ୍ଜାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଞ୍ଜାସି ଆମ୍ବାଆସି ?” ଇଞ୍ଜିଁ କାବାଆହାନା ଏଲେଇଚେରି ।

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଞ୍ଜାସି ଗାଲିଲି ଦେସାତା ମାନି ନାଜିରିତତି ମାହାପୁରୁ ଅଣ୍ଡିପୁତି ବଲୁ ଖେହ୍‌ନି ଜୀସୁ ।”

#### ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ଡାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ଏମ୍ବାଆଁ ଆସ୍ତି ମାସ୍‌କି ମାଚାରାଇଁ ବାରେତି ପାଙ୍ଗାତା ପେର୍‌ହା ପାଣ୍ଡିତେସି, ଇଞ୍ଜା ଟାକାୟାଁ ବେବାରା ଗାଟାରି କୁଚିୟାଁ ଅଡ଼େ ପାର୍‌ଞ୍ଜା ପଚାୟାଁ ବେବାରା ଗାଟାରି ଜମ୍ବାୟାଁ ଚିରିମ୍ବୁପହେସି,

୧୩ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, ମାହାପୁରୁ ଦାମ୍‌ପୁତିତା ରାସ୍‌କି ଆହାମାନେ, “ନା ଇଲୁ ପ୍ରାଡ଼ାନା ଇଲୁ ଇଞ୍ଜିଁ ଖେଞ୍ଜିନେ, ସାମା ମୀରୁ ଏଦାଆଁ ତଂଗାୟାଁ ପାଝୁ ମ୍ବୁପହା ମାଞ୍ଜେରି ।”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଚାୟାଁ ତାନି ତାଣା ଖାଚେରି ଇଞ୍ଜା ଏଞ୍ଜାରାଇଁ ନେହ୍‌ କିତେସି ।

୧୫ ସାମା କାଜା ପୂଜେରାଙ୍ଗା ଅଡ଼େ ମେରାପୁନାରି ତାନୁ କିହିମାନି କାବାଆନ୍ତି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମୀରୁଏସି” ଇଞ୍ଜିଁ କାଜା ଗିୟାଁତଲେ କକାରି ଜଲମାନାଣି ଖେଞ୍ଜାନା କପା ଆଡ଼େରି ।

୧୬ ଏଞ୍ଜାରି ଜୀସୁଇଁ ଖେଚେରି, “ଇଞ୍ଜାରି ଏନାଆଁ ଇଞ୍ଜିଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଞ୍ଜାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜା ପାଲୁ ଗହନରାଇଁ ନିଙ୍ଗ ଜହରା ପାଚୁ ପାଟାଲି ଜାପୁହାମାଞ୍ଜି, ଦାମ୍‌ ପତିତି ଇ କାତାତି ମୀରୁ ଏଚେଲା ପଡ଼ଞ୍ଜି ଆହାହିଲଅଡ଼େରି ?”

୧୭ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଗାଡ଼ାଟି ହଡ଼ାନା ବେଡ଼ନିୟାତା ହାଜାନା ଏମ୍ବାଆଁ ଲାଆଁୟାଁ ଡ଼ୟିତେସି ।

#### ଜୀସୁ ତୟା ମାର୍‌ନୁଇଁ ବାକା ଇଟିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଡ଼େସି,

୧୯ ଅଡ଼େ ଜିରୁ ଦାରିତା ର ତୟା ମାର୍‌ନୁ ମେସାନା ଦାରିତା ହାଚେସି, ଇଞ୍ଜା ଖାଚୁଇଁ ଆକା ପିସ୍‌ପେ ଏମ୍ବାଆଁ ଏନାଆଁ ମେହ୍‌ଆଡେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାର୍‌ନୁ ଖାୟାହାଚେ ।



୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାର୍ନୁ ଏନିକ୍ ଏ ଦେବୁଣିଏ ଖାୟା ହାଚେ ।”

୨୧ ✠ଜୀସୁ ଏଞ୍ଜରାୟ୍ ଏଲେଇଚେରି, “ନାନୁ ମିଙ୍ଗେ ସାତା ଖେସିମାଞ୍ଜାୟ୍, ମୀ ନାମୁ ମାଚିହ୍, ଅଡେ ମୀରୁ ଆନାମାନା ଆଆନା, ଇ ତୟା ମାର୍ନୁତି ଏନି କିଞ୍ଚିଆହାମାନେ, ଏଲେକିହ୍ ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନାନୁ ନିଙ୍ଗାନା ସାମ୍ବୁରିତା ତରଗାମ୍’ ଇଞ୍ଜେରି, ଆତିହ୍ ଏଦି ଆଚେ ।

୨୨ ଇଞ୍ଜାଁ ନାମୁତଲେ ପ୍ରାତାନାତା ଏନାଆଁ ରାହ୍‌ଦେରି ଏ ବାରେ ମିଙ୍ଗେ ମେଡାଆୟାନେ ।”

**ଜୀସୁତି ଅଦିକାରା**

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡାନା ଜାପୁହି ମାଚାଟି, କାଜା ପୂଜେରାଜା ଅଡେ ଲକ୍ଷୁତି କାଜାରି ଏଞ୍ଜାଣି ତାଣା ଖାହାନା ଖେଚେରି, “ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାଚେସି ?”

୨୪ ଜୀସୁ ଏଞ୍ଜରାୟ୍ ଏଲେଇଚେରି, “ନାନୁ ଜିକେଏ ମିଙ୍ଗେ ର କାତା ଖେଞ୍ଜାୟ୍, ମୀରୁ ଏଦାଆଁ ଖେଣ୍ଡେ ଖେସ୍ତାତିହ୍, ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାୟ୍, ନାନୁ ଜିକେଏ ମିଙ୍ଗେ ଖେସ୍ତାୟ୍ ।

୨୫ ଜହନ ବାପ୍ତିସ୍ମାଁ ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକ୍ଷୁ ତାଣାଟି ?”

ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ ଜଲ୍ଲକି ଆଚେରି, “ମାହାପୁରୁ ତାଣାଟି ଇଞ୍ଜିଁ ଖେସ୍ତାହ୍, ଏଞ୍ଜାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଞ୍ଜାଣାୟ୍ ନାମାଆଚେରି ?’

୨୬ ସାମା ମାଣ୍ଡସିୟାଁ ତାଣାଟି ଇନାୟି, ଲକ୍ଷୁତାକି ଆଜି, ଇଚିହ୍ ବାରେ ଲକ୍ଷୁ ଜହନଇଁ ମାହାପୁରୁ ଅଣ୍ଡପୁତି ବଲୁ ଖେହ୍‌ନାସି ଇଞ୍ଜିହ୍ ମାନୁଞ୍ଜି ଆହିମାନେରି ।”

୨୭ ଏଦାଆଁତାକି ଏଞ୍ଜାରି ଜୀସୁୟ୍ ଏଲେଇଚେରି, “ମାମ୍ବୁ ପୁଞ୍ଜାହିଲଅମି ।”

ଏଞ୍ଜାସି ଜିକେଏ ଏଞ୍ଜରାୟ୍ ଏଲେଇଚେରି, “ଆତିହ୍ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାୟ୍, ଏଦାଆଁ ନାନୁ ଜିକେଏ ମିଙ୍ଗେ ଖେସ୍ତାୟ୍ ।”

**ରୀ ମୀର୍କାତି ପୁଣ୍ଡିକିନି କାତା**

୨୮ ମୀରୁ ଏନାଆଁ ଅଣ୍ଡପିମାଞ୍ଜେରି ? ରଅଣାକି ରୀ ମୀର୍କା ମାଚେରି, ଏଞ୍ଜାସି କାଜା ମୀର୍କାଣି ତାଣା ଖାହାନା ଏଲେଇଚେସି, “ମୀର୍କାଣା ନୀଞ୍ଜୁ ଅଞ୍ଜୁରି ବାଡାତା ହାଜାନା କାମା କିମୁ ।”

୨୯ ଏଞ୍ଜାସି ଏଲେଇଚେସି, “ନାଙ୍ଗେ କାମା କିହାଲି ମନ୍ ହିଲେଏ” ସାମା ତାୟୁ ଏଞ୍ଜାସି ଅଣ୍ଡପାନା କାମା କିହାଲି ହାଚେସି ।

୩୦ ଇଞ୍ଜାଁ ଉଣା ମୀର୍କାଣା ତାଣା ଖାହାନା ଏଲେଇଞ୍ଜି ଖେସ୍ତେସି, ଏଞ୍ଜାସି ଏଲେଇଚେସି, “ହାଅ ଆଡା ନାନୁ ହାଜିମାୟ୍, ସାମା ଏଞ୍ଜାସି ହାଲିଆଚେସି ।

୩୧ ଇ ରିଆରି ବିତ୍ରାଟି ଆମ୍ବାଆସି ଆଡା ମନ୍ ଲେହେଁ କିଚେସି ?”

ଏଞ୍ଜାରି ଏଲେଇଚେରି “କାଜାସି ।”

ଜୀସୁ ଏଞ୍ଜରାୟ୍ ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାୟ୍, ସିସୁ ରାହ୍‌ନାରି ଇଞ୍ଜାଁ ଦାରେଣିସିକା ମୀ ନକେଏ ମାହାପୁରୁ ରାଜିତା ହଡନ୍ନୁ ।

୩୨ ✠ବାପ୍ତିସ୍ମାଁ ହାନି ଜହନ ଖାହାନା ମୀ ତାଣା ଦାମ୍ବୁତି ଜିରୁ ତସ୍ତାଚେସି, ଅଡେ ମୀରୁ ଏଞ୍ଜାଣାୟ୍ ନାମାଆଚେରି, ସାମା ସିସୁ ରାହ୍‌ନାରି ଇଞ୍ଜାଁ ଦାରେଣିସିକା ଏଞ୍ଜାଣାୟ୍ ନାମିତୁ, ସାମା ମୀରୁ ଏନିକ୍ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦ୍‌ଲି କିଆଚେରି ।

**ଅଞ୍ଜୁରି ବାଡାତା କାମାକିନାରି ପୁଣ୍ଡିକିନି କାତା**

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡେ ର ପୁଣ୍ଡିକିନି କାତା ଖେଞ୍ଜୁ, ର ବୁମି ଗାଟାସି ମାଚେସି, ଏଞ୍ଜାସି ର ଅଞ୍ଜୁରି ବାଡା କିହାନା ସାରିଞ୍ଜାକି ବେୟ୍ ଗୁରଚେସି, ଇଞ୍ଜାଁ ଅଞ୍ଜୁରି ପାଡେୟି ପୀଚାଲି ର ଗାଡୁୟୁ କାର୍‌ହାନା ର ଗାଣା ହଲୁଲେହେଁ କିଚେସି, ଇଞ୍ଜାଁ କାଃଆନି ଇଲୁ କେପାନା କାମା କିନାରାକି ଏ ବାଡାତି ବାଗା ହାହାନା ହେକ ଦେସାତା ହାଚେସି ।

୩୪ ତାୟୁ ପାଡେୟି କାମ୍ବି ବେଲା ଆୟାଲିଏ, ଏଞ୍ଜାସି ତାନି ପାଡେୟି ବାଗା ବେଟାଆହାଲି, ବାଡାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିଚେସି ।

୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାୟ୍ ଖେଚେରି ଇଞ୍ଜାଁ ଅର ରଅଣାୟ୍ ପାୟିଚେରି, ଅଡେ ରଅଣାୟ୍ ଖାଲ୍‌କା ଖେଚାନା ପାୟାଁ କୁତାତୁସ୍ତେରି ।

୩୬ ଅଡେ ଏଞ୍ଜାସି ତଲିତି କିହାଁ ହାରେକା ଜାଣା ହଲିୟାଙ୍ଗାଣି ପାଣ୍ଡିଚେସି, ଅଡେ ଏଞ୍ଜାରି ଏଞ୍ଜରାୟ୍ ଜିକେଏ ଏଲେକିଚେରି ।

୩୭ ସାମା ନା ମୀର୍କାଣାୟ୍ ଏଞ୍ଜାରି ମାନି କିନେରି ଇଞ୍ଜିଁ ଅଣ୍ଡପାନା, ଏଞ୍ଜାସି ତାୟୁ ତାନି ମୀର୍କାଣାୟ୍ ଏଞ୍ଜାରିତାଣା ପାଣ୍ଡିଚେସି ।

୩୮ ସାମା ଏ କାମାକିନାରି ମୀର୍କାଣାୟ୍ ମେସାନା ତାମ୍ବୁ ତାମ୍ବୁ ଖେସ୍‌ପି ଆଚେରି, ଇଞ୍ଜାସିତ ବାଡାତି ଅଦିକାରା ଗାଟାସି; ଖାଦୁ ଇଞ୍ଜାଣାୟ୍ ପାୟାନା ଅଞ୍ଜୁରି ବାଡାତି ଅଦିକାରା କିହାକତିନ ।

୩୯ ଇଞ୍ଜାଁ ଏଞ୍ଜାରି ଏଞ୍ଜାଣାୟ୍ ଅଞ୍ଜୁରି ବାଡା ଆତାଲା ମେଡହାନା ପାୟିଚେରି ।

୪୦ ଜୀସୁ ଏଞ୍ଜରାୟ୍ ଖେଚେସି, “ଇଚିହ୍ ଏଚିବେଲା ଏ ଅଞ୍ଜୁରି ବାଡାତି ସାଞ୍ଜୁକାରି ଖାଚେସି, ଏଚିବେଲା ଏ କାମା କିନାରାୟ୍ ଏନାଆଁ କିନେସି ।”

୪୧ ଏଞ୍ଜାରି ଏଞ୍ଜାଣାୟ୍ ଏଲେଇଚେରି, “ଏ ଲାଗେଏ ପଲେଏତି କାମା କିନାରାୟ୍ କସ୍ତ ହାହ୍ ପାୟିନେସି,

✠ ୨୧:୨୧ ମାତୃ ୧୭:୨୦; ୧କର ୧୩:୨ \* ୨୧:୨୫ ମୁଞ୍ଜିନାୟି ✠ ୨୧:୩୨ ଲୁକ ୩:୧୨; ୭:୨୯, ୩୦ † ୨୧:୩୨ ମୁଞ୍ଜିନାୟି

ଇଞ୍ଜା ଏଝାଣାକି କାମ୍ବିନିସାରି ବାଗା ହୀନି ଏବକାତି କାମା  
କିନାରାକି ଅଞ୍ଜୁରି ବାଡ଼ାତି ହେରପିନେସି ।”

୪୨ ଜୀସୁ ଏଝାରାଇଁ ଏଲେଇଚେସି, “ମୀରୁ ଦାମ୍ବୁ ପତିତି  
ଇ କାତା ଏଚେଲାଝା ପଡ଼ଝି ଆହାହିଲଅତେରି କି?”

ଇଲୁ ଦହନାରି ଆମିନି ଖାଲିତି ମିଶିଏ ଇଞ୍ଜୁ କୂତେରି,  
ଏଦିଏ ଇଲୁ କନତି ମୂଲୁ ଖାଲି ଆଡେ;

ମାହାପୁରୁ ତାଣାଟି ଇଦି ଆଡେ,

ଇଞ୍ଜା ଏଦି ମା କାନୁତାକି କାବା ଆନାୟି ।

୪୩ “ଏଦାଆଁତାକି ନାନୁ ମିଜେ ଝେସିମାଞ୍ଜାଇଁ,  
ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଝିଆନେ, ଇଞ୍ଜା  
ଆମିନି ଜାଡ଼ିତି ଲକୁ ନେହଁ ପାଡ଼େୟି କାମ୍ବି କିନେରି  
ଏଝାରାକି ହୀନେସି ।

୪୪ ଅଡେ ଆମ୍ବାଆସି ଇ ଖାଲି ଲାକ ରିନେସି ଏଝାସି  
କାଣ୍ଡାମୁକା ଆନେସି, ଇଞ୍ଜା ଇ ଖାଲି ଆମ୍ବାଆରି ଲାକ ରିନେ  
ଏଦି ଏଝାଣାଇଁ ନାସାକିନେ ।”

୪୫ କାଜା ପୂଜେରାଜା ଅଡେ ପାରୁସିୟାଁ ଇଝାଣି ଇ  
ବାରେ ପୁଣ୍ଡିକିନି କାତା ଝେଞ୍ଜାନା, ଏଝାସି ଏଝାରି କାତା  
ଝେସିମାନେସି ଇଞ୍ଜୁ ପୁଚେରି,

୪୬ ଇଞ୍ଜା ଏଝାରି ଏଝାଣାଇଁ ଆସାଲି ଅଣ୍ଡପିମାଚେରି,  
ସାମା ଲକୁଇଁ ଆଜିତେରି, ଏନାଆଁତାକି ଇଚିହଁ ଏଝାଣାଇଁ  
ର ମାହାପୁରୁ ଅଣ୍ଡପୁତି ବଲୁ ଝେହନାସି ଇଞ୍ଜୁ ମାନି  
କିହିମାଚେରି ।

**୨୨**

**ବୀହା ବଜିତି ପୁଣ୍ଡିକିନି କାତା  
(ଲୁକ ୧୪:୧୫-୨୪)**

୧ ଅଡେ ଝେଶ୍ଟେ ଜୀସୁ ପୁଣ୍ଡିକିନି କାତାତଲେ  
ଏଲେଇଚେସି,

୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ,  
ଏଝାସି ତାନି ମୀରଏଶା ବୀହା ବଜି କିତେସି,

୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା  
ଝାପେରିଝା ଇଞ୍ଜୁ ତାନି ହଲିୟାଜାଣି ପାଣ୍ଡିତେସି, ସାମା  
ଏଝାରି ଝାହାଲି ମନ କିଆତେରି ।

୪ ଅଡେ ଝେଶ୍ଟେ ଏବକାତି ହଲିୟାଜାଣି ପାଣ୍ଡାନା  
ଏଲେଇଚେସି, ହାଟି କିହାମାନି ଲକୁଣି ଝେହଦୁ, ମେହଦୁ  
ନାନୁ ନା ବଜି ଝାଜା ମାଇଁ, ଆଜା ଆଡ଼ି କଡ଼ିୟାଁ ପାୟୁଝି  
ଆହାମାନୁ, ବାରେ ରାନ୍ଦା ଆଡେୟିଏ, ମୀରୁ ବୀହା ବଜିତା  
ଝାଦୁ ।

୫ ସାମା ଏଝାରି ଏଦାଆଁ ଅଣ୍ଡପାଆନା ଆମ୍ବାଆରି ତାନି  
ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାନି  
ଚେବାରା କିୟାଲି ହାଚେରି,

୬ ଅଡେ ଏଚରଜାଣା ଲକୁ ତାନି ହଲିୟାଜାଣି ଆସାନା  
ପାୟିତେରି ।

୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ  
ପାୟିତାରାଇଁ ପାୟି କିତେସି ଇଞ୍ଜା ଏଝାରି ନାସକା ମ୍ଲେକ୍‌ହା  
ତୁସ୍ତେରି ।

୮ ଏମ୍ବାଟିଏ ଏଝାସି ତାନି ହଲିୟାଜାଣି ଏଲେଇଚେସି,  
ବୀହା ବଜି ଆହାମାନେ, ସାମା ହାଟକି ଆହାମାନି ଲକୁ  
ପାଡ଼ା ଆଆଡାରି,

୯ ଏଦାଆଁତାକି ନୀଏଁ ମୀରୁ ଗାଡ଼ାତି କାଜା ତାଣ୍ଡେଣାଁ  
ହାଜାନା, ଏଚରଜାଣାଟି ମେହଦେରି, ଏଝାରାଇଁ ବୀହା  
ବଜିତା ହାଟା ତାଦୁ ।

୧୦ ଏମ୍ବାଟିଏ ଏ ହଲିୟାଜା କାଜା ତାଣ୍ଡେଣାଁ ହାଜାନା  
ଲାଗେଏ ପଲେଏତାରାଇଁ ଇଞ୍ଜା ଏଚେକା ନେହାଁରାଇଁ  
ମେସ୍ତେରି, ଏ ବାରେତି ରୁଣ୍ଡି କିହାନା ବୀହା ଇଲୁତା  
ତାତେରି, ଇଞ୍ଜା ଝାହାମାନି ଲକୁ ବୀହା ଇଲୁତା ନେଞ୍ଜିତେରି  
।

୧୧ ସାମା ରାଜା ବୀହା ବଜିତା ଝାହାମାନି ଲକୁଣି  
ସିନିକିହାଲି ବିତ୍ରା ଝାହାନା ଏମ୍ବାଆଁ ବୀହା ହିମ୍ବୁରି ହୁଚାଆନା  
କୁଗାମାନି ରଅଣାଇଁ ମେସାନା ଏଝାଣାଇଁ ଏଲେଇଚେସି,

୧୨ ଏ ତଣେ, ନୀନୁ ବୀହା ହିମ୍ବୁରି ହୁଚାଆନା ଏନିକଁ  
ଇମ୍ବାଆଁ ଝାଡ଼ି ? ସାମା ଏଝାସି ଏନି ହାଡ଼ା ଆଆନା ଡ଼ୟିତେସି  
।

୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଜାଁ  
ଏଲେଇଚେସି, ଇଝାଣି କେସ୍ତା କତାୟାଁ ଦସାନା ପାଜାତି  
ଆନ୍ଦେରିତା ମେଡ଼ହା ତୁହଦୁ, ଏମ୍ବାଆଁ ଡ଼ାହଁ ପାଲକା ଟୀଟି  
କିନେସି ।

୧୪ ଇଚିହଁ ହାଟକି ଆଡ଼ି ଲକୁ ହାଚେକା ଜାଣା ସାମା  
ଆଡ଼ିତି ଲକୁ ହାଚେକା ଡ଼ଣା ଜାଣା ।

**ସିସୁ ହୁନାଣି ଝେନାୟି  
(ମାର୍କ ୧୨:୧୩-୧୭; ଲୁକ ୨୦:୨୦-୨୬)**

୧୫ ଏଚିଚେଲା ପାରୁସିୟାଁ ହାଜାନା ଜୀସୁଇଁ ତାନି ଝେସ୍ତି  
କାତାଟି ଦହ ଦସାଲି ପାରୁ ପାରାତେରି ।

୧୬ ଇଞ୍ଜା ଏଝାରି ହେରଦ ଗତି ବିତ୍ରାଟି ଏଚେକା  
ଲକୁତଲେ ତାନି ସୀସୁୟାଁଇଁ ଜୀସୁ ତାଣା ଝେସା ପାଣ୍ଡିତେରି,  
“ଏ ଗୁରୁ ମାମ୍ବୁ ପୁଞ୍ଜାମାନି ନୀନୁ ସାତା ଝେହନାତି  
ଇଞ୍ଜା ସାତା କିହଁ ମାହାପୁରୁତି ଜିରୁ ଜାପନାତି,  
ଇଞ୍ଜା ଆମ୍ବାଆରାଇଁ ଆଜଅତି ଅଡେ ଆମ୍ବାଆରି ପାରଡ଼ା  
ବାଚିକିହଁ ଜଲିନାତି ଆଏ ।

୧୭ ଇଦାଆଁତାକି ନୀନୁ ମାଜେ ଝେସ୍ତାମ୍ବୁ, ନୀ ଅଣ୍ଡପୁତା  
ଏନାୟି ମାନେ ? କାୟିସରକି ସିସୁ ହୁନାୟି ମେରା କି ଆଏ  
?”

୧୮ ସାମା ଜୀସୁ ଏଝାରି କାରବି ପୁଞ୍ଜାନା ଏଲେଇଚେସି,  
“ଆଡେ କୁଚୁ ଗାଟାତେରି ନାଜେ ଏନାଆଁତାକି ତାୟିପାରି  
କିହିମାଞ୍ଜାଦେରି ?

୧୯ ଏ ସିସୁ ହୁନାଣି ଟାକା ନାଜେ ହିୟାଦୁ ।” ଏମ୍ବାଟିଏ  
ଏଝାଣି ତାଣା ର ଟାକା ଆଦଲି ହାଚେରି ।

୨୦ ଜୀସୁ ଏଝାରାଇଁ ଝେଚେସି, “ଇ ଆଦଲି ଲାକ  
ଆମ୍ବାଆରି ଦରୁ ଅଡେ ତାୟିଁ ରୁମା ମାନେ ?”

୨୧ ଏଝାରି ଏଲେଇଚେରି, “କାୟିସରଝାୟି ।”

☆ ୨୨:୧୩ ମାତୃ ୮:୧୨; ୨୫:୩୦; ଲୁକ ୧୩:୨୮

ଜୀସୁ ଏଝାରାଇଁ ଏଲେଇରେସି, “ଆତିହ୍ ଆମିନାୟି କାୟିସରଝାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଝାୟି ଏଦାଆଁ ମାହାପୁରୁକି ହୀଦୁ ।”

୨୨ ଏଝାରି ଏଦାଆଁ ଝେଞ୍ଜାନା କାବାଆହାନା ଏଝାଣାଇଁ ପିସାଁ ହାଜାତୁସ୍ତେରି ।

**ହାକିଚି ଝେଣ୍ଡେ ନିଜିନି କାତା**  
(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ✱ହାକିଚି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏତରଜାଣା ସାଦୁକିୟାଁ ଏ ଦିନା ଜୀସୁ ତାଣା ଝାହାନା ଝେଚେରି ।

୨୪ “ଏ ଗୁରୁ ମସା ଝେସାମାଞ୍ଜାନେସି, ରଅସି ପଡ଼ି ପଦା ଆଆନା ହାଡ଼ିହ୍ ତାନି ତାୟି ତାନି ତକ୍ରିନି ଇଗାନା ଏ ହାଡ଼ାଣି କୃଡ଼ା ଏପାକିନେସି ।

୨୫ ମେହ୍ମୁ ମା ତାଣା ସାଡ଼ା ଜାଣା ତାୟିୟାଁ ମାଚେରି; ତଲି ମୁଲୁ ତାସି ବାହା ଆହାନା ହାହାହାଚେସି, ଇଞ୍ଜା କକାରି ପଦାୟାଁ ହିଲିଆତାକି ଏଝାସି ତାନି ତକ୍ରିନି ତାନି ତାୟିକି ପିସାହାଚେସି;

୨୬ ଏଝାଣି ଜେଚତାସି ଅଡ଼େ ଏଝାଣି ଜେଚତାସି ଏଲେକିହ୍ ସାତା ଜାଣା ଜିକେଏ ହାଡ଼େରି ।

୨୭ ବାରେତି ତାୟି ଏ ଇୟାଚି ଜିକେଏ ହାଡ଼େ ।

୨୮ ଆତିହ୍ ଝେଣ୍ଡେ ନିଜିନାଟି ଏ ସାତା ଜାଣା ବିତ୍ତା ଆମ୍ବାଆରି ତକ୍ରି ଆନେ ? ଇତିହ୍ ବାରେଜାଣା ଏଦାନି ବାହା ଆହାମାଚେରି ।”

୨୯ ଜୀସୁ ଏଝାରାଇଁ ଏଲେଇରେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୁୟୁ ପୁନାଆନା ନାଡ଼ି ଆହିମାଞ୍ଜେରି ।

୩୦ ଇତିହ୍ ହାହାନା ଝେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହାଅରି, ସାମା ଲାକପୁରୁତି ଦୂତୁୟାଁଲେହେଁ ଆନେରି ।

୩୧ ସାମା ହାଡ଼ାରି ଝେଣ୍ଡେ ନିଜିନି କାତା ମାହାପୁରୁ ମିଜେ ଏନାଆଁ ଝେସାମାଞ୍ଜାନେସି ଏଦାଆଁ ମୀରୁ ପଡ଼ଝି ଅହାହିଲଅତେରି ?

୩୨ ନାନୁ ଅରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ, ଏଝାସି ହାଡ଼ି ଲକୁତି ମାହାପୁରୁ ଆଏ ସାମା ଜୀସୁଗାଗାରି ମାହାପୁରୁ ।”

୩୩ ଲକୁ ବାରେ ଏଝାଣି ଜାପୁନାଣି ଝେଞ୍ଜାନା କାବା ଆହାହାଚେରି ।

**କାଜା ହୁକୁମି**  
(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁଇଁ ସାଦୁକିୟାଁ ଝେଣ୍ଡେ ଝେସାଲି ଆଡ଼ି ହିଲଅରି ଇଞ୍ଜି ପୁଞ୍ଜାନା ପାରୁସିୟାଁ ବିତ୍ତାଟି ରୁଣ୍ଡା ଆଡ଼େରି,

୩୫ ଅଡ଼େ ଏଝାରି ବିତ୍ତାଟି ମେରା ପୁନାସି ରଅସି ଜୀସୁଇଁ ତାୟିପାରିକିହ୍ ଝେଚେସି,

୩୬ “ଗୁରୁ ବାରେ ହୁକୁମିକା ବିତ୍ତାଟି ଆମିନି ହୁକୁମି କାଜାୟି ?”

✱ ୨୨:୨୩ କାମା ୨୩:୮ ✱ ୨୨:୪୦ ଲୁକ ୧୦:୨୫-୨୮

୩୭ ଜୀସୁ ଏଝାଣାଇଁ ଏଲେଇରେସି, ନୀନୁ ନୀ ବାରେ ହିୟାଁ, ନୀ ବାରେ ଜୀସୁ ବାରେ ଅଣ୍ପୁ ତଲେ ପ୍ରୁ ନୀ ମାହାପୁରୁଇଁ ଜୀସୁ ନମୁ ।

୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି ।

୩୯ ଏଦାଣି ଜେଚତି ହୁକୁମି ଜିକେଏ ଏଲେକିହ୍ ଏ, ନୀନୁ ନୀ ପାଡ଼ିତି ଲକୁଣି ନୀ ଜୀସୁତି ଜୀସୁ ନହାଁ କତିନି ଲେହେଁ ଜୀସୁ ନମୁ ।

୪୦ ✱ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନାରି କାତା ମାଞ୍ଜାମାନେ ।

**କ୍ରୀସୁ ଆମ୍ବାଆସି**  
(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଚାଟି ଜୀସୁ ଏଝାରାଇଁ ଝେଚେସି,

୪୨ “କ୍ରୀସୁଇଁ ମୀରୁ ଆମ୍ବାଆସି ଇଞ୍ଜି ମୀରୁ ଅଣ୍ପିମାଞ୍ଜେରି ? ଏଝାସି ଆମ୍ବାଆରି ମୀରୁଏସି ?” ଏଝାରି ଏଝାଣାଇଁ ଏଲେଇଚେରି “ଦାସୁଦ ମୀରୁଏସି ।”

୪୩ ଜୀସୁ ଏଝାରାଇଁ ଏଲେଇଚେସି, “ଆତିହ୍ ଦାସୁଦ ଏନିକ୍ ସୁଦୁଜୀସୁ ତଲେ ଏଝାଣାଇଁ ପ୍ରୁ ଇଞ୍ଜି ମାଚେସି ?” ଦାସୁଦ ଏଲେଇଚେସି,

୪୪ “ପ୍ରୁ ନା ପ୍ରୁଇଁ ଝେସ୍ତେସି, ନାନୁ ନୀ ସାତୁୟାଁଣି ନୀ କତାୟାଁ ତଲ ଇଟାଆ ପାଡ଼େକା ନା ଚିଠିନି ଚଟତା କୁଗାମାନାମୁ ।

୪୫ ଇତିହ୍ ଦାସୁଦ ତାନୁଏ ଏଝାଣାଇଁ ପ୍ରୁ ଇତିହ୍, କ୍ରୀସୁ ଏନିକ୍ ଦାସୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଝାଣାଇଁ ଝେଣ୍ଡେ ଝେସାଲି ଆଡ଼ାଆଡେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜୀସୁଇଁ ଏନି କାତା ଝେଞ୍ଜାଲି ସାସା କିଆଡେରି ।

**୨୩**

**ମେରାପୁନାରି ଇଞ୍ଜା ପାରୁସିୟାଁ ତାଣାଟି ଜାଗ୍ରାତା ଆନାୟି**

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଚିଚେଲାତା ଜୀସୁ ବାରେ ଲକୁଇଁ ଇଞ୍ଜା ତାନି ସୀସୁୟାଁଇଁ ଏଲେଇଚେସି,

୨ ମେରାପୁନାରି ଅଡ଼େ ପାରୁସିୟାଁ ମସାତି ମେରା ଜାପୁହାଲି ପାଣା ବେଟାଆହାମାନେରି ।

୩ ଏଦାଆଁତାକି ଏଝାରି ମିଜେ ଏନାଆଁ ଝେସ୍ତାଡ଼ିହ୍ ଏଦାଆଁ ମାନଝି ଆଦୁ, ଅଡ଼େ ଏଝାରି ଝେସ୍ତିଲେହେଁ କିଦୁ, ସାମା ଏଝାରି କାମା କିନିଲେହେଁ କାମା କିଆଦୁ, ଇତିହ୍ ଏଝାରି ଏନାଆଁ କିନାୟିମାନେ ଇଞ୍ଜି ଝେହ୍ନେରି ସାମା ଏଝାରି କିଅରି ।

୪ ଏଞ୍ଜେଲ୍ସ ବଜ୍ରଗାଟି କାନ୍ଦୁ ଦୟାଳୁ ଲକ୍ଷ୍ମୀ ବନ୍ଦିତା ଏକନେରି ସାମା ତାମ୍ବୁତାମି ର. ୱାଞ୍ଜୁ ତଲେ ଜିକେଏ ପେର୍ହାଲି ମନ କିଅରି ।

୫ ଏଞ୍ଜେଲ୍ସ ଲକ୍ଷ୍ମୀ ତସାଲି ତାମି କିନି କାମା ବାରେ କିନେରି, ଇତିହ୍ମ ଏଞ୍ଜେଲ୍ସ ପାଟାୟାଣା ଦାମ୍ବୁ ପତିତି କାତା ରାଚାନା ମପା ଅଡେ ମୁଞ୍ଜୁତା ଦସା କଡିନେରି, ଇଞ୍ଜା ତାମି ହିମ୍ବୁରିକାତି ପୁର୍ତ୍ତେୟା କାଜା କାଜାଆଁ କିନେରି,

୬ ଅଡେ ବଜ୍ରତା ନେହ୍ମ ଟାୟୁ ଇଞ୍ଜା ଜାହୁଦି ଲକ୍ଷ୍ମୀ କୁଟମି ଇଲୁତା\* ନେହ୍ମ କାଜା ଟାୟୁ ପାରିନେରି,

୭ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡେ ଲକ୍ଷ୍ମୀ ତାଣାଟି ଗୁରୁ ଇଞ୍ଜା ମାନ୍ତି ବେଟାଆହାଲି ନେହାୟି ଇଞ୍ଜା ଅଣ୍ପିନେରି ।

୮ ସାମା ମାରୁ ଗୁରୁ ଇଞ୍ଜା ମାନ୍ତି ବେଟାଆହାଲି ଅଣ୍ପିଆହା, ଇତିହ୍ମ ମୀ ଗୁରୁ ରଅସି ମାନେସି, ଇଞ୍ଜା ମାରୁ ବାରେତାୟି ତାୟିୟାତେରି ।

୯ ଅଡେ ଦାବ୍ତାତା ଆମ୍ବାଆରାଲ୍ ଜିକେଏ ଆବା ଇଞ୍ଜା ମାନ୍ତି କିଆଦୁ, ଇତିହ୍ମ ମୀ ଆବା ରଅସିଏ ଲାକପୁରୁ ମାନେସି ।

୧୦ ଅଡେ ମାରୁ ସାଲୁଞ୍ଜି କିନାତମି ଇଞ୍ଜା ମାନ୍ତି ପୁଞ୍ଜାଆଦୁ, ଇତିହ୍ମ ମିଙ୍ଗେ ସାଲୁଞ୍ଜି କିୟାନାସି ରଅସିଏ ଏଞ୍ଜେଲ୍ସ କ୍ରୀସ୍ତ ।

୧୧ ଏସାମା ମୀ ବିତ୍ରା ଆମ୍ବାଆସି କାଜାସି ଏଞ୍ଜେଲ୍ସ ମୀ ସେବା କିନାସି ଆନେସି ।

୧୨ ଏଡେ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଜା ଇଞ୍ଜା କଡିନେସି, ଏଞ୍ଜେଲ୍ସ ଉଣା କିଞ୍ଜିଆନେ, ଇଞ୍ଜା ଆମ୍ବାଆସି ତାଙ୍ଗେ ଉଣା କିହାକଡିନେସି, ଏଞ୍ଜେଲ୍ସ କାଜାସି କିଞ୍ଜିଆନେ ।

**ପାରୁସିୟା ଅଡେ ମେରା ପୁନାରାଲ୍ ଦହ ଦହନାୟି**  
(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟା ଅଡେ ମେରା ପୁନାତେରି, ଇତିହ୍ମ ମାରୁ ଲକ୍ଷ୍ମୀକା ଲାକପୁରୁ ରାଜିତି ଦାବା ସୁଣ୍ଡିଦେରି; ମାରୁ ମାରୁଏ ଏମ୍ବାଆଁ ହଡି ହିଲଅତେରି, ଇଞ୍ଜା ହଡାଲି ମନ ଗାଟି ଲକ୍ଷ୍ମୀ ଜିକେଏ ହଡାଲି ହାହ ହିଲଅତେରି ।

୧୪ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଅଡେ ପାରୁସିୟାତେରି, ଇତିହ୍ମ ମାରୁ ଉଜେ ଉଜେଏ ଲାମ୍ବା ପ୍ରାତାନା କିହାନା ରାଣ୍ଡେଣିସିକା ଇଲକା ସେଦିନାତେରି; ଏଦାଆଁତାକି ମାରୁ ହାରେକା ତଣ୍ଡ ବେଟାଆଦେରି ।

୧୫ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟା ଅଡେ ମେରା ପୁନାତେରି, ଇତିହ୍ମ ମାରୁ ରଅଣାଲ୍ ଜାହୁଦି ଦାମ୍ବୁତା ଆଟହାଲି ସାମ୍ବୁରି ଆତାଲା ଗାଣ୍ଡାନା ଦେସା ରେଜେରି, ଇଞ୍ଜା ଏତିବେଲା ଏଞ୍ଜେଲ୍ସ ଆଣ୍ଡାନେସି,

ଏତିବେଲାତା ମାରୁ ଏଞ୍ଜେଲ୍ସ ମୀ କିହାଁ ହାରେକା ଆଗାଡା ନର୍କତା ମେଡପି ଆନାସି କିହାନା ଲାଗେଏ କିଦେରି ।

୧୬ ଆୟତା ତଣ୍ଡ ବେଟା ଆନାତେରି କାଣାୟାଲ୍ ଜିରୁ ତହୁନାତେରି, ମାରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାର୍ମାଣା କିତିହ୍ମ ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାର୍ମାଣା କିତିହ୍ମ ଏଞ୍ଜେଲ୍ସ ପାର୍ମାଣା କିତିଲେହେଁ ତାପାଆନା କାମା କିନାୟିମାନେ ।

୧୭ ଆଡେ କାଣାୟା ଅଡେ ବୁଦି ହିଲାଆଗାଟାତେରି ବାଂଗାରା କିଏ ବାଂଗାରାତି ସୁଦୁ କିହାମାନି ଦେଞ୍ଜୁଡି, ଇ ରୀ ବିତ୍ରାଟି ଆମିନାୟି କାଜାୟି ?

୧୮ ଅଡେ ମାରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍ମାଣା କିତିହ୍ମ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାର୍ମାଣା କିତିହ୍ମ, ପାର୍ମାଣା କିତିଲେହେଁ ତାପାଆନା କାମା କିନାୟିମାନେ ।

୧୯ ଆଡେ କାଣାୟାତେରି, ଦାନା କିଏ ଦାନାତି ସୁଦୁ କିହାମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ ବିତ୍ରାଟି ଆମିନାୟି କାଜାୟି ?

୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାର୍ମାଣା କିନେସି, ଏଞ୍ଜେଲ୍ସ ଏ ପିଣ୍ଡା ଅଡେ ପିଣ୍ଡାତା ମାନି ଦାନାତି ପାର୍ମାଣା କିହାମାନେସି;

୨୧ ଅଡେ ଆମ୍ବାଆସି ମାହାପୁରୁ ଇଲୁତି ପାର୍ମାଣା କିନେସି, ଏଞ୍ଜେଲ୍ସ ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି ମାହାପୁରୁଲ୍ ପାର୍ମାଣା କିନେସି;

୨୨ ଏଡେ ଆମ୍ବାଆସି ଲାକପୁରୁତି ପାର୍ମାଣା କିନେସି, ଏଞ୍ଜେଲ୍ସ ମାହାପୁରୁତି ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁଲ୍ ପାର୍ମାଣା କିନେସି ।

୨୩ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇତିହ୍ମ ମାରୁ କୁମ୍ବୁ କୁଟା, ରାୟି, ଜିରା ଇନି ଉଣା ତାସା ବିତ୍ରାଟି ଜିକେଏ ଦସ ବାଗାଟି ର ବାଗା ହୀହିମାଞ୍ଜେରି, ଅଡେ ମସା ମେରାତି କାଜା କାତାୟା ଇତିହ୍ମ ସାତା ନୀହାୟି କିନାୟି, କାମା ତହୁନାୟି, ଇଞ୍ଜା ନାମ୍ବୁ, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଞ୍ଜି ଆହାନା ଅଡେ ଏ ବାରେ ପିହାୟି ମାନେ ।

୨୪ ଆଡେ କାଣାୟା ଜିରୁ ତହୁନାତେରି, ମାରୁ ୱାହାଁତି ହାଣି କିଦେରି ସାମା ଉଟୁଲ୍ ଗୁହ୍ଦେରି ।

୨୫ “ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାତେରି, ଇତିହ୍ମ ମାରୁ ଗିନା ଅଡେ ସାଡ଼ଞ୍ଜାତି ପାଞ୍ଜାତା ନରୁହି ମାଞ୍ଜେରି, ସାମା ଏ ବିତ୍ରା ଜୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି ।

୨୬ ଆଡେ କାଣାୟା ମେହ୍ମାଗାଟି ପାରୁସିୟା, ନକେଏ ଗିନାତି ବିତ୍ରାତାଣି ନରୁଦୁ, ଏନିକ୍ ପାଞ୍ଜାତା ଜିକେଏ ନରୁଞ୍ଜି ଆନେ ।”

\* ୨୩:୫ ମାତ ୭:୧    \* ୨୩:୬ ସିନଗର    \* ୨୩:୧୧ ମାତ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭    \* ୨୩:୧୨ ଲୁକ ୧୪:୧୧; ୧୮:୧୪  
\* ୨୩:୨୨ ମାତ ୫:୩୪    \* ୨୩:୨୭ କାମା ୨୩:୩

୨୭ ✨ଆୟତା ଡଣ୍ଡ ପାଣ୍ଡି କୁରୁଗାଟି ମେରା ପୁନାତେରି  
 ଇଞ୍ଜା ପାରୁସିୟା, ଏନାଆଁତାକି ଇତିହାସ ମୀରୁ ହୁନୁ  
 ଉସପିତି ମାଡ଼ହା ମୁହନି ଟାୟୁଲେହେଁ ତାତେରି । ଏଦି  
 ପାଞ୍ଜାତା ଅଜିକି ତଞ୍ଜାଆନେ, ସାମା ବିତ୍ରା ହାତାରି  
 ପେଣକା ଇଞ୍ଜା ସୀରତାୟି ନେଞ୍ଜାମାନେ;

୨୮ ଏଲେକିହାସ ଏ ମୀରୁ ଜିକେଏ ପାଞ୍ଜାତି ଲକୁ ନକିତା  
 ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟା  
 ବିତ୍ରା କୁରୁ ଅଡେ ପାପୁ ନେଞ୍ଜାମାନେ ।

**ଜୀସୁ ଏଞ୍ଜାରାଇଁ ଡଣ୍ଡ ପାଣ୍ଡି କାତା ଝେହନାୟି**  
 (ଲୁକ ୧୧:୪୭-୫୧)

୨୯ ଆୟତା ଡଣ୍ଡ ପାଣ୍ଡି କୁରୁଗାଟି ମେରା ପୁନାତେରି  
 ଇଞ୍ଜା ପାରୁସିୟା, ଇତିହାସ ମୀରୁ ମାହାପୁରୁ ଅଣ୍ଡପୁତି  
 ବଲୁ ଝେହନାରି ମାଡ଼ହା ମୁହନି ଟାୟୁ କେପାନା,  
 ଦାମ୍ବୁଗାଟାରି ମାଡ଼ହା ମୁହନି ଟାୟୁତି ମୁଣ୍ଡା ଅଜିକି କିହାନା  
 ଏଲେଇଞ୍ଜିମାଞ୍ଜେରି;

୩୦ ମାମ୍ବୁମା ଆକୁ ଆବାୟା ବେଲତା ମାଟିହାମା,  
 ମାହାପୁରୁ ଅଣ୍ଡପୁତି ବଲୁ ଝେହନାରାଇଁ ପାୟାଲି  
 ଆଣ୍ଡାଆତମିମା ।

୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଡପୁତି ବଲୁ  
 ଝେହନାରାଇଁ ପାୟାମାନି ଲକୁତି ମୀରକାତେରି, ଏ  
 କାତାତାକି ମୀରୁଏ ମିଙ୍ଗେ ସାକି ହାହା କଡିମାଞ୍ଜେରି ।

୩୨ ମୀରୁ ହାଜାନା ମୀ ଆକୁ ଆବାୟା କିତି କାମା ରାପୁଦୁ  
 ।

୩୩ ✨ଆଡେ ରାସକାତେରି, ଇଞ୍ଜା ବୀସା ଗାଟି ରାସକା  
 କୁଡାତି ମୀରକାତେରି, ମୀରୁ ବିଚାରା ଦିନାତା ଏନିକି ହିରୁ  
 ଗୁଦଞ୍ଜାତି ଡଣ୍ଡି ପିସପି ଆଦେରି ?

୩୪ ଏଦାଆଁତାକି ମେହମୁ ନାନୁ ମୀ ତାଣା ମାହାପୁରୁ  
 ଅଣ୍ଡପୁତି ବଲୁ ଝେହନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି  
 ଗୁରକାଇଁ ପାଣ୍ଡିମାଞ୍ଜାଇଁ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ  
 ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅଡେ  
 ଆମ୍ବା ଆମ୍ବାଆରାଇଁ ଜୀହୁଦି ଲକୁତି କୁଟମି ଇଲୁତା+ ସାଟ୍ଟି  
 ଡରିତଲେ ଝେହନେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା  
 କିଦେରି ।

୩୫ ଏନିକି ଦାମ୍ବୁଗାଟି ହେବଲଇଁ ପାୟିତି ଦିନାଟିଏ,  
 ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରଏସି  
 ଜିକରିୟଇଁ ପାୟିତି ପାତେକା, ଦାରୁତତା ଏଚେକା  
 ନେହାଁରାଇଁ ପାୟାମାଞ୍ଜେରି, ଏ ବାରେ କାମାତି ଡଣ୍ଡ ମୀ  
 ମୁହେଁ ଝାନ୍ନେ ।

୩୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ କାଲ୍ଲାତି ଲକୁ  
 ମୁହେଁ ଇ ବାରେ ଡଣ୍ଡ ରିନେ ।

**ଜିରୁସାଲମତି ଜୀସୁ ଜୀଞ୍ଜୁନନାୟି**  
 (ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣ୍ଡପୁତି  
 ବଲୁ ଝେହନାରାଇଁ ପାୟିନାତି ନୀ ତାଣା ପାଣ୍ଡି ଆଡାରାଇଁ

ଝାଲକାତଲେ ଝେନାତି, କୟୁ ଏନିକି ତାନି ହାପାୟାଣି  
 କୁଡି କିହାନା ମାରାୟା ଡ଼କ ପୁକହାନା ଜଞ୍ଜିନେ, ନାନୁ ନୀ  
 ଲକୁଇଁ ଏଚର ପାଲି ଏଲେକି କୁଡିକିହାଲି ମନ କିଡେଏ,  
 ସାମା ଏଞ୍ଜାରି ମନ ହାଆତେରି ।

୩୮ ଅଡେ ମେହଦୁ ମୀ ମାହାପୁରୁ ଇଲୁ ମୀ କେୟୁତା  
 ହାପୁକି ଆହାମାଞ୍ଜାନେ ।

୩୯ ଇତିହାସ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ  
 ଦରୁଟି ଆମ୍ବାଆସି ଝାହିମାନେସି, ଏଞ୍ଜାସି ନେହାଁସି, ମୀରୁ  
 ଏ କାତା ଜଳାଆ ପାତେକା ନୀଞ୍ଜୁଟିଏ ନାଙ୍ଗେ ଅଡେ  
 ମେସୁଅତେରି ।

**୨୪**

**ମାହାପୁରୁ ଇଲୁ ନସୁ ଆନି କାତା**  
 (ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହଟା ହାଜିମାଟାଟି ତାନି  
 ସୀସୁୟା ମାହାପୁରୁ ଇଲୁଟି ବାରେ ଇଲକାଣି ତସାଲି ତାନି  
 ତାଣା ଝାଡେରି,

୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ବାରେ  
 ମେସି ହିଲଅତେରି ? ନାନୁ ମିଙ୍ଗେ ସାତା ଝେସିମାଞ୍ଜାଇଁ,  
 ଇମ୍ବାଆଁ ମାନି ର ଝାଲି ଅର ଝାଲି ଲାକ ଡୟେଏ, ଇ  
 ବାରେଏ ମେଣ୍ଡାହାନୁ ।”

**କସୁ ଅଡେ ନିନ୍ଦା ଝାନ୍ତି କାତା**  
 (ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟା  
 ମେଣେଏ ଝାହାନା ଝେଚେରି, “ଇ ବାରେ ଏଚେଲ୍ଲା ଆନେ,  
 ଅଡେ ନାନୁ ଝାନାୟି ଇଞ୍ଜା ଜୁଗୁ ରାନି ଦିନାତି ସିନା ଏନାୟି  
 ଏଦାଆଁ ମାଙ୍ଗେ ଝେସୁମୁ ।”

୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା  
 ଏନିକି ଆମ୍ବାଆରି ମିଙ୍ଗେ ନାଡି କିୟଅରି ।

୫ ଇତିହାସ ହାରେକା ନା ଦରୁଟି ଝାହାନା ନାନୁ  
 ଜୀସୁତେଏଁ ଇଞ୍ଜି ଝେସାନା ହାରେକା ଲକୁଇଁ ନାଡି  
 କିନେରି ।

୬ ଅଡେ ମୀରୁ ଜୁଜୁତି କାତା ଇଞ୍ଜା ଜୁଜୁତା କାଲ୍ଲଞ୍ଜି  
 ଆହିମାନି ଲକୁତି ହାଡ଼ା ଝେଞ୍ଜେରି; ଜାଗ୍ରାତା କିଲିବିଲି  
 ଆଆଦୁ । ଏନାଆଁତାକି ଇତିହାସ ଇ ବାରେ ଆନାୟି ମାନେ,  
 ସାମା ଏ କାଲ୍ଲା ଜୁଗୁ ରାନାୟି ଆଏ ।

୭ ଇତିହାସ ଦେସା କପାଟି ଦେସା, ଅଡେ ରାଜି କପାଟି  
 ରାଜି ଗଡ଼ହା ନିଜିନେ, ଇଞ୍ଜା ଆମ୍ବି ଆମ୍ବିୟା କାରୁଞ୍ଜୁ ଆନେ,  
 ଅଡେ ବୁମି ଝାଡିନେ ।

୮ ସାମା ଇ ବାରେ କକାରି ପଦାୟା ବେଟାଆନାଟି ତଲିଏ  
 ଲୁଞ୍ଜିନି ବୀସାଲେହେଁତାୟି ।”

୯ ✨“ଏଚିବେଲତା ଲକୁ ମିଙ୍ଗେ କସୁ ହିୟାଲି  
 ହେରପାନେରି, ଇଞ୍ଜା ମିଙ୍ଗେ ପାୟାନେରି, ଇଞ୍ଜା ନା ଦରୁ  
 ତାକି ମୀରୁ ବାରେ କୁଡାତି ଲକୁ ତାଣା ଅପାଆ ଗାଟାତେରି  
 ଆଦେରି ।

☆ ୨୩:୩୩ ମାତୃହ ୩:୨୭; ୧୨:୩୪; ଲୁକ ୩:୭ † ୨୩:୩୪ ସିନଗଗ ☆ ୨୪:୯ ମାତୃହ ୧୦:୨୨

୧୦ ଏଚିବେଲା ହାରେକା ଲକୁ ତାମି ନାମୁତି ପିହ୍ନେରି, ଅଡେ ରଅସି ରଅଣାକ୍ ଆସ୍ପି କିଞ୍ଜି କିନେରି, ଅଡେ ରଅସି ରଅଣାକ୍ ଅପୁଞ୍ଜି ଆଅରି,

୧୧ ଅଡେ ହାରେକା ମାହାପୁରୁତି ମିତି ବଲୁ ଖେହ୍ନାରି ନିଙ୍ଗାନା ହାରେକା ଲକୁକ୍ ନାଡ଼ି କିନେରି,

୧୨ ଅଡେ ଲାଗେଏ ପଲେଏ କାମା ଗାଡ଼ି ଆଡ଼ିସାରେ, ହାରେକା ଲକୁତି ତାମି ଜୀଞ୍ଜୁନନାୟି ଉଣା ଆନେ ।

୧୩ \*ସାମା ଆମ୍ବାଆସି ରାନି ପାତେକା ସାସା ଆସାନା ତୁୟିନେସି ଏଞ୍ଜାସି ଗେଲପି ଆନେସି ।

୧୪ ଅଡେ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହ୍ କାବୁ ବାରେ ଦାର୍ତତିତା ଖେପକିଆନେ, ତାୟୁ ଜୁଗୁ ରାନେ ।”

**ନାସାକିନି ଅପାଆଗାଟି କାତା**

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଣ୍ଟପୁତି ବଲୁ ଖେହ୍ନି ଦାନିୟେଲ ଖେସ୍ତି କାତାଲେହେ ନାସାକିନି ଅପାଆଗାଟି ଆସ୍ତିସ୍ତି ସୁଦୁ ଚାୟୁତା ଇଟାମାନାଣି ମେହ୍ଦେରି” ପଡ଼ୁଞ୍ଜି ଆନାସି ଜାଗ୍ରାତା ଆହାନା ପୁଣ୍ଡେସି

୧୬ ଏଚିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି ହରକା ଲାକ ହଣ୍ଡାରି;

୧୭ \*ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ତି ତାକାହାଜାଲି ରେଚା ଖାଆପେସି;

୧୮ ଅଡେ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ଖେଣ୍ଡେ ହାଲାଆପେସି ।

୧୯ ଏଚିବେଲାତା ପୁରାମାସା ଆହାମାନାଇ ଇଞ୍ଜା ପାଲୁ ଉଚ୍ଚିମାନାଇ ଆୟତା ଏଞ୍ଜି ଉଣେଏ କସ୍ତ ପାଣିନୁ,

୨୦ ସାମା ମୀ ହଣ୍ଡନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ ।

୨୧ \*ଇଚିହ୍ ଏଚିବେଲାତା ଇଲେତି କସ୍ତ ଆନେ, ମାହାପୁରୁ ଦାର୍ତତିତା ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜା ଏଲେକ୍ ଏତେଲାଞ୍ଜା ଆଏ ।

୨୨ ଅଡେ ମାହାପୁରୁ ଏ ବେଲାତି ଉଣା କିହା ହିଲାଆଡିହ୍ ମା; ଦାର୍ତତିତା ଆମ୍ବାଆସି ଜିକେଏ ଗେଲପି ଆଆପେସିମା, ସାମା ତାନି ଆଡ଼ିତି ଲକୁତାକି ଏ କସ୍ତ ଉଣା କିନେସି ।

୨୩ “ଏଚିବେଲା, ‘ମେହ୍ଦୁ କ୍ରୀସ୍ତ ଇମ୍ବାଆଁ ମାନେସି ଆଆଡ଼ ଏମ୍ବାଆଁ ମାନେସି’ ଇଞ୍ଜା ଆମ୍ବାଆସି ମିଙ୍ଗେ ଏଲେକିହ୍ ଖେସ୍ତାନେସି ଇଚିହ୍ ଏଦାଆଁ ନାମାଆଦୁ ।

୨୪ ଇଚିହ୍ ନାଡ଼ିକିନି କ୍ରୀସ୍ତୟାଁ ଅଡେ ମାହାପୁରୁ ବଲୁ ମିତି ଖେହ୍ନାରି ନିଙ୍ଗାନା ହାରେକା କାଜା ସିନା ଅଡେ କାବାଆନି କାମାୟାଁ ତହ୍ନେରି, ଆଡ଼ିତିହ୍ ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି ।

୨୫ ମେହ୍ଦୁ ନାନୁ ମିଙ୍ଗେ ତଲିଏ ଖେସାମାଞ୍ଜାକ୍ ।”

୨୬ \*ଇଦାଆଁତାକି ‘ମେହ୍ଦୁ ଏଞ୍ଜାସି ବାଟାତା ମାନେସି’ ଇଞ୍ଜା ଲକୁ ଖେସ୍ତାଡିହ୍ ହାଲାଆଦୁ; ‘ମେହ୍ଦୁ ବିତ୍ରା ବାକ୍ରାତା ମାନେସି’ ଇଞ୍ଜା ଖେସ୍ତାଡିହ୍ ଏଦାଆଁ ନାମାଆଦୁ ।

୨୭ ଇଚିହ୍ ହାଗୁ ମିହ୍ନି ବେଲାତି ଉଜେଡ଼ି ଏନିକ୍ ଖେଡ଼ା ହପୁ ଖାକିଟି ହଚାନା ଖେଡ଼ା କୁଡ଼ିନି ପାତେକା ତଞ୍ଜାଆନେ, ଏଲେଆହ୍ ଏ ମାଣସି ମୀରୁଏସି ଖାନେସି ।”

୨୮ \*ଏମ୍ବିୟା ମାଡ଼ହା ରିହାମାନେ ଏମ୍ବାଆଁ ରାମ୍ବାୟାଁ ରୁଣ୍ଡା ଆଦୁ ।

**ମାଣସି ମୀରୁଏସି ଖାନାୟି**

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ \*ସାମା ଏଚିବେଲାତି କସ୍ତ ତାୟୁ ଦେବୁଣିଏ ଖେଡ଼ା ଆନ୍ଦେରି ଆନେ, ଅଡେ ଲେଞ୍ଜୁ ଉଜେଡ଼ି ହୀଏ, ଅଡେ ହାଗୁଟି ହୁକାୟାଁ ତରଗିନୁ, ଇଞ୍ଜା ହାଗୁ ଲାକତି ବାଡ଼ୟୁ ବାରେ ଖାଡ଼ିନେ ।

୩୦ \*ଏଚିବେଲା ହାଗୁ ଲାକତି ମାଣସି ମୀରୁଏଣି ସିନା ତଞ୍ଜାଆନେ, ଇଞ୍ଜା ମାଣସି ମୀରୁଏଣାକ୍ କାଜା ବାଡ଼ୟୁ ଅଡେ ଗାଞ୍ଜୁରମିଗାଟି ଉଜେଡ଼ି ତଲେ ହାଗୁଟି ଦୁହାଟି ଖାନାଣି ମେସାନା ଦାର୍ତତିତା ବାରେ କୁଡ଼ାତି ଲକୁ ହାରେକା ଦୁକୁ ତଲେ ଡ଼ାନେରି ।

୩୧ ଅଡେ ଏଞ୍ଜାସି ତୀଡ଼ି ମହ୍ରି ହାଡ଼ାତଲେ ତାନି ଦୁହୁୟାଁଣି ପାଣିନେସି ଇଞ୍ଜା ଏଞ୍ଜାରି ଦାର୍ତତି ମୁଟପେତି ହାନ୍ଦିଟିଏ ହାଗୁଲାକତି ମୁଟପେ ହାନ୍ଦି ପାତେକା ସାଡ଼ିଖାକିଟି ତାନି ଆଚାମାନି ଲକୁଣି ରୁଣ୍ଡା କିନେରି ।”

**ତୟା ମୀରୁଡ଼ି କାତା**

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମୀରୁ ପୁଣ୍ଡି କିନି କାତାଟି ଜାପାଦୁ; ଏଚିବେଲା କମାତା ଆକା ଗାଲ୍ଲନାଣି ମେସ୍ତିହ୍ କାରାୟାଁ ଖେଡ଼ା ଖାଡେ ଇଞ୍ଜା ପୁଞ୍ଜେରି ।

୩୩ ଏଲେକିହ୍ ଏ ମୀରୁ ଜିକେଏ ଇ ବାରେ ମେସ୍ତିସାରେ ଏଞ୍ଜାସି ଦୁଖେରି ତାଗେ ମାନେସି ଇଞ୍ଜା ପୁଞ୍ଜେରି ।

୩୪ ନାନୁ ମିଙ୍ଗେ ସାତା ଖେସିମାଞ୍ଜାକ୍, ଇ ବାରେ ଗଟଞ୍ଜି ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡାଅରି ।

୩୫ ହାଗୁପାକା ଦାର୍ତତି ବାରେ ମେଣ୍ଡାଜିନେ, ସାମା ନା ବଲୁ ଏଚେଲାଞ୍ଜା ମେଣ୍ଡାଜେଏ ।”

**ଖାନି ଦିନା ଅଡେ ତଣ୍ଡତି ଆମ୍ବାଆସି ପୁନଅସି**

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡତି କାତା ଆମ୍ବାଆସି ପୁନଅସି, ଲାକପୁରୁତି ଦୁହୁୟାଁ କି ମୀରୁଏସି ଜିକେଏ ପୁନଅସି, ଖାରକ ଆବାଦେ ପୁନେସି ।

୩୭ ଅଡେ ନହ୍ ବେଲାତା ଏନିକ୍ ଆହାମାତେ, ମାଣସି ମୀରୁଏସି ଖାନି ବେଲାତା ଏଲେକ୍ ଆନେ ।

\* ୨୪:୧୩ ମାତ ୧୦:୨୨ \* ୨୪:୧୭ ଲୁକ ୧୭:୩୧ \* ୨୪:୨୧ ଖେ ବଲୁ ୭:୧୪ \* ୨୪:୨୭ ଲୁକ ୧୭:୨୩, ୨୪ \* ୨୪:୨୮ ଲୁକ ୧୭:୩୭ \* ୨୪:୨୯ ଖେ ବଲୁ ୭:୧୨; ଖେ ବଲୁ ୭:୧୩ \* ୨୪:୩୦ ଖେ ବଲୁ ୧:୭

୩୮ ଇଚ୍ଛା କରୁ ଖାରୁ କୁପନି ନକେଏ, ନହ ତଂଗତା ହତନି ଦିନା ପାତେକା ଲକୁ ଏନିକ୍ ତିଞ୍ଜି ଉଣ୍ଡିହ, ବାହା କିୟାଲି ବାହା ହିୟାଲି ହେରାମାଚେରି,

୩୯ ଇଞ୍ଜା କାଜା ପିୟୁତଲେ ଖାରୁ ଖାହାନା କୁପହା ଅନି ପାତେକା ଏନିକ୍ ଏଞ୍ଜାରି ପୁଞ୍ଜାହିଲଆତେରି, ମାଣସି ମୀରଏଣା ଖାନାୟି ଜିକେଏ ଏଲେଆହ ଏ ଆନେ ।

୪୦ ଏଚିବେଲତା ରିଆରି ଗୁଡିୟାତା ମାନେରି, ରଅସି ଅଞ୍ଜିଆନେସି ରଅସି ଏମ୍ବାଆଁ ତୁୟିନେସି ।

୪୧ ରୀ ଇୟାସିକା ଜେତାତା ନୁୟି ମାନୁ ରଣ୍ଡି ଅଞ୍ଜିଆନେ ଅଡେ ରଣ୍ଡି ଏମ୍ବାଆଁ ତୁୟିନେ ।

୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇଚ୍ଛା ମୀ ପ୍ରବୁ ଆମିନି ଦିନା ଖାନେସି, ଏଦାଆଁ ମୀରୁ ପୁଞ୍ଜାହିଲଅତେରି ।

୪୩ ଯାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଖାନେସି, ଏଦାଆଁ ସାଞ୍ଜୁକାରି ପୁଞ୍ଜାମାଚିହ ମା, ଜାଗ୍ରାତା ଆହାନା ତାନି ଇଲୁତି କାତି ତୁଡହାଲି ହାଆତେସିମା ।

୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇଚ୍ଛା ଆମିନି ବେଲତା ମୀରୁ ଅଶ୍ପା ହିଲଅତେରି, ଏ ବେଲତା ମାଣସି ମୀରଏସି ଖାନେସି ।

**ଟିକାଣା ଗାଟାସି ଅଡେ ଟିକାଣା ହିଲଆଗାଟି ହଲେଏସି (ଲୁକ ୧୨:୪୧-୪୮)**

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାଚୁତା ରାନ୍ଦା ହାହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହାହାମାନେସି, ଇଲେତି ନାମୁ ଅଡେ ବୁଦିଗାଟି ଗୁମୁସ୍ତା ଆମ୍ବାଆସି,

୪୬ ପ୍ରବୁ ଖାହାନା ତାନି ଆମିନି ହଲେଏଣାଲ୍ ଏଲେକିହ ମାନାଣାଲ୍ ମେହନେସି, ଏଞ୍ଜାସି ନେହାସି !

୪୭ ନାନୁ ମିଜେ ସାତା ଖେସିମାଞ୍ଜାଲ୍, ଏଞ୍ଜାସି ଏଞ୍ଜାଣାଲ୍ ତାନି ବାରେ ଦନତି ମୁହେଁ ଗୁମୁସ୍ତା କିନେସି ।

୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜା ତାନି ମନତା ଅଶ୍ପାନା,

୪୯ ଏଞ୍ଜାସି ତାନି ତଲେତି ହଲିୟାଙ୍ଗାଣି ଖେଚିହ, କାତୁ ଗହନାରି ତଲେ ତିଞ୍ଜିହ ଗସିହ ମାନେସି,

୫୦ ଆତିହ ଆମିନି ନେରୁ ହଲେଏସି କାଚାହିଲଅସି ଅଡେ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲତା ତାନି ପ୍ରବୁ ଖାନେସି ।

୫୧ ଇଞ୍ଜା ଏଞ୍ଜାଣାଲ୍ ରୀ ବାଗା କିହ ଦାଚାନା କୁଚୁ ଗାଚାରି ତଲେ ତାନି ବାଗା କିନେସି; ଏମ୍ବାଆଁ ତାନାୟି ଅଡେ ପାଲକା ଟାଟି କିନାୟିମାନେ ।

**୨୫**

**ଦସ ଜାଣା ତାଆ ପଦାୟାତି ପୁଣ୍ଡିକିନି କାତା**

୧ ଏଚିବେଲା ଲାକପୁରୁତି ରାଜି ଦସ ଜାଣା ତାଆ ପଦାୟା ଲେହେଁ ଆନେ; ଏଞ୍ଜି ତାନି ଦାଞ୍ଜୟା ଆସାନା ବାହା ହନେଏଣାଲ୍ ବେଟାଆହାଲି ହାରୁ ।

୨ ଏଞ୍ଜାସିକା ବିତ୍ରା ପାସା ଜାଣା ବୁଦି ହିଲଆଗାଟାଇ ଇଞ୍ଜା ପାସା ଜାଣା ବୁଦି ଗାଟାଇ ମାରୁ ।

୩ ବୁଦି ହିଲଆଗାଟାଇ ତାନି ଦାଞ୍ଜୟା ଅତୁ ସାମା ଏଚକା ନିୟୁଁ ଅଆତୁ,

୪ ସାମା ବୁଦି ଗାଟାଇ ତାନି ଦାଞ୍ଜୟା ତଲେ ଗାଜୁତା ନିୟୁଁ ଅହ ହାରୁ ।

୫ ବାହା ହନେଏସି ଖାନାୟି ଖେଡା ଆୟାଲିଏ, ବାରେଜାଣା କଟଣି ହଚିହ ତୁରାତୁସୁ ।

୬ ସାମା ମାଦି ଲାଆଁୟା ମେହଦୁ ବାହା ଦାଂଗଣେଏସି ଖାହିମାନେସି, ବେଟାଆହାଲି ଖାଦୁ ଇଞ୍ଜା ର କାଜା ହାଡା ଆଡେ !

୭ ଏମ୍ବାଟିଏ ତାଆସିକା ନିଙ୍ଗାନା ତାନି ଦାଞ୍ଜୟା ପ୍ରବୁହୁ ।

୮ ସାମା ବୁଦି ହିଲଆଗାଟାଇ ବୁଦିଗାଟି ତାଆସିକାଣି ଏଲେଇରୁ, ମୀ ନିୟୁଁ ଇଚାଣି ଲାକା ମାଜେ ହିୟାଦୁ, ଇଚ୍ଛା ମା ଦାଞ୍ଜୟା ତୁମ୍ବାହାଜିମାନୁ ।

୯ ସାମା ବୁଦିଗାଟାୟି ଏଲେଇରୁ, ଆଏ ମିଜେ ଅଡେ ମାଜେତାକି ନିୟୁଁ ଏଦଏ, ବାଜାରାତା ହାଜାନା ମିଜେତାକି ନିୟୁଁ କତା ତାଦୁ ।

୧୦ ସାମା ଏଞ୍ଜି ନିୟୁଁ କତାଲି ହାଜିମାଗାଟି ହନେଏସି ଖାଡେସି; ଇଞ୍ଜା ଆମିନି ଗାଟାଇ ତିୟାରା ଆହାନା କାଚାମାରୁ, ଏଞ୍ଜି ହନେଏଣି ତଲେ ବାହା ବକି ଇଲୁତା ହଚୁ, ଅଡେ ଦାରା ସୁଣ୍ଡିତେରି ।

୧୧ ଏଚେଟିଏ ତାୟୁ ଅର ତାଆ ପଦାୟା ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜା ହାଚିତୁ ।

୧୨ ଏଚେଟିଏ ବାହା ହନେଏସି ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଲ୍, ନାନୁ ମିଜା ପୁଞ୍ଜାମାଞ୍ଜାଅଁ ।”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି ।

**ତାନି ଜାଣା ହଲିୟାଙ୍ଗାଟି ପୁଣ୍ଡିକିନି କାତା (ଲୁକ ୧୯:୧୧-୨୭)**

୧୪ ଲାକପୁରୁ ରାଜି ଇଲେତାୟି, ଇଚ୍ଛା ହେକ ରାଜି ହାଜିମାନି ର ମାଣସି, ଏଞ୍ଜାସି ତାନି ହଲିୟାଙ୍ଗାଣି ହାଚାନା ତାନି ଦନତି ହେରପିତେସି ।

୧୫ ଏଞ୍ଜାସି ରଅଣାକି ପାସାମାଣା, ଅଡେ ରଅଣାକି ରୀ ମାଣା, ଇଞ୍ଜା ଅଡେ ରଅଣାକି ର ମାଣା ଇଲେକିହ ବାରେତାକି ତାନି ଆଡିନି ବାଡୁୟୁ ତଲେ ହାହାନା ହେକ ରାଜିତା ହାଚେସି ।

୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡେ ପାସାମାଣା ଲାବା କିତେସି ।

☆ ୨୪:୪୩ ଲୁକ ୧୨:୩୯,୪୦ ☆ ୨୫:୧ ଲୁକ ୧୨:୩୫ ☆ ୨୫:୧୧ ଲୁକ ୧୩:୨୫ ☆ ୨୫:୧୪ ଲୁକ ୧୯:୧୧-୨୭

୧୭ ଏଲେକିହ ଏ ଆମିନିଗାଟାସି ରୀ ମାଣା ବେଟା ଆହାମାଟାସି ଏଞ୍ଜାସି ଜିକେଏ, ଅଡ଼େ ରୀ ମାଣା ଲାବା କିଡେସି ।

୧୮ ସାମା ଆମିନିଗାଟାସି ର ମାଣା ବେଟା ଆହାମାଟେସି, ଏଞ୍ଜାସି ହାଜାନା ବୁମି କାରୁହାନା ତାନି ସାଞ୍ଜୁକାରି ଟାକାୟାଣି ମୁସାନା ଡକୁହା ଇଟିଡେସି ।

୧୯ ହାରେକା ଦିନା ହାଟି ତାୟୁ ଏ ହଲିୟାଜାଟି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିଡେସି ।

୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାଟେସି, ଏଞ୍ଜାସି ଅଡ଼େ ପାସାମାଣା ତାତାନା ଏଲେଇଡେସି, ପ୍ରବୁ ନୀନୁ ନାଜେ ପାସାମାଣା ହାହାମାଜାଟି; ମେହ୍ମୁ ନୀନୁ ଅଡ଼େ ପାସାମାଣା ଲାବା କିହାମାଲ ।

୨୧ ତାନି ସାଞ୍ଜୁକାରି ତାଜେ ଏଲେଇଡେସି, ଆୟାଲେତା ନେହ୍ମି ଟିକାଣାଗାଟି ହଲେଏଣାଟି, ନୀନୁ ଉଣା କାମାତା ନାମୁ ଗାଟାଟି ଆହାମାଜି, ନୀନୁ ନିଜା ହାରେକା କାଜା କାମାତା ହେରପାଲ, ନୀନୁ ନା ତଲେ ରାହା କିହାଲି ଖାମୁ ।

୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାଟେସି, ଏଞ୍ଜାସି ଜିକେଏ ଖାହାନା ଏଲେଇଡେସି, ଏ ପ୍ରବୁ ନୀନୁ ନାଜେ ରୀ ମାଣା ହାହାମାଜାଟି; ମେହ୍ମୁ ନୀନୁ ଅଡ଼େ ରୀ ମାଣା ଲାବା କିହାମାଲ ।

୨୩ ତାନି ସାଞ୍ଜୁକାରି ଏଞ୍ଜାଣାଲ ଜିକେଏ ଏଲେଇଡେସି, ଆୟାଲେତା ନେହ୍ମି ଇଞ୍ଜା ଟିକାଣାଗାଟି ହଲେଏଣାଟି, ନୀନୁ ଉଣା କାମାତା ନାମୁ ଗାଟାଟି ଆହାମାଜି, ନୀନୁ ନିଜା ହାରେକା କାଜା କାମାତା ହେରପାଲ, ନୀନୁ ନା ତଲେ ରାହା କିହାଲି ଖାମୁ ।

୨୪ ତାୟୁ ର ମାଣା ଟାକାୟା ଅହାମାଟି ହଲେଏସି ଏଲେଇଡେସି, ସାଞ୍ଜୁକାରି, ନୀନୁ ପୁଞ୍ଜାମାଲ, ନୀନୁ ର ଆଡ଼ଞ୍ଜା ହିୟା ଗାଟାଟି । ମାଟାଆତି ବୁମିତା ନୀନୁ ଦାଃଆନାଟି । ବିଟା ମାଟାଆନା ଆନା କୁଡ଼ି କିନାଟି ।

୨୫ ଏଡାଆଁତାକି ଆଜାହା ନୀନୁ ନୀ ଟାକାୟାଣି ବୁମିତା ମୁସାନା ଡକୁହା ଇଟିଡେସି; ମେହ୍ମୁ ନୀ ଦନ ନୀନୁ ବେଟାଆଡ଼ି ।

୨୬ ସାମା ତାନି ସାଞ୍ଜୁକାରି ଏଞ୍ଜାଣାଲ ଏଲେଇଡେସି, ଆଡ଼େ ଲାଗେଏ ଅଡ଼େ ନିସ୍ତଗାଟି ହଲେଏଣାଟି, ନୀନୁ ଆମ୍ବିୟା ମାଟା ହିଲଅ ଏମ୍ବାଆଁ ଦାଃଆନାଡେସି, ଇଞ୍ଜା ଆମ୍ବିୟା ଆନା ଉପହା ହିଲଅ ଏମ୍ବାଆଁ କୁଡ଼ି କିନାଡେସି, ଇଦାଆଁ ନୀନୁ ପୁଞ୍ଜାମାଟି ?

୨୭ ଆଡିହ୍ମି ବେବାରା କିନାରି ତାଣା ନା ଟାକାୟା ନୀନୁ ଇଟିନାୟି ମାଟେ; ଆଡିହ୍ମି ନୀନୁ ଖାହାନା ଅଡିତଲେ ନା ଦନ ନୀନୁ ବେଟାଆଡ଼େସିମା ।

୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟା ଅହାନା ଆମିନି ଗାଟାଣାକି ଦସ ମାଣା ମାନ୍ତୁ ଏଞ୍ଜାଣାକି ହାଦୁ ।

୨୯ ଇଡିହ୍ମି ଆମ୍ବାଆରାକି ମାନ୍ତୁ, ଏଞ୍ଜାଣାକି ହାପକିଆନେ, ଇଞ୍ଜା ଏଞ୍ଜାଣିଖାୟି ହାରେକା ଗାଡିଆନେ;

ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଡାଆଁ ଜିକେଏ ଏଞ୍ଜାଣି ତାଣାଟି ଅଡ଼ିଆନେ ।

୩୦ ଅଡ଼େ ମୀରୁ ଇ କାମା କିଆଗାଟି ହଲେଏଣାଲ ପାଜାଟି ଆନ୍ଦେରିତା ମେଡହା ତୁହ୍ମୁ, ଏମ୍ବାଆଁ ଡାହ୍ମି ପାଲକା ଟାଟି କିନେସି ।

**ରାନ୍ତି ବେଲାଟି ନୀହାୟି**

୩୧ ମାଣସି ମୀରୁଏସି ଏଡିବେଲା ବାରେ ଦୁତୁୟା ତଲେ ତାନି କାଜାପାଣାଟି ଖାନ୍ଦେସି, ଏଡିବେଲା ଏଞ୍ଜାସି ତାନି ଗାଞ୍ଜୁରମିଗାଟି ସିଂଗାସାଣିତା କୁରିନେସି,

୩୨ ଇଞ୍ଜା ତାନି ନକିତା ବାରେ କୁଡାଟି ଲକୁଣି କୁଡ଼ି କିଡ଼ିଆନେ, ଇଞ୍ଜା ମେଣ୍ଡାୟା ଗଡୁ ଏନିକ୍ମି ଗରିୟା ତାଣାଟି ମେଣ୍ଡାୟାଣି ଏଟକା କିନେସି, ଏଲେକିହ୍ମି ଏଞ୍ଜାସି ଏଞ୍ଜାରାଲ ଏଟକା କିହାନା,

୩୩ ମେଣ୍ଡାୟାଣି ତାନି ଟିଃନି ଟଟତା ଇଞ୍ଜା ଗରିୟାଣି ତାନି ଟେବୁ ଟଟତା ଇଟିନେସି ।

୩୪ ଏଡିବେଲା ରାଜା ତାନି ଟିଃନି ଟଟତି ଲକୁଣି ଏଲେଇନେସି, ଖାଦୁ ନା ଆବାତି ବର ବେଟା ଆନାଡେରି, ମିଜେତାକି ଦାର୍ଡି ଗାଡ଼ି ଆଡ଼ି ଦିନାଟିଏ ଆମିନି ରାଡ଼ି ଗାଡ଼ି କିଡ଼ିଆହାମାନେ ଏମ୍ବାଟି ଅଦିକାରା ଆଦୁ ।

୩୫ ଇଡିହ୍ମି ନୀନୁ ହାକିଟି ମାଟେସି, ମୀରୁ ନାଜେ ଡିଞ୍ଜାଲି ହିୟାଡେରି; ଏସକିଟି ମାଟେସି, ନାଜେ ଗସାଲି ଏୟୁ ହିୟାଡେରି; ଏଟକା ମାଟେସି ନାଜେ ଆଡ଼ହାଡେରି;

୩୬ ନାଗୁଡାଟି ମାଟେସି ନାଜେ ହିମ୍ବି ଛୁଟି କିୟାଡେରି; ନମେରି ମାଟେସି ନାଜେ କେରହାଡେରି; କାୟିଦିତା ମାଟେସି ନାଜେ ବେଟି ଖାଡ଼େରି ।

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଣାଲ ଏଲେଇନେରି, ଏ ପ୍ରବୁ ଏଟେଲା ହାକିଟି ମାନାଣି ମେସାନା ନିଜେ ଡିଞ୍ଜାଲି ହିୟାଆତମି ? ଏଟେଲା ଏସକି ଆଡାଣି ମେସାନା ଏୟୁ ହିୟାଆତମି ?

୩୮ ଅଡ଼େ ଏଟେଲା ଏଟକା ମାଟାଣି ମେସାନା ଆଡ଼ହାତମି ? ଏଟେଲା ନାଗୁଡା ମେସାନା ହିମ୍ବି ଛୁଟି କିୟାଆତମି ?

୩୯ ଅଡ଼େ ଏଟେଲା ନମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଡ଼ମି ?

୪୦ ଇଞ୍ଜା ରାଜା ଏଞ୍ଜାରାଲ ଏଲେଇନେସି, ନୀନୁ ମିଜେ ସାତା ଖେସିମାଜାଲ, ମୀରୁ ନା ଇ ଉଣା ତାୟିୟାଲ ରଅଣାଲ ଏନାଆଁ କିହାମାଜେରି ଏ ବାରେ ନାଜେତାକି କିହାମାଜାଡେରି ।

୪୧ ଏମ୍ବାଟିଏ ତାନି ଟେବୁ ଦାରିଡି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାଡେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୁତୁୟାକି କିହାମାନି କାଲ୍ୟାକାଲ୍ୟା ଡ଼ାଞ୍ଜିମାନି ହିରୁ ଗାଡ଼ୁୟୁତା ହାଡ଼ି ।

୪୨ ଇଡିହ୍ମି ନୀନୁ ହାକିଟି ମାଟେସି ନାଜେ ଡିଞ୍ଜାଲି ହିୟାଆଡେରି; ଏସକିଟି ମାଟେସି ନାଜେ ଗସାଲି ଏୟୁ ହିୟାଆଡେରି;

☆ ୨୫:୩୦ ମାତୃ ୮:୧୨; ୨୨:୧୩; ଲୁକ ୧୩:୨୮ ☆ ୨୫:୩୧ ମାତୃ ୧୭:୨୭; ମାତୃ ୧୯:୨୮



୪୩ ଏବଂକା ମାତାଟି ନାଲୋ ଆବହାଆତେରି; ନାଗଡ଼ା ମାତାଟି ନାଲୋ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାତାଟି ନାଲୋ କେରହାଆତେରି ।

୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାମ୍ବୁ ନିଲୋ ହାକି କି ଏସ୍କି, ଏବଂକା କି ନାଗଡ଼ା, ନମେରି କି କାୟିଦିତା ମାନାଣି ମେସାନା ନିଲୋ ସେବା କିୟାଆତମି ?

୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇନେସି, “ନାନୁ ମିଲୋ ସାତା ଖେସିମାଞ୍ଜାଇଁ, ନା ଇ ଉଣା ଲକୁ ବିତ୍ରାଟି ରଥଣାଇଁ କିହାହିଲାଆକି ନାଲୋ କିହାମାଞ୍ଜଅତେରି ।

୪୬ ଅଡେ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତାରିଗାଟାରି କାଲାକାଲାତି ଜୀଞ୍ଜୁ ବେଟାଆନେରି ।”

### ୨୨

#### ଜୀସୁ କପାଟି ପାରୁ ପାରିନାୟି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପହାନା ତାନି ସୀସୁୟାଁଇଁ ଏଲେଇଚେସି,

୨ “ରାଇନି ଜେଟ ପିସ୍ପିଆନ୍ତି ପାର୍ବୁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣ୍ଡସି ମୀରୁଏସି ପାସି ମୁଣ୍ଡାତା ହାୟାଲି ହେର୍ପିଆନେସି ।”

୩ ଏଚିବେଲାତା କାଜା ପୂଜେରାଜା ଅଡେ ଲକୁଟି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡେରି,

୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରିତେରି;

୫ ସାମା ଏଞ୍ଜାରି ଏଲେଇଚେରି, “ପାର୍ବୁ ବେଲାତା ଆଏ ଇଚିହିଁ ଏଚେତା ଲକୁ ଗଡ଼ହା କିନେରି ।”

#### ବେତନିୟାତା ଜୀସୁ ତାୟିଁ ତୁ ନିୟୁଁ ଖାକ୍ନାୟି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାତାଟି,

୭ “ଇୟା ର ଗାଜୁତା ହାରେକା ଦାରାଗାଟି ଗାନ୍ଦା ନିୟୁଁ ତାତାନା ଜୀସୁ ତାୟିଁ ତୁ ଖାକ୍ନାହେ ।

୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାର୍ବୁ ?

୯ ଇଦାଆଁ ହାରେକା ଟାକାୟାତାକି ପାର୍ପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସ୍ତ ହାହିମାଞ୍ଜେରି ? ଏଡି ନାଲୋତାକି ହାରେକା ନେହିଁ କାମା କିହାମାନେ ।

୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଥଁ ।

୧୨ ଇଞ୍ଜା ଏଡି ନା ଆଜାତା ନଚେଏ ନିୟୁଁ ଖାକ୍ନାହାନା ମୁସାଲି ତାକି ନଚେଏ ତିୟାରା କିହିମାନେ ।

୧୩ ନାନୁ ମିଲୋ ସାତା ଖେସିମାଞ୍ଜାଇଁ, ବାରେ ଦାରତିତା ଆମିନି ଟାୟୁତା ଇ ନେହିଁ କାରୁ ଖେପକି ଆନେ, ଏମ୍ବାଆଁ ଏ ଇୟାନି ଅଣ୍ପାଲି ଏଦାନି ଇ କାମା ଜିକେଏ ଖେସ୍ପି ଆନେ ।”

#### ଜୀହୁଦା ଜୀସୁଇଁ ଆସ୍ପି କିହାଲି ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିତ୍ରାଟି ଇସ୍ତାରିୟତ ଜୀହୁଦା ଦରୁଗାଟାସି କାଜା ପୂଜେରାଜା ତାଣା ହାଜାନା ଏଲେଇଚେସି,

୧୫ “ନାଲୋ ଏନାଆଁ ହିୟାଦେରି ଖେସ୍ତାଦୁ ? ନାନୁ ଜୀସୁଇଁ ଆସ୍ପି କିୟାଇଁ ।” ଏମ୍ବାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଖେଣ୍ଡି ଟାକାୟାଁ ଏଜିକିହାନା ହାତେରି ।

୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେର୍ପାଲି ତାକି ପାରୁ ପାରିଲି ମାଡ଼ହେସି ।

#### ଜୀସୁ ଅଡେ ସୀସୁୟାଁ ପିସ୍ପିଆନ୍ତି ପାର୍ବୁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି ତିନି ପାର୍ବୁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଖେଚେରି, “ମାମ୍ବୁ ଆମିନି ଟାୟୁତା ନିଲୋତାକି ପିସ୍ପିଆନ୍ତି ପାର୍ବୁତି ବଜି କିନମି ଇଞ୍ଜୁଁ ନାନୁ ଅଣ୍ପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡ଼ାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଖେସା ପାଣ୍ଡାତେସି, ନା କାର୍ବୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍ପିଆନ୍ତି ପାର୍ବୁତି ବଜି କିନମି ।”

୧୯ ଏମ୍ବାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସ୍ପିଆନ୍ତି ପାର୍ବୁତି ବଜି କିତେରି ।

୨୦ ତାୟୁ ମିଡ଼ଅଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁଗିତେସି ।

୨୧ ଏଞ୍ଜାରି ତିଞ୍ଜିମାଟି ବେଲାତା ଜୀସୁ ଏଲେଇଚେସି, “ନାନୁ ମିଲୋ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଥସି ନାଲୋ ସାତୁୟାଁ କେୟୁତା ହେର୍ପାନେସି ।”

୨୨ ଏମ୍ବାଟିଏ ଏଞ୍ଜାରି ହାରେକା ଦୁକୁ ଆହାନା ରଥ ରଥସି ଜୀସୁଇଁ ଖେଚେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମ୍ବାଆସି ସାଡ଼ଞ୍ଜାତା କେୟୁ ପାର୍ବୁକି ମାନେସି, ଏଞ୍ଜାସି ନାଲୋ ସାତୁୟାଁ କେୟୁତା ହେର୍ପାନେସି ।

୨୪ ମାଣ୍ଡସି ମୀରୁଏଣି କାତା ଏନିକିଁ ରାସ୍ପକି ଆହାମାନେ ଏଲେକିଁ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେର୍ପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାର୍ନା ଆହାହିଲାଆତିହିଁ ଏଞ୍ଜାଣାକି ନେହେଁ ଆଡେମା ।”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେର୍ପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ ଏଞ୍ଜାତେଏଁ ନାନୁ କି ?”

ଜୀସୁ ଏଝାଣାଇଁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।”

**ପ୍ରବୁତି ବଢ଼ି**

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୭ ଅଡ଼େ ଏଝାରି ତିଞ୍ଜିମାଟି ବେଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡ଼ିକହାନା ସୀସୁୟାକି ହୀହାନା ଏଲେଇଚେସି, “ଇଦାଆଁ ଅଦୁ ଇଞ୍ଜା ତିଞ୍ଜୁ ଇଦି ନା ଆଜ୍ଞା ।”

୨୮ ଅଡ଼େ ଏଝାସି ଗହନି ସଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସୀସୁୟାକି ହୀହାନା ଏଲେଇଚେସି; “ଇଦାଆଁ ବାରେତେରି ଗହଦୁ”

୨୯ “ଇଚିହଁ ଆମିନି ନେତେରିତି ରାଜିମାନା ହାରେକା ଲକ୍ଷୁତାକି ପାପୁତି ମ୍ଲେକହାଲି ଝାକହାମାନି ଇଦି ଏ ନା ନେତେରି ।

୩୦ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମିନି ଦିନା ନା ଆବାତି ରାଜିତା ମୀ ତଲେ ପୁଝନି ଅଜ୍ଞୁରି ରାସା ଗହଆ ପାତେକା ନୀଞ୍ଜୁଟିଏ ଏଚେଲାଝା ଅଜ୍ଞୁରି ରାସା ଗହଆଁ ।”

୩୧ ଅଡ଼େ ଏଝାରି ଜହରା ପାରୁ ପାଚିତି ତାୟୁ ଜୀତ ହରୁତା ହଡ଼ା ହାଚେରି ।

**ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଝେହନାୟି**

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୨ ଏଚିବେଲା ଜୀସୁ ଏଝାରାଇଁ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଙ୍ଗେ ପିସାନା ହାଜାଦେରି, ଇଚିହଁ ରାସ୍ତକି ଆହାମାନେ, ନାନୁ ମେଣ୍ଡାୟାଁ ଗଡ଼ୁଇଁ ଝେଇଁ ଅଡ଼େ ମାନ୍ଦାତି ମେଣ୍ଡାୟାଁ ଆଲାରା ଆହାହାନୁ ।

୩୩ \*ସାମା ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଇଁ ।”

୩୪ ସାମା ପିତର ଜୀସୁଇଁ ଏଲେଇଚେସି, “ବାରେଜାଣା ନିଙ୍ଗେ ପିସୁତିହଁ ଜିକେଏ, ନାନୁ କଡ଼େ ନିଙ୍ଗେ ଏଚେଲାଝା ପିସୁଆଁ ।”

୩୫ ଜୀସୁ ପିତରଇଁ ଏଲେଇଚେସି, “ନାନୁ ନିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଶଆ ନକେଏ ନୀନୁ ନାଙ୍ଗେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜାଁ ଝେହଦି ।”

୩୬ ପିତର ଏଝାଣାଇଁ ଏଲେଇଚେସି, “ନାନୁ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଅଁ ଇଞ୍ଜାଁ ଇନଅଁ !” ଇଞ୍ଜା ବାରେ ସୀସୁୟାଁ ଜିକେଏ ଏଲେଇଚେରି ।

**ଗେଡ଼ସିମନିତା ଜୀସୁତି ପ୍ରାତାନା**

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୭ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଗାୟୁତା ହାଜାନା ଏଝାରାଇଁ ଏଲେଇଚେସି, “ନାନୁ

ଏମ୍ବାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ବାଆଁ କୁଗା ମାଞ୍ଜୁ ।”

୩୮ ଅଡ଼େ ଏଝାସି ପିତର ଇଞ୍ଜା ଜେବଦିତି ରୀ ମୀରକାଣି ଅହାନା ହିୟାତା କିଲିବିଲି ଆଡ଼େସି,

୩୯ ଇଞ୍ଜା ଏଚିବେଲା ଏଝାରାଇଁ ଏଲେଇଚେସି, “ନା ଜୀସୁ ହାନ୍ଦିଲେହେଁ ହାରେକା କିଲିବିଲି ହଚି ମାଞ୍ଜାନେ, ମୀରୁ ଇମ୍ବାଆଁ ତୟାନା ନା ତଲେ କାଚିହଁ ମାଞ୍ଜୁ ।”

୪୦ ଇଞ୍ଜା ଏଝାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହଁ ଏଲେଇଚେସି, “ଏ ନା ଆବା ଆତିହଁ ଇ ନା ଦୁକୁ କସୁଗାଟି ସଲାତି ହେକ କିମ୍ପୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।”

୪୧ ଅଡ଼େ ଏଝାସି ସୀସୁୟାତାଣା ଝାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇଚେସି, “ମୀରୁ ନା ତଲେ ଗାଡ଼େକା ଜିକେଏ କାଚାଲି ଆଡ଼ାଆତେରି ?

୪୨ ପାନ୍ଦାତା ଏନିକଁ ହେରଅତେରି, ଏଦାଆଁତାକି କାଚାହାଁ ପ୍ରାତାନା କିହେମାଞ୍ଜୁ; ଇଚିହଁ ମନ ମାନେ ସାମା ଆଜ୍ଞାତା ବାଡ଼ୟୁ ହିଲେଏ ।”

୪୩ ଅଡ଼େ ର ପାଲି ହାଜାନା ପ୍ରାତାନା କିହିହଁ ଏଲେଇଚେସି, “ଏ ନା ଆବା ଇ ନା ଦୁକୁ କସୁଗାଟି ସଲା ନା ତାଣାଟି ହେକ ଆହାଲି ଆଡ଼ାଆତି, ନାନୁ ଏଦାଆଁ ଗହଇଁ ନା ମନ କଡ଼େ ଆଏ ନୀ କାତେଏ ଆପେ ।”

୪୪ ଅଡ଼େ ଏଝାସି ଝାହାନା ଏଝାରାଇଁ ଇଦା କିହାମାନାଣି ମେସ୍ତେସି; ଇଚିହଁ ଏଝାରି କଟଣି ହଚି ମାଚେରି ।

୪୫ ଏମ୍ବାଟିଏ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ହାଜାନା ଅଡ଼େ ଏ ପ୍ରାତାନା ତାନିପାଲି ତାକି କିତେସି ।

୪୬ ତାୟୁ ସୀସୁୟାଁ ତାଣା ଝାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହଁ ମାଣ୍ଡସି ମୀରଏସି ପାପୁ ଗାଟାରି ତାଣା ହେରପି ଆନିବେଲା ଏଦାତେୟିଏ ।

୪୭ ନିଜାଦୁ ମାର ହାନ, ଇଞ୍ଜା ମେହଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରପାନେସି, ଏଝାସି ତାଗେ ଝାଡ଼େସିଏ !”

**ଜୀସୁଇଁ ସାତୁୟାଁ କେୟୁତା ହେରପିନାୟି**

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୮ ଜୀସୁ ଇ କାତା ଝେସିମାଟି ବେଲାତା, ମେହଦୁ, ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଝାଣିତଲେ କାଜା ପୂଜେରାଜ୍ଞା ଅଡ଼େ ଲକ୍ଷୁତି କାଜାରି ତାଣାଟି ପାଣ୍ଡୁଝିଆହାମାନି ହାରେକା ଲକ୍ଷୁ କାଣ୍ଡାୟାଁ ଅଡ଼େ ବାଡ଼ଗାୟାଁ ଆସାନା ଝାଡ଼େରି ।

୪୯ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇ ସିନା ଝେସାମାଚେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଝାସିଏ ଏଝାସି, ଏଝାଣାଇଁ ଆହଦେରି ।”

୫୦ ଇଞ୍ଜା ଏଝାସି ଏ ଦେବୁଣିଏ ଜୀସୁ ତାଣା ଝାହାନା, “ଏ ଗୁରୁ ଜହରା ଇଚେସି” ଅଡ଼େ ଏଝାଣାଇଁ ହାରେକା ନଣ୍ଡିଚେସି ।

୫୧ ସାମା ଜୀସୁ ଏଝାଣାଇଁ ଏଲେଇଚେସି, “ଏ ତଟେଣି ଏଦାଆଁ କିହାଲି ଝାହାମାଞ୍ଜି ଏଦାଆଁ କିମ୍ପୁ ।”

\* ୨୨:୩୨ ମାଟି ୨୮:୧୭

ଏମ୍ବାଟିଏ ଏଞ୍ଜାରି ତାଗେ ଖାହାନା ଜୀସୁଇଁ ଆସ୍ତେରି ।

୫୧ ଅଡ଼େ ମେହ୍‌ଦୁ, ଜୀସୁତଲେ ମାଚାରି ବିତ୍ରାଟି ରଅସି କାଣ୍ଡା ହପ୍‌ହେସି ଇଞ୍ଜା କାଜା ପୂଜେରା ହଲେଏଣାଇଁ କିୟ୍ ରାଡ଼ହେସି ।

୫୨ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନୀ କାଣ୍ଡା ଖେଣ୍ଡେ ନୀ ପାଡ଼କାତା ଇଟାମ୍, ଇତିହ୍ ଆମ୍ବାଆରି କାଣ୍ଡା ଆହ୍‌ନେରି ଏଞ୍ଜାରି କାଣ୍ଡା ତଲେଏ ହାନ୍‌ନେରି ।

୫୩ ନୀନୁ ଏନାଆଁ ଅଣ୍ଡିମାଞ୍ଜି, ନୀନୁ ନା ଆବାଇଁ ବାଡ଼ିମାଲିତିହ୍ ଇ ଦେବୁଣିଏ ବାର ଗତି ରିଜାରି କସ୍‌କା କିହ୍‌ ହାନ୍‌ନେକା ଦୁଡୁୟାଁଇଁ ପାଣ୍ଡୁଅସି ?”

୫୪ ଇତିହ୍ ଇଲେକ୍‌ ସାତେଏ ଆନ୍‌ନେ ଇଞ୍ଜାମାନି ଦାମ୍‌ ପତିତି କାତା ଏନିକ୍‌ ସାତା ଆନ୍‌ନେ ?

୫୫ ଏଚେଟିଏ ଜୀସୁ ମାନ୍‌ ଲକ୍‌ଣି ଏଲେଇରେସି, ତଂଗା ଗାଟାରାଇଁ ଆହ୍‌ନିଲେହେଁ କାଣ୍ଡାୟାଁ ଅଡ଼େ ଚେଙ୍ଗାୟାଁ ଆସାନା ମୀରୁ ନାଙ୍ଗେ ଆସାଲି ଖାହାମାଞ୍ଜେରି ? ନୀନୁ ବାରେଦିନା ମାହାପୁରୁ ଇଲୁତା କୁଗାନା ଜାପ୍‌ହି ମାଚେଏ, ସାମା ମୀରୁ ନାଙ୍ଗେ ଆସ୍ତାଆଡେରି !

୫୬ ସାମା ମାହାପୁରୁ ଅଣ୍ଡିପୁତି ବଲୁ ଖେହ୍‌ନାରି ରାଡ଼ିତି ସାସ୍ତେରି କାତା ଏନିକ୍‌ ସାତା ଆନ୍‌ନେ, ଏଦାଆଁତାକି ଇ ବାରେ ଆହିମାନେ । ଏତିବେଲା ବାରେଜାଣା ସୀସୁୟାଁ ଏଞ୍ଜାଣାଇଁ ପିସାନା ହଟାଡୁସ୍ତେରି ।

**ବେରଣିମାଣ୍ଡାତା ଜୀସୁତି ନୀହାୟି**

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୬୧; ଜହ ୧୮:୧୩-୧୪,୧୯-୨୪)

୫୭ ତାୟୁ ଏମିନିଗାଗାରି ଜୀସୁଇଁ ଆସାମାଚେରି, ଏଞ୍ଜାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଚାୟୁତା ମେରାପୁନାରି ଅଡ଼େ ଲକ୍‌କୃତି କାଜାରି ରୁଣ୍ଡା ଆହାମାଚେରି ।

୫୮ ସାମା ପିତର ହେକ ଡୟାନା କାଜା ପୂଜେରା ଆଂଗେଣି ପାତେକା ଏଞ୍ଜାରି ନେଚ ହାଚେସି, ଇଞ୍ଜା ତାୟୁ ଏନି ଆନ୍‌ନେ, ଏଦାଆଁ ସିନିକିହାଲି ଏଞ୍ଜାସି ବିତ୍ରା ହାଜାନା ଜାମାନାଙ୍ଗା ତଲେ କୁଗାମାଚେସି ।

୫୯ ଏମ୍ବାଟିଏ କାଜା ପୂଜେରାଙ୍ଗା ଅଡ଼େ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଞ୍ଜାଣି କପାଟି ମିତି ସାକିୟାଁ ପାରାତେରି,

୬୦ ଇଞ୍ଜା ହାନ୍‌ନେକା ସାକିୟାଁ ଖେସ୍ତି ଜିକେଏ, ଏଞ୍ଜାଣି ଏନି ଦହ୍ ପ୍ଲାଃଆଡେରି । ଇଞ୍ଜା ତାୟୁ ରିଆରି ନିଗାନା ଖେସ୍ତେରି,

୬୧ ଏଞ୍ଜାସି ଏଲେଇଞ୍ଜାମାଚେସି, “ନୀନୁ ମାହାପୁରୁତି ଇଲୁ ତିକ୍‌ହାନା ତାନି ଦିନାଟିଏ କେପାଲି ଆଡ଼ିଇଁ ।”

୬୨ ଏମ୍ବାଟିଏ କାଜା ପୂଜେରା ନିଙ୍ଗାନା ଏଲେଇରେସି, “ନୀ କପାଟି ଜଲିମାନାରାକି ଖେଣ୍ଡେ ଖେସାଲି ନୀ ଏନି କାତା ହିଲେଏ କି ?”

୬୩ ସାମା ଜୀସୁ ପାଲେଏ ଆହାନା ଡୟିତେସି । ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇରେସି, “ନୀନୁ ଜୀସୁତି ମାହାପୁରୁ ଦରୁତଲେ ପାରମାଣା କିଞ୍ଜି କିହାନା

ଖେଞ୍ଜିମାଞ୍ଜାଇଁ, ନାଙ୍ଗେ ଖେସ୍ତାମ୍, ନୀନୁ ସାତେଏ ମାହାପୁରୁ ମୀରୁଏଣାତି କ୍ରୀସ୍ତତିକି ?”

୬୪ ଜୀସୁ ଏଞ୍ଜାଣାଇଁ ଏଲେଇରେସି, “ନୀନୁତ ଖେସିମାଞ୍ଜି; ଅଡ଼େ ନୀନୁ ନିଙ୍ଗେ ଖେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣ୍ଡିସି ମୀରୁଏଣାଇଁ ବାଡ଼ିୟୁଗାଟି ମାହାପୁରୁ ଚିଃନିଞ୍ଜାକି ନିଗାମାନାଣି ଅଡ଼େ ହାଗୁ ଦୁହାଟି ଖାନାଣି ମେହ୍‌ଦେରି !”

୬୫ ଏମ୍ବାଟିଏ କାଜା ପୂଜେରା ତାନି ହିମ୍‌ରି ଗେସାନା ଏଲେଇରେସି, “ଇଞ୍ଜାସି ମାହାପୁରୁ ନିନ୍‌ କିହିମାନେସି, ଇଞ୍ଜା ମାଙ୍ଗେ ଅଡ଼େ ଏନି ସାକିୟାଁ ଲଡ଼ାମାନେ ? ମେହ୍‌ଦୁ ନୀଏ ଜିକେଏ ମାହାପୁରୁ ନିନ୍‌ କିତାଣି ଖେଚେରି,

୬୬ ମୀ ଅଣ୍ଡିପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି ଏଲେଇରେରି ଏଞ୍ଜାସି ହାନି ତଣ୍ଡ ପାଣ୍ଡନାୟି ମାନେ !

୬୭ ଏତିବେଲା ଏଞ୍ଜାରି ଏଞ୍ଜାଣି ମୁମ୍‌ଦୁ ହୁପିତେରି, ବିଦା ଖେଚେରି; ଇଞ୍ଜା ଆମ୍ବା ଆମ୍ବାଆରି ସାପ୍‌ଡ଼ା ଖେଚାନା ଏଲେଇରେରି,

୬୮ “ଏ କ୍ରୀସ୍ତ ନୀନୁସାଁ ମାହାପୁରୁ ଅଣ୍ଡିପୁତି ବଲୁ ଖେହ୍‌ନାତି, ମାଙ୍ଗେ ଖେସ୍ତାମ୍ ନିଙ୍ଗ ଆମ୍ବାଆସି ଖେତାତେସି ।”

**ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜା ଇନାୟି**

(ମାର୍କ ୧୪:୨୬-୨୭; ଲୁକ ୨୨:୫୬-୨୭; ଜହ ୧୮:୧୫-୧୮,୨୫-୨୬)

୬୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜା ର ହଲେଣି ପିତର ତାଗେ ଖାହାନା ଏଲେଇରେ, “ନୀନୁ ଜିକେଏ ଗାଲିଲିତି ଜୀସୁତଲେ ମାଟି ।”

୭୦ ସାମା ଏଞ୍ଜାସି ବାରେତି ନକିତା “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ଖେସିମାଞ୍ଜି ନୀନୁ ପୁଞ୍ଜାହିଲଅଁ ।”

୭୧ ଅଡ଼େ ପିତର ଆଂଗେଣି ଦୁଖେରିତା ହାଜାଲିଏ ଅଡ଼େ ର ହଲେଣି ଏଞ୍ଜାଣାଇଁ ମେସାନା ଏ ଚାୟୁତି ଲକ୍‌ଣି ଏଲେଇରେ, “ଇଞ୍ଜାସି ନାଜରିତ ଜୀସୁତଲେ ମାଚେସି ।”

୭୨ ପିତର ପାରମାଣା କିହାନା ଅଡ଼େ ଏଲେଇରେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

୭୩ ଅଡ଼େ ର ଗାଡ଼େକା ହାଜାଲିଏ ଦାରିତା ନିଗାମାଚାରି ପିତର ତାଗେ ଖାହାନା ଏଞ୍ଜାଣାଇଁ ଏଲେଇରେରି, “ନୀନୁ ଜିକେଏ ସାତେଏ ଏଞ୍ଜାରି ବିତ୍ରାଟି ରଅତି, ଇତିହ୍ ନୀ ହାଡ଼ାଟି ପୁଣ୍ଡି ଆହିମାନେ ।”

୭୪ ଏମ୍ବାଟିଏ ପିତର ପାରମାଣା ଅଡ଼େ ବାକା ଇତିହ୍ ଏଲେଇରେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଶତେ ।

୭୫ ଏଚେଟିଏ “କୟୁ କେଶାଆ ନକେଏ ନାଙ୍ଗେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜା ଜୀସୁ ଖେସ୍ତି ଇ କାତା ପିତର ଅଣ୍ଡିପୁତା ଖାଡ଼େ, ଇଞ୍ଜା ଏଞ୍ଜାସି ପାଙ୍ଗାତା ହାଜାନା ହାନ୍‌ନେକା କିଲିବିଲି ଦୁକୁଆହ୍ ଡ଼ାତେସି ।

☆ ୨୨:୫୫ ଲୁକ ୧୯:୪୭; ୨୧:୩୭ ☆ ୨୨:୬୧ ଜହ ୨:୧୯

### ୨୭

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଜ ଖେୟାଲିଏ ବାରେ କାଜା ପୂଜେରାଜା, ଇଞ୍ଜା ଲକ୍ଷ୍ମି କାଜାରି ଜୀସୁଇଁ ପାୟାଲି ଏଞ୍ଜାଣି କପାଟି କାତା ଆଡେରି,

୨ ଇଞ୍ଜା ଏଞ୍ଜାରି ଏଞ୍ଜାଣାଇଁ ଦସା ଅହାନା ପିଲାତ ଇନି ସାଲୁଞ୍ଜି କିନାଣି ତାଣା ହେରପିଡେରି ।

ଇସ୍ତାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ \*ଏତିବେଲା ଜୀସୁଇଁ ସାତୁ କେୟୁତା ହେରପିଡି ଜୀହୁଦା, ଜୀସୁ ହାନି ତଣ୍ଡ ବେଟା ଆହାମାନେସି ଇଞ୍ଜା ପୁଞ୍ଜାନା, ଜୀହୁତା ଅଣ୍ଡପାନା କାଜା ପୂଜେରାଜା ଅଡେ ଲକ୍ଷ୍ମି କାଜାରି ତାଣା ଏ କଡେଦସ ଟାକା ଖେଣ୍ଡେ ତାତାନା ଏଲେଇଚେସି,

୪ “ନାନୁ ଦହ ହିଲାଆଗାଟାଣି ନେତେରି ହେରପାନା ପାପୁ କିହାମାଇଁ ।”

ସାମା ଏଞ୍ଜାରି ଏଲେଇଚେରି, “ମାଡି ଏମ୍ପାଆଁ ଏନାୟି ମାନେ ? ଏଦାଆଁ ନାନୁ ଅଣ୍ଡପାମୁ ।”

୫ ଏମ୍ପାଟିଏ ଏଞ୍ଜାସି ଟାକାୟାଣି ମାହାପୁରୁ ଇଲୁ ବିତ୍ରା କୁତାତୁସାନା ହାଚେସି, ଇଞ୍ଜା ହାଜାନା ହେରକି ଲେଜା ହାଡେସି ।

୬ ସାମା କାଜା ପୂଜେରାଜା ଏ ଟାକାୟାଁ ଅହାନା ଏଲେଇଚେରି, “ଇଞ୍ଜାଆଁ ମାହାପୁରୁ ଇଲୁତି ଦନ ତଲେ ଇଟିନାୟି ମେରା ହିଲେଏ, ଇଚିହଁ ଇଞ୍ଜି ନେତେରିତି ଟାକାୟାଁ ।”

୭ ଇଞ୍ଜା ଏଞ୍ଜାରି କାତା ଆହାନା ଏଟକା ଦେସାତି ଲକ୍ଷ୍ମି ମାଡହା ମୁହ୍ନି ଟାୟୁ ତାକି ଏ ଟାକାୟାଁ ହାହାନା ର କୁମ୍ପେ\_ଏଣା ବୁମି କଡିତେରି ।

୮ ଏଦାଆଁତାକି ନୀଞ୍ଜୁପାଡେକା ଏଦାନି “ନେତେରି ବୁମି” ଇଞ୍ଜା ଇନେରି ।

୯ ଏମ୍ପାଟିଏ ମାହାପୁରୁ ଅଣ୍ଡପୁତି ବଲୁ ଖେହ୍ନି ଜିରିମିୟ ତାଣାଟି ରାଡିତି ଇ କାତା ସାତା ଆଡେ, ଇସ୍ତାୟେଲ ମୀରକା ଆମ୍ପାଆରି ତାକି ଏଚେକା ଲେକା ହାନାୟି ମାନେ, ଏଞ୍ଜାଣି ଲେକାତଲେ ଏ କଡେଦସ ଟାକା ଅହାନା,

୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ପେ\_ଏଣା ବୁମି ତାକି ହାଚେରି ।

ପିଲାତ ଜୀସୁଇଁ ଖେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ପାଟିଏ ସାଲୁଞ୍ଜି କିନାଣି ନକିତା ଜୀସୁଇଁ ନିପହେରି, ଇଞ୍ଜା ସାଲୁଞ୍ଜି କିନାସି ଏଞ୍ଜାଣାଇଁ ଖେଚେସି, “ନାନୁ ଜୀହୁଡି ଲକ୍ଷ୍ମି ରାଜାତି ?”

ଜୀସୁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି ।”

୧୨ ସାମା କାଜା ପୂଜେରାଜା ଇଞ୍ଜା ଲକ୍ଷ୍ମି କାଜାରି ଏଞ୍ଜାଣି କପାଟି ଖେସାଲିଏ, ଜୀସୁ ଏନାଆଁ ଇନାଆଡେସି ।

୧୩ ଏଚେଟିଏ ପିଲାତ ଏଞ୍ଜାଣାଇଁ ଏଲେଇଚେସି, “ଇଞ୍ଜାରି ନୀ କପାଟି ହାରେକା କାତା ଖେସିମାନେରି, ଏଦାଆଁ ଖେଞ୍ଜି ହିଲଅତି କି ?”

୧୪ ସାମା ଏଞ୍ଜାସି ର କାତା ଜିକେଏ ଏଞ୍ଜାଣାଇଁ ଜଲ୍ଲାଆଡେସି, ଏମ୍ପାଟିଏ ସାଲୁଞ୍ଜି କିନାସି ହାରେକା କାବା ଆଡେସି ।

ଜୀସୁତି ହାନି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିପିଆନି ପାରୁ ବେଲାତା ଲକ୍ଷ୍ମି ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଞ୍ଜାଣାଇଁ ପିସାଲି ସାଲୁଞ୍ଜି କିନାଣି ମେରା ମାଚେ ।

୧୬ ଏତିବେଲା ଏଞ୍ଜାରି ଜୀସୁ-ବାରବା ଦରୁଗାଟି ର କାଜା ଖେଲିତି କାୟିଦି ଗାଟାସି ମାଚେସି ।

୧୭ ଏଦାଆଁତାକି ଏଞ୍ଜାରି ରୁଣ୍ଡା ଆହାମାନି ବେଲାତା ପିଲାତ ଏଞ୍ଜାଣାଇଁ ଖେଚେସି, ନାନୁ ମିଲେତାକି ଆମ୍ପାଆରାଇଁ ପିସାହିୟାଇଁ ଇଞ୍ଜା ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ପାଆରାଇଁ କ୍ରୀସୁ ଇଞ୍ଜା ମାଞ୍ଜେରି ଏ ଜୀସୁଇଁ ?

୧୮ ଇଚିହଁ ଏଞ୍ଜାରି ଏଞ୍ଜାଣାଇଁ କପାଟି ହେରପା ମାନେରି ଇଞ୍ଜା ପିଲାତ ପୁଞ୍ଜାମାଚେସି ।

୧୯ ଇଞ୍ଜା ପିଲାତ ନୀହାୟି କିନି ଟାୟୁତା କୁଗାମାତାଟି ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ପୁଗାଟି ମାଣ୍ଡସିଇଁ ଏନାଆଁ କିଆନି, ଇଚିହଁ ଏଞ୍ଜାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସୁ ଆହାମାଇଁ ।”

୨୦ ସାମା କାଜା ପୂଜେରାଜା ଅଡେ ଲକ୍ଷ୍ମି କାଜାରି, ବାରବାଇଁ ରାସାଲି ଇଞ୍ଜା ଜୀସୁଇଁ ନାସା କିହାଲି ଲକ୍ଷ୍ମି ଜାପୁହେରି ।

୨୧ ସାମା ପିଲାତ ଏଞ୍ଜାଣାଇଁ ଏଲେଇଚେସି, “ନାନୁ ଇ ରିଆରି ବିତ୍ରାଟି ଆମ୍ପାଆରାଇଁ ପିସାହିୟାଇଁ ଇଞ୍ଜା ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇଚେରି, “ବାରବାଇଁ ।”

୨୨ ପିଲାତ ଏଞ୍ଜାଣାଇଁ ଖେଚେସି, ଆଡିହଁ ଆମ୍ପାଆରାଇଁ କ୍ରୀସୁ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଞ୍ଜାରି ବାରେଜାଣା ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକ୍ତୁ ।”

୨୩ ସାମା ପିଲାତ ଖେଚେସି, “ଏନାଆଁତାକି, ଏଞ୍ଜାସି ଏନି ଦହ କିହାମାନେସି ?”

ସାମା ଏଞ୍ଜାରି ହାରେକା କାଲୁଞ୍ଜି ଆହଁ ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକ୍ତୁ ।”

୨୪ ଏତିବେଲା ପିଲାତ ଏନାଆଁ କିହାଲି ଆଡିହିଲଅସି, ଇଞ୍ଜା ହାରେକା ଗଡହା ଆହିମାନାଣି ମେସାନା, ଏତିବେଲା ଲକ୍ଷ୍ମି ନକିତା ଏୟୁ ଅହାନା କେସ୍ତା ନରହାଁ ଏଲେଇଚେସି, “ଇଞ୍ଜାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜି ।”

☆ ୨୭:୩ କାମା ୧:୧୮, ୧୯

୨୫ ଏମ୍ବାଟିଏ ବାରେ ଲକ୍ଷ୍ମୀ ଏଲେଇଚେରି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଖାଠେ ପି”

୨୬ ଏମ୍ବାଟିଏ ପିଲାତ ଏଝାରାକି ବାରବାଇଁ ପିସା ହୀତେସି, ଇଞ୍ଜା ଜୀସୁଇଁ ସାଟ୍ଟି ଖେଚାନା ପାସି ମୁଣ୍ଡାତା ଏକହାଲି ହେରପିତେସି ।

**କସକା ଜୀସୁଇଁ ନିନ୍ଦାକିହିଁ କାକନାୟି**  
(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲୁକି କିନାଣି କସକା ଜୀସୁଇଁ ମେଡ଼ା ଇଲୁ ବିତ୍ରା ଅହାନା ବାରେ କସକା ଏଝାଣି ନକିତା କୃତା ଆଡେରି

୨୮ ଇଞ୍ଜା ଏଝାରି ଏଝାଣି ହିମ୍ବରି ହୁକହାନା ଏଝାଣାଇଁ ହେୟାଁ ଖାଣାଗାଟି ହିମ୍ବରି ହୁଚିକିତେରି,

୨୯ ଇଞ୍ଜା ହାପୁକା ଚପେରି ଆଲାନା ଏଝାଣି ତାୟଁ ତୁ ଇଚିତେରି ଅଡେ ଏଝାଣି ଚିଃନି କେୟୁତା ର ବାଡ଼ଗା ଆସପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁଡିହିଁ “ଏ ଜୀହୁଦି ଲକ୍ଷ୍ମୀ ରାଜା ଜହରା” ଇଞ୍ଜା ଲାଜାକିହିଁ କାକହେରି ।

୩୦ ଅଡେ ଏଝାଣିଲାକ ହୁପିତେରି, ଅଡେ ଏ ବାଡ଼ଗା ଆସାନା ଏଝାଣି ତାୟଁ ତୁ ଖେତେରି ।

୩୧ ଅଡେ ଏଝାରି ଏଝାଣାଇଁ ଲାଜାକିହିଁ କାକହିଁ ତାୟୁ, ଏ ହିମ୍ବରି ହୁକହା ଅହାନା ତାନି ହିମ୍ବରି ହୁଚିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡେରି ।

**ଜୀସୁ ପାସି ମୁଣ୍ଡାତା**

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଗାଟି ସିମନ ଦରୁଗାଟି ର କୁରିଣି ଦେସାଟି ଲକ୍ଷ୍ମୀ ମେସାନା ଜୀସୁଟି ପାସିମୁଣ୍ଡା ଡେକାଲି ଏଝାଣାଇଁ ବାଲାମାତମି କିତେରି ।

୩୩ ଇଞ୍ଜା ଏଝାରି ଗଲଗତା ଇନି ଚାୟୁତା ଇଚିହିଁ ଏମିନାଣି ତାୟଁ ରୁପା ଇନେରି ଏମ୍ବାଆଁ ଅଡେରି ।

୩୪ ଏମ୍ବାଆଁ ଏଝାରି ଏଝାଣାକି କାମ୍ବେଲି ଏୟୁ ଆବୁହି ଅଜୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଖାଣ୍ଡାନା ଗସାଲି ମନ କିଆତେସି ।

୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ତାନି ହିମ୍ବରିକା ପାଦି କିହାନା ତାନି ବିତ୍ରା ବାଟି କିହା ଅଡେରି,

୩୬ ଇଞ୍ଜା ଏମ୍ବାଆଁ କୁଗାନା ଏଝାଣାଇଁ କାଟିମାଚେରି ।

୩୭ ଇଞ୍ଜା ଏଝାରି ଏଝାଣି ତାୟଁ ଲାକଟି ଇଲେଇଞ୍ଜାଁ ରାଚାନା ଲେତେରି, “ଇଝାସି ଜୀହୁଦି ଲକ୍ଷ୍ମୀ ରାଜା ଜୀସୁ ପି”

୩୮ ଏଚିବେଲା ତାନି ଚିଃନିଝାକି ରଅସି ଇଞ୍ଜା ତାନି ଚେନ୍ଦ୍ରଝାକି ରଅସି ଇଲେକିହିଁ ରୀ ସରକାଣି ତାନିତଲେ ପାସି ମୁଣ୍ଡାତା ଏକହେରି ।

୩୯ ଇଞ୍ଜା ଏ ଜିରୁଟି ହାଜିମାନି ଲକ୍ଷ୍ମୀ ତାନି ତାର୍କା ଗୁଟକିକିହିଁ ଏଝାଣାଇଁ ନିନ୍ଦାକିହିଁ ଏଲେଇଚେରି,

୪୦ “ଆଡେ ମାହାପୁରୁ ଇଲୁ ଡିକନାତି ଇଞ୍ଜା ତାନି ଦିନାଟିଏ ଏଡାଆଁ ଖେଣ୍ଡେ କେପିନାତି, ନୀନୁ ମାହାପୁରୁ ମୀରଏଣାତି ଇଚିହିଁ, ନୀନୁ ନିଙ୍ଗେ ଗେଲପା କତାନା ପାସି ମୁଣ୍ଡାଟି ରେଚା ଖାମୁ ।”

୪୧ କାଜା ପୁଜେରାଜା ଜିକେଏ ଏଲେକିହିଁ ଏ ମେରାପୁନାରି ଇଞ୍ଜା ଲକ୍ଷ୍ମୀ କାଜାରି ତଲେ କିଜଝିକିହିଁ କାକହିଁ ଏଲେଇଚେରି,

୪୨ “ଏଝାସି ଏଟକା ଲକ୍ଷ୍ମୀ ପିସପି କିତେସି ତାଙ୍ଗେ ଗେଲପାଲି ଆଡିହିଲଅସି । ଏଝାସିତ ଇସ୍ରାୟେଲତି ରାଜା, ଏଝାସି ଦେବୁଣିଏ ପାସି ମୁଣ୍ଡାଟି ରେଚା ଖାଠେସି, ଆଡିହିଁ ମାର ଏଝାଣି ତାଣା ନାମିନ ।

୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଝାଣାଇଁ ଜୀସୁ ନହାଁ ମାନେସି, ଆଡିହିଁ ଏ ଦେବୁଣିଏ ଏଝାଣାଇଁ ଗେଲପାପେସି, ଏଝାସି ଖେସାମାଚେସି ନାନୁ ମାହାପୁରୁ ମୀରଏଣାତେସି ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଲେକିହିଁ ନିନ୍ଦା କିହାଲି ମାଟ୍ଟହେରି ।

**ଜୀସୁଟି ହାନାୟି**

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାହାଚେ ।

୪୬ ମିଡ଼ଅଲା ତାନି ଗଂଟା ବେଲାତା ଜୀସୁ କାଜା ଗିୟାତଲେ ହାଚାନା ଏଲେଇଚେସି, “ଏଲି, ଏଲି, ଲାମା ସାବକତାନି?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ ଏନାଆଁତାକି ପିସ୍ତାତି?”

୪୭ ଇ ହାଡ଼ା ଖେଞ୍ଜାନା ଦାରିତା ନିଚାମାଟି ଲକ୍ଷ୍ମୀ ଏଲେଇଚେରି, “ଇଝାସି ଏଲିୟଇଁ ହାଟି ମାନେସି ।”

୪୮ ଅଡେ ଏ ଦେବୁଣିଏ ରଅସି ଏଝାରି ବିତ୍ରାଟି ହଚିହିଁ ହାଜାନା ର ଡ୍ରାଃଆଲି ପୁଲା ଅଜୁରି ରାସାତା ମୁସାନା ଏଡାଆଁ ର ବାଡ଼ଗାତା ଦସାନା ଜୀସୁକି ଗସାଲି ହୀତେସି ।

୪୯ ସାମା ଏଚେକା ଲକ୍ଷ୍ମୀ ଏଲେଇଚେରି, “ହେଣ୍ଡୁ ଏଲିୟ ଇଝାଣାଇଁ ଗେଲପାଲି ଖାହିମାନେସି କି ଆଏ ସିନିକିନ ।”

୫୦ ସାମା ଜୀସୁ ଅଡେ ଖେଣ୍ଡେ କାଜା ଗିୟାତଲେ ହାଚାନା ହାଡେସି ।

୫୧ ଇଞ୍ଜା ମେହଦୁ ମାହାପୁରୁ ଇଲୁତା ଲେଚାମାନି ହିମ୍ବରି ଲାକଟିଏ ଡକ ପାତେକା ଗେଞ୍ଜାନା ରୀ ବାଗା ଆଡେ, ଇଞ୍ଜା ବୁନି ବାରେ ଖୀତିତେ ଅଡେ ଖାଲକା ଅୟାହାଟୁ,

୫୨ ଇଞ୍ଜା ମାଡ଼ହା ମୁହନି ଗାମ୍ଲା ବାରେ ଦେପିଆଡୁ, ଅଡେ ହାହାମାଟି ହାରେକା ସୁଦୁ ଲକ୍ଷ୍ମୀ ଆଜା ମାଡ଼ହା ମୁହନି ଗାମ୍ଲାଟି ନିଙ୍ଗାନା ଖାଡେରି,

୫୩ ଇଞ୍ଜା ଜୀସୁ ଖେଣ୍ଡେ ନିଙ୍ଗିତି ତାୟୁ ଏଝାରି ମାଡ଼ହା ମୁହନି ଗାମ୍ଲାଟି ହଚାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡେରି ।

☆ ୨୭:୪୦ ମାତୃ ୨୭:୨୧; ଜହ ୨:୧୯

୫୪ ପାସାକଡ଼ି କସକା ମୁହେଁ କାଜାସି ଇଞ୍ଜା ତାନିତଲେ ଜୀସୁଇଁ କାଟାମାଚାରି, ଏଞ୍ଜାରି ବୁମି ଖୀଡ଼ିତାଣି ଅଡ଼େ ଏମ୍ବାଆଁ ଗଟଞ୍ଜି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମୀରଏସି ମାଚେସି !”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍ବାଆଁ ମାଞ୍ଜାନା ହେକଟି ସିନିକିହିମାରୁ; ଏଞ୍ଜି ଜୀସୁତି ସେବା କିହିଁ ଗାଲିଲିଟି ଏଞ୍ଜାଣିତଲେ ଖାହାମାରୁ;

୫୬ ଏଞ୍ଜାସିକା ବିତ୍ରାଟି ମଗ୍ଦଲିନି ମରିୟମ, ଜାକୁବ ଅଡ଼େ ଜସେପ ତାମି ଇୟା ମରିୟମ, ଅଡ଼େ ଜେବଦି ତାମି ଇୟା ମାରୁ ।

**ଜୀସୁଇଁ ମୁହନାୟି**

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଚାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଟାସି ଖାଡ଼େସି, ଏଞ୍ଜାସି ଜିକେଏ ଜୀସୁତି ର ସୀସୁ ଆହାମାଚେସି ।

୫୮ ଏଞ୍ଜାସି ପିଲାତ ତାଣା ହାଜାନା ଜୀସୁତି ଆଜ୍ଞା ରାସ୍ତେସି, ପିଲାତ ଜୀସୁତି ମାଡ଼ହା ଏଞ୍ଜାଣାକି ହେରପାଲି ହୁକୁମି ହୀତେସି ।

୫୯ ଜସେପ ମାଡ଼ହା ଆଜ୍ଞାତି ଅହାନା ନେହିଁ ପୁଃନି ପାଡ଼ାଡ଼ା ଦବଲା ହିମ୍ବରି ରୁପିତେସି,

୬୦ ଇଞ୍ଜା ତାନୁ ତାଜେତାକି ହରୁତା କାର୍ଡ଼ି କିହାମାନି ମାଡ଼ହା ମୁହନି ପୁଃନି ଚାୟୁତା ମାଡ଼ହାତି ଇଟିତେସି, ଇଞ୍ଜା ମାଡ଼ହାତି ମୁହନି ଚାୟୁତି ଦୁଖେରିତା ର କାଜା ଖାଲି ପ୍ଳିକ୍‌ହାନା ହାଜାଡ଼ୁସ୍ତେସି ।

୬୧ ମଗ୍ଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହନି ଚାୟୁତା କୁଗା ଡ଼ୟିତୁ ।

**ମାହଣି ମାଣ୍ଡାତା କସକା**

୬୨ ତାନି ଅର ଦିନା, ଇତିହିଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଜ୍ଞା ଅଡ଼େ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି,

୬୩\*“ବାରୁ, ଏ ନାଡ଼ି କିନାସି ଜୀଞ୍ଜୁତା ମାଚାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଜିଇଁ ଇଞ୍ଜିଁ ଖେସାମାଚାଣି ନୀର୍ବ ମାୟୁ ଅଣ୍ଡିମାନମି ।

୬୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଚାୟୁତା କାଚାଲି ତାକି ହୁକୁମି ହୀମ୍ବୁ ଆଆତଁ ତାମି ସୀସୁୟାଁ ଖାହାନା ମାଡ଼ହାତି ତଂଗା ଆହାଁ ଏଞ୍ଜାସି ହାକିଟି ନିଜାମାନେସି ଇଞ୍ଜିଁ ଲକୁଣି ଖେହନେରି; ଆତିହିଁ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଞ୍ଜାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଦୁ ।”

୬୬ ଏଦାଆଁତାକି ଏଞ୍ଜାରି ହାଜାନା କାଃଆନାରି ତଲେ ଏ ଖାଲି ଗୁଚା ଆଆପେଞ୍ଜା ଇଞ୍ଜିଁ ଖାଲିତି ଜାଣି କିହିଁ

ସୀଲି ଖେଚାନା ମାଡ଼ହା ମୁହନି ଚାୟୁତା କାଃନାରାଇଁ କାପି କିଚେରି ।

**୨୮**

**ଜୀସୁ ଖେଣ୍ଡେ ନିଜିନାୟି**

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଖାଚାତି ତଲିତି ଦିନାତା ଲାଲ ଲାଲସିଏ ମଗ୍ଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଚାୟୁତି ସିନିକିହାଲି ହାରୁ ।

୨ ଅଡ଼େ ମେହଦୁ ଏ ଦେବୁଣିଏ ବୁମି ଖୀଡ଼ିତେ, ଇତିହିଁ ମାହାପୁରୁତି ର ଦୂତୁ ଲାକପୁରୁଟି ରେଚାଖାହାନା ଏ ଖାଲିତି ଗୁଟି କିହାନା ଏଦାଣି ଲାକ କୁଗିତେସି ।

୩ ତାନି ଖାଣା ମିଣ୍ଡିମାନି ହାଗୁଲେହେଁ ମାଚେ ଅଡ଼େ ତାନି ହିମ୍ବରି ପେଣ୍ଡିଲେହେଁ ଦବଲା ମାଚେ ।

୪ ଇଞ୍ଜା କାଃଆନାରି ଆଜିତାକି ତୀର୍ତ୍ତାହିଁ ହାଡ଼ିଲେହେଁ ଆଚେରି ।

୫ ସାମା ଦୂତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇତିହିଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।”

୬ ଏଞ୍ଜାସି ଇମ୍ବାଆଁ ହିଲଅସି; ଇତିହିଁ ଏଞ୍ଜାସି ଏନିକଁ ଖେସାମାଚେସି, ଏଲେକିହିଁ ଏ ନିଜାମାନେସି, ଖାଦୁ ଏଞ୍ଜାସି ଆମିନି ଚାୟୁତା ତୁରାମାଚେସି ଏ ଚାୟୁତି ସିନିକିଦୁ ।

୭ ଅଡ଼େ ମୀରୁ ତବେ ହାଜାନା ତାମି ସୀସୁୟାଁଣି ଖେହଦୁ, ଏଞ୍ଜାସି ହାଡ଼ାରି ତାଣାଟି ନିଜାମାନେସି, ଅଡ଼େ ମେହଦୁ ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଞ୍ଜାଣାଇଁ ମେହଦେରି; ନାନୁ ଖେସ୍ତାତାଣି ଅଣପାଦୁ ।

୮ ଏମ୍ବାଟିଏ ଆଜି ଅଡ଼େ ରାହାଁଟି ମାହଣି ମାଣ୍ଡାଟି ତବେ ହାଜାନା ତାମି ସୀସୁୟାଁଣି ଖେସାଲି ଦାବଡ଼ି ହରୁ ।

୯ ଅଡ଼େ ମେହଦୁ ଜୀସୁ ଏଞ୍ଜାସିକାଣି ବେଚାଆହାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ” ଏମ୍ବାଟିଏ ଏଞ୍ଜି ତାଗେ ଖାହାନା ଏଞ୍ଜାଣି କତାୟାଁ ଆସାନା ଏଞ୍ଜାଣାଇଁ ଜହରା କିତୁ ।

୧୦ ଏଚେଟିଏ ଜୀସୁ ଏଞ୍ଜାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟିୟାଁଇଁ ଖେହଦୁ, ଏଞ୍ଜାରି ଗାଲିଲିତା ହାଲାପେରି; ଏମ୍ବାଆଁ ଏଞ୍ଜାରି ନାଜେ ମେସ୍ତାନେରି ।”

**ମାହଣି ମାଣ୍ଡା କାଃଆନାରି**

୧୧ ଆୟାସିକା ହାଜିମାଚାଟି, କାପୁ କାଟାମାଚି କସକା ବିତ୍ରାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଞ୍ଜି ଆଡ଼ାଣି କାଜା ପୂଜେରାଜ୍ଞାଣି ଖେସ୍ତେରି ।

୧୨ ଏଞ୍ଜାରି ଲକୁତି କାଜାରି ତଲେ ରୁଣ୍ଡା ଆହାନା ଅଣପିହିଁ କାତା ତୀରିକିତି ତାୟୁ, ଏ କସକାକି ହାରେକା ଚାକାୟାଁ ହୀହାନା ଏଲେଇଚେରି,

\* ୨୭:୨୩ ମାଡ଼ି ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୧୩ “ମୀରୁ ଏଲେଇଞ୍ଜୁ, ମାମ୍ ଛୁରାମାଟି ବେଲୀତା ତାମି  
ସୀସୁୟାଁ ଲାଆଁୟାଁ ଖାହାନା ଏଞ୍ଜାଣାକ୍ ସରୁ ଆହାନା ଅଡ଼େରି  
।

୧୪ ଅଡ଼େ ଇ କାତା ସାଲୁଞ୍ଜି କିନାଣି କିୟ୍ ତୁ ହାଟିହିଁ,  
ମାମ୍ ଏଞ୍ଜାଣାକ୍ ନେହିଁ କିଁ ଖେସାନା ମୀ ଅଣ୍ପୁଟି ପିସ୍ପି  
କିୟାନମି ।”

୧୫ ଏଞ୍ଜାରି ଟାକାୟାଁ ଅହାନା ଏନିକିଁ ହୁକୁମି ବେଟାଆହା  
ମାରେରି, ଏଲେକିହିଁ କିତେରି । ଏଦାଆଁତାକି ଇ କାତା  
ଜୀହୁଦି ଲକୁଡାଣା ଖେଙ୍ଗା ହାଜାନା ନୀଏଁ ପାତେକା ମାନେ  
।

ଜୀସୁ ତାନି ସୀସୁୟାଁକ୍ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୬ ✨ସୀମା ଏଗାର ଜାଣା ସୀସୁୟାଁ ଗାଲିଲିତା ହାଜାନା,  
ଜୀସୁ ଆମିନି ହରୁ କାତା ଏଞ୍ଜାଣାକ୍ ଖେସାମାତେସି, ଏ  
ହରୁତା ହାଚେରି ।

୧୭ ଅଡ଼େ ଏଞ୍ଜାରି ଏଞ୍ଜାଣାକ୍ ମେସାନା ଜହରା କିତେରି,  
ସୀମା ଆମ୍ବା ଆମ୍ବାଆରି ନାମାଆତେରି ।

୧୮ ଇଞ୍ଜା ଜୀସୁ ଏଞ୍ଜାରି ତାଗେ ଖାହାନା ଏଲେଇଚେସି,  
“ଲାକପୁରୁ ଅଡ଼େ ଦାର୍ତ୍ତିତି ଅଦିକାରା ନାଙ୍ଗେ ମେଡ଼ା  
ଆହାମାଞ୍ଜାନେ ।

୧୯ ✨ଏଦାଆଁତାକି ମୀରୁ ହାଜାନା ବାରେ କୁଡ଼ାତି ଲକୁଣି  
ଆବା, ମୀରୁଏସି ଅଡ଼େ ସୁଦୁଜୀଞ୍ଜୁ ଦରୁଟି ବାପ୍ତିସ୍ମ\* ହାହାନା,

୨୦ ନାନୁ ମିଙ୍ଗେ ହାହାମାଞ୍ଜାନି ହୁକୁମି ବାରେ ମାନୁଞ୍ଜି  
ଆହାଲି ଜାପୁହାନା ଏଞ୍ଜାଣାକ୍ ନା ସୀସୁୟାଁ କିଦୁ; ମେହ୍ଦୁ  
କୁଗୁ ରାନି ପାତେକା ନାନୁ ବାରେବେଲୀ ମୀ ତଲେ ମାଞ୍ଜେ  
ମାଞ୍ଜାକ୍ ।”

# ମାର୍କ ଲିଖିତ ସୁସମାଚାର ମାର୍କ ରାଚାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାରିତା ମାତି ତାନି କାତା ମାର୍କ ରାଚାମାନି ନେହଁ କାରୁ; ପୁଃନି ମୋରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ଆହିମାନେ ର ପତି । ଏ ବାରେ ନେହଁ କାରୁ ଇନେରି । ଏ ପତିୟା ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାଚେରି । ମାର୍କ ରାଚାମାନି ନେହଁ କାରୁ ସାରିଗଟା ନେହଁ କାରୁ ବିତ୍ରାଟି ବାରେତି କିହାଁ ସରୁ କାରୁ । ଇ ନେହଁ କାରୁ ବାରେ କିହାଁ ନକେଏ ଇଚିହଁ ଜୀସୁ ଜାର୍ନାଆଡ଼ି ତାୟୁ ୬୫-୭୦ ବାର୍ଯା ବିତ୍ରା ରାସ୍ତି ଆହାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଚାମାଚେସି ।

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାଞ୍ଜଲ ଅଡ଼େ ବର୍ନବା ତଣେ ମାଚେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାଚେ କାମା ୧୩:୧୩ । ମାର୍କ ଅଡ଼େ ଷ୍ଟେଣ୍ଡେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ । ମାର୍କ ପିତରତି ନେହଁ କାରୁ ମାଚେସି ୧ପିତ ୫:୧୩ । ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମୋସା ହିଲାଆଚେସି, ବୁଦିଗାଟାରି ନାମିମାନେରି ମାର୍କ ରାଚାମାନି ନେହଁ କାରୁତା ପିତରତି କାତା ହାରେକା ରାଚାମାନେସି । ମାର୍କ ସୀସୁୟାତି କାମା ଇଞ୍ଜା ଜୀସୁ ରାନି ଦିନାତି କାତା ଜାପ୍ନାଣି ରାଚାମାନେସି ।

### ପତିତା ମାନାୟି

- ୧. ମାର୍କ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମତା ହାନାୟି । ୮:୨୨-୧୦:୫୨
- ୪. ଜିରୁସାଲମତି କାତା, ଜୀସୁ କ୍ରୀସ୍ତ ହାନି କାତା ଅଡ଼େ ଷ୍ଟେଣ୍ଡେ ନିଜ୍ଜାନି କାତା ରାଚାନା ରାପ୍ନାୟି । ୧୧:୧-୧୭:୨୦

ବାପ୍ତିସ୍ମ\* ହାନି ଜହନ ଷ୍ଟେକ୍ନାୟି  
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀରୁଏସି ଜୀସୁ କ୍ରୀସ୍ତତି ନେହଁ କାରୁ ଇଲେକ୍ ଆଡ଼େ,

୨ ମାହାପୁରୁ ଅଣପୁତି ବଲୁ ଷ୍ଟେକ୍ନି ଜିସାୟ ସାସ୍ତେରିତା ଏନିକ୍ ରାସ୍ତି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି, ମୋହମୁ ନାନୁ ନା କାରୁ ଷ୍ଟେକ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନିଜ୍ଜୋତାକି ଜିରୁ ତିୟାରା କିନେସି;

୩ ଲକୁ ହିଲାଆ ଟାୟୁତା ରଅଣି ହାଡ଼ା ଷ୍ଟେକ୍ନିମାନେ, ପ୍ରବୁତି ଜିରୁ ତିୟାରା କିଦୁ, ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।”

୪ ଏମ୍ବାଟିଏ ବାପ୍ତିସ୍ମ† ହାନି ଜହନ ଲକୁ ହିଲାଆ ଟାୟୁତା ଖାହାନା ବଲୁ ଷ୍ଟେକ୍ନେସି, ଅଡ଼େ ବାପ୍ତିସ୍ମ‡ ହାହାନା ଏଲେଇଚେସି, “ଜାହାରା ପାପୁଟି ପିସ୍ପି ଆୟାଲିତାକି ମନ ଷ୍ଟେକ୍ନେସି ବାପ୍ତିସ୍ମ§ ଅଦୁ, ଆତିହଁ ମାହାପୁରୁ ମୀ ପାପୁ ମୋକ୍ନହାନେସି ।”

୫ ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଖାହାଲି ମାଟ୍‌ହେସି, ଇଞ୍ଜା ତାମ୍ ତାନି କିତି ପାପୁତି ଷ୍ଟେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମ\* ଅଡ଼େରି ।

୬ ଜହନ ଉରୁ ବାଣାୟାଁ ତଲେ କେପିତି ହିମ୍ବୁରିକା ତୁର୍‌ହିମାଚେସି, ଅଡ଼େ ଟେଡେଲିତା ର ତଲୁତି ବୁଡ଼ପା ମାଡ଼ା କିହାଁ ଦସା କଡ଼ଞ୍ଜେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟା ଏଞ୍ଜାଣି କାଦି ମାଚେ ।

୭ ଜହନ ଏଲେଇଞ୍ଜି ଷ୍ଟେକ୍ନହାଲି ମାଟ୍‌ହେସି, “ଆମ୍ବାଆସି ନା କିହାଁ ହାରେକା ବାଡ଼ୁରୁ ଗାଟାସି ଏଞ୍ଜାସି ନା ତାୟୁ ଖାହିମାନେସି; ନାନୁ ମୋଶ୍ଟାକୁତାନା ଏଞ୍ଜାଣି ସେପୁୟାତି ଡ଼କା ଜିକେଏ ହୁକ୍‌ହାଲି ପାଡ଼ାଆଅଁ ।

୮ ନାନୁ ମିଜ୍ଜେ ଏୟୁତଲେ ବାପ୍ତିସ୍ମ† ହାହିମାଞ୍ଜାଇଁ, ସାମା ଏଞ୍ଜାସି ମିଜ୍ଜେ ସୁଦୁଜୀସୁ ତଲେ ବାପ୍ତିସ୍ମ‡ ହିୟାନେସି ।”

ଜୀସୁ ବାପ୍ତିସ୍ମ§ ଅନାୟି ଇଞ୍ଜା ତାୟିପାରି କିଞ୍ଜି ଆନାୟି  
(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏରିବେଲାତା ଜୀସୁ ଗାଲିଲିତି ନାଜ୍‌ରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମ\* ଅଡ଼େସି ।

୧୦ ଜୀସୁ ଏୟୁଟି ନିଜ୍ଜା ଖାହିମାଚାଟି ଦେବୁଣିଏ ଲାକପୁରୁ ଦେପି ଆଡ଼େ ଇଞ୍ଜା ସୁଦୁଜୀସୁ ପାର୍‌ଖା ପଟାଲେହେଁ ତାନି ଲାକ ରେଟା ଖାହିମାଚାଣି ମୋସ୍ତେସି ।

୧୧ \*ଅଡ଼େ ଲାକପୁରୁଟି ଇ ହାଡ଼ା ଆଡ଼େ, “ନୀନୁ ନା ଜୀସୁତି ମୀରୁଏଶାତି, ନୀ ତାଟେଏ ନା ହାରେକା ରାହାଁ ମାନେ ।”

୧୨ ଏ ଦେବୁଣିଏ ସୁଦୁଜୀସୁ ଏଞ୍ଜାଣାଇଁ ଲକୁ ହିଲାଆ ଟାୟୁତା ଅଡ଼େ,

୧୩ ଜୀସୁ ଲକୁ ହିଲାଆ ଟାୟୁତା ରୀ କଡ଼ି ଦିନା ପାତେକା ଡ଼ୟାନା ସୟତାନ ତାଣାଟି ତାୟିପାରି କିଞ୍ଜିଆଡ଼େସି; ଏଞ୍ଜାସି ଜାଡ଼ାତି ଜନ୍ତ ତଲେ ଡ଼ୟିଚେସି, ଇଞ୍ଜା ଲାକପୁରୁତି ଦୁଡ଼ୁୟାଁ ଖାହାନା ଏଞ୍ଜାଣି ସେବା କିହିମାଚୁ ।

ଜୀସୁ ସାରି ଜାଣା ମୀଣକା ଆହ୍‌ନାରାଇଁ ହାଡ଼ିନାୟି  
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

\* ୧: ମୁଞ୍ଜନାୟି † ୧:୪ ମୁଞ୍ଜନାୟି ‡ ୧:୪ ମୁଞ୍ଜନାୟି § ୧:୪ ମୁଞ୍ଜନାୟି \* ୧:୫ ମୁଞ୍ଜନାୟି † ୧:୮ ମୁଞ୍ଜନାୟି ‡ ୧:୮ ମୁଞ୍ଜନାୟି § ୧:୮ ମୁଞ୍ଜନାୟି \* ୧:୯ ମୁଞ୍ଜନାୟି ☆ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨



୧୪ ଜହନଙ୍କ କାନ୍ଦିଦି ଇଲୁତା ଇଟାଲିଏ ଜୀସୁ ଗାଲିଲିତା ଖାଡ଼େସି ଇଞ୍ଜା ମାହାପୁରୁତି ନେହଁ କାରୁ ଝେକ୍‌ହେସି ।

୧୫ ☆“କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁତି ପିସାନା ମନ ଝେଟ୍‌ଦୁ ଇଞ୍ଜା ମାହାପୁରୁତି ନେହଁ କାରୁତି ନାମାଦୁ ।”

୧୬ ଜୀସୁ ଗାଲିଲି ସାମଦୁରି ଗାରୁଟି ହାଜିମାଗାଟି ସିମନ ଅଡ଼େ ତାମି ତାୟି ଆହିୟଇ ସାମଦୁରିତା ମୀଶକା ଜାଲା ମେଡ଼ହି ମାଗାଣି ମେସ୍ତେସି, ଇଟିହଁ ଏଝାରି ମୀଶକା ଆହନାରି ମାଚେରି ।

୧୭ ଜୀସୁ ଏଝାରାଇଁ ହାଟାନା ଏଲେଇଚେସି, “ନା ଜେଟ ଖାଦୁ ନାନୁ ମିଙ୍ଗେ ଲକୁଣି ଆହନାଣି ଜାପୁହାଇଁ ।”

୧୮ ଏଝାରି ଦେବୁଣିଏ ଜାଲାୟା ପିସାନା ଜୀସୁତି ଜେଟ ହାଚେରି ।

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାମି ତାୟି ଜହନଙ୍କ ଡ଼ଗତା ଜାଲା ମୁଦା କିହିମାଗାଣି ମେସ୍ତେସି ।

୨୦ ମେସ୍‌ପନିଏ ଜୀସୁ ଏଝାରାଇଁ ହାଟିଚେସି, ଇଞ୍ଜା ଏଝାରି ତାମି ଆବା ଜେବଦିଙ୍କ ହଲିୟାଙ୍ଗା ତଲେ ଡ଼ଗତା ପିସାନା ଜୀସୁ ଜେଟ ହାଚେରି ।

**ବୃତୁ ଆଲଗା ମାଗାସି (ଲୁକ ୪:୩୧-୩୭)**

୨୧ ଜୀସୁ ଅଡ଼େ ତାମି ସୀସୁୟାଁ କପର୍‌ନାହୁମ ଗାଡ଼ାତା ଖାଡ଼େରି, ଇଞ୍ଜା ଅର ନେରୁ ଜମିନି ଦିନା ମାଗାକି ଜୀସୁ ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି ମାଟ୍‌ହେସି ।

୨୨ ☆ଲକୁ ତାନି ଜାପୁନାଣି ଝେଞ୍ଜାନା କାବା ଆହାହାଚେରି; ଇଟିହଁ ଏଝାସି ସାସ୍ତେରି ଝେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଚେସି ।

୨୩ ଜୀସୁ ଜାପୁହି ମାଟିବେଲତା ଜୀହୁଦି ଲକୁତି କୁଟମି ଇଲୁଟିଃ ର ବୃତୁ ଆଲଗା ମାଗାସି କାଲଝି ଆହଁ ଏଲେଇଚେସି,

୨୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନି କାମା ମାନେ, ନାନୁ କି ମାଙ୍ଗେ ନାସା କିହାଲି ଇମ୍ପାଆଁ ଖାହାମାଞ୍ଜି ? ନାନୁ ଆମ୍ପାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ।”

୨୫ ଜୀସୁ ଏଦାନି ଦାକା ହୀହାନା ଏଲେଇଚେସି, “ପାଲେଏ ଆମ୍ପୁ ଇଞ୍ଜା ଇଝାଣି ତାଣାଟି ହଡ଼ାହାଲାମୁ ।”

୨୬ ଏଚେଟିଏ ଏ ପଲୁଆ ବୃତୁ ଏଝାଣାଇଁ ମୁଡ଼ମୁଡ଼ା କିହାନା, କାଜା ଗିୟାଁତଲେ କିରଡ଼ିହଁ ଏଝାଣି ତାଣାଟି ହଡ଼ାହାଚେ ।

୨୭ ଏମ୍ପାଟିଏ ବାରେଜାଣା ହାରେକା କାବା ଆଡ଼େରି, ଇଞ୍ଜା ଇଲେକଁ ଜଲ୍‌କି ଆଡ଼େରି, “ଇଦି ଏନିଲେହେଁତାୟି ? ଇଦି ଅଦିକାରା ବେଟାଆହାମାନି ଲେହେଁତି ପୁଃନି

ଜାପୁନାୟି, ଏଝାସି ପଲୁଆ ବୃତୁୟାଁଙ୍କ ଜିକେଏ ହୁକୁମି ହାହିମାନେସି, ଅଡ଼େ ଏଝି ଏଝାଣି କାତା ଆସିମାନୁ ।”

୨୮ ଏମ୍ପାଟିଏ ଏଝାସି କିତି କାମାଟି କାରୁ ଏ ରେଟୁଏ ଗାଲିଲି ରାଜିତି ସାରିଝାକିତି ନାସ୍‌କାଣାଁ ଝେଙ୍ଗାହାଚେ ।

**ଜୀସୁ ହାରେକା ଲକୁଣି ନେହଁ କିନାୟି (ମାତି ୮:୧୪-୧୭; ଲୁକ ୪:୩୮-୪୧)**

୨୯ ଏମ୍ପାଟିଏ ଏଝାରି ଜୀହୁଦି ଲକୁତି କୁଟମି ଇଲୁଟିଃ ହଟାନା ଜାକୁବ ଅଡ଼େ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆହିୟ ଇଜ ହାଚେରି ।

୩୦ ସିମନ ପୟା ନମେରି ତାକି ତୁରାମାଚେ, ଅଡ଼େ ଏଝାରି ଏଦାଣି କାତା ରେଟୁଏ ଜୀସୁଙ୍କ ଝେସ୍ତେରି ।

୩୧ ଏମ୍ପାଟିଏ ଏଝାସି ତାଗେ ହାଜାନା ତାନି କେୟୁ ଆସାନା ଏଦାନି ନିକହେସି, ଅଡ଼େ ଏଦାନି ନମେରି ପିସ୍ତେ, ଇଞ୍ଜା ଏଦି ଏଝାରି ସେବା କିଚେ ।

୩୨ ମିଡ଼ଅଲ୍ଲା ବେଲା ଝେଡ଼ା କୁଡ଼ହାଲିଏ ଲକୁ ରଗ ଗାଟାରାଇଁ ଇଞ୍ଜା ବୃତୁୟାଁ ଆଲଗା ମାଗାରାଇଁ ଜୀସୁ ତାଣା ତାଚେରି,

୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାଟି ଇଲୁ ଦୁଝେରିତା ରୁଣ୍ଡା ଆଡ଼େରି ।

୩୪ ଏମ୍ପାଟିଏ ଜୀସୁ ବାରେଲେହେଁତି ରଗ ଗାଟାରାଇଁ ନେହଁ କିଚେସି, ଇଞ୍ଜା ହାରେକା ବୃତୁଣି ପିସ୍‌ପି କିଚେସି, ଇଞ୍ଜା ଏଝାସି ବୃତୁୟାଁଣି ଜଲାଲି ହୀଆଡେସି, ଇଟିହଁ ଏଝି ଏଝାଣାଇଁ ପୁଞ୍ଜିମାରୁ ।

**ଜୀସୁ ଗାଲିଲିତା ମାହାପୁରୁ କାତା ଝେକ୍‌ନାୟି (ଲୁକ ୪:୪୨-୪୪)**

୩୫ ଝେୟାଆ ମାଗାଟିଏ ଆନେରି ମାଞ୍ଜା ମାଞ୍ଜାନା ଏଝାସି ନିଙ୍ଗା ହଡ଼ା ହାଜାନା ର ଲକୁ ହିଲାଆ ଟାୟୁତା ହାଜାନା ପ୍ରାଡ଼ାନା କିହିମାଚେସି ।

୩୬ ସିମନ ଇଞ୍ଜା ତାନି ଆଟ୍‌ହିତାରି ଏଝାଣାଇଁ ପାରାଲି ମାଟ୍‌ହେରି,

୩୭ ଏଝାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଙ୍ଗେ ପାରିମାଞ୍ଜାନେରି ।”

୩୮ ଏମ୍ପାଟିଏ ଜୀସୁ ଏଝାରାଇଁ ଏଲେଇଚେସି, “ଝାଦୁ ମାର ଏଟକା ଗାଡ଼ାତା, ଇଟିହଁ ଦାରିମାରି ନାସ୍‌କାଣାଁ ହାନ; ଏମ୍ପାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌କ୍‌କ୍‌, ଇଟିହଁ ଏଦାଆଁତାକି ନାନୁ ଖାହାମାଇଁ ।”

୩୯ ☆ଇଞ୍ଜା ଜୀସୁ ବାରେ ଗାଲିଲି ନାସ୍‌କାଣାଁ ରେଜି ରେଜିହଁ ଏଝାରି ବାରେ ଜୀହୁଦି ଲକୁତି କୁଟମି ଇଲ୍‌କାଣା\* ମାହାପୁରୁ ବଲୁ ଝେକ୍‌ହେସି ଇଞ୍ଜା ବୃତୁୟାଁଣି ପିସ୍‌ପି କିଚେସି ।

**କାଜା ରଗ ଗାଟାଣାଇଁ ଜୀସୁ ନେହଁ କିନାୟି (ମାତି ୮:୧-୪; ଲୁକ ୫:୧୨-୧୬)**

☆ ୧:୧୫ ମାତି ୩:୨ † ୧:୨୧ ସିନଗରୁ ☆ ୧:୨୨ ମାତି ୭:୨୮, ୨୯ ‡ ୧:୨୩ ସିନଗରୁ § ୧:୨୯ ସିନଗରୁ ☆ ୧:୩୯ ମାତି ୪:୨୩; ୯:୩୫ \* ୧:୩୯ ସିନଗରୁ

୪୦ ଏମ୍ବାଟିଏ ର କାଜା ରଗ ଗାଟାସି ଜୀସୁ ତାଣା ଖାହାନା ମେଣ୍ଡାକୁତାନା ବାତିମାଲିହିଁ ଜୀସୁଇଁ ଏଲେଇଚେସି, “ନାନୁ ମନ କିତିହିଁ ନାଜେ ନେହିଁ କିହାଲି ଆଡାଦି ।”

୪୧ ଏମ୍ବାଟିଏ ଜୀସୁ ଏଞ୍ଜାଣାଇଁ କାର୍ମା ମେସ୍ତେସି, ଇଞ୍ଜା କେୟୁ ଦାସାନା ଏଞ୍ଜାଣାଇଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହିଁ ଆମୁ ।”

୪୨ ଏ ଦେବୁଣିଏ ଏଞ୍ଜାଣି ତାଣାଟି କାଜା ରଗ ଗୁଟାଆଡେ, ଇଞ୍ଜା ଏଞ୍ଜାସି ନେହିଁ ଆଡେସି ।

୪୩ ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାଣେ ହୁକୁମି ହୀହାନା ଖେସା ପାଣ୍ଡିଚେସି,

୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଖେହୁଆନି, ସାମା ହାଲାମୁ ଇଞ୍ଜା ପୂଜେରା ତାଣା ହାଜାନା ନିଜ୍ଜା ତସାକତାମୁ, ଇଞ୍ଜା ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ନେହିଁ ଆଡାକି ସାକି ହୀନିଲେହେଁ ହେରପାମୁ ।”

୪୫ ସାମା ଏଞ୍ଜାସି ପାଙ୍ଗାତା ହାଜାନା ତାନୁ ନେହିଁ ଆଡି କାତାତି ସାରିଞ୍ଜାକି ଖେକହାଲି ମାଟୁହେସି, ଇଞ୍ଜା ଜୀସୁ ଆମିନି ଗାଡାତା ପୁଣ୍ଡେ ହଡାଲି ଆଡାଆଡେସି, ସାମା ପାଙ୍ଗାତା ଲକୁ ହିଲାଆ ଟାମ୍ଲାଣା ଡୟିଚେସି; ଅଡେ ସାରି ଞ୍ଜାକିଟି ଲକୁ ଜୀସୁ ତାଣା ଖାହାଲି ମାଟୁହେରି ।

୨

**ଜୀସୁ ଟଟ ଖାୟିତାଣାଇଁ ନେହିଁ କିନାୟି**  
(ମାତି ୯:୧-୮; ଲୁକ ୫:୧୭-୨୭)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଖେଣ୍ଡେ ହାଚେସି, ଇଞ୍ଜା ଏଞ୍ଜାସି ଇଜ ମାନେସି ଇଞ୍ଜା ସାରିଞ୍ଜାକି ଖେଙ୍ଗାହାଚେ ।

୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲାଆଡେ, ଇଞ୍ଜା ଏଞ୍ଜାସି ଏଞ୍ଜାରାଇଁ ମାହାପୁରୁ କାତା ଖେକହେସି ।

୩ ଏମ୍ବାଟିଏ ସାରି ଜାଣା ର ଟଟ ଖାୟିତାଣାଇଁ କାଚେଲିତା ଜୀସୁ ତାଣା ଡେକା ତାଚେରି ।

୪ ସାମା ହାଡେକା ଲକୁ ମାଟାକି ଏଞ୍ଜାଣି ତାଣା ତାଚାଲି ଆଡାଆଡେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍ବାଆଁ ଇଲୁତି ଡେପରି ରିକହେରି, ଇଞ୍ଜା ଏ ଟଟ ଖାୟିତାଣାଇଁ କାଚେଲି ଖେଣ୍ଡେଏ ଇଲୁ ବିତ୍ରା ରେପହେରି ।

୫ ଜୀସୁ ଏଞ୍ଜାରି ନାମୁ ମେସାନା, ଏ ଟଟ ଖାୟିତାଣାଇଁ ଏଲେଇଚେସି, “ଏ ମାର୍ଏଣା ନୀ ପାପୁ ବାରେ ମେଣ୍ଡାକାହାଚେ ।”

୬ ସାମା ଏମ୍ବାଆଁ ମାତି ଏଚେକା ମେରା ଜାପୁନାରି କୁଗାନା ତାମି ମନତା ଅଣ୍ଡିହିଁ କାତାବାର୍ତା ଆହିମାଚେରି,

୭ “ଇଞ୍ଜାସି ଏନାଆଁତାକି ଏଲେଇଞ୍ଜି ମାନେସି ? ଇଞ୍ଜାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍ବାଆସି ପାପୁ ମ୍ଲେକହାଲି ଆଡିନେସି ?”

୮ ଏଞ୍ଜାରି ମନତା ଇଲେକି ଅଣ୍ଡିମାନାଣି ଜୀସୁ ଦେବୁଣିଏ ଜୀସୁତା ପୁଞ୍ଜାନା ଏଞ୍ଜାରାଇଁ ଏଲେଇଚେସି,

“ମାରୁ ମୀ ମନ ବିତ୍ରା ଏନାଆଁତାକି ଇଲେକି ଅଣ୍ଡିମାଞ୍ଜେରି ?

୯ ଏନାଆଁ ଇନାୟି ଉସାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଡାକାହାଚେ ଇନାୟି କି ନିଙ୍ଗାମୁ ନୀ କାଚେଲି ଡେକାନା ତାକାମୁ ଇନାୟି ଉସାସା ?”

୧୦ ସାମା ଦାଡିତା ପାପୁ ମ୍ଲେକହାଲି ମାଣସି ମାର୍ଏଣା ଅଦିକାରା ମାନେ, ଏଦାଆଁ ନୀଏ ମାରୁ ପୁଞ୍ଜାଲି ଆଡିଦେରି ।” ଏଦାଆଁତାକି ଏ ଟଟ ଖାୟିତାଣାଇଁ ଏଲେଇଚେସି,

୧୧ “ନାନୁ ନିଙ୍ଗେ ଖେସିମାଞ୍ଜାଇଁ ନିଙ୍ଗାନା ନୀ କାଚେଲି ଡେକାନା ନୀ ଇଜ ହାଲାମୁ ।”

୧୨ ଏଚେଟିଏ ଏଞ୍ଜାସି ଦେବୁଣିଏ ନିଙ୍ଗାନା କାଚେଲି ଡେକାନା ବାରେଜାଣା ନକିଟି ହଚାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହିଁ ଏଲେଇଚେରି, “ମାମୁ ଇଲେତି କାବାଆନି କାମା ଏଚେଲା ଜିକେଏ ମେସାହିଲାଆଡମି ।”

**ଜୀସୁ ଲେବିଇଁ (ମାତିୟୁ) ହାଡିନାୟି**  
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ଖେଣ୍ଡେ ସାମ୍ପୁରି ଗାଟୁତା ହାଚେସି, ଇଞ୍ଜା ଲକୁ ଏଞ୍ଜାଣି ତାଣା ଖାହାଲିଏ, ଏଞ୍ଜାରାଇଁ ଜାପୁହାଲି ମାଟୁହେସି ।

୧୪ ଅଡେ ଜିରୁଟି ହାଜି ହାଜିହିଁ ଜୀସୁ ଆଲେପି ମାର୍ଏସି ଲେବିଇଁ\* ସିସୁ ରାହୁନି ତାଣା କୁଗାମାନାଣି ମେସ୍ତେସି, ଇଞ୍ଜା ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମୁ” ଏଚେଟିଏ ଲେବି ନିଙ୍ଗାନା ଏଞ୍ଜାଣି ଜେଚ ହାଚେସି ।

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଟାଟି ହାଚେକା ସିସୁ ରାହୁନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁଗିଚେରି; ଇତିହିଁ ଏଞ୍ଜାରି ହାଡେକା ମାଚେରି ଇଞ୍ଜା ଏଞ୍ଜାଣି ଜେଚ ହାଜିମାଚେରି ।

୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରାହୁନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗରିତି ମେରାପୁନାରି ତାମି ସୀସୁୟାଁଣି ଏଲେଇଚେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡେ ସିସୁ ରାହୁନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଖେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହିଁ ଲକୁତାକି ଅସଗୁରୁ ଲଡା ହିଲେଏ, ସାମା ରଗ ଗାଟାରିକି ଲଡାମାନେ; ନାନୁ ଦାମୁ ଲକୁତାକି ଖାହାହିଲଅଁ ସାମା ପାପୁ ଗାଟାରିକି ଖାହାମାଇଁ ।”

**ଉପାସା କିନାଣି ଖେହୁନାୟି**  
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଟାଟି, ଏଚେକା ଲକୁ ଜୀସୁ ତାଣା ଖାହାନା ଏଲେଇଚେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

\* ୨:୧୪ ମାତିୟୁ

୧୯ ଜୀସୁ ଏଞ୍ଜରାଙ୍କୁ ଏଲେଇରେସି, “ବୀହା ଲକ୍ଷ୍ମଣଲେ ବୀହା ହନେଏସି ମାନି ପାତେକା ବୀହା ଲକ୍ଷ୍ମଣ ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜରାତଲେ ମାନି ପାତେକା ଏଞ୍ଜରା ଉପାସା କିଅରି ।

୨୦ ସାମା ଦିନା ଖାନ୍ଦେ ଏଟିବେଲା ଏଞ୍ଜରା ତାଣାଟି ବୀହା ହନେଏଶାଙ୍କୁ ହପୁହା ଅଡ଼ିସାରେ ଏଟିବେଲା ଏଞ୍ଜରା ଉପାସା କିନେରି ।”

୨୧ “ଆମ୍ବାଆସି ପୁଞ୍ଜରା ହିମ୍ବରାତା ପୁଞ୍ଜରା ପାସକି ତାଡ଼ଅସି; ତାଡ଼ିସାରେ ପୁଞ୍ଜରା ହିମ୍ବରାତା ପୁଞ୍ଜରା ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ ।

୨୨ ଆମ୍ବାଆସି ପୁଞ୍ଜରା ଅଜ୍ଞୁରି ରାସା ପୁଞ୍ଜରା ଡକାତାଠି ଇଟଅସି; ଇଟିସାରେ ଡକା ଡାୟାହାନେ, ଇଞ୍ଜା ଅଜ୍ଞୁରି ରାସା ଅଡ଼େ ଡକା ରିଣ୍ଡିଖା ନସ୍ତୁ ଆନୁ, ଏଦାଆଁତାକି ପୁଞ୍ଜରା ଅଜ୍ଞୁରି ରାସା ପୁଞ୍ଜରା ଡକାତା ଇଟିନାୟି ମାନେ ।”

**ଜମିନି ଦିନାତି କାତା ଖେହ୍ନାୟି**  
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାନି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାରେସି, ତାନି ସୀସୁୟାଁ ହାଜି ହାଜିହଁ ଗହଁୟାଁ ଜେକା ତାପହାଲି ମାଟ୍‌ହେରି ।

୨୪ ଏମ୍ବାଟିଏ ପାରୁସିୟାଁ ଜୀସୁଙ୍କୁ ଏଲେଇରେସି, “ମେହ୍‌ମୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଞ୍ଜରାଙ୍କୁ ଏଲେଇରେସି, “ଦାଞ୍ଜୁଦ ଅଡ଼େ ତାନି ତଣେସିକା ହାକି ଆହାମାଟାଟି ଏଞ୍ଜରା ଏନାଆଁ କିହାମାରେରି, ଏଦାଆଁ ମୀରୁ ଏଚେଲା ପଡ଼଼ି ଆହାହିଲଅଡେରି,

୨୬ ଅବିୟତର କାଜା ପୂଜେରା ମାଟିବେଲାତା ଏଞ୍ଜାସି ଏନିକିଁ ମାହାପୁରୁ ଇଲୁତା ହଡ଼ାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାକା ପିସ୍‌ପେ ଆମ୍ବାଆରି ତିନାଆଗାଟି ମେରା ମାଟେ, ସାମା ଏଦାଆଁ ଦାଞ୍ଜୁଦ ତିଞ୍ଜା ମାରେସି ଇଞ୍ଜା ତାନି ଆଟ୍‌ହି ତାରାକି ଜିକେଏ ତିଞ୍ଜାଲି ହାହାମାରେସି ।”

୨୭ ତାୟୁ ଜୀସୁ ଏଞ୍ଜରାଙ୍କୁ ଏଲେଇରେସି, “ଜମିନି ଦିନା ମାଣସିତାକି ଆହାମାନେ; ସାମା ମାଣସି ଜମିନି ଦିନାତାକି ଆହାହିଲଅସି ।”

୨୮ ଏଦାଆଁତାକି ମାଣସି ମୀରୁଏସି ଜମିନି ଦିନାତି ପ୍ରବୁ ଆନ୍ଦେସି ।

**୩**

**ଖାୟିତି କେୟୁଗାଟାସି ନେହଁ ଆନାୟି**  
(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡ଼େ ଖେଣ୍ଡେ ଜୀହୁଦି ଲକ୍ଷ୍ମଣ କୁଟି ଇଲୁତା\* ହାଚେସି, ଏମ୍ବାଆଁ ରଅସି ମାରେସି, ଏଞ୍ଜାଣି ର କେୟୁ ଖାୟାହାଜାମାଟେ ।

୨ ଜୀସୁ ଏଞ୍ଜାଣାଙ୍କୁ ଜମିନି ଦିନାତା ନେହଁ କିନେସିକି ଆଏ, ଏଞ୍ଜାଣି କପାଟି ଦହ୍ ଦସାଲିତାକି ଗୁରି କିହାନା ସିନିକିହିମାରେରି ।

୩ ଏମ୍ବାଟିଏ ଜୀସୁ ଆମିନି ଲକ୍ଷ୍ମଣ କେୟୁ ଖାୟାହାଜାମାଟେ, ଏଞ୍ଜାଣାଙ୍କୁ ଜୀସୁ ଏଲେଇରେସି, “ଖାମୁ ମାଦି ନିମୁ ।”

୪ ଇଞ୍ଜା ଜୀସୁ ଏଞ୍ଜରାଙ୍କୁ ଏଲେଇରେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି କି ଲାଗେଏ କିନାୟି ? ଜୀହୁଡ଼ି ଗେଲ୍‌ପିନାୟି କି ନାସା କିନାୟି ?” ସାମା ଏଞ୍ଜରା ଖେଣ୍ଡେ ହାଡ଼ା ଆୟାଲି ଆଡ଼ାଆଡେରି ।

୫ ଏମ୍ବାଟିଏ ଜୀସୁ ଏଞ୍ଜରା ଆଟ୍‌ଖା ହିୟାଁତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଖାକି ଏଞ୍ଜରାଙ୍କୁ ସିନିକିହାନା ଏଲେଇରେସି, “କେୟୁ ଲାକ ଦାହ୍‌ମୁ” ଏଞ୍ଜାସି ତାନି କେୟୁ ଦାସ୍‌ପିନିଏ ଏଦି ନେହଁ ଆହାହାଚେ ।

୬ ଏଚେଟିଏ ପାରୁସିୟାଁ ହଡ଼ା ହାଜାନା ଜୀସୁଙ୍କୁ ପାୟାଲି ତାକି ହେରଦ ଗଟିତି ଲକ୍ଷ୍ମଣଲେ କାଲ୍‌ହାନା କାତା ଆଡେତରି ।

**ସାମ୍‌ଦୁରି ଗାଟୁତା ମାନ୍ଦା ଲକୁ**  
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀସୁ ଅଡ଼େ ତାନି ସୀସୁୟାଁ ଗାଲିଲି ସାମ୍‌ଦୁରି ଗାଟୁତା ହାଚେରି, ଇଞ୍ଜା ହାଚେରକା ଲକୁ ଏଞ୍ଜାଣି ଜେଟ ହାଚେରି; ଏଞ୍ଜାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରୁଖାକି, ସର ଅଡ଼େ ସିଦନ ଗାଡ଼ା ଖାକିତି ଲକୁ ତାନି ବାରେ କିତି କାମାତି କାତା ଖେଞ୍ଜାନା ତାନି ତାଣା ଖାଡେତରି ।

୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେତରି ଏ ମାନ୍ଦା ଏନିକିଁ ଏଞ୍ଜାଣିଲାକ ଓହ୍‌ଅରି, ଏଦାଆଁତାକି ଏଞ୍ଜାସି ତାନି ସୀସୁୟାଁଣି ତାଜେତାକି ର ଉଣା ତଂଗ ପାରା ଇଟାଲି ଖେସ୍‌ସେସି;

୧୦ ଏଞ୍ଜାସି ହାଚେରକା ଲକୁଣି ନେହଁ କିହାମାଟାକି ରଗ ଗାଟାରି ବାରେ ଏଞ୍ଜାଣାଙ୍କୁ ତୀଗାଲି ଏଞ୍ଜାଣି ମୁହେଁ ମୁହେଁ ଆହିମାରେରି ।

୧୧ ଇଞ୍ଜା ପଲ୍‌ଆ ବୃତୁୟାଁ ଆସାମାନାରି ଏଞ୍ଜାଣାଙ୍କୁ ମେସ୍‌ପିନିଏ, ଏଞ୍ଜାଣି ନକିତା ରିହାନା କାଲ୍‌ଓ ଆହଁ ଏଲେଇଞ୍ଜି ମାଟୁ, “ନୀନୁଏ ମାହାପୁରୁ ମୀରୁଏଶାଟି ।”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଙ୍କୁ ଖେହ୍‌ଆଦୁ ଇଞ୍ଜାଁ ଜୀସୁ ପଲ୍‌ଆ ବୃତୁୟାଁଙ୍କୁ ଦାକା ହାହାନା ହୁକୁମି ହାଚେସି ।

**ଜୀସୁ ବାରଜାଣା ସୀସୁୟାଁଣି ଆଡ଼ିନାୟି**  
(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଟାରାଙ୍କୁ ମନ୍ କିଡେସି ଏଞ୍ଜରାଙ୍କୁ ତାଗେ ହାଡ଼ିଡେସି, ଇଞ୍ଜା ଏଞ୍ଜାରି ତାଗେ ଖାଡେତରି ।

୧୪ ଇଞ୍ଜା ଏଞ୍ଜାସି ବାରଜାଣାଟି ଆଟାନା ପାଣ୍ଡି ଆଡାରି ଇଞ୍ଜାନା, ଏଞ୍ଜରାଙ୍କୁ ଏଲେଇରେସି, “ନା ତଲେ ଡ଼ୟାଲି ନୀନୁ ମିଜେ ଆଟାମାଞ୍ଜାଙ୍କୁ, ଇଞ୍ଜା ଖେକ୍‌ହାଲି ପାଣ୍ଡାଙ୍କୁ ।

† ୨:୨୨ ତଲୁ ତଲେ କେପିତି ଅଜ୍ଞୁରି ରାସା ଇଟିନି ବାସ୍ତା ରୁପୁ \* ୩:୧ ସିନଗର ☆ ୩:୯ ମାର୍କ ୪:୧; ଲୁକ ୫:୧-୩

୧୫ ଇଞ୍ଜି ମୀରୁ ବୃତ୍ତୟାଁ ପେରହାଲି ଜିକେଏ ଅଦିକାରା  
ବେଟାଆଡେଦି ।”

୧୬ ଜୀସୁ ଇ ବାରୁଜାଣାତି ଆଡିତେସି, ଏଞ୍ଜାରି ଆଡେଡି  
ସିମନ ଆମ୍ବାଆରାଇ ଜୀସୁ ପିତର ଇଞ୍ଜି ଇଡିତେସି;

୧୭ ଜେବଦି ରୀ ମୀରକା ଜାକୁବ ଅଡେ ତାନି ତାୟି ଜହନ  
ଆମ୍ବାଆରାଇ ବିନେରିଗସ୍ ଇଡିହ୍ ଗୁଣ୍ଡିମାନି ହାଗୁଡି  
ମୀରକା ଇଞ୍ଜିହ୍ ଦରୁ ଇଡିତେସି;

୧୮ ଆନ୍ଦିୟ, ପିଲିପ, ବାର୍ତଲମି, ମାତିୟୁ, ତମା, ଆଲେପି  
ମୀରଏସି ଜାକୁବ, ତଦିୟ, ଦେସାତି ଜୀସୁ ନଡି ସିମନ,

୧୯ ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁଇଁ  
ସାତୁୟାଁ କେୟୁତା ହେରପିତେସି ।

**ଜୀସୁ ଅଡେ ବାଲ୍‌ଜିବୁଲ୍**

(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡେସି; ଅଡେ ଖେଣ୍ଡେ ଇଚେକା  
ଲକୁ ରୁଣ୍ଡା ଆଡେଡି ଜୀସୁ ଇଞ୍ଜା ତାନି ସୀସୁୟାଁକି ତିଞ୍ଜାଲି  
ଜିକେଏ ଆଆଡେ ।

୨୧ “ଜୀସୁ ବାୟା ଆଡେସି” ଇଞ୍ଜି ଲକୁ ଏଲେଇନାଣି  
ଖେଞ୍ଜାନା ତାନି କୁଟମି ଜୀସୁଇଁ ଅହାଲି ଖାଡେଡି ।

୨୨ ଅଡେ ଜିରୁସାଲମଟି ଖାହାମାନି ମେରାପୁନାରି  
ଏଲେଇଚେରି, “ଇଞ୍ଜାଣାଇଁ ବାଲ୍‌ଜିବୁଲ୍ ବୃତ୍ତୁ ଆଲ୍‌ଗାମାନେ,  
ଲାକା ଇଞ୍ଜାସି ବୃତ୍ତୁୟାଁସି ପିସ୍ପି କିହିମାନେସି ।”

୨୩ ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ପୁଣ୍ଡିକିନି  
କାତାତଲେ ଖେସ୍ପେସି, “ସୟତାନ ଏନିକ୍ ସୟତାନଇଁ  
ପେରହାଲି ଆଡିନେ ?

୨୪ ର ରାଜି ବାଗା ଆହାନା ତାନି କପାଟି ନିଜିନେ,  
ଇଡିହ୍ ଏ ରାଜି ଅଡେ ତାରିତଲେ ଡୟାଲି ଆଡେଏ ।

୨୫ ଇଞ୍ଜା ର ଇଲୁ କୁଟମିତାରି ବାଗା ଆହାନା ତାମ୍ବୁ  
ତାନି କପାଟି ନିଜିନେରି ଇଡିହ୍ ଏ ଇଲୁତାରି ତାରିତଲେ  
ଡୟାଲି ଆଡଅରି ।

୨୬ ଏଲେକିହ୍ ଏ ସୟତାନ ବାଗା ଆହାନା ତାନି କପାଟି  
ନିଜାମାନେ, ଆଡିହ୍ ଏଡି ଅଡେ ତାରିତଲେ ଡୟାଲି  
ଆଡେଏ, ସାମା ଏଦାନି ବାରେ ନାସା ଆହିମାନେ ।”

୨୭ “ସାମା ଆମ୍ବାଆସି ନଡେଏ ବାଡୟୁ ଗାଟାଣାଇଁ  
ଦହ୍‌ଆଡିହ୍ ତାନି ଇଜ ହଡ୍‌ତାନା ତାନି ଇଜଡି ଆସି ସରୁ  
କିହାଲି ଆଡଅସି; ଏଞ୍ଜାଣାଇଁ ତଲିଏ ଦସିହ୍ ଦେ ଏଞ୍ଜାସି  
ଏଞ୍ଜାଣି ଇଜତାଣି ସରୁ କିନେସି ।”

୨୮ “ନାନୁ ମିଜା ସାତା ଖେସିମାଞ୍ଜାଇଁ, ଲକୁଡି ବାରେ ପାପୁ  
ଇଞ୍ଜା ଏଞ୍ଜାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା  
କିନେରି ଏ ବାରେ ପାପୁ ମେଣ୍ଡିଜିନେ ।

୨୯ \*ସାମା ଆମ୍ବାଆସି ସୁଦୁଜୀସୁ କପାଟି ନିନ୍ଦା କାତା  
ଜଲିନେସି, ଏଞ୍ଜାଣି ଆମିନି କାଲାତା ଜିକେଏ ଦହ୍  
ମେଣ୍ଡିଜେଏ, ସାମା ଏଞ୍ଜାସି କାଲାକାଲାତି ପାପୁଡି  
ଦହ୍‌ଗାଟାସି ଆନେସି ।”

୩୦ ଜୀସୁଇଁ ବୃତ୍ତୁ ଆଲ୍‌ଗାମାନେ ଇଞ୍ଜି ଏଚେକା ଲକୁ  
ଏଲେଇଞ୍ଜାଲିଏ ଜୀସୁ ଇ କାତା ଖେସ୍ପେସି ।

\* ୩:୨୯ ଲୁକ ୧୨:୧୦ \* ୪:୧ ଲୁକ ୫:୧୩

**ଜୀସୁଡି ଇୟା ଅଡେ ତାୟିୟାଁ**

(ମାତି ୧୨:୪୬-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁଡି ଇୟା ଅଡେ ତାୟିୟାଁ ଖାହାନା  
ଇଲୁ ପାଙ୍ଗାତା ନିଚାନା ଜୀସୁଇଁ ହାଟି କିତେରି ।

୩୨ ଏମ୍ବାଟିଏ ସାରିଞ୍ଜାକି କୁଗାମାଟି ଲକୁ ଏଲେଇଚେରି,  
“ମେହ୍‌ମୁ ମୀ ଇୟା, ତାୟିୟାଁ ଅଡେ ତାଜିସ୍ତା ପାଙ୍ଗାତା  
ନିଚାନା ନିଜେ ପାରିମାଞ୍ଜାନେରି ।”

୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜା ନା  
ତାୟି ତାଜିସ୍ତା ଆମ୍ବାଆୟି ?”

୩୪ ଇଞ୍ଜା ଏଞ୍ଜାସି ତାନି ସାରିଞ୍ଜାକି କୁଗାମାନି ଲକୁଣି  
ସିନିକିହାନା ଏଲେଇଚେସି, “ମେହ୍‌ମୁ ନା ଇୟା ଅଡେ ନା  
ତାୟି ତାଜିସ୍ତା ।

୩୫ ଆମ୍ବାଆସି ମାହାପୁରୁଡି କାତା ଆହ୍‌ନେସି ଏଞ୍ଜାସିଦେଁ  
ନା ତାୟି, ତାଜି ଅଡେ ନା ଇୟା ।”



**ବିଚା ମାଟିନାଣି ପୁଣ୍ଡିକିନି କାତା**

(ମାତି ୧୩:୧-୯; ଲୁକ ୮:୪-୮)

୧ \*ଜୀସୁ ଗାଲିଲି ସାମ୍‌ଦୁରି ଗାଟୁତା ଅଡେ ଖେଣ୍ଡେ  
ଜାପୁହାଲି ମାଟୁହେସି, ଅଡେ ହାରେକା ଲକୁ ଏଞ୍ଜାଣି  
ତାଣା ରୁଣ୍ଡା ଆଡେଡି ଇଞ୍ଜା ଜୀସୁ ସାମ୍‌ଦୁରିତା ମାନି ର  
ଡଂଗତା ହାଜାନା କୁରିତେସି ଇଞ୍ଜା ଲକୁ ସାମ୍‌ଦୁରି ଗାଟୁତା  
ନିଚାମାଚେରି ।

୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାରେକା ପୁଣ୍ଡିକିନି କାତା  
ଜାପୁହିହ୍ ଏଲେଇଚେସି ।

୩ “ଖେଞ୍ଜୁ, ମେହ୍‌ମୁ ର ବିଚା ମାଟିନାସି ବିଚା ମାଟାଲି  
ହଡେସି ।

୪ ଇଞ୍ଜା ଏଞ୍ଜାସି ମାଟିମାଟାଟି କଚେକା ବିଚା ଜିରୁତା  
ରୀତେ, ଇଞ୍ଜା ପଟାୟାଁ ଖାହାନା ଏ ପାଡେୟି ପେରହା ତିତୁ  
।

୫ ଅଡେ କଚେକା ବିଚା ଇଚାୟି ଇରୁଆ ମାନି ଖାଲକା  
ଲାକ ରୀତେ, ଇଞ୍ଜା ଡଣା ଇରୁଆ ମାଟାକି ଗାଡ଼କେଏ  
ନେୟିତେ,

୬ ସାମା ଖେଡ଼ା ଆଡାଲିଏ ନେୟାଁ ମାଟାୟି ଖେହା ହାଚେ  
ଇଞ୍ଜା ହୀରୁ ଜୀଆତାକି ଖାୟାନା ହାହାହାଚେ ।

୭ ଅଡେ କଚେକା ବିଚା ହାପୁକା ବୁଟାତା ରୀତେ, ଇଞ୍ଜା  
ହାପୁକା ବୁଟା ପାତାଆହାନା ଆନା ତାକିଡି ପୁକ୍‌ହାତୁସ୍ପେ  
ଇଞ୍ଜା ପାଡେୟି ଆୟାଆଡେ ।

୮ ଅଡେ କଚେକା ବିଚା ନେହ୍ ବୁମିତା ରୀତେ, ଏଡି  
ନେୟାହାଁ ପାତାଆହାନା, କଡେଦସ, ତାନିକଡି, ପାସାକଡି  
ପାଡେୟି କାମ୍ପିତେ ।”

୯ ଅଡେ ଏଞ୍ଜାସି ଏଲେଇଚେସି, “ଖେଞ୍ଜାଲି ଆମ୍ବାଆରାକି  
କୀକା ମାନୁ ଏଞ୍ଜାସି ଖେଣ୍ଡାସି ।”

**ପୁଣ୍ଡିକିନି କାତାଡି ଖେହ୍‌ନାୟି**

(ମାତି ୧୩:୧୦-୧୭; ଲୁକ ୮:୯-୧୦)

\* ୩:୨୯ ଲୁକ ୧୨:୧୦ \* ୪:୧ ଲୁକ ୫:୧୩

୧୦ ଜୀସୁ ରଅସିଏ ମାଚାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସୀସୁୟାଁ ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜାଁ ଖେଚେରି ।

୧୧ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାଜିତି ତୁଗ୍ମାମାନାଣି ପୁଞ୍ଜାଲି ମିଙ୍ଗେ ବାଡ଼ୁରୁ ହାପକି ଆହାମାନେ, ସାମା ପାଙ୍ଗାତି ବାରେ ଲକୁତାକି ଇ ପୁଣ୍ଡିକିନି କାତାତଲେ ଖେସପି ଆହିମାନେ,

୧୨ ଏନିକ୍, “ଏଝାରି ମେସି ମେସିହିଁ, ମେହୁଅରି; ଇଞ୍ଜାଁ ଖେଞ୍ଜିଖେଞ୍ଜିହିଁ, ତେଲୁହୁଅରି, ଏଝାରି ମାହାପୁରୁ ତାଣା ଖେଣ୍ଡା ଖାଡ଼ିହିଁମା, ପାପୁଟି ପିସପି ଆଡେରିମା ।”

**ବିଚା ମାଟିନି କାତା ପୁଣ୍ଡିକିନାୟି**  
(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀସୁ ଅଡେ ଖେଣ୍ଡେ ଏଝାରାଇଁ ଏଲେଇଚେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅତେରି ? ଆତିହିଁ ନା ପୁଣ୍ଡିକିନି କାତା ଏନିକ୍ ପୁଞ୍ଜେରି ?

୧୪ ଆମ୍ବାଆସି ମାହାପୁରୁ ବଲୁ ଖେହନାସି ଏଝାସି ବିଚା ମାଟିନାସି ।

୧୫ ଆମିନି ଗାଟାରି ଖେନେରି, ଇଞ୍ଜାଁ ଖେଟି ଦେବୁଣିଏ ସୟତାନ ଖାହାନା ଏଝାରିତାଣା ଖେଣ୍ଡି ଆହାମାନି ବଲୁ ମୀଞ୍ଜାଅନେ, ଏଝାରି ଜିରୁ ଦାରିତା ରିତି ବିଚାଲେହେଁତାରି ।

୧୬ ଏଲେକିହିଁ ଏ ଖାଲି ଲାକ ରିହାମାନି ବିଚାଲେହେଁତାରି, ଏ ବଲୁ ଖେଣ୍ଡିନିଏ ରାହାଟି ନାମିନେରି,

୧୭ ସାମା ଏଝାରିତାଣା ହୀରୁ ଜୀଆତାକି ଗାଡେକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଦା ଖାଡ଼ିସାରେ ଦେବୁଣିଏ ପିହନେରି, ଏଝାରି ଉଣା ଇରୁଆ ମାନି ଖାଲକା ଲାକତି ବିଚାଲେହେଁତାରି ।

୧୮ ହାପୁକା ବୁଟାତା ମାଟିତି ବିଚା ଏଝାରି, ଆମ୍ବାଆରି ବଲୁତି ଖେନେରି,

୧୯ ଦାରୁତିତି ଅଣ୍ଡୁ ଦନତି ବାରେ ଜୁପକା ହତାନା ଏଝାରାଇଁ ପୁକ୍ହାତୁହନେ, ଇଞ୍ଜାଁ ଏଦି ପାଡେୟି ଆୟାଲି ଆଡେଏ ।

୨୦ ଅଡେ ଆମିନି ଗାଟାରି କାତା ଖେନେରି, ଇଞ୍ଜାଁ ନାମିନେରି, ଅଡେ କଡେଦସ, ତାନିକଡ଼ି, ଇଞ୍ଜାଁ ପାସାକଡ଼ି ପାଡେୟି କାମ୍ବିନେରି, ଏଝାରି ନେହିଁ ବୁମିତା ମାଟିତି ବିଚାଲେହେଁତାରି ।”

**ମାଣା ପୁକ୍ହି ଦୀଝି**  
(ଲୁକ ୮:୧୬-୧୮)

୨୧ ଜୀସୁ ଅଡେ ଖେଣ୍ଡେ ଏଝାରାଇଁ ଏଲେଇଚେସି, “ଆମ୍ବାଆସି ଦୀଝି ତୀସାନା ମାଣା ପୁକ୍ହାନା କି କାଟେଲି

☆ ୪:୧୧ ମାତି ୫:୧୫; ଲୁକ ୧୧:୩୩ ☆ ୪:୨୨ ମାତି ୧୦:୨୬; ଲୁକ ୧୨:୨ ୧୯:୨୬

ତୁଇ ଇଟିନେସି ? ଏଦାଆଁ ଏନାଆଁ ଦୀଝି ସଡ଼ାତା ଇଚଅସି ?

୨୨ ଇଚିହିଁ ତଞ୍ଜା ଆଆଗାଟାୟି ଏନାୟି ଜିକେଏ ତୁଗ୍ମାନା ତୁୟେଏ; ଏନାୟି ତୁଗ୍ମାନା ଆହାମାନେ, ଏଦି ତଞ୍ଜାଆହାଲି ତୁଗ୍ମାମାନେ ।

୨୩ ଇଚିହିଁ ଆମ୍ବାଆରାକି ଖେଞ୍ଜାଲି କୀର୍କା ମାନୁ ଏଝାସି ଖେଣ୍ଡିମାସି ।”

୨୪ ଜୀସୁ ଅଡେ ଏଲେଇଚେସି, “ଏନାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି, ଅଡେ ମୀରୁ ହାଚୁରକା ବେଟାଆଡେରି ।

୨୫ ଇଚିହିଁ ଆମ୍ବାଆରାକି ମାନେ ଏଝାଣାକି ହାପକି ଆନେ; ଅଡେ ଆମ୍ବାଆରାକି ହିଲେଏ, ଏଝାଣି ତାଣା ଏନାୟି ମାନେ, ଏଦାଆଁ ଜିକେଏ ଏଝାଣି ତାଣାଟି ଅଢ଼ିଆନେ ।”

**ପାତାଆନି ବିଚାତି ପୁଣ୍ଡିକିନାୟି**

୨୬ ଜୀସୁ ଅଡେ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନିକ୍ ର ମାଣସି ବୁମିତା ବିଚା ମାଟିନେସି;

୨୭ ଇଞ୍ଜାଁ ଲାଆଁୟାଁ ଇଦା କିନେସି ଅଡେ ମାଦେନା ତେଃଏଲିନେସି, ଅଡେ ବିଚା ଏନିଆହିଁ ଗଜା ଆହାଁ ପାତାଆନେ ଏଦାଆଁ ଏଝାସି ପୁନଅସି ।

୨୮ ଗହଁ ବୁମିତି ତାନୁଏ ନେୟିନେ, ତଲିଏ ଆକୁ ଆନେ ତାୟୁ ଜେକୁ ଅଡେ ତାୟୁ ଜେକୁତି ପାଡେୟି ଆନେ ।

୨୯ ସାମା ଆନା କାମ୍ବିସାରେ ମାଟିତାସି ଏ ଆନାତି କଡ଼ାତଖେଲି ତଲେ ଦାଃଆନେସି ।”

**ରାୟି ପାଡେୟି କାତା**  
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡେ ଜୀସୁ ଏଲେଇଚେସି, “ମୀରୁ ମାହାପୁରୁ ରାଜି ଏନାଆଁତଲେ ତୁକ୍ନାୟି ? ଇଞ୍ଜାଁ ଏନିଲେହେଁତି ପୁଣ୍ଡିକିନି କାତାତଲେ ଖେହନାୟି ?

୩୧ ଏଦି ର ହାସୁଁ ପାଡେୟି ଲେହେଁ; ବୁମିତା ମାଟିନି ବେଲାତା ଏଦି ଦାରୁତିତି ବାରେ ପାଡେୟି କିହାଁ ଉଣା,

୩୨ ସାମା ମାଟିତି ଜେଟ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜାଁ ଏଦାନି କମାୟାଁ ଇଲେକ୍ କାଜାଇ ଆନୁ, ଇଞ୍ଜାଁ ହାଗୁଁ ଲାକ ଉମ୍ବିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।”

୩୩ ଜୀସୁ ଇଲେକିହିଁ ହାଚୁରକା ପୁଣ୍ଡିକିନି କାତା ଖେସିହିଁ ଏଝାରି ପୁନିଲେହେକ୍ ମାହାପୁରୁ କାତା ଖେସିମାଚେସି,

୩୪ ଅଡେ ପୁଣ୍ଡିକିନି କାତା ଆଟ୍‌ଆନା ଜୀସୁ ଏନାଆଁଝା ଖେସି ହିଲାଆତେସି, ସାମା ଲକୁ ହିଲାଆ ବେଲାତା ତାନି ସୀସୁୟାଁଣି ବାରେ ପୁଣ୍ଡି କିହିମାଚେସି ।

**ଜୀସୁ କାଜା ଗାଲିତି ସାପି କିନାୟି**  
(ମାତି ୮:୨୩-୨୬; ଲୁକ ୮:୨୨-୨୫)

☆ ୪:୨୪ ମାତି ୭:୨; ଲୁକ ୭:୩୮ ☆ ୪:୨୫ ମାତି ୧୩:୧୨; ୨୫:୨୯; ଲୁକ

୩୫ ଏ ଦିନା ମିଡ଼ଅଲ୍ଲା ବେଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ଏଡ଼ୁ ମାର ସାମ୍ବୁରି ଆତାଲା ହାନ ।”

୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକ୍ ଡ଼ଗତା ମାଚେସି ଏଲେକିହିଁଏ ଅଡେରି, ଇଞ୍ଜା ଏମ୍ବାଆଁ ଏଚରଗଟା ଡ଼ଗାୟାଁ ଜିକେଏ ମାରୁ ।

୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜା ଡ଼ଗ ସାମ୍ବୁରିତି ଗାଲିତାକି ମୁଞ୍ଜାଲି ମାରୁହେ ।

୩୮ ଏଚିବେଲା ଜୀସୁ ଡ଼ଗତି ଡାୟୁଞ୍ଜାକି ର ମୁଲାତା ତାର୍ପୁ ଆଂଗାନା ଇଦା କିହାମାଚେସି; ଇଞ୍ଜା ସୀସୁୟାଁ ଏଞ୍ଜାଣାଇଁ ନିକ୍ହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଜେ ଅଣ୍ପୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିଜାନା ଗାଲିତି ଦାକା ହୀହାନା ଏଲେଇଚେସି, “ଡ଼ଙ୍ଗାମୁ” ଇଞ୍ଜା ସାମ୍ବୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡେ ଇଞ୍ଜା ବାରେ ସୂସ୍ତି ଆଡେ ।

୪୦ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମାରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମ୍ବୁତାମ୍ବୁ କାତା ଆଡେରି, “ଇଞ୍ଜାସି ଆମ୍ବାଆସି ? ଗାଲି ଅଡେ ସାମ୍ବୁରି ଜିକେଏ ଇଞ୍ଜାଣି ହାଡ଼ା ମାନୁଞ୍ଜି ଆହିମାରୁ ।”

**୫**

**ଜୀସୁ ବୃତୁୟାଁ ଆଲଗିତାଣାଇଁ ନେହିଁକିନାୟି (ମାତି ୮:୨୮-୩୪; ଲୁକ ୮:୨୬-୩୯)**

୧ ଡାୟୁ ଜୀସୁ ଅଡେ ସୀସୁୟାଁ ଗାଲିଲି ଆତାଲାତି ଗରାସିୟା\* ରାଜିତା ଏଗାହାଚେରି ।

୨ ଜୀସୁ ଡ଼ଗତି ରେପନିଏ ର ବୃତୁ ଆଲଗା ମାଚାସି ମାଡ଼ହା ମୁହନି ଟାୟୁଟି ହଡ଼ାଞ୍ଜାହାନା ଜୀସୁଇଁ ବେଟାଆଡେସି ।

୩ ଏଞ୍ଜାସି ମାଡ଼ହା ମୁହନି ଟାୟୁତା ବାସା କିହିମାଚେସି, ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍ଣିୟାଁ ତଲେ ଦସାଲି ଆଡ଼ିହିଲିଆଡେରି;

୪ ଇଚିହିଁଏ ଏଞ୍ଜାଣାଇଁ ହାରେକା ଦେବା ହିକ୍ଣିୟାଁ ତଲେ ଦସାମାଚେରି, ସାମା ଏ ହିକ୍ଣିୟାଁ ଡାପହାନା କୁରୁକୁଟା କିଡେସି, ଇଞ୍ଜା ଏଞ୍ଜାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୟୁ ହିଲିଆଡେ ।

୫ ଏଞ୍ଜାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହନି ଟାୟୁତା ଅଡେ ହରୁତା ଡ଼ୟାନା କିଡ଼ିତ ମାଚେସି, ଇଞ୍ଜା ଖାଲକାତଲେ କଡ଼ହା କଡ଼ିହିଁ ରାଣାରାକା କିହା କଡ଼ିମାଚେସି ।

୬ ଏଞ୍ଜାସି ହେକଟିଏ ଜୀସୁଇଁ ମେସାନା ହଟି ହଟିହିଁ ଖାହାନା ଏଞ୍ଜାଣି କଡ଼ାଣା ରିହୀ ଜହରା କିଡେସି,

୭ ଅଡେ କାଜା ଗିୟାତଲେ କିଡ଼ିହିଁ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀରଏଣାତି ଜୀସୁ, ନୀ ତଲେ

ନାଜେ ଏନାୟି ମାଚେ ? ନିଜେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଜେ କସୁ ହିୟାଆନି ।”

୮ ଏନାଆଁତାକି ଇଚିହିଁ ଜୀସୁ ଏଞ୍ଜାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲୁଆ ବୃତୁତି ଇଞ୍ଜାଣି ତାଣାଟି ହଡ଼ାହାଲାମୁ ।”

୯ ଜୀସୁ ଏଞ୍ଜାଣାଇଁ ଖେଚେସି, “ନୀ ଦରୁ ଏନାୟି ?” ଏଞ୍ଜାସି ଏଲେଇଚେସି, “ନା ଦରୁ ‘ମାନ୍ଦା’ ଇଚିହିଁ ମାମୁ ହାରେକା ଜାଣାତମି ।”

୧୦ ଇଞ୍ଜା ଜୀସୁ ଏନିକ୍ ଏ ପଲୁଆ ବୃତୁୟାଁଣି ଏ ରାଜିତି ଅର ରାଜିତା ପାଣ୍ଡାସି, ଏନାଆଁତାକି ଏଞ୍ଜି ଜୀସୁଇଁ ହାରେକା ବାତିମାଲିତୁ ।

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିମାରୁ ।

୧୨ ଅଡେ ଏ ବୃତୁୟାଁ ବାତିମାଲିହିଁ ଏଲେଇଚୁ, “ମାଜେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡାମୁ ।”

୧୩ ଏଞ୍ଜାସି ଏଞ୍ଜାରାଇଁ ହୁକୁମି ହୀହାଲିଏ, ଏ ପଲୁଆ ବୃତୁୟାଁ ଏଞ୍ଜାଣି ତାଣାଟି ହଡ଼ାନା ପାଜିୟାଁ ମାନ୍ଦା ବିଡ଼ା ହରୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଡ଼ାନା ତାଗେ ମାତି ସାମ୍ବୁରିତା ମେଦାନା ହାହାହାଚୁ, ବାରେ ରୀ ମାଣା ପାଜିୟାଁ ମାରୁ ।

୧୪ ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡେ ନାସ୍କାଣାଁ ଏ କାତା ଖେସ୍କା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜି ସିନିକିହାଲି ଖାଡେରି ।

୧୫ ଅଡେ ଏଞ୍ଜାରି ଜୀସୁ ତାଗେ ଖାହାନା, ଏ ବୃତୁ ଆଲଗା ମାଚାଣାଇଁ ଇଚିହିଁ ଆମ୍ବାଆରାକି ନକେଏ ମାନ୍ଦା ବୃତୁୟାଁ ଆସାମାରୁ, ଏଞ୍ଜାଣାଇଁ ହିମ୍ବୁରି ହୁଚାନା ନେହିଁ ମନତଲେ କୁଗାମାଚାଣି ମେସାନା ଆଜିଚେରି ।

୧୬ ଆମ୍ବାଆରି ମେସାମାଚେରି, ବୃତୁ ଆଲଗା ମାଚାସି ଏନିକ୍ ନେହିଁଆଡେସି, ଅଡେ ପାଜିୟାଁ ଏନିକ୍ ନାସା ଆତୁ ଏ ବାରେ ଖେସ୍ତେରି ।

୧୭ ଏମ୍ବାଟିଏ ଏଞ୍ଜାରି ଜୀସୁଇଁ ତାମି ହାନ୍ଦିଟି ହାଜାଲି ବାତିମାଲିଚେରି ।

୧୮ ଡାୟୁ ଜୀସୁ ଡ଼ଗତା ହଡ଼ିମାଚାଟି ଆମିନି ଗାଚାଣାକି ବୃତୁ ଆଲଗାମାଚେ, ଏଞ୍ଜାସି ତାମିତଲେ ଡ଼ୟାଲି ତାକି ବାତିମାଲିଚେସି ।

୧୯ ସାମା ଜୀସୁ ହେଲ ହୀଆନା ଏଞ୍ଜାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲାମୁ, ଇଞ୍ଜା ପ୍ରବୁ ନିଜେତାକି ଏନି କାମା ଅଡେ ନିଜେତାକି ଏମିନି କାମା କିହାମାଞ୍ଜାନେସି, ଏ ବାରେ ଏଞ୍ଜାରାଇଁ ଖେହ୍ମୁ ।”

୨୦ ଏମ୍ବାଟିଏ ଏଞ୍ଜାସି ହାଜାନା, ଜୀସୁ ଏଞ୍ଜାଣାକି ଏନି କାମା କିହାମାଚେସି, ଏଞ୍ଜାସି ଦେକାପଲିତା† ଖେକ୍ହାଲି ମାରୁହେସି; ଏମ୍ବାଟିଏ ବାରେଜାଣା କାବା ଆଡେରି ।

**ଜାୟିରସ ମାଜ୍ଜାନି ଜୀସୁ ଇଞ୍ଜା ନେଚେରି ଖାଜିମାତି ଇୟା ନେହିଁ ଆନାୟି (ମାତି ୯:୧୮-୨୬; ଲୁକ ୮:୪୦-୫୬)**

\* ୫:୧ କଚେକା ସାସ୍ତେରିତା ଗଦରିୟ ରାସ୍କି ଆହାମାନେ † ୫:୨୦ ଦସଗଟା ନାସ୍କା

୨୧ ଜୀସୁ ତଂଗଟି ଗାଣ୍ଟାନା ଅରଞ୍ଜାକି ଖେଣ୍ଡେ ଖାତେସି, ମାନ୍ଦା ଲକୁ ଏଞ୍ଜାଣି ତାଣା ରୁଣ୍ଡା ଆଡେତରି; ଇଞ୍ଜା ଏଞ୍ଜାସି ସାମଦୁରି ଗାଟୁତା ତୁୟିତେସି ।

୨୨ ଏଟିବେଲା ଜୀହୁଦି ଲକୁଡି କୁଟମି ଇଲୁଡିଃ କାଜାରି ବିତ୍ତାଟି ଜାୟିରସ ଦରୁଗାଟାସି ରଅସି ଜୀସୁଇଁ ମେସାନା ଏଞ୍ଜାଣି କତାଣା ରାତେସି,

୨୩ ଇଞ୍ଜା ହାରେକା ବାତିମାଲିହଁ ଏଲେଇଚେସି, “ନା ମାଙ୍ଗା ହାନିହୁଗେ ଆହାମାନେ; ଏଦି ଏନିକଁ ନେହଁ ଆହାନା ନୀଡିନେ, ଏଦାଆଁତାକି ନୀନୁ ଖାହାନା ଏଦାନି ଲାକ କେୟୁ ଇଟାମୁ ।”

୨୪ ଏମ୍ବାଟିଏ ଜୀସୁ ଏଞ୍ଜାଣିତଲେ ହାଚେସି, ଇଞ୍ଜା ହାରେକା ଲକୁ ଏଞ୍ଜାଣିତଲେ ହାଜାଲି ମାଟ୍‌ହେରି, ଇଞ୍ଜା ଏଞ୍ଜାଣି ମୁହେଁ ମୁହେଁ ଓସ୍‌ପି ଆହିମାଚେରି ।

୨୫ ଏଟିବେଲାତା ର ଇୟା ବାର ବାର୍ଯା ପାତେକା ନେତେରି ଖାଜ୍ଜିନି ରଗତା ନେତେରି ତୁଙ୍ଗାଆନା ନେହଁ ଆହି ହିଲାଆତେ,

୨୬ ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟା କାର୍ତ୍ତୁ କିହାମାଚେ, ଅଡେ ଜିକେଏ ନେହଁ ଆହାହିଲାଆତେ, ସାମା ହାରେକା କସ୍ତ ବେଟାଆହି ମାଚେ ।

୨୭ ଏଦି ଜୀସୁଡି କାତା ଖେଞ୍ଜାନା ଲକୁ ମାନ୍ଦାତା ଖାହାନା ତାୟୁ ଖାକିଟି ଏଞ୍ଜାଣି ହିମ୍ବରି ତାଗିତେ;

୨୮ ଇଚିହଁ ଏଦି ଏଲେ ଇଞ୍ଜିମାଚେ, “ଏଞ୍ଜାଣି ହିମ୍ବରି ତାଗିତିହଁ ନେହଁ ଆଲୁ ।”

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଙ୍ଗିତେ, ଇଞ୍ଜା ଏଦି ରଗଟି ନେହଁ ଆହାମାନେ ଏଦାଆଁ ତାନି ଆଜ୍ଞାତା ପୁଞ୍ଜା କଡିତେ ।

୩୦ ଦେବୁଣିଏ ଜୀସୁ ତାନି ଆଜ୍ଞାଟି ବାଡ଼ୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବରି ତାଗାତେ ?”

୩୧ ଏମ୍ବାଟିଏ ତାନି ସୀସୁୟାଁ ଏଲେଇଚେରି, “ନୀନୁତ ମେସିମାଞ୍ଜି ଲକୁ ଏନିକଁ ନୀ ମୁହେଁ ଆହିମାନେରି, ଅଡେ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଜେ ତାଗାତେ ?”

୩୨ ସାମା ଏମ୍ବାଆୟି ତାଜେ ତାଗିତେ ଏଦାଆଁ ମେସାଲି ଜୀସୁ ସାରିସୁଟୁ ସିନିକିତେସି ।

୩୩ ଏମ୍ବାଟିଏ ଏ ଇୟା ଖାହାନା ତାଜେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରୁଗିହଁ ଖାହାଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଖେସ୍ତେ ।

୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇଚେସି, “ଆଲ ମାଙ୍ଗା ନୀ ନାମୁ ନିଜେ ନେହଁ କିହାମାଞ୍ଜାନେ; ହିଡଡି ତଲେ ହାଲାମୁ ଇଞ୍ଜା ନୀ ରଗଟି ନେହଁ ଆମୁ ।”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକୁଡି କୁଟମି ଇଲୁଡି କାଜାଣା ଇଜଟି ରଅସି ଖାହାନା ଏଲେଇଚେସି, “ନୀ ମାଙ୍ଗା ହାଡେୟିଏ ଗୁରୁଇଁ ଅଡେ ଏନାଆଁତାକି କସ୍ତ ହାହିମାଞ୍ଜି ?”

୩୬ ସାମା ଜୀସୁ ଏ କାତା ଖେଞ୍ଜାନା ଖେନାଆଡିଲେହେଁ ଆହାନା ଜାୟିରସଇଁ ଏଲେଇଚେସି, “ଆଜାଆନି ସାମା ନାମାମୁ ।”

୩୭ ଅଡେ ଏଞ୍ଜାସି ପିତର, ଜାକୁବ, ଅଡେ ତାନି ତାୟି ଜହନ ପିସ୍‌ପେ ଆମ୍ବାଆରାଇଁ ତାନିତଲେ ଅଆତେସି ।

୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା କାଲୁଓ ଆହଁ ତାହିମାନାଣି ମେସ୍ତେସି,

୩୯ ଇଞ୍ଜା ବିତ୍ତା ହାଜାନା ଏଞ୍ଜାସିକାଣି ଏଲେଇଚେସି, “ଏନାଆଁତାକି କାଲୁଓ ଆହଁ ତାହି ମାଞ୍ଜେରି, ଇ ପଡା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ କାକ୍‌ହେରି ।

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକ୍‌ହେରି, ସାମା ଏଞ୍ଜାସି ବାରେଡି ପାଙ୍ଗାତା ପାଣ୍ଡାନା ପଦାନି ଇୟା ଆଚା ଅଡେ ତାନି ତାନି ଜାଣା ସୀସୁୟାଁ ତଲେ ଏ ପଡା ମାଟି ତାଣା ହାଚେରି,

୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇଚେସି, “ଟଲିତା କୁମ୍” ଇଚିହଁ “ଆଲ ମାଙ୍ଗା ନୀନୁ ନିଜେ ଖେସିମାଞ୍ଜାଇଁ ନିଜାମୁ ।”

୪୨ ଏ ଦେବୁଣିଏ ପଡା ନିଜାମା ତାକିତେ (ଇଚିହଁ ଏଦି ବାର ବାର୍ଯା ଆହାମାଚେ) ଏମ୍ବାଟିଏ ଏଞ୍ଜାରି ହାରେକା କାବା ଆଡେରି ।

୪୩ ଇଞ୍ଜା ଇ କାତା ଏନିକଁ ଆମ୍ବାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ଡିଞ୍ଜାଲି ହୀଦୁ” ଇଚେସି ।



ଜୀସୁଇଁ ନାଜରିତତା ଅପାଆଗାଟାୟି (ମାତି ୧୩:୫୩-୫୮; ଲୁକ ୪:୧୭-୩୦)

୧ ଜୀସୁ ଏ ଟାୟୁ ପିସାନା ତାନୁ ପାତାଆଡି ନାୟୁତା ହାଚେସି ଇଞ୍ଜା ତାନି ସୀସୁୟାଁ ତାନି ଜେଚ ହାଚେରି ।

୨ ଜମିନି ଦିନା ଖାହାଲିଏ, ଏଞ୍ଜାସି ଜୀହୁଦି ଲକୁଡି କୁଟମି ଇଲୁଡା\* ଜାପୁହାଲି ମାଟ୍‌ହେସି; ଇଞ୍ଜା ହାରେକା ତାନି କାତା ଖେଞ୍ଜାନା କାବା ଆହାଁ ଏଲେଇଚେରି, “ଇଞ୍ଜାଣାକି ଇ ବାରେ ଏମ୍ବିଟି ଆଡେ ? ଇଞ୍ଜାସି ଇଲେଡି ବୁଦି ଏନିକଁ ପୁଚେସି ? ଇଞ୍ଜା ଇଲେଡି କାବାଆନି କାମା ଏନି ବାଡ଼ୟୁ ତଲେ କିହିମାନେସି ?”

୩ ଇଞ୍ଜାସି ଏ ବାଡ଼ିୟାଡି ମୀରଏସି ଆଏକି ? ଇଞ୍ଜାସି ମରିୟମନି ମୀରଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନଡି ତାୟି ଆଏକି ? ଇଞ୍ଜା ତାନି ତାଜିମ୍ବା ଇମ୍ବାଆଁ ମା ତଲେ ହିଲାଡ କି ? ଅଡେ ଏଞ୍ଜାରି ଏଞ୍ଜାଣାଇଁ ଅପାଆତେରି ।

୪\*ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣପୁଡି ବଲୁ ଖେହ୍‌ନାରି ଏଟ୍‌କା ଲକୁ ତାଣାଟି ମାନି ବେଟାଆନେରି ସାମା ତାନି ନାୟୁଡି ଲକୁ ଇଞ୍ଜା ତାନି ଇଲୁ କୁଟମିଡି ଲକୁ ଏଞ୍ଜାଣାଇଁ ମାନି କିଅରି ।”

‡ ୫:୨୨ ସିନଗର   \* ୬:୨ ସିନଗର   ✦ ୬:୪ ଜହ ୪:୪୪

୫ ଇଞ୍ଜା ଏତରଜାଣା ରଗ ଗାଟାରାଇଁ କେୟୁ ଇଚାନା ନେହୁଁ କିନାଣି ପିସପେ ଏ ଟାୟୁତା ଏନି ବାଡ଼ୟୁତି କାମା କିହାଲି ଆଡ଼ାଆତେସି ।

୬ ଇଞ୍ଜା ଏଝାରି ନାମାଆତାକି ଜୀସୁ ହାରେକା କାବା ଆଡ଼େସି ଏମ୍ବାଟି ବାରେ ନାସକାଣାଁ ହାଜାନା ଜାପୁହେସି ।

ଜୀସୁ ବାରଜାଣା ସୀସୁୟାଣି ପାଣ୍ଡିନାୟି  
(ମାତି ୧୦:୫-୧୫; ଲୁକ ୯:୧-୬)

୭ ତାୟୁ ଏଝାସି ନାସକା ନାସକାଣାଁ ରେଜି ରେଜିହୁଁ ଜାପୁହାଲି ମାଟୁହେସି, ଏମ୍ବାଟିଏ ବାରଜାଣାତି ତାରେ ହାଟାନା ଏଝାରାଇଁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜା ଲାଗେଏ ପଲେଏତି ଜୀସୁୟାଁ ଲାକ ଏଝାରାକି ଅଦିକାରା ହାତେସି,

୮ ଅଡ଼େ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଟଡ଼ିତା ଟାକାୟାଁ ଅଆଦୁ ଇଞ୍ଜୁଁ ହୁକୁମି ହାତେସି;

୯ ସାମା ଏଝାରାଇଁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜା ରୀ ସକାୟାଁ ତୁରହାଲି କାହି କିତେସି ।

୧୦ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ମିଜା ଆମିନି ଇଲୁତା ହାଟାନେରି, ଏମ୍ବାଟି ଖେଣ୍ଡା ଖାଆ ପାତେକା ଏମ୍ବାଆଁ ତୟାଦୁ ।

୧୧ ✠ସାମା ଆମିନି ଟାୟୁତି ଲକୁ ମିଜା ଆବଅରି, କି ମୀ କାତା ଖେନଅରି, ଏମ୍ବାଟି ଖେଣ୍ଡା ଖାନାଟି ଏଝାରି ନକିତା ସାକି ହାହାଲି ତାକି ମୀ କତାତି ଦୁଡ଼ି ହାଣଦୁ ।”

୧୨ ଏମ୍ବାଟିଏ ଏଝାରି ରେଜି ରେଜିହୁଁ ପାପୁ ପିସାନା ମନ ଖେଟ୍ଟି କାତା ଖେକହେରି,

୧୩ ✠ଇଞ୍ଜା ହାରେକା ବୁଡ଼ୁଣି ପିସପି କିତେରି, ଇଞ୍ଜା ହାରେକା ରଗ ଗାଟାରାଇଁ ନିୟୁଁ ରୁବାନା ନେହୁଁ କିତେରି ।

ବାପ୍ତିସ୍ମା ହାନି ଜହନତି ହାନାୟି  
(ମାତି ୧୪:୧-୧୨; ଲୁକ ୯:୭-୯)

୧୪ ✠ଏମ୍ବାଟିଏ ଜୀସୁ ଦରୁ ସାରି ଖାକି ଖେଜା ହାଜାଲିଏ ହେରଦ ରାଜା ଏଝାଣି କାତା ଖେଚେସି, ଇଞ୍ଜା ଲକୁ ଏଲେଇଞ୍ଜିମାଚେରି, “ବାପ୍ତିସ୍ମା ହାନି ଜହନ ହାଡ଼ାରି ତାଣାଟି ନିଜାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୟୁତି କାମା ଏଝାଣି ତାଣା ଆହିମାନେ ।”

୧୫ ସାମା ଏଟକାତାରି ଏଲେଇଞ୍ଜିମାଚେରି, “ଇଝାସି ଏଲିୟୁ ।”

ଇଞ୍ଜା ଅଡ଼େ ଏତରଜାଣା ଏଲେଇଞ୍ଜିମାଚେରି, “ମାହାପୁରୁ ଅଣ୍ଟପୁତି ବଲୁ ଖେହନାରି ଲେହେଁ ଇଝାସି ଜିକେଏ ମାହାପୁରୁ ଅଣ୍ଟପୁତି ବଲୁ ଖେହନାସି ।”

୧୬ ସାମା ହେରଦ ଇଦାଆଁ ଖେଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଝାସି ନିଜାମାନେସି !”

୧୭ ✠ଇଚିହୁଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଚାକି, ଏଦାନି ତାକି ତାନୁ

ଲକୁଣି ପାଣ୍ଡାନା ଜହନଇଁ ଦସପା ତାଚାନା କାୟିଦିତା ଇଟାମାଚେସି ।

୧୮ ଇଚିହୁଁ ଜହନ ହେରଦଇଁ ଏଲେଇଞ୍ଜାମାଚେସି, “ନୀ ତାୟି ତକ୍ତିନି ଇଚିନାୟି ନୀ ମେରା ହିଲିଆତେ ।”

୧୯ ଏମ୍ବାଟିଏ ହେରଦିୟା କାରବି ଆହାନା ଜହନଇଁ ପାୟାଲି ମନ କିହିମାଚେ ସାମା ଏଡ଼ି ଏନାଆଁ କିହାଲି ଆଡ଼ିହିଲିଆତେ ।

୨୦ ଇଚିହୁଁ ହେରଦ ଜହନଇଁ ର ଦାମ୍ବୁଗାଟାସି ଅଡ଼େ ସୁଦୁଗାଟାସି ଇଞ୍ଜୁଁ ଆଜିମାଚେସି, ଇଞ୍ଜା ଏଝାଣାଇଁ ଗେଲପାଲି ଅଣ୍ଟପିମାଚେସି, ଏଝାଣି କାତା ଖେଜାନା ଆଜିତିହୁଁ ଜିକେଏ ଏଝାଣି କାତା ଖେଜାଲି ମନ କିହିମାଚେସି ।

୨୧ ତାୟୁ ହେରଦିୟାକି ର ପାରୁ ମେଡ଼ାଆଡ଼େ, ହେରଦ ତାନି ଜାନା ଦିନାତା କାଜା କାଜା ମନ୍ତ୍ରିୟାଣି ଇଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲତା ର ବଜିତା ହାଟିତେସି;

୨୨ ଇଞ୍ଜା ହେରଦିୟାନି ମାଜା ବିତ୍ତା ହାଜାନା ଏନାହାଁ ହେରଦ ଇଞ୍ଜା ତାନିତଲେ ବଜିତା କୁଗାମାଟି ଲକୁଣି ରାହାଁ କିଝିକିତେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହିମାଞ୍ଜି ରୀସ୍ତାମୁ ନାନୁ ଏଦାଆଁ ନିଜେ ହିୟାଇଁ ।”

୨୩ ଇଞ୍ଜା ଏଝାସି ପଦା ନକିତା ପାରମାଣା କିତେସି, “ନୀନୁ ନାଜେ ଏନାଆଁ ରୀସ୍ତାଦି, ରାଜିତି ଆଦା ଜିକେଏ ନାନୁ ନିଜେ ହିୟାଇଁ !”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଖେଚେ, “ନାନୁ ଏନାଆଁ ରୀହଇଁ ?”

ଏମ୍ବାଟିଏ ଏଡ଼ି ଏଲେଇଚେ, “ବାପ୍ତିସ୍ମା ହାନି ଜହନତି ତାୟୁଁ ।”

୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରୀସ୍ତେ, “ନାଜେ ନୀନୁ ବାପ୍ତିସ୍ମା\* ହାନି ଜହନତି ତାୟୁଁ ରୁ ସାଡ଼ୁଝାତା ନୀଏଁ ନାଜେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହୁଁ ଜିକେଏ, ତାନୁ କିତି ପାରମାଣା ଅଡ଼େ ବଜିତା କୁଗାମାଚାରି ତାକି ଆଏ ଇଞ୍ଜାଲି ଆଡ଼ାଆତେସି ।

୨୭ ଏଦାଆଁତାକି ରାଜା ଦେବୁଣିଏ ର କହୁଏଣାଇଁ ପାଣ୍ଡାନା ତାନି ତାୟୁଁ ତାଚାଲି ହୁକୁମି ହାତେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟୁଁ ଦୁାଡ଼େସି;

୨୮ ଅଡ଼େ ଏଦାଆଁ ର ସାଡ଼ୁଝାତା ତାଚାନା ପଦାନାକି ହାତେସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହାତେ ।

୨୯ ଇଞ୍ଜା ଜହନତି ସୀସୁୟାଁ ଏ କାତା ଖେଜାନା ଖାଡ଼େରି, ଇଞ୍ଜା ତାନି ମାଡ଼ହାତି ଅହାନା ମାଡ଼ହା ଇଚିନି ଟାୟୁତା ଇଚିଚେରି ।

ଜୀସୁ ପାସାମାଣା ଲକୁତାକି ତୀହନାୟି  
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

✠ ୭:୧୧ କାମା ୧୩:୫୧ ✠ ୭:୧୧ ଲୁକ ୧୦:୪-୧୧ ✠ ୭:୧୩ ଜାକୁବ ୫:୧୪ † ୭:୧୩ ମୁଞ୍ଜିନାୟି ✠ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୭:୧୪ ମୁଞ୍ଜିନାୟି ✠ ୭:୧୭ ଲୁକ ୩:୧୯, ୨୦ § ୭:୨୪ ମୁଞ୍ଜିନାୟି \* ୭:୨୫ ମୁଞ୍ଜିନାୟି



୩୦ ତାମ୍ଭୁ ପାଣ୍ଡୁ ଆହାମାଚାରି ଜୀସୁ ତାଣା ଖାତେରି, ଇଞ୍ଜା ଏଞ୍ଜାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି ।

୩୧ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଟାମ୍ଭୁତା ହାନ, ଏମ୍ବାଆଁ ମୀରୁ ଗାଡେକା ଜମାଦୁ ।” ଇଚିହ୍ ହାରେକା ଲକୁ ହାଜି ଖାହି ଆହିମାଚାକି ଏଞ୍ଜାଣାକି ତିଞ୍ଜାଲି ଜିକେଏ ମୁଆତେ ।

୩୨ ଏମ୍ବାଟିଏ ଏଞ୍ଜାରି ଏଟକା ଆହାନା ର ଡଂଗତା ହତାନା ଲକୁ ହିଲାଆ ଟାମ୍ଭୁତା ହାଚେରି ।

୩୩ ସାମା ହାରେକା ଲକୁ ଏଞ୍ଜାରି ହଟା ହାଚାଣି ମେସ୍ତେରି ଅଡେ ପୁଚେରି, ଇଞ୍ଜା ଲକୁ ବାରେ ଗାଡ଼ାୟାଟି ତାକିହ୍ ହାଜାନା ଏଞ୍ଜାରି ନକିତା ଏଗାହାଚେରି ।

୩୪ ☆ଏଞ୍ଜାସି ଡଂଗଟି ରେଚାନା ହାରେକା ଲକୁଣି ମେସାନା ଏଞ୍ଜାଣାଇଁ କାର୍ମା ଆଡେସି, ଇଚିହ୍ ଏଞ୍ଜାରି ଗଡୁ ହିଲାଆ ମେଣ୍ଡାୟା ଲେହେଁ ମାଚେରି; ଇଞ୍ଜା ଏଞ୍ଜାସି ଏଞ୍ଜାଣାଇଁ ହାରେକା କାତା ଜାପୁହେସି ।

୩୫ ଗାତି ଖେଡ଼ାଆୟାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇଚେରି, “ଇ ଟାମ୍ଭୁ ଲକୁ ହିଲାଆ ଟାମ୍ଭୁ ଇଞ୍ଜା ଆନ୍ଦେରି ଜିକେଏ ଆହିମାନେ;

୩୬ ଲକୁ ଏନିକ୍ ସାରିଖାକି ମାନି ଖାଲହାଖାଡ଼ି ଅଡେ ଗାଡ଼ାତା ହାଜାନା ତାମ୍ଭେ ତାକି ତିଞ୍ଜାଲି ରାନ୍ଦା କଡାପେରିଖା, ଏଦାଆଁତାକି ଏଞ୍ଜାଣାଇଁ ହେଲ ହାହାନା ପାଣ୍ଡାମୁ ।”

୩୭ ସାମା ଜୀସୁ ତାନି ସୀସୁୟାଁ ଏଲେଇଚେସି, “ମୀରୁ ଏଞ୍ଜାଣାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମାର ରୀ ଖାଞ୍ଜା ଖେଣ୍ଡି ଟାକାୟାତି† ରୁଟି ତାଚାନା ଇଞ୍ଜାଣାକି ତିଞ୍ଜାଲି ହୀନାୟି କି ?”

୩୮ ଜୀସୁ ଏଞ୍ଜାଣାଇଁ ଏଲେଇଚେସି, “ମୀ ତାଣା ଏଚରଗଟା ରୁଟି ମାନୁ ? ହାଜାନା ସିନିକିଦୁ ।”

ଏଞ୍ଜାରି ଖେଞ୍ଜା ଖାହାନା ଜୀସୁଇଁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣ୍ଡାକା ମାନୁ ।”

୩୯ ଇଞ୍ଜା ଜୀସୁ ତାନି ସୀସୁୟାଁ ଏଲେଇଚେସି, ବାରେ ଲକୁଇଁ ଗଟି ଗଟି କିହ୍ କୁଗି ଜାଡ଼ା ଲାକ କୁଗିକିହାଲି ଖେସ୍ତେସି ।

୪୦ ଏଚେଟିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହ୍ କୁଗିଚେରି ।

୪୧ ତାମ୍ଭୁ ଜୀସୁ ଏ ପାସାଗଟା ରୁଟି ଇଞ୍ଜା ରୀ ମୀଣ୍ଡାକା ଅହାନା ଲାକପୁରୁ ଖାକି ସିନିକିହା ମାହାପୁରୁଇଁ ଜହରା କିଚେସି, ଅଡେ ରୁଟି ଡିକହାନା ଲକୁତାକି ବାଟି କିହା ହୀହାଲି ତାନି ସୀସୁୟାଁକି ହୀଚେସି, ଇଞ୍ଜା ରୀ ମୀଣ୍ଡାକା ଜିକେଏ ଏଲେକିହ୍ ଏ ବାଗା କିହାନା ହୀଚେସି ।

୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିଚେରି,

୪୩ ଇଞ୍ଜା ଏଞ୍ଜାରି ହାଚାମାଟି ରୁଟି ଅଡେ ମୀଣ୍ଡାକା କୃଡ଼ି କିହାନା ବାଚରଗଟା ତାଲିତା ନେଞ୍ଜିକିଚେରି ।

୪୪ ରୁଟି ତିଟି ଲକୁ ପାସାମାଣା ଖାଚଇ ଆବାୟାଁ ମାଚେରି ।

ଜୀସୁ ଏମ୍ଭୁ ଲାକ ତାକିନାୟି (ମାତି ୧୪:୨୨-୩୩; ଜହ ୭:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସୀସୁୟାଁଣି ଡଂଗତା ହତାନା ଆତାଲାଖାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହୀହାଁ ପାଣ୍ଡିଚେସି ।

୪୬ ଏଞ୍ଜାରି ତାଣାଟି ହେଲ ଅଡ଼ି ତାମ୍ଭୁ ଏଞ୍ଜାସି ପ୍ରାତାନା କିହାଲି ହରୁତା ହାଚେସି ।

୪୭ ମିଡ଼ଅଲ୍ଲା ଆହାଲିଏ ଡଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀସୁ ସାମ୍ବୁରି ଗାଟୁତା ରଅସିଏ ମାଚେସି ।

୪୮ ଏମ୍ବାଟିଏ ହାରେକା ଗାଲି ଏଞ୍ଜାରି ଖାକି ଖେଟିମାଚାକି ଡଂଗ ତାକି କିହାଲି କସ୍ ଆହିମାଚାଣି ମେସାନା ଏଞ୍ଜାସି ଖେୟା ନେକେରି ସାମ୍ବୁରି ଏମ୍ଭୁ ଲାକ ତାକିହ୍ ଏଞ୍ଜାରି ତାଗେ ଖାଚେସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ପାମାଚେସି,

୪୯ ସାମା ଏଞ୍ଜାରି ଏଞ୍ଜାଣାଇଁ ସାମ୍ବୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜା ଅଣ୍ପାମା କାଲ୍ଡି ଆଚେରି ।

୫୦ ଇଚିହ୍ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାଚେରି ।

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାଣାଇଁ ଏଲେଇଚେସି, “ସାସା ଆହଦୁ ନାନୁଏ ଏଞ୍ଜାଚେସ୍, ଆଜାଆଦୁ ।”

୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ଡଂଗତା କୁଗିଚେସି, ଇଞ୍ଜା ଗାଲି ତୁଙ୍ଗିଚେ, ଏମ୍ବାଟିଏ ଏଞ୍ଜାରି ମନ୍ ମନ୍ତା ହାରେକା କାବା ଆଚେରି ।

୫୨ ଇଚିହ୍ ଏଞ୍ଜାରି ରୁଟିୟାଁ କାତା ପୁଣ୍ଡୁସୁ ପୁଞ୍ଜାହିଲାଆଚେରି, ଏନାଆଁତାକି ଇଚିହ୍ ଏଞ୍ଜାରି ହିୟା ଆଟୁଖା ଆହାମାଚେ ।

ଗେନେସର ରଟା ଗାଟାଣାଇଁ ନେହ୍ କିନାୟି (ମାତି ୧୪:୩୪-୩୬)

୫୩ ଏଞ୍ଜାରି ସାମ୍ବୁରି ଗାଣ୍ଡାଚାନା ଗେନେସର ରାଜିତା ଏଜାନା କାତା ଗାଟୁତା ଡଂଗଟି ଦସ୍ତେରି ।

୫୪ ଅଡେ ଏଞ୍ଜାରି ଡଂଗଟି ରେଚାଲିଏ, ଦେବୁଣିଏ ଲକୁ ଏଞ୍ଜାଣାଇଁ ପୁଞ୍ଜାନା,

୫୫ ଏ ରାଜିତି ସାରିଖାକି ହାଚେରି, ଏଞ୍ଜାରି ଆମିନି ଟାମ୍ଭୁତା ମାନେରି ଇଞ୍ଜା ଖେଚେରି, ଅଡେ ଜୀସୁ ମାନି ଟାମ୍ଭୁତା ରଟା ଗାଟାଣାଇଁ କାଚେଲିତା ଡେକା ତାଚାଲି ମାଟୁହେରି ।

୫୬ ଇଞ୍ଜା ଏଞ୍ଜାସି ଆମିନି ନାସ୍କା, ଅଡେ ଗାଡ଼ାତା ହାଚେସି, ଲକୁ ଏ ବାରେ ଟାମ୍ଭାତି ହାଟା ବାଜାଚାଟି ରଟା ଗାଟାଣାଇଁ ଏଞ୍ଜାଣି ନକିତା ଏଞ୍ଜାଣାଇଁ ଇଚିଚେରି, ଏଞ୍ଜାରି ଏନିକ୍ ଏଞ୍ଜାଣି ହିମ୍ବୁରି କୁଞ୍ଜୁ ତାଗିନେରି, ଏଦାଆଁତାକି ଏଞ୍ଜାଣାଇଁ ବାତିମାଲିଚେରି; ଇଞ୍ଜା ଏଚେକା ଲକୁ ଏଞ୍ଜାଣାଇଁ ତାଗିଚେରି ଏଞ୍ଜାରି ବାରେ ନେହ୍ ଆଚେରି ।

☆ ୭:୩୪ ମାତି ୯:୩୭ † ୭:୩୭ ର ଦିନାତି ବୁଡି ର ଖେଣ୍ଡି ଟାକା



**ଆକୁ ଆବାୟାତି ପାଣାପାଚୁ**  
(ମାତି ୧୫:୧-୯)

୧ ତାୟୁ ପାରୁସିୟା ଅଡ଼େ ଜିରୁସାଲମଟି ଖାହାମାନି ଏଚରଜାଣା ମୋରାପୁନାରି ଜାସୁ ତାଣା ରୁଣ୍ଡା ଆଡ଼େରି ।

୨ ଏଞ୍ଜାରି ସାସୁୟା ବିତ୍ରାଟି ଏଚରଜାଣାତି କେସ୍ମା ନରୁଆନା ତିଞ୍ଜି ମାଟାଣି ମେସ୍ତେରି ।

୩ ପାରୁସିୟା ଅଡ଼େ ବାରେ ଜାହୁଦି ଲକୁ ଆକୁ ଆବାୟା ଇଟାମାନି ମୋରାତି ମାନୁଞ୍ଜି ଆହାନା ନେହୁକି କେୟୁ ନରୁଆସାରେ ତିଞ୍ଜି ହିଲାଆଡେରି,

୪ ଇଞ୍ଜା ହାଟା ବାଜାରାଟି ଖାହାନା ତାନି ଲାକ ଏୟୁ ତାଞ୍ଜା କଡାଆନା ତିଞ୍ଜି ହିଲାଆଡେରି; ଅଡ଼େ ଗିନା ମୁତା ଇଞ୍ଜା ପିତାଡା ଡକାୟା, ପାସ୍ପନି ନରୁନାୟି, ଇଲେତି ହାରେକା ମୋରା ମାନୁଞ୍ଜି ଆହାଲି ହୁକୁମି ବେଟା ଆହାମାନେରି ।

୫ ଏଦାଆଁତାକି ପାରୁସିୟା ଅଡ଼େ ମୋରାପୁନାରି ଜାସୁଇଁ ଖେଚେରି, “ନୀ ସାସୁୟା ତଲିତି ଆକୁ ଆବାୟା ମୋରା ତଲେ ତାକାଆନା ଏନାଆଁତାକି କେସ୍ମା ନରୁଆନା ତିନେରି ?”

୬ ଜାସୁ ଏଞ୍ଜାରାଇଁ ଏଲେଇଚେସି, “ଆଡ଼େ କୁଟୁ ଗାଟାଡେରି, ମାହାପୁରୁ ଅଣ୍ଟପୁତି ବଲୁ ଖେହୁନି ଜିସାୟ ନେହୁକି ଇ କାତା ଖେସାମାନେସି, ଏନିକି ରାସ୍ପକି ଆହାମାନେ;

ଇ କୁଡାତାରି ଖାରଇ ଗୁତି ତଲେ ନାଞ୍ଜେ ସେବା କିୟାନେରି,

ସାମା ଏଞ୍ଜାରି ହିୟା ନା ତାଣାଟିଏ ହାରେକା ହେକ ଡୟିନେ ।

୭ ଏଞ୍ଜାରି ମାଣ୍ଡସିୟା କେପିତି ମୋରାତି ଦାମୁତି ନେହୁକି କାତା ଇଞ୍ଜା ଜାପୁହାନା, ଉଜେଏ ନା ସେବା କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା ମାଣ୍ଡସିୟା ମୋରାତି ଆସାମାଞ୍ଜେରି ।”

୯ ଅଡ଼େ ଜାସୁ ଏଞ୍ଜାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଡେରି ।

୧୦ ଇତିହୁକି ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜାଞ୍ଜନଦୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଇଁ ବାକା ଇଟିନେସି, ଏଞ୍ଜାସି ହାନି ତଣ୍ଡ ବେଟା ଆନେସି ।’

୧୧ ମୀରୁ ଜାପୁହ ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା ତାଣାଟି ଏନାଆଁ ହିୟାତିହୁକି ନିଞ୍ଜେ ନେହେଁ ଆଡେମା, ଏଡ଼ି କର୍ବାନ ଇତିହୁକି ମାହାପୁରୁ ତାକି ହେରପି ଆହାମାନାୟି ।

୧୨ ଇଞ୍ଜା ମୀରୁ ଏଲେକିହୁକି ତାନି ଇୟା କି ଆବାଇଁ ଏଡ଼ି ସାୟେମି କିହାଲି ହାହି ହିଲଅଡେରି;

୧୩ ଏଲେକିହୁକି ଏ ମୀରୁ ମୀ ତାଣା ମାନି ମୋରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହୁକି ହାରେକା କାମା କିହିମାଞ୍ଜେରି ।”

**ମାଣ୍ଡସିଇଁ ଲାଗେଏ କିନାୟି**  
(ମାତି ୧୫:୧୦-୨୦)

୧୪ ଜାସୁ ଅଡ଼େ ଖେଣ୍ଡେ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ମୀରୁ ବାରେ ନା କାତା ଖେଞ୍ଜୁ ଅଡ଼େ ତେଲହାଦୁ ।

୧୫ ମାଣ୍ଡସିତି ପାଞ୍ଜାତା ଇଲେତି ଏନାୟି ହିଲେଏ, ଏଡ଼ି ମାଣ୍ଡସି ବିତ୍ରା ହଡାନା ଏଞ୍ଜାଣାଇଁ ଲାଗେଏ କିହାଲି ଆଡ଼ିନେ, ସାମା ଏନା ଏନାୟି ମାଣ୍ଡସି ତାଣାଟି ହଡ଼ିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ ।”\*

୧୬ ଖେଞ୍ଜାଲି କାର୍କା ମାନାସି ଖେଣ୍ଡାସି ।

୧୭ ଅଡ଼େ ଏଞ୍ଜାସି ଲକୁ ତାଣାଟି ଲକୁ ବିତ୍ରା ଖାହାଲିଏ ତାନି ସାସୁୟା ଏଞ୍ଜାଣାଇଁ ପୁଣ୍ଡିକିନି କାତାତି ଅର୍ଡ ଖେଚେରି ।

୧୮ ଏମ୍ବାଟିଏ ଜାସୁ ଏଞ୍ଜାରାଇଁ ଏଲେଇଚେସି, “ମୀରୁ ଜିକେଏ ଏଲେକିହୁକି ଏ ପୁନାଆ ଗାଟାଡେରି ? ଏନାୟି ପାଞ୍ଜାଟି ମାଣ୍ଡସି ବିତ୍ରା ହଡ଼ିହୁକି ଏଡ଼ି ଏଞ୍ଜାଣାଇଁ ଲାଗେଏ କିହାଲି ଆଡେଏ,

୧୯ ଇତିହୁକି ଏଡ଼ି ଏଞ୍ଜାଣି ହିୟାତା ହଡ଼ଆନା ବାଣ୍ଡିତା ହଡ଼ନେ ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ ଇଲେଆହୁକି ବାରେ ରାନ୍ଦା ଅଡ଼ିହୁ ଆହିମାନେ, ଇଦାଆଁ ପୁଞ୍ଜି ହିଲଅଡେରି ?”

୨୦ ଅଡ଼େ ଏଞ୍ଜାସି ଏଲେଇଚେସି, “ଏନାୟି ମାଣ୍ଡସି ତାଣାଟି ହଡ଼ିମାନେ ଏଡ଼ି ଏଞ୍ଜାଣାଇଁ ଲାଗେଏ କିହିମାନେ ।

୨୧ ଇତିହୁକି ମାଣ୍ଡସି ହିୟା ବିତ୍ରାଟି ଲାଗେଏତି ଅଣ୍ଟପୁ ହୁନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି,

୨୨ ଜୁପକା, ଲାଗେଏ ପଲେଏ କାମା, ନାଡ଼ିକିନାୟି, ତାହାରା, ନିନ୍ଦା କିନାୟି, ତାହାରା ଆନାୟି, କାରୁବି ଆନାୟି;

୨୩ ଏଲେତି ଲାଗେଏତାୟି ବିତ୍ରାଟି ହଡ଼ାଞ୍ଜାହାନା ମାଣ୍ଡସିଇଁ ଲାଗେଏ କିହିମାନେ ।”

**ର ଇୟାନି ନାମୁ**  
(ମାତି ୧୫:୨୧-୨୮)

୨୪ ଏମ୍ବାଟିଏ ଜାସୁ ଏ ଗାୟୁ ପିସାନା ସରତି ହାଦି ଖାକି ହାଚେସି, ଇଞ୍ଜା ର ଇଲୁତା ହଡାନା ଏନିକି ଆମ୍ବାଆରି ପୁନଅରି ଇଞ୍ଜା ଅଣ୍ଟପିମାଚେସି, ସାମା ଏଞ୍ଜାସି ଡଗୁାନା ଡୟାଲି ଆଡ଼ାଆଡେସି ।

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଞ୍ଜାନି ବୁଡୁ ଆଲଗାମାଚେ, ଏଡ଼ି ଜାସୁ କାତା ଖେଞ୍ଜାନା ଖାହାଁ ଏଞ୍ଜାଣି କଡାଣା ରାଡେ ।

୨୬ ଏ ଇୟା ସୁରପୟିନିକି ଜାଡ଼ିତି ର ଗ୍ରିକ ଇୟା ମାଚେ, ତାନି ମାଞ୍ଜାନି ତାଣାଟି ବୁଡୁ ପିସପି କିହାଲି ଏଡ଼ି ଜାସୁଇଁ ବାଡିମାଲିଡେ ।

\* ୭:୧୫ ଏଚେକା ସାସ୍ତେରିତା ୧୫ ପଦ କେଚ ଡକକା ମାନି ବଲୁତି ୧୭ ପଦୁତା ରାସ୍ପକି ଆହାମାନେ;

୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହୁଁ କକାରି ପଦାୟାଁ ରାନ୍ଦା ଅହାନା ନେସକା ନକିତା ମେଡୁନାୟି ନେହେଁ ଆଏ ।”

୨୮ ସାମା ଏଡି ଏଝାଣାଇଁ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟାଁ ତ୍ରକହାମାନି ଲିତାତି ପେରହା ତିନୁ ।”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଙ୍ଗାନି ତାଣାଟି ବୁଡୁ ହଡ଼ା ହାଚେୟିଏ, ହାଲାମୁ ।”

୩୦ ଇଞ୍ଜାଁ ଏଡି ଇଜ ହାଜାନା ତାନି ମାଙ୍ଗା ପାସ୍ପଦିତା ହୁଞ୍ଜାମାନାଣି ଇଞ୍ଜାଁ ବୁଡୁ ହଡ଼ା ହାଜା ମାନାଣି ମେସ୍ତେ ।

**ର ବେରା ଅଡ଼େ ଗୁଲାଇଁ ଜୀସୁ ନେହୁଁ କିନାୟି**

୩୧ ଅଡ଼େ ଝେଣ୍ଡେ ଏଝାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସକାଁ ହାନ୍ଦି ହାହାନା ଗାଲିଲି ସାମ୍ବୁରି ତାଗେ ଝାଡ଼େସି ।

୩୨ ଇଞ୍ଜାଁ ଲକୁ ର ବେରା ଅଡ଼େ ଗୁଲାଇଁ ଏଝାଣି ନକିତା ତାଚାନା ଏଝାଣିଲାକ କେୟୁ ଇଟାଲି ବାଡିମାଲିତେରି ।

୩୩ ଜୀସୁ ଲକୁ ତାଣାଟି ରଅଣାଇଁଏ ଏଚକା କିହା ଅହାନା ଏଝାଣି ରୀ କୀକାଣା ତାନି ଝାସକା ଇଚିତେସି ଅଡ଼େ ହୁପାନା ଏଝାଣି ଝେନ୍ଦରି ତାଗିତେସି,

୩୪ ଅଡ଼େ ଲାକପୁରୁ ଝାକି ସିନିକିହାନା ଗାଡିକିହୁଁ ନେଞ୍ଜାନା ଏଝାଣାଇଁ ଏଲେଇରେସି, “ଇପ୍ପତ” ଇଚିହୁଁ “ଦେପି ଆମୁ ।”

୩୫ ଏମ୍ବାଟିଏ ଏଝାଣି କୀକା ଦେପିଆଡୁ, ଇଞ୍ଜାଁ ଝେନ୍ଦରିତି ଜାଲା ଏ ଦେବୁଣିଏ ଗୁଚାଆଡେ, ଇଞ୍ଜାଁ ଏଝାସି ନେହୁଁ କୁଁ ଜଲାଲି ଆଡ଼ିତେସି ।

୩୬ ଇଞ୍ଜାଁ ଏ କାତା ଆମ୍ବାଆରାଇଁ ଝେହୁଆଦୁ ଇଞ୍ଜୁଁ ଏଝାରାଇଁ ଗାଡିକିହୁଁ ହୁକୁମି ହାତେସି; ସାମା ଏଝାସି ଏଝାରାଇଁ ଏଚେକା କାହି କିତେସି, ଏଝାରି ଏଚେକା ଗାଡି ଝେକହେରି ।

୩୭ ଅଡ଼େ ଲକୁ କାବାଆହାନା ଏଲେଇରେରି, “ଏଝାସି ବାରେ କାମା ନେହୁଁ କୁଁ କିହିମାନେସି; ଏଝାସି ବେରାୟାଁଇଁ ଝେଞ୍ଜାଲି ଗୁଲାୟାଁଇଁ ଜଲିନି ବାଡ଼ୁଜୁ ଜିକେଏ ହାହିମାନେସି ।”



**ଜୀସୁ ସାରି ମାଣା ଲକୁକି ତିଞ୍ଜାଲି ହାନାୟି (ମାତି ୧୫:୩୨-୩୯)**

୧ ଏଚିବେଲାତା ହାରେକା ମାନ୍ଦା ଲକୁ ରୁଣ୍ଡା ଆଡ଼େରି, ଅଡ଼େ ଏଝାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସୀସୁୟାଁଣି ତାଗେ ହାଚାନା ଏଝାରାଇଁ ଏଲେଇରେସି,

୨ “ଲକୁତାକି ନାଙ୍ଗେ କାମା ହଡ଼ିମାଞ୍ଜାନେ, ଇଚିହୁଁ ଇଝାରି ତାନିଦିନା ଆଡ଼େରିଏ ନା ତଲେ ମାଞ୍ଜାମାନେରି, ଅଡ଼େ ଇଝାରି ତାଣା ଏନାୟି ତିନାୟି ହିଲେଏ ।

୩ ଏଝାରାଇଁ ତୀହୁଆନାଁ ପାଣ୍ଡିସାରେ, ଝେଣ୍ଡାହାନାଟି ଏଝାରି ହାହା ଜିକେଏ ହାନ୍ଦେରି । ଏଝାରି ବିତ୍ରାଟି ଏଚରଜାଣା ହେକଟି ଝାହାମାନେରି ।”

୪ ସୀସୁୟାଁ ଏଝାଣାଇଁ ଏଲେଇରେରି, “ଇମ୍ବାଆଁ ଇ ଲକୁ ହିଲାଆ ଟାୟୁତା ଆମ୍ବାଆସି ଆମ୍ବିଟି ରୁଟି ତାଚାନା ଇଝାରାଇଁ ପାଞ୍ଜି କିନେସି?”

୫ ଜୀସୁ ଏଝାରାଇଁ ଝେରେସି, “ମୀ ତାଣା ଏଚରଗଟା ରୁଟି ମାନୁ?”

ଏଝାରି ଏଲେଇରେରି, “ସାଡାଗଟା ।”

୬ ଏମ୍ବାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହାତେସି; ଅଡ଼େ ଏଝାସି ସାଡାଗାଟା ରୁଟି ଅହାନା ଜହରା କିହାନା ଏ ବାରେ ଡିକହାନା ବାଟି କିହାଲି ତାନି ସୀସୁୟାଁକି ହାତେସି, ଅଡ଼େ ଏଝାରି ଲକୁତାକି ବାଟି କିହା ହାତେରି ।

୭ ଇଞ୍ଜାଁ ଏଝାରିତାଣା ଏଚରଗଟା ଡ଼ଣା ମୀଣକା ମାରୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହାହାଲି ସୀସୁୟାଁଇଁ ଏଲେଇରେସି ।

୮ ଏମ୍ବାଟିଏ ଏଝାରି ତିଞ୍ଜାନା ପାଞ୍ଜିତେରି ଇଞ୍ଜାଁ ହାରିତାଣି ସାଡା ତାଲି କୁଡ଼ି କିତେରି ।

୯ ଏଝାରି ବାରେ ସାରି ମାଣା ଲକୁ ମାରେରି । ଏଚେଟିଏ ତାୟୁ ଏଝାରାଇଁ ହେଲ ହାତେସି,

୧୦ ଇଞ୍ଜାଁ ଦେବୁଣିଏ ତାନି ସୀସୁୟାଁ ତଲେ ଡ଼ଗଟା ହଡ଼ାନା ଦଲ୍‌ମନୁ ଗାଡ଼ାତା ହାଚେରି ।

**ପାରୁସିୟାଁ ସିନା ରାହନାୟି (ମାତି ୧୬:୧-୪)**

୧୧ \*ତାୟୁ ପାରୁସିୟାଁ ଝାହାନା ଜୀସୁତଲେ ବାଡ଼ିବାଡ଼ା କିହାଲି ମାଟୁହେରି ଇଞ୍ଜାଁ ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି ।

୧୨ \*ଜୀସୁ ଜୀସୁତା କିଲିବିଲି ଆହାନା ଗାଡି ନେଞ୍ଜାନା ଝେସ୍ତେସି, “ଇ ଜୁଗୁଡି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଙ୍ଗେ ସାଡା ଝେସିମାଞ୍ଜାଇଁ, ନୀଏଁତି ମାଣ୍ଡସିକି ଏଡି ସିନା ହାପକି ଆଏ ।”

୧୩ ଅଡ଼େ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ଡ଼ଗଟା ହଡ଼ାନା ଆତାଲାଞ୍ଜାକି ହାଚେସି ।

**ହେରଦ ଅଡ଼େ ପାରୁସିୟାଁ ପୁଲାଗୁଣ୍ଡା (ମାତି ୧୬:୫-୧୨)**

୧୪ ଏଚିବେଲାତା ସୀସୁୟାଁ ରୁଟି ଅହାଲି ବାଣାଆଡ଼େରି; ଡ଼ଗଟା ଏଝାରିତାଣା ରଣ୍ଡିଏ ରୁଟି ମାଚେ ।

୧୫ \*ତାୟୁ ଜୀସୁ ଏଝାରାଇଁ ଜାଣ୍ଡେ ହୁକୁମି ହାତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି ପୁଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

୧୬ ଏଚେଟିଏ ଏଝାରି ତାୟୁ ତାୟୁ ଝେସ୍ପିଆହୁଁ ଏଲେଇଞ୍ଜାଲି ମାଟୁହେରି, “ମା ତାଣା ରୁଟି ହିଲେଏ ଇଞ୍ଜୁଁ ଏଝାସି ମାଙ୍ଗେ ଏଲେଇଞ୍ଜିମାଞ୍ଜାନେସି ।”

† ୨:୩୧ ଦେକାପଲି ☆ ୮:୧୧ ମାତି ୧୭:୩୮; ଲୁକ ୧୧:୧୭ ☆ ୮:୧୨ ମାତି ୧୭:୩୯; ଲୁକ ୧୧:୨୯ ☆ ୮:୧୫ ଲୁକ ୧୨:୧ ☆ ୮:୧୮ ମାର୍ଚ୍ଚ ୪:୧୭

୧୭ ଜୀସୁ ଏଦାଆଁ ପୁଞ୍ଜାନା ଏଝାରାଇଁ ଏଲେଇରେସି, “ମୀ ତାଣା ରୁଟି ହିଲେଏ ଇଞ୍ଜିଁ ଏନାଆଁତାକି ମୀରୁ ମୀରୁ ୱେସ୍ପି ଆହିମାଞ୍ଜେରି ? ମୀରୁ ନୀଏଁ ପାତେକା ପୁଞ୍ଜି ହିଲଅତେରି କି ତେଲ୍‌ହି ହିଲଅତେରି ?

୧୮ \*କାଣ୍ଡାକା ମାଞ୍ଜାନା ମେସି ହିଲଅତେରି ? ଅଡ଼େ, କୀର୍କା ମାଞ୍ଜାନା ୱେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡି ହିଲଅତେରି ?

୧୯ ଏ ପାସାମାଣା ଲକୁ ବିତ୍ତା ନାନୁ ଏଚିବେଲା ପାସାଗଟା ରୁଟି ଡିକ୍‌ହା ମାଚେଏଁ, ଏଚିବେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଡ଼ି ମୀ ଅଣ୍ଡପୁତା ହିଲେଏ କି ?” ଏଝାରି ଏଝାଣାଇଁ ଏଲେଇରେରି, “ବାର ତାଲି ।”

୨୦ “ଅଡ଼େ ଏ ସାରି ମାଣା ଲକୁ ବିତ୍ତା ନାନୁ ଏଚିବେଲା ସାତାଗଟା ରୁଟି ଡିକ୍‌ହା ମାଚେଏଁ, ଏଚିବେଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଝାରି ଏଲେଇରେରି, “ସାତା ତାଲି ।”

୨୧ ଏଚିବେଲା ଜୀସୁ ଏଝାରାଇଁ ଏଲେଇରେସି, “ମୀରୁ ଏନାଆଁ ନୀଏଁ ପାତେକା ତେଲ୍‌ହାଲି ଆଡ଼ିହିଲଅତେରି ?”

**ବେତ୍‌ସାୟିଦାତା ର କାଣ୍ଡାଇଁ ମେସ୍‌ପିକିନାୟି**

୨୨ ତାୟୁ ଏଝାରି ବେତ୍‌ସାୟିଦାତା ୱାଡ଼େରି, ଅଡ଼େ, ଲକୁ ର କାଣ୍ଡାଇଁ ଏଝାଣି ତାଣା ତାଚାନା ଏଝାଣାଇଁ ତାଗାଲି ତାକି ଜୀସୁଇଁ ବାତିମାଲିତେରି ।

୨୩ ଏଦାଆଁତାକି ଜୀସୁ କାଣ୍ଡାତି କେୟୁ ଆସାନା ଏଝାଣାଇଁ ନାୟୁଁ ପାଞ୍ଜାତା ଅଡ଼େସି, ଇଞ୍ଜାଁ ଏଝାଣି କାଣ୍ଡାଣାଁ ହୁପ୍‌କା ରୁବାନା ଅଡ଼େ ଏଝାଣିଲକ କେୟୁ ଇଚାନା ଏଝାଣାଇଁ ୱେଚେସି, “ନାନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇରେସି, “ନାନୁ ମାଣ୍ଡିୟାଁଇଁ ମେସିମାଇଁ, ଇଚିହଁ ନାନୁ ମାର୍‌କା ଲେହେଁ ଏନାଇଁ ତାକି ମାନାଣି ମେସିମାଇଁ ।”

୨୫ ତାୟୁ ଜୀସୁ ଅଡ଼େ ୱେଣ୍ଡେ ଏଝାଣି କାଣ୍ଡାଣାଁ କେୟୁ ଇଚିତେସି; ଏମ୍ବାଟିଏ ଏଝାସି ନେହଁକଁ ମେସାଲି ଆଡ଼ିତେସି, ନେହଁ ଆହାନା ବାରେ ତାରିତଲେ ସିନିକିହାଲି ମାଟ୍‌ହେସି ।

୨୬ ତାୟୁ ଜୀସୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇରେସି, “ଏ ନାୟୁଁ ବିତ୍ତା ଜିକେଏ ୱେଣ୍ଡେ ହାଲାଆନି ।”

**ପିତର ଜୀସୁଇଁ କ୍ରୀସ୍ତ ଇଞ୍ଜିଁ ୱେକ୍‌ନାୟି (ମାତି ୧୬:୧୩-୨୦; ଲୁକ ୯:୧୮-୨୧)**

୨୭ ଏଚେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାୟ୍‌କାଞ୍ଜିକି ହାଚେରି, ଅଡ଼େ ଜିରୁତା ଏଝାସି ତାନି ସୀସୁୟାଁଇଁ ୱେଚେସି, “ନାନୁ ଆମ୍ବାଆତେଏଁ ଇଞ୍ଜିଁ ଲକୁ ଏଲେଇଞ୍ଜି ମାଞ୍ଜାନେରି ?”

୨୮ \*ଏମ୍ବାଟିଏ ଏଝାରି ଏଝାଣାଇଁ ଏଲେଇରେରି, “ବାପ୍ତିସ୍ତ\* ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ,

ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଡପୁତି ବଲୁ ୱେହ୍‌ନାରି ବିତ୍ତାଟି ରଅସି ।”

୨୯ \*ଏଝାସି ଏଝାରାଇଁ ୱେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜିଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଝାଣାଇଁ ଏଲେଇରେସି, “ନାନୁ କ୍ରୀସ୍ତି ।”

୩୦ ଏମ୍ବାଟିଏ ଜୀସୁ ଏଝାରାଇଁ ତାନି କାତାତି ଆମ୍ବାଆରାଇଁ ଏନାଆଁ ୱେହ୍‌ଆଦୁ ଇଞ୍ଜିଁ ଜାଣ୍ଡେ କିହଁ ହୁକୁମି ହୀତେସି ।

**ଜୀସୁ ତାନି ଦୁକୁ ଇଞ୍ଜାଁ ତଣ୍ଡ ପାଣ୍ଡି କାତା ୱେହ୍‌ନାୟି (ମାତି ୧୬:୨୧-୨୮; ଲୁକ ୯:୨୨-୨୭)**

୩୧ ଅଡ଼େ, ଜୀସୁ ଏଝାରାଇଁ ଜାପ୍‌ହାଲି ମାଟ୍‌ହେସି, “ଇଚିହଁ ମାଣ୍ଡିସି ମୀର୍‌ଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜାଁ ପ୍ରାତିନାଞ୍ଜା, କାଜା ପୁଜେରାଞ୍ଜା, ଇଞ୍ଜାଁ ମେରାପୁନାରି ତାଣାଟି ଅପାଆଗାଟାସି ଆହାନା ପାୟୁଞ୍ଜି ଆନାୟି ମାନେ, ଅଡ଼େ ତାନିଦିନା ଜେଚ ୱେଣ୍ଡେ ନିଜିନାୟି ମାନେ ।”

୩୨ ଇ କାତା ଏଝାସି ତୀର୍‌ପୁତଲେ ୱେସ୍‌ସେସି । ଏମ୍ବାଟିଏ ପିତର ଏଝାଣାଇଁ ଅରଞ୍ଜାକି ଅହାନା ଦାକା ହୀହାନା ଲାଗାଲି ମାଟ୍‌ହେସି ।

୩୩ ସାମା ଏଝାସି ତାୟୁଞ୍ଜାକି ତିର୍‌ଞ୍ଜାହଁ ତାନି ସୀସୁୟାଁଣି ସିନିକିହାନା ପିତରଇଁ ଦାକା ହୀହାନା ଏଲେଇରେସି, “ସୟତାନ, ନା ନିକିଟି ହେକ ହାଲାୟୁ, ଇଚିହଁ ନାନୁ ମାହାପୁରୁ କାତା ଅଣ୍ଡପାଆନା ମାଣ୍ଡିୟାଁ କାତା ଅଣ୍ଡପିମାଞ୍ଜି ।”

୩୪ \*ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକୁଣି ହାଟାନା ଏଲେଇରେସି, “ଆମ୍ବାଆସି ନା ଜେଚ ୱାହାଲି ମନ କିନେସି, ଆତିହଁ ଏଝାସି ଜାହାରାଇଁ ପିସ୍‌ପେସି, ଇଞ୍ଜାଁ ଏଝାସି ତାନି କୁସ ଡେକାନା ନା ଜେଚ ୱାପେସି ।

୩୫ \*ଇଚିହଁ ଆମ୍ବାଆସି ତାନି ଜୀସୁ ଗେଲ୍‌ପାଲି ମନ କିନେସି, ଏଝାସି ଏଦାଆଁ ହାଞ୍ଜି କିନେସି; ସାମା ଆମ୍ବାଆସି ନା ତାକି ଇଞ୍ଜାଁ ନେହଁ କାରୁତାକି ତାନି ଜୀସୁ ହୀନେସି, ଏଝାସି ଏଦାଆଁ ନୀର୍‌ନେସି ।

୩୬ ଅଡ଼େ, ମାଣ୍ଡି ଇ ଦାର୍‌ତିତା ମାନାଣି ବାରେ ମେଡ଼ି କିହାନା ତାନି ଜୀସୁତି ହାଞ୍ଜି କିନେସି, ଆତିହଁ ଏଝାଣାକି ଏନି ଲାବା ?

୩୭ ଅଡ଼େ, ମାଣ୍ଡି ତାନି ଜୀସୁତି ବାଦୁଲି ଏନାଆଁ ହୀହାଲି ଆଡ଼ିନେସି ?

୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡ଼େ ପାପୁଗାଟି ଲକୁ ବିତ୍ତା ନାଜେ ଅଡ଼େ ନା ବଲୁ ତାକି ଲାଜା ଆନେସି, ମାଣ୍ଡିସି ମୀର୍‌ଏସି ଏଚିବେଲା ସୁଦୁ ଦୂତୁୟାଁ ତଲେ ତାନି ଆଡ଼ାତି ଗାସୁରମି ତଲେ ୱାଡ଼େନେସି, ଏଚିବେଲା ଏଝାସି ଜିକେଏ ଏଝାଣି କାତାତାକି ଲାଜା ଆନେସି ।”

\* ୮:୨୮ ମାର୍କ ୬:୧୪,୧୫; ଲୁକ ୯:୨୮ \* ୮:୨୮ ମୁଞ୍ଜିନାୟି \* ୮:୨୯ ଜହ ୬:୨୮,୨୯ \* ୮:୩୪ ମାତି ୧୦:୩୮; ଲୁକ ୧୪:୨୭ \* ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫



୧ ଅଡ଼େ ଜୀସୁ ତାନି ସୀସୁଣି ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇମ୍ପାଆଁ ଏଚରଜାଣା ମାନେରି ମାହାପୁରୁତି ରାଜି ବାଡ଼ୁୟ୍ ତଲେ ଖାନାଣି ମେହୁଆ ପାତେକା ହାଅରି ।”

ଜୀସୁ ଅର ଖାଣା ଆନାୟି  
(ମାତି ୧୭:୧-୧୩; ଲୁକ ୯:୨୮-୩୭)

୨ \*ସ ଦିନା ତାୟ୍ ଜୀସୁ ଖାରୁଇ ପିତର, ଜାକୁବ ଅଡ଼େ ଜହନଇଁ ତାନିତଲେ ଏଚକା କିହାନା ଏଞ୍ଜାରାଇଁ ର ପାତାଆଡ଼ି ହରୁତା ଅଡ଼େସି । ।

୩ ଅଡ଼େ ଏଞ୍ଜାସି ଏଞ୍ଜାରି ନକିତା ଅର ଖାଣା ଆଡ଼େସି, ଏଞ୍ଜାଣି ହିମ୍ବରି ଇଲେକ୍ ଉଜେଡ଼ି ଆହାନା ହାରେକା ଦବ୍‌ଲା ଆଡ଼େ, ଇ ଦାର୍‌ତିତା ଆମ୍ବାଆସି ଏଲେତି ଦବ୍‌ଲା କିହାଲି ଆଡ଼ଅସି ।

୪ ମସା ଅଡ଼େ ଏଲିୟ୍ ଜୀସୁତଲେ ହାଡ଼ାକାତା ଆହିମାତାଣି ତାନି ଜାଣା ସୀସୁୟ୍ ମେସ୍ପେରି ।

୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଇ ଟାୟ୍‌ତା ମାନାୟି ହାରେକା ନେହାୟି; ମାର ତାନିଗଟା ଗୁଡ଼ାୟି କେପିନ, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟ୍‌କି ରଣ୍ଡାଆଁ ।”

୬ ପିତର ଏନାଆଁ ଜଲାଇଁ ଆନେ ଇଞ୍ଜି ପୁଞ୍ଜା ହିଲାଆଡେସି, ଏନାଆଁତାକି ଇଚିହ୍ ଏଞ୍ଜାରି ହାରେକା ଆଜାମାଚେରି ।

୭ \*ଇଞ୍ଜା, ଇଚାୟି ଦୁନ୍ଦା ଖାହାନା ଏଞ୍ଜାରାଇଁ ପୁକ୍‌ହେ, ଅଡ଼େ ଏ ଦୁନ୍ଦାଟି ଇ ହାଡ଼ା ଖାଡ଼େ, “ଇଞ୍ଜାସି ନା ଜୀସୁତି ମୀରୁଏସି, ଇଞ୍ଜାଣି ବଲୁ ଖେଞ୍ଜୁ ।”

୮ ଦେବୁଣିଏ ଏଞ୍ଜାରି ସାରିଞ୍ଜାକି ସିନିକିତେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହୁଆଡେରି ।

୯ ଏଞ୍ଜାରି ହରୁଟି ରେତା ଖାହି ମାତାଟି ଜୀସୁ ଏଞ୍ଜାରାଇଁ ଜାଣେ ହୁକୁମି ହାହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣ୍ଡି ମୀରୁଏସି ଖେଣ୍ଡେ ନିଙ୍ଗାଆ ପାତେକା ଆମ୍ବାଆରାଇଁ ଖେହୁଆଡୁ ।”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା “ହାଡ଼ାରି ବିତ୍ରାଟି ଖେଣ୍ଡେ ନିଙ୍ଗିନାୟି ଏନାୟି ?” ଏ କାତାଟି ତାନି ବିତ୍ରା ଖେସ୍‌ପି ଆଡ଼େରି ।

୧୧ \*ଅଡ଼େ ଏଞ୍ଜାରି ଜୀସୁଇଁ ଖେଚେରି, “ନକେଏ ଏଲିୟ୍ ଖାନାୟି ଆନେ, ମେରାପୁନାରି ଏନିକ୍ ଇ କାତା ଖେହୁନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଲିୟ୍ ନକେଏ ଖାହାନା ବାରେ ମେରା ଅଡ଼େ ଖେଣ୍ଡେ ଇଚିନାୟି ସାତା, ସାମା ମାଣ୍ଡି ମୀରୁଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକ୍ ଏଞ୍ଜାଣି କାତା ରାସ୍‌କି ଆହାମାନେ ?

୧୩ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଏଲିୟ୍ ଖାଡ଼େସିଏ, ଅଡ଼େ ଏଞ୍ଜାଣି କାତା ଏନିକ୍ ରାସ୍‌କି ଆହାମାନେ,

ଏଲେକିହ୍ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ୍ ଏଦାଆଁ କିହାମାନେରି ।”

ବୃତୁ ଆଲ୍‌ଗାମାଟି କକାଣାଇଁ ନେହ୍ କିନାୟି  
(ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାୟ୍ ଏଞ୍ଜାରି ସୀସୁୟ୍ ତାଣା ଖାହାନା ମେସ୍ପେରି, ଏଞ୍ଜାରି ସାରିଞ୍ଜାକି ହାରେକା ମାନ୍ଦା ଲକୁ ଅଡ଼େ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି ।

୧୫ ଲକୁ ବାରେ ଏଞ୍ଜାଣାଇଁ ମେସ୍‌ପିଏ ହାରେକା କାବାଆହାନା ଅଡ଼େ ଦାବ୍‌ଡ଼ି ଖାହାନା ଜହରା କିତେରି ।

୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ, ନାନୁ ନା ମୀରୁଏଣାଇଁ ନୀ ତାଣା ତାଟାମାଚେସ୍; ଏଞ୍ଜାଣାଇଁ ର ଗୁଲା ବୃତୁ ଆଲ୍‌ଗାମାନେ ।

୧୮ ଏମିନି ଟାୟ୍‌ତା ଏଦି ଏଞ୍ଜାଣାଇଁ ଆହନେ, ଏଞ୍ଜାଣାଇଁ ତୁଇ ତୁକନେ, ଇଞ୍ଜା ଏଞ୍ଜାଣି ଗୁତିଟି ପମ୍‌ଲି ହନେ, ଅଡ଼େ ଏଦି ପାଲ୍‌କା ଟୀଟି କିନେ, ଇଞ୍ଜା ଏଞ୍ଜାସି ଖାୟାହାଜି ମାନେସି; ଏଞ୍ଜାଣାଇଁ ପିସ୍‌ପି କିହାଲି ନାନୁ ନୀ ସୀସୁୟ୍‌ଇଁ ଏଲେଇଚେସ୍, ସାମା ଏଞ୍ଜାରି ଆଡ଼ାଆଡେରି ।”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼େ ନାମାଆଗାଟି କୁଡ଼ାତାଡେରି, ଏଚରଦିନା ନାନୁ ମୀ ତଲେ ତୁୟିଇଁ ? ଏଚରଦିନା ମୀ ଲେମ୍‌ମାନାଣି ଅର୍‌ହିଇଁ ? କକାଣାଇଁ ନା ତାଣା ତାଡୁ ।”

୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାଡେରି । ଅଡ଼େ, ଜୀସୁଇଁ ମେସ୍‌ପିଏ ଏ ବୃତୁ ଏଞ୍ଜାଣାଇଁ ହାରେକା ତିରଞ୍ଜି କିତେ ଇଞ୍ଜା ବୁମିତା ତର୍‌ଗାନା ଗୁତିଟି ପମ୍‌ଲି ହପ୍‌ହାନା ଉସାଲି ମାଡ଼ହେସି ।

୨୧ ଏଚିବେଲା ଜୀସୁ ତାନି ଆବାଇଁ ଖେଚେସି, “ଏଚରଦିନା ଆଡ଼େ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇଚେସି, “ଉଣା ଖେଡ଼ାଟିଏ

୨୨ ଏଦି ଏଞ୍ଜାଣାଇଁ ହାଡ଼ି କିହାଲି ଏଚେ ଏଚେତା ହିତୁତା ଅଡ଼େ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତ, ମାଙ୍ଗେ କାର୍‌ମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏନାଆଁ ଇଚି ? ଇଚିହ୍ କିହାଲି ଆଡ଼ିତ ! ଆମ୍ବାଆସି ନାନିନେସି ଏଞ୍ଜାଣାକି ବାରେଏ ଆନେ ।”

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇଚେସି, “ନାନୁ ନାନିମାଇଁ ନା ନାମାଆଗାଟାଣି ଗୁତି କିହାଲି ସାୟେମି କିୟାମୁ ।”

୨୫ ତାୟ୍ ମାନ୍ଦା ଲକୁ ରହେଏ ହଚିହ୍ ଖାହି ମାତାଣି ମେସାନା, ଜୀସୁ ଏ ପଲ୍‌ଆ ବୃତୁତି ଦାକା ହାହାନା ଏଲେଇଚେସି, “ଆଡ଼େ ଗୁଲା ଅଡ଼େ ବେରା ବୃତୁତି, ନାନୁ ନିଙ୍ଗେ ହୁକୁମି ହାହିମାଞ୍ଜାଇଁ, ଇଞ୍ଜାଣି ତାଣାଟି ହଡ଼ାହାଲାମୁ, ଇଞ୍ଜା ଏଚେଲା ଜିକେଏ ଇଞ୍ଜାଣି ତାଣା ହଡ଼ଆନି ।”

\* ୯:୨ ୨ପିତ ୧:୧୭,୧୮ \* ୯:୭ ମାତି ୩:୧୭; ମାର୍କ ୧:୧୧; ଲୁକ ୩:୨୨ \* ୯:୧୧ ମାତି ୧୧:୧୪

୨୬ ଏମ୍ବାଟିଏ ଏହି ହାରେକା କିରଡ଼ିହିଁ କକାଣାଇଁ ତିରୁକ୍ତି କିହାନା ବୁମିତା ତ୍ରୁକ୍ତହାନା ହଡ଼ାହାଚେ, ଅଡ଼େ କକାସି ହାଡ଼ିଲେହେଁ ଆଡ଼େସି, ଇଲେକିହିଁ ହାରେକା ଲକୁ ଏଲେଇଞ୍ଜିମାଚେରି, “କକାସି ହାଡ଼େସି ।”

୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକ୍‌ହେସି, ଇଞ୍ଜା ଏଞ୍ଜାସି ନିଡ଼େସି ।

୨୮ ଇଞ୍ଜା ଜୀସୁ ଇଜ ଖାହାଲିଏ ତାନି ସୀସୁୟାଁ ମେଣେଏ ଖେଚେରି, “ମାମ୍ବୁ ଏନାଆଁତାକି ଏଞ୍ଜାଣାଇଁ ପିସ୍‌ପି କିହାଲି ଆଡ଼ାଆତମି ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ପ୍ରାଡ଼ାନା\* କିଆନା ଅଡ଼େ ଏନିକ୍‌ ଜିକେଏ ଇଲେତି ବୁଡୁ ପେରହାଲି ଆଡ଼ାଆୟି ।”

**ତାନି ହାକିତି କାରୁ ଅଡ଼େ ଖେଣ୍ଡେ ଖେହ୍‌ନାୟି**

(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଚାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜା ଏଞ୍ଜାଣି ମନ୍ ହିଲାଆଚେ;

୩୧ ଇତିହିଁ ଜୀସୁ ତାନି ସୀସୁୟାଁଣି ଇ କାତା ଖେସିହିଁ ଜାପୁହି ମାଚେସି, “ମାଣସି ମାର୍‌ଏସି ମାଣସିୟାଁ କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେରି, ଇଞ୍ଜା ଏଞ୍ଜାସି ହାଡ଼ି ତାୟୁ ତାନିଦିନା କେଡ଼େ ଖେଣ୍ଡେ ନିଜ୍‌ନେସି ।”

୩୨ ସାମା ଏଞ୍ଜାରି ଏ କାତାତି ତେଲହାଆଚେରି, ସାମା ଏଞ୍ଜାଣାଇଁ ଖେଞ୍ଜାଲି ଆଜିମାଚେରି ।

**ଆମ୍ବାଆସି କାଜାସି**

(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଖାଡ଼େରି । ଜୀସୁ ଇଜ ଏଜାନା ସୀସୁୟାଁଣି ଖେଚେସି, “ମାରୁ ଜିରୁତା ଏନାଆଁ କାତା ଆହିମାଚେରି ?”

୩୪ ☆ସାମା ଏଞ୍ଜାରି ହାଡ଼ା ଆଆନା ପାଲେଏ ତୟିତେରି, ଇତିହିଁ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି ।

୩୫ ☆ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡ଼ିତେସି ଇଞ୍ଜା ଏଞ୍ଜାରାଇଁ ଏଲେଇଚେସି, “ଇତିହିଁ ଆମ୍ବାଆସି କାଜାସି ଆହାଲି ମନ୍ କିନେସି, ଆଡ଼ିହିଁ ଏଞ୍ଜାସି ବାରେଡ଼ି କିହାଁ ଉଣା ଅଡ଼େ ବାରେଡ଼ି ସେବା କିନାସି ଆପେସି ।”

୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି ନିପ୍‌ହେସି ଇଞ୍ଜା ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇଚେସି,

୩୭ ☆“ଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଅଣାଇଁ ଆବିନେସି, ଏଞ୍ଜାସି ନାଜ୍‌ଜେ ଆବାନେସି; ଅଡ଼େ ଆମ୍ବାଆସି ନାଜ୍‌ଜେ ଆବାନେସି, ଏଞ୍ଜାସି ଖାରଇ

ନାଜ୍‌ଜେ ଆବଅସି, ସାମା ନାଜ୍‌ଜେ ପାଣ୍ଡାତାଣାଇଁ ଜିକେଏ ଆବିନେସି ।”

**ମା କପାଟି ନିଜାଆ ଗାଟାସି ମା ତଲେତାସି (ଲୁକ ୯:୪୯-୫୦)**

୩୮ ଜହନ ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମା ଗତିତା ହିଲାଆଗାଟାସି ରଅସି ନୀ ଦରୁତଲେ ବୁଡୁଣି ପେରହି ମାଟାଣି ମେସୁମି, ଇଞ୍ଜା ଏଞ୍ଜାସି ମା ଗତିତା ହିଲାଆତାକି ଏଞ୍ଜାଣାଇଁ କାହିକିତମି ।”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଇଁ କାହିକିଆଡୁ; ଇତିହିଁ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଜ୍‌ଜେ ନିନ୍‌ କିୟାନେସି, ଇଲେତି ଲକୁ ଆମ୍ବାଆସି ହିଲଅସି;

୪୦ ☆ଇତିହିଁ ଆମ୍ବାଆସି ମା କପାଟି ନିଜାଆ ଗାଟାସି ଏଞ୍ଜାସି ମା ତଲେତାସି ।

୪୧ ☆ନାନ୍ତୁ ମିଜେ ସାତା ଖେସିମାଞ୍ଜାଇଁ, ମାରୁ କ୍ରୀସୁତି ଲକୁ ଇଞ୍ଜା ଆମ୍ବାଆସି ଜିକେଏ ମିଜେ ଜାଡ଼େକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାତି ଜାକ୍‌ଅସି ।”

**ନାମ୍ବୁତା ପାପୁ କିଞ୍ଜି କିନାଣି ତଣ୍ଡ (ମାତି ୧୮:୬-୯; ଲୁକ ୧୭:୧-୨)**

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ପାପୁ କିଞ୍ଜି କିନେସି, ଏଞ୍ଜାଣି ହେରକିତା କାଜା ଜେତାଞ୍ଜାଲି ଦସାନା ଏଞ୍ଜାଣାଇଁ ସାମ୍‌ଦୁରିତା ମେଡ଼ହିହିଁ ନେହେଁ ଆଡ଼େମା ।

୪୩ ☆ମୀ କେୟୁ ମିଜେ ପାପୁ କିଞ୍ଜିକିୟାନେ, ଇତିହିଁ ଏଦାଆଁ ଜାଟାନା କୁତାଦୁ; ରୀ କେୟା ମାଞ୍ଜାନା ନର୍କ ଇତିହିଁ ତୁମ୍ବାଆଗାଟି ହିରୁ ଗାଡ଼ୟୁତା ମେଡ଼ପି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେଁ ।

୪୪ ଇତିହିଁ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ ।†

୪୫ ଅଡ଼େ ମୀ କଡ଼ା ମିଜେ ପାପୁ କିଞ୍ଜିକିୟାନେ, ଏଦାଣି ରାଡ଼ହା କୁତାଦୁ, ରୀ କଡ଼ାୟାଁ ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେଁ ।

୪୬ ଇତିହିଁ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ ।‡

୪୭ ☆ଇଞ୍ଜା ମୀ କାନୁ ମିଜେ ପାପୁ କିଞ୍ଜିକିୟାନେ ଇତିହିଁ ଏଦାନି ଡେଞ୍ଜା କୁତାଦୁ, ରୀ କାଣକା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେଁ ।

୪୮ ଇତିହିଁ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିରୁ ଏଚେଲା ତୁମ୍ବେଏ ।

\* ୯:୨୯ ଏଚେକା ସାପ୍ତେରିତା ପ୍ରାଡ଼ାନା ଇଞ୍ଜା ଉପାସା ରାସ୍‌କି ଆହାମାନେ । ☆ ୯:୩୪ ଲୁକ ୨୨:୨୪ ☆ ୯:୩୫ ମାତି ୨୦:୨୭,୨୭; ୨୩:୧୧; ମାର୍ଚ୍ଚ ୧୦:୪୩,୪୪; ଲୁକ ୨୨:୨୭ ☆ ୯:୩୬ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦ ☆ ୯:୪୦ ମାତି ୧୨:୩୦; ଲୁକ ୧୧:୨୩ ☆ ୯:୪୧ ମାତି ୧୦:୪୨ ☆ ୯:୪୩ ମାତି ୫:୩୦ † ୯:୪୪ କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ । ‡ ୯:୪୬ କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ । ☆ ୯:୪୭ ମାତି ୫:୨୯ ☆ ୯:୫୦ ମାତି ୫:୧୩; ଲୁକ ୧୪:୩୪,୩୫

୪୯ “ହାରୁ ତଲେ ଏନିକିଁ ପୂଜା ହୀନାୟି ସୁଦୁ ଆନେ, ଏଲେକିହିଁ ଏ ହିରୁତଲେ ବାରେ ସୁଦୁ କିଝିଆନେ ।”

୫୦ ☆“ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡେ ରଅତେରି ରଅଣାକି ହିଡ଼ଡ଼ି ଜୀଝୁତଲେ ନେହିଁ ଆହିଁ ଡୟାଦୁ ।”

୧୦

ଡକ୍ରି ଡକ୍ରି ପିସପିଆନି କାତା ଜୀସୁ ଜାପୁନାୟି (ମାତି ୧୯:୧-୧୨; ଲୁକ ୧୭:୧୮)

୧ ଏ ଗାୟୁଟି ଜୀସୁ ହାଜାନା ଜୀହୁଦା ରାଜିତି ହାନ୍ଦି ଅଡେ ଜର୍ଦନ କାତା ଆତାଲାଝାକି ଝାଡେସି; ଇଞ୍ଜା ଲକୁ ଅଡେ ଝେଣ୍ଡେ ଏଝାଣି ତାଣା ରୁଣ୍ଡା ଆହାଲିଏ, ଏଝାସି ତାନି ମେରା ଲେହେଁ ଏଝାରାଇଁ ଅଡେ ଜାପୁହାଲି ମାଟ୍‌ହେସି ।

୨ ଏମ୍ବାଟିଏ ପାରୁସିୟାଁ ଏଝାଣି ତାଣା ଝାହାନା ଏଝାଣାଇଁ ତାୟିପାରିକିହିଁ ଝେରେରି, “ଜାହାରା ଡକ୍ରିନି ପିସାଲି ଆବାୟାକି ମେରା କି ?”

୩ ଜୀସୁ ଏଝାରାଇଁ ଏଲେଇଚେସି, “ମସା ମିଙ୍ଗେ ଏନି ହୁକୁମି ହୀହାମାଞ୍ଜାନେସି ?”

୪ ☆ଏଝାରି ଏଲେଇଚେରି, “ପିହନି ଆକୁ ରାଚାନା ଡକ୍ରିନି ପିସାଲି ମସା ହେଲ ହୀହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମୀ ଆଟ୍‌ଝା ହିୟାତି ମେସାନା ଏଝାସି ମିଙ୍ଗେତାକି ଇ ହୁକୁମି ରାଚାମାନେସି ।

୬ ସାମା ମାଣସି ଗାଡ଼ି ଆଡ଼ି ବେଲାଟିଏ ଏଝାସି ଏଝାରାଇଁ ଇୟା ଅଡେ ଆବା କିହିଁ ମାହାପୁରୁ ଗାଡ଼ିକିଚେସି ।

୭ ଏଦାଆଁତାକି ଆବା ତାଲି ତାଞ୍ଜିଇଁ ପିହନେସି, ଇଞ୍ଜା ତାନି ଡକ୍ରି ତଲେ ଆଣ୍ଡିନେସି,

୮ ଇଞ୍ଜା ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି ।

୯ ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟ୍‌କା କିଆପେସି ।”

୧୦ ତାୟୁ ସୀସୁୟାଁ ଇଜ ଇ କାତାତି ଜୀସୁଇଁ ଅଡେ ଝେଣ୍ଡେ ଝେରେରି ।

୧୧ ☆ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଆମ୍ବାଆସି ତାନି ଡକ୍ରିନି ପିସାନା ଏଟ୍‌କାତାଣି ବୀହା ଆନେସି, ଏଝାସି ତଲିତି ଡକ୍ରିନି କପାଟି ଦାରିକାମା କିନେସି ।

୧୨ ଅଡେ ଡକ୍ରି ତାନି ଡକ୍ରିଇଁ ପିସାନା ଏଟ୍‌କାତାଣାଇଁ ବୀହା ଆନେ, ଆତିହିଁ ଏଦି ଦାରିକାମା କିନେ ।”

କକାରି ପଦାଣି ଜୀସୁ ବର ହୀନାୟି (ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଝାସି ଏନିକିଁ କକାରି ପଦାଣି ତୀରିନେସି, ଏଦାଆଁତାକି ଲକୁ ଏଝାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସୀସୁୟାଁ ଏଝାରାଇଁ ଦାକା ହୀତେରି ।

୧୪ ଜୀସୁ ଏଦାଆଁ ମେସାଁ କାର୍‌ବି ଆହାନା ଏଝାରାଇଁ ଏଲେଇଚେସି, “କକାରି ପଦାଣି ନା ତାଣା ଝାହାଲି ହୀଦୁ, ଏଝାରାଇଁ ଆଂଗାଆଦୁ; ଇଚିହିଁ ମାହାପୁରୁତି ରାଜି ଇଲେତି ଲକୁତାୟି ।

୧୫ ନାନୁ ମିଙ୍ଗ ସାତା ଝେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି ଆବଅସି, ଏଝାସି ଏନିକିକେଏ ଏମ୍ବାଆଁ ହଡାଲି ଆଡ଼ଅସି ।”

୧୬ ଇଞ୍ଜା ଏଝାସି ଏଝାରାଇଁ କତାଣା ଜଙ୍ଗାନା ଏଝାରି ଲାକ କେୟୁ ଇଚାନା ବର ହୀତେସି ।

ର ଦନ ଗାଟି ଦାଂଗ୍‌ଣେଏସି (ମାତି ୧୯:୧୬-୩୦; ଲୁକ ୧୮:୧୮-୩୦)

୧୭ ଜୀସୁ ଅଡେ ଝେଣ୍ଡେ ହାଜିମାଚାଟି ରଅସି ଦାବ୍‌ଡ଼ି ଝାହାନା ଏଝାଣି ନକିତା ମେଣ୍ଡାକୁତାନା ଏଝାଣାଇଁ ଝେରେସି, “ଏ ନେହିଁ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନାଙ୍ଗେ ନେହାତି ଇଞ୍ଜା ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି ପିସପେ ଇଚିହିଁ ମାହାପୁରୁ ପିସପେ ଅଡେ ଆମ୍ବାଆସି ନେହାସି ହିଲଅସି ।

୧୯ ନାନୁ ସାସ୍ତେରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିଚି ସାକି ଜଲାଆଦୁ, ଲକୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜୀଝୁନଦୁ ।”

୨୦ ଏଝାସି ଏଝାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡାଟିଏ ମାନଝି ଆହିମାଇଁ ।”

୨୧ ଜୀସୁ ଏଝାଣାଇଁ ତୀରେ ସିନିକିହାଁ ଜୀଝୁ ନଡେସି ଇଞ୍ଜା ଏଲେଇଚେସି, “ନାନୁ ର କାମାତା ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ ପାରଚାନାହାଁ ହିଲଆ ଗାଟାରାକି ଦାନା ହୀମ୍, ଅଡେ ନା ଢେଟ ଝାମ୍, ଇଞ୍ଜା ନାନୁ ଲାକପୁରୁ ଦନ ବେଟାଆଦି ।”

୨୨ ସାମା ଇ କାତାତା ଏଝାଣି ମୁମ୍ ହୁାପୁଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି, ଇଚିହିଁ ଏଝାଣାକି ହାରେକା ଦନ ମାଚେ ।

୨୩ ଏମ୍ବାଟିଏ ଜୀସୁ ସାରିଝାକି ସିନିକିହାନା ତାନି ସୀସୁୟାଣି ଏଲେଇଚେସି, “ଦନ ଗାଟାରି ହାରେକା କସ୍ତଲେ ମାହାପୁରୁ ରାଜିତା ହଡ଼ନେରି ।”

୨୪ ଏଝାଣି କାତା ଝେଞ୍ଜାନା ସୀସୁୟାଁ କାବା ଆଡେରି, ସାମା ଜୀସୁ ଅଡେ ଝେଣ୍ଡେ ଏଝାରାଇଁ ଏଲେଇଚେସି, “ଆଡେ କକାତେରି ମାହାପୁରୁ ରାଜିତା ହଡ଼ନାୟି ହାରେକା କସ୍ତ ।

୨୫ ମାହାପୁରୁତି ରାଜିତା ଦନ ଗାଟାରି ହଡ଼ନି କିହାଁ ସୂଜା କାଣିଟି ଉଟ୍ ହଡ଼ନାୟି ଉସାସା ।”

୨୬ ଏମ୍ବାଟିଏ ଏଝାରି ହାରେକା କାବାଆହାନା ତାମ୍ ଡାମ୍‌ସୁ କାତା ଆଡେରି, “ଆତିହିଁ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

☆ ୧୦:୪ ମାତି ୫:୩୧ ☆ ୧୦:୧୧ ମାତି ୫:୩୨; ୧କର ୭:୧୦,୧୧ ☆ ୧୦:୧୫ ମାତି ୧୮:୩

୨୭ ଜୀସୁ ଏଝାରାଇଁ ତୀରିତଲେ ସିନିକିହାନା ଏଲେଇଚେସି, “ଇଦି ମାଣ୍ଟସିକି ଆଡ଼ାଆଗାଟାୟି, ସାମା ମାହାପୁରୁକି ଆଏ; ଇଚିହୁଁ ମାହାପୁରୁ ବାରେ କିହାଲି ଆଡ଼ିନେସି ।”

୨୮ ପିତର ଏଝାଣାଇଁ ଏଲେଇଚେସି, “ମେହ୍ନୁ ମାମ୍ବୁ ବାରେ ପିସାନା ନୀ ଜେଚ ଝାହାମାନମି ।”

୨୯ ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଲକୁ ନା ନେହୁଁ କାବୁତାକି ଇଲୁ କି ତାୟିକି ତାଲି କି ତାଲି, ତାଞ୍ଜି, କକାରି ପଦାଣି କି ବୁମି ବାଡ଼ା ପିସାମାନେରି,

୩୦ ଅଡ଼େ ଇ କାଲ୍ଲାତା କସ୍ତ ବେଟାଆହୁଁ, ଝାଞ୍ଜା ଗୁଣ୍ଡୁତି ଇଲୁକା, ତାୟି, ତାଞ୍ଜି, ତାଲି ତାଞ୍ଜି, କକାରି ପଦାୟି ଅଡ଼େ ବୁମି ବାଡ଼ା, ଇଞ୍ଜା ଝାନି ଜୁଗୁତା କାଲ୍ଲାକାଲ୍ଲାତି ଜୀସୁ ବେଟାଆଅସି, ଇଲେତି ଲକୁ ଆମ୍ବାଆସି ହିଲଅସି ।

୩୧ ଧୀମା ନକିତା ମାନି ହାରେକା ଲକୁ ତାୟି ଆନେରି, ଇଞ୍ଜା ତାୟି ମାନି ହାରେକା ଲକୁ ନକିନେରି ।”

**ଜୀସୁ ତାନି ପାଲି ତାନି ହାନି କାତା ଝେହ୍ନାୟି**  
(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଝାରି ଜିରୁସାଲମତା ହାଜିମାଟାଟି ଜିରୁତା ମାଚେରି ଇଞ୍ଜା ଜୀସୁ ଏଝାରି ନକି ନକିତା ହାଜିମାଚେସି, ଅଡ଼େ ଏଝାରି କାବାଆହାନା ତାୟି ଝାହ୍ନିମାନି ଲକୁ ଆଜାମାଚେରି, ଇଞ୍ଜା ଏଝାସି ଝେଣ୍ଡେ ବାରଜାଣାତି ଏଟକା କିହାନା ତାଙ୍ଗେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଝାରାଇଁ ଝେସାଲି ମାଟୁହେସି ।

୩୩ ଜୀସୁ ଏଲେଇଚେସି, “ମେହ୍ନୁ ମାର ଜିରୁସାଲମତା ହାଜିମାନାୟି; ମାଣ୍ଟସି ମାରଏସି କାଜା ପୁଜେରାଙ୍ଗା ଅଡ଼େ ମେରାପୁନାରି କେୟୁତା ହେରପିଆନେସି, ଅଡ଼େ ଏଝାରି ଏଝାଣାଇଁ ହାନି ତଣ୍ଡ ହାହାନା ଏଟକା କୁଡ଼ାତାରି କେୟୁତା ହେରପିନେରି,

୩୪ ଇଞ୍ଜା ଏଝାରି ଏଝାଣାଇଁ କିଜ଼ି କିନେରି, ଏଝାଣିଲକ ହୁପିନେରି, ଏଝାଣାଇଁ ସାଟୁଣି ତଲେ ଝେନେରି, ଇଞ୍ଜା ପାୟିନେରି, ଅଡ଼େ ତାନି ଦିନାଟିଏ ଝେଣ୍ଡେ ନିଙ୍ଗିନେସି ।”

**ଜାକୁବ ଅଡ଼େ ଜହନ ବାତିମାଲିନାୟି**  
(ମାତି ୨୦:୨୦-୨୮)

୩୫ ତାୟି ଜେବଦି ମାରକା ଜାକୁବ ଅଡ଼େ ଜହନ ଜୀସୁ ତାଣା ଝାହାନା ଏଲେଇଚେରି, “ଏ ଗୁରୁ ମା ଅଣ୍ଟପୁ ମାମ୍ବୁ ନୁୀ ତାଣାଟି ଏନାଆଁ ରାହ୍ନମି ଏଦାଆଁ ମା ତାକି ନାନୁ କିମୁ ।”

୩୬ ଇଞ୍ଜା ଜୀସୁ ଏଝାରାଇଁ ଝେଚେସି, “ନାନୁ ମା ତାକି ଏନାଆଁ କିଇଁ ଇଞ୍ଜା ମାରୁ ଅଣ୍ଟପିମାଞ୍ଜେରି ?”

୩୭ ଏଝାରି ଏଝାଣାଇଁ ଏଲେଇଚେରି, “ନାନୁ ଗାଝୁରମିଗାଟି ରାଜିତା କୁରିସାରେ ଏନିକିଁ ମା ବିତ୍ରାଟି ରଅତମି ନୀ ଚିଃନି ଚଟ ଅଡ଼େ ରଅତମି ନୀ ଚେବି ଚଟ କୁରିନମି ଇ ବର ମାଙ୍ଗେ ହିୟାମୁ ।”

୩୮ ଧୀମା ଜୀସୁ ଏଝାରାଇଁ ଏଲେଇଚେସି, “ମାରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅଚେରି । ନାନୁ ଆମିନି ସଲ୍ଲାତା ଗସିମାଇଁ, ଏମ୍ବାଆଁ ମାରୁ ଗସାଲି ଆଡ଼ିଦେରି ? ଇଞ୍ଜା ନାନୁ ଆମିନି ବାପ୍ତିସ୍ମତା\* ବାପ୍ତିସ୍ମ† ଅହିମାଇଁ ଏମ୍ବାଆଁ ମାରୁ ବାପ୍ତିସ୍ମ‡ ଆହାଲି ଆଡ଼ିଦେରି ?”

୩୯ ଏଝାରି ଏଲେଇଚେରି, “ଆଡ଼ିନମି ।”

ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ସଲ୍ଲାତା ଗସିମାଇଁ ଏମ୍ବାଆଁ ଗସାଲି ଆଡ଼ିଦେରି, ଇଞ୍ଜା ନାନୁ ଆମିନି ବାପ୍ତିସ୍ମତା§ ବାପ୍ତିସ୍ମ\* ଆହିମାଇଁ ମାରୁ ଏମ୍ବାଆଁ ବାପ୍ତିସ୍ମ† ଆଡ଼ିଦେରି;

୪୦ ସାମା ନା ଚିଃନି ଅଡ଼େ ଚେବିଝାକି କୁଗାଲି ହାହାଲି ନା ଅଦିକାରାତି କାତା ଆଏ, ଆମ୍ବାଆରାକି ମାହାପୁରୁ ଟାୟି କେପାମାନେସି ଏଝାରି କୁରିନେରି ।”

୪୧ ଏଟକାତି ଦସ ଜାଣା ଇଦାଆଁ ଝେଞ୍ଜାନା ଜାକୁବ ଅଡ଼େ ଜହନଇଁ କାରବି ଆହାଲି ମାଟୁହେରି ।

୪୨ ଧୀମାଟିଏ ଜୀସୁ ଏଝାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟକା କୁଡ଼ାତି ସାଲ଼ି କିନାରି ଲେହେଁ ଆହାମାନେରି, ଏଝାରି ଲାକ ସାଲ଼ି କିନେରି, ଅଡ଼େ ଏଝାରି କାଜାପାଣା ଗାଟାରି ଏଝାରି ମୁହେଁ ସାଲ଼ି କିନେରି, ଇଦାଆଁ ମାରୁ ପୁଞ୍ଜୁ ।

୪୩ ଧୀମା ମୀ ବିତ୍ରା ଏଲେକିହୁଁ ଆଏ; ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଝାସି ମୀ ସେବା କିପେସି,

୪୪ ଅଡ଼େ ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଝାସି ବାରେତି ହଚଲଏସି ଆପେସି ।

୪୫ ଇଚିହୁଁ ମାଣ୍ଟସି ମାରଏସି ଜିକେଏ ସେବା ବେଟାଆହାଲି ଝାହାହିଲଅସି, ସାମା ସେବା କିହାଲି ଇଞ୍ଜା ହାରେକା ଲକୁଣି ପାପୁଟି ପିସପି କିହାଲିତାକି ତାନି ଜୀସୁ ହାହାଲି ଝାହାମାନେସି ।”

**ଜୀସୁ ବାଟି ମୟ କାଣାଇଁ ନେହୁଁ କିନାୟି**  
(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟି ଏଝାରି ଜିରିହତା ଏଗାଚେରି, ଅଡ଼େ ଏଝାସି ତାନି ସାୟୁୟାଁ ଇଞ୍ଜା ମାନ୍ଦା ଲକୁତଲେ ଜିରିହଟି ହାଜିମାନି ବେଲାତା ଚିମାୟ ମାରଏସି ବାଟି ମୟ ଦରୁଗାଟି ର କାଣା, ରାସ୍ପାଲି ଜିରୁ ଦାରିତା କୁଗାମାଚେସି ।

୪୭ ଏଝାସି ନାଜୁରିତତି ଜୀସୁ, ଇମ୍ବାଟି ହାଜିମାନେସି ଇଞ୍ଜା ଝେଞ୍ଜାନା ଏଝାସି କାଜା ଗିୟାତଲେ ଏଲେଇଚେସି, “ଏ ଦାଝୁଦ ମାରଏଶାତି ଜୀସୁ ନାଙ୍ଗେ କାର୍ମା ମେସ୍ତାମୁ ।”

୪୮ ଏମ୍ବାଟିଏ ହାରେକା ଲକୁ ଏଝାଣାଇଁ ପାଲେଏ ଆହାଲି ଦାକା ହାଚେରି, ସାମା ଏଝାସି ଅଡ଼େ କାଜା ହାଡ଼ାତଲେ ଏଲେଇଚେସି, “ଏ ଦାଝୁଦ ମାରଏଶାତି ଜୀସୁ ନାଙ୍ଗେ କାର୍ମା ମେସ୍ତାମୁ ।”

☆ ୧୦:୩୧ ମାତି ୨୦:୧୭; ଲୁକ ୧୩:୩୦    ☆ ୧୦:୩୮ ଲୁକ ୧୨:୫୦    \* ୧୦:୩୮ ମୁଞ୍ଜିନାୟି    † ୧୦:୩୮ ମୁଞ୍ଜିନାୟି    ‡ ୧୦:୩୮ ମୁଞ୍ଜିନାୟି    § ୧୦:୩୯ ମୁଞ୍ଜିନାୟି    \* ୧୦:୩୯ ମୁଞ୍ଜିନାୟି    † ୧୦:୩୯ ମୁଞ୍ଜିନାୟି    ☆ ୧୦:୪୨ ଲୁକ ୨୨:୨୫, ୨୬    ☆ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭



୪୯ ଏମ୍ବାଟିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାକ୍ ହାଟାନ୍ତୁ ।” ଏଞ୍ଜାରି ଏ କାଣାକ୍ ହାଟାନା ଏଲେଇଚେରି, “ସାସା ଆହାନା ନିଙ୍ଗାମ୍, ଏଞ୍ଜାସି ନିଙ୍ଗେ ହାଟିମାଞ୍ଜାନେସି ।”

୫୦ ଏମ୍ବାଟିଏ ଏଞ୍ଜାସି ନିଙ୍ଗାନା ତାନି ହିମ୍ବରି କୁତାନା ଜୀସୁ ତାଣା ଖାଡେସି ।

୫୧ ଜୀସୁ ଏଞ୍ଜାଣାକ୍ ଏଲେଇଚେସି, “ନାନୁ ନିଙ୍ଗେତାକି ଏନାଆଁ କିକ୍ ଇଞ୍ଜି ନୀନୁ ଅଣ୍ପିମାଞ୍ଜି ?” ଏ କାଣା ଏଞ୍ଜାଣାକ୍ ଏଲେଇଚେସି, “ଏ ଗୁରୁ ନାନୁ ଏନିକ୍ ମେସାଲି ଆଡ଼ିକ୍ ।”

୫୨ ଜୀସୁ ଏଞ୍ଜାଣାକ୍ ଏଲେଇଚେସି, “ହାଲୀମ୍ ନୀ ନାମ୍ ନିଙ୍ଗେ ନେହ୍ କିୟାତେ ।” ଏ ଦେବୁଣିଏ ଏଞ୍ଜାସି ମେସାଲି ଆଡ଼ିଚେସି, ଇଞ୍ଜା ଏଞ୍ଜାରି ଜେଚ ଜେଚ ହାଚେସି ।

### ୧୧

#### ଜୀସୁ ଜିରୁସାଲମତା ହଡ଼ନାୟି

(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲ୍ଲା ଏଞ୍ଜାରି ଜିରୁସାଲମ ତାଗେ ଆହାନା ଜାତ ହରୁ ତାଗେ ବେଡ଼ପାଟି ଇଞ୍ଜା ବେତନିୟାଁ ତାଗେ ଖାଡ଼େଚି, ଏଚିବେଲ୍ଲା ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାକ୍ ଇ କାତା ଖେସା ପାଣ୍ଡିଚେସି,

୨ “ମୀ ନକିତା ମାନି ଏ ନାୟୁଁତା ହାକ୍; ଏ ନାୟୁଁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି ଏଚେଲ୍ଲା ହଡ଼ା ହିଲଅରି ଇଲେଚି ର ଗାଡ଼ଦେ ତାଲୁଚି ଦସାମାନାଣି ମେହ୍ଦେଚି; ଏଦାନି ହୁକହାନା ତାନ୍ତୁ ।

୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଙ୍ଗେ ଖେଞ୍ଜାନେସି, ଆତିହ୍ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଣ୍ଡେ ଇଦାଣି ଖେଡ଼ାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଞ୍ଜେରିଦାରି ଆଂଗେଣିତା ର ଗାଡ଼ଦେ ତାଲୁଚି ଦସାମାନାଣି ମେସାନା ଏଦାଣି ହୁକହେରି,

୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁଚି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକ୍ ଖେସାମାଚେସି, ଏଞ୍ଜାରି ଏଲେକ୍ ଏଞ୍ଜାରାକ୍ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାକ୍ ହେଲ ହାଚେଚି ।

୭ ଜୀସୁ ନକିତା ଗାଡ଼ଦେ ତାଲୁଚି ତାଚାନା ଏଞ୍ଜାରି ଏଦାଣି ଲାକ ତାନି ହିମ୍ବରିକା ପାସ୍ତେରି, ଅଡ଼େ ଜୀସୁ ଏଦାନିଲେକ କୁରିଚେସି ।

୮ ଅଡ଼େ ହାଚେକା ଜିରୁତା ତାନି ହିମ୍ବରିକା ପାସ୍ତେରି ଅଡ଼େ ଏଚକାତାରି ଜାଡ଼ାତି ଗଚାୟାଁ ଟୁଣ୍ଡା ତାଚାନା ପାସ୍ତେରି ।

୯ ଇଞ୍ଜା ନକିତା ତାୟୁଞ୍ଜାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁଚି ଆମ୍ବାଆସି ଖାହିମାନେସି, ଏଞ୍ଜାସି ନେହ୍ସି ।

୧୦ ମା ଆକୁ ଦାଞ୍ଜୁଦତି ଆମିନି ରାକ୍ ଖାହିମାନେ, ଏଡ଼ି ଜହରା, ଲାକପୁରୁଚି ହସାନା ।”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଞ୍ଜାକି ମାନାଣି ବାରେ ସିନିକିହାନା ମିଡ଼ଅଲ୍ଲା ଆହାଲିଏ ବାରଜାଣା ସୀସୁୟାଁ ତଲେ ବେତନିୟାଁତା ହାଚେସି ।

#### ଜୀସୁ ତୟା ମାରୁନୁତି ବାକା ଇଚିନାୟି (ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାଁଟି ଖାହିମାଚାଟି ଜୀସୁ ହାକି ଆଡ଼େସି;

୧୩ ଇଞ୍ଜା ହେକଟି ଆକା ମାନି ର ତୟା ମାରୁନୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଲେ ତାଗେ ହାଚେସି । ସାମା ତାଗେ ଖାହାନା ଏଞ୍ଜାସି ଆକା ପିସପେ ଅଡ଼େ ଏନାଆଁ ପୁଞ୍ଜାଆଚେସି, ଇଚିହ୍ ଏଡ଼ି ତୟା ଆୟିନି ଖେଡ଼ା ହିଲ୍ଲାଆଚେ ।

୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲ୍ଲା ତିନାଆପେରି ।” ଏଞ୍ଜାଣି କାତା ତାନି ସୀସୁୟାଁ ଖେଞ୍ଜାମାଚେରି ।

#### ଜୀସୁ ମାହାପୁରୁ ଇଲୁତା ହାନାୟି

(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା ଖାଡ଼େଚି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ବେବାରା କିହିମାଟି ଲକୁଣି ପାଙ୍ଗାତା ପେରହାଲି ମାଟ୍‌ହେସି, ଇଞ୍ଜା ଟାକାୟାଁ ବେବାରା ଗାଚାରି କୁଚ୍‌ୟାଁ ଅଡ଼େ ପଚାୟାଁ ବେବାରା କୁଚ୍‌ୟାଁ ତିରିମ୍ବୁପ୍‌ହେସି ।

୧୬ ଇଞ୍ଜା ପ୍ରାତାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଚେସି,

୧୭ ତାୟୁ ଜୀସୁ ଏଞ୍ଜାରାକ୍ ଜାପ୍‌ହିହ୍ ଏଲେଇଚେସି, “ଦାମ୍‌ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାତି ଲକୁତାକି ପ୍ରାତାନା ଇଲୁ ଇଞ୍ଜି ଖେଞ୍ଜାନେ ? ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ କିହାମାଞ୍ଜେରି ।”

୧୮ ଇ କାତା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମେରାପୁନାରି ଏଞ୍ଜାଣାକ୍ ଏନିକ୍ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେଚି; ଇଚିହ୍ ଲକୁ ଏଞ୍ଜାଣି ଜାପ୍‌ନି ତାଣା କାବା ଆହିମାଚାକି ଏଞ୍ଜାରି ଏଞ୍ଜାଣାକ୍ ଆଜିମାଚେରି ।

୧୯ ଏ ଦିନା ମିଡ଼ଅଲ୍ଲା ବେଲ୍ଲା ଜୀସୁ ଅଡ଼େ ସୀସୁୟାଁ ଗାଡ଼ାଟି ହାଚେଚି ।

#### ଖାୟିତି ତୟା ମାରୁନୁତି ଜାପିନାୟି

(ମାତି ୨୧:୨୦-୨୨)

୨୦ ଅର ଦିନା ଲାକଏ ଏ ଜିରୁଚି ହାଜିମାଚାଟି ଏଞ୍ଜାରି ତୟା ମାରୁନୁ ତାକିଟିଏ ଖାୟିତାଣି ମେସ୍ତେରି ।

୨୧ ଏମ୍ବାଟିଏ ପିତର ତଲିତି କାତା ଅଣପାନା ଏଲେଇଚେସି, “ଏ ଗୁରୁ ମେହ୍‌ମ୍ ନୀନୁ ଆମିନି ତୟା ମାରୁନୁତି ବାକା ହାହାମାଟି ଏଡ଼ି ଖାୟିହାଚେୟିଏ ।”

୨୨ ଜୀସୁ ଏଞ୍ଜାରାକ୍ ଏଲେଇଚେସି, “ମାହାପୁରୁ ତାଣା ନାମାତୁ ।”

୨୩ \*ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ଇ ହୁରୁତି ନାନୁ ନିଙ୍ଗାନା ସାମ୍ବୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଡ଼ି ଆନେ ଇଞ୍ଜା ନାମିନେସି, ଏଞ୍ଜାଶାକି ଏଡ଼ି ଆନେ ।

୨୪ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡ଼େ ରୀହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାତେ ଇଞ୍ଜା ନାମାଦୁ, ଏଚେଟିଏ ଏ ବାରେ ସାତେଏ ବେଟାଆଡ଼େରି ।

୨୫ \*ଇଞ୍ଜା ମୀରୁ ଆମିନି ବେଲୀତା ପ୍ରାତାନା କିହାଲି ନିଦେରି, ଇଞ୍ଜା ଆମ୍ବାଆସି କପାଟି ଏଡ଼ି କାତା ମାଟିହ୍, ଏଞ୍ଜାଶା ପାପୁ ମ୍ଲେକ୍‌ଦୁ, ଏଡ଼ିକ୍ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହାନେସି ।

୨୬ ସାମା ମୀରୁ ଏଞ୍ଜାଶା ପାପୁ ମ୍ଲେକ୍‌ଅଡେରି, ଆତିହ୍ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ହଅସି ।\*\*

**ଜୀସୁତି ଅଦିକାରା**  
(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାୟୁ ଏଞ୍ଜାରି ଅଡ଼େ ଝେଶ୍ଟେ ଜିରୁସାଲମତା ଖାଡ଼େରି; ଇଞ୍ଜା ଏଞ୍ଜାସି ପ୍ରାତାନା ଇଲୁତା ହଡ଼ିମାଟି ବେଲୀତା କାଜା ପୂଜେରାଜା ମେରାପୁନାରି ଇଞ୍ଜା ପ୍ରାତିନାଜା ଏଞ୍ଜାଶା ତାଶା ଖାହାନା ଝେଚେରି,

୨୮ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ର କାତା ଝେଞ୍ଜାଇଁ, ନାଙ୍ଗେ ଝେସ୍ତାଦୁ, ଆତିହ୍ ନାନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ଝେସ୍ତାଇଁ ।

୩୦ ଜହନତି ବାପ୍ତିସ୍ତା ଲାକପୁରୁତି କି ମାଣ୍ଡିୟା ତାଶାଟି ଆହାମାଚେ ? ଏଦାଆଁ ନାଙ୍ଗେ ଝେସ୍ତାଦୁ ।”

୩୧ ଏଚେଟିଏ ଏଞ୍ଜାରି ତାୟୁ ତାୟୁ କାତା ଆହାଲି ମାଟ୍‌ହେରି, “ଲାକପୁରୁତି ଇନାୟି, ଆତିହ୍ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଶାଇଁ ନାମାଆତେରି ?

୩୨ ଅଡ଼େ ମାଣ୍ଡି ତାଶାଟି ଇନାୟି, ଏଞ୍ଜାରି ଲକୁଣି ଆଜିମାଚେରି; ଇତିହ୍ ବାରେଜାଶା ଜହନ ସାତା ମାହାପୁରୁ ଅଣ୍ଡପୁତି ବଲୁ ଝେହ୍‌ନାସି ଇଞ୍ଜା ମାନ୍ଡି ଆହିମାଚେରି ।”

୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେରି, “ମାୟୁ ପୁଞ୍ଜାହିଲଅମି ।” ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନାନୁ ଜିକେଏ ମିଙ୍ଗେ ଝେସ୍ତାଅଁ ।”

**୧୨**

ଅଜ୍ଞୁରି ବାଡ଼ାତା ଲାଗେଏତି ବାଗା କାମାକିନାରି  
(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ପୁଣ୍ଡିକିନି କାତାତଲେ ଝେସାଲି ମାଟ୍‌ହେସି, “ରଅସି ର ଅଜ୍ଞୁରି ବାଡ଼ା କିହାନା ବାଡ଼ା ସାରିଞ୍ଜାକି ବେୟ୍ ଗୁରୁତେସି, ଇଞ୍ଜା ଅଜ୍ଞୁରି ପାଡ଼େୟି ପୀଗାଲି ର ଗାଡ଼ୟୁ କାରହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହୀହାନା ହେକ ରାଜି ହାଚେସି ।

୨ ତାୟୁ କାମାକିନାରି ତାଶାଟି ଅଜ୍ଞୁରି ବାଡ଼ାଟି ପାଡ଼େୟି ବାଗା ବେଟାଆହାଲି ଏଞ୍ଜାସି ର ହଲେଏଶାଇଁ ପାଡ଼େୟି କାନ୍ଦିନିଝେଡ଼ା ଏଞ୍ଜାରିତାଶା ପାଣ୍ଡିତେସି ।

୩ ସାମା ଏଞ୍ଜାରି ଏଞ୍ଜାଶାଇଁ ଆସାନା ଝେଚେରି ଇଞ୍ଜା ଖାରୁଇ କେୟୁଟି ପାଣ୍ଡିତେରି ।

୪ ଏଞ୍ଜାସି ଅଡ଼େ ଏଞ୍ଜାରିତାଶା ଅଡ଼େ ର ହଲେଏଶାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଶାଇଁ ଜିକେଏ ତାୟୁ ଡ଼ାୟେ ଝେଚାନା ହୀଶି କିତେରି ।

୫ ଏଞ୍ଜାସି ଅଡ଼େ ରଅଶାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଶାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡ଼େ ହାଚେକା ଜାଶାଟି ପାଣ୍ଡିତେସି; ଏଞ୍ଜାରି ବିତ୍ରାଟି ଏଚରଜାଶାଟି ଝେଚେରି ଇଞ୍ଜା ଏଚରଜାଶାଟି ପାୟିତେରି ।

୬ ତାନି ତାଶା ରଅସିଏ ଡ଼ୟିତେସି, ଏଞ୍ଜାସି ତାନି ଜୀସୁତି ମୀରୁଏସି, ତାୟୁ ଅଣ୍ଡପିତେସି ଏଞ୍ଜାରି ନା ମୀରୁଏଶାଇଁ ମାନି କିନେରି ଇଞ୍ଜା ଏଞ୍ଜାସି ଏଞ୍ଜାଶାଇଁ ପାଣ୍ଡିତେସି ।

୭ ସାମା ଏ କାମାକିନାରି ତାୟୁ ତାୟୁ କାତା ଆଡ଼େରି, ‘ଇଞ୍ଜାସିତ ଅଦିକାରା ଗାଟାସି, ଖାଦୁ ଇଞ୍ଜାଶାଇଁ ପାୟିନ; ଆତିହ୍ ବାଡ଼ାଟି ଅଦିକାରା ମାଡ଼ି ଆନେ ।’

୮ ଏମ୍ବାଟିଏ ଏଞ୍ଜାରି ଏଞ୍ଜାଶାଇଁ ଆସାନା ପାୟିତେରି ଇଞ୍ଜା ଅଜ୍ଞୁରି ବାଡ଼ାଟି ପାଜାତା ମେଡ଼ହାଡ଼ୁସ୍ତେରି ।”

୯ ଜୀସୁ ଏଞ୍ଜାରାଇଁ ଝେଚେସି, “ଝେସ୍ତାଦୁ, ଇଦାଆଁ ତାୟୁ ଏ ଅଜ୍ଞୁରି ବାଡ଼ାଟି ସାଞ୍ଜୁକାରି ଏନାଆଁ କିନେସି ? ଏଞ୍ଜାସି ଖାହାନା କାମା କିନାରାଇଁ ନାସା କିନେସି ଇଞ୍ଜା ଏଚକାଟି କାମା କିନାରାକି ଏ ଅଜ୍ଞୁରି ବାଡ଼ା ହୀନେସି ।

୧୦ ମୀରୁ ଦାମ୍‌ପୁ ପତିତା ଇ କାତା ପଡ଼ଞ୍ଜି ଆହାହିଲଅତେରି ?

ଇଲୁ କେପିନାରି ଆମିନି ଖାଲିତି ମିଣ୍ଡ ଏ ଇଞ୍ଜା ଅପାଆତେରି, ଏଡ଼ିଏ ଇଲୁତି ମୂଲୁ ଖାଲି ଆଡ଼େ ।

୧୧ ମାହାପୁରୁ ତାଶାଟି ଇଦି ଆଡ଼େ, ଇଞ୍ଜା ଏଡ଼ି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକୁଡି କାଜାରି ଏଞ୍ଜାଶାଇଁ ଆସାଲି ଅଣ୍ଡପିମାଚେରି, ସାମା ଏଞ୍ଜାରି ଲକୁଣି ଆଜିତେରି; ଇତିହ୍ ଏ ପୁଣ୍ଡିକିନି କାତା ଏଞ୍ଜାରାଇଁ ସିନିକିହାନା ଝେସିମାଚେସି ଇଞ୍ଜା ପୁଚେରି, ଇଞ୍ଜା ଏଞ୍ଜାରି ଏଞ୍ଜାଶାଇଁ ପିସାନା ହାଜାଡ଼ୁସ୍ତେରି ।

\* ୧୧:୨୩ ମାତି ୧୭:୨୦; ୧କର ୧୩:୨    \* ୧୧:୨୫ ମାତି ୬:୧୪, ୧୫    \* ୧୧:୨୬ କଚେକା ସାସ୍ତେରିତା ଇ କାତା ରାସ୍ତି ଆହାହିଲେଏ ।    † ୧୧:୩୦ ମୁଞ୍ଜିନାୟି

୧୩ ତାହା ଜାଣୁ କାତାତି ଦହ ଆସାଲି ତାକି ଏଝାରି ପାରୁସି ଅଡ଼େ ହେରଦ ଗତିତି ଏଚେକା ଲକ୍ଷୁଣି ଏଝାଣି ତାଣା ପାଣ୍ଡିତେରି ।

୧୪ ଏଝାରି ଝାହାନା ଏଝାଣାଇଁ ଏଲେଇଚେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନୀନୁ ସାତା କାତା ଝେହ୍ନାତି ଅଡ଼େ ଆମ୍ବାଆରାଇଁ ଆଜାଆ ଗାଟାତି; ଇଚିହ୍ନି ନୀନୁ ମାଣ୍ଡିତି ମୁମ୍ବୁ ଚୁମ୍ବସାନା ଜଳାଆ ଗାଟାତି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପୁନାତି, କାୟିସରକି ସିସୁ ହୁନାୟି ମେରା କି ଆଏ, ମାମ୍ବୁ ହୁନମି କି ଆଏ ?”

୧୫ ସାମା ଏଝାସି ଏଝାରି କାରୁବିତି ପୁଞ୍ଜାନା ଏଝାରାଇଁ ଏଲେଇଚେସି, “ଏନାଆଁତାକି ନାଙ୍ଗେ ତାୟିପାରି କିହିମାଞ୍ଜାଦେରି ? ର ଝେଣ୍ଡି ଟାକା ନା ତାଣା ତାଦୁ ନୀନୁ ଏଦାଆଁ ସିନିକିଇଁ ।”

୧୬ ଏଚେଟିଏ ଏଝାରି ଏଦାଆଁ ତାତେରି, ଏଝାସି ଏଝାରାଇଁ ଝେଚେସି, “ଇ ବମା ଅଡ଼େ ଦରୁ ଆମ୍ବାଆରାଝାୟି ?” ଏଝାରି ଏଝାଣାଇଁ ଏଲେଇଚେରି, “କାୟିସରଝାୟି ।”

୧୭ ଏମ୍ବାଟିଏ ଜାସୁ ଏଝାରାଇଁ ଏଲେଇଚେସି, “କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଝାରି ଏଝାଣି କାତାତାକି କାବା ଆଡ଼େରି ।

**ସାଦୁକିୟାଁ ହାକିଟି ଝେଣ୍ଡେ ନିଜିନି କାତା ଝେନାୟି**  
(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକ୍ଷୁ ଜାସୁ ତାଣା ଝାହାନା ଝେଚେରି,

୧୯ “ଏ ଗୁରୁ ମସା ମାଙ୍ଗେତାକି ରାଟାମାନେସି, ଇଚିହ୍ନି ଆମ୍ବାଆରି ତାୟି ହାନ୍ଦେସି ଇଞ୍ଜା ତାନି ତକ୍ତି ନୀତାମାନେ ଇଞ୍ଜା ଏଦାନି ଏନି କକାରି ପଦାୟାଁ ହିଲାର ଆତିହ୍ନି ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୂଡ଼ା ଏପାକିନେସି ।

୨୦ ମେହମ୍ବୁ ସାତା ଜାଣା ତାୟିୟାଁ ମାଚେରି; କାଜାସି ର ଆୟାନି ବାହା ଆଡ଼େସି, ଇଞ୍ଜା କକାରି ପଦାଁ ଆଆନା ହାଡ଼େସି;

୨୧ ଏଝାଣି କେତସାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ ଆଆନା ହାଡ଼େସି; ଅଡ଼େ କେତସାସି ଏଲେକିତେସି,

୨୨ ଇଞ୍ଜା ସାତା ଜାଣା ଜିକେଏ କକାରି ପଦାଁ ଆଆନା ହାଡ଼େରି; ବାରେତି ତାୟି ଏ ଇୟା ଜିକେଏ ହାଡ଼େ ।

୨୩ ଝେଣ୍ଡେ ନିଜିନି ବେଲାତା ଏଚିବେଲା ଏଝାରି ନିଜିନେରି, ଏଚିବେଲା ଏଝାରି ବିତ୍ରାଟି ଆମ୍ବାଆରି ତକ୍ତି ଆନ୍ଦେ ? ସାତା ଜାଣା ଜିକେଏ ଇଟାମାଚେରି ।”

୨୪ ଜାସୁ ଏଝାରାଇଁ ଏଲେଇଚେସି, “ମିଙ୍ଗେ ହାରେକା ନାଡ଼ିକିନି ଅଣ୍ଡୁମାନେ । ଦାମ୍ବୁ ସାସ୍ତେରି, ଇଞ୍ଜା ମାହାପୁରୁତି ବାଡ଼ୁୟି କାତା ପୁଞ୍ଜାହିଲଅତେରି ।

୨୫ ଏନାଆଁତାକି ଇଚିହ୍ନି ହାଡ଼ାରି ନିଜିତି ତାୟି ଲକ୍ଷୁ ବାହା ଆଆରି କି ବାହା ହାଆରି, ସାମା ଲାକପୁରୁତି ଦୂତୁୟାଲେହେଁ ତୁୟିନେରି ।

୨୬ ଇଞ୍ଜା ହାଡ଼ାରି ନିଜିନେରି ଏ କାତାତି ମୀରୁ ମସା ରାଡ଼ିତି ପତିତା ଝେହିମାନି ବୁଟାତି କାବୁ ପଡ଼ଝି ଆହାହିଲଅତେରି କି ? ମାହାପୁରୁ ଏନିକିଁ ଏଲେଇଞ୍ଜା ମାନେସି, ‘ନୀନୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ ।’

୨୭ ଏଝାସି ହାଡ଼ାରି ମାହାପୁରୁ ଆଏ, ସାମା ଜୀଝୁଗାଟାରି ମାହାପୁରୁ ମୀରୁ ହାରେକା ନାଡ଼ିକିଝି ଆହାମାଞ୍ଜରି ।”

**କାଜା ହୁକୁମି**  
(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲା ର ମେରା ଜାପୁନାସି ତାଗେ ଝାହାନା ଏଝାରି ବାଦିବାଦା ଆହିମାଟାଣି ଝେଞ୍ଜାନା ଅଡ଼େ ଜାସୁ ସାଦୁକି ଲକ୍ଷୁ ସମାନା କାତା ଝେଣ୍ଡେ ଝେସିମାଟାଣି ଝେଞ୍ଜାନା ଜୀସୁଇଁ ଝେଚେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜାସୁ ଏଲେଇଚେସି, “କାଜା ହୁକୁମି ଇଦି ଏ ଇସ୍ରାୟେଲ ଝେଞ୍ଜୁ; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି;

୩୦ ଅଡ଼େ ନୀନୁ ନୀ ବାରେ ହିୟାଁ ବାରେ ଜୀଝୁ ମନ୍ ହାହାନା ଅଡ଼େ ବାରେ ବାଡ଼ୁୟି ତଲେ ପ୍ରବୁ ନୀ ମାହାପୁରୁଇଁ ଜୀଝୁ ନମ୍ବୁ ।”

୩୧ ଅଡ଼େ ରଣ୍ଡି ଇଦି ନୀନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀଝୁ ନମ୍ବୁ । ଇ ହୁକୁମିକା ପିସ୍ପେ ଅଡ଼େ ଆମିନି କାଜା ହୁକୁମି ହିଲେଏ ।

୩୨ ଏମ୍ବାଟିଏ ଏ ମେରା ପୁନାସି ଜୀସୁଇଁ ଏଲେଇଚେସି, “ଏ ଗୁରୁ ଏଦି ସାତା ମାହାପୁରୁ ରଥସିଏ ଇଞ୍ଜା ଏଝାଣି ପିସ୍ପେ ଅଡ଼େ ଆମ୍ବାଆସି ହିଲଅସି, ଏଦାଆଁ ନୀନୁ ନେହ୍ନିକିଁ ଝେସ୍ତାତି;

୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ ବାଡ଼ୁୟି ହାହାନା ଏଝାଣାଇଁ ଜୀଝୁନନାୟି ଇଞ୍ଜା ପାଡ଼ିତାଣାଇଁ ମା ଜାହାରାଲେହେଁ ଜୀଝୁନନାୟି ବାରେ ଜଡ଼ିତି ପୂଜା ହୀନି\* କିହାଁ କାଜାୟି ।”

୩୪ ଏଝାସି ବୁଦିତଲେ ଜଳାମାଞ୍ଜାନେସି ଇଞ୍ଜି ମେସାନା ଜାସୁ ଏଝାଣାଇଁ ଏଲେଇଚେସି, “ମାହାପୁରୁତି ରାକ୍ତିଟି ନୀନୁ ହେକ ହିଲଅତି । ଏଚେଟିଏ ଆମ୍ବାଆସି ଜୀସୁଇଁ ଏନାଆଁ ଝେଞ୍ଜାଲି ସାସା କିଆଡେସି ।”

**କ୍ରୀସ୍ତ ଆମ୍ବାଆରି ମୀର୍ଏସି**  
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜାସୁ ପ୍ରାତାନା ଇଲୁତା ଜାପୁହି ମାଚିବେଲାତା ଏଲେଇଚେସି, “କ୍ରୀସ୍ତ ଦାଝୁଦ ମୀର୍ଏସି, ଇଦାଆଁ ମେରାପୁନାରି ଏନିକିଁ ଏଲେଇନେରି ?

୩୬ ତାନୁଏ ଦାଝୁଦ ମାହାପୁରୁତି ସୁଦୁଜୀଝୁ ବେଟାଆହାନା ଝେସାମାଚେସି,

‘ପ୍ରବୁ ନା ପ୍ରବୁଇଁ ଏଲେଇଚେସି, ନୀନୁ ଏଚେ ପାଡେକା ନୀ ସାଡୁୟାଁଇଁ ନୀ କଡ଼ାଁ ତୁଇ କିହାହିଲଅଁ,

\* ୧୨:୧୮ କାମା ୨୩:୮ \* ୧୨:୩୩ ହେବୁଦିନାୟି \* ୧୨:୩୪ ଲୁକ ୧୦:୨୫-୨୮

ଏତେ ପାତେକା ନା ଚିନ୍ତନିତା କୁଗାମାନାମୁ ।  
୩୭ ଦାସୁଦ ତାନୁଏ ଏଞ୍ଜାଣାକ୍ ପ୍ରବୁ ଇଞ୍ଜିମାନେସି; ଆତିହ୍  
ଏଞ୍ଜାସି ଏନିକ୍ ଦାସୁଦ ମୀରଏସି ।” ।

**ମେରାପୁନାରି ତାଣାଟି ଜାଗ୍ରାତା କିନାୟି**  
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହାଟି ତାନି କାତା ଖେଞ୍ଜିମାଚେରି,  
ଅଡେ ଖେଣ୍ଡେ ଏଞ୍ଜାସି ତାନି ଜାପୁହି ମାତି କାତାତା  
ଏଲେଇଚେସି, “ମେରାପୁନାରି ତାଣାଟି ଜାଗ୍ରାତା, ଏଞ୍ଜାରି  
ଲାମ୍ବା ହିମ୍ବରକା ହୁଚାନା ରେଜାଲି ଇଞ୍ଜା ହାଟା ବାଜାରାତା  
ଜହରା ବେଟାଆହାଲି ରାହା ଆନେରି,  
୩୯ ଜୀହୁଦି ଲକୁତି କୁଟମି ଇଲୁତା କାଜା କୁଟି, ବକ୍ତିତା  
ନେହ୍ ଟାମୁତା କୁଗାଲି ପାରିନେରି;  
୪୦ ଏଞ୍ଜାରି ରାଣ୍ଡେଣିସିକା ଇଲୁକା ସେନିନେରି, ଲକୁଣି  
ତସାଲି ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ତଣ୍ଡ  
ବେଟାଆନେରି ।”

**ରାଣ୍ଡେଣି ଇୟାନ୍ତି ଦାନା**  
(ଲୁକ ୨୧:୧-୪)

୪୧ ତାମୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ  
କୁଗାନା ଲକୁ ଏମ୍ବାଆଁ ଏନିକ୍ ଦାନା ହାହିମାନେରି,  
ଏଦାଆଁ ସିନିକିହିମାଚେସି । ଏତିବେଲାତା ହାରେକା ଦନ  
ଗାଗାରି ଗାଡ଼ି ମେଡ଼ହେରି;  
୪୨ ଅଡେ ର ହାକି କାକୁଲିଗାଟି ରାଣ୍ଡେଣି ଇୟା ଖାହାନା  
ରୀ ଉଣା ତାମ୍ବାତି ଆଦଲି; ଏ ପେଡ଼ାତା ମେଡ଼ହେ ।  
୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା  
ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାକ୍, ଦାନା  
ପେଡ଼ାତା ଟାକାୟା ମେଡ଼ହିମାନି ବାରେ ଲକୁ କିହାଁ ଇ ହାକି  
କାକୁଲିଗାଟି ରାଣ୍ଡେଣି ଇୟା ଗାଡ଼ି ମେଡ଼ହାମାନେ;  
୪୪ ଇତିହ୍ ବାରେଜାଣା ତାମି ହାରେକା ଦନଟି ଇଚାଣି  
ମେଡ଼ହା ମାନେରି, ସାମା ଇଦି ତାନି ହିଲାଆବେଲାତା  
ତାଙ୍ଗେ ନୀତାଲି ତାଙ୍ଗେ ଏନାୟି ମାଚେ, ଏ ବାରେ  
ମେଡ଼ହାମାନେ ।”

**୧୩**

**ପ୍ରାତାନା ଇଲୁ ନସୁ ଆନାଣି ଜୀସୁ ଖେହ୍ନାୟି**  
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି ସୀସୁୟାଁ  
ବିତ୍ତାଟି ରଅସି ଏଞ୍ଜାଣାକ୍ ଏଲେଇଚେସି, “ଏ ଗୁରୁ ମେହ୍ମୁ  
ଏନିଲେହେଟି ଅଜିତି ଖାଲକା ଅଡେ ଏନିଲେହେଟି ଅଜିତି  
ମେଡ଼ା ଇଲୁକା !”  
୨ ଏଚେଟିଏ ଜୀସୁ ଏଞ୍ଜାଣାକ୍ ଏଲେଇଚେସି, “ନାନୁ  
ଏନାଆଁ ଇ କାଜା ମେଡ଼ା ମେସିମାଞ୍ଜି ? ର ଖାଲି ଅର ଖାଲି  
ଲାକ ଡ଼ୟେଏ, ବାରେ ମେଣ୍ଡାହାନୁ ।”

**କସୁ ଅଡେ ସାସ୍ତି କାତା ଖେହ୍ନାୟି**  
(ମାତି ୨୪:୩-୧୪; ଲୁକ ୨୧:୭-୧୯)

୩ ତାମୁ ପ୍ରାତାନା ଇଲୁ ନକିତା ମାନି ଜୀତ ହରୁ ଲାକ  
କୁଗାଲିଏ ପିତର, ଜାକୁବ, ଜହନ, ଅଡେ ଆନ୍ଦ୍ରିୟ ତାନି  
ତାଣା ମେଣ୍ଡେଏ ଖାହାନା ଖେଚେରି, “ଇ ବାରେ ଏଚେଲା  
ଆନେ,  
୪ ଅଡେ ଆମିନି ବେଲାତା ଇ ବାରେ ଗଟଞ୍ଜି ଆନେ ଏ  
ବେଲାତି ସିନା ଏନାୟି, ଏଦାଆଁ ମାଙ୍ଗେ ଖେସ୍ତାମୁ ।”  
୫ ଏମ୍ବାଟିଏ ଜୀସୁ ଏଞ୍ଜାଣାକ୍ ଏଲେଇଚେସି, “ଜାଗ୍ରାତା,  
ଆମ୍ବାଆସି ଏନିକ୍ ମିଙ୍ଗେ ନାଡ଼ି କିୟଅସି ।  
୬ ହାରେକା ନା ଦରୁତଲେ ଖାହାନା, ‘ନାନୁ ଏଞ୍ଜାଚେଏ’  
ଇଞ୍ଜା ହାରେକା ଲକୁଣି ନାଡ଼ି କିନେରି ।  
୭ ସାମା ମୀରୁ ଏତିବେଲା ଜୁଜୁତି କାତା ଅଡେ ଗଡ଼ହାତି  
ହାଡ଼ା ଖେଞ୍ଜେରି, ଏତିବେଲା କିଲିବିଲି ଆଆଦୁ; ଏ ବାରେ  
ଆନାୟି ମାନେ, ସାମା ଏ କାଲା ଜିକେଏ ଜୁଗୁ ରାନାୟି ଆଏ  
।  
୮ ଇତିହ୍ ଦେସା କପାଟି ଦେସା, ରାଜି କପାଟି ରାଜି  
ନିଙ୍ଗନେ, ବାରେଖାକି ବୁମି ଖୀତିନେ ଅଡେ କାତାରା ଆନେ;  
ଇ ବାରେ କକାରି ପଦାୟା ଆନାଟି ଲୁଞ୍ଜିନି ବୀସା ଲେହେଁ ।”  
୯ \*ସାମା ମୀରୁ ମିଙ୍ଗେ ତାକି ଜାଗ୍ରାତା ଆହାମାଞ୍ଜୁ; ଲକୁ  
ମିଙ୍ଗେ ନୀହାୟି କିନି ତାଣା ଦସାନା ଅୟାନେରି, ଅଡେ  
ମିଙ୍ଗେ ଜୀହୁଦି ଲକୁତି କୁଟମି ଇଲୁକାଣା\* ଖେଡ଼ାନେରି,  
ଇଞ୍ଜା ନା ତାକି ସାଲଞ୍ଜି କିନାରି ତାଣା ରାଜାୟା ନକିତା  
ନିଦେରି, ଏଞ୍ଜାରି ନକିତା ସାକି ଆଦେରି ।  
୧୦ ଇଞ୍ଜା ବାରେ କୁଡ଼ା ନକିତା ନେହ୍ କାରୁ ନକେଏ  
ଖେସ୍ପି ଆନେ ।  
୧୧ ଇଞ୍ଜା ଏତିବେଲା ଲକୁ ମିଙ୍ଗେ ଅହାନା ହେର୍ପାନେରି,  
ଏତିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ  
ଅଣ୍ଡାଆଦୁ, ସାମା ଏ ବେଲାତା ମିଙ୍ଗେ ଏନାଆଁ  
ଜଲାଲି ହୀପକିଆନେ ଏଦାଆଁ ଖେହ୍ନୁ; ଇତିହ୍ ମୀରୁ  
ଜଲିନାଚେରି ଆଏ ସାମା ସୁଦୁଜୀସୁ ଜଲିନାୟି ।  
୧୨ ତାୟି ତାୟିକ୍ ଅଡେ ତାଞ୍ଜି ମୀରୁଏଣାକ୍ ହାହାଲି ତାକି  
ହେର୍ପିନେରି; ଇଞ୍ଜା ମୀରୁକା ତାଲି ତାଞ୍ଜି କପାଟି ନିଙ୍ଗାନା  
ଏଞ୍ଜାଣାକ୍ ପାୟିନେରି;  
୧୩ \*ଅଡେ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି;  
ସାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି  
ଏଞ୍ଜାସି ଗେଲପି ଆନେସି ।

**ନାସା ଆନି କାଲମି**  
(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏତିବେଲା ଏ ନାସାକିନି ଅପାଆଗାଟି ଆସ୍ତି  
ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି  
ମେହ୍ଦେରି (ପଡ଼ଞ୍ଜି ଆନାରି ତେଲହାପେରି) ଏତିବେଲା  
ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହର୍କାଣା  
ହଣ୍ଡପେରି;

† ୧୨:୩୯ ସିନଗଗ ‡ ୧୨:୪୨ ରୀ ଉଣା ତାମ୍ବାତି ଆଦଲି, ରୀ ଆଟାଅଣା ର ଟାକାଡ଼ି କାଜା ଆଦଲି ସମାନା, ଏଡ଼ି ଗ୍ରିକ୍ ତଲେ ଉଣା ଆଦଲିତି “ଲେପଟସ୍”  
କାଜା ଆଦଲିତି “କଡ଼ାନଟସ୍” ଇନେରି । \* ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨ \* ୧୩:୯ ସିନଗଗ \* ୧୩:୧୩ ମାତି ୧୦:୨୨ \* ୧୩:୧୫  
ଲୁକ ୧୭:୩୧

୧୫ \*ଆତ୍ମାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଖାହାନା ଏନି ଦିଶ୍‌ସୁ ଅହାଲି ରେଚା ଖାଆପେସି କି ବିତ୍ରା ହାଲାଆପେସି;

୧୬ ଇଞ୍ଜା ଆତ୍ମାଆସି ବାଡାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ଖେଣ୍ଡେ ଖାଆପେସି ।

୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜା ପାଲୁ ଉତ୍‌ହମାନୁ, ଏ ଦିନା ଆୟତା ଏଞ୍ଜି ଏଚେକା କସ୍‌ ବେଟାଆନୁ ।

୧୮ ସାମା ଏଡି ଏନିକ୍‌ ପେନି ବେଲାତା ଆଏ ଏଦାଆଁତାକି ପ୍ରାତାନା କିଦୁ ।

୧୯ \*ଇଚିହ୍‌ ଏ କାଲାତା ଇଲେତି କସ୍‌ ଖାନ୍‌, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍‌ ଆହା ହିଲେଏ, ଇଞ୍ଜା ଏଲେକ୍‌ ଏଚେଲାଖା ଆଏ ।

୨୦ ସାମା ପ୍ରବୁ ଏ ଲାଗେଏତି କାଲାଇଁ ଉଣା କିହାମାନେସି । ଏଲେ କିହାଲିଆତ୍‌ମା, ଏଡି ଏମ୍ବାଟି ଆତ୍ମାଆରି ଗେଲ୍‌ପି ଆଆତେରିମା । ତାନି ଆର୍‌ଞ୍ଜିଆଡ଼ି ଲକୁତାକି ଏ କାଲା ଉଣା କିହାମାନେସି ।

୨୧ “ଏଚିବେଲା ‘ମେହ୍‌ଦୁ କ୍ରୀସ୍‌ ଇମ୍ବାଆଁ’ ଅଡେ ‘ଏମ୍ବାଆଁ’ ଇଞ୍ଜି ଲକୁ ମିଙ୍ଗେ ଖେସ୍ତାନେରି, ଆଡିହ୍‌ ମୀରୁ ଏଦାଆଁ ନାମାଆଦୁ ।

୨୨ ନାଡ଼ିକିନି କ୍ରୀସ୍‌ ଅଡେ ମାହାପୁରୁ ବଲୁ ମିଟି ଖେହ୍‌ନାରି ନିଙ୍ଗାନା ଇଲେତି ସିନା ଅଡେ କାବାଆନି କାମାୟାଁ ତହ୍‌ନେରି, ଆଡ଼ିତିହ୍‌, ଆର୍‌ଞ୍ଜିଆଡ଼ି ଲକୁଣି ଜିକେଏ ନାଡ଼ି କିନେରି ।

୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଇଁ ।

**ମାଣ୍ଡସି ମୀରୁଏସି ଖେଣ୍ଡେ ଖାନାୟି**

(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ \*ସାମା ଏ ବେଲାତି ଏ କସ୍‌ ତାୟୁ ଖେଡା ଆନ୍ଦେରି ଆନ୍ଦେ ଅଡେ ଲେଞ୍ଜୁ ଉଜେଡି ହାଏ,

୨୫ \*ହୁକାୟାଁ ହାଗୁଟି ତରଗାଲି ମୀରୁ ଅଡେ ହାଗୁ ଲାକତି ବାଡ଼ୟୁ ବାରେ କିଲିବିଲି ଆନ୍ଦେ ।

୨୬ \*ଏଚିବେଲା ଲକୁ ମାଣ୍ଡସି ମୀରୁଏଶାଇଁ କାଜା ବାଡ଼ୟୁଟି କାଜାପାଶା ତଲେ ହାଗୁ ଲାକତି ଖାନାଣି ମେହ୍‌ନେରି ।

୨୭ ଏଚିବେଲା ଏଞ୍ଜାସି ଦୁଡୁୟାଁଣି ପାଣ୍ଡାନା ଦାର୍‌ତି ମୁଟ୍‌ପେତି ସାରିଖାକିତି ତାନି ଆଚାମାନି ଲକୁଣି ରୁଣ୍ଡା କିନେସି ।

**ତୟା ମୀରୁନୁଟି ଜାପିନାୟି**

(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମୀରୁନୁ ପୁଣ୍ଡି କିନି କାତାଟି ଜାପାଦୁ । ଏଚିବେଲାତା ଏ ମୀରୁନୁତା କଡ଼ଗି କମାୟାଁ ଅଡେ ଗଞ୍ଜେଡି ଗାଲ୍‌ନୁ, କାରା କାଲମି ଖାଡେ ଇଞ୍ଜି ପୁଞ୍ଜେରି ।

୨୯ ଏଲେକିହ୍‌ ଏ ମୀରୁ ଜିକେଏ ଇ ବାରେ ମେସିସାରେ ଏଞ୍ଜାସି ଦୁଞ୍ଜେରି ତାଗେ ମାନେସି ଇଞ୍ଜି ପୁଞ୍ଜେରି ।

୩୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡାକ୍‌ଅରି ।

୩୧ ହାଗୁପାକା ଦାର୍‌ତି ବାରେ ମେଣ୍ଡାକ୍‌ନେ, ସାମା ନା ବଲୁ ଏଚେଲାଖା ମେଣ୍ଡାକ୍‌ଏ ।”

**ଆତ୍ମାଆସି ଇ ଦିନା ଅଡେ ବେଲାତି ପୁନଅସି**

(ମାତି ୨୪:୩୬-୪୪)

୩୨ \*ସାମା ଏ ଦିନା କି କାଲାତି କାତା ଆତ୍ମାଆରି ପୁନଅରି, ଲାକପୁରୁତି ଦୁଡୁୟାଁ କି ମୀରୁଏସି ଜିକେଏ ପୁନଅସି, ଖାର୍‌ଇ ଆବାଦେ ପୁନେସି ।

୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇଚିହ୍‌ ଏ ବେଲା ଏଚେଲା ଆନ୍ଦେ ଏଦାଆଁ ମୀରୁ ପୁନଅଡେରି ।

୩୪ \*ଏଡି ଇଲେକିହ୍‌, ର ମାଣ୍ଡସି ତାନି ଇଲୁ ପିସାନା ହେକ ରାଜିତା ହାନେସି, ଅଡେ ତାନି ହଲିୟାକ୍‌ଣା ବାରେ କାମାତି ଅଦିକାରା ହାତେସି ଇଞ୍ଜା ଦୁଞ୍ଜେରିତା କାଚାଲି ଜିକେଏ ହୁକୁମି ହାତେସି ।

୩୫ ଏଦାଆଁତାକି କାଚାନା ତୟାମୁ; ଇଚିହ୍‌ ନୀନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏଚେଲା ଖାନ୍‌ନେସି, ମିଡ଼ଅଲା କି ମାଦି ଲାଆଁୟାଁ, ଖେୟାଆ ନକେଏ କି ଖେଡା ହନି ବେଲାତା ଏଞ୍ଜାସି ଖାନ୍‌ନେସି ।

୩୬ ଏଞ୍ଜାସି ଦେବୁଣିଏ ଖାଡ଼ିସାରେ ମୀରୁ ହୁଞ୍ଜାମାନାଣି ମେସ୍ତାଆପେସି ।

୩୭ ନାନୁ ମିଙ୍ଗେ ଏଦାଆଁ ଖେସିମାଞ୍ଜାଇଁ, ଏଦାଆଁ ବାରେଡି ଖେସିମାଞ୍ଜାଇଁ, ଜାଗ୍ରାତା ମାଞ୍ଜୁ ।

**୧୪**

**ଜୀସୁଇଁ ଆସାଲି ପାରୁ ପାରିନାୟି**

(ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସପିଆନି ପାରୁ ଇଞ୍ଜା ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ଆହାଲି ରୀ ଦିନା ମାଚେ । ଏଚିବେଲାତା କାଜା ପୁଜେରାକ୍‌ ଇଞ୍ଜା ମେରା ପୁନାରି ଏନିକ୍‌ ଏଞ୍ଜାଶାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି ।

୨ ଇଚିହ୍‌ ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।”

**ବେତନିୟାତା ଜୀସୁ ତାୟୁଁ ତୁ ନିୟୁଁ ଖାକ୍‌ନାୟି**

(ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାରେକା ଦାରାତି ଗାୟା ନିୟୁଁ ତାଚାନା ଗାଜୁତି ଦେଚାନା ଜୀସୁ ତାୟୁଁ ତୁ ଖାକ୍‌ହାଲି ମୀରୁହେ ।

୪ ସାମା ଏଚେକା ଲକୁ କାର୍‌ବି ଆହାନା, ତାମ୍ବୁତାମ୍ବୁ ଖେସପି ଆଡେରି, “ନିୟୁଁ ଏଦାଆଁତାକି ନସ୍ତ ଆଡେ ?

\* ୧୩:୧୯ ଖେ ବଲୁ ୭:୧୪ \* ୧୩:୨୪ ଖେ ବଲୁ ୭:୧୨ \* ୧୩:୨୫ ଖେ ବଲୁ ୭:୧୩ \* ୧୩:୨୬ ଖେ ବଲୁ ୧:୭ \* ୧୩:୩୨ ମାତି ୨୪:୩୬ \* ୧୩:୩୪ ଲୁକ ୧୨:୩୬-୩୮

୫ ଇ ନିହ୍ନୁଁ ସାତାକଡ଼ି ଦସଟାକା କିହ୍ନାଁ ଆଗାଡ଼ା ପାର୍ବପି ଆହାନା ହାକି ଗାଟାରାକି ହୀପକି ଆହାଲି ଆଡ଼ିତେମା” ଏଦାଆଁତାକି ଏଞ୍ଜାରି ଏ ଇୟାନି ଲାଗାଲି ମାଟ୍‌ହେରି ।

୬ ସାମା ଜୀସୁ ଏଲେଇଚେସି, “ଏଦାନି ପିହ୍‌ଦୁ; ଏଦାଆଁତାକି କସ୍ତ୍ର ହୀହିମାଞ୍ଜେରି ? ଏଦି ନାଞ୍ଜେତାକି ନେହ୍ କିହାମାନେ ।

୭ ଇଚିହ୍ ହାକି ଗାଟାରି କାଟ୍‌ଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଚେତା ମନ୍ ଏଚେତା ଏଞ୍ଜାରି ସାଫ୍‌ୟେମି କିହାଲି ଆଡ଼ିଦେରି; ସାମା ନାନୁ କାଟ୍‌ଲେଏ ମୀ ତାଣା ଡ଼ୟଅଁ ।

୮ ଏଦି ଏଦାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ ନିହ୍ନୁଁ ଖାକ୍‌ହାନା ତିୟାରା କିହାମାନେ ।

୯ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ବାରେ ଦାର୍‌ତିତା ଆମ୍ବିୟା ଜିକେଏ ନେହ୍ କାରୁ ଖେକ୍‌ନେରି, ଏ ଟାୟୁତା ଇ ଇୟାନି ଅଣ୍‌ପାଲିତାକି ଏଦାନି ଇ କାମାତି କାତା ଜିକେଏ ଖେସ୍‌ପି ଆନେ ।”

**ଜୀହୁଦା ଜୀସୁ ଆସ୍‌ପି କିହାଲି ରାଜି ଆନାୟି**  
(ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଣା ବିତ୍ରାଟି ଇସ୍‌ସାରିୟତ ଜୀହୁଦା ଦରୁଗାଟାସି ରଅସି ଜୀସୁଇଁ କାଜା ପୂଜେରାଙ୍ଗା କେୟୁତା ହେର୍‌ପାଲି ଏଞ୍ଜାରିତାଣା ହାଚେସି ।

୧୧ ଏଞ୍ଜାରି ଏଦାଆଁ ଖେଞ୍ଜାନା ରାହ୍ନାଁ ଆଚେରି, ଇଞ୍ଜାଁ ଏଞ୍ଜାଣାକି ଟାକାୟାଁ ହୀହାଲି ଆଞ୍ଜିତେରି, ଏମ୍ବାଟିଏ ଏଞ୍ଜାସି ଏଞ୍ଜାଣାଇଁ ଆସ୍‌ପି କିହାଲି ନେହ୍ ପାରୁ ପାରିତେସି ।

**ତାନି ସୀସୁୟାଁ ତଲେ ପିସ୍‌ପିଆନ୍ତି ପାର୍ବୁତି ବଜି**  
(ମାତି ୨୬:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୁଲ୍‌ଗୁଣ୍ଡା ଆଣ୍ଡାଆତି ରୁଟି ତିନି ପାର୍ବୁତି ମୂଲୁ ଦିନାତା ଆମିନି ନେରୁ ପିସ୍‌ପିଆନ୍ତି ପାର୍ବୁତି ମେଣ୍ଡା ତାଲୁତି ହେର୍‌ପିଆନେ, ଏ ଦିନା ତାନି ସୀସୁୟାଁ ଏଞ୍ଜାଣାଇଁ ଖେଚେରି, “ମାମ୍ବୁ ହାଜାନା ଆମିନି ଟାୟୁତା ନିଙ୍ଗେତାକି ପିସ୍‌ପିଆନ୍ତି ପାର୍ବୁତି ବଜି କିନମି ଇଞ୍ଜାଁ ନାନୁ ଅଣ୍‌ପିମାଞ୍ଜି ?”

୧୩ ଏମ୍ବାଟିଏ ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାଜୁ ଇଞ୍ଜାଁ ଏୟୁ ଡ଼କା ଅହିମାନି ରଅସି ମିଙ୍ଗେ ବେଟାଆୟାନେସି; ଏଞ୍ଜାଣି ଜେଟ ଜେଟ ହାଜୁ;

୧୪ ଏଞ୍ଜାସି ଆମିନି ଇଜ ହଡ଼ନେସି, ଏ ଇଲୁ ଗାଟାଣାଇଁ ଖେଞ୍ଜୁ, ‘ଗୁରୁ ଖେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଟାୟୁତା ପିସ୍‌ପିଆନ୍ତି ପାର୍ବୁତି ବଜି କିହାଲି ଆନେ ଏ ବାକ୍ତା ଆମିନାୟି ?”

୧୫ ଏଚେଟିଏ ଏଞ୍ଜାସି ମିଙ୍ଗେ ନେହ୍ କିହାଲି ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ବାଆଁ ମାଙ୍ଗେତାକି ରାନ୍ଦା ଖାଜାଦୁ ।”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଚେରି, ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏନିକ୍ ଖେସାମାଚେସି, ଏଲେକ୍ ମେସାନା ପିସ୍‌ପିଆନ୍ତି ପାର୍ବୁତି ବଜି ଖାଜିତେରି ।

୧୭ ମିଡ଼ଅଲ୍‌ଆ ହାଲିଏ ଜୀସୁ ବାରଜାଣା ସୀସୁୟାଁ ତଲେ ଖାଚେସି ।

୧୮ ଏଞ୍ଜାରି କୁଗାନା ରାନ୍ଦା ତିଞ୍ଜି ମାଟାଟି ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଅତେରି ନାଙ୍ଗେ ସାତୁ କେୟୁତା ହେର୍‌ପାଦେରି ।”

୧୯ ଏମ୍ବାଟିଏ ଏଞ୍ଜାରି ଦୁକୁ ଆହାନା ରଅ ରଅରି ଏଞ୍ଜାଣାଇଁ ଖେଞ୍ଜାଲି ମାଟ୍‌ହେରି, “ନାନୁ ଏଞ୍ଜାଚେସ୍ କି ?”

୨୦ ଜୀସୁ ଏଞ୍ଜାରାଇଁ ଏଲେଇଚେସି, “ବାରଜାଣା ବିତ୍ରାଟି ରଅସି, ଆମ୍ବାଆସି ନା ତଲେ ସାଡ଼଼ାତା କେୟୁ ମେଡ଼୍‌ହି ମାନେସି ।

୨୧ ମାଣ୍‌ସି ମୀରଏଣା କାତା ଏନିକ୍ ରାସ୍‌କି ଆହାମାନେ, ଏଲେକିହ୍ ଏ ହାନ୍‌ନେସି ସାତା, ସାମା ଆମିନି ଲକୁ ତାଣାଟି ମାଣ୍‌ସି ମୀରଏସି ସାତୁ କେୟୁତା ହେର୍‌ପିଆନେସି, ଆୟଡ଼ା ଏଞ୍ଜାଣି ତଣ୍ଡୁ ! ଏ ଲକୁତି ଜାର୍ନା ଆହାହିଲ୍‌ଆତିହ୍ ଏଞ୍ଜାଣାକି ନେହ୍ ଆଚେମା ।”

**ପ୍ରବୁତି ବଜି**

(ମାତି ୨୬:୨୬-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଞ୍ଜାରି ତିଞ୍ଜି ମାଟାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡ଼ିକ୍‌ହା ହୀହାନା ଏଲେଇଚେସି, “ଅଦୁ ତିଞ୍ଜୁ ଇଦି ନା ଆଙ୍ଗା ।”

୨୩ ଇଞ୍ଜାଁ ଏଞ୍ଜାସି ଗହ୍‌ନି ସଲ୍‌ଲା ଆସାନା ମାହାପୁରୁଇଁ ଜହରା କିହାଁ ଏଞ୍ଜାରାକି ହୀଚେସି, ଇଞ୍ଜାଁ ବାରେଜାଣା ଏଦାଆଁ ଗସ୍ତେରି ।

୨୪ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଆମିନି ରାଜିମାନା ନେତେରି ହାରେକା ଲକୁତାକି ଖାଙ୍ଗାମାନେ, ଇଦି ଏ ନା ନେତେରି ।

୨୫ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଦିନା ମାହାପୁରୁତି ରାଜିତା ପୁଠନି କିହ୍ ଅଙ୍ଗୁରି ପାଡ଼େୟିତି ରାସା ଗହ୍‌ଇଁ ଏ ଦିନା ପାଡେକା ଇଦାଆଁ ଅଡ଼େ ନାନୁ ଏଚେଲା ଗହ୍‌ଅଁ ।”

୨୬ ଇଞ୍ଜାଁ ଏଞ୍ଜାରି ଜହରା ପାରୁ ପାଡ଼ିତି ତାୟୁ ଜୀତ ହରୁତା ହଡ଼ା ହାଚେରି ।

**ପିତର ଜୀସୁଇଁ ପୁଞ୍ଜାହିଲଅଁ ଇନି କାତା**

(ମାତି ୨୬:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୭ ଏଚିବେଲା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହ୍ ରାସ୍‌କି ଆହାମାନେ, ନାନୁ ମେଣ୍ଡା ଗଡ଼ୁଁ ପାୟିଇଁ ଇଞ୍ଜାଁ ମେଣ୍ଡାୟାଁ ଆଲାରା ଆହାହାନୁ ।

୨୮ ☆ସାମା ନାନୁ ହାହାନା ଖେଣ୍ଡେ ନିଜିତି ତାୟୁ ମୀ ନକିତା ଗାଲିଲିତା ହାଉଁ ।”

୨୯ ଏମ୍ବାଟିଏ ପିତର ଏଲେଇରେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଜେ ଏତେଲା ପିସୁଅଁ ।”

୩୦ ଜୀସୁ ପିତରଇଁ ଏଲେଇରେସି, “ନାନୁ ନିଜେ ସାତା ଖେସିମାଞ୍ଜାଇଁ, ନୀଞ୍ଜୁ ଇ ଲାଆଁୟଁ କୟୁ ରୀ ଦେବା କେଣ୍ଡା ମାନାଟିଏ, ନାନୁ ଏଞ୍ଜାଣାଇଁ ପୁଞ୍ଜାହିଲଅଁ ଇଞ୍ଜୁଁ ତାନିପାଲି ଏଲେଇଞ୍ଜୁ ।”

୩୧ ସାମା ପିତର ଆଟ୍‌ଞ୍ଜା ତଲେ ଏଲେଇରେସି, “ନାଜେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ ଏତେଲା ପୁଞ୍ଜାହିଲଅଁ ଇଞ୍ଜୁଅଁ ।” ଇଞ୍ଜା ବାରେଜାଣା ଜିକେଏ ଏଲେଇରେରି ।

**ଜୀସୁ ଗେଡ଼ସିମନିତା ପ୍ରାତାନା କିନାୟି**  
(ମାତି ୨୭:୩୭-୪୭; ଲୁକ ୨୨:୩୯-୪୭)

୩୨ ତାୟୁ ଏଞ୍ଜାରି ଗେଡ଼ସିମନି ଇନି ର ଟାୟୁତା ଖାଡ଼େରି, ଇଞ୍ଜା ଜୀସୁ ତାନି ସୀସୁୟଁଇଁ ଏଲେଇରେସି, “ନାନୁ ପ୍ରାତାନା କିହିମାନି ପାତେକା ଇମ୍ବାଆଁ କୁଗାନା ମାଞ୍ଜୁ ।”

୩୩ ଇଞ୍ଜା ଏଞ୍ଜାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି । ଏଞ୍ଜାସି ହାରେକା ଦୁକୁତି କସ୍ତ ତାକି କିଲିବିଲି ଆଡ଼େସି ।

୩୪ ଏଚେଟିଏ ଜୀସୁ ଏଞ୍ଜାରାଇଁ ଏଲେଇରେସି, “ନା ଜୀସୁ ହାନିଲେହେଁ ହାରେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ତେଃଏଲାନା କାଟାମାଞ୍ଜୁ ।”

୩୫ ଜୀସୁ ନକିତା ହାଜାନା ବୁମିତା ମୁନୁ କୁଡ଼ିତେସି, ଅଡ଼େ ଆହାଲି ଆଡ଼ିତିହଁ, ଏ ଦୁକୁ ଏଞ୍ଜାଣି ତାଣାଟି ଏନିକଁଁ ହେକ ଆନେ, ଏଦାଆଁତାକି ପ୍ରାତାନା କିତେସି ।

୩୬ ଇଞ୍ଜା ଜୀସୁ ଏଲେଇରେସି, “ଆବା, ନୀନୁ ବାରେଏ କିହାଲି ଆଡ଼ିଦି; ଇ କସ୍ତ ବାଦା ନା ତାଣାଟି ହେକ କିମ୍ବ; ଆଡ଼ିଜିକେଏ ନା କାତା ଆଏ ନୀ କାତେଏ ଆଡ଼େ ।”

୩୭ ଇଞ୍ଜା ଏଞ୍ଜାସି ଖାହାନା ସୀସୁୟଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇରେସି, “ସିମନ ନୀନୁ ତୁରିତିକି ? ଗାଡ଼େକା ଜିକେଏ କାଟାଲି ଆଡ଼ାଆଡ଼େରି ?

୩୮ ଏଦାଆଁତାକି କାଟାନା ପ୍ରାତାନା କିଦୁ; ଏନିକଁଁ ମୀରୁ ପାନ୍ଦାତା ହେରଅଡ଼େରି, ମନ ମାନେ ସାତା, ଆଜାତା ବାଡ଼ୟୁ ହିଲେଏ ।”

୩୯ ଏଞ୍ଜାସି ଅଡ଼େ ଖେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି ।

୪୦ ଅଡ଼େ ଖେଣ୍ଡେ ଖାହାନା ଏଞ୍ଜାସି ଏଞ୍ଜାରାଇଁ ଇଦା କିହାମାନାଣି ମେସ୍ତେସି, ଇଚିହଁ ଏଞ୍ଜାରି କାଣ୍ଡକା ପକ୍ଢ଼ି ଆହିମାରୁ, ଇଞ୍ଜା ଏଞ୍ଜାରି ଏଞ୍ଜାଣାଇଁ ଏଦାଆଁ ଜଲିନେରି ପୁଞ୍ଜାଲି ଆଡ଼ାଆଡ଼େରି ।

୪୧ ଜୀସୁ ତାନି ଦେବା ଖାହାନା ସୀସୁୟଁଇଁ ଏଲେଇରେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଞ୍ଜାହିମାନେ; ମେହ୍‌ଦୁ ମାଣ୍ଡସି ମୀରଏସି ସାତୁୟଁ କେୟୁତା ହେରପି ଆହିମାନେସି ।

୪୨ ନିଜାଦୁ, ମାର ହାନ, ମେହ୍‌ଦୁ ଆମ୍ବାଆସି ନାଜେ ସାତୁୟଁ କେୟୁତା ହେରପାନେସି ଏଞ୍ଜାସି ଏଗାଞ୍ଜାଡ଼େସିଏ ।”

**ଜୀସୁ ସାତୁ କେୟୁତା ହେରପି ଆନାୟି**  
(ମାତି ୨୭:୪୭-୫୭; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଖେସିମାଟି ବେଲାତା, ବାରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଜା, ମୋରା ପୁନାରି ଇଞ୍ଜା ଲକୁଡ଼ି କାଜାରି ତାଣାଟି କାଣ୍ଡା ଟେଙ୍ଗା ଆସାନା ଖାଡ଼େରି ।

୪୪ ଜୀସୁଇଁ ସାତୁୟଁ କେୟୁତା ହେରପିନାସି ଏଞ୍ଜାରାଇଁ ଇ ସିନା ଖେସାମାରେସି, “ନାନୁ ଆମ୍ବାଆରାଇଁ ନଶ୍ଚିଇଁ ଏଞ୍ଜାସିଏ ଏଞ୍ଜାସି । ଏଞ୍ଜାଣାଇଁ ଦସାନା ଜାଗ୍ରାତା ତଲେ ଅଦୁ ।”

୪୫ ଇଞ୍ଜା ଏଞ୍ଜାସି ଏ ଦେବୁଣିଏ ଏଞ୍ଜାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଞ୍ଜାଣାଇଁ ନଶ୍ଚିତେସି ।

୪୬ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଆସାନା ଦସା ଅଡ଼େରି ।

୪୭ ସାମା ତାଗେ ନିତାମାଟି ଲକୁ ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୂଜେରା ହଲେଏଣା କିୟଁଁ ଦାଡ଼େସି ।

୪୮ ଜୀସୁ ଏଞ୍ଜାରାଇଁ ଏଲେଇରେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଟେଙ୍ଗା ଆସାନା ମୀରୁ ନାଜେ ଆସାଲି ଖାଡ଼େରି ?

୪୯ ☆ନାନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପୁହି ମାଞ୍ଜାଡେଏଁ, ସାମା ମୀରୁ ନାଜେ ଆସ୍ତାଆଡେରି; ସାମା ଦାମ୍ବୁ ପତିତି ରାସ୍‌କି ଆଡ଼ି ବଲୁ ଏନିକଁଁଁ ସାତା ଆଡ଼େ, ଏଦାଆଁତାକି ଇ ବାରେ ଆହିମାନେ ।”

୫୦ ଏଚିବେଲା ବାରେଜାଣା ସୀସୁୟଁ ଏଞ୍ଜାଣାଇଁ ପିସାନା ହାରେରି ।

୫୧ ର ଦାଂଗଣା କକାସି ର ହିମ୍ବୁରି ପିଡ଼ଗାହଁ ଜୀସୁ ଜେଡ଼ ଜେଡ଼ ହାଜିମାରେସି; ଏଞ୍ଜାରି ଏଞ୍ଜାଣାଇଁ ଆସାଲି ହାଜାଲିଏ,

୫୨ ଏଞ୍ଜାସି ଏ ପାଡ଼ାଡ଼ା ହିମ୍ବୁରି ପିସାନା ଖାରଇ ଆଜାଟି ହଟାଡୁସ୍ତେସି ।

**ଜୀସୁଇଁ ବେରଣିମାଣ୍ଡାତା ନୀହଁୟି କିନାୟି**  
(ମାତି ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଞ୍ଜାରି ଜୀସୁଇଁ କାଜା ପୂଜେରା ନକିତା ଅଡ଼େରି, ଇଞ୍ଜା କାଜା ପୂଜେରା, ଲକୁଡ଼ି କାଜାରି ଅଡ଼େ ମୋରା ପୁନାରି ବାରେ ଖାହାନା ରୁଣ୍ଡା ଆଡ଼େରି ।

୫୪ ପିତର ହେକ ମାଞ୍ଜାନା ଏଞ୍ଜାଣି ଜେଡ଼ ଜେଡ଼ କାଜା ପୂଜେରା ଆଂଗେଣି ବିତ୍ରା ହାରେସି ଇଞ୍ଜା ଜାମାନାଜା ତଲେ କୁଗାନା ହିତୁ କେରଞ୍ଜି ମାରେସି ।

୫୫ ଏମ୍ବାଟିଏ କାଜା ପୂଜେରାଜା ଇଞ୍ଜା ବେରଣି ମାଣ୍ଡାତି ବାରେଜାଣା ଜୀସୁଇଁ ପାୟାଲି ଏଞ୍ଜାଣି କପାଟି ସାକିୟଁଁ ପାରିତେରି, ସାମା ଏନି ଦହ ବେଟାଆଆଡ଼େରି;

୫୬ ଇଚିହଁଁଁ ହାରେକା ଏଞ୍ଜାଣି କପାଟି ମିତି ସାକିୟଁଁଁ ହାଡ଼ି ଜିକେଏ ଏଞ୍ଜାରି ହାଡ଼ି ସାକି ଆଣ୍ଡାଆଡ଼େ ।

☆ ୧୪:୪୯ ଲୁକ ୧୯:୪୭; ୨୧:୩୭





୧୧ ସାମା ଏଝାସି ଏନିକି ଏଝାରି ତାକି ବାରବାଇଁ ପିହ୍ନେସି, ଏଦାଆଁତାକି କାଜା ପୂଜେରାଜା ଲକ୍ଷୁଣି ଖେସ୍ତେରି ।

୧୨ ସାମା ପିଲାତ ଖେଶ୍ତେ ଏଝାରାଇଁ ଏଲେଇଚେସି, “ଆତିହ୍ ଏଆମ୍ବାଆରାଇଁ ଜାହୁଦି ଲକ୍ଷୁଣି ରାଜା ଇଞ୍ଜି ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ ?”

୧୩ ଲକ୍ଷୁ ବାରେ କାଲ୍‌ଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୪ ଏମ୍ବାଟିଏ ପିଲାତ ଏଝାରାଇଁ ଖେଚେସି, “ଏନାଆଁତାକି ଏଝାସି ଏନି ଦହ୍ କିହାମାନେସି ?”

ସାମା ଏଝାରି ଗାଡି କାଲ୍‌ଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୫ ଏଚେଟିଏ ପିଲାତ ଲକ୍ଷୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜା ଜୀସୁଇଁ ସାଟ୍‌ଣି ତଲେ ଖେପି କିହାନା ପାସି ମୁଣ୍ଡାତା ଏକହାଲି ହେର୍ପିତେସି ।

**କସ୍‌କା ଜୀସୁଇଁ ନିନ୍ଦାକିହ୍ କାକ୍‌ନାୟି**

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାଟିଏ କସ୍‌କା ଜୀସୁଇଁ ଆଂଗେଣିଟି ମେଡ଼ା ଇଲୁ ବିତ୍ତା ଅହାନା ବାରେ କସ୍‌କାଣି ହାଟାନା ରୁଣ୍ଡା କିତେରି ।

୧୭ ଏଝାରି ଏଝାଣାଇଁ ହେୟାଁ ଖାଣା ହିମ୍ବୁରି ହୁଟିକିତେରି ଇଞ୍ଜା ହାପ୍‌କା ଚଢ଼େପି ଆଲାନା ଏଝାଣି ତାୟ୍‌ ତୁା ତୁରଝି କିତେରି;

୧୮ ଅଡ଼େ “ଏ ଜାହୁଦି ଲକ୍ଷୁଣି ରାଜା ଜହରା” ଇଞ୍ଜି ଏଝାଣାଇଁ ନିନ୍ଦାକିତେରି ।

୧୯ ଇଞ୍ଜା ଏଝାରି ର ବାଡ଼ଗା ଆସାନା ଏଝାଣି ତାୟ୍‌ ତୁା ଖେତେରି ଇଞ୍ଜା ମେଣ୍ଡାକୂତାନା ଜହରା କିତେରି ।

୨୦ ଏଝାରି ଏଝାଣାଇଁ ଲାଜାକିହ୍ କାକ୍‌ହି ତାୟ୍‌, ଏ ହେୟାଁ ଖାଣାଗାଟି ହିମ୍ବୁରି ହୁକ୍‌ହା ଅହାନା ତାନି ହିମ୍ବୁରି ହୁଟିକିତେରି । ଇଞ୍ଜା ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଞ୍ଜାତା ଅଡ଼େରି ।

**ଜୀସୁଇଁ ପାସି ଏକନାୟି**

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ଏଚିବେଲା ଆଲେକ୍‌ଜାଣ୍ଡାର ଇଞ୍ଜା ରୁପତାମି ଆବା ସିମନ ଦରୁଗାଟି ର କୁରିଣିୟ ଲକ୍ଷୁ ନାୟ୍‌ଟି ଖାହାନା ଏ ଜିରୁଟି ହାଜିମାଚେସି; ଏଝାରି ଏଝାଣାଇଁ ଜୀସୁଟି ପାସିମୁଣ୍ଡା ଡ଼େକାଲି ବାଲାମାତାମି କିତେରି ।

୨୨ ଇଞ୍ଜା ଏଝାରି ଏଝାଣାଇଁ ଗଲ୍‌ଗତା ଇଚିହ୍ “ତାୟ୍‌ ଗୁପା” ଇନି ଟାୟ୍‌ତା ତାତେରି ।

୨୩ ଇଞ୍ଜା ଏଝାରି ଏଝାଣାକି ପୁଲା ଆଣ୍ଡିତି ଅଜ୍ଜୁରି ରାସା ଗସାଲି ହାତେରି, ସାମା ଏଝାସି ଏଝାଆଁ ଗହ୍‌ଆଡେସି ।

୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି

କିହାନା ତାନି ହିମ୍ବୁରିକା ତାୟ୍‌ ତାୟ୍‌ ବାଟି କିହାନା ଅଡ଼େରି ।

୨୫ ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି ।

୨୬ ଇଞ୍ଜା ଏଝାଣିଲକ ଇଲେଇଞ୍ଜି ରାସ୍‌କି ଆହାମାଚେ, “ଇଝାସି ଜାହୁଦି ଲକ୍ଷୁଣି ରାଜା ।”

୨୭ ଇଞ୍ଜା ଏଝାଣି ଚିଝିନିଝାକି ରଅଣାଇଁ ଅଡ଼େ ଚେଟ୍‌ଝାକି ରଅଣାଇଁ, ଇଲେକିହ୍ ରୀ ସର୍‌କାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି ।

୨୮ ଏଚେଟିଏ ଦାମ୍‌ ପତିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି ।\*

୨୯ ଏ ଜିରୁଟି ହାଜିମାନି ଲକ୍ଷୁ ତାମି ତାର୍‌କା ଗୁଟ୍‌କିକିହ୍ ଏଝାଣାଇଁ ନିନ୍ଦାକିହ୍ ଏଲେଇଚେରି, “ଆବା, ମାହାପୁରୁ ଇଲୁଟି ଡିକ୍‌ନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି, ପାସି ମୁଣ୍ଡାଟି ରେଟାଝାହାନା ନିଞ୍ଜେ ଗେଲ୍‌ପା କତାମୁ ।”

୩୦ କାଜା ପୂଜେରାଜା ଜିକେଏ ଏଲେକ୍ ମେରାପୁନାରି ତଲେ ତାୟ୍‌ ତାୟ୍‌ ଏଝାଣାଇଁ ନିନ୍ଦାକିହ୍ ଏଲେଇଚେରି, “ଏଝାସି ଅର ଲକ୍ଷୁଇଁ ଗେଲ୍‌ପିତେସି, ସାମା ତାଞ୍ଜେ ଗେଲ୍‌ପାଲି ଆଡ଼ିହଲଅସି ।

୩୧ ଇସ୍ରାୟେଲତି ରାଜା କ୍ରୀସ୍‌ତି ଇଚିହ୍ ଦେବୁଣିଏ ପାସି ମୁଣ୍ଡାଟି ରେଟା ଖାମ୍, ଏନିକି ମାମ୍‌ ଏଦାଆଁ ମେସାନା ନାମାନମି ।”

ଇଞ୍ଜା ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦାକିତେରି ।

**ଜୀସୁ ହାନାୟି**

(ମାତି ୨୭:୪୫-୫୨; ଲୁକ ୨୩:୪୪-୪୯; ଜହ ୧୯:୨୮-୩୦)

୩୨ ବାର ଗଂଟା ବେଲା ଏ ଦେସା ଆନେରି ଆହାନା ତାନି ଗଂଟା ପାତେକା ଡ଼ୟିତେ ।

୩୩ ତାନି ଗଂଟା ବେଲାତା ଜୀସୁ କାଜା ହାଡ଼ାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍‌ତାନି ?” ଇଚିହ୍ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଞ୍ଜେ ଏନାଆଁତାକି ପିସ୍ତାତି ?”

୩୪ ଇ ହାଡ଼ା ଖେଞ୍ଜାନା ଦାରିତା ନିଟାମାନି ଲକ୍ଷୁ ଆମ୍ବା ଆମ୍ବାଆରି ଏଲେଇଚେରି, “ମେହ୍‌ଦୁ ଏଝାସି ଏଲିୟଇଁ ହାଟି ମାନେସି ।”

୩୫ ଇଞ୍ଜା ରଅସି ହଟିହ୍ ହାଜାନା ର ଡ୍ରାଝଆଲି ପୁଲା ଅଜ୍ଜୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଶୁ ଏଲିୟ ଇଝାଣାଇଁ ଗେଲ୍‌ପାଲି ଖାହିମାନେସି କି ଆଏ ସିନିକିନ ।”

୩୬ ସାମା ଜୀସୁ କାଜା ଗିୟାତଲେ ଜଲାନା ହାଡ଼େସି ।

୩୭ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡ଼େ ।

\* ୧୫:୨୧ ରମି ୧୭:୧୩ \* ୧୫:୨୮ କିସାୟ ୫୩:୧୨ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ । \* ୧୫:୨୯ ମାର୍ଚ୍ଚ ୧୪:୫୮; ଜହ ୨:୧୯

୩୯ ଏଞ୍ଜାଣି ନକିତା ନିଗମାନି ପାସାକଡ଼ି କସ୍‌କା ମୁହେଁ କାଜାସି ଏଞ୍ଜାଣି ଇଲେତି ହାଡ଼ାଣି ମେସାନା ଏଲେଇତେସି, “ସାତେଏ, ଇଞ୍ଜାସି ମାହାପୁରୁତି ମାରୁଏସି ମାଚେସି ।”

୪୦ ☆ଏଚେକା ଇୟାସିକା ଜିକେଏ ହେକଟି ସିନିକିହିମାତୁ; ଏଞ୍ଜାସିକା ବିତ୍ରାଟି ମଗ୍‌ଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି ମାତୁ;

୪୧ ଏଞ୍ଜାସି ଗାଲିଲିତା ମାଚାଟି ଏଞ୍ଜା ଏଞ୍ଜାଣି ଜେତ ହାଜାନା ଏଞ୍ଜାଣି ସେବା କିହିମାତୁ; ଏଞ୍ଜାସିକା ତଲେ ଜିରୁସାଲମତା ଖାହାମାନି ହାରେକା ଇୟାସିକା ସିନିକିହିମାତୁ ।

**ଜୀସୁଇଁ ମାହୁଣି ମାଣ୍ଡାତା ମୁହନାୟି**

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାଚାଟି, ଏ ଦିନା ତିୟାରା ଆନି ଦିନା ଇଚିହଁ ଜମିନି ଦିନାତି ନକିତି ଦିନା ମାଚାକି,

୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନି ଗାଟାସି ମାଚେସି, ଇଞ୍ଜା ଆମିନିଗାଟାସି ତାନୁଏ ମାହାପୁରୁତି ରାଜି କାଟିମାଚେସି, ଏଞ୍ଜାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜ୍ଞା ରାସ୍ତେସି ।

୪୪ ସାମା ଏଞ୍ଜାସି ହାଚେସିଏ ଇ କାତା ପିଲାତ ଖେଞ୍ଜାନା କାବା ଆଚେସି, ଇଞ୍ଜା ପାସାକଡ଼ି କସ୍‌କା ମୁହେଁ କାଜାଣାଇଁ ତାଗେ ହାଟାନା ଖେଚେସି, “ଏଞ୍ଜାସି ହାହାନା ହାରେକା ବେଲା ଆଚେୟିଏ ?”

୪୫ ପାସାକଡ଼ି କସ୍‌କା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜ୍ଞାତି ଅହାଲି ଜସେପଇଁ ହେଲ ହାଚେସି ।

୪୬ ଏଞ୍ଜାସି ର ପାଡ଼ାଡ଼ା ହିମ୍ବୁରି କତାନା ଏଞ୍ଜାଣାଇଁ ରେପ୍‌ହା ତାଚାନା ଏ ହିମ୍ବୁରି ରୁପିଚେସି ଇଞ୍ଜା ହରୁତା କାରୁହାମାନି ମାଡ଼ହା ମୁହନି ଟାୟୁତା ଏଞ୍ଜାଣାଇଁ ଇଟାନା ଦୁଖେରିତା ର କାଜା ଖାଲି ଉସି କିଚେରି ।

୪୭ ଏଞ୍ଜାଣାଇଁ ଆମିନି ଟାୟୁତା ଇଚ୍‌କି ଆହାମାନେ, ଏଦାଆଁ ମଗ୍‌ଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାତୁ ।

**୧୭**

**ଜୀସୁ ଖେଣ୍ଡେ ନିଜ୍ଞନାୟି**

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗ୍‌ଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାନ୍‌ଗାଟି ନିୟୁଁ କଡ଼ିତୁ, ଏନିକଁ ଏଞ୍ଜା ହାଜାନା ଜୀସୁ ଆଜ୍ଞାତା ରୁବାଲି ଆଡ଼ିନୁ ।

୨ ଏଞ୍ଜା ଖାରାତି ମୁଲୁ ଦିନା ଲାଈ ଖେଡ଼ା ହନି ବେଲାତା ମାହୁଣି ମାଣ୍ଡାତା ହାତୁ ।

୩ ଏଞ୍ଜା ତାମ୍‌ନୁ ତାମ୍‌ନୁ ଖେସ୍‌ପି ଆହିମାତୁ, “ଆମ୍‌ଆସି ମାଜ୍ଞେତାକି ମାହୁଣି ମାଣ୍ଡା ଦୁଖେରିତି ଖାଲି ଉସିକିହା

ହିୟାନେସି ?” ଏଦାଆଁତାକି ଇଚିହଁ ଏ ଖାଲି ହାରେକା କାଜାୟି ମାଚେ ।

୪ ସାମା ଏଞ୍ଜା ଏମ୍‌ଆଁ ସିନିକିନି ବେଲାତା, ଖାଲି ଉସିକିଞ୍ଜି ଆହାମାଚେ ।

୫ ଏଞ୍ଜା ମାହୁଣି ମାଣ୍ଡାତା ହତାନା ଦବ୍‌ଲା ହିମ୍ବୁରି ହୁଟାମାନି ର ଦାଂଗଣେଏଣାଇଁ ଚିଃନିଞ୍ଜାକି କୁଗାମାନାଣି ମେସାନା ହାରେକା କାବାଆତୁ ।

୬ ଏମ୍‌ଗାଟିଏ ଏଞ୍ଜାସି ଏଞ୍ଜାସିକାଣି ଏଲେଇଚେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାକ୍‌ରିତ ଜୀସୁଇଁ ପାରିମାଞ୍ଜେରି; ଏଞ୍ଜାସି ନିଜ୍ଞାମାନେସି, ଏଞ୍ଜାସି ଇମ୍‌ଆଁ ହିଲଅସି, ସିନିକିଦୁ ଇମ୍‌ଆଁ ଏଞ୍ଜାଣାଇଁ ଇଟାମାଚେରି ।

୭ ☆ସାମା ମୀରୁ ହାଜାନା ତାମି ସୀସୁୟାଁ ଇଞ୍ଜା ପିତରଇଁ ଖେହ୍‌ଦୁ, ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି; ଏଞ୍ଜାସି ମିଜ୍ଞେ ଏନିକଁ ଖେସାମାଞ୍ଜାଚେସି, ଏଲେକିହଁ ଏ ମୀରୁ ଏଞ୍ଜାଣାଇଁ ଏମ୍‌ଆଁ ମେହ୍‌ଦେରି ।”

୮ ଏମ୍‌ଗାଟିଏ ଏଞ୍ଜା ମାହୁଣି ମାଣ୍ଡାଟି ହଟୁ, ଇଚିହଁ ଏଞ୍ଜା କାବା ଆହାନା ଆଜିତାକି ତୀରୁଗିମାତୁ, ଇଞ୍ଜା ଆମ୍‌ଆରାଇଁ ଏଦାଆଁ ଖେହ୍‌ଆତୁ\* ।

**ଜୀସୁ ମଗ୍‌ଦଲିନି ମରିୟମଇଁ ତଞ୍ଜା ଆନାୟି**

(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୁଲୁତି ଦିନା ଲାଈସିଏ ଏଞ୍ଜାସି ଖେଣ୍ଡେ ନିଜ୍ଞାନା, ଆମିନିଗାଟାଣି ସାଡ଼ାଗଟା ବୃତୁୟାଁ ପିସ୍‌ପି କିହାମାଚେସି, ଏ ମଗ୍‌ଦଲିନି ମରିୟମନି ତଲିଏ ତଞ୍ଜାଆଚେସି ।

୧୦ ଏଦି ହାଜାନା ଆମିନି ଗାଟାରି ତାମିତଲେ ମାଚେରି, ଏଞ୍ଜାରାଇଁ ଖେସ୍‌ସ୍ତେ; ଇଚିହଁ ଏଞ୍ଜାରି ଦୁକୁଟି ଡ଼ାହି ମାଚେରି ।

୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି, ଇଦାଆଁ ଖେଞ୍ଜାନା ଏଞ୍ଜାରି ନାମାଆଚେରି ।

**ଜୀସୁ ରୀ ସୀସୁୟାଁଣି ତଞ୍ଜା ଆନାୟି**

(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡ଼ି ତାୟୁ ଏଞ୍ଜାରି ବିତ୍ରାଟି ରୀ ସୀସୁୟାଁ ର ନାୟୁତା ହାଜିମାଚାଟି ଏଞ୍ଜାସି ଅର ଖାଣା ତଲେ ଏଞ୍ଜାରାଇଁ ତଞ୍ଜାଆଚେସି,

୧୩ ଇଞ୍ଜା ଏଞ୍ଜାରି ହାଜାନା ଏଚ୍‌କା ତାରାଇଁ ଖେସ୍‌ସ୍ତେରି; ସାମା ଏଞ୍ଜାରି କାତା ଜିକେଏ ଏଞ୍ଜାରି ନାମାଆଚେରି ।

**ଜୀସୁ ଏଗାର ଜାଣା ସୀସୁୟାଁଇଁ ତଞ୍ଜା ଆନାୟି**

(ମାତି ୨୮:୧୬-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍‌ଗାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଚାଟି ଜୀସୁ ଏଞ୍ଜାରାଇଁ ତଞ୍ଜାଆଚେସି ଇଞ୍ଜା ଏଞ୍ଜାରି ନାମିହିଲାଆତାକି ଇଞ୍ଜା ହିୟାଁତି ଆଚ୍‌ଖାତାକି ଏଞ୍ଜାରାଇଁ

☆ ୧୫:୪୦ ଲୁକ ୮:୨୩ ☆ ୧୭:୭ ମାତି ୨୭:୩୨; ମାର୍ଚ୍ଚ ୧୪:୨୮ \* ୧୭:୮ ଏଞ୍ଜା ପିତର ତଲେ ମାଚି ବାରେ ଲକୁତାଣା ଏ କାତା ଖେସ୍‌ସୁ ୧୭:୨୦ ଇଦାଆଁ ତାୟୁ, ଜୀସୁ ତାନୁଏ ଜିକେଏ ଏଞ୍ଜାସିକା ତଲେ ସୁଦୁ ଅଡ଼େ କାଲାକାଲାତି ଗେଲ୍‌ପି ଆନାଣି ଖେକହାଲି ତାକି ଖେଡ଼ା ହପୁ ଖାକିଟି ଖେଡ଼ା ହାନି ଖାକି ପାଣ୍ଡିଚେସି ।

ଦାକା ହାତେସି, ଇଚିହିଁ ଆମିନି ଗାଟାରି ଏଞ୍ଜାଣି ଖେଣ୍ଡେ ନିଜିତାଣି ମେସାମାତେରି, ଏଞ୍ଜାରି କାତା ଏଞ୍ଜାରି ନାମା ହିଲାଆତେରି ।

୧୫ ଇଞ୍ଜା ଜୀସୁ ଏଞ୍ଜାରାଇଁ ଏଲେଇତେସି, “ମୀରୁ ବାରେ ଦାର୍ତ୍ତିତା ହାଜାନା ବାରେ କୃତାତି ଲକୁତାଣା ନେହିଁ କାରୁ ଖେହ୍ନୁ ।

୧୬ ଆମ୍ବାଆସି ନାମାନା ବାପ୍ତିସ୍ମା† ଅନେସି ଏଞ୍ଜାସି ଗେଲ୍‌ପି ଆନେସି; ସାମା ଆମ୍ବାଆସି ନାମଅସି ଏଞ୍ଜାସି ତଣ୍ଡ ବେଟାଆନେସି ।

୧୭ ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଞ୍ଜାରି ନା ଦରୁତଲେ ବୁଡୁୟାଁ ପିସ୍‌ପି କିନେରି, ପୁଃନି ପୁଃନି ହାଡ଼ାତଲେ ଜଲିନେରି,

୧୮ କେସ୍‌ତଲେ ରାସ୍‌କା ଆହ୍‌ନେରି, ଇଞ୍ଜା ହାନି ଅସ ଗସ୍‌ହିଁ ଜିକେଏ ଏଞ୍ଜାରି ଏନାଆଁ ଆଅରି; ଏଞ୍ଜାରି ନଟେରି ଦୁକା ଗାଟାରି ଲାକ କେୟୁ ଇଚିତିହିଁ ଏଞ୍ଜାରି ନେହିଁ ଆନେରି ।”

ଜୀସୁ ଲାକପୁରୁ ଅଞ୍ଜିଆନାୟି

(ଲୁକ ୨୪:୫୦-୫୩; କାମା ୧:୯-୧୧)

୧୯ ✠ଇଲେକିହିଁ ଏଞ୍ଜାରାଇଁ ବାରେ କାତା ଖେସ୍‌ସି ତାୟୁ ଜୀସୁ ଲାକପୁରୁ ଅଞ୍ଜିଆହାନା ମାହାପୁରୁତି ଚିଃନିଞ୍ଜାକି କୁଗିତେସି ।

୨୦ ସାମା ଏଞ୍ଜାରି ହାଜାନା ବାରେଞ୍ଜାକି କାରୁ ଖେସ୍‌ସେରି, ଇଞ୍ଜା ପ୍ରୁ ଜୀସୁ ଏଞ୍ଜାରିତଲେ କାମା କିହାନା ତାନି ବାରେ ସିନାୟାଁ ତଲେ ଏଞ୍ଜାରି ଖେକ୍‌ହାମାନାଣି ସାତା ଇଞ୍ଜା ତସ୍‌ସେସି ।

# ଲୁକ ଲିଖିତ ସୁସମାଚାର ଲୁକ ରାଜାମାନି ନେହୁଁ କାରୁ ମୁକୁ ହାଡ଼ା

ଲୁକ ରାଜାମାନି ନେହୁଁ କାରୁତା ଜୀସୁ କ୍ରୀସ୍ତ ଜୀଝୁତି କାତା ରାସ୍ତକି ଆହାମାନେ । ପୁଃନି ମେରାତି ସାରିଗଟା ନେହୁଁ କାରୁ ପତିୟା ବିତ୍ରାଟି ଇଦି ରଣ୍ଡି “ନେହୁଁ କାରୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାଡ଼ିୟୁ, ମାର୍କ, ଲୁକ ଅଡ଼େ ଜହନ ରାଜାମାନେରି । ଲୁକ ଜୀସୁ ମାହାପୁରୁଖାଣି ଏନାଆଁ ଗଟ଼ି ଆହାମାନେ ଅଡ଼େ ଜୀସୁ ହାହାନା ଖେଣ୍ଡେ ନିଜିତି ତାୟୁ ଲାକପୁରୁ ହାଟାଣି ଇଞ୍ଜା ତାମି ସୀସୁୟାଁ ଏନିକିଁ କାମା କିତେରି ଏ ବାରେ ରାଜାମାନେସି । ଏ ପତିଇଁ “ପାଣ୍ଡୁ଼ି ଆହାମାନାରି କାମା” ଇଞ୍ଜୁଁ ଇନେରି । ଇ ପତି ଏଡ଼େତା ରାସ୍ତକି ଆହାମାନେ, ଅଡ଼େ ଆମିନି ଚାୟୁତା ରାସ୍ତକି ଆହାମାନେ, ଏ କାତା ଆମ୍ବାଆସି ନେହୁଁ କାରୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍ତକି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲପିନାସି ଅଡ଼େ ବାରେ କୁଡ଼ାତି ଲକୁଣି ଗେଲପିନାସି ଇଞ୍ଜୁଁ ଲୁକ ତାନି ନେହୁଁ କାରୁତା ରାଜାନା ତସାମାନେସି । ହିଲାଆ ଗାଟାରି ତାଣା ନେହୁଁ କାରୁ ଖେକହାଲି, ମାହାପୁରୁତି ସୁଦୁଜୀଝୁ ଜୀସୁଇଁ ଆଟାମାଟେ, ଇଞ୍ଜା ଜୀସୁ ଏନିକିଁ ହାରେକା ଦେବା ଦୁକୁ କସ୍ତ ଗାଟାରାଇଁ ଅଡ଼େ ହିଲାଆଗାଟାରାଇଁ ସାୟେମି କିହାମାଟେସି ଲୁକ ରାଜାମାନେସି ।

ଜୀସୁ ଜାର୍ନାଆଡ଼ି ବେଲାତା ଦୁତୁୟାଁ ପାରୁ ପାଡ଼ିନାୟି ଅଡ଼େ ମେଣ୍ଡା ଗଡ଼କା ଜୀସୁଇଁ ବେତି ହାନାୟି, ଜୀସୁ ବାର ବାର୍ସା ଆହାମାଟାଟି ମାହାପୁରୁ ଇଲୁତା ହାନାୟି, ଇଞ୍ଜା ନେହୁଁ ସମିରଣି ଅଡ଼େ ଜାଜିତି ମୀରୁଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହୁଁ କାରୁ ରାଜାମାନାରି ବିତ୍ରା ଲୁକ ନେହୁଁ କାରୁ ରାଜାନା ତସାମାନେସି । ଅଡ଼େ ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାରେକା ରାଜାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ । ସୁଦୁଜୀଝୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେକ୍ସୁନି କାତା ଇ ବାରେ କାତା ଲୁକ ହାରେଏ ନେହୁଁ କାରୁ ରାଜାନା ଖେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

### ପତିତା ମାନାୟି

- ୧. ଲୁକ ଖେକନାୟି ଅଡ଼େ ଏନାଆଁତାକି ରାଜାମାନାଣି ଖେହନାୟି । ୧:୧-୪
- ୨. ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଟନାୟି । ୧:୫-୪:୧୩
- ୩. ଜୀସୁ କ୍ରୀସ୍ତ କାବାଆନି କାମାୟାଁ ଅଡ଼େ ଜାପନାୟି । ୪:୧୪-୨୧:୩୮

\* ୧:୪ ମୁଞ୍ଜନାୟି

## ୪. ଜୀସୁ କ୍ରୀସ୍ତ ହାନାୟି, ମାହାଣିଣା ମୁହନାୟି ଅଡ଼େ ଖେଣ୍ଡେ ନିଜିନାୟି । ୨୨:୧-୨୪

ମାଟନି କାତା  
 ୧ ମୁଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜା ବଲୁ ଖେକନାରି, ଏଞ୍ଜାରି ମାଲେ ହେରପା ମାଞ୍ଜାନି ଲେହେଁ,  
 ୨ ମା ବିତ୍ରା ଆହାମାନି କାମା ବାରେ ହାରେକା ନେହୁଁ କାରୁ ରାଜାଲି ଜାଗ୍ରାତା ଆହାମାନେରି ।  
 ୩ ଜୀଝୁତି ତିୟପିଲ, ମୁଲୁଟିଏ ବାରେ କାତା ନେହୁଁ କାରୁ ସିନିକିହାନା ଏମ୍ବାଆଁ ଏନାୟି ମାନେ ଏଦାଆଁ ନିଜେତାକି ରାଜାଲି ନାନୁ ଜିକେଏ ନେହେଁ ଇଞ୍ଜୁଁ ଅଣ୍ଡପିତେସି ।  
 ୪ ଏନିକିଁ ନାନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜୁଁ ପୁଞ୍ଜାଲି ଆଡ଼ିଦି ।

ବାପ୍ତିସ୍ମ\* ହାନି ଜହନତି ଜାର୍ନାତି କାରୁ  
 ୫ ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୁଡ଼ାତି ଜିକରିୟ ଦରୁଗାଟି ର ପୁଜେରା ମାଟେସି; ତାନି ତକ୍ତି ହାରଣ କୁଡ଼ାତି ମାଜ୍ଜା, ଏଦାନି ଦରୁ ଏଲିସାବେତ ।

୬ ଜିକରିୟ ଅଡ଼େ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ ହିଲାଆଗାଟାଇ ଆହାନା ମାହାପୁରୁ ନକିତା ଦାମ୍ବୁ ଗାଟାଇ ମାଟୁ ।

୭ ସାମା ଏଞ୍ଜାରାକି କକାରି ପଦାୟାଁ ହିଲାଆତୁ, ଇତିହୁଁ ଏଲିସାବେତ ବାଞ୍ଜେଣି ମାଟେ, ଅଡ଼େ ତକ୍ତି ତକ୍ତା ରିଆରି ଜିକେଏ ଗାଡ଼ି ବୁଡ଼ହି ବୁଡ଼ହା ଆହାମାଟେରି ।

୮ ର ଦିନା ଜିକରିୟ ତାମି ଗଟିତି ପାଲି ଏଜାଲିଏ ମାହାପୁରୁ ନକିତା ପୁଜେରା କାମା କିନି ବେଲାତା,

୯ ପୁଜେରା କାମାତି ମେରା ତଲେ ଆଡ଼ି ଆହାନା ଏଞ୍ଜାଣାକି ମାହାପୁରୁ ଇଲୁତା ହଡ଼ାନା ଦୁପ୍ପଣି ହୀହାଲି ଆଡ଼େ,

୧୦ ଇଞ୍ଜା ଦୁପ୍ପଣି ହାନି ବେଲାତା ବାରେ ଲକୁ ପାଜ୍ଜାତା ପ୍ରାତାନା କିହିମାଟେରି ।

୧୧ ଏତିବେଲା ମାହାପୁରୁତି ର ଦୁତୁ ଦୁପ୍ପଣି ପିଣ୍ଡା ଚିଃନିଞ୍ଜାକି ନିତାନା ଏଞ୍ଜାଣାଇଁ ତଞ୍ଜାଆଡ଼େ ।

୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି ।

୧୩ ସାମା ଦୁତୁ ଏଞ୍ଜାଣାଇଁ ଏଲେଇଟେ, “ଜିକରିୟ, ଆଜାଆନି, ଇତିହୁଁ ମୀ ଗହାରା ଖେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଜେତାକି ର କକାଣାଇଁ ଜାନି କିନେ, ଇଞ୍ଜା ଏଞ୍ଜାଣି ଦରୁ ଜହନ ଇଞ୍ଜୁଁ ହୀଦେରି ।

୧୪ ଇତିହୁଁ ଏଞ୍ଜାସି ମୀ ରାହୁଁତି ରାହୁଁ ଆନେସି, ଇଞ୍ଜା ହାରେକା ଏଞ୍ଜାଣି ଜାର୍ନାତା ରାହୁଁ କିନେରି ।

୧୫ ଇଞ୍ଜା ଏଞ୍ଜାସି ମାହାପୁରୁ ନକିତା କାଜାସି ଆନେସି; ଏଞ୍ଜାସି ଅକ୍ସୁରି ରାସା କି କାଡ଼ୁ ଏଡ଼େଲାଞ୍ଜା ଗହଅସି, ଇଞ୍ଜା ତାଲିନି ବାଣ୍ଡିଟିଏ ସୁଦୁଜୀଝୁତା ବେଟାଆନେସି,

୧୬ ଏଞ୍ଜାସି ଇସ୍ରାୟେଲ ମୀରକା ବିତ୍ରାଟି ହାରେକା ଲକୁଇଁ ମାହାପୁରୁ ଞ୍ଜାକି ଖେଟହା ତାନେସି ।

୧୭ ତାଞ୍ଜିୟାଁ ହିୟାଁ ମୀରକା ଖାକି ଇଞ୍ଜା କାତା ମାନଝି ଆଆଗାଗାରାଇଁ ତାରିଗାଟି ବୁଦିତା ତାକାଲି ଖେଟହା ତାଚାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପୁସ୍ତାଁ ହାନି ଜହନ ଏଲିୟତି ଜୀଝୁ ଅଡ଼େ ବାଡ଼ୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହଁ ନାନୁ ବୁଡ଼ହାତେଏଁ, ଇଞ୍ଜା ନା ତକ୍ତିନି ବାସାଁ ଗାତି ଆଡେୟିଏ ।”

୧୯ ଦୁତୁ ଏଝାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ଡ଼ୟିନାତେଏଁ, ଇଞ୍ଜା ନିଜେ ଖେସାଲି ଅଡ଼େ ଇ ନେହଁ କାରୁ ପୁଣ୍ଠି କିହାଲି ନାନୁ ପାଣ୍ଡୁଝି ଆହାମାଇଁ ।

୨୦ ମେହ୍ମୁ ଇ ବାରେ ଆଆପାତେକା ନାନୁ ବେବଡ଼ା ଆହାନା ଡ଼ୟିଦି, ଇଚିହଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାରେରି, ଇଞ୍ଜା ମାହାପୁରୁ ଇଲୁତା ଇଚେକା ଖେଡ଼ା ଆଡ଼ାକି କାବା ଆହିମାରେରି ।

୨୨ ସାମା ଏଝାସି ପାଙ୍ଗାତା ଖାହାନା ଏଝାରାଇଁ କାତା ଆହାଲି ଆଡ଼ାଆତେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜୁ ଏଝାରି ପୁରେରି, ଇଞ୍ଜା ଏଝାସି ଏଝାରାଇଁ କେୟୁ ହୁଟିହଁ ତସାଲି ମାଟ୍‌ହେସି ଇଞ୍ଜା ବେବଡ଼ା ଆହାନା ଡ଼ୟିତେସି ।

୨୩ ଡାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାମି ଇଜ ହାଚେସି ।

୨୪ ଏଚରଦିନା ହାଟି ଡାୟୁ ତାନି ତକ୍ତି ଏଲିସାବେତ ପୁରାମାସା ଆତେ ଅଡ଼େ ଏଡ଼ି ପାସା ଲେଞ୍ଜୁ ପାତେକା ଲକୁଣି ତଞ୍ଜା ଆଆତେ ।

୨୫ ଏଡ଼ି ଏଲେଇଚେ, “ନୀଏଁ ନାଜେ ପ୍ରବୁ କାର୍ମାମେସାନା ଲକୁ ନାଜେ ଲାଜା କିହିମାଞ୍ଜାତାଣି ପିସ୍‌ପି କିହାଲି ନାଜେ ଇଲେକଁ କିହାମାଞ୍ଜାନେସି !”

**ଜୀସୁ ଜାର୍ନାତି କାରୁ**

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣାଟି ଗାଲିଲିତି ନାକ୍‌ରିତ ଗାଡ଼ାତି ର ଡ଼ାଆ ପଦାନି ତାଣା ପାଣ୍ଡୁଝିଆଡେ;

୨୭ ଏ ଡ଼ାଆ ପଦାନି ଦାଝୁଦ କୃଡ଼ାତି ଜସେପ ଇନାଣାକି ରାସା ମାରେରି; ଏ ଡ଼ାଆ ପଦା ଦରୁ ମରିୟମ ।

୨୮ ଦୁତୁ ପଦା ତାଣା ଖାହାନା ଏଲେଇଚେ, “ଆଲ ମାହାପୁରୁତି କାର୍ମା ମେହ୍ନାତି ନିଜେ ହିଡ଼ଡ଼ି ଆୟାପେ !”

୨୯ ମରିୟମ ଏ ହାଡ଼ା ଖେଞ୍ଜାନା ଇଦି ଏନିଲେହେଁତି କାତା ଇଞ୍ଜୁ ଆଜାନା ମନତା ଅଣ୍ପିତେ ।

୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଜେ ମାହାପୁରୁ କାର୍ମା ମେସାମାଞ୍ଜାନେସି ।

୩୧ ନାନୁ ପୁରାମାସା ଆହାନା ର ମୀରଏଣାଇଁ ବେଟାଆଡ଼ି ଏଝାଣି ଦରୁ ଜୀସୁ ଇଞ୍ଜୁ ଇଚିଦେରି ।

୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ ମୀରଏସି ଇଞ୍ଜୁ ଖେଜିନେସି; ପ୍ରବୁ ମାହାପୁରୁ ଏଝାଣାକି ତାମି ଆକୁ ଦାଝୁଦତି ସିଂଗାସାଣି ହୀନେସି,

୩୩ ଏଝାସି ଜାକୁବ କୃଡ଼ାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ !”

୩୪ ସାମା ମରିୟମ ଦୁତୁଇଁ ଏଲେଇଚେ, “ଇଦି ଏନିକଁ ଆନେ ? ନାନୁ ତକ୍ତିଇଁ ଜିକେଏ ପୁଞ୍ଜାହିଲଅଁ ।”

୩୫ ଦୁତୁ ଏଲେଇଚେ, “ସୁଦୁଜୀଝୁ ନୀ ଲାକ ରେଟାଝାନେ ଅଡ଼େ ମାହାପୁରୁତି ବାଡ଼ୟୁ ଖାନେ, ଏଡ଼ାଆଁତାକି ନୀ ତାଣାଟି ଜାର୍ନା ଆନେସି, ଏଝାସି ମାହାପୁରୁତି ମୀରଏସି ଇଞ୍ଜୁ ଖେଜିନେସି ।

୩୬ ଅଡ଼େ ମେହ୍ମୁ ନୀ କୃଡ଼ାତି ଏଲିସାବେତ ଜିକେଏ ବୁଡ଼ହି ବେଲାତା ପୁରାମାସା ଆହାମାନେ । ଆମିନି ଇୟା ବାଞ୍ଜେଣି ଇଞ୍ଜୁ ଖେଜାମାନେ, ଏଡ଼ି ନୀଏଁ ସ ଲେଞ୍ଜୁ ଆହାମାନେ;

୩୭ ଇଚିହଁ ମାହାପୁରୁତି ବଲୁ ବାଡ଼ୟୁ ହିଲାଆଗାଗାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ ପ୍ରବୁତି ହଲେଣିତେଏଁ; ନୀ କାତେଏ ନାଜେତାକି ଆୟାପେ ।” ଏମ୍ବାଟିଏ ଦୁତୁ ଏଡ଼ାନି ତାଣାଟିଏ ହାଚେ ।

**ମରିୟମ ଏଲିସାବେତ ଇଜ ହାନାୟି**

୩୯ ଏମ୍ବାଟିଏ ମରିୟମ ନିଜାମା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ,

୪୦ ଅଡ଼େ ଜିକରିୟ ଇଜ ହାଜାନା ଏଲିସାବେତନି ଜହରା କିଡେ ।

୪୧ ଅଡ଼େ ଏଲିସାବେତ ମରିୟମନି ଜହରା ଖେଣ୍‌ମ୍‌ନିଏ ତାନି ବାଣ୍ଡିତି ମୀଲା ଖୀଡିତେ, ଇଞ୍ଜା ଏଲିସାବେତ ସୁଦୁଜୀଝୁଟି,

୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନାନୁ ହାରେକା ନେହାଁତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି !

୪୩ ଅଡ଼େ ନା ପ୍ରବୁତି ଇୟା ନା ତାଣା ଖାନେ ଇ କାର୍ମା ନାଜେ ଏମ୍ବିଟି ଖାଡେ ?

୪୪ ଇଚିହଁ ନୀ ଜହରା ହାଡ଼ା ନା କିୟଁ ଖେଣ୍‌ମ୍‌ନିଏ ନା ବାଣ୍ଡିତି ମୀଲା ରାହାଁଟି ଖୀଡିତେ

୪୫ ଆମିନି ଗାଗାୟି ନାମିତେ ଏଡ଼ାନାକି ନେହେଁ, ଇଚିହଁ ପ୍ରବୁ ତାଣାଟି ଏଡ଼ାନାକି ଏନାଆଁ ଖେସ୍‌ପି ଆହାମାନେ ଏ ବାରେ ପୁରା ଆନେ !”

**ମରିୟମତି ଜହରା ପାରୁ**

୪୬ ଏଚେଟିଏ ମରିୟମ ଏଲେଇଚେ, “ନା ଜୀଝୁ ପ୍ରବୁତି ଜହରା କିହିମାନେ;

୪୭ ଅଡ଼େ ନା ଜୀଝୁ ନାଜେ ଗେଲ୍‌ପାନି ମାହାପୁରୁ ତାଣା ରାହାଁ ଆହିମାନେ,

† ୧:୧୭ ମୁଞ୍ଜିନାୟି ☆ ୧:୨୭ ମାତି ୧:୧୮ ☆ ୧:୩୧ ମାତି ୧:୨୧

୪୮ ଇତିହାସ ଏଞ୍ଜେଲ୍ ତାମ୍ଭି ହଲେଣିନି କାର୍ମା କାକୁଲି  
 ମେସାମାନେସି ।  
 ଏନିଇତିହାସ ନୀଞ୍ଜୁଟିଏ ବାରେ ଲକୁ ନାଜେ ନେହାୟି  
 ଇଞ୍ଜୁ ଜଲାନେରି,  
 ୪୯ ଇତିହାସ ଆମ୍ବାଆସି ବାରେକିହାଁ ବାଡ଼ୁଗାଟି  
 ମାହାପୁରୁ ଏଞ୍ଜେଲ୍ ନା ତାକି କାଜା କାମା  
 କିହାମାନେସି,  
 ଏଞ୍ଜେଲ୍ ଦରୁ ସୁଦୁ;  
 ୫୦ ଇଞ୍ଜା ତାଜେ ଆଜିନାରାକି ପାଟୁ ପାଟୁ ତାକି ତାନି  
 କାର୍ମାମେହନାୟି ଡ଼ୟିନେ ।  
 ୫୧ ଏଞ୍ଜେଲ୍ ତାନି ବାଡ଼ୁଗାଟି କେୟୁଟି କାଜା କାମା  
 କିହାମାନେସି,  
 ତାହାରା ଗାଟାରାଇଁ ଏଞ୍ଜେଲ୍ ହିୟାତି ଅଣ୍ପୁତା ମାନାଣି  
 ଗୁଟି କିହାମାନେସି;  
 ୫୨ ଏଞ୍ଜେଲ୍ ସାଲୁଡ଼ି କିନାରାଇଁ ତାନି ରାଜା ଗାଦି ପିସ୍ପି  
 କିହାମାନେସି,  
 କାକୁଲି ଗାଟାରାଇଁ ନିକିହାମାନେସି,  
 ୫୩ ଏଞ୍ଜେଲ୍ ହାକି ଗାଟାରାଇଁ ନେହାସି ଆସି ହୀହାନା ପାଞ୍ଜି  
 କିହାମାନେସି,  
 ଇଞ୍ଜା ଦନ ଗାଟାରାଇଁ ଖାରଇ କେୟୁଟି ପାଣ୍ଡାମାନେସି ।  
 ୫୪ କାଲ୍ଲକାଲ୍ଲା ତାକି ଅଣ୍ପାଲି ତାନି ହଲେଏସି  
 ଇସ୍ରାୟେଲତି କାର୍ମା ଆହାମାନେସି ।  
 ୫୫ କାଲ୍ଲକାଲ୍ଲା ତାକି ଅବ୍ରାହାମ ଅଡ଼େ ତାନି  
 ବାରେ କୁଡ଼ାତାରାଇଁ କାର୍ମାମେହନାଣି ବାଣା  
 ଆହାହିଲଅସି ।”  
 ୫୬ ଅଡ଼େ ମରିୟମ ତାନି ଲେଞ୍ଜୁ ଏଲିସାବେତ ତଲେ  
 ଡ଼ୟାନା ତାନି ଇଜ ଖାଡ଼େ ।

**ବାପ୍ତିସ୍ମା ହାନି ଜହନତି ଜାର୍ନା**

୫୭ ତାୟୁ ଏଲିସାବେତ ପୁରାମାସା ଏଜାଲିଏ ର କକାସି  
 ଜାର୍ନା ଆଡ଼େସି,  
 ୫୮ ଅଡ଼େ ମାହାପୁରୁ ଏଦାନି ହାରେକା କାର୍ମା  
 ମେସାମାନାଣି ଖେଞ୍ଜାନା ତାନି କୁଡ଼ାତାରି ଇଞ୍ଜା ଅଡ଼େ  
 ଆବ୍‌ହିତାରି ଏଦାନିତଲେ ହାରେକା ରାହାଁ କିତେରି ।  
 ୫୯ କକାସି ଖାରେକା ଆହାଲିଏ, ଏଞ୍ଜେଲ୍ ତଲୁ ଦାଟାଲି  
 ଖାହାନା ତାନି ଆବା ଦରୁଲେହେଁ ତାନି ଦରୁ ଜିକରିୟ  
 ଇଟାଲି ମନ କିତେରି ।  
 ୬୦ ସାମା ତାନି ଇୟା ଏଲେଇଚେ, “ଆଏ ! ଏଞ୍ଜେଲ୍ ଦରୁ  
 ଜହନ ଆନେ ।”  
 ୬୧ ଏଞ୍ଜେଲ୍ ଏଲେଇଚେରି, “ମୀ କୁଡ଼ାତା ଆମ୍ବାଆରାକି  
 ଏଲେତି ଦରୁ ହିଲେଏ !”  
 ୬୨ ଏମ୍ବାଟିଏ ଏଞ୍ଜେଲ୍ ତାଞ୍ଜିଗାଟାଣାଇଁ କେୟୁ ହୁଟାନା  
 କକାଣାଇଁ ଏନି ଦରୁ ଇଟିନାୟି ଇଞ୍ଜୁ ଖେଚେରି ।  
 ୬୩ ଜିକରିୟ ର ରାଟିନି ପାଟା ରାସାନା ଏଞ୍ଜେଲ୍ ଦରୁ  
 ଜହନ ଇଞ୍ଜୁ ରାଟିଚେସି, ଏଦାଆଁ ମେସାନା ବାରେଜାଣା  
 କାବା ଆଡ଼େରି !

୬୪ ଅଡ଼େ ଏ ଦେବୁଣିଏ ଏଞ୍ଜେଲ୍ ଗୁଟି ଅଡ଼େ ଖେନ୍ଦରି  
 ପିସ୍ପି ଆଡ଼େ ଅଡ଼େ ଏଞ୍ଜେଲ୍ ଜଲିହାସି ମାହାପୁରୁତି ଜହରା  
 କିତେସି ।  
 ୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡ଼େ  
 ଇ କାତା ଜୀହୁଦା ଦେସାତି ହରକା ରାଜିତା ବାରେଞ୍ଜାକି  
 ଖେଜିଚେ,  
 ୬୬ ଇଞ୍ଜା ଖେନି ବାରେ ଲକୁ ଏ କାତା ତାନି  
 ମନତା ଇଟାନା ଏଲେଇଚେରି, “ଆତିହାସି ଇ କକାସି  
 ଏନିଲେହେଁତାସି ଆନେସି ?” ଏନିଇତିହାସି ପ୍ରୁ ଇଞ୍ଜେଲ୍  
 ତଲେ ମାନେସି ଇଞ୍ଜୁ ପୁଚେରି ।

**ଜିକରିୟତି ତାୟୁ ଆନି କାତା ଖେକନାୟି**

୬୭ ଅଡ଼େ ଜିକରିୟ ସୁଦୁଜାଞ୍ଜୁ ତଲେ ଇ ତାୟୁ ଆନି କାତା  
 ଏଲେଇଚେସି,  
 ୬୮ ଇସ୍ରାୟେଲତି ମାହାପୁରୁ ଜହରା !  
 ଏନିଇତିହାସି ଏଞ୍ଜେଲ୍ ତାନି ଲକୁଣି କାର୍ମାମେସାନା  
 ଗେଲ୍ପି କିହାମାନେସି;  
 ୬୯ ଏଞ୍ଜେଲ୍ ତାନି ହଲେଏସି ଦାଞ୍ଜୁଦ କୁଡ଼ାଟି ମା ତାକି ର  
 ଗେଲ୍ପିନାଣାଇଁ ହୀହାମାଞ୍ଜାନେସି ।  
 ୭୦ ତଲି କାଲ୍ଲାଟିଏ ତାନି ନେହାସି ମାହାପୁରୁ ଅଣ୍ପୁତି ବଲୁ  
 ଖେହନାରି ଗୁଟି ତଲେ ଏନିକି ଜଲ୍ଲା ମାଚେରି,  
 ୭୧ ଏଲେକିହାସି ଏ ମାଜେ ମା ସାତୁୟାଁ ତାଣାଟି  
 ଅଡ଼େ ମାଜେ ଅପାଆଗାଟାରି ତାଣାଟି ଗେଲ୍ପି  
 କିହାମାଞ୍ଜାନେସି,  
 ୭୨ ଏଞ୍ଜେଲ୍ ଏଲେ ଇଞ୍ଜାମାନେସି, ଏଞ୍ଜେଲ୍ ମା ଆକୁୟାଁଣି କାର୍ମା  
 ମେସାମାଇଁ ଅଡ଼େ ତାନି ସୁଦୁଗାଟି ରାଜିମାନାତି  
 ଅଣ୍ପିନେସି ।  
 ୭୩ ମା ଆବା ଅବ୍ରାହାମ ତାଣା ଏନିମି ପାର୍ମାଣା କିହାଁ  
 ଆଞ୍ଜାମାନାଣି ଅଣ୍ପାନା ପୁରା କିହାମାନେସି,  
 ୭୪ ଅଡ଼େ ମା ସାତୁୟାଁ ତାଣାଟି ଗେଲ୍ପି ଆହାନା, ଆଜାଆନା  
 କାଲେଏ ତାଜେ ସେବା କିହାଲି ଆଡ଼ିନାୟି,  
 ୭୫ ତାନି ନକିତା ମାର ନୀତାମାନି ପାତେକା ସୁଦୁ ଅଡ଼େ ଦାମ୍ବୁ  
 ଗାଟାତାୟି ଆହାନା ଡ଼ୟିନାୟି ।  
 ୭୬ ଏ ନା ମୀରଏଣାତି ନୀନୁ ବାରେତି କିହାଁ ବାଡ଼ୁଗାଟି  
 ମାହାପୁରୁ ଅଣ୍ପୁତି ବଲୁ ଖେହନାତି ଇଞ୍ଜୁ  
 ଖେଜିଦି;  
 ୭୭ ପାପୁ ମ୍ବେପ୍‌କି ଆହାନା ଏଞ୍ଜେଲ୍ ଗେଲ୍ପି ଆନାଣି  
 ବେଟାଆନେରି, ଏ କାତା ପୁଣ୍ଡି କିହାଲି ତାକି  
 ତାନି ଲକୁତାଣା ହାଜି ।  
 ୭୮ ଇଞ୍ଜା ମାଜେ ହିଡ଼ି ଜିରୁତା ତାଚାଲି ମା ମାହାପୁରୁତି  
 ଜୀଞ୍ଜୁନି କାର୍ମାତଲେ ଲାକପୁରୁଟି ମାଜେତାକି ଖେଡ଼ା  
 ହଡ଼ିମାନି ଲେହେଁ ଆନେ,  
 ୭୯ ଆମ୍ବାଆରି ହାନିଲେହେଁତି ତାଣା ବାସା କିନେରି,  
 ହିଡ଼ି ଜିରୁତା ଅହାଲି ତାକି ଏଞ୍ଜେଲ୍ ବାରେତି ଲାକ  
 ଲାକପୁରୁଟି ଉଜେଡ଼ି ହୀନେସି ।

‡ ୧:୫୭ ମୁଞ୍ଜିନାୟି

୮୦ ଇଞ୍ଜା ଏ କକାସି ଆଜ୍ଞାତା ଜୀବୁତା ପାତାଆହାନା ଇସ୍ରାୟେଲ ଲକ୍ଷ୍ମୀତାଣା ଖେଜାଆ ପାତେକା ଲକ୍ଷ୍ମୀ ହିଲୀଆ ଗାୟୁତା ହୁୟିତେସି ।

୨

ଜୀସୁତି ଜାର୍ନା  
(ମାତି ୧:୧୮-୨୫)

୧ ଏଚିବେଲୀତା ରମ୍ ଦେସାତି ବାରେ ଲକ୍ଷ୍ମୀ ଦରୁ ରାତି କିହାଲି କାୟିସର ଅଗସ୍ତସ୍ ତାଣାଟି ହୁକୁମି ଆଡେ ।

୨ ସିରିୟାତି ସାଲୁଝି କିନାସି କୁରିଣିୟ ବେଲୀତା ତଲି ମୁଲୁ ଦରୁ ରାସ୍ତକି ଆହାମାତେ ।

୩ ଏଦାଆଁତାକି ବାରେଜାଣା ଦରୁ ରାତି କିହାଲି ନାୟୁଟିଏ ଜାହାରା ଗାଡ଼ାତା ହାଚେରି ।

୪ ଜସେପ ଜିକେଏ ଦରୁ ରାତି କିହାଲି ମରିୟମନି ତଲେ ଗାଲିଲିତି ନାଜରିତ ଗାଡ଼ାଟି ଜୀହୁଦା ରାଜ୍ଜିତି ବେତଲିହିମ ଇନି ଦାହୁଦ ଗାଡ଼ାତା ହାଚେସି, ଇଚିହୁଁ ଏଝାସି ଦାହୁଦ କୁଡ଼ା ଇଞ୍ଜାହୁଁ ଏ ଗତିତାସି ମାଚେସି;

୫ ଏଝାସି ଦରୁ ରାତି କିୟାଲି ମରିୟମନି ତଲେ ହାଚେସି, ଏଦି ଏଝାଣାକି ବାହା ଆହାଲି ରାସ୍ତକି ଆହାମାତେ ଅଡେ ଏଦି ପୁରାମାସା ଆହାମାତେ ।

୬ ଅଡେ ଏ ଲକ୍ଷ୍ମୀ ବେତଲିହିମତା ମାନିବେଲୀ, ଏଦାନାକି ଜାନ କିନି କାରୁ ଏଗାଝାଡେ,

୭ ଇଞ୍ଜା ଏଦି ତାନି ପାଣ୍ଡା ମୀରଏଣାଲ୍ ଜାନ କିତେ ଇଞ୍ଜା ହିମ୍ବରି ପୁକହାନା କଡ଼ିୟାଁ ଗହନି ତଂଗତା ତ୍ରିପହେ, ଇଚିହୁଁ ଏ ଲକ୍ଷ୍ମୀତାକି ବାସାଗାୟୁ ହିଲୀଆଡେ ।

ମେଣ୍ଡା ଗଡ଼କା ଅଡେ ଦୁଡୁୟାଁ

୮ ଏ ଦାରିମାରି ନାସକାଣାଁ ମେଣ୍ଡା ଗଡ଼କା ଲାଆଁୟାଁ ପାଜ୍ଞାତା ହୁୟାନା ମେଣ୍ଡାୟାଁ କାଡ଼ିମାଚେରି ।

୯ ପ୍ରବୁତି ର ଦୁଡୁ ଏଝାରିତାଣା ଖାଡେ ଇଞ୍ଜା ପ୍ରବୁତି ଗାଝୁରମିତି ଉଜେଡ଼ି ଏଝାରି ସାରିଝାକି ତଞ୍ଜାଆଡେ, ଅଡେ ଏଝାରି ହାଚେକା ଆଜିତେରି ।

୧୦ ଏମ୍ବାଟିଏ ଦୁଡୁ ଏଝାରାଲ୍ ଏଲେଇଚେ, “ମୀରୁ ଆଜାଆଦୁ ! ନାନୁ ମୀ ବାରେ ଲକ୍ଷ୍ମୀତାକି ହାଚେକା ରାହାତି କାରୁ ମିଙ୍ଗେ ଖେସିମାଞ୍ଜାଲ୍,

୧୧ ଇଚିହୁଁ ନୀଞ୍ଜୁ ଦାହୁଦ ଗାଡ଼ାତା ମିଙ୍ଗେ ଗେଲ୍ପାନାସି ଜାର୍ନା ଆହାମାନେସି, ଏଝାସି କ୍ରୀସ୍ତ ପ୍ରବୁ ।

୧୨ ଅଡେ ଇଦି ମିଙ୍ଗେତାକି ସିନାଲେହେଁ ଆନେ, ମୀରୁ ର କକାଣାଲ୍ ହିମ୍ବରି ପୁକହାନା କଡ଼ିୟାଁ ଗହନି ତଂଗତା ହୁରାମାନାଣି ମେହ୍ଦେରି ।”

୧୩ ଦେବୁଣିଏ ଏ ଦୁଡୁ ତଲେ ଲାକପୁରୁତି ହାଚେକା ଦୁଡୁୟାଁ ଖାହାନା ମାହାପୁରୁଲ୍ ଜହରା ପାରୁ ପାଡ଼ିତୁ,

୧୪ “ଲାକପୁରୁ ମାହାପୁରୁତି ଗାଝୁରମି, ଅଡେ ଦାର୍ଡିତା ଏଝାଣି ରାହାଁ ଇଞ୍ଜା ମାଣ୍ଡିୟାଁ ବିତ୍ରା ହିଡ଼ି ।”

୧୫ ଦୁଡୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁ ତାମ୍ବୁ କ୍ରୀତା ଆଡେରି, “ମୀରୁ ବେତଲିହିମ ପାତେକା ହାଜାନା ପ୍ରବୁ ମାଙ୍ଗେ ଆମିନି କାତା ଖେସାମାଞ୍ଜାନେସି ଏଦାଆଁ ସିନି କିକାନ ।”

୧୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅଡେ ଜସେପ ଇଞ୍ଜା କଡ଼ିୟାଁ ଗହନି ତଂଗତା ପୁଃନି ଜାର୍ନାଆଡ଼ି କକାଣାଲ୍ ହୁରାମାନାଣି ମେସ୍ତେରି ।

୧୭ ଏଝାରି ଇ ବାରେ ମେସାନା ଏ କକାଣି କାତା ଏଦାଆଁ ଇଣ୍ଡି ଆହାମାତେ ଏଦାଆଁ ଖେକ୍ହେରି ।

୧୮ ଅଡେ ଏଚେକା ଲକ୍ଷ୍ମୀ ମେଣ୍ଡା ଗଡ଼କା ତାଣାଟି ଏ ବାରେ କାତା ଖେଚେରି, ଏଝାରି ବାରେ ଏ କାତାତାକି କାବା ଆଡେରି ।

୧୯ ସାମା ମରିୟମ ଇ ବାରେ କାତା ହିୟାଁତା ଇଚାନା ହାଚେକା ଅଣ୍ଡାଲି ମାଚ୍ହେ ।

୨୦ ଅଡେ ମେଣ୍ଡା ଗଡ଼କାକି ଏନିକ୍ ଖେସ୍ପି ଆହାମାତେ, ଏଲେକିହୁଁ ଏ ଏଝାରି ଏନା ଏଦାଆଁ ଖେଚେରି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାଝୁରମି ଅଡେ ଜହରା କିହୁଁ ଖେଣ୍ଡା ହାଚେରି ।

ଜୀସୁଲ୍ ଦରୁ ଇଚିନାୟି

୨୧ ଏଝାଣାକି ଆଟାଦିନା ଆଡେ ଅଡେ ତଲୁ ଦାଃନି ଦିନା ଖାଡେ ଇଞ୍ଜା ଏଝାଣି ଦରୁ ଜୀସୁ ଇଞ୍ଜା ଇଚିତେରି; ଇ ଦରୁ ତାନି ପୁରାମାସା ଆନି ନଚେଏ ଦୁଡୁ ତାଣାଟି ଖେସ୍ପି ଆହାମାତେ ।

ମାହାପୁରୁ ଇଲୁତା ଜୀସୁ

୨୨ ଅଡେ ଏଚେତା ମସାତି ମେରା ତଲେ ଏଝାରି ଅଟହା କଡ଼ିନି ଦିନା ଏଗାଝାଡେ, ଏଚେଟିଏ ଜସେପ ଅଡେ ମରିୟମ ଜୀସୁଲ୍ ମାହାପୁରୁ ନକିତା ଜିରୁସାଲମତା ଅହୁଁ ହାଚେରି ।

୨୩ ଏନିକ୍ ମାହାପୁରୁତି ସାସ୍ତେରିତା ରାସ୍ତକି ଆହାମାନେ, “ବାରେ ପାଣ୍ଡା ମୀରକା ପ୍ରବୁ ତାକି ସୁଦୁଗାଟାରି ଇଞ୍ଜା ଖେଜିନେରି ।”

୨୪ ଅଡେ ମେରାତା ରାସ୍ତକି ଆହାମାନି ଇ ମେରା ତଲେ ରୀ କୁଗୁରି ପଟାୟାଁ ଆଆଡୁଁ ରୀ ପାର୍ଡା ପଟାୟାଁ ମାହାପୁରୁ ନକିତା ପୂଜା କିହାଲି ଏଝାଣାଲ୍ ଜିରୁସାଲମତା ଅଡେରି ।

୨୫ ଏଚିବେଲୀ ଜିରୁସାଲମତା ସିମିୟନ ଦରୁଗାଟି ର ମାଣ୍ଡି ମାଚେସି; ଏଝାସି ର ଦାମ୍ବୁଗାଟାସି ଅଡେ ମାହାପୁରୁଲ୍ ଆଜିନାସି ମାଚେସି, ଅଡେ ଇସ୍ରାୟେଲ ଲକ୍ଷ୍ମୀ ବାସ୍ତୁ ବେଗାଆନାଣି କାଡ଼ିମାଚେସି, ଇଞ୍ଜା ସୁଦୁଜୀଝୁ ଏଝାଣି ତାଣା ମାଚେ ।

୨୬ ମାହାପୁରୁ ପାଣ୍ଡାନ୍ କ୍ରୀସ୍ତଲ୍ ମେହ୍ଥା ପାତେକା ଏଝାସି ହାଅସି ଇଞ୍ଜା ସୁଦୁଜୀଝୁ ତଲିଏ ଖେସାମାଚେ ।

୨୭ ସିମିୟନ ସୁଦୁଜୀଝୁଟି ମାହାପୁରୁ ଇଲୁତା ଖାଡେସି; ଅଡେ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଲ୍ ବିତ୍ରା ତାଡୁ,

୨୮ ଏତିବେଲା ସିମିୟନ କକାଣାଙ୍କ ପମାନା ମାହାପୁରୁଙ୍କ ଜହରା କିତେସି;

୨୯ “ଏ ପୁରୁ ନୀର୍ବୀ ନୀନୁ ଖେସ୍ତିଲେହେଁ ନୀ ହଲେଏଣା ଜୀଝୁ ହିଡ଼ଡିତଲେ ଅମ୍ମୁ;

୩୦ ନା କାନୁ ନୀ ଗେଲୁପିନାଣାଙ୍କ ମେସାମାନେ ।

୩୧ ଏନିଇତିହଁ ବାରେ ଲକୁଡାକି କେପାମାନି

୩୨ ଜୀହୁଦିଆଆତାରାକି ସାତା ତହୁନି ର ଉଜେଡି ଆନେସି, ଅଡେ ନୀ ଇସ୍ରାୟେଲ ଲକୁଡି ଗାଝୁରମି ଲେହେଁ କିହାମାଞ୍ଜି ।”

୩୩ ଇଞ୍ଜା ତାମି ଇୟା ଅଡେ ଆବା ଏଝାଣି ତାକି ଖେସ୍ପି ଆହିମାନି ବାରେ କାତାତାକି କାବା ଆହିମାଚେରି ।

୩୪ ଏଚେଟିଏ ସିମିୟନ କକାଣାଙ୍କ ବର ହୀହାନା ତାମି ଇୟା ମରିୟମନି ଏଲେଇଚେସି, “ମେହମ୍ମୁ ଇଝାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅଡେ ଗେଲୁପାଲି ଆଡ଼ି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଝାସି ମାହାପୁରୁ ତାଣାଟି ର ସିନାଲେହେଁ ଆନେସି ।

୩୫ ଆଆଡ଼ି ନୀ ଜୀଝୁତା ଜିକେଏ କାଣ୍ଡାତଲେ ଗୁକହିସାରେ ହଡ଼ାହାନି ଲେହେଁ, ଏ କସ୍ତ ନୀ ହିୟାତା ଆୟାନେ ।”

୩୬ ଅଡେ ହାନା ଦରୁଗାଟି ର ମାହାପୁରୁ ଅଣ୍ପୁଡି ବଲୁ ଖେହ୍ନାୟି ମାଚେ; ଏଡି ଆସେର୍ କୃଡ଼ାତି ପନୁଏଲ ମାଞ୍ଜା । ଏଦାନାକି ହାରେକା ବାର୍ସା ଆହାମାଚେ; ଏଡି ତାଆ ଆଡି ଜେତ ସାତା ବାର୍ସା ତକ୍ରାତଲେ ବାସା କିହାମାଚେ, ଅଡେ ସାରିକଡ଼ି ସାରି ବାର୍ସା ରାଣ୍ଡେଣି ଆହାନା ନୀତାମାଚେ ।

୩୭ ଏଡି ମାହାପୁରୁ ଇଲୁ ପିହ୍‌ଆନା ବାଡିମାଲିହଁ ଲାଆଁ ମାଦେନା ରାନ୍ଦା ତିନାଆନା ପ୍ରାତାନା କିହିମାଚେ ।

୩୮ ଏ ଦେବୁଣିଏ ଏଡି ଝାହାନା ମାହାପୁରୁଡି ଜହରା କିହଁ ଜିରୁସାଲମତି ଗେଲୁପିନାଣାଙ୍କ କାଡି ମାନାରାଙ୍କ ଏଝାଣି କାତା ଖେସାଲି ମାଟ୍‌ହେ ।

**ନାଜରିତତା ଖେଣ୍ଡା ଝାନାୟି**

୩୯ ଡାୟୁ ଜସେପ ଅଡେ ମରିୟମ ମାହାପୁରୁଡି ମେରା ତଲେ ବାରେ କାମା ରାପୁହାନା ଗାଲିଲିତି ତାମି ଗାଡ଼ା ନାଜରିତତା ଖେଣ୍ଡା ଝାଡେରି

୪୦ ଅଡେ ଜୀସୁ ଆଜ୍ଞାତା ବୁଦିତା ଅଡେ ବାଡ଼ୁୟୁତା ପାତା ଆଡେସି, ଅଡେ ମାହାପୁରୁଡି କାର୍ମା ଏଝାଣିଲାକ ମାଚେ ।

**ଜୀସୁ ମାହାପୁରୁ ଇଲୁତା**

୪୧ ତାମି ଇୟା ଆବା ବାରେ ବାର୍ସା ପିସ୍‌ପିଆନି ପାର୍ବୁତାକି ଜିରୁସାଲମତା ହାଜିମାଚେରି ।

୪୨ ଜୀସୁ ବାର ବାର୍ସା ଆହାଲିଏ ଏଝାରି ପାର୍ବୁଡି ମେରାଲେହେଁ ଜିରୁସାଲମତା ହାଚେରି ।

୪୩ ଅଡେ ପାର୍ବୁଡି ଦିନା ରାପୁହାନା ଏଚେତା ଏଝାରି ଖେଣ୍ଡା ଝାହିମାଚେରି, ଏତିବେଲାତା ଉଣା କକାସି ଜୀସୁ ଜିରୁସାଲମତା ଡୟାହାଚେସି, ସାମା ତାମି ଇୟା ଆବା ପୁଞ୍ଜାହିଲାଆଚେରି;

୪୪ ସାମା ଏଝାରି ତାମିତଲେ ଝାହାମାଟି ଲକୁତଲେ ମାନେସି ଇଞ୍ଜା ଅଣ୍ପାମା ର ଦିନାତି ଜିରୁ ହାଚେରି, ଅଡେ ତାମି ଲକୁ ଇଞ୍ଜା ପୁଡି ଲକୁତାଣା ପାରାଲି ମାଟ୍‌ହେରି,

୪୫ ଇଞ୍ଜା ଏଝାଣାଙ୍କ ମେଡ଼ା ଆଆନା ପାରି ପାରି ଜିରୁସାଲମତା ଖେଣ୍ଡା ହାଚେରି ।

୪୬ ତାନିଦିନା ତାୟୁ ଏଝାରି ଏଝାଣାଙ୍କ ମାହାପୁରୁ ଇଲୁତା ବେଟାଆଡେରି; ଏଝାସି ମେରାପୁନାରି କାତା ଖେଞ୍ଜିହଁ ଏଝାରାଙ୍କ ଖେଣ୍ଡେ କାତା ଖେଞ୍ଜିମାଚେସି,

୪୭ ଅଡେ ଏଚେକା ଲକୁ ଏଝାଣି କାତା ଖେଞ୍ଜିମାଚେରି, ବାରେଜାଣା ଏଝାଣି ବୁଦିତା ଅଡେ ଖେହ୍ନି କାତାତା କାବା ଆହିମାଚେରି ।

୪୮ ଏତିବେଲା ତାମି ଇୟା ଆବା କକାଣାଙ୍କ ମେସାମା କାବାଆଡୁ ଇଞ୍ଜା ତାମି ଇୟା ଏଝାଣାଙ୍କ ଏଲେଇଚେ, “ମୀର୍‌ଏଣା ମାଜେ ଏନାଆଁତାକି ଇଚେକା ଦୁକୁ ହିୟାତି ? ମେହମ୍ମୁ ନାନୁ ଅଡେ ମୀ ଆବା ଏଚେକା ଦୁକୁଆହଁ ନିଜେ ପାରିମାଞ୍ଜାନମି ।”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଜେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅଚେରି ?”

୫୦ ସାମା ଏଝାସି ଆମିନି କାତା ଜଲିଚେସି, ତାମି ଇୟା ଆବା ପୁଞ୍ଜାଲି ଆଡ଼ାଆଚେରି ।

୫୧ ତାୟୁ ଜୀସୁ ତାମି ଇୟା ଆବା ତଲେ ଖେଣ୍ଡେ ନାଜରିତତା ଝାଡେସି, ଇଞ୍ଜା ଏଝାରି କାତା ମାନଝି ଆହାନା ଡୟିଚେସି, ଅଡେ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଚେ ।

୫୨ ଅଡେ ଜୀସୁ ଆଜ୍ଞାତା, ବୁଦିତା ଇଞ୍ଜା ମାହାପୁରୁ ଅଡେ ମାଣ୍‌ସିୟା କାର୍ମାଟି ପାତା ଆଡେସି ।

**୩**

ବାପ୍ତିସ୍ମ\* ହାନି ଜହନ ଖେକ୍‌ନାୟି  
(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ତିବିରିୟା କାୟିସରତି ସାଲଝି କିନି ପନ୍‌ର ବାର୍ସା ଆୟାଲିଏ, ଏତିବେଲା ପନ୍ତିୟ ପିଲାତ ଜୀହୁଦା ରାଜିତି ସାଲଝି କିନାସି ଅଡେ ହେରଦ ଗାଲିଲି ରାଜିତି ରାଜା ମାଚେସି, ଅଡେ ତାମି ତାୟି ପିଲିପ ଇଡୁରିୟା ଅଡେ ଡ୍ରାକନିତି ରାଜି ଅଡେ ଲୁସାନିୟା ଅବିଲିନିତି ରାଜା ମାଚେସି ।

୨ ହାନାନ ଅଡେ କୟାପା କାଜା ପୂଜେରା ମାଚେରି, ଏତିବେଲାତା ମାହାପୁରୁଡି ବଲୁ ଲକୁ ହିଲାଆ ଟାୟୁତା ଜିକରିୟ ମୀର୍‌ଏସି ଜହନ ତାଣା ଝାଡେ ।

୩ ଏମ୍ବାଟିଏ ବାପ୍ତିସ୍ମ† ହାନି ଜହନ ଜର୍ଦନ ଦାରିତି ବାରେ ନାସ୍‌କାଝାକି ହାଜାନା ପାପୁ ମ୍ପେପ୍‌କି ଆହାଲି ମନ ଖେଟ୍‌ହାନା ବାପ୍ତିସ୍ମ‡ ଅନି କାତା ଖେକ୍‌ହାଲି ମାଟ୍‌ହେସି,

୪ ଏନିଇତିହଁ ମାହାପୁରୁ ଅଣ୍ପୁଡି ବଲୁ ଖେହ୍ନି ଜିସାୟ ପଡିତା ରାସ୍‌କି ଆହାମାନେ,  
“ଲକୁ ହିଲାଆ ଟାୟୁତା ରଅଣି ହାଡ଼ା ଖେଜିମାନେ;

\* ୨:୩୯ ମାତି ୨:୨୩    † ୩: ମୁଞ୍ଜିନାୟି    ‡ ୩:୩ ମୁଞ୍ଜିନାୟି



ପ୍ରବୁତି ଜିରୁ ନେହଁ କେପାଦୁ;  
ଅଡ଼େ ଏଞ୍ଜାଣି କାଜା ଆଂଗେଣି ତିୟି କିଦୁ !

୫ ବାରେ ଗାଡ଼ଙ୍ଗା ନେଞ୍ଜି କିଞ୍ଚିଆନୁ,  
ବାରେ ହରକା ମେଟାୟାଁ ଉଣା କିଞ୍ଚିଆନୁ,  
ତଂଗିତି ଜିରୁ ତିୟି କିଞ୍ଚିଆନେ,  
କାଡ଼ଦି ତେପା ବୁନିତି ବାରେ ସମାନା କିଞ୍ଚିଆନେ ।  
୬ ବାରେ ଦାରତିତି ଲକୁ ମାହାପୁରୁତି ଗେଲପିନାଣି  
ମେହନେରି ।”

୭ \*ଏଲେକିହଁ, ଜହନ ତାଣାଟି ବାପ୍ତିସ୍ମାଟି ଅହାଲି  
ଞ୍ଜାହିମାନି ଲକୁଣି ମେସାନା ଏଞ୍ଜାରାଇଁ ଏଲେଇଚେସି,  
“ଆଡ଼େ ରାସ୍ତାକା କୁଡ଼ାତାତେରି ମାହାପୁରୁ ପାଣ୍ଡାମାଞ୍ଜାନି  
କପାଟି ପିସ୍ପି ଆହାଲି ମାଙ୍ଗେ ଆମ୍ବାଆସି ସେତନା  
ହିୟାତେସି ?

୮ \*ଏଦାଆଁତାକି ମନ ଖେଟହାକତିତି ନେହଁ କାମା  
ତହୁଦୁ; ଅଡ଼େ ଅବ୍ରାହାମ ମା ଆବା ଇଞ୍ଜିହଁ ଅଣପାଆଦୁ,  
ନାନୁ ମିଙ୍ଗା ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ  
ଅବ୍ରାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି !

୯ \*ଅଡ଼େ ନୀର୍ବି ଜିକେଏ ମାରୁନୁ ତାକିତା କାଃଆଲି  
ଆଟାମାନେ; ଆମିନି ମାରୁନୁ ନେହଁ ପାଡ଼େୟି ଆୟେଏ  
ଏଦାନି ଟୁଣହାନା ହିରୁତା ମେଡ଼ପି ଆନେ ।”

୧୦ ଏମ୍ବାଟିଏ ଲକୁ ଏଞ୍ଜାଣାଇଁ ଖେଚେରି, “ଆତିହଁ ମାମ୍ବୁ  
ଏନାଆଁ କିନମି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାକି ଜଡ଼େକା  
ସକାୟାଁ ମାନୁ, ଏଞ୍ଜାସି ଆମ୍ବାଆରାକି ହିଲାଇ ଏଞ୍ଜାଣାକି  
ରଣ୍ଡାଆଁ ହାପେସି; ଇଞ୍ଜା ଆମ୍ବାଆରାକି କାଡ଼ି ମାନେ ଏଞ୍ଜାସି  
ଜିକେଏ ଏଲେକିପାସି ।”

୧୨ \*ସିସ୍ତୁ ରୁଆହନାରି ଜିକେଏ ବାପ୍ତିସ୍ମା\* ଅହାଲି ଖାହାନା  
ଏଲେଇଚେରି, “ଏ ଗୁରୁ ମାମ୍ବୁ ଏନାଆଁ କିନମି ?”

୧୩ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମିଙ୍ଗେତାକି  
ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହୁଆଦୁ ।”

୧୪ ଏଚରଜାଣା ରିଜାରି କସ୍ତକା ଖାହାନା ଏଲେଇଚେରି,  
“ମାମ୍ବୁ ଏନାଆଁ କିନମି ?”

ଏଞ୍ଜାସି ଏଞ୍ଜାରାଇଁ ଏଲେଇଚେସି, “ବାଡ଼ୟୁଟି କି  
ନାଡ଼ିକିହାନା ଆମ୍ବାଆରି ଦନ ମୀଞ୍ଜା ଅଆଦୁ, ଅଡ଼େ ମୀରୁ  
ଏଚେକା ବେଟାଆଦେରି ଏଚେକା ତଲେଏ ନୀତାଦୁ ।”

୧୫ ଲକୁ ମସିହାଇଁ କାଡ଼ିମାଚେରି, ଇଞ୍ଜା ଜହନଏ କ୍ରୀସ୍ତ  
ହାବୁଲା ଇଞ୍ଜି ଅଣପାନା ବାରେଜାଣା ତାନି ମନତା କାତା  
ଆହିମାଟାକି,

୧୬ ଜହନ ଏଞ୍ଜାରାଇଁ ଏଲେଇଚେସି, “ନାନୁସାଁ ଏୟୁତଲେ  
ବାପ୍ତିସ୍ମାଁ ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୟୁ  
ଗାଗାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାଁତି ତୁକା  
ଜିକେଏ ହୁକହାଲି ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ  
ସୁଦୁଜୀସ୍ତୁ ଅଡ଼େ ହିରୁତଲେ ବାପ୍ତିସ୍ମାଁ ହିୟାନେସି ।

୧୭ ତାନି କ୍ଳାନୁତି ତାସାଲି ଅଡ଼େ ତାନି ଆନାଟି କ୍ଳସାହାଁ  
କୃତି କିହାନା ଗାଦେୟିତା ଇଟାଲି ଏଞ୍ଜାଣି କେୟୁତା ହେତି  
ମାନେ, ଇଞ୍ଜା ଟାଟା ପଡ଼ୁତି ଏଚେଲା ତୁମ୍ବାଆଗାଟି ହିରୁତା  
ହୁତା ତୁହନେସି ।”

୧୮ ଏଞ୍ଜାସି ଇଲେତି ହାରେକା କାତା ଖେସିହଁ ଅଡ଼େ  
ରାହାଁତି କାତା ଜଲିହଁ ଲକୁତାଣା ନେହଁ କାବୁ ଖେକହି  
ମାଚେସି;

୧୯ \*ସାମା ରାଜା ହେରଦ ତାନି ତାୟି ତକ୍ତି ହେରଦିୟାନି  
କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି  
ଜହନ ତାଣାଟି ଲାଗି ବେଟା ଆହାମାଟାକି,

୨୦ ହେରଦ ଜହନଇଁ ଦସ୍ପାନା କାୟିଦିତା ଇଟାନା  
ହାରେକା ଲାଗେଏତି କାମା କିତେସି ।

ଜୀସୁତି ବାପ୍ତିସ୍ମାଟି

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ମା\* ଅଡ଼ି ତାୟୁ ଜୀସୁ ଜିକେଏ  
ବାପ୍ତିସ୍ମା\* ଅହାନା ପ୍ରାତାନା କିହିମାଟାଟି ହାଗୁ ଦେପିଆଡ଼େ,

୨୨ \*ଅଡ଼େ ସୁଦୁଜୀସ୍ତୁ ପାର୍ଝା ପଟାଲେହେଁ ଏଞ୍ଜାଣିଲକ  
ରେଟାଞ୍ଜାଡ଼େ; ଇଞ୍ଜା ହାଗୁଟି ଇ ହାଡ଼ା ଆଡ଼େ, “ନୀନୁ ନା  
ଜୀସୁତି ମୀରଏଣାଟି ନୀ ତାଣା ନା ରାହାଁ ମାନେ ।”

ଜୀସୁତି ଆକୁ ଆବାୟାଁ

(ମାତି ୧:୧-୧୭)

୨୩ ଜୀସୁ ସେବା କାମା ମାଡ଼ୁହି ବେଲାତା ଏଞ୍ଜାଣାକି  
କଡ଼େଦସ ବାର୍ସା ଆହାମାଟେ; ଲକୁତି କାତାତଲେ ଏଞ୍ଜାସି  
ଜସେପ ମୀରଏସି; ଜସେପ ଏଲି ମୀରଏସି,

୨୪ ଏଲି ମତାତ ମୀରଏସି, ମତାତ ଲେବି ମୀରଏସି,  
ଲେବି ମଲ୍ଲକି ମୀରଏସି, ମଲ୍ଲକି ଜନୟ ମୀରଏସି, ଜନୟ  
ଜସେପ ମୀରଏସି,

୨୫ ଜସେପ ମତିତିୟା ମୀରଏସି, ମତିତିୟା ଆମସ  
ମୀରଏସି, ଆମସ ନାହୁମ ମୀରଏସି, ନାହୁମ ହେସଲି  
ମୀରଏସି, ହେସଲି ନଗୟ ମୀରଏସି,

୨୬ ନଗୟ ମହତ ମୀରଏସି, ମହତ ମତିତିୟସ୍  
ମୀରଏସି, ମତିତିୟସ୍ ସିନିୟି ମୀରଏସି, ସିନିୟି ଜସେକ  
ମୀରଏସି, ଜସେକ ଜଦା ମୀରଏସି,

୨୭ ଜଦା ଜହନ ମୀରଏସି, ଜହନ ରେସା ମୀରଏସି,  
ରେସା ଜିରୁବାବେଲ ମୀରଏସି, ଜିରୁବାବିଲ ସଲ୍ଟିୟେଲ୍  
ମୀରଏସି, ସଲ୍ଟିୟେଲ୍ ନେରି ମୀରଏସି,

୨୮ ନେରି ମଲ୍ଲକି ମୀରଏସି, ମଲ୍ଲକି ଅଦ୍ଦି ମୀରଏସି,  
ଅଦ୍ଦି କସାମ ମୀରଏସି, କସାମ ଏଲାଦାନ ମୀରଏସି,  
ଏଲାଦାନ ଏର ମୀରଏସି,

୨୯ ଏର ଜିହସୁୟ ମୀରଏସି, ଜିହସୁୟ ଏଲିୟାଜର  
ମୀରଏସି, ଏଲିୟାଜର ଜରିମ ମୀରଏସି, ଜରିମ ମତାତ  
ମୀରଏସି, ମତାତ ଲେବି ମୀରଏସି,

\* ୩:୭ ମାତି ୧୨:୩୪; ୨୩:୩୩ S ୩:୭ ପୁଞ୍ଜନାୟି \* ୩:୮ ଜହ ୮:୩୩ \* ୩:୯ ମାତି ୭:୧୯ \* ୩:୧୨ ଲୁକ ୭:୨୯ \* ୩:୧୨ ପୁଞ୍ଜନାୟି † ୩:୧୭  
ପୁଞ୍ଜନାୟି ‡ ୩:୧୭ ପୁଞ୍ଜନାୟି \* ୩:୧୯ ମାତି ୧୪:୩,୪; ମାର୍କ ୬:୧୭,୧୮ S ୩:୨୦ ପୁଞ୍ଜନାୟି \* ୩:୨୧ ପୁଞ୍ଜନାୟି † ୩:୨୧ ପୁଞ୍ଜନାୟି \* ୩:୨୨  
ମାତି ୩:୧୭; ମାର୍କ ୧:୧୧; ଲୁକ ୯:୩୫

୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି,

୩୧ ଏଲିୟାକିମ ମଲାହ ମୀରୁଏସି, ମଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାବୁଦ ମୀରୁଏସି,

୩୨ ଦାବୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି,

୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦମିନି ମୀରୁଏସି, ଅଦମିନି ଅରନି ମୀରୁଏସି, ଅରନି ହେସ୍ରା ମୀରୁଏସି, ହେସ୍ରା ପେରସ ମୀରୁଏସି, ପେରସ ଜୀହୁଦା ମୀରୁଏସି,

୩୪ ଜୀହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହର ମୀରୁଏସି,

୩୫ ନାହର ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି,

୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ ମୀରୁଏସି, ନହ ଲେମକ ମୀରୁଏସି,

୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି,

୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୁରୁ ମୀରୁଏସି ।

### ୪

#### ଜୀସୁଙ୍କ ଡାୟିପାରି କିନାୟି

(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀଞ୍ଜୁ ବେଟାଆହାନା ଜର୍ଦନ କାତାଟି ଝେଣ୍ଡାଞ୍ଜାଡେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜୀଞ୍ଜୁ ତଲେ ଲକୁ ହିଲାଆ ଟାୟୁତା ହାଚେସି ।

୨ ଏମ୍ବାଆଁ ଏଞ୍ଜାସି ସୟତାନ ତାଣାଟି ତାୟିପାରି କିଞ୍ଜିଆଡେସି । ଇ ରୀ କଡ଼ି ଦିନା ଏଞ୍ଜାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଞ୍ଜାସି ହାକି ଆଡେସି ।

୩ ଏମ୍ବାଟିଏ ସୟତାନ ଏଞ୍ଜାଣାଈ ଏଲେଇଚେ, “ନୀନୁ ମାହାପୁରୁ ମୀରୁଏଶାତି ଇଚିହିଁ ଇ ଖାଲକାଣି ରୁଟି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାଢ୍ଵେରିତା ରାସ୍‌କି ଆହାମାନେ, ମାଣ୍‌ସି ଖାଋଇ ରୁଟି ତିଞ୍ଜାନା ନୀତଅସି ।”

୫ ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାର୍‌ତିତି ବାରେ ରାଜି ଏଞ୍ଜାଣାଈ ତଢ୍ଵେ ।

୬ ଇଞ୍ଜା ସୟତାନ ଏଞ୍ଜାଣାଈ ଏଲେଇଚେ, “ନୀନୁ ନିଞ୍ଜେ ଇ ବାରେ ଦନତି ଅଦିକାରା କିୟାଈ, ଏନାଆଁତାକି ଇଚିହିଁ ବାରେ ନାଞ୍ଜେ ହେର୍‌ପି ଆହାମାଞ୍ଜାନେ, ଅଡେ ନୀନୁ ଆମ୍ବାଆରାକି ମନ ଏଞ୍ଜାଣାକି ହୀଈ ।

୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହିଁ ଇ ବାରେ ନୀଦି ଆନେ ।”

୮ ଜୀସୁ ଏଲେଇଚେସି, “ରାସ୍‌କି ଆହାମାନେ, ‘ନୀନୁ ନୀ ମାହାପୁରୁଈ ଜହରା କିଦି, ଅଡେ ଖାଋଇ ଏଞ୍ଜାଣି ସେବା କିଦି ।”

୯ ଅଡେ ସୟତାନ ଏଞ୍ଜାଣାଈ ଜିରୁସାଲମତା ଅହାନା ମାହାପୁରୁ ଇଲୁ ତୁଡିୟା ଲାକ ନିପହାନା ଏଲେଇଚେ, “ନୀନୁ ମାହାପୁରୁତି ମୀରୁଏଶାତି ଇଚିହିଁ ଇମ୍ବାଟି ତଢକା ଗେମ୍ବାମ୍ବୁ;

୧୦ ଇଚିହିଁ ରାସ୍‌କି ଆହାମାନେ, ‘ନିଞ୍ଜେ ଗେଲପାଲିତାକି ମାହାପୁରୁ ତାନି ଦୁତୁୟାଈ ହୁକୁମି ହୀନେସି ।’

୧୧ ଅଡେ ରାସ୍‌କି ଆହାମାନେ, ‘ନୀ କତାୟାଁ ଏନିକଁ ଖାଲକାଣା ଆଡାଡ ଏଦାଆଁତାକି ଏଞ୍ଜି ନିଞ୍ଜେ କେସ୍‌ତଲେ ପେର୍‌ହା ଆସ୍ତାନୁ ।”

୧୨ ସାମା ଜୀସୁ ଏଦାନି ଏଲେଇଚେସି, “ଦାମ୍ବୁ ସାଢ୍ଵେରିତା ରାସ୍‌କି ଆହାମାନେ, ନୀନୁ ପ୍ରବୁ ନୀ ମାହାପୁରୁଈ ତାୟିପାରି କିଆନି ।”

୧୩ ସୟତାନ ଜୀସୁଈ ବାରେ ତାୟିପାରି କିନାଣି ରାପହାନା ଗାଡେକା ତାକି ଏଞ୍ଜାଣାଈ ପିସାନା ହାଚେ ।

#### ଜୀସୁ ଗାଲିଲିତା ସେବା କାମା ମାଟ୍‌ନାୟି

(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ତାୟୁ ଜୀସୁ ସୁଦୁଜୀଞ୍ଜୁତି ବାଡ଼ୁ ତଲେ ଗାଲିଲିତା ଖାଡେସି, ଅଡେ ସାରିଞ୍ଜାକି ଏଞ୍ଜାଣି କାତା ଝେଞ୍ଜିଡେ ।

୧୫ ଅଡେ ଏଞ୍ଜାସି ଏଞ୍ଜାରି ଜୀହୁଦି ଲକୁଡି କୁଟମି ଇଲକାଣା\* ଜାପ୍‌ହିହିଁ ବାରେ ଲକୁ ତାଣାଟି ଗାଞ୍ଜୁରମି ବେଟାଆଡେସି ।

#### ଜୀସୁଈ ନାଜରିତତା ଅପାଆଡେରି

(ମାତି ୧୩:୫୩-୫୮; ମାର୍କ ୬:୧-୭)

୧୬ ଅଡେ ଏଞ୍ଜାସି ଆମିନି ନାଜରିତତା ପହିପାଡି ଆହାମାଚେସି, ଏଚେତା ଏ ଟାୟୁତା ହାଚେସି ଅଡେ ତାନି ମେରାଲେହେଁ ଜମିନି ଦିନାତା ଜୀହୁଦି ଲକୁଡି କୁଟମି ଇଲୁତା† ହାଚେସି ଇଞ୍ଜା ପଡ଼ଞ୍ଜି ଆହାଲି ନିଡେସି,

୧୭ ଏମ୍ବାଟିଏ ମାହାପୁରୁ ଅଣ୍‌ପୁଡି ବଲୁ ଝେହ୍‌ନି ଜିସାୟତି ପତି ହୀଚେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍‌କି ଆହାମାନେ ଏ କାତା ବେଟାଆଡେସି;

୧୮ “ପ୍ରବୁଡି ଜୀଞ୍ଜୁ ନା ତାଣା ମାନେ,

ଏନିଈଚିହିଁ ହିଲାଆ ଗାଟାରି ତାଣା ନେହିଁ କାବୁ ଝେକହାଲି ଏଞ୍ଜାସି ନାଞ୍ଜେ ଆଚାମାଞ୍ଜାନେସି;

କାୟିଦିତା ମାନାରାଈ ପିସ୍‌ପି ଆନାଣି ଝେକହାଲି, କାଣ୍‌କା ମେହ୍‌ଆଗାଟାଟାଈ ମେସ୍‌ପି କିହାଲି,

\* ୪:୧୫ ସିନଗର † ୪:୧୭ ସିନଗର

ଦୁକୁ ବେଟାଆହି ମାନାରାଇଁ ଗେଲ୍‌ପାଲି,  
 ୧୯ ଇଞ୍ଜା ମାହାପୁରୁ କାର୍ମା ମେସ୍ତାନି ବେଲୋତି କାତା  
 ଝେକ୍‌ହାଲି  
 ପ୍ରବୁ ନାଙ୍ଗେ ପାଣ୍ଡାମାଞ୍ଜାନେସି ।”

୨୦ ଏମ୍ବାଟିଏ ଜୀସୁ ପତିତି ମୁଦା କିହାନା ସେବା କିନାଣି  
 କେୟୁତା ହୀହାନା କୁରିତେସି । ଅଡେ ଜୀହୁଦି ଲକୁତି  
 କୁଟମି ଇଲୁତା‡ କୁଗାମାନି ବାରେ ଲକୁ ଜୀସୁ ଝାକି  
 ସିନିକିତେରି ।

୨୧ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ନୀଞ୍ଜୁଟିଏ  
 ଦାମ୍ବୁ ପତିତି ଇ କାତା ମାରୁ ଝେଣ୍ଡମ୍ବିଏ ପୁରା ଆଡେ ।”

୨୨ ଅଡେ ବାରେଜାଣା ତାନି କାତାତାକି ସାକି ହୀତେରି,  
 ଅଡେ ତାନି ଗୁତିଟି ହଡ଼ିମାନି କାର୍ମାତି ବଲୁତା କାବା  
 ଆଡେରି ଇଞ୍ଜା ଏଲେଇଚେରି, “ଇଝାସି ଏନାଆଁ ଜସେପ  
 ମାରୁଏସି ଆଏକି ?”

୨୩ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, “ମାରୁ  
 ସାତେଏ ନାଙ୍ଗେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ  
 ନିଙ୍ଗେ ନେହୁଁ କିହାକତାମ୍ବୁ; କପର୍ନାହୁମତା ଏନା ଏନାଆଁ  
 କିହାମାଞ୍ଜି ଇଞ୍ଜୁଁ ମାମ୍ବୁ ଝେଞ୍ଜାମାନମି ଏଲେକିଁ ମୀ ଆକୁ  
 ଆବାୟାଁ ନାୟୁଁତା ଜିକେଏ କିମ୍ବୁ ।”

୨୪ \*ଅଡେ ଏଝାସି ଏଲେଇଚେସି, “ନାନୁ ମିଙ୍ଗେ ସାତା  
 ଝେସିମାଞ୍ଜାଇଁ, ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ତାନୁ  
 ପାତାଆଡ଼ି ନାୟୁଁତି ଲକୁ ଅପଅରି ।

୨୫ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଲିୟ  
 ବେଲୋତା ଏନିକିଁ ତାନି ବାସାଁ ସ. ଲେଞ୍ଜୁ ପାତେକା  
 ହାଗୁଟି ପିୟୁ ରିଆତାକି ବାରେ ଦେସା କାରୁଝୁ ଆହାମାଚେ,  
 ଏରିବେଲୋତା ଇସ୍ରାୟେଲତା ହାରେକା ରାଝେଣ୍ଡିସିକା  
 ମାଟିହୁଁ ଜିକେଏ;

୨୬ ଏଲିୟ ଏଝାସିକା ତାଣା ପାଣ୍ଡୁଝି ଆଆନା ସିଦନ  
 ଦେସାତି ସାରିପତ ନାୟୁଁତି ର. ରାଝେଣ୍ଡିନି ତାଣା ପାଣ୍ଡୁଝି  
 ଆଡେସି ।

୨୭ ଅଡେ ମାହାପୁରୁ ଅଣ୍ଡପୁତି ବଲୁ ଝେହ୍‌ନି ଏଲିସାୟ  
 ମାଚାଟି ଇସ୍ରାୟେଲ ବିତ୍ରା ହାରେକା କାଜା ରଗ ଗାଟାରି  
 ମାଚେରି; ଆଡ଼ିଜିକେଏ ଏଝାରି ବିତ୍ରାଟି ରଅସି ଜିକେଏ  
 ନେହୁଁ ଆଆଡେସି, ସାମା ସିରିୟା ଦେସାତି ନାମାନ  
 ନେହୁଁ କିଝିଆଡେସି ।”

୨୮ ଜୀହୁଦି ଲକୁତି କୁଟମି ଇଲୁତା§ ଇ ବାରେ କାତା  
 ଝେଞ୍ଜାନା ବାରେଜାଣା କାରୁବି ଆଡେରି,

୨୯ ଅଡେ ଏଝାରି ନିଙ୍ଗାନା ଏଝାଣାଇଁ ଗାଡ଼ାଟି ପାଙ୍ଗାତା  
 ପେର୍‌ହେରି ଇଞ୍ଜା ଏଝାରି ଏମିନି ଗାଡ଼ା ହରୁଲେକ  
 ଦସାମାଚେରି ଏ ହରୁ ଲାକଟି ଡ଼ଇକା ମେଡ଼ହାଲି ଏଝାଣାଇଁ  
 ଅଡେରି;

୩୦ ସାମା ଏଝାସି ଏଝାରି ମାଦିଟି ହଡ଼ାହାଚେସି ।

ଜୀସୁ ବୃତୁ ଆଲ୍‌ଗା ମାଚାଣାଇଁ ନେହୁଁକିନାୟି  
 (ମାର୍କ ୧:୨୧-୨୮)

୩୧ ଜୀସୁ କପର୍ନାହୁମ ଦରୁଗାଟି ଗାଲିଲିତି ର ଗାଡ଼ାତା  
 ଝାଡେସି, ଇଞ୍ଜା ଜମିନି ଦିନା ଲକୁଣି ଜାପୁହି ମାଚେସି,  
 ୩୨ \*ଅଡେ ଏଝାରି ଏଝାଣି ଜାପୁନି ତାଣା କାବା ଆଡେରି,  
 ଏନାଆଁତାକି ଇଚିହୁଁ ଏଝାଣି ଜଲିନାୟି ଅଦିକାରା ଗାଟାୟି  
 ଲେହେଁ ମାଚେ ।

୩୩ ର ଦିନା ଜୀହୁଦି ଲକୁତି କୁଟମି ଇଲୁତା\* ର ପଲ୍‌ଆ  
 ବୃତୁ ଆଲ୍‌ଗାମାଟି ଲକୁ ମାଚେସି; ଏଝାସି କିର୍ଡିହୁଁ  
 ଏଲେଇଚେସି,

୩୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନାୟି  
 ମାନେ ? ନୀନୁ ମାଙ୍ଗେ ନାସା କିହାଲି ଝାହାମାଞ୍ଜି କି ?  
 ନୀନୁ ଆମ୍ବାଆତି ନାନୁ ପୁଞ୍ଜାମାଇଁ; ନୀନୁ ମାହାପୁରୁତି ସୁଦୁ  
 ମାଣ୍ଡସିତି ।”

୩୫ ଜୀସୁ ଏଦାନି ଦାକା ହୀହାନା ଏଲେଇଚେସି,  
 “ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହଡ଼ାହାଲାମ୍ବୁ ।”  
 ଏମ୍ବାଟିଏ ଏ ବୃତୁ ଏଝାଣାଇଁ ମାଦିଏ ତ୍ରକ୍‌ହାନା ଏଝାଣାଇଁ  
 ଏନାଆଁ କିଆନା ହଡ଼ାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଝୁମ୍ବି  
 ଆଡେରି, “ଇଦି ଏନିଲେହେଁତି କାତା ? ଏଝାସି ବୃତୁୟାଁଇଁ  
 ଅଦିକାରା ଅଡେ ବାଡ଼ୟୁଟି ହୁକୁମି ହୀହିମାନେସି ଇଞ୍ଜା ଏଝି  
 ହଡ଼ା ହାଜିମାନୁ !”

୩୭ ଏମ୍ବାଟିଏ ଏଝାଣି ହାଡ଼ାଟି କାରୁ ଦେସାତି ସାରିଝାକି  
 ଝେଙ୍ଗାହାଚେ ।

ଜୀସୁ ହାରେକା ଲକୁଇଁ ନେହୁଁକିନାୟି  
 (ମାଟି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟି†  
 ହଡ଼ାନା ସିମନ ଇଜ ହାଚେସି । ସିମନ ପୟା ଗାଡ଼ି ନଡ଼େରି  
 ଆହାମାଚେ, ଅଡେ ଏଝାରି ଇ କାତା ଜୀସୁଇଁ ଏଲେଇଚେରି  
 ।

୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନଡ଼େରିତି  
 ଦାକା ହୀତେସି, ଇଞ୍ଜା ଏଦାନାକି ନଡ଼େରି ପିସ୍ତେ, ଏଦି ଏ  
 ଦେବୁଣିଏ ନିଙ୍ଗାନା ଏଝାରି ସେବା କିତେ ।

୪୦ ଝେଡ଼ା କୁଡ଼ିହି ମାଚାଟି ଆମ୍ବାଆରି ତାଣା ଏନିଲେହେଁତି  
 ରଗ ମାଚେ, ଏଲେତି ରଗ ଲକୁଣି ଜୀସୁ ତାଣା ତାଡେରି,  
 ଇଞ୍ଜା ତାନି ତାର୍କାଣା କେୟୁ ଇଚାନା ବାରେତି ନେହୁଁ  
 କିତେସି ।

୪୧ ଅଡେ ବୃତୁୟାଁ ଜିକେଏ କିର୍ଡିହୁଁ ହାରେକା  
 ଲକୁ ତାଣାଟି ଏଲେଇଞ୍ଜି ହଡ଼ାହାଚୁ, “ନୀନୁ ମାହାପୁରୁ  
 ମାରୁଏଣାତି ।”

ଅଡେ ଜୀସୁ ଏ ବାରେତି କାତା ଆହାଲି ହୀଆନା ଦାକା  
 ହୀତେସି, ଇଚିହୁଁ ଏଝାସି କ୍ରୀସ୍ତ ଇଦାଆଁ ଏଝି ପୁଞ୍ଜାମାଚୁ ।

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍‌ନାୟି  
 (ମାର୍କ ୧:୩୫-୩୯)

୪୨ ଲାଲ୍‌ ଝେୟାଲିଏ ଏଝାସି ହଡ଼ାନା ଲକୁ ହିଲାଆ  
 ଟାୟୁତା ହାଚେସି; ଅଡେ ଲକୁ ଏଝାଣାଇଁ ପାରି ପାରିହୁଁ  
 ଏଝାଣି ତାଣା ଝାଡେରି, ଅଡେ ଏଝାସି ଏନିକିଁ ଏଝାରି

‡ ୪:୨୦ ସିନଗଗ୍ \* ୪:୨୪ କହ ୪:୪୪ § ୪:୨୮ ସିନଗଗ୍ ✱ ୪:୩୨ ମାଟି ୭:୨୮,୨୯ \* ୪:୩୩ ସିନଗଗ୍ † ୪:୩୮ ସିନଗଗ୍

ତାଣାଟି ହାଲଅସି, ଏଦାଆଁତାକି ଏଝାଣାଇଁ ମାଞ୍ଜାଲି ବାଡ଼ିମାଲିତେରି ।

୪୩ ସାମା ଏଝାସି ଏଝାରାଇଁ ଏଲେଇଚେସି, “ଏଟକା ଗାଡ଼ାତା ଜିକେଏ ନାନୁ ମାହାପୁରୁ ରାଜିତି ନେହଁ କାରୁ ଝେକନାୟି ମାନେ, ଇଚିହଁ ଏଦାଆଁତାକି ନାନୁ ପାଣୁଝି ଆହାମାଇଁ ।”

୪୪ ଇଞ୍ଜା ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲକାଣା‡ ହାଜାନା ନେହଁ କାରୁ ଝେକହେସି ।

**୫**

**ଜୀସୁ ମୀଣକା ଆହନାରାଇଁ ହାଡ଼ିନାୟି**

(ମାତି ୪:୧୮-୨୨; ମାର୍କ ୧:୧୭-୨୦)

୧\* ର ଦିନା ଜୀସୁ ଗେନେସର ବାନ୍ଦା ଗାରୁତା ନିଚାମାଚାଟି ହାରେକା ଲକୁ ମାହାପୁରୁତି କାତା ଝେଞ୍ଜାଲି ଏଝାଣି ସାରିସୁରୁ ରୁଣ୍ଡା ଆଡେରି ।

୨ ଇଞ୍ଜା ଏଝାସି ବାନ୍ଦା ଗାରୁତା ରୀ ତଂଗାୟାଁ ମାନାଣି ମେସେସି; ଏମ୍ବାଟି ମୀଣକା ଆହନାରି ଏମ୍ବାଟି ରେଚାନା ତାମି ଜାଲାୟାଁ ନରହି ମାଚେରି ।

୩ ଏ ତଂଗ ବିତ୍ରାଟି ଏମିନାୟି ସିମନଝାୟି ମାଚେ, ଏ ତଂଗତା କୁଗାନା ଗାରୁଟିଏ ହିରେ ହେକ ହାଜାଲି ବାଡ଼ିମାଲିତେସି; ଇଞ୍ଜା ଏଝାସି କୁଗାନା ଲକୁଣି ଜାପହେସି ।

୪ ଏଝାସି ତାନି କାତା ରାପହାଲିଏ ସିମନଇଁ ଏଲେଇଚେସି, “ମୀଣକା ଆସାଲି କୁଡ଼ନି ଏୟୁଝାକି ହାଜାନା ମୀ ଜାଲାୟାଁ ମେଡ଼କୁ ।”

୫\* ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁ ଲାଆଁ ଝେୟେ କସ୍ତ କିତିଝା ର ମୀନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲା ମେଡ଼ଇଁ ।”

୬ ଇଞ୍ଜା ଏଝାରି ଜାଲା ମେଡ଼ହାଲିଏ ଏମ୍ବାଆଁ ଜାଲା ନେଞ୍ଜେ ମୀଣକା ହଟୁ, ଇଞ୍ଜା ଏଝାରି ଜାଲା ତାମ୍ବାଲି ମାଟହେ ।

୭ ଏମ୍ବାଟିଏ ଏଝାରି ଆମିନି ତଡ଼ଗୁାଟାରି ଅର ତଂଗତା ମାଚେରି, ଏଝାରି ଏନିକଁ ଝାହାନା ସାୟେମି କିନେରି, ଏଦାଆଁତାକି ଏଝାରି ଏଝାରାଇଁ କେୟୁ ଜୀଞ୍ଜିତେରି, ଏମ୍ବାଟିଏ ଏଝାରି ଝାହାନା ରୀ ତଂଗାୟାଁ ମୀଣକା ନେଞ୍ଜି କିୟାଲିଏ ଏ ତଂଗାୟାଁ ମୁଞ୍ଜିମାରୁ ।

୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାତୁହ୍ମୁ ଏନାଆଁତାକି ଇଚିହଁ ନାନୁ ପାପୁଗାଟି ମାଣସିତେଏଁ !”

୯ ଇଚିହଁ ଏଝାରି ହାରେକା ମୀଣକା ଆସାମାଚାକି ତାନୁ ଅଡ଼େ ତାନିତଲେ ମାଚାରି କାବା ଆହାହାଚେରି;

୧୦ ଜେବଦତି ରୀ ମୀରକା ଜାକୁବ ଅଡ଼େ ଜହନ, ଆମ୍ବାଆରି ସିମନ ଆଟହିତାରି ମାଚେରି, ଏଝାରି ଜିକେଏ କାବା ଆହାହାଚେରି । ଅଡ଼େ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହ୍ମଦି ।”

୧୧ ଏଚେଟିଏ ଏଝାରି ତଂଗାୟାଁ ଗାରୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଟ ହାଚେରି ।

**କାଜା ରଚ ଗାଟାଣାଇଁ ନେହଁ କିନାୟି**

(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଚାଟି ମେହ୍ମୁ ଏମ୍ବାଆଁ ଗୁଡ଼ା ଆଜା କାଜା ରଚ ଗାଟାସି ମାଚେସି; ଏଝାସି ଜୀସୁଇଁ ମେସାନା ମୁନୁ କୁତାନା ଏଝାଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡ଼ାଦି ।”

୧୩ ଏଚେଟିଏ ଏଝାସି କେୟୁ ଦାସାହାଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହଁ ଆମୁ ।” ଏ ଦେବୁଣିଏ କାଜା ରଚଟି ଏଝାସି ନେହଁ ଆଡେସି ।

୧୪ ଜୀସୁ ଏଝାଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଝେହ୍ମଆନି, ସାମା ହାଜାନା ପୂଜେରାଜାଣି ତହ୍ମୁ ଅଡ଼େ ମସାତି ମେରାଲେହେଁ ନୀନୁ ନେହଁ ଆଡ଼ାଣି ସାକି ହାହାଲି ପୂଜା ହାମୁ ।”

୧୫ ସାମା ଏଝାଣି କାତା ହାରେକା ଝେଞ୍ଜାହାଚେ, ଅଡ଼େ ହାରେକା ଲକୁ ଝେଞ୍ଜାଲିତାକି ଅଡ଼େ ରଚଟି ନେହଁ ଆହାଲିତାକି ରୁଣ୍ଡା ଆଡେରି ।

୧୬ ସାମା ଜୀସୁ ଲକୁ ହିଲାଆ ଟାୟୁତା ହାଜାନା ପ୍ରାତାନା କିହିମାଚେସି ।

**ଜୀସୁ ର ଟଟ ଝାୟିତାଣାଇଁ ନେହଁ କିନାୟି**

(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପହି ମାଚାଟି, ଗାଲିଲି ଦେସାତି ବାରେ ନାୟକାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଝାହାମାନି ପାରୁସିୟାଁ ଅଡ଼େ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଝାସି ଏନିକଁ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡ଼ୁୟୁ ଜୀସୁ ତାଣା ମାଚେ ।

୧୮ ଏଚରଜାଣା ଲକୁ ର ଟଟ ଝାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିତ୍ରା ଅହାଲି ଅଣ୍ପିତେରି ।

୧୯ ସାମା ଏମ୍ବାଆଁ ହାରେକା ଲକୁ ମାଚାକି ଜିରୁ ବେଟାଆଆତେରି, ଇଞ୍ଜା ଏଝାରି ଇଲୁ ଡେପରିତା ଡେକା ଅହାନା ତୁଡ଼ିୟାତି ଚାୟିଲି ହୁକହାନା କାଚେଲି ତଲେ ଜୀସୁ ନକିତା ରେପହେରି ।

୨୦ ଜୀସୁ ଏଝାରି ନାମୁ ମେସାନା ଟଟ ଝାୟିତାଣାଇଁ ଏଲେଇଚେସି, “ତଟେ ନୀ ପାପୁ ବାରେ ମେଣ୍ଡାମାନେ ।”

୨୧ ଏଚେଟିଏ ମେରା ଜାପନାରି ଅଡ଼େ ପାରୁସିୟାଁ କାତା ଆହଁ ଏଲେଇଚେସି ଆଡେରି, “ଇଝାସି ମାହାପୁରୁ ନିନ୍ଦା କିହିମାନେସି, ଇଝାସି ଆମ୍ବାଆସି ! ମାହାପୁରୁ ପିସପେ ଅଡ଼େ ଆମ୍ବାଆସି ପାପୁ ମ୍ଲେକହାଲି ଆଡ଼ିମାନେସି !”

୨୨ ସାମା ଜୀସୁ ଏଝାରି କାତାବାର୍ତ୍ତା ଆହିମାନାଣି ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକଁ ଅଣ୍ପିମାଞ୍ଜେରି ?

‡ ୪:୪୪ ସିନଗର୍ବ    \* ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧    ✧ ୫:୫ କହ ୨୧:୩    ✨ ୫:୬ କହ ୨୧:୬

୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଟିକେତେ ଇନାୟି କି ନିଜ୍ଞାନା ତାକାମୁ ଇନାୟି?’

୨୪ ଦାର୍ତ୍ତିତା ପାପୁ ମ୍ବେକ୍‌ହାଲି ମାଣ୍ଡସି ମାର୍‌ଏଣାକି ଅଦିକାରା ମାନେ, ଇଦାଆଁ ମୀରୁ ଏନିକ୍‌ ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ ଖାୟିତାଣାଇଁ ଏଲେଇଚେସି, “ନାନୁ ନିଜ୍ଞେ ଖେସିମାଞ୍ଜାଇଁ, ନିଜ୍ଞାନା ନୀ କାଟେଲି ଡେକାନା ନୀ ଇଜ ହାଲାମୁ!”

୨୫ ଏଚେଟିଏ ଏଞ୍ଜାସି ଏ ଦେବୁଣିଏ ଏଞ୍ଜାରି ନକିତା ନିଜ୍ଞାନା ଆମିନି କାଟେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହ୍‌ ତାମି ଇଜ ହାଚେସି ।

୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଡେରି, ଅଡେ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କ୍ବାଆନି କାମା ମେସୁମି ।”

**ଜୀସୁ ଲେବିଇଁ ହାଟିନାୟି**  
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଞ୍ଜାତା ହାଜାନା ଲେବି\* ଦରୁଗାଟି ର ସିସୁ ରୁାହନାସି ସିସୁ ରୁାହନି ଟାୟୁତା କୁଗାମାନାଣି ମେସାନା ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମୁ ।”

୨୮ ଏମ୍ବାଟିଏ ଏଞ୍ଜାସି ବାରେ ପିସାନା ନିଜ୍ଞାନା ଏଞ୍ଜାଣି ଜେଚ ହାଚେସି ।

୨୯ ଅଡେ ଲେବି ତାମି ଇଜ ର କାଜା ବକ୍ତି କିଡେସି, ଇଞ୍ଜା ହାଚେକା ସିସୁ ରୁାହନାରି ଅଡେ ଏଟକାଟି ଲକୁ ବାରେ ଏଞ୍ଜାରିତଲେ ତିଞ୍ଜାଲି କୁରିଚେରି ।

୩୦ ☆ଏଚେଟିଏ ପାରୁସିୟାଁ ଅଡେ ଏଞ୍ଜାରି ଗଚିତି ମେରାପୁନାରି ତାମି ସୀସୁୟାଁଇଁ ଏଲେଇଚେରି, “ମୀରୁ ଏନାଆଁତାକି ସିସୁ ରୁାହନାରି ଅଡେ ପାପୁ ଗାଟାରି ତଲେ ତିଞ୍ଜି ଉଣ୍ଡି ମାଞ୍ଜେରି?”

୩୧ ଜୀସୁ ଏଞ୍ଜାଣାଇଁ ଏଲେଇଚେସି, “ନେହ୍‌ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଟା ଗାଟାରାକି ଲଡ଼ାମାନେ ।

୩୨ ନାନୁ ତାରିଗାଟାରାଇଁ ହାଟାଲି ଖାହାହିଲଅଁ, ସାମା ମନ୍ ଖେଟ୍‌ପି କିହାଲି ପାପୁ ଗାଟାରାଇଁ ହାଟାଲି ଖାହାମାଇଁ ।”

**ଉପାସା କିନି କାତା ଖେନାୟି**  
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଇଁ ଖେଚେରି, “ଜହନତି ସୀସୁୟାଁ ଅଡେ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡେ ପ୍ରାତାନା କିହମାନେରି, ସାମା ନୀ ସୀସୁୟାଁ ତିଞ୍ଜି ଉଣ୍ଡି ମାନେରି ।”

୩୪ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ବାହା ଲକୁତଲେ ହନେଏସି ମାନି ପାଡେକା ବାହା ଲକୁ ଉପାସା ମାଞ୍ଜାଲି ଆଡ଼ିନେରି ?

୩୫ ସାମା ର ଦିନା ଖାନେ; ଏଞ୍ଜାରି ତାଣାଟି ହନେଏସି ହାନେସି, ଏଚେଟିଏ ଏଞ୍ଜାରି ଉପାସା କିନେରି ।”

୩୬ ଇଞ୍ଜା ଏଞ୍ଜାସି ର ପୁଣ୍ଡିକିନି କାତା ଜିକେଏ ଖେସେସି, “ଆମ୍ବାଆସି ପୁଞ୍ଜଇ ହିମ୍ବିରିତା ପୁଞ୍ଜି ପାସକି ତାଟଅସି; ତାଟିଡିଖା ଏ ପୁଞ୍ଜି ପାସକି ଗେହ୍‌ନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣେଏ ।

୩୭ ଅଡେ ଆମ୍ବାଆସି ପୁଞ୍ଜି ଅଜ୍ଞୁରି ରାସା ପୁଞ୍ଜଇ ଡକାତା† ଇଟଅସି; ଇଟିଡିହ୍‌ ଅଜ୍ଞୁରି ରାସା ଡକାଡି ଅୟି କିହାନା ବହାହାନେ ଅଡେ ଡକା ଜିକେଏ ନସୁ ଆନେ,

୩୮ ସାମା ପୁଞ୍ଜି ଅଜ୍ଞୁରି ରାସା ପୁଞ୍ଜି ଡକାତା ଇଟିନାୟି ମାନେ ।

୩୯ ଆମ୍ବାଆରି ପୁଞ୍ଜଇ ଅଜ୍ଞୁରି ରାସା ଗସ୍ତି ତାୟୁ ପୁଞ୍ଜି ଅଜ୍ଞୁରି ରାସା ଗହ୍‌ଅଡେରି । ପୁଞ୍ଜଆୟି ନେହ୍‌ ଇଞ୍ଜେରି ।”



**ଜମିନି ଦିନାତି ପ୍ରବୁ**  
(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହ୍‌ ଗୁଡିୟାଟି ହାଜିମାଟାଟି ସୀସୁୟାଁ ଗହ୍‌ ଜେକା ତାପହାନା କେୟୁତଲେ ରାକ୍‌ହା ତିଞ୍ଜିମାଚେରି ।

୨ ସାମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଞ୍ଜାଣାଇଁ ଏଲେଇଚେସି, “ଦାଞ୍ଜୁଦ ଅଡେ ତାନି ତଡେସିଜ୍ଞା ହାକି ମାଟାଟି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼଼ି ଆହାହିଲଅଡେରି ?

୪ ଏଞ୍ଜାସି ମାହାପୁରୁ ଇଲୁତା ହଡ଼ାନା ଆମିନି ହେଟ୍‌ପିଆହାମାନି ରୁଟି ପୂଜେରାଜ୍ଞା ପିସ୍‌ପେ ଆମ୍ବାଆରି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜା ତାନି ତଡେସିଜ୍ଞାକି ଜିକେଏ ହାଚେସି ।”

୫ ଅଡେ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ମାଣ୍ଡସି ମୀରୁଏସି ଜମିନି ଦିନାତି ପ୍ରବୁ ଆନେସି ।”

**ଖାୟିତି କେୟୁ ଗାଟାଣାଇଁ ନେହ୍‌ କିନାୟି**  
(ମାତି ୧୨:୯-୧୪; ମାର୍କ ୩:୧-୬)

୬ ଏଞ୍ଜାସି ର ଜମିନି ଦିନାତା ଜୀହୁଦି ଲକୁଡି କୁଟମି ଇଲୁତା\* ହାଜାନା ଜାପ୍‌ହି ମାଚେସି; ଏମ୍ବାଆଁ ରଅସି ମାଚେସି ଏଞ୍ଜାଣି ଟିଞ୍ଜି କେୟୁ ଖାୟାହାଜାମାଚେ ।

୭ ଅଡେ ଏଞ୍ଜାସି ଜମିନି ଦିନାତା ନେହ୍‌ କିନେସିକି ଆଏ ଏଦାଆଁ ସିନିକିହାଲି ମେରାପୁନାରି ଅଡେ ପାରୁସିୟାଁ କୁଗାନା ସିନିକିହିମାଚେରି, ଏନିକ୍‌ ଏଞ୍ଜାଣାଇଁ ଦହ୍‌ ଆସାଲି ପାରୁ ବେଟାଆନେରି ।

୮ ସାମା ଏଞ୍ଜାସି ଏଞ୍ଜାରି ହିୟାଁତି ଅଣପୁ ପୁଞ୍ଜାନା ଆମିନି ଲକୁଡି କେୟୁ ଖାୟାହାଜାମାଚେ ଏଞ୍ଜାଣାଇଁ ଏଲେଇଚେସି, “ନିଜ୍ଞାମୁ ମାଦି ନିମୁ ।” ଏଚେଟିଏ ଏଞ୍ଜାସି ନିଚେସି ।

୯ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ମିଜ୍ଞେ ଖେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା

\* ୫:୨୭ ମାତିୟୁ ☆ ୫:୩୦ ଲୁକ ୧୫:୧,୨ † ୫:୩୭ ତଲୁ ତଲେ କେପିଡି ଅଜ୍ଞୁରି ରାସା ଇଟିନି ବାସ୍ତା ତୁପୁ \* ୬:୬ ସିନଗଗ

ମାନେ ? ନେହଁ କିନାୟି କି ଲାଗେଏ କିନାୟି ? ଜୀଝୁତି ଗେଲ୍‌ପିନାୟି କି ନାସା କିନାୟି ?”

୧୦ ଅଡ଼େ ଏଞ୍ଜାସି ସାରିଞ୍ଜାକି ଲକ୍ଷଣି ସିନିକିହାନା ଏଞ୍ଜାଣାଇଁ ଏଲେଇଚେସି, “ନୀ କେୟୁ ଦାହ୍‌ମୁ ।” ଏମ୍ବାଟିଏ ଦାସ୍ତେସି, ଇଞ୍ଜା ଏଞ୍ଜାଣି କେୟୁ ନେହଁ ଆହାହାଚେ ।

୧୧ ଏଦାଆଁ ମେସାନା ଏଞ୍ଜାରି କାରବି ଆହାହାଚେରି ଅଡ଼େ ଜୀସୁଇଁ ଏନିକିହାଲି ଆନେ ଇଞ୍ଜାଁ ତାମ୍ବୁତାମ୍ବୁ କାତା ଆଡ଼େରି ।

**ଜୀସୁ ବାରଜାଣା ସୀସୁୟାଁଇଁ ଆଡ଼ିନାୟି**

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାତାନା କିହାଲି ହରୁ ଲାକ ହାଚେସି ଇଞ୍ଜାଁ ଲାଆଁ ଝେୟେ ମାହାପୁରୁ ତାଣା ପ୍ରାତାନା କିଚେସି ।

୧୩ ଲାକ୍ ଝେୟାଲିଏ ଏଞ୍ଜାସି ତାନି ସୀସୁୟାଁ ତାଗେ ହାଚାନା ଏଞ୍ଜାରି ବିତ୍ରାଟି ବାରଜାଣାତି ଆଡ଼ିଚେସି; ଇଞ୍ଜାଁ ଏଞ୍ଜାରାଇଁ ପାଣ୍ଡୁଞ୍ଜି ଆଡ଼ାରି ଇଞ୍ଜାଁ ଦରୁ ଇଚିଚେସି,

୧୪ ଏଞ୍ଜାରି ଆଡ଼େରି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହୀଚେସି, ଅଡ଼େ ତାନି ତାୟି ଆଦ୍ରିୟ, ଜାକୁବ ଅଡ଼େ ଜହନ, ପିଲିପ, ବାର୍ତଲମି,

୧୫ ମାତିୟୁ ଅଡ଼େ ତମା, ଆଲେପି ମୀରଏସି ଜାକୁବ ଅଡ଼େ ସିମନ, ଆମିନି ଗାଟାଣାଇଁ ତାନି ଦେସାତି ଜୀଝୁ ନନାସି ଇନେରି,

୧୬ ଜାକୁବ ମୀରଏସି ଜୀହୁଦା ଅଡ଼େ ଇସ୍ଵାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେରପିଚେସି ।

**ଜୀସୁତି ଜାପ୍‌ନାୟି ଅଡ଼େ ରଗଟି ନେହଁ କିନାୟି**

(ମାତି ୪:୨୩-୨୫)

୧୭ ଅଡ଼େ ଏଞ୍ଜାସି ଏଞ୍ଜାରିତଲେ ରେଚାଞ୍ଜାହାନା ନିମା ଗାଟି ଚାୟୁତା ନିଚେସି, ଇଞ୍ଜାଁ ତାନି ହାରେକା ସୀସୁୟାଁ ଅଡ଼େ ବାରେ ଜୀହୁଦା ଦେସା ଜିରୁସାଲମ ଇଞ୍ଜାଁ ସର ଅଡ଼େ ସିଦନ ଦାରିଟି ହାରେକା ଞ୍ଜାଚେରି ।

୧୮ ଏଞ୍ଜାରି ଜୀସୁତି କାତା ଝେଞ୍ଜାଲି ଅଡ଼େ ତାନି ରଗଟି ନେହଁ ଆହାଲି ଞ୍ଜାହାମାଚେରି, ଅଡ଼େ ଆମିନି ଗାଟାରି ବୃତୁୟାଁ ତାଣାଟି କସ୍ତ ବେଚାଆହି ମାଚେରି, ଏଞ୍ଜାରି ଜିକେଏ ନେହଁ ଆଡ଼େରି;

୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାଚେରି, ଇଚିହଁ ଏଞ୍ଜାଣି ତାଣାଟି ବାଡ଼ୟୁ ହଚାନା ବାରେଜାଣାଟି ନେହଁ କିହିମାଚେ ।

**ଆମ୍ବାଆରି ନେହେଁ**

(ମାତି ୫:୧-୧୨)

୨୦ ଏଚିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇଚେସି,

“ହିଲାଆଗାଟାଚେରି ମୀରୁ; ମିଜେ ନେହେଁ,

ଇଚିହଁ ମାହାପୁରୁ ରାକ୍ତି ମୀଦିଏ ।

୨୧ ନୀଏଁ ହାକି ଗାଟାଚେରି ମୀରୁ; ମିଜେ ନେହେଁ,

ଇଚିହଁ ମୀରୁ ତାୟୁ ପାଞ୍ଜିଦେରି ।

ନୀଏଁ ଡାହିମାନାଚେରି ମୀରୁ; ମିଜେ ନେହେଁ,

ଇଚିହଁ ମୀରୁ ତାୟୁ କାକ୍‌ଦେରି ।”

୨୨ \*ଏଚେତା ଲକ୍ଷୁ ମିଜେ ଅପଅରି ଅଡ଼େ ମାଣ୍ଡସି ମୀରଏଣା ତାକି ଏଚ୍‌କା କିୟାନେରି, ଅଡ଼େ ନିନ୍ଦା କିୟାନେରି ଇଞ୍ଜାଁ ମୀ ଦରୁତି ଲାଗେଏତାୟି ଇଞ୍ଜାଁ ଅପଅରି, ଆତିହଁ ମୀରୁ ନେହେଁ ।

୨୩ \*ଏ ବେଲାତା ରାହାଁତଲେ ଏନ୍ଦାଦୁ, ଏନିଇଚିହଁ ଲାକପୁରୁ ମିଜେତାକି ହାରେକା ଦାନା ମାନେ; ଅଡ଼େ ଏଲେକିହଁଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାରାଇଁ କିହିମାଚେରି ।”

୨୪ “ସାମା ଆୟତା ତଣ୍ଡ ବେଚାଆନି ଦନ ଗାଟାଚେରି ମୀରୁ; ମୀରୁ ମୀ ଅଣ୍ଡପିମାଟି ସୁକୁ ବେଚା ଆହାମାଞ୍ଜେରି !

୨୫ ଆୟତା ତଣ୍ଡ ବେଚାଆନାଚେରି ନୀଏଁ ପାଞ୍ଜାମାନାଚେରି ମୀରୁ;

ଇଚିହଁ ତାୟୁ ମୀରୁ ହାକି ଆଦେରି ।

ଆୟତା ନୀଏଁ କାକ୍‌ହି ମାନାଚେରି ମୀରୁ;

ଇଚିହଁ ତାୟୁ ମୀରୁ ଦୁକୁ ଆହାନା ତୀଦେରି ।”

୨୬ “ଏଚିବେଲା ବାରେ ଲକ୍ଷୁ ମିଜେ ନେହାଁଚେରି ଇଞ୍ଜାନେରି, ଏଚିବେଲା ଆୟତା ତଣ୍ଡ ବେଚା ଆନାଚେରି; ଏଲେକିହଁଏ ଏଞ୍ଜାରି ଆକୁ ଆବାୟାଁ ମିଟି ବଲ୍ଲୁ ଝେହ୍‌ନାରାଇଁ କିହିମାଚେରି ।”

**ସାତୁୟାଁଇଁ ଜୀଝୁନନାୟି**

(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଝେଞ୍ଜିମାଞ୍ଜେରି, ନାନୁ ମିଜେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀଝୁନଦୁ; ଆମ୍ବାଆରି ମିଜା ଅପଅରି ଏଞ୍ଜାରି ନେହଁ କିଦୁ;

୨୮ ଆମ୍ବାଆରି ମିଜା ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଜେ ଲାଗେଏ କିହଁ ଲେମ୍ବାନେରି ଏଞ୍ଜାରି କସ୍‌ମି ପ୍ରାତାନା କିଦୁ ।

୨୯ ଆମ୍ବାଆସି ମିଜେ ର ଗେଏଲାତା ସାପୁଡା ଝେତାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜାଁ ଆମ୍ବାଆସି ମୀ ହିମ୍ବରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ ।

୩୦ ଆମ୍ବାଆସି ମିଜେ ରାସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜାଁ ଆମ୍ବାଆସି ଦନ ଅନେସି, ଏଞ୍ଜାଣାଇଁ ଝେଣ୍ଡେ ରୀହ୍‌ଆଦୁ ।

୩୧ \*ଲକ୍ଷୁ ମିଜେ ଏନିକଁ ଲେମ୍ବାପେରି ଇଞ୍ଜାଁ ଅଣ୍ଡପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହଁ ଲେମ୍ବାଦୁ ।

୩୨ ଇଞ୍ଜାଁ ଆମ୍ବାଆରି ମିଜେ ଜୀଝୁ ନୟାନେରି, ଏଞ୍ଜାରାଇଁ ଜୀଝୁ ନଡ଼ିହଁ ଏନି ବର ବେଚାଆଦେରି ? ଇଚିହଁ ପାପୁ ଗାଟାରି ଜିକେଏ ତାମ୍‌ଜେ ଜୀଝୁ ନନାରାଇଁ ଜୀଝୁ ନନେରି ।

୩୩ ଅଡ଼େ ଆମ୍ବାଆରି ମିଜେତାକି ନେହଁ କିୟାନେରି, ମୀରୁ ଏଞ୍ଜାରି ନେହଁ କିଦେରି, ଆତିହଁ ମୀରୁ ଏନି

☆ ୭:୨୨ ଚିତ୍ର ୪:୧୪ ☆ ୭:୨୩ କାମା ୭:୫୨ ☆ ୭:୩୧ ମାତି ୭:୧୨

ବର ବେଟାଆଦେରି ? ଇତିହାସ ପାପୁ ଗାଟାରି ଜିକେଏ ଏଲେକିନେରି ।

୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଣା ହାତିସାରେ ମୀରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଣା ହୀନେରି ।

୩୫ ସାମା ମୀ ସାତୁୟାଣି ଜୀଞ୍ଜନଦୁ ଇଞ୍ଜା ଏଞ୍ଜାରି ନେହ କିଦୁ, ଖେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହାସ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରକା ଆଦେରି, ଇତିହାସ ଏଞ୍ଜାସି ଜୀଞ୍ଜ ନଆଗାଟାରାଇଁ ଅଡେ ପାପୁ ଗାଟାରାଇଁ ଜିକେଏ ଜୀଞ୍ଜ ନନାସି ।

୩୬ ମୀ ଲାକପୁରୁତି ଆଟା ଏନିକି କାର୍ମା ମେହନାସି ମୀରୁ ଜିକେଏ ଏଲେକିହାସ କାର୍ମା ମେହନାତେରି ଆଦୁ ।

**ଏଟକା ତାରାଇଁ ନାହାଁୟି କିଆଦୁ**  
(ମାତି ୭:୧-୫)

୩୭ “ଅଡେ ନାହାଁୟି କିଆଦୁ, ଆତିହାସ ମୀରୁ ମାହାପୁରୁ ତାଣା ନାହାଁୟି କିଞ୍ଜି ଆଅତେରି; ଦହ ଦହଆଦୁ, ଆତିହାସ ମୀରୁ ମାହାପୁରୁ ତାଣା ଦହ ଗାଟାତେରି ଆଅତେରି; ଦହ ମ୍ଲେକ୍‌ଦୁ, ଆତିହାସ ମାହାପୁରୁ ମୀ ଦହ ଜିକେଏ ମ୍ଲେକ୍‌ହାନେସି;

୩୮ ହୀଦୁ ଆତିହାସ ମିଙ୍ଗେ ଜିକେଏ ହୀପକିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବ୍‌ଗାନା ଦାକ୍‌ହାନା ତେଲି କିହାନା ମୀ ଅଡଡିତା ହିୟାନେରି; ଇତିହାସ ଆମିନି ମାଣାତଲେ ଲାଟିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଟା ହିୟାନେରି ।”

୩୯ “ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେକତେସି, “ର କାଣା ଅର କାଣାଇଁ ଜିରୁ ତସାଲି ଆଡିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡୁୟୁତା ତରଗଅରି କି ?

୪୦ “ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହ କି ଜାପାଲି ଆଡିସାରେ ତାନି ଗୁରୁ ସମାନା ଆନେରି ।”

୪୧ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣ୍ଡି ହିଲଅତି ?

୪୨ ନୀନୁ ନୀ କାନୁତା ମାନି କାଜା ଲାଟାତି ଅଣ୍ଡାଆନା, ଏନିକି ନୀ ତାୟିକି ଏଲେକଞ୍ଜାଲି ଆଡିଦି, ତାୟି ଖାମୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡେ କୁଟୁ ଗାଟାତି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମ୍, ତାୟୁ ମୀ ତାୟି କାନୁତି ଲାଟା ନେହ କି ମେସାଲି ଆଡିଦି ।

**ମୀରୁ ଅଡେ ତାନି ପାଡେୟି**

(ମାତି ୭:୧୬-୨୦; ୧୨:୩୩-୩୫)

୪୩ “ଇତିହାସ ଇଲେତି ଏନି ର ନେହ କି ମୀରୁ ହିଲେଏ, ଏମିନାୟି ଲାଗେଏତି ପାଡେୟି ଆୟିନେ, ଅଡଞ୍ଜାକି ଇଲେତି ଏନି ମୀରୁ ହିଲେଏ ଏମିନାୟି ନେହ କି ପାଡେୟି ଆୟିନେ ।

୪୪ “ଇତିହାସ ବାରେ ମୀରୁକାଣି ତାନି ପାଡେୟି ତଲେ ପୁନାୟି; ହାପକା ମୀରୁଟି ଲକୁ ତୟା ପାଡେୟି ଏହଅରି, ଇଞ୍ଜା ହାପକା ବୁଟାଟି ଅଞ୍ଜୁରି ପାଡେୟି ଏହଅରି ।

୪୫ “ନେହ କି ଲକୁ ନେହ କି ମନ ବିତ୍ରାଟି ନେହ କି କାତା ହପନେସି, ଇଞ୍ଜା ପଲ୍‌ଆ ଗାଟାସି ପଲ୍‌ଆ ମନ ବିତ୍ରାଟି ପଲ୍‌ଆ କାତା ହପନେସି; ଇତିହାସ ହିୟାଁ ବିତ୍ରା ମାନାଣି ଗୁଡିଟି ଜଲିନେସି ।

**ରୀ ଇଲକା କେପିନାରି**

(ମାତି ୭:୨୪-୨୭)

୪୬ ଅଡେ ମୀରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜି ମାଞ୍ଜାଦେରି, ସାମା ନା କାତା ମାନଞ୍ଜି ଆହି ହିଲଅତେରି ?

୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନଞ୍ଜି ଆନେସି, ଏଞ୍ଜାସି ଏନିଲେହେତାସି, ନାନୁ ମିଙ୍ଗେ ଖେସୁଇଁ ।

୪୮ ଏଞ୍ଜାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାଡି ଗାଡୁୟୁ କାର୍‌ହାନା ପୁନାଦି ଖାଲକାତଲେ କାତି ନିପନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଟାକି କାତା ଇଲୁତି ଦାକ୍‌ହାଲି ଆଡାଆତେ ।

୪୯ ସାମା ଆମ୍ବାଆସି ଖେଞ୍ଜାନା ମାନଞ୍ଜି ଆଅସି ଏଞ୍ଜାସି ଗାଡୁୟୁଟିଏ ପୁନାଦି କିଆନା ଲାକ ଲାକ ଇରୁଆ ଲାକ ଇଲୁ କିହାମାନି ଲକୁ ଲେହେତାସି; କାଜା କାତା ଖାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାତେ ଇଞ୍ଜା କୁଡୁପୁନାସା ଆହାହାତେ ।”



**ଜୀସୁ ର ରମିୟ ହଲେଏଣାଇଁ ନେହ କିନାୟି**

(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପ୍‌ହାଲିଏ କପରନାହୁମ ଗାଡାତା ହାଚେସି ।

୨ ଏତିବେଲାତା ରଅସି ପାସାକଡି କସକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଚେସି; ଏ ହଲେଏଣାଇଁ ଏଞ୍ଜାସି ହାରେକା ଜୀଞ୍ଜ ନହ କି ମାଚେସି ।

୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନିକି ଖାହାନା ତାନି ହଲେଏଣାଇଁ ନେହ କିନେସି, ଇଦାଆଁତାକି ଜୀହୁଦି ଲକୁଡି କାଜାରି ବିତ୍ରାଟି ଏତରଜାଣାତି ଏଞ୍ଜାଣି ତାଣା ପାଣ୍ଡାନା ବାତିମାଲିତେସି ।

☆ ୭:୩୯ ମାତି ୧୫:୧୪ ☆ ୭:୪୦ ମାତି ୧୦:୨୪,୨୫; କହ ୧୩:୧୭; ୧୫:୨୦

☆ ୭:୪୪ ମାତି ୧୨:୩୩ ☆ ୭:୪୫ ମାତି ୧୨:୩୪

୪ ଏଞ୍ଜର ଜୀସୁ ତାଣା ଖାହାନା ହାରେକା ବାତିମାଲିହୁଁ  
ଝେସ୍ତେରି, “ଏଞ୍ଜସି ନୀ ତାଣାଟି ହାରେକା ସାୟେମି  
ବେଟାଆହାଲି ପାଡ଼ା ଆନାସି;

୫ ଇଚିହୁଁ ଏଞ୍ଜସି ମା ଜୀହୁଦି ଲକୁଣି ଜୀଝୁ ନନେସି  
ଅଡ଼େ ତାନୁଏ ମାଜେତାକି ଜୀହୁଦି ଲକୁତି କୁଟମି ଇଲୁ\*  
କିହାମାନେସି ।”

୬ ଏମ୍ବାଟିଏ ଜୀସୁ ଏଞ୍ଜରତଲେ ହାରେସି, ଏଞ୍ଜସି କାଜାଣି  
ଇଲୁଟିଏ ହିରେ ହେକ ମାଟାଟିଏ ତାନି ତଣେସିଜାଣି ଝେସା  
ପାଣ୍ଡିତେସି, “ଏ ପ୍ରବୁ ନୀନୁ ଅଡ଼େ କସ୍ତ ପୁଃଆନିଦେ;  
ଇଚିହୁଁ ନୀନୁ ନା ଇଜ ପାଝୁଲି ଇଚିଦି ଇଲେକ  
ପାଡ଼ାଆଆତାତେସି;

୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଅଁ  
ଇଞ୍ଜୁ ଅଣ୍ଡିତେସି; ସାମା ନୀନୁ ର ପଦୁ ଝେସା ପାଣ୍ଡାମୁ  
ନା ହଲେଏସି ନେହୁଁ ଆନେସି ।

୮ ଇଚିହୁଁ ନାନୁ ରଅଣି ତାଣା କାମା କିନି ମାଣସି  
ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସ୍ତା ମାନେରି;  
ଅଡ଼େ ନାନୁ ରଅଣାଇଁ ହାଲାନୁ ଇଚିହୁଁ ହାନେସି; ରଅଣାଇଁ  
ଝାମୁ ଇଚିହୁଁ ଝାନେସି; ଇଞ୍ଜା ନା ହଲେଏଣାଇଁ ଇଦାଆଁ  
କିମୁ ଇଚିହୁଁ ଏଞ୍ଜସି କିନେସି ।”

୯ ଜୀସୁ ଇ ବାରେ କାତା ଝେଞ୍ଜାନା କାବା ଆଡ଼େସି, ଅଡ଼େ  
ଜେଟ ଝାହିମାନି ଲକୁଝାକି ସିନିକିହାନା ଏଲେଇଚେସି,  
“ନାନୁ ମିଜେ ଝେସିମାଞ୍ଜାଇଁ ଇସାୟେଲ ଲକୁ ବିତ୍ରା ଜିକେଏ  
ନାନୁ ଇଲେତି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡୁଝି ଆହାମାଟି ଲକୁ ଇଜ ଝାହାନା  
ହଲେଏସି ନେହୁଁ ଆହାମାନାଣି ମେସ୍ତେରି ।

**ରାଣ୍ଡେଣି ଇୟାନି ମାର୍ଏଣାଇଁ ଜୀଝୁ ହୀନାୟି**

୧୧ ଏମ୍ବାଟିଏ ନାଇନ ଦରୁଗାଟି ଗାଡ଼ାତା ହାରେସି, ତାନି  
ସୀସୁୟାଁ ଇଞ୍ଜା ହାରେକା ଲକୁ ଏଞ୍ଜାଣିତଲେ ହାଜିମାଚେରି ।

୧୨ ଏଞ୍ଜସି ଗାଡ଼ାତି ଗଲିମୁଟାତା ଏଜାଲିଏ ଲକୁ ର  
ମାଡ଼ହାଡ଼ି ପାଜାତା ଡେକା ତାଟି ମାଚେରି, ଏଞ୍ଜସି ତାମି  
ଇୟାନି ରଣ୍ଡିଏ ମାର୍ଏସି ମାଚେସି, ଇଞ୍ଜା ଏ ଇୟା ରାଣ୍ଡେଣି  
ମାଚେ; ଅଡ଼େ ଗାଡ଼ାତି ହାରେକା ଲକୁ ଏଦାନିତଲେ  
ମାଚେରି ।

୧୩ ଏଦାନି ମେସାନା ଜୀସୁ ହାରେକା କାର୍ମା ଅଣ୍ଡପାନା  
ଏଦାନି ଏଲେଇଚେସି, “ଡ଼ାଆନି ।”

୧୪ ଅଡ଼େ ଏଞ୍ଜସି ତାଗେ ହାଜାନା ଡେକାମାଟି ଚେଚେଣିତି  
ଡାଗିତେସି, ଇଞ୍ଜା ଡେକା ଅହିମାଟି ଲକୁ ନିଚାଲିଏ  
ଜୀସୁ ଏଲେଇଚେସି, “ଆଡ଼େ ଦାଂଗ୍‌ଶେଣାଁତି ! ନାନୁ  
ଏଲେଇଞ୍ଜିମାଞ୍ଜାଇଁ ନିଜାମୁ !”

୧୫ ଏଚେଟିଏ ହାହାମାଟି ଦାଂଗ୍‌ଶେଏସି ନିଜାନା  
କୁଗିତେସି ଇଞ୍ଜା ଜଲିତେସି, ଇଞ୍ଜା ଏଞ୍ଜସି ତାମି ଇୟାନି  
କେୟୁତା ହେରପିତେସି ।

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ  
ଜହରା କିହୁଁ ଏଲେଇଚେରି; “ମା ବିତ୍ରା ର ମାହାପୁରୁ

ଅଣ୍ଡପୁତି ବଲୁ ଝେହ୍‌ନାସି ହଟାମାନେସି, ଇଚିହୁଁ  
ମାହାପୁରୁ ତାନି ଲକୁଣି କାର୍ମା ମେସାମାନେସି !”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା  
ଅଡ଼େ ସାରିସୁଟୁ ମାନି ରାଜିତା ଝେଜାହାଚେ ।

**ବାପ୍ତିସ୍ମାଁ ହୀନି ଜହନତି କାବୁ ଝେହ୍‌ନାରି  
(ମାତି ୧୧:୨-୧୯)**

୧୮ ତାୟୁ ବାପ୍ତିସ୍ମାଁ ହୀନି ଜହନତି ସୀସୁୟାଁ ଇ ବାରେ  
କାତା ଏଞ୍ଜାଣାଇଁ ଝେସ୍ତେରି ।

୧୯ ଏଚେଟିଏ ଜହନ ତାନି ରୀ ସୀସୁୟାଁଇଁ ତାଗେ ହାଟାନା  
ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଝାନାୟି  
ମାଚେ, ନୀନୁଏ ଏଞ୍ଜାଟିକି, ଆଆତୁଁ ମାମୁ ଅର ରଅଣାଇଁ  
କାଃଆନମି ?”

୨୦ ଏଞ୍ଜର ଜୀସୁ ତାଣା ଖାହାନା ଏଲେଇଚେରି,  
“ବାପ୍ତିସ୍ମାଁ ହୀନି ଜହନ ମାଜେ ଏଲେଇଞ୍ଜା ପାଣ୍ଡାତେସି,  
ଆମ୍ବାଆସି ଝାନାୟି ମାଚେ ଏଞ୍ଜାଟି ନୀନୁଏ କି ଆଆତୁଁ  
ମାମୁ ଅର ରଅଣାଇଁ କାଃଆନମି ?”

୨୧ ଏଚିଚେଲା ଏଞ୍ଜସି ହାରେକା ରଗ, କସ୍ତ ଅଡ଼େ ପଲୁଆ  
ବୁଡୁୟାଁ ତାଣାଟି ହାରେକା ଲକୁଣି ନେହୁଁ କିତେସି, ଇଞ୍ଜା  
ହାରେକା କାଣକା ମେହୁଆଗାଟାରାଇଁ ମେହୁନି ବାଡ଼ୁୟୁ  
ହୀତେସି ।

୨୨ ଏଞ୍ଜସି ଏଞ୍ଜରାଇଁ ଏଲେଇଚେସି, “ମୀରୁ ହାଜାନା  
ଏନା ଏନାଆଁ ମେସାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି,  
ଏ ବାରେ ଜହନଇଁ ଝେହ୍‌ଦୁ; କାଣକା ମେହୁଆଗାଟାରି  
ମେସାଲି ଆଡ଼ିମାନେରି, ସଟାୟାଁ ତାକାଲି ଆଡ଼ିମାନେରି,  
କାଜା ରଗ ଗାଟାରି ନେହୁଁ ଆହିମାନେରି, ବେରାୟାଁ  
ଝେଞ୍ଜିମାନେରି, ହାଡ଼ାରି ନୀତିମାନେରି, ଅଡ଼େ ହିଲାଆ  
ଗାଟାରି ନେହୁଁ କାବୁ ଝେଞ୍ଜିମାନେରି;

୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି,  
ତାମ୍‌ଜେଏ ନେହେଁ ।”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି  
କାତା ଏଲେଇଚେସି, “ଏଚିଚେଲା ବାଃଲି ବାଟାତା ମୀରୁ  
ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି ?  
ଏନାଆଁ ଗାଲି ତଲେ ଝାଲିମାନି ତାଣ୍ଡିତି ?

୨୫ ଏଦାଆଁ ଆଆଡ଼ିହୁଁ ଏନାଆଁ ମେସାଲି ହାଜାମାଚେରି  
? ନେହୁଁ ଅଜିତି ପାଡ଼ାଡ଼ା ହିମ୍ବୁରି ହୁଟାମାନି ର ମାଣ୍ଡସିଇଁ  
? ମେହ୍‌ଦୁ ଆମ୍ବାଆରି ନେହୁଁ ନେହୁଁ ହିମ୍ବୁରିକା ହୁଟାନା  
ସୁକୁ ତଲେ ଡ଼ୟିନାରି ଏଞ୍ଜର ରାଜା ଗାଡ଼ାତା ଡ଼ୟିନେରି !

୨୬ ଏଦାଆଁ ଆଆତୁଁ ଏନାଆଁ ମେସାଲି ହାଜାମାଚେରି ?  
ଏନାଆଁ ର ମାହାପୁରୁ ଅଣ୍ଡପୁତି ବଲୁ ଝେହ୍‌ନାଣାଇଁ ? ନାନୁ  
ମିଜେ ସାତା ଝେସିମାଞ୍ଜାଇଁ, ମାହାପୁରୁ ବଲୁ ଝେହ୍‌ନାରି  
କିହାଁ କାଜାଣାଇଁ ।

୨୭ ଆମ୍ବାଆରି କାତା ରାସ୍‌କି ଆହାମାନେ, ‘ହେଶୁ ନାନୁ ନା  
କାବୁ ଝେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜସି ନୀ  
ନକିତା ଜିରୁ ତିୟାରା କିନେସି, ଏଞ୍ଜସି ଏ ମାଣ୍ଡସି ।’

\* ୭:୫ ସିନଗର † ୭:୧୭ ମୁଞ୍ଜିନାୟି ‡ ୭:୧୮ ମୁଞ୍ଜିନାୟି § ୭:୨୦ ମୁଞ୍ଜିନାୟି



୨୮ ନାନୁ ମିଙ୍ଗେ ସାତା ୱେସିମାଞ୍ଜାଲ୍ ଇୟାନି ବାଣ୍ଡିତି ଜାର୍ନା ଆହାମାନାରି ବିତ୍ରା ଜହନ ବାରେକିହାଁ କାଜାସି; ଆଡିଜିକେଏ ମାହାପୁରୁ ରାଜିତା ଆମ୍ବାଆସି ଉଣା ଏଞ୍ଜାସି ଏଞ୍ଜାଣି କିହାଁ କାଜାସି ।”

୨୯ \*ବାରେଜାଣା ଇ କାତା ୱେଞ୍ଜାନା, ସିସୁରାହନାରି ଜିକେଏ ଜହନ ତାଣାଟି ବାପ୍ତିସ୍ମା\* ଅହାମାଚାକି ମାହାପୁରୁଇଁ ସାତା ଇଞ୍ଜି ଇଚେରି;

୩୦ ସାମା ପାରୁସିୟାଁ ଅଡେ ମେରାପୁନାରି ଏଞ୍ଜାଣି ତାଣାଟି ବାପ୍ତିସ୍ମା† ପ୍ଲାଞ୍ଚାନାହାଁ ତାମ୍ବେ ତାକି ମାହାପୁରୁ ଅଣ୍ଡପିମାଚାଣି କୁଚେରି ।

୩୧ “ଇ କାଲ୍ଲାତି ଲକୁଣି ଆମ୍ବାଆରି ତଲେ ତୁକ୍‌ଇଁ, ଇଞ୍ଜା ଏଞ୍ଜାରି ଆମ୍ବାଆରି ଲେହେଁ ?

୩୨ ଏମିନି କକାରି ହାଟା ବାଜାରାତା କୁଗାନା ତାମ୍ବୁ ଏଲେଇଣ୍ଡି ଆନେରି, ‘ମାମ୍ବୁ ମିଙ୍ଗତାକି ପାରୁଡି ଉକିତମି, ମାରୁ ଏନ୍ଦାଆଡେରି; ମାମ୍ବୁକୁ ତଲେ ଡୀତମି ମାରୁ ଡୀଆଡେରି !’ ଏଞ୍ଜାରି ଇଲେତାରି ଇଞ୍ଜି ଜୀସୁ ୱେସ୍ତେସି ।

୩୩ ଇଚିହଁ ବାପ୍ତିସ୍ମା‡ ହୀନି ଜହନ ୱାହାନା ରାନ୍ଦା ତିନାଆଡେସି କି ଅଞ୍ଜୁରି ରାସା ଗହ୍‌ଆଡେସି, ଅଡେ ମାରୁ ଏଲେଇଚେରି, ‘ଏଞ୍ଜାଣାଇଁ ବୁଡୁ ଆଲ୍‌ଗାମାଚେ ।’

୩୪ ମାଣ୍ଡସି ମାର୍‌ଏସି ୱାହାନା ରାନ୍ଦା ତିଚେସି ଉଚେସି, ଅଡେ ମାରୁ ଏଲେ ଇଞ୍ଜିମାଞ୍ଜେରି, ‘ମେହ୍‌ଦୁ ଇଞ୍ଜାସି ଚିଣ୍ଡିକାଞ୍ଜୁ, କାଡ଼ବୁଡୁ, ସିସୁରାହନାରି ଅଡେ ପାପୁ ଗାଟାରି ତଣେଏସି ।’

୩୫ ମାହାପୁରୁତି ବୁଦି ତାନି ବାରେ ମାର୍‌କା ତାଣାଟି ସାତା ଇଞ୍ଜି ତଞ୍ଜାଆନେ ।”

**ପାରୁସି ସିମନ ଇଜ ଜୀସୁ ହାନାୟି**

୩୬ ଅଡେ ପାରୁସିୟାଁ ବିତ୍ରାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହଡାନା ରାନ୍ଦା ତିଞ୍ଜାଲି କୁରିଚେସି ।

୩୭ \*ମେହ୍‌ଦୁ ଏ ଗାଡାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାନା ଏଦି ର ଗାଜୁତା ଗାନ୍ଦାଗାଟି ନିୟୁଁ ତାଚାନା,

୩୮ ତାୟୁଞ୍ଜାକି ଜୀସୁ କତାୟାଦାରି ନିଗାନା ଡୀହି ଡୀହି କାଣ୍ଡୁ ବକ୍‌ହାନା ଏଞ୍ଜାଣି ପାଞ୍ଚଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜୀସୁ ପାଞ୍ଚଆନାୟାଁ ଜେଜିହଁ ଏଞ୍ଜାଣି ପାଞ୍ଚଆନାୟାଁ ନଣ୍ଡିଚେ ଅଡେ ଗାନ୍ଦା ନିୟୁଁ ରୁବିଚେ ।

୩୯ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣ୍ଡପିଚେସି, “ଇଞ୍ଜାସି ମାହାପୁରୁ ଅଣ୍ଡପୁତି ବଲୁ ୱେହ୍‌ନାସି ଆହାମାଚିହଁ ମା, ତାଙ୍ଗେ ଡୀଗିମାନି ଇୟାଟି ଏନିଲେହେଁତାୟି ପୁଚେସିମା, ଇଚିହଁ ଏଦି ପାପୁ ଗାଟାୟି ।”

୪୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆଡେ ସିମନ ନାନୁ ନିଙ୍ଗେ ର କାତା ୱେସ୍ତାନାୟିମାନେ ।”

ଏଞ୍ଜାସି ଏଲେଇଚେସି, “ହାଅ ପ୍ରବୁ ୱେସ୍ତାମ୍ବୁ ।”

୪୧ “ର ସାଞ୍ଜୁକାରି ତାଣା ରିଆରି ରୀଣାଗାଟାରି ମାଚେରି; ରଅସି ପାସାଞ୍ଜା ଅଡେ ରଅସି ରୀ କଡି ଦସଟାକା ରୀଣା ଗାଟାସି ।

୪୨ ଏଞ୍ଜାରି ରୀଣା ଡିକ୍‌ହାଲି ଆଡାଆଲିଏ, ଏଞ୍ଜାରି ସାଞ୍ଜୁକାରି ରିଆରି ରୀଣାଟି ଜିକେଏ ପିସାତୁସ୍ତେସି । ଇଞ୍ଜା ଏଞ୍ଜାରି ବିତ୍ରାଟି ଆମ୍ବାଆସି ଏଞ୍ଜାଣାଇଁ ହାଡେକା ଜୀସୁ ନନେସି ?”

୪୩ ସିମନ ଏଲେଇଚେସି, “ନା ଅଣ୍ଡପୁତା ଆମ୍ବାଆରାକି ଗାଡି ରୀଣା ପିସ୍‌ପିଆଡେ ଏଞ୍ଜାସି ।”

ଜୀସୁ ଏଲେଇଚେସି, “ନୀନୁ ନେହଁ ଅଣ୍ଡପାମାଞ୍ଜି ।”

୪୪ ଅଡେ ଏଞ୍ଜାସି ଏ ଇୟାନିଞ୍ଜାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମୀ ଇଜ ୱାଡେଏଁ, ନା କତାୟାଁ ତାକି ଏୟୁ ହିୟାଆତି, ସାମା କାଣ୍ଡୁତୁଲେ ନା ପାଞ୍ଚଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜେଜାଚେ ।

୪୫ ନୀନୁ ନାଙ୍ଗେ ନଣ୍ଡାଆତି ? ସାମା ନାନୁ ବିତ୍ରା ୱାଞ୍ଜିନିଏ ନା ପାଞ୍ଚଆନାୟାଁ ନଣ୍ଡାଲି ପିସିମାଞ୍ଜେଏ ।

୪୬ ନୀନୁ ନା ତାୟୁଁ ତୁା ନିୟୁଁ ରୁବାଆତି ? ସାମା ଇଦି ନା ପାଞ୍ଚଆନାୟାଁ ଗାନ୍ଦା ନିୟୁଁ ରୁବାଚେ ।

୪୭ ଇଦାଆଁତାକି ନାନୁ ନିଙ୍ଗ ୱେସିମାଞ୍ଜାଇଁ, ଇଦାନି ହାଡେକା ପାପୁ ମେଣ୍ଡାମାନେ ଏଦାଣିତାକି ଏଦି ହାଡେକା ଜୀସୁନହଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଡାଜିନେ ଏଞ୍ଜାସି ଉଣା ଜୀସୁ ନନେସି ।”

୪୮ ଅଡେ ଜୀସୁ ଏ ଇୟାନି ଏଲେଇଚେସି, “ନୀ ପାପୁ ବାରେ ମେଣ୍ଡାମାନେ ।”

୪୯ ଏମ୍ବାଟିଏ ଏଞ୍ଜାଣିତଲେ ତିଞ୍ଜାଲି କୁଗାମାଚାରି ମନ ମନତା ଏଲେଇଚେରି, “ପାପୁ ଜିକେଏ ମେଣ୍ଡାଜି କିହିମାନେସି ଇଞ୍ଜାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନୀ ନାମୁ ନିଙ୍ଗେ ଗେଲ୍‌ପାମାଞ୍ଜାନେ; ହିଡ଼ି ତଲେ ହାଲ୍‌ମାମୁ ।”

**୮**

**ଜୀସୁତଲେ ଡୟିନି ଇୟାସିକା**

୧ ଏଚରଦିନା ତାୟୁ ଜୀସୁ ଗାଡାତାକି ଗାଡା ନାୟୁଁ ତାକି ନାୟୁଁ ରେଜିହଁ ମାହାପୁରୁ ରାଜିତି ନେହଁ କାବୁ ୱେକ୍‌ହେସି, ଅଡେ ବାଚଜାଣା ସୀସୁୟାଁ ଏଞ୍ଜାଣିତଲେ ମାଚେରି,

୨ ଅଡେ ଏମିନିଗାଟି ଇୟାସିକା ପଲ୍‌ଆ ବୁଡୁୟାଁ ତାଣାଟି ରଗଟି ନେହଁ କିଞ୍ଜି ଆହାମାଚୁ, ଇଚିହଁ ମଗ୍‌ଦଲିନି ମରିୟମ, ଆମ୍ବାଆରି ତାଣାଟି ସାଡାଗାଟା ବୁଡୁୟାଁ ହଡାହାଜାମାଚୁ,

୩ ହେରଦ ଇଜତି ଗୁମ୍ବୁସ୍ତା କୁଜା ଅଡେ ତାନି ତକ୍ତି ଜହାନା, ସସାନା ଅଡେ ହାଡେକା ଇୟାସିକା ଏଞ୍ଜାଣିତଲେ ମାଞ୍ଜାନା ତାନି ଦନ ହୀହାନା ଏଞ୍ଜାରି ସେବା କିହିମାଚୁ ।

\* ୭:୨୯ ମାଟି ୨୧:୩୨; ଲୁକ ୩:୧୨ \* ୭:୨୯ ମୁଞ୍ଜିନାୟି † ୭:୩୦ ମୁଞ୍ଜିନାୟି ‡ ୭:୩୩ ମୁଞ୍ଜିନାୟି ☆ ୭:୩୭ ମାଟି ୨୨:୭; ମାର୍କ ୧୪:୩; ଜହ ୧୨:୩

**ବିଚା ମାଟିନି ପୁଣ୍ଠିକିନି କାତା**  
(ମାତି ୧୩:୧-୧୯; ମାର୍କ ୪:୧-୯)

୪ ଲକ୍ଷ୍ମ ବାରେ ଗାଡ଼ାୟାଁଟି ଖାହିମାଟାକି ହାରେକା ଲକ୍ଷ୍ମ ଏଞ୍ଜାଣି ତାଣା ରୁଣ୍ଡା ଆଡ଼େରି ଇଞ୍ଜା ଏଞ୍ଜାସି ଏଞ୍ଜାରାଇ ପୁଣ୍ଠିକିନି କାତାତଲେ ଖେସ୍ତେସି ।

୫ “ରଅସି ବିଚା ମାଟିନାସି ବିଚା ମାଟାଲି ହଡ଼େସି । ଏଞ୍ଜାସି ମାଟି ମାଟିହଁ କରେକା ବିଚା ଜିରୁତା ରୀତେ ଏଦାଆଁ ଲକ୍ଷ୍ମ ଓସାତୁସ୍ତେରି, ଅଡ଼େ ହାଗୁ ଲାକ ଉଠିନି ପଟା କାଟି ପେରହା ତିରୁ ।

୬ ଅଡ଼େ କରେକା ଖାଲକା ଲାକ ରୀତେ, ଇଞ୍ଜା ନେୟାଁନା ବୁମି ଅଲୁ ହିଲାଆତାକି ଖାୟାହାଟେ ।

୭ ଅଡ଼େ କରେକା ହାପକା ବୁଟାତା ରୀତେ, ଇଞ୍ଜା ହାପକା ବୁଟା ପାତାଆହାନା ଆର୍ନା ତାକିତି ପୁକ୍ତହାତୁସ୍ତେ ।

୮ ଅଡ଼େ କରେକା ବିଚା ନେହଁ ବୁମିତା ରୀତେ, ଇଞ୍ଜା ପାତାଆହାନା ପାସାକଡ଼ି ପାଡ଼େୟି ଆୟିତେ ।” ଏଚେଟିଏ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କୀକା ମାନ୍ଦୁ ଏଞ୍ଜାରି ଖେଶ୍ମାରି ।”

**ପୁଣ୍ଠିକିନି କାତାତି ଅଶ୍ପୁ**  
(ମାତି ୧୩:୧୦-୧୭; ମାର୍କ ୪:୧୦-୧୭)

୯ ତାନି ସୀସୁୟାଁ ଇ ପୁଣ୍ଠିକିନି କାତାତି ଅର୍ତ୍ତ ଏନ୍ଦାୟି ଇଞ୍ଜାଁ ଖେଚେରି,

୧୦ ଏଞ୍ଜାସି ଏଲେଇଚେସି, “ମାହାପୁରୁ ରାଜିତି କାତା ପୁଞ୍ଜାଲି ମିଙ୍ଗେ ବାଡ଼ୟୁ ହାପକି ଆହାମାନେ, ସାମା ଏଟକା ତାରାଇଁ ପୁଣ୍ଠିକିନି କାତାତଲେ ଖେସ୍ତପିଆନେ, ଇଚିହଁ ଏଞ୍ଜାରି ମେସି ମେସିହଁ ମେହ୍‌ଅରି ଅଡ଼େ ଖେଞ୍ଜାଖେଞ୍ଜା ତେଲହଅରି ।”

**ଜୀସୁ ବିଚା ମାଟିନି କାତାତି ପୁଣ୍ଠିକିନାୟି**  
(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଠିକିନି କାତା ଅର୍ତ୍ତ ଇଦି, ବିଚା ମାହାପୁରୁ ବଲୁ,

୧୨ ଜିରୁ ଦାରିତି ପାଡ଼େୟି ଇଲେତାରି, ଏଞ୍ଜାରି ମାହାପୁରୁ କାତା ଖେନେରି; ତାୟୁ ସୟତାନା ଖାହାନା ଏଞ୍ଜାରି ଏନିକଁ ନାମାଆପେରିଞ୍ଜା ଅଡ଼େ ଗେଲପି ଆଆପେରିଞ୍ଜା ଇଞ୍ଜାଁ ଏଞ୍ଜାରି ହିୟାଁତା ଖେଞ୍ଜାମାନାଣି ମୀଞ୍ଜାଅନେ ।

୧୩ ଖାଲକା ବୁମିତା ରିତି ଲକ୍ଷ୍ମ ଇଲେତାରି, ଏଞ୍ଜାରି କାତା ଖେଞ୍ଜାନା ରାହାଁଟି ଆହନେରି; ଏଞ୍ଜାରିତାଣା ହୀରୁ ଜୀଆତାକି ଗାଡ଼େକା ତାକି ନାମିନେରି, ଅଡ଼େ ତାୟିପାରି କିନାୟି ଖାଡ଼ିସାରେ ମାହାପୁରୁଇଁ ପିସା ତୁହନେରି ।

୧୪ ଅଡ଼େ ହାପକା ବୁଟାତା ରିତି ଲକ୍ଷ୍ମ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାରୁତିତି ଦୁକୁ କାକୁଲି, ଦନଡ଼ି ଜୁପକା ଅଡ଼େ ଦାରୁତିତି ରାହାଁ ଏଞ୍ଜାରି ଲକ୍ଷ୍ମ ପୁକ୍ତହାତୁସାମାନାକି ନେହଁ କଁ କାମ୍ବାଲି ଆଡ଼ଅରି ।

୧୫ ନେହଁ ବୁମିତା ରିତି ପାଡ଼େୟି ଇଲେତାରି, ଏନିଗାଟାରି ନେହଁ ସୁଦୁଜୀଞ୍ଜୁ ହିୟାଁଟି କାତା ଖେଞ୍ଜାନା

ଆହନେରି, ଅଡ଼େ ବାରେ ଅରହାନା କାମା କିହାନା ପାଡ଼େୟି ଆୟିନେରି ।

**ମାଣା ପୁକ୍ତହ ଦୀଞ୍**  
(ମାର୍କ ୪:୨୧-୨୫)

୧୬ \*ଦୀଞ୍ ତୀସାନା ଆମ୍ବାଆରି ମାଣା ପୁକ୍ତହାନା କି କାଟେଲି ତୁଇକା ଇଚଅରି, ସାମା ଦୀଞ୍ ସତାତା ଇଚିନେରି, ଏନିକଁ ଇଜଖାନି ଲକ୍ଷ୍ମ ଉଜେଡ଼ି ମେହନେରି ।

୧୭ \*ତୁଗୁମାନାୟି ଏନ୍ଦାୟିଖା ହିଲେଏ, ଏନ୍ଦାୟି ତଞ୍ଜା ଆଏ ଇଲେକଁ ଏନ୍ଦାୟି ଜିକେଏ ହିଲେଏ, ଖେସ୍ତପି ଆହାନା ତଞ୍ଜା ଆଏ ଇଲେକି ତୁଗୁମାନାୟି ଏନ୍ଦାୟି ହିଲେଏ ।

୧୮ ଏନିକଁ ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇଚିହଁ ଆମ୍ବାଆରାଖାୟି ମାନେ ଏଞ୍ଜାଣାକି ହାପକିଆନେ, ଅଡ଼େ ଆମ୍ବାଆରାଖାୟି ହିଲେଏ ଏଞ୍ଜାସି ନାଡ଼ି ମାନେ ଇଞ୍ଜାଁ ଅଶ୍ପିମାନେସି, ଏଦାଆଁ ଜିକେଏ ଅଞ୍ଜିଆନେ ।

**ଜୀସୁତି ଇୟା ଅଡ଼େ ତାୟିୟାଁ**  
(ମାତି ୧୨:୪୭-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡ଼େ ତାନି ତାୟିୟାଁ ଏଞ୍ଜାଣି ତାଣା ଖାଡ଼େରି, ସାମା ଲକ୍ଷ୍ମ ମାନ୍ଦା ମାଟାକି ଏଞ୍ଜାଣି ତାଣା ହାଜାଲି ଆଡ଼ାଆତେରି ।

୨୦ ଏମ୍ବାଟିଏ ଜୀସୁଇଁ ଖେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଙ୍ଗେ ମେସାଲି ପାଙ୍ଗାତା ନିଚାମାନେରି ।”

୨୧ ସାମା ଏଞ୍ଜାସି ବାରେଡ଼ି ଏଲେଇଚେସି, “ମାୟା ଅଡ଼େ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡ଼େ ମାନଞ୍ଜି ଆନେରି ।”

**ଜୀସୁ କାଜା ଗାଲିତି ସାପି କିନାୟି**  
(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି ସୀସୁୟାଁ ତଂଗତା କୁଗିତେରି, ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଖାଦୁ ମାର ସାମଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗତି ହାଚେରି ।

୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜୀସୁ ତୁରୀତେସି । ଏଚିବେଲା ସାମଦୁରିତା କାଜା ଗାଲି ଆଡ଼େ, ଅଡ଼େ ଏୟୁ ତଂଗତା ହଡ଼ିମାଟାକି ଏଞ୍ଜାରି ହାରେକା କସ୍ତ ଆଡ଼େରି ଇଞ୍ଜା ଆଜିତେରି ।

୨୪ ଏଚେଟିଏ ସୀସୁୟାଁ ତାଗେ ଖାହାନା ନିକହାଁ ଏଲେଇଚେରି, “ଏ ଗୁରୁ ଏ ଗୁରୁ ମାର ହାହିମାନାୟି !”

ଏମ୍ବାଟିଏ ଏଞ୍ଜାସି ନିଙ୍ଗାନା କାଜା ଗାଲିତି ଦାକା ହୀତେସି, ଇଞ୍ଜାଁ ଏ ବାରେ ସାପି ଆହାନା ସୁସ୍ତି ଆଡ଼େ ।

୨୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ନାମୁ ଆମ୍ବିୟା ?” ସାମା ଏଞ୍ଜାରି ଆଜି ଅଡ଼େ କାବାଆହାନା ତାମ୍ବୁ ଏଲେଇଶ୍ମି ଆଡ଼େରି, “ଇଞ୍ଜାସି ଏନିଲେହେତାସି ଇଚିହଁ ଗାଲି ଅଡ଼େ ଖାଡ଼ିମାନି ଏୟୁଣି ଜିକେଏ ହୁକୁମି ହାହିମାନେସି ।”

☆ ୮:୧୭ ମାତି ୫:୧୫; ଲୁକ ୧୧:୩୩ ☆ ୮:୧୭ ମାତି ୧୦:୨୨; ଲୁକ ୧୨:୨

**ବୃତୁୟାଁ ଆଲଗା ମାତାଣାଇଁ ଜୀସୁ ନେହୁଁ କିନାୟି**  
(ମାତି ୮:୨୮-୩୪; ମାର୍କ ୫:୧-୨୦)

୨୭ ତାୟୁ ଏଞ୍ଜାରି ଗାଲିଲି ନକିତି ଆତାଲାଞ୍ଜାକି ଗରାସିୟ ଦେସାତା ଏତେରି ।

୨୮ ଜୀସୁ ତଂଗତି ରେଚାନା ଗାରୁତା ଖାହାଲିଏ, ଏ ଗାଡ଼ାତି ର ବୃତୁ ଆଲଗା ମାତାସି ଖାହାନା ଏଞ୍ଜାଣାଇଁ ବେଟାଆଡେସି; ଏଞ୍ଜାସି ଗାଡ଼ୁ ଦିନାଟିଏ ହିମ୍ବରିକା ହୁଟାଆନା ଅଡ଼େ ଇଜ ମାନାଆନା ମାଡ଼ହା ମୁହ୍ନି ଟାୟୁତା ଡ଼ୟିମାଚେସି ।

୨୯ ଏଞ୍ଜାସି କିରଡ଼ିହୁଁ ଜୀସୁ କତାଣା ରିହାନା କାଜା ଗିୟାଁତଲେ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀରୁଏଣାତି ଜୀସୁ ନୀ ତଲେ ନାଜେ ଏନାୟି ମାନେ ? ନାନୁ ବାତିମାଲିମାଞ୍ଜାଇଁ ନାଜେ ଅଡ଼େ କସ୍ତ ହିୟାଆନି ।”

୩୦ ଇତିହୁଁ ଜୀସୁ ଏ ପଲୁଆ ବୃତୁତି ଏ ମାଣସି ତାଣାଟି ହଟା ହାଜାଲି ହୁକୁମି ହାହାଲି ହାଜିମାଚେସି । ଏ ପଲୁଆ ବୃତୁ ହାରେକା ପାଲି ଏଞ୍ଜାଣାଇଁ ଆଲଗାମାଚେ, ଇଞ୍ଜା ଲକୁ ଏଞ୍ଜାଣାଇଁ କେସ୍ତା କତାଣା ହିକ୍‌ଶିୟାଁ ତଲେ ଦସ୍‌ପା ଇଟିମାଚେରି, ସାମା ଏ ଦସ୍‌ପା ମାଚାଣି ତାପହାନା ବୃତୁ ତଲେ ବାୟା ଆହାନା ଲକୁ ହିଲାଆ ଟାୟୁତା ହଟିମାଚେସି ।

୩୧ ଜୀସୁ ଏଞ୍ଜାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନା ଦରୁ ମାୟା” ଇଞ୍ଜୁଁ ଇଚେସି, ଏନାଆଁତାକି ଇତିହୁଁ ହାରେକା ବୃତୁୟାଁ ଆଲଗାମାଚୁ ।

୩୨ ଇଞ୍ଜାଁ ଜୀସୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏଞ୍ଜାଣାଇଁ ବାତିମାଲିତୁ ।

୩୩ ଏମ୍ବାଆଁ ହରୁ ଦାରିତା ର ମାୟା ପାଜିୟାଁ ମେୟୁଁ ମାଚୁ, ଇଞ୍ଜାଁ ଜୀସୁଇଁ ଏ ବୃତୁୟାଁ ପାଜିୟାଁ ମାୟା ବିତ୍ରା ହାଜାଲି ହେଲ ରାସ୍ତୁ ।

୩୪ ଏଞ୍ଜାସି ହେଲ ହାହାଲିଏ, ବୃତୁୟାଁ ଏ ମାଣସି ତାଣାଟି ହଟା ହାଜାନା ପାଜିୟାଁ ବିତ୍ରା ହଟୁ; ଏଚେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାଟି ସାମ୍‌ପୁରିତା ମେଦା ହାହାହାଚୁ ।

୩୫ ଏ ପାଜିୟାଁ ମାୟା ମେଟିମାଟି ଗଡ଼କା ଏଦାଆଁ ମେସାନା ହଚେରି ଇଞ୍ଜାଁ ଗାଡ଼ା ଅଡ଼େ ନାସ୍‌କାଣାଁ ଏ କାତା ଖେସ୍ତେରି ।

୩୬ ଏନାୟି ଆହାମାନେ ଏଦାଆଁ ମେସାଲି ଲକୁ ହଟାଖାଡ଼େରି; ଇଞ୍ଜାଁ ଏଞ୍ଜାରି ଜୀସୁ ତାଗେ ଖାହାନା, ଆମିନି ମାଣସି ତାଣାଟି ବୃତୁୟାଁ ହଟା ହାଜାମାଚୁ, ଏଞ୍ଜାଣାଇଁ ନେହୁଁ ହିମ୍ବରିକା ହୁଟାନା ନେହୁଁ ମନତଲେ ଜୀସୁ କତାଁ ଡ଼ଇ କୁଗାମାଚାଣି ମେସାନା ଆଜିତେରି ।

୩୭ ଅଡ଼େ ଆମିନି ଗାଟାରି ମେସାମାଚେରି ଏଞ୍ଜାରି ଏ ବୃତୁ ଆଲଗା ମାତାସି ଏନିକୁଁ ନେହୁଁ ଆଡ଼େସି, ଏଦାଆଁ ଏଞ୍ଜାରାଇଁ ଖେସ୍ତେରି ।

୩୮ ଏମ୍ବାଟିଏ ଗରାସିୟ ବାରେ ନାସ୍‌କାତି ସାରିଞ୍ଜାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି

ବାତିମାଲିତେରି, ଇତିହୁଁ ଏଞ୍ଜାରି ହାରେକା ଆଜିମାଚେରି । ଇଞ୍ଜାଁ ଏଞ୍ଜାସି ର ତଂଗତା ହଟାନା ଖେଣ୍ଡାହାଚେସି ।

୩୯ ସାମା ଏମିନିଗାଟାଣି ତାଣାଟି ବୃତୁୟାଁ ହଟା ହାଜାମାଚୁ, “ନାଜେ ନୀ ତଲେ ହାଜଲି ହେଲ ହିୟାମୁ” ଇଞ୍ଜୁଁ ବାତିମାଲିତେସି;

୪୦ ସାମା ଜୀସୁ ଏଞ୍ଜାଣାଇଁ ହେଲ ହାହାନା, “ମୀ ଇଜ ଖେଣ୍ଡା ହାଲାମୁ, ଇଞ୍ଜାଁ ମାହାପୁରୁ ନିଜେତାକି ଆମିନି କାମା କିହାମାଞ୍ଜାନେସି ଏ କାତା ଖେକ୍‌ମୁ ।” ଏଚେଟିଏ ଏଞ୍ଜାସି ହାଜାନା ଜୀସୁ ତାଜେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଖେକ୍‌ହେସି ।

**ଜାୟିରସତି ମାଜା ଅଡ଼େ ଜୀସୁତି ହିମ୍ବରି କୁକୁ ଡାଗିତି ଇୟା**

(ମାତି ୯:୧୮-୨୭; ମାର୍କ ୫:୨୧-୪୩)

୪୦ ଜୀସୁ ଖେଣ୍ଡା ଖାହାଲିଏ ମାୟା ଲକୁ ଏଞ୍ଜାଣାଇଁ ରାହାଁତଲେ ବେଟାଆଡେରି, ଇତିହୁଁ ଏଞ୍ଜାରି ବାରେଜାଣା ଏଞ୍ଜାଣାଇଁ କାଡ଼ିମାଚେରି ।

୪୧ ଏମ୍ବାଟିଏ ଜାୟିରସ ଦରୁଗାଟାସି ଖାଡେସି; ଏଞ୍ଜାସି ଜୀହୁଦି ଲକୁତି କୁଟମି ଇଲୁତି\* କାଜାସି ମାଚେସି । ଏଞ୍ଜାସି ଜୀସୁ କତାଣା ରିହାନା ତାମି ଇଜ ହାଜାଲି ବାତିମାଲିତେସି,

୪୨ ଇତିହୁଁ ଏଞ୍ଜାଣାକି ବାର ବାର୍ଯାତି ରଣିଏ ମାଜା ମାଚେ, ଏଡ଼ି ହାନିଲେହେଁ ନମେରି ଆହାମାଚେ ।

ସାମା ଏଞ୍ଜାସି ହାଜିମାଚାଟି ଲକୁ ଏଞ୍ଜାଣି ମୁହେଁ ମୁହେଁ ଆହିମାଚେରି ।

୪୩ ଏତିବେଲାତା ବାର ବାର୍ଯା ପାତେକା ନେତେରି ଖାଜିନି ରଗାଟାଟି ର ଇୟା, ଏମିନି ଗାଟାୟି ଆମ୍ବାଆରି ତାଣାଟି ଜିକେଏ ନେହୁଁ ଆହାଲି ଆଡ଼ିହିଲାଆଡେ,

୪୪ ଏଡ଼ି ତାୟୁ ଖାକିଟି ଖାହାନା ଜୀସୁତି ହିମ୍ବରି କୁକୁ ଡାଗିତେ, ଏ ଦେବୁଣିଏ ଏଦାନି ନେତେରି ବନାୟି ପିସ୍ତେ ।

୪୫ ଏମ୍ବାଟିଏ “ନାଜେ ଆମ୍ବାଆୟି ଡାଗାତେ” ଇଞ୍ଜୁଁ ଜୀସୁ ଖେଚେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

୪୬ ସାମା ଜୀସୁ ଏଲେଇଚେସି, “ନାଜେ ଆମ୍ବାଆୟିମା ଡାଗାତେ, ଇତିହୁଁ ନା ତାଣାଟି ର ବାଡ଼ୟୁ ହଟାକି ନାନୁ ପୁଚେସି ।”

୪୭ ଏମ୍ବାଟିଏ ଏ ଇୟା ଖାହାନା ଅଣ୍ଡିପିତେ ନାନୁ ଅଡ଼େ ଡ଼ଗୁନା ମାଞ୍ଜାଲି ଆଡ଼ଅଁ ଇଞ୍ଜୁଁ ଅଣ୍ଡିପାନା ଆଜିତାକି ତାରା ତାରା ଆହୁଁ ଜୀସୁ କତାଣା ରିହାନା, ଏନାଆଁତାକି ଡାଗିତେ ଇଞ୍ଜାଁ ଦେବୁଣିଏ ଏନିକୁଁ ନେହୁଁ ଆଡ଼େ, ବାରେ ଲକୁ ନକିତା ଖେସ୍ତେ ।

୪୮ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ମାଜା ନୀ ନାମୁ ନିଜେ ନେହୁଁ କିହାମାଞ୍ଜାନେ, ହିଡ଼ଡ଼ିଟି ହାଲାମୁ ।”

୪୯ ଜୀସୁ ଇ କାତା ଖେସିମାଟି ବେଲାତା ଜୀହୁଦି ଲକୁତି କୁଟମି ଇଲୁତି† କାଜାଣା ଇଜଟି ରଅସି ଖାହାନା

\* ୮:୪୧ ସିନଗର † ୮:୪୯ ସିନଗର

ଜାୟିରସଇଁ ଏଲେଇରେସି, “ନୀ ମାକ୍ସା ହାହାହାରେୟିଏ  
ଗୁରୁଇଁ ଅଡ଼େ କସ୍ ହୀଆନିଦେହେଁ ।”

୫୦ ସାମା ଜୀସୁ ଏ କାତା ଖେଜ୍ଜାନା ଏଞ୍ଜାଣାଇଁ  
ଏଲେଇରେସି, “ଆଜାଆନି ନାମାମୁ ଏଡ଼ି ନୀତିନେ ।”

୫୧ ଅଡ଼େ ଜୀସୁ ଇଜ ଖାହାନା ପିତର, ଜହନ ଅଡ଼େ  
ଜାକୁବ ଇଜ୍ଜା ପଦାନି ତାମି ଆବା ଇୟାନି ପିସ୍ପେ  
ଆମ୍ବାଆରାଇଁ ବିତ୍ରା ହାଜାଲି ହୀଆଡେସି ।

୫୨ ସାମା ବାରେଜାଣା ତୁହି ତୁହିଁ ବକତା ଖେଚା  
କଡ଼ିମାତୁ । ଏମ୍ବାଟିଏ ଜୀସୁ ଏଲେଇରେସି, “ତୁଆଦୁ; ଏଡ଼ି  
ହାହାହିଲେଏ, ସାମା ତୁରାମାନେ ।”

୫୩ ସାମା ପଦା ହାହାମାନାଣି ପୁଞ୍ଜାନା ଏଞ୍ଜି ଏଞ୍ଜାଣାଇଁ  
କାକହୁ ।

୫୪ ସାମା ଜୀସୁ ପଦାନି କେୟୁ ଆସାନା ହାଟାହାଁ  
ଏଲେଇରେସି, “ଆକେ ପଦା, ନିଜାମୁ ।”

୫୫ ଏମ୍ବାଟିଏ ପଦାନି ଜୀସୁ ଖେଶ୍ଟା ଖାତେ ଅଡ଼େ ଏ  
ଦେବୁଣିଏ ନିଜିତେ, ଇଜ୍ଜା ଇଚାଣି ତିଞ୍ଜାଲି ହୀଦୁ ଇଚେସି  
।

୫୬ ଏମ୍ବାଟିଏ ତାମି ତାଲି ତାଞ୍ଜି କାବାଆଦୁ; ସାମା ଇ  
ପଦା ନେହିଁ ଆଡାଣି ଆମ୍ବାଆରାଇଁ ଖେହ୍‌ଆଦୁ ଇଜ୍ଜା  
ଏଞ୍ଜାସିକାଣି ହୁକୁମି ହୀଡେସି ।



**ଜୀସୁ ବାରଜାଣା ସୀସୁୟାଁଇଁ ପାଣ୍ଡିନାୟି**

(ମାତି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରଜାଣାତି ହାଟାନା ରୁଣ୍ଡା କିହାନା  
ଏଞ୍ଜାରାଇଁ ବାରେ ବୁଡୁୟାଁ ଲାକ ଅଡ଼େ ରଗଟି ନେହିଁ  
କିହାଲି ବାଡ଼ୁୟାଁ ଅଡ଼େ ଅଦିକାରା ହୀଡେସି ।

୨ ଅଡ଼େ ଏଞ୍ଜାସି ଏଞ୍ଜାରାଇଁ ମାହାପୁରୁତି ରାକ୍ତିତି କାତା  
ଖେକହାଲି ଅଡ଼େ ରଗ ଗାଗରାଇଁ ନେହିଁ କିହାଲି  
ପାଣ୍ଡିତେସି

୩ ଇଜ୍ଜା ଏଞ୍ଜାରାଇଁ ଏଲେଇରେସି, “ମୀରୁ ହାଜାଲିତାକି  
କୁତା ବାଡ଼ଗା କି ମଣା କି ରୁଟି କି ଏନି ଟାକାୟାଁ ଜିକେଏ  
ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ ।

୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଶ୍ଟାହାନି  
ପାତେକା ଏମ୍ବାଆଁ ତୁୟାଦୁ;

୫ ✱ଅଡ଼େ ଏଚେକା ଲକୁ ମିଜ୍ଜେ ଆବଅରି ଏଞ୍ଜାରି  
କପାଟି ସାକ୍ତି ହୀହାଲି ଏ ଗାଡ଼ାଟି ହଟା ଖାନାଟି ମୀ କତାତି  
ବୁଡ଼ି ହାଣ୍ଡାହାନା ଖାଦୁ ।”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହିଁ କାରୁ  
ଖେକହୁହିଁ ରଗ ଗାଗରାଇଁ ନେହିଁ କିହିହିଁ ନାୟୁ  
ନାୟୁତା ରେଚେରି ।

**ହେରଦ ରାଜା ବିଲକି ଆନାୟି**

(ମାତି ୧୪:୧-୧୨; ମାର୍କ ୬:୧୪-୨୯)

୭ ✱ଏମ୍ବାଟିଏ ଏ ଦେସାତି ରାଜା ହେରଦ ଇ ବାରେ କାତା  
ଖେଜ୍ଜାନା କାବା ଆଡ଼େସି, ଇଚିହିଁ ବାପ୍ତିସ୍ତୁ\* ହାନି ଜହନ

ହାଡାରି ତାଣାଟି ନିଜାମାନେସି ଇଜ୍ଜା ଆମ୍ବା ଆମ୍ବାଆରି  
ଏଲେଇଜ୍ଜିମାଚେରି;

୮ ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି  
ଇଜ୍ଜା ଏଟକାଡାରି ତଲିକାଲାତି ମାହାପୁରୁ ଅଣପୁତି  
ବଲୁ ଖେହ୍‌ନାରି ବିତ୍ରାଟି ରଅସି ନିଜାମାନେସି ଇଜ୍ଜା  
ଖେସିମାନେରି ।

୯ ସାମା ହେରଦ ଏଲେଇରେସି, “ଜହନତି ତାୟୁଁ  
ମାରତ ଦାତା ମାନାୟି, ସାମା ଆମ୍ବାଆରି କାତା ମାର  
ଖେଜ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡ଼େ ଏଞ୍ଜାସି  
ଏଞ୍ଜାଣାଇଁ ମେସାଲି ମନ କିହିମାଚେସି ।

**ଜୀସୁ ପାସାମାଣା ଲକୁଣି ତାହ୍‌ନାୟି**

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁ ପାଣ୍ଡୁଞ୍ଜି ଆହାମାଚାରି ଖାହାନା ଏନା ଏନାଆଁ  
କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି । ଅଡ଼େ  
ଏଞ୍ଜାସି ଏଞ୍ଜାରିତଲେ ଏଟକା ଆହାନା ବେଡ଼ସାୟିଦା  
ଦରୁଗାଟି ଗାଡ଼ାତା ହାଚେରି ।

୧୧ ସାମା ଲକୁ ଏଦାଆଁ ପୁଞ୍ଜାନା ଏଞ୍ଜାଣି ଜେଚ ଜେଚ  
ହାଚେରି; ଇଜ୍ଜା ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା  
ମାହାପୁରୁ ରାକ୍ତିତି କାତା ଖେସ୍ତେସି, ଅଡ଼େ ଏମିନିଗାଟାରି  
ରଗଟି ନେହିଁ ଆନାୟି ମାଚେ, ଏଞ୍ଜାରାଇଁ ନେହିଁ  
କିତେସି ।

୧୨ ଏଚେତା ମିଡ଼ଅଲ୍ଲା ଆହାଲି ମାଟ୍‌ହେ; ଏଚେଟିଏ  
ବାରଜାଣା ସୀସୁୟାଁ ତାନି ତାଣା ଖାହାନା ଏଲେଇଚେରି,  
“ଲକୁ ଏନିକିଁ ନାସ୍‌କା ଅଡ଼େ ଗାଡ଼ାତା ହାଜାନା ବାସାଟାୟୁ  
ଅଡ଼େ ତିଞ୍ଜାଲି କାଦି ପାରିନେରି, ଏଦାଆଁତାକି ଏଞ୍ଜାରାଇଁ  
ହେଲ ହୀମୁ ଇଚିହିଁ ମାର ଲକୁ ହିଲାଆ ଟାୟୁତା ମାନାୟି  
।”

୧୩ ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ  
ଏଞ୍ଜାରାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଟି ଇଜ୍ଜା  
ରୀ ମୀଶକା ପିସ୍ପେ ଆଗାଡ଼ା ହିଲାତ; ଏନାଆଁ ମାର  
ହାଜାନା ଇ ବାରେତାକି କାଦି କଡ଼ିନାୟି ?”

୧୪ ଇଚିହିଁ ଏଞ୍ଜାରି ପାସାମାଣା ଆବାୟାଁ ମାଚେରି ।

ଇଜ୍ଜା ଏଞ୍ଜାସି ତାନି ସୀସୁଣି ଏଲେଇଚେସି, “କଡ଼େଦସ  
ଜାଣା ଲାକା କୁଗିକିଦୁ ।”

୧୫ ଏଚେଟିଏ ଏଞ୍ଜାରି ଏଲେକିହିଁଏ ବାରେତି  
କୁଗିକିଚେରି ।

୧୬ ଅଡ଼େ ଏଞ୍ଜାସି ପାସାଗଟା ରୁଟି ଅଡ଼େ ରୀ ମୀଶକାଣି  
ଆସାନା ଲାକପୁରୁ ଞ୍ଜାକି ସିନିକିହାନା ବର ହୀଡେସି, ଇଜ୍ଜା  
ରୁଟି ଡ଼ିକହାନା ଲକୁକି ହାସ୍‌ପାଲି ସୀସୁୟାଁକି ହୀଡେସି ।

୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡ଼େ  
ହାରିତାଣି ବାର ତାଲି ରୁଟି କୁଡ଼ି କିଚେରି ।

**ଜୀସୁଇଁ ପିତର ଜ୍ରୀସୁ ଇଜ୍ଜା ଖେକ୍‌ନାୟି**

(ମାତି ୧୬:୧୩-୧୯; ମାର୍କ ୮:୨୭-୨୯)

✱ ୯:୫ କାମା ୧୩:୫୧ ✱ ୯:୫ ଲୁକ ୧୦:୪-୧୧ ✱ ୯:୭ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ \* ୯:୭ ମୁଞ୍ଜିନାୟି

୧୮ ର ଦିନା ଜୀସୁ ରଥସିଏ ପ୍ରାଡାନା କିନି ବେଲାତା ସୀସୁୟାଁ ଏଞ୍ଜାରିତଲେ ମାଚେରି, ଅଡେ ଏଞ୍ଜାସି ଏଞ୍ଜାରାଇଁ ଖେରେସି, “ନାନୁ ଆମ୍ବାଆତେଏଁ ଇଞ୍ଜିଁ ଲକୁ ଏଲେଇଞ୍ଜିମାନେରି?”

୧୯ ☆ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ମାଁ ହାନି ଜହନ, ଆମ୍ବାଆରି ଏଲିୟ, ଅଡେ ଆମ୍ବାଆରି ତଲିକାଲୀତି ମାହାପୁରୁ ଅଣ୍ଟପୁତି ବଲୁ ଖେହନାରି ବିତ୍ରାଟି ରଥସି ନିଙ୍ଗାମାନେସି ।”

୨୦ ☆ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆତେଏଁ ମୀରୁ ଏନାଆଁ ଇଞ୍ଜିଁ ମାଞ୍ଜେରି?”

ପିତର ଏଲେଇଚେସି, “ନାନୁ ମାହାପୁରୁତି କ୍ରୀସ୍ତ ।”

**ଜୀସୁ ତାନି ଦୁକୁ ଅଡେ ହାକିତି କାତା ଖେହନାୟି**  
(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହଆଦୁ ଇଞ୍ଜିଁ ଜାଣ୍ଡେ କିହଁ ହୁକୁମି ହୀତେସି,

୨୨ “ମାଣ୍ଡସି ମୀରଏସି ହାରେକା ଦୁକୁ ପାଣ୍ଡନାୟି ମାନେ ଇଞ୍ଜାଁ ଲକୁତି କାଜାରି, କାଜା ପୂଜେରାଙ୍ଗା ଇଞ୍ଜାଁ ମେରାପୁନାରି ତାଣାଟି ଅପାଆନା ଏଞ୍ଜାଣାଇଁ ପାୟିନେରି, ଇଞ୍ଜାଁ ତାନି ଦିନାଟିଏ ନିଙ୍ଗନେସି ।”

୨୩ ☆ଏଚେଟିଏ ଏଞ୍ଜାସି ବାରେତି ଏଲେଇଚେସି, “ଆମ୍ବାଆସି ନା ଚେଚ ତାକାଲି ମନ କିନେସି, ଏଞ୍ଜାସି ତାଙ୍ଗେ ଅପାଆନା ବାରେଦିନା ତାନି କୁସ ଡେକାନାହାଁ ନା ଚେଚ ତାକାପେସି ।

୨୪ ☆ଇଚିହଁ ଆମ୍ବାଆସି ଜାହାରା ଜୀସୁ ଗେଲପାଲି ମନ କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେତି ଜୀସୁ ନାସା କିନେସି ଏଞ୍ଜାସି ଗେଲପି କିହାକତିନେସି ।

୨୫ ଅଡେ ମାଣ୍ଡସି ଇ ଦାର୍ଡିତା ମାନାଣି ବାରେ ମେଡି କିହାନା ତାନି ଜୀସୁତି ନାସା କିନେସି, ଇଚିହଁ ଏଞ୍ଜାଣାକି ଏନି ଲାବା ?

୨୬ ଇଚିହଁ ଆମ୍ବାଆସି ନାଙ୍ଗେତାକି ଅଡେ ନା କାତାତାକି ଲାଜା ଆନେସି, ମାଣ୍ଡସି ମୀରଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡେ ତାନି ସୁଦୁଗାଟି ଦୁଡୁୟାଁ ତଲେ କାଜାପାଣାଟି ଖାନେସି ଏଚିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି ।

୨୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁତି ରାଜି ମେହଆ ପାତେକା ଇମ୍ବାଆଁ ନିଚାମାନାରି ଏଚରଜାଣା ହାଅରି ।”

**ଜୀସୁ ଅର ଖାଣା ଆନାୟି**  
(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଟାଦିନା ହାଜାଲିଏ ପିତର, ଜହନ ଅଡେ ଜାକୁବଇଁ ଅହଁ ହାଜାନା ପ୍ରାଡାନା କିହାଲି ହରୁତା ହାଚେସି ।

୨୯ ଅଡେ ଏଞ୍ଜାସି ପ୍ରାଡାନା କିହିମାଚାଟି ତାନି ମୁମ୍ବୁଡୁ ଖାଣା ତିରିମ୍ବୁହେ ଇଞ୍ଜାଁ ତାନି ହିମ୍ବୁରି ଦବଲା ଆହାନା ହାଚେକା ଉଜେଡି ଆଡେ ।

୩୦ ମସା ଅଡେ ଏଲିୟ ଏଞ୍ଜାଣିତଲେ କାତା ଆହିମାଚେରି;

୩୧ ଏଞ୍ଜାରି ଗାଞ୍ଜୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍ଲକି ଆହିମାଚେରି ।

୩୨ ଏଚିବେଲା ପିତର ଅଡେ ତାନି ତଂସିକାକି ଗାତି ଇଦାକାଣ୍ଡା ହଚିମାଚୁ; ସାମା ଏଞ୍ଜାରି ଇଦାଟି ନିଙ୍ଗାଲିଏ ତାନି ଗାଞ୍ଜୁରମି ଇଞ୍ଜାଁ ଏଞ୍ଜାଣିତଲେ ରିଆରି ନିଚାମାନାଣି ମେସ୍ତେରି ।

୩୩ ଇଞ୍ଜାଁ ଏଞ୍ଜାରି ତାଣାଟି ହାଜିମାଚାଟି ପିତର ଜୀସୁଇଁ ଏଲେଇଚେସି, “ଗୁରୁ ମାମ୍ବୁ ଇମ୍ବାଆଁ ମାନାୟି ନେହେଁ; ମାମ୍ବୁ ଇମ୍ବାଆଁ ତାନିଗଟା ଗୁଡାୟାଁ କେପିନମି, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡେ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆତେସି ।

୩୪ ଏଞ୍ଜାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁହା ଖାହାନା ଏଞ୍ଜାରାଇଁ ପୁକ୍‌ହେ, ଇଞ୍ଜାଁ ଏଞ୍ଜାରି ଦୁହାତା ହଡି ମାଚାଟି ଆଜିତେରି ।

୩୫ ☆ଈଞ୍ଜାଁ ଏ ଦୁହାଟି ଇ ହାଡା ଖାଡେ, “ଇଞ୍ଜାସି ନା ମୀରଏସି, ନାନୁ ଆରିତାସି, ଇଞ୍ଜାଣି ବଲୁ ଖେଞ୍ଜୁ ।”

୩୬ ଏଲେଇଞ୍ଜି ଖେସ୍ତି ତାୟୁ ଜୀସୁ ରଥସିଏ ତଞ୍ଜାଆଡେସି । ଏଞ୍ଜାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲାତା ଆମ୍ବାଆରାଇଁ ଜିକେଏ ଖେହଆତେରି ।

**ଜୀସୁ ବୁଡୁ ଆଲଗାମାଟି କକାଣାଇଁ ନେହଁକିନାୟି**  
(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡେ ର ନେଚୁ ହରୁଟି ରେଚା ଖାହାଲିଏ ହାଚେକା ଲକୁ ଏଞ୍ଜାଣାଇଁ ବେଟା ଆୟାଲି ଖାଡେରି ।

୩୮ ଅଡେ ଏ ମାୟା ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାତିମାଲିମାଞ୍ଜାଇଁ ନା ମୀରଏଣାଇଁ କାର୍ମା ଆମ୍ବୁ, ଇଚିହଁ ଏଞ୍ଜାସି ନା ରଣ୍ଡିଏ ମୀରଏସି;

୩୯ ଏଞ୍ଜାଣାଇଁ ର ବୁଡୁ ଆଲଗିମାନେ, ଇଞ୍ଜାଁ ଏଞ୍ଜାସି ପେଦରାହାଁ ଦେବୁଣିଏ କିରଡି ମାନେସି, ଇଞ୍ଜାଁ ଏଞ୍ଜାଣାଇଁ ଇଲେକଁ ବୁମିତା ତ୍ରକହାନା ଗୁଡିଟି ପମ୍ବୁଲି ହପ୍‌ହି ମାନେ, ଇଞ୍ଜାଁ ଏଞ୍ଜାଣାଇଁ ଗାତି ବାଦା କିହାନା ଏଞ୍ଜାଣି ତାଣାଟି କାକୁଲିଟି ହଚାହାନେ ।

୪୦ ନାନୁ ବୁଡୁତି ପିସ୍‌ପି କିହାଲି ନୀ ସୀସୁୟାଁ ବାତିମାଲିତେଏଁ, ସାମା ଏଞ୍ଜାରି ପିସ୍‌ପି କିହାଲି ଆଡାଆତେରି ।”

୪୧ ଜୀସୁ ଏଲେଇଚେସି, “ଆଡେ ନାମାଆଗାଟି ଏଚକା ଜିରୁ ଆହ୍‌ନି କୁଡା, ନାନୁ ଅଡେ ଏଚେକା ମୀ ତଲେ ମାଞ୍ଜାନା ମୀ କାତା ଅରହାଇଁ ? ନୀ ମୀରଏଣାଇଁ ଇମ୍ବାଆଁ ତାମ୍ବୁ ।”

☆ ୯:୧୯ ମାତି ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮ † ୯:୧୯ ମୁଞ୍ଜିନାୟି ☆ ୯:୨୦ ଜହ ୭:୬୮,୭୯ ☆ ୯:୨୩ ମାତି ୧୦:୩୮; ଲୁକ ୧୪:୨୭ ☆ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ☆ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ☆ ୯:୩୫ ୨ପିତ ୧:୧୭,୧୮

୪୨ ବୃତ୍ତ ଆଲଗାମାଟି କକାସି ଖାହିମାଟାଟି ବୃତ୍ତ ଏ କକାଣାଇ ବୃମିତା ତାଡ଼ି କିହାନା ତ୍ରେପହାତୁସ୍ତେ, ସାମା ଜୀସୁ ଏ ପଲଆ ବୃତ୍ତତି ଦାକା ହୀତେସି ଇଞ୍ଜା କକାଣାଇ ନେହିଁ କିହାନା ତାମି ଆବା କେୟୁତା ହେରପିତେସି ।

୪୩ ଏଚେଟିଏ ବାରେ ଲକୁ ମାହାପୁରୁତି ବାଡ଼ୁମୁ ମେସାନା ଜାଗଲା ଆଡେରି । ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଟାକି ଜୀସୁ ତାନି ସାସୁୟାଁଇ ଏଲେଇଚେସି ।

**ଜୀସୁ ତାନି ହାକିତି କାତା ଅଡ଼େ ଝେଣ୍ଡେ ଝେହ୍ନାୟି**  
(ମାତି ୧୭:୨୨,୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କୀକା ଅତାନା ଝେଞ୍ଜୁ; ଇଚିହିଁ ମାଣ୍ଡସି ମୀରଏସି ସାତୁୟାଁ କେୟୁତା ହେରପିଆନେସି ।”

୪୫ ସାମା ଏଝାରି ଏ କାତା ତେଲହାଆତେରି, ଏଝାରି ତେଲହାଲି ଆଡାଆରେଚୁ ଏଝାରି ତାଣାଟି ତୁଗୁମାତେ, ଇଞ୍ଜା ଏଝାରି ଏ କାତା ଜିକେଏ ଜୀସୁଇଁ ଝେଞ୍ଜାଲି ଆଜିମାଚେରି ।

**ବାରେକିହାଁ କାଜାସି ଆମ୍ବାଆସି**  
(ମାତି ୧୮:୧-୫; ମାର୍କ ୯:୩୩-୩୭)

୪୬ \*ଏଝାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ରା ବାଦିବାଦା ଆଡେରି ।

୪୭ ସାମା ଜୀସୁ ଏଝାରି ବିତ୍ରା ବାଦିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପହାନା ଏଝାରାଇଁ ଏଲେଇଚେସି,

୪୮ \*“ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଞ୍ଜେ ଆବାନେସି, ଅଡ଼େ ଏଝାସି ନାଞ୍ଜେ ପାଣ୍ଡାତାଣାଇଁ ଆବିନେସି; ଇଚିହିଁ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି ।”

**ମୀ କପାଟି ନିଙ୍ଗାଆ ଗାଟାସି ମୀ ତଲେତାସି**  
(ମାର୍କ ୯:୩୮-୪୦)

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ବୁନୀ ଦରୁଟି ବୃତ୍ତୟାଁ ପେରହି ମାଟାଣି ମେସୁମି ଇଞ୍ଜା ଏଝାସି ମା ତଲେ ନୀ ଜେଚ ଝାଆଲିଏ କାହିକିତମି ।”

୫୦ ସାମା ଜୀସୁ ଏଝାରାଇଁ ଏଲେଇଚେସି, “କାହିକିଆଦୁ, ଇଚିହିଁ ଆମ୍ବାଆସି ମୀ କପାଟି ନିଙ୍ଗା ହିଲଅସି ଏଝାସି ମୀ ତଲେତାସି ।”

**ସମିରଣି ନାସ୍କାଣାଁ ଜୀସୁଇଁ ଆବାଆତାୟି**

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାଟାକି ଏଚିବେଲା ଜୀସୁ ଜିରୁସାଲମତା ହାଜାଲି ମନତି ତୀରି କିତେସି ।

୫୨ ଅଡ଼େ ତାନି ନକେଏ କସ୍କାଣି ପାଣ୍ଡିତେସି, ଏଝାରି ହାଜାନା ର ସମିରଣ ନାୟୁତା ଜୀସୁ ଝାନ୍ନେସି ଇଞ୍ଜାଁ ଜାଗ୍ରାତା କିହାନା କାଡେରି;

୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜାଁ ପୁଞ୍ଜାନା ଏଝାଣାଇଁ ଆବାଆତେରି ।

୫୪ ଇଦାଆଁ ମେସାନା ଜାକୁବ ଅଡ଼େ ଜହନ ଇ ରୀ ସାସୁୟାଁ ଏଲେଇଚେରି, “ଏ ପ୍ରବୁ ଏଲିୟ ଏନିକଁ ଏଲେଇଞ୍ଜାମାଚେସି, ଏଲେକିହିଁ ଏ ହାଗୁଲାକଟି ହିଚୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଝାସି ଝେଣ୍ଡେ ସିନିକିହାନା ଏଝାରାଇଁ ଲାଗାନା ଏଲେଇଚେସି, “ମୀରୁ ଏନିଲେହେତି ଜୀଝୁ ଗାଟାଚେରି, ମୀରୁ ପୁଞ୍ଜାହିଲଅତେରି ମାଣ୍ଡସି ମୀରଏସି ମାଣ୍ଡସିୟାଁତି ଜୀଝୁ ନାସା କିହାଲି ଝାଆନା ଗେଲୁପାଲି ଝାହାମାନେସି ।

୫୬ ଏଚେଟିଏ ଏଝାରି ଅର ନାୟୁତା ହାଚେରି ।”

**ଜୀସୁତି ସୀସୁ ଆହାଲି ପାଡ଼ା ଆନାୟି**  
(ମାତି ୭:୧୯-୨୨)

୫୭ ଏଝାରି ଜିରୁତା ହାଜିମାଟାଟି ରଅସି ଝାହାନା ଜୀସୁଇଁ ଏଲେଇଚେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଝାକ୍ତୁ ।”

୫୮ ଜୀସୁ ଏଝାଣାଇଁ ଏଲେଇଚେସି, “ନାକାୟାଁକି ତୁୟିନି ପାଝୁୟାଁ ମାନୁ, ହାଗୁ ଲାକ ଉୟିନି ପଟାୟାଁକି ବାସାଟାୟୁ ମାନେ, ସାମା ମାଣ୍ଡସି ମୀରଏଶାକି ତାୟୁଁ ନେଟହାଲି ଟାୟୁ ହିଲେଏ ।”

୫୯ ଇଞ୍ଜା ଏଝାସି ଅଡ଼େ ରଅଣାଇଁ ଏଲେଇଚେସି, “ନା ଜେଚ ଝାମୁ ।” ସାମା ଏଝାସି ଏଲେଇଚେସି, “ପ୍ରବୁ ନକେଏ ହାଜାନା ନା ଆବାଇଁ ମାହଣିଣା ମୁସାଲି ହେଲ ହିୟାମୁ ।”

୬୦ ଜୀସୁ ଏଲେଇଚେସି, “ହାଡ଼ାରାଇଁ ତାନି ହାଡ଼ି ଲକୁଣି ମୁସାଲି ପିହ୍ତୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଝେହ୍ତୁ ।”

୬୧ ଅଡ଼େ ରଅସି ଝାହାନା ଏଲେଇଚେସି, “ପ୍ରବୁ ନୀନୁ ଜେଚ ଝାକ୍ତୁ ସାମା ନକେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ ।”

୬୨ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଞ୍ଜେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡ଼ା ଆଅସି ।”

**୧୦**

**ଜୀସୁ ତାନିକଡ଼ି ବାରଜାଣାଟି ପାଣ୍ଡିନାୟି**

୧ ଏମ୍ବାଟିଏ ପ୍ରବୁ ଅଡ଼େ ତାନିକଡ଼ି ବାରଜାଣାଟି ଆଚାନା ତାନୁ ଆମିନି ଗାଡ଼ା ଅଡ଼େ ନାସ୍କାଣାଁ ହାଜାଲି ମନ କିହାମାଚେସି, ଏ ନାସ୍କା ଅଡ଼େ ଗାଡ଼ାୟାଁଣା ରିଆରି ଲାକା କିହାଁ ପାଣ୍ଡିତେସି ।

୨ \*ଇଞ୍ଜା ଏଝାସି ଏଝାରାଇଁ ଏଲେଇଚେସି, “ପାଟି ହାରେକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାଝୁକାରିଇଁ ବାଡ଼ିମାଲ୍ଲାଦୁ ।

୩ \*ମୀରୁ ହାଜୁ; ନୀନୁ ମିଙ୍ଗ କୁଃନିୟାଁ ବିତ୍ରା ମେଣ୍ଡା ତାଲୁକା ଲେହେଁ ମିଙ୍ଗେ ପାଣ୍ଡିମାଞ୍ଜାଇଁ ।

☆ ୯:୪୨ ଲୁକ ୨୨:୨୪ ☆ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

☆ ୧୦:୨ ମାତି ୯:୩୭,୩୮ ☆ ୧୦:୩ ମାତି ୧୦:୧୭

୪ ତାରୁୟା, ମଣା କି ସେପୁୟା ଜିକେଏ ଅଥାଦୁ, ଅଡ଼େ ଜିରୁତା ଆମ୍ବାଆରାଇଁ ଜହରା କିଆଦୁ ।

୫ ଅଡ଼େ ମୀରୁ ଆମିନି ଇଲୁତା ହଡ଼ଦେରି ନକେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜୁ ।

୬ ଅଡ଼େ ଏ ଇଜ ହିଡ଼ଡ଼ିତି ମାଣସି ରଅସି ମାଟିହିଁ ମୀ ହିଡ଼ଡ଼ି ଏଝାଣାକି ଆପେ; ଅଡ଼େ ହିଲ୍ଲାଆତିହିଁ ମୀ ହିଡ଼ଡ଼ି ମିଙ୍ଗେ ଝେଣ୍ଡେ ଝାନ୍ଦେ ।

୭ ☆ଇଞ୍ଜା ଏଝାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇତିହିଁ କାମାକିନାସି ତାନି କାମାତି ରୁତି ମେଡ଼ା ଆନାୟି ମାନେ । ଏ ଇଜ ପିସାନା ଅର ଇଜ ହାଲ୍ଲାଆଦୁ ।

୮ ଅଡ଼େ ଆମିନି ଗାଡ଼ାତା ହାଜେରି ଅଡ଼େ ଲକୁ ମିଙ୍ଗେ ଅପାନେରି ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ ।

୯ ଏମ୍ବାଆଁ ମାନି ରଗ ଗାଗାରାଇଁ ନେହିଁ କିଦୁ, ଅଡ଼େ ଏଝାରାଇଁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଣା ଏଦାତେୟି ।’

୧୦ ☆ସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜା ଲକୁ ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି ପାଙ୍ଗାତା ହାଜାନା ଏଲେଇଞ୍ଜୁ,

୧୧ ☆ମୀ ଗାଡ଼ାତି ଆମିନି ଦୁଡ଼ି ମା କତାୟାଣା ଆଗାମାରେ, ଏଦାଆଁ ଜିକେଏ ମିଙ୍ଗେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଝାହିମାନେ ଇଦାଆଁ ପୁଞ୍ଜୁ ।’

୧୨ ☆ନାନୁ ମିଙ୍ଗେ ଝେସିମାଞ୍ଜାଇଁ, ନୀହାୟି ଦିନାତା ଏ ଗାଡ଼ାତି ତଣ୍ଡୁ କିହାଁ ସଦମତି ଗାଡ଼ାତି ତଣ୍ଡୁ ଉଣା କିଝିଆନ୍ଦେ ।

**ନାମାଆଗାତି ନାସକା**  
(ମାତି ୧୧:୨୦-୨୪)

୧୩ ଆୟତା ତଣ୍ଡୁ ପାଣ୍ଡି କରାଜିନ୍ ଅଡ଼େ ବେଡ଼ସାୟିଦା ଇତିହିଁ ମୀ ତାଣା ଆମି ଆମିନି କାବାଆନି କାମାୟା କିଝିଆହାମାନୁ, ଏ ବାରେ ସର ଅଡ଼େ ସିଦନତା କିଝି ଆହାମାଟିହିଁ ମା, ଏଝାରି ହାରେକା ଦିନା ନକେଏ ବାସ୍ତାୟା ପରହାଁ ଦାରମ୍ପୁଡ଼ା କୁଗାନା ମନ୍ ଝେବ୍‌ହେରିମା ।

୧୪ ଆଡ଼ିଜିକେଏ ନୀହାୟି ଦିନାତା ସର ଅଡ଼େ ସିଦନତି ତଣ୍ଡୁ ଉଣା କିଝିଆନ୍ଦେ ।

୧୫ ଏ କପର୍‌ନାହୁମ ନୀନୁ ଲାକପୁରୁ ପାତେକା ପାଡ଼ାଆଡ଼ି ? ହାଡ଼ାରି ମାନି ରାଜିତା ମେଡ଼ପି ଆଡ଼ି ।”

୧୬ ☆ଜୀସୁ ଏଲେଇଚେସି “ଆମ୍ବାଆସି ମୀ କାତା ଝେନେସି, ଏଝାସି ନା କାତା ଝେନେସି, ଇଞ୍ଜା ଆମ୍ବାଆସି ମିଙ୍ଗେ ଅପଅସି ଏଝାସି ନାଙ୍ଗେ ଅପଅସି, ଅଡ଼େ ଆମ୍ବାଆସି ନାଙ୍ଗେ ଅପଅସି ଏଝାସି ନାଙ୍ଗେ ପାଣ୍ଡାତାଣାଇଁ ଅପଅସି ।”

**ତାନିକଡ଼ି ବାରଜାଣା ଝେଣ୍ଡା ଝାନ୍ଦାୟି**

☆ ୧୦:୨୧ କର ୯:୧୪; ୧ଡ଼ିମ ୫:୧୮ ☆ ୧୦:୧୦ କାମା ୧୩:୫୧ ☆ ୧୦:୧୧ ମାତି ୧୦:୭-୧୪; ମାର୍କ ୭:୮-୧୧; ଲୁକ ୯:୩-୫ ☆ ୧୦:୧୨ ମାତି ୧୧:୨୪ମାତି ୧୦:୧୫ ☆ ୧୦:୧୬ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ ☆ ୧୦:୨୨ ଜହ ୩:୩୫; ଜହ ୧୦:୧୫ ☆ ୧୦:୨୫ ମାତି ୨୨:୩୫-୪୦; ମାର୍କ ୧୨:୨୮-୩୪

୧୭ ଏମ୍ବାଟିଏ ତାନିକଡ଼ି ବାରଜାଣା ଝେଣ୍ଡା ଝାନ୍ଦାନା ରାହାଁଟି ଏଲେଇଚେରି, “ପ୍ରୁ ବୁଡ଼ୁୟା ଜିକେଏ ନୀ ଦରୁଟି ମା ଡ଼ଇକା ହେର୍ପି ଆହିମାନୁ ।”

୧୮ ସାମା ଜୀସୁ ଏଝାରାଇଁ ଏଲେଇଚେସି, “ହାଗୁ ମିହ୍‌ନିଲେହେଁ ଲାକଟି ସୟତାନ ରିହିମାନାଣି ମେସ୍ତେସି ।

୧୯ ମେହ୍‌ଦୁ ନାନୁ ମିଙ୍ଗେ ରାସକା, କାଚାକୁପିୟା ମୁହେଁ ତାକାଲି ଅଡ଼େ ସାଡ଼ୁତି ବାରେ ବାଡ଼ୁୟା ମୁହେଁ ଜିକେଏ ଅଦିକାରା ହାହିମାଞ୍ଜାଇଁ, ଅଡ଼େ ଏନାୟି ଜିକେଏ ମିଙ୍ଗେ ନସ୍ତ କିହାଲି ଆଡ଼େଏ ।

୨୦ ସାମା ପଲ୍ଲାଆ ବୁଡ଼ୁୟା ବାଡ଼ୁୟା ମୀ ଡ଼ଇକା ମାନେ ଇଞ୍ଜା ରାହାଁ ଆଥାଦୁ, ସାମା ମୀ ଦରୁ ଲାକପୁରୁ ରାସକି ଆହାମାନେ ଏଦାଆଁତାକି ରାହାଁ କିଦୁ ।”

**ଜୀସୁତି ରାହାଁ**  
(ମାତି ୧୧:୨୫-୨୭; ୧୩:୧୬, ୧୭)

୨୧ ଏରିବେଲା ଜୀସୁ ସୁଦୁଜୀଝୁ ତଲେ ରାହାଁ ଆହାନ୍ଦା ଏଲେଇଚେସି, “ଆବା ଲାକପୁରୁ ଅଡ଼େ ଦାରତିତି ପ୍ରୁ, ନୀନୁ ବୁଦିଗାଟି ଲକୁତାଣା ଇ ବାରେ କାତା ଡ଼କୁହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଙ୍ଗେ ଜହରା କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା ନେହାୟି ଆଡ଼େ ।”

୨୨ ☆“ନା ଆବାତି ବାରେ ଅଦିକାରା ନାଙ୍ଗେ ହେର୍ପି ଆହାମାନେ; ଅଡ଼େ ମୀରଏସି ଆମ୍ବାଆସି, ଇଦାଆଁ ଆବା ପିସପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରଏଣା ପିସପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆସି ତାଣା ଏଝାଣାଇଁ ତସାଲି ମନ୍ କିନେସି, ଏଝାସିଦେଁ ପୁନେସି ।”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସୀସୁୟାଈ ଏଚକେଏ ଏଲେଇଚେସି, “ହାରେକା ନେହେଁ ଏ କାଣ୍‌କା ଏମିନିଗାଗାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି ।

୨୪ ଇତିହିଁ ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଅଡ଼େ ରାଜାୟା ମେସାଲି ମନ୍ କିହାମାଚେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ୍ କିତେରି ସାମା ଝେଞ୍ଜାଲି ଆଡ଼ାଆତେରି ।”

**ନେହିଁ ସମିରଣତି ପୁଣ୍ଡିକିନି କାତା**

୨୫ ☆ମେହ୍‌ଦୁ ର ମସାତି ମେରା ଜାପ୍‌ନାସି ଝାନ୍ଦାନା ଜୀସୁଇଁ ତାୟିପାରିକିହିଁ ଝେଚେସି, “ଏ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଏନାଆଁ କିଇଁ?”

୨୬ ଏଚେଟିଏ ଜୀସୁ ଏଲେଇଚେସି, “ମସାତି ମେରାତା ଏନାଆଁ ରାସକି ଆହାମାନେ, ନୀନୁ ଏନିକିଁ ପଡ଼ୁଝି ଆହିମାଞ୍ଜି ?”

୨୭ ଏଞ୍ଜେଲ୍ ଏଲେକ୍ଟରେସି, “ନୀନୁ ନୀ ବାରେ ହିୟା, ବାରେ ଜୀଝୁ, ବାରେ ବାଡ଼ୁୟୁ ଅଡ଼େ ବାରେ ମନ ହୀହାନା ପ୍ରବୁ ନୀ ମାହାପୁରୁଇଁ ଜୀଝୁନମ୍; ଅଡ଼େ ପାଡ଼ିତି ଲକୁଣି ନୀ ଜୀଝୁ ଲେହେଁ ଜୀଝୁ ନମ୍ ।”

୨୮ ଏଚେଟିଏ ଜୀସୁ ଏଞ୍ଜେଲ୍ ଏଲେକ୍ଟରେସି, “ନୀନୁ ନେହୁଁ କିଁ ଝେସାମାଞ୍ଜି; ଏଲେଏ କିମ୍ପୁ ଆଡିହୁଁ ଏ ଜୀଝୁ ମେଡ଼ା ଆଡି ।”

୨୯ ସାମା ଏଞ୍ଜେଲ୍ ତାଜେ ତୀରିତାସି କିହାକତାଲି ମନ କିହାନା ଜୀସୁଇଁ ଝେରେସି, “ଆଡିହୁଁ ନା ପାଡ଼ିତାସି ଆମ୍ବାଆରି ?”

୩୦ ଜୀସୁ ଏ କାତା ଆସାନା ଏଲେକ୍ଟରେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଚାଟି ସରକା ତାଣା ହେରହେସି । ଏଞ୍ଜେଲ୍ ଏଞ୍ଜେଲ୍ ହିମ୍ପୁରିତୁକି ମୀଞ୍ଜାନା ହାନିଲେହେଁ ମାଡ଼ା ଝେରାନା ପିସା ହାରେରି ।

୩୧ ଏଚିବେଲାତା ର ପୂଜେରା ଏ ଜିରୁଟି ହାଜିମାରେସି, ଇଞ୍ଜା ଏଞ୍ଜେଲ୍ ଏଞ୍ଜେଲ୍ ମେସାନା ଜିରୁ ପିସାନା ଅର ଜିରୁଟି ହାରେସି ।

୩୨ ଏଲେକିହୁଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଝାହାନା ଏଞ୍ଜେଲ୍ ମେସାନା ଅର ଜିରୁ ହୀହାନା ହାରେସି ।

୩୩ ସାମା ର ସମିରଣ ଲକୁ ଏ ଜିରୁଟି ହାଜିମାରେସି, ଇଞ୍ଜା ଏଞ୍ଜେଲ୍ ମେସାନା ହାରେକା କାର୍ମା ଆଡେସି,

୩୪ ଅଡ଼େ ତାଗେ ହାଜାନା ଏଞ୍ଜେଲ୍ ଗାହାୟା ବାରେ ନିୟୁଁ ଅଡ଼େ ଅଜୁରି ରାସା ରୁବାନା ଗାହାୟାଣା ଦସପାନା ଏଞ୍ଜେଲ୍ ର ଗାଡ଼ଦେ ଲାକ କୁଟିକିହାନା ର ସେବାକିନି ଇଲୁତା ଅହାନା ଏଞ୍ଜେଲ୍ ସେବା କିଡେସି ।

୩୫ ଅର ଦିନା ସେବାକିନି ଇଲୁ ଗାଟାଣାକି ରା କାନି ହୀହାନା ଏଲେକ୍ଟରେସି, ‘ଇଞ୍ଜେଲ୍ ସେବା କିମ୍ପୁ, ଅଡ଼େ ଏବେକା ଗାଡ଼ି କାର୍ତୁ ଆନୁ, ଝେଣ୍ଡା ଝାନାଟି ବାରେ ହିୟାଇଁ ।”

୩୬ ଜୀସୁ ଏଲେକ୍ଟରେସି, “ଇ ତାନି ଜାଣାଟି ବିତ୍ତା ଆମ୍ବାଆସି ସରକାତାଣା ହେରହା ମାଚାଣି ପାଡ଼ିତାସି ଇଞ୍ଜେ ଅଣ୍ପିମାଞ୍ଜେରି ?”

୩୭ ଏ ମେରା ଜାପୁନାସି ଏଲେକ୍ଟରେସି, “ଆମ୍ବାଆସି ଏଞ୍ଜେଲ୍ କାର୍ମା ଆଡେସି ଏଞ୍ଜେଲ୍ ।”

ଜୀସୁ ଏଲେକ୍ଟରେସି, “ହାଲାମ୍ପୁ ନୀନୁ ଜିକେଏ ଏଲେଏ କିମ୍ପୁ ।”

**ଜୀସୁ ମାର୍ତ୍ତା ଅଡ଼େ ମରିୟମନି ଇଜ**

୩୮ ଏଞ୍ଜେଲ୍ ହାଜିମାନି ବେଲାତା ର ନାୟୁତା ହାରେରି, ଇଞ୍ଜା ମାର୍ତ୍ତା ଦରୁଗାଟି ର ଇୟା ଜୀସୁଇଁ ତାନି ଇଜ ହାଟିଡେ ।

୩୯ ଏଦାନାକି ର ତାଜି ମାଚେ ଏଦାନି ଦରୁ ମରିୟମ, ଏଡ଼ି ପ୍ରବୁତି କଡ଼ା ଡ଼ଇ କୁଗାନା ଏଞ୍ଜେଲ୍ କାତା ଝେଞ୍ଜିମାଚେ ।

୪୦ ସାମା ମାର୍ତ୍ତା ରାହା ଝାଜାଲି ହାରେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଝାହାନା ଏଲେକ୍ଟରେ, “ଏ ପ୍ରବୁ ନା ତାଜି ଝାଜିନି କାମା ବାରେ ନା

ଲାକ ହେରପା ମାଞ୍ଜାନେ ଇଦାଆଁ ଅଣ୍ପି ହିଲଅତି କି ? ଇଦାଆଁତାକି ନାଜେ ସାୟେମି କିହାଲି ଏଲେକ୍ଟନାମ୍ ।”

୪୧ ସାମା ପ୍ରବୁ ଏଲେକ୍ଟରେସି, “ମାର୍ତ୍ତା, ମାର୍ତ୍ତା ନୀନୁ ହାରେକା କାମାତା ଅଣ୍ପିହୁଁ କିଲିବିଲି ଆହିମାଞ୍ଜି,

୪୨ ସାମା ଝାରଇ ର କାତା ଲଡ଼ାମାନେ । ମରିୟମ ଏ ନେହୁଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ ।”

**୧୧**

**ଜୀସୁ ଜାପୁହାମାନି ପ୍ରାତାନା  
(ମାଡ଼ି ୭:୯-୧୩; ମାଡ଼ି ୭:୭-୧୧)**

୧ ର ଦିନା ଜୀସୁ ର ଗାୟତା ପ୍ରାତାନା କିହିମାଚେସି; ଏଞ୍ଜେଲ୍ ପ୍ରାତାନା କିହାଲି ରାପୁହାଲିଏ, ତାନି ସୀସୁୟା ବିତ୍ତାଟି ରଅସି ଏଲେକ୍ଟରେସି, “ଏ ପ୍ରବୁ, ଜହନ ଏନିକିଁ ତାନି ସୀସୁୟାଇଁ ପ୍ରାତାନା କିହାଲି ଜାପୁହି ମାଚେସି, ନୀନୁ ଜିକେଏ ମାଚେ ଏଲେକିହୁଁ ଏ ପ୍ରାତାନା କିହାଲି ଜାପୁହାମ୍ ।”

୨ ଏଚେଟିଏ ଜୀସୁ ଏଞ୍ଜେଲ୍ ଏଲେକ୍ଟରେସି, “ଏଚିବେଲା ମାରୁ ଏଲେକ୍ଟି ପ୍ରାତାନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜେଁ ମାନଞ୍ଜି ଆପେ; ନୀ ରାଜି ଝାପେ ।

୩ ବାରେଦିନା ମାଚେ ଲଡ଼ା ଆନି ରାହା ହିୟାମ୍ ।

୪ ମା ଦହ ବାରେ ମ୍ପେକ୍ ହାମ୍,

ଇଡିହୁଁ ମାମ୍ପୁ ଜିକେଏ ମା ଦହ କିତାରାଇଁ ମ୍ପେକ୍ ନିନି ।

ମାଚେ ପାହାତା ମେଡ଼ହାଆନି ।”

୫ ଅଡ଼େ ଏଞ୍ଜେଲ୍ ଏଞ୍ଜେଲ୍ ଏଲେକ୍ଟରେସି, “ମୀ ତାଣା ଆମ୍ବାଆସି ଇଲେଡି ତଣେଏସି ମାନେସି, ଆମ୍ବାଆରି ତାଣା ମାଡ଼ି ଲାଆୟା ହାଜାନା ଏଲେକ୍ଟନେସି, ‘ଏ ତଣେ ନାଚେ ତାନିଗଟା ରୁଟି ହିୟାମ୍,

୬ ଇଡିହୁଁ ନା ଗତାଗାଟି ତଣେଏସି ନା ତାଣା ଝାହାମାନେସି, ଏଞ୍ଜେଲ୍ ତିଞ୍ଜାଲି ହୀହାଲି ନା ତାଣା ଏନାୟିଞ୍ଜା ହିଲେଏ !”

୭ ଅଡ଼େ ବିତ୍ତାଟି ଏଲେକ୍ଟନେସି, ‘ନାଚେ କସ୍ତ ହିୟାଆନି; ଦାରା ସୁଣ୍ଡକି ଆଡେଡିଏ, ଇଞ୍ଜା ନା ମୀରକା ନା ତଲେ ତୁରା ମାନେରି; ନାନୁ ନିଜାନା ହୀହାଲି ଆଡ଼ଅଁ ।”

୮ ନାନୁ ମିଚେ ଝେସିମାଞ୍ଜାଇଁ, ଏଞ୍ଜେଲ୍ ତାନି ତଣେଏସି ଆହାମାନାକି ଲାଜା ପିସାନା ଅଲେ ଅଲେ ରୀସ୍ତାକି ଏଞ୍ଜେଲ୍ ନିଜାନା ଏଞ୍ଜେଲ୍ ଲଡ଼ାମାନି ପାତେକା ଏଞ୍ଜେଲ୍ ଏଞ୍ଜେଲ୍ ହୀନେସି ।”

୯ ନାନୁ ଜିକେଏ ମିଚେ ଝେସିମାଞ୍ଜାଇଁ, ରୀହୁ ଆଡିହୁଁ ମିଚେ ହୀପକିଆନେ; ପାରାଦୁ ଆଡିହୁଁ ମେଡ଼ା ଆଡେରି; ଦୁଝେରିତା ଝେଦୁ ଆଡିହୁଁ ମିଚେତାକି ଦାରା ଦେପି ଆନେ ।

୧୦ ଇଡିହୁଁ ଆମ୍ବାଆସି ରୀହୁନେସି ଏଞ୍ଜେଲ୍ ବେଟାଆନେସି; ଆମ୍ବାଆସି ପାରିନେସି ଏଞ୍ଜେଲ୍



ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଝାଣି ତାକି ଦାରା ଦେପିଆନେ ।

୧୧ “ଅଡ଼େ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରାସ୍ତିସାରେ ଏଝାସି ମୀନୁତି ବାଦୁଲି ରାତୁ ହୀନେସି ?

୧୨ ଅଡ଼େ ଗୁଡୁ ରାସ୍ତିସାରେ ଏଝାଣାକି କାଚାକୁପି ହୀନେସି ?

୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍‌କାକି ନେହାଁଣି ହାହିମାଞ୍ଜେରି, ଆତିହ୍ ଆମିନି ଆବା ଲାକପୁରୁଟି ହାହିମାଞ୍ଜାନେସି, ଏଝାସି ତାନି ତାଣା ରାହ୍‌ନି ଲକୁକି ଏଚେ ହାରେକା ସୁଦୁଜୀଝୁ ହୀଅସି !”

**ଜୀସୁ ଅଡ଼େ ପଲୁଆ ବୁଡୁ**

(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁଡୁ ପେରହ୍ ମାଚେସି ଏ ବୁଡୁ ଗୁଲ୍ଲା । ବୁଡୁ ଏଝାଣି ତାଣାଟି ହଚା ହାଜାଲିଏ ଏ ଗୁଲ୍ଲା ଜଲିତେସି; ଏମ୍ବାଟିଏ ଲକୁ ବାରେ କାବା ଆଡେରି ।

୧୫ \*ସାମା ଏଝାରି ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଏଝାସି ପଲୁଆ ବୁଡୁୟାଁ କାଜା ପେନୁ ବାଲ୍‌ଜିବୁଲ୍ ବୁଡୁ ତଲେ ବୁଡୁୟାଁ ପିସ୍‌ପି କିହିମାନେସି ।”

୧୬ \*ଇଞ୍ଜା ଏଚ୍‌କାତାରି ଏଝାଣାକ୍ ତାୟିପାରି କିହାଲିତାକି ଏଝାଣି ତାଣାଟି ହାଗୁଟି ର ସିନା ରୀସ୍ତେରି ।

୧୭ ସାମା ଏଝାସି ଏଝାରି ମନତି ଅଶ୍‌ପୁ ପୁଞ୍ଜାନା ଏଝାରାକ୍ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଜିନେ ଏଡି ନାସା ଆହାହାନେ ଇଞ୍ଜା ଇଲୁ ଲାକ ବାରେ ରିହାହାନେ ।

୧୮ ଇଞ୍ଜା ସୟତାନ ବାଗା ଆହାନା ଜାହାରା କପାଟି ନିଜିନେ, ଇଚିହ୍ ତାନି ରାଜି ଏନିକ୍ ତୀରିଆହାନା ଡିୟିନେ ? ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସ୍‌ପି କିହିମାକ୍ ଇଞ୍ଜିମାଞ୍ଜେରି ।

୧୯ ସାମା ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସ୍‌ପି କିହିମାକ୍, ଆତିହ୍ ମୀ ମୀରକା ଆମ୍ବାଆରି ବାଡ଼ୁୟୁ ତଲେ ପିସ୍‌ପି କିନେରି ? ଇଞ୍ଜା ଏଝିଏ ମିଜେ ନୀହାୟି କିୟାନୁ ।

୨୦ ସାମା ନାନୁ ମାହାପୁରୁ ବାଡ଼ୁୟୁ ତଲେ ବୁଡୁୟାଁ ପିସ୍‌ପି କିହିମାକ୍ ଇଚିହ୍ ମାହାପୁରୁତି ରାଜି ମୀ ତାଣା ଏଗାଝାଡେୟିଏ ।

୨୧ ବାଡ଼ୁୟୁଗାଟି ଲକୁ ଏଚେପାତେକା ଆସ୍ତି ଆସାନା ତାନି ଗାଡ଼ାତି ଗେଲ୍‌ପିନେସି, ଏଚିବେଲା ପାତେକା ତାନି ଦନ ଗେଲ୍‌ପିଆହାନା ଡିୟିନେ;

୨୨ ସାମା ଏଚିବେଲା ଏଝାଣି କିହାଁ ହାରେକା ବାଡ଼ୁୟୁଗାଟି ଲକୁ ଏଝାଣିତଲେ ଜୁଜୁ କିହାନା ଜୀଶା ଆନେସି, ଏଚିବେଲା ଏଝାସି ଆମିନି ଆସ୍ତିତି ବାସ୍‌ କିହାମାଚେସି, ଏ ବାରେ ଏଝାସି ମୀଞ୍ଜା ଅନେସି, ଇଞ୍ଜା ମୀଞ୍ଜା ଅହାମାନି ଦନ ବାଟିକିହା ଅନେରି ।

୨୩ \*ଆମ୍ବାଆସି ନା ଝାକିଟି ଆଆଗାଟାସି ଏଝାସି ନା ସାଡୁ; ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାରା କିନାସି ।

**ପଲୁଆ ବୁଡୁ ଝେଣ୍ଡା ଝାନାୟି**

(ମାତି ୧୨:୪୩-୪୫)

୨୪ “ର ପଲୁଆ ବୁଡୁ ର ମାଣ୍‌ସି ତାଣାଟି ହଚା ହାଜାନା ଏୟୁ ହିଲାଆ ଝାୟିତି ଟାୟୁତା ଜମାଲି ପାରିନେ, ଇଞ୍ଜା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଚା ଝାହାମାଚେସ୍, ଏ ଇଲୁତା ଝେଣ୍ଡା ହାକ୍ ।’

୨୫ ଇଞ୍ଜା ଏଡି ଝେଣ୍ଡା ଝାହାନା ଏଦାଆଁ ଅଜିହ୍ ନେହ୍ ଆହାମାନାଣି ମେହ୍‌ନେ ।

୨୬ ଏଚିବେଲା ଏଡି ହାଜାନା ତାନିକିହାଁ ହାରେକା ପଲୁଆଗାଟି ସାଡାଗଟା ବୁଡୁୟାଁ ଆସାନା ଝାନେ, ଅଡ଼େ ବାରେଜାଣା ଏମ୍ବାଆଁ ହତାନା ବାସା କିନୁ, ଇଞ୍ଜା ଏ ମାଣ୍‌ସିତି ତଲିତି କସ୍ କିହାଁ ତାୟୁତି କସ୍ ହାରେକା ଆନେ ।”

**ଆସୁଲି ରାହାଁ**

୨୭ ଜୀସୁ ଇ ବାରେ କାତା ଝେସିମାଚାଟି ଲକୁ ମାନ୍ଦା ବିତ୍ରାଟି ର ଇୟା କାଜା ଗିୟାତଲେ ଏଲେଇଚେ, “ଆମିନିଗାଟି ଇୟା ନିଜେ ଜାନ କିହାନା ପାଲୁ ଡର୍‌ହାତେ ଏ ଇୟା ହାରେକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆମ୍ବାଆରି ମାହାପୁରୁତି ବଲୁ ଝେନେରି ଅଡ଼େ ମାନଝି ଆନେରି ଏଝାରାକିଦେହେଁ ନେହେଁ ।”

**ସିନା ପାରିନାୟି**

(ମାତି ୧୨:୩୮-୪୨)

୨୯ \*ଲକୁ ମାନ୍ଦା ମାନ୍ଦା ଆହାନା ଏଝାଣି ତାଣା ରୁଣ୍ଡା ଆହାଲିଏ ଜୀସୁ ଏଝାରାକ୍ ଝେସ୍ତେସି, “ଇ କାଲାତି ଲକୁ ହାରେକା ଲାଗେଏତାରି; ଇଝାରି ବାରେ ସିନାୟାଁ ପାରିନେରି, ସାମା ଏଝାରାକି ଜୁନସତି ସିନା ପିସ୍‌ପେ ଏଡି ସିନା ହୀପକିଆଏ ।

୩୦ ଇଚିହ୍ ଜୁନସ ଏନିକ୍ ନିନିବି ଲକୁତାକି ର ସିନାଲେହେଁ, ମାଣ୍‌ସି ମୀରଏସି ଜିକେଏ ଏଲେକିହ୍ ଏ ଇ ଜୁଗୁତି ଲକୁତାକି ଆନେ ।

୩୧ ନୀହାୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଝାରି କପାଟି ସାକିହୀନେ, ଇଚିହ୍ ଏଡି ସଲମନତି ବୁଦିତିକାତା ଝେଞ୍ଜାଲି ଦାରୁତିତି ହେକ ଦେସାଟି ଝାହାମାଚେ; ମେହ୍‌ଦୁ ସଲମନକିହାଁ କାଜାସି ଇମ୍ବାଆଁ ମାନେସି ।

୩୨ ନୀହାୟି ଦିନାତା ନିନିବି ଗାଡ଼ାତି ଲକୁ ନିଚାନା ଏଝାରି କପାଟି ସାକି ହୀନେରି, ଇଚିହ୍ ଏଝାରି ଜୁନସ ଝେସ୍ତି କାତା ଝେଞ୍ଜାନା ଅଶ୍‌ପା କତାନା ମନ ଝେଚ୍‌ହେରି; ମେହ୍‌ଦୁ ଜୁନସକିହାଁ ହାରେକା କାଜାସି ଇମ୍ବାଆଁ ମାନେସି ।”

\* ୧୧:୧୫ ମାତି ୯:୩୪; ୧୦:୨୫    \* ୧୧:୧୬ ମାତି ୧୨:୩୮; ୧୭:୧; ମାର୍କ ୮:୧୧    \* ୧୧:୨୩ ମାର୍କ ୯:୪୦    \* ୧୧:୨୯ ମାତି ୧୨:୪; ମାର୍କ ୮:୧୨

**ଆଜ୍ଞାପତି ଉଦ୍ଦେଶ୍ଵି**  
(ମାତି ୫:୧୫; ୬:୨୨, ୨୩)

୩୩ \*“ଆତ୍ମାଆସି ଦୀର୍ଘ ଡ଼ାସାନା ଡ଼କୁନି ଟାମୁତା କି ମାଣା ପୁକ୍‌ହାନା ଇଚ୍ଛାଅରି, ସାମା ଦୀର୍ଘ ସଡ଼ାତା ଇଚ୍ଛାନେରି, ଏନିକି ଇଲୁ ବିତ୍ରା ଖାନି ଲକୁ ଉଦ୍ଦେଶ୍ଵି ମେହ୍‌ନେରି ।

୩୪ ମୀ କାଣ୍‌କା ଆଜ୍ଞାପତି ଦୀର୍ଘ ଏଚ୍ଚେତା ମୀ କାଣ୍‌କା ନେହ୍‌ ମାନୁ ଏଚିବେଲା ପାତେକା ମୀ ଆଜ୍ଞା ବାରେ ଉଦ୍ଦେଶ୍ଵି ଆନେ; ସାମା ଏଚ୍ଚେତା ନୀ କାଣ୍‌କା ନେହ୍‌ ହିଲାଉ ଇଚ୍ଛା ଏଚ୍ଚେତା ମୀ ଗୁଡ଼ା ଆଜ୍ଞା ଜିକେଏ ଆନ୍ଦେରି ଆନେ ।

୩୫ ଇଦାଆଁତାକି ଜାଗ୍ରାତା ଏନିକି ମୀ ହିୟାଁତା ମାନି ଉଦ୍ଦେଶ୍ଵି ଆନ୍ଦେରି ଆଏ ।

୩୬ ଏନାଆଁତାକି ଇଚ୍ଛା ଏଚ୍ଚେତା ମୀ ଗୁଡ଼ା ଆଜ୍ଞା ବାରେ ଉଦ୍ଦେଶ୍ଵି ଆନେ ଇଜ୍ଞା ଏମ୍‌ଆଁ ଏନି ଆନ୍ଦେରି ଡ଼ୟେଏ, ଆତିହ୍‌ ଦୀର୍ଘ ଏନିକି ମିଙ୍ଗେ ତାହାଣା ଉଦ୍ଦେଶ୍ଵିତା ଉଦ୍ଦେଶ୍ଵି କିୟାନେ, ଏଲେକିହ୍‌ ଏ ମୀ ଗୁଡ଼ା ଆଜ୍ଞା ଉଦ୍ଦେଶ୍ଵି ଆନେ ।”

**ଜୀସୁ ପାରୁସି ଅଡ଼େ ମେରା ଜାପୁନାରାଇଁ ଦହ୍‌ ଦହ୍‌ନାୟି**  
(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଇ କାତା ଖେସ୍ତି ତାମୁ ର ପାରୁସି ଏଞ୍ଜାଣାଇଁ ତାନି ଇଜ୍ଞା ତିଜ୍ଞାଲି ଏଲେଇଚେସି; ଇଜ୍ଞା ଏଞ୍ଜାସି ଇଜ୍ଞା ହାଜାନା ତିଜ୍ଞାଲି କୁଗିଚେସି ।

୩୮ ସାମା ତିଜ୍ଞାଲି କୁଗିନି ନଚ୍‌କେଏ ଏଞ୍ଜାସି କେସ୍‌ମା କଡ଼ାୟାଁ ନରହା ହିଲାଆଚେସି, ଇଦାଆଁ ମେସାନା ଏ ପାରୁସି କାବା ଆଡ଼େସି ।

୩୯ ଏଚେଟିଏ ପ୍ରୁ ଏଞ୍ଜାଣାଇଁ ଏଲେଇଚେସି, “ମୀ ପାରୁସିୟାଁତେରି ଗିନାୟାଁ ଅଡ଼େ ସାଡ଼ଞ୍ଜାୟାଁ ପାଜ୍ଞାତା ନରହି ମାଞ୍ଜେରି, ସାମା ମୀ ବିତ୍ରା ଜୁପକା ଅଡ଼େ ଲାଗେଏତାୟି ନେଞ୍ଜାମାନେ ।

୪୦ ଆଡ଼େ ବୁଦି ହିଲାଆଗାଟାଚେରି, ଆତ୍ମାଆସି ପାଜ୍ଞାତାଣି ଗାଡ଼ିକିଚେସି, ଏଞ୍ଜାସି ବିତ୍ରାତାଣି ଜିକେଏ ଗାଡ଼ି କିହାହିଲଅସି କି ?

୪୧ ସାମା ମୀ ସାଡ଼ଞ୍ଜାୟାଁ ଅଡ଼େ ଗିନାୟାଁଣା ମାନାଣି ହିଲାଆ ଗାଟାରାକି ହାତିହ୍‌ ମିଙ୍ଗେତାକି ବାରେଏ ଅଟ୍‌ହାୟି ଆନେ ।”

୪୨ ସାମା ଆୟଡ଼ା ତଣ୍ଡ ପାଣ୍‌ନି ପାରୁସିୟାଁତେରି, ଇଚ୍ଛା ଏଚ୍ଚେତା ମୀରୁ ହାସ୍‌, ରାୟି ଇଜ୍ଞା ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନାହାୟିତା ଅଡ଼େ ମାହାପୁରୁତି ଜୀସୁ ନନି ତାଣା ଅଣ୍‌ପି ହିଲଅଚେରି; ସାମା ଇ ବାରେ ମାନଞ୍ଜି ଆହାନା ଏଚ୍‌କାତାଣି ହେଲା ଆନାୟି ହିଲେଏ ।

୪୩ “ଆୟଡ଼ା ତଣ୍ଡ ପାଣ୍‌ନି ପାରୁସିୟାଁତେରି, ଇଚ୍ଛା ଏଚ୍ଚେତା ମୀରୁ ମାହାପୁରୁ ଇଲୁତା କାଜା ଟାମୁ ଇଜ୍ଞା ହାଟା ବାଜାରାତା ଜହରା ବେଟାଆହାଲି ନେହେ ଅଣ୍‌ପିଦେରି ।

୪୪ ଆୟଡ଼ା ମୀରୁ ତଣ୍ଡ ବେଟା ଆନାତେରି, ଇଚ୍ଛା ଏଚ୍ଚେତା ମୀରୁ ତଣ୍ଡା ଆଆଗାଟି ମାଡ଼ହା ମୁହ୍‌ନି ଟାମୁଲେହେଁ

ତାଚେରି; ଇଚ୍ଛା ଏଚ୍ଚେତା ପୁନାଆନା ଲକୁ ଲାକ ତାକି ମାନେରି ।”

୪୫ ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଜ୍ଞି ମାଙ୍ଗେ ଲାଜା କିହିମାଞ୍ଜାଦି ।”

୪୬ ଜୀସୁ ଏଲେଇଚେସି, ଆୟଡ଼ା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇଚ୍ଛା ଏଚ୍ଚେତା ମୀରୁ ମାଣ୍‌ସିୟାଁ ଲାକ ବଜୁଗାଟି କାସ୍‌କା ଏକ୍‌ହି ମାଞ୍ଜେରି ଅଡ଼େ ଏ ବଜୁତି ମୀରୁ ର ଖାଞ୍ଜୁ ତଲେ ଜିକେଏ ଡ଼ାଗଅଚେରି ।

୪୭ ଆୟଡ଼ା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରାଇଁ ପାୟାନା ଏଞ୍ଜାରି ମାଡ଼ହା ମୁହ୍‌ନି ଟାମୁ ତିୟାରା କିହିମାଞ୍ଜେରି ।

୪୮ ଇଚ୍ଛା ଏଚ୍ଚେତା ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଜ୍ଞା ଏଞ୍ଜାରିଲେହେଁ ଆହିମାଞ୍ଜେରି; ଇଚ୍ଛା ଏଚ୍ଚେତା ଏଞ୍ଜାରିୟାଁ ଏଞ୍ଜାରିଲେ ପାୟାମାଚେରି, ସାମା ମୀରୁ ଏଞ୍ଜାରି ମୁହ୍‌ନି ଟାମୁତି କାତିୟାଁ ନିପହି ମାଞ୍ଜେରି ।

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଜ୍ଞା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣ୍‌ପୁତି ବଲୁ ଖେହ୍‌ନାରାଇଁ ଅଡ଼େ ପାଣ୍‌ଡ଼ି ଆହାମାନାରାଇଁ ପାଣ୍‌ଜି; ଏଞ୍ଜାରି ବିତ୍ରାଟି ଆତ୍ମା ଆତ୍ମାଆରାଇଁ ପାୟିନେରି ଇଜ୍ଞା ନିନ୍ଦା କିନେରି,

୫୦ ଇ ଜୁଗୁତି ଲକୁ ଦାର୍‌ତି ଗାଡ଼ି ଆଡ଼ି ନଚ୍‌କେଏଟିଏ ବାରେ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ପାୟିତାକି ତଣ୍ଡ ବେଟାଆନେରି,

୫୧ ଏନିକି ହେବଲଇଁ ପାୟିତି ଦିନାଟିଏ ଜିକରିୟ ପାତେକା ଆତ୍ମାଆରାଇଁ ମାହାପୁରୁ ଇଲୁତି ଡ଼ାକିନି ପିଣ୍ଡା ଅଡ଼େ ସୁଦ ବକ୍ତା ମାଦିଏ ପାୟିଡ଼ି ଆହାମାଚେ । ହାଅ, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି ।

୫୨ ଆୟଡ଼ା ତଣ୍ଡ ପାଣ୍‌ନି ମେରା ପୁନାତେରି ମୀରୁ, ଇଚ୍ଛା ଏଚ୍ଚେତା ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅଚେରି ସାମା ହଡ଼ାଲି ଅଣ୍‌ପି ମାନାରାଇଁ ଆଂଗିମାଞ୍ଜେରି ।

୫୩ ଜୀସୁ ଏ ଇଜ୍ଞା ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାରେକା ତାହାରା ଆହାନା ।

୫୪ ଏଞ୍ଜାଣି ଜଲିନି ହାଡ଼ାତା ଦହ୍‌ ଆସାଲି ଏଞ୍ଜାଣାଇଁ ହାରେକା କାତା ଖେଚେରି ।

**୧୨**

**କୁଚୁ ଗାଟାରି ତାଣାଟି ଜାଗ୍ରାତା**  
(ମାତି ୧୦:୨୬, ୨୭)

୧ \*ଏଚିବେଲାତା ମାଣା ମାଣା ଲକୁ ରୁଣ୍ଡା ଆହାନା ଖିସ୍‌ପି ଆହିମାଚେରି; ଏଚିବେଲା ଏଞ୍ଜାସି ନଚ୍‌କେଏ ତାନି ସୀସୁୟାଁଇଁ ଏଲେଇଚେସି, ପାରୁସିୟାଁ ଲାଗେଏତି କୁଚୁଗାଟି ତାଣାଟି ଜାଗ୍ରାତା ଆହାନା ମାଞ୍ଜୁ ।

\* ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭ \* ୧୨:୧ ମାତି ୧୭:୬; ମାର୍କ ୮:୧୫

୨ \*ସାମା ଏନାୟି ତଞ୍ଜା ଆଏ, ଇଲେକ୍ ପୁଠକି ଆହା ହିଲେଏ, ଅଡ଼େ ଏନାୟି ପୁନାଆରେରୁ ଇଲେକ୍ ତରୁମାନାୟି ଏନାୟି ହିଲେଏ ।

୩ ଇଚିହ୍ ମୀରୁ ଏନା ଏନାଆଁ ଆଦେରିତା ଖେସାମାଞ୍ଜେରି, ଏ ବାରେ ଉଜେଡ଼ିତା ଖେଶ୍ମିଆଡ଼େନ, ଏନା ଏନାଆଁ ପୁନାଆ ରେରୁ ଇଲୁ ବିତ୍ରା ତରୁମାନା ଖେସାମାଞ୍ଜେରି, ଏନାଆଁ ଇଲୁ ତୁଡ଼ିୟାତା ଖେପକି ଆଡ଼େନ ।

**ଆମ୍ବାଆରାଇଁ ଆଜିନାୟି**  
(ମାତି ୧୦:୨୮-୩୧)

୪ ଇଚିହ୍ ନା ତରେସିଙ୍ଗାତେରି ମୀରୁ, ନାନୁ ମିଙ୍ଗେ ଖେସିମାଞ୍ଜାଇଁ, “ଆମ୍ବାଆରି ଆଙ୍ଗାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ ।

୫ ସାମା ଆମ୍ବାଆରାଇଁ ଆଜିଦେରି ଏନାଆଁ ମିଙ୍ଗେ ଖେସ୍ତାଇଁ; ପାୟିତି ଜେଚ ହିରୁ ଗାଡ଼ୟୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାଇଁ ଆଜାଦୁ; ହାଅ ନାନୁ ନିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାଣାଇଁ ଆଜାଦୁ ।”

୬ ପାସାଗଟା ଜେତା ପଟାୟାଁ ରୀ କାନି ତାକି ପାର୍ପି ଆଡ଼ କି ? ଆଡ଼ିଜିକେଏ ଏଞ୍ଜାସିକା ବିତ୍ରାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି ।

୭ ସାମା ମୀ ତାୟୁଁ ତୁ ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ । ଆଜା ଆଦୁ; ଏନାଆଁତାକି ଇଚିହ୍ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଟାତେରି ।

**ଲକୁ ନକିତା ଜୀସୁଇଁ ଖେକ୍ନାୟି**  
(ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡ଼େ, ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଙ୍ଗେ ଖେକ୍ହାନେସି, ମାଣସି ମୀରୁଏସି ଜିକେଏ ମାହାପୁରୁତି ଦୁତୁୟାଁ ନକିତା ଖେକ୍ନେସି ।

୯ ସାମା ଆମ୍ବାଆସି ଲକୁ ନକିତା ନାଙ୍ଗେ ଖେକ୍ହଅସି, ଏଞ୍ଜାଣାଇଁ ଜିକେଏ ମାହାପୁରୁ ଦୁତୁୟାଁ ନକିତା ଖେକ୍ହଅସି ।

୧୦ \*ଇଞ୍ଜା ଆମ୍ବାଆସି ମାଣସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡାଙ୍ଗିନେ; ସାମା ଆମ୍ବାଆସି ସୁଦୁଜୀଞ୍ଜୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ପାପୁ ମେଣ୍ଡାଙ୍ଗିଏ ।

୧୧ \*ଏଚିବେଲ୍ଲା ଏଞ୍ଜାରି ମିଙ୍ଗେ ଜୀହୁଦି ଲକୁତି କୁଟମି ଇଲୁକାଣା\*, ସାଲଞ୍ଜି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପ୍ହାନେରି ଏଚିବେଲ୍ଲା ନା ଞ୍ଜାକିଟି ଆହାନା ଏନା ଏନାଆଁ ଜଲିନମି ଇଞ୍ଜା ଅଶ୍ପାଆଦୁ;

୧୨ ଇଚିହ୍ ଏନାଆଁ ଜଲିନାୟି ମାନେ, ଏଦାଣି ଏଚିବେଲ୍ଲାତେଏ ସୁଦୁଜୀଞ୍ଜୁ ମିଙ୍ଗେ ଜାପ୍ହାନେସି ।”

**ବୁଦି ହିଲିଆ ଦନ ଗାଟାସି**

୧୩ ଲକୁ ମାନ୍ଦା ବିତ୍ରାଟି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନୀହାୟି କିହାଲି ମାଦି କିହାନା ଆଟାମାଞ୍ଜାନେସି ?

୧୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, ଜାଗ୍ରାତା, ବାରେଞ୍ଜାକିତି ଜୁପକାଟି ମିଙ୍ଗେ ଗେଲ୍ପକିହା କତାଦୁ, ଇଚିହ୍ ର ମାଣସିତି ଜୀଞ୍ଜୁ ତାନି ଦନତି ବାସୁଁ କିନେ ।

୧୬ ଜୀସୁ ଏଞ୍ଜାରାଇଁ ଇ ପୁଶ୍ମିକିନି କାତା ଖେସ୍ତେସି, “ର ସାଞ୍ଜୁକାରିକି ବୁମିତା ଗାତି ତାସା କାମ୍ପିତେ ।

୧୭ ଏମ୍ବାଟିଏ ଏଞ୍ଜାସି ମନ ମନତା ଅଶ୍ପାପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆନାଁ କୁଡ଼ି କିହାନା ଇଗାଲି ଗାୟୁ ହିଲେଏ ।’

୧୮ ଅଡ଼େ ଏଲେଇଚେସି; ‘ନୀଏଁ ଇଲେ କିଇଁ ମାନି ଗାଡ଼େୟିକା ରିକ୍ହାନା କାଜାଆଁ କିହାନା ଏମ୍ବାଆଁ ଗହଁୟାଁ ଇଞ୍ଜା ଏନି ଏନି ଆନାଁ କୁଡ଼ି କିହାନା ଇଚିଇଁ,

୧୯ ଅଡ଼େ ନା ଜୀଞ୍ଜୁତି ଏଲେଇଇଁ, ଏ ଜୀଞ୍ଜୁ ହାରେକା ବାସାଁ ତାକି ନିଙ୍ଗେ ତାକି ଗାତି ଆନାଁ କୁଡ଼ି କିଞ୍ଜିଆହାମାନେ, ନୀଏଟି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମ୍ପୁ ।’

୨୦ ସାମା ମାହାପୁରୁ ଏଞ୍ଜାଣାଇଁ ଏଲେଇଚେସି, ଆଡ଼େ ବୁଦି ହିଲିଆଗାଟାଟି, ନୀଞ୍ଜୁ ଲାଆଁୟାଁ ନୀ ଜୀଞ୍ଜୁ ନୀ ତାଣାଟି ଅଞ୍ଜିଆଡ଼େନ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ ଆମ୍ବାଆରାଞ୍ଜାୟି ଆଡ଼େନ ।”

୨୧ ଜୀସୁ ଏଲେଇଚେସି, “ଆମ୍ବାଆସି ତାଙ୍ଗେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଞ୍ଜାସି ଇଞ୍ଜାଣି ଲେହେଁତାସି ।”

**ଅଶ୍ପାଆଦୁ**  
(ମାତି ୨:୨୫-୩୪)

୨୨ ଜୀସୁ ତାନି ସୀସୁୟାଣି ଏଲେଇଚେସି, ଇଦାଆଁତାକି ମିଙ୍ଗେ ଖେସିମାଞ୍ଜାଇଁ, ଏନାଆଁ ତିନାୟି, ଇଲେକ୍ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକ୍ ମୀ ଆଙ୍ଗା ତାକି ଜିକେଏ ମୀରୁ ଅଶ୍ପାଆଦୁ ।

୨୩ ଇଚିହ୍ ରାନ୍ଦା କିହାଁ ଜୀଞ୍ଜୁ କାଜାୟି ଅଡ଼େ ହିମ୍ପୁରିକା କିହାଁ ଆଙ୍ଗା କାଜାୟି ।

୨୪ ପଟାୟାଁଣି ସିନିକିଦୁ, ଏଞ୍ଜି ମାଟାଉ କି ଦାଡ଼, ଇଞ୍ଜା ଏଞ୍ଜାସିକା ଗାଡ଼େୟିକା ହିଲାଇ, ଅଡ଼େ ମାହାପୁରୁ ଏଞ୍ଜାସିକାକି ତିନି କାଦି ହୀନେସି; ମୀରୁ ପଟାୟାଁ କିହାଁ ଏଚେକା କାଜାତେରି !

୨୫ ଅଡ଼େ ମୀ ବିତ୍ରାଟି ଆମ୍ବାଆତେରି ଅଶ୍ପା ଅଶ୍ପାହ୍ ମୀ ଜୀଞ୍ଜୁତି ଆଗାଡ଼ା ପାଡ଼ିକିହାଲି ଆଡ଼ିଦେରି ?

୨୬ ମୀରୁ ର ଉଣା କାମାତି କିହାଲି ଆଡ଼ିହିଲଅତେରି, ଆଡ଼ିହ୍ ଏଟକାତି କାତା ଏନାଆଁତାକି ଗାତି ଅଶ୍ପାମାଞ୍ଜେରି ?

୨୭ ଜାଡ଼ାତି ପୂଙ୍ଗାଣି ସିନିକିହାଁ ଅଶ୍ପାପାଦୁ, ଏଞ୍ଜି ଏନି କାମା କିଡ଼; ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ, ସଲମନକି

\* ୧୨:୨ ମାର୍କ ୪:୨୨; ଲୁକ ୮:୧୭    \* ୧୨:୧୦ ମାତି ୧୨:୩୨; ମାର୍କ ୩:୨୯    \* ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫    \* ୧୨:୧୧ ସିନଗଗ

ବାରେ ଅକ୍ରିତାୟି ମାଟିହୁଁ ଜିକେଏ ଏଞ୍ଜାଣାକି ଇ ପୂଜା ଏଚେକା ଅକ୍ରିତି ହିମ୍ବୁରିକା ହିଲାଆତୁ ।

୨୮ ଆମିନି ଜାଡ଼ା ନୀଞ୍ଜୁ ମାନେ, ଓଏ ଖାୟା ହାନେ ଅଡ଼େ ହଲୁଡ଼ା ହୁଡ଼କିଆନେ, ମାହାପୁରୁ ଏ ଜାଡ଼ାତି ଇଲେତି ଖାଣା ହୀନେସି, ଏନାଆଁ ଏଞ୍ଜାସି ମିଙ୍ଗେ ହିମ୍ବୁରିକା ପରଓ କିୟଅସି ? ମୀ ନାମୁ ଏଚେକା ଉଣା !

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହୁଁ ରେଆଦୁ କି ଅଣ୍ପାଆଦୁ,

୩୦ ଇତିହୁଁ ଦାର୍ତତି ଜୀହୁଦିଆଆତାରି ଏ ବାରେ ପାରିହୁଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି ।

୩୧ ମୀରୁ ମାହାପୁରୁତି ରାଜି ପାରାଦୁ, ଆତିହୁଁ ଇ ବାରେ ମିଙ୍ଗେ ହୀପକିଆନେ ।

**ଲାକପୁରୁତି ଦନ**  
(ମାତି ୭:୧୯-୨୧)

୩୨ ଏ ଉଣା ମେଣ୍ଡା ମାନ୍ଦାତେରି ଆଜାଆଦୁ, ଇତିହୁଁ ମିଙ୍ଗେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ ।

୩୩ ମୀରୁ ମୀ ଦନତି ପାର୍ତନା ହିଲାଆ ଗାଟାରାକି ହୀଦୁ; ମୀରୁ ମିଙ୍ଗେତାକି ଇଲେତି ବଟ୍ଝା କେପାଦୁ; ଇତିହୁଁ ଏମ୍ବିୟା ସରୁ ଖାଅସି ଅଡ଼େ ଲୀମ୍ବୁତିନେଏ ଇଲେତି ଲାକପୁରୁ ଦନ କୃଡ଼ି କିଦୁ,

୩୪ ଇତିହୁଁ ଆମ୍ବିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ ।

**ଜାଗ୍ରାତା ହଲେଏସି**

୩୫ ☆“ମୀ ଟେତେଲି ଦସା କତାନା ମାଞ୍ଜୁ ଅଡ଼େ ମୀ ଦୀଞ୍ଜିୟାଁ ଡ଼ାଞ୍ଜିହୁଁ ମାଣ୍ଡୁ;

୩୬ ☆ଅଡ଼େ ପ୍ରବୁ ବାହା ଇଜ ହାଜାନା ଖେଣ୍ଡା ଖାନାତି ଏଞ୍ଜାଣାକି ଦାରା ଦେନମିଞ୍ଜା ଇଞ୍ଜୁଁ କାଟାମାନାରି, ମୀରୁ ଜିକେଏ ଏଞ୍ଜାରିଲେହେଁ କାଟାହାଁ ମାଞ୍ଜୁ ।

୩୭ ପ୍ରବୁ ଖାହାନା ଆମିନି ହଲିୟାଙ୍ଗାଣି ଜାଗ୍ରାତା ମାନାଣି ମେହ୍ନେସି, ଏଞ୍ଜାରି ନେହେଁ; ନାନୁ ମିଙ୍ଗେ ସାତା ଖେସିମାଞ୍ଜାକି, ଏଞ୍ଜାସି ତାନି ଟେତେଲି ରୂପାନା ଏଞ୍ଜାରାକି ତିଞ୍ଜାଲି କୁରି କିହାଁ ତାଗେ ହାଜାନା ସେବା କିନେସି ।

୩୮ ଅଡ଼େ ଏଞ୍ଜାସି ମାଦି ଲାଆଁୟାଁ କି ଖେୟା ନେକେରିତା ଜିକେଏ ଖାହାନା ଏଞ୍ଜାରାକି ଏଲେକଁ କାଟାମାନାଣି ମେହ୍ନେସି ଏ ହଲିୟାଙ୍ଗା ନେହେଁ ।

୩୯ ☆ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଖାନେସି, ଇଦାଆଁ ଇଲୁଗାଟାସି ପୁଟିହୁଁ ଏଞ୍ଜାସି ତାନି କୁଡ଼ୁ ତୁଡ଼ହାଲି ହୀଆତେସିମା ।

୪୦ ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ, ଇତିହୁଁ ମୀରୁ ଆମିନି ବେଲାତା ଅଣ୍ପା ହିଲଅତେରି, ଏତିବେଲାତା ମାଣ୍ଡସି ମୀରୁଏସି ଖାନେସି ।”

**ଟିକାଣା ହିଲାଆଗାଟି ହଲେଏସି**  
(ମାତି ୨୪:୪୫-୫୧)

୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀନୁ ପୁଣ୍ଡିକିନି କାତା ମାଙ୍ଗେ କି ବାରେତାକି ଖେସିମାଞ୍ଜି ?”

୪୨ ପ୍ରବୁ ଏଲେଇଚେସି, “ସାଞ୍ଜୁକାରି ତାନି ଇଲୁଡ଼ି ଲକୁଡାକି ତାନି ରାନ୍ଦା କାଟୁତା ରାନ୍ଦା ହୀହାଲି ତାନି ଗୁମୁସ୍ତା ପାଣା ହେରପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହଲେଏସି ଆମ୍ବାଆସି ?”

୪୩ ପ୍ରବୁ ଖାହାନା ତାନି ଆମିନି ହଲେଏଶାକି ଏଲେ କିହିମାନାଣି ମେହ୍ନେସି ଏଞ୍ଜାସି ନେହେଁ ।

୪୪ ନାନୁ ମିଙ୍ଗେ ସାତା ଖେସିମାଞ୍ଜାକି, ଏଞ୍ଜାସି ଏଞ୍ଜାଣାକି ତାନି ବାରେ ଦନତି ମୁହେଁ ଗୁମୁସ୍ତା କିହା ଇଟିନେସି ।

୪୫ ସାମା ଏ ହଲେଏସି ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜୁଁ ମନତା ଅଣ୍ପାନା ହଲିୟାଙ୍ଗା ହଲେଣିସିକାଣି ଖେଚାଲି ଇଞ୍ଜା ତିଞ୍ଜି ଉଣ୍ଡିହୁଁ କାଡ଼ ହୁଡ଼ାଲି ମାଟ୍ନେସି,

୪୬ ଆତିହୁଁ ଏମିନି ଦିନା ହଲେଏସି କାଟାହିଲଅସି ଇଞ୍ଜା ଏମିନି ବେଲା ଏଞ୍ଜାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନେସି, ଇଞ୍ଜା ଏଞ୍ଜାସି ଏଞ୍ଜାଣାକି ରୀ ବାଟା କିହାନା ନାମୁ ହିଲାଆଗାଟାରି ତଲେ ଏଞ୍ଜାଣାକି କାଲ୍ନେସି ।

୪୭ ଅଡ଼େ ଆମିନି ହଲେଏସି ତାନି ସାଞ୍ଜୁକାରିତି ମନ ଅଣ୍ପାନା ଜାଗ୍ରାତା ଆଅସି କି ଏଞ୍ଜାଣି ମନତଲେ କାମା କିଅସି, ଏଞ୍ଜାସି ଗାଡ଼ି ମାଡ଼ା ବେଟା ଆନେସି;

୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡି କାମା କିନେସି, ଏଞ୍ଜାସି ଉଣା ମାଡ଼ା ବେଟା ଆନେସି । ଆମ୍ବାଆରାକି ଗାଡ଼ି ହୀପକି ଆହାମାନେ, ଏଞ୍ଜାଣି ତାଣାଟି ହାରେକା ରାହନାୟି ମାନେ; ଇଞ୍ଜା ଲକୁ ଆମ୍ବାଆରାକି ଗାଡ଼ି ହୀହାମାନେରି ଏଞ୍ଜାଣି ତାଣାଟି ହାରେକା ଆଗାଡ଼ା ରାହନେରି ।

**ଜୀମୁ ଲକୁଣି ବାଟା କିଞ୍ଜିକନାୟି**  
(ମାତି ୧୦:୩୪-୩୬)

୪୯ “ନାନୁ ଇ ଦାର୍ତତିତା ହିଡ଼ୁ ପ୍ରଡ଼ହାଲି ଖାହାମାକି, ଇଦି ନୀଏଁ ଗୁଦୁ ଗୁଦୁ ଆହିମାନେ ଆତିହୁଁ ନାଙ୍ଗେ ଏନି ଅଣ୍ପୁ ?

୫୦ ☆ସାମା ନାନୁ ର ବାପ୍ତିସ୍ମାଁ ପାଣ୍ଡନାୟି ମାନେ, ଅଡ଼େ ଏଦି ରାଆ ପାତେକା ନାଙ୍ଗେ ଏଚେକା କସ୍ତ ହଡ଼ି ମାଞ୍ଜାନେ ।

୫୧ ନାନୁ ଦାର୍ତତିତା ହିଡ଼ୁ ହୀହାଲି ଖାହାମାକି ଇଞ୍ଜୁଁ ମୀରୁ ଅଣ୍ପିମାଞ୍ଜେରି ? ନାନୁ ମିଙ୍ଗେ ଖେସିମାଞ୍ଜାକି, ଆଏ, ବାଟା କିହାଲି ଖାହାମାକି ।

୫୨ ଇତିହୁଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟକା ଆନେରି ।

୫୩ ମୀରୁଏଶା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଟକା ଆନୁ ।”

☆ ୧୨:୩୫ ମାତି ୨୫:୧-୧୩ ☆ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ମାତି ୨୪:୪୩,୪୪ ☆ ୧୨:୫୦ ମାର୍କ ୧୦:୩୮ † ୧୨:୫୦ ମୁଞ୍ଜିନାୟି

**କାଳାତି ପୁନାୟି**  
(ମାତି ୧୭:୨,୩)

୫୪ ଇଞ୍ଜା ଏଝାସି ଲକ୍ଷ୍ମି ଜିକେଏ ଏଲେଇଚେସି, “ଝେଡ଼ା କୁଡ଼ନିଝାକି ହାଗୁ ନିଜି ମାନାଣି ମେସିସାରେ ଦେବୁଣିଏ ଏଲେଇଞ୍ଜେରି ପିୟୁ ଝାନ୍ନେ, ଅଡ଼େ ଏଲେକିହିଁଏ ଆନ୍ନେ;

୫୫ ଅଡ଼େ ଚିଝନି ଝାକିଟି ଗାଲି ଝେନାଣି ମେସିସାରେ ମୀରୁ ଏଲେଇଞ୍ଜେରି, ଗାତି କାରା ଆନ୍ନେ, ଅଡ଼େ ଏଲେଏ ଆନ୍ନେ ।

୫୬ ଆଡ଼େ କୁଟୁ ଗାଟାତେରି, ମୀରୁ ଦାରତି ଅଡ଼େ ହାଗୁତି ସିନାୟା ପୁଞ୍ଜିମାଞ୍ଜେରି, ସାମା ଇ କାଳାତି ସିନାୟା ଏନିଲେହେଁତାଇ ପୁଞ୍ଜି ହିଲଅତେରି ?”

**ଗଡ଼ହା ଆଡ଼ାଣି ତଲେ ଆଣ୍ଟିନାୟି**  
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜିଁ ମୀରୁ ଏନାଆଁତାକି ମୀ ବିତ୍ତା ନୀହାୟି କିହିହିଲଅତେରି ?

୫୮ ଇତିହିଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍‌ଝିଆନି ଉପେୟି ଅଣ୍ଟାପାମୁ, ଏଲାଆଆଡ଼ିହିଁ ଏଝାସି ନିଜେ ଅଡ଼େ ଝେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସକା କେୟୁତା ହେର୍ପାନେସି, ଅଡ଼େ କସକା ନିଜେ କାୟିଦି ଇଲୁତା ଇଟାନେରି ।

୫୯ ନାନୁ ମିଜେ ଝେସିମାଞ୍ଜାଇଁ, “ମୀରୁ ର କାନି ଜିକେଏ ପିହିଆନାହା ହାଡ଼ିହିଁ ଦେଁ ଏମ୍ବାଟି ହଡ଼ା ଝାହାଲି ଆଡ଼ିଦେରି ।”

**୧୩**

**ମନ ଝେଟ୍‌ଆଡ଼ିହିଁ ନାସା ଆନାୟି**

୧ ଏତିବେଲାତା ଏଚେକା ଲକ୍ଷ୍ମି ଝାହାନା, ପିଲାତ ଏମିନି ଗାଲିଲି ଲକ୍ଷ୍ମି ନେତେରି ଏଝାରି ପୂଜା ତଲେ ଆଟ୍‌ହାମାଚେସି, ଏ କାତା ଜୀସୁଇଁ ଝେସ୍ତେରି ।

୨ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଏ ଗାଲିଲିତାରି ତଣ୍ଡ ବେଟାଆହାଲିଏ ଏଝାରି ଅର ଗାଲିଲିତାରି କିହାଁ ହାରେକା ପାପୁ ଗାଟାରି ଇଞ୍ଜିଁ ମୀରୁ ଅଣ୍ଟାପିମାଞ୍ଜେରି ?

୩ ନାନୁ ମିଜେ ଝେସିମାଞ୍ଜାଇଁ, ଏଲେକିଁ ଆଏ, ସାମା ମୀରୁ ମନ ଝେଟ୍‌ଆଡ଼ିହିଁ ବାରେଜାଣା ତେରି ଏଝାରିଲେହେଁ ହାଡ଼େରି ।

୪ ସିଲହତା ଆମିନି ଅଟର ଜାଣାତି ଲାକ ପାଡ଼ାଆଡ଼ି କଟା ଇଲୁ ରିହାନା ହାଡ଼େରି, ଏଝାରି ବାରେଜାଣା ଜିରୁସାଲମତି ଲକ୍ଷ୍ମି କିହାଁ ହାରେକା ପାପୁ ଗାଟାରି ଇଞ୍ଜିଁ ମୀରୁ ଅଣ୍ଟାପିମାଞ୍ଜେରି ?

୫ ନାନୁ ମିଜେ ଝେସିମାଞ୍ଜାଇଁ, ଏଲେକିଁ ଆଏ, ମୀରୁ ମନ ଝେଟ୍‌ଆଡ଼ିହିଁ ବାରେଜାଣା ତେରି ଏଲେକିହିଁଏ ନାସା ଆଡ଼େରି ।”

**ପାଡ଼େୟି ଆୟାଆଗାଟି ତୟା ମାରୁନୁ**

\* ୧୩:୧୦ ସିନଗର † ୧୩:୧୪ ସିନଗର

୬ ଜୀସୁ ଇ ପୁଣ୍ଡିକିନି କାତା ଝେସ୍ତେସି, ରଅଣି ଅଜୁରି ବାଡ଼ାତା ର ତୟା ମାରୁନୁ ଉହି ଆହାମାଚେ । ଏଝାସି ଝାହାନା ପାଡ଼େୟି ପାରୀତେସି ସାମା ମେଡ଼ାଆଆଡ଼େସି ।

୭ ଇଞ୍ଜା ଏଝାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାର୍ସା ଆଡ଼େୟିଏ ଇ ତୟା ମାରୁନୁତା ଝାହାନା ପାଡ଼େୟି ପାରିମାଇଁ, ସାମା ମେଡ଼ା ଆହି ହିଲଅଁ; ଏଦାଣି ଚୁଣ୍ଡା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?”

୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍‌ମ୍ବେ, ନାନୁ ଇଦାଣି ସାରିସୁଟୁ କାରହାନା ଗାତା ହାଇଁ,

୯ ଅଡ଼େ ତାୟୁ ପାଡ଼େୟି ଆୟିତିହିଁ ନେହେଁ ଆୟାଆଡ଼ିହିଁ ଏଦାଣି ଚୁଣ୍ଡା ତୁହ୍‌ମୁ ।”

**ଜୀସୁ ଜମିନି ଦିନା ର ଚୁଡ଼ୁଝା ଇୟାନି ନେହିଁ କିନାୟି**

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକ୍ଷ୍ମି କୁଟମି ଇଲୁତା\* ଜାପ୍‌ହି ମାଚେସି ।

୧୧ ଏମ୍ବାଆଁ ର ଇୟା ମାଚେ, ଏଦି ଅଟର ବାର୍ସା ପାଡେକା ପଲ୍‌ଆ ବୁଡୁ ତଲେ କସ୍ତୁ ଆହିମାଚେ, ଏଦି ଚୁଡ଼ୁଝା ଆହାନା ସଲ୍‌କେ ଆହିଁ ତାକାଲି ଆଡ଼ିହିଲାଆଡେ ।

୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନୀନୁ ନୀ ଆଡ଼ାଆ କସ୍ତୁଟି ନେହିଁ ଆଡ଼ି ।”

୧୩ ଅଡ଼େ ଏଝାସି ଏଦାନିଲେକ କେୟୁ ଇଚିତେସି, ଏମ୍ବାଟିଏ ଏଦି ଏ ଦେବୁଣିଏ ସଲ୍‌କେ ଆହାନା ମାହାପୁରୁତି ଜହରା କିତେ ।

୧୪ ସାମା ଜୀସୁ ଜମିନି ଦିନାତା ନେହିଁ କିହିମାଚାକି ଜୀହୁଦି ଲକ୍ଷ୍ମି କୁଟମି ଇଲୁତି† କାଜାସି କାରୁବି ଆହାନା ଲକ୍ଷ୍ମି ଏଲେଇଚେସି, “କାମା କିହାଲି ସ ଦିନା ମିଜେ ମାନେ; ଏଦାଣିତାକି ସ ଦିନା ନେହିଁ ଆହାଲି ଝାପୁ, ଜମିନି ଦିନାତା ଝାଆଡୁ ।”

୧୫ ସାମା ପ୍ରବୁ ଏଝାଣାଇଁ ଏଲେଇଚେସି, “ଆଡ଼େ କୁଟୁ ଗାଟାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେତି ହାଃଅଲାଟି ଅହାନା ଏୟୁ ଉର୍‌ହି ହିଲଅତେରି କି ?

୧୬ ଅଟର ବାର୍ସା ପାଡେକା ସୟତାନ ତାଣାଟି ଦସ୍‌ପି ଆହାମାନି ଅଗ୍ରାହାମ କୁଡ଼ାତି ଇ ଇୟାନି ଜମିନି ଦିନାତା ନେହିଁ କିନାୟି ହିଲାଆଡେ କି ?”

୧୭ ଏଝାସି ଇ ବାରେ କାତା ଝେସାଲିଏ, ତାନି ସାଡୁୟାଁ ବାରେ ଲାଜା ବେଟାଆଡ଼େରି, ସାମା ଜୀସୁ କିହାମାନି କାମା ମେସାନା ଲକ୍ଷ୍ମି ରାହାଁ ଆଡ଼େରି ।

**ହାସୁ ପାଡ଼େୟି**

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜୀସୁ ଏଲେଇଚେସି, “ମାହାପୁରୁ ରାଡ଼ି ଏନିଲେହେଁତାୟି ? ଆମ୍ବାରିତଲେ ଏଦାନି ତୁକଇଁ ?

୧୯ ଏହି ଇଲେତି ର ହାର୍ସ ପାଡ଼େଇ ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏହି ପାଡ଼ାଆହାନା ର ମାରୁନୁ ଆଡ଼େ, ଅଡ଼େ ହାଗୁ ଲାକ ଉମ୍ବିନି ପଟାୟାଁ ଖାହାନା ଏ କମାତା ବାସା କିତୁ ।”

**ପୁଲାଏୟୁ**  
(ମାତି ୧୩:୩୩)

୨୦ ଜୀସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକଇଁ ?”

୨୧ ଏହି ପୁଲା ଏୟୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲହା ଇଚିତେ, ତାୟୁ ବାରେ ଗୁଣ୍ଡା ପୁଲା ଆଡ଼େ ।”

**ଜାକ୍ଣି ଦୁଖେରି**  
(ମାତି ୭:୧୩, ୧୪, ୨୧-୨୩)

୨୨ ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହଁ ଜାପୁହିହଁ ଜିରୁସାଲମ ଖାକି ହାଜିମାଚେସି ।

୨୩ ରଅସି ଏଞ୍ଜାଣାଇଁ ଖେଚେସି, “ପ୍ରବୁ ଗେଲ୍ପି ଆନାରି ଖାରଇ ଇଚରା ଜାଣାକି ?”

ଜୀସୁ ଏଞ୍ଜାରାଇଁ ଏଲେଇଚେସି,

୨୪ “ଜୀସୁ ତୁସାନା ଜାକ୍ଣି ଦୁଖେରିଟି ହାକୁ; ଇଚିହଁ ନାନୁ ମିଜେ ଖେସିମାଞ୍ଜାଇଁ, ହାରେକା ହଡ଼ାଲି ଅଣ୍ପିନେରି, ସାମା ହଡ଼ାଲି ଆଡ଼ଅରି ।

୨୫ ଇଲୁଗାଟାସି ନିଜ୍ଜାନା ଦାରା ସୁଣ୍ଡିତି ତାୟୁ ଏଚେତା ମୀରୁ ପାଙ୍ଗାତା ନିରାନା ଦାରା ତୀ ତୀ ଖେଚିହଁ ଏ ପ୍ରବୁ ମାଙ୍ଗେତାକି ଦାରା ଦେତାମୁଁ ଇଞ୍ଜିଁ ହାଚିଦେରି, ଏଚେତା ଏଞ୍ଜାସି ମିଜେ ଏଲେଇଞ୍ଜାନେସି, ‘ମୀରୁ ଏମ୍ବିତାତେରି ନାନୁ ପୁଞ୍ଜାମାଞ୍ଜଅଁ ।’

୨୬ ଏଚିବେଲା ମୀରୁ ଏଲେଇଞ୍ଜେରି, ଏ ପ୍ରବୁ ମାମୁ ନୀ ତଲେ ତିଚା ଉଚାତମି, ଅଡ଼େ ନୀନୁ ମା ଆଂଗେଣିକାଣା ଜାପୁହିମାଞ୍ଜାତି ।”

୨୭ ଅଡ଼େ ଏଞ୍ଜାସି ମିଜେ ଏଲେଇଞ୍ଜାନେସି, ‘ମୀରୁ ଆମିନି ଟାୟୁତି ଲକୁଚେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାତେରି ନା ତାଣାଟି ହେକ ଆଦୁ ।’

୨୮ ☆ଏଚିବେଲା ମୀରୁ ଅଭାହାମ, ଇସାହାକ, ଜାକୁବ ଇଞ୍ଜା ବାରେ ମାହାପୁରୁ ଅଣ୍ପୁତି ବଲୁ ଖେହ୍ନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଜେ ପାଙ୍ଗାତା କୁତା ମାଞ୍ଜାନାଣି ଅଣ୍ପାନା ପାଲକା ଟୀଟି କିହଁ ତୀଦେରି ।

୨୯ ଅଡ଼େ ହାରେକା ଲକୁ ଖେଡ଼ା ହପୁ ଖାକିଟି ଅଡ଼େ ଖେଡ଼ା କୁଡ଼ନି ଖାକିଟି, ଟିଠନି ଖାକିଟି ଚେବୁଁ ଖାକିଟି ଖାହାନା ମାହାପୁରୁତି ରାଜିତି ବଜିତା କୁରିନେରି ।

୩୦ ☆ଅଡ଼େ ମେହ୍ନୁ ତାୟୁତା ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାୟୁତା ଆନେରି ।”

**ଜୀସୁ ଜିରୁସାଲମତି ଜୀସୁନନାୟି**  
(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଖାହାନା ଜୀସୁଇଁ ଖେସ୍ତେରି, “ନୀନୁ ଇ ଟାୟୁ ପିସାନା ହାଜାତୁହ୍ନୁ ଏନାଆଁତାକି ଇଚିହଁ ହେରଦ ନିଜେ ପାୟାଲି ଅଣ୍ପିମାନେସି ।”

୩୨ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ହାଜାନା ଏ ନାକାଇଁ ଖେହ୍ନୁ, ‘ମେହ୍ନୁ ନାନୁ ନୀଞ୍ଜୁ ଅଡ଼େ ଖିଏ ବୁଡୁୟାଁ ପିସପି କିହିମାଇଁ ଅଡ଼େ ନେହଁ କିହିମାଇଁ ଇଞ୍ଜା ତାନି ଦିନାଟିଏ ନା କାମା ରାପଇଁ ।’

୩୩ ଏନିଜିକେଏ ନୀଞ୍ଜୁ ଖିଏ ଅଡ଼େ ମାଏଁ ନାଜେ ତାକିହଁ ହାଜାଲି ଆନେ, ଇଚିହଁ ମାହାପୁରୁ ଅଣ୍ପୁତି ବଲୁ ଖେହ୍ନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହେ ଆଏ ।”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍ପୁତି ବଲୁ ଖେହ୍ନାରାଇଁ ପାୟିନାତି ଅଡ଼େ ନୀ ତାଣା ପାଣ୍ଡୁଖି ଆହାମାନାରାଇଁ ଖାଲକାତଲେ ଖେନାତି, ତାଲି କୟୁ ଏନିକଁ ତାନି ହାପାୟାଣି ତାନି ମାରାୟାଁ ତୁଇ ଜଜିନେ, ଏଲେକଁ ଏଚର ଦେବା ନୀ ପଦି ପଦାତି ପୁକ୍ହାନା ଇଚିଇଁ ଇଞ୍ଜିଁ ଅଣ୍ପିମାଚେଏଁ ସାମା ମୀରୁ ଏଲେକିହାଲି ହିୟାଆତେରି ।

୩୫ ମେହ୍ନୁ ମୀ ଇଲୁ ମୀ କେୟୁତା ହାପକି ଆହିମାଞ୍ଜାନେ; ଅଡ଼େ ନାନୁ ମିଜେ ଏଲେଇଞ୍ଜିମାଞ୍ଜାଇଁ ମାହାପୁରୁ ଦରୁଟି ଆମ୍ବାଆସି ଖାହିମାନେସି ଏଞ୍ଜାସି ନେହାସି ଇଞ୍ଜିଁ ଏମିନି ନେରୁ ଇ କାତା ଏଲେଇଞ୍ଜେରି ଏ ଦିନା ଖାଆ ପାତେକା ମୀରୁ ଅଡ଼େ ନାଜେ ମେସୁଅତେରି ।”

**୧୪**

**ଜୀସୁ ରଚ ଗାଟାଣାଇଁ ନେହଁ କିନାୟି**

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିତ୍ରାଟି ର କାଜାଣି ଇଜ ହଡ଼ାଲିଏ ଏଞ୍ଜାରି ଏଞ୍ଜାଣାଇଁ ଦହ ଦସାଲି ପରୁହି ମାଚେରି ।

୨ ଅଡ଼େ ମେହ୍ନୁ ଏଞ୍ଜାଣି ନକିତା କେସ୍ତା କତାୟାଁ ପଂଗିତାସି ରଅସି ମାଚେସି ।

୩ ଏମ୍ବାଟିଏ ଜୀସୁ ମସାତି ମେରାପୁନାରି ଅଡ଼େ ପାରୁସିୟାଁଇଁ ଏଲେଇଚେସି, “ଜମିନି ଦିନାତା ରଅଣାଇଁ ନେହଁ କିନି ମେରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଆଡ଼େରି । ଇଞ୍ଜା ଜୀସୁ ଏଞ୍ଜାଣାଇଁ ତୀଗାହାଁ ନେହଁ କିହାନା ମୀ ଇଜ ହାଲାମୁ ଇଞ୍ଜିଁ ହେଲ ହାତେସି ।

୫ ☆ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିଡିହଁ ଏ ଦେରୁଣିଏ ଡେଞ୍ଜା କଡ଼ଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲାଇଁ ଆଡ଼ାଆତେରି ।

**ସେବା କିନାୟି ଅଡ଼େ ତାମ୍ବଜେ ଉଣା କିହା କଡ଼ିନାୟି**

☆ **୧୩:୨୮** ମାତି ୨୨:୧୩; ୨୫:୩୦ ☆ **୧୩:୨୮** ମାତି ୮:୧୧,୧୨ ☆ **୧୩:୩୦** ମାତି ୧୯:୩୦; ୨୦:୧୭; ମାର୍କ ୧୦:୩୧ ☆ **୧୪:୫** ମାତି ୧୨:୧୧

୭ ବଢ଼ିତା ହାଟୁକି ଆହାମାଚାରି ନେହୁଁ ନେହୁଁ ଟାମୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍ଡିକିନି କାତା ଖେସ୍ତେସି,

୮ “ଏଚିବେଲ୍ଲା ରଅସି ମିଙ୍ଗେ ବାହା ବଢ଼ିତା ହାଟାନ୍ଦେସି, ଏମ୍ବାଆଁ ନେହୁଁ ଟାମୁତା କୁଗାଆଦୁ, ଇଚିହୁଁ ଏମ୍ବାଆଁ ନୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି,

୯ ଏଚେତା ନିଙ୍ଗେ ଅଡ଼େ ଏଞ୍ଜାଣାଇଁ ହାଟା ମାନାସି, ଏଞ୍ଜାସି ଖାହାନା ଇଞ୍ଜାଣାଇଁ ଇ ଟାମୁ ପିସାହାମୁ ଇଞ୍ଜାନ୍ଦେସି, ଏଚେତା ନୀନୁ ଲାଜାତଲେ ଉଣା ଟାମୁତା କୁଗିଦି ।

୧୦ ସାମା ଏଚିବେଲ୍ଲା ନୀନୁ ହାଟୁକି ଆହାମାନି ତାଣା ହାଜାନା ଡ଼ଇତି ଟାମୁତା କୁଗାମୁ, ଏଚେଟିଏ ନିଙ୍ଗେ ହାଟି କିହାମାଞ୍ଜାନାସି, ଏ ତଣେ ନୀନୁ ଇ ନେହୁଁ ଟାମୁତା କୁଗାମୁ ଇଞ୍ଜୁଁ ହାଟାସାରେ ଏଚିବେଲ୍ଲା କୃଡ଼ା ଆହାମାନି ଲକୁ ନକିତା ଗାଡ଼ି ମାନି ବେଟାଆଦି ।

୧୧ \*ଇଚିହୁଁ ଆମ୍ବାଆସି ନାନୁ କାଜାତେଏଁ ଇଞ୍ଜୁଁ ଇଞ୍ଜା କଡ଼ିନାଣାଇଁ ଉଣା କିଞ୍ଚିଆନ୍ଦେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡ଼ିନେସି ଏଞ୍ଜାଣାଇଁ କାଜାସି କିଞ୍ଚିଆନ୍ଦେ ।”

୧୨ ଇଞ୍ଜା ଜୀସୁ ତାଙ୍ଗେ ହାଟି କିହା ମାଚାଣାଇଁ ଜିକେଏ ଏଲେଇଚେସି, “ନୀନୁ ବଢ଼ି ହୀନାଟି ନୀ ତଣେସିଙ୍ଗାଣି, ତାୟିୟାଁ, ସାମ୍ବୟିୟାଁ କି ନୀ ନାୟୁତା ମାନି ଦନ ଗାଟାଚାଇଁ ହାଟାଆନି, ଇଚିହୁଁ ଏଞ୍ଜାରି ଜିକେଏ ନିଙ୍ଗେ ହାଟାଲି ଆଡ଼ାନେରି ଅଡ଼େ ନୀନୁ ଖେଣ୍ଡେ ବେଟାଆଦି ।

୧୩ ସାମା ବଢ଼ି କିତିସାରେ ହିଲ୍ଲାଆ ଗାଟାରି, କଲାୟାଁ, ସଟାୟାଁ, କାଣାୟାଁଣି ହାଟାମୁ; ଆଡ଼ିହୁଁ ନୀନୁ ନେହାଡ଼ି ଆଦି,

୧୪ ଆଡ଼ିହୁଁ ନିଙ୍ଗେତାକି ନେହେଁ, ଇଚିହୁଁ ନିଙ୍ଗେ ଖେଣ୍ଡେ ହୀହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜା ତାରିଗାଟାରି ଖେଣ୍ଡେ ନିଙ୍ଗିନାଟି ମାହାପୁରୁ ନିଙ୍ଗେ ଖେଣ୍ଡେ ହିୟାନେସି ।”

**କାଜା ବଢ଼ିତି ପୁଣ୍ଡିକିନାୟି (ମାତି ୨୨:୧-୧୦)**

୧୫ ଇ କାତା ଖେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଅସି ଜୀସୁଇଁ ଏଲେଇଚେସି, “ଆମିନିଗାଟାସି ମାହାପୁରୁ ରାଡ଼ିତା ବଢ଼ି ତିନାସି ଏଞ୍ଜାସି ନେହାସି ।”

୧୬ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ରଅସି ର କାଜା ବଢ଼ି ଲକୁକି ହୀଇଁ ଇଞ୍ଜୁଁ ଅଣ୍ଡାପାନା ହାଟେରକା ଲକୁଇଁ ହାଟିଚେସି;

୧୭ ଅଡ଼େ ତିନି କାରୁ ଆୟାଲିଏ, ଏଞ୍ଜାସି ହାଟାମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଡ଼େୟିଏ ନୀଏଟି ମୀରୁ ତିଞ୍ଜାଲି ଖାଦୁ ।’

୧୮ ସାମା ବାରେଜାଣା ଏଞ୍ଜାଣାଇଁ ରଣ୍ଡିଏ କାତା ଏଲେଇଚେରି, ରଅସି ଖେସ୍ତେସି, ‘ନାନୁ ଇଚାଣି ବୁମି କଡ଼ାମାଇଁ ଏଡ଼ାଆଁ ସିନିକହାଲି ହାନାୟିମାନେ;

ଏଡ଼ାଆଁତାକି ନାଙ୍ଗେ କାର୍ମା ଅଣ୍ଡାପାନୁ ନାନୁ ଖାହାଲି ଆଡ଼ଅଁ ।’

୧୯ ଅଡ଼େ ରଅସି ଏଲେଇଚେସି, ‘ନାନୁ ପାସା ହେରୁ କଡ଼ିୟାଁ କଡ଼ାମାଇଁ, ନାନୁ ଏଞ୍ଜାସିକାଣି ମାଡ଼ନାୟି ମାନେ ଏଡ଼ାଣିତାକି ନାଙ୍ଗେ କାର୍ମା ଅଣ୍ଡାପାନୁ ନାନୁ ଖାହାଲି ଆଡ଼ଅଁ ।’

୨୦ ଅଡ଼େ ରଅସି ଏଲେଇଚେସି, ‘ନାନୁ ନୀଞ୍ଜୁ ବାହା ଆହାମାଇଁ ଏଡ଼ାଆଁତାକି ନାନୁ ଖାହାଲି ଆଡ଼ଅଁ ।’

୨୧ ଇଞ୍ଜା ଏ ହଲେଏସି ଖାହାନା ବାରେ ତାନି ସାଞ୍ଜୁକାରିଇଁ ଖେସ୍ତେସି । ଏଚେଟିଏ ଏ କାତା ଖେଞ୍ଜାନା ଏଞ୍ଜାସି କାରୁବି ଆହାନା ତାନି ହଲେଏଣାଇଁ ଏଲେଇଚେସି, ନୀନୁ ତବେ ଗାଡ଼ାଡ଼ି ସାହୁଡ଼ାୟାଁ ଅଡ଼େ ତାଣ୍ଡେଣାଁ ହାଜାନା ହିଲ୍ଲାଆଗାଟାଚାଇଁ, କଲାୟାଁ, ସଟାୟାଁଇଁ ଇଞ୍ଜା କାଣାୟାଁଇଁ ଇମ୍ବାଆଁ ହାଟାତାମୁ ।

୨୨ ତାମୁ ଏ ହଲେଏସି ଏଲେଇଚେସି, ‘ଏ ପ୍ରବୁ ନୀ କାତାତଲେ ବାରେ କିଡ଼ମି ସାମା ଇଲୁ ନେଞ୍ଜା ହିଲେଏ ।’

୨୩ ଏମ୍ବାଟିଏ ସାଞ୍ଜୁକାରି ହଲେଏଣାଇଁ ଟାଣ୍ଡିଚେସି, ‘କାଜା ଆଂଗେଣି ଅଡ଼େ ମାରୁନୁ ଡ଼ଇ ହାଜାନା ନା ଇଲୁ ଏନିକିଁ ନେଞ୍ଜିନେ ଏଡ଼ାଆଁତାକି ଲକୁଣି ଖାହାଲି ଏଲେଇନାମୁ ।

୨୪ ନାନୁ ଖେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଅସି ଜିକେଏ ନା ବଢ଼ି ଖାଣ୍ଡାଲି ବେଟାଆସି ।”

**ଏନିଲେହେଁତାସି ଜୀସୁତି ସୀସୁ ଆନ୍ଦେସି (ମାତି ୧୦:୩୭,୩୮)**

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଞ୍ଜାସି ତାମୁଞ୍ଜାକି ସିନିକହାନା ଏଞ୍ଜାଚାଇଁ ଏଲେଇଚେସି,

୨୬ \*ଆମ୍ବାଆସି ନା ତାଣା ଖାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସକା, ତାୟି ତାଞ୍ଜିସ୍ତାଣି ଅଡ଼େ ତାନି ଜୀସୁତି ଜିକେଏ ଅପଅସି ଏଞ୍ଜାସି ନା ସୀସୁ ଆୟାଲି ଆଡ଼ଅସି ।

୨୭ \*ଆମ୍ବାଆସି ତାନି କୁସ ଡ଼େକାନା ନା ଢେଚ ଢେଚ ଖାଅସି, ଏଞ୍ଜାସି ନା ସୀସୁ ଆୟାଲି ଆଡ଼ଅସି ।

୨୮ ମୀ ବିତ୍ରାଟି ଆମ୍ବାଆସି ପାଡ଼ିକିହୁଁ କଟା ଇଲୁ ଦସାଲି ଅଣ୍ଡାପିନେସି, ଦହନି କାମା ରାପୁହାଲି ଟାକାୟାଁ ଏନୁ କି ଏଡ଼ ଇଞ୍ଜିହୁଁ ଏମ୍ବାତି ଲେକା କିଅସିକି ?

୨୯ ଏଚେତା ଏଞ୍ଜାସି ପୁନାଦି ନିପୁହାନା ରାପୁହାଲି ଆଡ଼ାଆସାରେ, ଏଚେକା ଲକୁ ଏଡ଼ାଆଁ ମେହ୍ନେରି, ବାରେଜାଣା ଏଞ୍ଜାଣାଇଁ କାକ୍ନେରି,

୩୦ ଲକୁ ଏଞ୍ଜାଣାଇଁ ଲାଜାକିହୁଁ ଏଲେଇନେରି, ଇଞ୍ଜାସି ଇଲୁ ଦସାଲି ମାଟୁହେସି ରାପୁହାଲି ଆଡ଼ାଆତେସି ।

୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସକା ଏଞ୍ଜାଣି କଡ଼େ ମାଣା କସକା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜୁଁ ଅଣ୍ଡାପଅସିକି ?

୩୨ ଆଡ଼ାଆଲେହେଁ ଇଚିହୁଁ ଏ ରାଜା ହେକ ମାନାଟିଏ ଏଞ୍ଜାସି ରାଡ଼ିମାନା ଆୟାଲି କସକାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି ।

\* ୧୪:୧୧ ମାତି ୨୩:୧୨; ଲୁକ ୧୮:୧୪    \* ୧୪:୨୭ ମାତି ୧୦:୩୭    \* ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

୩୩ ଏଲେକିହି ଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହିଆତିହି ଏଞ୍ଜାସି ନା ସୀସୁ ଆୟାଲି ଆଡ଼ଅସି ।”

ମୂଆ ହାରୁ

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୂଆସାରେ ଏଦାଆଁ ଏନିକି ଅଡ଼େ ଏନାଆଁତଲେ ହାରୁ ଲେହେଁ ମୂପି କିନାୟି ?

୩୫ ଏଦି ବୂମିତା କି ଗାତା କଚୁତା କୁତୁସାଲି ଜିକେଏ ଜଡ଼େ ଆଏ । ଲକୁ ଏଦାନି ପାଙ୍ଗାତା କୁତା ତୁହନେରି । ଆମ୍ବାଆରି ଖେଞ୍ଜାଲି କୀର୍କା ମାତିହି, ଖେଞ୍ଜୁ ।”

### ୧୫

ଜାଙ୍ଗିତି ମେଣ୍ଡା

(ମାତି ୧୮:୧୨-୧୪)

୧ \*ର ଦିନା ସିସୁ ରାହନାରି ଅଡ଼େ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାଚେରି ।

୨ ଏଚେଟିଏ ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଗୁରୁମୁରୁ ଆହି ଏଲେଇଚେରି, “ଇଞ୍ଜାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଞ୍ଜାରିତଲେ ତିଞ୍ଜି ଉଣ୍ଡି ମାନେସି !”

୩ ଏମ୍ବାଟିଏ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି କାତା ଖେସୁସି ।

୪ “ମୀ ବିତ୍ରାଟି ଆମ୍ବାଆଚେରି ଇଲେତି ଲକୁ ମାଞ୍ଜେରି, ଏଞ୍ଜାଣାକି ପାସାକଡ଼ି ମେଣ୍ଡାୟାଁ ମାତିହି, ଏଞ୍ଜାସିକା ବିତ୍ରାଟି ରଣ୍ଡି ଜାଙ୍ଗିତିହି ଏଞ୍ଜାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଙ୍ଗାମାନି ମେଣ୍ଡା ପାଣ୍ଡିନି ପାଚେକା ପାରଅସି କି ?

୫ ଇଞ୍ଜା ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି,

୬ ଇଞ୍ଜା ତାନି ତଡ଼େସିଙ୍ଗାଣି ଅଡ଼େ ନାୟୁଁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇତିହି ଜାଙ୍ଗାମାଟି ନା ମେଣ୍ଡା ବେଟାଆଡ଼େଏଁ ।

୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହି ଏ ମନ ଖେଟହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟହା କଡ଼ିତିହି, ଏଞ୍ଜାଣି କସମି ଲାକପୁରୁ ହାରେକା ରାହାଁ ଆନେ ।”

ଜାଙ୍ଗିତି ଟାକା

୮ “ଅଡ଼େ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାତିହି ରଣ୍ଡାଆଁ ଜାକ୍ହିହି ଏଦି ଏନାଆଁ କିନେ, ଦୀଞ୍ଜି ଡ଼ସାନା ଇଲୁ ହେପାନା ଏ ଜାକ୍ହି ଟାକା ପାଣ୍ଡିନି ପାଚେକା ଜାଡ଼ନୁ ତଲେ ପାରେଏକି ?

୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ ଲକୁଣି ଇଞ୍ଜା ନାସ୍‌କାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇତିହି ଜାକ୍‌ହାମାଟି ଟାକା ବେଟାଆଡ଼େଏଁ ।

୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହି ଆମ୍ବାଆସି ମନ ଖେଟନେସି, ଇଲେତି ପାପୁ ଗାଟାରାକି ମାହାପୁରୁତି ଦୁତୁୟାଁ ନକିତା ରାହାଁ ଆନେ ।”

ଜାଙ୍ଗିତି ମୀରୁଏସି

୧୧ ଜୀସୁ ଅଡ଼େ ଏଲେଇଚେସି, ରଅଣାକି ରିଆରି ମୀରୁକା ମାଚେରି ।

୧୨ ଏଞ୍ଜାରି ବିତ୍ରାଟି ଉଣା ମୀରୁଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଟା ହିୟାମୁ । ଏଚେଟିଏ ତାନି ଆବା ତାନି ଦନ ବାଟି କିହାନା ରୀ ମୀରୁକାକି ହୀଚେସି ।

୧୩ ଏମ୍ବାଟିଏ ଏଚରଦିନା ହାଜାଲିଏ ଇତି ମୀରୁଏସି ଇଲୁ ବାଟା ହୀହାମାଚାଣି ପାରୁଚାହାଁ ଟାକାୟାଁ ଆସାହାଁ ହେକରାଜି ହାଜାତୁସେସି, ଇଞ୍ଜା ଲେନିପନିଏ ତାୟୁ ଏସ୍‌କି ଅଣପାଆନା ଲାଗେଏତି କାମାତା ତାନି ଦନ ରାପୁହେସି ।

୧୪ ସାମା ବାରେ ଦନ ରାପୁହି ଜେଟ ଏ ଦେସାତା କାର୍‌ଖୁ କାତାରା ଆହାଲିଏ ଏଞ୍ଜାସି କାକୁଲି ଆଡ଼େସି ।

୧୫ ଏଚେଟିଏ ଏଞ୍ଜାସି ହାଜାନା ଏ ଦେସାତି ର ସାଞ୍ଜୁକାରି ତାଣା ଗତି ଡ଼ୟିଚେସି, ଏଞ୍ଜାସି ଏଞ୍ଜାଣାକି ପାଜିୟାଁ ମେଟାଲି ଗୁଡ଼ିୟାତା ପାଣ୍ଡିଚେସି;

୧୬ ଇଞ୍ଜା ପାଜିୟାଁ ଆମିନି କାଙ୍ଗା ସାଲିୟାଁ ତିଞ୍ଜି ମାରୁ, ଏଞ୍ଜାଆଁ ତିଞ୍ଜାଲି ମନ କିଚେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜାଲି ହୀହି ହିଲାଆଚେରି ।

୧୭ ର ଦିନା ତୀରପୁ ଆହାନା ଅଣ୍ଡିଚେସି, ମା ଆବା ତାଣାତି ଗତି ବୁଡ଼ି ତିନି ରାନ୍ଦେଏ ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ ।

୧୮ ନାନୁ ନିଙ୍ଗାନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଖେହଇଁ, “ଲାକପୁରୁତି ଆବା କପାଟି ଅଡ଼େ ନୀ ନକିତା ନାନୁ ପାପୁ କିଚେଏଁ;

୧୯ ନୀ ମୀରୁଏଣାଚେଏଁ ଇଞ୍ଜା ନାନୁ ଅଡ଼େ ପାଡ଼ା ଆଆଁ; ନାଙ୍ଗେ ର ହଲେଏଣା ଲେହେଁ ଇଟାମୁ ।” ଏମ୍ବାଟିଏ ଏଞ୍ଜାସି ନିଙ୍ଗାନା ତାନି ଆବା ଖାକି ହାଚେସି ।

୨୦ ସାମା ଆବା ତାନି ମୀରୁଏଣା ଖାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହି ହାଜାନା ପମାହାଁ ନଣ୍ଡିଚେସି ।

୨୧ ଏମ୍ବାଟିଏ ମୀରୁଏ ଗାଟାସି ଏଲେଇଚେସି, “ଲାକପୁରୁ ଆବା କପାଟି ଅଡ଼େ ନୀ ନକିତା ନାନୁ ପାପୁ କିଚେଏଁ, ନୀ ମୀରୁଏଣାଚେଏଁ ଆୟାଲି ପାଡ଼ା ଆଆଁ ।”

୨୨ ସାମା ଆବା ତାନି ହଲିୟାଙ୍ଗାଣି ଏଲେଇଚେସି, “ଅଜିତି ହିମ୍ବୁରି ତବେ ତାଟାନା ଇଞ୍ଜାଣାଇଁ ହୁଡ଼ି କିଦୁ, ଇଞ୍ଜାଣି କେୟୁତା ମୁଦି ଅଡ଼େ କଡ଼ାୟାଁଣା ସେପୁୟାଁ ତୁରୁଞ୍ଜି କିଦୁ,

୨୩ ଇଞ୍ଜାହାଁ ଆଙ୍ଗା ଆଡ଼ି କଡ଼ି ତାଲୁ ତାକା ହାଜାନା ପାୟାଦୁ; ମାରୁ ତିଞ୍ଜା ଉଣ୍ଡାନା ରାହାଁ କିନ,

୨୪ ଇତିହି ନା ମୀରୁଏସି ହାହା ହାଜାମାଚେସି, ଖେଣ୍ଡେ ନୀତାମାନେସି; ଜାଙ୍ଗା ହାଜାମାଚେସି ଅଡ଼େ ମେଡ଼ା ଆୟାଚେସି ।” ଏମ୍ବାଟିଏ ଏଞ୍ଜାରି ରାହାଁ କିହିମାଚେରି ।

☆ ୧୫:୧ ଲୁକ ୫:୨୯,୩୦



୨୫ ଏତିବେଳାତା କାଜା ମୀରୁଏସି ଗୁଡ଼ିୟାତା ମାରେସି, ଏଝାସି କାମା କିହ୍ନାଁ ଇଲୁ ତାଗେ ଝାୟାଲିଏ, ତାମି ଇଜ ବାଜାଗାଜା ଅଡେ ରାହ୍ନାଁ କିହିମାନି ହାଲି ଝେଞ୍ଜାନା,

୨୬ ର ହଲେଏଣାକ୍ ହାଟାନା ଝେରେସି, “ମାଜ ଏନାଆଁ କିହିମାନେରି ।”

୨୭ ଏଝାସି ଏଝାଣାକ୍ ଏଲେଇରେସି, “ନୀ ଉଣା ତାୟି ଝେଣ୍ଟା ଝାହାମାନେସି, ଅଡେ ଏଝାସି ନେହ୍ ଆଜ୍ଞା ତଲେ ଝେଣ୍ଟା ଝାଡାଣି ମେସାନା ମୀ ଆବା ଆଜ୍ଞା ଆଡ଼ି କଡ଼ି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାର୍ବି ଆହାନା ଇଜ ହାଲାଆତେସି; ସାମା ତାମି ଆବା ପାଜ୍ଞାତା ଝାହାନା ଏଝାଣାକ୍ କାହିବା କପା ଆଆନି ଇଜ ଝାମୁ ଇଞ୍ଜି ବାତିମାଲିତେସି ।

୨୯ ଇଞ୍ଜା ଏଝାସି ତାମି ଆବାକ୍ ଏଲେଇରେସି, “ମେହ୍ମୁ ନାନୁ ଇଚର ବାର୍ଯା ଆଡେ ନୀ ହଲେଏଣା ଲେହେଁ କାମା କିହିମାକ୍, ଏରେଲା ଜିକେଏ ନୀ ହୁକୁମି ଉରାହିଲଅଁ, ଆଡ଼ିଜିକେଏ ନା ତରେସିଜ୍ଞା ତଲେ ବଦି କିହାଲି ନୀନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅତି;

୩୦ ସାମା ଇ ନୀ ମୀରୁଏସି ଇଲୁଡ଼ି ବାରେ ଦନ ଅହାନା ସାନେଣିସ୍ନାତଲେ ମାଞ୍ଜାନା ବାରେ ରାପ୍‌ହେସି, ଏରେତା ଇଝାସି ଝେଣ୍ଟାଝାଡେସି, ଏରେତା ଏଝାଣାକି ଆଜ୍ଞା ଆଡ଼ି କଡ଼ି ପାୟାମାଞ୍ଜି ।”

୩୧ ଏରେଟିଏ ତାଞ୍ଜି ଗାଟାସି ଏଲେଇରେସି, “ମୀରୁଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଦି ଏ ବାରେତ ନାଦି;

୩୨ ସାମା ଇ ନୀ ତାୟି ହାହା ହାଜାମାରେସି, ଝେଣ୍ଟେ ନୀତାମାନେସି, ଜାଜ୍ଞା ହାଜାମାରେସି, ମେଡା ଆୟାତେସି, ଏଦାଆଁତାକି ରାହ୍ନାଁ କିନାୟି ମାଚେ ।”

### ୧୭

#### ଲାଗେଏତି ଗୁମୁସା

୧ ଜୀସୁ ତାନି ସୀସୁୟାକ୍ ଏଲେଇରେସି, “ର ଦନଗାଟାସି ମାରେସି; ଏଝାଣାକି ର ଗୁମୁସା ମାରେସି, ଏଝାସି ତାନି ଦନତି ଆଲାଆ କିହାମାନାଣି ପୁଞ୍ଜାନା,

୨ ଏଝାସି ଏଝାଣାକ୍ ହାଟାନା ଏଲେଇରେସି, ‘ନାନୁ ନୀ କାତା ଝେରେଏଁ ନୀନୁ ନୀ ଗୁମୁସା କାମା ଏନି କିହିମାଞ୍ଜି ଲେକା ତସ୍ତାମୁ, ଇଚିହ୍ ନୀନୁ ଅଡେ ଗୁମୁସା ଆହା ମାଞ୍ଜାଲି ଆଡ଼ଅତି ।’

୩ ଏମ୍ବାଟିଏ ଏ ଗୁମୁସା ଅଣ୍ପା କଡ଼ିତେସି, ‘ନା ସାଝୁକାରି ନା ଗୁମୁସା କାମା ପିସ୍‌ପି କିହିମାଞ୍ଜାନେସି, ନାନୁ ଏନାଆଁ କିକ୍ ? ଇରୁଆ କାର୍‌ହାଲି ନାଜେ ବପୁ ହିଲେଏ, ଅଡେ ରାସ୍‌ପା ତିଞ୍ଜାଲି ଲାଜା ହଡ଼ି ମାଞ୍ଜାନେ ।

୪ ନୀଏଁ ପୁରେଏଁ, ନାଜେ ଗୁମୁସା ପାଣାଟି ପିସ୍‌ପି କିୟାତି ତାୟି ଲକୁ ନାଜେ ତାମି ଇଲକାଣା ଆବାନିଲେହେଁ କିକ୍ ।’

୫ ଇଞ୍ଜା ଏଝାସି ତାମି ସାଝୁକାରି ତାଣାଟି ରୀଣା ଅହାମାଚାରାକ୍ ହାଟାନାହ୍ନାଁ ତଲିତାଣାକ୍ ଝେରେସି, ‘ନା ସାଝୁକାରି ତାଣା ନୀ ରୀଣା ଏରେକା ମାନେ ?’

୬ ଏଝାସି ଏଲେଇରେସି, ‘ପାସାକଡ଼ି ତାବା ନିହ୍ନୁଁ’ ଗୁମୁସା ଏଝାଣାକ୍ ଏଲେଇରେସି, ‘ନୀନୁ ତବେ ଇମ୍ବାଆଁ କୁଗାନା ରୀ କଡ଼ି ଦସ ଇଞ୍ଜି ରାଟାମୁ ।’

୭ ତାୟି ଅଡେ ରଅଣାକ୍ ଝେରେସି, ‘ନୀନୁ ଏରେକା ରୀଣା ଅହାମାଞ୍ଜି ?’ ଏଝାସି ଏଲେଇରେସି, ‘ର ମାଣା ବାସ୍ତା ଗହ୍‌ୟାଁ’ ଗୁମୁସା ଏଝାଣାକ୍ ଏଲେଇରେସି, ‘ନୀନୁ ତବେ ଇମ୍ବାଆଁ କୁଗାନା ଆଟା ଝାଞ୍ଜା ଇଞ୍ଜି ରାଟାମୁ ।’

୮ ଏ ଲାଗେଏତି ଗୁମୁସା ବୁଦିତଲେ କାମା କିହାମାନାକି ସାଝୁକାରି ଏଝାଣାକ୍ ନୀନୁ ନେହ୍ କାମା କିହାମାଞ୍ଜି ଇରେସି; ଏନାଆଁତାକି ଇଚିହ୍ ଉଜେଡ଼ିତି ମୀରୁକା କିହ୍ନାଁ ଇ ଦାରତିତାରି ତାମି କାମାତା ହାରେକା ବୁଦିଗାଟାରି ।”

୯ ନାନୁ ଜିକେଏ ମିଜେ ଝେସିମାଞ୍ଜାକ୍, “ମୀରୁ ଦାରତିତି ଲାଗେଏତି ଦନ ତଲେ ତରେ ଦହ୍‌ଦୁ, ଏଡ଼ି ରାଡ଼ିସାରେ ମିଜେ କାଲାକାଲାତି ବାସା ଟାୟୁତା ମିଜେ ଆବାନେରି ।

୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆଅସି ।

୧୧ ଲାଗେଏତି ଦନତା ନାମୁ ଗାଟାଟେରି ଆହାହିଲଅତେରି, ଆଡ଼ିହ୍ ଆମ୍ବାଆସି ମିଜେ ନାମାହ୍ନାଁ ସାତା ଦନ ମୀ କେୟୁତା ହେରପାନେସି ?

୧୨ ମୀରୁ ଏଚକାତାଣା ଦନତି ନାମୁତଲେ ଲେୟା ହିଲାଆସାରେ ମିଜେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ ✨“ର ହଲେଏସି ରୀ ସାଝୁକାରି ତାଣା ହଲେଏସି ଆହାଲି ଆଡ଼ଅସି; ଇଚିହ୍ ରଅଣାକ୍ ଜୀଝୁ ନନେସି ରଅଣାକ୍ ଜୀଝୁ ନନେସି, ଆଆଡ଼ ରଅଣାକ୍ ମାନୁଝି ଆନେସି ରଅଣାକ୍ ଅପଅସି । ମୀରୁ ମାହାପୁରୁ ଅଡେ ଦନତି ହଲିୟାଜ୍ଞା ଆହାଲି ଆଡ଼ଅତେରି ।”

#### ଜୀସୁ ଝେସି କାତାୟାଁ

(ମାତି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

୧୪ ଇ ବାରେ କାତା ଝେଞ୍ଜାନା ଦନ ଜୁପକା ପାରୁସିୟାଁ ଜୀସୁକ୍ କାକ୍‌ହେରି ।

୧୫ ଏରେଟିଏ ଜୀସୁ ଏଝାରାକ୍ ଏଲେଇରେସି, “ଆମ୍ବାଆରି ମାଣ୍‌ସି ନକିତା ତୀରିଗାଟାରି ଇଞ୍ଜି ତସା କଡ଼ିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାତି ପୁନାସି ଇଚିହ୍ ଏନାୟି ମାଣ୍‌ସି ଅଣ୍‌ପୁତା କାଜାୟି ଲେହେଁ ତଞ୍ଜା ଆନେ, ଏଡ଼ି ମାହାପୁରୁ ନକିତା ଅପାଆଗାଟାୟି ।”

୧୬ ✨“ମସାତି ମେରା ଅଡେ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ରାଡ଼ିତି ପତି ଜହନ ପାତେକା ସାଲୁଝି ଆହିମାଟୁ; ଏତିବେଳାଟିଏ ମାହାପୁରୁ ରାଡ଼ିତି ନେହ୍ କାବୁ ଝେକ୍‌ହ୍

ମାନେରି ଇଞ୍ଜା ବାରେଜାଣା ତାମି ବାଡ଼ୁୟୁ ତଲେ ମାହାପୁରୁ ରାଜିତା ହଡ଼ିମାନେରି ।

୧୭ \*ହାଗୁପାକା ଅଡ଼େ ଦାଋତି ବାରେ ମେଣ୍ଟିନେ ସାମା ମେରାତି ଇଚାୟି ସିନା ଜିକେଏ ମେଣ୍ଟିକେଏ ।”

୧୮ \*“ଆମ୍ବାଆସି ତାନି ତକ୍ତିନି ପିସାନା ଏଟକାତାଣି ବୀହା ଆନେସି, ଏଞ୍ଜାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍ତିନି ବୀହା ଆନେସି, ଏଞ୍ଜାସି ଦାଋରେଲା ଆନେସି ।”

**ଦନ ଗାଟାସି ଅଡ଼େ ଲାଜର**

୧୯ “ର ଦନ ଗାଟାସି ମାରେସି, ଏଞ୍ଜାସି ହାରେକା ଅଜିତି ହିମ୍ବୁରିଦୁକି ହୁଚାନା ନେହୁ ରାନ୍ଦା ତିଞ୍ଜିହୁ ହାରେକା ରାହାତଲେ ଡ଼ୟିମାରେସି ।

୨୦ ସାମା ଏଞ୍ଜାଣି ଦୁଞ୍ଜେରି ଦାରିତା ଲାଜର ଦରୁଗାଟି ରାସ୍ପା ତିନାସି ଡ଼ୟାମାରେସି,

୨୧ ଗୁଡ଼ା ଆଜ୍ଞା ଗାହାୟା ଆହାମାରେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହିମାରେସି; ଇଞ୍ଜା ନେସକା ଖାହି ତାନି ଗାହାୟା ନାକିମାଟୁ ।

୨୨ ର ଦିନା କାର୍ମାଗାଟି ଲାଜର ହାହାହାରେସି ଇଞ୍ଜା ଲାକପୁରୁତି ଦୁଡ଼ୁୟା ତଲେ ଅବ୍ରାହାମ ମାଟିତାଣା ଅଢ଼ିଆଡ଼େସି; ତାୟୁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜା ମାହଣି ମାଣ୍ଡାତା ମୁସ୍ପି ଆଡ଼େସି,

୨୩ ଅଡ଼େ ଏଞ୍ଜାସି ହାଡ଼ାରି ମାନି ରାଜିତି କସ୍ତତଲେ କିଲିବିଲି ଆହୁ ଲାକ ସିନିକିହାଲିଏ ହେକଟି ଅବ୍ରାହାମ ଅଡ଼େ ତାନିତଲେ ଲାଜରଇଁ ମେସ୍ପେସି ।

୨୪ ଏଚେଟିଏ ଏଞ୍ଜାସି ହାଟିଡେସି, ‘ଏ ଆବା ଅବ୍ରାହାମ, ନାଜେ କାର୍ମା ଅଣ୍ପାନା ଲାଜରଇଁ ନା ତାଣା ପାଣ୍ଡାମୁ, ଏଞ୍ଜାସି ତାନି ଖାଞ୍ଜୁତା ଏୟୁ ବନ୍ଦା ତାଗାନା ନା ଖେନ୍ଦରିତି ହିଡ଼ଡ଼ି କିୟାପେସି, ଇଚିହୁ ନାନୁ ଇ ହିଚୁତା କିଲିବିଲି ଆହିମାଇଁ ।’

୨୫ ସାମା ଅବ୍ରାହାମ ଏଲେଇଚେସି, ‘ମୀରଏଣା ନାନୁ ନୀତାମାଟି ବେଲାତା ନୀ ନେହାଣି ବେଟାଆଡ଼ି, ଇଞ୍ଜା ଲାଜର ଏଲେକିହୁ ଏ ପଲ୍ଲଆ ଗାଟାଣି ବେଟାଆଡ଼େସି, ଇଦାଆଁ ଅଣ୍ପାମୁ; ସାମା ନୀଏଁ ଏଞ୍ଜାସି ଇମ୍ବାଆଁ ସୁକୁ ବେଟାଆହି ମାନେସି, ଅଡ଼େ ନାନୁ କିଲିବିଲି ଆହିମାଞ୍ଜି ।

୨୬ ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁୟୁ ମାନେ, ଆମ୍ବାଆରି ଇ ଟାୟୁଟି ମୀ ତାଣା ହାଜାଲି ମନ କିନେରି, ଏଞ୍ଜାସି ହାଜାଲି ଆଡ଼ଅରି ଆଆଡ଼ ଏ ଟାୟୁଟି ଇ ଟାୟୁତା ଗାଣ୍ଟରାନା ଖାୟାଲି ଆଡ଼ଅରି ।’

୨୭ ଏମ୍ବାଟିଏ ଦନ ଗାଟାସି ଏଲେଇଚେସି, ‘ଏ ଆବା, ଆତିହୁ ନାନୁ ନିଜେ ବାତିମାଲିମାଞ୍ଜାଇଁ, ଲାଜରଇଁ ମା ଆବା ଇଜ ପାଣ୍ଡାମୁ,

୨୮ ଇଚିହୁ ନା ପାସାଜାଣା ତାୟିୟା ମାନେରି; ଏଞ୍ଜାସି ଜିକେଏ ଏନିକ ଇ କସ୍ତଗାଟି ଟାୟୁତା ଖାଅରି, ଏଦାଆଁତାକି ଏଞ୍ଜାସି ଏଞ୍ଜାରିତାଣା ସାକି ହାନେସି ।’

୨୯ ସାମା ଅବ୍ରାହାମ ଏଲେଇଚେସି, ‘ଏଞ୍ଜାରିତାଣା ମସା ଅଡ଼େ ମାହାପୁରୁ ଅଣ୍ପୁତି ବଲୁ ଖେହନାରି ପତିୟା ମାନୁ, ଏଞ୍ଜାସି ଏ କାତାତି ଖେଣ୍ଟମାରି ।’

୩୦ ଏମ୍ବାଟିଏ ଦନ ଗାଟାସି ଏଲେଇଚେସି, ‘ଏ ଆବା ଅବ୍ରାହାମ, ଏଚେକେଏ ସାରି ଆଏ, ସାମା ହାଡ଼ାରି ବିତ୍ରାଟି ରଅସି ଏଞ୍ଜାରିତାଣା ହାନେସି ଆତିହୁ ଏଞ୍ଜାସି ମନ ଖେଟ୍ଟନେରି ।’

୩୧ ସାମା ଅବ୍ରାହାମ ଏଲେଇଚେସି, ଏଞ୍ଜାସି ମସା ଅଡ଼େ ମାହାପୁରୁ ଅଣ୍ପୁତି ବଲୁ ଖେହନାରି କାତା ଖେନଅରି, ଆତିହୁ ହାଡ଼ାରି ବିତ୍ରାଟି ଖେଣ୍ଟେ ନିଜିତ ଜିକେଏ ଏଞ୍ଜାଣି କାତା ନାମଅରି ।”



**ପାପୁ**

(ମାତି ୧୮:୨,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସାମୁୟାଇଁ ଏଲେଇଚେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟଢ଼ି ଆଏ, ସାମା ତାୟିପାରି କିଢ଼ି କିନାସି ଆୟତା ଏଞ୍ଜାସି ଗାତି ତଣ୍ଡ ବେଟାଆନେସି;

୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଖାଲି ଦସାନା ସାମ୍ବୁରିତା ମେଡ଼ହିହୁ ଏଞ୍ଜାଣାକି ନେହେଁ ଆଡ଼େମା ।

୩ \*ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହୁ ଏଞ୍ଜାଣାଇଁ ଲାଗାମୁ; ଏଞ୍ଜାସି ନାନୁ ପାପୁ କିଡେଏଁ ଇଞ୍ଜୁ ମନ ଖେଟ୍ଟହିହୁ, ଏଞ୍ଜାଣି ପାପୁ ମ୍ଲେକ୍ତା ତୁହମୁ ।

୪ ଅଡ଼େ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡ଼େ ସାତା ପାଲି ନୀ ତାଣା ଖେଣ୍ଡା ଖାହାନା ନାନୁ ମନ ଖେଟ୍ଟହିମାଇଁ ଇଞ୍ଜୁ ଇଞ୍ଜାନେସି ଆତିହୁ ଏଞ୍ଜାଣି ପାପୁ ମ୍ଲେକ୍ତା ତୁହମୁ ।”

**ନାମୁ**

୫ ଏଚେଟିଏ ପାଣ୍ଡୁଢ଼ି ଆହାମାନାରି ପ୍ରବୁଇଁ ଏଲେଇଚେରି, “ମା ନାମୁତି ପାତି କିୟାମୁ ।”

୬ ପ୍ରବୁ ଏଲେଇଚେସି, “ର ହାସୁଁ ପାଡ଼େୟି ଏଚେକା ମୀ ନାମୁ ମାତିହୁ ମା, ଇ ତୁଡୁକଲି ମାରନ୍ତୁତି ହୀରୁତଲେ ମେଗାହାଜାନା ସାମ୍ବୁରିତା ଉହି ଆମୁ ଇଚିହୁ ଏଦି ମୀ କାତା ମାନଢ଼ି ଆନେ ।”

**ର ହଲେଏସି କିନି କାମା**

୭ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ଡ଼ହୁନା କି କଡ଼ିୟା ମେଟାନା ଖାଡ଼ିସାରେ ଏଞ୍ଜାସି ଏଞ୍ଜାଣାଇଁ ଜୁରୁୟା ଗହମୁଦେଁ ଇନେସି ?

୮ ନାଜେ ତିଞ୍ଜାଲି ହିୟାମୁ, ନାନୁ ତିଞ୍ଜାଲି ଆଡ଼ାଆ ପାତେକା ଟେତେଲି ହିମ୍ବୁରି ରୁପାନା ନା ସେବା କିୟାମୁ, ଇଞ୍ଜା ତାୟୁ ନାନୁ ତିନାମୁ ଇଞ୍ଜୁ ଏଞ୍ଜାଣାଇଁ ଏଲେଇନଅସି ?

☆ ୧୭:୧୭ ମାତି ୫:୧୮ ☆ ୧୭:୧୮ ମାତି ୫:୩୨; ୧କର ୭:୧୦,୧୧ ☆ ୧୭:୩ ମାତି ୧୮:୧୫

୯ ର ହଲେଏସି ସାଧୁକାରି କାତା ମାନୁଞ୍ଜି ଆହାନା କାମା କିନାକି ଏଞ୍ଜାଣାଇଁ ଜହରା କିନେସିକି ?

୧୦ ଏଲେକିହିଁଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ 'ମାମ୍ବୁ ପୁଡ଼ା ଆଥା ହଲିୟାଙ୍ଗାତମି; ଏନାୟି ମାମ୍ବୁ କିନାୟି ମାଚେ ଏଦାଆଁ କିହାମାନମି' ଇଞ୍ଜେରି ।”

**ଜୀସୁ ଦସଜାଣା କାଜା ରଗ ଗାଟାରାଇଁ ନେହିଁ କିନାୟି**

୧୧ ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡ଼େ ସମିରଣି ଦେସା ମାଦିଟି ହାଜିମାଚେସି ।

୧୨ ଏମ୍ବାଟିଏ ଏଞ୍ଜାସି ର ନାୟୁଁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଞ୍ଜାଣାଇଁ ବେଟାଆଡ଼େତରି;

୧୩ ଏଞ୍ଜାରି ହେକ ନିଚାନା କାଜା ଗିୟାତଲେ ଏଲେଇଚେରି, “ଏ ଜୀସୁ ଗୁରୁ ମାଙ୍ଗେ କାର୍ମା ମେସ୍ତାମୁ !”

୧୪ ଜୀସୁ ଏଞ୍ଜାରିଆଁ ମେସାନା ଏଲେଇଚେସି, “ମୀରୁ ହାଜାନା ପୁଜେରାଙ୍ଗା ତାଣା ତଞ୍ଜା ଆକାଦୁ ।” ଅଡ଼େ ଏଞ୍ଜାରି ହାଜି ହାଜିହିଁ ନେହିଁ ଆଡ଼େତରି ।

୧୫ ସାମା ଏଞ୍ଜାରି ବିତ୍ରାଟି ରଅସି ତାନୁ ନେହିଁ ଆଡ଼ାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହିଁ କିହିଁ ଝେଣ୍ଡା ଖାହାନା,

୧୬ ଜୀସୁତି କତାୟାଁ ତୁଇ ମୁନୁ କୁତାନା ଜହରା କିଚେସି; ଏଞ୍ଜାସି ସମିରଣି ଲକୁ ମାଚେସି ।

୧୭ ଏଚେଟିଏ ଜୀସୁ ଏଲେଇଚେସି, “ଦସଜାଣା ନେହିଁ ଆଆଡେରିକି ? ଅଡ଼େ ନ ଜାଣା ଏମ୍ବିୟା ମାନେରି ?

୧୮ ମାହାପୁରୁଟି ଜହରା କିହାଲି ଇ ଜୀହୁଦିଆଆତି ଲକୁ ପିସ୍ତେ ଆମ୍ବାଆସି ଝେଣ୍ଡା ଖାଆଡେସି ?”

୧୯ ଇଞ୍ଜା ଜୀସୁ ଏଞ୍ଜାଣାଇଁ ଏଲେଇଚେସି, “ନିଙ୍ଗାନା ହାଲାମୁ ନୀ ନାମୁ ନିଙ୍ଗେ ନେହିଁ କିହାମାଞ୍ଜାନେ ।”

**ମାହାପୁରୁ ରାଜି ଖାନାୟି  
(ମାତି ୨୪:୨୩-୨୮, ୩୭-୪୧)**

୨୦ ମାହାପୁରୁତି ରାଜି ଏଚେଲା ଖାହିମାନେ, ଇ କାତା ପାରୁସିୟାଁ ଝେଞ୍ଜାଲିଏ ଏଞ୍ଜାସି ଏଞ୍ଜାରିଆଁ ଏଲେଇଚେସି, “ମାହାପୁରୁତି ରାଜି ତଞ୍ଜା ଆହିଁ ଖାଏ;

୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜିଁ ଲକୁ ଝେସ୍ତଅରି; ଇଚିହିଁ ମାହାପୁରୁତି ରାଜି ମୀ ବିତ୍ରେଏ ମାନେ ।”

୨୨ ଇଞ୍ଜା ଜୀସୁ ତାନି ସୀସୁୟାଁ ଏଲେଇଚେସି, “ଇଲେତି ବେଲା ଖାନେ, ଏଚିବେଲା ମାଣ୍ଡି ମୀରୁଏଣାତି ର ଦିନା ମେସାଲି ମନ କିତିହିଁ ଜିକେଏ ମେହିଅଡେରି ।

୨୩ ଏଚିବେଲା ଲକୁ ମିଙ୍ଗେ ଝେସ୍ତାନେରି, ଏଞ୍ଜାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଞ୍ଜାରି କାତା ଆହିଆଦୁ କି ଏଞ୍ଜାରିତଲେ ତାକାଆଦୁ ।

୨୪ ଏନିଇତିହିଁ ହାଗୁ ମିହୁନାଟି ର କନଟି ଅର କନଖାକି ଉଜେଡ଼ି ଆନେ, ଏଲେକିହିଁଏ ମାଣ୍ଡି ମୀରୁଏଣା ଦିନାତା ଆନେ ।

୨୫ ସାମା ଏଞ୍ଜାସି ଗାଡ଼ି କସ୍ତ ପାଣ୍ଡନାୟି ମାନେ, ଇଞ୍ଜା ଇ କାଲାତି ଲକୁ ଏଞ୍ଜାଣାଇଁ ଅପଅରି ।

୨୬ ଅଡ଼େ ନହ ବେଲାତା ଏନିକିଁ ଆହାମାଚେ, ମାଣ୍ଡି ମୀରୁଏସି ଖାନି ଦିନାତା ଜିକେଏ ଏଲେକିହିଁଏ ଆନେ;

୨୭ ନହ ଜାଜାତା ହଡ଼ୁନି ଦିନା ପାଚେକା ଲକୁ ତିଞ୍ଜି ଉଣ୍ଡିହିଁ ବୀହା କିୟାଲି ବୀହା ହିୟାଲି ହେରାମାଚେରି, ଏଚିବେଲା କାଜା ପିୟୁ ଖାଡ଼େ ଇଞ୍ଜା ବାରେତି ଛୁପହାଡ଼ୁସ୍ତେ ।

୨୮ ଲଟ ବେଲାତା ଜିକେଏ ଏଲେଏ ଆଡେ, ଲକୁ ତିଞ୍ଜି ଉଣ୍ଡି ମାଚେରି, କତି ମାଚେରି, ପାରୁଟି ମାଚେରି, ମୀରୁକା ଉହି ମାଚେରି ଅଡ଼େ ଇଲକା କିହାଲି ହେରାମାଚେରି,

୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲୁଖିନିଏ, ଲାକପୁରୁଟି ହିରୁ ଅଡ଼େ ଗାନ୍ଦାଗୁଣ୍ଡା ଖାହାନା ବାରେତି ନାସା କିଚେ ।

୩୦ ମାଣ୍ଡି ମୀରୁଏସି ଖାନି ଦିନାତା ଜିକେଏ ଏଲେଆହିଁଏ ଆନେ ।”

୩୧ ☆“ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରାମାନି ତାନି ଆସ୍ତି ଅହାଲି ରେଟା ଖାଆପେସି; ଏଲେକିହିଁଏ ଆମ୍ବାଆସି ନେଃଏଲାତା ମାନାସି ଇଜ ଝେଣ୍ଡା ଖାଆପେସି ।

୩୨ ଲଟ ତକ୍ତିନି କାତା ଅଣ୍ଡପାଦୁ !

୩୩ ☆ଆମ୍ବାଆସି ତାନି ଜୀଞ୍ଜୁତି ନୀଟହାଲି ମନ କିନାସି, ଏଞ୍ଜାସି ନାସା ଆନେସି, ଅଡ଼େ ଆମ୍ବାଆସି ତାନି ଜୀଞ୍ଜୁତି ଆସା କିଆଗାଟାସି ଏଞ୍ଜାସି ନୀତିନେସି ।

୩୪ ନାନୁ ମିଙ୍ଗେ ଝେସିମାଞ୍ଜାଇଁ, ଏ ଲାଆଁୟାଁ ରିଆରି କାଚେଲିତା ତୁରା ତୁୟିନେରି, ରଅସି ଅଞ୍ଜିଆନେସି ଅଡ଼େ ରଅସି ଏମ୍ବାଆଁ ତୁୟିନେସି ।

୩୫ ରୀ ଇୟାସିକା ରଣ୍ଡିଏ ତାଣା ନୁୟିମାନୁ, ରଣ୍ଡି ଅଞ୍ଜିଆନେ ରଣ୍ଡି ଏମ୍ବାଆଁ ତୁୟିନେ ।

୩୬ ରିଆରି ନେଃଏଲାତା ମାନେରି, ରଅସି ଅଞ୍ଜିଆନେସି, ରଅସି ଏମ୍ବାଆଁ ତୁୟିନେସି ।”

୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପ୍ରୁରୁ ଏମ୍ବିୟା ?” ଜୀସୁ ଏଲେଇଚେସି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍ବାଣାୟାଁ ରୁଣ୍ଡା ଆନୁ ।”

**୧୮**

**ରାଣ୍ଡେଣି ଇୟାନି ନାହାଁୟି**

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ ସୀସୁୟାଁ ପୁଣ୍ଡିକିନି କାତାତଲେ ଝେସ୍ତେସି

୨ “ର ଗାଡ଼ାତା ର ନାହାଁୟି କିନାସି ମାଚେସି, ଏଞ୍ଜାସି ମାହାପୁରୁଟି ଆଜି ହିଲାଆଡେସି କି ମାଣ୍ଡିୟାଁ ଜିକେଏ ଅଣ୍ଡି ହିଲାଆଡେସି ।

୩ ଏ ଗାଡ଼ାତା ର ରାଣ୍ଡେଣି ମାଚେ, ଏଡ଼ି ନାହାଁୟି କିନାଣି ତାଣା ଅଲେ ଅଲେ ହାଜିହିଁ ନୀନୁ ନେହିଁ ନାହାଁୟି କିହିଁ ନା କପାଟି ନିଙ୍ଗିମାଞ୍ଜାନାଣା ତାଣାଟି ଗେଲପାମୁ ଇଞ୍ଜିଁ ବାଡ଼ିମାଲିମାଚେ ।

☆ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ☆ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫

୪ ଅଡ଼େ ଏଝାସି ଏଦାନି କାତା ଝେଞ୍ଜି ହିଲାଆତେସି; ତାୟୁ ଏଝାସି ମନ ମନତା ଅଣ୍ଡପିତେସି, ନାନୁ ମାହାପୁରୁଇଁ ଆଜିହିଲଅଁ କି ମାଣ୍ଡସିଲ୍ ଅଣ୍ଡପି ହିଲଅଁ,

୫ ଆଡ଼ିଜିକେଏ ଇ ରାଣ୍ଡେଣି ନାଙ୍ଗେ କସ୍ତ୍ର ହାହିମାଞ୍ଜାନାକି ନାନୁ ତାନି କପାଟି ନିଙ୍ଗାମାନି ନାହାଁୟି ତିକହାତୁହ୍ଲ, ଆଆତ ଏଡ଼ି ନାଙ୍ଗେ ବାରେବେଲା ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇରେସି, “ଇ ଲାଗେଏତି ନାହାଁୟି କିନାଣି କାତା ଅଣ୍ଡପାବୁ ।

୭ ଆତିହ୍ ଆହାପୁରୁ ଆଡ଼ିତି ଲକୁ ଲାଆଁ ମାଦେନା ଏଝାଣାଲ୍ ହାଡ଼ିହ୍ ଡ଼ୟିନେରି, ଏଝାସି କି ଏଝାରି ନାହାଁୟି କିଅସି ? ଆଡ଼ିଜିକେଏ ଏଝାସି ଏଝାରି ସାତୁୟାକି ହାରେକା ଅର୍ହନାସି ଆନେସି କି ?

୮ ନାନୁ ମିଙ୍ଗେ ଝେସିମାଞ୍ଜାଲ୍, ଏଝାସି ତବେ ଏଝାରି ତାକି କିଝି ଆହାମାନି ପଲ୍ଲଆ କାମାତି ନାହାଁୟି କିନେସି, ଆଡ଼ିଜିକେଏ ମାଣ୍ଡସି ମୀର୍ଏସି ଦାର୍ଡିତା ଝାହାନା ନାମୁତି ମେହ୍ନେସିକି ?”

**ପାରୁସି ଅଡ଼େ ସିସ୍ତ୍ର ରୁାହ୍ନାଣି ପୁଣ୍ଡିକିନି କାତା**

୯ ତାମ୍ଗେ ତୀରିଗାଟାତମି ଇଞ୍ଜି ଅଣ୍ଡପାନା ଏଟକା ତାରାଲ୍ ହାଣି କିନି ଲକୁଣି ଜୀସୁ ଇ ପୁଣ୍ଡିକିନି କାତା ଝେସ୍ତେସି,

୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡ଼େ ରଅସି ସିସ୍ତ୍ର ରୁାହ୍ନାସି ।

୧୧ ପାରୁସି ନିଚାନା ଇଲେକିହ୍ ପ୍ରାତାନା କିତେସି, “ଏ ମାହାପୁରୁ ନାନୁ ନିଙ୍ଗେ ଜହରା କିହିମାଞ୍ଜାଲ୍, ନାନୁ ଏଟକା ଲକୁ ଲେହେଁ ଦାମ୍ବୁ ହିଲାଆ ଗାଟାତେଏଁ ଆଏ, ସରୁ, ଦାରି ଗାଟାତେଏଁ ଆଏ କି ଇ ସିସ୍ତ୍ର ରୁାହ୍ନାଣି ଲେହେଁ ଜିକେଏ ଆଏ;

୧୨ ନାନୁ ଝାଋା ତାକି ରୀ ଦେବା ଉପାସା କିହିମାଲ୍, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଲ୍ ।”

୧୩ ସାମା ସିସ୍ତ୍ର ରୁାହ୍ନାସି ହେକ ନିଚାନା ତାନି କାନୁ ଲାକପୁରୁ ଝାକି ଜିକେଏ ପେରହାଁ ସିନିକିହାଲି ସାସା କିଆତେସି, ସାମା ତାନି ବକତା ଝେଟା କତାନା ଏଲେଇରେସି, “ଏ ମାହାପୁରୁ ନାନୁ ପାପୁ ଗାଟାତେଏଁ ନାଙ୍ଗେ କାମା ମେସ୍ତାମୁ ।”

୧୪ “ନାନୁ ମିଙ୍ଗେ ଝେସିମାଞ୍ଜାଲ୍, ଏଝାସି ଆଏ ସାମା ସିସ୍ତ୍ର ରୁାହ୍ନାସି ତୀରିଗାଟାସି ଆହାନା ତାମି ଇଜ ହାଚେସି; ଏନିଇତିହ୍ ଆମ୍ବାଆସି ନାନୁ କାଜାତେଏଁ ଇଞ୍ଜା କଡିନେସି, ଏଝାଣାଲ୍ ଉଣା କିଝିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଝାଣାଲ୍ କାଜାସି କିଝିଆନେ ।”

**ଜୀସୁ ଉଣା ପଡ଼ି ପଦାୟାଣି ବର ହାନାୟି**

(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଝାସି ଏନିକ୍ କକାରି ପଦାଁଣି ତୀରିନେସି, ଏଦାଆଁତାକି ଲକୁ ଏଝାରାଲ୍ ଜୀସୁ ତାଣା ତାଚାଲି

ମାଟ୍‌ହେରି; ସାମା ସୀସୁୟାଁ ଏଦାଆଁ ମେସାନା ଏଝାରାଲ୍ ଦାକା ହାଚେରି ।

୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇରେସି, “କକାରି ପଦାଁଣି ନା ତାଗେ ଝାହାଲି ହୀବୁ, ଏଝାରାଲ୍ କାହିକିଆଦୁ; ଏନିଇତିହ୍ ମାହାପୁରୁତି ରାଜି ଇଲେତାରାଝାୟି ।

୧୭ ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହ୍‌ଅସି ଏଝାସି ଏନିକ୍ ଜିକେଏ ଏମ୍ବାଆଁ ହଡାଲି ଆଡ଼ଅସି ।”

**ର ଦନ ଗାଟାସି**

(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଲ୍ ଝେଚେସି, “ଏ ନେହ୍ ଗୁରୁ କାଲାକାଲାତି ଜୀହୁ ବେଟାଆହାଲି ନାନୁ ଏନାଆଁ କିଲ୍ ?”

୧୯ ଜୀସୁ ଏଝାଣାଲ୍ ଏଲେଇରେସି, “ନାଙ୍ଗେ ନେହାଁତି ଇଞ୍ଜି ଏନାଆଁତାକି ଏଲେଇଞ୍ଜିମାଞ୍ଜି ? ଇତିହ୍ ମାହାପୁରୁ ରଅସିଏ ନେହାଁସି ମାନେସି ଏଝାଣି ପିସ୍‌ପେ ଆମ୍ବାଆସି ନେହାଁସି ହିଲଅସି ।

୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଟିସାକି ହୀଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଝେଡାଟିଏ କିହିମାଲ୍ ।”

୨୨ ଜୀସୁ ଇ କାତା ଝେଞ୍ଜାନା ଏଝାଣାଲ୍ ଏଲେଇରେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାର୍‌ଚାନାହାଁ ହିଲାଆ ଗାଟାରାକି ଦାନା ହୀମୁ, ଇଞ୍ଜା ତାୟୁ ନାନୁ ଲାକପୁରୁତା ଦନ ବେଟାଆଡ଼ି; ଏଚେଟିଏ ନା ଜେଟ ଜେଟ ଝାମୁ ।”

୨୩ ସାମା ଏଝାସି ଇ ବାରେ କାତା ଝେଞ୍ଜାନା ହାରେକା ଦୁକୁ ଆଡ଼େସି, ଇତିହ୍ ଏଝାସି ବାଡ଼କୁ ଗାଟାସି ମାଚେସି

୨୪ ଏଚେଟିଏ ଜୀସୁ ଏଝାଣାଲ୍ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଝାରି ହାରେକା କସ୍ତଲେ ମାହାପୁରୁତି ରାଜିତା ହଡ଼ନେରି !

୨୫ ଇତିହ୍ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଟୁ ସୁଜା କାଣିଟି ହରାହାନାୟି ଉସାସା ।”

୨୬ ଏ କାତା ଝେଞ୍ଜିମାଟାରି ଏଲେଇଚେରି, “ଆତିହ୍ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।”

୨୮ ଏଚେତା ପିତର ଜୀସୁଲ୍ ଝେଚେସି, “ମେହ୍‌ମୁ ମାମୁ ବାରେ ପିସାନା ନୀ ଜେଟ ଝାହିମାନି ।”

୨୯ ଜୀସୁ ଏଝାରାଲ୍ ଝେସ୍ତେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ଡକ୍ରିନି, ତାୟି, ତାଲି ତାଞ୍ଜି, ଅଡ଼େ ମୀର୍‌କା ମାୟ୍‌କାଣି ପିସାମାନେରି,

✧ ୧୮:୧୪ ମାତି ୨୩:୧୨; ଲୁକ ୧୪:୧୧

୩୦ ଏଞ୍ଜରୀ ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଖାନି ଜୁଗୁତା କାଲାକାଲାତି ଜୀଝୁ ବେଟା ଆନେସି ।”

**ଜୀସୁ ତାନି ଦେବା ତାନି ହାକିତି ଝେହ୍ନାୟି**  
(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସୀସୁୟାଁଇଁ ହାଟାନା ଝେସ୍ତେସି, “ମେହ୍ନୁ ମାର ଜିରୁସାଲମତା ହାଜିମାନାୟି, ଏମ୍ବାଆଁ ମାଣସି ମୀରୁଏଣି ତାକି ମାହାପୁରୁ ଅଣ୍ଟପୁତି ବଲୁ ଝେହ୍ନାରି ଏନା ଏନାଆଁ ରାଟାମାନେରି, ଏ ବାରେ ମାଣସି ମୀରୁଏଣା ତାଣା ସାତା ଆନେ;”

୩୨ ଇତିହ୍ ଏଞ୍ଜାଣାଇଁ ଏଟକା କୁଡ଼ାତାରି କେୟୁତା ହେରପିଆନେସି, ଇଞ୍ଜା ଏଞ୍ଜାରି ଏଞ୍ଜାଣାଇଁ କାକ୍ନେରି, ଏଞ୍ଜାଣାଇଁ ହାଣି କିହାନା ହୁପିନେରି,

୩୩ ଏଞ୍ଜାଣାଇଁ ସାଟ୍ଟଣି ଡରିତଲେ ଝେଟାନା ପାୟିନେରି, ଇଞ୍ଜା ତାନି ଦିନାଟିଏ ନିଜିନେସି ।”

୩୪ ସାମା ସୀସୁୟାଁ ଇ ବାରେ କାତା ପୁଞ୍ଜାଲି ଆଡ଼ାଆତେରି; ଇ କାତା ଏଞ୍ଜାରିତାଣା ଡଗୁନା ମାରେ, ଏନାଆଁ ଝେସ୍ପି ଆହିମାରେ ଏ ବାରେ ପୁଞ୍ଜିହିଲାଆତେରି ।

**ରୀସପାତିନି କାଣାଇଁ ଜୀସୁ ନେହ୍ କିନାୟି**  
(ମାତି ୨୦:୨୪-୩୪; ମାର୍କ ୧୦:୪୬-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରୀସପିମାରେସି ।

୩୬ ଏଞ୍ଜାସି ଲକୁତି ହାଜିମାନି ହାଡ଼ା ଝେଞ୍ଜାନା, “ଇଦି ଏନାୟି ଆହିମାନେ ଇଞ୍ଜାଁ ଝେରେସି ।”

୩୭ “ନାଜରିତତି ଜୀସୁ ଇମ୍ବାଟି ହାଜିମାନେସି” ଇଞ୍ଜାଁ ଝେସ୍ତେରି ।

୩୮ ଏରେଟିଏ କାଣା କାଜା ଗିୟାଁତଲେ ଏଲେଇଞ୍ଜି ଇରେସି, “ଏ ଜୀସୁ ଦାଝୁଦ ମୀରୁଏଣାତି ନାଞେ କାର୍ମା ମେସ୍ତାମୁ ।”

୩୯ ସାମା ନକିତା ହାଜିମାଟାରି ଏଞ୍ଜାଣାଇଁ ପାଲେଏ ମାଞ୍ଜାଲି ଦାକା ହାତେରି, ସାମା ଏଞ୍ଜାସି ଅଡ଼େ କାଜା ଗିୟାଁତଲେ ଏଲେଇରେସି, “ଏ ଜୀସୁ ଦାଝୁଦ ମୀରୁଏଣାତି ନାଞେ କାର୍ମା ମେସ୍ତାମୁ ।”

୪୦ ଏରେଟିଏ ଜୀସୁ ଏମ୍ବାଆଁ ନିଗନା କାଣାଇଁ ତାନି ଦାରିତା ତାଟାଲି ଟାଣ୍ଡିତେସି; ଏରେତା କାଣା ତାଗେ ଝାଡ଼େସି ଇଞ୍ଜାଁ ଜୀସୁ ଏଞ୍ଜାଣାଇଁ ଝେରେସି,

୪୧ “ନାନୁ ନିଞେତାକି ଏନାଆଁ କିଇଁ ଇଞ୍ଜାଁ ମନ କିହିମାଞ୍ଜି ?”

କାଣା ଏଲେଇରେସି, “ଏ ପ୍ରବୁ ନାନୁ ଏନିକ୍ ମେସାଲି ଆଡ଼ିଇଁ ।”

୪୨ ଜୀସୁ ଝେସ୍ତେସି, “ନାନୁ ମେହ୍ମୁ, ନୀ ନାମୁ ନିଞେ ନେହ୍ କିୟାତେ ।”

୪୩ ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି ଇଞ୍ଜାଁ ମାହାପୁରୁତି ଜହରା କିହ୍ କିହ୍ ଜୀସୁ ଜେଟ ହାରେସି, ଅଡ଼େ ଲକୁ ଏନାଆଁ ମେସାନା ମାହାପୁରୁଇଁ ଜହରା କିତେରି ।

**୧୯**

**ଜୀସୁ ଅଡ଼େ ଜକିୟ**

୧ ଜୀସୁ ଜିରିହତା ହଡ଼ାନା ଗାଡ଼ା ମାଦିଟି ହାଜିମାରେସି ।

୨ ଏମ୍ବାଆଁ ଜକିୟ ଦରୁଗାଟାସି ରଅସି ମାରେସି, ଏଞ୍ଜାସି ସିସୁ ରୁହନାରି ବିତ୍ରାଟି କାଜାସି ଅଡ଼େ ଏଞ୍ଜାଣାକି ହାରେକା ଦନ ମାରେ ।

୩ ଜୀସୁ ଏନିଲେହେଁତାସି ଇଞ୍ଜାଁ ଏଞ୍ଜାଣାଇଁ ମେସାଲି ହାରେକା ମନ ମାରେ, ସାମା ହାରେକା ଲକୁ ମାଟାକି ମେସାଲି ଆଡ଼ିହିଲାଆତେସି, ଏନାଆଁତାକି ଇତିହ୍ ଏଞ୍ଜାସି କୁଜା ମାରେସି ।

୪ ଏମ୍ବାଟିଏ ଏଞ୍ଜାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଞ୍ଜାଣାଇଁ ମେସାଲି ର ତୟା ମାରୁନୁତା ହଡ଼େସି, ଇତିହ୍ ଜୀସୁ ଏ ଜିରୁଟି ହାନାୟି ମାରେ ।

୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିତେସି, “ଆଡ଼େ ଜକିୟ ତବେ ରେଟାଞ୍ଜାମୁ ଇତିହ୍ ନୀଞ୍ଜୁ ନାନୁ ମୀ ଇଜ ଗତା ଝାନାୟି ମାନେ ।”

୬ ଏଞ୍ଜାସି ତବେ ରେଟାଞ୍ଜାହାନା ଏଞ୍ଜାଣାଇଁ ରାହାଁଟି ତାମି ଇଜ ହାଟିତେସି ।

୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହ୍ କାତା ଆଡ଼େରି, “ଇଞ୍ଜାସି ର ପାପୁ ଗାଟାରି ଇଜ ଗତା ହାଜିମାନେସି ।”

୮ ସାମା ଜକିୟ ନିଗନା ପ୍ରବୁଇଁ ଏଲେଇରେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାରାକି ହାଇଁ, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଟାମାଟିହ୍ ସାରି ବାଗା ଆଗାଡ଼ା ଝେଟ୍ଟଇଁ ।”

୯ ଏମ୍ବାଟିଏ ଜୀସୁ ଏଲେଇରେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍ପିନାୟି ଝାହାମାନେ, ଇତିହ୍ ଇଞ୍ଜାସି ଜିକେଏ ଅବ୍ରାହାମତି କୁଡ଼ାତାସି ।

୧୦ ଇତିହ୍ ଏନାୟି ଜାକ୍ମା ହାଜାମାନେ ଏନାଆଁ ପାରାନା ଗେଲ୍ପାଲି ମାଣସି ମୀରୁଏସି ଝାହାମାନେସି ।”

**ବାଂଗାରା ଟାକା**  
(ମାତି ୨୫:୧୪-୩୦)

୧୧ ଲକୁ ଇ କାତା ଝେଞ୍ଜି ମାଟାଟି ଏଞ୍ଜାସି ଅଡ଼େ ର ପୁଣ୍ଡିକିନି କାତା ଝେସ୍ତେସି, ଇତିହ୍ ଏଞ୍ଜାସି ଜିରୁସାଲମ ତାଗେ ଆହାମାରେସି, ଇତିହ୍ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜାଁ ଅଣ୍ଟପିମାରେରି ।

୧୨ ଏଞ୍ଜାସି ଏଲେଇରେସି, “ର କାଜା କୁଡ଼ାତାସି ରାଜା ପାଣା ବେଟାଆହାଁ ଝେଣ୍ଡା ଝାଇଁଞ୍ଜା ଇଞ୍ଜାଁ ର ହେକ ରାଜି ହାରେସି ।

୧୩ ଏଞ୍ଜାସି ତାନି ଦସଜାଣା ହଲିୟାକ୍ମାଣି ହାଟାନା ଏଞ୍ଜାରାକି ଦସଗଟା ଝେଣ୍ଡି ଟାକା ଲାକା ହାହାନା ଏଲେଇରେସି, ‘ନାନୁ ଝେଣ୍ଡା ଝାନି ପାତେକା ମୀରୁ ଇ ଟାକା ତଲେ ବେବାରା କିଦୁ ।’

୧୪ ସାମା ତାନି ଦେସାତାରି ଏଞ୍ଜାଣାଇଁ ଅପିହିଲାଆତେରି, ‘ଇଞ୍ଜାସି ମାଞେତାକି ରାଜା ଆୟାଆପେସି’ ଇଞ୍ଜାଁ ତାନି ଜେଟଏ କସ୍କାଣି କାବୁ ଝେସା ପାଣ୍ଡିତେରି ।”

୧୫ ତାହା ଏହାସି ରାଜା ପାଣା ବେଟାଆହାନା ତାନି ରାଜିତା ଖେଣ୍ଡାଖାଡ଼େସି, ଇଞ୍ଜା ତାନୁ ଟାକାୟାଁ ହାହାମାତି ହଲିୟାକା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଞ୍ଜାରାକ୍ ହାଟିକିତେସି, ଇଞ୍ଜା ଖେଚେସି ।

୧୬ ତଲିତାସି ଖାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାକ୍ ।”

୧୭ ଏହାସି ଏଞ୍ଜାଣାକ୍ ଏଲେଇଚେସି, “ନେହଁ ଟିକାଣାଗାଟି ନାମୁତି ହଲେଏଣାତି, ନୀନୁ ଉଣା କାମାତାକି ନେହଁ କାମା କିହାମାନାକି ନାନୁ ନିଙ୍ଗେ ଦସଟା ଗାଡ଼ାୟାଁ ସାଲୁଞ୍ଜି କିନି ଅଦିକାରା କିମୁ ।”

୧୮ ଅଡ଼େ ରଅସି ଖାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାକ୍ ।”

୧୯ ଏହାସି ଏଞ୍ଜାଣାକ୍ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମୁ ।”

୨୦ ଅଡ଼େ ରଅସି ଖାହାନା ଏଲେଇଚେସି, “ପ୍ରବୁ ମେହମୁ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ଡ୍ରାଞ୍ଜାଲିତା ରୁପାନା ଇଟାମାଚେସି ।

୨୧ ଇତିହଁ ନାନୁ ନିଙ୍ଗେ ଆଜାତେସି, ନୀନୁ ର ଗିରିଗିରା ଗାଟାତି, ଇଟା ହିଲାଆଗାଟାଣି ପାରିନାତି, ମାଟା ହିଲାଆତାଣା ଦାଞ୍ଜାଆନାତି ।”

୨୨ ଏହାସି ଏଞ୍ଜାଣାକ୍ ଏଲେଇଚେସି, ଆଡ଼େ ପଲ୍ଲଆଗାଟି ହଲେଏଣାତି, ନୀ ଗୁତିତି ହାଡ଼ାତଲେ ନୀ ନୀହାଁୟି କିୟାକ୍, ନାନୁ ଗିରିଗିରା ଗାଟାତେସି, ଇଟାହିଲାଆ ତାଣା ପାରିନାତେସି ମାଟାଆତି ତାଣା ଦାଞ୍ଜାଆନାତେସି ଇଦାଆଁ ପୁଞ୍ଜାମାଟି ?

୨୩ ଆତିହଁ ଏନାଆଁତାକି ନା ଟାକାତି ରୀଣା ଅନାରାକି ହାଆତି, ନାନୁ ଖାହାନା ଅତିତଲେ ବେଟାଆଡ଼େସିମା ।

୨୪ ଇଞ୍ଜା ଦାରିତା ନିଟାମାଚାରାକ୍ ଖେସ୍ତେସି, “ଇଞ୍ଜାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଞ୍ଜାଣାକି ହାଦୁ ।”

୨୫ ଏଚେଟିଏ ଏଞ୍ଜାରି ଖେସ୍ତେରି, “ପ୍ରବୁ ଏଞ୍ଜାଣାକି ଦସଟାକା ମାନୁ ।”

୨୬ \*ନାନୁ ମିଙ୍ଗେ ଖେସିମାଞ୍ଜାକ୍, “ଆମିନିଗାଟାଣାକି ମାନେ, ଏଞ୍ଜାଣାକି ଗାତି ହାପୁକିଆନେ । ସାମା ଆମ୍ବାଆରାଖାୟି ହିଲେଏ ଏଞ୍ଜାଣି ତାଣା ଏନାୟି ମାନେ ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ ।

୨୭ \*ସାମା ନାଙ୍ଗେ ତାମି ରାଜା ଆହାଲି କୁହାମାଞ୍ଜାନି ସାତୁୟାକ୍ ଇମ୍ବାଆଁ ତାକା ହାଜାନା ଏଞ୍ଜାରାକ୍ ନା ନକିତା ଟୁଣିହାଡୁହୁଦୁ ।”

**ଜୀସୁ ଜିରୁସାଲମତା ରାହାଁଟି ହାନାୟି**  
(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଇ ବାରେ କାତା ଖେସ୍ତି ତାହୁ ଜୀସୁ ଜିରୁସାଲମ ଖାକି ହାଚେସି ।

୨୯ ଏହାସି ଜୀତ ହରୁ ଦାରିତା ମାନି ବେତନିୟାଁ ଅଡ଼େ ବେଡ଼ପାଟି ନାସକାଣାଁ ଏଜାନା ତାନି ସାସୁୟାଁ ବିତ୍ରାଟି ରିଆରାକ୍ ଇ କାତା ଖେସା ପାଣ୍ଡିତେସି ।

୩୦ “ମୀରୁ ହାଜାନା ମୀ ନକିତି ନାୟୁତା ହଡ଼ୁ ଇଞ୍ଜା ଲକୁ ଏଚେଲା ହଡ଼ା ହିଲଅରି; ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାଆଁ ଦାଞ୍ଜା ହୁକହା ନା ତାଣା ତାତିହଁ ଖାଦୁ ।

୩୧ ଆମ୍ବାଆସି ଏନାଆଁତାକି ହୁକହିମାଞ୍ଜେରି ଇଞ୍ଜାଁ ଖେଞ୍ଜାତିହଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜାଁ ଖେହ୍ଦୁ ।”

୩୨ ଏମ୍ବାଟି ଜୀସୁ ପାଣ୍ଡାମାଚାରି ଏହାସି ଏନିକଁ ଖେସାମାଚେସି, ଏଲେହେଁ ମେସ୍ତେରି ।

୩୩ ଇଞ୍ଜା ଏଞ୍ଜାରି ଗାଡ଼ଦେ ତାଲୁତି ଦାଞ୍ଜା ହୁକହିମାଚାଟି ଗାଡ଼ଦେ ସାଞ୍ଜୁକାରିୟାଁ “ଏନାଆଁତାକି ହୁକହିମାଞ୍ଜେରି ଇଞ୍ଜାଁ ଖେଚେରି ?”

୩୪ ଏଞ୍ଜାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ ।”

୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା ତାଚାନା ଏଦାନିଲେକ ହିମ୍ବରିକା ପାସାନା ଜୀସୁକ୍ ଲାକ କୁଟିକିତେରି ।

୩୬ ଅଡ଼େ ଏହାସି ନକିତା ହାଜିମାଚାଟି ଲକୁ ଜିରୁତା ତାମି ହିମ୍ବରିକା ପାସ୍ତେରି ।

୩୭ ଇଞ୍ଜା ଏହାସି ଜିରୁସାଲମ ତାଗେ ମାନି ଜୀତ ହରୁଟି ଖାନି ବେଲାତା ଏହାସି ଇଞ୍ଜା ତାମି ସାସୁୟାଁ ଜୀସୁ କିତି ବାଡ଼ୁୟି କାମାତାକି ମାହାପୁରୁକ୍ ଜହରା କିହିହଁ ରାହାଁଟି ପାରୁ ପାଟିତେରି ।

୩୮ “ପ୍ରବୁତି ଦରୁଟି ଆମିନି ରାଜା ଖାହିମାନେସି ଏଞ୍ଜାଣାକି ନେହେଁ । ଲାକପୁରୁ ହିଡ଼ି ଅଡ଼େ ଲାକପୁରୁତି ମାହାପୁରୁକ୍ ଗାଞ୍ଜୁରିଆପେ ।”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁକ୍ ଏଲେଇଚେରି, “ଏ ଗୁରୁ ନୀ ସାସୁୟାକ୍ ଲାଗାମୁ ।”

୪୦ ନାନୁ ମିଙ୍ଗେ ଖେସିମାଞ୍ଜାକ୍, “ଇଞ୍ଜାରି ପାଲେଏ ଆଡ଼ିସାରେ, ଖାଲକା ହାଲେହେଁ କାଜା ଗିୟାତଲେ ଜଲିଡୁମା ।”

**ଜୀସୁ ଜିରୁସାଲମ ତାକି ଡ଼ାନାୟି**

୪୧ ଅଡ଼େ ଏଚେତା ଗାଡ଼ା ତାଗେ ଖାଡ଼େସି, ଏଚିବେଲା ଗାଡ଼ାଟି ମେସାନା ଡ଼ାହିହଁ ଏଲେଇଚେସି,

୪୨ “ନୀନୁ ହାଅ, ନୀନୁ ନୀଞ୍ଜୁ ହିଡ଼ି ଜିରୁ ପୁଟିହଁ ଅଜିତେମା ! ସାମା ଏଦି ନୀ ତାଣାଟି ଡ଼ଗୁମାନେ !

୪୩ ଏଚିବେଲା ମାହାପୁରୁ ନିଙ୍ଗେ ଗେଲପାଲି ଅଣପାମାଞ୍ଜାତେସି ଏଦାଆଁ ପୁନାଆତାକି ଏଚିବେଲାତା ନୀ ସାତୁୟାଁ ନୀ ସାରିସୁଟୁ କାଜା କଟା ଦସାନା ମୁଗାନେରି,

୪୪ ଇଞ୍ଜା ନିଙ୍ଗେ ଅଡ଼େ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡ଼େ ର ଖାଲିତି ଅର ଖାଲି ଲାକ ତାରି ଆହାଲି ହିୟଅରି, ଇଲେତି ଦିନା ଖାହିମାନେ ।”

☆ ୧୯:୨୭ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ ☆ ୧୯:୨୭ ମାତି ୨୫:୧୪-୩୦

ମାହାପୁରୁ ଇଲୁତା ଜୀସୁ ହତ୍ତନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହତ୍ତନାୟି  
ବେରା କିନାରାଇଁ ଏମ୍ବାଟି ହାସା ପେରହାତୁସ୍ତେସି,

୪୬ ଦାମ୍ବୁପତିତା ରାସ୍‌କି ଆହାମାନେ, “ନା ଇଲୁ ପ୍ରାତାନା  
ଇଲୁ ଆନେ, ସାମା ମୀରୁ ଏଦାଆଁ ତଂଗାୟାଁ ପାସ୍ତୁ  
ମ୍ଲୁପହାତୁସ୍ତେସି ।”

୪୭ \*ଅଡେ ଜୀସୁ ଦିନାତାକି ଦିନା ପ୍ରାତାନା ଇଲୁତା  
ଜାପୁହି ମାରେସି, ସାମା କାଜା ପୂଜେରାଜ୍ଞା ଅଡେ  
ମେରାପୁନାରି ଲକ୍ଷୁତି କାଜାରି ତଲେ ଜୀସୁଇଁ ପାୟାଲି  
ଅଣ୍ପିମାରେରି,

୪୮ ସାମା ଲକ୍ଷୁ ରାହାଟି ଏଞ୍ଜାଣି ଜାପୁନାଣି ଖେଞ୍ଜିମାଚାକି  
ଏଞ୍ଜାରି ଏନିକିହାଲି ଆନେ ପାରୁ ବେଟାଆହି ହିଲାଆତେରି  
।

### ୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକ୍ଷୁଣି ଜାପୁହି  
ମାରେସି, ଅଡେ ନେହଁ କାରୁ ଖେକ୍‌ହି ମାରେସି,  
ଏରିବେଲା କାଜା ପୂଜେରାଜ୍ଞା ଅଡେ ମେରାପୁନାରି  
ପ୍ରାଟିନାଜ୍ଞା ତଲେ ଖାହାନା ଖେଚେରି,

୨ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି,  
ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି,  
ମାଜେ ଖେସ୍ତାମୁ ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନୀନୁ ଜିକେଏ  
ର କାତା ଖେଞ୍ଜାଇଁ, ନାଜେ ଖେସ୍ତାମୁ

୪ ଜହନଇଁ ବାପ୍ତିସ୍ତ\* ହୀମୁ ଇଞ୍ଜି ଆମ୍ବାଆସି ଚାଣ୍ଡିତେସି,  
ଲାକପୁରୁଟି କି ମାଣ୍ଡସି ତାଣ୍ଡାଟି ?”

୫ ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ ଜଲ୍‌କି ଆଡେରି,  
“ଲାକପୁରୁଟି ଇନାୟି, ଆତିହଁ ଏଞ୍ଜାସି ଏଲେଇଞ୍ଜାନେସି  
ଏନାଆଁତାକି ଏଞ୍ଜାଣାଇଁ ନାମାଆତେରି ?

୬ ସାମା ମାଣ୍ଡସି ତାଣ୍ଡାଟି ଇନାୟି, ଇଞ୍ଜା ଲକ୍ଷୁ ମାଜେ  
ଞ୍ଜାଲକାତଲେ ପାୟାନେରି, ଇତିହଁ ଜହନଇଁ ମାହାପୁରୁ  
ଅଣ୍ପୁତି ବଲୁ ଖେହନାରି ତାଣ୍ଡାଟି ରଅସି ଇଞ୍ଜି ହାରେକା  
ନାମାମାନେରି ।”

୭ ଏଞ୍ଜାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ଏଡି  
ଏମ୍ବିଟି ଆହାମାନେ ।”

୮ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ନୀନୁ  
ଆମିନି ଅଦିକାରା ତଲେ କିହିମାଞ୍ଜି ନୀନୁ ଜିକେଏ ଖେସ୍ତାଆଁ  
।”

ଅଜ୍ଞୁରି ବାଡାତା ବାଗା କାମାକିନାରି ପୁଣ୍ଡିକିନି କାତା  
(ମାତି ୨୧:୩୩-୪୬; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଖେସ୍ତେସି, “ରଅସି  
ର ଅଜ୍ଞୁରି ବାଡା କିହାନା କାମା କିନାରାକି ବାଗା ହାହାନା  
ହାରେକା ଦିନାତାକି ଅର ଦେସାତା ହାଚେସି ।

୧୦ ଅଜ୍ଞୁରି ପାଡେଡି କାମ୍ବି ବେଲା ଏଞ୍ଜାସି ତାନି ବାଗା  
ବେଟାଆହାଲି ର ହଲେଏଣାଇଁ ପାଣ୍ଡିତେସି, ସାମା ଅଜ୍ଞୁରି  
ବାଡାତା କାମାକିନାରି ଏଞ୍ଜାଣାଇଁ ମାଡା ଖେଚାନା ଖାଉଇ  
କେୟୁଟି ପେରହାତୁସ୍ତେସି ।

୧୧ ଏଞ୍ଜାସି ଅଡେ ର ହଲେଏଣାଇଁ ପାଣ୍ଡିତେସି; ଏଞ୍ଜାରି  
ଏଞ୍ଜାଣାଇଁ ଜିକେଏ ଖେଚାନା ନିନ୍ଦା କିହାଁ ଖାଉଇ କେୟୁଟି  
ପେରହା ପାଣ୍ଡିତେରି;

୧୨ ତାମ୍ବୁ ଅଡେ ରଅଣାଇଁ ପାଣ୍ଡିତେସି, ସାମା  
ଏଞ୍ଜାଣାଇଁ ଜିକେଏ ରାଣାରାକା କିହାନା ବାଡାଟି ପାଜାତା  
ମେଡହାତୁସ୍ତେସି ।

୧୩ ଏମ୍ବାଟିଏ ଅଜ୍ଞୁରି ବାଡାଟି ସାସ୍ତୁକାରି ନୀଏଟି ଏନାଆଁ  
କିଇଁ ଇଞ୍ଜି ଅଣ୍ପାମା, ନା ଜୀସୁତି ମୀରୁଏଣାଇଁ ପାଣ୍ଡିଇଁ  
ଆତିହଁ ଏଞ୍ଜାଣାଇଁ ମାନି କିନେରି ।

୧୪ ସାମା କାମାକିନାରି ଏଞ୍ଜାଣାଇଁ ମେସାନା ତାମ୍ବୁ  
ତାମ୍ବୁ ଏଲେଇଣ୍ଡି ଆଡେରି ‘ଇଞ୍ଜାସି ଅଦିକାରା ଗାଟାସି,  
ଇଞ୍ଜାଣାଇଁ ପାୟାତୁହନ, ଆତିହଁ ଇ ଅଜ୍ଞୁରି ବାଡା ମାଜେ  
ଆୟାନେ ।”

୧୫ ଅଡେ ଏଞ୍ଜାଣାଇଁ ଅଜ୍ଞୁରି ବାଡା ପାଜାତା ମେଡହାନା  
ପାୟିତେରି ।”

“ଆତିହଁ ଅଜ୍ଞୁରି ବାଡାଟି ସାସ୍ତୁକାରି ଏଞ୍ଜାରାଇଁ ଏନାଆଁ  
କିନେସି ?

୧୬ ଏଞ୍ଜାସି ଖାହାନା ଇ କାମା କିନାରାଇଁ ପାୟାତୁହନେସି,  
ଅଡେ ଏଟକାତାରାକି ଏ ଅଜ୍ଞୁରି ବାଡା ହୀନେସି ।”

ଲକ୍ଷୁ ଇ କାତା ଖେଞ୍ଜାନା ଏଲେଇଚେରି, “ଏଲେକିହଁ  
ଆସ୍ତୁଏ ଆଆପେ ।”

୧୭ ସାମା ଜୀସୁ ଏଞ୍ଜାରାଇଁ ଖେସ୍ତେସି, “ଆତିହଁ  
ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଖାଲିଟି କୂତେରି,

ଏଡି ଇଲୁ କନଡି ମୁଲୁ ଖାଲି ଆଡେ ।

୧୮ ଆମ୍ବାଆସି ଏ ଖାଲି ଲାକ ତରୁଗିନେସି, ଏଞ୍ଜାସି  
କାଣ୍ଡାମୁକା ଆନେସି; ଇଞ୍ଜା ଏ ଖାଲି ଆମ୍ବାଆରି ମୁହେଁ  
ତରୁଗିନେ ଏଞ୍ଜାଣାଇଁ ଗୁଣ୍ଡୁଗୁଣ୍ଡା କିନେ ।”

ସିସୁ ହୁନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡେ କାଜା ପୂଜେରାଜ୍ଞା  
ଦେବୁଣିଏ ଜୀସୁଇଁ ଆସାଲି ଅଣ୍ପିତେରି, ସାମା ଲକ୍ଷୁ  
ମାନ୍ଦାଟି ଆଜିତେରି, ଇତିହଁ ଏଞ୍ଜାସି ଏ ପୁଣ୍ଡିକିନି  
କାତା ଏଞ୍ଜାରାଇଁ ସିନିକିହାନା ଖେସାମାଚେସି ଇଞ୍ଜି ଏଞ୍ଜାରି  
ପୁଚେରି ।

୨୦ ଏମ୍ବାଟିଏ ଏଞ୍ଜାରି ଜୀସୁଇଁ ପାଣା ଅଡେ ବାଡୁମୁଗାଟି  
ସାଲ୍‌ଞ୍ଜି କିନାରି କେୟୁତା ଏଞ୍ଜାଣାଇଁ ହେରପାଲି  
ପାରୁ ପାରାତେରି, ଇଞ୍ଜା ଏଚରଜାଣା ତାମ୍ବୁ ତାମ୍ବୁ  
ଦାମ୍ବୁଗାଟାରି ଇଞ୍ଜି ତସା କଡିନି ନାଡିକିନାରି ଜୀସୁଇଁ ତାନି  
ଖେହନି କାତାତା ଦହ ଦସାଲି ଏଞ୍ଜାଣି ତାଣା ପାଣ୍ଡିତେରି ।

\* ୧୯:୪୭ ଲୁକ ୨୧:୩୭ \* ୨୦:୪ ମୁଞ୍ଜିନାୟି

୨୧ ଏଞ୍ଜରୀ ଜୀସୁଙ୍କୁ ଖେଚେରି, “ଗୁରୁ, ମାମ୍ବୁ ପୁଞ୍ଜାମାନମି, ନୀନୁ ଏନାଆଁ ଖେସାମାଞ୍ଜି ଅଡ଼େ ଜାପୁହାମାଞ୍ଜି ଏଡ଼ି ସାତା, ଅଡ଼େ ଆମ୍ବାଆରାଙ୍କୁ ପାରଡ଼ା ବାଟି କିଅଡ଼ି, ସାମା ସାତା ମାହାପୁରୁତି ଜିରୁତି କାତା ଜାପୁଦି ।

୨୨ ଆଡ଼ିହୁଁ କାୟିସରକି ସିସୁ ହୁାନାୟି ମେରା ମାନେକି ଆଏ ।”

୨୩ ସାମା ଜୀସୁ ଏଞ୍ଜରୀ ନାଡ଼ିକିନି ଅଣ୍ପୁତି ପୁଞ୍ଜାନା ଏଞ୍ଜରାଙ୍କୁ ଖେସେସି, “ନାଙ୍ଗେ ର ଖେଣ୍ଡି ଟାକା ହିୟାଦୁ ।”

୨୪ ଏ ଖେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଞ୍ଜରୀ ଖେସେରି, “କାୟିସରଖାୟି ।”

୨୫ ଏଚେଟିଏ ଜୀସୁ ଏଞ୍ଜରାଙ୍କୁ ଖେସେସି, “ଆଡ଼ିହୁଁ କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ ।”

୨୬ ଏଚେଟିଏ ଏଞ୍ଜରୀ ଲକୁ ନକିତା ଏଞ୍ଜାଣାଙ୍କୁ ଏଡ଼ି ଦହ ଦସାଲି ଆଡ଼ାଆଚେରି, ଇଞ୍ଜା ଏଞ୍ଜରୀ ଜୀସୁ ଖେସ୍ତି କାତାତାକି ଆଡ଼ାଜାକା ଆହାନା ପାଲେଏ ମାଚେରି ।

**ହାଡ଼ାରି ଖେଣ୍ଡେ ନିଜିନି କାତା**

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଖେଣ୍ଡେ ନିଜିନାଣି ନାମିହିଲାଆଗାଟି ଏଚରଜାଣା ସାଦୁକିୟା ଜୀସୁତାଣା ଖାହାନା ଖେଚେରି,

୨୮ “ଏ ଗୁରୁ ମସା ମାଙ୍ଗେତାକି ରାଟାମାନେସି, ରଅସି ବୀହା ଆହାଁ କକାରି ପଦାଁ ଆଆନା ହାଡ଼ିହୁଁ, ଏଞ୍ଜାଣି ତାୟି ତାନି ତକ୍ତିନି ଇଟାନା ଏଞ୍ଜାଣି କୃଡ଼ା ଏପିକିୟାଲି ଆନେ ।

୨୯ ସାତା ଜାଣା ତାୟିୟାଁ ମାଚେରି; କାଜାସି ବୀହା ଆହାନା କକାରି ପଦାଁ ଆଆନା ହାଡ଼େସି;

୩୦ ତାୟୁ ଏଞ୍ଜାଣି ଜେଚତାସି ଇଟିଚେସି, ଅଡ଼େ ଏଞ୍ଜାଣି ଜେଚତାସି ଇଟିଚେସି;

୩୧ ଏଲେକିହୁଁଏ ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡ଼େଚରି ।

୩୨ ତାୟୁ ଏ ଇୟା ଜିକେଏ ହାଡ଼େ ।

୩୩ ଆଡ଼ିହୁଁ ଖେଣ୍ଡେ ନିଜିନି ଦିନା ଏଞ୍ଜାରି ବିଡ଼ାଟି ଏ ଇୟା ଆମ୍ବାଆରି ତକ୍ତି ଆନେ ? ଇଡ଼ିହୁଁ ସାତା ଜାଣା ଜିକେଏ ଏଦାନି ଇଟାମାଚେରି ।”

୩୪ ଜୀସୁ ଏଞ୍ଜରାଙ୍କୁ ଏଲେଇଚେସି, “ଇ ଦାରଡ଼ିତି ଲକୁ ବୀହା କିନେରି ଅଡ଼େ ଆନେରି,

୩୫ ସାମା ଖାନି ଜୁଗୁତାକି ଇଞ୍ଜା ହାକିଟି ନିଙ୍ଗାଲିତାକି ପାଡ଼ା ଆନାରି ବୀହା ଆଅରି କି ବୀହା ହୀଅରି;

୩୬ ଇଡ଼ିହୁଁ ଏଞ୍ଜାରି ଦୁଡୁୟାଲେହେଁଆହାନା ଏଚେଲାଖା ହାଅରି, ଇଞ୍ଜା ହାକିଟି ନିଙ୍ଗାମାନାକି ଏଞ୍ଜାରି ମାହାପୁରୁତି ମୀରକା ଆନେରି ।

୩୭ ସାମା ହାଡ଼ାରି ସାଚେଏ ନିଜିନେରି ଇଞ୍ଜାଁ ମସାଙ୍କୁ ଜିକେଏ ଖେହିମାନି ବୁଟାଡ଼ି କାବୁତଲେ ନେହୁଁକି ତସାମାଚେସି, ଇଡ଼ିହୁଁ ଏଞ୍ଜାସି ପ୍ରବୁଙ୍କୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାଚେସି ।

☆ ୨୦:୨୭ କାମା ୨୩:୮

୩୮ ଏଞ୍ଜାସି ହାଡ଼ାରି ମାହାପୁରୁ ଆଏ ସାମା ଜୀଞ୍ଜୁଗାଟାରି ମାହାପୁରୁ; ଇଡ଼ିହୁଁ ମାହାପୁରୁ ନକିତା ବାରେଜାଣା ନୀତାମାନେରି ।”

୩୯ ଏମ୍ବାଟିଏ ମେରାପୁନାରି ବିଡ଼ାଟି ଏଚରଜାଣା ଏଲେଇଚେରି, “ହାଅ, ଗୁରୁ ନୀନୁ ଅଜେ ଖେସ୍ତାତି ।”

୪୦ ଇଡ଼ିହୁଁ ଏଞ୍ଜାଣାଙ୍କୁ ଅଡ଼େ ଏନାଆଁ ଖେଞ୍ଜାଲି ଏଞ୍ଜରାକି ସାସା ହିଲାଆଚେ ।

**କ୍ରୀସ୍ତ ଆମ୍ବାଆସି**

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜୀସୁ ଏଞ୍ଜରାଙ୍କୁ ଖେଚେସି, କ୍ରୀସ୍ତ ଦାଞ୍ଜୁଦ ମୀରଏସି, ଲକୁ ଏନିକିଁ ଏଲେଇନେରି ?

୪୨ ଇଡ଼ିହୁଁ ଦାଞ୍ଜୁଦ ତାନୁଏ ପାଚୁ ପତିତା ଏଲେଇଞ୍ଜି ମାନେସି,

ପ୍ରବୁ ନା ପ୍ରବୁଙ୍କୁ ଖେସେସି,

୪୩ ନୀନୁ ନୀ ସାଡୁୟାଁଣି ନୀ କତାୟାଁ ଡ଼ଇ ଇଟାଆ ପାଚେକା,

ନୀନୁ ନୀ ଟିଃନିଞ୍ଜାକି କୁଗାମାନାମୁ ।

୪୪ ଦାଞ୍ଜୁଦ ତାନୁଏ ଏଞ୍ଜାଣାଙ୍କୁ ପ୍ରବୁ ଇଞ୍ଜାଁ ମାନେସି; ଆଡ଼ିହୁଁ କ୍ରୀସ୍ତ ଏନିକିଁ ଏଞ୍ଜାଣି ମୀରଏସି ?

**ମେରାପୁନାରି ତାଣାଟି ଜାଗ୍ରାତା**

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାୟୁ ବାରେ ଲକୁ ନକିତା ସାସୁୟାଙ୍କୁ ଖେସେସି,

୪୬ “ମେରା ଜାପୁନାରି ତାଣାଟି ଜାଗ୍ରାତା ! ଇଡ଼ିହୁଁ ଏଞ୍ଜାରି ଲାମ୍ବା ଲାମ୍ବା ହିମ୍ବୁରିକା ହୁଟାନା ତିରୁଞ୍ଜିହୁଁ ରେଜାଲି, ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାଡ଼ାନା ଇଲକାଣା ନେହୁଁ ନେହୁଁ କୁଚିୟାଁ ଅଡ଼େ ବକିତା ନେହୁଁ ଟାୟୁ ବେଟାଆହାଲି ଅଣ୍ପିନେରି;

୪୭ ଏଞ୍ଜାରି ରାଣ୍ଡେଣିସିକା ଇଲୁ ସେଦିନେରି ଅଡ଼େ ଉଜେ ଉଜେଏ ଲାମ୍ବା ଲାମ୍ବା ପ୍ରାଡ଼ାନା କିନେରି; ଏଞ୍ଜାରି ହାଡ଼େକା ତଣ୍ଡି ବେଟାଆନେରି ।”

**୨୧**

**ରାଣ୍ଡେଣିନି ଦାନା**

(ମାତି ୧୨:୪୧-୪୪)

୧ ଏଚିବେଲା ଦନଗାଟାରି ଦାନା ପେଡ଼ାତା ତାମି ଦାନା ମେଡ଼ିହି ମାଟାଣି ଜୀସୁ ସିନିକିହିମାଚେସି,

୨ ଅଡ଼େ ର କାର୍ମାଗାଟି ରାଣ୍ଡେଣି ଖାହାନା ଏମ୍ବାଆଁ ରୀ ଉଣା ତାମ୍ବାଡ଼ି ଆଦଲି ମେଡ଼ିହାଣି ମେସାନା ଏଲେଇଚେସି,

୩ “ନୀନୁ ମିଙ୍ଗ ସାତା ଖେସିମାଞ୍ଜାଙ୍କୁ ଇ କାର୍ମାଗାଟି ରାଣ୍ଡେଣି ଗାଡ଼ି ଦାନା ହୀହାମାନେ,

୪ ଇଡ଼ିହୁଁ ଦନ ଗାଟାରି ତାମି ଗାଡ଼ି ଦନଟି ଇଟାଣି ତାଟାନା ବେଟୁ ହୀହାମାନେରି, ସାମା କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଙ୍ଗେ ନୀତାଲିତାକି ଏନାୟି ମାଚେ ଏ ବାରେ ହୀହାମାନେ ।”



ମାହାପୁରୁ ଇଲୁ ନସ୍ତୁ ଆନ୍ତି କାତା  
(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲୁ ଅନ୍ତି ଅନ୍ତିତି  
ଝାଲୁକା ଅଡ଼େ ଦାନା ହାନାଣି ତଲେ ଅଜିକି ଆଜାମାନେ  
ଇଞ୍ଜି ଇଞ୍ଜାଲିଏ ଜୀସୁ ଏଲେଇଚେସି,

୬ “ମୀରୁ ନୀର୍ଏ ଏନା ଏନାଆଁ ମେସିମାଞ୍ଜେରି, ଦିନା  
ଝାନେ, ଏଚିବେଲା ର ଝାଲି ଅର ଝାଲି ଲାକ ଡ଼ୟେଏ, ଇ  
ବାରେ ମେଶିଙ୍ଗାହାନେ ।”

କସ୍ତୁ ଅଡ଼େ ନିନ୍ଦା ଝାନ୍ତି କାତା  
(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଝାରି ଏଝାଣାଈଁ ଝେଚେରି, “ଏ ଗୁରୁ  
ଆଡ଼ିହୁଁ ଇ ବାରେ ଏଚେଲା ଆନେ ? ଇଞ୍ଜା ଇ ବାରେ  
ଆମିନି ବେଲାତା ଆନେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନ୍ତିକି ଆନ୍ଦା  
ଆଅଡେରି; ଇଚିହୁଁ ହାରେକା ନା ଦରୁଚି ଝାହାନା ନାନୁ  
ଏଝାଡେଏଁ ଅଡ଼େ ଏ ଦିନା ଏଦାଡେୟିଏ ଇଞ୍ଜି ଇଞ୍ଜାନେରି;  
ଏଝାରି କେଚ ହାଲାଆଦୁ ।

୯ ଇଞ୍ଜା ମୀରୁ ଏଚେତା ଜୁଜୁ ଇଞ୍ଜା ମେଲି ଆହିମାନାଣି  
ଝେଚିସାରେ ଆଜାଆଦୁ; ଏନ୍ତିକିହୁଁ ଇ ବାରେ ନଚେଏ  
ଆୟାଲି ଆନେ, ଆଡ଼ିକିକେଏ ଏଚିବେଲା ଜୁଗୁ ରାଏ ।”

୧୦ ଡାୟୁ ଏଝାରାଇଁ ଏଲେଇଚେସି, “ଦେସା କପାଟି  
ଦେସା, ରାଜି କପାଟି ରାଜି ମେଲି ନିଜିନେ,

୧୧ ଇଞ୍ଜା ଇମ୍ବାଆଁ ଏମ୍ବାଆଁ ବୁମି ଝାଡିନେ, ହାରେକା  
ଚାୟୁତା ମରଡ଼ି ଇଞ୍ଜା କାର୍ଝୁ ଝାନେ, ଅଡ଼େ ହାଗୁ ପାକାତା  
ଆଜିହପେତି ସିନାୟି ତଞ୍ଜା ଆନୁ ।

୧୨ ସାମା ଇ ବାରେ ଆଆ ନଚେଏ ଲକୁ ମିଙ୍ଗେ ଆସାନା  
ନା ଦରୁ ତାକି ନିନ୍ଦା କିହାନା ଜୀହୁଦି ଲକୁତି କୁଟମି  
ଇଲୁକାଣା\*, କାୟିଦି ଇଲୁକାଣା, ରାଜା ଇଞ୍ଜା ନୀହାୟି  
କିନାରି ତାଣା ହେରପାନେରି;

୧୩ ଇଦି ମିଙ୍ଗେତାକି ସାକି ଆନେ ।

୧୪ ଇଞ୍ଜା ଏନାଆଁ ଜଲିଇଁ ଏନାଆଁ ଝେହୁଇଁ ଇଞ୍ଜି  
ତଲିଏ ମନତା ଅଶ୍ପାଆଦୁ;

୧୫ ଏନାଆଁତାକି ଇଚିହୁଁ ମୀ ସାତୁୟାଁ ମିଙ୍ଗେ ଝେଶ୍ଟେ  
ଜଲାଇ କି ଝେସାଲି ଆଡାଆପେରିଝା ଇଞ୍ଜି ନାନୁ ମିଙ୍ଗେ  
ଏଚିବେଲାତା ନେହୁଁ ବୁଦି ଅଡ଼େ ସୁଝା ହିୟାଇଁ ।

୧୬ ସାମା ମୀ ତାଲି ତାଞ୍ଜି ତାୟିୟାଁ ସାମାୟିୟାଁ ଇଞ୍ଜା  
ମୀ ତଣେସିଙ୍ଗା ଜିକେଏ ମିଙ୍ଗେ ହେରପାନେରି, ଅଡ଼େ ମୀ  
ବିତ୍ରାଟି ଆମ୍ବା ଆମ୍ବାଆରାଇଁ ଇରହାନା ପାୟିନେରି,

୧୭ ଇଞ୍ଜା ନା ଦରୁ ତାକି ବାରେ ଲକୁତାଣା ଲାଜା  
ବେଟାଆଡେରି ଅଡ଼େ ଅପଅରି ।

୧୮ ସାମା ମୀ ତାୟିୟାଁ ତୁ ର ବାଣା ଜିକେଏ ନସ୍ତୁ ଆଏ;

୧୯ ଅରୁହିନି ତାଣାଟି ମୀରୁ ମୀ ଜୀଝୁତି ଗେଲ୍ପିକିହା  
କଡ଼ିଦେରି ।”

ଜିରୁସାଲମ ନାସା ଆନ୍ତି କାତା  
(ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାତୁୟାଁ ଜିରୁସାଲମ  
ଗାଡାତା ମୁଚାମାନାଣି ମେହୁଦେରି, ଏଚିବେଲା ଏଡ଼ି ନାସା  
ଆନ୍ତି କାଲା ଏଦାଡେ ଇଞ୍ଜି ପୁଞ୍ଜୁ ।

୨୧ ଏଚିବେଲା ଏମିନିଗାଟାରି ଜୀହୁଦା ଦେସାତା  
ମାନେରି, ଏଝାରି ହରକାଣା ହଶପାରି; ଇଞ୍ଜା ଏମିନିଗାଟାରି  
ଗାଡା ବିତ୍ରା ମାନେରି, ଏଝାରି ହରା ହାଲବେରି;  
ଏମିନିଗାଟାରି ନାସକାଣାଁ ମାନେରି, ଏଝାରି ଗାଡାତା  
ହଡ଼ଆପେରି;

୨୨ ଏନ୍ତିକିହୁଁ ମାହାପୁରୁ ପତିତା ରାସ୍ତିକି ଆହାମାନି  
ବାରେ କାତାଲେହେଁ ଆୟାଲିତାକି ଏଡ଼ି ତଣ୍ଡ ହାନି କାଲା  
।

୨୩ ଆୟତା ଏଚିବେଲା ପୁରାମାସା ଆହାମାନୁ କି ପାଲୁ  
ଡ଼ହୁମାନୁ ଏଝି ଡ଼ଶେଏ କସ୍ତୁ ପାଶ୍ଟୁକି ! ଏନ୍ତିକିହୁଁ  
ଏଚିବେଲା ଇ ଦାର୍ଡିତା କାଜା ତଣ୍ଡ ଅଡ଼େ ଇ ଲକୁତାକି  
ମାହାପୁରୁତି କପା ଆନେ,

୨୪ ଏଚରଜାଣା କାଣ୍ଡାତଲେ ଚୁଶ୍ଟି ଆନେରି, ଇଞ୍ଜା  
ଏଚର ଜାଣାଇଁ ଦସ୍ପି କିହାଁ ଏଚକା କୁଡାତି ଲକୁତାଣା  
ଅନେରି, ଇଞ୍ଜା ଏଚକା ଜାଡ଼ିତି ଲକୁତି କଲା ଏଆ ପାଡେକା  
ଏଝାରି କତାୟାଁ ତଇ ଜିରୁସାଲମ ଗାଡା ଝିସ୍ପିଆହୁଁ  
ଡ଼ୟିନେ ।”

ମାଣ୍ଡସି ମୀରୁଏସି ଝେଶ୍ଟା ଝାନାୟି  
(ମାତି ୨୪:୨୯-୩୧; ମାର୍କ ୧୩:୨୪-୨୭)

୨୫ “ଏମ୍ବାଟିଏ ଝେଡ଼ା ଲେଞ୍ଜୁ ଅଡ଼େ ହୁକାୟାଁ ବିତ୍ରାଟି  
ଏନ୍ତି ଏନ୍ତି ସିନାୟାଁ ତଞ୍ଜାଆନେ, ସାମ୍ବୁରି ଗାଜି ନାଣି ଇଞ୍ଜା  
ଏୟୁ ନିଜିନାଣି ମେସାନା ଦାର୍ଡିତି ବାରେ ଦେସାତି ଲକୁ  
ଆଡାଜାକା ଆନେରି,

୨୬ ଇଞ୍ଜା ଦାର୍ଡିତା ଏନା ଏନାୟି ଗଟଝି ଆହିମାନେ  
ଇଞ୍ଜି କାଟାନା ଲକୁ ଆଜିତାକି ଜୀଝୁ ପିସ୍ତିଲେହେଁ  
ଆନେରି, ଏନ୍ତିକିହୁଁ ହାଗୁ ପାକାତି ବାଡ଼ୟୁ ବାରେ  
ଝାଡିନେ ।

୨୭ ଏଚିବେଲା ମାଣ୍ଡସି ମୀରୁଏସି କାଜା ବାଡ଼ୟୁ ଅଡ଼େ  
ଗାଝୁରମି ତଲେ ହାଗୁ ଲାକତି ଦୁୟାଟି ଝାନାଣି ମେହୁଦେରି  
।

୨୮ ସାମା ଇ ବାରେ ଗଟଝି ଆୟାଲି ମାଟ୍ଟିସାରେ ମୀରୁ  
ଲାକ ସିନିକିଦୁ ଏନ୍ତିକିହୁଁ ମିଙ୍ଗେ ଗେଲ୍ପିନି କାତା  
ଏଜିମାଞ୍ଜାନେ ।”

ତୟା ମାରୁନୁଟି ଜାପିନାୟି  
(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡ଼େ ଜୀସୁ ଏଝାରାଇଁ ର ପୁଶ୍ଟିକିନି କାତା ଝେସ୍ପେସି,  
“ତୟା ମାରୁନୁ ଅଡ଼େ ବାରେ ମାରୁକାଣି ସିନିକିଦୁ;

୩୦ ଏଚିବେଲା ଏଝି ଗଝେଡ଼ି ଗାଲ୍ଲୁ, ଏ ଗଝେଡ଼ି  
ଗାଲ୍ଲୁନାଣି ମେସାନା କାରା ଝେଡ଼ା ଝାଡ଼େ ଇଞ୍ଜି ମୀରୁ  
ପୁଞ୍ଜେରି;

\* ୨୧:୧୨ ସିନଗର ☆ ୨୧:୧୪ ଲୁକ ୧୨:୧୧,୧୨ ☆ ୨୧:୨୫ ଝେ ବଲୁ ୬:୧୨,୧୩ ☆ ୨୧:୨୭ ଝେ ବଲୁ ୧:୭

୩୧ ଏଲେକିହିଁ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜିଁ ପୁଞ୍ଜେରି ।”

୩୨ “ନାନୁ ମିଙ୍ଗ ସାତା ୱେସିମାଞ୍ଜାଇଁ, ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଟାଅରି ।

୩୩ ହାଗୁପାକା ଦାରୁତି ବାରେ ମେଣ୍ଟାଜିନେ, ସାମା ନା ବଲୁ ଏଚେଲାଝା ମେଣ୍ଟାଜା ।”

**କାଡ଼ିହିଁ ମାନାୟି**

(ମାତି ୨୪:୩୭-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହିଁ ତିନାଣି ଉନାଣି ଅଡେ ବାଡକିନି ଅଣ୍ପୁ ମୀ ହିୟାଁତା ନେଞ୍ଜିନେ ଅଡେ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ୱାନେ;

୩୫ ଏନିଇଚିହିଁ ଏଦି ପାନ୍ଦା ଲେହେଁ ଦାରୁତିତି ବାରେ ଜାଡିତି ଲକୁ ମୁହେଁ ୱାନେ ।

୩୬ ସାମା ମୀରୁ ଏନିକିଁ ଇ ବାରେ ୱାହିମାନି ତଣ୍ଡୁଟି ଗେଲ୍ପି ଆହାଲି ଅଡେ ମାଣସି ମୀରୁଏଣି ନକିତା ନିଚାଲି ଆଡିଦେରି, ଏଦାଆଁତାକି ବାରେଚେଲା କାଡାନା ପ୍ରାଡାନା କିହେମାଞ୍ଜୁ ।”

୩୭ ☆ଜୀସୁ ଏଚିବେଲା ପ୍ରାଡାନା ଇଲୁତା ଜାପହି ମାଚେସି, ଇଞ୍ଜା ଲାଆଁୟାଁ ଗାଡାଟି ହଡା ହାଜାନା ଜୀତ ଇନି ହରୁତା ମାଣ୍ଡିତେସି ।

୩୮ ଅଡେ ବାରେ ଲକୁ ପ୍ରାଡାନା ଇଲୁତା ଜୀସୁ କାତା ୱେଞ୍ଜାଲି ଲାଇ ଲାଇସିଏ ରୁଣ୍ଡା ଆହିମାଚେରି ।

**୨୨**

**ଜୀସୁଇଁ ପାୟାଲି ପାରୁ ପାରିନାୟି**

(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍ପିଆନି ପାରୁ ଦରୁଗାଟି ପୁଲ୍ୟାଏୟୁ ଆଣ୍ଡାଆତି ରୁଟି ତିନି ପାରୁ ତାଗେ ଆହିମାଚେ ।

୨ ଇଞ୍ଜା କାଜା ପୂଜେରା ଅଡେ ମେରାପୁନାରି, ଜୀସୁଇଁ ଏନିକିଁ ପାୟାଲି ଆଡିନେରି, ଏଦାଆଁତାକି ପାରୁ ପାରିମାଚେରି, ସାମା ଏଝାରି ଲକୁଣି ଆଜିମାଚେରି ।

**ଜୀହୁଦା ଜୀସୁଇଁ ଆସ୍ପି କିହାଲି ରାଜି ଆନାୟି**

(ମାତି ୨୬:୧୨-୨୬; ମାର୍କ ୧୪:୧୦, ୧୧)

୩ ଏଚିବେଲା ବାରଜାଣା ସୀସୁୟାଁ ବିତ୍ରାମାନି ଇସ୍ପାରିୟତ ଦରୁଗାଟି ଜୀହୁଦା ହିୟାଁତା ସୟତାନ ହଚେ;

୪ ଅଡେ ଜୀହୁଦା ହାଜାନା ଏନିକିଁ କାଜା ପୂଜେରାଞ୍ଜା ଅଡେ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍ପି କିନେସି, ଏଦାଆଁତାକି ଏଝାରିତଲେ କାତାବାର୍ତା ଆଡେସି ।

୫ ଏମ୍ପାଟିଏ ଏଝାରି ରାହାଁ ଆହାନା ଏଝାଣାକି ଟାକାୟାଁ ହାହାଲି ଆଞ୍ଜିତେରି ।

୬ ଅଡେ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଝାରି କେୟୁତା ହେର୍ପାଲି ପାରୁ ପାରାତେସି ।

☆ ୨୧:୩୭ ଲୁକ ୧୯:୪୭

**ପିସ୍ପିଆନି ପାରୁତି ବଜି ତିୟାରା କିନାୟି**

(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ଡାୟୁ ଆମିନି ଦିନା ପୁଲ୍ୟାଏୟୁ ଆଣ୍ଡାଆତି ରୁଟି ତିନି ପିସ୍ପିଆନି ପାରୁତାକି ମେଣ୍ଡା ତାଲୁକାଣି ପୂଜା କିନି ଦିନା ଏଡେ;

୮ ଏଚେଟିଏ ଜୀସୁ ପିତର ଅଡେ ଜହନଇଁ ଇ କାତା ୱେସା ପାଣ୍ଡିତେସି, “ମୀରୁ ହାଜାନା ମାଞ୍ଜେତାକି ପିସ୍ପିଆନି ପାରୁତାକି ରାନ୍ଦା ୱାଜାଦୁ ମାରୁ ତିନଝା ।”

୯ ଏମ୍ପାଟିଏ ଏଝାରି ଜୀସୁଇଁ ୱେଚେରି, “ମାମ୍ପୁ ଆମ୍ପିୟା ହାଜାନା ରାନ୍ଦା ୱାଜିହାଲାପାରି ଇଞ୍ଜିଁ ନୀନୁ ଅଣ୍ପିମାଞ୍ଜି ?”

୧୦ ଏଝାସି ଏଝାରାଇଁ ଏଲେଇଚେସି, “ମୀରୁ ଗାଡା ହଚିସାରେ ତୁକାତା ଏୟୁ ଅହିମାନାଣାଇଁ ମେହ୍ଦେରି; ଏଝାଣି ଜେଚ ଜେଚ ହାଜାନା ଏଝାସି ଆମିନି ଇଜ ହଡନେସି ଇଲୁ ଗାଟାଣାଇଁ ୱେହ୍ଦୁ,

୧୧ ଗୁରୁ ନିଙ୍ଗ ଇଲେଇଞ୍ଜିଁ ୱେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ ପିସ୍ପିଆନି ପାରୁତି ବଜି ଏମିନି ଇଲୁତା ତିଇଁ ଏ ବାକ୍ରା ଆମିନାୟି ତସ୍ତାମୁ ?

୧୨ ଏମ୍ପାଟିଏ ଏଝାସି ନେହିଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା ତସ୍ତାନେସି; ଏମ୍ପାଆଁ ମାଞ୍ଜେତାକି ରାନ୍ଦା ୱାଜାଦୁ ।”

୧୩ ଏଝାରି ହାଜାନା ଜୀସୁ ଏଝାରାଇଁ ଏନିକିଁ ୱେସାମାଚେସି, ଏଲେକିଁ ମେସାନା ପିସ୍ପିଆନି ପାରୁତି ରାନ୍ଦା ୱାଜିତେରି ।

**ପ୍ରବୁତି ବଜି**

(ମାତି ୨୬:୨୬-୩୦; ମାର୍କ ୧୪:୨୨-୨୬; ୧କର ୧୧:୨୩-୨୫)

୧୪ ପିସ୍ପିଆନି ପାରୁତି ବେଲା ଆୟାଲିଏ, ଜୀସୁ ଅଡେ ତାନି ପାଣ୍ଡି ଆଡି ସୀସୁୟାଁ ତଲେ ତିଞ୍ଜାଲି କୁରିତେରି ।

୧୫ ଅଡେ ଏଝାସି ଏଝାରାଇଁ ଏଲେଇଚେସି, “ନାନୁ ଦୁକୁ କସ୍ତ ପୁଞ୍ଜାଆ ନକେଏ ମୀ ତଲେ ଇ ପିସ୍ପିଆନି ପାରୁତି ବଜି ତିଞ୍ଜାଲି ହାଚେକା ଅଣ୍ପାପାଚେଏଁ !

୧୬ ଏନିଇଚିହିଁ ନାନୁ ମିଙ୍ଗେ ୱେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାତେକା ନାନୁ ଅଡେ ଏଚେଲାଝା ଏଦାଆଁ ତିନଅଁ ।”

୧୭ ଇଞ୍ଜା ଏଝାସି ର ସଲ୍ଲା ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା ବାଟିକିଦୁ ।

୧୮ ଇଚିହିଁ ନାନୁ ମିଙ୍ଗେ ୱେସିମାଞ୍ଜାଇଁ, ମାହାପୁରୁ ରାଜି ୱାଆ ପାତେକା ନାନୁ ନୀଞ୍ଜୁଟିଏ ଅଞ୍ଜୁରି ରାସା ଏଚେଲାଝା ଗହଅଁ ।”

୧୯ ଅଡେ ଏଝାସି ରୁଟି ଅହାନା ମାହାପୁରୁଇଁ ଜହରା କିହାଁ ଡିକ୍‌ହାନା ହାହାଁ ଏଲେଇଚେସି, “ମିଙ୍ଗେତାକି ହୀପ୍‌କି

ଆହାମାନି ନା ଆଜ୍ଞା ଇଦି; ନାଜେ ଅଣ୍ଟାଲି ଇଦାଆଁ କିଦୁ ।”

୨୦ ଏଲେକିହିଁଏ ତିତି ତାୟୁ ଏଞ୍ଜାସି ଗହ୍ନି ସଲ୍ଲା ଆସାନା ଏଲେଇଚେସି, “ଇ ସଲ୍ଲାତା ମିଜେତାକି ଖାକ୍‌ହିମାନି ନା ନେତେରିତି ପୁଃନି ରାଜ୍‌ମାନା ।”

୨୧ “ସାମା ମେହ୍‌ଦୁ ଆମ୍ବାଆସି ନାଜେ ସାତୁ କେୟୁତା ହେରପିମାଞ୍ଜାନେସି, ଏଞ୍ଜାସି ନା ତଲେ ବଢ଼ିତା କୁଗାମାନେସି ।

୨୨ ଏନିଇଚିହିଁ ମାହାପୁରୁ ତାରି କିହାମାତି ଲେହେଁ ମାଣସି ମାର୍‌ଏସି ହାନ୍‌ନେସି, ସାମା ଏଞ୍ଜାଣାଇଁ ସାତୁ ତାଣା ହେରପିନେସି ଆୟତା ଏଞ୍ଜାସି ଉଣେଏ ଡଣ୍ଡ ବେଟା ଆନ୍‌ନେସି ।”

୨୩ ଏମ୍ବାଟିଏ ଏଞ୍ଜାରି ମା ବିତ୍ତାଟି ଆମ୍ବାଆସି ଇଲେତି କାମା କିନେସି ଇଞ୍ଜାଁ ତାମ୍ବୁ ତାମ୍ବୁ ଉଲ୍‌କି ଆଡେରି ।

**ଆମ୍ବାଆସି କାଜାସି ଇଞ୍ଜାଁ ବାଦିବାଦା**

୨୪ \*ଇଞ୍ଜାଁ ଏଞ୍ଜାରି ବିତ୍ତାଟି ଆମ୍ବାଆସି କାଜାସି ଆନ୍‌ନେସି ଇଞ୍ଜାଁ ସାମୁୟାଁ ବିତ୍ତା ଆସପି ଆଡେରି ।

୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଟକା କୃତାତି ରାଜାୟାଁ ଏଞ୍ଜାରି ମୁହେଁ ସାଲ୍‌ଝି କିନେରି, ଅଡେ ଆମିନି ଗାଟାରି ଏଞ୍ଜାରାଇଁ ସାଲ୍‌ଝି କିନେରି, ଏଞ୍ଜାରି ଲକୁତାଣା ନେହାଁରି ଇଞ୍ଜାଁ ଝେଙ୍ଗାଲି ଅଣ୍ଟାପିନେରି ।

୨୬ \*\*ସାମା ମା ବିତ୍ତା ଏଲେଆଆଦୁ ଇଚିହିଁ ମା ବିତ୍ତା ଆମ୍ବାଆସି କାଜାସି ଏଞ୍ଜାସି ଉଣା ଆପେସି, ଇଞ୍ଜାଁ ଆମ୍ବାଆସି ସାଲ୍‌ଝି କିନାସି ଏଞ୍ଜାସି ସେବା କିନାସି ଆପେସି ।

୨୭ \*ଆମ୍ବାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଆସକି ? ସାମା ନାନୁ ମା ବିତ୍ତା ସେବା କିନାତେଏଁଲେହେଁ ଆହାମାଇଁ ।”

୨୮ “ସାମା ମାରୁ ନା ବାରେ କସ୍ତା ନା ତଲେ ମାଞ୍ଜାମାଞ୍ଜେରି;

୨୯ ଇଞ୍ଜାଁ ନା ଆବା ଏନିକିଁ ନାଜେ ସାଲ୍‌ଝି କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହିଁଏ ମିଜେ ହିୟାଇଁ,

୩୦ \*ଏନିକିଁ ମାରୁ ନା ରାଜ୍‌ତା ନା ତଲେ କୁଗାନା ତିଞ୍ଜେରି, ଇଞ୍ଜାଁ ସିଂଗାସାଣିତା କୁଗାନା ଇସ୍ତାୟେଲତି ବାରି କୃତାତି ସାଲ୍‌ଝି କିଦେରି ।”

**ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଝେହ୍‌ନି କାତା**

(ମାତି ୨୭:୩୧-୩୫; ମାର୍କ ୧୪:୨୭-୩୧; ଜହ ୧୩:୩୭-୩୮)

୩୧ “ସିମନ, ସିମନ ମେହ୍‌ମୁ ସୟତାନ ଗହ୍ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ;

୩୨ ସାମା ନୀ ନାମୁ ଏନିକିଁ ମେଣ୍‌ଜେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏଁ; ଇଞ୍ଜାଁ ନାନୁ ନେହିଁ ଆହାନା ଝେଣ୍ଡାସାରେ ନୀ ତାୟିୟାଣି ତାରପୁକିମୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡେ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜାମାଞ୍ଜାଇଁ, ନୀଞ୍ଜୁ କୟୁ କେଣ୍‌ଆ ନକେଏ ନୀନୁ ନାଜେ ତାନିପାଲି ପୁଞ୍ଜାହିଲଅଁ ଇଞ୍ଜାଁ ଝେହ୍‌ଦି ।”

**ଟାକାୟାଁ ମଣା ଅଡେ କାଣ୍ଡା**

୩୫ \*ଜୀସୁ ଏଞ୍ଜାରାଇଁ ଏଲେଇଚେସି, “ଏଚିବେଲା ନାନୁ ମିଜେ ତାରୁୟାଁ ମଣା ଇଞ୍ଜାଁ ସେପୁୟାଁ ଅଆନା ହାନ୍ତୁ ଇଞ୍ଜାଁ ପାଣ୍ଡା ମାଞ୍ଜାତେଏଁ ଏ ବେଲା ମିଜେ ଏନାୟି ଉଣା ଆୟାତେକି ?” ଏଞ୍ଜାରି ଏଲେଇଚେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏଁ ଆମ୍ବାଆରାକି ତାରୁୟାଁ ମାନୁ ଏଞ୍ଜାସି ଏଞ୍ଜାଆଁ ଅପେସି, ଏଲେକିହିଁଏ ମଣା ଜିକେଏ ଅପେସି, ଅଡେ ଆମ୍ବାଆରାକି କାଣ୍ଡା ହିଲେଏ ଏଞ୍ଜାସି ତାନି ହିମ୍ବୁରି ପାରତାନା କତାପେସି ।

୩୭ ଇଚିହିଁ ନାନୁ ମିଜା ଝେସିମାଞ୍ଜାଇଁ, ମାହାପୁରୁ ପତିତା ରାସ୍‌କି ଆହାମାନାୟି ସାତେଏ ନାଜେତାକି ଆନାୟି ମାନେ, ଏଞ୍ଜାସି ପାପୁ ଗାଟାରି ତଲେ ଲେକା ଆନ୍‌ନେସି, ଏଲେଆହିଁଏ ଏ ବାରେ ନାଜେ ଏଜାତାଟିମାନେ ।”

୩୮ ଏମ୍ବାଟିଏ ଏଞ୍ଜାରି ଏଲେଇଚେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜାଁ ଏଞ୍ଜାସି ଏଲେଇଚେସି, “ହାଅ, ଏଞ୍ଜିଏ ସାରି ଆନୁ ଇଚେସି ।”

**ଜୀସୁ ଜୀତ ହରୁତା ପ୍ରାତାନା କିନାୟି**

(ମାତି ୨୭:୩୭-୪୨; ମାର୍କ ୧୪:୩୨-୪୨)

୩୯ ଏଞ୍ଜାସି ଗାଡାଟି ହଡା ହାଜାନା ତାନୁ ହାଲ୍‌ଝିତିଲେହେଁ ଜୀତ ହରୁତା ହାଚେସି, ଅଡେ ସାମୁୟାଁ ଜିକେଏ ଏଞ୍ଜାଣି ଜେଟ ହାଚେରି ।

୪୦ ଏମ୍ବାଆଁ ଏଜାନା ଏଞ୍ଜାସି ତାନି ସାମୁୟାଁଇଁ ଝେସ୍ତେସି, “ମାରୁ ଏନିକିଁ ପାନ୍ଦାତା ହେରଝି ଆଅଡେରି, ଇଦାଆଁତାକି ପ୍ରାତାନା କିଦୁ ।”

୪୧ ଅଡେ ଏଞ୍ଜାସି ଏଞ୍ଜାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହିଁ ଝେସ୍ତେସି,

୪୨ “ଏ ଆବା ନାନୁ ମନ କିତିହିଁ ଇ ଦୁକୁ କସ୍ତ ନା ତାଣାଟି ଗୁଚି କିମ୍ବୁ; ସାମା ନା ମନ କଡେ ଆଏ ନୀ କାତେଏ ଆପେ ।”

୪୩ ଅଡେ ଲାକପୁରୁତି ର ଦୁତୁ ତଞ୍ଜାଆହାନା ଏଞ୍ଜାଣାକି ବାଡୁୟୁ ହୀତେ ।

୪୪ ଏଚେଟିଏ ଏଞ୍ଜାସି ହାରେକା ଦୁକୁ ତଲେ ଅଡେ ଗାଡିକିହିଁ ପ୍ରାତାନା କିତେସି, ଇଞ୍ଜାଁ ଏଞ୍ଜାଣି ଗାମା ନେତେରିଲେହେଁ ବୃମିତା ତରଗିମାଚେ ।

୪୫ ଅଡେ ଏଞ୍ଜାସି ପ୍ରାତାନାଟି ନିଜା ଖାହାନା ତାନି ସାମୁୟାଁଣି ଦୁକୁ ତଲେ ଇଦା କିତାଣି ମେସ୍ତେସି;

୪୬ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରଝିଅଡେରି ଏଦାଆଁତାକି ନିଜାମା ପ୍ରାତାନା କିଦୁ ।”

\* ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭    \* ୨୨:୨୭ ମାତି ୨୩:୧୧; ମାର୍କ ୯:୩୫    \* ୨୨:୨୭ ମାତି ୨୦:୨୫-୨୭; ମାର୍କ ୧୦:୪୨-୪୪    \* ୨୨:୨୭ ଜହ ୧୩:୧୨-୧୫    \* ୨୨:୩୦ ମାତି ୧୯:୨୮    \* ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪

ଜୀସୁଙ୍କ ଦହନି କାତା

(ମାତି ୨୭:୪୭-୫୨; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଳିମାଚାଟି ର ମାନ୍ଦା ଲକୁ ଏମ୍ବାଆଁ ଏଗା ଖାଡେରି, ଅଡେ ବାରଜାଣା ସାସୁୟା ବିତ୍ରାଟି ଜୀହୁଦା ଦରୁଗାଚାସି ଏଞ୍ଜାରି ନକିତା ଖାହାନା ଜୀସୁଙ୍କ ନଶ୍ୱାଲି ତାନି ତାଣା ହାଚେସି ।

୪୮ ସାମା ଜୀସୁ ଏଞ୍ଜାଣାଙ୍କ ଏଲେଇଚେସି, “ଏ ଜୀହୁଦା ନଶ୍ୱାନା ମାଣସି ମୀରଏଣାଙ୍କ ସାତୁୟା କେୟୁତା ହେରପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଚାରି ଇଦି ଏନାୟି ଇଞ୍ଜି ପୁଞ୍ଜାନା ଜୀସୁଙ୍କ ଏଲେଇଚେରି, “ଏ ପ୍ରବୁ ମାମ୍ବୁ ଲୁଖାରାଙ୍କ କାଣ୍ଡାତଲେ ପାୟିନମି କି ?”

୫୦ ଅଡେ ଏଞ୍ଜାରି ରଅସି କାଜା ପୂଜେରା ହଲେଏଣାଙ୍କ ଇରହାନା ତାନି ଚିଃନି କିୟି ଦ୍ୱାଡାତୁସେସି ।

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡେ” ଇଞ୍ଜାନା ଏଞ୍ଜାଣି କିୟି ତ୍ରାଗାନା ନେହି କିତେସି ।

୫୨ ଅଡେ ଜୀସୁ ତାଙ୍ଗେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁଡି କାପୁଗାଚାରି ଅଡେ ଲକୁଡି କାଜାରାଙ୍କ ଏଲେଇଚେସି, “ମୀରୁ ସରୁଙ୍କ ଆହନିଲେହେଁ ଇଟା କାଣ୍ଡା ଅଡେ ଚେଙ୍ଗାୟା ଆସାନା ଖାହାମାଞ୍ଜେରି ?

୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁଡା ମାଚେସି, ଏଚିବେଲା ମୀରୁ ନାଙ୍ଗେ ଆସାଆଡେରି; ସାମା ଇ ଦିନା ମୀଦିଏ ଅଡେ ଆନ୍ଦେରିଡି ବାଡୁୟୁ ରାଜିକିନି ଦିନା ।”

ପିତର ଜୀସୁଙ୍କ ପୁଞ୍ଜାହିଲଅଁ ଇଞ୍ଜି ଇନାୟି

(ମାତି ୨୭:୫୭, ୫୮, ୬୯-୭୫; ମାର୍କ ୧୪:୫୩, ୫୪, ୬୭-୭୨; ଜହ ୧୮:୧୨-୧୮, ୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଙ୍କ ଅହାନା କାଜା ପୂଜେରା ଇଜ ତାଡେରି; ସାମା ପିତର ହେକ ମାଞ୍ଜାନା ଜେଟ ଜେଟ ହାଚେସି ।

୫୫ ଅଡେ ଏଞ୍ଜାରି ଆଁଗେଣିତା ହିରୁ ତାସାନା ହିରୁ ସାରିସୁରୁ କୁଗିଡେରି, ଇଞ୍ଜା ପିତର ଜିକେଏ ଏଞ୍ଜାରିତଲେ କୁଗିଡେସି ।

୫୬ ଏମ୍ବାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଙ୍କ ସିନିକିହାନା ଏଲେଇଚେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଚାସି ।”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଞ୍ଜାଣାଙ୍କ ପୁଣ୍ଡସୁ ପୁଞ୍ଜାହିଲଅଁ ।”

୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିତ୍ରାଟି ରଅତି ।” ସାମା ପିତର ଏଲେଇଚେସି, “ଆଏ ତାୟି ନାନୁ କଡେ ଆଏ ।”

୫୯ ଅଡେ ରଗାଟା ହାଜାଲିଏ ଅର ରଅସି ଏଲେଇଚେସି, “ସାଡେଏ ଇଞ୍ଜାସି ଏଞ୍ଜାରିତଲେ ମାଚାସି, ଏନିଇଚିହିଁ ଇଞ୍ଜାସି ଗାଲିଲି ଦେସାତାସି ।”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏନାଆଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଶ୍ୱତେ;

୬୧ ଏମ୍ବାଟିଏ ପ୍ରବୁ ମୁମ୍ବୁ ପେରହାନା ପିତରଙ୍କ ସିନିକିଡେସି; ଏମ୍ବାଟିଏ ନୀଞ୍ଜୁ କୟୁ କେଶ୍ୱା ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସ୍ତ୍ର ଇ କାତା ତାନି ମନତା ଖାଡେ,

୬୨ ଇଞ୍ଜା ଏଞ୍ଜାସି ପାଙ୍ଗାତା ହାଜାନା ଗାଡି ଦୁକୁ ଆହାନା ତାଡେସି ।

ଜୀସୁଙ୍କ ନିନ୍ଦାକିହିଁ କାକ୍ନାୟି ଅଡେ ଖେନାୟି

(ମାତି ୨୭:୨୭, ୨୮; ମାର୍କ ୧୪:୨୫)

୬୩ ଅଡେ ଆମିନିଗାଚାରି ଜୀସୁଙ୍କ ଆସା ଇଟାମାଚେରି, ଏଞ୍ଜାରି ଏଞ୍ଜାଣାଙ୍କ ଖେଟି ଖେଟିହିଁ କାକ୍ନାହେରି,

୬୪ ଅଡେ ଏଞ୍ଜାଣି ମୁମ୍ବୁ ହିମ୍ବୁରି ପୁକ୍ତହାନା ଖେଚେରି, “ନାନୁସାଁ ମାହାପୁରୁ ଅଣ୍ଡପୁଡି ବଲୁ ଖେହ୍ନାତି ! ଖେସ୍ତ୍ରାମ୍ବୁ ନିଙ୍ଗେ ଆମ୍ବାଆସି ଖେତାଡେସି ?”

୬୫ ଅଡେ ଏଞ୍ଜାରି ହାଡେକା କାତା ଏଞ୍ଜାଣି କପାଟି ଜଲାନା ଏଞ୍ଜାଣି ନିନ୍ଦାକିଡେରି ।

ବେରଣିମାଣ୍ଡା ନକିତା ଜୀସୁ

(ମାତି ୨୭:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାକ୍ ଖେୟାଲିଏ ଲକୁଡି କାଜାରି, କାଜା ପୂଜେରାଙ୍ଗା ଅଡେ ମେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜୀସୁଙ୍କ ଅହାନା ଖେଚେରି,

୬୭ “ନାନୁ କ୍ରୀସ୍ତତିକି ମାଙ୍ଗେ ଖେସ୍ତ୍ରାମ୍ବୁ ।” ସାମା ଏଞ୍ଜାସି ଏଞ୍ଜାଣାଙ୍କ ଏଲେଇଚେସି, “ନାନୁ ମିଙ୍ଗେ ଖେସ୍ତ୍ରାସାରେ ମୀରୁ ନାମଅଡେରି;

୬୮ ଅଡେ ନାନୁ ଖେଞ୍ଜାଡିହିଁ ମୀରୁ ଖେସାଲି ଆଡଅଡେରି ।

୬୯ ସାମା ନାଏଟିଏ ମାଣସି ମୀରଏସି ବାଡୁୟୁଗାଟି ମାହାପୁରୁ ଚିଃନି ଚଟତା କୁଗିନେସି ।”

୭୦ ଏମ୍ବାଟିଏ ବାରେଜାଣା ଖେଚେରି, “ଆଡିହିଁ ନାନୁ ମାହାପୁରୁ ମୀରଏଣାଡିକି ?”

ଏଞ୍ଜାସି ଏଞ୍ଜାଣାଙ୍କ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଞ୍ଜାଡେସି ।”

୭୧ ଏଚେଟିଏ ଏଞ୍ଜାରି ଏଲେଇଚେସି, “ମାଙ୍ଗେ ଅଡେ ଏନି ସାକି ଲଡା, ମାରତ ଇ କାତା ତାନି ଗୁଡିଟିଏ ଖେଚାୟି ।”

### ୨୩

ପିଲାତ ନକିତା ଜୀସୁ

(ମାତି ୨୭:୧, ୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଙ୍ଗାନା ଜୀସୁଙ୍କ ପିଲାତ ନକିତା ଅଡେରି ।

୨ ଇଞ୍ଜା ଏଞ୍ଜାରି ଜୀସୁ କପାଟି ଦହ ଦସାନା ଏଲେଇଚେରି, “ମାମ୍ବୁ ପୁଟନି ଇଞ୍ଜାସି ମା କୃତାଡି ଲକୁଣି ପଲ୍ଲଆ ଜାପୁହିମାନେସି, ଇଚିହିଁ ଇଞ୍ଜାସି କାୟିସରକି

☆ ୨୨:୫୩ ଲୁକ ୧୯:୪୭; ୨୧:୩୭

ସିସୁ ହୁଆଦୁ, ତାନୁ ନାନୁଏ କ୍ରୀସୁ ଅଡ଼େ ରାଜାତେଏଁ ଇଞ୍ଜିଁ  
ଝେସା କଡ଼ିମାନେସି ।”

୩ ଏଚେଟିଏ ପିଲାତ ଜୀସୁଇଁ ଝେଚେସି, “ନୀନୁ କି ଜୀହୁଦି  
ଲକୁଡ଼ି ରାଜାତି ?”

ଜୀସୁ ଝେସେସି, “ନୀନୁତ ଝେସିମାଞ୍ଜି ।”

୪ ଏଚେଟିଏ ପିଲାତ କାଜା ପୂଜେରା ଅଡ଼େ ବାରେ ଲକୁଣି  
ଏଲେଇଚେସି, “ନୀନୁ ଇଝାଣି ତାଣା ଏନି ଦହ ପ୍ଲାଃଆତେଏଁ  
।”

୫ ସାମା ଏଝାରି ଗାଡ଼ିକିହଁ ଜଲିତେରି, “ଇଝାସି  
ଗାଲିଲିଟିଏ ମାଟ୍‌ହାନା ଇମ୍ବା ପାତେକା ବାରେ ଜୀହୁଦା  
ଦେସାତି ଲକୁଣି ଜାପ୍‌ହାନା ଲାଗେଏ କିହିମାନେସି ।”

**ହେରଦ ନକିତା ଜୀସୁ**

୬ ସାମା ପିଲାତ ଇ କାତା ଝେଞ୍ଜାନା ଝେଚେସି, “ଇଝାସି  
ଗାଲିଲିତାସିକି ?”

୭ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜିଁ  
ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ  
ଏତିବେଲା ହେରଦ ଜିରୁସାଲମତା ମାଚେସି ।

୮ ହେରଦ ଜୀସୁଇଁ ମେସାନା ହାଡ଼େକା ରାହଁ ଆଡ଼େସି,  
ଏନିଇଚିହଁ ଏଝାସି ଏଝାଣି କାତା ଝେଞ୍ଜା ମାଚାକି  
ଏଝାଣାଇଁ ହାଡ଼େକା ଦିନାଟିଏ ମେସାଲି ମନ କିହିମାଚେସି,  
ଇଞ୍ଜା ଏଝାଣି ତାଣାଟି ଏନି କାବାଆନି କାମାକିନାଣି ମେହୁଇଁ  
ଇଞ୍ଜିଁ ଆସା କିହିମାଚେସି ।

୯ ହେରଦ ଜୀସୁଇଁ ଏନି ଏନି କାତାୟଁ ଝେଚେସି, ସାମା  
ଜୀସୁ ଏଝାଣାଇଁ ଏନି କାତାଝା ଝେଶ୍ଟେ ଝେହ୍‌ଆତେସି ।

୧୦ ସାମା କାଜା ପୂଜେରାଜା ଅଡ଼େ ମେରାପୁନାରି ନିଚାନା  
ଏଝାଣି କପାଟି ଆଜିହ୍‌ପେତି କାତାୟଁ ଜଲିମାଚେରି ।

୧୧ ଏଚେଟିଏ ହେରଦ ତାନି କସକା ତଲେ ଏଝାଣାଇଁ  
କାକ୍‌ହି କାକ୍‌ହିହଁ ନିନ୍ଦାକିତେରି ଏଚେଟିଏ ର ପାଟୁ ହିମ୍ବୁରି  
ଏଝାଣାଇଁ ହୁଚି କିହାନା ପିଲାତ ତାଣା ଝେଶ୍ଟେ ପାଣ୍ଡିତେରି ।

୧୨ ଏ ଦିନାଟିଏ ପିଲାତ ଅଡ଼େ ହେରଦ ତଣେ ଆଡ଼େରି;  
ଏଝାରି ନଡ଼େଏ ସାତୁୟଁଲେହେଁ ମେସପି ଆଝିତେରି ।

**ଜୀସୁକି ହାନି ଡ଼ଣ୍ଡ**

(ମାତି ୨୭:୧୫-୨୬; ମାର୍କ ୧୫:୬-୧୫; ଜହ ୧୮:୩୯;  
୧୯:୧୬)

୧୩ ଏମ୍ବାଟିଏ ପିଲାତ କାଜା ପୂଜେରା ଜୀହୁଦି ଲକୁଡ଼ି  
କାଜାରି ଅଡ଼େ ବାରେ ଲକୁଇଁ ହାଟି କିହାନା ଏଝାରିଇଁ  
ଏଲେଇଚେସି,

୧୪ “ଇଝାସି ଲକୁଣି ପଲ୍‌ଆ ଜାପ୍‌ହିମାନେସି ଇଞ୍ଜିଁ  
ମୀରୁ ନା ତାଣା ତାତେରି; ସାମା ନୀନୁ ଏଝାଣାଇଁ ମୀ  
ନକିତା ତାୟିପାରି କିତେଏଁ ଇଞ୍ଜା ମୀରୁ ଝେସାମାଞ୍ଜାତି ଏନି  
ଦହ ଏଝାଣି ତାଣା ପ୍ଲାଃଆତେଏଁ, ଇଞ୍ଜା ହେରଦ ଜିକେଏ  
ପ୍ଲାଃଆତେସି,

୧୫ ଏନିଇଚିହଁ ହେରଦ ଅଡ଼େ ଝେଶ୍ଟେ ନା ତାଣା  
ପାଣ୍ଡାତେସି; ଇଞ୍ଜା ମେହଦୁ ଇଝାସି ହାନି ଡ଼ଣ୍ଡ ପାଣ୍ଡିନି ଏନି  
ଦହଝା କିହାହିଲଅସି;

☆ ୨୩:୩୦ ଝେ ବଲୁ ୬:୧୭

୧୬ ଏଦାଆଁତାକି ନୀନୁ ଇଝାଣାଇଁ ସାଟ୍‌ଣି ତଲେ ଝେଚାନା  
ପିହୁଇଁ ।”

୧୭ ପିସପିଆନି ପାର୍ଟୁ ବେଲା କାୟିଦି ମାନାରି ବିତ୍ରାଟି  
ରଅଣାଇଁ ଏଝାରାକି ପିସାଲି ମେରା ମାଚେ ।

୧୮ ସାମା ଏଝାରି ରହେଏ ଗାଡ଼ିକିହଁ ଏଲେଇଚେରି,  
“ଇଝାଣାଇଁ ପାୟାଦୁ ବାରବାଇଁ ମାଙ୍ଗେ ପିସାହିୟାମୁ !”

୧୯ ଇ ବାରବାଇଁ ଗାଡ଼ାତି ଗଡ଼ହା ତାକି ଇଞ୍ଜା ରଅଣାଇଁ  
ପାୟାମାଚାକି କାୟିଦି ଇଟାମାଚେରି ।

୨୦ ସାମା ପିଲାତ ଜୀସୁଇଁ ପିସାଲି ଅଣ୍‌ପାନା ଲକୁ  
ମାନ୍ଦାତି ଅଡ଼େ ପୁଣ୍ଡି କିହାଲି ଝେସେସି ।

୨୧ ସାମା ଏଝାରି କାଜା ହାଡ଼ାତଲେ ଏଲେଇଚେରି,  
“ଏଝାଣାଇଁ ପାସି ମୁଣ୍ଡାତା ଏକ୍‌ଦୁ ପାସି ମୁଣ୍ଡାତା ଏକ୍‌ଦୁ  
ଇଞ୍ଜିଁ ଇଚେରି ।”

୨୨ ଇଞ୍ଜା ଏଝାସି ଅଡ଼େ ତାନି ପାଲି ଝେସେସି,  
“ଏଦାଆଁତାକି, ଏଝାସି ଏନି ଦହ କିହାମାନେସି ? ନୀନୁ  
ଏଝାଣି ତାଣା ଏନି ହାନିହ୍‌ଗେତି ଦହ ପ୍ଲାଃଆତେଏଁ;  
ଏଦାଆଁତାକି ନୀନୁ ଏଝାଣାଇଁ ସାସ୍ତି ହୀହାନା ପିହୁଇଁ ।”

୨୩ ସାମା ଏଝାରି କାଜା ଗିୟଁତଲେ ଏଝାଣାଇଁ ପାସି  
ମୁଣ୍ଡାତା ଏକ୍‌ହାଲି ଝେସେରି, ତାୟୁ ଏଝାରି ଝେସ୍ତାୟିଏ  
ଆଡ଼େ ।

୨୪ ଇଞ୍ଜା ଏଝାରି ଝେସ୍ତିଲେହେଏ କିୟାଲି ପିଲାତ ହୁକୁମି  
ହୀତେସି;

୨୫ ସାମା ଆମିନିଗାଟାସି ଗଡ଼ହା ଅଡ଼େ ଲକୁଣି ପାୟାଲିଏ  
କାୟିଦିତା ଇଟାମାଚାଣାଇଁ ରାସା ମାଚେରି ପିସେସି,  
ଅଡ଼େ ଜୀସୁଇଁ ଏଝାସି ଏଝାରି ଅଣ୍‌ପିତି ଲେହେଁ କିୟାଲି  
ଏଝାରିତାଣା ହେରପିତେସି ।

**ଜୀସୁଇଁ ପାସି ଏକ୍‌ନାୟି**

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-  
୨୭)

୨୬ ଏଝାରି ଜୀସୁଇଁ ଅହିମାଚାଟି ସିମନ ଦରୁଗାଟି କୁରିଣି  
ଦେସାତି ର ନାୟିଟି ଝାହିମାଚେସି, ଏଝାରି ଏଝାଣାଇଁ  
ପାସିମୁଣ୍ଡା ଡ଼େକି କିହାନା ଜୀସୁ ଜେଚ ଜେଚ ଅଡ଼େଚି ।

୨୭ ମାନ୍ଦା ଲକୁ ଜୀସୁ ଜେଚ ହାଜିମାଚେରି ଅଡ଼େ ତାନି  
ତାକି ବକତା ଝେଚା କଡ଼ିହଁ ଡ଼ାହି ଡ଼ାହି ଏଚେରଜାଣା  
ଇୟାସିକା ଜିକେଏ ଏଝାଣି ଜେଚ ହାଜିମାରୁ ।

୨୮ ସାମା ଜୀସୁ ଏଝାସିକାଝାକି ସିନିକିହାନା  
ଏଲେଇଚେସି, “ଆଲ, ଜିରୁସାଲମତି ମାସ୍‌କାତେରି ନା,  
ତାକି ଡ଼ାଆଦୁ ସାମା ମୀ ତାକି ଅଡ଼େ ମୀ କକାରି ପଦଁ ତାକି  
ଡ଼ାଦୁ;

୨୯ ହେଶ୍ଟୁ ଇଲେତି ଦିନା ଝାହିମାନେ, ଆମ୍ବାଆୟି  
ବାଞ୍ଜେଣିସିକା, ଆମ୍ବାଆୟି ଏଚେଲା ପୁରାମାସ୍ତା  
ଆହାହିଲାଡ଼ ଅଡ଼େ ପାଲୁ ଡ଼ର୍‌ହା ହିଲାଡ଼ ଲକୁ ଏଝାସିକାଣି  
ମିଙ୍ଗେଏ ନେହେଁ ଇଞ୍ଜାନେରି ।

୩୦ ଏଚିବେଲା ଲକୁ ହରକାଣି ଏଲେଇଚେରି ମା ଲାକ  
ତରଗାଦୁ ଅଡ଼େ ଡ଼ଣା ହରକାଣି ଏଲେଇଚେରି ମାଙ୍ଗେ  
ପୁକ୍‌ହାନା ଡ଼କୁହାଦୁ ।

୩୧ ଏନିଇତିହଁ ଲକୁ ହିଇଲି ମାରନୁତି ଏଲେକିତିହଁ, ଏଦି ଖାୟିସାରେ ଏଦାଆଁ କିହଁ ଆଗାଡ଼ା କିଅରିକି ?”

୩୨ ଦହଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଢ଼ିଆଡ଼େରି ।

୩୩ ଏମ୍ବାଟିଏ ଏଝାରି ତାୟଁ ଗୁର୍ପା ଇନି ଟାୟୁତା ଏଜାନା ଏମ୍ବାଆଁ ଜୀସୁଇଁ ପାସି ମୁଣ୍ଡାତା ଏକହାନା ଏ ରୀ ଦହଗାଟାରି ବିତ୍ରାଟି ରଅଣାଇଁ ଏଝାଣି ଟିଝନିଝାକି ଅଡ଼େ ରଅଣାଇଁ ଏଝାଣି ଟେବୁଝାକି ପାସି ଏକହେରି ।

୩୪ ଏତିବେଲା ଜୀସୁ ଏଲେଇଚେସି, “ଏ ଆବା ଏଝାରି ଦହ ଆହୁଆନି, ଇତିହଁ ଏଝାରି ଏନାଆଁ କିହିମାନେରି ଏଦାଆଁ ପୁଞ୍ଜାହିଲଅରି ।”

ଅଡ଼େ ଏଝାରି ଏଝାଣି ହିମ୍ବରି ବାଟିକିହାଲି ପାଦି କିତେରି ।

୩୫ ଇଞ୍ଜାଁ ଲକୁ ବାରେ ନିଚାନା ସିନିକିହିମାଚେରି, ଏଝାରି ବିତ୍ରାଟି କାଜାରି ଜିକେଏ ନିନ୍ଦାକିହଁ ଏଲେଇଚେରି, “ଏଝାସି ଏଟକା ଲକୁଣି ଗେଲପିଚେସି; ଏଝାସି ମାହାପୁରୁ ଆଡ଼ିତି କ୍ରୀସୁ ଇତିହଁ ତାନୁଏ ତାଙ୍ଗେ ଗେଲପିକିହା କଡ଼ାପେସି ।”

୩୬ କସକା ଜିକେଏ ଏଝାଣି ତାଗେ ହାଜାନା ପୁଲାଏୟୁ ଗସାଲି ହୀହାଁ ଏଝାଣାଇଁ କାକହିହଁ ଏଲେଇଚେରି,

୩୭ “ନୀନୁ ଜୀହୁଦି ଲକୁତି ରାଜାତି ଇତିହଁ ନୀନୁଏ ନିଙ୍ଗେ ପିସପି କିହାକଡ଼ାମୁ ।”

୩୮ ଇଞ୍ଜାଁ ଏଝାଣି ପାସିମୁଣ୍ଡା ଲାକ ଇଲେଇଞ୍ଜଁ ରାସକି ଆହାମାଚେ, “ଇଝାସି ଜୀହୁଦି ଲକୁତି ରାଜା ।”

୩୯ ଅଡ଼େ ପାସି ମୁଣ୍ଡାତା ପାସି ଏକହାମାଟି ଦହଗାଟାରି ବିତ୍ରାଟି ଜିକେଏ ରଅସି ଏଝାଣାଇଁ ନିନ୍ଦାକିହଁ ଏଲେଇଚେସି, “ନୀନୁ କ୍ରୀସୁତି ଆଏକି ? ନିଙ୍ଗେ ଅଡ଼େ ମାଙ୍ଗେ ପିସପି କିୟାମୁ ।”

୪୦ ସାମା ଅଡ଼େ ରଅସି ଏଝାଣାଇଁ ଦାକା ହୀହାନା ଏଲେଇଚେସି, “ନୀନୁ ଏଝାଣିଲେହେଁ ତଣ୍ଡ ବେଟାଆହଁ ଜିକେଏ ନିଙ୍ଗେ ମାହାପୁରୁଇଁ ଆଜି ହିଲେଏ ?

୪୧ ଅଡ଼େ ମାରୁସା ନୀହାଁୟି ତଲେ ତଣ୍ଡ ବେଟାଆହି ମାନାୟି, ଇତିହଁ ମା କିତି କାମାତି ପାଡ଼େୟି ବେଟାଆହି ମାନାୟି; ସାମା ଇଝାସି ଏନି ଦହ କିହାହିଲଅସି ।”

୪୨ ଇଞ୍ଜାଁ ଏଝାସି ଜୀସୁଇଁ ଏଲେଇଚେସି, “ଏ ଜୀସୁ ନୀନୁ ନୀ ରାଜିତା ହାଟିସାରେ ନାଙ୍ଗେ ଅଣପାମୁ ।”

୪୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀନୁ ନିଙ୍ଗ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

**ଜୀସୁତି ହାକି**

(ମାତି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏତିବେଲା ସମାନା ବାରଗଂଟା ଆହାମାଚେ, ଅଡ଼େ ଝେଡ଼ା ଉଜେଡ଼ି ହୀଆତାକି ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାମାଚେ,

୪୫ ଇଞ୍ଜାଁ ମାହାପୁରୁ ଇଲୁତା ଲେଟାମାନି ହିମ୍ବରି ରୀ ବାଗା ଆହଁ ଗେଞ୍ଜା ହାଚେ ।

୪୬ ଅଡ଼େ ଜୀସୁ କାଜା ଗିୟାତଲେ ହାଟିହଁ ଏଲେଇଚେସି, “ଏ ଆବା ନୀ କେୟୁତା ନା ଜୀସୁତି ହେରପିମାଞ୍ଜାଇଁ !” ଏଲେଇଞ୍ଜି ଜଲାନା ତାନି ଜୀସୁ ହାଚେ ।

୪୭ ଏଦାଆଁ ମେସାନା ପାସାକଡ଼ି କସକା ମୁହେଁ କାଜାସି ମାହାପୁରୁଇଁ ଜହରା କିହଁ ଏଲେଇଚେସି, “ଇଝାସି ସାତେଏ ତୀରିଗାଟାସି ମାଚେସି ।”

୪୮ ଇଞ୍ଜାଁ ଏଝାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକୁ ଇ ବାରେ ମେସାନା ବକତା ଝେଟା କଡ଼ିହଁ ଝେଣ୍ଡା ହାଚେରି ।

୪୯ ସାମା ଜୀସୁଇଁ ପୁଞ୍ଜାମାଟି ବାରେ ଲକୁ ଇଞ୍ଜାଁ ଗାଲିଲିଟି ରହେଁଏ ଆଣ୍ଡାନା ତାନି ଜେଟ ଜେଟ ଝାହାମାଟି ଇୟାସିକା ହେକ ନିଚାନା ଏ ବାରେ ସିନିକିହିମାଚୁ ।

**ଜୀସୁଇଁ ମୁହନାୟି**

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜାଁ ଜୀହୁଦି ଦେସାଟି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକୁତି କାଜା କୁଲମିତି ରଅସି ମାଚେସି; ଏଝାସି ନେହାଁସି ଇଞ୍ଜାଁ ତୀରିଗାଟାସି ମାଚେସି ।

୫୧ ଜୀହୁଦାତି ହାରାମାତିୟା ଇନି ନାୟୁତି ଜସେପ ଇନାସି ର ମାଣସି ମାଚେସି । ଏଝାସି ଦାମ୍ବୁଗାଟାସି ଇଞ୍ଜାଁ ମାନି ଗାଟାସି ମାଚେସି ଅଡ଼େ ମାହାପୁରୁତି ରାଜି ଝାନ୍ଦାଣି କାଟିମାଚେସି । କାଜା ବେରଣିତି ମାଣସି ମାଟିହଁ ଜିକେଏ, ଏଝାସି ଏଝାରି କାତା ଅଡ଼େ କାମାତା ଆଣ୍ଡିହିଲାଆଚେସି ।

୫୨ ଏଝାସି ପିଲାତ ତାଣା ହାଜାନା ଜୀସୁ ମାଡ଼ହାତି ରୀସ୍ତେସି,

୫୩ ଇଞ୍ଜାଁ ମାଡ଼ହାତି ରେପହାନା ନେହଁ ପାଡ଼ାଡ଼ା ହିମ୍ବରି ରୁପାନା ଏମ୍ବାଆଁ ହରୁତା କାରହାମାଟି ଏଚେଲା ଆମ୍ବାଆରି ମୁସାହିଲାଆ ମାଡ଼ହା ମୁହନି ଟାୟୁତା ଏଝାଣାଇଁ ମୁସ୍ତେରି ।

୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଝାହିମାଚେ ।

୫୫ ଅଡ଼େ ଗାଲିଲିଟି ଝାହାମାନି ଇୟାସିକା ଜେଟ ଜେଟ ହାଜାନା ମାହଣି ମାଣ୍ଡା ଅଡ଼େ ତାନି ମାଡ଼ହା ଏନିକଁ ମୁସାମାଚାଣି ମେସୁ

୫୬ ଇଞ୍ଜାଁ ଏଢ଼ି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜାଁ ଗାନ୍ଦାଗାଟି ଆସି ତିୟାରା କିତୁ । ଇଞ୍ଜାଁ ଜମିନି ଦିନାତା ତାନି ମେରାଲେହେଁ ଜମିତୁ ।

**୨୪**

**ଜୀସୁ ହାହାନା ଝେଣ୍ଡେ ନିଙ୍ଗିନାୟି**

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡ଼େ ଜମିନି ଦିନାତି ମେରା ତଲେ ଜମିତୁ, ସାମା ଝାରାତି ତଲିତି ଦିନାତା ଜୁଲୁପୁଲୁ ଝେୟାଲିଏ ଏଢ଼ି ତାମୁଁ କିହାମାଟି ଗାନ୍ଦାନିୟୁଁ ଆସାନା ମାହଣି ମାଣ୍ଡାତା ହାଚୁ ।

୨ ଇଞ୍ଜାଁ ମାହଣି ମାଣ୍ଡାତା ପୁକ୍ତହାମାଟି ଝାଲି ଗୁଟା ଆହାମାନାଣି ମେସୁ

୩ ସାମା ଏଢ଼ି ବିଦ୍ରା ହାଜାନା ପ୍ରଭୁ ଜୀସୁଟି ମାଡ଼ହା ଏମ୍ବାଆଁ ମେହୁଆଡୁ ।

୪ ଏଢ଼ି ଏଦାଆଁତାକି ବିଲୁକି ଆହିମାଟି ଦେବୁଣିଏ ମୁହୁନି ହିମ୍ବୁରି ହୁଟାମାଟି ରିଆରି ଏଢ଼ାସିକା ନକିତା ନିଚାମାନେରି ।

୫ ଏମ୍ବାଟିଏ ଏଢ଼ି ଆଡାଜାକା ଆହାନା ବୁମିତା ତାର୍କା ଲେସୁ ଇଞ୍ଜା ଏଢ଼ାରି ଏଢ଼ାସିକାଣି ଏଲେଇଚେରି, “ମୀରୁ ଏନାଆଁତାକି ହାଡାରି ବିଦ୍ରାଟି ନୀତାମାନାରାଇଁ ପାରିମାଞ୍ଜେରି ?

୬ \*ଏଢ଼ାସି ଇମ୍ବାଆଁ ହିଲଅସି, ଏଢ଼ାସି ନିଜାମାନେସି, ଏଢ଼ାସି ଗାଲିଲିତା ମାଗାଟି ଖେସାମାଞ୍ଜାତାଣି ଅଣପାଦୁ ।

୭ ମାଣସି ମୀରୁଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣା ହେରୁପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଟି ଖେଣ୍ଡେ ନିଜାମାନେସି ।”

୮ ଏମ୍ବାଟିଏ ଏଢ଼ି ଏଢ଼ାଣି ଖେସି କାତା ଅଣପିଦୁ,

୯ ଇଞ୍ଜା ଏଢ଼ି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସୀସୁୟାଁ ଅଡ଼େ ଏଟକା ତାରାଇଁ ଇ ବାରେ କାତା ଖେସୁ ।

୧୦ ଏଢ଼ି ମଗ୍ଦଲିନି ମରିୟମ, ଜହାନା, ଜାକୁବ ତାମି ଇୟା ମରିୟମ ଅଡ଼େ ଏଢ଼ାସିକାତଲେ ମାଟି ଏଟକାଟି ଇୟାସିକା; ଇଢ଼ି ପାଣ୍ଡୁଢ଼ି ଆହାମାନାରାଇଁ ଇ ବାରେ କାତା ଖେସୁ ।

୧୧ ସାମା ଇ ବାରେ କାତା ଏଢ଼ାରି ନକିତା ମନତା ଗାଡ଼ିକିଟି ର ପୁସପନି ଲେହେଁ ଆଡେ, ଅଡ଼େ ଏଢ଼ାରି ଏଢ଼ାସିକାଣି ନାମାଆଡେରି ।

୧୨ ସାମା ପିତର ନିଜାମାନା ମାଡ଼ହା ମୁହୁନି ଟାୟୁତା ହଟି ହଟି ହେଁ ହାଚେସି, ଇଞ୍ଜା କାପାନା ସିନକିତେସି ଏମ୍ବାଆଁ ପାଡାଡା ହିମ୍ବୁରିକା ମେସେସି, ଇଞ୍ଜା ଇଦି ଏନି ଆଡେ ଇଞ୍ଜା କାବାଆହାନା ତାନି ଇଜ ହାଚେସି ।

**ଇମାୟୁତା ହାନାୟି  
(ମାଟି ୧୬:୧୨,୧୩)**

୧୩ ଏ ନେରୁ ଏଢ଼ାରି ବିଦ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାଟି ଇମାୟୁ ଇନି ନାୟୁତା ହାଜିମାଚେରି ।

୧୪ ଅଡ଼େ ହାଜି ହାଜିହେଁ ଇ ବାରେ କାତା ଜଲୁକି ଆହିମାଚେରି ।

୧୫ ଏଲେକେଁ ଖେସପି ଆହେଁ ତାମ୍ବୁତାମ୍ବୁସୁ ଜଲୁକି ଆହିମାଚାଟି ଜୀସୁ ତାନୁଏ ଏଢ଼ାରିତାଣା ଖାହାନା ଏଢ଼ାରିତଲେ ହାଚେସି;

୧୬ ସାମା ଏଢ଼ାରି ଏଢ଼ାଣାଇଁ ମେସି ଜିକେଏ ପୁଞ୍ଜାଲି ଆଡାଆଡେରି ।

୧୭ ଜୀସୁ ଏଢ଼ାରାଇଁ ଖେଚେସି, “ମୀରୁ ହାଜି ହାଜିହେଁ ଏନା ଏନାଆଁ ଜଲୁକି ଆହିମାଞ୍ଜେରି ?” ଏମ୍ବାଟିଏ ଏଢ଼ାରି ମୁମ୍ବୁଞ୍ଜାଡ଼ି କିହାନା ନିଚେରି ।

୧୮ ଅଡ଼େ ଏଢ଼ାରି ବିଦ୍ରାଟି କ୍ଲେୟାପା ଇନାସି ରଅସି ଏଢ଼ାଣାଇଁ ଖେସେସି, “ଇ ଖାବା ବିଦ୍ରା ଜିରୁସାଲମତା ଏନା

ଏନାୟି ଆଡେ ଏମ୍ବାଆଁ ମାନାରି ବିଦ୍ରାଟି ନୀନୁ ରଅତିଏ ପୁଞ୍ଜାହିଲଅତିକି ?”

୧୯ ଏଢ଼ାସି ଏଢ଼ାରାଇଁ ଖେଚେସି, “ଏନା ଏନାୟି ଆଡେ ?”

ଏଢ଼ାରି ଏଢ଼ାଣାଇଁ ଖେସେରି, “ନାଜରିତ ଜୀସୁଟି କାତା; ମାହାପୁରୁ ନକିତା ଅଡ଼େ ବାରେ ଲକୁ ନକିତା ଏ ଜୀସୁ କାମାତା ଅଡ଼େ କାତାତା ର ବାଡ଼ୟୁଗାଟି ମାହାପୁରୁ ଅଣପୁଟି ବଲୁ ଖେହୁନାସି ମାଚେସି,

୨୦ ଅଡ଼େ ମା କାଜା ପୂଜେରାଜା ଅଡ଼େ ସାଲୁଢ଼ି କିନାରି ଏଢ଼ାଣାଇଁ ହାକି ତଣ୍ଡ ହାହାଲି ହେରପାନା ଏଢ଼ାଣାଇଁ ପାସି ମୁଣ୍ଡାତା ଏକହାନା ପାୟିତି କାତା ।

୨୧ ସାମା ଏଢ଼ାସି ଇସ୍ରାୟେଲ ଲକୁଣି ପିସପି କିନାସି ଇଞ୍ଜା ମାମ୍ବୁ ଆସା କିହାମାଚମି; ସାମା ଇ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ ।

୨୨ ଅଡ଼େ ଜିକେଏ ମା ବିଦ୍ରାଟି ଏଚରଜାଣା ଇୟାସିକା ମାଜେ ଆଡାଜାକା କିହାମାଞ୍ଜାନୁ; ଏଢ଼ି ଲାଈସିଏ ମାଡ଼ହା ମୁହୁନି ଟାୟୁତା ହାଜାମାଡୁ,

୨୩ ଏମ୍ବାଆଁ ଏଢ଼ି ଏଢ଼ାଣି ମାଡ଼ହା ମେହୁଆନା ଖାହାନା ଖେସାଡୁ, ଇଞ୍ଜା ଦୁଡୁୟାଁ ତଞ୍ଜାଆହାନା ଖେସାଡେରି, ଏଢ଼ାସି ନୀତାମାନେସି ।

୨୪ ଅଡ଼େ ମା ବିଦ୍ରାଟି ଏଚରଜାଣା ମାଡ଼ହା ମୁହୁନି ଟାୟୁତା ହାଜାନା ଇୟାସିକା ଖେସିଲେହେଁଏ ମେସେରି ସାମା ଏଢ଼ାଣାଇଁ ମେହୁଆଡେରି ।”

୨୫ ଏମ୍ବାଟିଏ ଜୀସୁ ଏଢ଼ାରାଇଁ ଏଲେଇଚେସି, “ଆଡେ ବୁଦି ହିଲାଆଗାଟାଚେରି, ଅଡ଼େ ମାହାପୁରୁ ଅଣପୁଟି ବଲୁ ଖେହୁନାରି ବାରେ କାତାଟି ନାମାଲି ଆଡାଆଲେହେଟି ହିୟା ଗାଟାଚେରି,

୨୬ କ୍ରୀସୁ ଇ ବାରେ କସୁ ବେଟାଆହାନା ତାନି ଗାଞ୍ଜୁରମିତା ହଡ଼ନାୟି ହିଲାଆଡେ କି ?”

୨୭ ମସା ଇଞ୍ଜା ବାରେଜାଣା ମାହାପୁରୁ ଅଣପୁଟି ବଲୁ ଖେହୁନାରି ତାଣାଟି ମାଟହାନା ଦାମ୍ବୁ ସାସେରିତା ତାନି ତାକି ରାସୁକି ଆହାମାନି ବାରେ କାତା ଏଢ଼ାସି ଏଢ଼ାରାଇଁ ପୁଣ୍ଡି କିଚେସି ।

୨୮ ଏଢ଼ାରି ହାଜିମାଟି ନାୟୁଁ ତାଗେ ଏଜାଲିଏ ଜୀସୁ ଅଡ଼େ ନକିତା ହାନି ଅଣପୁ ତସେସି ।

୨୯ ସାମା ଏଢ଼ାରି ଏଢ଼ାଣାଇଁ ଆଂଗିହେଁ ଏଲେଇଚେରି, “ମା ତଲେ ଡୟାହାଲାମୁ ଏନିଇଟିହେଁ ଆନ୍ଦେରି ଆହିମାନେ, ଖେଡାହାଚେୟିଏ ।” ଏମ୍ବାଟିଏ ଏଢ଼ାସି ଏଢ଼ାରିତଲେ ଡୟାଲି ଇଲୁ ବିଦ୍ରା ହାଚେସି ।

୩୦ ଅଡ଼େ ଏଢ଼ାରିତଲେ ରାନ୍ଦା ତିଞ୍ଜାଲି କୁଗିତି ଡାୟୁ ଏଢ଼ାସି ରୁଟି ଆସାଁ ମାହାପୁରୁଇଁ ଜହରା କିଚେସି, ଇଞ୍ଜା ଡିକହାନା ଏଢ଼ାରାକି ହାଚେସି ।

୩୧ ଏମ୍ବାଟିଏ ଏଢ଼ାରି କାଣ୍ଡକା ଦେପିଆଡୁ ଇଞ୍ଜା ଏଢ଼ାରି ଏଢ଼ାଣାଇଁ ପୁଚେରି; ଅଡ଼େ ଏ ଦେବୁଣିଏ ଏଢ଼ାସି ଏଢ଼ାରି କାଣ୍ଡକାତା ତଞ୍ଜା ଆଆଡେସି ।

\* ୨୪:୬ ମାଟି ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୩୨ ଏବେଟିଏ ଏଞ୍ଜାରି ତାମ୍ବୁ ତାମ୍ବୁ ଏଲେଇଚେସି, “ଏଚିବେଲା ଜିରୁତା ଏଞ୍ଜାସି ମାଙ୍ଗେ ଜିରୁତା କାତାବାର୍ତ୍ତା ଆହିମାଚେସି ଅଡେ ମାଙ୍ଗେ ଦାମ୍ବୁ ସାସ୍ତେରି ତେଲ୍‌ହି କିହିମାଞ୍ଜାତେସି, ଏଚିବେଲା ମା ହିୟା କାଡ଼ି ମାଞ୍ଜାଆତେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଙ୍ଗାନା ଜିରୁସାଲମତା ଖେଣ୍ଡା ହାଜାନା କୃଡ଼ା ଆହାମାଙ୍ଗ୍ ଏଗାର ଜାଣା ସାସୁୟା ଅଡେ ଏଞ୍ଜାରି ଆହୁତାରାଇଁ ମେସ୍ତେରି;

୩୪ ଏଞ୍ଜାରି ଏଲେଇଞ୍ଜିମାଚେରି, “ପ୍ରବୁ ସାତେଏ ନିଙ୍ଗାମାନେସି ଅଡେ ସିମନଇଁ ତଞ୍ଜାଆତେସି ।”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା ଅଡେ ରୁଟି ଡିକ୍‌ହାଟିଏ ଏଞ୍ଜାରି ପୁଞ୍ଜାଲି ଆଡ଼ିତମି ଇଞ୍ଜି ଏଞ୍ଜାରି ଖେସ୍ତେରି ।

**ଜୀସୁ ତାନି ସାସୁୟାଇଁ ତଞ୍ଜା ଆନାୟି**

(ମାଡ଼ି ୨୮:୧୬-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲ୍‌କି ଆହିମାଚାଟି ଜୀସୁ ଏଞ୍ଜାରି ମାଡ଼ି ନିଚାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ।”

୩୭ ଏମ୍ବାଟିଏ ଏଞ୍ଜାରି ବୃତୁ ମେସ୍ତମି ଇଞ୍ଜି ଅଶ୍‌ପାନା ଆତାଜାକା ଆଡେରି ।

୩୮ ଏବେଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ହିୟାତା ଏନାଆଁତାକି ଆଜିମାଞ୍ଜେରି, ଇଞ୍ଜା ମୀ ହିୟା ଏନାଆଁତାକି ଆନାମାନା ଆହିମାନେ ?

୩୯ ନାନୁଏ ଏଞ୍ଜାତେସି ନା କେସ୍ତା କତାୟା ମେହ୍‌ଦୁ, ନାଙ୍ଗେ ତୀଗାଦୁ ମୀରୁ ନାଙ୍ଗେ ଡଙ୍ଗା ପେଶ୍‌କା ମାନାଣି ମେସ୍ତିଲେହେଁ ବୃତୁକି ହିଲାଉ ।”

୪୦ ଅଡେ ଏଞ୍ଜାସି ଏଲେଇଞ୍ଜାନା ଏଞ୍ଜାରାଇଁ ତାନି କେସ୍ତା କତାୟା ତସ୍ତେସି ।

୪୧ ଏଲେଜିକେଏ ଏଞ୍ଜାରି ରାହାଁତାକି ନାମାଲି ଆଡ଼ାଆନା ଆନାମାନା ଆହାଁ କାବା ଆହିମାଚାକି ଜୀସୁ ଏଲେଇଚେସି, “ମିଙ୍ଗେ ଇମ୍ବାଆଁ ଏନି ରାନ୍ଦା ମାନେକି ?”

୪୨ ଏମ୍ବାଟିଏ ଏଞ୍ଜାରି ଏଞ୍ଜାଣାକି ର ଖାସ୍ତି ମୀନୁ ହାତେରି,

୪୩ ଅଡେ ଏଞ୍ଜାସି ଏନାଆଁ ଆସାନା ଏଞ୍ଜାରି ନକିତା ତିଚେସି ।

୪୪ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମସାଡ଼ି ମେରା ପଡିତା ଇଞ୍ଜା ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ପଡିତା ଅଡେ ପାରୁ ପଡିତା ନାଙ୍ଗେତାକି ଏନାୟି ରାସ୍‌କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଚାଟି ଇ ବାରେ ଖେସାମାଞ୍ଜାତେସି ।”

୪୫ ଏବେଟିଏ ଏଞ୍ଜାରି ଏନିକ୍‌ ଦାମ୍ବୁ ସାସ୍ତେରି ତେଲ୍‌ହାଲି ଆଡ଼ିନେରି, ଏନାଆଁତାକି ଏଞ୍ଜାରି ହିୟାଡ଼ି ଦାରା ଦେତେସି;

୪୬ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଲେଆହ୍‌ ରାସ୍‌କି ଆହାମାନେ, କ୍ରୀସ୍ତ ଦୁକୁ କସ୍ତ ବେଚା

ଆନେସି ଅଡେ ତାନି ଦିନାଟିଏ ହାଡ଼ାରି ତାଣାଟି ଖେଣ୍ଡେ ନିଙ୍ଗିନେସି,

୪୭ ଇଞ୍ଜା ଜିରୁସାଲମଟିଏ ମାଟ୍‌ହାନା ବାରେ କୃଡ଼ା ତାଣା ଏଞ୍ଜାଣି ଦରୁଟି ପାପୁ ମ୍ବେପ୍‌କି ଆୟାଲି ମନ୍ ଖେଚ୍‌ନି କାତା ଖେକ୍‌ନାୟି ମାନେ ।

୪୮ ମୀରୁ ଇ ବାରେତାକି ସାକି ଆଡେରି ।

୪୯ ଅଡେ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏନାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼ୁ ପୁଞ୍ଜାଆ ପାତେକା ମୀରୁ ଇ ଗାଡ଼ାତେଏ ମାଞ୍ଜୁ ।”

**ଜୀସୁ ଲାକପୁରୁ ଅଞ୍ଜିଆନାୟି**

(ମାର୍କ ୧୬:୧୯,୨୦; କାମା ୧:୯-୧୧)

୫୦ ଏମ୍ବାଟିଏ ଜୀସୁ ଏଞ୍ଜାରାଇଁ ବେତନିୟା ପାତେକା ଅଡେସି ଇଞ୍ଜା ତାନି କେସ୍ତା ପେରହାନା ଏଞ୍ଜାରାଇଁ ବର ହାତେସି ।

୫୧ ଇଞ୍ଜା ଏଞ୍ଜାରାଇଁ ବର ହାହି ହାହି ଏଞ୍ଜାସି ଏଞ୍ଜାରି ତାଣାଟି ଏଚ୍‌କା ଆହାନା ଲାକପୁରୁ ଅଞ୍ଜିଆଡେସି ।

୫୨ ଏବେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା ହାରେକା ରାହାଁତଲେ ଜିରୁସାଲମତା ଖେଣ୍ଡା ହାଚେରି,

୫୩ ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି ।



# ଯୋହନ ଲିଖିତ ସୁସମାଚାର ଜହନ ରାଚାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାର୍ତତିତା ମାତି କାତା ଜହନ ରାଚାମାନି ନେହଁ କାବୁ; ପୁଃନି ମେରାତି ସାରିଗଟା ନେହଁ କାବୁ ପତିୟାଁ ବିତ୍ରାତି ଇଦି ଆହିମାନେ ର ପତି । ଏ ବାରେ ପତିୟାଁକ୍ ନେହଁ କାବୁ ଇନେରି । ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାରେରି । ପାଣ୍ଡୁଅତି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ଯା ତାୟୁ ଜହନ ରାଚାମାନି ନେହଁ କାବୁ ରାଚାମାରେସି । ଇ ପତିତା ଜହନ ରାଚିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ । ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍କି ଆହାମାନେ ଇଞ୍ଜିହଁ ଇନେରି ।

ଜୀସୁକ୍ କ୍ରୀସ୍ତ ଜୀସୁତି ମାହାପୁରୁ ମାର୍ଏସି ଇଞ୍ଜିହଁ ଲକୁ ଏନିକ୍ ନାମିନେରି, ଏଦାଆଁତାକି ଜହନ ଇ ପତି ରାଚାମାରେସି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀସୁ ବେଟାଆନାୟି । ଇ ପତି ଜୀହୁଦି ଅଡ଼େ ଜୀହୁଦିଆଆତି ଲକୁତାକି ରାସ୍କି ଆହାମାରେ । ଜହନ ରାଚାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ । ଜହନ ଜୀସୁ କିତି କାବାଆନି କାମାୟାଁ ହାରେକା ରାଚାମାନେସି ସାମା ପୁଣ୍ଡିକିନି ପୁସ୍ପନିକା ହାରେକା ରାଚାହିଲଅସି । ଏଟକା ପତିୟାଁଶା ଜୀସୁ ବାପ୍ତିସ୍ତ ଅନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି ଆଡ଼ାଣି ରାସ୍କି ଆହାମାନେ ଏଦାଆଁ ଇ ପତିତା ରାସ୍କି ଆହା ହିଲେଏ ।

**ପତିତା ମାନାୟି;**

- ୧. ତଲିତି ହାଡ଼ା । ୧:୧-୧୮
- ୨. ବାପ୍ତିସ୍ତ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟାଁ । ୧:୧୯-୫୧
- ୩. ଜୀସୁ ସେବା କାମା ମାଟନାୟି । ୨:୧-୧୨:୫୦
- ୪. ଜିରୁସାଲମ ଅଡ଼େ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜୀସୁ ହାକିଟି ଖେଣ୍ଡେ ନିଜିନାୟି ଅଡ଼େ ସୀସୁୟାଁକ୍ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଖେଣ୍ଡେ ତଞ୍ଜା ଆନାୟି । ୨୧:୧-୨୫

**ଜୀସୁତି ବଲୁ**

- ୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି ।
- ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ ।

☆ ୧:୨ ମାତି ୩:୧; ମାର୍କ ୧:୪; ଲୁକ ୩:୧,୨ \* ୧:୧୮ ମୂଞ୍ଜିନାୟି

୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାତି ରଣ୍ଡି ଜିକେଏ ଏ ବଲୁ ପସ୍ପେ ରାଚି ଆହା ହିଲେଏ ।

୪ ଏ ବଲୁତା ଜୀସୁ ମାଚେ ଅଡ଼େ ଏ ଜୀସୁ ମାଣ୍ଡିୟାଁତି ଉଜେଡ଼ି ।

୫ ଏ ଉଜେଡ଼ି ଆନ୍ଦେରିତା ତୀଞ୍ଜିହଁ ଖାହିମାନେ, ଇଞ୍ଜା ଆନ୍ଦେରି ଏଦାଆଁ ଏତେଲା ଜିକେଏ ଅପାହିଲେଏ ।

୬ \*ମାହାପୁରୁ ତାଣାଟି ତାନି କାବୁ ଖେହ୍ନାଣାକ୍ ପାଣ୍ଡାତେସି; ଏଞ୍ଜାଣି ଦରୁ ଜହନ ।

୭ ଏଞ୍ଜାସି ଉଜେଡ଼ିତି କାତା ଲକୁକ୍ ଖେସାଲି ଖାଡ଼େସି, ଅଡ଼େ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହୀହାଲି ଖାଡ଼େସି ।

୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡ଼େସି ।

୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଞ୍ଜାସି ଦାର୍ତତିତା ଖାଡ଼େସି ।

୧୦ ଏଞ୍ଜାସି ଦାର୍ତତିତା ମାଚେସି ଅଡ଼େ ଏଞ୍ଜାଣି ତାଣାଟି ଦାର୍ତତି ବାରେ ରାଚି ଆଡ଼େ, ଆଡ଼ିଜିକେଏ ଇ ଦାର୍ତତି ଏଞ୍ଜାଣାକ୍ ପୁଞ୍ଜାଲି ଆଡ଼ାଆତେ ।

୧୧ ଏଞ୍ଜାସି ତାନି ରାଜ୍ଜିତା ଖାଡ଼େସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜାଣାକ୍ ଆବାଆତେରି ।

୧୨ ଆମ୍ବାଆରି ଏଞ୍ଜାଣାକ୍ ଆବିତେରି ଇଞ୍ଜା ଏଞ୍ଜାଣି ତାଣା ନାମିତେରି; ଏଞ୍ଜାସି ଏଞ୍ଜାରାକ୍ ମାହାପୁରୁତି ମୀର୍କକା ମାସ୍କା ଆହାଲି ଅଦିକାରା ହୀତେସି ।

୧୩ ମାଣ୍ଡସିତି ତାଞ୍ଜିୟାଁ ତାଣାଟି ଜାର୍ନା ଆଡ଼ାକି ଏଞ୍ଜାରି ମାହାପୁରୁତି ମୀର୍କକା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆଡ଼େସି ।

୧୪ ଅଡ଼େ, ଏ ବଲୁ ମାଣ୍ଡସି ଖାଣା ଆଡ଼େ, ମାହାପୁରୁତି କାର୍ମା ଇଞ୍ଜା ସାତା ତଲେ ମା ତାଣା ବାସା କିତେସି, ଅଡ଼େ ଆଡ଼ା ତାଣାଟି ଖାହାମାନି ରଣ୍ଡିଏ ମୀର୍କଏଶାଟି ଗାଞ୍ଜୁରମି ଲେହେଁ ମାର ଏଞ୍ଜାଣି ଗାଞ୍ଜୁରମି ମେସ୍ତାୟି ।

୧୫ ଜହନ ଏଞ୍ଜାଣି କାତାତି ସାକି ହୀହାନା କାଜା ଗିୟାତଲେ ଏଲେଇତେସି, “ଆମ୍ବାଆସି ନା ତାୟୁ ଖାହିମାନେସି, ଏଞ୍ଜାସି ନା କିହାଁ କାଜାସି, ଏନାଆଁତାକି ଇତିହଁ ଏଞ୍ଜାସି ନାନୁ ଜାର୍ନାଆଡ଼ି ନକେଏ ମାଚେସି, ଇଞ୍ଜା ଏଞ୍ଜାଣି କାତା ନାନୁ ତଲିଏ ଏଲେଇଞ୍ଜି ଖେସାମାଞ୍ଜାତେଏ, ଏଞ୍ଜାସିଏ ଇଞ୍ଜାସି ।”

୧୬ ଏଦାଆଁତାକି ତାନୁ ପୂରା କିନି ତାଣାଟି ମାର ବାରେ ଜାଣାତାୟି ବାରେ ବେଟାଆହାନା, କାର୍ମା ମୁହେଁ କାର୍ମାମେହ୍ନାଣି ବେଟାଆହାମାନାୟି ।

୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଅଡ଼େ ସାତା ଖାଡ଼େ ।

୧୮ ଆତ୍ମାଆସି ଏଚେଲା ମାହାପୁରୁଙ୍କ ମେସାହିଲଅସି, ତାନିତଲେ ମାନି ରଣ୍ଡିଏ ମାରଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି ।

ବାପ୍ତିସ୍ମ\* ହାନି ଜହନତି କାରୁ  
(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆତ୍ମାଆତି ଇଞ୍ଜି ଜହନଇଁ ଖେଞ୍ଜାଲି ଜୀବୁଦିୟାଁ ଏତିବେଲା ଜିରୁସାଲମତି କାଜା ପୂଜେରାଜା ଇଞ୍ଜା ଲେବିୟାଜାଣି ଜହନ ତାଣା ପାଣ୍ଡିତେରି, ଏଝାସି ଇ କାତା ଖେସ୍ତେସି ।

୨୦ ଜହନ ସାତା କାତା ଖେସ୍ତେସି, ଆଏ ଇଞ୍ଜି ଇନାଆତେସି, ତୀରପୁତଲେ ଖେସ୍ତେସି, “ନାନୁ ମସିହା ଆଏ ।”

୨୧ ଏଝାରି ଏଝାଣାଇଁ ଖେଚେରି, ଆତିହଁ “ନାନୁ ଆତ୍ମାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେଏଁ ଆଏ ।”

ଏଝାରି ଖେଚେରି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲୁ ଖେହନାତି କି ?” ଏଝାସି ଏଲେଇଚେସି, “ନାନୁ ଆଏ ।”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ମାଜେ ଖେସ୍ତାମ୍, ମାମ୍ମୁମାଜେ ପାଣ୍ଡା ମାଞ୍ଜାନାରାଇଁ ଏନି କାତା ଖେହନମି । ନାନୁ ଆତ୍ମାଆତେଏଁ ଇଞ୍ଜି ଖେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟ ଏନିକଁ ଜଲ୍ଲାମାଚେସି,

‘ନାନୁ ଲକୁ ହିଲାଆ ଚାୟୁତା କାଜା ଗିୟାତଲେ କାଲୁଝି ଆହିମାନି ରଅଣି ହାଡାଲେହେଁ ତାତେଏଁ, ପ୍ରବୁତି ଜିରୁ ସଲକେ କିଦୁ ।”

୨୪ ଅଡେ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାଚେରି,

୨୫ ଏଝାରି ଜହନଇଁ ଖେଚେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲୁ ଖେହନାତି ଆଏ, ଆତିହଁ ନାନୁ ଏନାଆଁତାକି ବାପ୍ତିସ୍ମାଁ ହାହିମାଞ୍ଜି ?”

୨୬ ଜହନ ଏଝାରାଇଁ ଏଲେଇଚେସି, “ନାନୁ ଏୟୁତା ବାପ୍ତିସ୍ମାଁ ହାହିମାଇଁ; ଆତ୍ମାଆରାଇଁ ମାରୁ ପୁଞ୍ଜାହିଲଅତେରି, ଏଝାସି ମା ବିତ୍ରା ମାନେସି ।

୨୭ ଏଝାସି ନା ତାୟୁ ଖାହିମାନେସି, ନାନୁ ଏଝାଣି ସେପୁୟାଁତି ଡକା ଜିକେଏ ହୁକହାଲି ଜଟେ ଆଏ ।”

୨୮ ଏମିନି ଜର୍ଦନ କାତାତି ଖେଡା ହପୁଞ୍ଜାକିତି ବେତନିୟାତା ଜହନ ବାପ୍ତିସ୍ମାଁ ହାହିମାଚେସି, ଏ ଚାୟୁତା ଇ ବାରେ ଆହାମାଚେ ।

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଖାକି ଖାହିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଇ ଦାରତିତି ପାପୁ ବାରେ ଡେକା ଅନେସି ।

୩୦ ଇଝାସିଏ ଏଝାସି, ଆତ୍ମାଆରି କାତା ନାନୁ ଖେସାମାଞ୍ଜାତେଏଁ, ‘ର ମାଣ୍ଡିସି ନା ତାୟୁ ଖାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜା ଏଝାସି ନାନୁ ଜାର୍ନାଆତି ନକେଏ ମାଚେସି ।’

୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଏଝାସି ଏନିକିହଁ ଇସାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମାଁ ହାହିଲି ଖାହାମାଇଁ ।”

୩୨ ଅଡେ ଜହନ ସାକି ହାହାନା ଖେସ୍ତେସି, “ନାନୁ ସୁଦୁଜୀଝୁ ପାରୁଝା ପଟାଲେହେଁ ଲାକପୁରୁଟି ରେଚା ଖାହିମାନାଣି ମେସ୍ତେଏଁ, ଇଞ୍ଜା ଏଡି ଏଝାଣିଲାକ କୁରିତେ ।

୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଆତ୍ମାଆସି ନାଜେ ଏୟୁତା ବାପ୍ତିସ୍ମାଁ ହାହିଲି ପାଣ୍ଡାମାଞ୍ଜାନେସି, ଏଝାସି ନାଜେ ଖେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଝୁ ରେଚା ଖାହାଣି ଅଡେ କୁରିନାଣି ମେହ୍ଦି, ଆତ୍ମାଆସି ସୁଦୁଜୀଝୁ ତଲେ ବାପ୍ତିସ୍ମାଁ ହାନେସି, ଏଝାସି ଏ ମାଣ୍ଡିସି ।’”

୩୪ ଜହନ ଏଲେଇଚେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଜା ଖେସିମାଞ୍ଜାଇଁ, ଏଝାସି ମାହାପୁରୁ ମାରଏସି ।”

ଜୀସୁତି ମୂଲୁ ସାସୁ

୩୫ ତାନି ଅର ନେରୁ ଜହନ ତାନି ରୀ ସାସୁୟାଁ ତଲେ ନିଚାମାଚେସି;

୩୬ ଏଝାସି ଜୀସୁଇଁ ଏ ଜିରୁଟି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ !”

୩୭ ଏ ରୀ ସାସୁୟାଁ ଏଝାଣି ହାଡା ଖେଞ୍ଜାନା ଜୀସୁ ଜେଚ ଜେଚ ହାଚେରି ।

୩୮ ଜୀସୁ ଖେଣ୍ଡେ ତିରୁଝାନା ଏଝାରାଇଁ ତାନି ଜେଚ ଜେଚ ହାଜିମାନାଣି ମେସାନା ଖେଚେସି, “ମାରୁ ଏନାଆଁ ପାରିମାଞ୍ଜେରି ?” ଏଝାରି ଖେଚେରି, “ରାବିର୍ଷି ନାନୁ ଆମ୍ବିୟା ଡୟିମାଞ୍ଜି ?”

୩୯ ଜୀସୁ ଏଝାରାଇଁ ଏଲେଇଚେସି, ଖାଦୁ, ମେହ୍ଦେରି । ଏମ୍ବାଟିଏ ଏଝାରି ହାଜାନା ତାନି ଡୟିନି ଚାୟୁ ମେସ୍ତେରି, ଇଞ୍ଜା, ଏ ଦିନା ଏଝାଣିତଲେ ଡୟିତେରି; ଏନାଆଁତାକି ଇତିହଁ ଏତିବେଲା ଲାଇତି ଦସ ଗଂଟା ଆହାମାଚେ ।

୪୦ ଜହନତି କାତା ଖେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏଝାରି ବିତ୍ରା ରଅସି ସିମନ ପିତରତି ତାୟି ଆହିୟ ମାଚେସି ।

୪୧ ଏଝାସି ତଲିଏ ତାନି ତାୟି ସିମନଇଁ ମେସାନା ଏଲେଇଚେସି, “ମାମ୍ମୁ ମୁସିହାଇଁ\* ମେସ୍ତମି ।”

୪୨ ଆହିୟ ସିମନଇଁ ଜୀସୁ ତାଣା ତାତେସି । ଜୀସୁ ଏଝାଣାଇଁ ଆଚେ ସିନିକିହାନା ଏଲେଇଚେସି, “ନାନୁ ଜହନ ମାରଏଣା ସିମନତି । ନାନୁ କେପା† ଦରୁଟି ଖେଜିଦି ।”

ଜୀସୁ ପିଲିପ ଅଡେ ନିତନିୟେଲଇଁ ହାଟିନାୟି

† ୧:୨୫ ମୁଞ୍ଜନାୟି ‡ ୧:୨୬ ମୁଞ୍ଜନାୟି § ୧:୨୮ ମୁଞ୍ଜନାୟି \* ୧:୩୧ ମୁଞ୍ଜନାୟି † ୧:୩୩ ମୁଞ୍ଜନାୟି ‡ ୧:୩୩ ମୁଞ୍ଜନାୟି § ୧:୩୮ ଗୁରୁ \* ୧:୪୧ ମସିହାତି ଇତିହଁ କ୍ରୀସ୍ତ † ୧:୪୨ କେପା ଇତିହଁ ପିତର

୪୩ ଅର ନେତୁ ଜୀସୁ ଗାଲିଲିତା ହାଜାଲି ଅଣ୍ଠିପତେସି, ଏଞ୍ଜାସି ପିଲିପଇ ମେସାନା ଏଲେଇରେସି, “ନା ଜେତ ଖାମୁ !”

୪୪ ପିଲିପ ବେତ୍ସାୟିଦା ଗାଡାତାସି ମାରେସି, ଏଡି ଆନ୍ଦ୍ରିୟ ଇଞ୍ଜା ପିତରତି ଗାଡା ମାରେ ।

୪୫ ପିଲିପ ନିତନିୟେଲଇଁ ମେସାନା ଏଞ୍ଜାଶାଇଁ ଏଲେଇରେସି, “ଆମ୍ବାଆରି କାତା ମସାତି ମେରାତା ରାଟାମାନେରି, ଅଡେ, ମାହାପୁରୁ ଅଣ୍ଠପୁତି ବଲୁ ଖେହ୍ନାରି ଜିକେଏ ରାଟାମାନେରି, ମାମ୍ବୁ ଏଞ୍ଜାଶାଇଁ ବେଟାଆହାମାନମି । ଏଞ୍ଜାସି ଜସେପ ମାର୍ଏସି ନାଜ୍ଜରିତତି ଜୀସୁ ।”

୪୬ ନିତନିୟେଲ ଏଞ୍ଜାଶାଇଁ ଖେରେସି, “ନାଜ୍ଜରିତତା କି ଏନି ନେହିଁ କାମା ଆହିମାନେ ?”

ପିଲିପ ଏଲେଇରେସି, “ଞ୍ଜାହାନା ସିନିକମୁ ।”

୪୭ ଜୀସୁ ନିତନିୟେଲଇଁ ତାନି ତାଣା ଖାହିମାନାଣି ମେସାନା ଜୀସୁ ଏଞ୍ଜାଣି କାତା ଖେସେସି, “ମେହଦୁ ଇଞ୍ଜାସି ସାତା ତଲେ ଇସ୍ରାୟେଲତି ଲକୁ; ଇଞ୍ଜାଣି ତାଣା ଏନାୟି ନାଡ଼ିକିନି ବୁଦି ହିଲେଏ !”

୪୮ ନିତନିୟେଲ ଜୀସୁଇଁ ଖେରେସି, “ନୀନୁ ନାଜେ ଏନିକିହିଁ ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜେ ହାଟାତି ନଡକେଏ ନୀନୁ ତୟା ମାରୁନୁ ତୁଇ ମାଟି, ଏରେତା ନୀନୁ ନିଜ ମେସାମାଞ୍ଜାତେଏ ।”

୪୯ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମାରଏଣାତି ! ନୀନୁଏ ଇସ୍ରାୟେଲ ରାଜାତି ।”

୫୦ ଜୀସୁ ଏଲେଇରେସି, “ନୀନୁ ନିଜେ ତୟା ମାରୁନୁ ତୁଇ ମେସାତେଏଁ ଇଞ୍ଜାଁ ଖେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହଦି ।

୫୧ ଜୀସୁ ନିତନିୟେଲଇଁ ଏଲେଇରେସି, “ନୀନୁ ନିଜେ ସାତା ଖେସିମାଞ୍ଜାଇଁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣ୍ଡସି ମାରଏଣା ତାଣା ମାହାପୁରୁତି ଦୁତୁୟାଁ ଲାକ ହାଜିମାନାଣି ଅଡେ ତୁଇ ଖାହିମାନାଣି ମେହଦି ।”

### ୨

#### କାନା ଗାଡାତି ବାହା ବଜିତା ଜୀସୁ

୧ ତାନି ଦିନା ଜେତ ଗାଲିଲିତି କାନା ଗାଡାତା ର ବାହା ମାରେ, ଜୀସୁ ତାମି ଇୟା ମରିୟମ ଜିକେଏ ଏମ୍ବାଆଁ ମାରେ;

୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟୁକି ଆହାମାରେସି ।

୩ ଏଚିବେଲା ଅଜ୍ଜୁରି ରାସା ରାହାହାତୁ, ଜୀସୁଇଁ ତାନି ଇୟା ଏଲେଇରେ, “ଏଞ୍ଜାରି ଅଜ୍ଜୁରି ରାସା ରାହାହାତୁ ।”

୪ ଏମ୍ବାଟିଏ ଜୀସୁ ତାମି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲ୍ଲା ନୀଏଁ ପାତେକା ଞ୍ଜାହିଲେଏ ।”

୫ ଜୀସୁ ତାମି ଇୟା କାମା କିନାରାଇଁ ଏଲେଇରେ, “ଏଞ୍ଜାସି ମିଜେ ଏନାଆଁ ଖେସ୍ତାନେସି ଏଲେକିହିଁଏ କିଦୁ ।”

୬ ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରନି ମେରାତାକି ସ ଗଟା କାଜା ଖାଲକାତି ଏୟୁ ଗୁନାୟାଁ ମାରୁ ।

୭ ଜୀସୁ ହଲିୟାଜାଣି ଏଲେଇରେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ ।” ଏଞ୍ଜାରି ଏମ୍ବାଆଁ ନେଞ୍ଜିକିତେରି ।

୮ ଜୀସୁ ଏଞ୍ଜାରାଇଁ ଏଲେଇରେସି, “ଇମ୍ବାଟି ଇଚରା ଅହାନା ବଜିତି ଗୁମୁସାକି ହୀଦୁ ।” ଏମ୍ବାଟିଏ ଏଞ୍ଜାରି ଅଡେରି ।

୯ ବଜିତି ଗୁମୁସା ଅଜ୍ଜୁରି ରାସା ଆହାମାନି ଏ ଏୟୁତି ଖାଣ୍ଡାହାଁ ଏଞ୍ଜି ଏମ୍ବାଟି ତାପିଆତୁ, ପୁଞ୍ଜା ହିଲାଆତେସି । ସାମା ଏ ହଲିୟାଜା ଏୟୁ ଖାକହା ମାଟାରି ପୁଞ୍ଜାମାରେରି ଏଦାଆଁତାକି ହନେଏଣାଇଁ ହାଟାହାଁ ଏଲେଇରେସି ।

୧୦ ବାରେଜାଣା ତଲିଏ ନେହିଁ ଅଜ୍ଜୁରି ରାସା ହୀନେରି ଅଡେ ଏମ୍ବାଆଁ ଖାହାଡ଼ୟିନି ଲକୁ ହଡ଼ିସାରେ ତାୟୁ ଲାଗେଏତି ଅଜ୍ଜୁରି ରାସା ହୀନେରି; ସାମା ମାରୁ ବାରେ ନେହିଁ ଅଜ୍ଜୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକଁ ଗାଲିଲିତି କାନା ଗାଡାତା କାବାଆନ୍ତି କାମା ମାଟୁହାନା ତାନି ଗାଡୁରମି ତସେସି, ଅଡେ ସୀସୁୟାଁ ଏଞ୍ଜାଣି ତାଣା ନାମିତେରି ।

୧୨ ଏଦାଆଁ ତାୟୁ ଜୀସୁ ତାମି ଇୟା, ତାୟିୟାଁ ଅଡେ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜା ଏମ୍ବାଆଁ ହାଡ଼େକା ଦିନା ତୁୟାଆତେରି ।

#### ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏଚିବେଲାତା ଜୀହୁଦିଜା ପିସ୍ପିଆନ୍ତି ପାର୍ବୁ ତାଗେ ଆହାମାରେ, ଅଡେ ଜୀସୁ ଜିରୁସାଲମତା ହାଚେସି ।

୧୪ ଏମ୍ବାଆଁ ଜୀସୁ ମେସେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଶ୍ଟାୟାଁ ଅଡେ ପଟାୟାଁ ବେବାରା କିନାରି ଅଡେ ତାରୁୟାଁ ବେବାରା କିନାରି କୁଗାମାରେରି;

୧୫ ଏମ୍ବାଟିଏ ଜୀସୁ ତୁରିତି ସାଟୁଣି କେପାନା କଡ଼ିୟାଁ, ମେଶ୍ଟାୟାଁ ମାହାପୁରୁ ଇଲୁଟି ପାଜାତା ପେରହା ପାଣ୍ଡାନା ଟାକାୟାଁ ବେବାରା ଗାଟାରି କୁଟିୟାଁ ତିରିମ୍ବୁପହାନା ଟାକାୟାଁ ବାରେ ଡାଞ୍ଜିତେସି ।

୧୬ ପଟାୟାଁ ବେବାରା ଗାଟାରାଇଁ ଏଲେଇରେସି, “ଇ ବାରେତି ଇମ୍ବାଟି ଅହାଡ଼ହୁଦୁ, ନା ଆଡା ଇଲୁତି ବେବାରା ଇଲୁ କିଆଦୁ ।”

୧୭ ଇଦାଆଁ ମେସାନା ସାସ୍ତେରିତା ରାସ୍ତକି ଆହାମାନି ର କାତା ସୀସୁୟାଁ ମନତା ଖାଡେ, “ନୀ ଇଲୁତାକି ନା ରାହାଁ ନାଜେ ହାଡ଼େକା ନାସା କିୟାନେ ।”

☆ ୨:୧୭ ମାତି ୪:୧୩ ☆ ୨:୧୯ ମାତି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯

୧୮ ଜୀହୁଦିୟାଁ ଜୀସୁଙ୍କୁ ଖେତେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାତି ସିନା ମାଜେ ଏନାଆଁ ତସିମାଞ୍ଜାଦି ?”

୧୯ \*ଜୀସୁ ଏଲେଇଚେସି, “ଇ ଦେଝୁଡ଼ିତି ନାସା କିଦୁ, ଅଡ଼େ ତାନି ଦିନାଟିଏ ନାନୁ ଏଦାଆଁ ଖେଣ୍ଡେ କେପିଇଁ ।”

୨୦ ଏଚେଟିଏ ଜୀହୁଦି ଲକୁ ଏଲେଇଚେରି, “ଏନାଆଁ ତାନିଦିନା ବିଦ୍ରା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଝୁଡ଼ି କିହାଲିତାକି ରୀ କଡ଼ି ସ ବାର୍ଯା ଆହାମାନେ ।”

୨୧ ସାମା ଜୀସୁ ଜାହାରା ଆଜ୍ଞା ଲେହେଟି ଦେଝୁଡ଼ିତି ତସାନା ଇଦାଆଁ ଖେସାମାଚେସି ।

୨୨ ଇଦାଆଁତାକି ଜୀସୁ ହାହାନା ନିଜ୍ଞାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି ଅଣ୍ପିଚେରି; ଅଡ଼େ ଦାମ୍ବୁ ସାସ୍ତେରି ଅଡ଼େ ଜୀସୁ ଖେସାମାଚି କାତାତି ନାମିଚେରି ।

**ଜୀସୁ ଲକୁଡ଼ି ଗୁଣ୍ଡୁ ପୁନାସି**

୨୩ ପିସ୍ପିଆନି ପାରୁ ଆହିମାଚି ବେଲାତା ଜିରୁସାଲମତା ଜୀସୁ ମାଚାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିଚେରି ।

୨୪ ସାମା ଜୀସୁ ଏ ଲକୁଣି ନାମାଆନା ଏଞ୍ଜାରି ତାଣାଟି ଏବକା ଡ଼ିୟିଚେସି, ଏନାଆଁତାକି ଇଚିହଁ ଏଞ୍ଜାରାଇଁ ନେହଁକଁ ପୁଞ୍ଜାମାଚେସି ।

୨୫ ଅଡ଼େ ଆମ୍ବାଆସି ମାଣସି କାତା ସାକି ହୀନେସି, ଇଦି ଏଞ୍ଜାଣାକି ଲଡ଼ା ହିଲାଆତେ, ଇଚିହଁ ମାଣସି ବିଦ୍ରା ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି ଆଡ଼ିମାଚେସି ।

**୩**

**ଜୀସୁ ଅଡ଼େ ନିକଦିମ**

୧ ପାରୁସିୟାଁ ଗଚିଟି ନିକଦିମ ଇଞ୍ଜି ର ମାଣସି ମାଚେସି, ଏଞ୍ଜାସି ଜୀହୁଦି ଲକୁଣି ସାଲୁଡ଼ି କିନାସି ମାଚେସି ।

୨ ଏଞ୍ଜାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାରି,\* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଞ୍ଜାଣାଇଁ ଏଲେଇଚେସି, ସାତା ସାତା ନାନୁ ନିଜ୍ଞା ଖେସିମାଞ୍ଜାଇଁ, ଅଡ଼େ ଖେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି ।

୪ ନିକଦିମ ଏଞ୍ଜାଣାଇଁ ଖେଚେସି, “ବୁଡ଼ହା ଆଡ଼ିସାରେ ମାଣସି ଅଡ଼େ ଖେଣ୍ଡେ ଏନିକଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା ଏଞ୍ଜାସି ଖେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଜ୍ଞା ଖେସିମାଞ୍ଜାଇଁ” ଏମ୍ବୁ ଅଡ଼େ ସୁଦୁଜୀଞ୍ଜୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି ।

\* ୩:୨ ଗୁରୁ

୬ ଆଜ୍ଞାଟି ଏନାୟି ଜାର୍ନା, ଏଦି ଆଜ୍ଞା; ଅଡ଼େ ସୁଦୁଜୀଞ୍ଜୁଟି ଏନାୟି ଜାର୍ନା ଆଚେ, ଏଦି ସୁଦୁଜୀଞ୍ଜୁ ।

୭ ନିଜ୍ଞେ ଖେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜି ନାନୁ ନିଜ୍ଞା ଖେସାଚେସି, ଏଦାଆଁତାକି କାବା ଆଆନି ।

୮ ଗାଲି ଆମ୍ବିୟାଞ୍ଜାକି ମନ କିନେ, ଏତାଲା ଞ୍ଜାକି ହାନେ, ଅଡ଼େ ନୀନୁ ଞ୍ଜାରଇ ଏଦାନି ହାଡ଼ା ଖେଞ୍ଜାଲି ଆଡ଼ିଦି, ସାମା ଏଦି ଏମିନି ତାଣାଟି ଞ୍ଜାଚେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅତି; ସୁଦୁଜୀଞ୍ଜୁଟି ଜାର୍ନା ଆହାମାନି ବାରେଜାଣା ଏଲେକିହଁଏ ।

୯ ନିକଦିମ ଏଞ୍ଜାଣାଇଁ ଏଲେଇଚେସି, “ଏଦି ଏନିକଁ ଆହାଲି ଆଡ଼ିନେ ?”

୧୦ ଜୀସୁ ଏଞ୍ଜାଣାଇଁ ଏଲେଇଚେସି; “ନୀନୁ ଇସ୍ତାୟେଲତି ଗୁରୁ ଆହାନା ଜିକେଏ, ଇ ବାରେ ତେଲ୍‌ହି ହିଲଅତି କି ?

୧୧ ନାନୁ ନିଜ୍ଞା ସାତା ଖେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା ଖେସିମାଞ୍ଜାଇଁ, ଏନାଆଁ ମେସାମାଇଁ, ଅଡ଼େ ନୀନୁ ନା କାତା ନାମିହିଲଅତି ।

୧୨ ନାନୁ ଦାରୁଡ଼ି କାତାତି ଖେସାସାରେ ନୀନୁ ନାମଅତି, ଆତିହଁ ଲାକପୁରୁଡ଼ି ହାଡ଼ା ଖେସାସାରେ ଏନିକଁ ନାମିଦି ?

୧୩ ଆମିନି ମାଣସି ମୀରଏସି ଲାକପୁରୁଟି ରେଚା ଞ୍ଜାଚେସି, ଏଞ୍ଜାଣି ପିସ୍ପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି ।”

୧୪ ଅଡ଼େ, ମସା ଏନିକଁ ଲକୁ ହିଲାଆ ଚାୟୁତା ପିତାଡ଼ା ରାଚୁଡ଼ି ଲାକ ପେରୁହା ମାଚେସି, ମାଣସି ମୀରଏସି ଜିକେଏ ଏଲେକିହଁଏ ଲାକ ପେରୁଡ଼ି ଆନେସି ।

୧୫ ଏନିଇଚିହଁ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି କାଲାକାଲାତି ଜୀଞ୍ଜୁ ବେଟା ଆଚେସି ।

୧୬ ଇଚିହଁ ମାହାପୁରୁ ଦାରୁଡ଼ିତି ଏଚେକା ଜୀଞ୍ଜୁ ନଡ଼େସି, ଏଞ୍ଜାସି ତାନି ରଣ୍ଡିଏ ମୀରଏଣାଇଁ ଦାନା ହୀଚେସି, ଏନିଇଚିହଁ ଏଞ୍ଜାଣି ତାଣା ନାମିନାସି ନାସା ଆଆନା କାଲାକାଲାତି ଜୀଞ୍ଜୁ ବେଟା ଆଚେସି ।

୧୭ ଇଚିହଁ ଦାରୁଡ଼ିତା ନାହାଁୟି କିହାଲିତାକି ମାହାପୁରୁ ତାନି ମୀରଏଣାଇଁ ଦାରୁଡ଼ିତା ପାଣ୍ଡାଆନା, ଦାରୁଡ଼ି ଏନିକଁ ତାନିତାଣାଟି ଗେଲ୍‌ପିଆଚେ, ଏଦାଆଁତାକି ତାନି ମୀରଏଣାଇଁ ପାଣ୍ଡାଚେସି ।

୧୮ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି ନାହାଁୟି କିଞ୍ଜି ଆଅସି ଆମ୍ବାଆସି ନାମଅସି, ଏଞ୍ଜାସି ନାହାଁୟି କିଞ୍ଜି ଆଚେସିଏ, ଏନାଆଁତାକି ଇଚିହଁ ମାହାପୁରୁଟି ରଣ୍ଡିଏ ମୀରଏଣା ଦରୁଡ଼ି ନାମାହିଲଅସି ।

୧୯ ଅଡ଼େ ଏ ନାହାଁୟି ଇଦି, ଇ ଦାରୁଡ଼ିତା ଉଜେଡ଼ି ତଞ୍ଜା ଆହାମାନେ, ଅଡ଼େ ଲକୁ ଉଜେଡ଼ି ପିସାନା ଆନ୍ଦେରିଡ଼ି ଜୀଞ୍ଜୁ ନଡ଼େରି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି ।

୨୦ ଇଚିହଁ ଆମ୍ବାଆରି ଲାଗେଏତି କାମାକିନାରି, ଉଜେଡ଼ିଡ଼ି ଅପଅରି, ଅଡ଼େ ଏଚେତା ତାନି ପାପୁ କାମା ତଞ୍ଜାଆଚେ, ଏଦାଆଁତାକି ଉଜେଡ଼ିତା ଞ୍ଜାଅରି ।

୨୧ ସାମା ଆମ୍ବାଆରି ସାତା କାମା କିନେରି, ଏଞ୍ଜାରି ଉଜେଡ଼ିତା ଖାନ୍ନେରି, ଏନିକି ତାମି କାମା ବାରେ ମାହାପୁରୁ ତାଣାଟି ତାରି ଆଡ଼ାୟି ଇଞ୍ଜି ତଞ୍ଜାଆନ୍ନେ ।

**ଜୀସୁ ଅଡ଼େ ଜହନ**

୨୨ ଇଦାଆଁ ତାୟୁ ଜୀସୁ ଅଡ଼େ ତାନି ସୀସୁୟାଁ ଜୀହୁଦା ରାଜିତା ହାଚେରି, ଅଡ଼େ ଏଞ୍ଜାସି ଏ ଚାୟୁତା ଡ଼ୟାନା ବାପ୍ତିସ୍ମାଁ ହୀହାଲି ମାଟ୍‌ହେସି ।

୨୩ ଜହନ ଜିକେଏ ସାଲମତି ତାଗେ ଏନନ୍‌ତା ବାପ୍ତିସ୍ମାଁ ହୀହିମାଚେସି, ଇଚିହ୍ ଏମ୍ବାଆଁ ଗାତି ଏୟୁ ମାରୁ, ଅଡ଼େ ଲକୁ ଖାହାନା ବାପ୍ତିସ୍ମାଁ ଅହିମାଚେରି ।

୨୪ ଏଚିରେଲା ପାତେକା ଜହନ କାୟିଦିତା ହାଜାହିଲାଆଚେସି ।

୨୫ ଏମ୍ବାଟିଏ ଜହନତି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନରନି କାତାତାକି ବାଦିବାଡ଼ା ଆଚେରି ।

୨୬ ଏଞ୍ଜାରି ଜହନଇଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରୁଞ୍ଜାକି ନୀ ତଲେ ମାଚେସି, ଆମ୍ବାଆରି କାତା ନୀନୁ ସାକି ହୀହାମାଞ୍ଜାତି, ମେହ୍‌ମୁ ଏଞ୍ଜାସି ବାପ୍ତିସ୍ମାଁ ହୀହିମାଚେସି ଅଡ଼େ ବାରେଜାଣା ଏଞ୍ଜାଣି ତାଣା ହାଜିମାଚେରି ।”

୨୭ ଜହନ ଏଲେଇଚେସି, “ଲାକପୁରୁଟି ମାହାପୁରୁ ହୀଆସାରେ ମାଣସି ଏନାଆଁ ମେଡ଼ାଆହାଲି ଆଡ଼ଅସି ।

୨୮ ନାନୁ କ୍ରୀସ୍ତଚେଏଁ ଆଏ, ସାମା ଏଞ୍ଜାଣି ନକିତା ପାଣ୍ଡୁଞ୍ଜି ଆହାମାଇଁ, ଇ କାତା ନାନୁ ମିଙ୍ଗେ ଖେସାମାଞ୍ଜାଚେଏଁ ଇଞ୍ଜି ମୀରୁ ନା ସାକି ।

୨୯ ମାଜ୍ଜାନି ଅନାସି, ଏଞ୍ଜାସି ହନେଏସି, ସାମା ହନେଏଣି ଏମିନି ତଡ଼ୁ ନିତାନା ତାନି ହାଡ଼ା ଖେନେସି, ଏଞ୍ଜାସି ହନେଏଣି ହାଡ଼ା ଖେଞ୍ଜାନା ହାଚେରକା ରାହାଁ ଆନ୍ନେସି । ଏଲେକିହ୍ ଏ ନା ରାହାଁ ଜିକେଏ ପୁରା ଆଡ଼େ ।

୩୦ ସାତେଏ ଏଞ୍ଜାସି କାଜାସି ଆନାୟି ମାନେ, ଅଡ଼େ ନାଙ୍ଗେ ଡ଼ଣା ଆନାୟି ମାନେ ।”

**ଲାକପୁରୁଟି ଖାନ୍ନାସି**

୩୧ ଆମ୍ବାଆସି ଲାକପୁରୁଟି ଖାନ୍ନେସି, ଏଞ୍ଜାସି ବାରେକିହାଁ କାଜାସି, ଆମ୍ବାଆସି ଦାର୍‌ତିଚି ଜାନ୍ନା ଆନ୍ନେସି, ଏଞ୍ଜାସି ଦାର୍‌ତିଚି କାତା ଖେହ୍‌ନେସି; ଆମ୍ବାଆସି ଲାକପୁରୁଟି ଖାନ୍ନେସି ଏଞ୍ଜାସି ବାରେଜାଣା କିହାଁ କାଜାସି ।

୩୨ ଏଞ୍ଜାସି ଏନାଆଁ ମେସାମାଚେସି ଅଡ଼େ ଏନାଆଁ ଖେଞ୍ଜାମାଚେସି, ଏଦାଆଁ ଏଞ୍ଜାସି ସାକି ହୀହିମାଚେସି, ସାମା ଆମ୍ବାଆସି ତାନି ହାଡ଼ାତି ଅପଅସି ।

୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଞ୍ଜାସି ମାହାପୁରୁ ସାତା ଇଞ୍ଜି ଏ କାତାତି ଆବା ମାନେସି ।

୩୪ ସାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାଚେସି, ଏଞ୍ଜାସି ମାହାପୁରୁ ବଲୁ ଖେହ୍‌ନେସି, ଏଞ୍ଜାଣାକି ମାହାପୁରୁ ସୁଦୁଜୀଞ୍ଜୁ ହୀନେସି ।

୩୫ ଆବା ମୀରୁଏଣାଇଁ ଜୀଞ୍ଜୁ ନନ୍ନେସି, ଅଡ଼େ ବାରେ ତାନି କେୟୁତା ହେରପା ମାନେସି ।

୩୬ ଆମ୍ବାଆସି ମୀରୁଏଣାଇଁ ନାମିନେସି, ଏଞ୍ଜାସି କାଲାକାଲାତି ଜୀଞ୍ଜୁ ବେଟାଆହାମାଚେସି, ସାମା ଆମ୍ବାଆସି ମୀରୁଏଣାଇଁ ଅପଅସି, ଏଞ୍ଜାସି ଜୀଞ୍ଜୁ ଜିକେଏ ମେହ୍‌ଅସି, ସାମା ଏଞ୍ଜାସି ମାହାପୁରୁତି ତଣ୍ଡୁତା ଡ଼ୟିନେସି ।

**୪**

**ଜୀସୁ ଅଡ଼େ ସମିରଣ ଇୟା**

୧ ପାରୁସିୟାଁ ଖେଚେରି, ଜୀସୁ ଜହନ କିହାଁ ଗାତି ସୀସୁୟାଁ କିହିମାଚେସି ଅଡ଼େ ବାପ୍ତିସ୍ମାଁ ହୀହିମାଚେସି ।

୨ ଜୀସୁ ତାନୁ ବାପ୍ତିସ୍ମାଁ ହୀହିହିଲାଆଚେସି, ସାମା ତାନି ସୀସୁୟାଁ ବାପ୍ତିସ୍ମାଁ ହୀହିମାଚେରି, ଇ କାତା ପାରୁସିୟାଁ ଖେଞ୍ଜାମାଚେରି ଇଞ୍ଜି ପୁରୁ ଏଚେତା ପୁଚେସି,

୩ ଏଚେତା ଜୀହୁଦା ଦେସା ପିସାନା ଅଡ଼େ ଖେଣ୍ଡେ ଗାଲିଲିତା ହାଚେରି ।

୪ ସାମା ତାଙ୍ଗେ ସମିରଣ ଜିରୁଟି ହାଜାଲି ଲାଗିଚେ ।

୫ ଅଡ଼େ ଏଞ୍ଜାସି ହାଜାନା ଜାକୁବ ତାନି ମୀରୁଏସି ଜସେପକି ଏମିନି ବୁମି ହୀହାମାଚେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାଚେସି ।

୬ ଏ ଚାୟୁତା ଜାକୁବତି କୁହି ମାଚେ, ଇଞ୍ଜା ଜୀସୁ ଖାହାହାଜାମାଚାକି ଏ କୁହି ତାଗେ କୁଗିଚେସି । ଏଚେତା ମାଦେନା ଆହାମାଚେ ।

୭ ଅଡ଼େ ର ସମିରଣ ଇୟା ଏୟୁ ଅହାଲି ଖାଚେ । ଜୀସୁ ଏଦାନି ଏଲେଇଚେସି “ନାଙ୍ଗେ ଏୟୁ ଗସାଲି ହିୟାମୁ ।”

୮ ତାନି ସୀସୁୟାଁ କାଦି କତାଲି ଗାଡ଼ାତା ହାଜାମାଚେରି ।

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇଚେ, “ନୀନୁ ର ଜୀହୁଦି ଲକୁ ଆହାଁ, ନାନୁ ସମିରଣ ଆୟାଚେଏଁ, ଏନିକି ନା କେୟୁଟି ଏୟୁ ଗସାଲି ରାସି ମାଞ୍ଜାଦି ?” ଏନିକିଚିହ୍ ଜୀହୁଦିୟାଁ ତଲେ ସମିରଣ ଲକୁତି ଲେମ୍ବିନାୟି ହିଲେଏ ।

୧୦ ଜୀସୁ ଏଦାନି ଏଲେଇଚେସି, “ମାହାପୁରୁତି ଦାନା ଅଡ଼େ ନାଙ୍ଗେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଙ୍ଗେ ଏଲେଇଞ୍ଜିମାଞ୍ଜାଚେସି, ଏଞ୍ଜାସି ଆମ୍ବାଆସି, ଇଦାଆଁ ନୀନୁ ପୁଚିହ୍‌ମା, ନୀନୁ ଏଞ୍ଜାଣାଇଁ ରାସିମା, ଅଡ଼େ ଏଞ୍ଜାସି ନିଙ୍ଗେ ଜୀଞ୍ଜୁତି ଏୟୁ ହିୟାଚେସିମା ।”

୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଣା ଏୟୁ କତାଲି ତାକି ନକି ହିଲେଏ, ଅଡ଼େ ଇ କୁହି କୁଡ଼ହାମାଚେ; ଆତିହ୍ ନୀନୁ ଏମ୍ବିଟି ଏ ଜୀଞ୍ଜୁଗାଟି ଏୟୁ ବେଟାଆହାମାଞ୍ଜି ?

୧୨ ମା ଆକୁୟାତି ଆବା ଜାକୁବ ଇ କୁହି ମାଙ୍ଗେ ହୀହାମାଞ୍ଜାଚେସି, ଅଡ଼େ, ତାନି ମୀରୁକା ଅଡ଼େ ତାନି କଡ଼ି ଗରି ଇମ୍ବାତି ଏୟୁ ଗସିମାରୁ, ଏଞ୍ଜାଣି କିହାଁ ନୀନୁ କି କାଜାତି ?”

୧୩ ଜୀସୁ ଏଲେଇଚେସି, “ଆମ୍ବାଆସି ଇ ଏୟୁ ଗହ୍‌ନେସି, ଅଡ଼େ ଖେଣ୍ଡେ ଏସ୍‌କି ଆନ୍ନେସି;

† ୩:୨୨ ମୁଞ୍ଜିନାୟି ‡ ୩:୨୩ ମୁଞ୍ଜିନାୟି § ୩:୨୬ ମୁଞ୍ଜିନାୟି ☆ ୩:୨୮ ଜହ ୧:୨୦ \* ୪:୧ ମୁଞ୍ଜିନାୟି † ୪:୨ ମୁଞ୍ଜିନାୟି ‡ ୪:୨ ମୁଞ୍ଜିନାୟି

୧୪ ସାମା ନାନୁ ଏମିନି ଏୟୁ ହିୟାକ୍, ଏଞ୍ଜାଆଁ ଆମ୍ବାଆସି ଗହନେସି, ଏଞ୍ଜାସି ଏଚେଲାଞ୍ଜା ଏସ୍‌କି ଆଅସି, ଇଚିହ୍ ନାନୁ ଏମିନି ଏୟୁ ହୀକ୍, ଏଦି କାଲାକାଲାତି ଜୀଞ୍ଜୁତି ଉସା ଲେହେଁ ଏଞ୍ଜାଣି ତାଣାଟି ଡେଲାବୟା ହାନୁ ।”

୧୫ ଆୟାଟି ଏଲେଇଚେ, “ଗୁରୁ, ନାଙ୍ଗେ ଏନିକ୍ ଏସ୍‌କି ଆୟେଏ, ଅଡେ ଏୟୁତାକି ଇଚେକା ହେକ ଇ କୁହିତା ଞ୍ଜାୟାଲି ଆଏ, ଏଦାଆଁତାକି ଏ ଏୟୁ ନାଙ୍ଗେ ହିୟାମୁ ।”

୧୬ ଜୀସୁ ଏଦାନି ଏଲେଇଚେସି, “ହାଲାମୁ, ନୀ ତକ୍ରାକ୍ ହାଟାତାମୁ ।”

୧୭ ଏ ଆୟାଟି ଏଲେଇଚେ, “ନା ତକ୍ରା ହିଲଅସି ।” ଜୀସୁ ଏଦାନି ଏଲେଇଚେସି “ନୀ ତକ୍ରା ହିଲଅସି ଇଞ୍ଜିଁ ସାତା ଖେସାମାଞ୍ଜି ।

୧୮ ନିଙ୍ଗେ ପାସାଜାଣା ତକ୍ରାୟାଁ ମାଚେରି, ଅଡେ ନୀଏଁ ନୀ ତଲେ ଆମ୍ବାଆସି ମାନେସି ଏଞ୍ଜାସି ନୀ ତକ୍ରା ଆଏ ଇଦାଆଁ ସାତା ଖେସାମାଞ୍ଜି ।”

୧୯ ଆୟାଟି ଏଲେଇଚେ, “ଗୁରୁ, ନାନୁ ପୁଞ୍ଜିମାକ୍ ନାନୁ ର.ମାହାପୁରୁ ଅଣ୍‌ପୁଡି ବଲୁ ଖେହନାଡି, ଇଦାଆଁ ନାନୁ ପୁଞ୍ଜିମାକ୍ ।

୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାଚେରି; ଅଡେ ମୀ ଜୀହୁଦି ଲକୁ ଏଲେଇଚେରି, ପ୍ରାତାନା କିନି ଚାୟୁ ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇଚେସି, “ଇୟା ନା ହାଡାଡି ନାମାମୁ, ଏମିନି ଡେଲାତା ମୀରୁ ଇ ହରୁତା କି ଜିରୁସାଲମତା ଆବା ତାଣା ପ୍ରାତାନା କିଅଚେରି ଇଲେଡି କାଲମି ଖାନ୍‌ନେ ।

୨୨ ଆମ୍ବାଆରାକ୍ ମୀରୁ ପୁଞ୍ଜାହିଲଅଚେରି, ଏଞ୍ଜାଣାକ୍ ପ୍ରାତାନା କିହିମାଞ୍ଜେରି; ଆମ୍ବାଆରାକ୍ ମୀରୁ ପୁଞ୍ଜାମାନାୟି, ଏଞ୍ଜାଣାକ୍ ପ୍ରାତାନା କିହିମାନାୟି, ଇଚିହ୍ ଗେଲ୍‌ପିନାୟି ଜୀହୁଦି ଲକୁ ତାଣାଟି ଖାନ୍‌ନେ ।

୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକୁ ଜୀଞ୍ଜୁତଲେ ଅଡେ ସାତା ତଲେ ଆବାକ୍ ପ୍ରାତାନା କିନେରି, ଇଲେଡି କାଲମି ଖାହିମାନେ; ଅଡେ, ନୀଏଁ ଜିକେଏ ମାନେ; ଇଚିହ୍ ଆବା ଇଲେଡି ପ୍ରାତାନା କିନାରାକ୍ ପାରିମାନେସି ।

୨୪ ମାହାପୁରୁ ସୁଦୁଜୀଞ୍ଜୁ ଗାଟାସି, ଅଡେ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀଞ୍ଜୁ ଇଞ୍ଜାଁ ସାତା ତଲେ ତାନି ପ୍ରାତାନା କିନାୟିମାନେ ।”

୨୫ ଏ ଆୟାଟି ଜୀସୁକ୍ ଏଲେଇଚେ, “ନାନୁ ପୁଞ୍ଜାମାକ୍, ମସିହା, ଆମ୍ବାଆରାକ୍ କ୍ରୀସୁ ଇନେରି, ଏଞ୍ଜାସି ଖାନ୍‌ନେସି; ଏଚେତା ଏଞ୍ଜାସି ଖାନ୍‌ନେସି ମାଙ୍ଗେ ବାରେ କାତା ପୁଣ୍‌ସି କିୟାନେସି ।”

୨୬ ଜୀସୁ ଏଦାନି ଏଲେଇଚେସି, “ନୀଏଁ ନୀ ତଲେ ହାଡା ଆହିମାନାଚେଏଁ ନାନୁ, ନାନୁ ଏଞ୍ଜାଚେଏଁ ।”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର.ଆୟାଟି ତଲେ ହାଡା ଆହିମାନାଣି ମେସାନା କାବା ଆଚେରି, ଆଡିଜିକେଏ ନୀନୁ ଏନାଆଁ ମନ୍ କିହିମାଞ୍ଜି, ଆଆଡି

ଏନାଆଁତାକି ଏଦାନିତଲେ ହାଡା ଆହିମାଞ୍ଜି ଇଞ୍ଜିଁ ? ଆମ୍ବାଆରି ଖେନାଆଚେରି ।

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ତକା ପିସାନା ଗାଡାତା ହାଜାନା ଲକୁଣି ଖେସେ, “ଞ୍ଜାଦୁ, ରଅଣାକ୍ ମେହ୍‌ଦେରି,

୨୯ ନାନୁ ଏନା ଏନାଆଁ ନା ଜୀଞ୍ଜୁତା କିହିମାକ୍, ଏଞ୍ଜାସି ନାଙ୍ଗେ ବାରେ ଖେସ୍ତାଚେସି; ଏଞ୍ଜାସି ମସିହା ଆହାଡିୟିନେସି ?”

୩୦ ଏମ୍ବାଟିଏ ଏମ୍ବାଟି ଲକୁ ଗାଡାଟି ହଟାନା ଜୀସୁ ତାଣା ହାଚେରି ।

୩୧ ଏଚିବେଲାତା ସୀସୁୟାଁ ବାଡିମାଲିହ୍ ଏଲେଇଚେରି, “ଏ ଗୁରୁ, ତିନାମୁ ।”

୩୨ ସାମା ଜୀସୁ ଏଞ୍ଜାରାକ୍ ଏଲେଇଚେସି, “ତିଞ୍ଜାଲି ତାକି ଏମିନି କାଡି ନା ତାଣା ମାନେ, ମୀରୁ ଏ କାଡିତି କାତା ପୁଞ୍ଜାହିଲଅଚେରି ।”

୩୩ ସୀସୁୟାଁ ତାମ୍ବୁ ହାଡାକାତା ଆଚେରି, “ଆମ୍ବାଆୟି ତାଙ୍ଗେତାକି କାଡି ତାଚା ହାହାମାନେ ହାବୁଲା ?”

୩୪ ଜୀସୁ ଏଞ୍ଜାରାକ୍ ଏଲେଇଚେସି, “ନାଙ୍ଗେ ପାଣ୍ଡାମାଞ୍ଜାନାଣା ଅଣ୍‌ପୁ ଅଡେ ତାନି କାମା ରାପ୍‌ନାୟି ଏଦିଏ ନା କାଡି ।

୩୫ ଆର୍ନା ଦାଚାଲି ଅଡେ ସାରି ଲେଞ୍ଜୁ ମାନେ, ଇ କାତା ମୀରୁ ଖେସିହିଲଅଚେରି ସାମା ନାନୁ ମିଙ୍ଗେ ଖେସିମାଞ୍ଜାକ୍, ଗୁଡିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମ୍ବାହାଚେୟିଏ ।

୩୬ ନୀଏଁ ଜିକେଏ ଦାଃଆନାରାକି କୁଲି ହୀପକି ଆହିମାନେ ଅଡେ କାଲାକାଲାତି ଜୀଞ୍ଜୁତାକି ପାଡେୟି କୃଡି କିହିମାନେରି, ଏନିକିହ୍ ଦାଃଆନାସି ଅଡେ କୃଡିକିନାସି ରହେଏ ରାହାଁ କିନେରି ।

୩୭ ଏନାଆଁତାକି ଇଚିହ୍ ରଅସି ମାଟିନେସି ଅଡେ ଅଚ ରଅସି ଦାଃଆନେସି ଇ କାତା ସାତା ।

୩୮ ମୀରୁ ଏନାଆଁତାକି କାମା କିହିହିଲଅଚେରି, ଏଦାଆଁ ଦାଚାଲି ତାକି ନାନୁ ପାଣ୍ଡାଚେଏଁ; ଏଚ୍‌କାତାରି କାମା କିହିମାନେରି, ଅଡେ ମୀରୁ ଏଞ୍ଜାରି କାମାତି ଲାଡା ବେଟାଆହିମାଞ୍ଜେରି ।”

୩୯ “ନାନୁ ଏନା ଏନାଆଁ କିହିମାକ୍, ଏ କାତା ଏଞ୍ଜାସି ନାଙ୍ଗେ ବାରେ ଖେସ୍ତାଚେସି” ଇଞ୍ଜିଁ ଏମିନି ଆୟାଟି ସାକି ହାହାମାଚେ, ଏଦାନି କାତାତାକି ଏ ଗାଡାଟି ସମିରଣ ଲକୁ ବିଡାଟି ହାଚେକା ଜୀସୁକ୍ ନାମିଚେରି ।

୪୦ ଅଡେ ସମିରଣ ଲକୁ ଜୀସୁ ତାଣା ଖାହାନା ତାନିତଲେ ଡୟାଲି ତାକି ତାଙ୍ଗେ ବାଡିମାଲିଚେରି ଜୀସୁ ଏଞ୍ଜାରିତଲେ ଅଡେ ରୀ ଦିନା ଡୟିଚେସି ।

୪୧ ଜୀସୁଡି ବଲୁ ଖେଞ୍ଜାନା ହାଚେକା ଲକୁ ନାମିଚେରି ।

୪୨ ଏଞ୍ଜାରି ଏ ଆୟାଟିକ୍ ଏଲେଇଚେରି, “ଞ୍ଜାଚଲ ନୀନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡେ, ଇଞ୍ଜାସି ସାଚେଏ ଦାଚ୍‌ଡିତି ଗେଲ୍‌ପିନାସି, ଇଦାଆଁ ମାମ୍ବୁ ପୁଞ୍ଜାମାନମି ।”

ଜୀସୁ ସାଲୁଡ଼ି କିନାଣି ମୀରୁଏଣାଙ୍କୁ ନେହୁଁ କିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି ହଡ଼ାନା ଗାଲିଲିତା ହାଚେସି ।

୪୪ \*ଇଚିହୁଁ ଜୀସୁ ତାଙ୍ଗେତାକି ସାକି ହାହୁଁ ଏଲେଇଚେସି, “ମାହାପୁରୁ ଅଣ୍ଟପୁତି ବଲୁ ଖେହୁନାରି ଜାହାରା ଦେସାତା ମାନି ବେଟାଆଅରି ।”

୪୫ \*ଅଡ଼େ ଏଝାସି ଗାଲିଲିତା ଏଜାଲିଏ ଏ ଗାଲିଲିତାରି ଏଝାଣାଙ୍କୁ ଆବିଚେରି, ଇଚିହୁଁ ପିସୁପିଆନି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଝାରି ଜିକେଏ ପାର୍ବୁତା ହାଜାମାଚେରି ।

୪୬ \*ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଜ୍ଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍ତା ମୁହେଁ କାଜାସି ରଅସି ମାଚେସି, ତାନି ମୀରୁଏସି କପରନାହୁମତା ଆଡ଼ିହିଲାଆଚେସି ।

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜୁଁ ଖେଞ୍ଜାନା, ତାନି ତାଣା ହାଜାନା ଏଝାସି ଖାହାନା ଏନିକଁ ତାନି ମୀରୁଏଣାଙ୍କୁ ନେହୁଁ କିନେସି ଏଦାଆଁତାକି ବାତିମାଲିଚେସି, ଇଚିହୁଁ ଏଝାସି ହାନିହରେ ଆହାମାଚେସି

୪୮ ଜୀସୁ ଏଝାଣାଙ୍କୁ ଏଲେଇଚେସି, “ସିନା ଅଡ଼େ କାବାଆନି କାମାୟାଁ ମେହୁଆଡ଼ିହୁଁ ମୀରୁ ଏନିଜିକେଏ ନାମଅଚେରି ।”

୪୯ ଏ ସାଲୁଡ଼ି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନି ନଚକେଏ ନା ତଲେ ଖାମୁ ।”

୫୦ ଜୀସୁ ଏଝାଣାଙ୍କୁ ଏଲେଇଚେସି, “ହାଲମୁ, ନୀ ମୀରୁଏସି ନୀତିନେସି ।” ଏ ମାଣସିଙ୍କୁ ଜୀସୁ ଏନିନି ହାଡ଼ା ଖେସ୍ତେସି, ଏଝାସି ଏଦାଆଁ ନାମାନା ହାଚେସି ।

୫୧ ଅଡ଼େ, ଏଝାସି ହାଲୁଖନିଏ ତାନି ହଲିୟାଙ୍ଗା ଜିରୁତେଏ ନୀ ମୀରୁଏସି ନୀତିଚେସି ଇଞ୍ଜୁଁ ଖେସ୍ତେରି ।

୫୨ ଏଚିବେଲାତା କକାସି ନେହୁଁ ଆଡ଼େସି, ଏଦାଆଁ ଏଝାସି ଖେଚେସି । ଏମ୍ବାଟିଏ ଏଝାରି ଏଲେଇଚେରି, “ରେ୪ଏନି ସାଡ଼ା ଗଂଟା ବେଲାତା ନମେରି ପିସ୍ତେ ।”

୫୩ ଏମ୍ବାଟି ତାନି ଆବା ପୁଚେସି ଜୀସୁ ଆନିନି ବେଲାତା “ନୀ ମୀରୁଏସି ନୀତିଚେସି” ଇଞ୍ଜୁଁ ଖେସାମାଚେସି, ଏଚିବେଲାତେଏ ଏଦି ଗଟ଼ି ଆଡ଼େ । ଏମ୍ବାଟିଏ, ଏଝାସି ଅଡ଼େ ତାନି ଇଜତି ବାରେ ଇଲୁ କୁଚନି ଜୀସୁ ତାଣା ନାମିଚେରି ।

୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିଚେସି ।

**୫**

ଜୀସୁ କଡ଼େ ଅଚର ବାର୍ଯା ତାଣାଙ୍କୁ ନେହୁଁ କିନାୟି

୧ ଇଦାଣି ତାୟୁ ଜୀହୁଦି ଲକୁତି ର ପାର୍ବୁ ଆଡ଼େ, ଅଡ଼େ ଜୀସୁ ଜିରୁସାଲମତା ହାଚେସି ।

୨ ଜିରୁସାଲମତି ମେଣ୍ଡାୟାଁ ଦୁଖେରି ତାଗେ ର ବାନ୍ଦା ମାନେ; ଏବୁଁ ହାଡ଼ାତଲେ ବେଡ଼ସାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ ।

୩ ଏମ୍ବାଆଁ କାଣାୟାଁ, ସଟାୟାଁ ଅଡ଼େ ଆଙ୍ଗା ଖାୟିତି ରଗ ଗାଟାରି ହାଡ଼େକା ଜାଣା ନେହୁଁ ଆୟାଲି କାଟାହାଁ ମାଣ୍ଡିଚେରି;

୪ ଇଚିହୁଁ ଏଚିବେଲାତା ପ୍ରବୁତି ର ଦୂତୁ ବାନ୍ଦାତା ରେଚାନା ଏୟୁ ଖୀଟୁହିସାରେ, ଅଡ଼େ ଏୟୁ ଖୀତିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଝାଣାକି ଏନି ରଗ ଆହାମାଟି ଜିକେଏ ନେହୁଁ ଆହିମାଚେସି\* ।

୫ କଡ଼େ ଅଚର ବାର୍ଯା ପାଚେକା ରଗ ଗାଟାସି ରଅସି ଏମ୍ବାଆଁ ମାଚେସି ।

୬ ଜୀସୁ ଏଝାଣାଙ୍କୁ ଡ଼ୟାମାନାଣି ମେସାନା ଗାଡୁ ଦିନାତି ରଗ ଗାଟାସି ଇଞ୍ଜୁଁ ପୁଞ୍ଜାହାଁ ଏଝାଣାଙ୍କୁ ଖେଚେସି, “ନୀନୁ ଏନାଆଁ ନେହୁଁ ଆହାଲି ମନୁ କିହିମାଞ୍ଜି ?”

୭ ରଗ ଗାଟାସି ଏଝାଣାଙ୍କୁ ଏଲେଇଚେସି, “ବାବୁ, ଏୟୁ ଖୀତିନାଟି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନୀନୁ ହାନିବେଲାତା ଅଡ଼େ ରଅସି ନା ନଚକେଏ ହଡ଼ାହାନେସି ।”

୮ ଜୀସୁ ଏଝାଣାଙ୍କୁ ଏଲେଇଚେସି, “ନିଙ୍ଗାମୁ, ନୀ ପାସ୍ପନି ଡ଼େକାହାଁ ତାକାମୁ ।”

୯ ଏ ଦେବୁଣିଏ ଏଝାସି ନେହୁଁ ଆଡ଼େସି ଅଡ଼େ ତାନି ପାସ୍ପନି ଡ଼େକାନା ତାକାଲି ମାଟୁହେସି ।

ଏ ଦିନା ଜମିନି ଦିନା ମାଚେ ।

୧୦ ଇଦାଆଁତାକି, ଜୀହୁଦିୟାଁ ନେହୁଁ ଆହାମାନି ମାଣ୍ଡିଙ୍କୁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍ପନି ଡ଼େକା ଅହାଲି ନିଙ୍ଗେତାକି ମେରା ଆଏ ।”

୧୧ ସାମା, ଏଝାସି ଏଝାରାଙ୍କୁ ଏଲେଇଚେସି, “ଆମ୍ବାଆସି ନାଙ୍ଗେ ନେହୁଁ କିୟାଚେସି, ଏଝାସି ନାଙ୍ଗେ ଏଲେଇଞ୍ଜାଚେସି, ନୀ ପାସ୍ପନି ଡ଼େକାନା ତାକାମୁ ।”

୧୨ ଏଝାରି ଏଝାଣାଙ୍କୁ ଖେଚେରି, “ନୀ ପାସ୍ପନି ଡ଼େକାନା ତାକାମୁ ଇଞ୍ଜୁଁ ଏଲେଇଞ୍ଜାତାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହୁଁ ଆଡ଼ାସି ପୁଞ୍ଜା ହିଲାଆଚେସି, ଇଚିହୁଁ ଏମ୍ବାଆଁ ଲକୁ ମାନ୍ଦା ମାଟାକି ଜୀସୁ ମେହୁଆରେଟୁ ହାଜାମାଚେସି ।

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁତା ଏଝାଣାଙ୍କୁ ମେସାନା ଏଲେଇଚେସି, “ମେହୁମୁ, ନୀନୁ ନେହୁଁ ଆହାମାଞ୍ଜି, ଅଡ଼େ ପାପୁ କିଆନି, ଏନିକଁ ନିଙ୍ଗେତାକି ଗାଡ଼ି କସ୍ତୁ ଖାଏ ।”

୧୫ ଏ ମାଣସି ଖେଣ୍ଡା ହାଜାନା, ଆମ୍ବାଆସି ତାଙ୍ଗେ ନେହୁଁ କିହାମାଚେସି, ଏଝାସି ଜୀସୁ ଇଞ୍ଜୁଁ ଜୀହୁଦିକାଣି ଖେସ୍ତେସି ।

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାଟାକି ଜୀହୁଦିକା ଏଝାଣାଙ୍କୁ ନିନ୍ଦା କିହାଲି ମାଟୁହେରି ।

\* ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪    ✱ ୪:୪୫ ଜହ ୨:୨୩    ✨ ୪:୪୭ ଜହ ୨:୧-୧୧    \* ୫:୪ ଇ କାତା ପୁଞ୍ଜଇ ପତିତା ହିଲେଏ ।

୧୭ ସାମା ଜୀସୁ ଏଞ୍ଜରାଲ୍ ଏଲେଇଚେସି, “ନା ଆବା ନୀଏଁ ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାଲ୍ ।”

୧୮ ଇ ହାଡ଼ା ତାକି ଜୀହୁଦିଙ୍ଗା ଜୀସୁଲ୍ ପାୟାଲି ତାକି ଅଡ଼େ ଗାଡ଼ି ଅଣ୍ପିତେରି, ଏଞ୍ଜସି ଜିନି ଦିନାତି ମେରାତି ଉରିତେସି ଖାରଇ ଏଦି ଆଏ, ସାମା ମାହାପୁରୁଇ ନା ଆବା ଇଞ୍ଜିଁ ଖେସାନା ତାଙ୍ଗେ ମାହାପୁରୁ ତଲେ ସମାନା କିହିମାଚେସି ।

**ମୀରୁଏଣି ଅଦିକାରା**

୧୯ ଜୀସୁ ଏଞ୍ଜରାଲ୍ ଏଲେଇଚେସି, “ସାତା ସାତା ନାନୁ ମିଙ୍ଗେ ଖେସିମାଞ୍ଜାଇ, ମୀରୁଏସି ଆବାଲ୍ ଏନାଆଁ କିହିମାନାଣି ମେହନେସି, ଏଦାଆଁ ପିସପେ ଏଞ୍ଜସି ତାନୁଏ ଏନାଆଁ କିହାଲି ଆଡ଼ଅସି । ଇଚିହଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହଁ ଏ କିନେସି ।

୨୦ ଇଚିହଁ ଆବା ମୀରୁଏଣାଇଁ ଜୀହୁ ନନେସି, ଅଡ଼େ ଏଞ୍ଜସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଇଁ ତହନେସି, ଅଡ଼େ ମୀରୁ ଏନିକଁ କାବା ଆଦେରି, ଏଦାଆଁତାକି ଏଞ୍ଜସି ଏଞ୍ଜାଣି ତାଣାଟି ଇଦାନି କିହାଁ ଆଡ଼େ କାଜା କାଜା କାମା ତହନେସି ।

୨୧ ଆବା ଏନିକଁ ହାଡ଼ି ଲକୁଣି ନିକହାନା ଜୀହୁ ହୀନେସି, ଏଲେକିହଁ ଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଞ୍ଜରାଲ୍ ଜୀହୁ ହୀନେସି ।

୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକଁ ଆବାଲ୍ ମାନି କିହିମାନେରି, ଏଲେକିହଁ ଏ ମୀରୁଏଣାଇଁ ଜିକେଏ ମାନି କିନେରି, ଏଦାଆଁତାକି ମୀରୁଏଣାକି ବାରେ ନୀହାଁୟି କିହାଲି ଅଦିକାରା ହୀହାମାନେସି ।

୨୩ ଆମ୍ବାଆସି ମୀରୁଏଣାଇଁ ମାନି କିଅସି, ଏଞ୍ଜସି ତାଙ୍ଗେ ପାଣ୍ଡାତି ଆବାଲ୍ ଜିକେଏ ମାନି କିଅସି ।”

୨୪ “ନାନୁ ମିଙ୍ଗେ ସାତା ଖେସିମାଞ୍ଜାଇ, ଆମ୍ବାଆସି ନା ବଲୁ ଖେଞ୍ଜାନା ନାଙ୍ଗେ ପାଣ୍ଡାତାଣାଇଁ ନାମିନାସି, ଏଞ୍ଜସି କାଲାକାଲାତି ଜୀହୁ ବେଟା ଆହାମାନେସି, ଅଡ଼େ, ଏଞ୍ଜସି ନୀହାଁୟି କିଞ୍ଜିଆମାନା ହାକିତି ଜୀଣାଆହାନା ରାଆଗାଟି ଜୀହୁତା ହଡ଼ାମାନେସି ।

୨୫ ନାନୁ ମିଙ୍ଗେ ସାତା ଖେସିମାଞ୍ଜାଇ, ର ଦିନା ଖାନ୍ଦେ ନୀଏଁ ଜିକେଏ ଏଦାତେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରୁଏଣି ହାଡ଼ାତି ଖେନେରି ଅଡ଼େ ଆମ୍ବାଆରି ଖେନାରି ଏଞ୍ଜାରି ନୀଡ଼ିନେରି ।

୨୬ ଇଚିହଁ ଆବା ଏନିକଁ ତାନୁଏ ଜୀହୁ ଗାଟାସି, ଏଲେକିହଁ ଏ ଏଞ୍ଜସି ମୀରୁଏଣାଇଁ ଜିକେଏ ଜୀହୁ ଗାଟାସି ଆହାଲି ହୀହାମାନେସି ।

୨୭ ଅଡ଼େ, ଏଞ୍ଜସି ମାଣ୍ଡସି ମୀରୁଏସି ଆହାମାନାକି ଏଞ୍ଜସି ଏଞ୍ଜାଣାକି ନୀହାଁୟି କିନି ଅଦିକାରା ହୀତେସି ।

୨୮ ଇଦାଆଁତାକି କାବା ଆଆଦୁ, ଇଚିହଁ ଏଚିବେଲା ହାଡ଼ି ଲକୁ ମାହଣି ମାଣ୍ଡାଟି ତାନି ଗିୟାଁ ଖେନେରି ଅଡ଼େ ଆମ୍ବାଆରି ସାତା କାମା କିହାମାନେରି,

୨୯ ଏଞ୍ଜାରି ଜୀହୁତା ଖେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହାମାନେରି, ଏଞ୍ଜାରି ନୀହାଁୟିତି ତଣ୍ଡ ତାକି ଖେଣ୍ଡେ ନିଙ୍ଗା ଖାନ୍ଦେରି, ଇଲେତି ଦିନା ଖାହିମାନେ ।”

**ଜୀସୁ ଖାକିଟି ସାକି**

୩୦ “ନାନୁ ନା ତାଣାଟି ଏନାଆଁ କିହାଲି ଆଡ଼ଅଁ; ନାନୁ ଏନିକଁ ଖେଇଁ, ଏଲେକିହଁ ଏ ନୀହାଁୟି କିଇଁ, ଅଡ଼େ ନା ନୀହାଁୟି ଟିକଣାତାୟି, ଇଚିହଁ ନାନୁ ନା ମନତଲେ କିହାଲି ଅଣ୍ପାଆନା, ନାଙ୍ଗେ ପାଣ୍ଡାତାଣା ମନ ଲେହେଁ କିହାଲି ଅଣ୍ପିମାଲ୍ ।”

୩୧ “ନାନୁ ନାଙ୍ଗେତାକି ସାକି ହୀଇଁ, ଆଡ଼ିଜିକେଏ ନା ସାକି ସାତା ଆଏ ।

୩୨ ନା କାତାତି ଆମ୍ବାଆସି ସାକି ହୀନେସି, ଏଞ୍ଜସି ଅରୁ ରଅସି; ଅଡ଼େ, ନା କାତାତାକି ଏଞ୍ଜାଣି ସାକି ସାତା, ଏଦାଆଁ ନାନୁ ପୁଞ୍ଜାମାଲ୍ ।

୩୩ ☆ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଞ୍ଜସି ସାତା ତାକି ସାକି ହୀହାମାନେସି ।

୩୪ ସାମା ନାଙ୍ଗେ ମାଣ୍ଡସି ତାଣାଟି ସାକି ଲଡ଼ା ଆଏ, ସାମା ମୀରୁ ଏନିକଁ ଗେଲ୍ପି ଆଦେରି, ଏଦାଆଁତାକି ଇ ବାରେ ଖେସିମାଞ୍ଜାଇଁ ।

୩୫ ଜହନ ଡ଼ାଞ୍ଜିତି ମିଣ୍ଡସିମାନି ଦୀଞ୍ ମାଚେସି, ଇଞ୍ଜା ମୀରୁ ଏଞ୍ଜାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାଚେରି ।

୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇଚିହଁ ଆବା ନାଙ୍ଗେ ଏନି ଏନି କାମା ରାପ୍ତହାଲି ହୀହାମାଞ୍ଜାନେସି, ନାନୁ ଏମିନି କାମା କିହିମାଲ୍, ଆବା ନାଙ୍ଗେ ପାଣ୍ଡାମାଞ୍ଜାନେସି ଇଞ୍ଜିଁ ଏ ବାରେ ନା ଖାକିଟି ସାକି ହୀହିମାନେସି ।

୩୭ ଅଡ଼େ ଏମିନି ଆବା ନାଙ୍ଗେ ପାଣ୍ଡାତେସି, ଏଞ୍ଜସି ନା ତାକି ସାକି ହୀହାମାନେସି । ମୀରୁ ଏଚେଲା ଏଞ୍ଜାଣି ହାଡ଼ା ଖେଞ୍ଜା ହିଲଅତେରି କି ତାନି ମୁମ୍ ମେସା ହିଲଅତେରି ।

୩୮ ଅଡ଼େ ଏଞ୍ଜାଣି ବଲୁ ମୀ ହିୟାତା ଇଟାହିଲଅତେରି, ଇଚିହଁ ଏଞ୍ଜସି ଆମ୍ବାଆରାଇଁ ପାଣ୍ଡାତେସି ମୀରୁ ଏଞ୍ଜାଣାଇଁ ନାମିହିଲଅତେରି ।

୩୯ ମୀରୁ ଦାମ୍ପୁ ପତିତି କାତା ପାରିମାଞ୍ଜେରି, ଇଚିହଁ ଏମ୍ବାଆଁ କାଲାକାଲାତି ଜୀହୁ ବେଟାଆହାମାନମି ଇଞ୍ଜିଁ ଅଣ୍ପିମାଞ୍ଜେରି ଅଡ଼େ ଏ ଦାମ୍ପୁ ପତି ନା ଖାକିଟି ସାକି ହୀହିମାନେ ।

୪୦ ସାମା ମୀରୁ ଜୀହୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅତେରି ।”

୪୧ “ନାନୁ ମାଣ୍ଡସିୟାଁ ତାଣାଟି ଗାଞ୍ଜୁରମି ପାରିହିଲଅଁ ।

୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାତା ମାହାପୁରୁତି ଜୀହୁନନାୟି ହିଲେଏ ।

☆ ୫:୩୩ ଜହ ୧:୧୯-୨୭; ୩:୨୭-୩୦



୪୩ ନାନୁ ନା ଆବା ଦରୁଟି ଖାହାମାଲ୍, ଅଡ଼େ ମୀରୁ ନାଲେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଖାଡ଼ିହ୍, ମୀରୁ ଏଞ୍ଜାଣାଲ୍ ଅପିଦେରି ।

୪୪ ମୀରୁ ଏନିକ୍ ନାମିମାଞ୍ଜେରି ? ମୀରୁ ମୀ ତାଣାଟି ଗାଞ୍ଜୁରମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି ଗାଞ୍ଜୁରମି ଏଦାଆଁ ବେଟାଆହାଲି ମନ କିହିହିଲଅତେରି

୪୫ ନାନୁ ଆବା ନକିତା ମୀ କପାଟି ଦହ୍ ଦସ୍ତାଲ୍, ଏଲେଇଞ୍ଜି ଅଣ୍ପାଆଦୁ; ଆମିନି ମସା ତାଣା ମୀରୁ ବାସ୍ତୁ ଇଟାମାଞ୍ଜେରି, ଏଞ୍ଜାସିଏ ମୀ କପାଟି ଦହ୍ ଦସି ମାଞ୍ଜାନେସି ।

୪୬ ଇଚିହ୍ ମୀରୁ ମସାଲ୍ ନାମା ମାଟିହ୍, ନାଲେ ଜିକେଏ ନାମାତେରିମା, ଇଚିହ୍ ଏଞ୍ଜାସି ନା କାତେଏ ରାଟାମାନେସି ।

୪୭ ସାମା ମୀରୁ ଏଞ୍ଜାଣି ରାଟାମାନି କାତା ନାମା ହିଲଅତେରି, ଆତିହ୍ ନା କାତା ଏନିକ୍ ନାମିଦେରି ?”



ଜୀସୁ ପାସାମାଣା ଲକୁଣି ତାହ୍ନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁରି, ଇଚିହ୍ ତିବିରିୟା ସାମ୍ବୁରି ଆତାଲାଞ୍ଜାକି ହାଚେସି ।

୨ ଅଡ଼େ ଏଞ୍ଜାସି ରଟା ଗାଟାରାଲ୍ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକୁ ଏଞ୍ଜାଣି କ୍ଳେଚ କ୍ଳେଚ ହାଚେରି ।

୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁରିତେସି ।

୪ ଏଚିବେଲା ଜୀହୁଦି ଲକୁଡି ପିସ୍ପିଆନି ପାର୍ବୁ ତାଗେ ଆହାମାଚେ ।

୫ ହାରେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଲ୍ ଏଲେଇଚେସି, “ଇଞ୍ଜାରାକି ତିଞ୍ଜାଲି ମାର୍ ଆମ୍ବିଟି ରାନ୍ଦା କଡିନାୟି ?”

୬ ସାମା ଏଞ୍ଜାସି ପିଲିପଲ୍ ତାୟିପାରି କିୟାଲି ଏଲେଇଚେସି, ଇଚିହ୍ ଏଞ୍ଜାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାଚେସି ।

୭ ପିଲିପ ଏଞ୍ଜାଣାଲ୍ ଏଲେଇଚେସି, “ବାରେ ଲକୁଡାକି ଇଟା ଇଟାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଟି\* ରୁଟି ଜିକେଏ ହାଲାଉ ।”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟ ଦରୁଗାଟାସି ଜୀସୁଲ୍ ଏଲେଇଚେସି,

୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣକା ରିଣ୍ଡି ମାନୁ, ସାମା ଇଚେକା ଲକୁଡାକି ଏଞ୍ଜି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକୁଣି କୁପ୍‌କି କିଦୁ ।” ଏ ଟାୟୁତା ହାରେକା ଗାକ୍ ଜାଡ଼ା ମାଚେ । ଏମ୍ବାଆଁ ପାସାମାଣା ଆବାୟାଁ କୁରିତେରି ।

୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଲ୍ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହ୍ ହାଚେରି, ମୀଣକା ଜିକେଏ ଏଲେକିହ୍ ଏ ବାଟିକିଚେରି, ଏଚେକା ମନ କିଚେରି ଏଞ୍ଜାରାକି ଏଚେକା ହାଚେରି ।

୧୨ ଅଡ଼େ ଏଞ୍ଜାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଲ୍ ଏଲେଇଚେସି, “ଏଚେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକ୍ ଇଟାୟି ଜିକେଏ ନସ୍ତୁ ଆଏ ।”

୧୩ ଏଚେଟିଏ ଲକୁ ଚିଟି ତାୟୁ ପାସାଗଟା ରୁଟି ବିତ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିଚେରି ।

୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍ପୁଡି ବକୁ ଖେକନାସି ଦାରତିତା ଖାନ୍ଦାୟି ମାଚେ, ଏଞ୍ଜାସି ସାତେଏ ଇଞ୍ଜାସି ।”

୧୫ ଏଦାଆଁତାକି ଏଞ୍ଜାରି ଖାହାନା ରାଜା କିୟାଲି ବାଲ୍‌ମିଟି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଟକା ଆହାନା ରଅସିଏ ଦାରିତା ମାଟି ହରୁ ଲାକ ହଟାହାଚେସି ।

ଜୀସୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲା ଆହାଲିଏ ତାନି ସୀସୁୟାଁ ସାମ୍ବୁରି ଗାଟୁତା ହାଚେରି ।

୧୭ ଅଡ଼େ ସାମ୍ବୁରି ଆତାଲା ମାନି କପର୍‌ନାହୁମ ଞ୍ଜାକି ହାଜାଲି ତଂଗତା ହଚେରି । ଆନ୍ଦେରି ଆହାହାଚେ, ଅଡ଼େ, ଜୀସୁ ଏଚିବେଲା ପାଚେକା ଏଞ୍ଜାରିତାଣା ଖାହା ହିଲାଆଚେସି ।

୧୮ ଇଞ୍ଜା କାଜା ଗାଲି ଖେଟିମାଟାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟାଁ ନିଜିମାଚୁ ।

୧୯ ଏଚିବେଲା ଏଞ୍ଜାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହ୍ ତଂଗ ଞ୍ଜାକି ଖାହିମାନାଣି ମେସାନା ଆଜିଚେରି ।

୨୦ ସାମା ଜୀସୁ ଏଞ୍ଜାରାଲ୍ ଏଲେଇଚେସି, “ଆଜାଆଦୁ ଇଞ୍ଜାଚେସି ନାନୁ ।”

୨୧ ଏମ୍ବାଟିଏ ଏଞ୍ଜାରି ଏଞ୍ଜାଣାଲ୍ ତଂଗତା ଅହାଲି ମନ କିଚେରି, ଅଡ଼େ, ଏମିନି ସାମ୍ବୁରି ଗାଟୁତା ହାଜିମାଚେରି, ଦେବୁଣିଏ ଏ ଟାୟୁତା ତଂଗ ଏଚେ ।

ଜୀସୁଲ୍ ଲକୁ ପାରିନାୟି

୨୨ ଏ ଟାୟୁତା ର ତଂଗ ପିସ୍ପେ ଏଟକାତି ତଂଗୟାଁ ହିଲାଆଚୁ, ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆଚେସି, ସାମା ଖାରଇ ସୀସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର ନେଚୁ ସାମ୍ବୁରି ଆତାଲା ନିଟାମାଚେରି ଏଞ୍ଜାରି ମେସାମାଚେରି ।

୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଟି ତିଞ୍ଜାଲି ହାହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟାଁ ଏ ଟାୟୁତା ଖାଚୁ ।

\* ୬:୭ ଖେଣ୍ଡି ଟାକା ର ରୁପାଗାକା ର ବିନାତି କୁଲି ମାତି ୨୦:୨

୨୪ ଇଞ୍ଜା ଜୀସୁ ତାନ୍ ସୀସୁୟାଁ ଏମ୍ବାଆଁ ହିଲାଆତେରି, ଇଦାଆଁ ମେସାନା ବାରେ ଲକୁ ଇ ତଂଗତା ହତାନା ଜୀସୁଇଁ ପାରି ପାରିହୁଁ କପରନାହୁମତା ଖାତେରି ।

ଜୀସୁ ଜୀସୁତି ରାନ୍ଦା

୨୫ ଏଞ୍ଜାରି ସାମଦୁରି ଆତାଲା ଜୀସୁଇଁ ବେଟାଆହାନା ଖେଚେରି, ଏ “ଗୁରୁ, ନାନୁ ଏତିବେଲା ଇମ୍ବାଆଁ ଖାତି ?”

୨୬ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ନା କାବାଆନ୍ କାମା ମେସ୍ତାକି ନାଜେ ପାରିମାଞ୍ଜାଦେରି ଏଦି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଜେ ପାରିମାଞ୍ଜାଦେରି ।

୨୭ ସୀରନ୍ ରାନ୍ଦା ତାକି କାମା କିଆନା, କାଲକାଲାତି ଜୀସୁତାକି ତୟିନି ରାନ୍ଦା ତାକି କାମା କିସୁ, ଏ ରାନ୍ଦା ମାଣସି ମୀରୁଏସି ମିଜେ ହିୟାନେସି, ଇତିହୁଁ ତାନ୍ ଆବା ମାହାପୁରୁ ଏଞ୍ଜାଣାକି ଅଦିକାରା ହାହାମାନେସି ।”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ମାହାପୁରୁଟି ବାରେ କାମା କିହାଲିତାକି ମାଜେ ଏନ୍ଦାଆଁ କିହାଲି ଆନେ ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଞ୍ଜାଣି ତାଣା ନାମିନାୟି ମାହାପୁରୁଟି କାମା ।”

୩୦ ଏଚେଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ଆତିହୁଁ ନାନୁ ସିନାଲେହେଁ ଏନ୍ଦାଆଁ କିହିମାଞ୍ଜି, ଏଦାଆଁ ମେସାନା ମାମ୍ବୁ ନିଜେ ନାମାନମି ?

୩୧ ମା ଆକୁ ଆବାୟାଁ ଲକୁ ତୟାଆ ଟାୟୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାସ୍ତକି ଆହାମାନେ, ତିଞ୍ଜାଲି ଏଞ୍ଜାସି ଏଞ୍ଜାରାକି ଲାକପୁରୁଟି ରାନ୍ଦା ହାତେସି ।”

୩୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ସାତା ସାତା ନାନୁ ମିଜେ ଖେସିମାଞ୍ଜାଇଁ, ମସା ମିଜେ ଲାକପୁରୁଟି ରାନ୍ଦା ହାହାମାଞ୍ଜଅସି, ସାମା ନା ଆବା ମିଜେ ଲାକପୁରୁଟି ସାତା ରାନ୍ଦା ହିୟାନେସି;

୩୩ ଇତିହୁଁ ଆମିନି ରାନ୍ଦା ଲାକପୁରୁଟି ଖାହାନା ଦାର୍ତତି ଲକୁଣି ଜୀସୁ ହାନେ, ଏଦି ମାହାପୁରୁ ହିୟାତି ରାନ୍ଦା ।”

୩୪ ଏଞ୍ଜାରି ଜୀସୁଇଁ ଏଲେଇଚେରି, “ପ୍ରବୁ, ମାଜେ ବାରେଦିନା ଏ ରାନ୍ଦା ହିୟାମୁ ।”

୩୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁଏ ଜୀସୁତି ରାନ୍ଦାତେଏଁ; ଆମ୍ବାଆସି ନା ତାଣା ଖାନେସି, ଏଞ୍ଜାସି ଏଚେଲା ହାକି ଆଅସି, ଅଡେ ନା ତାଣା ନାମିନାସି, ଏଚେଲା ଏସ୍ତକି ଆଅସି ।

୩୬ ସାମା ନାନୁ ମିଜେ ଖେସିମାଞ୍ଜାଇଁ, ମୀରୁ ନାଜେ ମେସ୍ତାତି ଜିକେଏ ନାମିମାଞ୍ଜଅତେରି ।

୩୭ ଆବା ନାଜେ ଆମ୍ବାଆରାଇଁ ହିୟାନେସି, ଏଞ୍ଜାରି ବାରେଜାଣା ନା ତାଣା ଖାନେରି; ଅଡେ ନା ତାଣା ଖାନାଣାଇଁ, ନାନୁ ଏଚେଲାଖା ପାଙ୍ଗାତା ପିହୁଅଁ ।

୩୮ ଇତିହୁଁ ନାନୁ ଅଣ୍ପିନି ଲେହେଁ କିହାଲି ଖାହାହିଲଅଁ, ସାମା ନାଜେ ପାଣ୍ଡାତାଣା ଅଣ୍ପୁ ତଲେ କିହାଲି ଲାକପୁରୁଟି ଖାହାମାଇଁ ।

୩୯ ଅଡେ ନାଜେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଜେ ହିୟାନେସି, ଏଞ୍ଜାରି ବିତ୍ରାଟି ଆମ୍ବାଆରାଇଁ ଜିକେଏ ଏନିକଁ ନାନୁ ଜାକ୍ଅଁ, ସାମା ରାନ୍ଦି ଦିନାତା ଏଞ୍ଜାରାଇଁ ହାତାରି ତାଣାଟି ନିକ୍ଇଁ, ଇଦି ଏଞ୍ଜାଣି ଅଣ୍ପୁ ।

୪୦ ଇତିହୁଁ ଆମ୍ବାଆସି ମୀରୁଏଣାଇଁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକଁ କାଲକାଲାତି ଜୀସୁ ବେଟା ଆନେସି, ଇଦି ନା ଆବାତି ଅଣ୍ପୁ, ଅଡେ ନାନୁ ଏଞ୍ଜାଣାଇଁ ରାନ୍ଦି ଦିନାତା ହାତାରି ତାଣାଟି ନିକ୍ଇଁ ।”

୪୧ ନାନୁ ଲାକପୁରୁଟି ରେଟା ଖାହାମାନି ରାନ୍ଦାତେଏଁ ଇଞ୍ଜୁଁ ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆତେରି ।

୪୨ “ଇଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡେ ମୀରୁ ଇଞ୍ଜାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହୁଁ ନାନୁ ଲାକପୁରୁଟି ରେଟା ଖାହାମାଇଁ ଇଞ୍ଜୁଁ ଏଞ୍ଜାସି ନୀଏଁ ଏନିକଁ ଖେସିମାନେସି ?”

୪୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ ।”

୪୪ ନାଜେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କତିନେସି, ଏଞ୍ଜାସିଦେଁ ନା ତାଣା ଖାହାଲି ଆଡିନେସି, ଅଡେ ନାନୁ ରାନ୍ଦି ଦିନାତା ଏଞ୍ଜାଣାଇଁ ହାତାରି ତାଣାଟି ନିକ୍ଇଁ ।

୪୫ ମାହାପୁରୁ ଅଣ୍ପୁତି ବଲ୍ଲୁ ଖେହନାରି ଦାମ୍ବୁପତିତା ରାସ୍ତକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାତି କାତା ଖେଞ୍ଜାନା ଜାପାମାନେସି, ଏଞ୍ଜାସି ନା ତାଣା ଖାନେସି ।

୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାରଇ ଏଞ୍ଜାସି ମେସାମାନେସି ।

୪୭ ନାନୁ ମିଜେ ସାତା ଖେସିମାଞ୍ଜାଇଁ, ଆମ୍ବାଆସି ନାମିନେସି, ଏଞ୍ଜାସି କାଲକାଲାତି ଜୀସୁ ବେଟା ଆହାମାନେସି ।

୪୮ ନାନୁ ଜୀସୁତି ରାନ୍ଦାତେଏଁ ।

୪୯ ମା ଆକୁ ଆବାୟାଁ ଲକୁ ତୟାଆ ଟାୟୁତା ମାନା ତିଞ୍ଜାନା, ହାତେରି ।

୫୦ ଆମ୍ବାଆରି ଏନିକଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନ୍ଦି ରାନ୍ଦା ଇଦି ।

୫୧ ନାନୁ ଲାକପୁରୁଟି ଖାହାମାନି ଏ ଜୀସୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲକାଲା ତାକି ନାତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଞ୍ଜି ନା ଡଙ୍ଗା, ନାନୁ ଏଞ୍ଜାଆଁ ଦାର୍ତତି ଜୀସୁତାକି ହାଇଁ ।”

୫୨ ଇ ହାଡା ଖେଞ୍ଜାନା ଜୀହୁଦିୟାଁ କାର୍ବି ଆହାନା ଏଲେଇଣ୍ଡି ଆତେରି, “ଇଞ୍ଜାସି ଏନିକଁ ମାଜେ ତାନ୍ ଡଙ୍ଗା ତିଞ୍ଜାଲି ହିୟାଲି ଆଡାନେସି ?”

† ୨:୩୧ ମାନା ଇତିସାରେ ଇସ୍ରାୟେଲ ଲକୁକି ମାହାପୁରୁ ହାହାମାଟି କାଦିତି ଦରୁ

୫୩ ଜୀସୁ ଏଞ୍ଜରାଙ୍କ ଏଲେଇଚେସି, “ନାନୁ ସାତା ଖେସିମାଞ୍ଜାଙ୍କ, ମାଣସି ମୀରଏଣି ଉଞ୍ଜା ତିନାଆସାରେ ଅଡ଼େ ତାନି ନେତେରି ଗହୁଆସାରେ, ମୀ ତାଣା ଜୀସୁ ହିଲେଏ ।

୫୪ ଆମ୍ବାଆସି ନା ଉଞ୍ଜା ତିନେସି ଅଡ଼େ ନା ନେତେରି ଗହୁନେସି, କାଲାକାଲାତି ଜୀସୁ ବେଟା ଆନେସି, ଅଡ଼େ ନାନୁ ଏଞ୍ଜାଣାଙ୍କ ରାନ୍ଦି ଦିନାତା ହାଡ଼ାରି ତାଣାଟି ନିକଙ୍କ ।

୫୫ ଇଚିହିଁ ନା ଉଞ୍ଜା ସାତା ରାନ୍ଦା ଅଡ଼େ ନା ନେତେରି ସାତା ଗହୁନାୟି ।

୫୬ ଆମ୍ବାଆସି ନା ଉଞ୍ଜା ତିନେସି ଅଡ଼େ ନା ନେତେରି ଗହୁନେସି, ଏଞ୍ଜାସି ନା ତାଣା ଡ଼ୟିନେସି ଅଡ଼େ ନାନୁ ଏଞ୍ଜାଣି ତାଣା ଡ଼ୟିଙ୍କ ।

୫୭ ଜୀସୁତି ଆବା ନାଙ୍ଗେ ଏନିକିଁ ପାଣ୍ଡାମାଞ୍ଜାନେସି ଅଡ଼େ ନାନୁ ତାନିତାଣାଟି ନୀତାମାଙ୍କ, ଏଲେକିହିଁ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଞ୍ଜାସି ଜିକେଏ ନା ତାଣାଟି ନୀତିନେସି ।

୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକିଁ ତିଞ୍ଜାନା ହାତେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଞ୍ଜାସି କାଲାକାଲା ତାକି ଜୀସୁତଲେ ଡ଼ୟିନେସି ।”

୫୯ ଜୀସୁ କପରନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଖେସିମାଟାଟି ଇ ବାରେ କାତା ଖେସ୍ତେସି ।

**କାଲାକାଲା ଜୀସୁତି ବଲୁ**

୬୦ ଜୀସୁତି ସୀସୁୟାଁ ବିତ୍ରାଟି ହାଡ଼େକା ଇ ବାରେ କାତା ଖେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଖେଞ୍ଜାଲି ଆଡ଼ିନେସି ?”

୬୧ ଏଞ୍ଜାରି ଇ କାତାତାକି ଖେସପି ଆହିମାନେରି ଇଞ୍ଜିଁ ଜୀସୁ ପୁଞ୍ଜାନା ସୀସୁୟାଁଙ୍କ ଏଲେଇଚେସି, “ଇ କାତା ମିଙ୍ଗେ ଅପାଆଗାଟାୟି ଆହିମାନେ କି ?

୬୨ ଆଡ଼ିହିଁ ମାଣସି ମୀରଏସି ତଲିଏ ମାଟି ଚାୟୁତା, ଖେଣ୍ଡେ ହାନାଣି ମେସ୍ତ୍ରୁହିଁ, ଏନାଆଁ ଇଞ୍ଜେରି ?

୬୩ ମାହାପୁରୁତ ଜୀସୁ ନୀତାଲି ହାନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡ଼େଏ; ନାନୁ ମିଙ୍ଗେ ଖେସ୍ତାତି ବଲୁ ବାରେ, ସୁଦୁଜୀସୁ ଅଡ଼େ ନୀତିନି ବଲୁ ।

୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଚିହିଁ ଆମ୍ବାଆରି ନାମି ହିଲାଆତେରି ଅଡ଼େ ଆମ୍ବାଆସି ଏଞ୍ଜାଣାଙ୍କ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି ।

୬୫ ଅଡ଼େ ଏଞ୍ଜାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଙ୍କ, ଆବା ହେଲ ହାଆଡ଼ିହିଁ ଆମ୍ବାଆସି ନା ତାଣା ଖାୟାଲି ଆଡ଼ଅସି ।”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାଡ଼େକା ଜାଣା ଅପାଆନାହାଁ ହାକାତୁସ୍ତେରି, ଇଞ୍ଜା, ଏଞ୍ଜାଣିତଲେ ଅଡ଼େ ହାଲାଆତେରି ।

୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଖେଚେସି, “ମୀରୁ ଜିକେଏ ହାଜାଲି ମନ୍ କିହିମାଞ୍ଜେରି କି ?”

୬୮ ଏସିମନ ପିତର ଏଞ୍ଜାଣାଙ୍କ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀସୁତି ବଲୁ ନୀ ତାଣା ମାନେ ।

୬୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ଇଦାଆଁ ମାୟୁ ନୁମା ମାନମି ଅଡ଼େ ପୁଞ୍ଜାମାନମି ।”

୭୦ ଜୀସୁ ଏଞ୍ଜରାଙ୍କ ଏଲେଇଚେସି, “ନାନୁ ଏନାଆଁ ମୀ ବାରଜାଣାତେରି ମିଙ୍ଗେ ଆଡ଼ାମାଞ୍ଜଅଁ କି ? ଅଡ଼େ ମୀ ବିତ୍ରାଟି ରଅସି ସୟତାନ ।”

୭୧ ଏଞ୍ଜାସି ଇସ୍ପାରିୟତ ସିମନ ମୀରଏସି ଜୀହୁଦାଙ୍କ ସିନିକିହାନା ଏଲେଇଚେସି, ଇଚିହିଁ ଏଞ୍ଜାସି ବାରଜାଣା ସୀସୁୟାଁ ବିତ୍ରାଟି ରଅସି, ଅଡ଼େ ଏଞ୍ଜାସି ଜୀସୁଙ୍କ ସାତୁ କେୟୁତା ହେରପାଲି ହାଜିମାଚେସି ।



**ଜୀସୁ ଅଡ଼େ ତାନି ତାୟିୟାଁ**

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାଚେସି, ଇଚିହିଁ ଜୀହୁଦିୟାଁ ଏଞ୍ଜାଣାଙ୍କ ପାୟାଲି ଅଣ୍ଡି ମାଟାକି ଏଞ୍ଜାସି ଜୀହୁଦା ରାଜିତା ରେଜାଲି ମନ୍ କିହି ହିଲାଆତେସି ।

୨ ସାମା ଜୀହୁଦି ଲକୁତି “ଗଚାୟାଁ ଗୁଡ଼ାତା ବାସାଆନି” ପାରୁ ତାଗେ ଖାହିମାଟାକି ।

୩ ଜୀସୁତି ତାୟିୟାଁ ଏଞ୍ଜାଣାଙ୍କ ଏଲେଇଚେରି, “ନାନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହନେରି ଇଦାଆଁତାକି ନାନୁ ଇମ୍ବାଟି ହଡ଼ା ହାଜାନା ଜୀହୁଦା ରାଜିତା ହାଲାମୁ ।

୪ ଇଚିହିଁ ଲକୁତାଣା ଖେଙ୍ଗାଲି ମନ୍ କିନାସି ତାନି କାମା ଡ଼ଗୁହାଁ କିଅସି । ନାନୁ ଇ ବାରେ କାମା କିହିମାଞ୍ଜି, ଆଡ଼ିହିଁ ନାନୁ ଦାରୁତି ନକିତା ତସାକତାମୁ ।”

୫ ଇଚିହିଁ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲାଆତେରି ।

୬ ଏମ୍ବାଟିଏ ଜୀସୁ ଏଞ୍ଜରାଙ୍କ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଟେଲଏ ମାନେ ।”

୭ ଦାରୁତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇଚିହିଁ ତାନି କାମା ବାରେ ଲାଗେଏତାୟି ଇଞ୍ଜିଁ ନାନୁ ସାକି ହୀହାନା ତସିମାଙ୍କ ।

୮ ମୀରୁ ଇ ପାରୁତା ହାକୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇଚିହିଁ ନା ଦିନା ଖାହାହିଲେଏ ।

୯ ଏଞ୍ଜାସି ଏଞ୍ଜରାଙ୍କ ଇ ବାରେ କାତା ଖେସାନା ଗାଲିଲିତା ଡ଼ୟିଚେସି ।

**ଗଚାୟାଁ ଗୁଡ଼ାତା ବାସାଆନି ପାରୁତା ଜୀସୁ**

୧୦ ଜୀସୁତି ତାୟିୟାଁ ଏ ପାରୁତା ହାଟି ତାୟୁ, ଜୀସୁ ଜିକେଏ ହାଚେସି ସାମା ଲକୁ ମେହଆରେଚୁ ମେଣେଏ ହାଚେସି ।

‡ ୭:୫୯ ସିନଗର    ✱ ୭:୬୮ ମାତି ୧୭:୧୭; ମାର୍କ ୮:୨୯; ଲୁକ ୯:୨୦

୧୧ ପାର୍ଶୁ ବେଲାତା ଜୀହୁଦି ଲକୁ ଏଞ୍ଜାଣାଙ୍କ ପାରି ପାରିହୁଁ, “ଏଞ୍ଜାସି ଏମ୍ବିୟା ମାନେସି ଇଞ୍ଜିଁ ଖେଚେରି?”

୧୨ ବାରେ ଲକୁ ଏଞ୍ଜାଣି ତାକି କିଲିବିଲି ଆହିମାଚେରି, ଏଚରଜାଣା “ଏଞ୍ଜାସି ନେହୁଁ ମାଣସି” ଇଚେରି; ଅଡେ ଏଚରଜାଣା “ଆଏ, ଏଞ୍ଜାସି ଲକୁଣି ନାଡ଼ି କିହିମାନେସି” ଇଞ୍ଜିଁ ଇଚେରି ।

୧୩ ସାମା ଜୀହୁଦିୟା ଆଜିତାକି ଆମ୍ବାଆରି ତାନି କାତା ପାଙ୍ଗାଖେଙ୍ଗେ ଖେସି ହିଲାଆଚେରି ।

୧୪ ସାମା ପାର୍ଶୁତି ମାଦି ପାଚେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଡ଼ହେସି ।

୧୫ ଏମ୍ବାଟିଏ ଜୀହୁଦିୟା କାବାଆହାନା ଏଲେଇଚେରି, “ଇଞ୍ଜାସି ପାଟା ଜାପାଆନାହାଁ ଏନିକିଁ ଇଚେକା ବୁଦି ପୁଚେସି?”

୧୬ ଜୀସୁ ଏଞ୍ଜାରାଙ୍କ ଏଲେଇଚେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଙ୍ଗେ ପାଣ୍ଡାତାଣାଞ୍ଜାୟି ।

୧୭ ଆମ୍ବାଆସି ତାନି ଅଣପୁ ତଲେ କିହାଲି ଅଣପିନେସି, ଆଡ଼ିସାରେ ଇ ଜାପୁନାୟି ମାହାପୁରୁ ତାଣାଟି ଖାହାମାନେ, କି, ନା ତାଣାଟି ଖେସିମାଙ୍କ, ଏଦାଣି ଏଞ୍ଜାସି ପୁନେସି ।

୧୮ ଆମ୍ବାଆସି ନାଦିଏ ଇନେସି, ଏଞ୍ଜାସି ତାନି ଗାଞ୍ଜୁରମି ପାରିନେସି, ସାମା ଆମ୍ବାଆସି ତାଙ୍ଗେ ପାଣ୍ଡାମାଞ୍ଜାନାଣା ଗାଞ୍ଜୁରମି ପାରିନେସି, ଏଞ୍ଜାସି ସାତା, ଅଡେ ଏଞ୍ଜାଣି ତାଣା ଏନାୟି ଲାଗେଏ କିନାୟି ହିଲେଏ ।

୧୯ ମସା ମିଙ୍ଗେ ମେରା ହାହାମାଞ୍ଜଅସି କି? ଆଡ଼ିଜିକେଏ ମୀ ବିତ୍ରାଟି ଆମ୍ବାଆଚେରି ମେରାଡ଼ି ମାନୁଞ୍ଜି ଆହି ହିଲଅଚେରି, ମୀରୁ ଏନାଆଁତାକି ନାଙ୍ଗେ ପାୟାଲି ଅଣପିମାଞ୍ଜାଦେରି?”

୨୦ ଲକୁ ବାରେ ଏଲେଇଚେରି, “ନିଙ୍ଗେ ବୃତୁ ଆଲଗାମାଞ୍ଜାନେ, ନିଙ୍ଗେ ଆମ୍ବାଆସି ପାୟାଲି ଅଣପି ମାଞ୍ଜାନେସି?”

୨୧ ଜୀସୁ ଏଞ୍ଜାରାଙ୍କ ଏଲେଇଚେସି, “ନାନୁ ର କାବାଆନି କାମା କିଚେସୁଁ, ଅଡେ ମୀରୁ ବାରେ କାବା ଆଚେରି ।

୨୨ ଇଦାଆଁତାକି ମସା ମିଙ୍ଗେ ତଲୁ ଦାପି କିନି ମେରା ହାହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ?

୨୩ ☆ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାତି ମେରା ଉରିହିଲଅଚେରି, ଆଡ଼ିହୁଁ ନାନୁ ଜମିନି ଦିନାତା ର ମାଣସିତି ଗୂଡ଼ା ଆଙ୍ଗା ନେହୁଁ କିୟାଲିଏ ମୀରୁ ନାଙ୍ଗେ ଏନାଆଁତାକି କପା ଆହିମାଞ୍ଜାଦେରି ?

୨୪ ଖାରଇ ଲାକ ଲାକ କାତା ମେସାନା ନୀହାଁୟି କିଆବୁ ସାତା ତଲେ ନୀହାଁୟି କିଦୁ ।”

୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଖେସପି ଆଚେରି, “ଆମ୍ବାଆରାଙ୍କ ଇଞ୍ଜାରି ପାୟାଲି ଅଣପିମାନେରି ଇଞ୍ଜାସି ଏଞ୍ଜାସି ଆଏକି ?

୨୬ ଅଡେ ମେହୁଦୁ, ଏଞ୍ଜାସି ଲକୁ ପୁଣ୍ଡେ କାତା ଖେସିମାନେସି, ଇଞ୍ଜା ଏଞ୍ଜାଣାଙ୍କ ସାଲୁଞ୍ଜି କିନାରି ଏନାଆଁ କିହିହିଲଅରି । ଏଞ୍ଜାସି କ୍ରୀସ୍ତ ଇଞ୍ଜିଁ ଏଞ୍ଜାରି ଏନାଆଁ ସାତା ତଲେ ପୁଚେରି କି ?

୨୭ ଆଡ଼ିହୁଁ ଏଞ୍ଜାସି, ଆମ୍ବିଟି ଖାହାମାନେସି, ଇଦାଆଁ ମାରୁ ପୁଞ୍ଜାମାନାୟି, ସାମା କ୍ରୀସ୍ତ ଏଚିବେଲା ଖାଚେନସି, ଏଚିବେଲାତା ଆମ୍ବାଆସି ପୁନଅସି, ଇଡ଼ିହୁଁ ଏଞ୍ଜାସି ଆମ୍ବିଟି ଖାହାମାନେସି ।”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଖେସି ଖେସିହୁଁ କାଜା ଗିୟାଁତଲେ ଏଲେଇଚେସି, “ମୀରୁ ସାଚେଏ ନାଙ୍ଗେ ପୁଞ୍ଜାମାଞ୍ଜାଦେରି ଅଡେ ନାନୁ ଏମ୍ବିଟି ଖାହାମାଙ୍କ ଏଦାଆଁ ସାଚେଏ ପୁଞ୍ଜାମାଞ୍ଜେରି; ନାନୁ ନା ଅଣପୁ ତଲେ ଖାହାହିଲଅଁ, ସାମା ନାଙ୍ଗେ ପାଣ୍ଡାତାସି ଏଞ୍ଜାସି ସାତା, ମୀରୁ ଏଞ୍ଜାଣାଙ୍କ ପୁଞ୍ଜାହିଲଅଚେରି ।

୨୯ ନାନୁ ଏଞ୍ଜାଣାଙ୍କ ପୁଞ୍ଜାମାଙ୍କ, ଇଡ଼ିହୁଁ ନାନୁ ଏଞ୍ଜାଣି ତାଣାଟି ଖାହାମାଙ୍କ, ଅଡେ ଏଞ୍ଜାସି ନାଙ୍ଗେ ପାଣ୍ଡାତେସି ।”

୩୦ ଏମ୍ବାଟିଏ ଜୀସୁଙ୍କ ଆସାଲି ତାକି ଅଣପିଚେରି; ସାମା ଆମ୍ବାଆରି କେୟୁ ଏଞ୍ଜାଣି ମୁହେଁ ଏଆଚେ, ଇଡ଼ିହୁଁ ଏଞ୍ଜାଣାଙ୍କ ଆହନି କାଟୁ ଏଚେତା ଏଜାହିଲାଆଚେ ।

୩୧ ସାମା ଲକୁ ବିତ୍ରାଟି ହାରେକା ଏଞ୍ଜାଣି ତାଣା ନାମାନା ଏଲେଇଚେରି, “ଇଞ୍ଜାସି ଏନି ଏନି କାବାଆନି କାମା ବାରେ କିହିମାନେସି, କ୍ରୀସ୍ତ ଖାହାନା ଇଞ୍ଜାଣି କିହାଁ ଏନାଆଁ ଆଗାଡ଼ା କିନେସି ?”

**ଜୀସୁଙ୍କ ଦସାଲି କସକାଣି ପାଣ୍ଡିନାୟି**

୩୨ ଲକୁ ଜୀସୁ କାତା ତାନି ବିତ୍ରା ଖେସପି ଆହିମାଚାଣି ପାରୁସିୟାଁ ଖେଚେରି ଅଡେ ପାରୁସିୟାଁ ଅଡେ କାଜା ପୂଜେରାଙ୍ଗା ଜୀସୁଙ୍କ ଦସାଲି ଜାମାନାଙ୍ଗାଣି ପାଣ୍ଡିଚେରି ।

୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡ଼େକା ତାକି ତୁୟାହାଁ ନାଙ୍ଗେ ପାଣ୍ଡାତାଣା ତାଣା ହାଙ୍କ ।

୩୪ ମୀରୁ ନାଙ୍ଗେ ପାରାଦେରି, ସାମା ମେଡ଼ାଆୟଅଚେରି; ଅଡେ, ନାନୁ ଏମ୍ବିୟା ମାଙ୍କ, ମୀରୁ ଏମ୍ବାଆଁ ଖାହାଲି ଆଡ଼ଅଚେରି ।”

୩୫ ଜୀହୁଦିୟାଁ ତାମ୍ବୁ ତାମ୍ବୁ ଖେସପି ଆଚେରି, “ଇଞ୍ଜାସି ଆମ୍ବିୟା ହାଜିମାନେସି, ମାରୁ ଏଞ୍ଜାଣାଙ୍କ ବେଟାଆହାଲି ଆଡ଼ାଆୟି ଏନାଆଁ ଇଞ୍ଜାସି ଇତାଲା ଆତାଲା ଜାଙ୍ଗାହାଜାମାନି ଗ୍ରିକ୍ ଲକୁଙ୍କ ଜାପୁହାଲି ହାଜିମାନେସି କି ?”

୩୬ “ମୀରୁ ନାଙ୍ଗେ ପାରାଦେରି, ସାମା ବେଟାଆୟଅଚେରି, ଅଡେ ନାନୁ ଏମ୍ବିୟା ମାଙ୍କ, ମୀରୁ ଏମ୍ବାଆଁ ଖାହାଲି ଆଡ଼ଅଚେରି, ଇଞ୍ଜିଁ ଏଞ୍ଜାସି ଖେସ୍ତାତି ଇ କାତା ଏନାୟି ଇଞ୍ଜିଁ ଖେସପି ଆଚେରି ?”

**ଇଞ୍ଜାସି ଏନାଆଁ ମସିହା ?**

**ଜୀହୁହାନି ଜାର୍ଣା ଏୟୁ**

☆ ୭:୨୩ ଜହ ୫:୯

୩୭ ରାଜି ଦିନା, ଇତିସାରେ ପାର୍ବୁତି କାଜା ଦିନା, ଜୀସୁ ନିଚାନା କାଜା ଗିୟାଁତଲେ ଏଲେଇଚେସି, ଆମ୍ବାଆସି ଏସ୍‌କି ଆଡ଼ିହୁଁ, ଏଝାସି ନା ତାଗେ ଝାହାନା ଗସ୍‌ପେସି ।

୩୮ ଅଡ଼େ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସ୍‌କି ଆହାମାନି ଲେହେଁ, ଏଝାଣି ହିୟାଁଟି ଜୀଝୁତି ଜାର୍‌ଣା ଏମ୍ବୁ ହନୁ\* ।”

୩୯ ଜୀସୁ ସୁଦୁଜୀଝୁତି କାତା ଝେସିମାଚେସି, ଆମିନି ଗାଟାରି ଜୀସୁ ତାଣା ନାମି ମାଚେରି, ଏଝାରି ସୁଦୁଜୀଝୁ ବେଟାଆନାୟି ମାଚେ, ଜୀସୁ ଗାଝୁରମି ବେଟାଆହା ହିଲାଆତାକି ଏଝାରାକି ଏଚେତା ସୁଦୁଜୀଝୁ ହୀପକି ଆହାହିଲାଆତେ ।

**ଲକୁ ବିତ୍ରା ବାଗା ଆନାୟି**

୪୦ ଏଚେତା, ଲକୁ ଏ କାତା ଝେଚେରି, ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଇଝାସି ସାତେଏ ମାହାପୁରୁ ଅଣ୍‌ପୁତି ବଲୁ ଝେହନାସି ।”

୪୧ ଏଚକାତାରି ଏଲେଇଚେରି, “ଏଝାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଝାଚେସି କି ?

୪୨ ଦାମ୍ବୁ ସାସ୍‌ପେରିତା ରାସ୍‌କି ଆହାମାନେ, କ୍ରୀସ୍ତ ଦାଝୁଦ ରାଜା କୁଡ଼ାଟି ଇଞ୍ଜା ଦାଝୁଦ ଏମିନି ଟାୟୁତା ବାସା ଆହାମାଚେସି, ଏ ବେତଲିହିମ ନାୟୁଁଟି ଝାଚେସି ।”

୪୩ ଇଦାଆଁତାକି ଲକୁ ତାମି ବିତ୍ରାଟି ଏଝାଣି ତାକି ବାଗା ଆଡ଼େରି;

୪୪ ଅଡ଼େ, ତାମି ବିତ୍ରାଟି ଆମ୍ବା ଆମ୍ବାଆରି ଏଝାଣାଙ୍କ ଆସାଲି ଅଣ୍‌ପି ମାଚେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଟାଲି ଆଡ଼ାଆଚେରି ।

**ସାଲଝି କିନି ଜୀହୁଦିୟାଁ ନାମାଆ ଗାଟାୟି**

୪୫ ଏଚେଟିଏ ଜାମାନାଙ୍ଗା କାଜା ପୂଜେରା ଅଡ଼େ ପାରୁସିୟାଁ ତାଣା ଝେଣ୍ଡା ହାଚେରି, ଅଡ଼େ ଏଝାରି ଏଝାରାଙ୍କ ଝେଚେରି, “ଏଝାଣାଙ୍କ ଏନାଆଁତାକି ଆସା ତାଆଚେରି ?”

୪୬ ଜାମାନାଙ୍ଗା ଏଝାରାଙ୍କ ଏଲେଇଚେରି, “ଇ ମାଣ୍‌ସି ଏନିକଁଁ ହାଡ଼ା ଝେହନାସି, ଏଲେକିହଁଁ ଏମିନି ମାଣ୍‌ସି ଏଚେଲା ଝେସାହିଲଅସି ।”

୪୭ ପାରୁସିୟାଁ ଏଝାରାଙ୍କ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡ଼େରି ?

୪୮ ପାରୁସିୟାଁ ବିତ୍ରାଟି କି ସାଲଝି କିନାରି ବିତ୍ରାଟି ଆମ୍ବାଆରି ଏଝାଣି ତାଣା ନାମାମାନେରି କି ?

୪୯ ସାମା ଇ ଏମିନି ଲକୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଝାରି ବାକା ଗାଟି ଲକୁ ।”

୫୦ ☆ଏମିନି ନିକଦିମ ଇଦାଆଁ ନକେଏ ଜୀସୁଙ୍କ ମେସାଲି ତାକି ଝାହାମାଚେସି ଇଞ୍ଜା ଏଝାସି ଏଝାରି ବିତ୍ରାଟି ପାରୁସି ମାଚେସି, ଏଝାସି ଏଝାରାଙ୍କ ଝେଚେସି,

୫୧ “ରଅଣି ତାଣାଟି ନକେଏ ଝେନାଆନା ଇଞ୍ଜା ତାନି ମାଣ୍‌କି ପୁନାଆନା ମା ମସାତି ମେରା ଏନାଆଁ ଏଝାଣାଙ୍କ ଦହ କିନେ ?”

୫୨ ଏଝାରି ଏଝାଣାଙ୍କ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲି ଲକୁ କି ? ଗାଲିଲିଟି ଏନି ମାହାପୁରୁ ଅଣ୍‌ପୁତି ବଲୁ ଝେହନାରି ଏଚେଲା ଝାହାଲି ଆଡ଼ଅରି, ଇଦାଆଁ ସାସ୍‌ପେରିତା ସିନିକିମୁ ।”

୫୩ ଅଡ଼େ ଏଝାରି ବାରେଜାଣା ଜାହାରା ଇଜ ହାଚେରି ।



**ଦାରେଣି ଆୟାଟି**

୧ ସାମା ଜୀସୁ ଜୀତ ହରୁତା ହାଚେସି ।

୨ ଅର ଦିନା ଲାକ ଏଝାସି ମାହାପୁରୁ ଇଲୁତା ଝେଣ୍ଡା ଝାଡ଼େସି, ଅଡ଼େ, ବାରେ ଲକୁ ଏଝାଣି ତାଣା ଝାହାଲିଏ, ଏଝାସି କୁଗାନା ଜାପୁହାଲି ମାଟୁହେସି ।

୩ ମେରା ଜାପୁନାରି ଅଡ଼େ ପାରୁସିୟାଁ ଦାରି କାମାତା ଆସ୍‌ପି ଆହାମାନି ର ଇୟାନ୍ତି ତାଚେରି, ବାରେଜାଣା ନକିତା ନିପହାନା ଜୀସୁଙ୍କ ଏଲେଇଚେରି ।

୪ “ଗୁରୁ, ଇ ଇୟା ଦାରିକାମା କିହିମାଟାଟି ଆସ୍‌ପି ଆଡ଼େ ।

୫ ଇଲେତି ଇୟାସିକାଣି ଝାଲକା କୁତାନା ଝେଚାଲିତାକି ମସା ମା ମେରାତା ହୁକୁମି ହାହାମାଞ୍ଜାଚେସି; ଆଡ଼ିହଁଁ ନୀନୁ ଏନାଆଁ ଝେସିମାଞ୍ଜାଦି ?”

୬ ଏଝାରି ଜୀସୁଙ୍କ ଏନିକଁଁ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଝାରି ଏଝାଣାଙ୍କ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଝାଞ୍ଜୁ ତଲେ ବୁମିତା ରାଟାଲି ମାଟୁହେସି ।

୭ ଏଝାରି ଏମ୍ବାଆଁ ନିଚାନା ଝେଣ୍ଡେ ଝେଞ୍ଜାଲିଏ, ଜୀସୁ ତାୟିଁଁଁ ୟେପରହାନା ଏଝାରାଙ୍କ ଏଲେଇଚେସି, “ମୀ ବିତ୍ରାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଝାସି ମୁଲୁ ଝାଲି କୁତାପେସି ।”

୮ ଅଡ଼େ ଝେଣ୍ଡେ ଜୀସୁ ମୁନୁକାପାନା ବୁମିତା ରାଟାଲି ମାଟୁହେସି ।

୯ ଜୀସୁତି ହାଡ଼ା ଝେଞ୍ଜାନା ଏଝାରି କାଜାରିଟିଏ ମାଟୁହାଁ ରଅଣି ଜେଚ ରଅସି ହାଜାଲି ମାଟୁହେରି, ଏମ୍ବାଆଁ ଝାରୁଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିତେ ।

୧୦ ଜୀସୁ ତାୟିଁଁଁ ୟେପରହାନା ଏଦାନି ଏଲେଇଚେସି, “ଏ ଇୟା ଏଝାରି ଏମ୍ବିୟା ? ଆମ୍ବାଆରି ନିଙ୍ଗେ ଡ଼ଣ୍ଡ ହାହାଲି ହିଲଅରି କି ?”

୧୧ ଏଦି ଏଲେଇଚେ, “ଆଏ, ପ୍ରବୁ, ଆମ୍ବାଆରି ହିଲଅରି ।”

ଏମ୍ବାଟିଏ ଜୀସୁ ଏଦାନି ଏଲେଇଚେସି; “ନୀନୁ ଜିକେଏ ନିଙ୍ଗେ ଡ଼ଣ୍ଡ ହିୟାଅଁ; ହାଲାମୁ, ସାମା ଅଡ଼େ ପାପୁ କିଆନି\* ।”

**ଜୀସୁ ଦାର୍‌ଡିତି ଉଜେଡ଼ି**

\* ୭:୩୮ ଇ କାତା ପୁଞ୍ଜ ପତିତା ହିଲେଏ † ୭:୪୧ କ୍ରୀସ୍ତ ‡ ୭:୪୧ କ୍ରୀସ୍ତ ☆ ୮:୧୨ ମାତି ୫:୧୪; କହ ୯:୫

୭:୫୦ ଜହ ୩:୧,୨ \* ୮:୧୧ ଇ ବାରେ କାତା ବାରେ ପତିଣାଁ ହିଲେଏ

୧୨ \*ଜୀସୁ ଖେଣ୍ଡେ ପାରୁସିୟାଁଙ୍କ ଏଲେଇରେସି, “ନାନୁ ଦାର୍ତ୍ତିତ ଉଜେଡ଼ି, ଆମ୍ବାଆସି ନା ଜେଚ ଖାନ୍ନେସି, ଏଞ୍ଜାସି ଜୀସୁତି ଉଜେଡ଼ି ବେଟା ଆନ୍ନେସି ଅଡ଼େ ଏରେଲା ଜିକେଏ ଆନ୍ନେରିତା ତାକଅସି ।”

୧୩ \*ପାରୁସିୟାଁ ଏଞ୍ଜାଣାଇଁ ଏଲେଇରେସି, “ନୀଏଁ ନୀନୁ ନିଜେତାକି ସାକି ହୀହିମାଞ୍ଜି, ନୀନୁ ଏନାଆଁ ଏଲେ ଇଞ୍ଜିମାଞ୍ଜି ଏଡ଼ି ସାତା ପାରମାଣା ହିଲାଆଗାଟାୟି ।”

୧୪ ଜୀସୁ ଏଞ୍ଜାଣାଇଁ ଏଲେଇରେସି, “ଆଏ ନାନୁ ନା ତାକି ସାକି ହୀତି ଜିକେଏ, ନାନୁ ଏନାଆଁ ଖେସିମାଞ୍ଜାଇଁ ଏଡ଼ି ସାତା, ଇଚିହିଁ ନାନୁ ଆମ୍ବିଟି ଖାହାମାଇଁ ଅଡ଼େ ଏମ୍ବିୟା ହାଜିମାଇଁ ଏନାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅତେରି ଏମ୍ବାଟି ଖାଇଁ ଅଡ଼େ ଏମ୍ବିୟା ହାଇଁ ।

୧୫ ମୀରୁ ଖାବରଇ ମାଣ୍ଡସିୟାଁ ଲେହେଁ ବିଚାରା କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଅଁ ।

୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହିଁ ନାନୁ ରଅତେଏଁ ଆଏ ସାମା ଏମିନି ଆବା ନାଜେ ପାଣ୍ଡାମାଞ୍ଜାନାସି ନା ତଲେ ମାନେସି ।

୧୭ ମୀ ମସାତି ମେରାତା ରାସ୍ତକି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଡ଼ି ସାତା ।

୧୮ ନାନୁ ନାଜେତାକି ସାକି ହୀହିମାଇଁ, ଅଡ଼େ, ନାଜେ ପାଣ୍ଡାମାଞ୍ଜାନି ଆବା ଜିକେଏ ନା ଖାକିଟି ସାକି ହୀହିମାନେସି ।”

୧୯ ଏଞ୍ଜାଣାଇଁ ଏଞ୍ଜାରି ଖେଚେରି, “ନୀ ଆବା ଏମ୍ବିୟା ?” ଜୀସୁ ଏଲେଇରେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଜେ ପୁଞ୍ଜାତିହିଁ ମା, ନା ଆବାଇଁ ଜିକେଏ ପୁରେମା ।”

୨୦ ମାହାପୁରୁ ଇଲୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପୁହିମାରେସି, ସାମା ଆମ୍ବାଆରି ଜିକେଏ ଏଞ୍ଜାଣାଇଁ ଆହୁଆତେରି ଏନାଆଁତାକି ଇଚିହିଁ ତାନି ବେଲା ଖାହା ହିଲାଆତେ ।

**ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି**

୨୧ ଜୀସୁ ଅଡ଼େ ଖେଣ୍ଡେ ଏଞ୍ଜାଣାଇଁ ଏଲେଇରେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜାଁ ଜୀହୁଦିୟାଁ ଏଲେଇରେସି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାଣାଇଁ ଏଲେଇରେସି, “ମୀରୁ ଇ ଡ଼ଇପୁରୁଟି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଖାହାମାଇଁ । ମୀରୁ ଇ ଦାର୍ତ୍ତିତି, ନାନୁ ଇ ଦାର୍ତ୍ତିତି ଆଏ ।

୨୪ ଏନାଆଁତାକି ନାନୁ ଖେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଦେରି । ନାନୁ ଏଞ୍ଜାତେଏଁ ଇଞ୍ଜିଁ ଖେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ନୀନୁ ଆମ୍ବାଆତି ?”

ଜୀସୁ ଏଞ୍ଜାଣାଇଁ ଏଲେଇରେସି, “ଇ ହାଡ଼ା ନାନୁ ମୁଲୁଟିଏ ଖେସାମାଞ୍ଜାଇଁ ।

୨୬ ନିଜେତାକି କାତା ଜଲାଇଁ ଅଡ଼େ ବିଚାରା କିହାଲି ନା . ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଖେଞ୍ଜାମାଇଁ; ଏ ବାରେ ଦାର୍ତ୍ତିତି ଖେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଖେସିମାରେସି, ଏଞ୍ଜାରି ତେଲହାଲି ଆଡ଼ାଆତେରି ।

୨୮ ଏନାଆଁତାକି ଜୀସୁ ଏଲେଇରେସି; “ଏଚେତା ମୀରୁ ମାଣ୍ଡସି ମୀରୁଏଣାଇଁ ଗାଞ୍ଜୁରମି ହୀଦେରି, ଏଚେତା ନାନୁ ଏ ମାଣ୍ଡସିତେଏଁ ଅଡ଼େ ନାନୁ ଜାହାରାଖାଣି ଏନାଆଁ କିଆନା, ଆବା ନାଜେ ଏନିକିଁ ଜାପୁହା ମାଞ୍ଜାନେସି, ଏଲେକିଁ ଇ ବାରେ କାତା ଖେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି ।

୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଜେ ରଅତେଏଁ କିହିଁ ପିସାମାଞ୍ଜଅସି, ଇଚିହିଁ ନାନୁ ତାନି ରାହାଁ ଆନି କାମା କିଇଁ ।”

୩୦ ଜୀସୁ ଇ ବାରେ ହାଡ଼ା ଖେଞ୍ଜାନା ହାରେକା ଜାଣା ତାନି ତାଣା ନାନିତେରି ।

**ପିସପିଆଡ଼ି ଲକୁ ଅଡ଼େ କଡ଼ିତି ହଲିୟାଙ୍ଗା**

୩୧ ଏମ୍ବାଟିଏ ଜୀସୁ ତାନି ତାଣା ନାନିତି ଜୀହୁଦିଙ୍ଗାଣି ଏଲେଇରେସି, “ନା . ବଲୁତା ତୀରିଆହାଁ ଡ଼ୟିଦେରି, ଆତିହିଁ ମୀରୁ ସାତେଏ ନା ସୀସୁୟାଁତେରି ।

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଜେ ଗେଲପାନେ ।”

୩୩ \*ଏଞ୍ଜାରି ଏଞ୍ଜାଣାଇଁ ଏଲେଇରେସି, “ମୀସୁ ଅବ୍ରାହାମତି କୁଡ଼ାତମି, ଅଡ଼େ ଏରେଲା ଆମ୍ବାଆରି ହଲିୟା ଆହାହିଲଅମି, ଆତିହିଁ ମୀରୁ ମୁକଲଞ୍ଜି ଆଦେରି ଇଞ୍ଜିଁ ଏନିକିଁ ଖେସିମାଞ୍ଜାଦି ?”

୩୪ ଜୀସୁ ଏଞ୍ଜାଣାଇଁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଞ୍ଜାସି ପାପୁତି ହଲେଏସି ।

୩୫ ହଲେଏସି କାଲେଏ ତାକି ଇଲୁ କୁଟମିତା ଡ଼ୟଅସି, ମୀରୁଏସି ଇଲୁ କୁଟମିତା କାଲେଏ ତାକି ଡ଼ୟିନେସି ।

୩୬ ମୀରୁଏସି ମିଜେ ମୁକଲଞ୍ଜି କିୟାନେସି, ମୀରୁ ସାତେଏ ମୁକଲଞ୍ଜି ଆଦେରି ।

୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଇଁ; ସାମା ନା ବଲୁ ମୀ ହିୟାତି ଚାୟୁତା ହିଲାଆକି ମୀରୁ ନାଜେ ପାୟାଲି ଅଣ୍ଡିମାଞ୍ଜେରି ।

୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ ଖେସିମାଞ୍ଜାଇଁ । ଏନାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଖେଞ୍ଜାମାଞ୍ଜେରି ଏ ବାରେ କିଦୁ ।”

\* ୮:୧୩ ଜହ ୫:୩୧ \* ୮:୩୩ ମାତି ୩:୯; ଲୁକ ୩:୮

୩୯ ଏଞ୍ଜରୀ ଏଞ୍ଜାଣାଇଁ ଏଲେଇଚେରି, “ଅବ୍ରାହାମ ମା. ଆବା ।” ଜୀସୁ ଏଞ୍ଜରାଇଁ ଏଲେଇଚେସି, “ମୀରୁ ଅବ୍ରାହାମତି ମୀରୁକା ମାସ୍କାତେରି, ଆତିହ୍ ଅବ୍ରାହାମ କିହାମାଟି କାମା କିଦୁ;

୪୦ ମାହାପୁରୁ ତାଣାଟି ଖେଞ୍ଜାମାନି ସାତାତି ମିଙ୍ଗେ ଖେସିମାଞ୍ଜାଇଁ, ନାନୁ ଇଲେତି ଲକୁ, ମୀରୁ ନାଙ୍ଗେ ପାୟାଲି ତାକି ଅଣ୍ପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି ।

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏଞ୍ଜରୀ ଜୀସୁଇଁ ଏଲେଇଚେରି; “ମାମ୍ନୁ ଦାରିକାମାଟି ଜାର୍ନା ଆହାହିଲଅମି; ମା ରଣ୍ଡିଏ ଆବା, ଏଞ୍ଜସି ମାହାପୁରୁ ।”

୪୨ ଜୀସୁ ଏଞ୍ଜରାଇଁ ଏଲେଇଚେସି, “ମାହାପୁରୁ ସାତେଏ ମୀ ଆବା ଆତିହ୍ ମା, ମୀରୁ ନାଙ୍ଗେ ଜୀସୁ ନୟାତେରିମା, ଇତିହ୍ ନାନୁ ମାହାପୁରୁ ତାଣାଟି ଖାହାମାଇଁ; ନାନୁ ନା ତାଣାଟି ଖାହାହିଲଅଁ, ସାମା ଏଞ୍ଜସି ନାଙ୍ଗେ ପାଣ୍ଡାତେସି ।

୪୩ ନାନୁ ଏନାଆଁ ଖେସିମାଞ୍ଜାଇଁ, ମୀରୁ ଏନାଆଁତାକି ନା ହାତାତି ତେଲହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଖେଞ୍ଜାଲି ଆଡ଼ିହିଲଅତେରି ।

୪୪ ମୀରୁ ମୀ ଆବା ସୟତାନତି ମୀରୁକା ମାସ୍କାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ପୁ । ଏଞ୍ଜସି ମୁଲୁଟିଏ ଲକୁଣି ପାୟିନାସି, ଅଡ଼େ ଏଞ୍ଜସି ସାତାତା ତୟଅସି, ଇତିହ୍ ଏଞ୍ଜାଣି ତାଣା ସାତା ହିଲେଏ । ଏଚିବେଲା ଏଞ୍ଜସି ମିତି ଜଲିନେସି, ଏଚେତା ତାନିତାଣାଟି ଜଲିନେସି; ଇତିହ୍ ଏଞ୍ଜସି ମିତି ଗାଟାସି ଇଞ୍ଜା ମିତିତି ତାଞ୍ଜି ।

୪୫ ସାମା ନାନୁ ସାତା ଜଲିମାନାକି, ମୀରୁ ନାଙ୍ଗେ ନାମିମାଞ୍ଜଅତେରି ।

୪୬ ନାନୁ ପାପୁ ଗାଟାତେଏଁ ଇଞ୍ଜ୍ ମୀ ବିତ୍ରାଟି ଆମ୍ବାଆତେରି ପାରମାଣା କିହାଲି ଆଡ଼ିଦେରି ? ନାନୁ ସାତା ଖେସ୍ତାସାରେ, ନାଙ୍ଗେ ମୀରୁ ଏନାଆଁତାକି ନାମିମାଞ୍ଜଅତେରି ?

୪୭ ଆମ୍ବାଆସି ମାହାପୁରୁ ତାଣାଟି ଖାହାମାନେସି, ଏଞ୍ଜସି ମାହାପୁରୁତି ବଲୁ ଖେନେସି; ମୀରୁ ମାହାପୁରୁ ତାଣାଟି ଖାହାହିଲଅତେରି, ଏନାଆଁତାକି ଇ ବଲୁ ଖେଞ୍ଜିହିଲଅତେରି ।”

**ଜୀସୁ ଅଡ଼େ ଅବ୍ରାହାମ**

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନୀନୁ ସମିରଣତି ଇଞ୍ଜା ନିଙ୍ଗେ ବୃତୁ ଆଲଗାମାଞ୍ଜାନେ, ଏନାଆଁ ମାମ୍ନୁ ସାତା ଖେସି ହିଲଅମି କି ?”

୪୯ ଜୀସୁ ଏଞ୍ଜରାଇଁ ଏଲେଇଚେସି; “ନାଙ୍ଗେ ବୃତୁ ଆଲଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି ।

୫୦ ନାନୁ ନା ଗାଞ୍ଜୁରମି କିହାଲି ଅଣ୍ପି ହିଲଅଁ; ରଅସି ଅଣ୍ପିମାନେସି ଏଞ୍ଜସି ନା ଖାକିଟି ବିଚାରା କିନେସି ।

୫୧ ନାନୁ ସାତା ଖେସିମାଞ୍ଜାଇଁ, ଆମ୍ବାଆସି ନା ବଲୁତି ମାନୁଞ୍ଜି ଆନେସି, ଏଞ୍ଜସି ଏଚେଲା ହାଅସି ।”

୫୨ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନୀଏଁ ମାମ୍ନୁ ପୁଚମି, ନିଙ୍ଗେ ବୃତୁ ଆଲଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣ୍ପୁତି ବଲୁ ଖେହନାରି ବାରେଜାଣା ହାଡ଼େରି, ଅଡ଼େ ନୀନୁ ଖେସିମାଞ୍ଜି, ଆମ୍ବାଆସି ନା ବଲୁ ମାନୁଞ୍ଜି ଆନେସି, ଏଞ୍ଜସି ଏଚେଲା ଜିକେଏ ହାଅସି ।

୫୩ ମା ଆକୁ ଅବ୍ରାହାମ ହାଡ଼େସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜ୍ ଅଣ୍ପିମାଞ୍ଜି ? ମାହାପୁରୁ ଅଣ୍ପୁତି ବଲୁ ଖେହନାରି ଜିକେଏ ହାଡ଼େରି; ନୀନୁ ଆମ୍ବାଆତି ଇଞ୍ଜ୍ ଖେସିମାଞ୍ଜି ?”

୫୪ ଜୀସୁ ଏଲେଇଚେସି, “ନାନୁ ନା ଗାଞ୍ଜୁରମି କିହିମାଇଁ, ଆତିହ୍ ନା ଗାଞ୍ଜୁରମି ଏନାୟି ଆଏ; ଆମ୍ବାଆସି ନାଙ୍ଗେ ଗାଞ୍ଜୁରମି କିୟାନେସି ଏଞ୍ଜସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜ୍ ଏଲେ ଇଞ୍ଜିମାଞ୍ଜେରି;

୫୫ ମୀରୁ ଏଞ୍ଜାଣାଇଁ ଏଚେଲା ପୁଞ୍ଜାହିଲଅତେରି, ସାମା ନାନୁ ଏଞ୍ଜାଣାଇଁ ପୁଞ୍ଜାମାଇଁ । ଏଞ୍ଜାଣାଇଁ ପୁଞ୍ଜାହିଲଅଁ ଇଞ୍ଜ୍ ନାନୁ ଖେସ୍ତୁହ୍, ମୀ ଲେହେଁ ନାନୁ ଜିକେଏ ମିତି ଗାଟାତେଏଁ ଆଇଁ, ସାମା ନାନୁ ଏଞ୍ଜାଣାଇଁ ପୁଞ୍ଜାମାଇଁ ଅଡ଼େ ତାନି ବଲୁତି ମାନୁଞ୍ଜି ଆଇଁ ।

୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିତେସି, ଅଡ଼େ ଏନାଆଁ ମେସାନା ଏଞ୍ଜସି ରାହାଁ ଆଡ଼େସି ।”

୫୭ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନିଙ୍ଗେ ରୀ କଡ଼ି ଦସ ବାର୍ସା ଆହାମାଞ୍ଜେଏ, ନୀନୁ ଏନାଆଁ ଅବ୍ରାହାମଇଁ ମେସାମାଞ୍ଜି ?”

୫୮ ଜୀସୁ ଏଞ୍ଜରାଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଅବ୍ରାହାମତି ଜାର୍ନା ନକେଏ ନାନୁ ମାଇଁ ।”

୫୯ ଏଞ୍ଜରୀ ଏଞ୍ଜାଣାଇଁ ଖେଚାଲିତାକି ଖାଲକା ପେରହା କଡ଼ିତେରି, ସାମା ଜୀସୁ ମାହାପୁରୁ ଇଲୁଟି ମେହ୍ଆରେଟୁ ହଡ଼ାହାଚେସି ।



**ଜୀସୁ ଜାର୍ନାଟିଏ କାଣାଇଁ ନେହ୍ କିନାୟି**

୧ ଜୀସୁ ହାଜିମାଟାଟି ର ଜାର୍ନାଟିଏ କାଣାଇଁ ବେଟାଆଡ଼େସି ।

୨ ତାନି ସାମୁୟାଁ ଖେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଞ୍ଜସି କାଣା ଆହାନା ଜାର୍ନା ଆଡ଼େସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇଚେସି, “ଇଞ୍ଜସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁତି କାମା ଏନିକ୍ ଇଞ୍ଜାଣି ତାଣାଟି ତସ୍ପିଆନେ, ଏନାଆଁତାକି ଇଦି ଆହାମାନେ ।

୪ ଦିନା ମାଞ୍ଜା ମାଞ୍ଜାନା, ନାଙ୍ଗେ ପାଣ୍ଡାମାଞ୍ଜାନାଣି କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେତି ଲାଆଁ ଖାହିମାନେ ।

୫ ନାନୁ ଏଚେପାତେକା ଦାର୍ଡିତା ମାଇଁ, ଏଚେପାତେକା ନାନୁ ଦାର୍ଡିତି ଉଜେଡ଼ିତେଏଁ ।”

☆ ୯:୫ ମାତି ୫:୧୪; ଜହ ୮:୧୨

୭ ଈ କାତା ଏଲେଇଜ୍ଜାନା, ଜୀସୁ ଇରୁଆତା ହୁପାନା ହୁପୁକା ତଲେ କାଦ କିତେସି; ଅଡ଼େ ତାନି ରୀ କାଣ୍‌କାଣ୍‌ ରୁବିତେସି ଅଡ଼େ ଏଝାଣାଲ୍ ଏଲେଇରେସି,

୮ ହାଲାମୁ “ସିଲହ\* ବାନ୍ଧାତା ମୁମ୍ବୁ ନରହା ଝାମ୍ବୁ ।” ଏମ୍ବାଟିଏ ଏଝାସି ହାଜାନା ନରହା କଡାନା ଝେଣ୍ଡା ଝାହିମାଟାଟି ମେସାଲି ଆଡ଼ିତେସି ।

୯ ତାନି ପାଡ଼ିତାରି, ଅଡ଼େ ଏମିନିଗାଟାରି ଏଝାଣାଲ୍ ନକେଏ ରୀସପି ମାଟାଣି ମେସାମାରେରି, ଏଝାରି ଝେରେରି, “ଇଝାସି ଏନାଆଁ କୁଗାନା ରୀସପି ମାଟେସି ଏଝାସି ଆଏକି ?”

୧୦ ଏଚରଜାଣା ଏଲେଇରେରି, “ଇଝାସିଏ ଏଝାସି;” ଅଡ଼େ ଏଚରଜାଣା ଏଲେଇରେରି, “ଆଏ, ଏଝାଣିଲେହେଁ ତାସି ।” ଏଝାସି ଏଲେଇରେସି, “ନାନୁଏ ଏଝାତେଏଁ ।”

୧୧ ଲକୁ ଏଝାଣାଲ୍ ଝେରେରି, “ଆଡିହୁଁ, ନୀନୁ ନୀଏଁ ଏନିକଁ ମେସାଲି ଆଡ଼ିମାଞ୍ଜି ?”

୧୨ ଏଝାସି ଏଲେଇରେସି, “ଆମ୍ବାଆରାଲ୍ ଜୀସୁ ଇନେରି, ଏଝାସି ଇରୁଆତି କାଦ କିହାନା ନା କାଣ୍‌କାଣ୍‌ ରୁବାତେସି ଅଡ଼େ ସିଲହତା ହାଜାହାଁ ମୁମ୍ବୁ ନରହା କଡାମୁ ଏଲେଇଜ୍ଜାତେସି; ଏଚେଟିଏ ନାନୁ ହାଜାନା ମୁମ୍ବୁ ନରହାଲିଏ ମେସାଲି ଆଡ଼ିତେଏଁ ।”

୧୩ “ଏଝାସି ଆମ୍ବିୟା ?” ଇଞ୍ଜିଁ ଏଝାଣାଲ୍ ଝେରେରି, ଏଝାସି ଏଲେଇରେସି, “ନାନୁ, ପୁଞ୍ଜାହିଲଅଁ ।”

**ପାରୁସିୟାଁ ଈ କାମାତି ତାୟିପାରି କିନାୟି**

୧୩ ଆମ୍ବାଆସି ନକେଏ କାଣା ମାଟେସି, ଏଝାଣାଲ୍ ପାରୁସିୟାଁ ତାଣା ତାତେରି ।

୧୪ ଜୀସୁ ଏମିନି ଦିନା କାଦ କିହାନା ତାନି କାଣ୍‌କା ନେହଁ କିହାମାଟେସି, ଏ ଦିନା ଜମିନି ଦିନା ମାଟେ ।

୧୫ ପାରୁସିୟାଁ ଏଝାଣାଲ୍ ଝେରେରି, ଏନିକଁ ଏଝାସି ମେସାଲି ଆଡ଼ିତେସି ? ଏଝାସି ଏଲେଇରେସି, “ନା କାଣ୍‌କାଣ୍‌ ଏଝାସି ଇଟାଣି କାଦ ରୁବାତେସି, ନାନୁ ହାଜାନା ମୁମ୍ବୁ ନରହାନା ଝାଡ଼େଏଁ ଅଡ଼େ ମେସାଲି ଆଡ଼ିମାଲ୍ ।”

୧୬ ପାରୁସିୟାଁ ତାମି ବିତ୍ରାଟି ଏଚରଜାଣା ଏଲେଇରେରି, “ଏଝାସି ମାହାପୁରୁ ତାଣାଟି ଝାହାହିଲଅସି, ଇଚିହଁ ଏଝାସି ଜମିନି ଦିନାତି ମାନଝି ଆହିହିଲଅସି ।” ଅଡ଼େ ଏଚରଜାଣା ଏଲେଇରେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକଁ କିହାଲି ଆଡ଼ିନେସି ?” ଇଲେଆହଁ ଏଝାରି ତାମି ବିତ୍ରା ବାଗା ଆଡ଼େ ?

୧୭ ପାରୁସିୟାଁ ଅଡ଼େ ଝେଣ୍ଡେ ଏ କାଣାଲ୍ ଝେରେରି, “ଏଝାସି ନୀ କାଣ୍‌କା ନେହଁ କିୟାତେସି, ଏଝାଣି କାତା ନୀନୁ ଏନାଆଁ ଇଞ୍ଜିମାଞ୍ଜି ?” ଏଝାସି ଏଲେଇରେସି “ଏଝାସି ର ମାହାପୁରୁ ଅଣ୍ଡପୁତି ବଲୁ ଝେହନାସି ।”

୧୮ ଏଝାସି ଜାର୍ନାଟିଏ କାଣା ମାଟେସି ଅଡ଼େ ନୀଏଁ, ଈ ହାଡ଼ା ତାମି ଇୟା ଆବାତି ଝେନାଆ ପାଡେକା, ଜୀହୁଦିୟାଁ ନାମାଆତେରି ।

୧୯ ଏଝାରି ତାମି ଇୟା ଆବାତି ଝେରେରି, “ମୀ ଆମିନି ମୀରୁଏସି କାଣା ଆହାନା ଜାର୍ନା ଆହାମାଟେସି ଇଞ୍ଜିଁ ଏଲେଇଣ୍ଡିତେରି ଇଝାସି ଏନାଆଁ ଏ ମୀ ମୀରୁଏସି ? ଆଡିହଁ ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି ?”

୨୦ ଏମ୍ବାଟିଏ ତାମି ଇୟା ଆବା ଏଲେଇରୁ, “ହାଅ, ଏଝାସି ମା ମୀରୁଏସି, ଏଝାସି କାଣା ଆହାନା ଜାର୍ନା ଆହାମାଟେସି ଏନାଆଁ ମାମ୍ବୁ ପୁଞ୍ଜାମାନମି;

୨୧ ସାମା ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି, ଏନାଆଁ ମାମ୍ବୁ ପୁଞ୍ଜାହିଲଅମି, ଅଡ଼େ ଆମ୍ବାଆସି ଏଝାଣାଲ୍ ମେସପି କିହାମାନେସି, ମାମ୍ବୁ ଏନାଆଁ ଜିକେଏ ପୁଞ୍ଜାହିଲଅମି; ଏଝାଣାଲ୍ ଝେଞ୍ଜୁ, ଏଝାସି କାଜାସି ଆଡ଼େସିଏ, ଏଝାସି ତାନି କାତା ତାନୁଏ ଝେସାଲି ଆଡ଼ିନେସି ।”

୨୨ ଏଝାଣି ତାମି ଇୟା ଆବା ଜୀହୁଦି ଲକୁତି କାଜାରାଲ୍ ଆଜିମାଟାକି ଈ ବାରେ କାତା ଝେସୁ ଏନାଆଁତାକି ଇଚିହଁ ଆମ୍ବାଆସି ଜୀସୁଲ୍ କ୍ରୀସୁ ଇଞ୍ଜିଁ ଇନେସି, ଏଝାଣାଲ୍ ଜୀହୁଦି ଲକୁତି କୁଟମି ଇଲୁଟିଠି ପେରଝି ଆନେ ଇଞ୍ଜିଁ ଜୀହୁଦି ଲକୁ ଏ ନକେଏ କାତା ଆହାମାଟେରି ।

୨୩ ଏନାଆଁତାକି ତାମି ଇୟା ଆବା ଏଲେଇରୁ, “ଏଝାସି କାଜାସି ଆଡ଼େସିଏ, ଏଝାଣାଲ୍ ଝେଞ୍ଜୁ ।”

୨୪ ପାରୁସିୟାଁ ଏ ଜାର୍ନାଟିଏ କାଣାଲ୍ ଅଡ଼େ ଝେଣ୍ଡେ ହାଟାନା ଏଲେଇରେରି, “ମାହାପୁରୁଲ୍ ଗାଝୁରମି କିହାନା ଏଲେଇନାମୁ, ଆମ୍ବାଆସି ନିଙ୍ଗେ ନେହଁ କିହାମାଞ୍ଜାନେସି, ଏଝାସି ର ପାପୁ ଗାଟାସି ଈ କାତା ମାମ୍ବୁ ପୁଞ୍ଜାମାନମି ।”

୨୫ ଏଝାସି ଏଲେଇରେସି, “ଏଝାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଲ୍; ନାନୁ କାଣା ମାଟେଏଁ, ନୀଏଁ ମେସାଲି ଆଡ଼ିମାଲ୍ ।”

୨୬ ଏଝାରି ଏଝାଣାଲ୍ ଏଲେଇରେରି, “ଏଝାସି ନିଙ୍ଗେ ଏନାଆଁ କିୟାତେସି ? ଏନିକଁ ଏଝାସି ନୀ କାଣ୍‌କା ଦେପି କିୟାତେସି ?”

୨୭ ଏଝାସି ଏଲେଇରେସି, “ନକେଏ ଝେସା ରାହାମାଞ୍ଜାଲ୍, ଅଡ଼େ ମୀରୁ ଝେନାଆତେରି; ଅଡ଼େ ଝେଣ୍ଡେ ଏନାଆଁତାକି ଝେଞ୍ଜାଲି ଅଣ୍ଡପିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଡପିମାଞ୍ଜେରି ।”

୨୮ ଏଝାରି ଏଝାଣାଲ୍ ଲାଗାନା ଏଲେଇରେରି, “ନୀନୁ ତାନି ସୀସୁତି, ସାମା ମାମ୍ବୁ ମୁସାତି ସୀସୁୟାଁତମି ।

୨୯ ମାମ୍ବୁ ପୁଞ୍ଜାମାନମି, ମାହାପୁରୁ ମସାଲ୍ କାତା ଆହାମାଟେସି, ସାମା ଈ ମାଣ୍‌ସି ଆମ୍ବିଟି ଝାହାମାନେସି, ଏନାଆଁ ମାମ୍ବୁ ପୁଞ୍ଜାହିଲଅମି ।”

୩୦ ଏଝାସି ଏଝାଣାଲ୍ ଏଲେଇରେସି, “ଇଦି ରଣ୍ଡି କାବାଆନି କାତା ଏଝାସି ଏମ୍ବିଟି ଝାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଝାସି ନାଙ୍ଗେ କାଣ୍‌କା ଦେପି କିୟାତେସି ।

୩୧ ମାମ୍ବୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକୁତି ହାଡ଼ା ଝେନଅସି, ଆମିନି ଗାଟାରି ମାହାପୁରୁଲ୍ ମାନ୍ତି କିନେରି

\* ୯:୭ ସିଲହ ଇଚିସାରେ ପାଣ୍ଡ଼ି ଆହାମାନାୟି † ୯:୨୨ ସିନଗଗ



ଅଡ଼େ ତାନି ଅଶ୍ଵୁ ତଲେ କାମା କିନେରି, ଏଞ୍ଜାରି ହାଡ଼ାତି ଏଞ୍ଜାସି ଖେନେସି ।

୩୨ ତଲି କାଲୀଟିଏ ଆମ୍ବାଆସି ଜାର୍ନା କାଶାଲ୍ଲ ମେସ୍ଵିକିତି କାତା ଏରେଲା ଖେଣ୍ଡି ଆହାହିଲାଆତେ ।

୩୩ ଇଞ୍ଜାସି ମାହାପୁରୁ ତାଶାଟି ଖାହା ହିଲାଆତେ, ଏନାଆଁ କିହାଲି ଆଡ଼ାଆତେସିମା ।”

୩୪ ଏଞ୍ଜାରି ଏଞ୍ଜାଶାଲ୍ଲ ଏଲେଇରେସି, “ପାପୁ ତଲେ ନାନୁ ଜାର୍ନା ଆହାନା ପାପୁ ତଲେ ପାତାଆଡ଼ି, ନାନୁ ମାଜେ ଜାପୁହି ମାଞ୍ଜାଦି ?” ଏଦାଆତାକି ଏଞ୍ଜାରି ଏଞ୍ଜାଶାଲ୍ଲ ଜାହୁଦି ଲକୁତି କୁଟମି ଇଲୁଟିଃ ପେରହାତୁସ୍ତେରି ।

**ସୁଦୁଗାଟି ମାଶ୍ଵକି ମେହ୍‌ଆ ଗାଟାୟି**

୩୫ ଏଞ୍ଜାରି ଏଞ୍ଜାଶାଲ୍ଲ ପେରହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଞ୍ଜାଶାଲ୍ଲ ମେସାନା ଏଲେଇରେସି, “ନାନୁ ଏନାଆଁ ମାଶ୍ଵି ମୀରଏଣି ତାଶା ନାମିମାଞ୍ଜି ?”

୩୬ ଏଞ୍ଜାସି ଏଞ୍ଜାଶାଲ୍ଲ ଏଲେଇରେସି, “ପ୍ରବୁ, ଖେସ୍ତାମ୍ବୁ ଏଞ୍ଜାସି ଆମ୍ବାଆସି, ଆତିହ୍ ନାନୁ ଏଞ୍ଜାଶାଲ୍ଲ ନାମିଲ୍ ।”

୩୭ ଜୀସୁ ଏଞ୍ଜାଶାଲ୍ଲ ଏଲେଇରେସି, “ନାନୁ ଏଞ୍ଜାଶାଲ୍ଲ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜାସିଏ ।”

୩୮ ଏମ୍ବାଟିଏ ଏଞ୍ଜାସି ଏଲେଇରେସି, “ନାନୁ ନାମିମାଲ୍, ପ୍ରବୁ !” ଇଞ୍ଜା ଜୀସୁ ନକିତା ମେଶ୍ଵାକୁତାନା ଜହରା କିତେସି ।

୩୯ ଜୀସୁ ଏଲେଇରେସି, “ମେହ୍‌ଆଗାଟି ଲକୁ ଏନିକ୍ ମେହ୍‌ନେରି ଇଞ୍ଜା ମେହ୍‌ନି ଲକୁ ଏନିକ୍ କାଶା ଆନେରି, ଇ ବିଚାରା କିହାଲି ନାନୁ ଦାର୍ତତିତା ଖାହାମାଲ୍ ।”

୪୦ ଏମ୍ବାଆଁ ମାଟି ଏଚରଜାଶା ପାରୁସିୟା ଇ କାତା ଖେଞ୍ଜାନା, ଏଞ୍ଜାଶାଲ୍ଲ ଏଲେଇରେସି, “ମାମ୍ବୁ ଜିକେଏ ଏନାଆଁ କାଶାୟାତମି ?”

୪୧ ଜୀସୁ ଏଞ୍ଜାରାଲ୍ଲ ଏଲେଇରେସି, “କାଶାୟା ଆହାମାଟିହ୍ ମୀରୁ ଦହ୍ ହିଲାଆଗାଟାତେରି ଆଡେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାରେକା ପାପୁତା ମାଞ୍ଜେରି ।”

**୧୦**

**ମେଶ୍ଵାୟା ଅଡ଼େ ଗଡୁ**

୧ ଜୀସୁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଲ୍, ଆମ୍ବାଆସି ଦାରା ଖାକିଟି ମେଶ୍ଵାୟା ମାନ୍ଦାତା ହଡ଼ଅସି, ସାମା ଅର ଖାକିଟି ଡେଞ୍ଜାନା ହଡ଼ନେସି, ଏଞ୍ଜାସି ସରୁ ଇଞ୍ଜା ଡଂଗେଏସି;

୨ ସାମା ଆମ୍ବାଆସି ଦାରା ଖାକିଟି ହଡ଼ନେସି, ଏଞ୍ଜାସି ମେଶ୍ଵା ଗଡୁ ।

୩ ଦାରାତା କାଃଆନାସି ଏଞ୍ଜାଶାକି ଦାରା ଦେଟା ହାନେସି, ଅଡ଼େ, ଏଞ୍ଜାସି ତାନି ମେଶ୍ଵାୟା ଦରୁ ଆସାନା ହାଡ଼ିନେସି, ଏଞ୍ଜା ତାନି ହାଡ଼ିନାଣି ଖେନୁ ଅଡ଼େ ଏଞ୍ଜାସି ଏ ମାନ୍ଦାତି ପାଞ୍ଜାତା ଜିରୁ ନକି କିହାନା ଅନେସି ।

‡ ୯:୩୪ ସିନଗର    ✱ ୧୦:୧୪ ମାଡି ୧୧:୨୭; ଲୁକ ୧୦:୨୨

୪ ମେଶ୍ଵାୟାଣି ପାଞ୍ଜାତା ଅନାଟି ମେଶ୍ଵାୟା ଗଡୁ ନକି ନକିତା ତାକିନେସି, ଅଡ଼େ ମେଶ୍ଵାୟା ତାନି ଜେଟ ଜେଟ ତାକିନୁ, ଇଚିହ୍ ଏଞ୍ଜି ଏଞ୍ଜାଣି ଗିୟା ତେଲହାଡ ।

୫ ସାମା ଏଞ୍ଜି ପୁନାଆତି ଲକୁ ଜେଟ ଏରେଲା ଜିକେଏ ତାକାଡ, ସାମା ଏଞ୍ଜାଣି ଦାରି ଦାରିଟି ହଟାତୁହନୁ, ଇଚିହ୍ ଏଞ୍ଜି ପୁନାଆତାରି ଗିୟା ତେଲହିନୁ ।”

୬ ଜୀସୁ ଏଞ୍ଜାରାଲ୍ଲ ଇ ପୁଣ୍ଡିକିନି କାତା ଖେସାନା ଏଲେଇରେସି, ସାମା ଏଞ୍ଜାସି ଏନା ଏନାଆଁ ଖେସିମାରେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆତେରି ।

**ଜୀସୁ ନେହ୍ ମେଶ୍ଵାୟା ଗଡୁ**

୭ ଜୀସୁ ଅଡ଼େ ଖେଶ୍ଵେ ଏଲେଇରେସି, “ସାତା ସାତା ନାନୁ ମିଜେ ଖେସିମାଞ୍ଜାଲ୍, ନାନୁ ମେଶ୍ଵାୟା ଦୁଖେରିଡେଏଁ ।

୮ ଏଚରଜାଶା ନା ନକିତା ଖାହାମାନେରି, ଏଞ୍ଜାରି ବାରେ ସରକା ଅଡ଼େ ଡଂଗାୟା, ସାମା ମେଶ୍ଵାୟା ଏଞ୍ଜାରି କାତା ଖେନାଆଡୁ ।

୯ ନାନୁ ଆହିମାଲ୍ ଦାରା । ଆମ୍ବାଆସି ନା ତାଶାଟି ହଡ଼ନେସି, ଏଞ୍ଜାସି ଗେଲପି ଆନେସି ଇଞ୍ଜା ବିଡ଼ା ଖାହାନା ଅଡ଼େ ପାଞ୍ଜାତା ହାଜାନା ହାରା ବେଟାଆନେସି ।

୧୦ ସରୁ ଖାରଇ ସରୁ କିହାଲି, ପାୟାଲି ଅଡ଼େ ନାସା କିହାଲି ଖାନେସି; ଏଞ୍ଜାରି ଏନିକ୍ ଜୀସୁ ବେଟାଆନେରି ଅଡ଼େ ହାରେକା ବେଟାଆନେରି ଏଦାଆତାକି ନାନୁ ଖାହାମାଲ୍ ।”

୧୧ “ନାନୁ ନେହ୍ ମେଶ୍ଵାୟା ଗଡୁଡେଏଁ; ନେହ୍ ମେଶ୍ଵାୟା ଗଡୁ ଚୁମ୍‌ଶ୍ଵାୟା ତାକି ତାନି ଜୀସୁ ହାନେସି ।

୧୨ ଆମ୍ବାଆସି ମେଶ୍ଵାୟା ଗଡୁ ଆଏ, ଗତି ଦଂଗ୍‌ଶେଏସି, ଜାହାରା ମେଶ୍ଵାୟା ହିଲାଡ ଏଞ୍ଜାସି କ୍ଳାଃନି ଖାନାଣି ମେସାନା ମେଶ୍ଵାୟା ପିସା ହଶ୍‌ନେସି ଅଡ଼େ କ୍ଳାଃନି ଖାହାନା ଏ ବାରେଡି ସିନାସାତା କିନେ,

୧୩ ଇଚିହ୍ ଏଞ୍ଜାସି ଗତି ଦଂଗ୍‌ଶେଏସି, ଇଞ୍ଜା ମେଶ୍ଵାୟାକି ଅଶ୍ଵୁ ହିଲେଏ,

୧୪ ନାନୁ ନେହ୍ ମେଶ୍ଵାୟା ଗଡୁ । ଆବା ଏନିକ୍ ନାଜେ ପୁଞ୍ଜାମାଞ୍ଜାନେସି ଅଡ଼େ ନାନୁ ଆବାଲ୍ ପୁଞ୍ଜାମାଲ୍,

୧୫ ଏନିକ୍ ଆବା ନାଜେ ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାଲ୍ ପୁଞ୍ଜାମାଲ୍, ଏଲେକିହ୍ ଏ ନାନୁ ନା ମେଶ୍ଵାୟାଲ୍ ପୁଲ୍, ଅଡ଼େ ନା ମେଶ୍ଵାୟା ଜିକେଏ ନାଜେ ପୁଞ୍ଜାନୁ, ଅଡ଼େ ମେଶ୍ଵାୟା ତାକି ନାନୁ ନା ଜୀସୁ ହାଲ୍ ।

୧୬ ଏମିନି ମେଶ୍ଵାୟା ଇ ମାନ୍ଦାତାଲ ଆଏ, ନା ଇଲେଡି ମେଶ୍ଵାୟା ମାନୁ, ଏଞ୍ଜାଆଁ ଜିକେଏ ନାଜେ ତାନାୟି ଆନେ, ଅଡ଼େ ଏଞ୍ଜି ନା ହାଡ଼ା ତେଲହିନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡ଼େ ରଣ୍ଡିଏ ଗଡୁ ଆନେସି ।”

୧୭ “ନାନୁ ନା ଜୀସୁ ହାନାକି ଆବା ନାଜେ ଜୀସୁ ନୟାନେସି, ଅଡ଼େ ନାନୁ ନା ଜୀସୁ ଖେଶ୍ଵେ ଅହାକତାଲି ନାନୁ ଏଦାଆଁ ହାଲ୍ ।

୧୮ ନା ଜୀବୁ ଏଟକାତାରି ଆମ୍ବାଆରି ଅହାଲି ଆଡ଼ଅରି, ଏଦାଆଁ ନାନୁ ନା ଅଣ୍ଠପୁ ତଲେ ହାଇଁ, ନା ଜୀବୁ ହାହାଲିତାକି ଅଡ଼େ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଲେ ହୁକୁମି ହାହାମାଞ୍ଜାନେସି ।”

୧୯ ଜୀସୁତି ଇ ବାରେ କାତାତାକି ଜୀହୁଦି ଲକୁତାଣା ଗଡ଼ହା ହଡ଼େ ।

୨୦ ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଏଞ୍ଜାଣାଇଁ ବୃତୁ ଆଲଗାମାନେ, ଏଞ୍ଜାସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ଖେଞ୍ଜିମାଞ୍ଜେରି ?”

୨୧ ଏଟକାତାରି ଏଲେଇଚେରି, “ଇ ବାରେ କାତା ବୃତୁ ଆଲଗାମାନାରି କାତା ଆଏ; ବୃତୁ ଏନାଆଁ କାଣାତି କାଣିକା ମେସ୍ପି କିହାଲି ଆଡ଼ିନେ ।”

**ଜୀସୁଇଁ ଅପାଆଗାଟାୟି**

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେରପିନି ପାର୍ବୁ ଆଡ଼େ; ଏଡ଼ି ପେନିବେଲା ମାଚେ,

୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି ।

୨୪ ଏମ୍ବାଟିଏ ଜୀହୁଦି ଲକୁ ସାରିଞ୍ଜାକି ମୁଚାନା ଖେଞ୍ଜାଲି ମାଟ୍‌ହେରି, “ଏଚରଦିନା ପାଚେକା ମା ମନତା ଆନାମାନା କିୟାଦି ? ନାନୁ ଜୀସୁତି ଇଚିହିଁ ମାଲେ ନେହିଁ କିଁ ଖେସ୍ତାମୁ ।”

୨୫ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ମିଲେ ଖେସାମାଞ୍ଜାଇଁ, ସାମା ମୀରୁ ନାମିହିଲଅଚେରି; ନା ଆବା ଦରୁଟି ନାନୁ ଏମିନି ବାରେ କାମା କିହିମାଇଁ, ଏ ବାରେ ନା ଞ୍ଜାକିଟି ସାକି ହାହିମାନେ;

୨୬ ଆଡ଼ିଜିକେଏ ମୀରୁ ନାମିହିଲଅଚେରି, ଇଚିହିଁ ମୀରୁ ନା ମେଣ୍ଡାୟାଚେରି ଆଏ ।

୨୭ ନା ମେଣ୍ଡାୟା ନା ହାଡ଼ା ଖେନୁ ଅଡ଼େ ନାନୁ ଏଞ୍ଜାଆଁ ପୁଇଁ, ଅଡ଼େ ଏଞ୍ଜି ନା ଜେଚ ଜେଚ ତାକିନୁ,

୨୮ ଅଡ଼େ ନାନୁ ଏଞ୍ଜାସିକାକି କାଲ୍‌କାଲ୍‌କାତି ଜୀବୁ ହାଇଁ, ଅଡ଼େ ଏଞ୍ଜି ଏଚେଲା ଜିକେଏ ନାସା ଆଡ଼, ଆମ୍ବାଆସି ନା କେୟୁଟି ଏଞ୍ଜାଆଁ ମାଞ୍ଜା ଅୟସି ।

୨୯ ନା ଆବା ନାଲେ ଏନାଆଁ ହାହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଟାୟି,\* ଇଞ୍ଜା ଆବା ତାଣାଟି ଆମ୍ବାଆସି ମାଞ୍ଜାଲି ଆଡ଼ଅସି ।

୩୦ ଆବା ଅଡ଼େ ନାନୁ ରଅତମିଏ ।”

୩୧ ଜୀହୁଦି ଲକୁ ଏଞ୍ଜାଣାଇଁ ଖେଚାଲି ଅଡ଼େ ଖେଣ୍ଡେ ଞ୍ଜାଲକା ତାଚିହିଁ ଞ୍ଜାଚେରି ।

୩୨ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଆବା ତାଣାଟି ହାଚେକା ନେହିଁ କାମାୟାଁ ମିଲେ ତସାମାଞ୍ଜାଇଁ; ଏ ବାରେ

କାମାୟାଁ ବିତ୍ରାଟି ଏମିନି କାମାତାକି ନାଲେ ଞ୍ଜାଲକା ଖେଚି ମାଞ୍ଜାଦେରି ?”

୩୩ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନେହିଁ କାମାତାକି ନିଲେ ଞ୍ଜାଲକା ଖେଚିମାଞ୍ଜାଅମି, ସାମା ମାହାପୁରୁ ନିନ୍ଦା କିହିମାନାକି, ନାନୁ ମାଣ୍ଡସି ଆହାନା ମାହାପୁରୁତେଏଁ ଇଞ୍ଜିମାନାକି ।”

୩୪ ଜୀସୁ ଏଞ୍ଜାଣାଇଁ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନାନୁ ଏଲେଇଞ୍ଜାତେଏଁ ‘ମୀରୁ ମାହାପୁରୁୟାଁଚେରି ।’

୩୫ ଆମ୍ବାଆରି ତାଣା ମାହାପୁରୁତି ବଲୁ ତଞ୍ଜାଆଡ଼େ, ଏଞ୍ଜାରି ମାହାପୁରୁୟାଁ ଇଚିହିଁ ଦାମ୍‌ ସାସ୍‌ସ୍‌ସ୍‌ ଉଜେଏ କିହାଲି ଆଡ଼ଅସି,

୩୬ ଆବା ମାହାପୁରୁ ନାଲେ ସୁଦୁ କିହାନା ଦାର୍‌ତିତା ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଲେ ମାହାପୁରୁ ମୀରୁଏଣାତେଏଁ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜି ଏନିକିଁ ଏଲେଇଞ୍ଜି ମାଞ୍ଜାଦେରି ?

୩୭ ନାନୁ ନା ଆବାତି ବାରେ କାମା କିହା ହିଲାଆତିହିଁ ନାଲେ ନାମାଆଦୁ;

୩୮ ସାମା ନାନୁ କିହିମାଇଁ, ଆଡ଼ିହିଁ ମୀରୁ ନାଲେ ନାମି ମାଞ୍ଜାଅଚେରି, ଆଡ଼ିଜିକେଏ ଆବା ନା ତାଣା ମାନେସି ଅଡ଼େ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକିଁ ପୁଞ୍ଜେରି ଅଡ଼େ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍ଡପିଚେରି, ସାମା ଏଞ୍ଜାସି ଏଞ୍ଜାରି କେୟୁତା ହେରପି ଆଆନା ଏମ୍ବାଟି ହଡ଼ାହାଚେସି ।

୪୦ ଏମ୍ବାଟି ଏଞ୍ଜାସି ଅଡ଼େ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାୟୁତା ବାପ୍ତିସ୍ମାଁ ହାହିମାଚେସି, ଏ ଟାୟୁତା ଞ୍ଜାହାନା ଡ଼ୟିଚେସି ।

୪୧ ଅଡ଼େ ହାଚେକା ଲକୁ ଏଞ୍ଜାଣି ତାଣା ଞ୍ଜାହାନା ଏଲେଇଚେରି, “ଜହନ ଏନି କାବାଆନି କାମା କିଆଚେସି, ସାମା ଇ ମାଣ୍ଡସି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା ।”

୪୨ ଏମ୍ବାଆଁ ହାଚେକା ଲକୁ ଏଞ୍ଜାଣି ତାଣା ନାମିଚେରି ।

**୧୧**

**ଲାଜର ହାନାୟି**

୧ \*ବେତନିୟାଁତି ଲାଜର ଦରୁଗାଟାସି ରଅସି ନମେରି ଆହାମାଚେସି; ତାମି ତାଜିସ୍ତା ମରିୟମ ଅଡ଼େ ମାର୍ତ୍ତା ଏ ନାୟୁତା ଡ଼ୟିମାରୁ ।

୨ \*ଏମିନି ଇୟା ପ୍ରବୁଇଁ ନିୟୁଁ ଞ୍ଜାକ୍‌ହାନା ତାନି ତାୟୁଁ ବାଣାୟାଁ ତଲେ ଏଞ୍ଜାଣି ପାଃଆନାୟାଁ ଜେଜା ମାଚେ, ଇଦି ଏ ମରିୟମ; ତାମି ତାୟି ଲାଜର ନମେରି ଆହାମାଚେସି ।

\* ୧୦:୨୯ ଆବା ନାଲେ ଏନାଆଁ ହାହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଟାୟି, ଇଦାଣି ଅର୍ଥ ଆମିନି ଆବା ନାଲେ ଇ ଲକୁଇଁ ହାହାମାଞ୍ଜାନେସି, ଏଞ୍ଜାସି ଏଞ୍ଜାରି କିହାଁ କାଜାସି । \* ୧୦:୪୦ ଜହ ୧:୨୮ † ୧୦:୪୦ ମୁଞ୍ଜିନାୟି, \* ୧୧:୧ ଲୁକ ୧୦:୩୮, ୩୯ \* ୧୧:୨ ଜହ ୧୨:୩

୩ ଏଦାଆଁତାକି ଏ ତାଳିମ୍ବା ଜୀସୁ ତାଣା କାରୁ ପାଣ୍ଡିତୁ, “ପ୍ରବୁ, ନୀନୁ ଆମ୍ବାଆରାଇଁ ଜୀସୁ ନହୁଁମାଞ୍ଜି ଏଞ୍ଜାସି ନମେରି ଆହାମାନେସି ।”

୪ ସାମା ଜୀସୁ ଇ କାତା ଖେଞ୍ଜାନା ଏଲେଇରେସି, “ଇ ନମେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରମି ତାକି, ଏନିକିଁ ଏମ୍ବାଟି ମାହାପୁରୁତି ମୀରଏସି ଗାଞ୍ଜୁରମି ବେଟା ଆନେସି ।”

୫ ଜୀସୁ ମାର୍ତୀ, ତାନି ତାଳି ମରିୟମଇଁ ଅଡ଼େ ଲାଜରଇଁ ଜୀସୁ ନହୁଁମାଚେସି ।

୬ ଏଚେତା ଏଞ୍ଜାସି ନମେରି ଆହାମାନେସି ଇଞ୍ଜିଁ ଖେଚେସି, ଏଚେତା ଏଞ୍ଜାସି ଏମିନିତାଣା ମାଚେସି, ଏ ଚାୟୁତା ରୀ ଦିନା ଡ଼ୟିତେସି ।

୭ ଏଚେଟିଏ ଏଞ୍ଜାସି ସୀସୁୟାଁଇଁ ଏଲେଇରେସି, “ଜୀସୁ ମାର ଖେଣ୍ଡେ ଜୀହୁଦା ରାଜିତା ହାନ ।”

୮ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିକ୍ଷେ ଖାଲକାତଲେ ଖେଚାଲି ଅଣ୍ପି ମାଞ୍ଜାଚେରି, ଅଡ଼େ ଖେଣ୍ଡେ ନୀନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହୁଁ ଏଞ୍ଜାସି ଦାର୍ତତି ଉଜେଡ଼ି;

୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇଚିହୁଁ ଏଞ୍ଜାଣି ହିୟାଁତା ଉଜେଡ଼ି ହିଲେଏ ।”

୧୧ ଇ ବାରେ କାତା ଖେସ୍ତି ତାୟୁ ଏଞ୍ଜାରାଇଁ ଅଡ଼େ ଏଲେଇଚେସି, “ମା ତଣେ ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକହାଲି ନାନୁ ହାଜିମାଞ୍ଜି ।”

୧୨ ଏମ୍ବାଟିଏ ସୀସୁୟାଁ ଏଞ୍ଜାଣାଇଁ ଏଲେଇଚେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାଟିହୁଁ ନେହୁଁ ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଞ୍ଜାଣି ଇଦା କିହାମାନି କାତା ଖେସ୍ତାଚେସି ଇଞ୍ଜିଁ ଅଣ୍ପିମାଚେରି ।

୧୪ ଏଚିବେଲା ଜୀସୁ ତୀରେତଲେ ଏଲେଇଚେସି, “ଲାଜର ହାହାମାନେସି;

୧୫ ଅଡ଼େ ନାନୁ ଏମ୍ବାଆଁ ହିଲାଆଚେଏଁ, ଏଦାଆଁତାକି ମୀ ତାକି ରାହାଁ କିହିମାଇଁ, ଏନିକିଁ ମୀରୁ ନାମିଦେରି; ସାମା ଜୀସୁ ମାର ଏଞ୍ଜାଣି ତାଣା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜିଁ ଇନେରି, ଏଞ୍ଜାସି ତାନି ତଣେ ସୀସୁୟାଁଇଁ ଏଲେଇଚେସି, “ଜୀସୁ, ମାର ଜିକେଏ ହାଜାନା ଏଞ୍ଜାଣିତଲେ ହାନ ।”

**ଜୀସୁଏ ଖେଣ୍ଡେ ନିକ୍ଷିନାସି ଅଡ଼େ ଜୀସୁ**

୧୭ ଜୀସୁ ବେତନିୟାଁତା ଏଜାନା ଖେଚେସି, ଏଞ୍ଜାସି ସାରି ଦିନା ଆଡ଼େସି ମାହଣି ମାଣ୍ଡାତା ଇଟାମାନେରି ।

୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାଚେ,

୧୯ ଅଡ଼େ ଜୀହୁଦିୟାଁ ବିତ୍ରାଟି ହାରେକା ମାର୍ତୀ ଇଞ୍ଜାଁ ମରିୟମଇଁ ତାନି ତାୟିତି ଦୁକୁ ତୁକହାଲି ଏମ୍ବାଆଁ ଖାହାମାଚେରି ।

୨୦ ଜୀସୁ ଖାହିମାନେସି ଇଞ୍ଜିଁ ଏଚେତା ମାର୍ତୀ ଖେଚେ, ଏଚେତା ମାର୍ତୀ ଏଞ୍ଜାଣାଇଁ ବେଟାଆୟାଲି ହାଚେ, ସାମା ମରିୟମ ଇଜ କୁଗାନା ଡ଼ୟିତେ ।

୨୧ ମାର୍ତୀ ଜୀସୁଇଁ ଏଲେଇଚେ, “ପ୍ରବୁ ନୀନୁ ଇମ୍ବାଆଁ ମାଟିହୁଁମା, ନା ତାୟି ହାଆଚେସିମା,

୨୨ ସାମା ନୀନୁ ମାହାପୁରୁଇଁ ଏଦାଆଁ ରୀହୁଦି, ମାହାପୁରୁ ନିକ୍ଷେ ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଇଁ ।”

୨୩ ଜୀସୁ ଏଦାନି ଏଲେଇଚେସି, “ନୀ ତାୟି ଅଡ଼େ ଖେଣ୍ଡେ ନିକ୍ଷିନେସି ।”

୨୪ “ମାର୍ତୀ ଜୀସୁଇଁ ଏଲେଇଚେ, ଏଞ୍ଜାସି ତାୟୁ ଖେଣ୍ଡେ ନିକ୍ଷିନି ଦିନାତା ନିକ୍ଷିନେସି, ଇଦାଆଁ ନାନୁ ପୁଞ୍ଜାମାଇଁ ।”

୨୫ ଜୀସୁ ଏଦାନି ଏଲେଇଚେସି, “ନାନୁ ଖେଣ୍ଡେ ନିକ୍ଷିନାଚେଏଁ ଅଡ଼େ ଜୀସୁଚେଏଁ; ଆମ୍ବାଆସି ନାକ୍ଷେ ନାମାନେସି, ଏଞ୍ଜାସି ହାଡ଼ି ଜିକେଏ ନୀତିନେସି,

୨୬ ଆମ୍ବାଆସି ନୀତିନେସି ଅଡ଼େ ନାମିନେସି, ଏଞ୍ଜାସି ଏଚେଲା ଜିକେଏ ହାଅସି; ଇ କାତା ନାମିମାଞ୍ଜି ?”

୨୭ ମାର୍ତୀ ଏଲେଇଚେ, “ଏ ପ୍ରବୁ ଆମ୍ବାଆସି ଦାର୍ତତିତା ଖାନ୍ଦାୟି ମାଚେ, ନୀନୁ ଏ ଜୀସୁ ମାହାପୁରୁ ମୀରଏଣାଡ଼ି, ଇ କାତା ନାମିମାଞ୍ଜି ।”

**ଜୀସୁ ଡ଼ାଚେସି**

୨୮ ଇ କାତା ଖେସାନା ମାର୍ତୀ ହାଜାନା ତାନି ତାଳି ମରିୟମଇଁ ଏଟକା ହାଟାନା ଏଲେଇଚେ, “ଗୁରୁ ଖାଡ଼େସିଏ ନିକ୍ଷେ ପାରିମାଞ୍ଜାନେସି ।”

୨୯ ମରିୟମ ଇ କାତା ଖେଞ୍ଜାନା ଦାପେ ନିକ୍ଷାନା ଏଞ୍ଜାଣି ତାଣା ହାଚେ ।

୩୦ ଏଚିବେଲା ଜୀସୁ ନାୟୁଁ ବିତ୍ରା ଖାହାହିଲାଆଚେସି, ସାମା ମାର୍ତୀ ଏଞ୍ଜାଣାଇଁ ଏମିନି ଚାୟୁତା ବେଟାଆହାମାଚେ, ଏଚେପାଚେକା ଏ ଚାୟୁଚେଏ ମାଚେସି ।

୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକହିମାଚେରି, ଏଞ୍ଜାରି ମରିୟମ ଦାପେ ନିକ୍ଷାନା ପାକ୍ଷାତା ହାଚାଣି ମେସାନା, ଏଡ଼ି ମାହଣି ମାଣ୍ଡାତା ଡ଼ାହାଲି ହାଜିମାନେ, ଇ କାତା ଅଣ୍ପାଦାନା ଏଦାନି ଜେତ ଜେତ ହାଚେରି ।

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାଚେସି, ମରିୟମ ଏ ଚାୟୁତା ହାଜାନା ଏଞ୍ଜାଣାଇଁ ମେସାନା ଏଞ୍ଜାଣି କଡ଼ାୟାଁ ଡ଼ଇ ରିହାନା ଏଲେଇଚେ, “ପ୍ରବୁ ନୀନୁ ଇମ୍ବାଆଁ ମାଟିହୁଁମା ନା ତାୟି ହାଆଚେସିମା ।”

୩୩ ଜୀସୁ ମରିୟମ ଅଡ଼େ ତାନିତଲେ ଖାହାମାନି ଜୀହୁଦି ଲକୁ ଡ଼ାହିମାନାଣି ମେସାନା ଜୀସୁତା ହାରେକା ଦୁକୁ ଆହାନା ଖେଚେସି,

୩୪ “ଏଞ୍ଜାଣାଇଁ ଆମ୍ବିୟା ଇଟାମାଞ୍ଜେରି ?” ଏଞ୍ଜାରି ଏଲେଇଚେରି, “ପ୍ରବୁ, ଖାହାନା ସିନିକମୁ ?”

୩୫ ଜୀସୁ ଡ଼ାଚେସି ।

୩୬ ଏଚେଟିଏ ଜୀହୁଦି ଲକୁ ଏଲେଇଣ୍ଡି ଆଡ଼େରି, “ଏଞ୍ଜାସି ଏଞ୍ଜାଣାଇଁ ଏଚେକା ଜୀସୁ ନହୁଁମାଚେସି ।”

୩୭ ସାମା ଏଞ୍ଜର ବିଭ୍ରାଟି ଏଚରଜାଣା ଏଲେଇରେରି, “ଇ ମାଣ୍ଡସି ଏ କାଣ୍ଡାଲ୍ ମେସ୍ପି କିହାମାରେସି, ଏଞ୍ଜସି ଇଞ୍ଜାଣାଲ୍ ହାକିଟି ଗେଲ୍ପାଲି ଆଡ଼ିତେସିମା ?”

**ହାଡ଼ି ଲାଜରଇଁ ଜୀସୁ ହୀନାୟି**

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହ୍ଣି ମାଣ୍ଡା ତାଗେ ଖାଡ଼େସି; ଏଦି ର ପାଞ୍ଜୁ ମାଗେ, ଇଞ୍ଜା ପାଞ୍ଜୁ ଦୁଞ୍ଜେରିତା ର କାଜା ଖାଲି ମାଗେ ।

୩୯ ଜୀସୁ ଏଲେଇରେସି, “ଇ ଖାଲି ଗୁଟି କିଦୁ ।” ହାଡ଼ାଣି ତାଜି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜସି ଗାନ୍ଦା ଆହାହାରେସିଏ, ଇଚିହ୍ କିହାହାନା ସାରି ଦିନା ଆଡ଼େସିଏ ।”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡ଼ିହ୍ ମାହାପୁରୁତି ଗାଞ୍ଜୁରମି ମେହ୍ଦି, ଇ କାତା ନୀନୁ ନିଙ୍ଗେ ୱେସାମାଞ୍ଜାଆଡେସି ?”

୪୧ ଅଡ଼େ ଏଞ୍ଜର ଖାଲି ଗୁଟି କିତେରି । ଅଡ଼େ ଜୀସୁ ଲାକଞ୍ଜାକି ସିନିକିହାନା ଏଲେଇରେସି, “ଆବା ନା ପ୍ରାଡାନା ୱେଟି ଇଞ୍ଜା ନୀନୁ ନିଙ୍ଗେ ଜହରା କିହିମାଞ୍ଜାଲ୍ ।

୪୨ ନୀନୁ କାଲେଏ ନା ପ୍ରାଡାନା ୱେଞ୍ଜିମାଞ୍ଜି, ଇ କାତା ନୀନୁ ପୁଞ୍ଜାମାଲ୍; ସାମା ଏମିନି ଲକୁ ସାରିସୁଟୁ ନିଚାମାନେରି, ନୀନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜା ଏଞ୍ଜର ଏନିକ୍ ନାମିନେରି, ଏଦାଆଁତାକି ଏଞ୍ଜର ତାକି ନୀନୁ ଏଲେଇରେସି ।”

୪୩ ଏଞ୍ଜସି ଏଲେଇଞ୍ଜାନା କାଜା ଗିୟାଁତଲେ ଏଲେଇରେସି, “ଲାଜର ପାଙ୍ଗାତା ହଡ଼ା ଖାମ୍ନୁ ।”

୪୪ ଦେବୁଣିଏ ଲାଜର ପାଙ୍ଗାତା ହଡ଼ାଖାଡ଼େସି; ତାନି କେସ୍ତା କତାଣା ମାହ୍ଣି ମାଣ୍ଡାଟି ହିମ୍ବୁରିକା ତଲେ ରୁପି ଆହାମାରୁ, ଇଞ୍ଜା ତାନି ମୁମ୍ବୁତୁ ଇଚାୟି ପାସକି ପିଡ଼ଗିଞ୍ଜି ଆହାମାଗେ । ଜୀସୁ ଏଞ୍ଜରାଇଁ ଏଲେଇରେସି, “ହିମ୍ବୁରିକା ହୁକ୍ଦୁ ଏଞ୍ଜସି ତାକାପେସି ।”

**ଜୀସୁଇଁ ପାୟାଲି ପାରୁ ପାରିନାୟି**

(ମାତି ୨୬:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାଡ଼େକା ଜୀହୁଦି ଲକୁ, ଇଚିହ୍ ଆମ୍ବାଆରି ମରିୟମ ତାଣା ଖାହାମାଗେରି ଅଡ଼େ ଜୀସୁତି କାମା ମେସାମାଗେରି, ଏଞ୍ଜର ଏଞ୍ଜାଣାଲ୍ ନାମିତେରି ।

୪୬ ଅଡ଼େ ଏଞ୍ଜର ବିଭ୍ରାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାରେସି ଏ ବାରେ ଏଞ୍ଜରାଇଁ ୱେସ୍ପେରି ।

୪୭ ଇ କାତା ୱେଞ୍ଜାନା ପାରୁସିୟାଁ ଅଡ଼େ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇରେରି, “ମାରୁ ଏନି କିନାୟି ଇ ମାଣ୍ଡସି ହାଡ଼େକା କାବାଆନି କାମାୟାଁ କିହିମାନେସି ।

୪୮ ମାରୁ ଏଞ୍ଜାଣାଲ୍ ଏଲେକିହ୍ ପିସ୍ତୁହ୍ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡ଼େ ରମିୟ ଲକୁ ଖାହାନା ଇ ଚାୟୁ କୁଡ଼ା ବାରେତି ନାସା କିନେରି ।”

☆ ୧୨:୩ ଲୁକ ୭:୩୭,୩୮

୪୯ ସାମା ଏଞ୍ଜର ବିଭ୍ରାଟି ର କାଜା ପୂଜେରା, ଇଚିହ୍ କୟାପା ଏ ବାସୀତି କାଜା ପୂଜେରା ଏଞ୍ଜରାଇଁ ଏଲେଇରେସି, “ମାରୁ ଏନାଆଁ ପୁଞ୍ଜାହିଲଅଡେରି ?

୫୦ ବାରେ କୁଡ଼ାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନ୍ଦାୟି ମିଙ୍ଗେ ତାକି ନେହେଁ, ଇଦାଆଁ ମାରୁ ଅଣ୍ଡପି ହିଲଅଡେରି ।”

୫୧ ଏଞ୍ଜସି ତାନିତାଣାଟି ଏଲେଇଞ୍ଜା ହିଲଆଡେସି, ସାମା ଏଞ୍ଜସି ଏ ବାସୀତି କାଜା ପୂଜେରା ମାଗାକି ଇ ଡାୟୁ ଆନି କାତା ତାନି ଗୁଟିଟି ହଡ଼ାମାଗେ, ଜୀସୁ ଏ କୁଡ଼ାଟି ଲକୁ ତାକି,

୫୨ ଅଡ଼େ ଖାରଇ ଏ କୁଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମାରକାଣି ଜିକେଏ କୁଡ଼ି କିହାନା ରଣିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ୱେକ୍ହେସି ।

୫୩ ଇଞ୍ଜା ଏ ଦିନାଟିଏ ଏଞ୍ଜାଣାଲ୍ ପାୟାଲି ତାକି ପାରୁ ପାରିତେରି ।

୫୪ ଏଦାଆଁତାକି ଜୀସୁ ଜୀହୁଦି ଲକୁ ବିଭ୍ରା ପାଙ୍ଗାଞ୍ଜେଙ୍ଗେ ରେଆଡେସି, ସାମା ଏଞ୍ଜସି ଏ ଚାୟୁଟି ହଡ଼ା ହାଜାନା ଲକୁ ହିଲଆ ଚାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାରେସି, ଅଡ଼େ ସୀସୁୟାଁ ତଲେ ଏମ୍ବାଆଁ ଡ଼ୟିତେସି ।

୫୫ ଏଚିବେଲା ଜୀହୁଦି ଲକୁତି ପିସ୍ପିଆନି ପାରୁଁ ତାଗେ ମାଗେ, ଅଡ଼େ ନାସ୍କାଟି ହାରେକା ଲକୁ ଜାହାରାଇଁ ଅଡ଼ହା କତାଲି ପିସ୍ପିଆନି ପାରୁଁ ନକେଏ ଜିରୁସାଲମତା ହାରେରି ।

୫୬ ଏମ୍ବାଟିଏ ଏଞ୍ଜର ଜୀସୁଇଁ ପାରି ପାରିହ୍ ମାହାପୁରୁ ଇଲୁତା ନିଚାମାଗାଟି ତାମ୍ବୁତାମ୍ବୁ ଏଲେଇଣ୍ଡି ଆଡେରି, “ମାରୁ ଏନାଆଁ ଅଣ୍ଡପିମାଞ୍ଜେରି ? ଏଞ୍ଜସି କି ପାରୁତା ଖାଅସି ?”

୫୭ କାଜା ପୂଜେରାଙ୍ଗା ଅଡ଼େ ପାରୁସିୟାଁ ଏଞ୍ଜାଣାଲ୍ ଆସାଲି ତାକି, ଏଞ୍ଜସି ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜାମାନେସି, ଏ କାତା ୱେସାଲି ତାକି ହୁକୁମି ହାହାମାଗେରି ।

**୧୨**

**ଜୀସୁଇଁ ନିୟୁଁ ରୁବିନାୟି**

(ମାତି ୨୬:୬-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀସୁ ପିସ୍ପିଆନି ପାରୁତି ସ ଦିନା ନକେଏ ବେତନିୟାଁତା ଖାଡ଼େସି; ଏମିନି ଲାଜରଇଁ ହାଡ଼ାରି ତାଣାଟି ନିକହା ମାଗେସି, ଏଞ୍ଜସି ଏ ଚାୟୁତା ମାଗେସି ।

୨ ଏଦାଆଁତାକି ଏଞ୍ଜର ଏଞ୍ଜାଣାକି ଏ ଚାୟୁତା ଲାଆଁୟାଁ ର ବଜି କିତେରି; ମାର୍ତ୍ତା ବାଟି କିହିମାଗେ, ଅଡ଼େ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାଗେରି, ଲାଜର ଏଞ୍ଜର ବିଭ୍ରାଟି ରଅସି ମାଗେସି ।

୩ ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାଚାନା ଜୀସୁ କତାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କତାଣି ଜେଡେ, ଅଡ଼େ ବାରେ ଇଲୁତା ନିୟୁଁ ଗାନ୍ଦା ଆଡେ ।

୪ ସାମା ତାନି ସୀସୁୟା ବିଦ୍ରାଟି ଇସ୍ତାରିୟତ ଜାହୁଦା ଆମିନି ସୀସୁ ଜୀସୁଇଁ ସାତୁୟା କେୟୁତା ହେରପାଲି ହାଜିମାରେସି, ଏଞ୍ଜିସି ଏଲେଇରେସି,

୫ “ଇ ନିୟୁଁ ତାନି ଖାଞ୍ଜା ଟାକାୟା ତାକି ପାଉପି ଆହାନା ଏନାଆଁତାକି କାକୁଲି ଗାଟାରାକି ହୀପକି ଆଆତେ ?”

୬ ଏଞ୍ଜିସି କାକୁଲି ଗାଟାରାକି ଅଣ୍ଡିମାରେସି ଇଞ୍ଜି ଏଲେଇରେସି, ଏଡି ଆଏ, ସାମା ଏଞ୍ଜିସି ର ସରୁ ଅଡେ ଏଞ୍ଜିସି ତାଣା ଟାକାୟା ମଣା ମାଚାକି, ଏମ୍ବାଆଁ ଏନା ଏନାଆଁ ଇଟକି ଆହିମାରେ, ଏଦାଆଁ ସରୁ କିହିମାରେସି ।

୭ ସାମା ଜୀସୁ ଏଲେଇରେସି, “ଇଦାଆଁ ପିହୁଦୁ, ଏନିକି ନା ମାଡହା ମୁହନି ଦିନାତାକି ଏଡି ଏଦାଆଁ ଇଟାଲି ଆଡିନେ ।

୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ ମାନଅଁ ।”

**ଲାଜର କପାଟି ପାରୁ ପାରିନାୟି**

୯ ଏରେଟିଏ ହାରେକା ଜୀହୁଦି ଲକୁ ଏଞ୍ଜିସି ଏମ୍ବାଆଁ ମାନେସି ଇଞ୍ଜି ପୁଞ୍ଜାନା ଖାରଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜିସି ହାକିଟି ନିକହା ମାରେସି, ଏଞ୍ଜିଶାକି ମେସାଲି ଖାଡେରି ।

୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିତେରି,

୧୧ ଇଟିହୁଁ ଏଞ୍ଜିଶା ତାକି ଜୀହୁଦିୟା ବିଦ୍ରାଟି ହାରେକା ହାଜାନା ଜୀସୁ ତାଣା ନାମି ମାରେରି ।

**ଜୀସୁ ଜିରୁସାଲମତା ରାହାଟି ହଡନାୟି**

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଖାହାମାନି ହାରେକା ଲକୁ ଜୀସୁ ଜିରୁସାଲମତା ଖାହାମାନେସି ଇଞ୍ଜି ଖେରେରି

୧୩ ଇଞ୍ଜା କାଜୁରି ମାଟାୟା ଆସାନା ଜୀସୁଇଁ ବେଟାଆହାଲି ଖାଡେରି ଅଡେ କାଜା ଗିୟାତଲେ ଏଲେଇରେରି, “ହସାନା । ପ୍ରବୁତି ଦରୁତଲେ ଆମ୍ବାଆସି ଖାହିମାନେସି, ଏଞ୍ଜିସି ନେହେ; ଇସ୍ରାୟେଲତି ରାଜାକି ମାହାପୁରୁ ବର ହାପାସି ।”

୧୪ ଜୀସୁ ର ଗାଡଦେ ତାଲୁ ଲାକ କୁଗାନା ଖାହିମାରେସି, ଏନିକି ରାସକି ଆହାମାନେ,

୧୫ “ଆକେ ସିୟନତି ମାସକା, ଆଜାଆଦୁ ମେହଦୁ ମୀ ରାଜା ଖାହିମାନେସି,

ଏଞ୍ଜିସି ଗାଡଦେ ତାଲୁ ଲାକ କୁଗାନା ଖାହିମାନେସି ।”

୧୬ ଏତିବେଲା ସୀସୁୟା ଏଦାନି କାତା ପୁଞ୍ଜାଲି ଆଡାଆତେରି, ସାମା ଜୀସୁ ଗାଞ୍ଜୁରମିଟି ଖେଣ୍ଡେ ନିଜାଲିଏ ଏଞ୍ଜିସି ଅଣ୍ଡପୁତା ଖାଡେ, ଇ ବାରେ କାତା ସାସ୍ତେରିତା ରାସକି ଆହାମାନେ, ଇଟିହୁଁ ଏଲେକିହୁଁ ଏ ଏଞ୍ଜିସି କାମା କିହିମାରେରି ।

୧୭ ଜୀସୁ ହାଡି ଲାଜରଇଁ ମାହଣି ମାଣ୍ଡାଟି ହାଟାନା ନିକହାମାଟି ବେଲାତା ଏମିନିଗାଟାରି ଏଞ୍ଜିସିତଲେ

ମାରେରି, ଏଞ୍ଜିସି ଇ ବାରେ କାତା ସାରିଖାକି ଖେକହା ମାରେରି ।

୧୮ ଇଦାଆଁତାକି ଲକୁ ବାରେ ଏଞ୍ଜିଶାକି ବେଟାଆହାଲି ହାଜାମାରେରି, ଅଡେ ଏଞ୍ଜିସି ଇ କାବାଆନି କାମା କିହିମାରେସି ଇଞ୍ଜି ଖେଞ୍ଜାମାରେରି ।

୧୯ ଇଦାଆଁ ମେସାନା ପାରୁସିୟା ତାନି ବିଦ୍ରା କାତା ଆଡେରି, “ମେସିମାଞ୍ଜେରି ମାର ଏନାଆଁ କିହିଲି ଆଡିହିଲିଆୟି; ଦାରୁଡିତି ବାରେ ଲକୁ ଏଞ୍ଜିଶା ଢେଟ ହାଜିମାନେରି ।”

**ଏତେକା ଗ୍ରିକ ଲକୁ ଜୀସୁଇଁ ପାରିନାୟି**

୨୦ ପାର୍ବୁ ବେଲାତା ପ୍ରାତାନା କିହିଲି ଜିରୁସାଲମତା ଖାହାମାନି ଲକୁ ବିଦ୍ରା ଏତେକା ଗ୍ରିକ ଲକୁ ମାରେରି ।

୨୧ ଏଞ୍ଜିସି ଗାଲିଲିତି ବେଡସାୟିଦାତି ପିଲିପ ତାଣା ଖାହାନା ବାଡିମାଲିହୁଁ ଏଲେଇରେରି, “ବାରୁ, ମାମ୍ବୁ ଜୀସୁଇଁ ମେସାଲି ଅଣ୍ଡିମାନମି ।”

୨୨ ପିଲିପ ହାଜାନା ଆହିୟଇଁ କାରୁ ହୀତେସି ଅଡେ ରିଆରି ହାଜାନା ଜୀସୁଇଁ ଖେସ୍ତେରି ।

୨୩ ଜୀସୁ ଏଞ୍ଜିଶାକି ଏଲେଇରେସି, “ମାଣ୍ଡିସି ମୀରୁଏସି ଗାଞ୍ଜୁରମି ଆନି ବେଲା ଖାହାମାନେ ।

୨୪ ନାନୁ ମିଜେ ସାତା ଖେସିମାଞ୍ଜାକି ଗହଁ ପାଡେୟି ବୁମିତା ରିହାନା ହାନି ପାଡେକା ଏଡି ରଣିଏ ପାଡେୟି ଆହାନା ଡୟିନେ, ସାମା ଏଡି ହାଡିସାରେ ଏମ୍ବାଟି ହାରେକା ପାଡେୟିକା ଆନୁ ।

୨୫ ଆମ୍ବାଆସି ଜାହାରା ଜୀଞ୍ଜୁତି ଜୀଞ୍ଜୁ ନନେସି, ଏଞ୍ଜିସି ଏଦାଆଁ ହାରୁଞ୍ଜି କିନେସି, ଆମ୍ବାଆସି ଜାହାରା ଜୀଞ୍ଜୁତି ଇ ଦାରୁଡିତା ଅପଅସି, ଏଞ୍ଜିସି ଏଦାଆଁ କାଲାକାଲା ତାକି ଗେଲ୍ପିନେସି ।

୨୬ ଆମ୍ବାଆସି ନା ସେବା କାମାକିନାସି ଆନେସି, ଆଡିହୁଁ ଏଞ୍ଜିସି ନା ଢେଟ ଖାପେସି; ଅଡେ ନାନୁ ଆମ୍ବିୟା ଡୟିଇଁ, ନା ସେବା କାମାକିନାସି ଜିକେଏ ଏମ୍ବାଆଁ ଡୟିନେସି; ଆମ୍ବାଆସି ନା ସେବା କିନେସି, ଆଡିହୁଁ ଆବା ଏଞ୍ଜିଶାକି ମାନି କିନେସି ।

**ଜୀସୁ ତାନି ହାକିଟି କାତା ଏଲେଇନାୟି**

୨୭ ନୀଏଁ ନା ଜୀଞ୍ଜୁ କିଲିବିଲି ଆହିମାନେ, ଇଞ୍ଜା ନାନୁ ଏନାଆଁ ଇଞ୍ଜାକି? ଆବା ଇ ଲାଗେଏ ତାଣାଟି ଗେଲ୍ପାମ୍ବୁ, ସାମା ଏଦାଆଁତାକି ନାନୁ ଇ ଟାୟୁତା ଖାହାମାକି ।

୨୮ ଆବା ନୀ ଦରୁ ଗାଞ୍ଜୁରମି ଆପେ ।”

ଏତିବେଲାତା ହାରୁ ଲାକଟି ଇ ହାଡା ଆଡେ ନାନୁ ଏଞ୍ଜିଶାକି ଗାଞ୍ଜୁରମି କିହିମାକି ଅଡେ ଗାଞ୍ଜୁରମି କିକି ।

୨୯ ଇଞ୍ଜା ଏମ୍ବାଆଁ ଦାରି ନିଟାମାଟି ଲକୁ ବାରେ ଇ ହାଡା ଖେଞ୍ଜାନା ଏଲେଇରେରି, “ଇଡି ହାଗୁ ଗୁଣ୍ଡିମାନେ ।” ଅଡେ ଏଟକାତାରି ଏଲେଇରେରି, “ଲାକପୁରୁତି ଦୁଡୁ ଏଞ୍ଜିଶିତଲେ କାତା ଆହିମାନେ ।”

୩୦ ଜୀସୁ ଏଲେଇରେସି, “ଇ ହାଡା ନାଜେତାକି ଆହା ହିଲେଏ, ସାମା ଇ ହାଡା ମିଜେତାକି ଆହାମାନେ ।

\* ୧୨:୨୫ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

୩୧ ନୀର୍ଘ ଇ ଦାର୍ତ୍ତି ବିଚାରା କିନି ଦିନା; ନୀର୍ଘ ଇ ଦାର୍ତ୍ତିତି ସାଲୁକି କିନାଇ ଡଳ ମେଡ଼ପିଆନୁ ।

୩୨ ନାନୁ ଏତିବେଲା ଦାର୍ତ୍ତିତି ଲାକପୁରୁ ଅଢ଼ିଆଇଁ, ଏତିବେଲା ବାରେତି ନା ତାଣା ରେଜା ଅଇଁ ।”

୩୩ ଏଞ୍ଜାସି ଏନିକ୍ ହାହାଲି ହାଜିମାନେସି, ଏଞ୍ଜାସି ଇ କାତାତା ଏଲେଇଚେସି ।

୩୪ ଲକୁ ଏଞ୍ଜାଣାଇଁ ଏଲେଇଚେରି, “ମସିହା କାଲେଏ ଡୟିନେସି ଇଞ୍ଜି ମାମୁ ମସାତି ମେରାତା ଖେଞ୍ଜାମାନମି, ଆଡ଼ିହୁଁ ମାଣସି ମୀରଏସି ଲାକ ପେରୁଢ଼ି ଆନେସି ଇଞ୍ଜି ନାନୁ ଏନିକ୍ ଏଲେ ଇଞ୍ଜିମାଞ୍ଜି ? ଏ ମାଣସି ମୀରଏସି ଆମ୍ବାଆସି ?”

୩୫ ଜୀସୁ ଏଞ୍ଜାରାଇଁ ଏଲେଇଚେସି, “ଅଡ଼େ ଗାଡ଼େକା ତାକି ଉଜେଡ଼ି ମୀ ତାଣା ମାନେ । ଆନ୍ଦେରି ମିଙ୍ଗେ ଏନିକ୍ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଅସି ।

୩୬ ମୀରୁ ଏନିକ୍ ଉଜେଡ଼ିତି ମୀରକା ମାସ୍କା ଆଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ ।” ଜୀସୁ ଇ ବାରେ କାତା ଖେସାନା ହାଚେସି ଇଞ୍ଜା ଏଞ୍ଜାରି ତାଣାଟି ଡ଼ଗୁନା ଡ଼ୟିତେସି ।

**ଲକୁ ନାମାଆ ଗାଟାୟି**

୩୭ ଏଞ୍ଜାରି ନକିତା ଏଚେକା କାବାଆନି କାମାୟାଁ କିହାମାଚେସି, ଆଡ଼ିଜିକେଏ ଏଞ୍ଜାରି ଏଞ୍ଜାଣି ତାଣା ନାମା ହିଲାଆଚେରି,

୩୮ ଏନିକ୍ ମାହାପୁରୁ ଅଣପୁତି ବଲୁ ଖେହ୍ନି ଜିସାୟ ତାଣାଟି ରାଚାମାନି କାତା ପୁରା ଆନେ,

“ପ୍ରବୁ ମା ହାଡ଼ା ଖେଞ୍ଜାନା ଆମ୍ବାଆସି ନାମା ମାନେସି ? ଆମ୍ବାଆରି ତାଣା ପ୍ରବୁ ତାନି ବାଡ଼ୁୟୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି ଆଡ଼ିହିଲାଆଚେରି, ଇଞ୍ଜା ଜିସାୟ ଏଲେଇଞ୍ଜାମାଚେସି,

୪୦ ସାତେଏ ମାହାପୁରୁ ଏଞ୍ଜାରି କାଣକା କାଣା କିହାମାନେସି ।

ଏଦାଆଁତାକି ଏଞ୍ଜାରି ହିୟାତା ଏନାଆଁ ମେସାଲି ଆଡ଼ଅରି, ଇଞ୍ଜା ହିୟାତା ଏନାଆଁ ତେଲ୍‌ହାଲି ଆଡ଼ଅରି

ମାହାପୁରୁ ଏଲେଇଞ୍ଜି ମାନେସି,

“ନେହୁଁ ଆହାଲିତାକି ଏଞ୍ଜାରି ନା ତାଣା ଖେଣ୍ଡା ଖାହିହିଲଅରି ।”

୪୧ ଜିସାୟ ଜୀସୁ ଜୀସୁଟି ଗାଞ୍ଜୁରମି ମେସ୍ତେସି ଏଦାଆଁତାକି ଏଞ୍ଜାସି ଏଞ୍ଜାଣି କାତା ଖେସ୍ତେସି ।

୪୨ ଆଡ଼ିଜିକେଏ ଜୀହୁଦି ଲକୁତି କାଜାରି ହାରେକା ଏଞ୍ଜାଣି ତାଣା ନାମିଚେରି, ସାମା ଏଚେତା ଜୀହୁଦି କୁଲମିଟି ପେର୍‌ହାନେରି ଇଞ୍ଜି ପାରୁସିୟା ଆଜିତାକି ବାରେଜାଣା ଏ କାତାବାର୍ତ୍ତା ଆହି ହିଲାଆଚେରି,

୪୩ ଇଡ଼ିହୁଁ ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହାଁ ମାଣସିୟାଁ ତାଣାଟି ଗାଞ୍ଜୁରମି ଜୀସୁ ନହିମାଚେରି ।

**ମାଣସିୟାଁ ତାଣାଟି ଜୀସୁଟି କାତା ବିଚାରା କିନାୟି**

୪୪ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଙ୍ଗେ ପାଣ୍ଡାତାଣାଇଁ ନାମିନେସି;

୪୫ ଆମ୍ବାଆସି ନାଙ୍ଗେ ମେସ୍ତାନେସି, ଏଞ୍ଜାସି ନାଙ୍ଗେ ପାଣ୍ଡାତାଣାଇଁ ମେହ୍‌ନେସି ।

୪୬ ଆମ୍ବାଆସି ନା ତାଣା ନାମିନେସି, ଏଞ୍ଜାସି ଏନିକ୍ ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାର୍ତ୍ତିତା ଉଜେଡ଼ି ଆହାନା ଖାହାମାଇଁ ।

୪୭ ଆମ୍ବାଆସି ନା ବଲୁ ଖେଞ୍ଜାନା ମାନୁଢ଼ି ଆଅସି, ଆଡ଼ିହୁଁ ନାନୁ ଏଞ୍ଜାଣି ବିଚାରା କିଅଁ; ଇଡ଼ିହୁଁ ନାନୁ ଦାର୍ତ୍ତିତା ବିଚାରା କିହାଲି ଖାଆନା ଦାର୍ତ୍ତିତି ଗେଲ୍‌ପାଲି ଖାହାମାଇଁ ।

୪୮ ଆମ୍ବାଆସି ନାଙ୍ଗେ ଅପଅସି ଅଡ଼େ ନା ବଲୁଟି ଆବଅସି, ନାନୁ ଏମିନି ବଲୁ ଜଲ୍‌ମାମାଇଁ, ନା ଗୁଡ଼ିତି ବଲୁ ତାୟୁତି ଦିନାତା ଏଞ୍ଜାଣି ବିଚାରା କିନେ;

୪୯ ଇଡ଼ିହୁଁ ନାନୁ ନା ତାଣାଟି ଜଲ୍‌ମା ହିଲଅଁ, ସାମା ନାନୁ ଏନାଆଁ ଜଲିଇଁ ଅଡ଼େ ଏନାଆଁ ଖେକଇଁ, ଏଦାଆଁ ନାଙ୍ଗେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି

୫୦ ଇଞ୍ଜା ନାନୁ ପୁଞ୍ଜାମାଇଁ ତାନି ହୁକୁମି କାଲ୍‌କାଲ୍‌କାତି ଜୀସୁ ହାନେ । ନା ଆବା ନାଙ୍ଗେ ଏନାଆଁ ଜଲ୍‌ଲି ହୁକୁମି ହାହାମାଞ୍ଜାନେସି, ଖାରୁଇ ଏଲେକିହୁଁଏ ଖେହ୍‌ଇଁ ।”

**୧୩**

**ଜୀସୁ ସାସୁୟାଁ କତାୟାଁ ନର୍‌ନାୟି**

୧ ପିସ୍‌ପିଆନି ପାରୁଁ ନକେଏ ଜୀସୁ ଇ ଦାର୍ତ୍ତିତି ଆବା ତାଣା ହାନି କାରୁ ଆହାଲିଏ, ଦାର୍ତ୍ତିତା ମାନି ତାନି ଲକୁଣି ଏଞ୍ଜାସି ଜୀସୁ ନହିଁ ମାଚେସି, ଏଞ୍ଜାରାଇଁ ହାରେକା ଜୀସୁ ନନାଣି ତସାମାଚେସି ।

୨ ଜୀସୁ ତାନି ସୀସୁୟାଁ ତଲେ ଲାଆଁୟାଁ ତିନି ବେଲାତା ସୟତାନ ସିମନ ମୀରଏସି ଇସ୍‌ସାରିୟତ ଜୀହୁଦା ହିୟାତା ଜୀସୁଇଁ ସାଡ଼ୁ କେୟୁତା ହେର୍‌ପାଲି ଅଣପି କିହାମାଚେ ।

୩ ଏତିବେଲା ଆବା ତାନି କେୟୁତା ବାରେ ହେର୍‌ପା ମାନେସି ଅଡ଼େ ଏଞ୍ଜାସି ମାହାପୁରୁ ତାଣାଟି ଖାହାମାନେସି, ଅଡ଼େ ମାହାପୁରୁ ତାଣା ହାଜିମାନେସି,

୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଙ୍ଗାନା, ତାନି ହିମ୍‌ରି ଇଡ଼ିତେସି ଇଞ୍ଜା ର ତୁଞ୍ଜାଲା ତାନି ଚେତେଲିତା ରୁପା କଡ଼ିତେସି ।

୫ ତାୟୁ ଏଞ୍ଜାସି ମୁତାତା ଏୟୁ କଡ଼ିତେସି, ଅଡ଼େ ସୀସୁୟାଁତି କତାୟାଁ ନର୍‌ହାନା ତାନି ଚେତେଲିତା ମାନି ତୁଞ୍ଜାଲା ତଲେ କେଜାଲି ମାଟ୍‌ହେସି ।

୬ ଏତିବେଲା ଜୀସୁ ସିମନ ପିତର ଦାରିତା ଖାଡ଼େସି; ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ପ୍ରବୁ ନୀନୁ ନା କତାୟାଁ ନର୍‌ହି ମାଞ୍ଜାଦି ?”

୭ ଜୀସୁ ଏଞ୍ଜାଣାଙ୍କ ଏଲେଇରେସି, “ନାନୁ ଏନାଆଁ କିହିମାଙ୍କ ନୀନୁ ନୀଏଁ ଏଦାଆଁ ପୁଞ୍ଜାଲି ଆଡ଼ଅତି, ତାୟୁ ପୁଞ୍ଜି ।”

୮ ପିତର ଏଲେଇରେସି, “ଆଏ, ନା କଡାୟାଁ ଏରେଲାଞ୍ଜା ନରହଅତି ।” ସାମା ଜୀସୁ ଏଲେଇରେସି, “ନାନୁ ନୀ କଡାୟାଁ ନରହାଆଡିହିଁ ନୀନୁ ଅଡ଼େ ନା ସୀସୁ ଆୟାଲି ଆଡ଼ଅତି ।”

୯ ସିମନ ପିତର ଏଲେଇରେସି, “ପ୍ରବୁ, ଆଡିହିଁ କଡାୟାଁ ଏନାଆଁକି, ନା କେସ୍ତା ଅଡ଼େ ତାୟୁଁ ଜିକେଏ ନରହାମୁ ।”

୧୦ ଜୀସୁ ଏଞ୍ଜାଣାଙ୍କ ଏଲେଇରେସି, “ଆମ୍ବାଆସି ଏୟୁ ମାହାମାନେସି, ଏଞ୍ଜାଣି କଡାୟାଁ ନରନି କିହାଁ ଏନାୟି ଲଡ଼ା ହିଲେଏ, ମୀରୁ ଅଡ଼ଞ୍ଜି ଆହାମାଞ୍ଜେରି; ସାମା ବାରେଜାଣା ଆଏ ।”

୧୧ ଇଡିହିଁ ଆମ୍ବାଆସି ଏଞ୍ଜାଣାଙ୍କ ସାତୁୟାଁ କେୟୁତା ହେରପିନେସି ଜୀସୁ ତଲିଏ ଏଞ୍ଜାଣାଙ୍କ ପୁଞ୍ଜାମାରେସି; ଏଦାଆଁତାକି ଏଞ୍ଜାସି ଏଲେଇରେସି, “ମୀରୁ ବାରେଜାଣା ଅଡ଼ଞ୍ଜି ଆହାହିଲଅରି ।”

୧୨ \*ତାୟୁ ଜୀସୁ ଏଞ୍ଜାରି କଡାୟାଁ ନରହାନା ତାନି ହିମ୍ବରି ପରହାନା ଖେଶ୍ଟେ ତିଞ୍ଜାଲି କୁଗିତେସି ଇଞ୍ଜା ଖେରେସି, “ନାନୁ ମିଙ୍ଗେ ତାକି ଏନାଆଁ କିହାମାଙ୍କ ମୀରୁ ପୁଞ୍ଜାଲି ଆଡ଼ିତେରି କି ?

୧୩ ମୀରୁ ନାଙ୍ଗେ ଗୁରୁ ଇଞ୍ଜାଁ ହାଡ଼ିମାଞ୍ଜାଦେରି, ଏଡ଼ି ସାତା; ଇଡିହିଁ ନାନୁ ଏଞ୍ଜାଡେଏଁ ।

୧୪ ମୀ ଗୁରୁ ଅଡ଼େ ପ୍ରବୁଡେଏଁ ନାନୁ, ନାନୁ ମୀ କଡାୟାଁ ନରହାମାଞ୍ଜାଲ ଆଡିହିଁ ମୀରୁ ଜିକେଏ ରଅତେରି ରଅଣି କଡାୟାଁ ନରନାୟି ମାନେ ।

୧୫ ଇଡିହିଁ ନାନୁ ମିଙ୍ଗେତାକି ଏନିକଁ କିହାମାଙ୍କ ମୀରୁ ଜିକେଏ ଏଲେକିହିଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଙ୍କ ।

୧୬ \*ସାତା ସାତା ନାନୁ ମିଙ୍ଗେ ଖେସିମାଞ୍ଜାଙ୍କ, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡ଼େ ପାଣୁଞ୍ଜି ଆଡ଼ାସି ତାନି ପାଣ୍ଡିତାଣା କିହାଁ କାଜାସି ଆଏ ।

୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଡିହିଁ ମୀରୁ ନେହାଁତେରି ।”

୧୮ “ନାନୁ ମୀ କାତା ଖେସିହିଲଅଁ; ଏନିଲେହେଁତି ଲକୁଣି ନାନୁ ଆଡ଼ାମାଙ୍କ, ଏ କାତା ନାନୁ ପୁଞ୍ଜାମାଙ୍କ; ସାମା ଦାମ୍ବୁ ପଡିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ଆମ୍ବାଆସି ନା କାଡ଼ି ତିନେସି ଏଞ୍ଜାସି ନା କପାଟି ନିଙ୍ଗିତେସି ।”

୧୯ ଏଡ଼ି ଗଟଞ୍ଜି ଆନାଟି ନାନୁ ଏଞ୍ଜାଡେଏଁ ଇଞ୍ଜାଁ ମୀରୁ ନାମିଦେରି, ଏଦାଆଁତାକି ଗଟଞ୍ଜି ଆନି ନକେଏ ନାନୁ ମିଙ୍ଗେ ଖେସିମାଞ୍ଜାଙ୍କ ।

୨୦ \*ସାତା ସାତା ନାନୁ ମିଙ୍ଗେ ଖେସିମାଞ୍ଜାଙ୍କ, ଆମ୍ବାଆସି ନା ତାଣାଟି ପାଣୁଞ୍ଜି ଆଡ଼ାଣାଙ୍କ ଆବିନେସି, ଏଞ୍ଜାସି ନାଙ୍ଗେ

ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡାତାଣାଙ୍କ ଆବିନେସି ।”

ସାତୁୟାଁ କେୟୁତା ହେରପିନି କାତା ଖେହ୍ନାୟି

(ମାତି ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀସୁ ଇ ବାରେ କାତା ଖେସି ତାୟୁ ଜୀଞ୍ଜୁତା ହାଡ଼େକା ଦୁକୁ ଆହାନା ବାରେତି ନକିତା ଖେକହେସି, “ନାନୁ ମିଙ୍ଗେ ସାତା ଖେସିମାଞ୍ଜାଙ୍କ ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେରପାନେସି ।”

୨୨ ଏଞ୍ଜାସି ଆମ୍ବାଆରି କାତା ଏଲେଇରେସି, ପୁନାଆନା କାବାଆହାନା ସୀସୁୟାଁ ତାମ୍ବୁତାମ୍ବୁ ସିନିକିଞ୍ଜି ଆଡେରି ।

୨୩ ଏଞ୍ଜାରି ବିତ୍ରାଟି ଏମନି ସୀସୁଙ୍କ ଜୀସୁ ହାଡ଼େକା ଜୀଞ୍ଜୁ ନହଁମାରେସି, ଏଞ୍ଜାସି ଜୀସୁତି ଚିଝନିଞ୍ଜାକି କୁଗାନା ତିଞ୍ଜିମାରେସି ।

୨୪ ସିମନ ପିତର ଏଞ୍ଜାଣାଙ୍କ କେୟୁତଲେ ଏଲେଇରେସି, “ଏଞ୍ଜାସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ ।”

୨୫ ଏ ସୀସୁ ଅଡ଼େ ତାଗେ ଆହାନା ଜୀସୁଙ୍କ ଖେରେସି, “ଏଞ୍ଜାସି ଆମ୍ବାଆସି ପ୍ରବୁ ।”

୨୬ ଜୀସୁ ଏଲେଇରେସି, “ଇ ରୁଟି ଗିନାତା କୁଡି କିହାନା ହାଁ ଏଞ୍ଜାସି ।” ଏଲେଇଞ୍ଜାନା ଜୀସୁ ରୁଟି ଗିନାତା କୁଡି କିହାନା ସିମନ ମୀରଏସି ଇସ୍ତାରିୟତ ଜୀହୁଦାକି ହାତେସି ।

୨୭ ରୁଟି ରାସାଲିଏ ସୟତାନା ଏଞ୍ଜାଣି ହିୟାତା ହଟେ । ଏଚେଟିଏ ଜୀସୁ ଏଲେଇରେସି, “ଏନାଆଁ କିନାୟିମାନେ ତବେ କିମୁ ।”

୨୮ ଜୀସୁ ଏଞ୍ଜାଣାଙ୍କ ଇ କାତା ଏନାଆଁତାକି ଏଲେଇରେସି ଏଡ଼କାତାରି ଆମ୍ବାଆରି ପୁଞ୍ଜାଲି ଆଡ଼ାଆଡେରି ।

୨୯ ଜୀହୁଦା କେୟୁତା ଟାକାୟାଁ ମଣା ମାତାକି, ପାର୍ବୁତାକି ଏନା ଏନାଆଁ ଲଡ଼ାମାନେ, ଏଦାଆଁ କଡାଲି ଆଆଡ଼ କାକୁଲି ଗାଟାରାକି ହାହାଲିତାକି ଜୀସୁ ଏଞ୍ଜାଣାଙ୍କ ଏଲେଇରେସି ଇଞ୍ଜାଁ ଆମ୍ବା ଆମ୍ବାଆରି ଅଣ୍ଡପିତେରି ।

୩୦ ରୁଟି ତିଞ୍ଜାନା ଜୀହୁଦା ଏ ଦେବୁଣିଏ ପାଙ୍ଗାତା ହାଚେସି, ଏଚେତା ଲାଆଁୟାଁ ଆହାମାଚେ ।

ପୁଞ୍ଜନି ମେରା

୩୧ ଜୀହୁଦା ପାଙ୍ଗାତା ହାଜାଲିଏ ଜୀସୁ ଏଲେଇରେସି, “ନୀଏଁ ମାଣ୍ଡସି ମୀରଏସି ଗାଞ୍ଜୁରମି ଆନି ବେଲା ଖାହାମାନେ; ଅଡ଼େ ତାନିତାଣାଟି ମାହାପୁରୁ ଗାଞ୍ଜୁରମି ଆନେସି ।

୩୨ ମାହାପୁରୁ ମାଣ୍ଡସି ମୀରଏଣା ତାଣାଟି ଗାଞ୍ଜୁରମି ଆଡିହିଁ, ମାହାପୁରୁ ତାନୁଏ ଗାଞ୍ଜୁରମିଟି ମାଣ୍ଡସି ମୀରଏଣାଙ୍କ ଗାଞ୍ଜୁରମି କିନେସି । ତବେ ଏଞ୍ଜାଣାଙ୍କ ଗାଞ୍ଜୁରମି କିହାଲି ହାଜିମାନେସି ।

☆ ୧୩:୧୨ ଲୁକ ୨୨:୨୭ ☆ ୧୩:୧୭ ମାତି ୧୦:୨୪; ଲୁକ ୭:୪୦; ଜହ ୧୫:୨୦ ☆ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭ ☆ ୧୩:୩୩ ଜହ ୭:୩୪

୩୩ ✨କକାତେରି ନାନୁ ଅଡ଼େ ଗାଡ଼ି ଦିନା ଡ଼ୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅତେରି, ଇ କାତା ଜୀହୁଦି ଲକ୍ଷୁଡ଼ି କାଜାରାଇଁ ଏଲେଇଞ୍ଜା ମାଚେଏଁ ଏଲେକିହିଁ ମିଙ୍ଗେ ଜିକେଏ ଖେସିମାଞ୍ଜାଇଁ ।

୩୪ ✨ମୀରୁ ରଅତେରି ରଅଣାଇଁ ଜୀହୁନଦୁ, ଇ ପୁଃନି ମେରା ମିଙ୍ଗେ ହୀହିମାଞ୍ଜାଇଁ; ନାନୁ ଏନିକିଁ ମିଙ୍ଗେ ଜୀହୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହିଁ ଏ ରଅତେରି ରଅଣାଇଁ ଜୀହୁନଦୁ ।

୩୫ ମୀ ତାଣା ରଅସି ରଅଣାଇଁ ଜୀହୁନନାୟି ମାନେ, ଆଡ଼ିହିଁ ମୀରୁ ନା ସାସୁୟାତେରି, ଇ କାତା ବାରେଜାଣା ପୁନେସି ।”

**ପିତର ପୁଞ୍ଜାହିଲଅଁ ଇନି କାତା ତଲିଏ ଖେହନାୟି**

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଞ୍ଜାଣାଇଁ ଖେଚେସି, “ପ୍ରବୁ ନାନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇଚେସି, “ନାନୁ ଆମ୍ବିୟା ହାଜିମାଲ୍, ନାନୁ ନୀଏଁ ନା ଜେଚ ଜେଚ ହାଜାଲି ଆଡ଼ଅତି, ସାମା ତାୟୁ ହାଜି ।”

୩୭ ପିତର ଏଞ୍ଜାଣାଇଁ ଏଲେଇଚେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି ଆଡ଼ଅଁ ? ନାନୁ ନୀ ତାକି ନା ଜୀହୁ ଜିକେଏ ହୀଇଁ ।”

୩୮ ଜୀସୁ ଏଲେଇଚେସି, “ଏନାଆଁ ନାନୁ ନା ତାକି ନୀ ଜୀହୁ ହୀଦି ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, କୟୁ କେଣିଆ ନକେଏ ନାନୁ ନାଙ୍ଗେ ତୀନିପାଲି ପୁଞ୍ଜାହିଲଅଁ ଇଞ୍ଜିଁ ଇଞ୍ଜାଦି ।”

**୧୪**

**ଜୀସୁ ଜିରୁ, ସାତା ଅଡ଼େ ଜୀହୁ**

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ ।

୨ ନା ଆବାତି ଇଜ ହାରେକା ବାସାଗାୟୁ ମାନେ; ବାସାଗାୟୁ ହିଲାଆଡ଼ିହିଁ ମା ନାନୁ ମିଙ୍ଗେ ଖେସ୍ତାଆତେଏଁମା, ନାନୁ ମିଙ୍ଗେତାକି ଟାୟୁ ତିୟାରା କିହାଲି ହାଜିମାଲ୍;

୩ ଅଡ଼େ ନାନୁ ହାଜାନା ମିଙ୍ଗେତାକି ଟାୟୁ କେପିତି ତାୟୁ, ଖେଣ୍ଡେ ଖାଇଁ, ଅଡ଼େ ନାନୁ ଆମ୍ବିୟା ମାଲ୍, ମୀରୁ ଜିକେଏ ଏନିକିଁ ଏ ଟାୟୁତା ଡ଼ୟଦେରି, ଏଦାଆଁତାକି ମିଙ୍ଗେ ଏ ଟାୟୁତା ଅହିଁ ହାଜାଇଁ ।

୪ ନାନୁ ଆମ୍ବିୟା ହାଜିମାଲ୍ ଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇଚେସି, “ପ୍ରବୁ, ନାନୁ ଆମ୍ବିୟା ହାଜିମାଞ୍ଜି, ମାମ୍ବୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁଡ଼ି ଏନିକିଁ ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡ଼େ ଜୀହୁଚେଏ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି ।

୭ ମୀରୁ ନାଙ୍ଗେ ପୁଞ୍ଜାତିହିଁମା, ନା ଆବାଇଁ ଜିକେଏ ପୁଚେରିମା; ନୀଏଁ ଜିକେଏ ଏଞ୍ଜାଣାଇଁ ପୁଞ୍ଜାମାଞ୍ଜେରି ଅଡ଼େ ଏଞ୍ଜାଣାଇଁ ମେସାମାଞ୍ଜେରି ।”

୮ ପିଲିପ ଏଞ୍ଜାଣାଇଁ ଏଲେଇଚେସି, “ପ୍ରବୁ, ମାଙ୍ଗେ ଆବାଇଁ ତସ୍ତାମ୍ବୁ, ଏଚେକେଏ ମାଙ୍ଗେତାକି ସାରି ।”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ଡ଼ୟାମାଲ୍, ମୀରୁ ଏନାଆଁ ନାଙ୍ଗେ ପୁଞ୍ଜାଆତେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଙ୍ଗେ ଆବାଇଁ ତସ୍ତାମ୍ବୁ ଇଞ୍ଜିଁ ଏନିକିଁ ଏଲେ ଇଞ୍ଜିମାଞ୍ଜି ?

୧୦ ନାନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନାନୁ ମିଙ୍ଗେ ଏମିନି କାତା ଖେସିମାଞ୍ଜାଇଁ, ଏ ବାରେ ନା ତାଣାଟି ଖେସିମାଞ୍ଜଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି ।

୧୧ ନାନୁ ଆବା ତାଣା ମାଲ୍ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆଡ଼ିଁ କାମାତି ମେସାନା ନାମାଦୁ ।

୧୨ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଲ୍, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହିଁ ହାରେକା କାଜା କାମା କିନେସି, ଇଚିହିଁ ନାନୁ ଆବା ତାଣା ହାଜିମାଲ୍ ।

୧୩ ଆବା ଏନିକିଁ ମୀରୁଏଣା ତାଣା ଗାହୁରମି ଆନେସି, ଏଦାଆଁତାକି ମୀରୁ ନା ଦରୁଟି ଏନାଆଁ ରୀହୁଦେରି, ଏ ବାରେ ନାନୁ ହିୟାଇଁ ।

୧୪ ମୀରୁ ନା ଦରୁଟି ଏନାଆଁ ନାଙ୍ଗେ ରୀସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଇଁ ।”

**ସୁଦୁଜୀହୁଡ଼ି ହୀହାଲି ଆଞ୍ଜିନାୟି**

୧୫ “ମୀରୁ ନାଙ୍ଗେ ଜୀହୁନହିଁ ମାଞ୍ଜାଦେରି, ଆଡ଼ିହିଁ ନା ହୁକୁମି ମାନୁଞ୍ଜି ଆଦୁ ।

୧୬ ଅଡ଼େ ନାନୁ ନା ଆବାଇଁ ବାଡ଼ିମାଲିଲ୍, ଅଡ଼େ ମୀ ତଲେ କାଲେଏ ଡ଼ୟାଲି ତାକି ଏଞ୍ଜାସି ମିଙ୍ଗେ ଅଡ଼େ ର ସାୟେମି କିନାଣାଇଁ,

୧୭ ଇଚିହିଁ ଏ ସାତା ଜୀହୁଡ଼ି ହିୟାନେସି । ଦାର୍ଡି ଏଦାଣି ଆବାଲି ଆଡ଼େଏ, ଇଚିହିଁ ଦାର୍ଡି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହିଁ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାତା ଡ଼ୟନେ ।”

୧୮ “ନାନୁ ମିଙ୍ଗେ କାର୍ମା କିହା ହାଜଅଁ, ନାନୁ ମୀ ତାଣା ଖେଣ୍ଡା ଖାଇଁ ।

୧୯ ଗାଡ଼େକା ଜେଚ ଦାର୍ଡି ଅଡ଼େ ନାଙ୍ଗେ ମେସାଲି ଆଡ଼େଏ; ସାମା ମୀରୁ ନାଙ୍ଗେ ମେସାଦେରି, ଇଚିହିଁ ନାନୁ ନୀତାମାଲ୍, ଅଡ଼େ ମୀରୁ ଜିକେଏ ନୀତାନା ଡ଼ୟଦେରି ।

✨ **୧୩:୩୪** ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫



୨୦ ନାନୁ ନା ଆବା ତାଣା ଅଡେ ମୀରୁ ନା ତାଣା ଅଡେ ନାନୁ ମୀ ତାଣା ଡୟିଲ୍, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଞ୍ଜାସି ନାଞ୍ଜେ ଜୀଞ୍ଜୁ ନୟାନେସି, ଅଡେ ଆମ୍ବାଆସି ନାଞ୍ଜେ ଜୀଞ୍ଜୁ ନୟାନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡେ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡେ ଏଞ୍ଜାଣି ତାଣା ତସାକତିଲ୍ ।”

୨୨ ଜୀହୁଦା\* ଏଞ୍ଜାଣାଇଁ ଏଲେଇଚେସି, “ଏ ପ୍ରବୁ, ଏନାଆଁ ଆଡେ, ନାନୁ ଦାରତିତା ନିଞ୍ଜେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଞ୍ଜେ ଜୀଞ୍ଜୁ ନୟାନେସି ଆତିହ୍ ଏଞ୍ଜାସି ନା ବଲୁତି ମାନଞ୍ଜି ଆନେସି, ଅଡେ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡେ ନାନୁ ଏଞ୍ଜାଣି ତାଣା ଖାହାନା ଏଞ୍ଜାଣିତଲେ ବାସା କିଲ୍ ।

୨୪ ଆମ୍ବାଆସି ନାଞ୍ଜେ ଜୀଞ୍ଜୁ ନୟାଅସି, ଏଞ୍ଜାସି ନା ବଲୁତି ମାନଞ୍ଜି ଆଅସି, ଅଡେ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଞ୍ଜେ ପାଣ୍ଡାମାଞ୍ଜାନି ଆବା ମାହାପୁରୁଞ୍ଜାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଞ୍ଜେ ଇ କାତା ଖେସ୍ତାତେର୍ସି ।

୨୬ ସାମା ଏ ସାୟେମି କିନାୟି, ଇଚିହ୍ ଏମିନି ସୁଦୁଜୀଞ୍ଜୁ ଆବା ନା ଦରୁଚି ହିୟାନେସି, ଏଦି ମିଞ୍ଜେ ବାରେ ଜାପୁହାନେ, ଅଡେ ନାନୁ ମିଞ୍ଜେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଞ୍ଜେ ଅଣପି କିୟାନେ ।”

୨୭ “ନାନୁ ମିଞ୍ଜେ ହିଡ଼ଡ଼ି ହାହାନା ହାଜିମାଇଁ, ନା ହିଡ଼ଡ଼ି ମିଞ୍ଜେ ଦାନା କିହିମାଞ୍ଜାଇଁ; ଦାରତି ଏନିକ୍ ଦାନା କିନେ ନାନୁ ମିଞ୍ଜେ ଏଲେକ୍ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡେ ଆଜି ଗାଟାୟି ଆଆପେ ।

୨୮ ନାନୁ ହାଜିମାଇଁ ଅଡେ ମୀ ତାଣା ଖେଶ୍ତା ଖାଇଁ, ଇ ନା କାତା ଖେଞ୍ଜାମାଞ୍ଜେରି । ମୀରୁ ନାଞ୍ଜେ ଜୀଞ୍ଜୁ ନୟାତିହ୍ ମା, ନାନୁ ନା ଆବା ତାଣା ହାଜିମାଇଁ ଇଞ୍ଜି ରାହାଁ କିତେରିମା, ଇଚିହ୍ ଆବା ନା କିହାଁ କାଜାସି ।

୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଞ୍ଜେ ଖେସ୍ତାତେର୍ସି । ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଞ୍ଜେ ନାମାଦେରି ।

୩୦ ନାନୁ ମୀ ତଲେ ହାରେକା କାତା ଆୟଅଁ, ଇଚିହ୍ ଦାରତିତି ସାଲଞ୍ଜି କିନାୟି ଖାହିମାନେ; ଅଡେ ନା ତାଣା ତାନିଞ୍ଜାୟି ଏନାୟି ହିଲେଏ;

୩୧ ସାମା ଆବା ନାଞ୍ଜେ ଏନିକ୍ ହୁକୁମି ହାହାମାଞ୍ଜାନେସି, ଏଲେକିହ୍ ନାନୁ କାମା କିଲ୍ । ଆତିହ୍ ନାନୁ ଆବାଇଁ ଜୀଞ୍ଜୁ ନହ୍ ମାଇଁ ଇଞ୍ଜି ଦାରତି ପୁନେ ।”

“ଖାଦୁ ମାର, ଇମ୍ବାଟି ହାନ ।”

### ୧୫

#### ଜୀସୁ ସାତା ଅଞ୍ଜୁରି ମାଡ଼ା

୧ “ନାନୁ ସାତା ଅଞ୍ଜୁରି ମାଡ଼ା, ଅଡେ ନା ଆବା କାମାକିନାସି ।

୨ ନା ତାଣା ମାନି ଏମିନି କମା ପାଡେୟି ଆୟେଏ, ଏଦାନି ଏଞ୍ଜାସି ଚୁଣ୍ଡାତୁହନେସି; ଅଡେ ଏମିନି କମା ପାଡେୟି ଆୟିନେ, ଗାଡ଼ି ପାଡେୟି ଆୟାଲି ତାକି ଜାଡ଼ୁ କିନେସି ।

୩ ନାନୁ ମିଞ୍ଜେ ଏମିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡ଼ୁ ଆହାମାଞ୍ଜେରି ।

୪ ନା ତାଣା ଡୟାଦୁ ଆତିହ୍ ନାନୁ ମୀ ତାଣା ଡୟିଲ୍ । କମା ଏନିକ୍ ଅଞ୍ଜୁରି ମାଡ଼ାତା ଡୟାଆସାରେ ତାନିତାଣାଟି ପାଡେୟି ଆୟାଲି ଆଡେଏ, ଏଲେକିହ୍ ଏ ମୀରୁ ଜିକେଏ ନା ତାଣା ଡୟାଆସାରେ ପାଡେୟି ଆୟାଲି ଆଡ଼ଅତେରି ।”

୫ “ନାନୁ ଅଞ୍ଜୁରି ମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ଡୟିନେସି ଅଡେ ନାନୁ ଆମ୍ବାଆସି ତାଣା ଡୟିଲ୍, ଏଞ୍ଜାସି ହାରେକା ପାଡେୟି ଆୟିନେସି; ଇଚିହ୍ ନା ପିସପେ ମୀରୁ ଏନାଆଁ କିହାଲି ଆଡ଼ଅତେରି ।

୬ ଆମ୍ବାଆସି ନା ତାଣା ଡୟଅସି, ଆତିହ୍ ଏଞ୍ଜାସି କମା ଲେହେ ପାଞ୍ଜାତା ମେଡ଼ପି ଆନେସି ଅଡେ ଖାୟା ହାନେସି, ଇଞ୍ଜା ଲକୁ ଏଞ୍ଜାଆଁ କୃଡ଼ି କିହାନା ହିରୁତା ମେଡ଼ନେରି ଅଡେ ଏଞ୍ଜି ବାରେ ଖେହାହାନୁ ।

୭ ମୀରୁ ନା ତାଣା ଡୟିଦେରି, ଅଡେ ନା ବଲୁ ମୀ ତାଣା ଡୟିନେ, ଆତିହ୍ ମୀରୁ ଏନାଆଁ ମନ କିଦେରି, ଏଦାଆଁ ରୀହଦୁ, ଆତିହ୍ ଏଦି ମିଞ୍ଜେତାକି କିଞ୍ଜିଆନେ ।

୮ ମୀରୁ ହାରେକା ପାଡେୟି ଆୟିସାରେ ନା ଆବା ଗାଞ୍ଜୁରମି ଆନେସି, ଅଡେ ମୀରୁ ନା ସାତା ସୀସୁ ଆଦେରି ।

୯ ଏନିକ୍ ଆବା ନାଞ୍ଜେ ଜୀଞ୍ଜୁ ନହାଁମାଞ୍ଜାନେସି, ନାନୁ ଜିକେଏ ଏଲେକିହ୍ ଏ ମିଞ୍ଜେ ଜୀଞ୍ଜୁନହାଁମାଞ୍ଜାଇଁ; ନା ଜୀଞ୍ଜୁ ନଞ୍ଜୁତା ତୀରିଆହାନା ଡୟାଦୁ ।

୧୦ ନାନୁ ଏନିକ୍ ନା ଆବାତି ହୁକୁମି ମାନଞ୍ଜି ଆହାନା ତାନି ଜୀଞ୍ଜୁ ନଞ୍ଜୁତା ତୀରିଆହାନା ଡୟିମାଇଁ, ଏଲେକିହ୍ ଏ ମୀରୁ ଜିକେଏ ନା କାତା ମାନଞ୍ଜି ଆଦେରି, ଆତିହ୍ ନା ଜୀଞ୍ଜୁ ନଞ୍ଜୁତା ତୀରିଆହାନା ଡୟିଦେରି ।”

୧୧ “ଏନିକ୍ ନା ରାହାଁ ମୀ ତାଣା ଡୟିନେ, ଅଡେ ମୀ ରାହାଁ ଏନିକ୍ ପୁରାଆନେ, ଏଦାଆଁତାକି ଇ ବାରେ ମିଞ୍ଜେ ଖେସ୍ତାତେର୍ସି ।

୧୨ ନାନୁ ଏନିକ୍ ମିଞ୍ଜେ ଜୀଞ୍ଜୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହ୍ ଏ ରଅତେରି ରଅଣାଇଁ ଜୀଞ୍ଜୁନଦୁ, ଇଦି ନା ହୁକୁମି ।

୧୩ ଜାହାରା ତଣେସିଞ୍ଜା ତାକି ଜୀଞ୍ଜୁହୀନି କିହାଁ ଅଡେ କାଜା ଜୀଞ୍ଜୁନନାୟି ହିଲେଏ ।

୧୪ ନାନୁ ମିଞ୍ଜେ ଆମିନି ହୁକୁମି ହାହାମାଞ୍ଜାଇଁ, ଏଦାଆଁ ମୀରୁ ମାନଞ୍ଜି ଆଦେରି ଆତିହ୍ ମୀରୁ ନା ତଣେସିଞ୍ଜା ।

୧୫ ନାନୁ ମିଞ୍ଜେ ଅଡେ ହଲେଏସି ଇଞ୍ଜି ମାଞ୍ଜଅଁ, ଇଚିହ୍ ସାଞ୍ଜୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଞ୍ଜେ ତଣେ ଇଞ୍ଜିମାଞ୍ଜାଇଁ, ଇଚିହ୍

\* ୧୪:୨୨ ଇସ୍ପାରିୟତ ଜାହୁଦା ଆଏ ☆ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫

ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜାମାଲ୍, ଏ ବାରେ ମିଙ୍ଗେ ଖେସାମାଞ୍ଜାଲ୍ ।

୧୭ ମୀରୁ ନାଙ୍ଗେ ଆଡ଼ା ମାଞ୍ଜଅତେରି, ସାମା ନାନୁ ମିଙ୍ଗେ ଆଡ଼ାମାଞ୍ଜାଲ୍, ଅଡ଼େ ମୀରୁ ଏନିକ୍ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତୀରିଆହାନା ଡ଼ୟିନେ, ଏଦାଆଁତାକି ମିଙ୍ଗେ ଆଡ଼ାମାଞ୍ଜାଲ୍ । ଏତେଟିଏ ମୀରୁ ନା ଦରୁତଲେ ଆବାଲ୍ ଏନାଆଁ ରୀହ୍‌ଦେରି ଏଞ୍ଜାସି ମିଙ୍ଗେ ହିୟାନେସି ।

୧୮ ମୀରୁ ଏନିକ୍ ରଅତେରି ରଅଣାଲ୍ ଜୀଞ୍ଜୁ ନଡ଼େରି, ଏଦାଆଁତାକି ନାନୁ ଇ ବାରେ ହୁକୁମି ହାହିମାଞ୍ଜାଲ୍ ।”

**ଦାର୍ତ୍ତିତି ଅପାଆଗାଗାୟି**

୧୯ “ଦାର୍ତ୍ତି ମିଙ୍ଗେ ଅପେଏ, ଆଡ଼ିହ୍ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ ।

୨୦ ମୀରୁ ଦାର୍ତ୍ତିତାତେରି ଆହାମାଟିହ୍ ମା, ଦାର୍ତ୍ତି ମିଙ୍ଗେ ନା ଲକୁ ଇଞ୍ଜି ପୁଞ୍ଜାନା ଜୀଞ୍ଜୁ ନୟାତେମା; ମୀରୁ ଦାର୍ତ୍ତିତି ଖାହା ହିଲଅତେରି, ସାମା ନାନୁ ମିଙ୍ଗେ ଦାର୍ତ୍ତିତି ଆଡ଼ାମାଞ୍ଜାଲ୍, ଏଦାଆଁତାକି ଦାର୍ତ୍ତି ମିଙ୍ଗେ ଅପେଏ ।

୨୧ \*ହଲେଏସି ସାଞ୍ଜୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଲ୍, ଏଦାଆଁ ଅଣ୍ଡପାଦୁ । ଏଞ୍ଜାରି ନାଙ୍ଗେ ସାସ୍ତି ହାହାମାଞ୍ଜାନେରି, ଆଡ଼ିହ୍ ମିଙ୍ଗେ ଜିକେଏ ସାସ୍ତି ହିୟାନେରି; ଅଡ଼େ ଏଞ୍ଜାରି ନା ବଲୁତି ମାନଞ୍ଜି ଆହାମାନେରି, ଆଡ଼ିହ୍ ମୀ ବଲୁ ଜିକେଏ ମାନଞ୍ଜି ଆନେରି ।

୨୨ ସାମା ଏଞ୍ଜାରି ନାଙ୍ଗେ ପାଣ୍ଡାତାଣାଲ୍ ପୁଞ୍ଜାହିଲାଆକି, ନା ଦରୁ ତାକି ମିଙ୍ଗେ ଇ ବାରେ ଆନେ ।

୨୩ ନାନୁ ଖାହାନା ଏଞ୍ଜାରାଲ୍ ଖେହ୍‌ଆଡ଼ିହ୍, ଏଞ୍ଜାରି ପାପୁ ଗାଟାରି ଆଆତେରିମା; ସାମା ନୀର୍ବି ଇ ପାପୁ ତାକି ଏନି ମିତି କାତା ଖେସାଲି ଆଡ଼ଅରି

୨୪ ଆମ୍ବାଆସି ନାଙ୍ଗେ ଅପଅସି, ଏଞ୍ଜାସି ନା ଆବାଲ୍ ଜିକେଏ ଅପଅସି ।

୨୫ ନାନୁ ଏଞ୍ଜାରିତାଣା ଏନି କାବାଆନ୍ତି କାମା କିହାହିଲାଆତ, ଏଞ୍ଜାରି ପାପୁ ଗାଟାରି ଇଞ୍ଜି ଏଜିକିଞ୍ଜି ଆଆତେରିମା । ସାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଙ୍ଗେ ଅଡ଼େ ନା ଆବାଲ୍ ଅପାହିଲଅରି ।

୨୬ ସାମା ଏଞ୍ଜାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା ରାସ୍ତିକି ଆହାମାନାୟି ଏନିକ୍ ପୂରା ଆନେ ଇଦାଆଁତାକି ଇ ବାରେ ଆହିମାନେ ।”

୨୭ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି ପାଣ୍ଡାଲ୍, ଆବା ତାଣାଟି ଖାନ୍ତି ଏ ସାତା ଜୀଞ୍ଜୁ ଖାଡ଼ିହ୍ ନା କାତା ସାକି ହିୟାନେ;

୨୮ ମୀରୁ ଜିକେଏ ନା କାତାତାକି ସାକି ହାଦେରି, ଇଡ଼ିହ୍ ମୂଲୁଟିଏ ମୀରୁ ବାରେ ନା ତଲେ ମାଚେରି ।”

**୧୭**

୧ “ମୀ ନାମୁତି ଏନିକ୍ ପିହ୍‌ଅତେରି, ଇଦାଆଁତାକି ଇ ବାରେ କାତା ଖେସାମାଞ୍ଜାଲ୍ ।

\* ୧୫:୨୦ ମାତି ୧୦:୨୪; ଲୁକ ୬:୪୦; ଜହ ୧୩:୧୭

୨ ଏଞ୍ଜାରି ମିଙ୍ଗେ କୁଲମଟି ହପ୍‌ହାନେରି, ଇଲେଡି ଦିନା ଖାହିମାନେ, ଏଡ଼େତା ଆମ୍ବାଆସି ମିଙ୍ଗେ ପାୟାନେସି, ଏଞ୍ଜାସି ମାହାପୁରୁ ତାକି ଜହରାଡି ପୂଜା କିହିମାଲ୍ ଇଞ୍ଜି ଅଣ୍ଡିନେସି ।

୩ ଲକୁ ଇ ବାରେ କିୟାନେରି, ଇଡ଼ିହ୍ ଏଞ୍ଜାରି ଆବା ଆଆତ ନାଙ୍ଗେ ପୁଞ୍ଜାମାଞ୍ଜଅରି ।

୪ ଇ ବାରେ ଗଟଞ୍ଜି ଆଡ଼ିସାରେ, ନାନୁ ମିଙ୍ଗେ ଖେସାମାଞ୍ଜାତେଏ ଇ କାତା ମୀରୁ ଏନିକ୍ ଅଣ୍ଡିଦେରି, ଇଦାଆଁତାକି ଇ ବାରେ କାତା ମିଙ୍ଗେ ଖେସାମାଞ୍ଜାଲ୍ । ନାନୁ ମୀ ତଲେ ମାଚାକି ମୂଲୁଟିଏ ଇ ବାରେ କାତା ମିଙ୍ଗେ ଖେସାମାଞ୍ଜଅଁ ।”

**ସୁଦୁଜୀଞ୍ଜୁତି କାମା**

୫ “ସାମା ନାନୁ ନୀର୍ବି ନା ପାଣ୍ଡାତାଣା ତାଣା ହାଜିମାଲ୍, ଅଡ଼େ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜି ମୀ ବିତ୍ରାଡି ଆମ୍ବାଆତେରି ନାଙ୍ଗେ ଖେଞ୍ଜି ମାଞ୍ଜଅତେରି ।

୬ ସାମା ନାନୁ ଇ ବାରେ କାତା ଖେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ ।

୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଲ୍, ନାନୁ ହାନାୟି ମିଙ୍ଗେତାକି ନେହେଁ, ଇଡ଼ିହ୍ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ଖାଏ, ସାମା ନାନୁ ହାଡିସାରେ ଏଦାଣି ମୀ ତାଣା ପାଣ୍ଡାଲ୍ ।

୮ ଏଡ଼ି ଖାହାନା ପାପୁ, ଦାମ୍ବୁ ଅଡ଼େ ମାହାପୁରୁଡି ବିଚାରାଡି କାତା ଇ ଦାର୍ତ୍ତିତି ଲକୁଣି ଖେହ୍‌ନେ;

୯ ପାପୁଡି କାତା, ଇଡ଼ିହ୍ ଏଞ୍ଜାରି ନା ତାଣା ନାମା ହିଲଅରି;

୧୦ ଦାମ୍ବୁଡି କାତା, ଇଡ଼ିହ୍ ନାନୁ ଆବା ତାଣା ହାଜିମାଲ୍ ମୀରୁ ଅଡ଼େ ନାଙ୍ଗେ ମେସୁଅତେରି;

୧୧ ବିଚାରାଡି କାତା, ଇଡ଼ିହ୍ ଇ ଦାର୍ତ୍ତି ସାଲଞ୍ଜି କିନାରି ବିଚାରା କିଞ୍ଜି ଆହାମାନେରି ।”

୧୨ “ମିଙ୍ଗେ ନାନୁ ଅଡ଼େ ହାରେକା କାତା ଖେସ୍ତାନାୟିମାନେ, ସାମା ନୀର୍ବି ମୀରୁ ଏ ବାରେ ଅର୍‌ହାଲି ଆଡ଼ଅତେରି

୧୩ ସାମା ସାତାଡି ଜୀଞ୍ଜୁ ଖାଡ଼ିସାରେ, ଏଡ଼ି ବାରେ ସାତାଡି ତେଲହାଲି ବାଡ଼ୟି ହିୟାନେ, ଏଡ଼ି ମିଙ୍ଗେ ଜିରୁ ତସାନା ତାନିତାଣାଟି ଏନାଆଁ ଖେହ୍‌ଏ, ମାହାପୁରୁ ତାଣାଟି ଏନା ଏନାଆଁ ଖେଞ୍ଜାମାନେ ଖାରଇ ଏତେକେଏ ଖେହ୍‌ନେ, ଅଡ଼େ ଏନାୟି ଆହାଲି ହାଜିମାନେ ଏଦାଆଁ ଏଡ଼ି ଖେସ୍ତାନେ ।

୧୪ ଏଞ୍ଜାସି ନାଙ୍ଗେ ଗାଞ୍ଜୁରମି କିୟାନେସି, ଇଡ଼ିହ୍ ନା ତାଣାଟି ବାରେ କାତା ପୁଞ୍ଜାନା ଏଡ଼ି ଏଦାଆଁ ମୀ ତାଣା ଖେସ୍ତାନେ ।

୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଡ଼ି; ଇଦାଆଁତାକି ନାନୁ ଏଲେଇଞ୍ଜାତେଏ, ଏଞ୍ଜାସି ନା କାତା ଅହାନା ମିଙ୍ଗେ ଖେସ୍ତାନେସି ।”

**ଦୁକୁ ଅଡ଼େ ରାହାଁ**

୧୬ “ଗାଡ଼େକା ଜେତ ମୀରୁ ଅଡ଼େ ନାଙ୍ଗେ ମେସୁଅତେରି, ସାମା ଏଚରଦିନା ଜେତ ମେସ୍ତାଦେରି ।”

୧୭ ଏବେଟିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଚ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଟି ତାୟୁ ନାଙ୍ଗେ ମେସୁାଦେରି, ନାନୁ ଆବା ତାଣା ହାଜିମାଲ୍, ଏଝାସି ଏମିନି କାତା ମାଙ୍ଗେ ୱେସ୍ତାତେସି, ଇଦି ଏନାୟି ?”

୧୮ ଏଝାରି ଏଲେଇଚେରି, “ଗାଡ଼େକା ଇଞ୍ଜି ଏନାଆଁ ଏଲେଇଞ୍ଜି ମାନେସି ? ଏଝାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ଚୁତଲହାଲି ଆଡ଼ିହିଲଅମି ।”

୧୯ ସୀସୁୟାଁ ତାଙ୍ଗ ୱେଞ୍ଜାଲି ଅଣ୍ଡିମାନେରି ଇଞ୍ଜି ପୁଞ୍ଜାନା ଜୀସୁ ଏଝାରାଇଁ ଏଲେଇଚେସି, “ଗାଡ଼େକା ଜେଚ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଟି ତାୟୁ ନାଙ୍ଗେ ମେସୁାଦେରି, ନାନୁ ଇ ଏମିନି କାତା ମିଙ୍ଗେ ୱେସ୍ତାତେସି, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମୀରୁ ଦୁକୁଆହୁଁ ତୀଦେରି, ସାମା ଦାରୁତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ତିରି ମୀଶ୍ନେ ।

୨୧ ଜାନିକିନି ବେଲା ୱାଡ଼ିସାରେ ଇୟା ଦୁକୁ ବେଟାଆନେ; ସାମା ଏଦି କକାଣାଇଁ ଜାନି କିତି ତାୟୁ ଦାରୁତିତା ର ମାଶ୍ସି ଜାନି ଆହାମାନେସି, ଇ ରାହାଁତାକି କସ୍ତୁତି ଅଣ୍ଡିପେଏଦେଁ ।

୨୨ ଏଲେକିହୁଁ ଏ ମୀରୁ ନୀସୁଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡ଼େ ୱେଶ୍ଟେ ମିଙ୍ଗେ ତଞ୍ଜା ଆୟାଇଁ, ଅଡ଼େ ମୀ ହିୟାଁ ରାହାଁ ଆନେ ଅଡ଼େ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି ।”

୨୩ “ଏ ଦିନା ମୀରୁ ନାଙ୍ଗେ ଏନାଆଁ ୱେଞ୍ଜଅତେରି । ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହୁଦେରି, ଏଝାସି ନା ଦରୁତଲେ ମିଙ୍ଗେ ହିୟାନେସି ।

୨୪ ନୀସୁଁ ପାତେକା ନା ଦରୁତଲେ ଏନାଆଁ ରୀସା ହିଲଅତେରି; ରାହୁଦୁ, ଏନିକିଁ ମୀ ରାହାଁ ଗାଡ଼ି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି ।”

**ଦାରୁତିତା ଜୀଣା ଆନାୟି**

୨୫ “ନାନୁ ମିଙ୍ଗେ ପୁଣ୍ଡିକିନି କାତାତଲେ ଇ ବାରେ ୱେସାମାଞ୍ଜାଇଁ; ଦିନା ୱାହିମାନେ, ଏଚିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଙ୍ଗେ ୱେସ୍ତାଆଁ, ଆବାଡ଼ି କାତା ତୀରେତଲେ ୱେସ୍ତାଇଁ ।

୨୬ ଏ ଦିନା ମୀରୁ ନା ଦରୁତଲେ ରାହୁଦେରି; ଅଡ଼େ ନାନୁ ମୀ ୱାକିଟି ଆବାଇଁ ବାଡ଼ିମାଲିଇଁ, ଇ କାତା ନାନୁ ମିଙ୍ଗେ ୱେସିମାଞ୍ଜାଆଁ;

୨୭ ଇଚିହୁଁ ଆବା ତାନୁ ଏ ମିଙ୍ଗେ ଜୀସୁ ନହାଁମାଞ୍ଜାନେସି, ମୀରୁ ନାଙ୍ଗେ ଜୀସୁନହୁଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ୱାହାମାଲ୍, ଏଦାଆଁ ମୀରୁ ନାମାମାଞ୍ଜେରି ।

୨୮ ନାନୁ ଆବା ତାଣାଟି ଦାରୁତିତା ୱାହାମାଲ୍; ଦାରୁତି ପିସାନା ୱେଶ୍ଟେ ଆବା ତାଣା ହାଜିମାଲ୍ ।”

୨୯ ଇ ହାଡ଼ା ୱେଞ୍ଜାନା ସୀସୁୟାଁ ଏଝାଣାଇଁ ଏଲେଇଚେରି, “ନୀସୁଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ୱେସିମାଞ୍ଜି ।

୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ନିଙ୍ଗେ ୱେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀସୁଁ ମାମ୍ବୁ ପୁଚମି; ମାହାପୁରୁ ତାଣାଟି ୱାହାମାଞ୍ଜି ଇଞ୍ଜିଁ ମାମ୍ବୁ ଇ କାତା ନାମି ମାନମି ।”

୩୧ ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀସୁଁ ନାମିମାଞ୍ଜେରି ?

୩୨ ମେହୁଦୁ ଦିନା ୱାହିମାନେ, ଏ ବେଲା ୱାଡ଼େୟିଏ, ଏଚିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଙ୍ଗେ ରଅତେସିଁ କିୟାଦେରି; ଆଡ଼ିଜିକେଏ ନାନୁ ରଅତେସିଁ ଆଏ, ଇଚିହୁଁ ଆବା ନା ତଲେ ମାନେସି ।

୩୩ ମୀରୁ ଏନିକିଁ ନା ତାଣାଟି ହିଡ଼ଡ଼ି ବେଟାଆଦେରି, ଏଦାଆଁତାକି ନାନୁ ମିଙ୍ଗେ ଇ ବାରେ କାତା ୱେସାମାଞ୍ଜାଇଁ । ଦାରୁତିତା ମିଙ୍ଗେତାକି ହାରେକା ସାସ୍ତି ମାନେ, ସାମା ସାସ୍ତା ଆହୁଦୁ; ଇଚିହୁଁ ନାନୁ ଦାରୁତିତା ଜୀଣା ଆହାମାଲ୍ ।”

**୧୭**

**ଜୀସୁ ତାନି ସୀସୁୟାଁକି ପ୍ରାତାନା କିନାୟି**

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ୱାକି ସିନିକିହାନା ଏଲେଇଚେସି, “ଆବା, ବେଲା ଆଡ଼େୟିଏ; ନୀ ମୀରୁଏଣାଇଁ ଗାଝୁରମି କିମ୍ବୁ, ଏନିକିଁ ମୀରୁଏସି ନିଙ୍ଗେ ଗାଝୁରମି କିୟାନେସି ।

୨ ନାନୁ ଏଝାଣାଇଁ ବାରେ ମାଶ୍ସି କୃତାଡ଼ି ମୁହେଁ ଅଦିକାରା ହାହାମାଞ୍ଜି । ଅଡ଼େ ଆମ୍ବାଆରାଇଁ ଏଝାଣି କେୟୁତା କାଲାକାଲାତି ଜୀସୁ ହାହାଲିତାକି ହେରପାମାଞ୍ଜି ଏଝାଣାକି ବାଡ଼ୁୟୁ ହାହାମାଞ୍ଜି ।

୩ ଅଡ଼େ ରଶ୍ଟିଏ ସାତା ମାହାପୁରୁତି ନାନୁ, ନିଙ୍ଗେ ଅଡ଼େ ନୀ ତାଣାଟି ପାଶ୍ଚିଆହାମାନି ଜୀସୁ କ୍ରୀସ୍ତଇଁ ପୁନାୟି ଆହିମାନେ କାଲାକାଲାତି ଜୀସୁ ।

୪ ନାନୁ ନାଙ୍ଗେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନାନୁ ରାପୁହାନା ଦାରୁତିତା ନିଙ୍ଗେ ଗାଝୁରମି କିହାମାଞ୍ଜାଇଁ ।

୫ ଏ ଆବା ଦାରୁତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଝୁରମି ମାରେ, ଏମ୍ବାଟି ନାନୁ ନାଙ୍ଗେ ନୀ ତଲେ ଗାଝୁରମି କିୟାମୁ ।”

୬ “ନାନୁ ନାଙ୍ଗେ ଦାରୁତି ବିତ୍ରାଟି ଏମିନି ଲକୁଣି ନାଙ୍ଗେ ହାହାମାଞ୍ଜାଦି, ନାନୁ ନୀ ଦରୁ ଏଝାରି ନକିତା ତସାମାଲ୍; ଏଝାରି ନୀ ଲକୁ ମାରେରି ଅଡ଼େ ନାନୁ ଏଝାରାଇଁ ନାଙ୍ଗେ ହାହାମାଞ୍ଜାଡ଼ି, ଏଝାରି ନୀ ବକୁଡ଼ି ମାନିଞ୍ଜି ଆହାମାନେରି ।

୭ ନାନୁ ନାଙ୍ଗେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାଟି ୱାହାମାନେ, ଇଦାଆଁ ନୀସୁଁ ଏଝାରି ପୁଞ୍ଜାମାନେରି ।

୮ ଇଚିହୁଁ ନାନୁ ନାଙ୍ଗେ ହାହାମାଞ୍ଜାନି ବକୁ ନାନୁ ଏଝାରାକି ହାହାମାଲ୍, ଅଡ଼େ ଏଝାରି ଆବା ମାନେରି ଇଞ୍ଜା ନାନୁ ନୀ ତାଣାଟି ୱାହାମାଲ୍, ଏଦାଆଁ ସାତା ତଲେ

ପୁଞ୍ଜାମାନେରି, ଅଡ଼େ ନାନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜି ଏଞ୍ଜାରି ନାମାମାନେରି ।”

୯ “ନାନୁ ଏଞ୍ଜାରି ତାକି ପ୍ରାତାନା କିହିମାଇଁ; ଦାର୍ତ୍ତି ତାକି ପ୍ରାତାନା କିହିମାଇଁ, ସାମା ନାନୁ ନାଙ୍ଗେ ଏମିନି ଗାଟାରାଇଁ ହାହାମାଞ୍ଜାଦି, ଏଞ୍ଜାରି ତାକି ପ୍ରାତାନା କିହିମାଇଁ, ଇଚିହିଁ ଏଞ୍ଜାରି ନୀ ଲକୁ;

୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡ଼େ ଏନା ଏନାୟି ନାଦି ମାନେ, ଏ ବାରେ ନାଦି ଅଡ଼େ ଏଞ୍ଜାରି ତାଣ୍ଡାଟି ନାନୁ ଗାଞ୍ଜୁରମି ଆହିମାଇଁ ।

୧୧ ନାନୁ ଅଡ଼େ ଇ ଦାର୍ତ୍ତିତା ଡ଼ୟିହିଲଅଁ, ସାମା ଇଞ୍ଜାରି ଦାର୍ତ୍ତିତା ଡ଼ୟିମାନେରି, ଇଞ୍ଜା ନାନୁ ନୀ ତାଣ୍ଡା ଖାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୁୟି ତଲେ ନାଙ୍ଗେ ହେରପା ମାଞ୍ଜାଦି ଏଞ୍ଜାରି ଗେଲପାମୁ,\* ନାନୁ ଅଡ଼େ ନାନୁ ଏନିକିଁ ରଣ୍ଡିଏ ଆହାମାନାୟି ଏଲେକିହିଁ ଏ ଏଞ୍ଜାରି ଇକେଏ ରଣ୍ଡିଏ କିହାଲି ସାଢ଼େମି କିମୁ ।

୧୨ ☆ଏଞ୍ଜାରିତଲେ ମାଟିବେଲତା ନାନୁ ଏଞ୍ଜାରି ଇ ନୀ ଦରୁତଲେ ଗେଲପାମାଇଁ, ଆମିନି ଦରୁ ନାନୁ ନାଙ୍ଗେ ହାହାମାଞ୍ଜାଦି, ଅଡ଼େ ନାନୁ ଏଞ୍ଜାରି ଇ ଜାଗାତା ତଲେ ଗେଲପାମାଇଁ,† ଦାମୁ ପତି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ନାସା ଆନାୟି ମାଟି ଇକେଏ, ରଅସି ଇକେଏ ନାସା ଆହାହିଲଅସି ।

୧୩ ସାମା ନୀଏଁ ନାନୁ ନୀ ତାଣ୍ଡା ଖାହିମାଇଁ, ଅଡ଼େ ଦାର୍ତ୍ତିତା ମାଞ୍ଜା ମାଞ୍ଜାନା ନା ରାହାଁତା ଏଞ୍ଜାରି ହିୟାଁ ଏନିକିଁ ରାହାଁ ଆନେ, ଏଦାଆଁତାକି ନାନୁ ଇ ବାରେ କାତା ଖେସିମାଞ୍ଜାଇଁ ।

୧୪ ନାନୁ ଏଞ୍ଜାରିକି ନୀ ବଲୁ ହାହାମାଇଁ, ଏଦାଆଁତାକି ଦାର୍ତ୍ତି ଏଞ୍ଜାରି ଇ ଅପିହିଲେଏ, ନାନୁ ଏନିକିଁ ଦାର୍ତ୍ତିଟି ଖାହାହିଲଅଁ ଏଞ୍ଜାରି ଇକେଏ ଇ ଦାର୍ତ୍ତିତାରି ଆଏ ।

୧୫ ନାନୁ ଏଞ୍ଜାରି ଇ ଦାର୍ତ୍ତିଟି ଅହିଁ ହାଲାନୁ ଇଞ୍ଜି ବାତିମାଲି ମାଞ୍ଜାଅଁ, ସାମା ଏଞ୍ଜାରି ଲାଗେଏତି ପାନ୍ଦାଟି ଗେଲପାମୁ ଇଞ୍ଜି ବାତିମାଲିମାଞ୍ଜାଇଁ ।

୧୬ ନାନୁ ଏନିକିଁ ଦାର୍ତ୍ତିଟି ଖାହାହିଲଅଁ, ଏଞ୍ଜାରି ଏଲେକିଁ ଦାର୍ତ୍ତିଟି ଖାହାହିଲଅରି ।

୧୭ ସାତା ତଲେ ଏଞ୍ଜାରି ସୁଦୁ କିମୁ, ଇଚିହିଁ ନୀ ବଲୁଏ ସାତା ।

୧୮ ନାନୁ ଏନିକିଁ ନାଙ୍ଗେ ଦାର୍ତ୍ତିତା ପାଣ୍ଡାମାଞ୍ଜାଦି, ନାନୁ ଇକେଏ ଏଞ୍ଜାରି ଦାର୍ତ୍ତିତା ପାଣ୍ଡାମାଇଁ ।

୧୯ ଅଡ଼େ ଏଞ୍ଜାରି ଇକେଏ ଏନିକିଁ ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜାରି ତାକି ନାଙ୍ଗେ ସୁଦୁ କିହିମାଇଁ ।”

୨୦ “ନାନୁ ଖାରଇ ଏଞ୍ଜାରି ତାକି ପ୍ରାତାନା କିହିହିଲଅଁ, ଏଞ୍ଜାରି ବଲୁ ଖେଞ୍ଜାନା ଆମ୍ବାଆସି ନା ତାଣ୍ଡା ନାମିନେସି, ଏଞ୍ଜାରି ତାକି ଇକେଏ ପ୍ରାତାନା କିହିମାଇଁ ।

୨୧ ଏନିକିଁ ଏଞ୍ଜାରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକିଁ ନା ତାଣ୍ଡା ମାଞ୍ଜି ଅଡ଼େ ନାନୁ ନୀ ତାଣ୍ଡା ମାଇଁ,

ଏଞ୍ଜାରି ଇକେଏ ଏଲେକିହିଁ ଏ ମା ତାଣ୍ଡା ଡ଼ୟାପେରି, ଏନିକିଁ ନାନୁ ନାଙ୍ଗେ ପାଣ୍ଡାଟି ଇଞ୍ଜି ଦାର୍ତ୍ତି ନାମିନେ ।

୨୨ ଅଡ଼େ ନାନୁ ନାଙ୍ଗେ ଏମିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜାରିକି ହାହାମାଇଁ, ମାର ଏନିକିଁ ରଣ୍ଡିଏ ଏଞ୍ଜାରି ଏଲେକିଁ ରଣ୍ଡିଏ ଆନେରି;

୨୩ ନାନୁ ଏନିକିଁ ନା ତାଣ୍ଡା ନାନୁ ଏଲେକିହିଁ ଏଞ୍ଜାରିତାଣ୍ଡା ଡ଼ୟିଲ୍ । ଏନିକିଁ ଏଞ୍ଜାରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାର୍ତ୍ତି ପୁନେ କି ନାନୁ ନାଙ୍ଗେ ପାଣ୍ଡାମାଞ୍ଜାଦି, ନାଙ୍ଗେ ଏନିକିଁ ଜାଞ୍ଜୁ ନହିଁ ମାଞ୍ଜାଦି ଏଞ୍ଜାରି ଇକେଏ ଏଲେକିହିଁ ଏ ଜାଞ୍ଜୁ ନହିଁ ମାଞ୍ଜି ।”

୨୪ “ଏ ଆବା ! ନାନୁ ଏଞ୍ଜାରିକି ନା କେୟୁତା ହାହାମାଞ୍ଜାଦି । ନାନୁ ଆମ୍ବିୟା ଡ଼ୟିଲ୍, ଏଞ୍ଜାରି ଇକେଏ ଏନିକିଁ ଏମ୍ବାଆଁ ଡ଼ୟିନେରି ଅଡ଼େ ଦାର୍ତ୍ତି ଗାଡ଼ି ଆଆ ନକେଏ ନାନୁ ନାଙ୍ଗେ ଜାଞ୍ଜୁ ନହିଁ ମାଞ୍ଜାନାକି ନାଙ୍ଗେ ଏମିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକିଁ ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣପୁ ।

୨୫ ଏ ଦାମୁଗାଟି ଆବା, ଦାର୍ତ୍ତି ନିଙ୍ଗେ ପୁଞ୍ଜାମାଞ୍ଜାଏ, ସାମା ନାନୁ ନିଙ୍ଗେ ପୁଞ୍ଜାମାଞ୍ଜାଇଁ; ଅଡ଼େ ନାନୁ ନାଙ୍ଗେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି;

୨୬ ନାନୁ ନାଙ୍ଗେ ଏମିନି ଜାଞ୍ଜୁ ନହିଁ ଜାଞ୍ଜୁ ନହିଁ ମାଞ୍ଜାଦି, ଏଦି ଏନିକିଁ ଏଞ୍ଜାରିତାଣ୍ଡା ଡ଼ୟିନେ ଅଡ଼େ ନାନୁ ଏଞ୍ଜାରିତାଣ୍ଡା ଡ଼ୟିଲ୍, ଏଦାଆଁତାକି ନାନୁ ଏଞ୍ଜାରିକି ଖେସାମାଇଁ ଅଡ଼େ ଖେହଇଁ ।”

### ୧୮

#### ଜୀସୁ ସାତୁୟାଁ କେୟୁତା ହେରପି ଆନାୟି

(ମାଟି ୨୭:୪୭-୫୭; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପୁହି ଡାୟୁ ତାନି ସୀସୁୟାଁ ତଲେ କିଦୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜାସି ତାନି ସୀସୁୟାଁ ତଲେ ଏମ୍ବାଆଁ ହଚେରି ।

୨ ଏମିନି ଜୀହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଇକେଏ ଏ ଟାୟୁଟି ପୁଞ୍ଜାମାଚେସି, ଇଚିହିଁ ଜୀସୁ ହାଚେରକା ପାଲି ସୀସୁୟାଁ ତଲେ ଏ ଟାୟୁତା ହାଜାମାଚେସି ।

୩ ଏଦାଆଁତାକି ଜୀହୁଦା ଜାମାନାଙ୍ଗା ଇଞ୍ଜା କାଜା ପୂଜେରା ଅଡ଼େ ପାରୁସିୟାଁ ତାଣ୍ଡାଟି ମାହାପୁରୁ ଇଲୁଡି ଜାମାନାଙ୍ଗା ଲକୁ ଦୀଞ୍ଜି, ହିରୁ ବନ୍ଦାୟାଁ ଅଡ଼େ ଟେଙ୍ଗା ବାଲାୟାଁ ଆସାନା ଏମ୍ବାଆଁ ଖାଡ଼େରି ।

୪ ଏମ୍ବାଟିଏ ଜୀସୁ ତାଙ୍ଗେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରିକି ଖେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଞ୍ଜାରି ଏଲେଇଚେରି, “ନାଜରିତତି ଜୀସୁ ।”  
ଜୀସୁ ଏଞ୍ଜାରିକି ଏଲେଇଚେସି, “ନାନୁ ଏଞ୍ଜାଡେଏଁ ?”

\* ୧୭:୧୧ ଇ କାତା ପୁଞ୍ଜା ପତିତା ହିଲେଏ । ☆ ୧୭:୧୨ କହ ୧୩:୧୮ † ୧୭:୧୨ ଇ କାତା ପୁଞ୍ଜା ପତିତା ହିଲେଏ ।

ଏମିନି ଜୀହ୍ୱଦା ଏଞ୍ଜାଣାଇଁ ସାତୁୟାଁ କେୟୁତା ହେଉପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାରେସି ।

୭ ଜୀସୁ ଏରିବେଲା ଏଞ୍ଜାରାଇଁ ଏଲେଇରେସି, “ନାନୁ ଏଞ୍ଜାତେଏ” ଏରିବେଲା ଏଞ୍ଜାରି ତାୟୁଞ୍ଜାକି ଗୁଚା ଆହାନା ବୁମିତା ତରଗା ହାରେରି ।

୮ ଜୀସୁ ଖେଣ୍ଡେ ଖେରେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?” ଏଞ୍ଜାରି ଏଲେଇରେରି, “ନାଜ୍ଜରିତତି ଜୀସୁଇଁ ।”

୯ ଜୀସୁ ଏଲେଇରେସି, “ନାନୁ ଖେସାମାଞ୍ଜାଇଁ, ନାନୁ ଏଞ୍ଜାତେଏ । ମୀରୁ ନାଙ୍ଗେ ପାରିମାଞ୍ଜାଦେରି ଇଚିହଁ ଇଞ୍ଜାରାଇଁ ପିହ୍ବୁ ।

୧୦ ଆମ୍ବାଆରାଇଁ ନାଙ୍ଗେ ହୀହାମାଞ୍ଜାଦି, ଏଞ୍ଜାରି ବିତ୍ରାଟି ରଅଣାଇଁ ଜିକେଏ ଜାକହା ହିଲଅଁ ।” ଏନିକଁ ଦାମ୍ବୁ ପତତି କାତା ସାତା ଆନେ ଏଦାଆଁତାକି ଏଲେ ଇରେସି ।

୧୧ ସିମନ ପିତର ତାନି ତାଣା କାଣ୍ଡା ମାଚାକି ଏଞ୍ଜାସି କାଜା ପୂଜେରା ହଲେଏଣା ଚିଃନି କିୟଁ ଦୁାଡେସି, ଏଞ୍ଜାଣି ଦରୁ ମାଲିକସି ।

୧୨ ଏରେଟିଏ ଜୀସୁ ପିତରଇଁ ଏଲେଇରେସି, “କାଣ୍ଡା, କାଣ୍ଡା ଇଚିନି ଟାୟୁତା ଇଚାମ୍ବୁ; ନାନୁ ଏନାଆଁ ଅଣ୍ପିମାଞ୍ଜି, ଆଚା ମାହାପୁରୁ ନାଙ୍ଗେ ହୀହାମାଞ୍ଜାନି ଦୁକୁତି ସଲ୍ଲାତା ଗସାଲି ଆଡ଼ଅଁ କି ?”

**ହାନାନ ନକିତା ଜୀସୁ**

୧୩ ଏମ୍ବାଟିଏ ରମିୟ କସକା, ଇଞ୍ଜା ରିଜାରି କସକା ମୁହେଁ କାଜାସି, ଅଡେ ଜୀହ୍ୱଦି ଲକୁତି କସକା ଜୀସୁଇଁ ଆସାନା ଦସ୍ପିତେରି ।

୧୪ ଏଞ୍ଜାଣାଇଁ ଦସ୍ପାଦା ମୁଲୁଏ ହାନାନ ତାଣା ଅଡେରି, ଇଚିହଁ ଏଞ୍ଜାସି ଏ ବାସୀତି କାଜା ପୂଜେରା କୟାପାତି ପଡ଼ଲେଏସି ମାରେସି ।

୧୫ ଏ କୟାପା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ ଇଞ୍ଜାଁ ଜୀହ୍ୱଦି ଲକୁଣି ଖେସାମାରେସି ।

**ପିତର ଜୀସୁଇଁ ପୁଞ୍ଜାହିଲଅଁ ଇନାୟି**

(ମାତି ୨୭:୨୯-୩୦; ମାର୍କ ୧୪:୨୭-୨୮; ଲୁକ ୨୨:୫୫-୫୯)

୧୬ ସିମନ ପିତର ଅଡେ ର ସୀସୁ ଜୀସୁତି ଜେଟ ଜେଟ ହାଜିମାରେରି । ଏ ସୀସୁ କାଜା ପୂଜେରା ତଲେ ପୁଣ୍ଡି ଆହାମାରେରି ଅଡେ ଜୀସୁତଲେ କାଜା ପୂଜେରା ଆଂଗେଣିତା ହାରେସି;

୧୭ ସାମା ପିତର ପାଙ୍ଗାତି ଦୁଞ୍ଜେରି ଦାରିତା ନିଚାନା ଡୟିତେସି । ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ଡି ଆହାମାରେରି, ଏଞ୍ଜାସି ପାଙ୍ଗାତା ହାଜାନା ଦୁଞ୍ଜେରିତା କାଃଆନାଣାଇଁ ଏଲେଇଞ୍ଜାନା ପିତରଇଁ ବିତ୍ରା ଅଡେସି ।

୧୮ ଏମ୍ବାଟିଏ ଦୁଞ୍ଜେରିତା କାଃଆନାଣି ହଲେଣି ପିତରଇଁ ଏଲେଇରେ, “ନାନୁ ଜିକେଏ ଏନାଆଁ ଇ ଲକୁତି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇରେସି, “ନାନୁ ଏଞ୍ଜାତେଏ ଆଏ ।”

୧୯ ଏରିବେଲାତା ପେନି ଆହିମାଚାକି ହଲିୟାଙ୍ଗା ଅଡେ କାଃଆନାରି ହିରୁ ତାସାନା ସାରିଞ୍ଜାକି ନିଚାନା କେରଞ୍ଜି ମାରେରି; ପିତର ଜିକେଏ ଏଞ୍ଜାରିତଲେ ନିଚାନା ହିରୁ କେରଞ୍ଜି ମାରେସି ।

**କାଜା ପୂଜେରା ଜୀସୁଇଁ ଖେନାୟି**

(ମାତି ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୨୦ କାଜା ପୂଜେରା ଜୀସୁଇଁ ତାନି ଜାପ୍ନାଣି ଇଞ୍ଜା ସୀସୁୟାଁତି କାତା ଖେରେସି ।

୨୧ ଜୀସୁ ଏଲେଇରେସି, “ନାନୁ ବାରେ ଦାରତତି ନକିତା ତସାନା ଜାପ୍ନାଣାଇଁ, ଆମ୍ବିୟା ବାରେ ଜୀହ୍ୱଦି ଲକୁ କୁଡ଼ା ଆନେରି, ମାହାପୁରୁ ଇଲୁତା ଅଡେ ଜୀହ୍ୱଦି ଲକୁତି କୁଚି ଲଲକାଣା\*, ଲକୁ କୁଡ଼ା ଆହାମାନି ବେଲାତା ନାନୁ ଜାପ୍ନାଣାଇଁ, ତକୁହାନା ଏନାଆଁ କିହାହିଲଅଁ ।

୨୨ ନାଙ୍ଗେ ଏନାଆଁତାକି ଖେଞ୍ଜିମାଞ୍ଜାଦି ? ନାନୁ ଏଞ୍ଜାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଖେଞ୍ଜାମାନେରି ଏଞ୍ଜାରାଇଁ ଖେନାମ୍ବୁ; ନାନୁ ଏନା ଏନାଆଁ ଏଲେଇଞ୍ଜାମାଇଁ, ଏଞ୍ଜାରି ବାରେ ପୁଞ୍ଜାମାନେରି ।”

୨୩ ଜୀସୁ ଏଲେ ଇଞ୍ଜିମାନାଣି ଖେଞ୍ଜାନା ଦାରିତା ନିଚାମାତି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଞ୍ଜାଣାଇଁ ସାପ୍ତା ଖେଚାନା ଏଲେଇରେସି, “ନିଙ୍ଗେ ଇଚେକା ସାସା କାଜା ପୂଜେରାଇଁ ଏଲେ ଇଞ୍ଜିମାଞ୍ଜି ?”

୨୪ ଜୀସୁ ଏଞ୍ଜାଣାଇଁ ଏଲେଇରେସି, “ନାନୁ ଲାଗେଏ ଜଲ୍ଲାମାଚିହଁ, ଏ ଲାଗେଏତି ପାରମାଣା ହିୟାଦୁ; ନେହଁ ଜଲ୍ଲାମାଇଁ ଇଚିହଁ ଏନାଆଁତାକି ନାଙ୍ଗେ ଖେଚିମାଞ୍ଜାଦି ?”

୨୫ ଏମ୍ବାଟିଏ ହାନାନ ଜୀସୁଇଁ ଏଲେକିହଁଏ ଦସ୍ପି ଆହାମାନାଣାଇଁ କାଜା ପୂଜେରା କୟାପା ତାଣା ପାଣ୍ଡିତେସି ।

**ପିତର ଜୀସୁଇଁ ଅଡେ ଖେଣ୍ଡେ ପୁଞ୍ଜାହିଲଅଁ ଇନାୟି**

(ମାତି ୨୭:୭୧-୭୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୬ ସିମନ ପିତର ହିରୁ ତାଗେ ନିଚାନା ହିରୁ କେରଞ୍ଜି ମାରେସି, ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେରେରି, “ନାନୁ ଜିକେଏ ଏଞ୍ଜାଣି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇରେସି, “ନାନୁ ଆଏ ।”

୨୭ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟଁ ଦାଚା ମାରେସି, ଏଞ୍ଜାଣି କୁଚିମିତାସି ଏଲେଇରେସି, “ନାନୁ ନିଙ୍ଗେ ବାଡ଼ାତା ଏଞ୍ଜାଣିତଲେ ମାଚାଣି ମେସାମାଞ୍ଜାଆତେଏ କି ?”

\* ୧୮:୧୧ ମାତି ୨୭:୩୯; ମାର୍କ ୧୪:୩୭; ଲୁକ ୨୨:୪୨    \* ୧୮:୧୪ ଜହ ୧୧:୪୯,୫୦    \* ୧୮:୨୦ ସିନଗ୍

୨୭ ପିତର ଅଡ଼େ ଖେଣ୍ଡେ ଏଲେଇରେସି, “ଆଏ ପୁଞ୍ଜାହିଲଅଁ ।” ଏଚିବେଲାତା କୟୁ କେଣ୍ଡେ ।

**ପିଲାତ ତାଣା ଜୀସୁ**

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଇ ଏଞ୍ଜାରି ଜୀସୁଇଁ କୟାପା ଇଲୁଚି ଅହାନା ରମିୟ ରାଜି ସାଲୁଞ୍ଜି କିନାଣି ମେଡ଼ା ଇଲୁତା ଏତେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇଚିହିଁ ଏଦାଆଁ ତଲେ ପିସ୍ପିଆଡ଼ି ପାରୁତି ବଜି ତାକି ତାମଜେ ଲାଗେଏ କିହାକତାଲି ଅଣ୍ଡି ହିଲାଆତେରି ।

୨୯ ଏଦାଆଁତାକି ସାଲୁଞ୍ଜି କିନି ପିଲାତ ଏଞ୍ଜାରିତାଣା ପାଙ୍ଗାତା ଖାହାନା ଖେରେସି, “ଇ ମାଣ୍ଡସି କପାଟି ମୀ ଏନିଲେହେତି ଦାଞ୍ଜା ମାନେ ?”

୩୦ ଏଞ୍ଜାରି ଏଞ୍ଜାଣାଇଁ ଏଲେଇରେସି, “ଇ ମାଣ୍ଡସି ଲାଗେଏତି କାମା କିହା ହିଲାଆତିହିଁ ମା, ମାମ୍ବୁ ଏଞ୍ଜାଣାଇଁ ନୀ ତାଣା ତାଆତମିମା ।”

୩୧ ପିଲାତ ଏଞ୍ଜାଣାଇଁ ଏଲେଇରେସି, “ଆତିହିଁ ଇଞ୍ଜାଣାଇଁ ଅହାନା ମୀ ମେରା ତଲେ ନୀହାଁୟି କିଦୁ ।” ଜୀହୁଦିୟାଁ ଏଞ୍ଜାଣାଇଁ ଏଲେଇରେସି, “ଆମ୍ବାଆରାଇଁ ହାନ୍ତି ତଣ୍ଡ ହାହାଲି ମା ଅଦିକାରା ହିଲେଏ ।”

୩୨ ଜୀସୁ ଏନିକିଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାରେସି, ଏଦି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ଏଲେଇରେସି ।

୩୩ ପିଲାତ ଖେଣ୍ଡା ମେଡ଼ା ଇଲୁ ବିତ୍ରା ହାଜାନା ଜୀସୁଇଁ ଖେରେସି, “ଏନାଆଁ ନୀନୁ ଜୀହୁଦି ଲକୁଚି ରାଜାତି ?”

୩୪ ଜୀସୁ ଏଲେଇରେସି, “ଇ କାତା ନୀ ମନଟି ଖେଞ୍ଜିମାଞ୍ଜାଦି କି ଏଟକାତାରି ନା କାତାତି ନିଜେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇରେସି, “ନୀନୁ ଏନାଆଁ ଅଣ୍ଡିପାମାଞ୍ଜି, ନୀନୁ ର ଜୀହୁଦିତେସି ? ନୀ କୁଡ଼ାତି ଲକୁ ଇଞ୍ଜା କାଜା ପୂଜେରାଞ୍ଜା ନିଜେ ତାଚାନା ନା କେୟୁତା ହେରପା ମାଞ୍ଜାନେରି । ଖେସ୍ତାମ୍ବୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇରେସି, ନା ରାଜି ଇ ଦାର୍ଡିତାୟି ଆଏ; ନା ରାଜି ଦାର୍ଡିତାୟି ଆତିହିଁ ମା, ନୀନୁ ଜୀହୁଦି ଲକୁତାଣା ହେରପି ଆଆରେରୁ ନାଜେ ସେବା କିୟାନାରି ନା ତାକି କୁଜୁ କିତେରିମା, ସାମା ନା ରାଜି ସାତେଏ ଇ ଦାର୍ଡିତାୟି ଆଏ ।

୩୭ ପିଲାତ ଏଞ୍ଜାଣାଇଁ ଖେରେସି, “ଆତିହିଁ ନୀନୁ ଜୀହୁଦି ଲକୁଚି ରାଜାତି ?”

ଜୀସୁ ଏଲେଇରେସି, “ନୀନୁ ଏଲେ ଇଞ୍ଜିମାଞ୍ଜି ନୀନୁ ର ରାଜାତେସି । ନୀନୁ ସାତା ଖାକିଟି ସାକି ହାହାଲି ଜାନା ଆହାମାଇଁ ଅଡ଼େ ଦାର୍ଡିତା ଖାହାମାଇଁ । ଆମ୍ବାଆସି ସାତାତି ମୀରଏସି ଏଞ୍ଜାସି ନା କାତା ଖେନେସି ।”

**ଜୀସୁଇଁ ହାନ୍ତି ତଣ୍ଡ ହାନାୟି**

(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଖେରେସି, “ସାତା ଏନାୟି ?”

ପିଲାତ ପାଙ୍ଗାତା ହାଜାନା ଜୀହୁଦି ଲକୁଣି ଏଲେଇରେସି, “ନୀନୁ ଇଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ ।

୩୯ ସାମା ନୀନୁ ପିସ୍ପିଆଡ଼ି ପାରୁଁ ବେଲାତା ମିଜେତାକି କାୟିଦିତା ମାନାରାଇଁ ରଅଣାଇଁ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକୁଚି ରାଜାଇଁ ମାଜେତାକି ପିସା ହିୟାପେସି ଇଞ୍ଜିଁ ମୀ ମନ ମାନେକି ?”

୪୦ ଏମ୍ବାଟିଏ ଏଞ୍ଜାରି କାଲୁଞ୍ଜି ଆହିଁ ଏଲେଇରେସି, “ଇଞ୍ଜାଣାଇଁ ଆଏ, ସାମା ବାରବାଇଁ ପିସାହିୟାମ୍ବୁ ।”

**୧୯**

୧ ତାୟୁ ପିଲାତ ଜୀସୁଇଁ ଅହାନା ସାଟ୍ଟାଣି ମାଡ଼ା କିଞ୍ଜି କିତେସି ।

୨ ଅଡ଼େ ରିଜାରି କସକା ହାପକା ଟପେରି ଆଲାନା ଜୀସୁ ତାୟୁଁ ତୁ ଇଚିତେରି, ଅଡ଼େ ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଚିକିତେରି;

୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇରେସି, “ଏ ଜୀହୁଦିୟାଁ ରାଜା ଜହରା;” ଇଞ୍ଜା ଏଞ୍ଜାରି ଏଞ୍ଜାଣାଇଁ ସାପ୍ତା ଖେରେସି ।

୪ ପିଲାତ ଖେଣ୍ଡେ ପାଙ୍ଗାତା ହାଜାନା ଏଲେଇରେସି, “ନୀନୁ ଏଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ, ଇଦାଆଁ ଏନିକିଁ ମୀରୁ ପୁଞ୍ଜେରି, ଇଦାଆଁତାକି ନୀନୁ ଏଞ୍ଜାଣାଇଁ ମୀ ତାଣା ତାଟିମାଇଁ ।”

୫ ଏମ୍ବାଟିଏ ଜୀସୁ ଏ ହାପକା ଟପେରି ଅଡ଼େ ହେୟାଁ ଖାଣା ହିମ୍ବୁରି ପରହାନା ପାଙ୍ଗାତା ଖାଡ଼େସି, ପିଲାତ ଏଞ୍ଜାଣାଇଁ ଏଲେଇରେସି, “ମେହଦୁ ଇଞ୍ଜାସି ଏ ମାଣ୍ଡସି ।”

୬ ଏମ୍ବାଟିଏ କାଜା ପୂଜେରାଞ୍ଜା ଅଡ଼େ ମାହାପୁରୁ ଇଲୁ କାଃଆନି ଜାମାନାଞ୍ଜା ଏଞ୍ଜାଣାଇଁ ମେସାନା କାଲୁଞ୍ଜି ଆହିଁ ଏଲେଇରେସି, “ଏଞ୍ଜାଣାଇଁ ପାସି ଏକଦୁ ପାସି ଏକଦୁ ।” ପିଲାତ ଏଞ୍ଜାଣାଇଁ ଏଲେଇରେସି, “ମୀରୁ ଏଞ୍ଜାଣାଇଁ ଅହାନା ପାସି ଏକଦୁ, ଇଚିହିଁ ନୀନୁ ଏଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ ।”

୭ ଜୀହୁଦି ଲକୁ ଏଞ୍ଜାଣାଇଁ ଏଲେଇରେସି, “ଇଚିହିଁ ମାଜେ ରଣ୍ଡିଏ ମେରା ମାନେ, ଏ ମେରାଲେହେଏ ଏଞ୍ଜାସି ହାନ୍ତି ତଣ୍ଡ ବେଟାଆନାୟି ମାନେ, ଇଚିହିଁ ଏଞ୍ଜାସି ତାଜେ ମାହାପୁରୁଚି ମୀରଏସି ଇଞ୍ଜିଁ ଖେସାମାନେସି ।”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାଡ଼ି ଆଜିତେସି ।

୯ ଖେଣ୍ଡେ ମେଡ଼ା ଇଲୁତା ହାଜାନା, ଜୀସୁଇଁ ଖେରେସି, “ନୀନୁ ଆମ୍ବିଟି ଖାହାମାଞ୍ଜି ?” ସାମା ଜୀସୁ ସାପି ଆହାନା ଡ଼ୟିତେସି ।

୧୦ ପିଲାତ ଏଲେଇରେସି, “ନାଜେ ଜଲିମାଞ୍ଜଅତି ? ନିଜ ଗେଲପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଇ କାତା ନୀନୁ ପୁଞ୍ଜାହିଲଅତି ?”

☆ ୧୮:୩୨ ଜହ ୩:୧୪; ୧୨:୩୨ † ୧୮:୪୦ ଇ ବାରବା ର ଡ଼ାଗେସି ମାତେସି

୧୧ ଜୀସୁ ଏଲେଇରେସି, “ମାହାପୁରୁ ତାଣାଟି ନିଜେ ଅଦିକାରା ହୁଅନ୍ତିହିଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜା ଆମ୍ବାଆସି ନାଜେ ନୀ କେୟୁତା ହେରପା ମାଞ୍ଜାନେସି ଏଞ୍ଜାଣି ପାପୁ ହାରେକା ।”

୧୨ ଇ କାତା ଝେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣ୍ପିତେସି, ସାମା ଜୀହୁଦି ଲକୁ କାଲୁଞ୍ଜି ଆହୁଁ ଏଲେଇରେରି, “ନୀନୁ ଇଞ୍ଜାଣାଇଁ ପିହୁଦି ଆତିହୁଁ ନୀନୁ କାୟିସରତି ତଢେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଞ୍ଜାସି କାୟିସର କପାଟି କାତା ଜଲିମାନେସି ।”

୧୩ ପିଲାତ ଇ କାତା ଝେଞ୍ଜାନା ଜୀସୁଇଁ ପାଙ୍ଗାତା ଝାଲୁକାତି ବେରଣିମାଣ୍ଡା ତାତେରି । ଏମିନାଣି ଏବୁ ହାଡାତଲେ “ଗବ୍‌ବତା” ଇଞ୍ଜା ଇନେରି, ଏ ଟାୟୁଟି ବିଚାରା କିନି ଟାୟୁତା କୁଗିତେସି ।

୧୪ ଏ ଦିନା ପିସ୍‌ପିଆନି ପାର୍ବୁତି ତଲିତି ଦିନା ମାତେ, ଏତିବେଲା ଲାଲ ସ ଗଟା ଆହାମାତେ । ଇଞ୍ଜା ଏଞ୍ଜାସି ଜୀହୁଦି ଲକୁଣି ଏଲେଇରେସି, “ଇଞ୍ଜାସି ମେହୁଦୁ ମୀ ରାଜା ।”

୧୫ ଏମ୍ବାଟିଏ ଏଞ୍ଜାରି ଏଲେଇରେରି, “ଏଞ୍ଜାଣାଇଁ ପାୟାଦୁ, ପାୟାଦୁ, ପାସି ଏକଦୁ ।” ପିଲାତ ଏଞ୍ଜାରାଇଁ ଏଲେଇରେସି, “ନୀନୁ ମୀ ରାଜାଇଁ ପାସିତା ଏକଇଁ?” କାଜା ପୂଜେରାଙ୍ଗା ଏଲେଇରେରି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି ।”

୧୬ ତାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଞ୍ଜାରି କେୟୁତା ହେରପିତେସି, ଇଞ୍ଜା ତାୟୁ ଏଞ୍ଜାରି ଜୀସୁଇଁ ଅହୁଁ ହାତେରି ।

**ଜୀସୁତି ପାସି ଆନାୟି**

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଏଚେଟିଏ ଏଞ୍ଜାରି ଜୀସୁଇଁ ଅଡେରି; ଅଡେ ଜୀସୁ ଜାହାରା ପାସିମୁଣ୍ଡା ତେକାନା “ତାୟୁଁ ରୁପିଆଁ” ଇନି ଟାୟୁତା, ଇତିହୁଁ ଏମିନାଣି ଏବୁ ହାଡାତଲେ “ଗଲ୍‌ଗତା” ଇଞ୍ଜା ଇନେରି ଏମ୍ବାଆଁ ହାଚେସି ।

୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକହେରି, ଏଞ୍ଜାଣିତଲେ ଅଡେ ରିଆରାଇଁ ପାସି ମୁଣ୍ଡାତା ଏକହେରି, ରିକଞ୍ଜାକି ରିଆରି ଅଡେ ମାଦିଏ ଜୀସୁ ।

୧୯ ଅଡେ ପିଲାତ ର ଆକୃତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍‌କି ଆହାମାତେ, “ନାଜରିତତି ଜୀସୁ ଜୀହୁଦିୟାଁ ରାଜା ।”

୨୦ ଜୀହୁଦିୟାଁ ବିତ୍ରାଟି ହାରେକା ଏ ଆକୃତି ପଡ଼ଞ୍ଜି ଆଡେରି, ଇତିହୁଁ ଜୀସୁଇଁ ଏମିନିତାଣା ପାସି ଏପକି ଆହାମାତେ, ଏଦି ଗାଡା ତାଗେ ମାତେ; ଇଞ୍ଜା ଏ ଆକୁ ଏବୁ, ଲାଟିନ୍ ଅଡେ ଗ୍ରିକ୍ ହାଡାତଲେ ରାସ୍‌କି ଆହାମାତେ ।

୨୧ ଜୀହୁଦି ଲକୁତି କାଜା ପୂଜେରାଙ୍ଗା ପିଲାତଇଁ ଏଲେଇରେରି, “ଜୀହୁଦିୟାଁ ରାଜା ଇଞ୍ଜାଁ ରାଚାଆନା, ନୀନୁ ଜୀହୁଦି ଲକୁତି ରାଜା ଇଞ୍ଜାମାତେସି ଇଞ୍ଜାଁ ରାଚାମୁ ।”

୨୨ ସାମା ପିଲାତ ଏଲେଇରେସି, “ନୀନୁ ଏନାଆଁ ରାଚାମାଇଁ ଏଲେକିହୁଁ ଏ ତୁୟିନେ ।”

୨୩ ରିଜାରି କସ୍‌କା ଜୀସୁଇଁ ପାସିତା ଏକହୁଁ ଜେତ ଏଞ୍ଜାଣି ହିମ୍ବୁରିକା ଅହାନା ସାରି ବାଗା କିତେରି, ର ର କହୁଁଏଣାକି ରଣ୍ଡାଲାକା, ଅଡେ ଏଞ୍ଜାଣି ଲାମ୍ବା ସକା ଜିକେଏ ଅଡେରି । ଏ ଲାମ୍ବା ସକା ତାଚାନା ହେରକି ଟିଏ ପାଃଆନା କତାୟାଁ ପାତେକା କିଞ୍ଜି ଆହାମାତେ ।

୨୪ ଏଦାଆଁତାକି ଏଞ୍ଜାରି ଏଲେଇରେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ ।” ଏନିକଁ ଦାମ୍ବୁ ପତିତି କାତା ପୂରା ଆନେ,

“ଏଞ୍ଜାରି ତାମି ବିତ୍ରା ନା ହିମ୍ବୁରିକା ବାଗା କିତେରି, ଅଡେ ନା ଲାମ୍ବା ସକାତାକି ପାଦି କିତେରି ।” ରିଜାରି କସ୍‌କା ସମାନା ଏଲେକିହୁଁ ଏ କିତେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କୁପାତି ତକ୍ତି ମରିୟମ ଅଡେ ମଗ୍‌ଦଲିନି ମରିୟମ ନିଚାମାରୁ ।

୨୬ ଜୀସୁ ତାମି ଇୟା ଅଡେ ଏମିନି ସୀସୁଇଁ ଜୀସୁ ନହୁଁମାଚେସି, ଏଞ୍ଜାସି ତାଗେ ନିଚାମାନାଣି ମେସାନା ଏଲେଇରେସି, “ଏ ଇୟା ମେହୁମୁ ନୀ ମୀରଏସି !”

୨୭ ତାୟୁ ଜୀସୁ ଏ ସୀସୁଇଁ ଏଲେଇରେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡେସି ।

**ଜୀସୁ ହାକି**

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍ବୁ ପତିତି ବଲୁ ଏନିକଁ ପୂରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜାଁ ପୁଞ୍ଜାନା ଏଲେଇରେସି, “ନାଜେ ଏସ୍‌କି ହଡିମାଞ୍ଜାନେ ।”

୨୯ ଏମ୍ବାଆଁ ପୁଲାଏୟୁ ନେଞ୍ଜାମାନି ର ତୁକା ମାତେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି ମୁସାନା ବାଲାତି ମୁନୁତା ରୂପାନା ଜୀସୁତି ଗୁଡିତା ହାତେରି ।

୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇରେସି, “ରାହାହାଚେ” ଏଲେଇଞ୍ଜାନା ତାୟୁଁ ଚୁଲସାନା ହାଡେସି ।

**ଜୀସୁ ପାଡ଼କା ଟଟତା ବାଲା ତଲେ ଉହନାୟି**

୩୧ ପାସି ଏପକି ଆହାମାନାରି କତାୟାଁ ତିକହାନା ଏଞ୍ଜାରି ହାଡି ମାଡ଼ହାଡି ପାସି ମୁଣ୍ଡାଟି ରେପହା ତାଗାଲି ଜୀହୁଦି ଲକୁଇଁ କାଜାରି ପିଲାତଇଁ ବାତିମାଲିତେରି, ଇତିହୁଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିହିଲାଆତେରି ।

୩୨ ଇଞ୍ଜା ରିଜାରି କସ୍‌କା ଝାହାନା ଜୀସୁତଲେ ପାସି ମୁଣ୍ଡାତା ଏକହାମାଟି ରିଆରି କତାୟାଁ ତିକହେରି ।

୩୩ ସାମା ଏଞ୍ଜାରି ଜୀସୁ ତାଣା ଝାହାନା ଏଞ୍ଜାସି ହାହାମାନାଣି ମେସ୍ତେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ ତିକଆତେରି ।

୩୪ ଆଡ଼ିଜିକେଏ କସ୍‌କା ବିତ୍ରାଟି ରଅସି ଜୀସୁତି ପାଡ଼କା ଟଟତା ବାଲା ତଲେ ଗୁକ୍‌ହେସି ଇଞ୍ଜା ଦେବୁଣିଏ ଏମ୍ବାଟି ଏମ୍ବୁ ଅଡ଼େ ନେତେରି ହତେ ।

୩୫ ଆମ୍ବାଆସି ମେସାମାନେସି, ଏଞ୍ଜାସି ସାକ୍‌କି ହାହାମାନେସି, ଏନିକ୍‌ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକ୍‌କି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି ।

୩୬ ଇଚିହ୍‌ ଦାମ୍‌ ପତିତି କାତା ପୂରା ଆହାଲିତାକି ଇ ବାରେ ଆଡ଼େ, “ଏଞ୍ଜାଣି ର ତୁମ୍‌ ଜିକେଏ ତିକ୍‌ଅରି ।”

୩୭ ☆ଦାମ୍‌ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଈ ବାଲା ତଲେ ଗୁକ୍‌ହା ମାଚାରି ଜିକେଏ ଏଞ୍ଜାଣାଈ ସିନିକିନେରି ।”

**ଜୀସୁଇଁ ମୁହନାୟି**

(ମାତି ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାତିୟାତି ଜସେପ ଇନାସି ପିଲାତ ତାଣା ହାଜାନା ଜୀସୁତି ଆଜ୍ଞା ଅହାଲି ବାତିମାଲିତେସି । ଇ ଜସେପ ଜୀସୁତି ର ସୀସୁ ମାଚେସି, ସାମା ଜୀହୁଦି ଲକ୍ଷୁତି କାଜାରି ଆଜିତାକି ତରୁନା ମାଚେସି, ପିଲାତ ଏଞ୍ଜାଣାଇ ହେଲ ହାହାଲିଏ ଏଞ୍ଜାସି ଜୀସୁତି ଆଜ୍ଞା ମୁସାଲି ଅଡ଼େସି ।

୩୯ ☆ଏଞ୍ଜାଣିତଲେ ନିକଦିମ ମାଚେସି । ଇ ନିକଦିମ ର ଦିନା ଲାଆଁୟାଁ ଜୀସୁତଲେ କାତା ଆହାଲି ଖାହାମାଚେସି, ଏ ନିକଦିମ କଡ଼େଦସ କେଜି ଗାନ୍ଦା ନିୟୁଁ ତାଚିହ୍‌ ଖାହାମାଚେସି ।

୪୦ ଏଞ୍ଜାରି ଜୀସୁତି ଆଜ୍ଞା ଅହାନା ଜୀହୁଦି ଲକ୍ଷୁତି ମୁହନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡ଼ାଡ଼ା ହିମ୍ବୁରି ରୁପିତେରି ।

୪୧ ଜୀସୁ ଏମିନି ଟାୟୁତା ପାସି ମୁଣ୍ଡାତା ଏପକି ଆହାମାଚେସି ଏ ଦାରିତା ର ବାଡ଼ା ମାଚେ, ଏ ବିତ୍ରା ର ପୁଞ୍ଜା ମାହଣି ମାଣ୍ଡା ମାଚେ, ଏମ୍ବାଆଁ ନକେଏ ଆମ୍ବାଆରାଈ ଇଚ୍‌ଞ୍ଜି ଆହାହିଲାଆଡ଼େ ।

୪୨ ଏ ଦିନା ଜୀହୁଦି ଲକ୍ଷୁତି ଜମିନି ଦାନାତି ନକିତି ଦିନା ମାଚାକି, ଗାତି ହେକ ହାଲାଆନା ଏଞ୍ଜାରି ଜୀସୁତି ଆଜ୍ଞା ଅହାନା ମାହଣି ମାଣ୍ଡାତା ଇଚିତେରି ।

**୨୦**

**ଝାରୁଇ ମାହଣି ମାଣ୍ଡା**

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଝାରାତି ମୂଲୁ ଦିନା ଲାଈ ଲାଈ ଆନ୍ଦେରି ମାଞ୍ଜା ମାଞ୍ଜାନା ମଗ୍‌ଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମ୍ବାଟି ଝାଲି ଗୁରା ଆହାମାନାଣି ମେସେ ।

୨ ଇଞ୍ଜା ଏଦି ହଟି ହଟି ହାଜାନା ସିମନ ପିତର ଆମ୍ବାଆରାଈ ଜୀସୁ ଜୀସୁ ନହ୍‌ ମାଚେସି, ଏ ସୀସୁୟାଈ ଏଲେଇଚେ, “ଆମ୍ବାଆରି ପ୍ରବୁଇଁ ମାହଣି ମାଣ୍ଡାଟି

ଅହାମାନେରି, ଇଞ୍ଜା ଆମ୍ବିୟା ଇଟାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି ।”

୩ ଇ କାତା ଖେଞ୍ଜାନା ପିତର ଅଡ଼େ ଅର ସୀସୁ ମାହଣି ମାଣ୍ଡା ଝାକି ହଚେରି ।

୪ ଏଞ୍ଜାରି ରିଆରି ରହେଏ ହଚେରି, ଅର ସୀସୁ ପିତରଇଁ ତାୟୁ ପିସାନା ତଲିଏ ମାହଣି ମାଣ୍ଡା ଏଡ଼େସି ।

୫ ଏଞ୍ଜାସି ବଜାହାଁ ଏମିନି ପାଡ଼ାଡ଼ା ହିମ୍ବୁରି ଆଜ୍ଞାତା ରୁପା ମାଚେରି ଏମ୍ବାଆଁ ରିହାମାଚାଣି ମେସେସି, ସାମା ବିତ୍ରା ହାଲାଆଡ଼େସି ।

୬ ତାୟୁ ସିମନ ପିତର ଜିକେଏ ଖାତେସି ଇଞ୍ଜା ମାହଣି ମାଣ୍ଡା ବିତ୍ରା ହଡ଼ାନା ସିନିକିତେସି ଏମ୍ବାଆଁ ପାଡ଼ାଡ଼ା ହିମ୍ବୁରିକା ମାମ୍ବୁ,

୭ ଇଞ୍ଜା ତାନି ତାୟୁଁ ତୁ ଦସାମାଚି ଏ ପାଡ଼ାଡ଼ା ହିମ୍ବୁରିକା ତଲେ ହିଲାଆଡ଼େ ଏଦି ଏଟକା ମାଚେ ।

୮ ଏଚିବେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ ଖାହାମାଚେସି, ଏଞ୍ଜାସି ଜିକେଏ ବିତ୍ରା ହଡ଼ାନା ମେସେସି ଅଡ଼େ ନାମିତେସି;

୯ ଇଚିହ୍‌ ହାଡ଼ାରି ବିତ୍ରାଟି ଏଞ୍ଜାଣାକି ନିଜାଲି ଆନେ, ଦାମ୍‌ ପତିତି ଇ ବଲୁ ଏଚେ ପାଡ଼େକା ତେଲ୍‌ହା ହିଲାଆଡ଼େରି ।

୧୦ ତାୟୁ ସୀସୁୟାଁ ଖେଶ୍‌ ଇଜ ହାଚେରି ।

**ଜୀସୁ ମଗ୍‌ଦଲିନି ମରିୟମଇଁ ତଞ୍ଜା ଆନାୟି**

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ତାହି ତାହି ପାଜ୍ଞାତା ନିଚା ତୟିତେ; ଇଞ୍ଜା ତାହି ତାହି ବଜାହାଁ ମାହଣି ମାଣ୍ଡା ବିତ୍ରା ସିନିକିତେ,

୧୨ ଜୀସୁତି ଆଜ୍ଞା ଏମିନି ଟାୟୁତା ଇଚ୍‌କି ଆହାମାଚେ, ଏମ୍ବାଆଁ ତାୟୁଁ ଝାକି ରଅସି ଅଡ଼େ କତାୟାଁ ଝାକି ରଅସି ଦବଲା ହିମ୍ବୁରିକା ପରହାନା ରିଆରି ଦୂତୁୟାଁ କୁଗାମାନାଣି ମେସେ ।

୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ତାହିମାଞ୍ଜି ?” ଏଦି ଏଞ୍ଜାରାଈ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅଡ଼େ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ ।”

୧୪ ଏଦି ଏଲେଇଞ୍ଜାନା ତାୟୁଝାକି ସିନିକିହାନା ଜୀସୁଇଁ ମେସେ, ସାମା ଏଞ୍ଜାସି ଜୀସୁ ପୁଞ୍ଜାଲି ଆଡ଼ାଆଡ଼େ ।

୧୫ ଜୀସୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ତାହିମାଞ୍ଜି ? ଆମ୍ବାଆରାଈ ପାରିମାଞ୍ଜି ?”

ଏଦି ଏଞ୍ଜାଣାଇଁ ବାଡ଼ା ଗାଟାସି ଇଞ୍ଜାଁ ଅଣପାନା ଏଲେଇଚେ, “ବାବୁ ନୀନୁ ଏଞ୍ଜାଣାଇଁ ଅହାମାଞ୍ଜି ଇଚିହ୍‌ ଆମ୍ବିୟା ଇଟାମାଞ୍ଜି, ନାଜେ ଖେସ୍‌ମାମ୍ବୁ ନାନୁ ଅଇଁ ।”

୧୬ ଜୀସୁ ଏଦାନି ଏଲେଇଚେସି, “ମରିୟମ !” ମରିୟମ ଏଞ୍ଜାଣି ଝାକି ସିନିକିହାନା ଏଦି ହାଡ଼ାତଲେ ଏଲେଇଚେ, “ରାବ୍‌ବୁନି” ଇଚିହ୍‌ ଏ ଗୁରୁ ।

୧୭ ଜୀସୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣପାଆନି, ଇଚିହ୍‌ ନାନୁ ନୀଏଁ ପାଡ଼େକା ଆଡ଼ା ତାଣା

☆ ୧୯:୩୭ ଖେ ବଲୁ ୧:୭ ☆ ୧୯:୩୯ ଜହ ୩:୧,୨



ହାଜାହିଲଅଁ; ସାମା ନା ତାୟିୟାଁ ତାଣା ହାଜାନା କାବୁ ହୀମୁ, ନାନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଲ୍ ।”

୧୮ ମଗୁଦଲିନି ମରିୟମ ହାଜାନା, ନାନୁ ପ୍ରବୁଇଁ ମେସାମାଲ୍ ଏଝାସି ନାଙ୍ଗେ ଇ ବାରେ କାତା ୱେସାମାଞ୍ଜାନେସି ଇଞ୍ଜିଁ ସୀସୁୟାଁଇଁ କାବୁ ହୀତେ ।

**ଜୀସୁ ସୀସୁୟାଁଇଁ ତଞ୍ଜା ଆନାୟି**

(ମାତି ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହଁ ୱାରାତି ତଲିତି ଦିନା ମିଡ଼ଅଲ୍ଲା ବେଲା ଏଚେତା ସୀସୁୟାଁ ଏମିନି ଇଲୁତା ଜୀହୁଦି ଲକ୍ଷୁତି ଆଜିତାକି ଦାରାୟାଁ ସୁଣ୍ଠାମାଚେରି, ଏଚିବେଲା ଜୀସୁ ୱାହାନା ମାଦିଏ ନିଗାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ।”

୨୦ ଏଝାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତସ୍ତେସି, ଏମ୍ବାଟିଏ ସୀସୁୟାଁ ପ୍ରବୁଇଁ ମେସାନା ରାହାଁ ଆଚେରି ।

୨୧ ଜୀସୁ ୱେଣ୍ଡେ ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ଆବା ଏନିକଁ ନାଙ୍ଗେ ପାଣ୍ଠାମାଞ୍ଜାନେସି, ନାନୁ ଜିକେଏ ମିଙ୍ଗେ ଏଲେକିହଁ ଏ ପାଣ୍ଠାମାଞ୍ଜାଇଁ ।”

୨୨ ଏଲେଇଞ୍ଜାନା ଏଝାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀଝୁଇଁ ଆବାକତାଦୁ,

୨୩ \*ମୀରୁ ମାଣସିୟାଁ ପାପୁ ମ୍ବେକ୍‌ହିସାରେ, ମାହାପୁରୁ ଜିକେଏ ଏଝାରି ପାପୁ ମ୍ବେକ୍‌ନେସି; ଇଞ୍ଜା ଆମ୍ବାଆରି ପାପୁ ମ୍ବେକ୍‌ଅଚେରି, ଇଚିହଁ ଏଝାଣି ପାପୁ ମେଣ୍‌ଜେଏ ।”

**ଜୀସୁ ଅଡ଼େ ତମା**

୨୪ ସାମା ଜୀସୁ ଏଚିବେଲା ୱାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିଦୁମ ଇନେରି, ଏଝାସି ଏଝାରିତଲେ ହିଲାଆଚେସି ।

୨୫ ଏଚକାତି ସୀସୁୟାଁ ଏଲେଇଚେରି, “ମୀମ୍ବୁ ଜୀସୁଇଁ ମେସୁମି ।” ଇଞ୍ଜା ଏଝାସି ଏଝାରାଇଁ ଏଲେଇଚେସି, “ଏଝାଣି କେନ୍ଦୁତି କୁଟିୟାଁ ସିନା ମେହ୍‌ଆତିହଁ ଅଡ଼େ ଏ ବାରେ ତାଣା ନା ୱାଞ୍ଜୁ ଉହ୍‌ଆନା ଇଞ୍ଜା ଏଝାଣି ପାଡ଼କା ଡ଼ଇକା ତୀଗାଆନା ନାନୁ ଏଚେଲା ଜିକେଏ ନାମଅଁ ।”

୨୬ ଆବାଦିନା ଜେଚ ତାନି ସୀସୁୟାଁ ଏ ଇଲୁତେଏ ମାଚେରି, ଅଡ଼େ ତମା ଜିକେଏ ଏଝାରିତଲେ ମାଚେସି, ଦାରାୟାଁ ସୁଣ୍ଠକି ଆହାମାରୁ, ସାମା ଜୀସୁ ୱାହାନା ଏଝାରି ମାଦି ନିଗାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ।”

୨୭ ତାୟୁ ଏଝାସି ତମାଇଁ ଏଲେଇଚେସି, “ଇମ୍ବାଆଁ ନୀ ୱାଞ୍ଜୁ ଉସାନା ସିନିକିମ୍ବୁ, କେନ୍ଦୁ ଦାସାନା ନା ପାଡ଼କା ଡ଼ଇକା ତୀଗାମ୍ବୁ; ଆନାମାନା ଆଆନା ନାମାମ୍ବୁ ।”

୨୮ ତମା ଜୀସୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀସୁ ଏଝାଣାଇଁ ଏଲେଇଚେସି, “ନାନୁ ନାଙ୍ଗେ ମେସାନା ନାମିମାଞ୍ଜାଦି, ଆମ୍ବାଆରି ମେହ୍‌ଆନା ନାମିନେରି ଏଝାରି ନେହେଁ ।”

**ଇ ପତି ଏନାଆଁତାକି ରାସ୍‌କି ଆହାମାନେ**

୩୦ ଜୀସୁ ସୀସୁୟାଁ ନକିତା ହାରେକା କାବାଆନି କାମାୟାଁ କିହାମାଚେସି, ଏଝି ବାରେ ଇ ପତିତା ରାସ୍‌କି ଆହାହିଲାତ;

୩୧ ସାମା ମୀରୁ ଏନିକଁ ନାମିଦେରି, ଜୀସୁ ମାହାପୁରୁ ମୀରୁଏସି ମସିହା,\* ଇ କାତା ନାମାହାଁ ଏନିକଁ ମୀରୁ ଏଝାଣି ଦରୁଟି ଜୀଝୁ ବେଟାଆଦେରି, ଏଦାଆଁତାକି ଇ ବାରେ ରାସ୍‌କି ଆହାମାନେ ।

**୨୧**

**ସାତା ଜାଣା ସୀସୁୟାଁଇଁ ଜୀସୁ ତଞ୍ଜା ଆନାୟି**

୧ ଇଦାଆଁ ତାୟୁ ଜୀସୁ ତିବିରିୟା ସାମ୍‌ଦୁରି ଗାଟୁତା ସୀସୁୟାଁଇଁ ୱେଣ୍ଡେ ତଞ୍ଜାଆଚେସି;

୨ ଏମ୍ବାଆଁ ସିମନ ପିତର ତମା ଆମ୍ବାଆରାଇଁ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡ଼େ ତାନି ସୀସୁୟାଁ ବିତ୍ରାଟି ରିଆରି କୁଡ଼ା ଆହାମାଚେରି ।

୩ \*ସିମନ ପିତର ଏଝାରାଇଁ ଏଲେଇଚେସି, “ନାନୁ ମୀଣକା ଆସାଲି ହାଜିମାଲ୍ ।” ଏଝାରି ଏଝାଣାଇଁ ଏଲେଇଚେରି, “ମୀମ୍ବୁ ଜିକେଏ ନୀ ତଲେ ୱାନିମି ।” ଏଝାରି ହାଜାନା ତଂଗତା ହଡ଼େରି, ଏ ଲାଆଁୟାଁ ଏଝାରି ଏନାଆଁ ଜିକେଏ ବେଟାଆଆଚେରି ।

୪ ସାମା ଜୁଲୁପୁଲୁ ଆହାଲିଏ ଜୀସୁ ଗାଟୁତା ନିଚେସି; ଆଡ଼ିଜିକେଏ ଏଝାସି ଜୀସୁ ଇଞ୍ଜିଁ ସୀସୁୟାଁ ପୁନାଆଚେରି ।

୫ ଜୀସୁ ଏଝାରାଇଁ ଏଲେଇଚେସି, “ଏ କକାଚେରି ମୀ ତାଣା ଏନାଆଁ ମୀଣକା ମାନୁ କି?” ଏଝାରି “ଆଏ” ଇଚେରି ।

୬ \*ଏଝାସି ଏଝାରାଇଁ ଏଲେଇଚେସି, “ତଂଗତି ଚିଃନିଝାକି ଜାଲା ମେଡ଼ଦୁ, ଆତିହଁ ମୀରୁ ବେଟାଆଦେରି ।” ଏମ୍ବାଟିଏ ଏଝାରି ଜାଲା ମେଡ଼ହେରି, ଏମ୍ବାଆଁ ଇଚେକା ମୀଣକା ୱାଡ଼ୁ ଏଝାରି ଏଦାଆଁ ରେଜାଲି ଆଡ଼ାଆଚେରି ।

୭ ଏମ୍ବାଟିଏ ଜୀସୁ ଏମିନି ସୀସୁଇଁ ଜୀଝୁ ନହଁ ମାଚେସି, ଏ ପିତରଇଁ ଏଲେଇଚେରି, “ଇଝାସିତ ପ୍ରବୁ ।” ସିମନ ପିତର ଇ କାତା ୱେଞ୍ଜାନା ତୁମଣ୍ଡା ମାଚାକି ତାନି ସକା ତୁର୍‌ହାନା ସାମ୍‌ଦୁରିତା ଡ଼େଝିଚେସି;

୮ ସାମା ଏଚକାତି ସୀସୁୟାଁ ନେଞ୍ଜାମାନି ମୀଣକା ଜାଲାତି ରେଜି ରେଜି ତଂଗତି ଗାଟୁତା ତାଚେରି, ଇଚିହଁ ଏଝାରି ଗାଟୁଟିଏ ହାରେକା ହେକ ହାଜା ହିଲାଆଚେରି ।

୯ ଏଝାରି ସାମ୍‌ଦୁରି ଗାଟୁତା ରେଟାନା, ଏମ୍ବାଆଁ ରୀଙ୍ଗାୟାଁତି ହିରୁ ଇଞ୍ଜା ହିରୁ ଲାକ ମୀଣକା ଅଡ଼େ ରୁଟି ଇଟାମାନାଣି ମେସ୍ତେରି ।

୧୦ ଜୀସୁ ଏଝାରାଇଁ ଏଲେଇଚେସି, “ମୀରୁ ନୀଏଁ ଏମିନି ମୀଣକା ଆସାମାଞ୍ଜେରି ଏମ୍ବାଟି ଇଚରା ତାତିହଁ ୱାଦୁ ।”

\* ୨୦:୨୩ ମାତି ୧୭:୧୯; ୧୮:୧୮ \* ୨୦:୩୧ କ୍ରୀସ୍ତ \* ୨୧:୩ ଲୁକ ୫:୫ \* ୨୧:୬ ଲୁକ ୫:୬

୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଣ୍ଟକା ମାଟି ଜାଲୀତି ଗାରୁତା ରେଜା ତାତେସି; ଇଚେକା ମୀଣ୍ଟକା ତାକି ଜିକେଏ ଜାଲୀ ତାମ୍ବାଆତେ ।

୧୨ ଜୀସୁ ଏଝାଣାଇଁ ଏଲେଇଚେସି, “ଝାନ୍ତୁ ତିଞ୍ଜୁ ।” ସୀସୁୟାଁ ବିତାଟି ଆମ୍ବାଆରି ଏଝାଣାଇଁ ନୀନୁ ଆମ୍ବାଆତି ଇଞ୍ଜିଁ ଝେଞ୍ଜାଲି ସାସା କିଆତେରି, ଇଚିହଁ ଏଝାସି ପ୍ରବୁ ଇ କାତା ଏଝାରି ପୁଞ୍ଜାମାଚେରି ।

୧୩ ଜୀସୁ ଝାହାନା ରୁଟି ଅହାନା ହୀତେସି, ଇଞ୍ଜାଁ ମୀଣ୍ଟକା ଜିକେଏ ଏଲେକିହଁ ଏ ହୀତେସି ।

୧୪ ଜୀସୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସୀସୁୟାଁ ତଞ୍ଜାଆତେସି ।

**ଜୀସୁ ଅଡ଼େ ପିତର**

୧୫ ଏଝାରି ତିଞ୍ଜାଲି ଆଡ଼ିତି ଜେଚ ଜୀସୁ ସିମନ ପିତରଇଁ ଝେଚେସି, “ଏ ଜହନତି ମୀର୍ଏଣା ସିମନ ଏନାଆଁ ନୀନୁ ନାଙ୍ଗେ ଇଝାରି କିହା ହାରେକା ଜୀଝୁ ନହଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନୀନୁ ନିଙ୍ଗେ ଜୀଝୁନହଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି ।” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଟା ତାଲୁକାଣି ତାହମ୍ବୁ ।”

୧୬ ଜୀସୁ ଝେଣ୍ଟେ ରୀ ପାଲି ତାକି ଝେଚେସି, “ଏ ଜହନତି ମୀର୍ଏଣା ସିମନ ଏନାଆଁ ନୀନୁ ନାଙ୍ଗେ ଜୀଝୁ ନହଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନୀନୁ ନିଙ୍ଗେ ଜୀଝୁନହଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି ।” ଏଝାସି ଏଝାଣାଇଁ ଏଲେଇଚେସି, “ନା ମେଣ୍ଟାୟାଣି ପହିକିମ୍ବୁ ।”

୧୭ ଜୀସୁ ଅଡ଼େ ତାନି ପାଲି ତାକି ଝେଚେସି, “ଏ ଜହନତି ମୀର୍ଏଣା ସିମନ ଏନାଆଁ ନୀନୁ ନାଙ୍ଗେ ଜୀଝୁ ନହଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଝେଞ୍ଜାଲିଏ ଏଝାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଙ୍ଗେ ଜୀଝୁନହଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି ।” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଟାୟାଣି ଜାଡ଼ନୁ ଅମ୍ବୁ ।”

୧୮ ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ନୀନୁ ଦାଂଗଣା ମାନି ବେଲାତା ନୀ ଟେଡେଲି ରୁପା କତାନା ଆମ୍ବିୟାଝାକି ନୀ ମନ୍ ଏନିକା ରେଜିମାଟି, ସାମା ବୁଡ଼ହା ଆଡ଼ିହଁ ନୀନୁ ନୀ କେସ୍ତା ଦାହୁଦି ଇଞ୍ଜାଁ ଅର ରଅସି ନୀ ଟେଡେଲିତା ଦସାନା ଆମ୍ବିୟା ନୀ ମନ୍ ହିଲେଏ ଏନିକା ରେଜା ଅୟାନେସି ।

୧୯ ପିତର ଏନିଲେହେଁତି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଟି କିହାଲି ଏଲେଇଞ୍ଜାମାଚେସି । ଏଲେଇଚି ତାୟୁ ଏଝାସି ଏଝାଣାଇଁ ଏଲେଇଚେସି, “ନା ଜେଚ ଝାମ୍ବୁ ।”

**ଜୀସୁ ତାନି ଜୀଝୁତି ସୀସୁ**

୨୦ \*ଜୀସୁ ଏନିନି ସୀସୁଇଁ ଜୀଝୁ ନହଁ ମାଚେସି, ଅଡ଼େ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରବୁ ନିଙ୍ଗେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜିଁ

ଝେଞ୍ଜାମାଚେସି, ଏ ସୀସୁ ଜେଚ ଝାହିମାନାଣି ପିତର ଝେଣ୍ଟେ ତିର୍ଝାନା ମେସ୍ତେସି ।

୨୧ ପିତର ଏଝାଣାଇଁ ମେସାନା ଜୀସୁଇଁ ଝେଚେସି, “ପ୍ରବୁ ଇଝାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇଚେସି, “ନା ଝାନ୍ତି ଦିନା ପାତେକା ତୟାପେସି ଇଞ୍ଜିଁ ନୀନୁ ମନ୍ କିଇଁ, ଆଡ଼ିହଁ ଏମ୍ବାଆଁ ନୀଦି ଏନାୟି ମାନେ ? ନୀନୁ ନା ଜେଚ ଝାମ୍ବୁ ।”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟାଁ ବିତା ଝେଙ୍ଗାହାଚେ, ସାମା ଏଝାସି ହାଅସି ଇଞ୍ଜିଁ ଜୀସୁ ଏଝାଣାଇଁ ଏଲେଇଞ୍ଜା ହିଲାଆତେସି, ସାମା ନା ଝାନ୍ତି ଦିନା ପାତେକା ଏଝାସି ତୟାପେସି ଇଞ୍ଜିଁ ନୀନୁ ମନ୍ କିଇଁ, ଆଡ଼ିହଁ ଏମ୍ବାଆଁ ମୀ ଏନାୟି ମାନେ ଇଞ୍ଜିଁ ଝେସାମାଚେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାଟାମାନେସି, ଏଝାସି ଏ ସୀସୁ; ଅଡ଼େ ଏଝାଣି ସାକି ସାତା ଇଦାଆଁ ମାମ୍ବୁ ପୁଞ୍ଜାମାନମି ।

**ରାନ୍ତି ହାଡ଼ା**

୨୫ ଜୀସୁ ହାରେ ହାରେକା କାମାୟାଁ କିହାମାଚେସି; ଏ ବାରେ ରଣ୍ଡା ରଣ୍ଡାଆଁ କିହଁ ରାଡ଼ିତିହଁ ମା, ଇଚେକା ପତିୟାଁ ରାସ୍ତକି ଆତୁମା, ଇଚିହଁ ନା ଅଣପୁତା ବାରେ ଦାରଡିତା ଜିକେଏ ଏ ବାରେ ଇଚାଲି ଚାୟୁ ଆଆତେମା ।

\* ୨୧:୨୦ ଜହ ୧୩:୨୫

# ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାର କାମା ମୂଲୁ ହାତୀ

ପାଣ୍ଡୁ ଆହ୍ୱାନାର କାମା ପତି କୁଲମିକା ମାଟୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାଟି ଲେହେଁ, ଏନିକ୍ ଜିରୁସାଲମଟିଏ ଜୀହୁଦା, ସମିରଣ, ଅଡ଼େ ସାରିଖାକି ଏତେ, ଏ କାତାଟି ପୁସ୍ପଦି ୧:୮ ଇ ପତି ଲୁକ ରାଚାମାରେସି, ଆମ୍ବାଆସି ଲୁକ ରାଚାମାନି ନେହଁ କାରୁ ରାଚାମାରେସି । ଏଝାସି ତାକାଦର ମାରେସି ଇଞ୍ଜା ବାରେ କାତା ଜାଡ଼ନୁ ତଲେ ରାଚାମାରେସି । ଏଝାସି ତାନି ଲୁକ ନେହଁ କାରୁ ପାଣ୍ଡୁ ଆହ୍ୱାନାନାର କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଝାସି ଗ୍ରିକ୍ ଲକୁ ମାରେସି, ସାମା ଗ୍ରିକ୍ ଅଡ଼େ ଜୀହୁଦି ଲକୁଣି ଆଟୁହି କ୍ରୀସ୍ତାନା ଲକୁକି ଜିକେଏ ଇ ପତି ରାସ୍ତିକ ଆହ୍ୱାନାରେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟ ୭୦-୭୪ ବାର୍ସା ବିତ୍ରା ପାଣ୍ଡୁଆଡ଼ି ପତି ରାସ୍ତିକ ଆହ୍ୱାନାଣ୍ଡିନେ, ଏନାଆଁତାକି ଇଚିହଁ ପାଣ୍ଡୁଲ କାୟିଦିଟି ପିସ୍ପିଆଡ଼ି ନକେଏ ପତି ରାଚାଲି ରାହାମାରେ । ଲୁକ ଜିକେଏ ପାଣ୍ଡୁଆଡ଼ି ପାଣ୍ଡୁଲ ତଲେ ରେଜିମାରେସି ଅଡ଼େ ଆଡ଼ିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାନାର କାମା ପତି ରାଚାମାରେସି । ପାଣ୍ଡୁ ଆହ୍ୱାନାର କାମା ପତି “ଲୁକ ରାଚାମାନି ନେହଁ କାରୁ” ରାଚିତି ଜେଟ ଜେଟ ଜୀସୁ ଲାକପୁରୁ ହାଜାଲିଏ ରାଚାଲି ମାଟୁହା ମାରେସି । ଲୁକ ତାନି ନେହଁ କାରୁ ଏନାଆଁତାକି ରାଚାମାରେସି, ଏଲେକିହଁଏ ଇ ପାଣ୍ଡୁ ଆହ୍ୱାନାନାର କାମା ପତି ରାଚାମାରେସି । ଏଝାସି ତିୟପିଲ ଅଡ଼େ ଗାଡ଼ି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଡ଼ି ଆହ୍ୱାନାରେ, ଏମ୍ବାଆଁ ତାର ଆହାଲି ଅଣ୍ଡିମାରେସି, ଏଦାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାଚାମାନେସି ।

ପାଣ୍ଡୁ ଆହ୍ୱାନାନାର କାମା ପତି ମୂଲୁଏ ଆଡ଼ି କୁଲମିକାଟି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହଁ ତଞ୍ଜା ଆନାୟି ଏଦାଆଁ ମାଜେ ଖେସ୍ତାନେ । ସୁଦୁଜୀଝୁତି ବାଡ଼ୟୁ ତଲେ ଏନିକିହଁ ଏଟକା ଲକୁତାଣା ନେହଁ କାରୁ ଏପ୍ନାୟି ପାଣ୍ଡୁ ଆହ୍ୱାନାର କାତା ଖେସ୍ତାନେ ।

### ପତିତା ମାନାୟି

- ୧. ମୂଲୁଏ ସୀସୁୟାଁ ଲାକ ସୁଦୁଜୀଝୁ ଖାନାୟି ଅଡ଼େ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି । ୮:୨-୧୨:୨୩
- ୩. ପାଣ୍ଡୁଲ ମୂଲୁଏ ତାନି ସେବା କାମାତାକି ହାନାୟି । ୧୨:୨୪-୧୪:୨୮

- ୪. ଜିରୁସାଲମତା କୁଟମି କୁଗିନାୟି । ୧୫:୧-୩୫
- ୫. ପାଣ୍ଡୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୬-୧୮:୨୨
- ୬. ପାଣ୍ଡୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଣ୍ଡୁଲ ଜିରୁସାଲମତା ଦସ୍ପି ଆନାୟି । ୨୧-୨୭
- ୮. ରମ୍ପତା ପାଣ୍ଡୁଲଇଁ ପାଣ୍ଡିନାୟି । ୨୭-୨୮

### ସୁଦୁଜୀଝୁ ତାକି ଆଞ୍ଜିନାୟି

୧ \*ଏ ଜୀଝୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାଚାମାଲ୍, ଜୀସୁ ଏମିନି କାମା ମାଟୁହେସି ଅଡ଼େ ଜାପୁହେସି,

୨ ଏ ଦିନା ପାତେକା ଏଝାସି ପାଣ୍ଡୁ ଆହ୍ୱାନାଲ୍ ଆଚାମାରେସି, ସୁଦୁଜୀଝୁ ତଲେ ହୁକୁମି ହୀହାନା ଲାକପୁରୁ ଅଡ଼ି ଆହ୍ୱାନାରେସି ।

୩ ଏଚେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟ ହାରେକା ଦିନା ଏଝାସି ଜୀଝୁତଲେ ମାରେସି ଇଦାଆଁ ପାଣ୍ଡୁ ଆହ୍ୱାନାନାର ତାଣା ପାରମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପୁହେସି ।

୪ \*ର ଦିନା ଏଝାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହ୍ୱାନାଟି ବେଲାତା ଜୀସୁ ଏଝାରାକି ଇ ହୁକୁମି ହୀତେସି; “ମୀରୁ ଜିରୁସାଲମ ପିସାଁ ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆବାଡ଼ି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡିନି ପାତେକା କାଚାନା ଡ଼ୟାଦୁ;

୫ \*ଇଚିହଁ ଜହନ ଏୟୁତା ବାପ୍ତିସ୍ମ\* ହୀତେସି ସାତା, ସାମା ମୀରୁ ଏଚରଦିନା ଜେଟ ସୁଦୁଜୀଝୁ ତଲେ ବାପ୍ତିସ୍ମ† ବେଟାଆଡ଼େରି ।”

### ଜୀସୁ ଲାକପୁରୁ ହାନାୟି (ମାର୍କ ୧୭:୧୯-୨୦; ଲୁକ ୨୪:୫୦-୫୩)

୬ ର ଦିନା ପାଣ୍ଡୁ ଆହ୍ୱାନାର ରୁଣ୍ଡା ଆହ୍ୱାନାଟି ବେଲା ଜୀସୁଇଁ ଖେଚେରି, “ପ୍ରୁ, ନୀନୁ ଏନାଆଁ ନୀଏଁ ଇସ୍ତାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରପିଦି ?”

୭ ଜୀସୁ ଏଝାରାଇଁ ଏଲେଇଚେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରାତା ଇଟାମାନେସି, ଏ ବାରେ ମିଜେ ପୁଞ୍ଜାଲି ଲଡ଼ା ଆଏ ।

୮ \*ସାମା ସୁଦୁଜୀଝୁ ମୀ ତାଣା ଖାଡ଼ିସାରେ, ମୀରୁ ବାଡ଼ୟୁ ବେଟାଆଡ଼େରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଟପେ ତାକି ନା ସାକି ଆଡ଼େରି ।”

୯ \*ଏଝାସି ଇ ବାରେ କାତା ଖେସ୍ତି ତାୟ ଏଝାରି ମେସ୍ପଦିଏ ଜୀସୁ ଲାକପୁରୁ ହାଚେସି, ଅଡ଼େ ଇଚାୟି ଦୁହା ଏଝାଣାଲ୍ ଏଝାରି ତାଣାଟି ଅହଁ ହାଚେ, ଏଝାରି ଅଡ଼େ ଏଝାଣାଲ୍ ମେହ୍ଆଚେରି ।

\* ୧:୧ ଲୁକ ୧:୧-୪    \* ୧:୪ ଲୁକ ୨୪:୪୯    \* ୧:୫ ମାଟି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩    \* ୧:୫ ମୁଞ୍ଜିନାୟି    † ୧:୫ ମୁଞ୍ଜିନାୟି    \* ୧:୮ ମାଟି ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮    \* ୧:୯ ମାର୍କ ୧୭:୧୯; ଲୁକ ୨୪:୫୦,୫୧

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମୁ କିହାନା ସିନିକିହି ମାନେରି; ଏଚିବେଲା ଦବଲା ହିମ୍ବୁରିକା ହୁଚାମାନି ରିଆରି ଦେବୁଣିଏ ଏଞ୍ଜାରି ନକିତା ନିତେରି,

୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁଚେରି, ଏନାଆଁତାକି ହାଗୁଞ୍ଜାକି ମୁମୁ କିହାନା ନିଚାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଞ୍ଜିଆଡେସି, ଏଞ୍ଜାଣାକ୍ ଏନିକ୍ ଲାକପୁରୁ ହାଚାଣି ମୀରୁ ମେସ୍ତେରି, ଅଡେ ଏଲେକିହି ଏ ଖେଣ୍ଟେ ଖାନାଣି ମେହ୍‌ଦେରି ।”

**ଜୀହୁଦା ଚାୟୁତା ମାଡିୟୁକ୍ ଆଡିନାୟି**

୧୨ ଏମ୍ବାଟିଏ ତାୟୁ ଏଞ୍ଜାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଟାଞ୍ଜାଡେରି, ଏ ଜୀତ ହରୁଟିଏ ଜିରୁସାଲମ ର କିଲମିଟର ହେକ ମାଚେ ।

୧୩ ଇଞ୍ଜା ଏଞ୍ଜାରି ପିତର, ଜହନ, ଜାକୁବ, ଆନ୍ଦ୍ରିୟ, ପିଲିପ, ତମା, ବାର୍ତଲମି, ମାଡିୟୁ, ଆଲେପି ମୀରଏସି ଜାକୁବ, ଦେସାତି ଜୀସୁ ନନି ସିମନ ଅଡେ ଜାକୁବ ମୀରଏସି ଜୀହୁଦା, ଗାଡାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି ।

୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡେ ତାମି ତାୟିୟା ତଲେ ରଣ୍ଡିଏ ଅଣ୍ଡପୁ ତଲେ ପ୍ରାତାନା କିହି ରୁଣ୍ଡା ଆହାମାଚେରି ।

୧୫ ଏଚରଦିନା ତାୟୁ ନାମିତାରି କୃତା ଆହାମାଚେରି, ଏମ୍ବାଆଁ ସ କଡ଼ି ଜାଣା ଲକୁ କୃତା ଆହାମାଚେରି, ପିତର ତାୟିୟା ବିତ୍ରାଟି ନିଚାନା ଏଲେଇଚେସି,

୧୬ “ଜୀସୁତି ତାୟିୟା ଅଡେ ତାଙ୍ଗିସ୍ତା, ଆମିନି ଇସ୍ତାରିୟତ ଜୀହୁଦା ଜୀସୁକ୍ ସାତୁୟା କେୟୁତା ଆସ୍‌ପି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀସୁ ନକେଏ ଦାସୁଦ ଗୁଡିଟି ଏନାଆଁ ଖେସାମାଚେସି, ଏ ଦାମ୍ ସାସ୍ତେରି ପୁରା ଆନାୟି ମାଚେ;

୧୭ ଇତିହି ଏଞ୍ଜାସି ମା ବିତ୍ରାଟି ରଅସି ଇଞ୍ଜା ଏଜିକିଞ୍ଜି ଆହିମାଚେସି, ଅଡେ ଇ ସେବା କାମାତା ପାଣା ବେଟାଆହା ମାଚେସି ।”

୧୮ ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାବୁୟା ତଲେ ରଚାଣି ବୁମି କଡ଼ି ଆହାମାଚେ, ଅଡେ ଏଞ୍ଜାସି ହାଡି ତାଣା ତାୟୁ ତୁଇ କିହି ତରଗାଲିଏ ତାନି ବାଣ୍ଡି ଡାୟାହାଚେ ଇଞ୍ଜା ଖାହିୟା ହଚାହାଚୁ ।

୧୯ ଅଡେ, ଇଦାଆଁ ଜିରୁସାଲମ ଗାଡାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡାତଲେ “ହକଲଦାମା” ଇତିହି “ନେତେରି ବୁମି” ଇଞ୍ଜା ଖେଜିଚେ ।

୨୦ ଅଡେ ପାଚୁ ପତିତା ରାସ୍‌କି ଆହାମାନେ, “ଏଞ୍ଜାଣି ବାସାଗାୟୁ ଖାରୁଆୟି ଆପେ; ଏମ୍ବାଆଁ ଆମ୍ବାଆରି ବାସା କିଆପେରି ।”

ଅଡେ ଜିକେଏ ରାସ୍‌କି ଆହାମାନେ; “ଏଞ୍ଜାଣି କାମାତି ପାଣା ଅର ରଅସି ବେଟା ଆପେସି ।”

୨୧ “ଏଦାଆଁତାକି, ପ୍ରବୁ ଜୀସୁ ଖେଣ୍ଟେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ ।

୨୨ ଜୀସୁ ଜହନ ତାଣାଟି ବାପ୍ତିସ୍ମା ଅଡି ବେଲାଟିଏ ଲାକପୁରୁ ହାନି ପାଚେକା ପ୍ରବୁ ଜୀସୁ ମା ତଲେ ନୀତାମାତି ବେଲାତା, ଆମିନି ଲକୁ ମା ଗଚିତା ମାଚେରି, ଏଞ୍ଜାରି ତାଣାଟି ରଅସି ଖେଣ୍ଟେ ନିଜିନି ସାକି ଆନାୟି ମାନେ ।”

୨୩ ଏଚେଟିଏ ଏଞ୍ଜାରି ରିଆରାକ୍ ଇତିହି ଜସେପକ୍, ଆମ୍ବାଆରାକ୍ ବର୍ସବା ଇନେରି ଅଡେ ଆମ୍ବାଆରି ହାଚା ଦରୁ ଜୁସ୍ ଏଞ୍ଜାଣାକ୍ ଇଞ୍ଜା ମଡିୟକ୍ ବାଟି କିହାନା,

୨୪ ଇ ପ୍ରାତାନା କିଚେରି, “ପ୍ରବୁ ନୀନୁ ବାରେଡି ହିୟାତି ଅଣ୍ଡପୁ ପୁନାତି, ଜୀହୁଦା ଏମିନି ଚାୟୁତା ଡୟିନାୟି ମାନେ ଏଞ୍ଜାସି ହାଜାଲିଏ, ଏଞ୍ଜାଣି ଚାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡିତାସି ଆମ୍ବାଆସି,

୨୫ ଏ ପାଣ୍ଡୁଞ୍ଜି ଆହାମାନାରି ସେବା କାମା କିହାଲି ଆମ୍ବାଆରାକ୍ ଜୀହୁଦା ପାଣାତା ବାଟି କିହାମାଞ୍ଜି ତସ୍ତାମୁ ।”

୨୬ ଅଡେ ଏଞ୍ଜାରି ଏ ରିଆରି ତାକି ପାଦି କିହାଲିଏ ମଡିୟ ଦରୁତଲେ ଆଡେ; ଅଡେ ଏଞ୍ଜାସି ଏଗାର ଜାଣା ପାଣ୍ଡୁଞ୍ଜି ଆହାମାନାରି ଗଚିତା ଆଣ୍ଡିଚେସି ।

**୨**

**ସୁଦୁଜୀସୁ ରେଟା ଖାନାୟି**

୧ ପେନ୍ତିକସ୍ତ\* ଦିନାତା କ୍ରୀସ୍ତକ୍ ନାମିତି ବାରେଜାଣା ର ଚାୟୁତା ରୁଣ୍ଡା ଆହାମାଚେରି ।

୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡା ଲାକପୁରୁଟି ଖାହାଁ, ଆମିନି ଇଲୁତା ଏଞ୍ଜାରି କୁଗାମାଚେରି, ଏ ଇଲୁତି ବାରେଖାକି ଖେଜିଚେ ।

୩ ଇଞ୍ଜା ହିରୁ ଗୁଦ୍‌ଖା ଲେହେଁ ତଞ୍ଜାଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହି ଏ ବାରେଜାଣାତି ଲାକ ରେଟାଞ୍ଜାଚେ ।

୪ ଏମ୍ବାଟିଏ ଏଞ୍ଜାରି ବାରେଜାଣା ସୁଦୁଜୀସୁ ବେଟାଆହାନା ଏ ଜୀସୁ ଏନିକ୍ ଜଲାଲି ବାଡୁୟୁ ହାଚେ, ଏଲେକ୍ ଏଞ୍ଜାରି ଏଟକା ଏଟକା ହାଡାତଲେ ଜଲାଲି ମାଚ୍‌ହେରି ।

୫ ଏଚିବେଲାତା ପେନ୍ତିକସ୍ତ ପାର୍ବୁତାକି ହାଗୁ ଡଇତି ଏଟକା ଏଟକା ଦେସାଟି ଖାହାମାଟି ଜୀହୁଦି ଲକୁ ଜିରୁସାଲମତା ଡୟା ମାଚେରି;

୬ ଅଡେ, ଏ ହାଡା ଖେଞ୍ଜାଲିଏ, ହାରେକା ଲକୁ କୃତା ଆହାନା ବାରେଜାଣା ଜାହା ଜାହାରା ହାଡାତଲେ ଏଞ୍ଜାରି ଜଲିମାନାଣି ଖେଞ୍ଜାନା କାବା ଆହାହାଚେରି ।

୭ ଇଞ୍ଜା ଏଞ୍ଜାରି ଆତାଜାକା ଅଡେ କାବାଆହାନା ଏଲେଇଚେରି, “ମେହ୍‌ଦୁ ଇ ଆମିନି ଲକୁ ହାଡା ଜଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକ ?

୮ ଆଡିହି, ମାଚ୍ ଏନିକ୍ ବାରେଜାଣା ଜାହା ଜାହାରା ଜାର୍ନା ଚାୟୁତି ହାଡାତଲେ ଜଲିମାନାଣି ଖେଞ୍ଜିମାନାୟି ?

☆ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬ ☆ ୧:୧୮ ମାତି ୨୭:୩-୮ ☆ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ ‡ ୧:୨୨ ମୁଞ୍ଜିନାୟି \* ୨:୧ ପିସ୍‌ପିଆନି ପାର୍ବୁତି ରୀ କଡ଼ି ଦସ ଦିନା

୯ ପାତଂୟ, ମାଦିୟ, ଏଲାମିୟ, ଅଡେ ମେସପଟାମିୟା, ଜାହୁଦା ଦେସା, କାପାଦକିୟା; ପତ୍ର ଅଡେ ଆସିୟା,

୧୦ ପୁଗଂୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ଡଇନି ଲିବିୟା ନାସ୍କାଣା ବାସା କିନାରି, ଇଞ୍ଜା ରମ୍ପି ଖାହାମାନି ଜାହୁଦି,

୧୧ ଅଡେ ଏଟକା କୃତାତି ଲକୁ ଜାହୁଦି ଦାମ୍ପୁତି ନାମାହାଁ ଡୟାମାନାରି; ଅଡେ କ୍ରିତି ଇଞ୍ଜା ଆରବିୟ ଦେସାତି ଲକୁତାୟି ମାର, ମାର ଜାହା ଜାହାରା ହାଡାତଲେ ମାହାପୁରୁତି କାଜା କାଜା କାମାତି କାତା ଜଲିମାନାଣି ଖେଞ୍ଜିମାନାୟି ।”

୧୨ ଅଡେ ବାରେଜାଣା ଆତାଜାକା ଅଡେ କାବାଆହାନା ତାମ୍ପୁତାମ୍ପୁ ହାଡାକାତା ଆଡେରି, “ଇଦାଣି ଅର୍ତ୍ତ ଏନାୟି ?”

୧୩ ସାମା ଏଟକାତାରି ଲାଜାକିହଂ ଏଲେଇଚେରି, “ଇଝାରି ପୁଝନି ଡାକ୍ତାହି ଅଞ୍ଜୁରି ରାସା ଗସାନା ହଡା ହାଜାମାନେରି ।”

**ପିତର କାବୁ ଖେକ୍ନାୟି**

୧୪ ସାମା ପିତର ଏଗାର ଜାଣା ସୀସୁୟା ତଲେ ନିଚାନା କାଜା ଗିୟାତଲେ ଏଲେଇଚେସି, “ଜାହୁଦି ତାୟିୟା ଅଡେ ଜିରୁସାଲମତା ବାସା କିହିମାନାଡେରି, ମୀରୁ ନା କାତାତି ଖେଞ୍ଜାଦୁ ଅଡେ ଇଦାଆଁ ପୁଞ୍ଜୁ ।

୧୫ ଇଚିହଂ ମୀରୁ ଏନିକଂ ଅଣ୍ପିମାଞ୍ଜେରି, ଇଝାରି ଏଲେକିହଂ ଅଞ୍ଜୁରି ରାସା ଗସାହାଁ ହଡା ହିଲଅରି; ଇଦି ଆଡେ ଲାଈତି ନ ଗଂଟା ଆହାମାନେ ।

୧୬ ସାମା ମାହାପୁରୁ ଅଣ୍ପୁତି ବଲୁ ଖେହ୍ନି ଆମିନି ଜୟେଲ ତାଣାଟି ରାସ୍କି ଆହାମାନେ ଇଦି ଆହିମାନେ ଏଦି;

୧୭ ‘ମାହାପୁରୁ ଖେସିମାନେସି ରାନି ଦିନାତା ଇ ବାରେ ଗଟଞ୍ଜି ଆନେ,

ନାନୁ ବାରେ ଲକୁତାକି ନା ଜୀଝୁ ପାଣ୍ଡାଈ,

ଏଚେଟିଏ ମୀ ମୀରକା ମାସ୍କା ମାହାପୁରୁ ଅଣ୍ପୁତି ବଲୁ ଖେହ୍ନେରି,

ମୀ ଦାଂଗଣାୟାଁ କାବା ଆନାଣି ମେହ୍ନେରି,

ଅଡେ ମୀ ବୁଡହାୟାଁ ହାପାନା ହେଶ୍ନେରି ।

୧୮ ହାଅ, ଏ କାଲାତା ନା ହଲିୟାଞ୍ଜା ଇଞ୍ଜା ହଲେଣିସିକା ଲାକ,

ନାନୁ ନା ଜୀଝୁତି ଏଝାରି ଲାକ ଖାକ୍‌କ୍,

ଏଚେଟିଏ ଏଝାରି ମାହାପୁରୁ ଅଣ୍ପୁତି ବଲୁ ଖେହ୍ନେରି ।

୧୯ ନାନୁ ହାଗୁ ଲାକ କାବାଆନି କାମା;

ଅଡେ ଡଇ ଦାଡିତା କାବାଆନି ସିନାୟାଁ,

ଏମ୍ପାଆଁ ନେଡେରି, ହିଚୁ ଇଞ୍ଜା ହାରେକା ବୟଂ ତହ୍‌କ୍;

୨୦ ପ୍ରୁତି କାଜା ଗାଝୁରି ଦିନା ଝାନି ନକେଏ,

ଖେଡା ଆନ୍ଦେରି ଆନେ,

ଅଡେ ଲେଞ୍ଜୁ ନେଡେରିଲେହେଁ ଆନେ ।

୨୧ ଅଡେ ଇଲେକିହଂ ଆନେ, ଆମ୍ପାଆସି ପ୍ରୁ ଦରୁ ଆସାନା ପ୍ରାଡାନା କିନେସି, ଏଝାସି ଗେଲ୍‌ପି ଆନେସି ।”

୨୨ “ଇସ୍ରାୟେଲ ଲକୁଡେରି, ଇ ବାରେ କାତା ଖେଞ୍ଜୁ ! ନାଜରିତ ଜୀସୁ ହାରେକା ବାଡ଼ୁଡି କାମା, କାବାଆନି କାମା ଇଞ୍ଜା ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁ ଆଡାସି ଇଞ୍ଜା ପାରମାଣା ଆହାମାନେସି, ଏଝାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

୨୩ \*ଏ ଜୀସୁ ମାହାପୁରୁ କିହାମାନି ଅଣ୍ପୁ ଅଡେ ତଲିତି କାତାତଲେ ହେରପି ଆହାଲିଏ, ମୀରୁ ଏଝାଣାଈ ପାପୁ ଗାଟାରି କେୟୁଟି ପାସି ମୁଣ୍ଡାତା ଏକ୍‌ହାନା ପାୟାମାଚେରି ।

୨୪ \*ସାମା ମାହାପୁରୁ ଏଝାଣାଈ ହାକିତି ବାଡ଼ୁଡି ଗେଲ୍‌ପାନା ନୀଟହା ମାଚେସି, ଇଚିହଂ ଏଝାସି ହାକିତା ଦସପି ଆହା ଡୟିନେସି ଏଦି ଆହାଲି ଆଡେଏ ।”

୨୫ ଦାଝୁଦ ଏ କାତାତି ଖେସାମାନେସି,

“ନାନୁ ବାରେଚେଲା ନା ନକିତା ପ୍ରୁକ୍‌କ୍ ମେସିମାଚେସି;

ଇଚିହଂ ନାନୁ ଏନିକଂ କିଲିବିଲି ଆଅଁ, ଏଦାଆଁତାକି ଏଝାସି ନା ଚିଝନି ଗଟତା ମାନେସି ।

୨୬ ଏଦାଆଁତାକି ନା ହିୟାଁ ରାହାଁ

ଅଡେ ନା ଖେହ୍ନି ରାହାଁ ଆଡେ,

ଅଡେ ନା ଆଞ୍ଜା ଜିକେଏ ବାସୁଁ ତଲେ ବାସା କିନେ,

୨୭ ଇଚିହଂ ନାନୁ ନା ଜୀଝୁତି ହାକିପୁରୁତା ପିହଅତି;

ଅଡେ ନୀ ନାମୁ ଅଡେ ସୁଦୁ ଗାଟାଣାଈ ମାହଣି ମାଣ୍ଡାତା ସୀରହାଲି ହୀଅତି ।

୨୮ ନାନୁ ନାଞ୍ଜେ ଜୀଝୁତି ଜିରୁ ତସାମାଞ୍ଜାଦି,

ଅଡେ ନାନୁ ନାଞ୍ଜେ ନୀ ନକିତା ରାହାଁତା ନେଞ୍ଜିକିୟାଦି ।”

୨୯ “ଇସ୍ରାୟେଲତି ତାୟିୟାଁ ଅଡେ ତାଞ୍ଜିସ୍ତାଡେରି, ମା ଆକୁ ଦାଝୁଦତି କାତା ନାନୁ ମିଞ୍ଜେ କାଜା ହାଡାତଲେ ଖେସାଲି ଆଡାଈ, ଇଚିହଂ ଏଝାସି ହାଡେସି ଇଞ୍ଜା ମୁସପି ଆଡେସି, ଇଞ୍ଜା ଏଝାଣି ମାହଣି ମାଣ୍ଡା ନୀଏଁ ପାଡେକା ଇମ୍ପାଆଁ ମା ବିଡା ମାନେ ।

୩୦ ରାଜା ଦାଝୁଦ ର ମାହାପୁରୁ ଅଣ୍ପୁତି ବଲୁ ଖେହ୍ନାସି ଲେହେଁ, ତାନି ନେଡେରି ତଲେ ଜାନି ଆଡାଣାଈ ମାହାପୁରୁ ତାନି ସିଂଗାସାଣିତା କୁଚିକିହାଲି ତାନି ତାଣା ଆଞ୍ଜାମାଚେସି ଇଞ୍ଜା ପୁଞ୍ଜାମାଚେସି ।

୩୧ ଦାଝୁଦ ଇଦାଆଁ ପୁଞ୍ଜାମାଚାକି, କ୍ରୀସୁତି ଖେଶ୍ଟେ ନିଞ୍ଜିନି କାତା ଖେସାମାଚେସି ।”

“ଇଚିହଂ ଏଝାସି ହାଡାରି ତାଣା ଡୟାଆଡେସି;

ଇଞ୍ଜା ଏଝାଣି ଆଞ୍ଜା ମାହଣି ମାଣ୍ଡାତା ସୀରଆଡେ ।”

୩୨ ମାହାପୁରୁ ଇ ଜୀସୁକ୍‌କ୍ ଅଡେ ଖେଶ୍ଟେ ହାକିତି ନିକ୍‌ହାମାନେସି ଇଦାଣି ତାକି ମାମ୍ପୁ ନାରେ ସାକି ।

୩୩ ଏଦାଆଁତାକି ଆବା ମାହାପୁରୁ ଜୀସୁକ୍‌କ୍ କାଜାସି କିହାନା ତାନି ଚିଝନିଝାକି କୁଚିକିହାନା ତାନିତଲେ ସାଲ୍‌ଝି

\* ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ \* ୨:୨୪ ମାତି ୨୮:୫,୬; ମାର୍କ ୧୨:୬; ଲୁକ ୨୪:୫

କିହାଲି ହୀତେସି, ଇଞ୍ଜା ଏଞ୍ଜାସି ମାଙ୍ଗେ ଆଞ୍ଜାମାଟି ସୁଦୁଜୀଞ୍ଜୁ ହିୟାତେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜା ଖେଞ୍ଜିମାଞ୍ଜେରି ।

୩୪ ଇଚିହିଁ ଦାଞ୍ଜୁଦ ଲାକପୁରୁ ହାଜାହିଲାଆତେସି; ଏଞ୍ଜାସି ତାନୁଏ ଖେସାମାରେସି,

“ପ୍ରବୁ ନା ପ୍ରବୁଇଁ ଏଲେଇଚେସି;

୩୫ ନାନୁ ନୀ ସାତୁୟାଣି ନୀ କତାୟା ଡ଼ଇ ଇଟାଆ ପାତେକା, ନାନୁ ନା ଚିଃନିଞ୍ଜାକି କୁଗାମାନାମୁ ।”

୩୬ “ଇଦାଆଁତାକି ବାରେ ଇସାୟେଲତି ଲକୁ ସାତେଏ ପୁନାପେରି, ଇଚିହିଁ ଆମିନି ଜୀସୁଇଁ କୁସତା ପାୟିତେରି, ସାତେଏ ଏଞ୍ଜାଣାଇଁ ମାହାପୁରୁ, ପ୍ରବୁ ଅଡ଼େ ମସିହା ପାଣା ହୀତେସି ।”

୩୭ ଇ କାତା ଖେଞ୍ଜାନା ଲକୁତି ହିୟାଁ ତୀହାହାଚେ, ଇଞ୍ଜା ଏଞ୍ଜାରି ପିତର ଅଡ଼େ ଏମ୍ବାଆଁ ମାଟି ପାଣୁଞ୍ଜି ଆଡ଼ାରାଇଁ ଏଲେଇଚେରି, “ତାୟିୟାଁ ମାମୁ ଏନାଆଁ କିନମି ?”

୩୮ ପିତର ଏଞ୍ଜାରାଇଁ ଏଲେଇଚେସି, “ମୀରୁ ମୀ ହିୟାଁ ଖେଟ୍‌ହା କଡ଼ାଦୁ, ଅଡ଼େ ଜାହାରା ପାପୁତି ମ୍ବେକ୍‌ହାଲି ବାରେଜାଣା ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମାଁ ଅଦୁ; ଆତିହିଁ ଦେଁ ମୀରୁ ସୁଦୁଜୀଞ୍ଜୁତି ଦାନା ବେଟାଆଡ଼େରି ।

୩୯ ଇଚିହିଁ ମାହାପୁରୁ ଆଞ୍ଜାମାନାୟି ମିଙ୍ଗେତାକି, ଇଞ୍ଜା ମୀ ମୀରକା ମାସକା ତାକି, ଅଡ଼େ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକୁତାକି ଆନେ ।”

୪୦ ଅଡ଼େ ପିତର ଏଞ୍ଜାରାଇଁ ହାରେକା କାତାତଲେ ବାତିମାଲିହିଁ ଅଡ଼େ ଏଞ୍ଜାରାଇଁ ଜାପୁନି ହାଡ଼ା ଖେସିହିଁ ସାକି ହୀତେସି, “ଇ କୁଟୁଗାଟି କୁଡ଼ାତି ଲକୁଟିଏ ମୀରୁ ଗେଲ୍‌ପି ଆଦୁ ।”

୪୧ ହାରେକା ଲକୁ ଏଞ୍ଜାଣି ହାଡ଼ା ନାମିତେରି ଇଞ୍ଜା ବାପ୍ତିସ୍ମାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି ।

୪୨ ଏ ଦିନାଟିଏ ଏଞ୍ଜାରି ପାଣୁଞ୍ଜି ଆଡ଼ାରି ଜାପୁନି ତାଣା, ଏଞ୍ଜାରିତଲେ ଆଣ୍ଡାନା ରୁଟି ଡ଼ିକ୍‌ହାଲି, ପ୍ରାଡ଼ାନା କିହାଲି ଆଣୁଞ୍ଜି ଆହାଁ ଡ଼ୟିତେରି ।

**ନାମୁଗାଟାରି ମାଣକି**

୪୩ ପାଣୁଞ୍ଜି ଆଡ଼ାରି ତାଣାଟି ହାରେ ହାରେକା କାବାଆନି କାମା ଇଞ୍ଜା ସିନାୟାଁ ତଞ୍ଜାଆହାଲି ମାଟ୍‌ହେ; ଅଡ଼େ, ଲକୁ ବାରେ ଆଜାଲି ମାଟ୍‌ହେରି ।

୪୪ \*ସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନ୍‌ଡି ବାରେତାୟି ଇଞ୍ଜା ଅଣ୍ଡିପିତେରି,

୪୫ ଅଡ଼େ ଏଞ୍ଜାରି ଜାହାରା ଦନ୍‌ଡି ଆସ୍ତି ମାଟାଣି ପାରଟାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହିଁ ବାରେତାକି ବାଟିକିହାଁ ହୀହାଲି ମାଟ୍‌ହେରି ।

୪୬ ଅଡ଼େ, ଏଞ୍ଜାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାଡ଼ାନା ଇଲୁତା ରୁଣ୍ଡା ଆହାନା ଡ଼ୟିମାଚେରି, ଇଞ୍ଜା

ଇଲୁତାକି ଇଲୁ ରୁଟି ଡ଼ିକ୍‌ହିଁ ରାହାଁ ଅଡ଼େ ହିଡ଼ଡ଼ି ହିୟାଁ ତଲେ ତିଞ୍ଜି ଉଣ୍ଡିହିଁ,

୪୭ ମାହାପୁରୁତି ଜହରା କିହିମାଚେରି ଇଞ୍ଜା ବାରେ ଲକୁତି ଜୀଞ୍ଜୁ ନନାରି ଆହିମାଚେରି । ଅଡ଼େ ପ୍ରବୁ ତାଣା ଗେଲ୍‌ପି ଆହିମାନି ଲକୁଣି ବାରେଦିନା କୁଲମି ତଲେ କାଲ୍‌ହାଲି ମାଟ୍‌ହେରି ।

**୩**

**ପିତର ସଟାଇଁ ନେହିଁ କିନାୟି**

୧ ପିତର ଅଡ଼େ ଜହନ ର ଦିନା ପ୍ରାଡ଼ାନା କିନି କାଟୁତା ଇଚିହିଁ ତାନି ଗଂଟା ବେଲାତା ପ୍ରାଡ଼ାନା ଇଲୁତା ହାଜିମାଚେରି ।

୨ ଏଚିବେଲାତା ଜାନୀଟିଏ ସଟା ରଅସି ଡ଼େକି କିଞ୍ଜି ଆହାଁ “ଅଜିତି” ଦରୁଗାଟି ଦୁଞ୍ଜେରିତା ଇଚିହିଁ ଆହିମାଚେସି; ଇଞ୍ଜା ଏଞ୍ଜାସି ପ୍ରାଡ଼ାନା ଇଲୁତା ଖାନି ଲକୁଣି ରାସିମାଚେସି ।

୩ ଅଡ଼େ ଏଞ୍ଜାସି ପିତର ଇଞ୍ଜା ଜହନଇଁ ପ୍ରାଡ଼ାନା ଇଲୁ ବିଡ଼ା ହାଜିମାନାଣି ମେସାନା ଏଞ୍ଜାରାଇଁ ରାସାଲି ମାଟ୍‌ହେସି ।

୪ ପିତର ଅଡ଼େ ଜହନ ଏଞ୍ଜାଣାଇଁ ଆଚେ ସିନିକିତେରି, ଇଞ୍ଜା ପିତର ଏଲେଇଚେସି “ମା ଖାକି ସିନିକିୟାମୁ ।”

୫ ଏମ୍ବାଟିଏ ଏଞ୍ଜାସି ଏଞ୍ଜାରି ତାଣାଟି ଇଚାଣି ବେଟାଆହାଲି ଏଞ୍ଜାରି ଖାକି ସିନିକିତେସି ।

୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଖେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାଜ୍‌ରିତ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ ନିଙ୍ଗାନା ତାକାମୁ !”

୭ ଅଡ଼େ, ଏଞ୍ଜାସି ଏଞ୍ଜାଣି ଚିଃନି କେୟୁ ଆସାନା ଏଞ୍ଜାଣାଇଁ ନିକ୍‌ହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କତାୟାତି ହାନ୍ଦୁଲିକା ବାଡ଼ୟୁ ଆଡୁ;

୮ ଏଞ୍ଜାସି ଡ଼େଞ୍ଜିଁ ଡ଼େଞ୍ଜିଁ ତାନି କଡ଼ାତଲେ ନିତେସି, ଅଡ଼େ ତାକାଲି ମାଟ୍‌ହେସି । ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାଡ଼ାନା ଇଲୁତା ତାକ୍‌ହିଁ ଅଡ଼େ ଡ଼େଞ୍ଜିହିଁ ଇଞ୍ଜା ମାହାପୁରୁଇଁ ଗାଞ୍ଜୁରମି କିହିଁ ହାଚେସି ।

୯ ଏମ୍ବାଆଁ ମାନି ଲକୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଞ୍ଜୁରମି କିହିମାନାଣି ମେସ୍ତେରି;

୧୦ ଅଡ଼େ ଆମିନିଗାଟାସି ପ୍ରାଡ଼ାନା ଇଲୁତି ଅଜିତି ଦୁଞ୍ଜେରିତା କୁଗାନା ରାସିମାଚେସି, ଏଞ୍ଜାସିଏ ଇଞ୍ଜାସି ଇଞ୍ଜା ପୁଚେରି, ଏଞ୍ଜାଣାକି ଏନାଆଁ କିଞ୍ଜି ଆହାମାଚେ ଏଦାଆଁ ମେସାନା ଆଡ଼ାଜାକା ଆହାନା କାବା ଆଡ଼େରି ।

**ପ୍ରାଡ଼ାନା ଇଲୁତା ପିତର ଖେକ୍‌ନାୟି**

୧୧ ଏଞ୍ଜାସି ପିତର ଇଞ୍ଜା ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକୁ ଆଡ଼ାଜାକା ଆହାନା ଏଞ୍ଜାରି ତାଗେ ହଟାତେରି ।

୧୨ ପିତର ଏଞ୍ଜାରାଇଁ ମେସାନା ଏଲେଇଚେସି, “ଇସାୟେଲ ଲକୁତେରି, ମୀରୁ ଏନାଆଁତାକି ଆଡ଼ାଜାକା ଆହିମାଞ୍ଜେରି ? ମାମୁ ମା ବାଡ଼ୟୁ କି ମାହାପୁରୁ

† ୨:୩୮ ମୁଞ୍ଜିନାୟି ‡ ୨:୪୧ ମୁଞ୍ଜିନାୟି ☆ ୨:୪୪ କାମା ୪:୩୨-୩୫

ଆଜିତଲେ ଇଞ୍ଜାଣାକି ତାକାଲି ବାଡ଼ୁୟୁ ହାହାମାନମି, ଏଦାଆଁ ଅଣ୍ଠପାନା ମାଙ୍ଗେ ରଣ୍ଡିଏ ଅଣ୍ଠପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅବାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା. ଆକୁ ଆବାୟାଁତି ମାହାପୁରୁ, ତାନି ହଲେଏସି ଜୀସୁଇଁ ମାହାପୁରୁତି ଗାଞ୍ଜୁରମି ହାହାମାନେସି । ସାମା ଜୀସୁଇଁ ମୀରୁଏ ସାଲୁଞ୍ଜି କିନାରି କେୟୁତା ହେରପିତେରି, ଏତିବେଲା ପିଲାତ ଜୀସୁଇଁ ପିସାଲି ଅଣ୍ଠପା ମାଟିହୁଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକିତା ଅପାଆତେରି ।

୧୪ ☆ଏଞ୍ଜାସି ସୁଦୁ ଅଡ଼େ ଦାମ୍ବୁଗାଗାସି ମାଚେସି, ସାମା ମୀରୁ ଏଞ୍ଜାଣାଇଁ ଅପାଆତେରି, ଅଡ଼େ ଏଞ୍ଜାଣି ଟାୟୁତା ର ଲକୁଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି,

୧୫ ଆମ୍ବାଆସି ଜୀଞ୍ଜୁତି ଜିରୁ ତହ୍ନାସି ଏଞ୍ଜାଣାଇଁ ମୀରୁ ପାୟିତେରି; ଏଞ୍ଜାଣାଇଁ ମାହାପୁରୁ ହାଡ଼ାରି ତାଣାଟି ନିକହାମାନେସି, ମାମ୍ବୁ ଲୁଦାଣି ସାକି ।

୧୬ ଏଞ୍ଜାଣି ଦରୁତି ବାଡ଼ୁୟୁ ଇ ସଗାଇଁ ନେହୁଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁଁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ । ଜୀସୁଇଁ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅଡ଼େ ନୀଏଁ ଇସ୍ତାୟେଲତି ତାୟିୟାଁ ଅଡ଼େ ତାଙ୍ଗିସ୍ତାତେରି, ମୀ କାଜାରି ଏନିକ୍, ମୀରୁ ଜିକେଏ ଏଲେକ୍ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜୁଁ ନାନୁ ପୁଞ୍ଜିମାଇଁ ।

୧୮ ତଲି କାଲାଟିଏ ମାହାପୁରୁ ଅଣ୍ଠପୁତି ବଲୁ ଖେହ୍ନାରି ତାଣାଟି ମାହାପୁରୁ ଖେସାମାଚେସି ମସିହାତି ଦୁକୁ ପାଣ୍ଡନାୟି ମାନେ; ଏ ବାରେ ଏଞ୍ଜାସି ଇଲେକ୍ ପୁରା କିହାମାନେସି ।

୧୯ ଇତିହୁଁ, ଏନିକ୍ ମୀ ପାପୁ ମେଣ୍ଟିନେ, ଏଦାଆଁତାକି ମନ ଖେଟହାନା ମାହାପୁରୁ ତାଣା ଖେଣ୍ଟା ଖାଦୁ,

୨୦ ପ୍ରବୁ ତାଣାଟି ମୀରୁ ଜୀଞ୍ଜୁତି ବାଡ଼ୁୟୁ ବେଟାଆଦେରି, ମାହାପୁରୁ ମିଙ୍ଗେତାକି ତଲିଏ ଆଟାମାନି ମସିହା ଜୀସୁଇଁ ପାଣ୍ଡାନେସି ।

୨୧ ବାରେ କାତାତି ଖେଣ୍ଟେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍ଠପୁତି ବଲୁ ଖେହ୍ନାରି ତାଣାଟି ଖେକହା ମାଚେସି, ଏ କାଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ ।

୨୨ ମସା ଖେସାମାଚେସି, ‘ପ୍ରବୁ ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେକି ର ମାହାପୁରୁ ଅଣ୍ଠପୁତି ବଲୁ ଖେହ୍ନାଣାଇଁ ନିକନେସି; ଏନା ଏନାଆଁ ମିଙ୍ଗେ ଖେସ୍ତାନେସି, ଏ ବାରେ ମୀରୁ ଏଞ୍ଜାଣି କାତା ଖେଞ୍ଜେରି ।

୨୩ ଆମିନିଗାଗାସି ମାହାପୁରୁ ଅଣ୍ଠପୁତି ବଲୁ ଖେହ୍ନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଟକା କିଞ୍ଜିଆନେରି ଅଡ଼େ ନାସା କିଞ୍ଜିଆନେରି ।”

୨୪ ସାମୁୟେଲ ଇଞ୍ଜାଁ ତାନି ତାୟୁତି ଏଚରଜାଣା ମାହାପୁରୁ ଅଣ୍ଠପୁତି ବଲୁ ଖେହ୍ନାରି ଖେସାମାନେରି, ଏଞ୍ଜାରି ବାରେ ଇ କାଲାତା ଆହିମାନି କାତା ଖେସାମାନେରି ।

୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣ୍ଠପୁତି ବଲୁ ଖେହ୍ନାରି ତାଣାଟି ମିଙ୍ଗେତାକି ନେହେ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି । ଏନିକ୍ ଏଞ୍ଜାସି ଅବାହାମଇଁ ଏଲେଇଚେସି, ‘ନାନୁ ମୀ କୁଡ଼ାଟି ବାରେ ଦାରୁତି ଲକୁକି ବର ହାଇଁ ।’

୨୬ ମାହାପୁରୁ ତଲିଏ ତାନି ହଲେଏଣାଇଁ ମିଙ୍ଗେତାକି ବାଟି କିହାନା ପାଣ୍ଡାତେସି, ଏନିକ୍ ଏଞ୍ଜାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଖେଟହାନା ବର ହିୟାନେସି ।”

### ୪

#### ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୂଜେରାଙ୍ଗା, ମାହାପୁରୁ ଇଲୁତି କାଜାରି ଇଞ୍ଜାଁ ସାଦୁକିୟାଁ ଏଞ୍ଜାରି ନକିତା ଖାତେରି ।

୨ ଏଞ୍ଜାରି କପା ଆହିମାଚେରି, ଇତିହୁଁ ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି ମାଚେରି, ଇଞ୍ଜାଁ ଜୀସୁତି କାତା ଆସାନା ହାଡ଼ାରି ବିତ୍ରାଟି ଖେଣ୍ଟେ ନିଙ୍ଗିତି କାତା ଖେକହି ମାଚେରି ।

୩ ଏତିବେଲା ମିଡ଼ଅଲା ଆହିମାଚେ, ଏଦାଆଁତାକି ଏଞ୍ଜାରି ସୀସୁୟାଁଣି ଦସ୍ପାନା ଅର ନେରୁ ପାତେକା କାୟିଦି ଇଲୁତା ଇତିତେରି ।

୪ ସାମା ଏତେକା ଲକୁ ବଲୁ ଖେଚାରି ନାମିତେରି, ଇଞ୍ଜାଁ ଖାରୁଇ ଆବାୟାଁ ପାସାମାଣା ଆଡ଼େରି ।

୫ ତାନି ଅର ଦିନା ଜୀହୁଦିଙ୍ଗାଟି କାଜାରି, ଇଞ୍ଜାଁ ପ୍ରାଟିନାଙ୍ଗା, ଜାପୁନାରି ଅଡ଼େ ମୋରାପୁନାରି ଜିରୁସାଲମତା କୁଡ଼ା ଆଡ଼େରି ।

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକକାଣ୍ଡାରତି କାଜା ପୂଜେରାଙ୍ଗା କୁଡ଼ାତି ବାରେ ଲକୁ କୁଡ଼ା ଆଡ଼େରି ।

୭ ଏଞ୍ଜାରି ପାଣ୍ଡୁଞ୍ଜି ଆଡ଼ାରାଇଁ ମାଦିଏ ନିପହାନା ଖେଚେରି, “ଏନିକିହୁଁ କିତେରି ? ଏନି ବାଡ଼ୁୟୁ ଇଞ୍ଜାଁ ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁଦୁଜୀଞ୍ଜୁତା ନେଞ୍ଜାନା ଏଞ୍ଜାରାଇଁ ଏଲେଇଚେସି, “ଲକୁତି କାଜାତେରି ଇଞ୍ଜାଁ ପ୍ରାଟିନାଙ୍ଗାତେରି,

୯ ନୀଞ୍ଜୁ ମାମ୍ବୁ ସୁଟାକି କିହାମାନି ନେହୁଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଞ୍ଜାସି ଏନିକିହୁଁ ନେହୁଁ ଆଡ଼େସି ଇଞ୍ଜୁଁ ପୁଞ୍ଜାଲି ଅଣ୍ଠପିମାଞ୍ଜେରି,

୧୦ ଆତିହୁଁ ମୀରୁ ବାରେଜାଣା ତେରି ପୁନିକାତା, ଇସ୍ତାୟେଲତି ବାରେ ଲକୁ ପୁନାୟିମାନେ, ଆମିନି ନାଜୁରିତ ଜୀସୁ କ୍ରୀସୁଇଁ ମୀରୁ କୁସତା ପାୟିତେରି, ଆମ୍ବାଆରାଇଁ

☆ ୩:୧୪ ମାଟି ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ମାହାପୁରୁ ହାକିଟି ନିକହାମାନେସି ଏ ଜୀସୁ ଦରୁଟି ଇ ମାଣସି ନେହୁ ଆହାନା ମୀ ନକିତା ନିଚାମାନେସି ।”

୧୧ ଜୀସୁ ରଅସିଏ, ଦାମ୍ବୁ ସାସ୍ତେରି ଝେସିମାଞ୍ଜାନେ,  
“ଇଲୁ କେପିନାତେରି ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାଚେ,  
ସାମା ଆମିନାୟି କନତି କାଜା ଖାଲି ଆଡେ, ଏଝାସି ଏ ଖାଲି ।”

୧୨ ଏଝାଣି ପିସ୍ତେ ଅଡେ ଆମ୍ବାଆରି ତାଣା ଗେଲ୍‌ପିନାୟି ହିଲେଏ; ଇଚିହୁ ଆମ୍ବାଆରି ତାଣାଟି ମୀରୁ ଗେଲ୍‌ପି ଆନାୟି ଆନେ, ହାଗୁ ଡଇ ମାଣସିୟା ବିତ୍ରା ଏନି ଦରୁ ହୀପକି ଆହା ହିଲେଏ ।

୧୩ ଏଝାରି ପିତର ଅଡେ ଜହନତି ସାସା ମେସାନା ଇଞ୍ଜା ଏଝାରି ଏନାଆଁ ପୁନାଆତାରି ଅଡେ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜା ଏଝାରି ଜୀସୁତଲେ ମାଚେରି ଇଞ୍ଜା ପୁଚେରି,

୧୪ ସାମା ଏ ନେହୁ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଝାରି କପାଟି ଏନାଆଁ ଜଲ୍‌ଲି ଆଡାଆତେରି ।

୧୫ ତାୟୁ ଏଝାରାଇଁ ବେରଣି ମାଣ୍ଡାଟି ହଡା ହାଜାଲି ହୁକୁମି ହୀହାନା ଏଝାରି ତାୟୁ ତାୟୁ ଝେସପି ଆଡେତରି

୧୬ “ଇ ଲକୁଣି ଏନାଆଁ କିନାୟି ?” ଏଝାରି ଏଲେଇଚେରି, “ଇଚିହୁ ଇଝାରି ତାଣାଟି କାବାଆନି କାମା କିଝିଆହାମାନେ, ଇଦି ଜିରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜା ମୀରୁ ଏଦାଆଁ ଆଏ ଇଞ୍ଜାଲି ଆଡାଆୟି;

୧୭ ସାମା ଇ କାତା ଲକୁତାଣା ଏନିକ ଗାତି ଝେଲେଏ, ଏଦାଆଁତାକି ଏଝାରାଇଁ ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଝାରାଇଁ କାହିକିନାୟି ମାନେ ।”

୧୮ ତାୟୁ ଏଝାରି ଜହନ ଅଡେ ପିତରଇଁ ହାଟାନା ଜୀସୁତି ଦରୁ ଝେହୁଆଦୁ କି ଜାପୁଆଦୁ ଇଞ୍ଜା ହୁକୁମି ହୀଚେରି ।

୧୯ ସାମା ପିତର ଅଡେ ଜହନ ଏଝାରାଇଁ ଏଲେଇଚେରି, “ମାହାପୁରୁ କାତା ଝେନିକିହାଁ ମୀ କାତା ଝେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣପା କତାଦୁ ।

୨୦ ଇଚିହୁ ମାୟୁ ଏନାଆଁ ମେସାମାନମି ଇଞ୍ଜା ଝେଞ୍ଜାମାନମି, ଏ ବାରେ ଝେହୁଆନା ଡୟାଲି ଆଡୁଅମି ।”

୨୧ ସାମା ଏ ବେରଣି ମାଣ୍ଡାତାରି ଏଝାରାଇଁ ଅଡେ ହାରେକା ଆଜି କିହାନା ପିସ୍ତେରି, ଏଝାରାଇଁ ତଣ୍ଡ ହୀହାଲି ଆଏ ଇଞ୍ଜା ଏଝାରି ପୁଚେରି, ଏନାଆଁତାକି ଇଚିହୁ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିଚେରି ।

୨୨ ଇଚିହୁ ଆମିନିଗାଟାଣି ତାଣା କାବାଆନି ନେହୁ କାମା କିଝି ଆହାମାଚେ, ଏଝାସି ରୀ କଡ଼ି ବାସାଟିଏ ଲାକ ମାଚେସି ।

**ପାଣ୍ଡାଝି ଆହାମାନାରି ବାଡ଼ୟୁ ତାକି ପ୍ରାତାନା**

୨୩ ପିତର ଅଡେ ଜହନ ପିସ୍ତପିଆଡ଼ି ଦେବୁଣିଏ ତାମି ତଣ୍ଡେସିଙ୍ଗା ତାଣା ହାଚେରି ଇଞ୍ଜା କାଜା ପୁଜେରାଙ୍ଗା ଅଡେ

ପ୍ରାତିନାଙ୍ଗା ଏନାଆଁ ଝେସାମାଚେରି, ଏ ବାରେ ଏଝାରାଇଁ ଝେସ୍ତେରି ।

୨୪ ଏଝାରି ଏଦାଆଁ ଝେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡାତଲେ ପ୍ରାତାନା କିହୁ ଏଲେଇଚେରି, “ପ୍ରବୁ ନୀନୁ ହାଗୁ, ଦାରତି, ସାମ୍‌ଦୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି !

୨୫ ସୁଦୁଜୀଝୁ ତଲେ ନୀନୁ ମା ଆକୁ ଦାଝୁଦ ନୀ ହଲେଏଣା ଗୁଡିଟି, ଇ କାତା ଝେସାମାଚି;

‘ଜୀହୁଦିଆଆତାରି ଏନାଆଁତାକି କାରବି ଆଚେରି;

ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣପିଚେରି ?

୨୬ ପ୍ରବୁ ଅଡେ ତାନି ବର ବେଟାଆହାମାନି ମସିହା କପାଟି, ଦାରତିତି ରାଜାୟା ନିଙ୍ଗିଚେରି,

ଇଞ୍ଜା ସାଲ୍‌ଝି କିନାରି କୁଡା ଆଡେତରି ।”

୨୭ ଇଚିହୁ ନୀ ସୁଦୁଗାଟି ହଲେଏସି ଜୀସୁଇଁ ବର ହୀତି, ସାଚେଏ ଏଝାଣି କପାଟି ହେରଦ ଅଡେ ପନ୍ତିୟ ପିଲାତ ଇ ରିଆରି ଜୀହୁଦିଆଆତାରି ଅଡେ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିଚେରି,

୨୮ ମୀ ଅଣପୁ ତଲେ ଏନାୟି ବାରେ ଗଟଝି ଆନେ ଇଞ୍ଜା ତଲିଟିଏ କିଝି ଆହାମାଚେ, ଏଦାଆଁ କିହାଲି କୁଡା ଆଡେତରି ।

୨୯ ଅଡେ ନୀଏଁ, ଏ ପ୍ରବୁ, ଏଝାରି ମାଙ୍ଗେ ଆଜି କିହିମାଞ୍ଜାନାଣି ସିନିକିୟାମ୍ବୁ; ଅଡେ ନୀ ହଲିୟାଙ୍ଗାଣି ହାରେକା ସାସାତଲେ ନୀ ବଲୁ ଝେସାଲି ବାଡ଼ୟୁ ହୀମ୍ବୁ,

୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହୁ କିହାଲି ଅଡେ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ଡୟାମ୍ବୁ ।

୩୧ ଏଝାରି ପ୍ରାତାନା ରାପୁହି ତାୟୁ, ଆମିନି ଟାୟୁତା ରୁଣ୍ଡା ଆହାମାଚେରି, ଏଦି ଝୀତିଚେ । ଇଞ୍ଜା ବାରେଜାଣା ସୁଦୁଜୀଝୁ ତଲେ ନେଞ୍ଜାନା ବାଡ଼ୟୁ ତଲେ ମାହାପୁରୁତି ବଲୁ ଝେକହାଲି ମାଟୁହେରି ।

**ନାମ୍ବୁଗାଟାରି ଦନତି ସମାନା ବାଗା ବେଟାଆଡେରି**

୩୨ ନାମ୍ବୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଝାରି ବିତ୍ରାଟି ଆମ୍ବାଆରି ଜିକେଏ ତାମି ଦନତି ମାଦି ଇଞ୍ଜା ଅଣପି ହିଲାଆଚେରି, ସାମା ଏଝାରିଝାୟି ବାରେ ସମାନା ଇଞ୍ଜା ଅଣପିମାଚେରି ।

୩୩ ପାଣ୍ଡାଝି ଆହାମାନାରି ଗାଡ଼ି ବାଡ଼ୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଙ୍ଗିତି କାତା ଝେସାଲି ମାଟୁହେରି, ଇଞ୍ଜା ବାରେତି ଲାକ ମାହାପୁରୁତି ହାରେକା କାର୍ମା ମାଚେ ।

୩୪ ଇଚିହୁ ଏଝାରି ବିତ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଚେ, ଇଚିହୁ ଏଚେକା ଲକୁତି ବୁମି ଇଞ୍ଜା ଇଲ୍‌କା ମାରୁ ପାରତି ମାଚେରି

୩୫ ଅଡେ ପାଣ୍ଡାଝି ଆତାରି କଡ଼ା ଡଇକା ଏ ତାବୁୟାଁ ହୀହିମାଚେରି, ଅଡେ ବାରେ ଲକୁତାକି ତାମି ଲଡ଼ାମାନି ଲେହେଁ ଏ ତାବୁୟାଁ ବାଟିକିଝି ଆହିମାଚେ ।



୩୬ କୁପ୍ର ଇନି ଟାୟୁତା ଜାନୀ ଆହାମାଟି ଲେବି କୃତାତି ଜସେପ, ଆମିନାଣାକ୍ ପାଣ୍ଡୁ଼ି ଆଡ଼ାରି ବର୍ନବା ଇଞ୍ଜି ମାରେରି, ଇ ଦରୁ ଅର୍ଥ “ବାସୁଁ ହାନାସି,”

୩୭ ଏଞ୍ଜାଣିଞ୍ଜାୟି ଇଚାୟି ବୁମି ମାରେ, ଏଞ୍ଜାସି ଏଦାଆଁ ପାର୍ଚାନା ଏମ୍ବାତି ଟାକାୟାଁ ତାଚାନା ପାଣ୍ଡୁ଼ି ଆଡ଼ାରି କତାୟାଁ ଡ଼ଇ ଇଟିତେସି ।

**୫**

**ହନନିୟ ଅଡ଼େ ସପିରା**

୧ ହନନିୟ ଦରୁଗାଟାସି ରଅସି ମାରେସି, ଏଞ୍ଜାସି ତାନି ତକ୍ତି ସପିରା ତଲେ ଇଚାଣି ବୁମି ପାର୍ଚତେସି ।

୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିତ୍ରାଟି କରେକା ଡ଼କୁହା ଇଚାନା କରେକା ତାଚାନା ପାଣ୍ଡୁ଼ି ଆଡ଼ାରାକି ହାତେସି ।

୩ ପିତର ଏଞ୍ଜାଣାକ୍ ଏଲେଇଚେସି, “ହନନିୟ, ସୁଦୁଜୀଞ୍ଜୁ ନକିତା ମିତି ଜଲ୍ଲାଇ ଇଞ୍ଜାଁ ବୁମି ପାର୍ଚାନା କରେକା ଡ଼କୁହା ଇଚାଲି ସୟତାନ ଏନାଆଁତାକି ମୀ ହିୟାଁତି ଲକ୍ତହାମାନେ ?

୪ ପାର୍ଚନି ନକେଏ ଏଦି ନୀ ଅଦିକାରାତା ହିଲ୍ଲଆତେ କି ? ପାର୍ଚତି ତାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଞ୍ଜି ଆହାହିଲ୍ଲଆତୁ କି ? ଆତିହିଁ ନୀନୁ ଏନିକିଁ ନୀ ହିୟାଁତା ଇ ଅଣ୍ଡୁ ଅଣ୍ଡପିତି ? ଏଦାଆଁ ନୀନୁ ମାଣସି ନକିତା ମିତି ଜଲ୍ଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିତି ଜଲ୍ଲିମାଞ୍ଜି !”

୫ ହନନିୟ ଇ ହାଡ଼ା ଝେଣ୍ଡମ୍ବିଏ ଡ଼ଇ ତରଗାନା ହାହାହାଚେସି; ଏମ୍ବାଆଁ ଏଚେକା ଲକୁ ଇ କାତା ଝେଚେରି, ଏଞ୍ଜାରି ବାରେ ହାରେକା ଆଜିତେରି ।

୬ ଅଡ଼େ, ଦାଂଗଣାୟାଁ ବିତ୍ରା ଝାହାନା ହିମ୍ବିରି ପୁାକ୍ହେରି ଇଞ୍ଜାଁ ପାଞ୍ଜାତା ଅହାନା ମାହଣି ମାଣ୍ଡାତା ମୁସ୍ତେରି ।

୭ ତାନି ଗଂଟା ତାୟୁ ତାନି ତକ୍ତି ଝାଡ଼େ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲ୍ଲଆତେ ।

୮ ପିତର ଏଦାନି ଝେଚେସି, “ନୀନୁ ଅଡ଼େ ନୀ ତକ୍ତା ଇଚେକା ଟାକାୟାଁତାକି କି ମୀ ବୁମି ପାର୍ଚତେରି ?” ଏଦି ଏଲେଇଚେ, “ହାଅ ଏଚେକା ତାକିଏ ।”

୯ ପିତର ଏଦାନି ଏଲେଇଚେସି, “ପ୍ରବୁତି ଜୀଞ୍ଜୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡ଼େରି ? ମେହ୍ମୁ ଆମିନି ଗାଟାରି ନୀ ତକ୍ତାକ୍ ମୁସାନା ଝାହିମାନେରି, ଏଞ୍ଜାରି ଦୁଞ୍ଜେରିତା ଝାଡ଼େରିଏ, ଇଞ୍ଜାଁ ଏଞ୍ଜାରି ନିଜେ ପାଞ୍ଜାତା ଡ଼େକା ଅୟାନେରି ।”

୧୦ ଏ କାତା ଝେଣ୍ଡମ୍ବିଏ ଏଦି ପିତର କତାଁ ଡ଼ଇ ତରଗାନା ହାହାହାଚେ, ଇଞ୍ଜାଁ ଦାଂଗଣାୟାଁ ବିତ୍ରା ଝାହାନା ହାହାମାନାଣି ମେସ୍ତେରି ଇଞ୍ଜାଁ ପାଞ୍ଜାତା ଡ଼େକା ଅହାନା ତାନି ତକ୍ତା ଟଟତା ମୁସ୍ତେରି ।

୧୧ ଏମ୍ବାଟିଏ ବାରେ କୁଲମି ଇଞ୍ଜାଁ ଏଚେକା ଲକୁ ଇ ବାରେ କାତା ଝେଚେରି, ଏଞ୍ଜାରି ବାରେ ହାରେକା ଆଜିତେରି ।

**କାବାଆନି ସିନାୟାଁ**

୧୨ ପାଣ୍ଡୁ଼ି ଆଡ଼ାରି ତାଣାଟି ହାରେକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟ୍‌ହେ, ଇଞ୍ଜାଁ ବାରେ ନାମିତାରି ରଣ୍ଡିଏ ଅଣ୍ଡୁ ତଲେ ସଲମନତି ପିଣ୍ଡାତା କୃତା ଆହିମାଚେରି,

୧୩ ସାମା ଏଚକାଟି ଲକୁ ଆମ୍ବାଆରି ଏଞ୍ଜାରିତଲେ କୃତାଲି ସାସା କିହିହିଲ୍ଲଆତେରି; ଆଡ଼ିଜିକେଏ ଲକୁ ଏଞ୍ଜାରି ଗାଞ୍ଜୁରମି କିହିମାଚେରି,

୧୪ ଇଞ୍ଜାଁ, ହାରେ ହାରେକା ଇୟାସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୃତାଲି ଆଣ୍ଡିତେରି,

୧୫ ପାଣ୍ଡୁ଼ି ଆଡ଼ାରି କାମା ଦିନାତାକି ଦିନା ପାତାଆଡ଼େ, ଇଲ୍ଲଆହିଁ, କି ପିତର ଝାନ୍ତି ବେଲ୍ଲାତା ଏନିକିଁ ତାନି ସାୟୁଁ ରଗା ଗାଟାରି ଲାକ ଆଡ଼ିନେ, ଏଦାଆଁତାକି ରଗା ଗାଟାରାକ୍ ଆଂଗେଣିତା ଡ଼େକା ତାଚାନା କାଚେଲି ଇଞ୍ଜାଁ ପାସ୍‌ପନିତା ଇଟିମାଚେରି ।

୧୬ ଜିରୁସାଲମତି ସାରିସୁରୁ ଗାଡ଼ାୟାଁତି ହାରେକା ଲକୁ ରଗା ଗାଟାରାକ୍ ଅଡ଼େ ବୁଡୁୟାଁ ଆଲ୍‌ଗିତାରାକ୍ ତାତିହିଁ ଝାଡ଼େରି, ଅଡ଼େ ଏଞ୍ଜାରି ବାରେଜାଣା ନେହିଁ ଆଡ଼େରି ।

**ପାଣ୍ଡୁ଼ି ଆଡ଼ାରାକ୍ ସାସି**

୧୭ ଏଚେଟିଏ କାଜା ପୂଜେରାଞ୍ଜା ଅଡ଼େ ଏଞ୍ଜାଣି ବାରେ ତଡ଼ ଲକୁ, ନାୟୁଁତି ସାଦୁକିୟାଁ ଗତିତାରି ପାଣ୍ଡୁ଼ି ଆଡ଼ାରାକ୍ ତାହାରା ଆହାନା ଏଞ୍ଜାରି କପାଟି ନିଜ୍ଜିତେରି ।

୧୮ ଏଞ୍ଜାରି ପାଣ୍ଡୁ଼ି ଆହାମାନାରାକ୍ ଆସାନା କାୟିଦି ଇଲ୍ଲୁତା ଇଟିତେରି ।

୧୯ ସାମା ଲାଆଁୟାଁ ବେଲ୍ଲାତା ପ୍ରବୁତି ର ଦୁଡୁ କାୟିଦି ଇଲ୍ଲୁତି ଦାରାୟାଁ ବାରେ ଦେଚାତୁସ୍ତେ, ଇଞ୍ଜାଁ ଏଞ୍ଜାରାକ୍ ପାଞ୍ଜାତା ତାଚାନା ଏଲେଇଚେ,

୨୦ “ହାଜୁ, ଇଞ୍ଜାଁ ମାହାପୁରୁ ଇଲ୍ଲୁତା ନିଚାନା ଲକୁଣି ଇ ଜୀଞ୍ଜୁତି ବାରେ କାତା ଝେହ୍‌ଦୁ ।”

୨୧ ଇ କାତା ଝେଞ୍ଜାନା ଏଞ୍ଜାରି ଲାକ୍‌ଅଲି ମାହାପୁରୁ ଇଲ୍ଲୁତା ହଡ଼ାନା ଜାପ୍‌ହାଲି ମାଟ୍‌ହେରି ।

ଏମ୍ବାଟିଏ କାଜା ପୂଜେରାଞ୍ଜା ଅଡ଼େ ତାନି ତଣେସିଞ୍ଜା ଝାହାନା କୁଟମିତି କାଜାରାକ୍ ଅଡ଼େ ଇସ୍ତାୟେଲ ଲକୁତି ପ୍ରାଟିନାଞ୍ଜାଣି ହାଟାନା କୃତି କିତେରି; ଇଞ୍ଜାଁ ପାଣ୍ଡୁ଼ି ଆଡ଼ାରାକ୍ ତାଚାଲି କାୟିଦି ଇଲ୍ଲୁତା ଲକୁଣି ପାଣ୍ଡିତେରି ।

୨୨ ସାମା କାମାକିନାରି ହାଜାନା କାୟିଦି ଇଲ୍ଲୁତା ପାଣ୍ଡୁ଼ି ଆଡ଼ାରାକ୍ ବେଗାଆଆନା ଝେଣ୍ଡା ଝାହାନା ବେରଣି ମାଣ୍ଡାତାରାକ୍ ଝେସ୍ତେରି,

୨୩ “ମାମ୍ମୁ କାୟିଦି ଇଜ ହାଜାନା ସିନିକିତମି, କାୟିଦି ଇଲ୍ଲୁ ଦାରା ଆଟ୍‌ଞ୍ଜା ତଲେ ସୁଣ୍ଡିଆହାମାଚେ; ଇଞ୍ଜାଁ ଦୁଞ୍ଜେରିକାଣା କାଟାମାଟି କସ୍‌କା ନିଚାମାଚେରି, ସାମା ଦାରା ଦେଚାଲିଏ ବିତ୍ରା ଆମ୍ବାଆରାକ୍ ଜିକେଏ ବେଗାଆଆତମି !”

୨୪ ଇ ହାଡ଼ା ଝେଞ୍ଜାନା କାଜା ପୂଜେରାଞ୍ଜା ଅଡ଼େ ମାହାପୁରୁ ଇଲ୍ଲୁତି କସ୍‌କା ମୁହେଁ କାଜାସି ପାଣ୍ଡୁ଼ି ଆଡ଼ାରାକି ଏନାଆଁ ଆଡ଼େ ଅଣ୍ଡପାନା ଏଞ୍ଜାରି କାତାତା ଆତାଜାକା ଆହାହାଚେରି ।

୨୫ ଏତିବେଳା ରଥସି ଖାହାନା ଏଝାରାଇଁ ଏଲେଇଚେସି, “ମେହ୍‌ଦୁ ମୀରୁ ଆମିନି ଗାଟାରାଇଁ କାୟିଦି ଇଲୁତା ଇଟାମାଚେରି, ଏଝାରି ମାହାପୁରୁ ଇଲୁତା ଜାପୁହିମାନେରି ।”

୨୬ ଏଚେଟିଏ କସକା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁ ଆଡାରାଇଁ ଝେଣ୍ଡେ ହାଟା ତାଚେରି, ସାମା ବାଡୁମୁ ତଲେ ଆଏ, ଇଚିହଁ ଲକୁ ଝାଲକାତଲେ ଝେତାନେରି ଜିକେଏ ଇଞ୍ଜି ଆଜିମାଚେରି ।

୨୭ ଏଝାରି ଏଝାରାଇଁ ତାଚାନା କୁଲମି ପାଙ୍ଗାତା ନିପୁହେରି, ଏମ୍ବାଟିଏ କାଜା ପୂଜେରା ଏଝାରାଇଁ ଝେଚେସି ।

୨୮ \* “ଇ ମାଣ୍ଡସି ଦରୁତଲେ ଆମ୍ବାଆରାଇଁ ଜିକେଏ ଝେହ୍‌ଆଦୁ ଇଞ୍ଜି ମାମ୍ବୁଜାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି ! ଜିରୁସାଲମତି ସାରିଝାକି ମୀରୁ ଏ କାତା ଜାପୁହି ମାଞ୍ଜେରି ଇଞ୍ଜି ଏଝାଣାଇଁ ନେଚେରିତ ଦହ ମା ମୁହେଁ ଏକହାଲି ଅଣ୍ଡିମାଞ୍ଜେରି ।”

୨୯ ସାମା ପିତର ଇଞ୍ଜି ଏଟକାତି ପାଣ୍ଡୁ ଆହାମାନାରି ଏଲେଇଚେରି, “ମାଣ୍ଡସିୟାଁତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ ।

୩୦ ଆମିନି ଜୀସୁଇଁ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାଁତି ମାହାପୁରୁ ଏଝାଣାଇଁ ଝେଣ୍ଡେ ନିକହାମାନେସି ।

୩୧ ଇଞ୍ଜି ଏଝାସି ଏନିକଁ ଇସ୍ତାୟେଲତି ମନ ଝେଟ୍‌ପି କିହାଁ ପାପୁ ମେଣ୍ଡି କିନେସି, ଏଦାଆଁତାକି ମାହାପୁରୁ ତାନି ଚିଝନି କେୟୁତଲେ ଏଝାଣାଇଁ କାଜାପାଣ୍ଡା ଇଞ୍ଜି ଗେଲ୍‌ପିନାଣା ଲେହେଁ କାଜାସି କିହାମାନେସି ।

୩୨ ଅଡେ, ମାମ୍ବୁଇ ବାରେତି ସାକି, ଇଞ୍ଜି ଆମିନି ସୁଦୁଜୀଝୁଇଁ ମାହାପୁରୁ ତାନି ହୁକୁମି ମାନଝି ଆନାରାକି ହାହାମାଞ୍ଜାନେସି, ଏଡି ଜିକେଏ ସାକି ।”

୩୩ ଇ କାତା ଝେଞ୍ଜାନା କୁଟମିତି କାଜାରି ହାରେକା କାରୁବି ଆହାହାଚେରି, ଇଞ୍ଜି ଏଝାରାଇଁ ପାୟାଲି ତାକି କାତା ଆଚେରି ।

୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଝାସି ବେରଣିମାଣ୍ଡାତା ନିଚାନା ପାଣ୍ଡୁ ଆହାମାନାରାଇଁ ଗାଡେକା ତାକି ପାଙ୍ଗାତା ପାଣ୍ଡାଲି ହୁକୁମି ହାଚେସି ।

୩୫ ଇଞ୍ଜି ଏଝାସି ଏଝାରାଇଁ ଏଲେଇଚେସି “ଏ ଇସ୍ତାୟେଲ ଲକୁଚେରି, ଇଝାରି ତାକି ମୀରୁ ଏନାଆଁ କିହାଲି ଅଣ୍ଡିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ ।

୩୬ ଇଚିହଁ ଇଦାଆଁ ନଚେଏ ତିଝୁଦା ଇନାସି ହଟାନା ତାନୁ ର କାଜା ମାଣ୍ଡସି କିହା କତିଚେସି, ଇଞ୍ଜି ସାରି ଝାଞ୍ଜା ଲକୁ ଏଝାଣିତଲେ ଆଣ୍ଡିଚେରି; ଏଝାସି ପାୟାଝି ଆଡେସି, ଇଞ୍ଜି ଏଚେକା ଲକୁ ଏଝାଣି ତାଣା ବାସୁଁ କିହାମାଚେରି, ଏଝାରି ବାରେ ଇତାଲା ଆତାଲା ଆହାଁ ଏନି କାମାତା ହାଆଚେରି ।

୩୭ ଏ ଲକୁତି ଜେତ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଟାନା ଲକୁଣି ତାନି ଝାକି ରେଜା ଅହାନା ତାନି ସାସୁୟାଁ କିଚେସି; ଏଝାସି ଜିକେଏ ପାୟାଝି ଆଡେସି, ଇଞ୍ଜି ଏଚେକା ଲକୁ ଏଝାଣି ଜେତ ଆଣ୍ଡାମାଚେରି, ଏଝାରି ବାରେ ଇତାଲା ଆତାଲା ଆହାହାଚେରି ।

୩୮ ଇଞ୍ଜି ନୀସଁ ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ଇ ଲକୁଣି ଏନାଆଁ କିଆନା ଏଝାରାଇଁ ପିସାତୁହ୍‌ଦୁ, ଇଚିହଁ ଇ କାତା କି କାମା ମାଣ୍ଡସି ତାଣାଟି ଆହାମାନେ, ଇଚିହଁ ଏଡି ଉଜେଏ ଆନେ;

୩୯ ସାମା ଏଡି ମାହାପୁରୁ ତାଣାଟି ଆହାମାନେ, ଇଚିହଁ ମୀରୁ ଏଝାରାଇଁ ଜୀଣା ଆନି ସାସା ହିଲେଏ, ଇଚିହଁ ମୀରୁ ମାହାପୁରୁ କପାଟି ଜୁକୁ କିହିମାଞ୍ଜେରି ଇଞ୍ଜି ତଞ୍ଜା ଆଡେରି !” ଏ ବାରେ କୁଟମି ଗମଲିୟେଲ କାତାଟି ଝେଚେରି ।

୪୦ ଇଞ୍ଜି ପାଣ୍ଡୁ ଆଡାରାଇଁ ବିତ୍ରା ହାଟାନା ସାଟୁଣି ମାତା ଝେଚାନା ଜୀସୁ ଦରୁତି କାତା ଝେହ୍‌ଆଦୁ ଇଞ୍ଜି ହୁକୁମି ହାହାନା ପିସ୍ତେରି ।

୪୧ ମାହାପୁରୁ ନକିତା ଏଝାରି ଜୀସୁ ଦରୁ ତାକି ଲାଜା ବେଟାଆହାଲି ଜଗେ ଇଞ୍ଜି ଅଣ୍ଡାମାଚେରି, ଏଦାଆଁତାକି ଏଝାରି ରାହାଁ କିହଁ କୁଟମି ବିତ୍ରାଟି ହଟାଝାଡେଚେରି;

୪୨ ଅଡେ, ଏଝାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜି ଇଲୁତାକି ଇଲୁ ଜାପୁହାଲି ଇଞ୍ଜି ଜୀସୁଏ ମସିହା, ଇ ନେହଁ କାରୁ ଝେକହାଲି ଉଣା ଆଆଚେରି ।



### ସାତା ଜାଣାଟି କାମା ହେର୍‌ପିନାୟି

୧ ଏମ୍ବାଟିଏ ସାସୁୟାଁ ହାରେ ହାରେକା ଜାଣା ଆହାଲି ମାଟ୍‌ହେରି, ଗ୍ରିକ୍ ଜଲିନି ଜୀହୁଦି ଲକୁ ଏଡି ଜଲିନି ନାମିତି ଲକୁଣି ଲାଜା କିହାଲି ମାଟ୍‌ହେରି, ଏନାଆଁତାକି ଇଚିହଁ ଦିନାତାକି ଦିନା କାଡିକଣ୍ଡା ବାଟିକିନି ବେଲାତା ରାଣ୍ଡେଣିସିକାକି ହାହି ହିଲାଆଚେରି ।

୨ ଏମ୍ବାଟିଏ ବାରଜାଣା ସାସୁୟାଁ ବାରେ ନାମିତି ଲକୁଇଁ ର ତାଣା କୁଡି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତହଁ ନେହେଁ ଆଏ ।

୩ ଇଦାଆଁତାକି ଏ ତାୟିୟାଁ ଅଡେ ତାଜିସ୍ତା, ମୀ ବିତ୍ରାଟି ନେହାଁରି ଇଞ୍ଜି ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାତା ଜାଣାଇଁ ଆଡାଦୁ, ଏଝାରାକି ଇ ବାଟିକିନି କାମା ହେର୍‌ପାଦୁ ।

୪ ଆତିହଁ ମାମ୍ବୁ ପ୍ରାଚାନାତା ଇଞ୍ଜି ବଲୁ ଝେହ୍‌ନି ସେବା କାମାତା ରଣିଏ ଅଣ୍ଡିପୁ ତଲେ ଡୟିନମି ।”

୫ ଇ କାତା ବାରେ ଲକୁତି କାନୁତା ନେହଁ ତଞ୍ଜାଆଡେ, ଇଞ୍ଜି ଏଝାରି ନାମୁ ଅଡେ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜି ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡେ ଆନ୍ତ୍ରୟକିୟାତି ତଲି ଜୀହୁଦି ଦାର୍ମୁତା ଆଣ୍ଡାମାଟି ନିକଲାୟଇଁ ଆଡିଚେରି,

\* ୫:୨୮ ମାଟି ୨୭:୨୫

୭ ଏଞ୍ଜାରି ଏଞ୍ଜାରାଇଁ ପାଣ୍ଡୁଓ ଆଡ଼ାରି ତାଣା ତାତେରି, ଇଞ୍ଜା ଏଞ୍ଜାରି ଲାକ କେସ୍ତା ଇଟାନା ପ୍ରାତାନା କିତେରି ।

୮ ଏଚେଟିଏ ମାହାପୁରୁତି ବଲୁ ହାରେକା ଝେଜିତେ, ଇଞ୍ଜା ଜିରୁସାଲମତା ସାସୁୟାଁ ହାରେକା ପାତାଆହାଲି ମାଟ୍‌ହେରି; ଅଡ଼େ ପୂଜେରାଜା ବିଦ୍ରାଟି ହାରେକା ଜାଣା କ୍ରୀସୁଇଁ ନାମାଲି ମାଟ୍‌ହେରି ।

**ବେରଣିମାଣ୍ଡାତା ସ୍ତ୍ରୀପାନ**

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୁୟୁ ବେଟାଆହାନା ଲକୁ ବିଦ୍ରା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟ୍‌ହେସି ।

୯ ସାମା ଲିବର୍ଡନ, କୁରିଣି ଅଡ଼େ ଆଲେକଜାଣ୍ଡ୍ରିୟା ଗାଡ଼ାୟାଁଣା ବାସା କିହାମାନି ଦରୁତା ଝେଜାମାନି ଜୀହୁଦି ଲକୁତି ପ୍ରାତାନା ଇଲୁତି ଏଚେକା ଲକୁ ଅଡ଼େ କିଲିକିୟା ଇଞ୍ଜା ଆସିୟା ଦେସାତି ଏଟକା ଜୀହୁଦିଜା ନିଜାନା ସ୍ତ୍ରୀପାନ ତଲେ ବାଦିବାଦା ଆଡ଼େରି ।

୧୦ ସାମା ଏଞ୍ଜାସି ଆମିନି ସୁଦୁଜୀଝୁ ଅଡ଼େ ବୁଦିତଲେ ଜଲିମାରେସି, ଏଞ୍ଜାରି ଏ କାତାତି ଝେଣ୍ଡେ ଜଲାଲି ସାସା କିହିହିଲାଆଡ଼େରି ।

୧୧ ଏଚେଟିଏ ଏଞ୍ଜାରି ଏଚରଜାଣାତି ମାଡ଼ଓ କିହାନା ଏଲେଇଞ୍ଜି ଝେସାଲି ଜାପୁହେରି, “ମାମ୍ ଇଞ୍ଜାଣି ତାଣାଟି ମସା ଅଡ଼େ ମାହାପୁରୁ ନିୟା କାତା ଜଲିମାଟାଣି ଝେଞ୍ଜାମାନମି ।”

୧୨ ଅଡ଼େ, ଏଞ୍ଜାରି ବାରେ ଲକୁଣି, ଇଞ୍ଜା ପ୍ରାଟିନାଜାଣି ଅଡ଼େ ମେରା ପୁନାରାଇଁ କାରୁବି କିହାନା ଏଞ୍ଜାଣାଇଁ ବାଡ଼ୁୟୁ ତଲେ ଆସାନା ବେରଣିମାଣ୍ଡାତା ତାତେରି,

୧୩ ଇଞ୍ଜା ମିଟି ସାକି ହାନାରାଇଁ ନିପ୍‌ହାନା; ଏଞ୍ଜାରାଇଁ ଏଲେଇଚେରି, “ଇଞ୍ଜାସି ଇ ସୁଦୁ ପ୍ରାତାନା ଇଲୁ ଇଞ୍ଜା ମସା ମେରାତି କପାଟି ଜଲାଲି ଉଣା ଆହିହିଲଅସି,

୧୪ ଇତିହିଁ ନାଜରିତ ଜୀସୁ ମାହାପୁରୁ ଇଲୁତି ମ୍ଲେକ୍‌ନେସି, ଇଞ୍ଜା ମସା ମାଜେ ଆମିନି ମେରା ହାହାମାଞ୍ଜାନେସି, ଏ ବାରେ ତିରିମ୍ବୁପ୍‌ନେସି ଇଞ୍ଜିଁ ଝେସିମାଟାଣି ମାମ୍ ଝେଞ୍ଜାମାନମି ।”

୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଟେ ସିନିକିତେରି, ଏଞ୍ଜାଣି ମୁମ୍‌ଦୁଡ଼ୁତି ମୁମ୍‌ଲେହେଁ ଉଜେଡ଼ି ତଞ୍ଜାଆଡ଼େ ।



**ସ୍ତ୍ରୀପାନ ଝେହ୍‌ନାୟି**

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି?”

୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଁତେରି ଝେଞ୍ଜୁ ! ମା ଆବା ଅବାହାମ ହାରଣତା ବାସାଆନି ନକେଏ ଏଚିବେଲା ଏଞ୍ଜାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଞ୍ଜାଣାଇଁ ତଞ୍ଜାଆଡ଼େସି,

୩ ଅଡ଼େ ଏଲେଇଚେସି ‘ନୀନୁ ମୀ ଇଲୁ କୁଟମି ଇଞ୍ଜା ମୀ ଦେସାଟି ହଟା ଝାମ୍, ଇଞ୍ଜା ନୀନୁ ଆମିନି ଦେସା ତସାଇଁ ଏ ଦେସାତା ହାଲାମ୍ ।’

୪ ଏଚେଟିଏ ତାନି କଲ୍‌ଦିୟାୟାଁ ଦେସାଟି ହଟାଞ୍ଜାହାନା ହାରଣତା ବାସା କିତେସି, ଇଞ୍ଜା ଅବାହାମତି ଆବା ହାଡ଼ି ତାୟୁ ଏମ୍‌ାଟିଏ ମୀରୁ ନୀର୍ବ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଞ୍ଜାଣାଇଁ ତାଟିହିଁ ଝାଡ଼େସି,

୫ ଅଡ଼େ, ମାହାପୁରୁ ଅବାହାମକି ଏମ୍‌ାଆଁ ଏନି ଅଦିକାରା ହାଆତେସି, ଅଡ଼େ ର ପାଝୁଲି ଝିହ୍‌ନି ବୁମିଗାରି ଜିକେଏ ହାଆତେସି, ଇଞ୍ଜା ଏଚିବେଲା ଏଞ୍ଜାଣାକି ପଦି ପଦା ହିଲାଆତି ଜିକେଏ ଏଞ୍ଜାସି ଏଞ୍ଜାଣାଇଁ ଇଞ୍ଜା ତାନି ଝାହିମାନି କୃତାତାରିକି ଏଦାଆଁ ଅଦିକାରା କିହାଲିତାକି ହାଇଁ ଇଞ୍ଜିଁ ଆଞ୍ଜିତେସି ।

୬ ଇଞ୍ଜା ମାହାପୁରୁ ଇଲେଇଞ୍ଜିଁଁ ଝେସ୍ତେସି, ‘ତାନି କୃତାତାରି ଏଟକା ଦେସାତା ବାସା କିନେରି ଇଞ୍ଜା ଏ ଟାୟୁତି ଲକୁ ଏଞ୍ଜାରାଇଁ ସାରି ଝାଞ୍ଜା ବାସା ପାତେକା ହଲିୟାଜା କିହିଁ ଏଞ୍ଜାରାଇଁ ଝେଟି କାମା କିଓ କିହାନା ସାସି ହୀନେରି ।’

୭ ଅଡ଼େ ମାହାପୁରୁ ଏଲେଇଚେସି, ନୀନୁ ଏଞ୍ଜାରାଇଁ ହଲିୟା କାମା କିଓକିନାରାଇଁ ବିଚାରା କିଇଁ; ଅଡ଼େ ତାୟୁ ମୀ କୃତାତାରି ଏ ଦେସାଟି ହଟା ଝାଡ଼େରି ଅଡ଼େ ଇ ଟାୟୁତା ନାଜେ ପ୍ରାତାନା କିୟାନେରି ।

୮ ଅଡ଼େ ମାହାପୁରୁ ଅବାହାମକି ତଲୁ ଦାଃନି ରାଜିମାନା ସିନାତି ହୀତେସି, ଇଞ୍ଜା ଏଲେକିହିଁଏ ଅବାହାମ ଇସାହାକଇଁ ଜାନ କିହାନା ଆଟାଦିନା ଆହାଲିଏ ଏଞ୍ଜାଣି ତଲୁ ଦାଡ଼େସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଝେଜିତି ଆକୁ ଆବାୟାଁଣି ଜାନ କିହାନା ତଲୁ ଦାପିକିତେସି ।”

୯ “ଜାକୁବ ମୀରୁଏସି ଜସେପଇଁ ତାନି ତାୟିୟାଁ ତାହାରା ଆହାନା ମିସର ଦେସାତା ଅଓିଆୟାଲି ଏଞ୍ଜାଣାଇଁ ପାରୁତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି,

୧୦ ଅଡ଼େ ବାରେ କସ୍ତୁଟି ଜସେପଇଁ ଗେଲ୍‌ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହୀତେସି; ଏମ୍‌ାଟିଏ ପାର ଜସେପଇଁ ମିସର ଦେସା ଇଞ୍ଜା ତାନି ଇଲୁତି ସାଲଓି କିହାଲି ଅଦିକାରା ହୀତେସି ।

୧୧ ତାୟୁ ମିସର ଇଞ୍ଜା କିଶାନ ଦେସାତା କାରୁଝୁ କାତାରା ଆଡ଼େ, ଲକୁ ହାରେକା କସ୍ତୁ ଆଡ଼େରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆଡ଼େରି,

୧୨ ସାମା ମିସର ଦେସାତା ଆନା ମାନେ ଇଞ୍ଜିଁଁ ଝେଞ୍ଜାନା, ଜାକୁବ ତାନି ମୀରକା ଇତିହିଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି ।

୧୩ ଏଞ୍ଜାରି ଅର୍ ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କଡ଼ିତେସି, ଇଞ୍ଜା ମିସରତି ରାଜା ପାର ଜସେପ କୃତାତାରି ଇଞ୍ଜିଁଁ ପୁଚେସି ।

୧୪ ଏମ୍‌ାଟିଏ ଜସେପ ତାନି ଆବା ଜାକୁବ ଇଞ୍ଜା ତାନିକଡ଼ି

ପନ୍ଦର ଜାଣା ତାମି କୁଟମିତି ହାଟାଲି ପାଣ୍ଡିତେସି,

୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡେ ତାନି ମୀରକା ଏମ୍ବାଆଁ ହାଚେରି ।

୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଞ୍ଜିଆଡେ, ଇଞ୍ଜା ଅରାହାମ ଏମ୍ବାଆଁ ହମର ମୀରକା ତାଣାଟି ଆମିନି ମାହଣି ମାଣ୍ଡା ଟାକାୟାଁ ହାହାଁ କତାମାଚେସି, ଏମ୍ବାଆଁ ମୁସ୍ପି ଆଡେରି ।”

୧୭ “ସାମା, ମାହାପୁରୁ ଅରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାଚେରକା ଗାଡି ପାଡା ଆଡେରି ।

୧୮ ତାୟୁ ମିସର ଦେସାତା ଅଡେ ର ରାଜା ଆଡେସି, ଏଞ୍ଜାସି ଜସେପଇଁ ପୁଞ୍ଜା ହିଲାଆଡେସି ।

୧୯ ଏଞ୍ଜାସି ମା ଆକୁ ଆବାୟାଁ ଖେପିକିତେସି ଅଡେ ସାସ୍ତି ହାଚେସି, ତାମି କକାରି ହାପାରିଖା ଇଞ୍ଜାଁ ଇଲୁଟି ପାଙ୍ଗାତା କୁତୁସାଲି ହୁକୁମି ହାଚେସି ।

୨୦ ଏଚିବେଲାତା ମସା ଜାର୍ନା ଆଡେସି, ଏଞ୍ଜାସି ମାହାପୁରୁ ନକିତା ହାଚେରକା ଅଜିତାସି ଇଞ୍ଜାଁ ତାନି ଲେଞ୍ଜୁ ପାତେକା ତାମି ଆବା ଇଜ ପହିକିଞ୍ଜି ଆଡେସି ।

୨୧ ତାୟୁ ଏଚିବେଲା ଏଞ୍ଜାସି ପାଙ୍ଗାତା ମେଡ଼ପି ଆଡେସି, ଏଚିବେଲା ପାର ରାଜା ମାଙ୍ଗା ଏଞ୍ଜାଣାଇଁ ଅହାନା ତାନି ମୀରଏଣା ଲେହେଁ ପହିକିତେ ।

୨୨ ଅଡେ ମସା ମିସର ଲକୁଡି ବାରେ ବୁଦି ଜାପାନା କାତାତା ଅଡେ କାମାତା ଖେଜିତେସି ।”

୨୩ “ମସାକି ରୀ କଡ଼ି ବାର୍ଯା ଆୟାଲିଏ ତାମି ତାୟିୟାଁ ଇଚିହଁ ଇସାୟେଲ ଲକୁଡି ମାସ୍କା ମୀରକାଣି ଏନିକିହଁ ଲେମ୍ବୁଞ୍ଜି ଆହିମାନେ ଇଞ୍ଜାଁ ପୁଞ୍ଜାଲି ଅଣପିତେସି ।

୨୪ ଏଞ୍ଜାସି ରଅଣାଇଁ ମିସରତାସି ଗଡ଼ହା କିହିମାଚାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡେ ବାଦୁଲି ଅହାନା ଏଞ୍ଜାଣାଇଁ ପାୟିତେସି ।

୨୫ ଏଞ୍ଜାଣି କେୟୁଟି ମାହାପୁରୁ ତାମି ତାୟିୟାଁଣି ଗେଲ୍ପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡିନେରି ଇଞ୍ଜାଁ ଅଣପିମାଚେସି, ସାମା ଏଞ୍ଜାରି ପୁଞ୍ଜାଲି ଆଡାଆଡେରି ।

୨୬ ତାନି ଅର ଦିନା ଇସାୟେଲ ଲକୁ ରିଆରି ମାଡା ଆହିମାଚାଣି ମେସ୍ତେସି, ଇଞ୍ଜାଁ ଏଞ୍ଜାରାଇଁ ଆଣ୍ଡି କିହାଲି ମାଦି ଆହାଁ ଏଲେଇଚେସି, “ଆଡେ, ମୀରୁତ ଇସାୟେଲ ତାୟିୟାଁଚେରି; ଏଦାଆଁତାକି ଇଲେଆହଁ ଗଡ଼ହା ଆହିମାଞ୍ଜେରି ?”

୨୭ ସାମା ଆମିନିଗାଗାସି ପାଡ଼ିତାଣାଇଁ ଲାଗେଏ କିହିମାଚେସି, ଏଞ୍ଜାସି ମସାଇଁ ମେଡାନା ଏଲେଇଚେସି, “ଆମ୍ବାଆସି ନିଜେ ମା ଲାକ ସାଲ୍ଡି କିହାଲି ଅଡେ ନୀହାୟି କିହାଲି ହିୟାଚେସି ?”

୨୮ ‘ରେଞ୍ଜଏନି ଏନିକଁ ମିସର ତାଣାଇଁ ପାୟାମାଟି, ଏଲେକିହଁ କି ନୀନୁ ନାଜେ ପାୟାଲି ଅଣପିମାଞ୍ଜାଦି ?’

୨୯ ଇ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜାଁ ଏମ୍ବାଆଁ ରୀ ମୀରକା ଜାର୍ନା ଆଡେରି ।”

୩୦ ତାୟୁ ରୀ କଡ଼ି ବାର୍ଯା ଆୟାଲିଏ, ସିନୟ ହରୁ ତାଗେତି ଜାଡାତା ର ଦୁତୁ ର ବୁଟାତା ହିରୁ ଡ଼ାଞ୍ଜାନା ତଞ୍ଜାଆଡେସି ।

୩୧ ମସା ଏଦାଆଁ ମେସାନା ଆତାଜାକା ଆଡେସି, ଇଞ୍ଜାଁ ନେହଁକଁ ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଇ ହାଡା ଖେଚେସି,

୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅରାହାମତି, ଇସାହାକ ଅଡେ ଜାକୁବତି ମାହାପୁରୁ” ଏଚେଟିଏ ମସା ଆଜିତାକି ନେହଁକଁ ସିନିକିହାଲି ସାସା କିଆଡେସି ।

୩୩ ପ୍ରବୁ ଏଞ୍ଜାଣାଇଁ ଏଲେଇଚେସି, “ନୀ କତାଡି ସେପୁୟାଁ ହୁକୁମି, ଇଚିହଁ ନୀନୁ ଆମିନି ଟାୟୁତା ନିଚାମାଞ୍ଜି ଏଦି ସୁଦୁଗାଟି ଟାୟୁ ।

୩୪ ମିସରତା ନା ଆମିନି ଲକୁ ମାନେରି, ନାନୁ ଏଞ୍ଜାରି କସ୍ତ ମେସାମାଇଁ, ଅଡେ ଏଞ୍ଜାରି ଡ଼ାହିମାନାଣି ଖେଞ୍ଜାମାଇଁ, ଇଞ୍ଜାଁ ଏଞ୍ଜାରାଇଁ ଗେଲ୍ପାଲି ରେଚା ଖାହାମାଇଁ; ଇଞ୍ଜାଁ ନୀଏଁ ଖାମୁ ନାନୁ ନିଜେ ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସାୟେଲତି ଲକୁ ଅପାଆଡେରି । ଏଞ୍ଜାରି ଏଞ୍ଜାଣାଇଁ ଏଲେଇଚେରି, ‘ମାଜେ ସାଲ୍ଡି କିହାଲି ଅଡେ ନୀହାୟି କିହାଲି ଆମ୍ବିଟି ଅଦିକାରା ବେଟାଆଡି ? ଏଞ୍ଜାଣାଇଁ ମାହାପୁରୁ ଲକୁଣି ସାଲ୍ଡି କିହାଲି ଅଡେ ମୁକଲ୍ଡି କିହାଲି ଦୁତୁତି ସାୟେମି ତଲେ ହିରୁ ଡ଼ାଞ୍ଜିମାନି ବୁଟାତା ତଞ୍ଜାଆହାନା ପାଣ୍ଡାଚେସି ।

୩୬ ଏଞ୍ଜାସି ଲକୁଣି ମିସର ଦେସାଟି, ସୁପ ସାମ୍ବୁରି, ଇଞ୍ଜାଁ ରୀ କଡ଼ି ବାର୍ଯା ପାତେକା ବାଟାତା ହାଚେରକା କାବାଆନି କାମା ଅଡେ ସିନାୟାଁ ତସାହାଁ ଏଞ୍ଜାରାଇଁ ହପୁହା ତାଚେସି ।

୩୭ ଏ ମସା ତାନୁଏ ଇସାୟେଲ ମୀରକାଣି ଏଲେଇଚେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଜେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଖେହନାଣାଇଁ ହିୟାନେସି ।”

୩୮ ଏ ମସା ବାଃଲି ବାଟାତା କୁଡ଼ା ଆହାମାନି ଇସାୟେଲ ଲକୁତଲେ ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୁତୁ ଇଞ୍ଜାଁ ମା ଆକୁ ଆବାୟାଁ ବିତ୍ରା ମାଦିତାସି ମାଚେସି; ଏଞ୍ଜାସି ମିଜେ ହାହାଲିତାକି ମାହାପୁରୁ ତାଣାଟି ଜୀଞ୍ଜୁଟି ବଲୁ ବେଟାଆଡେସି ।”

୩୯ “ସାମା ମା ଆକୁ ଆବାୟାଁ ଏଞ୍ଜାଣି କାତା ଆହୁଆନା ଏଞ୍ଜାଣାଇଁ ଅପାଆଡେରି, ଅଡେ ମିସର ଦେସାତା ଖେଞ୍ଜା ହାଜାଲି ମନ କିତେରି,

୪୦ ଏଦାଆଁତାକି ଏଞ୍ଜାରି ହାରଣାଇଁ ଏଲେଇଚେରି । ‘ମା ନକି ନକିତା ହାଜାଲି ମାଜେତାକି ପେଶକାଣି କେପାମୁ, ଇଚିହଁ ମାଜେ ମିସର ଦେସାଟି ହପୁହା ତାତାଟି ମସାକି ଏଦାଆଁ ଆଡେ ମାମୁ ପୁଞ୍ଜାହିଲଅମି ।’

୪୧ ଅଡେ, ଏଚିବେଲାତା ଏଞ୍ଜାରି ର କଡ଼ି ତାଲୁଡି ବମା କେପାନା ଏ ବମା ତାକି ପୁଜା ହାହାନା ତାମି କେୟୁଟି କେପିତି ଆସ୍ତି ତାକି ରାହାଁ କିତେରି ।

୪୨ ସାମା ମାହାପୁରୁ ଏଞ୍ଜାରି ତାଣାଟି ଏଟକା ଆହାନା ଏଞ୍ଜାରାଇଁ ହାଗୁଲାକଡ଼ି ହୁକାୟାଁଣି ସେବା କିୟାଲି ପିସ୍ତେସି,

ଏନିକିଁ ମାହାପୁରୁ ଅଣ୍ଟପୁତି ବଲୁ ଖେହନାରି ପତିତା ରାସ୍ତି ଆହାମାନେ;

ଏ ଇସ୍ରାୟେଲ କୃତାତେରି,

ବାଗାତା ରୀ କଡ଼ି ବାସୀ ପାତେକା ମୀରୁ ନାଜେତାକି କଡ଼ି ଗରି ପୂଜା କିହାହିଲାଆତେରି ।

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାତେରି, ଏ ମଲକ ପେନୁତି ତୁମୁ ଅଡ଼େ ରମ୍ପାନ୍ ପେନୁତି ହୁକାତି ମୀରୁ ଆସାନା ସେବା କିତେରି, ଏଦାଆଁତାକି ନାନୁ ମିଜେ ବାବିଲନ ଆତାଲା ବାସା ଆୟାଲି ପାଶ୍ଚାଇଁ ।”

୪୪ “ନାନୁ ଏନିକିଁ ମେସାମାଞ୍ଜି, ଏଲେକିହଁଏ ସାକି ହାନି ତୁମୁ ଇଲୁ କେପାମୁ ଇଞ୍ଜିଁ ମସାକି ଆମ୍ବାଆସି ଖେସାମାତେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଗାତା ସାକି ହାନି ତୁମୁ ଇଲେ କେପାମାତେରି ।

୪୫ ତାୟୁ ମା ଆକୁ ଆବାୟାଁ ଏଦାଆଁ ତାମି ଆବାୟାଁ ତାଣାଟି ବେଟାଆତେରି ଇଞ୍ଜାଁ ଜିହସୁୟ ତଲେ ତାକିମାଟିବେଲା ଏଞ୍ଜାରି ଏଦାଆଁ ତେକା ଅଡ଼େରି, ଏମ୍ବାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୃତାତି ଲକୁଣି ପେରହା ତୁସାଲିଏ, ଇସ୍ରାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ କୃତାଆନି ତୁମୁ ଇଲୁ ଏମ୍ବାଆଁ ତାଚାନା ଇଟିତେରି, ଇଞ୍ଜାଁ ଏଦି ଦାଞ୍ଜୁଦ ରାଜା ପାତେକା ଏମ୍ବାଆଁ ତୟିତେ ।

୪୬ ଦାଞ୍ଜୁଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଟାୟୁ କିହାଲି ପ୍ରାତାନା କିତେସି ।

୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡ଼ୟୁ ଗାଟି ମାହାପୁରୁ ମାଣ୍ଡସି କେୟୁତଲେ କେପିତି ଇଲୁତା ବାସା କିଅସି; ଏନିକିଁ ମାହାପୁରୁ ଅଣ୍ଟପୁତି ବଲୁ ଖେହନାରି ଖେସାମାନେରି ।”

୪୯ ପ୍ରୁ ଏଲେଇଞ୍ଜା ମାନେସି, “ଲକପୁରୁ ନା ସିଂଗାସାଣି, ଦାର୍ତତି ନା କତା ଇଟିନି ଟାୟୁ,

ମୀରୁ ନା ତାକି ଏନିଲେହେଁତି ଇଲୁ କେପିଦେରି ?

ଇଞ୍ଜାଁ ନା ଜମିନି ଟାୟୁ ଏମ୍ପିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାତେରି, ଇଞ୍ଜାଁ ଅଟହା କତାଆତି ହିୟାଁ ଗାଟାତେରି ଅଡ଼େ ମାହାପୁରୁତି ବଲୁ ତାକି କାର୍ମା ଖେନାଆ ଗାଟାତେରି, ମୀରୁ କାଲେଏ ସୁଦୁଜୀଞ୍ଜୁତି କସ୍ତ ହାହିମାଞ୍ଜେରି; ମୀ ଆକୁ ଆବାୟାଁ ଏନିକିଁ ମୀରୁ ଜିକେଏ ଏଲେତାତେରି ।

୫୨ ମାହାପୁରୁ ଅଣ୍ଟପୁତି ବଲୁ ଖେହନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମ୍ବୁଗାଟାସି ଞ୍ଜାନ୍ କାତା ନକେଏ ଖେସାମାତେରି, ଏଞ୍ଜାରିଇଁ ଏଞ୍ଜାରି ପାୟିତେରି; ନୀଏଁ ମୀରୁ ଏଞ୍ଜାଣାଇଁ ସାତୁୟାଁ କେୟୁତା ହେରପାନା ପାୟିତେରି ।

୫୩ ମୀରୁ ମାହାପୁରୁତି ମେରା ବେଟାଆହା ମାତେରି, ଏ ମେରା ଦୁତୁୟାଁ ତାଣାଟି ହୀପୁକି ଆହାମାତେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି ।”

**ଞ୍ଜାଲକାତଲେ ସ୍ତ୍ରୀପାନଇଁ ପାୟିନାୟି**

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଖେସେସି, ଏମ୍ବାଆଁ ମାଟି ପାରୁସି ଇଞ୍ଜାଁ ବାରେ କୃତା ଆହାମାଟାରି କାର୍ବି ଆହାଁ ପାଲକା ଟୀଟି କିହାଲି ମାଟୁହେରି ।

୫୫ ସାମା ସ୍ତ୍ରୀପାନ ସୁଦୁଜୀଞ୍ଜୁ ତଲେ ନେଞ୍ଜାନା ଲକପୁରୁ ଞ୍ଜାକି ସିନିକିତେସି, ଇଞ୍ଜାଁ ମାହାପୁରୁତି ଗାଞ୍ଜୁରମି ଅଡ଼େ ଜୀସୁଇଁ ମାହାପୁରୁତି ଟିଝନିଞ୍ଜାକି ନିଚାମାନାଣି ମେସାନା ଏଲେଇଚେସି ।

୫୬ “ମେହଦୁ ନାନୁ ଲକପୁରୁ ଦେପିଆହାମାନାଣି ଅଡ଼େ ମାଣ୍ଡସି ମୀରୁଏସି ମାହାପୁରୁତି ଟିଝନିଞ୍ଜାକି ନିଚାମାନାଣି ମେସିମାଇଁ ।”

୫୭ ଏ କାତା ଖେନାଆପ ଇଞ୍ଜିଁ କାଲୁଞ୍ଜି ଆହଁ ବେରଣି ମାଣ୍ଡାତାରି କାର୍ମା ମୁଚାକଡିତେରି । ତାୟୁ ବାରେଜାଣା ରୁଣ୍ଡା ଆହାନା ଏଞ୍ଜାଣାଇଁ ମୁଚିତେରି ।

୫୮ ଅଡ଼େ ଏଞ୍ଜାରି ଏଞ୍ଜାଣାଇଁ ଗାଡ଼ାଟିଏ ପାଞ୍ଜାତା ରେଜା ଅହାନା ଏଞ୍ଜାଣାଇଁ ଞ୍ଜାଲକାତଲେ ଖେଚାଲି ମାଟୁହେରି; ଅଡ଼େ ସାକିୟାଁ ବିତ୍ରାଟି ସାଞ୍ଜୁଲ କତାୟାଁ ତଇ ହିମ୍ପୁରିକା କାଟିମାତେସି ।

୫୯ ଏଚିବେଲା ଏଞ୍ଜାରି ସ୍ତ୍ରୀପାନଇଁ ଞ୍ଜାଲକା ଖେଚି ମାତେରି, ଏଚିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରୁ ଜୀସୁ, ନା ଜୀଞ୍ଜୁତି ଅହାକତାମୁ !”

୬୦ ଇଞ୍ଜାଁ ଏଞ୍ଜାସି ମେଣ୍ଡାକୁତାନା କାଜା ଗିୟାତଲେ ଏଲେଇଚେସି, “ପ୍ରୁ ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାତେସି ।



**ସାଞ୍ଜୁଲ କ୍ରୀସ୍ତାନା କୁଲମିତି ସାସ୍ତି ହାନାୟି**

୧ ସ୍ତ୍ରୀପାନଇଁ ପାୟିତାୟି ନେହେଁ ଆଡେ ଇଞ୍ଜିଁ ସାଞ୍ଜୁଲ ଅଣ୍ଟପିମାତେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତି ଞ୍ଜାତେ; ଏମ୍ବାଟିଏ ପାଣ୍ଡୁଞ୍ଜି ଆହାମାନାରି ପିସ୍ପେ ବାରେ ନାମିତାରି, ଜୀହୁଦା ଦେସା ଇଞ୍ଜାଁ ସମିରଣ ନାସ୍ତକା ସାଡ଼ିସୁଟୁ ଇତାଲା ଆତାଲା ଆଡ଼େରି ।

୨ ଆଡ଼ିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜାଁ ହାରେକା ଦୁକୁ ତଲେ ଡ଼ୀତେରି ।

୩ ଏସାମା ସାଞ୍ଜୁଲ କୁଲମିତା ହାଜିହଁ ଇଲୁତାକି ଇଲୁ ହଡ଼ିହଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେରପିହଁ କୁଲମିତି ନାସା କିହାଲି ମାଟୁହେସି ।

**ସମିରଣତା ନେହଁ କାରୁ ଖେକନାୟି**

☆ ୮:୩ କାମା ୨୨:୪,୫; ୨୭:୯-୧୧

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାଚେରି, ଏଞ୍ଜାରି ସାରିସୁଟୁ ରେଜି ରେଜି ନେହଁ କାରୁ ଝେକ୍‌ହେରି ।

୫ ଇଞ୍ଜା ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା ଝେକ୍‌ହେସି ।

୬ ଅଡେ, ଲକୁ ବାରେ ପିଲିପ ହାଡ଼ା ଝେରେରି ଇଞ୍ଜା ଏଞ୍ଜାସି କିହାମାନି କାବାଆନି କାମା ମେସାନା ରଣିଏ ହିୟାଁ ତଲେ ଏଞ୍ଜାଣି କାତାତି ଝେଞ୍ଜିମାଚେରି ।

୭ ଇଚିହଁ ଆଲଗାମାଟି ପଲ୍‌ଆ ବୁଡୁ ହାରେକା ଲକୁ ତାଣାଟି କାଜା ଗିୟାଁତଲେ କିରଡ଼ିହଁ ହଡ଼ାହାରୁ, ଇଞ୍ଜା ଚଟ ଝାୟିତାରି ଅଡେ ସଗାୟାଁ ହାରେକା ଜାଣା ନେହଁ ଆଡେରି ।

୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡେ ।

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାରଡ଼ି କିହଁ ନାନୁ କାଜାତେଏଁ ଇଞ୍ଜାଁ ଝେସା କଡ଼ିହଁ ସମିରଣତି ଲକୁଣି କାବା କିହିମାଚେସି ।

୧୦ ମାହାପୁରୁତି ଆମିନି ବାଡ଼ୁୟୁତି କାଜାୟି ଇଞ୍ଜାଁ ଇଶ୍‌ମି ଆନେ, ଉଣାଟିଏ କାଜାରି ପାତେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜାଁ ଏଞ୍ଜାଣାଇଁ ମାନି କିହିମାଚେରି ।

୧୧ ଏଞ୍ଜାରି ଏଞ୍ଜାଣାଇଁ ମାନି କିହିମାନାୟି ଆଡେ, ହାରେକା ଦିନାଟିଏ ତାନି ଗାରଡ଼ି କାମା ତଲେ ଏଞ୍ଜାରାଇଁ କାବା କିହିମାଚେସି ।

୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସୁ ଦରୁତି ନେହଁ କାରୁ ଝେକ୍‌ହାଲିଏ ଏଞ୍ଜାରି ଏଟିରେଲା ଏଞ୍ଜାଣି କାତାତା ନାମିତେରି, ଇଞ୍ଜାଁ ଆୟାସିକା ଅଡେ ଆଦାୟାଁ ବାପ୍ତିସ୍ତା\* ଅହାଲି ମାଟ୍‌ହେରି ।

୧୩ ଅଡେ ସିମନ ତାନୁଏ ନାମିତେସି ଇଞ୍ଜାଁ ବାପ୍ତିସ୍ତା ଅଡେସି, ଇଞ୍ଜାଁ ପିଲିପ ତଲେ ଡ଼ୟିତେସି, ଅଡେ ହାରେକା ସିନାୟାଁ ଇଞ୍ଜାଁ ହାରେକା ବାଡ଼ୁୟୁତି କାବାଆନି କାମାୟାଁ ମେସାନା କାବା ଆହାହାଚେସି ।

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜାଁ ଜିରୁସାଲମତା ମାନି ପାଣ୍ଡୁଝି ଆଡ଼ାରି ଝେରେରି, ଏମ୍ବାଟିଏ ଏଞ୍ଜାରି ପିତର ଅଡେ ଜହନଇଁ ଏଞ୍ଜାରିତାଣା ପାଣ୍ଡୁତେରି ।

୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକଁ ସୁଦୁଜୀଞ୍ଜୁ ବେଟାଆନେରି, ଏଦାଆଁତାକି ଏଞ୍ଜାରି ତାକି ପ୍ରାଡ଼ାନା କିତେରି ।

୧୬ ଇଚିହଁ ନୀଏଁ ପାତେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀଞ୍ଜୁ ରେଟା ହିଲାଆଡେ, ଇଚିହଁ ଏଞ୍ଜାରି ଝାରୁଇ ପ୍ରୁ ଜୀସୁ ଦରୁତଲେ ବାପ୍ତିସ୍ତା\* ଅହାମାଚେରି ।

୧୭ ପିତର ଅଡେ ଜହନ ଏଞ୍ଜାରି ଲାକ କେୟୁ ଇଚିତେରି ଇଞ୍ଜାଁ ଏଞ୍ଜାରି ସୁଦୁଜୀଞ୍ଜୁ ବେଟାଆଡ଼େରି ।

୧୮ ପାଣ୍ଡୁଝି ଆଡ଼ାରି କେୟୁ ଇଚିସାରେ ସୁଦୁଜୀଞ୍ଜୁ ଝାହିମାନାଣି ମେସାନା, ସିମନ ଏଞ୍ଜାରିକି ଟାକାୟାଁ ହାହାନା ଏଲେଇଚେସି,

୧୯ “ନାଞ୍ଜେ ଜିକେଏ ଇ ବାଡ଼ୁୟୁ ହିୟାଦୁ, ଏନିକଁ ନାନୁ ଆମିନିଗାଟାଣି ଲାକ କେୟୁ ଇଚିଇଁ ଏଞ୍ଜାସି ସୁଦୁଜୀଞ୍ଜୁ ବେଟାଆନେସି ।”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସ୍ତ ଆପ୍ତ, ଇଚିହଁ ନାନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍ଡପିତି ।

୨୧ ଇ କାମାତା ନୀଦି ଏନି ବାଟା କି ଅଦିକାରା ହିଲେଏ, ଇଚିହଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ ।

୨୨ ଇଦାଆଁତାକି ନୀ ଲାଗେଏତି ଅଣ୍ଡପୁଟି ମନ ଝେଟ୍‌ହାଁ ପ୍ରୁ ତାଣା ପ୍ରାଡ଼ାନା କିମ୍ତ, ଏନିଆଡ଼ିହଁ ନୀ ହିୟାଁତା ମାନି ଲାଗେଏତି ଅଣ୍ଡପୁ ମ୍ବେକ୍‌ନେସି;

୨୩ ଇଚିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ଡ଼ାହାରା ଆନାୟି ମାନେ, ନାନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡେ ଜହନଇଁ ଏଲେଇଚେସି, “ମୀରୁ କାମା ଅଣ୍ଡପାନା ନା ତାକି ପ୍ରୁ ତାଣା ପ୍ରାଡ଼ାନା କିମ୍ତ, ମୀରୁ ଏନାଆଁ ଜଲିତେରି ଏ ବାରେ ଏନିକଁ ନାଞ୍ଜେତାକି ଏଲେଆହଁ ଆଏ ।”

୨୫ ଇଲେକିହଁ ପିତର ଅଡେ ଜହନ ସାକି ହାହଁ ପ୍ରୁତି ବଲୁ ଝେସିହଁ, ହାରେକା ସମିରଣ ନାସ୍‌କାଣାଁ ନେହଁ କାରୁ ଝେସି ଝେସିହଁ ଜିରୁସାଲମତା ଝେଣ୍ଡା ହାଚେରି ।

**ପିଲିପ ଅଡେ ଇତିୟପିୟାତି କାମାକିନାସି**

୨୬ ଡ଼ାୟୁ ପ୍ରୁତି ର ଦୁଡୁ ପିଲିପଇଁ ଏଲେଇଚେସି, “ନିଙ୍ଗାମୁ ଇଞ୍ଜାଁ ଟିଝନି ଝାକିତି ଆମିନି ଜିରୁ ଜିରୁସାଲମଟିଏ ଗଜା ଝାକି ମାନେ ଏ ଜିରୁତା ହାଲାମୁ ।” ଏ ଜିରୁତି ଅଡେ ଲକୁ ତାକିହିଲଅରିଟି ।

୨୭ ଏମ୍ବାଟିଏ ଏଞ୍ଜାସି ନିଙ୍ଗାନା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ଡ଼ଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନଡ଼ି ଗୁମ୍‌ସା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାଡ଼ାନା କିହାଲି ଜିରୁସାଲମତା ଝାହାମାଚେସି;

୨୮ ଏଞ୍ଜାସି ମାହାପୁରୁ ଅଣ୍ଡପୁଟି ବଲୁ ଝେହ୍‌ନି ଜିସାୟତି ପତି କାଜା ଗିୟାଁତଲେ ପଡ଼଼ି ଆହଁ ରାତାତା କୁଗାନା ଝେଣ୍ଡା ହାଜିମାଚେସି ।

୨୯ ଏଟିରେଲା ସୁଦୁଜୀଞ୍ଜୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମୁ;”

୩୦ ଏଚେଟିଏ ପିଲିପ ହଟି ହଟି ହାଜାନା ଜିସାୟତି ପତି କାଜା ଗିୟାଁତଲେ ମାହାପୁରୁ ଅଣ୍ଡପୁଟି ବଲୁ ପଡ଼଼ି ଆହିମାନାଣି ଝେଞ୍ଜାନା ଝେଚେସି, “ନାନୁ ଆମିନିଗାଟାଣି ପଡ଼଼ି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି ନାଞ୍ଜେ ଝେସ୍‌ଆସାରେ ନାନୁ ଏନିକଁ ପୁଇଁ ?” ଇଞ୍ଜାଁ ଏଞ୍ଜାସି ପିଲିପଇଁ ରାତାତା ହଡ଼ାନା ତାନିତଲେ କୁଗାଲି ଏଲେଇଚେସି ।

\* ୮:୧୨ ମୁଞ୍ଜିନାୟି † ୮:୧୩ ମୁଞ୍ଜିନାୟି ‡ ୮:୧୭ ମୁଞ୍ଜିନାୟି § ୮:୨୨ ଲକୁ ହିଲାଆ ଗାୟୁ

୩୭ ଏଞ୍ଜାସି ଦାମ୍ଭୁ ପତିତା ପଡ଼଼ି ଆହିମାଟି କାତା ଇଦି;  
 “ଏଞ୍ଜାସି ପାୟି଼ଆନି ମେଣ୍ଡା ତାଲୁ ଲେହେଁ ଅ଼଼ିଆଡ଼େସି,  
 ଇଞ୍ଜା ମେଣ୍ଡା ତାଲୁ ବାଣାୟାଁ ଦା଼଼ନି ବେଲାତା ମେଣ୍ଡା  
 ତାଲୁ ଏନିକିଁ ତୁଆନା ପାଲେଏ ଡ଼ୟିନେ,  
 ଏଲେକିହିଁ ଏ ଏଞ୍ଜାସି ତାନି ଗୁତି ଏକ୍‌ଆତେସି ।

୩୮ ଏଞ୍ଜାଣାକ୍ ଉଣା କିହାଁ ନୀହାଁୟି କିଆତେରି,  
 ଏଞ୍ଜାଣି କୁଡ଼ାତି କାତା ଆମ୍ବାଆସି ଝେସାଲି ଆଡ଼ଅସି,  
 ଇଚିହିଁ ତାନି ଜୀ଼ୁ ଦାରତିତା ରାଡ଼େ ।”

୩୯ ଏ ପେକ୍‌ ପିଲିପକ୍ ଏଲେଇଚେସି, “ନାକ୍‌ ଝେସ୍‌ୟାମ୍,  
 ମାହାପୁରୁ ଅଣ୍‌ପୁତି ବଲୁ ଝେହ୍‌ନାସି ଆମ୍ବାଆରି କାତା  
 ଝେସିମାନେସି ? ତାନି କାତା କି ଅର ରଅଣି କାତା ?”

୩୯ ଏମ୍ବାଟିଏ ପିଲିପ ଗୁତି ଦେଗାନା ଦାମ୍ଭୁ ସାସ୍‌ପେରିଟିଏ  
 ମାଟ୍‌ହାନା ଏଞ୍ଜାଣି ତାଣା ଜୀସୁତି ନେହିଁ କାରୁ ଝେସ୍‌ସେସି  
 ।

୩୯ ଏଞ୍ଜାରି ଜିରୁତା ହାଜିମାଟାଟି ଏୟୁ ମାନି ର ଗାୟୁତା  
 ଏଗାହାଚେରି; ଏଚେଟିଏ ପେକ୍‌ ଏଲେଇଚେସି,

୩୯ “ଇମ୍ବାଆଁ ଏୟୁ ମାନୁ, ଏନାଆଁ ନାନୁ ବାପ୍ତିସ୍ମ\* ଅହାଲି  
 ଆଡ଼ିକ୍‌ ?”

୩୯ ଇଞ୍ଜା ଏଞ୍ଜାସି ରାତା ନିପହାଲି ହୁକୁମି ହୀତେସି, ଇଞ୍ଜା  
 ପିଲିପ ଅଡ଼େ ପେକ୍‌ ଏୟୁଣାଁ ରେତେରି, ଇଞ୍ଜା ପିଲିପ  
 ଏଞ୍ଜାଣାକ୍ ବାପ୍ତିସ୍ମ‡ ହୀତେସି ।

୩୯ ଏଞ୍ଜାରି ଏୟୁଟି ହଡ଼ା ଝାଡ଼ି ତାୟୁ, ପ୍ରବୁତି ସୁଦୁଜୀ଼ୁ  
 ପିଲିପକ୍ ଅହିଁ ହାଚେ, ଇଞ୍ଜା ପେକ୍‌ ଅଡ଼େ ଏଞ୍ଜାଣାକ୍  
 ମେହ୍‌ଆତେସି; ଆଡ଼ିକିକେଏ ରାହାଁ କିହିଁ ତାନି ଜିରୁତା  
 ହାଚେସି ।

୪୦ ସାମା ପିଲିପ ଅସଦ୍‌ ଗାଡ଼ାତା ତଞ୍ଜାଆଡ଼େସି;  
 ଇଞ୍ଜା ଏଞ୍ଜାସି ଗାଡ଼ାତାକି ଗାଡ଼ାତା ହାଜାହାଁ ନେହିଁ କାରୁ  
 ଝେସ୍‌ସେସି ଇଞ୍ଜା କାୟିସରିୟାତା ଏଗାହାଚେସି ।



**ସା଼ୁଲ ମନ ଝେଟ୍‌ନାୟି**

(କାମା ୨୨:୬-୧୬; ୨୬:୧୨-୧୮)

୧ ସାମା ସା଼ୁଲ ନୀର୍‌ ପାତେକା ପ୍ରବୁତି ସୀସୁୟାଁ କପାଟି  
 ଆଜି ତସାନା ଅଡ଼େ ଜୀ଼ୁ ନାସାକିନି କାତାୟାଁ ଜଲିହିଁ  
 କାଜା ପୂଜେରାକ୍‌ ତାଣା ହାଚେସି ।

୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା  
 ଆବାୟାଁଣି ମେସ୍‌ସିହିଁ, ବାରେଜାଣାତି ଦସ୍‌ପାନା  
 ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଞ୍ଜାସି  
 କାଜା ପୂଜେରାକ୍‌ ତାଣା ହାଜାନା ଦମେସକତା ମାନି  
 ଜୀହୁଦି ଲକୁଡ଼ି କୁଟମି ଇଲକାଣା\* ହିୟାଲି ଏଞ୍ଜାରି ତାଣାଟି  
 ଆକୁ ରୀସ୍‌ସେସି ।

୩ ସା଼ୁଲ ଦମେସକ ତାଗେ ଝାହିମାଟାଟି ଦେବୁଣିଏ ର  
 ଉଜେଡ଼ି ହାଗୁଲାକଟି ତାନି ସାରି଼ଞ୍ଜାକି ମ୍ପୁସ୍‌ସେ ।

୪ ଏମ୍ବାଟିଏ ଏଞ୍ଜାସି ବୁମିତା ତରଗା ହାଚେସି ଇଞ୍ଜା  
 ତାକ୍‌ତାକି ଇ ହାଡ଼ା ଝେଚେସି, “ଏ ସା଼ୁଲ, ଏ ସା଼ୁଲ !  
 ନୀନୁ ଏନାଆଁତାକି ନାକ୍‌ ନିନ୍ଦା କିହିମାଞ୍ଜାଦି ?”

୫ ଏଞ୍ଜାସି ଏଲେଇଚେସି, “ପ୍ରବୁ, ନୀନୁ ଆମ୍ବାଆତି ?”  
 ଏଞ୍ଜାସି ଏଲେଇଚେସି, “ନୀନୁ ଆମ୍ବାଆରାକ୍ ନିନ୍ଦା କିହିମାଞ୍ଜା  
 ଏ ଜୀସୁତେର୍‌ ନାନୁ ।

୬ ସାମା ନିକ୍‌ୟାମ୍ ଇଞ୍ଜା ଗାଡ଼ାତା ହାଲ୍ୟାମ୍, ଏନାଆଁ କିହାଲି  
 ଆନେ, ଏମ୍ବାଆଁ ନିକ୍‌ ଝେସ୍‌ପି ଆୟାନେ ।”

୭ ଏଞ୍ଜାଣିତଲେ ଆମିନି ଲକୁ ହାଜିମାଚେରି, ଏଞ୍ଜାରି  
 ଏ ହାଡ଼ା ଝେଞ୍ଜାନା ଆମ୍ବାଆରାକ୍ ମେହ୍‌ଆତେରି, ଇଞ୍ଜା  
 ଆତାଜାକା ଆହାହାଚେରି ।

୮ ଅଡ଼େ ସା଼ୁଲ ବୁମିଟି ନିକ୍‌ୟାନା ତାନି କାଣ୍‌କା ଦେତେସି,  
 ସାମା ଏଞ୍ଜାସି ଏନାଆଁ ମେସାଲି ଆଡ଼ାଆତେସି । ଇଞ୍ଜା  
 ଏଞ୍ଜାରି ତାନି କେୟୁ ଆସାନା ଦମେସକତା ଅଡ଼େରି ।

୯ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି  
 ଆଡ଼ାଆତେସି, ଅଡ଼େ ଏନାଆଁ ତିନାଆତେସି ଏନାଆଁ  
 ଗହ୍‌ଆତେସି ।

୧୦ ଦମେସକତା ହନନିୟ ଦରୁଗାଟାସି ର ସୀସୁ ମାଚେସି;  
 ପ୍ରବୁ ଏଞ୍ଜାଣାକ୍ ତଞ୍ଜାଆହାଁ ଏଲେଇଚେସି, “ଏ ହନନିୟ !”  
 ଏଞ୍ଜାସି ଏଲେଇଚେସି, “ଏ ପ୍ରବୁ ନାକ୍‌ ଝେସ୍‌ୟାମ୍ ।”

୧୧ ଏଚେଟିଏ ପ୍ରବୁ ଏଞ୍ଜାଣାକ୍ ଏଲେଇଚେସି, “ତିୟାରା  
 ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା  
 ତାର୍‌ ଗାଡ଼ାତି ସା଼ୁଲ ଇନାଣାକ୍ ପାରାମ୍; ଇଚିହିଁ ଏଞ୍ଜାସି  
 ପ୍ରାତାନା କିହିମାନେସି;

୧୨ ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି,  
 ହନନିୟ ଇନାସି ର ମାଣ୍‌ସି ଝାହାନା ତାନି ଲାକ କେୟୁ  
 ଇଚିମାନେସି, ଏନିକିଁ ଏଞ୍ଜାସି ମେସାଲି ଆଡ଼ିମାନେସି ।”

୧୩ ହନନିୟ ଏଲେଇଚେସି, “ପ୍ରବୁ, ଜିରୁସାଲମତା  
 ମାହାପୁରୁ ଲକୁକ୍ ଇଞ୍ଜାସି ଏଚେକା ନିନ୍ଦା କିହିମାନେସି  
 ଇଞ୍ଜା ନାନୁ ହାଡ଼େକା ଲକୁ ତାଣାଟି ଇ ଲକୁଡ଼ି କାତା  
 ଝେଞ୍ଜାମାକ୍ ।

୧୪ ଅଡ଼େ ଇ ଗାୟୁତା ନୀ ଦରୁଟି ପ୍ରାତାନା କିହିମାନାରାକ୍  
 ବାରେଜାଣାତି ଦସା ଅୟାଲି ଏଞ୍ଜାସି କାଜା ପୂଜେରାକ୍‌  
 ତାଣାଟି ଅଦିକାରା ଆକୁ ବେଗାଆହାମାନେସି ।”

୧୫ ସାମା ପ୍ରବୁ ଏଞ୍ଜାଣାକ୍ ଏଲେଇଚେସି, “ହାଲ୍ୟାମ୍;  
 ଇଚିହିଁ ଏଞ୍ଜାସି ଏଚକା କୁଡ଼ାତି ରାଜାୟାଁ ଅଡ଼େ  
 ଇସ୍ରାୟେଲ ଲକୁଡ଼ି ମାସ୍‌କା ମୀରକା ନକିତା ନା ଦରୁ  
 ଝେକ୍‌ହାଲି ନାନୁ ଏଞ୍ଜାଣାକ୍ ନା ସେବା କିନାସି କିହାନା  
 ଆଚାମାକ୍;

୧୬ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ  
 ବେଗାଆନେସି, ଏଦାଆଁ ନାନୁ ଏଞ୍ଜାଣାକ୍ ଝେହ୍‌କ୍‌ ।”

୧୭ ଏଚେଟିଏ ହନନିୟ ହାଜାନା, ଏ ଇଲୁତା ହଚେସି,  
 ଇଞ୍ଜା ତାନି ଲାକ କେୟୁ ଇଚାନା ଏଲେଇଚେସି, “ତାୟି  
 ସା଼ୁଲ, ଇମ୍ବାଆଁ ଝାଡ଼ି ଜିରୁତା ଆମିନି ପ୍ରବୁ ଜୀସୁ ନିକ୍‌

\* ୮:୩୭ ମୁଞ୍ଜିନାୟି † ୮:୩୭ ପିଲିପ ଏଲେଇଚେସି, “ନୀନୁ ବାରେ ହିୟାଁ ତଲେ ନାମିସାରେ ଅହାଲି ଆଡ଼ିଦି” ଏମ୍ବାଟିଏ ଏଞ୍ଜାସି ଏଲେଇଚେସି, “ଜୀସୁ କ୍ରୀସ୍ତ  
 ମାହାପୁରୁଟି ମୀର୍‌ସସି ଇଦାଆଁ ନାନୁ ନାମିମାକ୍ ।” ‡ ୮:୩୮ ମୁଞ୍ଜିନାୟି \* ୯:୨ ସିନଗଗ

ତଞ୍ଜା ଆୟାତେସି, ଏଞ୍ଜାସି ନାଙ୍ଗେ ପାଣ୍ଡାମାଞ୍ଜାନେସି, ନୀନୁ ଏନିକ୍ ଶ୍ରେଣ୍ଠେ ମେହ୍ମୁ ଇଞ୍ଜା ସୁଦୁଜୀଞ୍ଜୁ ବେଟାଆମୁ ।”

୧୮ ଏ ଦେବୁଣିଏ ଏଞ୍ଜାଣି କାଣକାଟି ମୀନୁ ହିପି ଲେହେଁତାୟି ତୁଲିତେ, ଇଞ୍ଜା ଏଞ୍ଜାସି ଶ୍ରେଣ୍ଠେ ମେସାଲି ଆଡ଼ିତେସି, ଅଡ଼େ ନିଙ୍ଗାନା ବାପ୍ତିସ୍ତା† ଅଡ଼େସି,

୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁଲୁ ବେଟାଆଡ଼େସି, ଏଚେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ଡ଼ୟିତେସି ।

**ଦମେସକତା ସାଞ୍ଜୁଲ ଶ୍ରେକ୍‌ନାୟି /**

୨୦ ଅଡ଼େ, ଜୀସୁ ମାହାପୁରୁତି ମୀରଏସି ଇଞ୍ଜା ଆଟ୍‌ଞ୍ଜା ତଲେ ଜୀହୁଦି ଲକୁତି କୁଟମି ଇଲକାଣା‡ ଶ୍ରେସାଲି ମାଟ୍‌ହେସି ।

୨୧ ଅଡ଼େ, ଆମିନି ଗାଟାରି ତାନି ହାଡ଼ା ଶ୍ରେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାଡ଼ାନା କିନି ଲକୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାରାଇଁ ଦସ୍‌ପାହାଁ କାଜା ପୂଜେରାଙ୍ଗା ତାଣା ଅହାଲି ତାକି ଇମ୍ବାଆଁ ଖାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଶ୍ରେକ୍‌ନାୟି ହାରେକା ବାଡ଼ୁଲୁ ଗାଟାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ଶ୍ରେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକୁଣି ଶ୍ରେଣ୍ଠେ ଶ୍ରେସାଲି ଆଡ଼ାଆଡ଼େରି ।

୨୩ ☆ଏଚରଦିନା ହାଟି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଡ଼େରି;

୨୪ ସାମା ଏଞ୍ଜାରି କାତା ଆହିମାଟାଣି ସାଞ୍ଜୁଲ କିୟାଁ ତୁ ହାଚେ, ଅଡ଼େ ଏଞ୍ଜାରି ଏନିକ୍ ସାଞ୍ଜୁଲାଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଞ୍ଜେରିକାଣା କାଟିହଁ ଡ଼ୟିତେରି ।

୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ଡାଲିତା ରସାହାଁ କଟା କାଟିଟି ଡ଼ଇ ରେପ୍‌ହେରି ।

**ଜିରୁସାଲମତା ସାଞ୍ଜୁଲ**

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡିମାଚେସି; ସାମା ଏଞ୍ଜାସି ର ସୀସୁ ଇଞ୍ଜା ଏଞ୍ଜାରି ଇଟାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି ।

୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆଡ଼ାରି ତାଣା ତାଡ଼େସି, ଇଞ୍ଜା ଜିରୁତା ଏଞ୍ଜାସି ଏନିକ୍ ପ୍ରୁଇଁ ମେସ୍ତେସି ଇଞ୍ଜା ପ୍ରୁ ଏନାଆଁ ତାଙ୍ଗେ ହାଡ଼ା ଆଡ଼େସି, ଦମେସକତା ଜୀସୁ ଦରୁତି ସାସାତଲେ ସାଞ୍ଜୁଲ ଏନିକ୍ ଶ୍ରେସାମାଚେସି, ଇ ବାରେ କାତା ଏଞ୍ଜାରି ନକିତା ଶ୍ରେସ୍ତେସି ।

୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ଡ଼ୟିତେସି ଅଡ଼େ ଜିରୁସାଲମତି ବାରେଖାକି ହାଜାନା ସାସାତଲେ ପ୍ରୁତି ଦରୁ ଶ୍ରେକ୍‌ହେସି ।

୨୯ ଇଞ୍ଜା ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକୁତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି ।

୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲାଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଣାଇଁ ତାର୍ପତା ପାଣ୍ଡିତେରି ।

୩୧ ଇଲେଆହଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାର୍ସୁ ଆହାନା ପ୍ରୁଇଁ ଆଜାନା ହିଡ଼ି ଜୀଞ୍ଜୁତଲେ ମାଚେରି, ଇଞ୍ଜା ସୁଦୁଜୀଞ୍ଜୁତି ସାୟେମି ତଲେ ପାଡ଼ାଆହାଲି ମାଟ୍‌ହେରି ।

**ଲୁଦ ଅଡ଼େ ଜାପତା ପିତର**

୩୨ ଏଚେଟିଏ ପିତର ବାରେ ରାଜିତା ରେଜି ରେଜିହଁ ଲୁଦତା ଡ଼ୟିନି ମାହାପୁରୁ ଲକୁଣି ଆଣ୍ଡାଲି ହାଚେସି ।

୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଟାଆଡ଼େସି, ଏଞ୍ଜାସି ଆଟା ବାର୍ସା ପାଡ଼େକା ଟଟ ଖାୟିତି ରଗ ଆହାନା କାଚେଲିଟି ନିଙ୍ଗାଲି ଆଡ଼ିହିଲିଆଡ଼େସି ।

୩୪ ପିତର ଏଞ୍ଜାଣାଇଁ ଏଲେଇଚେସି, “ଏନିୟ, ଜୀସୁ କ୍ରୀସ୍ତ ନିଙ୍ଗେ ନେହଁ କିହାମାଞ୍ଜାନେସି; ନିଙ୍ଗାମୁ ନୀ ପାସ୍‌ପନି ମୁଦା କିମୁ” ଏଚେଟିଏ ଏଞ୍ଜାସି ଏ ଦେବୁଣିଏ ନିଙ୍ଗିତେସି ।

୩୫ ଏଚେଟିଏ ଲୁଦ ଇଞ୍ଜା ସାରେଣତା ବାସା କିହାମାନି ଲକୁ ଏଞ୍ଜାଣାଇଁ ମେସାନା, ପ୍ରୁ ତାଣା ହିୟାଁ ଶ୍ରେଟ୍‌ହେରି ।

**ଦର୍କା ଶ୍ରେଣ୍ଠେ ନୀତିନାୟି**

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାଚେ, ଗ୍ରିକ୍ ତଲେ ଦର୍କା ଇତିସାରେ ତାନି ଦରୁ “ର କୁର୍ହୁଁ ।” ଏଦି ବାରେବେଲା ନେହଁ କାମା କିହଁ, ହିଲିଆ ଗାଟାରାକି ସାୟେମି କିହିମାଚେ ।

୩୭ ଏଚିବେଲାତା ଏଦି ନଚ୍‌ମେରି ଆହାନା ହାହାହାଚେ, ଲକୁ ଏଦାନି ଏୟୁ ମାଡ଼ହାନା ଲାକନି ପାରୁତି ର ବାକ୍ରାତା ତ୍ରିପହୁ ।

୩୮ ଇଞ୍ଜା ଲୁଦ ଜାପ ତାଗେ ମାଟାକି ସୀସୁୟାଁ ପିତର ଜାପତା ମାନେସି ଇଞ୍ଜା ଶ୍ରେଞ୍ଜାନା, ରୀ ଲକୁଣି ଏଞ୍ଜାଣି ତାଣା ପାଣ୍ଡାନା ଇ କାତା ବାଡ଼ିମାଲିତେରି, “ମା ତାଣା ଖାହାଲି ଶ୍ରେଡ଼ା କିଆନି ।”

୩୯ ପିତର ନିଙ୍ଗାନା ଏଞ୍ଜାରିତଲେ ହାଚେସି, ଏମ୍ବାଆଁ ଏଞ୍ଜାସି ଖାହାଲିଏ ଏଞ୍ଜାଣାଇଁ ଲାକନି ପାରୁତି ବାକ୍ରାତା ଅଡ଼େରି, ଅଡ଼େ ରାଣ୍ଡେଣିସିକା ସାରିସୁଟୁ ମୁଟାନା ଡ଼ାହି ଡ଼ାହଁ ଦର୍କା ନୀତାମାଟି ବେଲାତା କେପାମାଟି ହିମ୍ବରିକା ବାରେ ଏଞ୍ଜାଣାଇଁ ତସ୍ତୁ ।

୪୦ ସାମା ପିତର ବାରେଜାଣାଟି ପାଙ୍ଗାତା ପାଣ୍ଡାନା ମେଣ୍ଡାକୁତାନା ପ୍ରାଡ଼ାନା କିତେସି; ଇଞ୍ଜା ମାଡ଼ହା ଖାକି ତିରୁଞ୍ଜାନା ଏଲେଇଚେସି, “ଟାବିତା, ନିଙ୍ଗାମୁ” ଏଚେଟିଏ ଏଦି କାଣକା ଦେଟାନା ପିତରଇଁ ମେସ୍ତେ ଇଞ୍ଜା ନିଙ୍ଗାନା କୁଗିତେ ।

† ୯:୧୮ ମୁଞ୍ଜିନାୟି ‡ ୯:୨୦ ସିନଗଗ ☆ ୯:୨୩ ୨କର ୧୧:୩୨,୩୩



୪୧ ଇଞ୍ଜା ପିତର କେୟୁ ଦାସାନା ଦକ୍ଷାକ୍ ନିକ୍ସେସି, ଇଞ୍ଜା ମାହାପୁରୁ ଲକୁ ଅଡ଼େ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି ।

୪୨ ଇ କାତା ଜାପତି ସାରିସୁଟୁ ଝେଙ୍ଗାହାଚେ ଅଡ଼େ ହାରେକା ଲକୁ ପ୍ରବୁଇଁ ନାମିତେରି ।

୪୩ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ତୟିତେସି ।

### ୧୦

#### ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଝାସି ଇତାଲିକ ଦରୁଗାଟି ରମିୟ ରିଜାରି କସକାତି ପାସାକଡ଼ି କସକା ମୁହେଁ କାଜାସି ମାଚେସି ।

୨ ଏଝାସି ର ଦାମ୍ବୁ ଲକୁ ମାଚେସି; ତାନି ଇଲୁ କୁଟମି ତଲେ ମାହାପୁରୁଇଁ ଆଜିମାଚେସି, ଏଝାସି କାକୁଲି ଲକୁତାକି ଦାନା ହାହିମାଚେସି, ଅଡ଼େ ମାହାପୁରୁ ତାଣା କାଲେଏ ପ୍ରାତାନା କିହିମାଚେସି ।

୩ ର ଦିନା ମିଡ଼ଅଲ୍ଲା ତାନି ଗଂଟା ବେଲାତା ଏଝାସି ସେୟାଣା ହାପାନାତା ତାରପୁତଲେ ମେସ୍ତେସି, ର ମାହାପୁରୁତି ଦୁତୁ ଝାହାନା ଏଝାଣାଇଁ ଝେସ୍ତେସି “କର୍ନଲିୟ !”

୪ ଏଝାସି ଆଜିତଲେ ଦୁତୁ ଝାକି ସିନିକିତେସି ଅଡ଼େ ଝେଚେସି, “ଇଦି ଏନାୟି ପ୍ରବୁ ?” ଦୁତୁ ଏଝାଣାଇଁ ଏଲେଇଚେ, “ନୀ ପ୍ରାତାନା ଅଡ଼େ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ ।

୫ ନୀଏଁ ନାନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଇଁ ହାଟାତାମ୍, ଏଝାଣି ହାଟା ଦରୁ ପିତର ଇନେରି;

୬ ଏଝାସି ସିମନ ଦରୁଗାଟି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଝାଣି ଇଲୁ ସାମ୍ଦୁରି ଗାଟୁତା ।”

୭ ତାନିତଲେ କାତା ଆହିମାଟି ଦୁତୁ ହାଜାଲିଏ, ଏଝାସି ତାନି ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି କସକା ବିତ୍ରାଟି ର ଦାମ୍ବୁତି କହୁଏଣାଇଁ ହାଟିତେସି,

୮ ଅଡ଼େ ଏଝାସି ଏଝାରାଇଁ ଏମ୍ବାଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି ।

#### ପିତର ସେୟାଣା ହାପାନା ହେଣ୍ଡନାୟି

୯ ଅର ଦିନା ଏଝାରି ହାଜି ହାଜିହୁଁ ଏ ଗାଡ଼ାତି ତାଗେ ଆଡେରି, ଏରିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇଲୁ ଲାକ ହାଚେସି,

୧୦ ଏଝାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ୍ କିତେସି; ସାମା ଏଝାରି ରାନ୍ଦା ଝାଜିମାଟି ବେଲାତା, ଏଝାସି ସେୟାଣା ହାପାନା ମେସ୍ତେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକ୍ ର ହିମ୍ବୁରିତି ସାରି କନତା ଆସ୍ପି ଆହାମା ଦାର୍ଡି ଲାକ ରେଟା ଝାହିମାନେ;

୧୨ ଏମ୍ବାଆଁ ଦାର୍ଡିତି ବାରେ କୃତାତି ସାରିଗଟା କତା ଗାଟି ଜନ୍ତୁ ଜିଝେଡିକା, ରାସ୍ତକା ତ୍ତୁରିୟାଁ ଅଡ଼େ ହାଗୁତି ପଟାୟାଁ ମାନୁ ।

୧୩ ଇଞ୍ଜା ଏଝାଣାକି ଇ ହାଡ଼ା ଆଡେ, “ପିତର; ନିଙ୍ଗାମ୍, ପାୟାନା ତିନାମ୍ !”

୧୪ ସାମା ପିତର ଏଲେଇଚେସି, “ଆଏ ପ୍ରବୁ, ନାନୁ ଏଚେଲାଝା ଏନି ଲାଗେଏ ପଲେଏତି ଦିଶ୍ତୁ ତିଞ୍ଜାହିଲଅଁ ।”

୧୫ ଅଡ଼େ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି ।”

୧୬ ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଝିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଣ୍ଡାମାଚେସି, ଏଦି ଏନାୟି, ଇଞ୍ଜୁଁ ଅଣ୍ଡିପିହୁଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡି ଆହାମାନାରି ସିମନ ଇଲୁ ପାରିହୁଁ ଦୁଝେରିତା ନିକା ଝାଚେରି,

୧୮ ଇଞ୍ଜା ଏଝାରି ଝେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗତେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଟାଣି ଅଣ୍ଡିମାଟି ବେଲାତା ଜୀଝୁ ଏଝାଣାଇଁ ଏଲେଇଚେ, “ମେହ୍ମୁ ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି ।

୨୦ ଏଦାଆଁତାକି ତିୟାରା ଆମ୍ବୁ ଅଡ଼େ ଡ଼ଇ ହାଲାମ୍, ଅଡ଼େ ଆନାମାନା ଆଆନା ଏଝାରିତଲେ ହାଲାମ୍, ଏନାଆଁତାକି ଇଚିହୁଁ ନାନୁ ଏଝାରାଇଁ ପାଣ୍ଡାମାଞ୍ଜାଇଁ ।”

୨୧ ଏଚେଟିଏ ପିତର ଏ ଲକୁତାଣା ରେଟାଝାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଝାଚେଏଁ । ମୀରୁ ଏନାଆଁତାକି ଝାହାମାଞ୍ଜେରି ?”

୨୨ ଏଝାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଝାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡ଼େ ବାରେ ଜୀହୁଦି କୃତାତା ଝେଙ୍ଗିତାସି, ଏଝାସି ନିଙ୍ଗେ ତାନି ଇଜ ହାଟାନା ନୀ ଜାପ୍ନାଣି ଝେଞ୍ଜାଲିତାକି ମାହାପୁରୁତି ଦୁତୁ ତାଣାଟି ହୁକୁମି ବେଟା ଆହାମାନେସି ।”

୨୩ ପିତର ବିତ୍ରା ହାଟା ଅହାନା ଏଝାରାଇଁ ସେବା କିତେସି । ଅର ନେଚୁ ନିଙ୍ଗାନା ତିୟାରା ଆହାନା ଏଝାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଝାରିତଲେ ହାଚେରି ।

୨୪ ଅର ନେଚୁ ଏଝାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜା ଅଡ଼େ ଜାଟୁତି ତଟେସିକାଣି ହାଟାହାଁ କୁଡ଼ି କିହାନା ଏଝାରାଇଁ କାଟିମାଚେରି ।

୨୫ ପିତର ବିତ୍ରା ହାଜାଲିଏ କର୍ନଲିୟ ଏଝାଣି କଡ଼ାଁ ଡ଼ଇ ମୁନ୍ କୁତାନା ଜହରା କିତେସି ।

୨୬ ସାମା ପିତର ତାଙ୍ଗେ ନିକ୍ହାନା ଏଲେଇଚେସି, “ନିଙ୍ଗାମ୍, ନାନୁ ଜିକେଏ ର ମାଣ୍ଡିତେଏଁ ।”

୨୭ ଏଚେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତା ହାଜାନା ଏମ୍ପାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି ।

୨୮ ଅଡ଼େ ଏଝାସି ଏଝାରାଇଁ ଏଲେଇଚେସି, “ଏଟକା କୁଡାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜାହୁଦି ଲକୁତାକି ଏନିକିହୁଁ ମେରା ହିଲେଏ, ଏଦାଆଁ ମାରୁ ନେହୁଁ କୁଞ୍ଜାମାଞ୍ଜେରି ଆଡିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଗାରି କି ଲାଗେଏତାରି ଇଞ୍ଜିହୁଁ ଇନାଆନି ଇଞ୍ଜୁଁ ମାହାପୁରୁ ନାଞ୍ଜେ ତସାମାଞ୍ଜାନେସି ।

୨୯ ଏଦାଆଁତାକି ହାଟାନ୍ତିଏ ନାନୁ ଏନାଆଁ ଅଣ୍ପାଆନା ଖାଡେଏଁ । ଇଦାଆଁତାକି ନାନୁ ଖେଞ୍ଜିମାଞ୍ଜାଇଁ, ଏନାଆଁ କିହାଲି ମାରୁ ନାଞ୍ଜେ ହାଟାଡେରି ?”

୩୦ କର୍ନଲିୟ ଏଲେଇଚେସି, “ତାନିଦିନା ନକେଏ ଇ ବେଲାତା ମିଡ଼ଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାଚେଏଁ; ମେହମୁ ଏମ୍ପାଆଁ ଉଜେଡିଗାଟି ଦବଲା ହିମ୍ପରିକା ତୁରହାମାନି ର ଲକୁ ନା ନକିତା ନିତେସି,

୩୧ ଅଡ଼େ ଏଝାସି ଏଲେଇଞ୍ଜାଚେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଖେଞ୍ଜାମାନେସି; ଇଞ୍ଜା ହିଲାଆ ଗାଗାରିକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁଁ ତଞ୍ଜା ଆହାମାନେ ।

୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମୁ, ଏଝାସି ସାମ୍ପୁରି ଗାଟୁତା ଡୟିନି ତଲକା କାମା କିନି ସିମନ ଇଜ ଗତାଗାଟାସି ଆହାମାନେସି ।’

୩୩ ଏଦାଆଁତାକି ଖେଡାକିଆନା ନାନୁ ନୀ ତାଣା ଲକୁ ପାଣ୍ଡାଚେଏଁ, ଅଡ଼େ ନାନୁ ଖାହାମାଞ୍ଜି ନେହୁଁ କିହାମାଞ୍ଜି, ଇଚିହୁଁ ପ୍ରୁ ନିଞ୍ଜେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଖେଞ୍ଜାଲିତାକି ମାମ୍ପୁ ରୁରେ ମାହାପୁରୁ ନକିତା କୁଡା ଆହାମାନମି ।”

**ପିତର ଜାପ୍ନାୟି**

୩୪ ଏଚେଟିଏ ପିତର ଗୁଡି ଏକହାନା ଏଲେଇଚେସି, “ମାହାପୁରୁ ସାତେଏ ବାରେ ଲକୁଣି ପାର୍ଡା ବାଟି କିଅସି,

୩୫ ଆମିନି ଲକୁ ଏଝାଣାଇଁ ଆଜିନେରି ଅଡ଼େ ଏଝାସି ଅପିନି ଲେହେଁ ନେହୁଁ କାମା କିନେରି ଏଝାରି ଆମିନି କୁଡାତାରି ଇଚିହୁଁ ଜିକେଏ, ଏଝାସି ଆବିନେସି ।

୩୬ ଏଝାସି ଜୀସୁ କ୍ରୀସ୍ତ ତାଣାଟି ହିଡ଼ଡିତି ନେହୁଁ କାରୁ ଖେସାନା ଇସ୍ତାୟେଲ ମୀରକା ନକିତା ଇ ବଲୁ ପାଣ୍ଡିଚେସି; ଏ ଜୀସୁ କ୍ରୀସ୍ତ ବାରେଡି ପ୍ରୁ ।

୩୭ ମାରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ତ\* କାତା ଖେକ୍‌ହି ତାଣାଟିଏ ଏ ନେହୁଁ କାରୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି ଲକୁତାଣା ଖେଞ୍ଜାମାନେ,

୩୮ ଇଚିହୁଁ ନାଜରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକିଁ ମାହାପୁରୁ ଏଝାଣାକି ସୁଦୁଜୀଝୁ ଇଞ୍ଜା ବାଡ଼ୟୁ

ହାହାନା ବର ହାଚେସି, ଇଞ୍ଜା ନେହୁଁ କାମା କିହୁଁ ସୟତାନ ପାନ୍ଦାତା ଦସ୍‌ପି ଆହାମାନି ଲକୁଣି ନେହୁଁ କିହୁଁ ବାରେଝାକି ରେଚେସି, ଇଚିହୁଁ ମାହାପୁରୁ ଏଝାଣିତଲେ ମାଚେସି ।

୩୯ ଏଝାସି ଜୀହୁଦି ଲକୁତି ଦେସାତା ଅଡ଼େ ଜିରୁସାଲମତା ଏନା ଏନାଆଁ କିଚେସି, ମାମ୍ପୁଏ ବାରେଡି ସାକି; ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ପାୟିତେରି ।

୪୦ ସାମା ମାହାପୁରୁ ଏଝାଣାଇଁ ତାନି ଦିନାତା ନିକ୍‌ହେସି ଅଡ଼େ ତଞ୍ଜାଆଡ଼ି କିଚେସି;

୪୧ ବାରେଜାଣା ତାକି ଆଏ, ଖାରଇ ମାହାପୁରୁ ଆଡିତି ସାକି, ଇଚିହୁଁ ମା ନକିତା ତଞ୍ଜାଆଡେସି । ମାହାପୁରୁ ଏଝାଣାଇଁ ହାକିଟି ନିକ୍‌ହି ଜେତ ମାମ୍ପୁଏଝାଣିତଲେ ତିଚମି ଉଚମି ।

୪୨ ଅଡ଼େ ଲକୁ ନକିତା ଇ ନେହୁଁ କାରୁ ଖେକ୍‌ହାଲି, ଇଞ୍ଜା ହାଡାରି ଅଡ଼େ ଜୀଝୁତା ନୀତାମାନାରି ନାହାୟି କିନାସି ଆହାଲି ମାହାପୁରୁ ଏଝାଣାଇଁ ଆଚାମାନେସି ଇଞ୍ଜୁଁ ସାକି ହାହାଲି ଏଝାସି ମାଞ୍ଜେ ହୁକୁମି ହିୟାଚେସି ।

୪୩ ଆମ୍ପାଆସି ଏଝାଣି ତାଣା ନାମିନେସି, ଏଝାସି ଏଝାଣି ଦରୁତଲେ ପାପୁ ମ୍ପେପ୍‌କି ଆନେସି, ଇଦାଆଁ ବାରେ ମାହାପୁରୁ ଅଣ୍ପୁଡି ବଲୁ ଖେହନାରି ଏଝାଣି କାତାଟି ସାକି ହାହାମାନେରି ।”

**ଜୀହୁଦିଆଆତି ଲକୁ ସୁଦୁଜୀଝୁ ବେଟାଆନାୟି**

୪୪ ପିତର ଇ ବାରେ କାତା ଖେସିମାଟି ବେଲାତା ଆମିନି ଗାଗାରି ତାନି ବଲୁ ଖେଞ୍ଜିମାଚେରି, ଏ ବାରେଜାଣାଟି ମୁହେଁ ସୁଦୁଜୀଝୁ ରେଚାଝାଡେ ।

୪୫ ଜୀହୁଦିଆଆତି ଲକୁତାଣା ଜିକେଏ ସୁଦୁଜୀଝୁ ରେଚା ଝାଡାଣି ମେସାନା ପିତର ତଲେ ଜାପଟି ଝାହାମାଟି ତଲୁ ଦାପି ଆଡି ନାମିତି ଜୀହୁଦିୟାଁ, ଏଝାରି ବାରେଜାଣା କାବା ଆଡେରି ।

୪୬ ଇଚିହୁଁ ଏଝାରି ଏଟକା ଏଟକା ହାଡାତଲେ କାତା ଆହିମାଚାଣି ଇଞ୍ଜା ମାହାପୁରୁତି ଜହରା କିହିମାନାଣି ଖେଚେରି । ଏଚିବେଲା ପିତର ଏଲେଇଚେସି ।

୪୭ “ଇଝାରି ଆମିନି ଲକୁ ମା ଲେହେଁ ସୁଦୁଜୀଝୁ ବେଟାଆହାମାନେରି, ଇଝାରି ଏୟୁତଲେ ବାପ୍ତିସ୍ତ† ବେଟାଆହାଲି ଆମ୍ପାଆସି କାହି କିୟାଲି ଆଡିମାନେସି ?”

୪୮ ଇଞ୍ଜା, ଏଝାସି ଏଝାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ତ‡ ହାହାଲି ହୁକୁମି ହାଚେସି, ତାୟୁ ଏଝାରି ଏଚରଦିନା ଡୟାଲି ଏଝାଣାଇଁ ବାଡିମାଲିଚେରି ।

**୧୧**

**ପିତର କାମାତି କାତା ଜିରୁସାଲମ କୁଲମିତା ଖେହନାୟି**

୧ ଜୀହୁଦିଆଆତାରି ଜିକେଏ ମାହାପୁରୁତି ବଲୁ ନାମିଚେରି, ଇ କାତା ପାଣ୍ଡି ଆଡାରି ଇଞ୍ଜା ଜୀହୁଦା ରାଜିତା ମାନି ତାୟିୟାଁ ଖେଚେରି ।

\* ୧୦:୩୭ ମୁଞ୍ଜନାୟି † ୧୦:୪୭ ମୁଞ୍ଜନାୟି ‡ ୧୦:୪୮ ମୁଞ୍ଜନାୟି

୨ ପିତର ଏଚିବେଲା ଜିରୁସାଲମତା ଖାତେସି, ଏଚିବେଲା ତଲୁ ଦାପି ଆଡି ସୀୟୁୟା ପିତର ତଲେ ବାଦିବାଦା ଆଡେତରି,  
 ୩ “ନାନୁ ଜୀହୁଦିଆଆତି ଲକୁ ଇଲକାଣା ହାଜାନା ଏଝାରିତଲେ ତିଞ୍ଜାମାଞ୍ଜି !”

୪ ସାମା ପିତର ଇ ବାରେ କାତାତି ମୁଲୁଟିଏ ଖେସାଲି ମାଟ୍‌ହାନା ଏଲେଇଚେସି ।

୫ “ନାନୁ ଜାପ ଗାଡାତା ପ୍ରାତାନା କିହିମାଚେଏ, ଇଞ୍ଜା ସେୟାଣା ହାପାନାତା ମେସ୍ତେଏ, ଏନିକ୍ ର କାଜା ହିମ୍ବୁରିତି ସାରି କନତା ଆସାହାଁ ଲାକପୁରୁଟି ତଲ ରେଚା ଖାହିମାଚେ, ଅଡେ ଏଦି ନା ପାତେକା ଖାତେ;

୬ ନାନୁ ଏମ୍ବାଆଁ ସିନିକିହାନା ଅଣପାଲି ମାଟ୍‌ହେଏ, ଏମ୍ବାଆଁ ଦାରତିତି ସାରିଗଟା କତାୟାଁ ତଲେ ତାକିନି ନାସକାତି ଜନ୍ତ ଇଞ୍ଜା ଜାଡାତି ଜନ୍ତ ତ୍ରିଗିୟାଁ ରାସକା ଅଡେ ହାଗୁତି ପଟାୟାଁ ମେସ୍ତେଏ,

୭ ଅଡେ ନାଙ୍ଗେ ଖେସାମାଞ୍ଜାନି ଇ ହାଡା ଜିକେଏ ଖେଚେଏ, ‘ପିତର; ନିଙ୍ଗାମୁ, ପାୟାନା ତିନାମୁ !’

୮ ସାମା ନାନୁ ଏଲେଇଚେଏ, ‘ଆଏ ପ୍ରବୁ ! ତୀଗାଆଗାଟି ଲାଗେଏ ପଲେଏତି କାଦି ନାନୁ ଏଚେଲାଝା ନା ଗୁଡିତା ଅହାହିଲଅଁ ।’

୯ ସାମା ଅର ଦେବା ଲାକପୁରୁଟି ଇ ହାଡା ଖେସ୍ତାତେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି ।’

୧୦ ଇଲାଆହଁ ତାନି ପାଲି ଆଡେ, ଅଡେ ତାୟୁ ଏ ବାରେ ଖେଣ୍ଡେ ଲାକପୁରୁ ଅଝିଆଡେ ।

୧୧ ଅଡେ ମେହ୍‌ଦୁ, ଦେବୁଣିଏ ତାନି ଜାଣା ଲକୁ ମାମ୍ବୁ ଆମିନି ଇଲୁତା ମାଚମି ଏମ୍ବାଆଁ ଖାହାନା ନିଚେରି, ଏଝାରି କାୟିସରିୟାଟିଏ ନା ତାଣା ପାଣ୍ଡୁଝି ଆହାମାଚେରି ।

୧୨ ଇଞ୍ଜା ଆନାମାନା ଆଆନା ଏଝାରିତଲେ ହାଜାଲି ଜାଝୁ ନାଙ୍ଗେ ଖେସ୍ତାତେ, ଅଡେ ଇ ସ ଜାଣା ତାୟିୟାଁ ଜିକେଏ ନା ତଲେ ଜାପଟି କାୟିସରିୟାତା ଖାତେରି, ଇଞ୍ଜା ମାମ୍ବୁଏ କର୍ନଲିୟ ଇଜ ହାଚମି ।

୧୩ ଏଝାସି ଏନିକ୍ ର ଦୁଡୁଇଁ ସେୟାଣା ହାପାନାତା ମେସାମାଚେସି, ଏଦାଆଁ ମାଙ୍ଗେ ଖେସ୍ତାତେସି, ଏ ଦୁଡୁ ଏନିକ୍ ଏଝାଣି ଇଜ ନିଚାନା ଖେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଟାତାମ୍ବୁ;

୧୪ ଏଝାସି ମିଙ୍ଗେ ଖେସ୍ତାନି କାତାତଲେ ‘ମାରୁ ଅଡେ ମୀ ବାରେ କୁଟମି ଗେଲପି ଆଡେଦରି ।’

୧୫ ତାୟୁ ନାନୁ ଜଲାଇଲି ମାଟ୍‌ହାଲିଏ ସୁଦୁଜୀଝୁ ମା ଲାକ ଏନିକ୍ ରେଚାଖାତେ, ଏଲେକ୍ ଏଝାରି ଲାକ ଜିକେଏ ରେଚାଖାତେ ।

୧୬ ଏଚିବେଲା ପ୍ରବୁ ଖେସ୍ତି ଇ ହାଡା ନା ଅଣପୁତା ଖାତେ; ‘ଜହନ ଏୟୁତଲେ ବାପ୍ତିସ୍ମ\* ହୀତେସି ସାତା, ସାମା ମୀରୁ ସୁଦୁଜୀଝୁ ତଲେ ବାପ୍ତିସ୍ମ† ଆଡେଦରି ।’

୧୭ ଇଚିହଁ ମାର ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକ୍ ମାଙ୍ଗେ ଆମିନି ଦାନା

ହୀହାମାଞ୍ଜାତେସି, ଏଲେକିହଁଏ ଏଝାରାକି ଜିକେଏ ସମାନା ଦାନା ହୀତେସି; ନାନୁ ଆମ୍ବାଆତେଏଁ ମାହାପୁରୁଇଁ କାହି କିହାଲି ଆଡିଇଁ !”

୧୮ ଏଝାରି ଇ ବାରେ କାତା ଖେଞ୍ଜାଲିଏ ଏଝାରି ପାଲେଏ ଆଡେରି, ଇଞ୍ଜା ମାହାପୁରୁଇଁ ଜହରା କିହଁଏଲେଇଚେରି, “ଆତିହଁ ମାହାପୁରୁ ଜୀହୁଦିଆଆତି ଲକୁ ଜିକେଏ ହିୟାଁ ଖେଟ୍‌ହାଲି ଅଡେ ନୀଡାଲି ପାରୁ ହୀହାମାନେସି ।”

**ଆନ୍ତ୍ରିୟକିୟା କୁଲମି**

୧୯ ଏଚେଟିଏ ସ୍ତ୍ରିପାନ ହାଡି ତାୟୁ, ଏଚେକା ନାମୁଗାଟାରି କସ୍ତ ନିନ୍ଦା ଆଡାକି ଆଲାଚା ଆହାମାଟାରି ବିତ୍ରାଟି, ପୟନିକିୟା, କୁପ୍ର ଅଡେ ଆନ୍ତ୍ରିୟକିୟା ପାତେକା ରେଜାନା ଖାରଇ ଜୀହୁଦି ଲକୁ ପିସ୍‌ପେ ଅଡେ ଆମ୍ବାଆରି ତାଣା ନେହଁ କାବୁ ଖେସିହିଲାଆଡେରି ।

୨୦ ସାମା ଏଝାରି ବିତ୍ରାଟି ଏଚରଜାଣା କୁପ୍ର ଅଡେ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହଁ ପ୍ରବୁ ଜୀସୁତି ନେହଁ କାବୁ ଖେକ୍‌ହେରି ।

୨୧ ଅଡେ, ଏଝାରିତଲେ ପ୍ରବୁତି ବାଡୁୟୁ ମାଚେ, ଅଡେ ହାରେ ହାରେକା ଲକୁ ନାମାହାଁ ପ୍ରବୁ ଖାକି ଖେଣ୍ଡାଖାତେରି ।

୨୨ ଏଝାରି ହାଡା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଝାରି ଆନ୍ତ୍ରିୟକିୟା ପାତେକା ବର୍ନବାଇଁ ପାଣ୍ଡାତେରି ।

୨୩ ଏଝାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡେସି, ଇଞ୍ଜା ଏଝାରି ଏନିକ୍ ହିୟାଁତା ରଣ୍ଡିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜା ଏଝାରାକି ବାର୍ସୁ ହୀତେସି ।

୨୪ ବର୍ନବା ର ନେହଁ ଲକୁ, ନାମୁତା ଇଞ୍ଜା ସୁଦୁଜୀଝୁ ବେଟାଆହାମାନାସି ମାଚେସି, ଇଞ୍ଜା ଇଲେତି ବଲୁ ଖେକ୍‌ନି ତାଣା ହାରେକା ଲକୁ ପ୍ରବୁ ତାଣା ଆଣ୍ଡିତେରି ।

୨୫ ତାୟୁ ବର୍ନବା ସାଝୁଲଇଁ ପାରାଲି ତାର୍ସ ଗାଡାତା ହାଚେସି,

୨୬ ଇଞ୍ଜା, ଏଝାସି ଏଝାଣାଇଁ ବେଟାଆହାନା ଆନ୍ତ୍ରିୟକିୟାତା ତାଚିହଁ ଖାତେସି, ଏଝାରି ର ବାର୍ସା ପାତେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପ୍‌ହେରି, ଅଡେ ଆନ୍ତ୍ରିୟକିୟାତି ସୀୟୁୟାଁ ତଲିଏ କ୍ରୀସ୍ତାନା ଇଞ୍ଜା ଖେଞ୍ଜାତେରି ।

୨୭ ଏଚିବେଲାତା ଏଚରଜାଣା ମାହାପୁରୁ ଅଣପୁତି ବଲୁ ଖେହ୍‌ନାରି ଜିରୁସାଲମତି ଆନ୍ତ୍ରିୟକିୟାତା ଖାତେରି ।

୨୮ ଏଝାରି ବିତ୍ରାଟି ଆଗାବ ଦରୁଗାଟି ର ଲକୁ ନିଙ୍ଗାନା ବାରେ ଦାରତିତା କାଜା କାତାରା ଆନେ ଇଞ୍ଜା ଜୀଝୁତି ବାଡୁୟୁ ତଲେ ଖେସ୍ତେସି; ଏଦି କ୍ଲାଝୁଦିୟା ସାଲ୍‌ଝି କିନାଣି ବେଲାତା ଆଡେ ।

☆ ୧୧:୧୭ କାମା ୧:୫ \* ୧୧:୧୭ ମୁଞ୍ଜିନାୟି † ୧୧:୧୭ ମୁଞ୍ଜିନାୟି ☆ ୧୧:୧୯ କାମା ୮:୧-୪ ☆ ୧୧:୨୮ କାମା ୨୧:୧୦

୨୯ ଏମ୍ବାଟିଏ ସୀସୁୟାଁ ତାମ୍ବୁ ତାମି ଆଡ଼ିନି ଲେହେଁ ଜାହୁଦା ରାଜିତା ମାନି ନାମିତି ତାୟିୟାକି ସାୟେମି କିୟାଲି ତାରି କିତେରି,

୩୦ ଅଡ଼େ, ଏଝାରି ଜିକେଏ ଟାକାୟାଁ କୂଡ଼ି କିହାନା ଏ କୁଲମିତି ପ୍ରାଚିନାଙ୍ଗା କେୟୁତା ହୀହାଲି ବର୍ନବା ଅଡ଼େ, ସାଝୁଲ କେୟୁତା ଟାକାୟାଁ ପାଣ୍ଡିତେରି ।

### ୧୨

#### ହାରେକା ସାସ୍ତି ପାଣ୍ଡନାୟି

୧ ଏଚିବେଲ୍ଲାତା ରାଜା ହେରଦ କୁଲମିତି ଏତର ଜାଣାଇଁ ସାସ୍ତି ହୀହାଲି ମାଟୁହେସି ।

୨ ଏଝାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିତେସି ।

୩ ଅଡ଼େ, ଜାହୁଦି ଲକୁ ଏଝାଣି ତାକି ରାହାଁ ଆହାମାନାଣି ମେସାନା ଏଝାସି ପିତରଇଁ ଜିକେଏ ଆସ୍ତେସି, ଏଚିବେଲ୍ଲାତା ପୁଲ୍ଲା ଆଣ୍ଡାଆତି ରୁଚି ତିନି ପାରୁ ମାତେ ।

୪ ଏଚେଟିଏ ଏଝାସି ପିତରଇଁ ଦସପାନା କାୟିଦି ଇଲୁତା ଇଚିତେସି, ଇଞ୍ଜା ପିସ୍ପିଆନ୍ତି ପାରୁ ରାଡ଼ି ତାୟୁ ଏଝାଣାଇଁ ବାରେ ଲକୁ ନକିତା ତାଚାଲି ଅଣ୍ଡପାନା ଏଝାଣାଇଁ କାଚାଲି ସାରି ଜାଣା ଲାକା ସାରି ଗଚି କସ୍‌କା କେୟୁତା ହେରପିତେସି ।

୫ ପିତରଇଁ କାୟିଦିତା ସୁଣ୍ଡିତେରି, ସାମା ଏଝାଣି ତାକି କୁଲମି ରଣ୍ଡିଏ ହିୟାଁ ତଲେ ମାହାପୁରୁ ତାଣା ପ୍ରାତାନା କିହିମାଚେରି ।

#### ପିତର କାୟିଦି ଇଲୁଚି ଗେଲ୍‌ପି ଆନାୟି

୬ ତାୟୁ ହେରଦ ଆମିନି ଦିନା ପିତରଇଁ ହପୁହାଲି ଅଣ୍ଡପାମାଚେସି, ଏ ନେରୁ ଲାଆଁୟାଁ ପିତର ରୀ ହିକ୍‌ଶିୟାଁ ତଲେ ଦସ୍ପି ଆହାନା ରୀ କସ୍‌କା ମାଦି ତୁରାମାଚେସି, ଅଡ଼େ କାଃଆନାରି କାୟିଦି ଇଲୁ ଦୁଝେରିତା କାଚାମାଚେରି ।

୭ ଅଡ଼େ ମେହ୍‌ଦୁ, ଦେବୁଣିଏ ପ୍ରବୁତି ର ଦୁତୁ ଏମ୍ବାଆଁ ତଞ୍ଜାଆତେ, ଇଞ୍ଜା ଇଲୁ ବିତ୍ରା ଉଜେଡ଼ି ଆହାହାଚେ, ଅଡ଼େ ପିତରଇଁ ବମିତା ତୀଗାହାଁ ନିକ୍‌ହାନା ଏଲେଇଚେ, “ତବେ ନିଙ୍ଗାମୁ,” ଏମ୍ବାଟିଏ ଏଝାଣି କେୟୁତି ହିକ୍‌ଶିୟାଁ ହୁଙ୍ଗାହାଚୁ ।

୮ ଏଚେଟିଏ ଦୁତୁ ଏଝାଣାଇଁ ଏଲେଇଚେ, “ଚେତେଲି ରୁପା କଡାମୁ ଇଞ୍ଜା ସେପୁୟାଁ ତୁରମୁ” ଇଞ୍ଜା ପିତର ଏଲେକିତେସି, ଅଡ଼େ ଦୁତୁ ଏଲେଇଚେ, “ନୀ ହିମ୍‌ପୁରି ପରହାନା ନା ଜେଚ ଜେଚ ଝାମୁ ।”

୯ ପିତର ହଚାନା ଏଝାଣି ଜେଚ ଜେଚ ହାଚେସି; ସାମା ଦୁତୁ ତାଣାଟି ଏନାଆଁ କିଝିଆଡ଼େ, ଏଦି ସାତେଏ ଏଦାଆଁ ପୁନାଆନା ଏଝାସି ହାପାନା ହେଣ୍ଡିମାଇଁ ଇଞ୍ଜା ଅଣ୍ଡପିମାଚେସି ।

୧୦ ଏଚିବେଲ୍ଲାତା ଏଝାରି ନକିତି ଅଡ଼େ ଏଦାଣି ତାୟୁ କାଚାମାଚାଚାଇଁ ଗାଣ୍ଡତାନା ଆମିନି ଲହ୍ ଦୁଝେରି ହୀହାନା ଗାଡ଼ାତା ହଡ଼ାଲି ଆନେ, ଏଦାଆଁ ତାଗେ ଝାହାଲିଏ, ଏଚେତା ଏ ଦୁଝେରି ତାନୁ ତାନୁଏ ଏଝାରାକି ଦେପି

ଆହାହାଚେ, ଅଡ଼େ ଏଝାରି ହଚା ହାଜାନା ର ଆଂଗେଣି ମୁଟ୍‌ହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁତୁ ଏଝାଣାଇଁ ପିସା ହାଚେ ।

୧୧ ଏଚେଟିଏ ପିତର ସେଡ଼ନା ଆହାନା ଏଲେଇଚେସି, “ପ୍ରବୁ ତାନି ଦୁତୁଇଁ ପାଣ୍ଡାନା ହେରଦ କେୟୁଚି ଅଡ଼େ ବାରେ ଜାହୁଦି ଲକୁ ଅଣ୍ଡପିମାଚି ତାଣାଟି ପିସ୍ପି କିହାଁ ମାଞ୍ଜାନେସି, ଇଦାଆଁ ନୀର୍ବ ନାନୁ ସାତେଏ ପୁଚେର୍ବ ।”

୧୨ ଏଝାସି ଇ କାତା ଅଣ୍ଡପିହିଁ ମାର୍କ ଦରୁଗାଟି ଜହନ ତାମି ଇୟା ମରିୟମନି ଇଜ ହାଚେସି; ଏମ୍ବାଆଁ ହାରେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି ।

୧୩ ପିତର ପାଙ୍ଗାଟି ଦୁଝେରିତା ଝେଚାଲିଏ, ରଦା ଦରୁଗାଟି ର ହଲେଣି ଆମ୍ବାଆତେରି ଇଞ୍ଜା ଝେଞ୍ଜାଲି ହାଚେ ।

୧୪ ଏଦି ପିତରତି ହାଡ଼ା ଝେଞ୍ଜାନା ରାହାଁତାକି ଦାରା ଦେଃଆନା ବିତ୍ରା ଦାବଡ଼ି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜା ଝେସ୍ତେ ।

୧୫ ଏଝାରି ଏଦାନି ଏଲେଇଚେରି, “ନୀନୁ ବାୟା ଆଡ଼ିକି ଇଞ୍ଜା ଇଚେରି,” ସାମା ଏଦି ଏଦାଆଁ ସାତା ଇଞ୍ଜା ଗାଡ଼ିକିହିଁ ଝେସ୍ତେ, ଇଞ୍ଜା ଏଝାରି ଏଲେଇଚେରି, “ଏଦି ଏଝାଣି ଦୁତୁ ।”

୧୬ ସାମା ପିତର ଦାରାତା ଅଲେ ଅଲେ ଝେଚିମାଚାକି, ଏଝାରି ଦାରା ଦେଚାନା ଏଝାଣାଇଁ ମେସାନା କାବା ଆଡ଼େରି ।

୧୭ ସାମା ଏଝାସି ଏଝାରାଇଁ ପାଲେଏ ମାଞ୍ଜାଲି କେୟୁ ଜାଞ୍ଜିତେସି, ଇଞ୍ଜା ପ୍ରବୁ ଏଝାଣାଇଁ ଏନିକିଁ କାୟିଦି ଇଲୁଚି ହପୁହା ତାତେସି ଏଝାରାଇଁ ଝେସ୍ତେସି, ଅଡ଼େ ଏଝାସି ଏଲେଇଚେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଁ ଝେହ୍‌ଦୁ,” ଇଞ୍ଜା ଏଝାସି ତାକିହିଁ ଅର ଟାୟୁତା ହାଜାତୁସ୍ତେସି ।

୧୮ ଲାକ ଝେୟାଲିଏ ପିତର ଆମ୍ବିୟା ହାଚେସି ଇଞ୍ଜା କାପୁ କାଃଆନି କସ୍‌କା କାବାଆହାନା ହାରେକା ବିଲ୍‌କି ଆଚେରି ?

୧୯ ଅଡ଼େ, ହେରଦ ଏଝାଣାଇଁ ପାରି କିହାନା ପୁଃଆଲିଏ, କାପୁ କାଃନାରାଇଁ ଝେଚି ତାୟୁ, ଏଝାରାଇଁ ପାୟାଲି ହୁକୁମି ହୀଚେସି । ଏଦାଆଁ ତାୟୁ ହେରଦ ଜାହୁଦା ରାଜିଟି କାୟିସରିୟାତା ହାଜାନା ଏମ୍ବାଆଁ ଡ଼ୟିତେସି ।

#### ହେରଦ ହାନାୟି

୨୦ ଏଚିବେଲ୍ଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଝାରି ରଣ୍ଡିଏ କାତା ଆହାନା ଏଝାଣି ତାଣା ଝାଡ଼େରି, ଇଞ୍ଜା ରାଜା ଇଲୁଚି ଲୁସ୍‌ସ୍‌ଇନି ସାଲ୍‌ଝି କିନାଣାଇଁ ତାମି ଝାକି କିହାନା, ରାଜାଇଁ ହିଡ଼ଡ଼ି ତାକି ବାଡ଼ିମାଲିତେରି, ଇଚିହିଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆନାଁ ହାଜିମାଚେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଚିନି ହିମ୍‌ପୁରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି;

୨୨ ଏତେଟିଏ ଲକ୍ଷ୍ମୀ କାଳକ୍ଷି ଆହୁଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ !”

୨୩ ଏ ଦେବୁଣିଏ ପ୍ରବୁତି ର ଦୁତୁ ହେରଦଇଁ ତାଗିତେ, ଇଚିହୁଁ ଏଞ୍ଜାସି ମାହାପୁରୁଇଁ ଜହରା କିଆତେସି, ଇଞ୍ଜା ଏଞ୍ଜାଣାଇଁ ପିଡ଼ୁଲି ତିଞ୍ଜାଲିଏ ଏଞ୍ଜାସି ହାଡେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଖେଜିତେ ।

୨୫ ତାୟ ବର୍ନବା ଅଡେ ସାଞ୍ଜୁଲ ତାମି ସେବା କାମା ରାପହାନା ଜହନ ଇନି ମାର୍କଇଁ ତଡ଼ କିହାନା ଜିରୁସାଲମତି ଖେଣ୍ଡା ହାଚେରି ।

### ୧୩

#### ବର୍ନବା ଅଡେ ସାଞ୍ଜୁଲ ଆଚାନା ପାଣ୍ଡିନାୟି

୧ ଏତିବେଲା ଆନ୍ତ୍ରିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାତି ଲୁକିୟ, ହେରଦ ରାଜା ତାୟିଲେହେଁ ପାତାଆତି ମନହେମ ଅଡେ ସାଞ୍ଜୁଲ, ଆନ୍ତ୍ରିୟକିୟାତା ମାତି କୁଲମିତା ମାହାପୁରୁ ଅଣ୍ଡପୁତି ବଲୁ ଖେହନାରି ଅଡେ ଜାପ୍ନାରି ମାଚେରି ।

୨ ଏଞ୍ଜାରି ପ୍ରବୁତି ସେବା ଅଡେ ଉପାସା କିହିମାଚାଟି, ସୁଦୁଜାଞ୍ଜୁ ଏଞ୍ଜାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡେ ସାଞ୍ଜୁଲଇଁ ହାଟାମାଇଁ, ଏ କାମାତାକି ଏଞ୍ଜାରାଇଁ ଏଟକା କିଦୁ ।”

୩ ଏତେଟିଏ ଏଞ୍ଜାରି ଉପାସା ଅଡେ ପ୍ରାତାନା କିତି ତାୟୁ ଏଞ୍ଜାରି ତାକାଣା କେସ୍ତା ଇଟାନା ଏଞ୍ଜାରାଇଁ ହେରପାନା ପାଣ୍ଡିତେରି ।

#### କୁପ୍ରତା କାମା

୪ ଇଲେଆହୁଁ ବର୍ନବା ଅଡେ ସାଞ୍ଜୁଲ ସୁଦୁଜାଞ୍ଜୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜା ର ସାମ୍ପୁରି ଜାଜାତା ହଟାନା କୁପ୍ରତା ହାଚେରି ।

୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜୀହୁଦି ଲକ୍ଷ୍ମି ବାରେ ଜୀହୁଦି ଲକ୍ଷ୍ମି କୁଟମି ଇଲକାଣା\* ମାହାପୁରୁତି ବଲୁ ଖେକହାଲି ମାଟହେରି; ଅଡେ, ଜହନ ମାର୍କ ଜିକେଏ ସାୟେମି କିୟାଲି ଏଞ୍ଜାରିତଲେ ମାଚେସି ।

୬ ଇଞ୍ଜା ଏଞ୍ଜାରି ଏ ଦେସା ମାଦିଟି ରେଜିହୁଁ ପାପସ୍ ଗାଡ଼ାତା ହାଚେରି; ଏମାଆଁ ଏଞ୍ଜାରି ବାର-ଜୀସୁ, ଦରୁଗାଟି ର ଜୀହୁଦି ଗାର୍ଡ଼ି ଗାଟାଣାଇଁ ବେଟାଆଡେରି, ଏଞ୍ଜାସି ମିତି ମାହାପୁରୁ ବଲୁ ଖେହନାସି ।

୭ ଏ ଦେସା ସାଲକ୍ଷି କିନି ସେଗିୟ ପାଞ୍ଜୁଲ ତଲେ ମାଚେସି, ଏ ସାଲକ୍ଷି କିନାସି ର ବୁଦିଗାଟାସି, ଏଞ୍ଜାସି ସାଞ୍ଜୁଲ ଅଡେ ବର୍ନବାଇଁ ହାଟି କିହାନା ମାହାପୁରୁତି କାତା ଖେଞ୍ଜାଲି ଅଣ୍ଡପିମାଚେସି ।

୮ ସାମା ଏ ଗାର୍ଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲକ୍ଷି କିନାଣାଇଁ ନାମୁଟି ପିସ୍ପିକିନି ଅଣ୍ଡପୁ ତଲେ ଏଞ୍ଜାରାଇଁ ବାଦା ହାଚେସି ।

୯ ସାମା ସାଞ୍ଜୁଲ ଆମ୍ବାଆରାଇଁ ପାଞ୍ଜୁଲ ଜିକେଏ ଇନେରି, ସୁଦୁଜାଞ୍ଜୁଟି ନେଞ୍ଜାନା; ଏଲିମାଇଁ ସିନିକିତେସି,

୧୦ ଅଡେ ଏଲେଇଚେସି, “ଆଡେ ସୟତାନ ମୀରଏଣାତି, ବାରେଲେହେଁଟି ନାଡ଼ିକିନି ଲାଗେଏତି ଅଣ୍ଡପୁତା ନେଞ୍ଜାମାନାତି, ଅଡେ ବାରେ ନେହୁଁ କାମାତି ସାତୁ, ନୀନୁ ପ୍ରବୁତି ସଲକ ଜିରୁତି ଲାଗେଏ କିହାଲି ପିହୁଅତି କି ?

୧୧ ଅଡେ ନୀର୍ବ ମେହ୍ନୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡେକା ତାକି ଖେଡାତି ଉଜେଡି ମେହୁଅତି ।” ଏ ଦେବୁଣିଏ ଏଲିମା କାଣକାତା ଦୁହା ପଜିତି ଲେହେଁ ଆଡେ ଇଞ୍ଜା ତାନି କେୟୁ ଆସାଁ ଜିରୁ ତସାଲି ରଅଣାଇଁ ପାରାତେସି ।

୧୨ ଇଦାଆଁ ମେସାନା ସାଲକ୍ଷି କିନାସି ପ୍ରବୁତି ଜାପ୍ନାଣି ଖେଞ୍ଜାନା କାବାଆହାନା ନାମିତେସି ।

#### ପିସିଦିୟାତି ଆନ୍ତ୍ରିୟକିୟାତା କାମା

୧୩ ତାୟୁ ପାଞ୍ଜୁଲ ଅଡେ ତାନି ତଣେସିକ୍ଷା ପାପସ୍ପଟିଏ ସାମ୍ପୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗିତା ଖାଡେରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଖେଣ୍ଡାହାଚେସି ।

୧୪ ଏଞ୍ଜାରି ପଗିଟି ହାଜାନା ପିସିଦିୟାତି ଆନ୍ତ୍ରିୟକିୟାତା ଏଗାହାଚେରି, ଅଡେ ଜମିନି ଦିନା ଜୀହୁଦି ଲକ୍ଷ୍ମି କୁଟମି ଇଲୁତା† ହାଜାନା କୁରିତେରି ।

୧୫ ଅଡେ, ମସା ରାଡିତି ମେରା ଇଞ୍ଜା ମାହାପୁରୁ ଅଣ୍ଡପୁତି ବଲୁ ଖେହନାରି ପତି ପଡ଼ି ଆତି ତାୟୁ, ପ୍ରାତାନା ଇଲୁତି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା ପାଣ୍ଡିତେରି; “ତାୟିୟାଁ, ଲକ୍ଷ୍ମିତାକି ବାର୍ସୁ ହାନି କାତା ମାତିହୁଁ ଖେହୁଦୁ ।”

୧୬ ଏତେଟିଏ ପାଞ୍ଜୁଲ ନିଚାନା ଲକ୍ଷ୍ମି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକ୍ଷ୍ମିତେରି ଇଞ୍ଜା ଜୀହୁଦିଆଆତି ଲକ୍ଷ୍ମିତେରି ଅଡେ ମାହାପୁରୁଇଁ ଆଜିନେରି ନା କାତା ଖେଞ୍ଜୁ ।”

୧୭ ଇ ଇସ୍ରାୟେଲ କୃଡ଼ାତି ମାହାପୁରୁ ମା ଆକୁ ଆବାୟାଣି ଆଡିତେସି, ଅଡେ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଇଁ ପାତି କିତେସି, ଇଞ୍ଜା ବାଡ଼ୁୟୁ ଗାଟି କେୟୁତଲେ ଏଞ୍ଜାରାଇଁ ହପହା ତାତେସି,

୧୮ ତାୟୁ ରୀ କଡ଼ି ବାର୍ସା ପାତେକା ବାଞ୍ଜି ବାଟାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହିତେସି ।

୧୯ ଏଞ୍ଜାସି କିଶାନ ଦେସାତି ସାଡାଗଟା କୃଡ଼ାତି ଲକ୍ଷ୍ମି ନାସା କିହାନା ତାନି ଆଡାମାନି ଲକ୍ଷ୍ମି ଏ ଦେସାତି ଅଦିକାରା ହାଚେସି ।

୨୦ ସାରି ଖାଞ୍ଜା ରୀ କଡ଼ି ଦସ ବାର୍ସା ବିଡ଼ା ଇ ବାରେ ଆଡେ । ଏତେଟିଏ ମାହାପୁରୁ ଅଣ୍ଡପୁତି ବଲୁ ଖେହନି ସାମ୍ପୁୟେଲ ପାତେକା ବିଚାରା କିନାରାଇଁ ଆଡିତେସି ।

୨୧ ଏମାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜୁଁ ରୀସାଲିଏ ମାହାପୁରୁ ରୀ କଡ଼ି ବାର୍ସା ପାତେକା ବିନାମିନ୍ କୃଡ଼ାତି କିସ୍ ମୀରଏସି ସାଞ୍ଜୁଲଇଁ ରାଜା ଆହାଲି ହାଚେସି ।

\* ୧୩:୫ ସିନଗର † ୧୩:୧୪ ସିନଗର

୨୨ ତାମ୍ଭୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଇଁ ଆଡିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହୀହାନା ଏଲେଇଚେସି; “ନାନୁ ଜିସି ମୀରଏସି ଦାଞ୍ଜୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାଁତି ଅଣ୍ପୁ ଲେହେତସି, ଏଞ୍ଜାସି ବାରେ କାତାତା ନା କାତା ମାନଞ୍ଜି ଆନେସି ।”

୨୩ ଏଞ୍ଜାଣି କୃତାଟି ମାହାପୁରୁ ଆଞ୍ଜାମାଟି ଲେହେଁ ଇସ୍ରାୟେଲ ଲକୁତାକି ର. ଗେଲ୍ପିନାଣାଇଁ ଇଚିହଁ ଜୀସୁଇଁ ଜାନିଁ କିହାମାନେସି ।

୨୪ \*ଜୀସୁ ତାନି କାମା ମାଟ୍ଟି ନକେଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଟି ଖେଣ୍ଟିନି କାତା ଅଡେ ବାପ୍ତିସ୍ମା ଅନି କାତା ଖେକହା ମାଚେସି ।

୨୫ \*ଅଡେ ଜହନ ତାନି କାମା ରାପ୍ତିହିମାଟି ବେଲତା ଲକୁଣି ଏଲେଇଚେସି, “ନାଜେ ମୀରୁ ଆମ୍ବାଆସି ଇଞ୍ଜିଁ ଅଣ୍ପିମାଞ୍ଜାଦେରି ନାନୁ ଏଞ୍ଜାତେଏଁ ଆଏ, ସାମା ମେହ୍ଦୁ ନା ତାମ୍ଭୁ ରଅସି ଖାହିମାନେସି, ଏଞ୍ଜାଣି କତାତି ସେପୁୟାଁ ହୁକହାଲି ନାନୁ ଜଗେ ଆଅଁ ।”

୨୬ ଏ ତାୟି ତାଜିସ୍ମା, ଅବାହାମ କୃତାଟି ମୀରକା ମାସ୍କାତେରି, ଅଡେ ମୀ ତାଣାଟି ମାହାପୁରୁଇଁ ଆଜିମାନି ଜୀହୁଦିଆଆତି ଲକୁତେରି; ମା ତାଣା ଇ ଗେଲ୍ପିଆନି ବଲୁ ପାଣ୍ଡି ଆହାମାଞ୍ଜାନେ ।

୨୭ ସାମା ଏଞ୍ଜାସି ଗେଲ୍ପିନାସି, ଜିରୁସାଲମତା ମାନାରି ଅଡେ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡେ ବାରେ ଜମିନି ଦିନା ପଡ଼ି ଆହିମାନି ମାହାପୁରୁ ଅଣ୍ପୁଟି ବଲୁ ଖେହ୍ନାରି କାତା ପୁଞ୍ଜିହିଲାଆତେରି, ଆଡିଜିକେଏ ଜୀସୁଇଁ ଦହ୍ କିହାନା ମାହାପୁରୁ ବଲୁ ଖେହ୍ନାରି କାତା ପୁରା କିତେରି ।

୨୮ \*ଅଡେ ଏଞ୍ଜାଣାକି ହାନି ତଣ୍ଡି ଏନି ଦହ୍ ପୁଞ୍ଜାଆତି ଜିକେଏ ଏଞ୍ଜାଣାଇଁ ପାୟାଲି ପିଲାତଇଁ ବାଡିମାଲିତେରି ।

୨୯ \*ଏଞ୍ଜାଣି ତାକି ଦାମ୍ଭୁ ସାପ୍ତେରିତା ବାରେ କାତା ରାସ୍କି ଆହାମାନେ, ଏଲେଆହଁ ବାରେ ଗଟଞ୍ଜି ଆଡି ଜେଟ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି ରେପହା ତାଚାନା, ମାଡ଼ହା ଇଚିନି ଚାମ୍ଭୁତା ଇଚିତେରି ।

୩୦ ସାମା ମାହାପୁରୁ ଏଞ୍ଜାଣାଇଁ ହାଡାରି ତାଣାଟି ନିକହେସି,

୩୧ ଅଡେ ଆନିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାଚେରି, ଏଞ୍ଜାରି ହାରେକା ଦିନା ପାତେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି ଇସ୍ରାୟେଲ ଲକୁତାଣା ନାଏଁ ଏଞ୍ଜାରି ସାକି ।

୩୨ ଅଡେ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍ଭୁ ମିଜେ ଇ ନେହଁ କାବୁ ଖେସିମାଞ୍ଜାନମି;

୩୩ ଜୀସୁଇଁ ମାହାପୁରୁ ନିକହାନା ଏଞ୍ଜାରି ମୀରକାତାୟି ମାର, ମାଜେତାକି ଏ ଆଞ୍ଜାମାନାଣି ପୁରା କିହାମାନେସି,

ଏନିକଁ ରୀ ଲମ୍ବର ପାରୁ ପତିତା ରାସ୍କି ଆହାମାନ, “ନାନୁ ନା ମୀରଏଣାତି;

ନୀଞ୍ଜୁଟିଏ ନାନୁ ନୀ ଆବାତେଏଁ ।”

୩୪ ଏଞ୍ଜାସି ହାଡାରି ତାଣାଟି ଖେଣ୍ଟେ ନିକହାମାନେସି, ଏଞ୍ଜାସି ସୀରନି ତାଣା ହାଲଅସି ଇଞ୍ଜିଁ ମାହାପୁରୁ ଖେସାମାନେସି;

“ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ, ଇଞ୍ଜା ତୀରି ଆନି ବର ମିଜେ ସାତେଏ ହିୟାଁଇଁ ।”

୩୫ ଇଞ୍ଜା ଏଞ୍ଜାସି ଅଡେ ର ପତିତା ଏଲେଇଞ୍ଜା ମାନେସି, “ନାନୁ ନୀ ତୀରି ଗାଟାଣାଇଁ ସୀରହାଲି ହୀଅତି ।”

୩୬ ଦାଞ୍ଜୁଦ ତାନୁ ରାଜି କିହିମାଟି ବେଲତା ଲକୁ ବିତ୍ତା ମାହାପୁରୁ ଅଣ୍ପୁ ତଲେ ସେବା କାମା କିତି ତାମ୍ଭୁ ହାଡେସି, ଇଞ୍ଜା ତାନି ଆକୁ ଆବାୟାଁ ଟଟତା ମୁସ୍ପି ଆହାନା ସୀରହେସି ।

୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଞ୍ଜାସି ସୀରହା ହିଲଅସି ।

୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁଟି ମେକ୍ନି କାତା ଖେସ୍ପି ଆହାମାନେ;

୩୯ ଅଡେ ମସାଟି ଆନିନି ମେରାତି ବାରେ ତାଣାଟି ମୀରୁ ପିସ୍ପି ଆହାଁ ଦାମ୍ଭୁଗାଟାତେରି ଆହାଲି ଆଡାଆତେରି, ଇଞ୍ଜା ନାମିମାନି ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସ୍ପି ଆହାନା ଦାମ୍ଭୁଗାଟାରି ଆନେରି ।

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ପୁଟି ବଲୁ ଖେହ୍ନାରି ସାପ୍ତେରିତା ଏନାୟି ଖେସ୍ପି ଆହାମାନେ, ଏଡି ଏନିକଁ ମିଜେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହା, ନାସା ଆଦୁ;

ଇଚିହଁ ମୀ ବେଲତା ମାମ୍ଭୁ ରୁ କାମା କିହିମାନମି, ଅଡେ ଏ କାମାଟି ଆମ୍ବାଆସି ମୀ ନକିତା ଖେସ୍ତାନେସି, ଏଦାଆଁ ମୀରୁ ଏନିଜିକେଏ ନାମଅତେରି ।”

୪୨ ପାଞ୍ଜୁଲ ଅଡେ ବର୍ନବା ଜୀହୁଦି ଲକୁଟି କୁଟମି ଲକୁଟି ହିଚାହାନି ବେଲତା ଖାନି ଜମିନି ଦିନାତା ମାଜେ ଇ ବାରେ କାତା ଅଡେ ଖେସ୍ତାଦୁ ଇଞ୍ଜିଁ ଲକୁ ଏଞ୍ଜାରାଇଁ ବାଡିମାଲିତେରି ।

୪୩ ବେରଣି ରାଡି ତାମ୍ଭୁ ଏତେକା ଜୀହୁଦି ଅଡେ, ଜୀହୁଦି ଦାମ୍ଭୁ ନାମିତି ଏଟକା କୃତାଟି ଲକୁ ବିତ୍ତାଟି ହାରେକା ପାଞ୍ଜୁଲ ଅଡେ ବର୍ନବା ଜେଟ ହାଚେରି; ପାଣ୍ଡି ଆଡାରି ଏଞ୍ଜାରିତଲେ କାତାବାଡା ଆହଁ ମାହାପୁରୁ କାର୍ମାତା ତୀରପୁ ଆହଁ ମାଞ୍ଜାଲି ଏଞ୍ଜାରାଇଁ ଖେସ୍ତେରି ।

୪୪ ଇଞ୍ଜା ଅର ଜମିନି ଦିନାତା ଗାଡାଟି ବାରେ ଲକୁ ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆଡେରି ।

୪୫ ସାମା ଜୀହୁଦିୟାଁ ଲକୁ ମାନ୍ଦାଟି ମେସାନା ତାହାରା ଆଡେରି, ଇଞ୍ଜା ପାଞ୍ଜୁଲ କାତା କପାଟି ନିନ୍ଦାକିହଁ ବାଦିବାଦା ଆଡେରି ।

☆ ୧୩:୨୪ ମାର୍କ ୧:୪; ଲୁକ ୩:୩ † ୧୩:୨୪ ମୁଞ୍ଜିନାୟି ☆ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୨; ଲୁକ ୩:୧୨; ଜହ ୧:୨୭ ☆ ୧୩:୨୮ ମାତି ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ ☆ ୧୩:୨୯ ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଜହ ୧୯:୩୮-୪୨ § ୧୩:୪୨ ସିନଗଗ୍

୪୬ ଏଚେଟିଏ ପାଞ୍ଚଲ ଅଡ଼େ ବର୍ନବା ସାସା ଆସାନା ଖେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ ଖେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଝୁ ବେଟାଆହାଲି ପାଡ଼ା ଆଅମି ଇଞ୍ଜି ଅଣ୍ପି ମାନକି ମେହ୍ନୁ ମାମ୍ବୁମିଙ୍ଗେ ପିସାନା ଜୀହୁଦିଆଆତି ଲକୁତାଣା ହାଜିମାନମି ।

୪୭ ଇଚିହଁ ପ୍ରବୁ ମାଙ୍ଗେ ଇ ହୁକୁମି ହୀହାମାଞ୍ଜାନେସି; ‘ନାନୁ ମିଙ୍ଗେ ଜୀହୁଦିଆଆତି ଲକୁତାକି ଉଜେଡ଼ି ଲେହେଁ କିହାମାଞ୍ଜାଇ, ଆତିହଁ ବାରେ ଦାରତି ଗେଲପିଆନେ ।’ ”

୪୮ ଜୀହୁଦିଆଆତାରି ଇ ହାଡ଼ା ଖେଞ୍ଜାନା ରାହଁ ଆଚେରି; ଅଡ଼େ ମାହାପୁରୁତି ବଲୁତି ଗାଞ୍ଜରମି କିହାଲି ମାଟ୍‌ହେରି, ଅଡ଼େ ଏଚେକା ଲକୁ କାଲକାଲକାତି ଜୀଝୁତାକି ଆଡ଼ି ଆହାମାଚେରି, ଏଞ୍ଜାରି ନାମିଚେରି ।

୪୯ ଇଞ୍ଜା ପ୍ରବୁତି ବଲୁ ଏ ରାଜିତା ବାରେଞ୍ଜାକି ଏଜାହାଚେ ।

୫୦ ସାମା ଜୀହୁଦି ଲକୁ ଗାଡ଼ାତି ଆବାୟାଣି ଅଡ଼େ ମାହାପୁରୁଇଁ ମାନି କିହିମାନି ପାଙ୍ଗାଞ୍ଜେଙ୍ଗେତି ଆୟାସିକାଣି ରୁଣ୍ଡି କିହାନା ପାଞ୍ଚଲ ଅଡ଼େ ବର୍ନବାଇଁ ସାସି ହୀହାନା ତାନି ରାଜିତି ପେରହାଡ଼ୁସ୍ତେରି ।

୫୧ ଏଚେଟିଏ ପାଣ୍ଡୁ ଆତାରି ଜାହାରା କଡ଼ାୟାତି ଦୃଡ଼ି ଏଞ୍ଜାରି କପାଟି ହାଣ୍ଡାଣା ଇକନିୟତା ହାଚେରି ।

୫୨ ଅଡ଼େ ଆନ୍ତିୟକିୟାତି ସୀସୁୟାଁ ସୁଦୁଜୀଝୁ ବେଟାଆହାନା ରାହଁତଲେ ଡ଼ୟିଚେରି ।

### ୧୪

#### ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହଁଏ ଆଡ଼େ; ପାଞ୍ଚଲ ଅଡ଼େ ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତା\* ହାଜାନା ଇଲେକଁ ଖେସ୍ତେରି, ଇଞ୍ଜା ଜୀହୁଦି ଅଡ଼େ ଜୀହୁଦିଆଆତି ଲକୁ ବିତ୍ରାଟି ହାରେକା ନାମିଚେରି ।

୨ ସାମା ଆମିନି ଜୀହୁଦିଙ୍ଗା ନାମାଆଚେରି, ଜୀହୁଦିଆଆତି ଲକୁତି ମନଡ଼ି କିଲିବିଲି କିହାନା, ଏଞ୍ଜାରାଇଁ ନାମିତି ତାୟିୟାଁ କପାଟି ଲାଗେଏତି ଅଣ୍ପୁ ଅଣ୍ପି କିଚେରି ।

୩ ପାଞ୍ଚଲ ଅଡ଼େ ବର୍ନବା ହାରେକା ଦିନା ପାଚେକା ଏ ଚାୟୁତା ଡ଼ୟାନା ପ୍ରବୁ ତାଣା ବାସୁଁ ଇଚାନା ସାସାତଲେ ପ୍ରବୁତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାରେକା ସିନାୟାଁ ଅଡ଼େ କାବାଆନି କାମାୟାଁ କିହାନା ତାନି କାର୍ମାତି ବଲୁ ସାତା ଇଞ୍ଜି ସାକି ହୀଚେରି ।

୪ ସାମା ଗାଡ଼ାତି ଲକୁ ରୀ ବାଗା ଆଡ଼େରି ର ବାଗା ଜୀହୁଦି ଲକୁ ଖାକି ଅଡ଼େ ର ବାଗା ପାଣ୍ଡୁ ଆହାମାନାରି ଖାକି ଆଡ଼େରି ।

୫ ଏଚିବେଲା ଜୀହୁଦିଆଆତି ଲକୁ ଅଡ଼େ ଜୀହୁଦି ଲକୁ ତାନି କାଜାରି ତଲେ ଆଣ୍ଡାନା, ପାଣ୍ଡୁ ଆହାମାନାରାଇଁ

ଲାଗେଏ କିୟାଲି ଅଡ଼େ ଖାଲକାତଲେ ଇରହାଲି ଅଣ୍ପିଚେରି,

୬ ଏଚିବେଲା ପାଞ୍ଚଲ ଅଡ଼େ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡ଼େ ଦବଁ ଗାଡ଼ା ଅଡ଼େ ସାରିଞ୍ଜାକିତି ନାସକାଣାଁ ହଚେରି,

୭ ଅଡ଼େ ଏଞ୍ଜାରି ଏମ୍ବାଆଁ ନେହଁ କାରୁ ଖେକହାଲି ମାଟ୍‌ହେରି ।

#### ଲୁସ୍ତା ଅଡ଼େ ଦବଁ ତା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଟା ମାଚେସି, ଏଞ୍ଜାସି ଜାର୍ନାଟିଏ ସଟା, ଏଞ୍ଜାସି ଏଚେଲାଞ୍ଜା ତାକା ହିଲାଆଚେସି ।

୯ ଏଞ୍ଜାସି ପାଞ୍ଚଲ ଖେହ୍ନି କାତା ଖେଞ୍ଜିମାଚେସି, ଏଞ୍ଜାସି ହିୟାତା ନାମା ମାନେସି ଇଞ୍ଜା ଏଞ୍ଜାସି ନେହଁ ଆହାଲି ଆଡ଼ିମାନେସି ଇଞ୍ଜି ପୁଞ୍ଜାନା ଆଚେ ସିନିକିଚେସି,

୧୦ ଏଞ୍ଜାଣାଇଁ କାଜା ଗିୟାତଲେ ଏଲେଇଚେସି, “ନୀ କଡ଼ାତି ବାଡ଼ୁୟ ହୀହାନା ସଲକେ ନିମ୍ବୁ” ଏଚେଟିଏ ଏଞ୍ଜାସି ଡ଼େଞ୍ଜିହଁ ତାକାଲି ମାଟ୍‌ହେସି ।

୧୧ ପାଞ୍ଚଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟାଁ ମା ତାଣା ରେଟା ଖାହାମାନୁ ।”

୧୨ ଏଞ୍ଜାରି ବର୍ନବାଇଁ ବୁହସପତି ଇଞ୍ଜି ଇଚେରି, ଅଡ଼େ ପାଞ୍ଚଲ ଗାଡ଼ି କାତା ଖେହ୍ନାସି ମାଚାକି ଏଞ୍ଜାଣାଇଁ ବୁଦ ଇଞ୍ଜି ଇଚେରି ।

୧୩ ଗାଡ଼ା ତାଗେ ମାନି ବୁହସପତି ଦେଝୁଡ଼ିତି ପୂଜେରାଙ୍ଗା ଏଚେକା ଡ଼କୁ କଡ଼ିୟାଁ ଇଞ୍ଜା ପୂଙ୍ଗା ପେତାୟାଁ ଗାଡ଼ା ଦୁଞ୍ଜେରିତା ତାଗାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣ୍ଡୁ ଆତାରି ନକିତା ପୂଜା ହୀହାଲି ଅଣ୍ପିମାଚେସି ।

୧୪ “ସାମା ପାଣ୍ଡୁଆହାମାନି ବର୍ନବା ଅଡ଼େ ପାଞ୍ଚଲ, ଇଦାଆଁ ଖେଞ୍ଜାନା ତାନି ହିମ୍ବୁରିକା ଗେସାନା ଲକୁ ମାଦିଟି ହଟି ହଟି ହାଜାନା କାଜା ଗିୟାତଲେ ଏଲେଇଚେରି,

୧୫ ଏ ମାନିଗାଟି ଲକୁଚେରି, ଏନାଆଁତାକି ଇ ବାରେ କିହିମାଞ୍ଜେରି, ମାମ୍ବୁ ଜିକେଏ ମୀ ଲେହେଁତି ମାଣ୍ଡସିୟାତମି, ମୀ ତାଣା ଇ ନେହଁ କାରୁ ଖେସିମାଞ୍ଜାନମି, ଏନିକଁ ମୀରୁ ଇ ବାରେ ଉଜେଏତି ପେଶକା ବମାୟାଁଟି ହେକ ଆହାନା ଜୀଝୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜାସି ହାଗୁପାକା ଦାରତି, ସାମ୍ବୁରି ଅଡ଼େ ଏମ୍ବାଆଁ ମାନି ବାରେତି ରାଡ଼ି କିହାମାନେସି;

୧୬ ମାହାପୁରୁ ତଲିଏ ବାରେ ଲକୁଣି ତାନି ମନଡ଼ଲେ ଡ଼ୟାଲି ପିସାମାଚେସି ।

୧୭ ସାମା ଏଞ୍ଜାସି ବାରେ ନେହଁ କାମାଟି ଏଞ୍ଜାସି କାଲେଏ ତାନି ଗୁଣ୍ଡୁତି ତସାମାନେସି; ଏଞ୍ଜାସି ହାଗୁଟି ପିୟୁ ଅଡ଼େ ସମାନା ବେଲାତା ଆନାଁ ହିୟାନାସି, କାଡ଼ି ଅଡ଼େ ମୀ ହିୟାତା ରାହଁ ହିୟାନାସି ।”

\* ୧୩:୫୧ ମାତି ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧ \* ୧୪:୧ ସିନଗଗ

୧୮ ଇ ବାରେ କାତା ଖେସାନା ପାଶୁଓ ଆହାମାନାରି ଲକୁ ମାନ୍ଦାତି ହାରେକା କସ୍ତଲେ ତାମ୍ବେ ତାକି ପୂଜା କିହାଲି କାହି କିହାଲି ଆଡିତେରି ।

୧୯ ସାମା ପିସିଦିୟାତି ଆନ୍ତିୟକିୟା ଅଡେ ଇକନିୟତି ଏଚେକା ଜୀହୁଦି ଏମ୍ପାଆଁ ଖାଡେରି, ଏଞ୍ଜାରି ଲକୁ ମାନ୍ଦାତି ତାମି ଖାକି କିହାନା ପାଖୁଲଇଁ ଖାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜି ଅଣ୍ପାପାନା ଗାଡାତି ପାଙ୍ଗାତା ରେଜା ଅଡେରି ।

୨୦ ସାମା ନାମିତି ସୀସୁୟାଁ ସାରି ଖାକିଟି ନିଚାମାଚାକି ଏଞ୍ଜାସି ନିଙ୍ଗାନା ଗାଡା ବିତ୍ରା ହାଚେସି, ଅର ନେଚୁ ବର୍ନବା ତଲେ ଦର୍ତ୍ତା ହାଚେସି ।

**ସିରିୟାତି ଆନ୍ତିୟକିୟାତା ଖେଣ୍ଡାଖାନାୟି**

୨୧ ପାଖୁଲ ଅଡେ ବର୍ନବା ଦର୍ତ୍ତା ନେହଁ କାଚୁ ଖେସାହାଁ ହାରେକା ସୀସୁୟାଁ କିତି ତାୟୁ ଏଞ୍ଜାରି ଲୁସ୍ତା, ଇକନିୟ ଅଡେ ପିସିଦିୟାତି ଆନ୍ତିୟକିୟାତା ଖେଣ୍ଡାହାଚେରି ।

୨୨ ଅଡେ, ଏ ଚାୟୁତି ନାମିତି ସୀସୁୟାଁ ମନତି ସୁସ୍ତି କିହାନା ନାମୁତା ଗାଡିକିହଁ ଆଡ଼଼ା ତଲେ ତୟାଲି ବାସୁଁ ହୀହାନା ଏଲେଇଚେରି, “ମାହାପୁରୁ ରାଜିତା ହଡାଲି ତାକି ହାରେକା କସ୍ତ ପାଣ୍ଡନାୟି ମାନେ ।”

୨୩ ଅଡେ, ବାରେ କୁଲମିତା ଏଞ୍ଜାରି ପ୍ରାଚିନାଙ୍ଗାଣି ଆଚାନା ଉପାସା ତଲେ ପ୍ରାଚାନା କିତେରି, ଅଡେ ଆମିନି ପ୍ରୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାଇଁ ହେରପିତେରି ।

୨୪ ତାୟୁ ଏଞ୍ଜାରି ପିସିଦିୟା ନାସ୍ତକାଟି ପଂପୁଲିୟାତା ଖାଡେରି,

୨୫ ଅଡେ ପଗର୍ତା ନେହଁ କାଚୁ ଖେସାନା ଆତାଲିୟାତା ହାଚେରି ।

୨୬ ଏମ୍ପାଟି ଏଞ୍ଜାରି ଜାଜାତା ହଚାନା ଆନ୍ତିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାଚେରି, ଏଦାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମ୍ପାଟି ହାଚେରି ।

୨୭ ଏଚିବେଲା ଏଞ୍ଜାରି ଆନ୍ତିୟକିୟାତା ଏଗାହାଜାନା କୁଲମିତି ଲକୁଣି କୃଡି କିତେରି; ଅଡେ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଚି କାମାତାକି, ଅଡେ ଜୀହୁଦିଆଆତି ଲକୁ ନାମାଲି ଦୁଞ୍ଜେରି ଦେଚାମାଚାଣି ବାରେ ଏଞ୍ଜାରାଇଁ ଖେସ୍ପେରି ।

୨୮ ଅଡେ ଏଞ୍ଜାରି ନାମିତି ସୀସୁୟାଁ ତଲେ ହାରେକା ଦିନା ତୟିତେରି ।

**୧୫**

**ଜିରୁସାଲମତା ନାମିତାରି ବେରଣି କିନାୟି**

୧ ଏମ୍ପାଟିଏ ଏଚରଜାଣା ଲକୁ ଜୀହୁଦା ରାଜିତି ଆନ୍ତିୟକିୟାତା ଖାହାନା ନାମିତି ତାୟିୟାଣି ଇ କାତା

ଖେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲପିଆୟାଲି ଆଡ଼଼ଅଡେରି ।”

୨ ଏମ୍ପାଟିଏ ପାଖୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଦା ଆୟାଲିଏ ପାଖୁଲ, ବର୍ନବା ଅଡେ ଆନ୍ତିୟକିୟାତି ଏଚରଜାଣା ତାୟିୟାଁ ଇ କାତା ଆସାନା ଜିରୁସାଲମତା ମାନି ପାଶୁଓ ଆଡାରି ଇଞ୍ଜା କୁଲମିତି ପ୍ରାଚିନାଙ୍ଗା ତାଣା ହାଲବେରି ଇଞ୍ଜି ତାୟିୟାଁ ତୀରି କିତେରି ।

୩ ଏଚେଟିଏ କୁଲମି ଏଞ୍ଜାରାଇଁ ପାଶୁଲି ଜିରୁ ତସ୍ତି ଜେଚ, ଏଞ୍ଜାରି ପୟିନିକିୟା ଅଡେ ସମିରଣ ଖାକି ହାଜି ହାଜିହଁ ଜୀହୁଦିଆଆତି ଲକୁ ହିୟାଁ ଖେଚ୍ଚହାମାଚି କାତା ଖେସିହଁ ବାରେ ତାୟିୟାଁ ହାରେକା ରାହାଁ କିତେରି ।

୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଶୁଓ ଆଡାରି ଅଡେ ପ୍ରାଚିନାଙ୍ଗା ଏଞ୍ଜାରାଇଁ ଆବିତେରି, ଅଡେ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଚେସି, ଏ ବାରେ କାତା ଏଞ୍ଜାରାଇଁ ଖେସ୍ପେରି ।

୫ ସାମା ପାରୁସିୟାଁ ଗଟିଟି ଏଚେକା ନାମୁଗାଟାରି ନିଚାନା ଏଲେଇଚେରି, “ନାମାମାନି ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡେ ମସାତି ମେରା ମାନଡ଼ି ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ ।”

୬ ତାୟୁ ଇ କାତା, କାତା ଆହାଲିତାକି ପାଶୁଓ ଆଡାରି ଅଡେ ପ୍ରାଚିନାଙ୍ଗା ରୁଣ୍ଡା ଆଡେରି ।

୭ ହାରେକା ଜଲ୍ଲକି ଆଡି ତାୟୁ ପିତର ନିଙ୍ଗାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅଡେ ତାଙ୍ଗିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଡିଟି ଜୀହୁଦିଆଆତାରି ନେହଁ କାଚୁ ଖେଞ୍ଜାନା ନାମାପେରିଖା ଇଞ୍ଜି ହାରେକା ଦିନା ନଚେଏ ମାହାପୁରୁ ନାଙ୍ଗେ ଆଚାମାଞ୍ଜାଚେସି ।

୮ ବାରେ ଲକୁଡି ହିୟାଁ ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜୀସୁ ହୀହାମାଞ୍ଜାନେସି, ଜୀହୁଦିଆଆତି ଲକୁକି ଜିକେଏ ଏଲେକିହଁ ହୀହାନା ଏଞ୍ଜାରି ତାକି ସାକି ହାହାମାନେସି ।

୯ ଅଡେ ଏଞ୍ଜାସି, ମା ବିତ୍ରା ଅଡେ ଏଞ୍ଜାରି ବିତ୍ରା ଏନି ପାରଡା ବାଟି କିହାମାଞ୍ଜଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ କିହାମାନେସି ।

୧୦ ଇଦାଆଁତାକି ଆମିନି ଜୁଞ୍ଜେଡି ମା ଆକୁ ଆବାୟାଁ ଅଡେ ମାର ଡେକାଲି ଆଡାଆତାୟି, ଏ ଜୁଞ୍ଜେଡି ସୀସୁୟାଁ ବମିତା ଏକ୍ହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି ?

୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହଁ ନାମାହାଁ ଗେଲପି ଆହାମାନେରି ମାର ଜିକେଏ ଏଲେକିହଁ ଏ ନାମାହାଁ ପ୍ରୁ ଜୀସୁଡି କାର୍ମାମେହନାଣି ତଲେ ଗେଲପି ଆହାମାନାୟି ।”

୧୨ ଏଚେଟିଏ ଏମ୍ପାଆଁ ରୁଣ୍ଡା ଆହାମାଚାରି ବାରେ ଲକୁ ପାଲେଏ ଆଡେରି, ଇଞ୍ଜା ପାଖୁଲ ଅଡେ ବର୍ନବା ତାଣାଟି

✧ ୧୫:୨ କାମା ୧୦:୧-୪୩ ✧ ୧୫:୮ କାମା ୧୦:୪୪; ୨:୪



ଜୀହ୍ୱଦିଆଆତି ଲକୁତାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡ଼େ କାବାଆନି କାମାୟାଁ କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି ମାଟ୍‌ହେରି ।

୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଜ୍ଜାନା ଏଲେଇଚେସି; “ତାୟିୟାଁ ଅଡ଼େ ତାଜିସ୍ତା, ନା କାତା ଖେଞ୍ଜୁ,

୧୪ ମାହାପୁରୁ ତଲିଏ ତାନି ଦରୁ ତାକି ଜୀହ୍ୱଦିଆଆତି ଲକୁ ବିତ୍ରାଟି ତାନି ଲକୁ କିୟାଲି ଏଞ୍ଜାରାଇଁ କାର୍ମାମେସାନା ଆଚାମାନେସି ଇଞ୍ଜିଁ ସିମନ ଖେସାମାଞ୍ଜାନେସି ।

୧୫ ଅଡ଼େ, ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି କାତାତଲେ ଆଣ୍‌ମାନେ, ଏନିକିଁ ଦାମ୍‌ସାପ୍‌ସୁରିତା ରାସ୍‌କି ଆହାମାନେ ।”

୧୬ ପ୍ରବୁ ଏଲେଇଞ୍ଜି ମାନେସି, “ତାୟୁ ନାନୁ ଖେଣ୍ଡା ଖାହାନା, ଦାଞ୍ଜୁଦ ବାସାଟାୟୁ ଖେଣ୍ଡେ ଗେଲ୍‌ପିଇଁ,

ଇଞ୍ଜାଁ ଏମ୍‌ପାତି ବିଡ଼ହାମାନି କାତିୟାଁ ବାରେ ଖେଣ୍ଡେ କେପାନା ଆଟ୍‌ଞ୍ଜା କିଇଁ,

୧୭ ଏନିକିଁ ଡ଼ୟାମାଟି କୁଡ଼ାଟି ଲକୁ ଅଡ଼େ ଏଚେକା ଜୀହ୍ୱଦିଆଆତାରି ନା ଦରୁଟି ଖେଞ୍ଜାମାନେରି, ଏଞ୍ଜାରି ବାରେ ପ୍ରବୁଇଁ ପାରିନେରି, ବାରେ ଗାଡ଼ିକିତି ପ୍ରବୁ ଏଲେ ଇଞ୍ଜିମାନେସି ।

୧୮ ପ୍ରବୁ ଇ କାତା ଏଲେଇଞ୍ଜା ମାନେସି, ଆମ୍‌ଆସି ତଲି କାଲ୍‌ଗିଏ ଇ କାତା ତସାମାନେସି ।”

୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଣ୍‌ପୁ ଇଦି, ଜୀହ୍ୱଦିଆଆତି ଲକୁ ବିତ୍ରାଟି ଆମ୍‌ଆସି ମାହାପୁରୁ ଖାକି ଖେଣ୍ଡା ଖାହାନେରି, ଏଞ୍ଜାରାକି ମାର ବଜୁ ହାଆପ;

୨୦ ସାମା ଏଞ୍ଜାରାକି ଇଲେକିଁ ଆକୁ ରାଚାନା ଖେହ୍‌ନ, ପେଣ୍‌କା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଟ୍‌କା ଆଦୁ; ହେରକି ଦାଆନା ପାୟିତି ଜନ୍ତୁଟି ଉଞ୍ଜା ଅଡ଼େ ନେତେରି ତିନାଆଦୁ ।

୨୧ ଏନାଆଁତାକି ଇଚିହ୍‌ ତଲି କାଲ୍‌ଗିଏ ବାରେ ଗାଡ଼ାଣା ମସା ମେରାତି କାତା ଖେକ୍‌ନାରି ମାନେରି, ଇଞ୍ଜାଁ ବାରେ ଜମିନି ଦିନାତା ଜୀହ୍ୱଦି ଲକୁଟି କୁଟମି ଇଲ୍‌କାଣା\* ଏଞ୍ଜାଣି ମେରାତି କାତା ପଡ଼ଞ୍ଜି ଆହିମାନେ ।”

**ଜୀହ୍ୱଦିଆଆତି ନାମିତି ଲକୁତାକି ଆକୁ**

୨୨ ଏଚିଚେଲ୍‌ ପାଣ୍ଡୁଞ୍ଜି ଆହାମାନାରି ଅଡ଼େ ପ୍ରାଚିନାଜ୍ଜା ବାରେ କୁଲମି ତଲେ ତାନି ବିତ୍ରାଟି ଲକୁଇଁ, ଇଚିହ୍‌ ତାୟିୟାଁ ବିତ୍ରାଟି ମାନିଗାଟି ବର୍ସବା, ଦରୁଗାଟି ଜୀହ୍ୱଦା ଇଞ୍ଜାଁ ସିଲାଇଁ ଆଚାନା ପାଞ୍ଜୁଲ ଅଡ଼େ ବର୍ନବା ତଲେ, ଆନ୍ତିୟକିୟାତା ପାଣ୍ଡୁଲି ତୀରି କିତେରି ।

୨୩ ନାମିତାରି ତାଣାଟି ରାସ୍‌କି ଆହାମାନି ଆକୁ ଏ ରିଆରି କେୟୁତା ପାଣ୍ଡୁଚେରି

“ମାୟୁ ପାଣ୍ଡୁଞ୍ଜି ଆତାତମି ଅଡ଼େ ପ୍ରାଚିନାଜ୍ଜା, ମା ତାୟିୟାଁତମି ମା ବାରେ ଜୀହ୍ୱଦିଆଆତି ତାୟିୟାଁ ଆମିନି ଗାଚାରି ଆନ୍ତିୟକିୟା, ସିରିୟା ଅଡ଼େ କିଲିକିୟାତା ମାନେରି ଏଞ୍ଜାରାକି ଜହରା ।

\* ୧୫:୨୧ ସିନଗର୍ † ୧୫:୩୪ ଇ କାତା ପ୍ଲାଞ୍ଜ ପତିତା ହିଲେଏ ।

୨୪ ମାୟୁ ଚୁଞ୍ଜାମାନମି, ମାୟୁ ଆମିନି ଲକୁଇଁ ଏନି ହୁକୁମି ହାହାହିଲଅମି, ମା ତାଣାଟି ଏଲେତି ଏଚେକା ଲକୁ ମା ତାଣା ଖାହାନା ତାନି କାତାତଲେ ମା ମନତି ଏଟ୍‌କା କିହାନା କିଲିବିଲି କିହାମାଞ୍ଜାନେରି;

୨୫ ଅଡ଼େ ମାୟୁ ବୁରେଜାଣା ରୁଣ୍ଡା ଆହାନା ରଣ୍ଡିଏ ହିୟାଁ ତଲେ ଏଚରଜାଣାଟି ଆଚାନା ମା ତାଣା ପାଣ୍ଡୁଲି ତୀରି କିହାମାନମି, ଏଞ୍ଜାରି ମା ଜୀଞ୍ଜୁତି ତଣେ ବର୍ନବା ଅଡ଼େ ପାଞ୍ଜୁଲ ତଲେ ହାନେରି ।

୨୬ ଏଞ୍ଜାରି ଇଲେତି ମାଣ୍‌ସିୟାଁ ମା ପ୍ରବୁ ଜୀସୁ କ୍ରୀସ୍ତ ଦରୁ ତାକି ଜୀଞ୍ଜୁ ତସାନା କାମା କିହାମାନେରି ।

୨୭ ଏଦାଆଁତାକି ମାୟୁ ଜୀହ୍ୱଦା ଅଡ଼େ ସିଲାଇଁ ମା ତାଣା ପାଣ୍ଡୁମାଞ୍ଜାନମି । ମାୟୁ ଏନାଆଁ ରାଚାମାନମି, ଏଞ୍ଜାରି ମିଙ୍ଗେ ଖେସ୍ତାନେରି ।

୨୮ ଏଚରଗଟା ଲଡ଼ାମାନି ମେରା ପିସ୍‌ପେ ମା ଲାକ ଅଡ଼େ ଏନି ବଜୁ ହେରପାଲି ମାୟୁ ସୁଦୁଜୀଞ୍ଜୁଟି ହୁକୁମି ବେଟାଆହାମାନମି ।

୨୯ ଏ ମେରାୟାଁ ଆହିମାନୁ, ପେଣ୍‌କା ବମାୟାଁକି ହେରପିଆହାମାନି ରାନ୍‌ ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟୁଞ୍ଜି ଆହାମାନି ଜନ୍ତୁଟି ଉଞ୍ଜା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହ୍‌ ମିଙ୍ଗେ ନେହେଁ ଆନେ । ନେହ୍‌କିଁ ମାଞ୍ଜୁ ।”

୩୦ ଏଚେଟିଏ କାକୁ ଅନାରାଇଁ ପାଣ୍ଡୁଲିଏ ଆନ୍ତିୟକିୟାତା ହାଚେରି, ଇଞ୍ଜାଁ ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହାଚେରି ।

୩୧ ଏ ଲକୁ ବାରେ ଏଦାଆଁ ପଡ଼ଞ୍ଜି ଆହାନା ବାସ୍‌ ବେଟାଆହାନା ରାହାଁ ଆଚେରି ।

୩୨ ଜୀହ୍ୱଦା ଅଡ଼େ ସିଲା ତାୟୁ ଜିକେଏ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ମାଚାକି ହାଟ୍‌ରେକା କାତାତଲେ ତାୟିୟାଁଇଁ ବାସ୍‌ ହାହାନା ସୂସ୍ତି କିତେରି ।

୩୩ ଅଡ଼େ, ଏଞ୍ଜାରି ଏମ୍‌ଆଁ ଏଚରଦିନା ମାଟି ତାୟୁ ଏଞ୍ଜାରାଇଁ ପାଣ୍ଡୁମାଟି ଲକୁତାଣା ଖେଣ୍ଡାହାଜାଲି ତାୟିୟାଁ ତାଣାଟି ହେଲ ବେଟାଆହାନା ହିଡ଼ଡ଼ି ଜୀଞ୍ଜୁତଲେ ଖେଣ୍ଡା ହାଚେରି ।

୩୪ ସାମା ସିଲା ଏମ୍‌ଆଁ ଡ଼ୟାଲି ତୀରି କିହାମାଚେସି ।

୩୫ ପାଞ୍ଜୁଲ ଅଡ଼େ ବର୍ନବା ଆନ୍ତିୟକିୟାତା ମାଞ୍ଜାନା ଏଟ୍‌କାଟି ଏଚେକା ଲକୁତାଣା ଜିକେଏ ପ୍ରବୁତି ନେହ୍‌ ବଲୁ ଜାୟୁହାନା ଖେକ୍‌ହାଲି ମାଟ୍‌ହେରି ।

**ପାଞ୍ଜୁଲ ଅଡ଼େ ବର୍ନବା ଏଟ୍‌କା ଆନାୟି**

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାଇଁ ଏଲେଇଚେସି, “ଖାୟୁ, ମାର ପ୍ରବୁତି ବଲୁ ଖେକ୍‌ହାମାନି ବାରେ ଗାଡ଼ାୟାଁଣା ଖେଣ୍ଡା ହାଜାନା, ତାୟିୟାଁ ନୀଏଁ ଏନିଆହ୍‌ ମାନେରି ଇଞ୍ଜିଁ ବେଟିହାନ ।”

୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାନିତଲେ ଅୟାଲି ବର୍ନବା ଅଣ୍‌ପିମାଚେସି ।

୩୮ ☆ସାମା ଏଞ୍ଜାସି ଏଞ୍ଜାରାକ୍ ପିସାନା ପଂପୁଲିୟାଟି  
ଞ୍ଜେଣ୍ଡାହାଟାସି ଅଡ଼େ କାମା ରାନ୍ତି ପାତେକା ଏଞ୍ଜାରିତଲେ  
ମାନାଆତାକି ତାମିତଲେ ଅୟାଲି ପାଞ୍ଜୁଲ କୃତେସି ।

୩୯ ଏମ୍ବାଟିଏ ଏଞ୍ଜାରି ହାରେକା ବାଦିବାଦା ଆୟାଲିଏ  
ତାମ୍ବୁ ଏଟ୍ଟକା ଆଡ଼େରି, ଇଞ୍ଜା ବର୍ନବା ଜହନ ମାର୍କକ୍  
ତାନିତଲେ ଅହ୍ ଜାକ୍ରାତା ହଚାନା କୁପ୍ରତା ହାଚେରି,

୪୦ ସାମା ପାଞ୍ଜୁଲ ସିଲାକ୍ ଆଚାନା ତାୟିୟା ତାଣାଟି  
ପ୍ରବୁତି କାମାତଲେ ହେର୍ପି ଆହାନା ହାଚେରି,

୪୧ ଅଡ଼େ ଏଞ୍ଜାସି ସିରିୟା ଅଡ଼େ କିଲିକିୟାଟି ହାଜାହ୍  
ବାରେ କୁଲମିକାଣି ନାମୁତା ଆଟ୍ଟା କିତେସି ।

**୧୭**

**ପାଞ୍ଜୁଲ ଅଡ଼େ ସିଲା ତଲେ ତିମତି ହାନାୟି**

୧ ତାୟୁ ପାଞ୍ଜୁଲ ଦବ୍ ଅଡ଼େ ଲୁସ୍ତାତା ହାଚେସି, ଏମ୍ବାଆଁ  
ତିମତି ଦରୁଗାଟାସି ର ସାସୁ ମାଚେସି, ଏଞ୍ଜାସି ର ନାମିତି  
ଜୀହୁଦି କ୍ରୀସ୍ତାନା ଇୟାନି ମୀର୍ଏସି ମାଚେସି, ସାମା ତାମି  
ଆବା ର ଗ୍ରିକ୍ ଲକୁ ।

୨ ଲୁସ୍ତା ଅଡ଼େ ଇକନିୟତା ମାନି ବାରେ ନାମିତି ତାୟିୟା  
ଏଞ୍ଜାଣାକ୍ ନେହ୍ସି ଇଞ୍ଜ୍ ଏଲେଇଚେରି ।

୩ ପାଞ୍ଜୁଲ ତାନିତଲେ ତିମତିକ୍ ଅହାଲି ଅଣ୍ପିତେସି,  
ଅଡ଼େ ଏ ନାୟକାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ  
ଦାପିକିତେସି; ଇଚିହ୍ ତାମି ଆବା ଗ୍ରିକ୍ ଲକୁ ଇଞ୍ଜ୍  
ବାରେ ପୁଞ୍ଜାମାଚେରି ।

୪ ଇଞ୍ଜା ଏଞ୍ଜାରି ଗାଡାୟାଟି ହାଜି ହାଜିହ୍ ଜିରୁସାଲମତି  
ପାଣ୍ଡୁ ଆଡାରି ଅଡ଼େ ପ୍ରାତିନାଜା ତାଣାଟି କିଞ୍ଜି ଆହାମାନି  
ମେରା ମାନଞ୍ଜି ଆହାଲି ଏଞ୍ଜାରିତାଣା ହେର୍ପି ମାଚେସି ।

୫ ଏଲେକିହ୍ କୁଲମିକା ବାରେ ନାମୁତା ଆଟ୍ଟା  
ଆହାନା ଦିନାତାକି ଦିନା ପାତା ଆତୁ ।

**ତ୍ରୟାତା ପାଞ୍ଜୁଲ ହାପାନା ହେଶନାୟି**

୬ ଏଞ୍ଜାରି ଆସିୟାତା ମାହାପୁରୁ କାତା ଞ୍ଜେସାଲି ସୁଦୁଜୀଞ୍ଜୁ  
କାହି କିୟାଲିଏ, ଏଞ୍ଜାରି ପୁଗିୟା ଅଡ଼େ ଗାଲାତିୟ ରାଜି  
ମାଦିଟି ରେଜିହ୍ ହାଚେରି ।

୭ ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା  
ବେତନିୟାତା ହାଜାଲିତାକି ଅଣ୍ପିତେରି, ସାମା ଜୀସୁତି  
ଜୀଞ୍ଜୁ ଏଞ୍ଜାରାକ୍ ହାଜାଲି ହେଲ ହୀଆତେ ।

୮ ଏଞ୍ଜାରି ମୁସିଆ ମାଦିଟି ହାଜାନା ତ୍ରୟାତା ଞ୍ଜାଡ଼େରି ।

୯ ଅଡ଼େ ଲାଆଁ ବେଲାତା ପାଞ୍ଜୁଲ ର ସେୟାଣା ହାପାନା  
ହେଚେସି, ମାକିଦନିୟାତି ର ଲକୁ ନିଚାନା ଏଞ୍ଜାଣାକ୍  
ବାଡିମାଲିହ୍ ଏଲେଇଚେସି, “ମାଙ୍ଗେ ସାୟେମି କିୟାଲି  
ମାକିଦନିୟାତା ଗାଣ୍ଡା ଞ୍ଜାମ୍ ।”

୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମ୍  
ଦେବୁଣିଏ ମାକିଦନିୟାତା ହାଜାଲି ତିୟାରା ଆଡ଼ମି,  
ଇଚିହ୍ ଏଞ୍ଜାରିତାଣା ନେହ୍ କାରୁ ଞ୍ଜେସାଲି ତାକି  
ମାହାପୁରୁ ମାଙ୍ଗେ ହାଟାମାଞ୍ଜାନେସି ଇଞ୍ଜ୍ ମାମ୍ ପୁଚମି  
।

**ଲୁଦିୟା ମନ୍ ଞ୍ଜେଟ୍ନାୟି**

୧୧ ଏଚେଟିଏ ମାମ୍ ତ୍ରୟାଟି ଜାକ୍ରାତା ହଚାନା ତିୟିତି  
ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେଚୁ ନୟାପଲିତା  
ଏଗାହାଚମି ।

୧୨ ଏମ୍ବାଟିଏ ପିଲିପିତା ହାଚମି, ଇଦି ମାକିଦନିୟା  
ଜିଲାତି ର କ୍ରାଜା ଗାଡା, ଇଞ୍ଜା ରମ୍ ଦେସାତାରି ତ୍ରିୟିନି ଟାୟୁ  
ମାଚେ; ଏ ଗାଡାତା ମାମ୍ ଏଚରଦିନା ମାଚମି ।

୧୩ ଜମିନି ଦିନାତା ମାମ୍ ଗାଡାଟି ହଚାନା କାତା ତାଗେ  
ହାଚମି, ଏମ୍ବାଆଁ ପ୍ରାତାନା କିନି ଟାୟୁ ମାଚେ ଇଞ୍ଜ୍  
ଅଣ୍ପାମାଚମି, ଅଡ଼େ ମାମ୍ କୁଗାନା ରୁଣ୍ଡା ଆହାମାଟି  
ଇୟାସିକା ତଲେ କାତା ଆଡ଼ମି ।

୧୪ ଅଡ଼େ, ତ୍ରୟାତିରା ଗାଡାଟି ହେୟାଁ ଞ୍ଜାଣା ହିମ୍ବୁରିକା  
ପାରୁନି ଲୁଦିୟା ଦରୁଗାଟି ର ଇୟା ମା କାତା ଞ୍ଜେଞ୍ଜିମାଚେ,  
ଏଦି ମାହାପୁରୁ ସେବା କିନାୟି, ଏଦି ଏନିକ୍ ପାଞ୍ଜୁଲତି  
କାତାଟି ମନ୍ ହୀନେ ଏଡାଆଁତାକି ପ୍ରବୁ ଏଦାନି ହିୟାଁ  
ଦେଚାମାଚେସି ।

୧୫ ଅଡ଼େ ଏଦି ଇଞ୍ଜା ତାମି କୁଚମି ବାପ୍ତିସ୍ମ\* ଅଡ଼ି ତାୟୁ  
ମାଙ୍ଗେ ବାଡିମାଲିହ୍ ଏଲେଇଞ୍ଜାଚେ, “ମୀରୁ ନାଙ୍ଗେ  
ପ୍ରବୁ ତାଣା ନାମୁଗାଟାୟି ଇଞ୍ଜ୍ ଅଣ୍ପିମାଚିହ୍, ନା ଇଜ  
ଞ୍ଜାହାନା ବାସା ଆଦୁ,” ଇଞ୍ଜ୍ ବାଲାମାଚମି କିହ୍ ହାଟା  
ଆୟାଚେ ।

**ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା**

୧୬ ର ଦିନା ମାମ୍ ପ୍ରାତାନା ଟାୟୁତା ହାନିବେଲାତା  
ର ହଲେଣି ପଦାକ୍ ବେଟାଆଡମି ଏଦି ପଲ୍ଥା ପେଦୁ  
ଆଲଗାନା ତାୟୁ ଆନି କାତାୟାଁ ଞ୍ଜେସାଲି ଆଡ଼ିମାଚେ ।  
ତାୟୁ ଆନି କାତାୟାଁ ଞ୍ଜେସାନା ତାନି ସାଞ୍ଜୁକାରିକି ହାଟେକା  
ତାୟୁୟାଁ କୁଡ଼ି କିହିମାଚେ ।

୧୭ ଏଦି ପାଞ୍ଜୁଲ ଅଡ଼େ ମା ଜେଟ ଜେଟ ଞ୍ଜାହାନା  
କିର୍ଡିହ୍ ଏଲେଇଞ୍ଜାଲି ମାଟ୍ଟହେ, “ଇ ଲକୁ ବାରେକିହ୍  
କାଜା ମାହାପୁରୁଟି ହଲିୟାକା, ଏଞ୍ଜାରି ମିଙ୍ଗେ ଗେଲ୍ପିଆନି  
ଜିରୁଟି ଞ୍ଜେକ୍ ହି ମାଞ୍ଜାନେରି ।”

୧୮ ଏଦି ହାଟେକା ଦିନା ପାତେକା ଏଲେକିୟାଚେ, ସାମା  
ପାଞ୍ଜୁଲ କପା ଆହାନା ଞ୍ଜେଣ୍ଡେ ସିନିକିହାନା ଏ ବୁଡୁକ୍  
ଏଲେଇଚେସି, “ଏଦାନି ତାଣାଟି ହଟା ହାଜାଲି ନାନୁ ନିଙ୍ଗେ  
ଜୀସୁ କ୍ରୀସ୍ତ ଦରୁତଲେ ହୁକୁମି ହୀହିମାଞ୍ଜାଇ,” ଏ ଦେବୁଣିଏ  
ଏଦି ହଟାହାଚେ ।

୧୯ ସାମା ଏଦାନି ସାଞ୍ଜୁକାରିୟାଁ ତାମି ଲାବା ପାଣ୍ଡୁନି ଆସା  
ହାଚେ, ଇଞ୍ଜ୍ ପୁଞ୍ଜାନା ପାଞ୍ଜୁଲ ଅଡ଼େ ସିଲାକ୍ ଦସାନା  
ବେରଣିମାଣ୍ଡାତା ସାଲ୍ଡି କିନାରି ତାଣା ରେଜା ଅଡ଼େରି ।

୨୦ ଅଡ଼େ, ଏଞ୍ଜାରି ରମିୟ ସାଲ୍ଡି କିନାରି ତାଣା ତାଚାନା  
ଏଲେଇଚେରି, “ଇଞ୍ଜାରି ଜୀହୁଦି ଲକୁ ମା ଗାଡାତା ଗଡ୍ ହା  
କିହିମାନେରି ।

୨୧ ମାର ରମିୟ ଲକୁତି ମେରା ପାଣାପାଟୁ ଆବାଲି  
କି ମାନଞ୍ଜି ଆହାଲି ମେରା ହିଲେଏ, ଏଡାଆଁ ଇଞ୍ଜାରି  
ଞ୍ଜେସିମାନେରି ।”

☆ ୧୫:୩୮ କାମା ୧୩:୧୩ \* ୧୬:୧୫ ମୁଞ୍ଜନାୟି

୨୨ ଏମ୍ବାଟିଏ ବାରେ ଲକୁ ପାଞ୍ଚଲ ଅଡ଼େ ସିଲା କପାଟି ନିଜିତେରି । ଅଡ଼େ ନୀହାୟି କିନାରି ପାଞ୍ଚଲ ଅଡ଼େ ସିଲା ହିମ୍ବୁରିକା ହୁକ୍‌ହାନା ଏଞ୍ଜାରାଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି ।

୨୩ ଏଞ୍ଜାରି ଏଞ୍ଜାରାଇଁ ହାରେକା ଝେତି ତାୟୁ କାୟିଦି ଇଲୁତା ଇଟିତେରି, ଇଞ୍ଜା ଏଞ୍ଜାରାଇଁ ଜାଗ୍ରାତା କିହିଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହୀତେରି ।

୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା ମେଡ଼ହାନା ଏଞ୍ଜାରି କଡାଣା ବଜୁଗାଟି ମାରନ୍ତୁ କୁଡୁଲିକା ଦସା ପିସ୍ତେସି ।

୨୫ ସାମା ମାଦି ଲାଆଁୟାଁ ପାଞ୍ଚଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଟିମାଚେରି, ଇଞ୍ଜା ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାଚେରି ।

୨୬ ଏଟିବେଲାତା ଦେବୁଣିଏ ବୁମି ଝୀତିତେ, ଇଞ୍ଜା କାୟିଦି ଇଲୁତି ପୁନାଦି ଜିକେଏ ଝୀତାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜା ବାରେଜାଣାତି ଦସାମାଟି ହିକ୍‌ଶିୟାଁ ହୁଙ୍ଗାହାରୁ ।

୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଜ୍ଜାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆଡେରି ଇଞ୍ଜାଁ ଅଣ୍‌ପାନା, କାଣ୍ଡା ହପ୍‌ହାନା ଗୁକ୍‌ହା କଡ଼ିମାଚେସି ।

୨୮ ସାମା ପାଞ୍ଚଲ କାଜା ଗିୟାଁତଲେ ହାଟାନା ଏଲେଇଚେସି, “ନୀନୁ ନିଜେ ନାସା କିହା କଡାଆନି, ଏନାଆଁତାକି ଇଟିହିଁ ମାମ୍ବୁ ବାରେଡ଼ମି ଇମ୍ବାଆଁ ମାନମି ।”

୨୯ କାୟିଦି ଇଲୁ କାଃଆନାସି ଦୀଞ୍ ତାଚାଲି ଏଲେଇଚେସି, ତବେ ବିତ୍ରା ହାଚେସି ଇଞ୍ଜା ତୀରଗି ତୀରଗିହିଁ ପାଞ୍ଚଲ ଅଡ଼େ ସିଲା କଡାୟାଁ ଡ଼ଇ ରୀତେସି ।

୩୦ ଅଡ଼େ ଏଞ୍ଜାରାଇଁ ପାଙ୍ଗାତା ତାଚାନା ଏଲେଇଚେସି, “ବାବୁୟାଁ ଗେଲ୍‌ପିଆୟାଲି ନାନୁ ଏନାଆଁ କିଇଁ?”

୩୧ ଏଞ୍ଜାରି ଏଲେଇଚେରି, “ପ୍ରବୁ ଜୀସୁ ତାଣା ନାମାଦୁ, ଆତିହିଁ ନୀନୁ ଅଡ଼େ ନୀ ଇଲୁ କୁଟମି ବାରେ ଗେଲ୍‌ପି ଆଡ଼େରି ।”

୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଟି ବାରେ ଲକୁଣି ମାହାପୁରୁତି ବଲୁ ଝେସ୍ତେରି ।

୩୩ ଅଡ଼େ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ଗାହାଁୟାଁ ନରହେସି, ଇଞ୍ଜା ଏଞ୍ଜାସି ଅଡ଼େ ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ତିସ୍ତାଁ ଅଡ଼େରି ।

୩୪ ଏଚେଟିଏ ଏଞ୍ଜାସି ଏଞ୍ଜାରାଇଁ ତାମି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହୀତେସି, ଅଡ଼େ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆଡ଼େରି ।

୩୫ ଲାଇଁ ଝେୟାଲିଏ ରମିୟ ଲକୁତି କାଜାରି ରିଜାରି କସକାଣି ଇଲେଇଞ୍ଜାଁ ଝେସା ପାଣ୍ଡିତେରି, “ଏ ଲକୁଣି ପିସାଡୁହଦୁ ।”

୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଚଲଇଁ ଇ କାତା ଝେସ୍ତେସି, “ନୀହାୟି କିନାରି ନିଜେ ଅଡ଼େ ସିଲାଇଁ ପିସାଲି କାରୁ ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଡ଼ାଞ୍ଜାହାନା ହିଡ଼ଡ଼ି ତଲେ ହାଜୁ ।”

୩୭ ସାମା ପାଞ୍ଚଲ କସକାଣି ଏଲେଇଚେସି, “ମାମ୍ବୁ ରୁମିୟ ଦେସାତି ଲକୁଟମି, ମାଙ୍ଗେ ନୀହାୟି କିଆନା ଝେଡାତି ତାୟୁ କାୟିଦି ଇଲୁତା ସୁଣ୍ଡାତେରି, ଅଡ଼େ ନୀଏଁ ଡ଼କୁହାନା ପିସିମାଞ୍ଜାନେରି, ଏଡ଼ି ମିଣ୍‌ଏ, ସାମା ଏଞ୍ଜାରି ତାମ୍ବୁସୁ ଝାହାନା ମାଙ୍ଗେ ପାଙ୍ଗାତା ଅୟାପେରି ।”

୩୮ ଏଚେଟିଏ କସକା ହାଜାନା ନୀହାୟି କିନାରାଇଁ ବାରେ କାତା ଝେସ୍ତେରି, ଇଞ୍ଜା ଇଞ୍ଜାରି ରମିୟ ଲକୁ ଇଞ୍ଜାଁ ପୁଞ୍ଜାନା ଆଜିତେରି,

୩୯ ଏମ୍ବାଟିଏ ଏଞ୍ଜାରି ଝାହାନା ମାମ୍ବୁ ପୁନାଆନା ଏଲେକିତମି ଇଞ୍ଜାଁ ବାତିମାଲିହିଁ ଏଞ୍ଜାରାଇଁ ପାଙ୍ଗାତା ହପ୍‌ହା ତାଚାନା, ଗାଡ଼ା ପିସାନା ହାଜାଲି ବାତିମାଲିତେରି ।

୪୦ ଏଚେଟିଏ ପାଞ୍ଚଲ ଅଡ଼େ ସିଲା କାୟିଦି ଇଲୁତି ହଟାନା ଲୁଦିୟା ଇଜ ହାଚେରି, ଅଡ଼େ ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାର୍ସୁ ହାହାନା ହାଜାଡୁସ୍ତେରି ।

### ୧୭

#### ତେସଲନିକିତା କାମା

୧ ତାୟୁ ଏଞ୍ଜାରି ଆଂପିପଲି ଅଡ଼େ ଆପଲନିୟା ହାହାନା ତେସଲନିକିତା ଝାଡ଼େରି; ଏମ୍ବାଆଁ ଜୀହୁଦି ଲକୁତି ର ଜୀହୁଦି ଲକୁତି କୁଟମି ଇଲୁ\* ମାଚେ ।

୨ ଅଡ଼େ, ପାଞ୍ଚଲ ତାନି ମେରା ଲେହେଁ ଜୀହୁଦି ଲକୁତି କୁଟମି ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାତେକା ଦାମ୍ବୁ ପତିତି କାତା ଆସାନା ଲକୁତଲେ ଜଲ୍‌କି ଆଡ଼େସି,

୩ ଦାମ୍ବୁ ସାସ୍ତେରି ତେଲ୍‌ହି କିହାନା ଏ କାତା ଇଦି ଇଞ୍ଜାଁ ଇଚେସି, ମସିହା ସାସ୍ତି ପାଣ୍ଡନାୟି ଅଡ଼େ ହାକିଟି ନିଜିନାୟି ଲଡ଼ାମାନେ । ପାଞ୍ଚଲ ଏଲେଇଚେସି, “ଆମିନି ଜୀସୁତି କାତା ଝେସିମାଞ୍ଜାଇଁ, ଏଞ୍ଜାସି ଏ ମସିହା ।”

୪ ଏମ୍ବାଟିଏ ଏଞ୍ଜାରି ବିତ୍ରାଟି ଏଚରଜାଣା ନାମାହାଁ ପାଞ୍ଚଲ ଅଡ଼େ ସିଲା କାତାତା ଆଣ୍ଡିତେରି; ଅଡ଼େ, ଜୀହୁଦି ଦାମ୍ବୁ ନାମାମାନି ଗ୍ରିକ୍ ଲକୁ ବିତ୍ରାଟି ହାରେକା ଲକୁ ଅଡ଼େ ମାନିଗାଟି ହାରେକା ଇୟସିକା ବିତ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ ।

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାଢ଼େରିତା କୃତି କିତେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପ୍‌ହେରି, ଇଞ୍ଜା ପାଞ୍ଚଲ ଅଡ଼େ ସିଲାଇଁ ସାଲ୍‌ଝି କିନାରି ନକିତା ହପ୍‌ହାତାଚାଲି ଏଞ୍ଜାରି ହାଜାନା ଜାସନ ଇଲୁତି ମୁଚାନା ପାରିତେରି ।

† ୧୭:୩୩ ମୁଞ୍ଜିନାୟି \* ୧୭:୧ ସିନଗର୍ † ୧୭:୨ ସିନଗର୍

୭ ସାମା ଏଞ୍ଜରାଙ୍କୁ ବେଟାଆଆଲିଏ ଏଞ୍ଜରି ଜାସନ ଅଡେ ଏଚେକା ତାୟିୟାଙ୍କୁ ଗାଡ଼ାତି ସାଲୁଞ୍ଜି କିନାରି ନକିତା ରେଜା ତାଚାନା କାଜା ଗିୟାତଲେ କାଲୁଞ୍ଜି ଆହୁଁ ଏଲେଇଚେରି, “ଆମିନି ଲକୁ ଦାର୍ତତି ଇତାଲା ଆତାଲା କିହିମାନେରି, ଏଞ୍ଜରି ଇମ୍ପାଆଁ ଜିକେଏ ଖାହାମାନେରି;

୮ ଜାସନ ଏଞ୍ଜରାଙ୍କୁ ଆବାମାନେସି, ଜୀସୁ ଦରୁଗାଟି ଅଡେ ର ରାଜା ମାନେସି ଇଞ୍ଜୁଁ ଖେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଞ୍ଜି କିହିହିଲଅରି ।”

୯ ଇ କାତା ଆସାନା ଲକୁ ଅଡେ ସାଲୁଞ୍ଜି କିନାରି ବିତ୍ରା ହାରେକା କାର୍ବି ଆଡେରି ଅଡେ ଗଡ଼ହା ଆଡେ ।

୧୦ ତାୟୁ ସାଲୁଞ୍ଜି କିନାରି ଜାସନ ଅଡେ ଏଚକା ଲକୁଣି ତାବୁୟା ରୀସାନା ଜାମ୍ଲି ତଲେ ଏଞ୍ଜରାଙ୍କୁ ପିସ୍ତେରି ।

**ବେରିୟାତା କାମା**

୧୦ ଅଡେ, ତାୟିୟାଁ ଖେଡ଼ାକିଆନା ପାଞ୍ଜୁଲ ଅଡେ ସିଲାଙ୍କୁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ପାଆଁ ଏଜାନା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତା# ହାଚେରି ।

୧୧ ଡେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଟାରି ମାଚେରି, ଇଞ୍ଜାରି ହାରେକା ରାହାତଲେ ମାହାପୁରୁ କାତା ଖେଚେରି, ଅଡେ ପାଞ୍ଜୁଲ ଖେସ୍ତ୍ର କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଞ୍ଜି ଆହିମାଚେରି ।

୧୨ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକୁ ନାମିତେରି ଅଡେ ଗ୍ରିକ୍ ଲକୁତି କାଜାରି ବିତ୍ରାଟି ହାରେକା ଇୟାସିକା ଅଡେ ଆବାୟାଁ ଜିକେଏ ନାମିତେରି ।

୧୩ ସାମା ଏଚିବେଲା ଡେସଲନିକିତି ଜୀହୁଦିକା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁତି ବଲୁ ଖେସ୍ପି ଆହିମାନେ, ଏଚିବେଲା ଏଞ୍ଜାରି ଏମ୍ପାଆଁ ଜିକେଏ ଖାହାନା ଲକୁ ମାଦାତି ନିକହାନା ଗଡ଼ହା କିଞ୍ଜିକିତେରି ।

୧୪ ଏଚେଟିଏ ତାୟିୟାଁ ଖେଡ଼ାକିଆନା ପାଞ୍ଜୁଲଙ୍କୁ ସାମଦୁରି ଖାକି ହାଜାଲି ପାଣ୍ଡିତେରି; ଇଞ୍ଜା ସିଲା ଅଡେ ତିମତି ବେରିୟାତା ଡ଼ୟିତେରି ।

୧୫ ସାମା ଆମ୍ପାଆରି ପାଞ୍ଜୁଲଙ୍କୁ ଇଚିହାଚାରି ଏଞ୍ଜାରି ଆତିନି ପାତେକା ହାଚେରି, ଇଞ୍ଜା ସିଲା ଅଡେ ତିମତି ତବେ ନା ତାଣା ଖାପେରି ଇଞ୍ଜୁଁ ପାଞ୍ଜୁଲ ତାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଖେଣ୍ଡେ ଖାଡେରି ।

**ଆତିନିତା ପାଞ୍ଜୁଲତି ସେବା କାମା**

୧୬ ଆତିନିତା ପାଞ୍ଜୁଲ, ସିଲା ଅଡେ ତିମତିଙ୍କୁ କାଟିମାଚେସି, ଏଞ୍ଜାସି ଏ ଗାଡ଼ାତା ହାରେକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀଞ୍ଜୁ ହାରେକା ଖାଡିତେ ।

୧୭ ଏଦାଆଁତାକି ଏଞ୍ଜାସି ଜୀହୁଦି ଲକୁତି କୁଟମି ଇଲୁତାଟି ଜୀହୁଦି ଲକୁତଲେ ମାହାପୁରୁଙ୍କୁ ନାମାମାନି ଜୀହୁଦିଆଆତି ଲକୁତଲେ ଇ କାତା ବାରେଦିନା ଖେକ୍‌ହେସି । ଗାଡ଼ାତି

ଜିରୁ ଗାଟାତା ହାଜି ଖାହିମାନି ଲକୁତଲେ ଏ କାତାତି ଖେସ୍ତେସି ।

୧୮ ଏଚରଜାଣା ଏପିକୁରିୟା ଇଞ୍ଜା ସ୍ତୟିକ୍ ଜାପୁନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡେ । ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇ ବୁଦ ହିଲାଆ ହାଡ଼ାକାଣ୍ଡୁ ଏଦାଆଁ ଖେସାଲି ଅଣ୍ଡପିମାନେସି ?” ଅଡେ ଏଚରଜାଣା ଏଲେଇଚେରି, “ଏଞ୍ଜାସି ପୁନାଆତି ପେଣ୍ଡକାତି କାତା ଖେହ୍‌ନିଲେହେଁ ଖେସିମାନେସି;” ଇଚିହୁଁ ଏଞ୍ଜାସି ଜୀସୁ ଅଡେ ତାନି ଖେଣ୍ଡେ ନିଜିତି କାତାତି ନେହୁଁ କାବୁ ଖେକ୍‌ହି ମାଚେସି ।

୧୯ ଏଦାଆଁତାକି ଏଞ୍ଜାରି ପାଞ୍ଜୁଲଙ୍କୁ ଆରିୟପାଗ ଗାଡ଼ାତି ବେରଣି ନକିତା ତାଚେରି, “ନୀନୁ ଆମିନି ପୁଞ୍ଜି କାତା ଜାପୁହିମାଞ୍ଜି ଏଡି ଏନାୟି ଇଞ୍ଜୁଁ ମାମ୍ପୁ ପୁଞ୍ଜାଲି ଆଡିନମି କି ?”

୨୦ ଇଚିହୁଁ ନୀନୁ ଏଚେକା କାବାଆନ୍ତି କାତା ମାଜେ ଖେଣ୍ଡି କିହିମାଞ୍ଜାଦି; ଇ ବାରେ କାତା ଏନାୟି ଏଦାଆଁ ମାମ୍ପୁ ପୁଞ୍ଜାଲି ଅଣ୍ଡପିମାନମି ।”

୨୧ ଆତିନି ଗାଡ଼ାତି ଲକୁ ଅଡେ ଏମ୍ପାଆଁ ବାସାଆହାମାନି ଏଚକା ଡେସାତି ଲକୁ ପୁଞ୍ଜି କାତା ଖେସାଲି ଇଞ୍ଜା ଖେଞ୍ଜାଲି ରାହାଁ ଆହିମାଚେରି । ଏମ୍ପାଆଁ ଏଞ୍ଜାରି ଦିନା ରାପୁହି ମାଚେରି ।

୨୨ ଏଚେଟିଏ ପାଞ୍ଜୁଲ ଆରିୟପାଗତି ବେରଣି ମାଦିଏ ନିଚାନା ଏଲେଇଚେସି, “ଏ ଆତିନିତି ଲକୁ, ମୀରୁ ବାରେ ଗାଡ଼ି ଦାମ୍ବୁଗାଟାଚେରି, ଇଞ୍ଜା ହାରେକା ପେଣ୍ଡକାଣି ସେବା କିନାଚେରି, ଏଦାଆଁ ନୀନୁ ମେସିମାଙ୍କୁ ।

୨୩ ଇଚିହୁଁ ନୀନୁ ମୀ ଗାଡ଼ାଟି ହାଜିମାଚେସୁଁ, ଅଡେ ମୀରୁ ପୂଜା କିନି ଗାୟୁତା ସିନିକିଡେସୁଁ, ନୀନୁ ପୂଜା ପିଣ୍ଡାତା ମେସ୍ତେସୁଁ ଏମ୍ପାଆଁ ରାସ୍‌କି ଆହାମାନେ, ‘ପୁନାଆତି ମାହାପୁରୁ ।’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହୁଁ ଜିକେଏ, ଏଡେଏ ନୀନୁ ମିଜେ ଖେସିମାଞ୍ଜାଙ୍କୁ ।

୨୪ \*ଆମିନି ମାହାପୁରୁ ଦାର୍ତତି ଅଡେ ଏମ୍ପାଆଁ ମାନି ବାରେ ରାଡ଼ି କିହାମାନେସି, ଏଞ୍ଜାସି ଲାକପୁରୁ ଅଡେ ଦାର୍ତତି ପ୍ରବୁ ଆହାମାନାକି ମାଣ୍ଡସି କେୟୁଟି କେପିତି ଡେଞ୍ଜୁଡିତା ବାସା କିଅସି ।

୨୫ ଇଚିହୁଁ ଏଞ୍ଜାଣାକି ଏନାୟି ଲଡା ମାନାୟି ହିଲାଆକି ମାଣ୍ଡସି କେୟୁଟି ସେବା ଆଅସି, ଇଚିହୁଁ ଏଞ୍ଜାସି ତାନୁଏ ବାରେତାକି ଜୀଞ୍ଜୁ, ନେଞ୍ଜାଲି ଇଞ୍ଜା ବାରେ ଲଡାମାନାଣି ଇନେସି ।

୨୬ ର ମାଣ୍ଡସି ତାଣାଟି ଏଞ୍ଜାସି ବାରେ ଲକୁ ବାକାଙ୍କୁ ରାଡ଼ି କିହାମାନେସି; ଇଞ୍ଜା ଏଞ୍ଜାଣି ହୁକୁମି ତଲେ ଏଞ୍ଜାରି ଦାର୍ତତି ବାରେଖାକି ବାସା କିହାମାନେରି । ଆମିନି ବେଲାତା, ଆମ୍ପାଆସି ଆମିନି ତାଣା ବାସା କିନେସି, ମାହାପୁରୁ ମୂଲୁଟିଏ ଏଦାଆଁ ତୀରି କିହାମାନେସି ।

୨୭ ମାହାପୁରୁତି ଅଣ୍ଡପୁ ମାଚେ, ବାରେଜାଣା ଏନିକିହୁଁ ଏଞ୍ଜାଣାଙ୍କୁ ପାରାନା ବେଟାଆନେରି । ସାମା ମାହାପୁରୁ

# ୧୭:୧୦ ସିନଗର   § ୧୭:୧୭ ସିନଗର   \* ୧୭:୨୪ କାମା ୭:୪୮

ଆମ୍ବାଆରି ତାଣାଟି ହେକ ହିଲଅସି ।”

୨୮ ଏନିଇଚିହିଁ ରଅସି ଖେସାମାନେସି,  
“ଏଝାଣି ତାଣା ମାର ନାଡିନାୟି, ତାକିନାୟି ଅଡ଼େ ଡ଼ୟିନାୟି ।

ଇଞ୍ଜା ମୀ ବିତ୍ରାଟି ଜିକେଏ ଏଚରଜାଣା ଖେସାମାନେରି,  
ମାର ଜିକେଏ ଏଝାଣି ମାରକା ମାସକା ।”

୨୯ “ଇଚିହିଁ ମାର ମାହାପୁରୁତି ମାରକା ମାସକା ଆତାକି  
ଇ ମାହାପୁରୁ ଲେହେଁ ମାଣସି ବୁଦି ଅଡ଼େ ଅଣପୁ ତଲେ  
କେପିତି ବାଂଗାରା, ଖେଣ୍ଡି କି ଖାଲକାତି ବମା ଲେହେଁ  
ଅଣପିନାୟି ଆଏ ।

୩୦ ଲକୁ ମାହାପୁରୁଇଁ ପୁଞ୍ଜା ହିଲଆ ବେଲତା ଏଝାସି ଦହ  
ଆସା ହିଲଆତେସି, ସାମା ନୀଏଁ ଏଝାସି ବାରେଜାଣାତି  
ବାରେଝାକି ତାମି ପାପୁ ଜିରୁଟି ଖେଣ୍ଡା ଖାହାଲି  
ଖେସିମାନେସି ।

୩୧ ଇଚିହିଁ ଆମିନି ଦିନା ତାନୁ ଆଚିତି ମାଣସି ତାଣାଟି  
ଦାମୁତଲେ ଦାରତିତି ନାହାୟି କିନେସି, ଇଲେତି ର ଦିନା  
ତାରି କିହାମାନେସି, ଇଞ୍ଜା ଇ ବାରେ ସାତା ଇଞ୍ଜା ତସାଲି  
ଏଝାସି ଏଝାଣାଇଁ ହାଡ଼ାରି ତାଣାଟି ନିକହାମାନେସି ।”

୩୨ ପାଞ୍ଜୁଲ ତାଣାଟି ହାଡ଼ାରି ଖେଣ୍ଡେ ନିଜିନି କାତା  
ଖେଞ୍ଜାନା ଏଚରଜାଣା ଲାଜା କିତେରି, ଅଡ଼େ ଏଚରଜାଣା  
ଏଲେଇଚେରି, “ମାଙ୍ଗେ ଅଡ଼େ ଖେଣ୍ଡେ ଖେସ୍ତାମୁ, ନୀ  
ତାଣାଟି ଇ କାତା ଖେନମି ।”

୩୩ ଏଚେଟିଏ ପାଞ୍ଜୁଲ ବେରଣିଟି ହଡ଼ାହାଚେସି ।

୩୪ ଏରିୟପାରିୟ ଦିୟନୁସିୟ ଗଚିତି ଦାମାରି ଇନି  
ର ଇୟା ଇଞ୍ଜା ଅଡ଼େ ଏଚେକା ଲକୁ ନାମିତେରି ଇଞ୍ଜା  
ଏଝାଣିତଲେ ଆଣ୍ଡିତେରି ।

# ୧୮

## କରନ୍ତିତା ପାଞ୍ଜୁଲତି କାମା

୧ ଏମ୍ବାଟିଏ ପାଞ୍ଜୁଲ ଆତିନି ଗାଡ଼ା ପିସାନା କରନ୍ତିତା  
ହାଚେସି ।

୨ ଇଞ୍ଜା ଏଝାସି ଆକଞ୍ଜିଲା ଦରୁଗାଟି ର ଜୀହୁଦି ଲକୁଇଁ  
ବେଟାଆଡ଼େସି, ପନ୍ତ ଏଝାଣି ଜାନା ଟାୟୁ; ଏଚରଦିନା  
ନକେଏ ଏଝାସି ତାନି ତକ୍ତି ପ୍ରିୟିଲା ତଲେ ଇଟାଲିଟି  
ଝାହାମାନେସି, ଇଚିହିଁ ଲାଞ୍ଜୁଦିୟା ବାରେ ଜୀହୁଦି  
ଲକୁଇଁ ରମ୍ ପିସା ହାଜାଲି ହୁକୁମି ହାହାମାନେସି, ପାଞ୍ଜୁଲ  
ଏଝାସିକାଣି ବେଟି ହାଚେସି,

୩ ଅଡ଼େ ଏଝାରି ଏଝାଣିଲେହେଁ ତୁମ୍ ବେବାରା କିନାରି  
ମାଚାକି ଏଝାରିତଲେ ଡ଼ୟିତେସି, ଅଡ଼େ ଏଝାରି କାମା  
କିହାଲି ମାଟ୍‌ହେରି, ଏନାଆଁତାକି ଇଚିହିଁ ବେବାରାତା  
ଏଝାରି ତୁମ୍ କିନାରି ମାଚେରି ।

୪ ଅଡ଼େ ବାରେ ଜମିନି ଦିନାତା ଏଝାସି ଜୀହୁଦି ଲକୁତି  
କୁଟମି ଇଲୁତା\* ଜଲକି ଆହଁ ଜାପୁହେସି, ଜୀହୁଦି ଅଡ଼େ  
ଗ୍ରିକ୍ ଲକୁଣି ନାମି କିଞ୍ଜିକିହାଲି ଅଣ୍ଡିମାନେସି ।

୫ ଏଚିବେଲା ସିଲା ଅଡ଼େ ତିମତି ମାକିଦନିୟାଟି  
ଝାଡ଼େରି, ଏଚିବେଲା ପାଞ୍ଜୁଲ ନେହଁ ବଲୁ ଖେକ୍‌ନି କାମା

ଜମାଆନା କିହିମାଚେସି, ଅଡ଼େ ଜୀହୁଇଁ ମସିହା ଇଞ୍ଜା  
ଜୀହୁଦି ଲକୁତାଣା ସାକି ହାହିମାଚେସି ।

୬ ସାମା ଏଝାରି ଅପାଆନା ନିନ୍ଦା କିହାଲିଏ ଏଝାସି  
ତାନି ହିମ୍ବୁରି ହାଣ୍ଡାଣା ଏଲେଇଚେସି, “ମୀରୁ ନାସା  
ଆତିହିଁ ଏଦାଆଁତାକି ମୀରୁ ଦାୟି ଆଦେରି । ଏଦାଆଁତାକି  
ନାନୁ ଦାୟି ଆଏ, ନୀଏଁ ନାନୁ ଜୀହୁଦିଆଆତି ଲକୁତାଣା  
ହାଜିମାଇଁ ।”

୭ ଏମ୍ବାଟିଏ ଏଝାସି ଏ ଟାୟୁଟି ହଡ଼ା ହାଜାନା ତିତସ ଜୁସ୍ତ  
ଇନି ଜୀହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ  
ହାଚେସି, ଏଝାଣି ଇଲୁ ଜୀହୁଦି ଲକୁତି କୁଟମି ଇଲୁ† ତାଗେ  
ମାଚେ ।

୮ ସାମା ଜୀହୁଦି ଲକୁତି କୁଟମି ଇଲୁତି‡ କାଜାସି କ୍ରିସପ  
ବାରେ ଇଲୁ କୁଟମି ତଲେ ପ୍ରୁ ତାଣା ନାମିତେରି, ଅଡ଼େ  
କରନ୍ତି ଗାଡ଼ାତି ଲକୁ ବିତ୍ରାଟି ହାଚେକା ପାଞ୍ଜୁଲତି କାତା  
ଖେଞ୍ଜାନା ନାମିତେରି ଅଡ଼େ ବାପ୍ତିସ୍ତା ଅଡ଼େରି ।

୯ ଅଡ଼େ ପ୍ରୁ ଲାଆଁୟା ବେଲତା ସେୟାଣା ହାପାନାତା  
ପାଞ୍ଜୁଲଇଁ ଏଲେଇଚେସି, “ଆଜାଆନି, ସାପି ଡ଼ୟାଆନା  
ଜଲ୍ଲାମୁ,

୧୦ ଇଚିହିଁ ନାନୁ ନୀ ତଲେ ମାଇଁ, ଆମିନି ଲକୁ  
ଜିକେଏ ନୀ କପାଟି ନିଜାମା ନିଜେ ନାସା କିହାଲି ଆଡ଼ଅସି,  
ଇଚିହିଁ ଇ ଗାଡ଼ାତା ହାଚେକା ନା ଲକୁ ମାନେରି ।”

୧୧ ଇଞ୍ଜା ପାଞ୍ଜୁଲ ଏଝାରିତାଣା ମାହାପୁରୁତି କାତା  
ଜାପୁହିହିଁ ର ବାସୀ ସ ଲେଞ୍ଜୁ ଡ଼ୟିତେସି ।

୧୨ ସାମା ଗାଲିୟ ଆକାୟାତି ରମିୟ ସାଲୁଞ୍ଜି କିନାସି  
ମାଚିବେଲତା, ଜୀହୁଦି ଲକୁ ପାଞ୍ଜୁଲ କପାଟି ନିଜାମା  
ଏଝାଣାଇଁ ନାହାୟି କିନାରି ତାଣା ଦସା ଅହାନା  
ଏଲେଇଚେରି,

୧୩ “ଇଝାସି ମସାତି ମେରା କପାଟି ଅର ରଲେକଁ  
ମାହାପୁରୁତି ସେବା କିହାଲି ଲକୁଣି ଜାପୁହିମାନେସି ।”

୧୪ ସାମା ପାଞ୍ଜୁଲ ଗୁତି ଏକହାନା ଜଲ୍ଲାଲି ମାଟ୍‌ହି  
ମାଚାଟି, ଗାଲିୟନ ଜୀହୁଦି ଲକୁଣି ଏଲେଇଚେସି, “ଆଡ଼େ  
ଜୀହୁଦି ଲକୁତେରି ଏନିଲେହେଁତି ଦହ କି ଲାଗେଏତି କାମା  
ଆତିହିଁ ମା ସୁସ୍ତି ତଲେ ମୀ କାତା ଖେନାୟି ନାଜେତାକି  
ନେହେଁ ଆଡ଼େମା,

୧୫ ସାମା ଇଦି ଝାରଇ ବଲୁ ଅଡ଼େ ଦରୁ ଅଡ଼େ ମୀ  
ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ । ଇଲେତି  
କାତାତି ନାନୁ ନାହାୟି କିଆଁ !”

୧୬ ଏଲେଇଞ୍ଜାନା ଏଝାସି ଏଝାଣାଇଁ ନାହାୟି କିନି  
ତାଣାଟି ପେଡ଼ହା ତୁସ୍ତେସି ।

୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକୁତି  
କୁଟମି ଇଲୁତି\* କାଜାଣାଇଁ ଆସାନା ନାହାୟି ପାଞ୍ଜାତା  
ଖେଡ଼େରି; ସାମା ଗାଲିୟନ ଏ ବାରେ କାତାତା ମନ୍  
ହାଆତେସି ।

## ପାଞ୍ଜୁଲ ଆକ୍ରିୟକିୟାତା ଖେଣ୍ଡାଝାନ୍ଦାସି

\* ୧୮:୪ ସିନଗର † ୧୮:୭ ସିନଗର ‡ ୧୮:୮ ସିନଗର § ୧୮:୮ ମୁଞ୍ଜିନାୟି \* ୧୮:୧୭ ସିନଗର

୧୮ ପାଞ୍ଚୁଲ କରନ୍ତିତା ନାମିତି ତାୟି ତାଜିସ୍ତା ତଲେ ହାରେକା ଦିନା ଡୟାନା ତାୟିୟା ତାଣାଟି ହେଲ ବେଟାଆହାନା ଏୟୁ ଜାକାଟି ସିରିୟାତା ହାରେସି, ପ୍ରିସ୍ତିଲା ଅଡେ ଆକ୍ସିଲା ତାନିତଲେ ହାରେରି, ତାନି ଆଞ୍ଜିତାୟି ମାଚାକି ଏଞ୍ଜାସି କେକ୍ସେୟାତା ତାନି ତାୟି ହୁଣ୍ଡହେସି ।

୧୯ ତାୟୁ ଏଞ୍ଜାରି ଏପିସିୟତା ଖାଡେରି, ଅଡେ ଏଞ୍ଜାସି ଏ ଟାୟୁତା ଆକ୍ସିଲା ଅଡେ ପ୍ରିସ୍ତିଲାୟି ହେଲ ହୀହାନା ପାଞ୍ଚୁଲ ରଅସିଏ ଜୀହୁଦି ଲକ୍ଷୁତି କୁଟମି ଇଲୁତା† ହଡାନା ଜୀହୁଦିୟା ତଲେ ହାଡାକାତା ଆଡେରି ।

୨୦ ଇଞ୍ଜା ଏଞ୍ଜାରି ଏଞ୍ଜାଣାଇଁ ହାରେକା ଦିନା ଡୟାଲି ବାତିମାଲିତିହ ଏଞ୍ଜାସି ଡୟାଲି କୂଡେସି ।

୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହ ଅଡେ ର ଦେବା ମୀ ତାଣା ଖେଣ୍ଡା ଖାଇଁ,” ଇଞ୍ଜା ଏଞ୍ଜାସି ଏପିସିୟତି ହାରେସି ।

୨୨ କାୟିସିରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାରେସି, ଅଡେ କୁଲମିତି ଜହରା କିହାନା ଏମ୍ବାଟିଏ ଆଡ୍ରିୟକିୟାତା ହାରେସି ।

୨୩ ଏମ୍ବାଆଁ ଏଚରଦିନା ଡୟିତି ତାୟୁ, ଏଞ୍ଜାସି ଅଡେ ଖେଣ୍ଡେ ହାଜାନା ଗାଲାତିୟ ଇଞ୍ଜା ପୁଗିୟା ନାସକା ହୀହାନା ହାରେସି, ଅଡେ ଜିରୁତା ସୀସୁୟାଣି ତାନି ନାମୁତା ଆଡ୍ଝା ତଲେ ଡୟାଲି ରାହାଁ ହୀଡେସି ।

**ଏପିସିୟ ଅଡେ କରନ୍ତିତା ଆପଲ**

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡେସି, ଏଞ୍ଜାସି ଆଲେକ୍ଜାଣ୍ଡିୟାତା ଜାର୍ନା ଆହାମାଚେସି, ଏଞ୍ଜାସି ନେହକ୍ସି ଖେସାଲି ଆଡିନାସି ଅଡେ ଦାମ୍ବୁ ପତିତି କାତା ଗାଡି ପୁନାସି ମାଚେସି ।

୨୫ ଇଞ୍ଜାସି ପ୍ରୁ ଜିରୁତି କାତା ନେହକ୍ସି ଜାପାମାଚେସି, ଇଞ୍ଜା ଜୀହୁତଲେ ବାଡୟୁ ବେଟାଆହାନା ଜୀସୁତି କାତା ନେହକ୍ସି ଜାପୁହି ମାଚେସି, ଏଞ୍ଜାସି ଖାରଇ ଜହନତି ବାପ୍ରିସ୍ତାଁ କାତା ପୁଞ୍ଜାମାଚେସି ।

୨୬ ଏଞ୍ଜାସି ସାସାତଲେ ଜୀହୁଦି ଲକ୍ଷୁତି କୁଟମି ଲକ୍ଷୁତାଟି ଜଲାଇ ମାଡହେସି, ସାମା ଆକ୍ସିଲା ଅଡେ ପ୍ରିସ୍ତିଲା ଏଞ୍ଜାଣି କାତା ଖେଞ୍ଜାନା ଏଞ୍ଜାଣାଇଁ ତାନି ଇଜ ଅହାନା ଏମ୍ବାଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିଡୁ ।

୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟା ଏଞ୍ଜାଣାଇଁ ସାୟେମି କିଡେରି, ଇଞ୍ଜା ଏଞ୍ଜାଣାଇଁ ରାହାଁତଲେ ଆବାଲି ଆକାୟାତା ମାନି ସୀସୁୟାକି ର ଆକୁ ରାଡିଡେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାରେକା ସାୟେମି କିଡେସି ।

୨୮ ଇଡିହ୍ ଜୀସୁଏ ମସିହା ଇଞ୍ଜା ଦାମ୍ବୁ ପତିତି ନେହକ୍ସି ତସାହାଁ ଏଞ୍ଜାସି ବାରେଜାଣା ନକିତା

ତାନିତଲେ ଆସ୍ପି ଆହିମାନି ଜୀହୁଦି ଲକ୍ଷୁଣି ହାରିଞ୍ଜି କିଡେସି ।

**୧୯**

**ଏପିସିୟତା ପାଞ୍ଚୁଲ**

୧ ଆପଲ କରନ୍ତିତା ମାଟିବେଲାତା ପାଞ୍ଚୁଲ ଖେଡା ହପୁଞ୍ଜାକିତି ରାଜି ରେଜାନା ଏପିସିୟ ଗାଡାତା ଏଗାଞ୍ଜାଡେସି । ଏମ୍ବାଆଁ ଏଚରଜାଣା ସୀସୁୟାଣି ବେଟାଆଡେସି,

୨ ଏଞ୍ଜାସି ଏଞ୍ଜାରାଇଁ ଖେଚେସି, “ମୀରୁ ନାମିତି ରେଟୁଏ ସୁଦୁଜୀହୁ ବେଟାଆହା ମାଚେରି କି ?” ଏଞ୍ଜାରି ଏଲେଇଚେରି, “ଆଏ ସୁଦୁଜୀହୁ ମାନେ ଇଞ୍ଜା ମାମ୍ବୁ ଚୁଞ୍ଜା ଜିକେଏ ହିଲଅମି ।”

୩ ପାଞ୍ଚୁଲ ଏଞ୍ଜାରାଇଁ ଖେଚେସି, “ଆତିହ୍ ମୀରୁ ଏନିଲେହେଁତି ବାପ୍ରିସ୍ତାଁ ବେଟାଆହା ମାଚେରି ।” ଏଞ୍ଜାରି ଏଲେଇଚେରି, “ମାମ୍ବୁ ଜହନତି ବାପ୍ରିସ୍ତାଁ ଅହାମାଚମି ।”

୪ ଏମ୍ବାଟିଏ ପାଞ୍ଚୁଲ ଏଲେଇଚେସି, “ଜହନତି ବାପ୍ରିସ୍ତାଁ ହିୟାଁ ଖେଟ୍ପି କିଞ୍ଜିକିନି ବାପ୍ରିସ୍ତାଁ ଜହନ ଇସାୟେଲ ଲକ୍ଷୁଣି ବାପ୍ରିସ୍ତାଁ ହୀହାନା ଏଲେଇଚେସି, ନା ଜେଟ ଆମ୍ବାଆସି ଖାହିମାନେସି, ଏଞ୍ଜାଣାଇଁ ଇଡିହ୍ ଜୀସୁଇଁ ନାମାଦୁ ଇଞ୍ଜା ଖେସିମାଚେସି ।”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରୁ ଜୀସୁ ଦରୁତଲେ ବାପ୍ରିସ୍ତାଁ ଅଡେରି ।

୬ ଅଡେ ପାଞ୍ଚୁଲ ଏଞ୍ଜାରି ଲାକ କେସ୍ତା ଇଗାଲିଏ ସୁଦୁଜୀହୁ ଏଞ୍ଜାରି ଲାକ ରେଟାଞ୍ଜାଡେ, ଇଞ୍ଜା ଏଞ୍ଜାରି ଏଟକା ଏଟକା ହାଡାତଲେ କାତା ଜଲାନା ମାହାପୁରୁତି ତାୟୁ ଆଡି କାତା ଜିକେଏ ଖେକ୍ହେରି ।

୭ ଏଞ୍ଜାରି ବାରେ ବାରଜାଣା ଆବାୟାଁ ମାଚେରି ।

୮ ତାୟୁ ପାଞ୍ଚୁଲ ଜୀହୁଦି ଲକ୍ଷୁତି ଜୀହୁଦି ଲକ୍ଷୁତି କୁଟମି ଲକ୍ଷୁତାଁ ହାଜାନା ତାନି ଲେଞ୍ଜୁ ପାଡେକା ସାସାତଲେ ମାହାପୁରୁ ରାଜିତି କାତା ଖେକ୍ହେହ୍ ଲକ୍ଷୁତି ମନତି ନାନି କିହାଲି ଅଣ୍ଡପିଡେସି ।

୯ ସାମା ଏଟିବେଲା ଏଚେକା ଲକ୍ଷୁ ଆଡ୍ଝା ହିୟାଁ ଅଡେ ମୁଣ୍ଡି ଆହାନା ଲକ୍ଷୁ ନକିତା ପ୍ରୁ ଜିରୁ କପାଟି ନିଜ୍ଞାନା ନିନ୍ଦା କାତା ଖେସ୍ପେରି, ଏଟିବେଲା ପାଞ୍ଚୁଲ ଏଞ୍ଜାରାଇଁ ପିସାନା ସୀସୁୟାୟି ଏଟକା କିଡେସି, ଇଞ୍ଜା ତୁରାନନ୍ ଇନି ଜାପୁନି ଇଲୁତା ବାରେଦିନା ଜାପୁହି ମାଚେସି ।

୧୦ ଇଲେଆହ୍ ରୀ ବାର୍ସା ପାଡେକା ଆଡେ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆତି ଲକ୍ଷୁ ବାରେଜାଣା ପ୍ରୁତି କାତା ଖେଚେରି ।

**ସ୍ଲୋବା ମାର୍କା**

୧୧ ଅଡେ, ମାହାପୁରୁ ପାଞ୍ଚୁଲ ତାଣାଟି ହାରେକା ବାଡୟୁତି କାମାୟାଁ କିହିମାଚେସି ।

† ୧୮:୧୯ ସିନଗଗ ‡ ୧୮:୨୫ ମୁଞ୍ଜିନାୟି § ୧୮:୨୭ ସିନଗଗ \* ୧୯:୩ ମୁଞ୍ଜିନାୟି † ୧୯:୩ ମୁଞ୍ଜିନାୟି ✧ ୧୯:୪ ମାତି ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭ ‡ ୧୯:୪ ମୁଞ୍ଜିନାୟି § ୧୯:୪ ମୁଞ୍ଜିନାୟି \* ୧୯:୪ ମୁଞ୍ଜିନାୟି † ୧୯:୫ ମୁଞ୍ଜିନାୟି ‡ ୧୯:୮ ସିନଗଗ

୧୨ ଇଲାଆହ୍ ପାଖୁଲ ଲେନ୍ଦିମାନି ପାଙ୍ଗାତା ତୁରନ୍ଦି ସକା କି ତୁଝାଲା ରଗ ଗାଟାରି ତାଣା ତାତିସାରେ ଏଝାରି ତାଣାତି ରଗ ପିସିମାରେ ଅଡ଼େ ବୁତୁୟାଁ ହଟା ହାଜିମାତୁ ।

୧୩ ସାମା ରେଜି ରେଜିହ୍ ବୁତୁୟାଁ ପେରନ୍ଦି ଜୀହୁଦିୟାଁ ବିତ୍ରାଟି ଏଚରଜାଣା ପଲୁଆ ବୁତୁୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେରହାଲି ଅଣ୍ପାନା ଏଲେଇଚେରି, “ପାଖୁଲ ଆମିନି ଜୀସୁଙ୍କ୍ ଝେକ୍‌ହି ମାନେସି ନାନୁ ଏଝାଣି ଦରୁଟି ନିଙ୍ଗେ ହୁକୁମି ହାହିମାଞ୍ଜାଲ୍ ।”

୧୪ ସ୍ଲେବା ଦରୁଗାଟି ର ଜୀହୁଦି କାଜା ପୁଜେରାତି ସାଡ଼ା ଜାଣା ମୀରକା ଏଲେ କିହିମାଚେରି ।

୧୫ ସାମା ପଲୁଆ ବୁତୁୟାଁ ଏଝାରାଲ୍ ଏଲେଇଚୁ, “ନାନୁ ଜୀସୁଙ୍କ୍ ପୁଞ୍ଜାମାଲ୍ ଅଡ଼େ ପାଖୁଲଙ୍କ୍ ପୁଞ୍ଜାମାଲ୍; ସାମା ମୀରୁ ଆମ୍ବାଆଚେରି ?”

୧୬ ଏଚେଟିଏ ଏ ପଲୁଆ ବୁତୁ ଆଲୁଗା ମାଚାସି ଏଝାରି ଲାକ ଡେଝାଁନା ଏଝାରାଲ୍ ଇରହାଲିଏ ଏଝାରି ନାଗ୍‌ଡ଼ା ଉଗ୍‌ଡ଼ା ରାଣାରାକା ଆହାନା ଏ ଇଲୁଟି ହଚେରି ।

୧୭ ଇ କାତା ଏପିସିୟତା ମାନି ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପୁଚେରି, ଇଞ୍ଜା ବାରେଜାଣା ଆଜିଚେରି, ଅଡ଼େ ଏମ୍ବାଆଁ ପ୍ରବୁ ଜୀସୁତି ଦରୁ ହାଚେରକା ଗାଝୁରମି କିଚେରି ।

୧୮ ଅଡ଼େ ନାମୁଗାଟାରି ବିତ୍ରାଟି ହାଚେରକା ଝାହାନା ତାମ୍ବୁ କିହାମାନି ପଲୁଆ କାମାତି ଝେସ୍ତେରି ।

୧୯ ଅଡ଼େ ଗାରୁଡ଼ି କାମା କିହିମାତି ହାଚେରକା ଜାଣା ତାମ୍ବୁ ତାମି ପତିୟାଁ ତାତିହ୍ ରୁଣ୍ଡା କିହାନା ବାରେଜାଣା ନକିତା ହୁଡିଚେରି; ଏଝାରି ଏ ବାରେଚି ଲେକା କିହାଲିଏ ରୀ କଡ଼ି ଦସ ମାଣା ଝେଣ୍ଡି ଟାକାୟାଁତି ପତିୟାଁ ମାତୁ ।

୨୦ ଇଲେଆହ୍ ପ୍ରବୁତି ବଲୁ ବାଡ଼ୟୁ ତଲେ ପାତାଆଡ଼େ ସାରିସୁରୁ ଝେଙ୍ଗିଡେ ।

**ଏପିସିୟ ଗାଡ଼ାତା ଗଡ଼ହା**

୨୧ ଇ ବାରେ କାତା ରାଡ଼ି ତାୟୁ ପାଖୁଲ ମାକିଦନିୟା ଅଡ଼େ ଆକାୟା ମାଦିଟି ଜିରୁସାଲମତା ହାଜାଲି ମନତା ତାରି କିଚେସି । ଏଝାସି ଏଲେଇଚେସି, “ଏମ୍ବାଆଁ ହାଟି ତାୟୁ ନାନୁ ରମ୍‌ତା ଜିକେଏ ହାନାୟିମାନେ ।”

୨୨ ଅଡ଼େ ଆମ୍ବାଆରି ଏଝାଣି ସେବା କିହିମାଚେରି, ଏଝାରି ବିତ୍ରାଟି ତିମତି ଅଡ଼େ ଏରାସ୍ତ ଇ ରିଆରାଲ୍ ମାକିଦନିୟାତା ପାଣ୍ଡାନା ଏଝାସି ଏଚରଦିନା ପାଚେକା ଆସିୟାତା ଡ଼ୟିଚେସି ।

୨୩ ଏଚିବେଲାତା ପ୍ରବୁ ତସାମାନି ଜିରୁଡ଼ି କାତା ଅହାନା ଏପିସିୟତା ହାଚେରକା ଗଡ଼ହା ଆଡ଼େ ।

୨୪ ଦିମିଡ଼ିୟ ଦରୁଗାଟି ର ଝେଣ୍ଡି କାମାକିନାସି ଆଚେର୍ମି ପେନୁତି ର ଝେଣ୍ଡିଟି ଦେଝୁଡ଼ି କିହିମାଚେସି, ଇଞ୍ଜା ଏଝାଣି ଇ ବେବାରା କାମା କିନାରାକି ହାଚେରକା ଲାବ୍ ଆହିମାଚେ ।

୨୫ ଏମ୍ବାଟିଏ ଏଝାସି ଇଞ୍ଜା ଏଝାରିଲେହେଁ କାମା କିନାରାଲ୍ ହାଟାନା ଏଲେଇଚେସି, “ବାବୁୟାଁ ଇ କାମାଟି ମୀର ଦନ ବେଟାଆହି ମାନାୟି ଇଞ୍ଜା ମୀରୁ ବାରେ ପୁଞ୍ଜାମାଞ୍ଜେରି;

୨୬ ଅଡ଼େ, କେସ୍ତାତଲେ କେପିତି ପେଣ୍ଡକା ମାହାପୁରୁ ଆଏ ଇଞ୍ଜାଁ ଝେସାନା ପାଖୁଲ ଝାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାଚେରକା ଲକୁଣି ଜୀହୁଦିୟାଁ ଏମ୍ବାଟି ମାଡ଼ି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି ।

୨୭ ଇମ୍ବାଆଁ ଝାରଇ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆଚେର୍ମିଲ୍ ବାରେ ଆସିୟା ଅଡ଼େ ଦାରତିତି ଲକୁ ପୂଜା କିହିମାନେରି, ଏଦାନି ଦେଝୁଡ଼ି ଜିକେଏ ଲକୁ ମାନି କିଅରି, ଇଞ୍ଜା ଆଚେର୍ମି ପେନୁତି ଦରୁ କାଜା ଦରୁ ଇଞ୍ଜାଁ ଝେଙ୍ଗେଏ ।”

୨୮ ଇ କାତା ଝେଞ୍ଜାନା ବାରେଜାଣା କାରବି ଆହାନା କାଜା ଗିୟାତଲେ ଏଲେଇଚେରି, “ଏପିସିୟ ଲକୁତି ଆଚେର୍ମିଏ କାଜା ପେନୁ ।”

୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡ଼େ, ଇଞ୍ଜା ଲକୁ ବାରେ କାଲୁଝି ଆହାନା ପାଖୁଲ ତଲେ ହାଜିମାତି ମାକିଦନିୟାତି ଗାୟ ଅଡ଼େ ଆରିସ୍ତାକିଲ୍ ଦସାନା କାହିନି ବାଟାତା ହଚେରି ।

୩୦ ଏମ୍ବାଟିଏ ପାଖୁଲ ଲକୁ ମାନ୍ଦା ବିତ୍ରା ହାଜାଲି ଅଣ୍ପିଚେସି, ସାମା ସୀସୁୟାଁ ଏଝାଣାଲ୍ ହାଜାଲି ହାଆଚେରି ।

୩୧ ଅଡ଼େ ଆସିୟାତି ସାଲୁଝି କିନାରି ବିତ୍ରାଟି ଜିକେଏ ଏଝାରି ତଡ଼ୁ ଗାଟାରି ମାଚାକି କାହିନି ବାଟା ମାଦି ହାଲାଆପେସି ଇଞ୍ଜାଁ ଲକୁଣି ଝେସା ପାଣ୍ଡାନା ଏଝାଣାଲ୍ ବାଡ଼ିମାଲିଚେରି ।

୩୨ ଏଚିବେଲା ହାଚେରକା ଗଡ଼ହା ଆହିମାଚେ, ଇଞ୍ଜା ଲକୁ ମାନ୍ଦା ମାନ୍ଦା ଆହ୍ ଏଚରଜାଣା ଇ କାତା ଅଡ଼େ ଏଚରଜାଣା ଏ କାତା ଇଞ୍ଜାଁ କାଲୁଝି ଆହିମାଚେରି, ଅଡ଼େ ଏଝାରି ଏନାଆଁତାକି ରୁଣ୍ଡା ଆହାମାନେରି ହାଚେରକା ଲକୁ ପୁଞ୍ଜାହିଲାଆଚେରି ।

୩୩ ଲକୁ ବିତ୍ରାଟି ଏଚରଜାଣା ଏଲେଇଚେରି, ଆଲେକ୍‌ଜାଣ୍ଡାର ଇଦାଆଁତାକି ଦାୟି, ଇଚିହ୍ ଜୀହୁଦି ଲକୁ ଏଝାଣାଲ୍ ନକିତା ନିପହା ମାଚେରି, ଆଲେକ୍‌ଜାଣ୍ଡାର କେୟୁ ପେରହାନା ଲକୁଣି ପାଲେଏ ଆହାଲି କେୟୁ ଜୀଞ୍ଜିଚେସି, ଅଡ଼େ ନାମୁଗାଟାରି ଝାକିଟି ଝେସାଲି ଅଣ୍ପିଚେସି ।

୩୪ ସାମା ଏଝାସି ର ଜୀହୁଦି ଇଞ୍ଜାଁ ଏଚିବେଲା ଏଝାରି ପୁଚେରି; ଏଚିବେଲା ବାରେଜାଣା କାଜା ଗିୟାତଲେ ରୀ ଗଂଟା ପାଚେକା କାଲୁଝି ଆହାନା ଏଲେଇଚେରି, “ଆଚେର୍ମିଏ ଏପିସିୟ ଲକୁତି କାଜା ପେନୁ ।”

୩୫ ତାୟୁ ଗାଡ଼ାତି କାଜାସି ଲକୁଣି ସୁସ୍ତି କିହାଲି ଝେସ୍ତେସି, “ଏ ଏପିସିୟତା ମାନି ତାୟିୟାଁଚେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆଚେର୍ମିତି ଦେଝୁଡ଼ି ଇଞ୍ଜାଁ ହାଗୁଲାକଟି ରେଟା ଝାହାମାନି ସୁଡୁତି ବମା ଗେଲୁପିକିଝି ଆହାମାନେ ।

୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୁସ୍ତି ଆଦୁ, ଏନି ବୁଦି ହିଲାଆ

କାମା କିଆଦୁ ।

୩୭ ଇଚିହଁ ଇ ଆମିନି ଲକୁଇଁ ମୀରୁ ଦସା ତାତାମାଞ୍ଜେରି, ଇଝାରି ଦେଝୁଡ଼ିତି ସରୁ କିହାହିଲଅରି, ଇଞ୍ଜା ମା ଦେଶକା କପାଟି ଏନି ନିନ୍ଦା କାତା ଜଲା ହିଲଅରି ।

୩୮ ଏଦାଆଁତାକି ଦିମିଡ଼ିୟ ଅଡ଼େ ଏଝାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଟିହଁ, ନାହାଁୟି କିହାଲି ନାହାଁୟି ଇଲୁ ଦେପିଆହାମାନେ, ଇଞ୍ଜା ନାହାଁୟି କିନାରି ମାନେରି, ଏଝାରି ନକିତା ତାମ୍ବୁତାମି ଦାଝା କିପେରି ।

୩୯ ଇଦାଣିକିହାଁ ଆଗାଡ଼ା ଅଣ୍ଡପିମାଟିହଁ, ଲକୁ ତାଣାଟି ମେରା କିଝି ଆହାମାନି ନାହାଁୟି କିନି ତାଣା ଏଦାଆଁ ଡିକ୍‌ନାୟି ଆନେ ।

୪୦ ଇଚିହଁ ସାତେଏ ନୀଞ୍ଜୁଡ଼ି ଗଡ଼ହା ତାକି ମା କପାଟି ଦାଝା ଆନାୟି ମାନେ; ଏନିଇଚିହଁ ଏ ଗଡ଼ହା ଏଦାଆଁତାକି ହଡ଼େ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି ।”

୪୧ ଇ ବାରେ କାତା ଝେସାନା ଲକୁଣି ସୁସ୍ତି କିହାନା ନାହାଁୟି ତୁକ୍‌ହେସି ।

### ୨୦

#### ମାକିଦନିୟା ଅଡ଼େ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତି ତାୟୁ ପାଝୁଲ ସୀସୁୟାଁଣି କୁଡ଼ି କିହାନା ଏଝାରାଇଁ ବାସୁଡ଼ି କାତା ଝେସେସି, ଏଝାରି ତାଣାଟି ହେଲ ଅହାନା ମାକିଦନିୟାତା ହାଚେସି ।

୨ ଏଝାସି ବାରେ ନାସ୍‌କାଟି ହାଜିହଁ, ହାରେକା ସୀସୁୟାଁଣି ବାସୁ ହାହାନା ଗ୍ରିସ୍ ଦେସାତା ହାଚେସି ।

୩ ଏମ୍ବାଟିଏ ଏଝାସି ଏମ୍ବାଆଁ ତାନି ଲେଞ୍ଜୁ ତୟିତେସି, ଏଝାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଦି ଲକୁ ଏଝାଣାଇଁ ପାୟାଲି ତୀରି କିହାମାନେରି ଇଞ୍ଜା କାତୁ ପୁଞ୍ଜାନା ମାକିଦନିୟା ଝାକିଟି ଝେଶ୍ଟେ ହାଜାଲି ତୀରି କିତେସି ।

୪ ଅଡ଼େ ବେରିୟା ତାସି ପୁରୁଡ଼ି ମୀରୁଏସି ସପାତର, ଅଡ଼େ ତେସଲନିକି ଗାଡ଼ାତି ଆରିସ୍‌କା, ସେକୁନ୍, ଦବିତି ଗାୟ, ତିମତି ଅଡ଼େ ଆସିୟାତି ଲକୁ ବିତ୍ରାଟି ତୁକିକ ଅଡ଼େ ତୁପିମ ଏଝାଣିତଲେ ହାଚେରି ।

୫ ଏଝାରି ବାରେଜାଣା ନକେଏ ହାଜାନା ତୁୟାତା ମାଞ୍ଜେ କାଟିମାଞ୍ଜାତେରି ।

୬ ଅଡ଼େ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାରୁ ତାୟୁ ମାମ୍ବୁ ପିଲିପିଟି ଏୟୁ ଜାଜାଟି ହାଚମି, ଇଞ୍ଜା ପାସା ଦିନା ତାୟୁ ତୁୟାତା ଏଝାରାଇଁ ବେଟାଆହାନା; ଏମ୍ବାଆଁ ର ଝାରି ତୁୟିତମି ।

#### ତୁୟାତା ପାଝୁଲ ତାୟୁ ପାଲି ହାନାୟି

୭ ଝାରାତି ମୁଲୁ ଦିନାତି ମିଡ଼ଅଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି, ପାଝୁଲ ଅର ନେରୁ ହାନାୟି ମାଚାକି ଏଝାସି ଲକୁଣି ମାଦି ନେକେରି ପାତେକା ନେହଁ କାତା ଝେସିମାଚେସି ।

୮ ମାମ୍ବୁ କୁଡ଼ା ଆହାମାନି ଲାକନି ପାରୁଡ଼ି ଇଲୁତା ଏମ୍ବାଆଁ ହାରେକା ଦୀଝୁୟାଁ ଡ଼ାଞ୍ଜିମାରୁ ।

୯ ଅଡ଼େ ଇଝୁଡୁକ ଇନି ର ଦାଂଗଣେଏସି କିଡ଼କି ଲାକ କୁଗାମାଚେସି, ଏଝାଣାକି ହାରେକା ଇଦା ଝାହିମାଚେ; ଇଞ୍ଜା ପାଝୁଲ କାତା ହାରେକା ଲାମ୍ବା କିହଁ ଝେସିମାଚାକି ଇଝୁଡୁକ ତାନି ପାରୁ ଗାଟି ଇଲୁ ଲାକଟି ଡ଼ଇ ରୀତେସି, ଏଚିବେଲା ଏଝାରି ଇଝୁଡୁକଇଁ ନିକ୍‌ହେରି, ଏଝାସି ହାହାମାଚେସି ।

୧୦ ସାମା ପାଝୁଲ ଡ଼ଇ ରେଚାଝାହାନା ଏଝାଣି ମୁହେଁ ମାରୁହାନା ଏଝାଣାଇଁ ପମାନା ଏଲେଇଚେସି, “ଆଜାଆଦୁ ଇଚିହଁ ଇଝାଣି ତାଣା ଜୀଝୁ ମାନେ ।”

୧୧ ତାୟୁ ଲାକ ହାଜାନା ରୁଟି ବାଟିକିହାଁ ତିଚେରି, ଇଞ୍ଜା ଲାକ ଝେୟିନି ପାତେକା ହାଡ଼ାକାତା ଆହାନା ପାଝୁଲ ହାଚେସି ।

୧୨ ଅଡ଼େ ଲକୁ ଏ ଦାଂଗଣା କକାଣାଇଁ ଜୀଝୁତଲେ ଇଜ ଅହଁ ହାଚେରି ଇଞ୍ଜା ଏଝାରି ହାରେକା ବାସୁ ବେଟାଆଡ଼େରି ।

#### ତୁୟାଟିଏ ମିଲିତତା ହାନାୟି

୧୩ ସାମା ମାମ୍ବୁ ନକେଏ ଜାଜାତା ହଚାନା ଆସସ୍‌ତା ହାଚମି, ଏମ୍ବାଟିଏ ମାମ୍ବୁ ପାଝୁଲଇଁ ଅହାଲି ଅଣ୍ଡପାମାଚମି, ଇଚିହଁ ଏଝାସି ତାୟୁଏ ତାକିହଁ ହାଜାଲି ତୀରି କିହାମାଚେସି ।

୧୪ ଏଚିବେଲା ଏଝାସି ଆସସ୍‌ତା ମାଞ୍ଜେ ବେଟା ଆୟାଲିଏ, ମାମ୍ବୁ ଜୁଜାତା ଏଝାଣାଇଁ ମିଡ଼ିଲିନିତା ତାଟିହଁ ଝାଡ଼ମି,

୧୫ ଅଡ଼େ ଏମ୍ବାଟି ହାଜାନା ଏ ଅର ନେରୁ କିଅସ୍‌ତା ଏଗାହାଚମି, ଅଡ଼େ ର ଦିନାତି ଜେଚ ସାମସ୍‌ତା ଏଜାହାଁ, ତାନି ଅର ନେରୁ ମିଲିତତା ଏଗାହାଚମି ।

୧୬ ଇଚିହଁ ପାଝୁଲ ଆସିୟା ରାଜିତା ହାରେକା ଦିନା ତୁୟାଆନା, ଇଦାଆଁତାକି ଏଝାସି ଏପିସିୟ ପିସାନା ହାଜାଲି ତୀରି କିହାମାଚେସି, ଆଡ଼ିସାରେ ପେଡ଼ିକସ୍‌ତା ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି ।

#### ଏପିସିୟ କୁଲମିତି କାଜାରାଇଁ ପାଝୁଲ ଝେହନାୟି

୧୭ ମିଲିତଟିଏ ପାଝୁଲ ଏପିସିୟ କୁଲମିତି କାଜା ଲକୁଣି କାତୁ ପାଣ୍ଡାନା ହାଟିକିତେସି ।

୧୮ ଏଝାରି ତାନି ତାଣା ଝାୟାଲିଏ, ଏଝାସି ଏଝାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହଁ ମାଚେଏଁ ମୀରୁ ପୁଞ୍ଜାମାଞ୍ଜେରି,

୧୯ ପ୍ରବୁତି ହଲେଏଣା ଆହାନା ଜାହାରାଇଁ ଡ଼ଣା କିହାଁ ଅଡ଼େ କାଣ୍ଡୁ ବକହାଁ ନାଞ୍ଜେ ସାସ୍ତି ଝାଡ଼ାଟି ନାନୁ ପ୍ରବୁତି ସେବା କିତେଏଁ, ଏଦାଆଁତାକି ଇଚିହଁ ଏଚରଜାଣା ଜୀହୁଦି ଲକୁଡ଼ି ପାରୁ ପାରିମାଚାକି ।

୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଲେ ଲକୁତାଣା ଝେହନାଟି ଅଡ଼େ ମିଞ୍ଜେତାକି ଇଲୁତା ଝେସ୍‌ତାନି ବେଲାତା ମୀ ନେହେଁ ଆନିଲେହେଡ଼ି ଏଦାଆଁ ଜିକେଏ ଡ଼କୁହା ହିଲାଆତେଏଁ,



୨୧ ଜୀହୁଦି ଅଡ଼େ ଜୀହୁଦିଆଆତି ଲକୁ ନକିତା ଜାଗ୍ରାତା କିହୁଁ ସାକି ହାହାନା ଝେସାମାଚେଏଁ, ଏଞ୍ଜାରି ପାପୁଟି ଏଟକା ଆହାନା ମାହାପୁରୁ ଝାକି ମନ ଝେଟ୍‌ହା କଡାନା ମା ପ୍ରବୁ ଜୀସୁଇଁ ନାମିନେରି ।

୨୨ ନୀଏଁ ମେହ୍‌ଦୁ, ନାନୁ ସୁଦୁଜୀଝୁଇଁ ମାନଝି ଆହାନା ଜିରୁସାଲମତା ହାଜିମାଇଁ, ଏମ୍ପାଆଁ ନାଜେଟାକି ଏଦାଆଁ ଆନେ ନାନୁ ପୁଞ୍ଜାହିଲଅଁ;

୨୩ ସୁଦୁଜୀଝୁ ନାଜେ ଜାଗ୍ରାତା କିହୁଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆଇଁ ।

୨୪ ସାମା ନାନୁ ଏନିକଁ ନା ତୀରିଆହାମାନି ଚାୟୁ ପାତେକା ହଟାଲି ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି ନେହଁ କାବୁତାକି ସାକି ହାହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଟାଆହାମାଇଁ, ଏଦାଆଁ ଏନିକଁ ରାପହାଲି ଆଡ଼ିଇଁ, ଏଦାଆଁତାକି ନା ଜୀଝୁତି କାଜାୟି ଇଞ୍ଜି ଅଣ୍ଡି ହିଲଅଁ ।”

୨୫ “ଅଡ଼େ ନୀଏଁ ନାନୁ ପୁଞ୍ଜିମାଇଁ ମୀରୁ ଅଡ଼େ ନାଜେ ଝେଣ୍ଡେ ମେସ୍ତଅତେରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହଁ ଝେସାମାଞ୍ଜାଇଁ ।

୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଟ୍‌ଝା ତଲେ ଝେସିମାଇଁ, ମୀ ବିତ୍ରାଟି ଆମ୍ପାଆସି ନାସା ଆତିହଁ ଏମ୍ପାଟି ଦାୟି ନାନୁ ଆଏ

୨୭ ଇଚିହଁ ମାହାପୁରୁ ଅଣ୍ଡିମାନାଣି ବାରେ ମିଜେ ଝେସାଲି ନାନୁ ପିସା ହିଲଅଁ ।

୨୮ ମୀରୁ ମିଜେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଲେ କଡାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଝୁ ବାରେ ମାନ୍ଦା ବିତ୍ରାଟି ଗୁମ୍ପସା କିହୁଁ ମିଜା ଆଚାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ ।

୨୯ ନାନୁ ହାତି ତାୟୁ ଆଜିହ୍‌ପେତି ଗାଡ଼ବେ କ୍ଳାଝନଁ ଝାନୁ, ଅଡ଼େ ମେଣ୍ଡାୟି ମାନ୍ଦାତି ରାଣାରାକା କିଆନା ପିହଡ଼,

୩୦ ଦିନା ଝାନେ, ଏଚିବେଲା ମୀ ଗଚିତି ଏଚେକା ସୀସୁୟାଁ ନିଜାନା ନାମ୍ପୁ ଗାଟାରାଇଁ ମିତି କାତା ଝେସାନା ଏଟକା ଜିରୁତା ଅନେରି,

୩୧ ଏଚିବେଲା ଜାଗ୍ରାତା ଡ଼ୟାଦୁ, ନାନୁ ଲାଆଁ ମାଦେନା କାଣ୍ଡୁ ଝାକ୍‌ହିହଁ ତାନି ବାର୍ସା ପାତେକା ବାରେତେରି ମିଜେ ଜାପହା ମାଞ୍ଜାଇଁ, ଇ କାତା ଅଣ୍ଡପୁତା ଇଟାଦୁ ।”

୩୨ ନୀଏଁ ନାନୁ ମିଜେ ମାହାପୁରୁ ଇଞ୍ଜା ତାନି କାର୍ମାମେହ୍‌ନି ବଲୁ ନକିତା ହେର୍‌ପିମାଞ୍ଜାଇଁ, ଇ କାର୍ମାଟି କାତା ମିଜେ ବାଡ଼ୟୁ ତଲେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକୁ ବିତ୍ରା ଅଦିକାରା ହାହାଲି ଆଡ଼ାନେସି ।

୩୩ ନାନୁ ଆମ୍ପାଆରି ବାଂଗାରା, ଝେଣ୍ଡି କି ହିମ୍ପରିକା ଜୁପକା ଆହାହିଲାଆତେଏଁ ।

୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଲେ କାମା କିହାନା ନାଜେ ଅଡ଼େ ନା ତଡ଼ ଲକୁତି ବାରେ ଲଡ଼ାମାନାଣି

ବେଟାଆହାମାଇଁ ।

୩୫ ଇଲେକିହଁ କସ୍ତ କିହାନା ଆଡ଼ାଆ ଗାଟାରି ସାୟେମି କିନାୟି, “ଇଚିହଁ ରୀହ୍‌ନି କିହୁଁ ହୀନାୟି ହାରେକା ନେହାୟି” ପ୍ରବୁ ଜୀସୁ ତାନୁଏ ଇ କାତା ଝେସାମାଞ୍ଜାନେସି, ଇ କାତା ମୀରୁ ଅଣ୍ଡିମାୟି ମାନେ, ଇ ବାରେ କାତାତଲେ ମିଜେ ପୁଣ୍ଡି କିହିମାଞ୍ଜାଇଁ ।

୩୬ ଇ ବାରେ କାତା ଝେସାଲି ରାପ୍‌ହି ତାୟୁ ପାଝୁଲ ମେଣ୍ଡାକୁତାନା ବାରେଜାଣା ତଲେ ପ୍ରାଡ଼ାନା କିତେସି ।

୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହିଁ ପାଝୁଲଇଁ ପମାହୁଁ ନଣ୍ଡିତେରି ।

୩୮ ଏଞ୍ଜାରି ଅଡ଼େ ତାନି ମୁମ୍ପୁ ଝେଣ୍ଡେ ମେସାଲି ଆଡ଼ଅରି, ଏଞ୍ଜାସି ଝେସାମାଟି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇଚି ହାଚେରି ।

### ୨୧

#### ପାଝୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ପୁ ଏୟୁ ଜାଜାତା ହଟାହୁଁ ସଲକେ ଜିରୁଟି କସ୍ତା ଝାଡ଼ମି, ତାନି ଅଡ଼ ନେରୁ ରଦାତା, ଇଞ୍ଜା ଏମ୍ପାଟିଏ ପାତାରାତା ଝାଡ଼ମି ।

୨ ଏମ୍ପାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ପାଆଁ ହଟାହୁଁ ହାଚମି ।

୩ ତାୟୁ କୁପ୍ର ତଞ୍ଜା ଆହାଲିଏ ତାନି ଚେବୁଝାକି ପିସାନା ମାମ୍ପୁ ସିରିୟାତା ହାଜାନା ସରତା ଏଗାଚମି, ମାମ୍ପୁ ଟ୍ରାୟରତା ଜାଜାଟି ରେଚମି, ଇଚିହଁ ଏମ୍ପାଆଁ ଜାଜାଟି ଆସି ରେପନାୟି ମାଚେ ।

୪ ଏମ୍ପାଆଁ ନାମିତି ସୀସୁୟାଁଣି ପାରାନା ଏଞ୍ଜାରାଇଁ ବେଟାଆହାନା ଏମ୍ପାଆଁ ସାଡ଼ା ଦିନା ଡ଼ୟିତମି; ଇଞ୍ଜା ପାଝୁଲ ଏନିକଁ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜୀଝୁ ତଲେ ବାତିମାଲିତେରି ।

୫ ମାମ୍ପୁ ସାଡ଼ା ଦିନା ଡ଼ୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡ଼େ ମାଜେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟାଁ ତଲେ ଗାଡ଼ାତି ପାଙ୍ଗାତା ମାନି ସାମଦୁରି ଗାଟୁ ପାତେକା ଇଚି ଝାଡ଼େରି, ଏମ୍ପାଆଁ ମେଣ୍ଡାକୁତାନା ମାମ୍ପୁ ହାରେଚମି ପ୍ରାଡ଼ାନା କିଚମି,

୬ ତାୟୁ ମାମ୍ପୁ ହାରେଜାଣାଟି ହେଲ ହାହାନା; ଜାଜାତା ହଟମି, ଇଞ୍ଜା ଏଞ୍ଜାରି ତାନି ଇଜ ଝେଣ୍ଡା ହାଚେରି ।

୭ ମାମ୍ପୁ ସୁର୍ ଗାଡ଼ାଟି ପତଲମାୟିତା ଏଗାହାଚମି, ଇଞ୍ଜା ଏମ୍ପାଆଁ ତାୟିୟାଁଣି ଜହରା କିହାନା ଏମ୍ପାଆଁ ର ଦିନା ଏଞ୍ଜାରିତଲେ ଡ଼ୟିତମି ।

୮ \*ଅଡ଼େ ଅଡ଼ ନେରୁ ହାଜାନା କାୟିସରିୟାତା ଏଗାହାଚମି, ଏମ୍ପାଆଁ ମାମ୍ପୁ ନେହଁ ବଲୁ ଝେକନି ପିଲିପ ଇଜ ହାଜାନା ଡ଼ୟିତମି, ଜିରୁସାଲମତା ସେବା କାମା କିହାଲି ଆଚାମାନି ସାଡ଼ା ଜାଣା ବିତ୍ରାଟି ଏଞ୍ଜାସି ରଅସି ମାଚେସି ।

☆ ୨୧:୮ କାମା ୨:୫; ୮:୫

୯ ଏଞ୍ଜାଣାକି ସାରି ଜାଣା ତାଆ ମାୟକା ମାରୁ, ଏଞ୍ଜି ବାରେ ମାହାପୁରୁ ଅଣ୍ଟପୁତି ବଲୁ ଖେହ୍ନାଇ ମାରୁ ।

୧୦ ଏମ୍ବାଆଁ ହାରେକା ଦିନା ତୁୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଜାହୁଦା ଦେସାଟି ଖାଡ଼େସି ।

୧୧ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାଟି ତୁରି ଅହାନା ତାନି କେୟା କତାଣା ଦସା କତାନା ଏଲେଇଚେସି, “ସୁଦୁଜୀଞ୍ଜୁ ଏଲେଇଞ୍ଜି ଖେସିମାଞ୍ଜାନେ, ଇଦାଆଁ ଦସା କଡିନି ଜାଟି ତୁରି ଗାଟାଣାଇଁ ଜିରୁସାଲମତି ଜୀହୁଦି ଲକୁ ଇଲେକ୍ ଦସାନା ଜୀହୁଦିଆଆତି ଲକୁତି କେୟୁତା ହେରପିନେରି ।”

୧୨ ଇ ବାରେ କାତା ଖେଞ୍ଜାନା ଜିରୁସାଲମତା ହାଲାଆନି ଇଞ୍ଜି ମାୟୁ ଅଡ଼େ ଏମ୍ବାଟି ଲକୁ ବାତିମାଲିତମି ।

୧୩ ସାମା ପାଞ୍ଜୁଲ ଏଲେଇଚେସି, “ମୀରୁ ତାହି ତାହି ଏନାଆଁତାକି ନା ହିୟାତି କାଡ଼ି କିହିମାଞ୍ଜେରି, ଏନିଇଚିହ୍ ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣ୍ଟପିମାଇଁ, ଇଞ୍ଜି ଇଚେସି ।”

୧୪ ଏଞ୍ଜାସି ମା କାତା ମାନଞ୍ଜି ଆଆତାକି ମାୟୁ ବାରେ ପାଲେଏ ଆଡ଼ମି, ଇଞ୍ଜି “ପ୍ରବୁତି କାତେଏ ଆଡ଼େ” ଇଞ୍ଜି ଇଚମି ।

୧୫ ଏମ୍ବାଆଁ ଏଚରଦିନା ମାଟି ତାୟୁ ମାୟୁ ଫୁଆ ଆସ୍ତି ଆସାନା ଜିରୁସାଲମତା ହାଚମି ।

୧୬ ଅଡ଼େ କୁପ୍ରତି ମନାସନ ଦରୁଗାଟି ର ନାମୁଗାଟାସି ଅଡ଼େ କାୟିସରିୟାଟି ଏଚରଜାଣା ସୀସୁୟାଁ ମା ତଲେ ହାଚେରି; ମନାସନ ଇଜ ମାୟୁ ତୁୟିନାୟି ମାଚେ ।

**ଜାକୁବ ତଲେ ପାଞ୍ଜୁଲ ବେଟାଆନାୟି**

୧୭ ମାୟୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଞ୍ଜେ ରାହାଟି ହାଟା ଅୟାଚେରି ।

୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାଚେସି; ଅଡ଼େ ବାରେ ପ୍ରାଟିନାଞ୍ଜା ଏମ୍ବାଆଁ କୃଡ଼ା ଆଡ଼େରି ।

୧୯ ପାଞ୍ଜୁଲ ଏଞ୍ଜାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଖେସ୍ତେସି ।

୨୦ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିଚେରି, ଅଡ଼େ ଏଞ୍ଜାଣାଇଁ ଏଲେଇଚେରି, “ଏ ତାୟି, ପାଞ୍ଜୁଲ ନୀଏଁ ମେସିମାଞ୍ଜି ଜୀହୁଦିୟାଁ ବିତ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମେରାତି ମାନଞ୍ଜି ଆହିମାନେରି ।

୨୧ ଏଞ୍ଜାରି କାରୁ ବେଟାଆହା ମାନେରି, ନୀନୁ ଏଚକା କୃଡ଼ାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡ଼େ ଜୀହୁଦି ଲକୁତି ପାଣାପାଟୁ ମାନଞ୍ଜି ଆଆଦୁ ଇଞ୍ଜି ଜାପୁହିମାଞ୍ଜି ।

୨୨ ନୀନୁ ଇମ୍ବାଆଁ ଖାହାମାନି କାରୁ ସାଚେଏ ଏଞ୍ଜାରି ଖେନେରି, ଆତିହ୍ ଏନି କିନାୟି ?

୨୩ ଏଦାଆଁତାକି ମାୟୁ ନିଞ୍ଜେ ଏନାଆଁ ଖେସିମାଞ୍ଜାନମି ଏଦାଆଁ କିମ୍ବୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା କିହାମାନେରି;

୨୪ ଏଞ୍ଜାରିତଲେ ହାଲାମୁ ଇଞ୍ଜା ଏଞ୍ଜାରିତଲେ ଆଣ୍ଡାନା ନିଞ୍ଜେ ଅଚହା କତାମୁ, ଇଞ୍ଜା ଏଞ୍ଜାରି ତାର୍କା ହିଶ୍ନି କାରୁ ହୀମୁ, ଆତିହ୍ ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜି ପୁଞ୍ଜାମାନେରି ।

୨୫ ସାମା ଆମିନି ଏଚକା କୃଡ଼ାତାରି ନାମାମାନେରି, ଏଞ୍ଜାରି ପେଣ୍ଟକା ବମାୟାକି ପୂଜା ହୀହାମାନି ବଗୁ, ନେଚେରି ଇଞ୍ଜା ହେରକି ତିଶ୍ଟାନା ପାୟିତି ଜଡ଼ଡ଼ି ଉଞ୍ଜା ତିନାଆଦୁ, ଇଞ୍ଜା ଦାରିକାମାଟି ଏଚକା ଆଦୁ, ଇଞ୍ଜି ମାୟୁ ତାରିକିହା ଏଞ୍ଜାରାକି ର ଆକୁ ରାଟାମାନମି ।”

୨୬ ଏମ୍ବାଟିଏ ପାଞ୍ଜୁଲ ଅର ଦିନା ଏଞ୍ଜାରିତଲେ ହାଜାନା ଅଚହା କଡିନି ମେରା ମାନଞ୍ଜି ଆଡ଼େସି, ଇଞ୍ଜା ମାହାପୁରୁ ଇଲୁତା ହାଜାନା ତାମି ଅଚହା କଡିନି ଦିନାୟାଁ ଏଚେଲା ରାନେ ଅଡ଼େ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଖେସ୍ତେସି ।

**ମାହାପୁରୁ ଇଲୁତା ପାଞ୍ଜୁଲ ଦସପି ଆନାୟି**

୨୭ ଏ ସାତା ଦିନା ପୂରା ଆହିମାଟାଟି ଆସିୟା ଦେସାଟି ଏଚେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଜୁଲଇଁ ମେସାନା ଏଞ୍ଜାରି ଏମ୍ବାଆଁ କୃଡ଼ା ଆହାମାନି ମାନ୍ଦା ଲକୁଣି ମାଡ଼ଞ୍ଜି କିଚେରି, ଅଡ଼େ ଏଞ୍ଜାଣାଇଁ ଆସାନା କାଲୁଞ୍ଜି ଆହ୍ ଏଲେଇଚେରି ।

୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକୁତି କପାଟି ଅଡ଼େ ମସା ହୀତି ମେରା ଇଞ୍ଜା ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜା ନୀଏଁ ଏଚରଜାଣା ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଚାୟୁତି ପଲୁଆ କିହିମାନେସି ।”

୨୯ ଇଚିହ୍ ଏଞ୍ଜାରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଜୁଲ ତଲେ ମେସାମାଚେରି, ଅଡ଼େ ଏଞ୍ଜାଣାଇଁ ମାହାପୁରୁ ଇଲୁତା ତାଚାମାନେସି ଇଞ୍ଜି ଅଣ୍ଟପିମାଚେରି ।

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡ଼େ, ଇଞ୍ଜା ଲକୁ ମାନ୍ଦା ମାନ୍ଦା ଆହ୍ ହଚାନା ପାଞ୍ଜୁଲଇଁ ଆସାନା ମାହାପୁରୁ ଇଲୁଟି ରେଜା ତାଚେରି; ଇଞ୍ଜା ଏ ଦେବୁଣିଏ ମାହାପୁରୁ ଇଲୁତି ଦାରାୟାଁ ସୁଣ୍ଡିଚେରି ।

୩୧ ଅଡ଼େ ଏଞ୍ଜାରି ପାଞ୍ଜୁଲଇଁ ପାୟାଲି ଅଣ୍ଟପିଚେରି, ଇଞ୍ଜା ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜି ରିଜାରି କସକାତି କାଜାଣି ତାଣା କାରୁ ହୀଚେରି ।

୩୨ ଏମ୍ବାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜା ପାସାକଡ଼ି କସକା ମୁହେଁ କାଜାରାଇଁ ଆସାନା ଏଞ୍ଜାରିତାଣା

☆ ୨୧:୧୦ କାମା ୧୧:୨୮ ☆ ୨୧:୨୫ କାମା ୧୫:୨୯ ☆ ୨୧:୨୯ କାମା ୨୦:୪

ଦାବ୍ତ ହାରେସି, ଲକୁ ରିଜାରି କସ୍କା ଅଡ଼େ କସ୍କା ମୁହେଁ କାଜାରାକ୍ ମେସାନା ଏଞ୍ଜାରି ପାଞ୍ଜୁଲକ୍ ଝେଚାଲି ପିସ୍ତେରି ।

୩୩ ଏମ୍ବାଟିଏ କସ୍କା ମୁହେଁ କାଜାସି ପାଞ୍ଜୁଲ ତାଗେ ହାଜାନା ଏଞ୍ଜାଣାକ୍ ଆସାନା ରୀ ହିକ୍‌ଣିୟାଁ ତଲେ ଦସାଲି ହୁକୁମି ହୀଡେସି, ଅଡ଼େ “ଇଞ୍ଜାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜୁଁ ଝେଚେସି ?”

୩୪ ଏଚେଟିଏ ଲକୁ ବାରେ ଆମ୍ବାଆରି ଇ କାତା ଆମ୍ବାଆରି ଏ କାତା ଇଞ୍ଜୁଁ କାଲ୍‌ଝି ଆଡେରି, ଇଞ୍ଜାଁ ଏନାଆଁ ଆହାମାନେ ଇଞ୍ଜୁଁ ତୀରପୁଡି କାତା ପୁନାଆନା ପାଞ୍ଜୁଲକ୍ କଟା ଇଲୁତା ଅହାଲି କସ୍କାଣି ହୁକୁମି ହୀଡେସି ।

୩୫ ଏଚିବେଲା ଏଞ୍ଜାସି ପାଞ୍ଜୁଜି ପିଣ୍ଡାଣା ଏଗାହାଜାଲିଏ, ଲକୁତି ମାନ୍ଦା କାର୍‌ବିଟି କାଲ୍‌ଝି ଆୟାଲିଏ କସ୍କା ପାଞ୍ଜୁଲକ୍ ଇଲୁ ବିତ୍ରା ଡେକା ଅଡେରି ।

୩୬ ଇଚିହୁଁ ମାନ୍ଦା ମାନ୍ଦା ଲକୁ ଜେଟ ଝାହିହୁଁ “ଏଞ୍ଜାଣାକ୍ ପାୟାଦୁ” ଇଞ୍ଜୁଁ କାଲ୍‌ଝି ଆହିମାଚେରି ।

**ପାଞ୍ଜୁଲ ତାନୁଏ ତାଙ୍ଗେତାକି ଝେହ୍‌ନାୟି**

୩୭ ଏଞ୍ଜାରି ପାଞ୍ଜୁଲକ୍ କଟା ଇଲୁ ବିତ୍ରା ଅହିମାଚାଟି ଏଞ୍ଜାସି କସ୍କା ମୁହେଁ କାଜାଣାକ୍ ଏଲେଇଚେସି, “ନାନୁ ନିଙ୍ଗେ ର କାତା ଝେସାଲି ଆଡାକ୍ କି ?” ଏମ୍ବାଟିଏ କାଜାସି ଏଲେଇଚେସି “ନାନୁ ଗ୍ରିକ୍ ହାଡା ପୁଞ୍ଜି କି ?

୩୮ ଆଡିହୁଁ ଇଦାଆଁ ନକେଏ ଏମିନି ମିସରତି ଲକୁ ଗଡ଼ହା ହପ୍‌ହାନା ସାରି ମାଣା କାଗଂରାଣି ଲକୁ ହିଲାଆ ଚାୟୁତା ଅହାମାଚାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ବାଟିଏ ପାଞ୍ଜୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାଟି ତାର୍ସ ଇଞ୍ଜିହୁଁ ଝେଜିତି ଗାଡାତା ଜାନାଁ ଆଡାଚେସି; ଇ ଲକୁଣି କାତା ଝେସାଲି ନାଙ୍ଗେ ହେଲ ହିୟାମୁ ।”

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା ନିଗାନା ଲକୁଣି କେୟୁତଲେ ସାପି କିଡେସି; ଇଞ୍ଜାଁ ବାରେଜାଣା ସାପି ଆହାଲିଏ ଏଞ୍ଜାସି ଏବୁଁ ହାଡାତଲେ ଏଞ୍ଜାଚାକ୍ ଏଲେଇଚେସି ।

**୨୨**

୧ “ଏ ତାୟିୟାଁ ଅଡ଼େ ତାଞ୍ଜିୟାଁତେରି, ନାନୁ ନୀର୍ସ ମୀ ନକିତା ନା ଝାକିଟି କାତା ଝେସିମାଞ୍ଜାକ୍, ଝେଞ୍ଜାଦୁ !”

୨ ପାଞ୍ଜୁଲ ଏଞ୍ଜାରି ନକିତା ଏବୁଁ ହାଡାତଲେ ଜଲିମାନାଣି ଝେଞ୍ଜାନା; ଏଞ୍ଜାରି ହାଡା ଆଆନା ପାଲେଏ ଆଡେରି, ଅଡ଼େ ପାଞ୍ଜୁଲ ଜଲାଲି ମାଟ୍‌ହେସି ।

୩ \*ଏମ୍ବାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି ଲକୁଚେସି, କିଲିକିୟାଟି ତାର୍ସତା ନା ଜାନାଁ, ସାମା ନାନୁ ଇ ଜିରୁସାଲମ ଗାଡାତା ପହିପାଡି ଆହାମାକ୍, ଗମଲିୟେଲ ତାଣା କୁଗାନା ଜାପାମାକ୍, ମା ଆକୁ ଆବାୟାତି ମେରାଟି ନେହୁଁ କିଁ ଜାପାମାକ୍; ମୀରୁ ଏନିକିଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହୁଁ ମାନଝି ଆନାଚେସି ମାଚେସି;

୪ \*ନାନୁ ଇ ଜିରୁତା ତାକିମାନି ଇୟାସିକା ଆବାୟାଣି ହାନ୍ତି ପାଡେକା ସାସ୍ତି କିହିମାଚେସି, ଅଡ଼େ ଦସ୍‌ପାନା କାୟିଦି ଇଲକାଣା ହେରପିମାଚେସି ।

୫ ନା ଇ କାତା ସାତା, କାଜା ପୁଜେରାଙ୍ଗା ଅଡ଼େ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାଁକି ଆକୁ ରୀସାନା ଲକୁଣି ହିକ୍‌ଣିୟାଁ ତଲେ ଦସ୍‌ପାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେସି ।”

**ପାଞ୍ଜୁଲ ତାନି ମନ୍ ଝେଟ୍‌ହାଣି ଝେହ୍‌ନାୟି (କାମା ୯:୧-୧୯; ୨୭:୧୨-୧୮)**

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା ସାରିଝାକି ହାଗୁଲାକଟି ର ତାହାଣା ଉଜେଡି ଡ଼ାଞ୍ଜିତେ ।

୭ ଏମ୍ବାଟିଏ ନାନୁ ବୁମିତା ତରଗିଚେସି, ଇଞ୍ଜାଁ ନାଙ୍ଗେ ତାକି ଝେସିମାଟି ଇ ହାଡା ଝେଚେସି, ‘ସାଞ୍ଜୁଲ, ସାଞ୍ଜୁଲ ଏନାଆଁତାକି ନାଙ୍ଗେ ସାସ୍ତି ହାହିମାଞ୍ଜାଦି ?’

୮ ନାନୁ ଏଲେଇଚେସି, ‘ପ୍ରବୁ ନାନୁ ଆମ୍ବାଆତି ?’ ଏମ୍ବାଟିଏ ଏଞ୍ଜାସି ନାଙ୍ଗେ ଏଲେଇଞ୍ଜାଚେସି, ‘ନାନୁ ଆମ୍ବାଆଚାକ୍ ସାସ୍ତି ହାହିମାଞ୍ଜି ନାଜ୍‌ରିତତି ଜୀସୁଚେସି ନାନୁ ।’

୯ ନା ତଲେ ମାଟି ଲକୁ ଏ ଉଜେଡି ମେସ୍ତେରି ସାତା, ସାମା ନାଙ୍ଗେ ଝେସ୍ତାଟି ହାଡା ଝେନାଆଚେରି ।

୧୦ ଏଚେଟିଏ ନାନୁ ଏଲେଇଚେସି, ‘ପ୍ରବୁ ନାନୁ ଏନାଆଁ କିଲ୍ ?’ ଏଚେଟିଏ ପ୍ରବୁ ନାଙ୍ଗେ ଝେସ୍ତାଚେସି, ‘ନିଙ୍ଗାନା ଦମେସକତା ହାଲାମୁ, ଅଡ଼େ ନିଙ୍ଗେ ଏନାଆଁ କିହାଲି ଆଚେ ଏଦାଆଁ ଏମ୍ବାଆଁ ଝେସ୍ତାକ୍ ।’

୧୧ ଏ ଉଜେଡି ମିଶ୍‌ସି ମାଚାକି ନାନୁ କାଣା ଆହାହାଚେଏ, ଇଞ୍ଜାଁ ନା ତଲେ ଝାହିମାଚାରି ନାଙ୍ଗେ କେୟୁ ଆସାନା ଦମେସକତା ଅୟାଚେରି ।”

୧୨ “ଏ ଗାଡାତା ହନନିୟ ଇଞ୍ଜିହୁଁ ର ଦାମ୍‌ଗାଟାସି ମାଚେସି, ଏଞ୍ଜାସି ମା ମେରାଟି ମାନଝି ଆନାସି, ଇଞ୍ଜାଁ ଦମେସକତି ଜୀହୁଦି ଲକୁତାଣା ମାନି ଗାଟାସି ଅଡ଼େ ଝେଜିତାସି ମାଚେସି ।

୧୩ ଏଞ୍ଜାସି ନା ତାଣା ଝାହାନା ଦାରିତା ନିଗାନା ନାଙ୍ଗେ ଏଲେଇଞ୍ଜାଚେସି, ‘ଏ ସାଞ୍ଜୁଲ ତାୟି ମେହ୍‌ମୁ’ ଏ ଦେବୁଣିଏ ନା କାଣକା ଦେପିଆଡୁ ଇଞ୍ଜାଁ ନାନୁ ଏଞ୍ଜାଣାକ୍ ମେସାଲି ଆଡିଚେସି ।

୧୪ ଏଞ୍ଜାସି ଏଲେଇଞ୍ଜାଚେସି, ‘ମା ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତୀରି ଗାଟାଣାକ୍ ମେସାଲି, ଅଡ଼େ ତାନି ଗୁଡିଟି ହଡ଼ିମାନି ହାଡା ଝେଞ୍ଜାଲି ଆଚାମାଞ୍ଜାଚେସି ।

୧୫ ଇଚିହୁଁ ନାନୁ ଏନାଆଁ ମେସାମାଞ୍ଜି ଇଞ୍ଜାଁ ଝେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଝେସାଲି ନାନୁ ସାକି ଆଦି ।

\* ୨୨:୩ କାମା ୫:୩୪-୩୯ \* ୨୨:୪ କାମା ୮:୩; ୨୭:୯-୧୧ \* ୨୨:୧୭ ମୁଞ୍ଜିନାୟି

୧୬ ଅଡ଼େ ନୀର୍ବ୍ୟ ଏନାଆଁତାକି ଖେଡ଼ା କିହିମାଞ୍ଜି, ନିଙ୍ଗାମୁ ବାପ୍ପିସ୍ତ\* ଆହାନା ତାନି ତାଣା ପ୍ରାଡ଼ାନା କିହାନା ନୀ ପାପୁ ବାରେ ନରୁଝି କିହାକତାମୁ ।”

**ପାଞ୍ଚୁଲ ଜୀହୁଦିଆଆତି ଲକୁତାଣା ପାଣୁଝି ଆନାୟି**

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାଡ଼ାନା କିହିମାଟାଟି, ସେୟାଣା ହାପାନାତା ମେସ୍ତେସ୍,

୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେସ୍, ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ‘ତବେ ଜିରୁସାଲମ ପିହମୁ, ଇଚିହୁଁ ଇମ୍ବାତି ଲକୁ ନା ସାକି ହାନାଟି ନୀ କାତା ଆହୁଅରି ।’

୧୯ ଏମ୍ବାଟିଏ ନାନୁ ଏଲେଇଚେସ୍ ‘ପ୍ରବୁ ନାନୁ ଜୀହୁଦି ଲକୁତି କୁଟମି ଇଲକାଣା† ହାଜାନା ନିଙ୍ଗେ ନାମାନାରାଇଁ ଖେଟାନା କାୟିଦି ଇଲୁତା ସୁଣ୍ଡିମାଟାଣି ଏଞ୍ଜାରି ନେହୁଁ କୁଁ ପୁଞ୍ଜାମାନେରି;

୨୦ \*ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେସ୍; ଇଞ୍ଜା ବେଲେଏ ହାପେସି ଇଞ୍ଜୁଁ ଅଣ୍ଡପିମାଚେସ୍, ଅଡ଼େ ପାୟିମାଟାରି ହିମ୍ବରିକା କାଟିମାଚେସ୍ ।’

୨୧ ସାମା ପ୍ରବୁ ନାଙ୍ଗେ ଏଲେଇଞ୍ଜାତେସି, ‘ହାଲମୁ ଇଚିହୁଁ ନାନୁ ନିଙ୍ଗେ ହେକ ଦେସାତି ଜୀହୁଦିଆଆତି ଲକୁତାଣା ପାଣୁଇଁ ।’”

୨୨ ପାଞ୍ଚୁଲ ଏଲେଇଞ୍ଜି ଖେହୁନି ପାତେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଝି ଆହାନା ଏଲେଇଚେରି, “ଏଞ୍ଜାଣାଇଁ ପାଙ୍ଗାତା ତାଚାହାଁ ପାୟାନା ଦାରତିଟି ମେକ୍‌ହା ତୁହୁଦୁ, ଏଞ୍ଜାସି ନୀତାଲି ପାଡ଼ାଆଅସି ।”

୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହୁଁ ତାନି ହିମ୍ବରିକା କୁତିହୁଁ ଲାକଞ୍ଜାକି ଦୃଡ଼ି ଡ଼ାଞ୍ଜିତେରି,

୨୪ ଏଚିବେଲା ପାସାକଡ଼ି କସକା ମୁହେଁ କାଜାସି ପାଞ୍ଚୁଲଇଁ କଟା ଇଲୁ ବିତ୍ରା ଅହାଲି ହୁକୁମି ହୀତେସି, ଅଡ଼େ ଜୀହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଚୁଲଇଁ ସାଟୁଣି ତଲେ ଖେଟାନା ଖେଞ୍ଜୁ ଇଞ୍ଜୁଁ ହୁକୁମି ହୀତେସି ।

୨୫ ସାମା ଏଞ୍ଜାରି ଏଞ୍ଜାଣାଇଁ ସାଟୁଣି ତଲେ ଖେଟାଲି ଡ଼ରିତଲେ ଦସାଲିଏ, ପାଞ୍ଚୁଲ ଦାରିତା ମାଟି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, “ଏମିନି ଦହତା ନୀହାୟି କିଝି ଆହାହିଲାଆ ର ରମ୍ ଦେସା ତାଣାଇଁ ସାଟୁଣି ତଲେ ଖେଟାଲି ଏନି ମେରା ମାନେ କି ?”

୨୬ ଇଦାଆଁ ଖେଞ୍ଜାନା କହୁର୍ସି ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇଚେସି, “ନୀନୁ ଏନାଆଁ କିହାଲି ହାଜିମାଞ୍ଜି, ଇଚିହୁଁ ଇଞ୍ଜାସି ରମିୟ ଲକୁ ।”

୨୭ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଖାହାନା ପାଞ୍ଚୁଲଇଁ ଖେଚେସି, “ନୀନୁ ନାଙ୍ଗେ ଖେସ୍ତାମୁ ନୀନୁ ରମ୍ ଦେସାତାତି କି ?” ପାଞ୍ଚୁଲ ଏଲେଇଚେସି “ହାଅ ।”

୨୮ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଏଲେଇଚେସି, “ନାନୁ ହାଚେକା ଟାକାୟାଁ ହୀହାନା ରମ୍ ଦେସାତାତେସ୍ ଆହାମାଇଁ ।” ସାମା ପାଞ୍ଚୁଲ ଏଲେଇଚେସି, “ନାନୁତ ଜାର୍ନାଟିଏ ।”

୨୯ ଏମ୍ବାଟିଏ ଆମ୍ବାଆରି ପାଞ୍ଚୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଟା ଆହାହାଚେରି, ଇଚିହୁଁ ପାଞ୍ଚୁଲ ରମ୍ ଦେସାତାସି ଇଞ୍ଜୁଁ ପୁଞ୍ଜାନା ର ମାଣା କସକା ମୁହେଁ କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ ଦସ୍‌ପି କିହାମାଟାକି ତାନୁଏ ଆଜିତେସି ।

**କାଜା ବେରଣିମାଣ୍ଡା ନକିତା ପାଞ୍ଚୁଲ**

୩୦ ଜୀହୁଦି ଲକୁ ପାଞ୍ଚୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସକା ମୁହେଁ କାଜାସି ତାନି ଅର ନେତୁ ପାଞ୍ଚୁଲତି ହିକ୍‌ଣିୟାଁ ହୁକ୍‌ହାନା କାଜା ବେରଣିମାଣ୍ଡାଟି ବାରେଜାଣାଟି କୁଡ଼ିକିହାଲି ପୂଜେରାଙ୍ଗାଣି ହୁକୁମି ହୀତେସି । ତାୟୁ ପାଞ୍ଚୁଲଇଁ ଏଞ୍ଜାରି ନକିତା ନିପ୍‌ହେସି ।

**୨୩**

୧ ପାଞ୍ଚୁଲ ଜୀହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ନୀଞ୍ଜୁପାତେକା ମାହାପୁରୁ ନକିତା ନେହୁଁ ଅଣ୍ଡପୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାଚେକା ଅତିତାୟି ।”

୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାଞ୍ଚୁଲ ଦାରିତା ନିଗାମାନି ଲକୁଇଁ ତାନି ଗୁଡ଼ିତା ଖେଡୁ ଇଞ୍ଜୁଁ ହୁକୁମି ହୀତେସି ।

୩ \*ପାଞ୍ଚୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଡ଼ସ୍‌ପିତି ଦବ୍‌ଲା କାଟି ମାହାପୁରୁ ନିଙ୍ଗେ ଖେଟାନେସି, ନୀନୁ ମସାତି ମେରା ଲେହେଁ ନାଙ୍ଗେ ନୀହାୟି କିହାଲି କୁଗାମାଟି ଜିକେଏ, ନୀନୁ ନାଙ୍ଗେ ଖେଟାଲି ହୁକୁମି ହୀହାନା ନୀନୁଏ ମସାତି ମେରା ଡ଼ରିମାଞ୍ଜି !”

୪ ଏଚେଟିଏ ଦାରିତା ନିଗାମାଟି ଲକୁ ପାଞ୍ଚୁଲଇଁ ଏଲେଇଚେରି, “ନୀନୁ ମାହାପୁରୁତି କାଜା ପୂଜେରାଇଁ ଲାଜା କିହିମାଞ୍ଜି ।”

୫ ପାଞ୍ଚୁଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୂଜେରା ଇଞ୍ଜୁଁ ପୁଞ୍ଜା ହିଲାଆତେସ୍; ଇଚିହୁଁ ଦାମ୍‌ପତିତା ରାସକି ଆହାମାନେ, ‘ମୀରୁ ମୀ ସାଲୁଝି କିନାରାଇଁ ବାକା ଇଟାଆଦୁ ।’”

୬ \*ସାମା ପାଞ୍ଚୁଲ ର ବାଗା ସାଦୁକିୟାଁ ଅଡ଼େ ର ବାଗା ପାରୁସିୟାଁ ମାନେରି ଇଞ୍ଜୁଁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାତଲେ ଏଲେଇଚେସି, “ଏ

† ୨୨:୧୯ ସିନଗର    \* ୨୨:୨୦ କାମା ୭:୫୮    ☆ ୨୩:୩ ମାତି ୨୩:୨୭,୨୮    ☆ ୨୩:୭ କାମା ୨୭:୫; ପିଲିପି ୩:୫

ଇସ୍ରାୟେଲ ତାୟିୟାତେରି ନାନୁ ର ପାରୁସିତେଏଁ ଇଞ୍ଜା ପାରୁସି ମୀରଏଣାତେଏଁ; ଇଞ୍ଜା ହାଡ଼ାର ଝେଣ୍ଡେ ନିଜିନେରି ଇଞ୍ଜି ଆସା କିହିମାନାକି ମୀରୁ ନାଙ୍ଗେ ନୀହାୟି କିହିମାଞ୍ଜାଦେରି ।”

୭ ଏଝାସି ଇ କାତା ଏଲେଇଣମ୍ବନିଏ ପାରୁସି ଅଡ଼େ ସାଦୁକି ଲକୁ ବିତ୍ରା ଗଡ଼ହା ହଡ଼େ, ଇଞ୍ଜା କାଜା ବେରଣି ମାଣ୍ଡାତାରି ଗତି ଗତି ଆହାଁ ରୀ ବାଗା ଆଡ଼େରି ।

୮ \*ଇଚିହଁ ସାଦୁକିୟାଁ ଝେଣ୍ଡେ ନିଜିନାୟି ହିଲେଏ, ଦୂତୁୟାଁ ଅଡ଼େ ଜୀଝୁୟାଁ ହିଲାଇ ଇନେରି, ସାମା ପାରୁସିୟାଁ ଏ ବାରେତି ନାମିନେରି ।

୯ ଏମ୍ବାଟିଏ କାଜା ଗଡ଼ହା ଆଡ଼େ, ଅଡ଼େ ପାରୁସିୟାଁ ବିତ୍ରାଟି ଏଚରଜାଣା ମେରାପୁନାରି ନିଙ୍ଗାନା ଏଲେଇଚେରି; “ମାମ୍ବୁ ଲୁଝାଣି ତାଣାଟି ଏନି ଦହ ବେଟାଆଆତମି, ସାତେଏ ଏଝାଣି ତାଣାଟି ର ଜୀଝୁ ଆଆତ ଲାକପୁରୁତି ଦୂତୁ କାତା ଝେସାମାନେ ।”

୧୦ ଇଲେଆହଁ କାଜା ଗଡ଼ହା ଆହାଲିଏ, ପାଝୁଲଇଁ ଏଝାରି କାଣ୍ଡାମ୍ବୁକା କିନେରି ଇଞ୍ଜି ଆଜିତାକି ର ମାଣା କସକା ମୁହେଁ କାଜାସି ପାଝୁଲଇଁ ଏଝାରି ତାଣାଟି ଗେଲପାନା ବାଲ୍ଲମିଟି କଟା ଇଲୁ ବିତ୍ରା ଅହାଲି କସକାଣି ହୁକୁମି ହୀତେସି ।

୧୧ ଏ ନେରୁ ଲାଆଁୟାଁ ପ୍ରବୁ ପାଝୁଲଇଁ ଏଲେଇଚେସି, “ଆଜାଆନି, ସାସା ଆହମୁ ଇଚିହଁ ନୀନୁ ଜିରୁସାଲମତା ଏନିକଁ ନା ସାକି ହାଡ଼ି, ରମ୍ ଗାଡ଼ାତା ଜିକେଏ ଏଲେକିହଁ ନା ସାକି ହାନାୟି ମାନେ ।”

**ପାଝୁଲଇଁ ପାୟାଲି ଅଣ୍ଡିପନାୟି**

୧୨ ଅର ଦିନା ଲାଇ, ଜୀହୁଦିୟାଁ ଜାଟୁ ଆହାନା ପାଝୁଲଇଁ ପାୟାଆ ପାତେକା ଏନି ରାନ୍ଦା କି ଏମୁ ତୀଗାଆପ ଇଞ୍ଜି ତାମ୍ବୁ ତାମ୍ବୁସୁ ପାରମାଣା କିହାମାଚେରି ।

୧୩ ଏଲେଇଞ୍ଜି ଅଣ୍ଡିପି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି ।

୧୪ ଏଝାରି କାଜା ପୂଜେରାଙ୍ଗା ଅଡ଼େ ପ୍ରାଟିନାଙ୍ଗା ତାଣା ଝାହାଁ ଏଲେଇଚେରି, “ମାମ୍ବୁ ପାଝୁଲଇଁ ପାୟାଲି ଆଡ଼ାଆ ପାତେକା ଏନାଆଁ ତିନଅମି କି ତୀଗଅମି ଇଞ୍ଜି ମାମ୍ବୁ ମାଙ୍ଗେତାକି ପାରମାଣା କିହାମାନମି ।

୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସକା ମୁହେଁ କାଜାଣାଇଁ ନାଡ଼ି କିହଁ ଏଲେଇଞ୍ଜୁ, ମାମ୍ବୁ ପାଝୁଲ ଏନାଆଁ କିହାମାନାଣି ନେହଁକଁ ଝେନମି ଇଞ୍ଜିହଁ ମୀ ତାଣା ହାଡ଼ିକିଦୁ, ଏଚେଟିଏ ଏଝାସି ମୀ ତାଣା ଏଗାଝାଆ ନକେଏ ପାୟାଲି ଜାଗ୍ରାତା ଆହା ଡ଼ୟିନମି ।”

୧୬ ସାମା ପାଝୁଲ ତାମି ବାଣ୍ଡା କସକା ଜଲ୍ଲକି ଆହିମାଟି କାତା ଡ଼ଗୁାନା ଝେଚେସି; ଇଞ୍ଜା କଟା ଇଲୁ ବିତ୍ରା ଝାହାନା ପାଝୁଲଇଁ ଇ ବାରେ କାତା ଝେସେସି ।

୧୭ ଏଚେଟିଏ ପାଝୁଲ ର ରମିୟ କହୁଏଁଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସକା ମୁହେଁ

କାଜାଣି ତାଣା ଅମ୍ବୁ ଇଚିହଁ ଇଝାସି ର କାତା ଏଝାଣାଇଁ ଝେହନାୟି ମାନେ ।”

୧୮ ଏଚେଟିଏ ଏଝାସି ର ମାଣା କସକା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଝୁଲ ନାଙ୍ଗେ ହାଟାନା ନୀ ତାଣା ଇ ଦାଂଗଣେଣାଇଁ ତାଚାଲି ବାଡ଼ିମାଲ୍ଲାତେସି, ନିଙ୍ଗେ ଝେସାଲି ଇଝାଣାକି ର କାତା ମାନେ ।”

୧୯ ର ମାଣା କସକା ମୁହେଁ କାଜାସି ଏଝାଣି କେମୁ ଆସାନା ଲକୁ ହିଲାଆ ତାଣା ଅହାନା ଝେଚେସି, “ନାଙ୍ଗେ ନୀନୁ ଏନାଆଁ ଝେସ୍ତାନାୟିମାନେ ଝେସ୍ତାମୁ ।”

୨୦ ଏଝାସି ଏଲେଇଚେସି, “ପାଝୁଲ ଏନାଆଁ କିହାମାନେସି ଏଦାଆଁ ନେହଁକଁ ପୁଞ୍ଜାଲି ଏଝାଣାଇଁ ଝିଏ କାଜା ବେରଣିମାଣ୍ଡାତା ମା ତାଣା ତାମ୍ବୁ ଇଞ୍ଜି ଜୀହୁଦି ଲକୁତି କାଜାରି ନାଡ଼ିକିହାନା ନିଙ୍ଗେ ବାଡ଼ିମାଲ୍ଲାନେରି,

୨୧ ସାମା ନୀନୁ ଏଝାରି କାତା ମାନଝି ଆଆନି, ଇଚିହଁ ଏଝାଣାଇଁ ପାୟାଲି ଆଡ଼ାଆ ପାତେକା ରାନ୍ଦା ଚିଚିହଁ କି ତୀଗିଚିହଁ ମାଙ୍ଗେ ବାକା ଆଟାପେ ଇଞ୍ଜି ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁାହାଁ କାଟାମାନେରି, ନୀଏଁ ଏଝାରି ନୀ ତାଣାଟି ହେଲ ବେଟାଆହାଲି କାଡ଼ିମାନେରି ।”

୨୨ ଏଚେଟିଏ ର ମାଣା କସକା ମୁହେଁ କାଜାସି ଏଲେଇଚେସି, “ନୀନୁ ନାଙ୍ଗେ ଝେସ୍ତାତି କାତା ଆମ୍ବାଆରାଇଁ ଝେହଆନି” ଇଞ୍ଜି ଝେସାନା ଏ ଦାଂଗଣେଣାଇଁ ପାଣ୍ଡିତେସି ।

**ପେଲିକସ୍ ତାଣା ପାଝୁଲଇଁ ପାଣ୍ଡିନାୟି**

୨୩ ର ମାଣା କସକା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସକା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲାତା କାୟିସରିୟାତା ହାଜାଲିତାକି ତୀନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଝାଞ୍ଜା ବାଲ୍ଲା ଗାଟାରି ତଲେ ରୀ ଝାଞ୍ଜା କସକାଣି ତିୟାରା କିଦୁ ।

୨୪ ଅଡ଼େ ଏଝାରି ଏନିକଁ ପାଝୁଲଇଁ ଗଡ଼ା ଲାକ କୁଗିକିହାନା ସାଲଝି କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି ହୀତେସି ।”

୨୫ ର ମାଣା କସକା ମୁହେଁ କାଜାସି ଇଲେଇଞ୍ଜି ର ଆକୁ ରାଡ଼ିତେସି;

୨୬ “ଏ ମାନିଗାଟି ଦେସା ସାଲଝି କିନି ପେଲିକସ୍ କ୍ଲାଝୁଦିୟା ଲୁସିୟାତି ଜହରା ।

୨୭ ଜୀହୁଦିୟାଁ ଇ ଲକୁଇଁ ଆସାନା ପାୟାଲି ଅଣ୍ଡିପାଟି ବେଲାତା, ଏଝାସି ର ରମିୟ ଲକୁ ଇଞ୍ଜି ପୁଞ୍ଜାନା, ନୀନୁ କସକା ତଲେ ହାଜାନା ଏଝାଣାଇଁ ପିସପି କିତେଏଁ ।

୨୮ ଏଝାସି ଏଝାରି କପାଟି ଏନି ଦହ କିହାମାନେସି ପୁଞ୍ଜାଲି ନୀନୁ ଏଝାଣାଇଁ ତାମି କାଜା ବେରଣିମାଣ୍ଡାତା ଅହାମାଚେସି ।

୨୯ ସାମା ଏଝାସି ହାନି ଡ଼ଣ୍ଡୁ କି କାୟିଦି ଡ଼ଣ୍ଡୁ ବେଟାଆନି ଲେହେତି ଏନି ଦହ କିହାହିଲଅସି ଇଞ୍ଜି ନୀନୁ ପୁଚେଏଁ,

\* ୨୩:୮ ମାଡ଼ି ୨୨:୨୩; ମାର୍କ ୧୨:୧୮; ଲୁକ ୨୦:୨୭

ତାନି କପାଟି ଖରଇ ତାନି ମୋରାତି କାତାତାକି ଏଝାଣାଇଁ ଦହୁ ଦସାମାନେରି ।

୩୦ ଏଝାରି ନାଡ଼ିକିହାଁ ଏଝାଣାଇଁ ପାୟାଲି ଅଣ୍ଠପିମାନେରି ଇଞ୍ଜି ନାଙ୍ଗେ କାରୁ ହିୟାଲିଏ ନାନୁ ଇଝାଣାଇଁ ଝେଡ଼ାକିଆନା ନୀ ତାଣା ପାଣ୍ଡାତେଏ; ଏଝାଣାଇଁ ଦହୁ ଦସାମାନାରାଇଁ ଜିକେଏ ନୀ ନକିତା ଏଝାଣି କପାଟି ସାକି ହୀହାଲି ଝେସା ପାଣ୍ଡାତେଏ ।”

୩୧ ଏମ୍ବାଟିଏ କସକା ହୁକୁମି ବେଟାଆହାନା ପାଝୁଲଇଁ ଅହାନା ଲାଆଁୟାଁ ବେଲାତା ଏଝାଣାଇଁ ଆଡ଼ିପାଡ଼ିତା ତାତେରି ।

୩୨ ଅର ଦିନା ଗଡ଼ାୟାଁ ଗାଟାରାଇଁ ଏଝାଣିତଲେ ହାଜାଲି ପିସାନା, କସକା କଟା ଇଲୁତା ଝେଣ୍ଡା ଝାଡ଼େରି ।

୩୩ ଗଡ଼ାୟାଁ ଗାଟାରି କାୟିସରିୟାତା ଝାହାନା, ସାଲଝି କିନି ପେଲିକସକି ଆକୁ ହୀହାନା ପାଝୁଲଇଁ ଏଝାଣି ତାଣା ହେରପିତେରି ।

୩୪ ଏଝାସି ଏ ଆକୁ ପଡ଼ଝି ଆଡ଼ି ତାୟୁ ନାନୁ ଏମିନି ରାଡ଼ିତାତି ଇଞ୍ଜି ଝେରେସି; ଅଡ଼େ ଏଝାସି କିଲିକିୟତି ଲକୁ ଇଞ୍ଜି ପୁରେସି,

୩୫ ଇଞ୍ଜା ଏଝାସି ଏଲେଇରେସି, “ନିଙ୍ଗେ ଦହୁ ଦସାମାଞ୍ଜାନାରି ଇମ୍ବାଆଁ ଝାଡ଼ିସାରେ ନାନୁ ନୀ କାତା ଝେଞ୍ଜାଇଁ” ଅଡ଼େ ଏଝାସି ପାଝୁଲଇଁ ହେରଦତି ଇଜ ଇଟାଲି ହୁକୁମି ହୀତେସି ।

### ୨୪

#### ଜୀହୁଦି ଲକୁ ପାଝୁଲ କପାଟି ଦାଝା କିନାୟି

୧ ପାସା ଦିନା ତାୟୁ କାଜା ପୂଜେରା ହାନାନ, ଏରେକା ପ୍ରାଟିନାଙ୍ଗା ଅଡ଼େ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଝାଡ଼େରି, ଅଡ଼େ ଏଝାରି ପାଝୁଲ କପାଟି ସାଲଝି କିନି ପେଲିକସକି ତାଣା ଦାଝା କିତେରି ।

୨ ପାଝୁଲଇଁ ଏମ୍ବାଆଁ ତାତାଲିଏ, ତରତୁଲ ଏଝାଣି କପାଟି ଏଲେଇରେସି, “ଏ ମାନ୍ତିଗାଟି ପେଲିକସକି ନୀ ତାଣାଟି ମାମ୍ବୁ ହାରେକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନାନୁ ମା ଦେସାତାକି କିହାମାନି କାମା ବାରେ ଇ କୂଡ଼ା ତାରାକି ହାରେକା ନେହେଁ ଆହାମାନେ ।

୩ ଇଦାଆଁ ମାମ୍ବୁ ବାରେଜାଣା ତଲେ ବାରେ ତାଣା ହାରେକା ମାନ୍ତିତଲେ ପେଲିକସକି ମାନ୍ତି ଆହିମାନମି ।

୪ ସାମା ନାନୁ ନିଙ୍ଗେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନାନୁ ନାଙ୍ଗେ କାର୍ମାମେସାନା ମା ଏତରଗଟା କାତା ଝେଞ୍ଜାଲିତାକି ନିଙ୍ଗେ ବାଡ଼ିମାଲିମାଞ୍ଜାଇଁ ।

୫ ଇଚିହୁଁ ଇ ମାଣ୍ଡି ଆଜିହପେତି ଗଡ଼ହା ଗାଟାସି, ଏଝାସି ଦାରତିତି ବାରେଝାକି ମାନି ଜୀହୁଦିୟାଁ ତାଣା ଗଡ଼ହା ହପ୍ପନାସି, ଅଡ଼େ ନାଜରିତ ଗତିତି ର କାଜାସି ଇଞ୍ଜି ମାମ୍ବୁ ପୁଞ୍ଜାମାନମି;

୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣ୍ଠପାମାଚେସି, ଏଚିବେଲା ମାମ୍ବୁ ଇଝାଣାଇଁ ଆସୁମି,

ଅଡ଼େ ମା ମୋରାତି ଲେହେଁ ଇଝାଣାଇଁ ନୀହାଁୟି କିୟାଲି ଅଣ୍ଠପାମାଚମି ।

୭ ସାମା ର ମାଣା କସକା ମୁହେଁ କାଜାସି ଲୁସିୟା ଝାହାନା ଏଝାଣାଇଁ ମା ତାଣାଟି ବାଡ଼ୟୁ ତଲେ ମାଞ୍ଜା ଅୟାତେସି,

୮ ଅଡ଼େ ଇଝାଣାଇଁ ଦହୁ ଦସିମାନାରାଇଁ ନୀ ତାଣା ଝାହାଲି ହୁକୁମି ହୀତେସି, ଇ ବାରେ କାତାତାକି ନାନୁ ଇଝାଣାଇଁ ଝେଡ଼ିହୁଁ ମାମ୍ବୁ ଏଝାଣି କପାଟି ଦାଝା କିହାମାନାଣି ପୁଞ୍ଜାଲି ଆଡ଼ିଦି ।”

୯ କୂଡ଼ା ଆହାମାଟି ଜୀହୁଦିୟାଁ ଜିକେଏ ଦାଝା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜି ଇଚେରି ।

#### ତାନି ଝାକିଟି ପାଝୁଲ ପେଲିକସ ନକିତା ଝେହ୍ନାୟି

୧୦ ଏଚେଟିଏ ସାଲଝି କିନାସି ଝାଞ୍ଜୁ ହୁଟାନା ପାଝୁଲଇଁ ଜଲାଲି ହେଲ ହୀତେସି, ଇଞ୍ଜା ପାଝୁଲ ଏଲେଇରେସି, “ନାନୁ ହାରେକା ବାର୍ସା ଆଡ଼େ ଇ କୂଡ଼ାତାରାଇଁ ନୀହାଁୟି କିନାତି ଆହାମାଞ୍ଜି ଇଞ୍ଜି ପୁଞ୍ଜାନା, ନାନୁ ସାସାତଲେ ନା ଝାକିଟି ଝେସିମାଞ୍ଜାଇଁ ।

୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାଚେଏ, ଇଦାଆଁ ନାନୁ ଝେଞ୍ଜାନା ପୁଞ୍ଜାଲି ଆଡ଼ିଦି ।

୧୨ ଅଡ଼େ ଇଝାରି ମାହାପୁରୁ ଇଲୁତାକି ଜୀହୁଦି ଲକୁତି କୁଟମି ଇଲୁତା\* କି ଗାଡ଼ାତି ଆମିନି ଗାୟୁତା ଆମ୍ବାଆରି ତଲେ ବାଡ଼ିବାଡ଼ା କିତାଣି କି ଗଡ଼ହା ହପ୍ପହାଣି ଇଞ୍ଜା ଜୀହୁଦିୟାଁ ମାଡ଼ଝି କିହିମାଚାଣି ଇଝାରି ମେସାମାଞ୍ଜଅରି,

୧୩ ଇଞ୍ଜା ନୀଏଁ ନା କପାଟି ତାଚାମାନି ଦହୁ ତାକି, ଏଝାରି ନୀ ନକିତା ଏନି ପାରମାଣା ତସାଲି ଆଡ଼ଅରି ।

୧୪ ସାମା ନାନୁ ନିଙ୍ଗେ ଇଦାଆଁ ଝେସିମାଞ୍ଜାଇଁ; ଇଝାରି ଏମିନି ଜିରୁତି ମିତି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମୋରା ଅଡ଼େ ମାହାପୁରୁ ଅଣ୍ଠପୁତି ବଲୁ ଝେହ୍ନାରି ପତିତା ଏନାୟି ରାସକି ଆହାମାନେ ଏ ବାରେ ନାମିମାଇଁ;

୧୫ ଇଝାରି ଲେହେଁ ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରି ବାରେ ଲକୁ ହାଡ଼ାରି ତାଣାଟି ଝେଣ୍ଡେ ନିଙ୍ଗିନେରି ଇଞ୍ଜି ନୀ ନକିତା ଝେସିମାଞ୍ଜାଇଁ ।

୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହୁଁ ଅଣ୍ଠପୁ ତଲେ ଡ଼ୟାଲି ଅଣ୍ଠପିମାଇଁ ।”

୧୭ “ହାରେକା ବାର୍ସା ଜେଟ ନାନୁ ମା ଲକୁତାଣା ଦାନା ତାତାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଝାହାମାଚେଏ ।

୧୮ ଏଚିବେଲାତା ନାନୁ ମାହାପୁରୁ ଇଲୁତା ଅଡ଼ହା କତିନି ମୋରା ରାପ୍ପିମାଟି ବେଲାତା ଇଝାରି ନାଙ୍ଗେ ମାହାପୁରୁ

\* ୨୪:୧୨ ସିନଗଗ

ଇଲୁତା ମେସ୍ତାତେରି; ଏଚିବେଲ୍ଲା ନା ତଲେ ମାନ୍ଦା ଲକୁ ହିଲ୍ଲାଆତେରି କି ଏମ୍ବାଆଁ ଏନି ଗଡ଼ହା ହିଲ୍ଲାଆତେ,

୧୯ ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଟିହଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିତିହଁ ନେହେଁ ଆଡ଼େମା ।

୨୦ ନାନୁ କାଜା ବେରଣିମାଣ୍ଡା ନକିତା ନିଚାମାଟି ବେଲ୍ଲାତା ଏନି ଦହ୍ ମେସାମାଟିହଁ ଇମ୍ବାଆଁ ମାନି ଇ ଲକୁ ନାଙ୍ଗେ ଖେସ୍ତାପେରି,

୨୧ ନାନୁ ରଣ୍ଡିଏ କାତା ଖେସାମାଚେଏଁ ଏଞ୍ଜାରି ନକିତା ନିଚାମାଟି ବେଲ୍ଲାତା ନାନୁ ଆଚ୍‌ଞ୍ଜାତଲେ ଏଲେଇଞ୍ଜା ମାଚେଏଁ, ‘ହାଡ଼ାରି ଖେଣ୍ଡେ ନିଙ୍ଗିନେରି ଇଞ୍ଜଁ ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଈ ।’”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସ୍‌କା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମୀ ନୀହାଁୟି ଡିକ୍‌ହାଈ,” ଇଞ୍ଜଁ ଖେସା ପାଣ୍ଡିତେସି ।

୨୩ ଏଞ୍ଜାସି ପାସାକଡ଼ି କସ୍‌କା ମୁହେଁ କାଜାଣାଈ ଏଲେଇଚେସି, ତାନି ଲକୁ ଅଡ଼େ ତଣେସିଙ୍ଗା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜଁ ଗେଲ୍‌ପାନା ଏଞ୍ଜାଣାଈ ହିଡ଼ଡ଼ି ତଲେ ଲେମ୍ବାଲି ଏଲେଇଚେସି ।

**ପେଲିକସ୍ ଅଡ଼େ ଦୁସିଲ୍ଲା ନକିତା ପାଞ୍ଜୁଲ**

୨୪ ଏଚରଦିନା ତାୟୁ ପେଲିକସ୍ ଦୁସିଲ୍ଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାଡ଼େସି, ଏଞ୍ଜାସି ପାଞ୍ଜୁଲଈ ହାଟି କିହାନା କ୍ରୀସ୍ତ ଜୀସୁ ତାଣା ନାମିନି କାତା ଏଞ୍ଜାଣି ତାଣାଟି ଖେଚେସି ।

୨୫ ସାମା ପାଞ୍ଜୁଲ ଦାମ୍‌ନୁତି କାତା, ତାର୍‌ପୁ ହିୟାଁ ଅଡ଼େ ଖାହିମାନି ନୀହାଁୟି ଦିନାତି କାତା ଖେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନୀନୁ ହାଲ୍ଲାମୁ ବେଲ୍ଲା ସିନିକିହାନା ଅଡ଼େ ର ଦିନା ହାଟି କିୟାଈ ।”

୨୬ ପାଞ୍ଜୁଲ ନାଙ୍ଗେ ଟାକାୟାଁ ହିୟାନ୍‌ସି ଇଞ୍ଜଁ ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଈ ହାଟି କିହାନା ଏଞ୍ଜାଣିତଲେ କାତା ଆଞ୍ଜିତେସି ।

୨୭ ଏଲେକିହଁ ରୀ ବାର୍‌ସା ଆଡ଼ି ତାୟୁ ପକ୍‌ୟ ପେସ୍ତସ୍, ପେଲିକସ୍ ଟାୟୁତା ସାଲ୍‌ଞ୍ଜି କିନାସି ଆଡ଼େସି, ଅଡ଼େ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜଁ ଇଞ୍ଜାପେରିଞ୍ଜା ଇଞ୍ଜଁ ଅଣ୍‌ପାନା ପାଞ୍ଜୁଲଈ କାୟିଦିତା ଇଟାନା ହାଚେସି ।

**୨୫**

**ସାଲ୍‌ଞ୍ଜି କିନାଣି ତାଣା ପାଞ୍ଜୁଲ ଗହାରା କିନାୟି**

୧ ଏମ୍ବାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି,

୨ ଅଡ଼େ ଏମ୍ବାଆଁ କାଜା ପୂଜେରାଙ୍ଗା ଇଞ୍ଜାଁ ଜୀହୁଦି ଲକୁତି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଖେଣ୍ଡେ ଦାଞ୍ଜା କିଚେରି,

୩ ଅଡ଼େ ଏଞ୍ଜାସି ଏନିକଁ ପାଞ୍ଜୁଲଈ ଜିରୁସାଲମତା ହାଟା ପାଣ୍ଡାନ୍‌ସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍‌ମାଆନି ଲେହେଁ ପେସ୍ତସ୍‌ଈ ବାଡ଼ିମାଲିଚେରି; ଇଞ୍ଜାଁ ଏଞ୍ଜାରି ଜିରୁତା ଡ଼ଗୁହାଁ ପାୟାଲି ଅଣ୍‌ପିମାଚେରି ।

୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଈ,

୫ ଏଞ୍ଜାସି ଏନି ଦହ୍ କିହାମାନେସି, ଆତିହଁ ମୀ କାଜାରି ନା ତଲେ କାୟିସରତା ହାଲ୍ଲାପେରି ଅଡ଼େ ଏଞ୍ଜାଣି କପାଟି ତାନି ଦାଞ୍ଜା କିପାରି ।”

୬ ପେସ୍ତସ୍ ଏମ୍ବାଆଁ ଆଟା କି ଦସ୍ ଦିନା ଏଞ୍ଜାରିତଲେ ଡ଼ୟାହାଁ କାୟିସରିୟାତା ଖେଣ୍ଡେ ହାଚେସି, ଏ ଅର ନେରୁ ନୀହାଁୟି କିନି ଟାୟୁତା କୁଗାନା ପାଞ୍ଜୁଲଈ ତାତାଲି ହୁକୁମି ହାଚେସି ।

୭ ପାଞ୍ଜୁଲ ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସ୍ତୁ ନିଚାନା ଏଞ୍ଜାଣି କପାଟି ହାରେକା ଦହ୍ ଦସାଲି ମାଟ୍‌ହେରି, ସାମା ଏଞ୍ଜାରି ଏ ବାରେଡି ପାର୍‌ମାଣା କିହାଲି ଆଡାଆତେରି ।

୮ ଏଚେଟିଏ ପାଞ୍ଜୁଲ ତାନି ଖାକିଟି ଖେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି ଆଆତଁ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ୍ କିହାହିଲଅଁ ।”

୯ ସାମା ପେସ୍ତସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଜୁଲଈ ଖେଚେସି, “ନୀନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେଡାକି ନୀହାଁୟି ଆୟାଲି ମନ୍ କିହିମାଞ୍ଜି କି ?”

୧୦ ସାମା ପାଞ୍ଜୁଲ ଏଲେଇଚେସି, “ନାନୁ କାୟିସର ନକିତା ନୀହାଁୟି କିନି ଟାୟୁତା ନିଚାମାଈ, ଏମ୍ବାଆଁ ନା ନୀହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନାନୁ ଜିକେଏ ନେହଁକଁ ପୁଞ୍ଜାମାଞ୍ଜି ।

୧୧ ମେରା ମାନି କିଆନା ଲାଗେଏତି କାମା କିହାମାଟିହଁ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହିମାନେରି, ଏ ବାରେ ବିଡାଟି ଆମିନି ର ପଦୁ ଜିକେଏ ସାତା ଆଆଡିହଁ, ଆମ୍ବାଆସି ଏଞ୍ଜାରି କେୟୁତା ନାଙ୍ଗେ ହେରପାଲି ଆଡ଼ଅସି, ନାନୁ କାୟିସର ନକିତା ନୀହାଁୟି କିଞ୍ଜିଆୟାଲି ଗହାରା କିହିମାଈ ।”

୧୨ ଏମ୍ବାଟିଏ ପେସ୍ତସ୍ ତାନି ନୀହାଁୟିତି କାଜାରି ତଲେ ଜଲ୍‌କି ଆହାନା ଏଲେଇଚେସି, “ନୀନୁ କାୟିସର ନକିତା ନୀହାଁୟି କିଞ୍ଜିଆୟାଲି ରାସିମାଞ୍ଜି, ଆତିହଁ ନୀନୁ କାୟିସର ତାଣେଏ ହାଜି ।”

**ଆଗ୍ରିପା ଅଡ଼େ ବନକି ନକିତା ପାଞ୍ଜୁଲ**

୧୩ ଏଚରଦିନା ତାୟୁ ରାଜା ଆଗ୍ରିପା ଅଡ଼େ ବନକି କାୟିସରିୟାତା ଖାହାନା ପେସ୍ତସ୍‌ଈ ଆଣ୍ଡାଲି ହାଚେରି ।

☆ ୨୪:୨୧ କାମା ୨୩:୨

୧୪ ଏଞ୍ଜାରି ଏମ୍ବାଆଁ ଏଚରଦିନା ଡ଼ୟିତି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ଷ୍ଟେସ୍ତେସି, “ପେଲିକସ୍ କାୟିଦିତା ଇଚାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜୀହୁଦି ଲକ୍ଷୁତି କାଜା ପୂଜେରାଜା ଅଡ଼େ ପ୍ରାଚିନାଜା ଏଞ୍ଜାଣି କପାଟି ଷ୍ଟେସାନା ଏଞ୍ଜାଣାଇଁ ତଣ୍ଡ ହାହାଲି ନାଜେ ବାତିମାଲି ମାଞ୍ଜାତେରି ।

୧୬ ସାମା ନାନୁ ଏଞ୍ଜାରାଇଁ ଏଲେଇଚେଏଁ, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜା ତାଜେ ତାନି ଖାକିଟି ଜଲ୍ଲାଲି ହାଆ ପାତେକା ଏଞ୍ଜାଣାଇଁ ତଣ୍ଡ ହାହାଲି ମା ରମ୍ ଲକ୍ଷୁତି ମେରା ହିଲେଏ ।

୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଷ୍ଟେଡାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଚାଲି ହୁକୁମି ହାତେଏଁ ।

୧୮ ଏଞ୍ଜାଣାଇଁ ଦହ ଦସାମାନାରି ଖାହାନା ନିତେରି, ସାମା ଏଞ୍ଜାରି ଏନିଲେହେଟି ଦାଞ୍ଜା କିନେରି ଇଞ୍ଜା ନାନୁ ଅଣ୍ଡପିମାଚେଏଁ, ଏଞ୍ଜାରି ଏନି ଦହ ଏଞ୍ଜାଣି କପାଟି ଷ୍ଟେସ୍ତାଆତେରି ।

୧୯ ଏଞ୍ଜାରି ଖାରଇ ତାମି ଦାମ୍ଫୁତି କାତା ଇଞ୍ଜା ଜୀସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜା ଷ୍ଟେସିମାନେସି, ତାନି କାତାତାକି ଆସ୍ତପି ଆତେରି ।

୨୦ ଇ ବାରେ କାତା ନେହଁକଁ ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତୀରି କିହାଲି ଆତାଆନା ଇ ଦାଞ୍ଜା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଷ୍ଟେଚେଏଁ ।

୨୧ ସାମା ପାଞ୍ଜୁଲ ସାଲୁଡ଼ି କିନି କାୟିସର ନକିତା ନାହାଁୟି କିଞ୍ଜିଆୟାଲି ନାନୁ ହାଇଁ ଇଞ୍ଜା ଷ୍ଟେସିମାଚାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଚାଲି ହୁକୁମି ହାତେଏଁ ।”

୨୨ ଆଗ୍ରିପା ପେସ୍ତସ୍ ଇଲେଇଚେସି, “ନାନୁ ଜିକେଏ ଇଞ୍ଜାଣି କାତା ଷ୍ଟେଞ୍ଜାଲି ମନ କିହିମାଇଁ । ହାଆ ଡ଼ିଏ ନାନୁ ଏଞ୍ଜାଣି କାତା ଷ୍ଟେଞ୍ଜା” ଇଞ୍ଜା ପେସ୍ତସ୍ ଏଲେଇଚେସି ।

୨୩ ତାନି ଅର ଦିନା ଆଗ୍ରିପା ଇଞ୍ଜା ବନ କି କାଜାପାଣା ଅଡ଼େ ଗାଞ୍ଜୁରମିଗାଟି କସକା ଇଞ୍ଜା ଗାଡ଼ାତି କାଜାରି ତଲେ ହାଜାନା ନାହାଁୟି କିନି ଟାୟୁତା ଖାତେସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆତେସି ।

୨୪ ଏମ୍ବାଟିଏ ପେସ୍ତସ୍ ଏଲେଇଚେସି, “ଏ ରାଜା ଆଗ୍ରିପା ଅଡ଼େ ଇମ୍ବାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମ୍ବାଆଁ ମାନି ଜୀହୁଦି ଲକ୍ଷୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡ଼ା ହିଲେଏ ଇଞ୍ଜା ବାରେଜାଣା କାଲୁଡ଼ି ଆତେରି ।

୨୫ ସାମା ଇଞ୍ଜାସି ହାନ୍ତିଲେହେଟି ଏନି ଦହ କିହାମାନାଣି ନାନୁ ମେସାହିଲଅଁ ଇଞ୍ଜା ଏଞ୍ଜାସି ତାନୁଏ କାୟିସର ତାଣା

ନାହାଁୟି କିଞ୍ଜିଆୟାଲି ବାତିମାଲାତାକି ନାନୁ ଏଞ୍ଜାଣାଇଁ ଏମ୍ବାଆଁ ପାଣ୍ଡାଲି ତାକି ତୀରି କିତେଏଁ ।

୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଚାଲି ନାଜେ ଏନି କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାଇଁ ତାଚାମାଇଁ, ଏନିକଁ ଏଞ୍ଜାଣି କାତା ଷ୍ଟେଞ୍ଜାନା, ପୁଚିତାୟୁ ନାନୁ ଏଞ୍ଜାଣାକି ଇଚାଣି ରାଚାଲି ଆଡ଼ିଇଁ ।

୨୭ ଇଚିହଁ ର କାୟିଦି ଗାଟାଣାଇଁ ପାଣ୍ଡିନି ବେଲାତା ତାନି କପାଟି କିହାମାନି ଦାଞ୍ଜା ନେହଁକଁ ତହୁଆନା ପାଣ୍ଡାଲି ନେହେଁ ଆଏ ଇଞ୍ଜା ନାନୁ ଅଣ୍ଡପିମାଇଁ ।”

### ୨୨

ରାଜା ଆଗ୍ରିପା ନକିତା ପାଞ୍ଜୁଲ ତାଜେତାକି ଷ୍ଟେହ୍ନାୟି

୧ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନିଜେ ନୀ ଖାକିଟି କାତା ଜଲ୍ଲାଲି ହେଲ ହାପକିଆଡ଼େ” ଏମ୍ବାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇଚେସି ।

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନି ଦହ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଷ୍ଟେସାଲି ନାନୁ ହେଲ ବେଟାଆହାମାନାକି ନାନୁ ନାଜେ କପଲ ଗାଟାତେଏଁ ଇଞ୍ଜା ଅଣ୍ଡପା କଡ଼ିମାଇଁ,

୩ ଏନାଆଁତାକି ଇଚିହଁ, ନାନୁ ଜୀହୁଦିୟାଁ ପାଣାପାଟୁ ଅଡ଼େ କାତା ନେହଁକଁ ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଷ୍ଟେଞ୍ଜାଲି ନିଜେ ବାତିମାଲିମାଞ୍ଜାଇଁ ।”

୪ “ନା ଦାଗ୍ଣା ଷ୍ଟେଡାଟିଏ ନୀଏଁ ପାତେକା ନାନୁ ତଲି ମା କୁଡ଼ାତାରି ତଲେ ଅଡ଼େ ଜିରୁସାଲମତା ଏନିଆହଁ ନୀତା ମାଚେଏଁ ଏଦାଆଁ ଜୀହୁଦିୟାଁ ବାରେ ନେହଁକଁ ପୁଞ୍ଜାମାନେରି;

୫ ନାନୁ ମା ମାହାପୁରୁତି ମେରା ହାରେକା ନେହଁକଁ ମାନଡ଼ି ଆହିମାନି ପାରୁସିୟାଁ ଗତିତା ମାଚେଏଁ, ଏଞ୍ଜାରି ନାଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ କିଡ଼ିହଁ ସାକି ହାହାଲି ଆଡ଼ିନେରି ।

୬ ମାହାପୁରୁ ମା ଆକୁ ଆବାୟାଣି ଏମିନି କାତା ଆଞ୍ଜାମାଚେସି, ଏ କାତା ହାହାମାନାଣି ବାର୍ସୁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନାହାଁୟି କିଞ୍ଜିଆୟାଲି ନିଚାମାଇଁ

୭ ମା ଲକ୍ଷୁତି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାର୍ସୁ ତାକି ଜୀହୁଦିୟାଁ ନାଜେ ଦହ କିହିମାଞ୍ଜାନେରି ।

୮ ମାହାପୁରୁ ହାଡ଼ାରାଇଁ ନିକନେସି, ଇଦାଆଁ ନାମାଲି ଆଡ଼ାଆ ଗାଟାୟି ଇଞ୍ଜା ମୀରୁ ଏନାଆଁତାକି ଅଣ୍ଡପିମାଞ୍ଜେରି ?”

୯ “ନାଜରିତ ଜୀସୁ ଦରୁ କପାଟି ନାଜେ ହାରେକା କାମା କିନାୟିମାନେ ଇଞ୍ଜା ନାନୁ ଅଣ୍ଡପିମାଚେଏଁ ।

୧୦ ଜିରୁସାଲମତା ନାନୁ ଏଲେଜିକେଏ କିତେଏଁ । କାଜା ପୂଜେରାଜା ତାଣାଟି ଅଦିକାରା ଆକୁ ବେଟାଆହାନା,

☆ ୨୨:୫ କାମା ୨୩:୨; ପିଲିପି ୩:୫ ☆ ୨୨:୯ କାମା ୮:୩; ୨୨:୪,୫



ମାହାପୁରୁ ଲକ୍ଷ୍ମୀ ତାଣ୍ଡାଟି ହାରେକା ଜାଣାଇଁ କାନ୍ଦିଦିତା ସୁଶ୍ରୀକିହାମାଚେର୍ଁ ଇଞ୍ଜା ଏଞ୍ଜାରାଇଁ ପାୟିନାଟି ନାନୁ ଜିକେଏ ଆଶ୍ରିମାଚେର୍ଁ ।

୧୧ ହାରେକା ଦେବା ଜୀହୁଦି ଲକ୍ଷ୍ମୀ କୁଟମି ଇଲକାଣା\* ନାନୁ ଏଞ୍ଜାରାଇଁ ଲାଜାକିହିଁ ତଣ୍ଡ ହାହିମାଚେର୍ଁ ଇଞ୍ଜା ଏଞ୍ଜାରି ନାମୁତି ଏଟକା କିହାଲି ଅଣ୍ପାମାଚେର୍ଁ, ନାନୁ ଏଞ୍ଜାରି କପାଟି ହାରେକା କାର୍ବି ଆହାମାଚେର୍ଁ, ଏଞ୍ଜାରାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେର୍ଁ ।”

**ପାଞ୍ଜୁଲ ତାନି ମନ ଖେଟ୍‌ହି କାତା ଖେହ୍‌ନାୟି**  
(କାମା ୯:୧-୧୯; ୨୨:୬-୧୬)

୧୨ ଇଦାଆଁତାକି କାଜା ପୂଜେରାଜା ତାଣ୍ଡାଟି ଅଦିକାରା ଆକୁ ଅଡେ ହୁକୁମି ବେଟାଆହାନା ନାନୁ ଦମେସକ ହାଜାମାଚେର୍ଁ ।

୧୩ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲକଟି ଖେଡାକିହିଁ ହାରେକା ଉଜେଡି ମେସ୍ତେର୍ଁ, ଏ ଉଜେଡି ନାଜେ ଅଡେ ନା ତଲେ ହାଜିମାଚାରି ସାରିଞ୍ଜାକି ତଞ୍ଜାଆଡେ ।

୧୪ ମାମ୍ନୁ ବାରେଜାଣା ବୃମିତା ତରଗାଲିଏ, ଏବ୍ରି ହାଡାତଲେ ନାଜେତାକି ଇ ହାଡା ଖେଚେର୍ଁ, “ଆଡେ ସାଞ୍ଜୁଲ ଆଡେ ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଜାଦି ? ଏନିକିଁ ତକ୍ତି କଡି ହେରୁ ତନୁଣି ହୁଡୁ ବାଡଗାତା ଦୟିନେ ଏଲେକିହିଁ ନାନୁ ତାୟୁଞ୍ଜାକି ଦୟାହାଁ ଜାହାରା କଡାତା ଗାଣ୍ଡା ମାଞ୍ଜି ।”

୧୫ ଏମ୍ବାଟିଏ ନାନୁ ଖେଚେର୍ଁ, “ପ୍ରବୁ ନାନୁ ଆମ୍ବାଆଡି ?” ଏଚେଟିଏ ପ୍ରବୁ ଏଲେଇଞ୍ଜାଚେସି “ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜୀସୁଚେର୍ଁ ।

୧୬ ସାମା ନିଜାମ୍ନୁ କଡାତା ବାଡ଼ୟୁ ହାହାନା ନିମ୍ନୁ ଇଚିହିଁ ନାନୁ ନିଜେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନୀଞ୍ଜୁ ନାନୁ ଏନାଆଁ ମେସାମାଞ୍ଜି ତାୟୁ ନାନୁ ନିଜେ ଏନାଆଁ ତସ୍ତାଇଁ ଏ କାତା ଏଟକା ତାରାଇଁ ସାକି ହାଦି ।

୧୭ ଜୀହୁଦି ଅଡେ ଜୀହୁଦିଆଆଡି ଲକ୍ଷ୍ମୀତାଣା ନାନୁ ନିଜେ ପାଶ୍ଟାଇଁ, ଏଞ୍ଜାରି ତାଣ୍ଡାଟି ନାନୁ ନିଜେ ଗେଲପାଇଁ ।

୧୮ ନିଜେ ଏଞ୍ଜାରି କାଣ୍ଡାକା ଦେଚାଲି ଆନେ, ଅଡେ ଏଞ୍ଜାରାଇଁ ଆନ୍ଦେରିଟି ଉଜେଡିତା ଅଡେ ସୟତାନ ପାୟାଟି ମାହାପୁରୁ ତାଣା ଖେଟ୍‌ହା ତାନାୟି ଆନେ, ଏନିକିଁ ନା ତାଣା ନାମିନି ତାଣାଟି ସୁଦୁ କିଞ୍ଜି ଆହାନା ଏଞ୍ଜାରି ପାପୁ ମେଣ୍ଡାଜିନେ ଅଡେ ମାହାପୁରୁ ଆଡିତି ଲକ୍ଷ୍ମୀ ବିତ୍ରା ଏଞ୍ଜାରି ଚାୟୁ ବେଟାଆନେରି ।”

**ପାଞ୍ଜୁଲ ତାନି କାମାଡି ଖେହ୍‌ନାୟି**

୧୯ “ରାଜା ଆଗ୍ରିପା, ଏ ଲାକପୁରୁଟି ମେସ୍ତାଣି ନାନୁ ଉରାଆଡେର୍ଁ,

୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକ୍ଷ୍ମୀତାଣା ତାୟୁ ଜୀହୁଦା ରାଜିତି ବାରେ ନାୟକାଣାଁ, ଅଡେ ଜୀହୁଦିଆଆଡି ଲକ୍ଷ୍ମୀତାଣା ଜିକେଏ ଖେକ୍‌ହେର୍ଁ, ଏନିକିଁ

ଏଞ୍ଜାରି ମନ ଖେଟ୍‌ହାନା ମାହାପୁରୁ ତାଣା ଖାନେରି, ଇଞ୍ଜା ଏଞ୍ଜାରି ମନ ଖେଟ୍‌ହା କଡାମାନେରି, ଏଦାଆଁ କାମାତା ତହ୍‌ନେରି ।

୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଚାଟି ଜୀହୁଦିୟାଁ ନାଜେ ଆସାନା ପାୟାଲି ଅଣ୍ପି ମାଞ୍ଜାଚେରି ।

୨୨ ସାମା ନୀଞ୍ଜୁପାଚେକା ମାହାପୁରୁ ନାଜେ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେଡି ନକିତା ସାକି ହାହାଲି ନିଚାମାଇଁ । ମାହାପୁରୁ ଅଣ୍ପୁଡି ବଲୁ ଖେହ୍‌ନାରି ଅଡେ ମସା ଏନାଆଁ ଆନେ ଇଞ୍ଜା ଖେସାମାନେସି ନାନୁ ଏ କାତା ଖେସିମାଇଁ,

୨୩ \*ଇଚିହିଁ ମସିହା ସାଚେଏ ଦୁକୁ ବେଟାଆହାନା ହାଡାରି ବିତ୍ରାଟି ତଲିଏ ନିଜାମା ଜୀହୁଦି ଲକ୍ଷ୍ମୀ ଜୀହୁଦିଆଆଡି ଲକ୍ଷ୍ମୀ ନକିତା ଗେଲପିନି ଉଜେଡି ତହ୍‌ନେସି ।”

୨୪ ପାଞ୍ଜୁଲ ଇଲେକିହିଁ ତାନି ଖାକିଟି ଜଲିମାଚାଟି ପେସ୍ତସ୍ କାଜା ଗିୟାତଲେ ଏଲେଇଚେସି, “ପାଞ୍ଜୁଲ ନାନୁ ବାୟା ଆଡି; ଗାଡି ଜାପିତାକି ନାନୁ ବାୟା ଆହାମାଞ୍ଜି ।”

୨୫ ସାମା ପାଞ୍ଜୁଲ ଏଲେଇଚେସି, “ଏ ମାନ୍ତିଗାଟି ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଦି ସାତା, ତାରି ବୁଦିତଲେ ଖେସିମାଇଁ ।

୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇଁ, ନାନୁ ସାଚେଏ ନାମିମାଇଁ, ଇ ବାରେ ନାନୁ ପୁନାଆରେଟୁ ଆହା ହିଲେଏ; ଅଡେ ଇ ବାରେ କାତା ତନୁନା ମେଣେଏ ଆହାହିଲେଏ ।

୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ପୁଡି ବଲୁ ଖେହ୍‌ନାରି କାତା ନାମିମାଞ୍ଜି କି ? ହାଅ ନାନୁ ନାମିମାଞ୍ଜି ଇଞ୍ଜା ନାନୁ ପୁଞ୍ଜାମାଇଁ ।”

୨୮ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନାନୁ ନାଜେ ଗାଡେକେଏ କ୍ରୀସ୍ତାନା କିଇଁ ଇଞ୍ଜା ଅଣ୍ପିମାଞ୍ଜାଦି ?”

୨୯ ପାଞ୍ଜୁଲ ଏଲେଇଚେସି, “ଗାଡେକା ତାକି ଆପେ କି ଗାଡିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାଡାନା, ନାନୁ, ଅଡେ ଏଚେରିଜାଣା ନୀଞ୍ଜୁ ନା କାତା ଖେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍‌ଣିୟାଁ ତଲେ ଦସ୍ପି ଆପେରି ଇଞ୍ଜା ନାନୁ ଖେସିମାଞ୍ଜଅଁ ।”

୩୦ ଏଚେଟିଏ ରାଜା, ସାଲଞ୍ଜି କିନାସି ଅଡେ ବନିକି ଇଞ୍ଜା ଏଟକାତାରି ବାରେ ହାଜାଲି ନିଜିଚେରି,

୩୧ ଏଞ୍ଜାରି ହାନିବେଲାତା ତାମ୍ନୁ ତାମ୍ନୁ ଜଲ୍‌କି ଆଡେରି, “ଇ ମାଣ୍ଡି ଇଲେଡି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସ୍ପି ଆନେସି କି ପାୟୁଞ୍ଜି ଆନେସି ।”

୩୨ ଅଡେ ଆଗ୍ରିପା ପେସ୍ତସ୍ ଇଁ ଏଲେଇଚେସି, “ଇ ମାଣ୍ଡି କାୟିସର ତାଣା ନୀହାୟି କିଞ୍ଜିଆୟାଲି ବାଡିମାଲ୍‌ଆଡିହିଁ ମା ମାମ୍ନୁ ଏଞ୍ଜାଣାଇଁ ପିସାଲି ଆଡିତମିମା ।”

\* ୨୭:୧୧ ସିନଗର ☆ ୨୭:୨୩ ଟକର ୧୫:୨୦

### ୨୭

#### ପାଞ୍ଚୁଲ ସାମ୍ବୁରିଟି ରମ୍ଭା ହାନାୟି

୧ ମାମ୍ବୁ ଇଟାଳି ଦେସାତା ଏୟୁ ଜାଜା ତଲେ ହାଜାଲି ତୀରି କିଞ୍ଚିଆଡ଼ି ତାୟୁ ପାଞ୍ଚୁଲ ଅଡ଼େ ଏଚରଜାଣା କାୟିଦିତା ମାଚାରାଇଁ, ରାଜାତି କସ୍‌କା ଜୁଲିୟସ୍ ଦରୁଗାଟି ପାସାକଡ଼ି କସ୍‌କା ମୁହେଁ କାଜାଣି କେୟୁତା ହେରପିତେରି ।

୨ ଏମ୍ବାଟିଏ ମାମ୍ବୁ ଆସିୟା ଦେସାତି ଏଟ୍‌କା ଏଟ୍‌କା ଟାୟୁତା ହାନି ଏୟୁ ଜାଜା ନିନି ଟାୟୁଟି ଆଦ୍ରାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ତେସଲନିକି ଗାଡ଼ାତି ଆରିସ୍‌ପାର୍‌କି ମା ତଲେ ମାଚେସି ।

୩ ତାନି ଅର ନେରୁ ମାମ୍ବୁ ସିଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଚୁଲଇଁ କାର୍‌ମା ଆହାନା ତାନି ତଣେସିଙ୍ଗା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହାତେସି ।

୪ ଏମ୍ବାଟି ଜାଜାତା ହଡ଼ାମାଚାଟି ମା ଝାକି ଗାଲି ଝେଟାଲିଏ ମାମ୍ବୁ କୁପ୍ର ଦାରି ଦାରିଟି ହାଚମି,

୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମ୍ବୁରି ଗାଣ୍ଡାନା କୁକିୟାତି ମୁରାତା ଝାଡ଼ମି ।

୬ ଏମ୍ବାଆଁ ପାସାକଡ଼ି କସ୍‌କା ମୁହେଁ କାଜାସି, ଇଟାଲିତା ହାଜିମାନି ର ଆଲେକଜାଣ୍ଡ୍ରିୟା ଏୟୁ ଜାଜା ବେଟାଆହାନା ମାଜେ କୁଗି କିୟାତେସି ।

୭ ତାୟୁ ହାରେକା ଦିନାତାକି ଦୀରେ ଦୀରେ ହାଜାନା କସ୍‌ତଲେ କ୍ରିଦ ଗାଡ଼ା ତାଗେ ହାଚମି । ନକିତି ଗାଲି ମାଜେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅରଝାକି କ୍ରିତି ଦାରି ଦାରିଟି ହାଚମି ।

୮ ଅଡ଼େ କସ୍‌ତଲେ ଗାଟୁ ଗାଟୁଟି ହାଜାନା “ଅଜିତି ବାନ୍ଦା” ଇନି ଟାୟୁତା ହାଚମି, ଏଡ଼ି ଲାସାୟା ଗାଡ଼ାତି ତାଗେ ମାଚେ ।

୯ ଇଲାଆହ୍ ହାରେକା ଦିନା ଆହାହାଚେ, ଇଞ୍ଜା ସାମ୍ବୁରିଟି ହାନାୟି କସ୍‌ଆହାହାଚେ, ଇତିହ୍ ଏଟିବେଲା ଉପାସା ପାରୁ ରାହାମାଚେ, ଏଦାଆଁତାକି ପାଞ୍ଚୁଲ ଜାଗ୍ରାତା କିହାନା ଏଲେଇଚେସି ।

୧୦ “ବାବୁୟାତେରି ଇ ସାମ୍ବୁରିଟି ହାନାଟି ଜାଜାତି ଆସି ଅଡ଼େ ଏୟୁ ଜାଜା ନସ୍‌ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜୀଝୁ ଜିକେଏ ନସ୍‌ଆନେ ନାନୁ ପୁଞ୍ଜିମାଇଁ ।”

୧୧ ସାମା ପାସାକଡ଼ି କସ୍‌କା ମୁହେଁ କାଜାସି, ପାଞ୍ଚୁଲତି କାତା କିହାଁ ଜାଜାତି ସାଲ୍‌ଝି କିନାଣାଇଁ ଇଞ୍ଜା ସାଞ୍ଚୁକାରି କାତାତି ହାରେକା ନାମିତେସି ।

୧୨ ଇ ବାନ୍ଦାତା ପେନିଝେଡ଼ା ତୟାଲି ନେହେଁ ହିଲାଆଚେ, ଇଦାଆଁତାକି ଜାଜାତା ହାଜିମାଚାରି ହାରେକା ସାମ୍ବୁରିଟି ହାଜାନା ପିନିକସ୍‌ତା ପେନିବେଲା ରାପୁହାଲି ଅଣ୍ଡିମାଚେରି, ଏ ପିନିକସ୍‌ କ୍ରିତିତି ର ଜାଜାୟାଁ ନିନି କାଜା ଟାୟୁ ମାଚେ, ଏଡ଼ି ଝେଡ଼ା କୁଡ଼ନି ଟିଝନିଝାକି ଅଡ଼େ, ଝେଡ଼ା କୁଡ଼ନି ଟେବ୍‌ଝାକି ମୁମ୍ବୁ କିହାମାଚେ ।

#### ସାମ୍ବୁରିତା ଗାଲି ପିୟୁ

୧୩ ଏଟିବେଲା ଟିଝନି ଝାକିତି ଗାଲି ଦୀରେ ଦୀରେ ଝାଡ଼େ, ହାଜିମାଚାରି ନୀଏଟି ମା ଅଣ୍ଡିମାଟି ଲେହେଁ ଆଡ଼େ ଇଞ୍ଜା

ଅଣ୍ଡିପିତେରି, ଜାଜା ନିପୁହାମାଟି କାଜା ଲହୁତି ରେଜାନା କ୍ରିତିତି ଗାଟୁ ଗାଟୁଟି ହାଜାଲି ମାଟ୍‌ହେରି,

୧୪ ସାମା ଗାଡ଼େକା ହାଜାଲିଏ ଇୟୁରକ୍‌ଝିଲ୍ ଇନି ଆଜିହପେତି କାଜା ଗାଲି ଝେଡ଼ା ହନି ଟେବ୍‌ଝା ଝାକିଟି ହଡ଼ାନା ଜାଜା ମାଟିଝାକି ଝାଡ଼େ ।

୧୫ ଗାଲି ଜାଜାତି ଝେଟାଲିଏ, ଜାଜାତି ଗାଲିଝାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଝିଆୟାଲି ପିସ୍‌ମି ।

୧୬ ମାମ୍ବୁ କ୍ଲାଝୁଦାତି ସାମ୍ବୁରି ମାଦି ମାନି ଉଣା ବୁମିତି ଜମିନି ଟାୟୁ ବେଟାଆଡ଼ମି । ଏମ୍ବାଟି ହାରେକା କସ୍‌ଟି ଏୟୁ ଜାଜାତି ଉଣା ଡଂଗ ତଲେ ଗେଲ୍‌ପି ଆଡ଼ମି ।

୧୭ ଜାଜା ସାଲ୍‌ଝି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ଡ଼କା ତଲେ ଜାଜା ସାରିସୁଟୁ ଦସ୍‌ସେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଝଲି ତିବାତା ଗୁପିନେ ଇଞ୍ଜା ଆଜିତାକି ଜାଜା ସାଲ୍‌ଝି କିନାରି ଜାଜାତା ଗଞ୍ଜାମାଟି ହିମ୍‌ବିକା ହୁକ୍‌ହାନା ଜାଜାତି ଗାଲି ତଲେ ସାମ୍ବୁରି ବିଡ୍ରା ତୟାଲି ପିସ୍‌ସେରି ।

୧୮ କାଜା ଗାଲି ପିୟୁ ତାକି ହାରେକା କସ୍‌ଆହାଲିଏ ତାନି ଅର ନେରୁ ଜାଜାତି ସାଲ୍‌ଝି କିନାରି ଜାଜାତା ମାଟି ଆସିତି ସାମ୍ବୁରିତା ମେଡ଼ହାଲି ମାଟ୍‌ହେରି,

୧୯ ଅଡ଼େ ତାନିଦିନା ନେରୁ ଏଝାରି ତାନି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି ।

୨୦ ହାରେକା ଦିନା ପାଚେକା ଝେଡ଼ା କି ହୁକାୟାଁ ମେସାଲି ଆଡ଼ାଆତମି, ଅଡ଼େ ହାରେକା ଗାଲି ପିୟୁ ପିହ୍‌ଆଲିଏ ମାମ୍ବୁ ଇମ୍ବାଟି ଗେଲ୍‌ପିଆନି ଆସା ପିସାଡୁସ୍‌ମି ।

୨୧ ବାରେଜାଣା ହାରେକା ଦିନା ପାଚେକା ରାନ୍ଦା ତିନାଆନା ତୟିତି ତାୟୁ, ପାଞ୍ଚୁଲ ଏଝାରି ବିଡ୍ରା ନିଚାନା ଏଲେଇଚେସି, “ବାବୁୟାଁ ନା କାତା ଆସାନା କ୍ରିତିଟି ସାମ୍ବୁରି ଜାଜା ହୁକ୍‌ହା ହିଲାଆତିହ୍ ମାଦି ଏନାୟିଝା ନସ୍‌ଆଆଚେମା ।

୨୨ ସାମା ନୀଏଁ ନାନୁ ମିଜେ ଝେସିମାଞ୍ଜାଇଁ, ସାସା ଆହ୍‌ଦୁ, ଇତିହ୍ ମୀ ବିଡ୍ରା ଆମ୍ବାଆରି ଜୀଝୁ ଜିକେଏ ନାସା ଆଏ; ଝାଋଇ ଜାଜାଦେ ନସ୍‌ଆନେ ।

୨୩ ଇତିହ୍ ନାନୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଝାଣି ର ଲାକପୁରୁତି ଦୁଡୁ ନା ତାଗେ ଝାହାନା ଏଲେଇଞ୍ଜାଚେ,

୨୪ ଏ ପାଞ୍ଚୁଲ ‘ଆଜାଆନି; ନୀନୁ ସାଲ୍‌ଝି କିନି କାୟିସର ନକିତା ନିନାୟି ମାନେ, ମାହାପୁରୁ ନିଜେ କାର୍‌ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜୀଝୁ ଏଝାସି ଗେଲ୍‌ପିନେସି ।’

୨୫ ଏଦାଆଁତାକି ଏ ବାବୁୟାତେରି ସାସା ଆହ୍‌ଦୁ ଇତିହ୍ ନାନୁ ମାହାପୁରୁ ତାଣା ନା ନାମୁ ମାନେ, ନାଜେ ଏନିକ୍ ଝେସିପି ଆହାମାନେ, ଏଲେଆହ୍ ଏ ଆନେ ।

୨୬ ସାମା ମାଜେ ର ସାମ୍ବୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୨୭ ଇଲେକିହ୍ ମାମ୍ବୁ ଆଦ୍ରିଆ ସାମ୍ବୁରି ଇତାଲା ଆତାଲା ଆହ୍ ରୀ ଝାଋ ଆୟାଲିଏ, ମାଦି ଲାଆଁୟାଁ

ଜାଜା ସାଲୁଣି କିନାରି ର ବୁନି ଦାରିତା ଏଜିମାନାୟି ଇଞ୍ଜି ଅଣ୍ଡପିମାଚେରି ।

୨୮ ଏମ୍ବାଟିଏ ଏଞ୍ଜାରି ଏମ୍ବୁଣି ଲାଚାଲିଏ ପନ୍ଦର ହାତା ଏମ୍ବୁ କୃତହା ମାରୁ, ଇଞ୍ଜା ଅଡେ ନକିତା ହାଜାନା ଝେଣ୍ଡେ ଲାଚାଲିଏ ଏଗାର ହାତା ଏମ୍ବୁ କୃତହା ମାରୁ ।

୨୯ ମାର ହାଜାନା ଜାଜା ଖାଲକା ବୁନିତା ଗୁପକିନାୟି ଇଞ୍ଜି ଅଣ୍ଡପାନା ଆଜିତାକି ଏଞ୍ଜାରି ଜାଜାତି ତାୟୁଖାକି ସାରିଗଟା ବଜୁ ଗାଟି ଲହ ମୁଣ୍ଡାୟା ରେପହାନା ଏଚେଲା ଝେୟିନେ ଇଞ୍ଜି ପ୍ରାତାନା କିହିମାଚେରି ।

୩୦ ଇଞ୍ଜା ଜାଜାତି ସାଲୁଣି କିନାରି ଜାଜାଟି ରେଚାନା ହଟାତୁସାଲି ଅଣ୍ଡପାନା ନାଡ଼ିକିହାଁ ଜାଜାତି ନକିଖାକି ଲହ ମୁଣ୍ଡାୟା ରେପନି ଲେହେଁ ଉଣା ତଂଗତି ସାମ୍ବୁରିତା ରେପହେରି ।

୩୧ ସାମା ପାଞ୍ଜୁଲ ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ ଇଞ୍ଜା କସକାଣି ଏଲେଇଚେସି, “ଜାଜା ସାଲୁଣି କିନାରି ଜାଜାତା ମାନାଆତିହ ମାରୁ ଗେଲପିଆନି ଆସା ହିଲେଏ ।”

୩୨ ଏମ୍ବାଟିଏ ଜାମାନାଜା ଉଣା ତଂଗତି ଡର୍କା ଦାଚାନା ସାମ୍ବୁରିତା ପିସ୍ତେରି ।

୩୩ ଲାଈ ଜୁଲୁପୁଲୁ ଝେୟି ମାଚାଟି ପାଞ୍ଜୁଲ ଏଞ୍ଜାରାଇଁ ଏନି ରାହା ମାଟିହ ତିଞ୍ଜାଲି ବାସୁଁ ହାହାନା ଏଲେଇଚେସି, “ନୀଞ୍ଜୁଟିଏ ରୀ ଖାରା ଆଡେ ମାରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି ।

୩୪ ବାତିମାଲିମାଞ୍ଜାଇଁ, ନୀଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲପାଲିତାକି ତିନାୟିମାନେ, ଆଜାଆଦୁ, ମୀ ତାକାଟି ର ବାଣା ଜିକେଏ ନାସା ଆଏ ।”

୩୫ ପାଞ୍ଜୁଲ ଈ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡିକହାନା ତିଞ୍ଜାଲି ମାଟହେସି ।

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି ।

୩୭ ମାମ୍ବୁ ଜାଜାତା ରୀ ଖାଞ୍ଜା ତାନିକଡ଼ି ସଡ଼ ଜାଣାତମି ମାଚମି ।

୩୮ ଏଞ୍ଜାରି ପାଞ୍ଜେ ତିଚି ତାୟୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜି ଜାଜାତି ବାରେ ଗହଁୟାଁ ସାମ୍ବୁରିତା ମେଡହେରି ।

**ଜାଜା ତାନାୟି**

୩୯ ଅର ନେରୁ ଲାଈ ଝେୟାଲିଏ ଏଞ୍ଜାରି ଏମିନି ଦେସାତି ଟାୟୁତା ଖାଡେରି ପୁଞ୍ଜାଲି ଆଡାଆଡେରି, ସାମା ଏଞ୍ଜାରି ଗାରୁ ଦାରି ର ବାଠଲି ଟାୟୁ ମେସାନା ଏନିକି ଜିକେଏ ଏମ୍ବାଆଁ ଜାଜାତି ନିପହାଲି ଅଣ୍ଡପିଚେରି ।

୪୦ ଏଦାଆଁତାକି ଏଞ୍ଜାରି ଲହ ମୁଣ୍ଡାୟାତି ଡର୍କା ଦାଚାନା ସାମ୍ବୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏମ୍ବୁ ଜାଜାତି ହାଟଞ୍ଜା ବାଡ଼ଗାୟାତି ଡର୍କା ବାରେ ହୁକହାନା ଜାଜା ନକିତା ଗାଲିଖାକି ହିମ୍ବୁରିକା ଗଞ୍ଜାନା ଗାରୁଖାକି ହାଜାଲି ଅଣ୍ଡପିଚେରି ।

୪୧ ସାମା ଏଞ୍ଜାରି ରୀ ସାମ୍ବୁରିକା କାଲୁଞ୍ଜି ଆହିମାନି ଟାୟୁତା ଏଜାଲିଏ ଜାଜା ସାମ୍ବୁରି ଗାରୁତି ର ବାଠଲି ଡିବାତା ଗୁପିଚେ, ଜାଜାତି ନକି ଖାକିତାୟି ଜାଣାନା ଡୟାହାଚେ, ସାମା ତାୟୁତାୟି ସାମ୍ବୁରିଚି ଏମ୍ବୁ ଉଣ୍ଡାୟାଁ ଗୁପାଲିଏ ତାହାଲି ମାଟହେ ।

୪୨ କାୟିଦି ଗାଟାରି ସାମ୍ବୁରି ଗାରୁଟି ପରହଁ ପରହଁ ହଣନେରି ଇଞ୍ଜି ଅଣ୍ଡପାନା କସକା ଏଞ୍ଜାରାଇଁ ପାୟାଲି ଅଣ୍ଡପିଚେରି ।

୪୩ ସାମା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ ଗେଲପାଲି ମନ କିହାନା, ଏଞ୍ଜାରି ଅଣ୍ଡପୁତି କାହି କିହାନା ଏଲେଇଞ୍ଜି ହୁକୁମି ହୀଡେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମ୍ବୁରିତା ଡେଞ୍ଜାନା ତଲିଏ ଗାରୁତା ହାଲାପେରି;

୪୪ ଡୟାମାନାରି ଜାଜାତି ମାରକା ପାଟାୟାଁ ଇଞ୍ଜା ଏନି ଏନି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହଁ ବାରେଜାଣା ନେହଁ ଆହଁ ଗାରୁତା ଏଡେରି ।

**୨୮**

**ମେଲିତି ଦେସାତା ପାଞ୍ଜୁଲ**

୧ ମାମ୍ବୁ ଏମ୍ବାଟି ଗେଲପିଆଡ଼ି ତାୟୁ ସାମ୍ବୁରି ମାଦି ମାନି ଟାୟୁ ମେଲିତି ଇଞ୍ଜିହଁ ପୁଚମି ।

୨ ଏମ୍ବାଆଁ ବାସାଆହାମାନି ପାଞ୍ଜାତି ଲକୁ ମାଞ୍ଜେ ତଣେସିଜା ଲେହେଁ କାର୍ମା ଆୟାଡେରି, ଇଚିହଁ ପିୟୁ ଇଞ୍ଜା ପେନି ଆହିମାଚାକି ଏଞ୍ଜାରି ମାଞ୍ଜେ ହିରୁ ତାସାନା କେରଞ୍ଜାଲି ହିୟାଡେରି ।

୩ ସାମା ପାଞ୍ଜୁଲ ର ପେଣ୍ଡା ଝେସକା ହିରୁତା କୁମ୍ବାଲିଏ, ଉସମି ତାକି ର ରାରୁ ହଟାନା ପାଞ୍ଜୁଲ କେୟୁତା କାଚାହାଁ ଆଟା ଡୟିଚେ ।

୪ ଏମ୍ବାଆଁ ବାସା ଆହାମାଟି ପାଞ୍ଜାତି ଲକୁ ପାଞ୍ଜୁଲ କେୟୁତା ଏ ରାରୁ ଲେଜା ମାନାଣି ମେସାନା ତାମ୍ବୁତାମ୍ବୁ ଝେସପି ଆଡେରି, “ଇ ମାଣସି ସାଡେଏ ଲକୁଣି ପାୟିନାସି, ସାମ୍ବୁରିଚି ଗେଲହାଲିଏ ଜିକେଏ ଦାମ୍ବୁ ନୀତାଲି ହାହି ହିଲେଏ ।”

୫ ସାମା ପାଞ୍ଜୁଲ ଏ ରାରୁତି ହିରୁତା ହାଣ୍ଡାଁନା ମେଡହା ତୁସେସି, ଇଞ୍ଜା ଏଞ୍ଜାଣାକି ଏନି ନସ୍ତ ଆଆଡେ ।

୬ ଏଞ୍ଜାଣି ଆଞ୍ଜା ପଞ୍ଜା ହାନେ ଆଆଡ଼ି ଦେବୁଣିଏ ହାନେସି ଇଞ୍ଜି କାଟିମାଚେରି; ସାମା ହାରେକା ବେଲା ଆଡ଼ି ତାୟୁ ଏଞ୍ଜାଣାକି ଏନି ନସ୍ତ ଆଆତାଣି ମେସାନା ଏଞ୍ଜାରି ତାମି ହିୟାଁ ଝେଟହାନା ଏଲେଇଚେରି, “ଇଞ୍ଜାସି ର ମାହାପୁରୁ ।”

୭ ଏ ଟାୟୁ ତାଗେ ପୁଲ୍ଲିୟ ଦରୁଗାଟି ଏ ଟାୟୁତି କାଜାଣି ଇଲୁ ଅଡେ ବୁନି ମାଚେ; ଏଞ୍ଜାସି ମାଞ୍ଜେ ହାଟା ଅହାନା ତାନିଦିନା ପାଡେକା କାର୍ମା ଆହାନା ରାହାଁଟି ସେବା କିୟାଡେସି ।

୮ ଏଚିବେଲାତା ପୁଲ୍ଲିୟ ତାମି ଆବା ନଚେରି ଇଞ୍ଜା ନେଡେରି ବାଣ୍ଡି ତାକି ପାସ୍ପନିତା ତୁରାମାଚେସି, ଇଞ୍ଜା

ପାଞ୍ଚୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଟାନା ନେହୁଁ କିତେସି ।

୯୯ ଇଦି ଆଡ଼ି ତାୟୁ ଏମ୍ବାଆଁ ମାନି ରଗ ଗାଟାରି ବାରେ ପାଞ୍ଚୁଲ ତାଣା ଖାହାନା ନେହୁଁ ଆଡ଼େରି;

୧୦ ଏଞ୍ଜାରି ମାଙ୍ଗେ ଜିକେଏ ହାରେକା ମାନି ତଲେ ଜୀଞ୍ଜୁ ନୟାଁତେରି, ଅଡ଼େ ମାୟୁ ହାଜିମାଟାଟି ମା ଲଡ଼ାମାନାଣି ହୀହାନା ପାଣ୍ଡାତେରି ।

**ମେଲିତଟିଏ ରମ୍ଭତା ପାଞ୍ଚୁଲ ହାନାୟି**

୧୧ ତାନି ଲେଞ୍ଜୁ ଜେଟ ମାୟୁ ରୁ ଆଲେକକାଣ୍ଡି ଯାତି ଏୟୁ ଜାଜାତା ହଟାନା ହାଟମି, ଏୟୁ ଜାଜା ପେନିବେଲା ହାଲ୍‌ଖେ ଏ ଚାୟୁତା ତୟାମାଟେ, ଏତାନି ଦରୁ “ଜାଣ୍ଡା ପେଣ୍ଡକା,” ଇଞ୍ଜିମାଟେରି ।

୧୨ ସୁରାକ୍ଷା ଗାଡ଼ାତା ଏଜାନା ଏମ୍ବାଆଁ ମାୟୁ ତୁନିଦିନା ମାଟମି ।

୧୩ ଅଡ଼େ ଏମ୍ବାଟି ଏୟୁ ଜାଜା ତଲେ ହାଜାନା ରେଗିୟା ଗାଡ଼ାତା ଏତମି, ତାନି ଅର ଦିନା ଟିଃନି ଖାକିଟି ଗାଲି ଖେଚାଲିଏ ଅଡ଼େ ରା ଦିନା ତାୟୁ ପୁତେଅଲି ଗାଡ଼ାତା ଏତମି;

୧୪ ଏମ୍ବାଆଁ ମାୟୁ ଏଚେକା କ୍ରୀସ୍ତାନା ତାୟିୟାଁ ଅଡ଼େ ତାଜିସ୍ତାଣି ବେଟାଆଡ଼ମି, ଏଞ୍ଜାରିତଲେ ର ଖାଚା ତୟାଲି ମାଙ୍ଗେ ବାତିମାଲ୍‌ତେରି; ଇଲାଆହୁଁ ମାୟୁ ରମ୍ଭତା ଏଗାଟମି ।

୧୫ ରମ୍ଭତା ମାନି ତାୟିୟାଁ ଅଡ଼େ ତାଜିସ୍ତା ମା କାବୁ ପୁଞ୍ଜାନା ଏମ୍ବାଟିଏ ଅପିୟତି ହାଟା ଇଞ୍ଜାଁ ତାନିଗଟା ବାଡ଼ା ଇଲ୍‌କା ପାତେକା ମାଙ୍ଗେ ମେସାଲି ଖାଡ଼େରି, ଇଞ୍ଜାଁ ପାଞ୍ଚୁଲ ଏଞ୍ଜାରାଇଁ ମେସାନା ମାହାପୁରୁଇଁ ଜହରା କିହାନା ବାସୁଁ ବେଟାଆଡ଼େସି ।

**ରମ୍ଭ ଗାଡ଼ାତା ପାଞ୍ଚୁଲ**

୧୬ ମାୟୁ ରମ୍ଭ ଏଜାଲିଏ, ପାଞ୍ଚୁଲଇଁ କାଃଆନି କସକା ତଲେ ତାନି ମନତଲେ ବାସା ଆୟାଲି ହେଲ ହୀପକିଆଡ଼େ ।

୧୭ ତାନିଦିନା ତାୟୁ ପାଞ୍ଚୁଲ ଜୀହୁଦିୟାଁତି କାଜାରାଇଁ ହାଟାନା କୃଡ଼ି କିତେସି, ଅଡ଼େ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଚୁଲ ଏଞ୍ଜାରାଇଁ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଁତି ପାଣାପାଟୁ କପାଟି ଏନାଆଁ କିହା ହିଲାଆଡ଼ି ଜିକେଏ ଜିରୁସାଲମତା ଦସ୍‌ପି ଆହାନା ରମ୍ଭ ଦେସାତି ଲକୁତାଣା ହେରୁପି ଆହାମାଇଁ ।

୧୮ ଏଞ୍ଜାରି ନାଙ୍ଗେ ନାହାଁୟି କିହାନା ନା ତାଣାଟି ହାନି ତଣ୍ଡ ପାଣ୍ଡନି ଏନି ଦହ ବେଟାଆଆଲିଏ ନାଙ୍ଗେ ପିସାଲି ଅଣ୍ଡପାମାଟେରି;

୧୯ \*ସାମା ଜୀହୁଦିଙ୍ଗା ଏଦାଣି କପାଟି ଖେସାଲିଏ ନାନୁ କାୟିସର ନକିତା ନାହାଁୟି କିୟାଦୁ ଇଞ୍ଜାଁ ବାତିମାଲିତେଏ; ଏଲେଆଡ଼ି ଜିକେଏ ନାଙ୍ଗେ ମା ଲକୁ କପାଟି ଏନି କାତା ଖେସାଲି ହିଲାଆତେ, ଏଦି ଆଏ ।

୨୦ ଏଦାଆଁତାକି ନାନୁ ମିଙ୍ଗେ ନା ତଲେ ବେଟାଆହାନା ଜଲ୍‌କି ଆହାଲି ବାତିମାଲ୍‌ତେଏ, ଏନାଆଁତାକି ଇଚିହୁଁ ଆମ୍ବାଆରି ଲାକ ଇସ୍ରାୟେଲ ଲକୁ ବାସୁଁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍‌ଣିୟାଁ ତଲେ ଦସ୍‌ପି ଆହାମାଇଁ ।”

୨୧ ଏଞ୍ଜାରି ଏଲେଇଚେରି, “ମାୟୁ ଜୀହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡ଼େ ନୀ କାବୁ ଆସାନା କି ନୀ କପାଟି ଦହ ଦସାନା ଖେସାଲି ମା ତାୟିୟାଁ ବିତ୍ରାଟି ଆମ୍ବାଆରି ଇମ୍ବାଆଁ ଖାହାହିଲଅରି ।

୨୨ ସାମା ନୀ ଅଣ୍ଡପୁ ଏନାୟି ଏଦାଆଁ ମାୟୁ ନୀ ତାଣାଟି ଖେଞ୍ଜାଲି ମନ କିହିମାନମି, ଇଚିହୁଁ ବାରେଖାକିତି ଲକୁ ଇ ଗଟି କପାଟି କାତା ଖେସିମାନେରି ଇଞ୍ଜାଁ ମାୟୁ ପୁଞ୍ଜିମାନମି ।”

୨୩ ଏଚେଟିଏ ଏଞ୍ଜାରି ର ଦିନା ତାରି କିହାନା ହାରେକା ଲକୁ ପାଞ୍ଚୁଲ ମାଟି ଇଲୁତା ଖାଡ଼େରି, ଅଡ଼େ ଏଞ୍ଜାସି ଲାକ୍‌ଟିଏ ଲାଆଁ ପାତେକା ଏଞ୍ଜାରି ନକିତା ମାହାପୁରୁତି ରାକ୍‌ଡି କାତାତାକି ସାକି ହୀତେସି, ଅଡ଼େ ମସାତି ମେରା ଇଞ୍ଜାଁ ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି କାତା ଆସାନା ଏଞ୍ଜାସି ଜୀସୁଇଁ ନାମି କିଞ୍ଜି କିୟାଲି ଅଣ୍ଡପିତେସି ।

୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଖେସ୍ତି କାତାଟି ନାମିତେରି ଇଞ୍ଜାଁ ଆମ୍ବା ଆମ୍ବାଆରି ନାମାଆତେରି ।

୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡ଼େରି; ଏଞ୍ଜାରି ହାନି ନକେଏ ପାଞ୍ଚୁଲ ର କାତା ଖେସ୍ତେସି, “ସୁଦୁଜୀଞ୍ଜୁ ମୀ ଆକୁ ଆବାୟାଁଣି ମାହାପୁରୁ ଅଣ୍ଡପୁତି ବଲୁ ଖେହ୍‌ନି ଜିସାୟ ତାଣାଟି ଖେସାମାଟେସି ।”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହ୍‌ମ୍,

ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ସାମା ଏନାଆଁ ତେଲ୍‌ହଅ ତେରି,

ଇଞ୍ଜାଁ ମୀରୁ ମେସି ମେସି ମେହ୍‌ଦେରି, ସାମା ଏନାଆଁ ପୁଞ୍ଜାଲି ଆଡ଼ଅତେରି,

୨୭ ଇଚିହୁଁ ଇ ଲକୁ ହିୟାଁତା ଡଣା ବୁଦିଗାଟାରି,

ଏଞ୍ଜାରି ଜାହା ଜାହାରା କୀର୍କା କାଣ୍‌କା ମୁଚା କତାମାନେରି,

ଏଲେଆହାଁ ହିଲାଆଡ଼ିହୁଁ ମା,

ଏଞ୍ଜାରି କାଣ୍‌କା ଦେତାନା ମେସାଲି ଆଡ଼ିତେରିମା,

ଅଡ଼େ କୀର୍କା ତଲେ ଖେଞ୍ଜାଲି ଆଡ଼ିତେରିମା । ଏଞ୍ଜାରି ହିୟାଁତା ତେଲ୍‌ହାଲି ଆଡ଼ିନି ବାଡ଼ୟୁ ଡୟିତେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଡ଼େରିମା, ଅଡ଼େ ନାନୁ ଏଞ୍ଜାରାଇଁ ନେହୁଁ କିତେଏମା ।”

୨୮ ତାୟୁ ପାଞ୍ଚୁଲ ଏଲେଇଚେସି, “ଏଦାଆଁତାକି ମାହାପୁରୁତି ଇ ଗେଲ୍‌ପିନାଣି ଏଟକା କୃଡ଼ାତି ଲକୁତାଣା ପାଣ୍ଡୁଞ୍ଜି ଆହାମାନେ, ଇଦାଆଁ ମୀରୁ ପୁଞ୍ଜୁ; ଏଞ୍ଜାରି ଜିକେଏ ଖେନେରି ।”

\* ୨୮:୧୯ କାମା ୨୫:୧୧ \* ୨୮:୨୯ ଇ କାତା ପୁଞ୍ଜି ପଡ଼ିତା ହିଲେଏ ।

୨୯ ପାଖୁଲ ଇ ବାରେ କାତା ଖେସାଲିଏ, ଜୀହୁଦିୟା ତାମ୍ନୁ  
ତାନି ବିତ୍ତା ବାଦିବାଦା ଆହୁଁ ହାରେରି\* ।

୩୦ ପାଖୁଲ ରୀ ବାର୍ଯ୍ୟା ପାତେକା ତାନି ବାଡ଼ା ଇଲୁତା  
ଡ଼ିୟିତେସି, ଅଡ଼େ ଏରେକା ଲକୁ ଏଞ୍ଜାଣି ତାଣା  
ଞ୍ଜାହମାରେରି, ବାରେଡ଼ି ଇଜ ହାଟା ଅହିମାରେସି ।

୩୧ ଇଞ୍ଜା ସାସାତଲେ ନୀରାସା ଆଆନା ମାହାପୁରୁ ରାଜିତି  
କାତା ଖେସିମାରେସି, ଇଞ୍ଜା ପୁରୁ ଜୀସୁ କ୍ରୀସ୍ତତି କାତା  
ଜାପୁହି ମାରେସି ।

# ରମିୟ ମଣ୍ଡଳୀ ନିମନ୍ତେ ପାଠଲକ୍ଷ ଲିଖିତ ପତ୍ର ରମିୟ କୁଲମିକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବର୍ଷା ବିତ୍ତା ପାଣ୍ଡୁଆଡ଼ି ପାଞ୍ଚୁଲ ରାଚାମାଚେସି ଇଞ୍ଜିଁ ଇନେରି । ପାଞ୍ଚୁଲ ରମ୍ତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାଚେସି । ବାରେ କୃତାତି ଲକୁ ଏନିକିଁ ଜୀସୁ କ୍ରୀସ୍ତଇଁ ନାମିନେରି ଇଞ୍ଜା ମାନି କିନେରି ୧୭:୨୭ ଏଦାଆଁତାକି ପାଞ୍ଚୁଲ କରନ୍ତି ଗାଡ଼ାତା ମାଚାଟି ରମ୍ତା ମାନି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାଚେସି ।

ବାରେ ଚାୟୁତି ବାରେ ବେଲାତି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏନାଆଁତାକି ଇଚିହଁ ମାର ଏନିକିଁ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାଲି ଆଡ଼ିନାୟି, ପାଞ୍ଚୁଲ ଅକିକିହଁ ରଚାଣି ପିହୁଆନାହାଁ ତେଲ୍ପି କିହାମାନେସି । ପାଞ୍ଚୁଲ ପ୍ଲାଃଇ ମେରାତି ଜୀସୁ କ୍ରୀସ୍ତତି ନେହଁ ବଲୁ ତଲେ ଆଚ୍‌ହାମାନେସି । ଇ ପତିତି ୧-୧୭ ପଦୁତି ହାରେକା ବୁଦିଗାଚାରି ନେହଁକିଁ ଅଣ୍ପାଦାନା ଝେସାମାନେରି, ଇ ବଲୁ ମାଦିତାୟି । ଇମ୍ପାଆଁ ଝେସପି ଆହାମାନେ, “ନାନୁ ନେହଁ ବଲୁ ଝେକ୍‌ହାଲି ଲଜା ଆଅଁ ଏନାଆଁତାକି ଇଚିହଁ ଆମିନି ଗାଚାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୟୁ । ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ ।”

ମୂଲୁ ବାଗା ୧-୧୨ ହାରେକା ମାହାପୁରୁତି କାତା ଅଡ଼େ ଅର ବାଗା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ ।

**ପତିତା ମାନାୟି**

- ୧. ପାଞ୍ଚୁଲ ତାନି କାତା ପୁଣ୍ଡି କିହାନା, ଆମ୍ପାଆରାକି ଆକୁ ରାଚିମାଚେସି ଏଦାଆଁ ଝେସାନା ଆକୁ ରାଚିନାୟି । ୧:୧-୧୫
- ୨. ମାଣ୍ଡସି କୃତାତି ରାକ୍ତି ଅଡ଼େ ଜୀସୁ କ୍ରୀସ୍ତ ତାଣାଟି ଗେଲ୍ପି ଆନାୟି । ୧:୧୭-୧୧:୩୭
- ୩. କ୍ରୀସ୍ତାନା ଲକୁ ଏନିକିଁ ନୀତିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪. ରମ୍ତା ମାନି କୁଲମିକାଣି ଜହରା କିହାନା ରାପନାୟି । ୧୭

ପାଞ୍ଚୁଲତି ଜହରା ଝେହ୍ନି କାତା

\* ୧:୪ କ୍ରୀସ୍ତ ☆ ୧:୧୩ କାମା ୧୯:୨୧

୧ କ୍ରୀସ୍ତ ଜୀସୁତି ହଲେଏସି ଅଡ଼େ ମାହାପୁରୁ ହୀହାମାନି ନେହଁ ବଲୁ ଝେକ୍‌ହାଲି ପାଣ୍ଡୁ ଆହାଁ ଆଚାନା ହାଚ୍‌କି ଆହାମାନି ସୀସୁ ପାଞ୍ଚୁଲତି ଆକୁ ।

୨ ଦାର୍ମି ସାପ୍ତେରିତା ରାସ୍‌କି ଆହାମାନି ଲେହେଁ ଇ ନେହଁ କାବୁତି କାତା ତଲି କାଲାଟିଏ ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣାଟି ଆଞ୍ଜାମାଚେସି ।

୩ ଇଦି ମାହାପୁରୁ ମୀର୍‌ଏଣାଟି କାତା, ମା ପ୍ରବୁ ଜୀସୁ କ୍ରୀସ୍ତ ମାଣ୍ଡସି ଆହାଁ ଏଞ୍ଜାସି ଦାଞ୍ଜୁଦ କୃତାତା ଜାର୍ନା ଆଡ଼େସି ।

୪ ସାମା ତାନି ଲାକପୁରୁତି ସୁଦୁଜୀଞ୍ଜୁ ତାକି, କାଜା ହାକିଟି ନିଜ୍ଞାନା ଏଞ୍ଜାସି ବାଡ଼ୟୁ ତଲେ ଜୀସୁ ମାହାପୁରୁତି ମୀର୍‌ଏସି ମସିହା\* ଇଞ୍ଜିଁ ଝେଜିତେସି,

୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଚାନା, ବାରେ କୃତାତି ଲକୁତାଣା ନେହଁ ବଲୁ ଝେକ୍‌ହାଲି ପାରୁ ହୀହାମାଞ୍ଜାନେସି, ଏନିକିହଁ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନୁଞ୍ଜି ଆହାନା ଡ଼ୟିନେରି ।

୬ ରମ୍ ଗାଡ଼ାତା ବାସାଆହାମାନି ଲକୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକୁ ଆହାଲି ହାଚ୍‌କି ଆହାମାଞ୍ଜେରି ।

୭ ରମ୍‌ତି ଆମିନି ଲକୁଣି ମାହାପୁରୁ ଜୀହୁ ନହାମାନେସି ଇଞ୍ଜା ତାନି ଲକୁ ଆହାଲିତାକି ହାଚାମାନେସି, ଏ ବାରେ ଲକୁତାକି ନାନୁ ଇ ଆକୁ ରାଚିମାଲ୍, ମା ଆଦା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହ୍‌ନାୟି ଅଡ଼େ ହିଡ଼ି ଆୟାପେ ।

**ଜହରା କିନି ପ୍ରାତାନା**

୮ ମୂଲୁଏ, ମୀ ନାମୁତି ନେହଁ ହାଡ଼ା ବାରେ ଦାର୍‌ତିତା ଝେଜିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଇଁ ଜହରା କିହିମାଲ୍ ।

୯ ନା ବାରେ ହିୟାଁ ଜୀହୁତଲେ ନାନୁ ଆମିନି ମାହାପୁରୁତି ସେବା କିହିମାଲ୍ ଇଞ୍ଜା ଆମିନି ମାହାପୁରୁତି ମୀର୍‌ଏଣାଟି ନେହଁ କାବୁ ଝେକ୍‌ହିମାଲ୍, ଏ ମାହାପୁରୁ ନା ସାକି ।

୧୦ ପ୍ରାତାନା କିନାଟି ନାନୁ କାଲେଏ ମିଜେ ଅଣ୍ପାପାଲ୍ ଇଞ୍ଜା ମୀ ତାଣା ଝାହାଲି ନାଜେ ପାରୁ ହିୟାନି ମାହାପୁରୁ ତାଣା ବାଚିମାଲିମାଲ୍ ।

୧୧ ଇଚିହଁ ନାନୁ ମିଜେ ଆଣ୍ଡାଲି ହାରେକା ମନ କିହିମାଲ୍, ଇଞ୍ଜା ମିଜେ ର ଜୀହୁତି ବର ହିୟାଲ୍, ଏନିକିଁ ମୀରୁ ତୀରିଆହାନା ମାଞ୍ଜେରି ।

୧୨ ଇଦାଆଁ ତଲେ ମାର ରଅତଞ୍ଜି ରଅଣା ନାମୁତି ଆଚ୍‌ଞ୍ଜା କିହାଲି ଆଡ଼ିନାୟି ।

୧୩ ଏ ତାୟିୟାଁ ଅଡ଼େ ତାଜିସ୍ତାତେରି, ମୀ ତାଣା ଝାହାଲି ତାକି ନାନୁ ହାରେକା ଦେବା ଅଣ୍ପାପାଲ୍, ସାମା ହାରେକା ବାଦା ବେଟାଆଡ଼ାକି, ନୀଏଁ ପାତେକା ଝାହାଲି ଆଡ଼ାଆଡ଼େସି । ଏଚ୍‌କା କୃତାତି ଲକୁତାଣା ଜିକେଏ ବଲୁ

ଝେକ୍‌ହାନା ଏନିକିହିଁ ପାଡ଼େୟି ବେଟାଆହାମାଲ୍, ମୀ ତାଣା ଜିକେଏ ଏଲେକିହାଲି ନା ଅଣ୍‌ପୁ ।\*

୧୪ ଏନାଆଁତାକି ଇଚିହିଁ ବୁଦିଗାଟାରି† ଅଡ଼େ ପାଙ୍ଗାତାରି‡ ଜାପିତାରି ଅଡ଼େ ଜାପାଆତି ଲକୁ ବାରେ ଗଚିତି ଲକୁତାକି ନା ଦାୟିପତି ମାନେ ।

୧୫ ଏଦାଆଁତାକି ରମ୍ ଗାଡ଼ା ତାତେରି ମୀରୁ, ମୀ ତାଣା ଜିକେଏ ନେହିଁ ବଲୁ ଝେକ୍‌ହାଲି ନା ଅଣ୍‌ପୁ ।

**ନେହିଁ କାରୁତି ବାଡ଼ୁୟୁ**

୧୬ ଇଚିହିଁ ନାନୁ ନେହିଁ କାରୁ ଝେକ୍‌ହାଲି ଲାଜା ଆଅଁ, ଏଦି ନାମିମାନି ବାରେ ଲକୁତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୁୟୁ, ମୂଲୁଏ ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକୁତାକି ।\*

୧୭ ମାଣ୍‌ସି ଏନିକିହିଁ ମାହାପୁରୁ ନକିତା ଦାମ୍‌ଗାଟାସି ଇଞ୍ଜିଁ ତଞ୍ଜାଆଡ଼େନସି, ଏ ଉପେୟି ଏମ୍‌ଆଁ ତସ୍‌ପି ଆହାମାନେ । ମୂଲୁଟିଏ ରାନ୍ତି ପାତେକା ଗେଲ୍‌ପିଆନାଣି ବେଟାଆନ୍ତି ଉପେୟି ନାମ୍ । ଦାମ୍‌ ସାସ୍‌ପେରିତା ରାସ୍‌କି ଆହାମାନେ, “ଦାମ୍‌ଗାଟାସି ନାମ୍‌ତଲେ ନୀତିନେସି ।”\*

**ପାପୁ ତାକି ମାହାପୁରୁତି କାର୍‌ବି**

୧୮ ଆମିନି ଲକୁ ବାରେ ଲାଗେଏ କାମାଟି ସାତାଲ୍ ଆକ୍‌ମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି କାର୍‌ବି ତଞ୍ଜା ଆହାମାନେ ।

୧୯ ଏନାଆଁତାକି ଇଚିହିଁ ମାହାପୁରୁତି କାତା ଏନାଆଁ ପୁନାୟି ମାଟେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି ।

୨୦ ମାହାପୁରୁ ଦାର୍‌ତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍‌ୟାଁ, ତାନି ରାଆଗାଟି ବାଡ଼ୁୟୁ ଅଡ଼େ ଲାକପୁରୁତି ଗୁଣ୍‌, ନେହିଁକିଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡ଼ିନାୟି । ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜିଁ ଇଞ୍ଜାଲି ଆଡ଼ଅରି ।

୨୧ \*ଏଞ୍ଜାରି ମାହାପୁରୁଇଁ ପୁଞ୍ଜା ଜିକେଏ ଏଞ୍ଜାଣାଲ୍ ଗାଞ୍ଜୁରମି କିଆତେରି କି ଏଞ୍ଜାଣାଲ୍ ଜହରା କିଆତେରି । ସାମା ଏଞ୍ଜାରି ଅଣ୍‌ପୁ ବାରେ ଉଜେଏତି ଅଣ୍‌ପୁ ଅଡ଼େ ଏଞ୍ଜାରି ତେଲ୍‌ହାଆଗାଟି ମନ ଆନ୍ଦେରି ଆହାମାନେ ।\*

୨୨ ଏଞ୍ଜାରି ଜାହାରାଲ୍ ବୁଦିଗାଟାତମି ଇଞ୍ଜିଁ ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲ୍‌ଆ ଗାଟାରି;

୨୩ ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନ୍ତି ମାଣ୍‌ସି, ସାରିଗଟା କତାୟାଁ ଗାଟି ଜନ୍ତ, ପଗାୟାଁ ଅଡ଼େ ରାସ୍‌କା କୃଡ଼ାତି ବମାୟାଁ କିହାନା ଏଞ୍ଜାଆଁତି ପୂଜା କିହିମାନେରି ।\*

୨୪ ଏଦାଆଁତାକି ମାହାପୁରୁ ଏଞ୍ଜାରାଲ୍ ହିୟାଁତି ଲାଗେଏତି ଜୁପ୍‌କାତାକି ଏଞ୍ଜାରାଲ୍ ଲାଗେଏତି ତାଣା ହେର୍‌ପିତେସି,

ଏନିକିହିଁ ଏଞ୍ଜାରି ଆଙ୍ଗା ରଅସି ରଅଣି ତଲେ ଲାଜାଗାଟି କାମା କିହିମାନେରି ।

୨୫ ଏଞ୍ଜାରି ମାହାପୁରୁ କାତାତି ସାତା ପିସାନା ମିଚିତି ବାସ୍‌ କିହିମାନେରି । ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆଡ଼ି ଦିଶ୍‌ସୁ ପୂଜା କିହିମାନେରି; ଏ ଗାଡ଼ି କିତାଣାଲ୍ କାଲାକାଲାତାକି ଜହରା । ଆଡ଼େମନ୍ ।

୨୬ ଏଞ୍ଜାରି ଏଲେକିତାକି ମାହାପୁରୁ ଏଞ୍ଜାରାଲ୍ ଲାଜାଗାଟି ପାପୁ କାମାତା ହେର୍‌ପିତେସି, ଇଚିହିଁ ଏଞ୍ଜାରି ତକ୍‌ସିକା ତକ୍‌ୟାଁ ତଲେ କୃଡ଼ାଲି ପିସାନା ଏଞ୍ଜି ତାମ୍‌ ତୁାମ୍‌ସୁ କିଆଗାଟି ଲାଜା କାମାୟାଁ କିଡୁ

୨୭ ଏଲେକିହିଁ ଏ ଆବାୟାଁ ଜିକେଏ ଜାହାରା ତକ୍‌ ତଲେ କୃଡ଼ାଆନା ଜାହା ଜାହାରା ବିତ୍ରା ଲାଗେଏତି କାମା କିତେରି । ଆବା ଆବାୟାଁ ତଲେ ଲାଜା ଆନ୍ତି କାମା କିତେରି, ଏଦାଆଁତାକି ଏଞ୍ଜାରି ଲାଗେଏ କାମାତି ତଣ୍‌ ବେଟା ଆହିମାନେରି ।

୨୮ ଅଡ଼େ ଏନିକିହିଁ ଏଞ୍ଜାରି ମାହାପୁରୁତି ବୁଦିତି କୁହାଲିଏ, ଏଲେକିହିଁ ଏ ମାହାପୁରୁ କିଆଗାଟି କାମା କିହାଲି ଏଞ୍ଜାରାଲ୍ ଲାଗେଏତି ଅଣ୍‌ପୁତା ହେର୍‌ପିତେସି ।

୨୯ ଏଞ୍ଜାରି ଦାମ୍‌ ହିଲ୍‌ଆଗାଟାୟି, ଲାଗେଏ ପଲେଏ, ଜୁପ୍‌କା ଅଡ଼େ ଇର୍‌ସା, ଲକୁଇଁ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ;

୩୦ ଏଞ୍ଜାରି ଉଡୁପାତି, ନିନ୍‌ କିନାରି, ମାହାପୁରୁଇଁ ଅପାଆଗାଟାୟି, ଲାଗେଏତି କାମା କିନାୟି, ଏଞ୍ଜାରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜାରି ତାଲି ତାଞ୍ଜିଲ୍ ମାନି କିଆଗାଟାରି,

୩୧ ଏଞ୍ଜାରି ବୁଦି ହିଲ୍‌ଆ ଗାଟାରି, ଜାହାରା ହାତିକାତା ଆହ୍‌ଅରି । ଇଞ୍ଜା ଏଟ୍‌କାତାରାକି ଇଚାଣି କାର୍‌ମା ହିଲେଏ ।

୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକୁ ହାନ୍ତି ତଣ୍‌ ପାଣ୍‌ନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି ଏଲେକିହିଁ ଏ ଲାଗେଏତି କାମା କିହେମାନେରି, ଅଡ଼େ ଏଲେତି କାମା କିହିମାନି ଲକୁତଲେ ରାହାଁତଲେ ଆଣ୍ଡିନେରି ।

**୨**

**ମାହାପୁରୁତି ନାହାଁୟି**

୧ \*ଏ ତାୟି ଅଡ଼େ ତାଜି, ମୀମ୍ ଏନାଆଁ ଏଟ୍‌କା ଲକୁଣି ନାହାଁୟି କିହିମାଞ୍ଜେରି? ମୀରୁ ଆମ୍‌ଆତେରି ଆଡ଼ିଜିକେଏ, ଇଲେ କିନାୟି ମିଜେ ତାକି ନେହେଁ ଆଏ, ଏଟ୍‌କା ଲକୁଣି ଦହ୍ ଦସାନା ମୀମ୍‌ସୁ ଏଲେତି କାମା କିହାନା ଏମ୍‌ାଟି ମୀରୁଏ ଦହ୍ କିହିମାଞ୍ଜେରି ।\*

୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନାହାଁୟି କିନେସି, ଇଦାଆଁ ମୀମ୍ ପୁଞ୍ଜାମାନମି ।

† ୧:୧୪ ଗ୍ରିକ୍ ‡ ୧:୧୪ ବୁଦି ହିଲ୍‌ଆ ଗାଟାରି, \* ୧:୧୭ ମାର୍କ ୮:୩୮ \* ୧:୧୭ ଏବ୍ରି ୨:୪ \* ୧:୨୧ ଏପିସି ୪:୧୭,୧୮ \* ୧:୨୧ ଏପିସି ୪:୧୭,୧୮ \* ୧:୨୩ ଝେ ମେରା ୪:୧୭-୧୮ \* ୨:୧ ମାତି ୭:୧; ଲୁକ ୬:୩୭ \* ୨:୧ ମାତି ୭:୧; ଲୁକ ୬:୩୭

୩ ଏ ତାୟି ଅଡ଼େ ତାଜି, ଆମିନି ଗାଟାରି ଲାଗେଏତି କାମା କିନେରି, ଏଞ୍ଜାରାଇଁ ନୀହାୟି କିହାନା, ମୀମ୍ବୁ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନୀହାୟିଟି ଜୀଶା ଆନାୟି ଇଞ୍ଜି ଅଣ୍ପିମାଞ୍ଜେରି କି ?

୪ ଆଆତ, ମାହାପୁରୁତି ହାରେକା କାର୍ମାମେହନାୟି ମୀ ହିୟା ବାଦଲି କିନି ଝାକି ଅହାଲି ଅଣ୍ପିନେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହନାଣି, ସାସା, ଅରହାନା ଡୟିନି ଲେହେତି ଦନଇଁ ଅପିହିଲଅତେରି କି ?

୫ ସାମା ମୀରୁ ମୀ ଆଡ଼ଝା ଅଡ଼େ ବାଦଲଞ୍ଜି ଆଆଗାଟି ହିୟା ଲେହେ, ଆମିନି ଦିନା ମାହାପୁରୁତି ନୀହାୟି ତଞ୍ଜାଆନେ, ଏ କାର୍ବିତି ଦିନାତାକି ଜାହାରାତାକି କାର୍ବି କୃଡ଼ି କିହିମାଞ୍ଜେରି;

୬ ଏଞ୍ଜାସି ବାରେ ଲକୁତାକି ତାନି କିହାମାନି କାମାତି ପାଡ଼େୟି ହାନେସି;\*

୭ ଆମିନି ଗାଟାରି ସାସାତଲେ ନେହଁ କାମା କିହାନା ଗାଝୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଞ୍ଜାରାକି କାଲାକାଲାତି ଜୀଝୁ ହାନେସି,

୮ ଆମ୍ବାଆରି ଝାରଇ ତାମ୍ବେ ଅଣ୍ପିନେରି, ଇଞ୍ଜା ସାତାତି ମାନଞ୍ଜି ଆଅରି, ସାମା ଲାଗେଏତାଣି ମାନଞ୍ଜି ଆନେରି; ଏଞ୍ଜାରାକି କାର୍ବି ଅଡ଼େ କପା ଝାନେ,

୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜାରାକି କାକୁଲି ଅଡ଼େ କସ୍ତୁତି ଦିନା ଝାହିମାନେ, ମୂଲୁଏ ଜୀହୁଦି ଲକୁତାକି ଇଞ୍ଜା ତାୟି ଜୀହୁଦିଆଆତି ଲକୁତାକି ଆନେ ।

୧୦ ସାମା ମୂଲୁଏ ଜୀହୁଦି ଲକୁକି ଅଡ଼େ ଜିକେଏ ଜୀହୁଦିଆଆତି ଲକୁତାକି, ନେହଁ କାମା କିହାମାନି ବାରେଜାଣା ତାକି ଗାଝୁରମି, ମାନି ଇଞ୍ଜା ହିଡ଼ି ହିୟାନେସି ।

୧୧ ଇଚିହଁ ମାହାପୁରୁ ତାଣା ପାରଡ଼ା ବାଟି କିନାୟି ହିଲେଏ ।\*

୧୨ ଜୀହୁଦିଆଆତି ଲକୁକି ମସାତି ମେରା ହିଲାଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ମେରା ହିଲାଆନା ନାସା ଆନେରି, ଅଡ଼େ ଏଚେକା ଜୀହୁଦି ଲକୁକି ମସାତି ମେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅଡ଼େ ଏ ମେରା ତଲେ ନୀହାୟି କିଞ୍ଜିଆନେରି ।

୧୩ ଇଚିହଁ ମେରାତି ଝେଞ୍ଜାନା ଲକୁ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ମେରାତି ମାନଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି ।

୧୪ ଜୀହୁଦିଆଆତି ଲକୁକି ମେରା ହିଲାଆତିହଁ ଜିକେଏ ଏତିବେଲା ଏଞ୍ଜାରି ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜାରି ମେରା ବେଟା ଆଆତିହଁ ଜିକେଏ ତାମ୍ବେ ମେରା ଲେହେଁ ଆନେ;

୧୫ ଏଞ୍ଜାରି କିହିମାନି କାମାତି ଇଦି ନେହଁ ତଲେ ତଞ୍ଜା ଆହିମାନେ, ମେରାତି ମାନି ଏଞ୍ଜାରି ହିୟାତା ରାସ୍ତକି ଆହାମାନେ । ଇ କାତାତି ସାତା ଏଞ୍ଜାରି ଅଣ୍ପୁତା ଜିକେଏ ପାରମାଣା ସାତା ତଲେ ଅଣ୍ପିନାଟି ଅଣ୍ପିନି ଅଣ୍ପୁ ଏଞ୍ଜାରି

କାତାତା ରାଜି ଆହିମାନେ, ସାତା ଅଣ୍ପୁ ଅଣ୍ପିନାଟି ଅଣ୍ପୁ ଏଞ୍ଜାରାଇଁ ନେହାରି କିନେ, ଲାଗେଏତି ଅଣ୍ପୁ ଅଣ୍ପିନାଟି ଦହ କିହିମାନେ ।

୧୬ ଏମିନି ଦିନା ମାହାପୁରୁ କ୍ରାସୁ ଜୀସୁ ତାଣାଟି ମାଣ୍ଡିତି ଡଗୁମାନି କାତା ବାରେ ନୀହାୟି କିନେସି, ଏ ଦିନା ନାନୁ ଝେକ୍‌ହିମାନି ନେହଁ କାରୁ ଲେହେଁ ଇ ବାରେ ଆନେ ।

**ଜୀହୁଦି ଲକୁ ଅଡ଼େ ମେରା**

୧୭ ମୀରୁ ଜାହାରାଇଁ ଜୀହୁଦିତମି ଇଞ୍ଜାକତିମାଞ୍ଜେରି; ମେରାତି ବାର୍ସୁ ଇଟାମାଞ୍ଜେରି ଅଡ଼େ ମାହାପୁରୁ ତାଣା ବତପଣ କିହିମାଞ୍ଜେରି;

୧୮ ଅଡ଼େ ମସାତି ମେରାଟି ଜାପାନା ଏଞ୍ଜାଣି ଅଣ୍ପୁ ପୁଞ୍ଜାମାଞ୍ଜେରି, ଇଞ୍ଜା ନେହାଣି ଲାଗେଏତାଣି ବାଟି କିହିମାଞ୍ଜେରି,

୧୯ ସାତେଏ ମୀରୁ ନେହଁ କିହଁ ପୁଞ୍ଜାମାଞ୍ଜେରି, ମୀରୁ କାଣାୟାଣି ଜିରୁ ତହନାତେରି, ଆମେରିତା ମାନି ଲକୁତାକି ଉଜେଡ଼ି ଲେହେଁ,

୨୦ ବୁଦି ହିଲାଆ ଲକୁଣି ଝେହନାତେରି, ପୁନାଆତି ଲକୁଣି ଜାପନାତେରି । ମୀ ନାମୁ, ମେରାଟି ମୀରୁ ସାତା ଅଡ଼େ ବୁଦି ମେଡ଼ା ଆହାମାଞ୍ଜେରି ।

୨୧ ମୀରୁ ଏଚକାତି ଲକୁଣି ଜାପହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପହି ହିଲଅତେରି ? ସରୁ କିଆଦୁ ଇଞ୍ଜି ଜାପହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆଦୁ ଇଞ୍ଜି ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣକା ବମାୟା ପୂଜା ଅପାଆନା ଦେଝୁଡ଼ିକାତି ଦିଶ୍‌ସୁ ମାଣ୍ଡି ହିଲଅତେରି କି ?

୨୩ ମୀରୁ ମାହାପୁରୁତି ମେରା ବେଟା ଆହାମାନମି ଇଞ୍ଜି ବତପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡି କିହିମାଞ୍ଜେରି କି ?

୨୪ ସାସ୍ତେରିତା ରାସ୍ତକି ଆହାମାନେ, “ମିଙ୍ଗେ ତାକି ଜୀହୁଦିଆଆତି ଲକୁତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ ।”\*

୨୫ ମୀରୁ ମେରାତି ମାନି କିହିମାତିସାରେ, ମୀ ତଲୁ ଦାପିଆନାୟି ଲାବା ମାନେ । ସାମା ମେରାତି ମାନି କିଆସାରେ, ମୀ ତଲୁ ଦାପି ଆଡ଼ାୟି ତଲୁ ଦାପିଆଆତି ଲକୁତଲେ ସମାନା ।

୨୬ ର ଜୀହୁଦିଆଆତି ଲକୁ ମେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡ଼ାସି ଲେହେଁ ଇନଅସି କି ?

୨୭ ଏଦାଆଁତାକି ଆଜା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ମେରା ମାନି କିନେରି, ଆତିହଁ ମସା ରାଚିତି ମେରା ଅଡ଼େ ତଲୁ ଦାପି ଆଡ଼ିଜିକେଏ ମେରା ମାନି କିହିହିଲଅତେରି, ଏଞ୍ଜାରି ମିଙ୍ଗେ ବିଚାରା କିୟାନେରି ।

\* ୨:୨ ପାରୁ ୨୨:୧୨    ✦ ୨:୧୧ ଝେ ମେରା ୧୦:୧୭    ✦ ୨:୨୪ ଜିସା ୫୨:୫



୨୮ ୱାଉରୁ ଥାଉଁ ତଲେ ତଲୁ ଦାଫି ଆହାନା ପାଞ୍ଜାତା ଜୀହୁଦି ଇଞ୍ଜିହିଁ ତସାକତିମାନି ଲକୁ ଜୀହୁଦି ଆଏ ।

୨୯ ଆମ୍ବାଆସି ହିୟାଁ ବିତ୍ରା ଜୀହୁଦି, ଏଞ୍ଜାସି ସାତା ତଲେ ଜୀହୁଦି, ଅଙ୍କରି ତଲେ ଆଏ, ଜୀହୁ ଅଡ଼େ ହିୟାଁ ତଲେ ଆମ୍ବାଆସି ତଲୁ ଦାଫି ଆଡ଼ାସି, ଏଦି ସାତା ତଲୁ ଦାଫି ଆନାୟି । ଏଲେତି ଲକୁ ମାଣ୍ଡସି ତାଣାଟି ମାନି ବେଟାଆଥସି, ସାମା ମାହାପୁରୁ ତାଣାଟି ମାନି ବେଟା ଆନେସି ।

**୩**

୧ ଆତିହିଁ ଜୀହୁଦିଆଆତି ଲକୁ କିହାଁ ଜୀହୁଦି ଲକୁକି ଏନାୟି ଗାତି ଲାବା ମାନେ ? ତଲୁ ଦାଃନାୟି ଏନି ଲଡ଼ାମାନେ ?

୨ ହାରେକାତି, ମୁଲୁଏ ମାହାପୁରୁ ତାନି ନେହିଁ କାହୁ ଖେକହାଲି ଦାୟିପତି ଜୀହୁଦି ଲକୁକି ହେରପିତେସି ।

୩ ଆତିହିଁ ଏନାୟି ? ଜୀହୁଦିକା ତାଣାଟି ଏଚରଜାଣା ନାମାଆସାରେ, ଏଞ୍ଜାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ?

୪ ଏଲେଆହିଁ ଆଆପେ, ଲକୁ ବାରେଜାଣା ମିତିତାରି ଆତିହିଁ ଜିକେଏ ମାହାପୁରୁ ସାତା । ସାସ୍ତେରିତା ରାସ୍କି ଆହାମାନେ;

“ନୀ ବଲୁ ତଲେ ନୀନୁ ଦାମ୍ବୁ ଗାଟାତି ଇଞ୍ଜିଁ ୱେଜିଦି, ନାହାୟି ଆନି ବେଲାତା ନୀନୁ ଜୀଣା ଆଦି ।” \*

୫ ମା ଲାଗେଏତି କାମା ମାହାପୁରୁତି ନେହିଁ କାମାତି ପାରମାଣା କିନେ, ଆତିହିଁ ମାର ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଞ୍ଜାସି କି ଦାମ୍ବୁ ହିଲାଆଗାଟାସି ? ନାନୁ ମାଣ୍ଡସିଲେହେଁ ୱେସିମାଲ୍ ।

୬ ଏଲେଆହିଁ ଆଏ । ମାହାପୁରୁ ଦାମ୍ବୁଗାଟାସି ଆଆତିହିଁ, ଏଞ୍ଜାସି ଏନିକିହିଁ ଦାର୍ତତି ନାହାୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଝୁରମି ତାକି ହାରେକା ଗାତି ଆଡ଼େ, ଆତିହିଁ ନାନୁ ପାପୁ ଗାଟାତେଏଁ ଇଞ୍ଜିଁ ଏନାଆଁତାକି ନାହାୟି କିଞ୍ଜି ଆଲ୍ ?

୮ ମାର ଏନାଆଁତାକି ଏଲେଇନାଆୟି, “ଝାଦୁ ମାର ଲାଗେଏତି କାମା କିନ, ଆତିହିଁ ମାଙ୍ଗେତାକି ନେହେଁ ଆନେ ?” ନାନୁ ଇଲେତି କାତା ୱେସିମାନାକି ଦାଝା କିହାନା ଏଚେକା ଲକୁ ନାଙ୍ଗେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ତଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆନେରି ।

**ଦାମ୍ବୁଗାଟାସି ଆମ୍ବାଆସି ହିଲଅସି**

୯ ଆତିହିଁ ଜୀହୁଦି ଲକୁ ଜୀହୁଦିଆଆତି ଲକୁ କିହାଁ ହାରେକା ନେହାଁରି ମାନେରି ? ଏଚେଲାଝା ଆଏ, ନାନୁ

ନକେଏ ୱେସାମାଞ୍ଜାଇଁ ଜୀହୁଦି ଅଡ଼େ ଜୀହୁଦିଆଆତି ଲକୁ ପାପୁତି ବାଡ଼ୁୟୁତା ମାନେରି,

୧୦ ଦାମ୍ବୁ ସାସ୍ତେରିତା ରାସ୍କି ଆହାମାନେ;

“ଦାମ୍ବୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, \*

୧୧ ରଅସି ଜିକେଏ ରୁଦିଗାଟାସି ହିଲଅସି; କି ମାହାପୁରୁଇଁ ପାରିନାସି ହିଲଅସି ।

୧୨ ଏଞ୍ଜାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଞ୍ଜାରି ବାରେଜାଣା ଲାଗେଏ ଜିରୁତା ହାଜାମାନେରି; ଆମ୍ବାଆସି ଜିକେଏ ରଅସି ସାତାପାଣାତି କାମାକିନାସି ହିଲଅସି ।

୧୩ ଏଞ୍ଜାରି ହାଡ଼ା ଦେପିଆତି ମାଡ଼ହା ମୁହ୍ନି ଚାୟୁ, ଏଞ୍ଜାରି ଗୁତିଟି ମିତି କାତା ହଡ଼ିମାନେ,

ଲୁଡ଼ା ତୁଇ ଅଟୁ କାଟାମାନି ରାଚୁତି ବାସାମାନେ । \*

୧୪ ଏଞ୍ଜାରି ଗୁତିଟି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ ନେଞ୍ଜାମାନେ । \*

୧୫ ଏଞ୍ଜାରି ଇରହାଲି ଅଡ଼େ ପାୟାଲି ଦେବୁଣିଏ ହନେରି । \*

୧୬ ଏଞ୍ଜାରି ଆମ୍ବିୟାଝାକି ହାନେରି, ଏମ୍ବାଆଁ ନାସା ଇଞ୍ଜା ସାସ୍ତ୍ର ବେଟାଆନେରି ।

୧୭ ଏଞ୍ଜାରି ହିଡ଼ିତି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜିନାୟି ଏଞ୍ଜାରିତାଣା ହିଲେଏ ।” \*

୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜାରି ମାନି କିନାୟିମାନେ । ମାହାପୁରୁ ଏଚିବେଲା ବାରେ ଦାର୍ତତି ବିଚାରା କିନେସି, ମେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜିଁ ଇଞ୍ଜାଲି ଆଡ଼ଅରି ।

୨୦ \*ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି । ଇତିହିଁ ମେରାଟି ମାଣ୍ଡସି ୱାଉରୁ ପାପୁତି ପୁଞ୍ଜାଲି ଆଡ଼ିମାନେସି । \*

**ନାମୁତଲେ ଦାମ୍ବୁଗାଟି ଲକୁ ଆନାୟି**

୨୧ ମାହାପୁରୁ ମାଣ୍ଡସିଇଁ ତାନିତଲେ ନେହିଁକିଁ ଆଣ୍ଡାଲି ତାକି ମେରା ପିସପେ ଏନାଆଁ କିହାମାନେସି, ଏଦି ନୀଏଁ ତଞ୍ଜା ଆହିମାନେ । ଏ କାତା ମସାତି ମେରା ଇଞ୍ଜା ମାହାପୁରୁ ଅଣ୍ଡପୁତି ବଲୁ ୱେହ୍ନାରି ଜିକେଏ ସାକି ହାହାମାନେରି ।

୨୨ \*ଝାଉରୁ ଜୀସୁ କ୍ରୀସୁ ତାଣା ନାମିତାକି ଲକୁ ମାହାପୁରୁ ନକିତା ଦାମ୍ବୁଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାର୍ଡ଼ା ବାଟି କିଆନା କ୍ରୀସୁଇଁ ନାମିତି ବାରେ ଜାଣାକି ର ପାରୁ ହାନେସି । \*

୨୩ ବାରେଜାଣା ପାପୁ କିହାମାନେରି ଅଡ଼େ ମାହାପୁରୁତି ଗାଝୁରମିଟି ହେକ ଆହାମାନେରି ।

\* ୩:୪ ପାରୁ ୫୧:୧୫    \* ୩:୧୦ ପାରୁ ୧୪:୧-୩; ୫୩:୧-୩    \* ୩:୧୩ ପାରୁ ୫:୯; ୧୪୦:୩    \* ୩:୧୪ ପାରୁ ୧୦:୭    \* ୩:୧୫ ଜିସା ୫୯:୭,୮    \* ୩:୧୮ ପାରୁ ୩୨:୧    \* ୩:୨୦ ଗାଲା ୨:୧୭    \* ୩:୨୦ ପାରୁ ୧୪୩:୨; ଗାଲା ୨:୧୭    \* ୩:୨୨ ଗାଲା ୨:୧୭    \* ୩:୨୨ ଗାଲା ୨:୧୭

୨୪ ସାମା, ଏଞ୍ଜାରି ଉଦ୍ଦେଏ ମାହାପୁରୁତି କାର୍ମାମେହନି ଦାନା ତଲେ କ୍ରାସ୍ତ ଜୀସ୍ତ ତାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାର୍ମୁଗାଟାରି ଆନେରି ।

୨୫ ମାହାପୁରୁ ଜୀସ୍ତୁଦ୍ ଦାନା ହୀତେସି, ଏନିକ୍ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଶଜିନି ଉପେୟି ଆନେ । ମାହାପୁରୁ ଅରହାନା ଲକୁ କିହାମାନି ତଲିତି ପାପୁତି ତସାହିଲଅସି ।

୨୬ ସାମା ନୀର୍ବ ଏଞ୍ଜାସି ଜାହାରା ଦାର୍ମୁ ଗାଟାଣି ତସାଲି ତାକି ପାପୁ ମ୍ଲେକ୍ନି ମେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାର୍ମୁଗାଟାସି ଇଞ୍ଜା ଆମ୍ବାଆସି ଜୀସ୍ତ ତାଣା ନାମିନେସି, ଏଞ୍ଜାସି ବାରେଜାଣାତି ଦାର୍ମୁ ଗାଟାରିଲେହେଁ ଆବିନେସି ।

୨୭ ଆତିହ୍ ଆମିନି କାତାତା ମାର ବତପଣ ଆନାୟି ? ଆଏ, ଏଲେତି କାତା ଏନାୟି ହିଲେଏ । ବତପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକୁମି ମାନଞ୍ଜି ଆହିମାନାୟି ଇଞ୍ଜହ୍ କି ? ଆଏ, ୱାରଇ ନାମୁଏ ମା ବତପଣ ଆନେ ।

୨୮ ମାର ନେହ୍ କ୍ ତେଲ୍ହାଲି ଆଡିନାୟି, ରଅସି ୱାରଇ ତାନି ନାମୁତଲେ ମାହାପୁରୁ ନକିତା ଦାର୍ମୁଗାଟାସି ଇଞ୍ଜା ୱେଜିନେସି, ମେରାତି ମାନି କିତିସାରେ ଆଏ ।

୨୯ ମାହାପୁରୁ ୱାରଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ ।

୩୦ ଏନାଆଁତାକି ଇତିହ୍, ମାହାପୁରୁ ରଅସିଏ, ଅଡେ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାର୍ମୁ ଗାଟାରିଲେହେଁ ଆବିନେସି ।\*

୩୧ ଆତିହ୍, ମାର କି ନାମୁତଲେ ମସାତି ମେରା ମ୍ଲେକ୍ନି ମାନାୟି ? ଏଡି ଏଚେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଇଁ ଜାଣେ ତାରି କିହିମାନାୟି ।

### ୪

#### ଅବ୍ରାହାମତି ମାଣ୍ଡକି

୧ ଆତିହ୍ ଆଜା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜହ୍ ମାର ଏଲେଇନାୟି ?

୨ ଅବ୍ରାହାମ ତାନି ଜାହାରା କାମାତି ମାହାପୁରୁ ତାଣା ଦାର୍ମୁଗାଟାସି ଆହା ମାତିହ୍ ମା, ଏଞ୍ଜାଣାକି ବତପଣ କିନି କାତା ମାଚେ । ସାମା ମାହାପୁରୁ ୱାକିଟି ଏଡି ଆହାହିଲଆତେ ।

୩ \*ଦାର୍ମୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡେ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାର୍ମୁ ଗାଟାଣି ଲେହେଁ ଅପିତେସି ।”

୪ ଆମ୍ବାଆସି କାମା କିନେସି, ଏଞ୍ଜାଣାକି ତାନି କୂଲି ମେଡାଆନେ, ଏଡି ଦାନା ହୀନାୟି ଆହାଲି ଆଡେଏ, ଏଡି କାମାତି ପାଡେୟି ଇଞ୍ଜା ଇଣ୍ଡି ଆନେ ।

୫ ସାମା ଆମ୍ବାଆସି ତାନି କାମାତା ଆସା କିଆନା, ଦାର୍ମୁ ହିଲାଆଗାଟାଣାଇଁ ଏମିନି ମାହାପୁରୁ ଦାର୍ମୁଗାଟାସି ଇଞ୍ଜା ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାର୍ମୁଗାଟାୟି ଇଞ୍ଜା ୱେଜିନେ ।

୬ ଆମିନି ଲକୁଇଁ କାମା ଲଡାତି ସିନି କିଆନା ମାହାପୁରୁ ଏଞ୍ଜାଣାଇଁ ଦାର୍ମୁଗାଟାସି ଇଞ୍ଜା ଆବିନେସି, ଏଞ୍ଜାଣାଇଁ ନେହ୍ସି ଇଞ୍ଜା ଦାହୁଦ ଏଲେଇଞ୍ଜା ମାନେସି;

୭ \*ଆମ୍ବାଆରି ଦହ ମେଶଜି କିଞ୍ଜିଆହାମାନେ, ଆମ୍ବାଆରି ପାପୁ ମେଶଜି କିଞ୍ଜିଆହାମାନେ, ଏଞ୍ଜାରାକି ନେହେଁ ।

୮ ପ୍ରୁ ଆମ୍ବାଆରି ପାପୁ ଆହ୍ ଅସି, ଏଞ୍ଜାଣାକି ନେହେଁ !”

୯ ଇମ୍ବାଆଁ ଦାହୁଦ ଆମ୍ବାଆରାଇଁ ନେହେଁ ଇଞ୍ଜା ୱେସାମାନେସି, ଏଞ୍ଜାରି କି ୱାରଇ ତଲୁ ଦାପି ଆଡି ଲକୁ ମାଚେରି ? କି, ତଲୁ ଦାପିଆଆତି ଲକୁ ଜିକେଏ ନେହ୍ସି ଆହାଲି ଆଡିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାର୍ମୁଗାଟାସି ଇଞ୍ଜା ୱେଜିତେସି ।”

୧୦ ଆତିହ୍ ଏଡି ଏଚେଲା ଆହାମାଚେ ? ଅବ୍ରାହାମ ତଲୁ ଦାପି ଆଡି ତାୟି କି, ତାନି ନକେଏ ? ତଲୁ ଦାପି ଆଆନକେଏ, ତାୟି ଆଏ ।

୧୧ ତଲୁ ଦାପି ଆଡି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଇଁ ଦାର୍ମୁ ଗାଟାଣା ଲେହେଁ ଆବା ମାଚେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆନି ମେରା ବେଟାଆହା ମାଚେସି, ଇତିହ୍, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାତି ଦାର୍ମୁଗାଟାସି ଇଞ୍ଜହ୍ ଆବିତାସି, ସୁଦୁ ମାଣ୍ଡକିଟି ଅବ୍ରାହାମ ଏଞ୍ଜାରି ତାଞ୍ଜି ।\*

୧୨ ଆବା ଅବ୍ରାହାମ ତଲୁ ଦାପି ଆଡି ନକେଏଟିଏ ଆମିନି ନାମୁତି କାତା ତସାମାଚେସି, ତଲୁ ଦାପିଆଆତି ଲକୁ ଜାହାରା ଜୀହୁତା ଏଲେତି ନାମୁ ତସାଲି ଆଡିସାରେ, ଅବ୍ରାହାମ ଏଞ୍ଜାରାକି ଜିକେଏ ତାଞ୍ଜି ଆନେସି ।

#### ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ \*ଅବ୍ରାହାମ ମେରାତି ମାନି କିହାମାନାକି ଆଏ । ୱାରଇ ତାନି ନାମୁ ତାକି ମାହାପୁରୁ ତାଣାତି ଦାର୍ମୁଗାଟାସି ଇଞ୍ଜା ୱେଜିମାଚେସି ଇଞ୍ଜା ଏଦାଆଁତାକି ତାନି ମୀର୍କା ମାସ୍କା ଦାରୁତିଟି ଅଦିକାରା ବେଟାଆନେରି ଇଞ୍ଜା ମାହାପୁରୁ ଆଞ୍ଜାମାଚେସି ।\*

୧୪ \*ଆମ୍ବାଆରି ମେରାତି ମାନି କିନାରି, ୱାରଇ ଏଞ୍ଜାରି ମାହାପୁରୁତି ଦାନା ବେଟାଆନେରି ଇତିସାରେ, ମାଣ୍ଡସିତି ନାମୁ ଉଦ୍ଦେଏ, ମାହାପୁରୁ ଆଞ୍ଜାମାନାୟି ଜିକେଏ ଉଦ୍ଦେଏତାୟି ଆନେ ।\*

\* ୩:୩୦ ୱେ ମେରା ୭:୪; ଗାଲା ୩:୨୦ \* ୪:୩ ମୂଲୁ ୧୫:୭; ଗାଲା ୩:୭ \* ୪:୧୩ ମୂଲୁ ୧୭:୪-୬; ୨୨:୧୭,୧୮; ଗାଲା ୩:୨୯ \* ୪:୧୪ ଗାଲା ୩:୧୮ \* ୪:୭ ପାରୁ ୩୨:୧,୨ \* ୪:୧୧ ମୂଲୁ ୧୭:୧୦ \* ୪:୧୩ ଗାଲା ୩:୨୯ \* ୪:୧୪ ଗାଲା ୩:୧୮

୧୫ ଇତିହାସିମ୍ ଫସାତି ଫେରା ଉରିନି ତାଣାଟି ମାହାପୁରୁତି କାର୍ତ୍ତି ଗାଟାସି ଆନେସି, ସାମା ଆମ୍ବିୟା ଫେରା ହିଲେଏ, ଏମ୍ବାଆଁ ଫେରା ଉରିନି କାତା ହିଲେଏ ।

୧୬ ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡେ କାର୍ମାତି ଲାକ ଇଟ୍ଟି ଆହାମାନେ । ଆମିନି ଗାଟାରି ଫେରାତି ମାନି କିନେରି, ଖାରୁଇ ଏଞ୍ଜାଋକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏଦାଆଁତାକି ଇତିହାସି ଅବ୍ରାହାମ ଏଞ୍ଜାରି ସୁଦୁ ମାଣକିତି ତାଞ୍ଜି;\*

୧୭ ଆମିନି ମାହାପୁରୁଇ ଅବ୍ରାହାମ ନାମିମାଚେସି, ଆମ୍ବାଆସି ହାତାରାଇଁ ଖେଣ୍ଡେ ଜୀଞ୍ଜୁ କିନେସି, ଅଡେ ହିଲାଆଗାଟି ଦିଶ୍‌ସୁତି ମାନି ଲେହେଁ ହାଟିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ନିଜେ ହାରେକା କୁଡାତି ଲକୁତି ତାଞ୍ଜି କିହାମାଞ୍ଜାନମି ।”\*

୧୮ ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜା ଆସା ଇଟିତେସି, ଏଦାଆଁତାକି “ହାରେକା କୁଡାତି ତାଞ୍ଜି” ଆଡେସି । ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ନୀ କୁଡା ହୁକାୟାଁ ଲେହେଁ ଏଦାଆନେରି ।”\*

୧୯ ଏଞ୍ଜାଣାକି ଏଟିବେଲା ପାସାକଡ଼ି ବାର୍ଯ୍ୟା ଆହାମାଚାକି ଏଞ୍ଜାସି ତାନି ଆଙ୍ଗାତି ହାତାୟି ଇଞ୍ଜା ସାରା ଅଡେ କକାରି ପଦାଁ ଆନି ଗାରା ଜିକେଏ ହାତାୟି ଇଞ୍ଜା ଅଣ୍ଡପିତି ଜିକେଏ ନାମୁତା ଉଣା ଆଆଡେସି ।\*

୨୦ ଏଞ୍ଜାସି ତାନି ନାମୁ ପିହ୍‌ଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଞ୍ଜାସି ନାମୁତା ବାଡ଼ୁୟା ଆଡେସି ଇଞ୍ଜା ମାହାପୁରୁଇଁ ଜହରା କିଡେସି ।

୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜା ଏଞ୍ଜାଣାକି ଜାଣ୍ଡେ ନାମୁ ମାଚେ ।

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ବୁଗାଟାସି ଆହାମାଚେସି ।”\*

୨୩ “ଅବ୍ରାହାମ ଦାମ୍ବୁଗାଟାସି ଇଞ୍ଜା ଖେଙ୍ଗାମାଟି” କାତା ଖାରୁଇ ଏଞ୍ଜାଣି ତାକିଏଦେଁ ରାସ୍‌କି ଆହାହିଲେଏ ।

୨୪ ସାମା ଇ କାତା ମାଙ୍ଗେତାକି ଜିକେଏ ରାସ୍‌କି ଆହାମାନେ; ଇତିହାସି ଆମ୍ବାଆସି ମା ପ୍ରବୁ ଜୀସୁଇଁ ହାତାରି ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଙ୍ଗେତାକି ଜିକେଏ ଏଡି ଆନେ ।

୨୫ ଏ ପ୍ରବୁ ଜୀସୁ ମା ପାପୁତି ବାଦୁଲି ହାହାଲି ହେରପିଆହା ମାଚେସି ଇଞ୍ଜା ମାହାପୁରୁ ନକିତା ମାଙ୍ଗେ ଦାମ୍ବୁ ଗାଟାତାୟି କିହାଲି ଖେଣ୍ଡେ ନିଜିତେସି ।\*



ମାହାପୁରୁ ନକିତା ନେହଁ ତଞ୍ଜା ଆନାୟି

\* ୪:୧୭ ଗାଲା ୩:୭ \* ୪:୧୭ ଗାଲା ୩:୭ \* ୪:୧୭ ମୂଲୁ ୧୭:୫ \* ୪:୧୮ ମୂଲୁ ୧୫:୫ \* ୪:୧୯ ମୂଲୁ ୧୭:୧୭ \* ୪:୨୨ ମୂଲୁ ୧୫:୭ \* ୪:୨୫ କିସା ୫୩:୪,୫ \* ୫:୧୭ ମୂଲୁ ୩:୭

୧ ନୀଏଁ ନାମୁତଲେ ମାର ମାହାପୁରୁ ନକିତା ଦାମ୍ବୁ ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସୁ ତାଣାଟି ମାହାପୁରୁ ତଲେ ମାର ହିଡ଼ଡ଼ି ତଲେ ମାନାୟି;

୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁତି ଗାଞ୍ଜୁରମିତି ବାସ୍‌ତା ବଡପଣ କିହିମାନାୟି ।

୩ ଖାରୁଇ ଏଡି ଆଏ, ବାରେ ଦୁକୁ କସୁତା ଜିକେଏ ମାର ରାହାଁ କିହିମାନାୟି, ଇତିହାସି କସୁଟି ସାସା ଖାନେ,

୪ ସାସାଟି ବାଡ଼ୁୟା ମାଣକି ଖାନେ ଇଞ୍ଜା ବାଡ଼ୁୟା ମାଣକିଟି ବାସ୍‌ତା ଖାନେ ।

୫ ବାସ୍‌ତା ମାଙ୍ଗେ ହାଣି ଆହାଲି ହିୟେଏ, ଏନାଆଁତାକି ଇତିହାସି ମାହାପୁରୁ ମାଙ୍ଗେ ସୁଦୁଜୀଞ୍ଜୁ ହାହାନା ମା ହିୟାତା ତାନି ଜୀଞ୍ଜୁ ନନାଣି ହାହାମାଞ୍ଜାନେସି ।

୬ ଏଟିବେଲାତା ମାର ଏଡି ଉପେୟି ହିଲାଆଗାଟାତାୟି ମାଚାୟି, ଏଟିବେଲା ମାହାପୁରୁ ତାରି କିହାମାଟି ବେଲାତା କ୍ରୀସୁ ପାପୁ ଲକୁତାକି ହାଡେସି ।

୭ ଦାମ୍ବୁତି ଲକୁତାକି ଆମ୍ବାଆସି ଜିକେଏ ହାଅସି, ନେହଁ ଲକୁତାକି ଆମ୍ବାଆସି ଜୀଞ୍ଜୁ ହାହାଲି ଅଣ୍ଡପିନେସି ।

୮ ସାମା ମାର ପାପୁଗାଟି ଲକୁ ମାଚାଟି ଜିକେଏ କ୍ରୀସୁ ମା ତାକି ତାନି ଜୀଞ୍ଜୁ ହାଡେସି, ଇଦାଆଁ ତଲେ ମାହାପୁରୁ ମାଙ୍ଗେ ଏଚେକା ଜୀଞ୍ଜୁନହଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି ।

୯ ଏଦାଆଁତାକି ଇ କାତା ସାତା, ମାର ନୀଏଁ ଏଞ୍ଜାଣି ନେତେରି ତଲେ ଦାମ୍ବୁ ଗାଟାତଡ଼ି ଆହାମାନାକି ଏଞ୍ଜାଣି ତାଣାଟି ମାହାପୁରୁତି କପାଟି ଗେଲ୍‌ପି ଆହାଲି ଆଡିନାୟି ।

୧୦ ମାର ମାହାପୁରୁତି ସାଡୁୟାଁ ମାଚାୟି, ସାମା ମାର ତାନି ମାରଏଣା ହାକିଟି ତାନିତଲେ ଆଣ୍ଡିତାୟି, ନୀଏଁ ମାର ମାହାପୁରୁ ତଲେ ଆଣ୍ଡାନା କ୍ରୀସୁତି ଜୀଞ୍ଜୁତଲେ ଗେଲ୍‌ପି ଆନାୟି ।

୧୧ ଖାରୁଇ ଏଚେକା ଆଏ, ସାମା ପ୍ରବୁ ଜୀସୁ କ୍ରୀସୁତି ତାକି ମାର ନୀଏଁ ମାହାପୁରୁ ତଲେ ଆଣ୍ଡାନାୟି; ଏଞ୍ଜାଣି ତାଣାଟି ମାର ମାହାପୁରୁ ତାଣା ବଡପଣ ଜିକେଏ ଆହିମାନାୟି ।

ଆଦମ ଅଡେ କ୍ରୀସୁ

୧୨ ରଅଣି ତାଣାଟି ପାପୁ ଦାରୁତିତା ଖାଡେ ଅଡେ ପାପୁ ତଲେ ହାକି ଖାଡେ, ବାରେଜାଣା ପାପୁ କିତାକି ହାକି ବାରେ ମାଣ୍ଡିତାକି ଖାଡେ, ଇଞ୍ଜା ବାରେଜାଣା ପାପୁ କିଡେରି ।\*

୧୩ ଫେରା ହାପ୍‌କି ଆଡି ନକେଏ ଦାରୁତିତା ପାପୁ ମାଚେ; ସାମା ଫେରା ହିଲାଆଟି ପାପୁତି ଏଜିକିଞ୍ଜି ଆହି ହିଲାଆଡେ ।

୧୪ ଆଦମ ତାଣାଟିଏ ମସା ପାଡେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆତେଁ ଜିକେଏ ବାରେଜାଣା ହାକିତି ଡୁଇ ମାଚେରି; ଆମିନିଗାଟାସି ଖାନାୟି ମାଚେ, ଆଦମ ଏଞ୍ଜାଣି ର ଖାଣା ।

୧୫ ସାମା ଦହ ଏନିକ୍, ମାହାପୁରୁତି କାର୍ମା ଜିକେଏ ଏଲେକ୍, ଏଡ଼ି ଆଏ, ଇତିହ୍ ରଅଣି ଦହ ତାକି ହାରେକା ଲକୁତି ହାକି ଆଡେ, ଆତିହ୍ ମାହାପୁରୁତି କାର୍ମା ଅଡେ ର ମାଣସି ଇତିହ୍ ଜୀସୁ କ୍ରୀସୁ ହାତି କାର୍ମାତି ଦାନା ହାରେକା ଲକୁତାକି ହାରେକା ଗାତି ଆଡେ ।

୧୬ ର ମାଣସି ପାପୁ କିତାକି ଏନିକ୍ ପାଡେୟି ଆଡେ, ଇ ଦାନାତି ପାଡେୟି ଏଲେକ୍ ଆଏ, ଇତିହ୍ ରଅଣି ତାକି ଏମିନି ନୀହାୟି, ଏମ୍ବାତି ପାଡେୟି ଡଣ୍ଡ ଆଡେ, ସାମା ହାରେକା ଲକୁତି ଦହ ତାକି ଏମିନି କାର୍ମାତି ଦାନା, ଏମ୍ବାତି ପାଡେୟି ଦହ ହିଲାଆଗାଟାୟି ଆଡେ ।

୧୭ ର ମାଣସିତି ପାପୁ ତାକି, ହାକି ସାଲ୍ଡି କିତେ; ସାମା ଅର ରଅସି ଇତିହ୍ ଜୀସୁ କ୍ରୀସୁ ଏନାଆଁ କିହାମାନେସି, ଏଡ଼ି ଏଚେକା କାଜାୟି । ଆମିନି ବାରେଜାଣା ମାହାପୁରୁତି ହାରେକା କାର୍ମାମେହନାୟି ଉଜେଏ ମେଡ଼ା ଆନାଣି ତଲେ ମାହାପୁରୁତି ନକିତା ଦାମ୍ବୁଗାଟାରି ଇଞ୍ଜି ଝେଜ୍ଜିନେରି, ଏଞ୍ଜାରି କ୍ରୀସୁ ତଲେ ଜୀଣାଆହାନା ନୀତିନେରି ।

୧୮ ରଅଣି ପାପୁ ଏନିକିହ୍ ବାରେ ମାଣସି କୁଡ଼ାଈଁ ଡଣ୍ଡ ବେଟା ଆଞ୍ଜିକିତେ, ଏଲେକିହ୍ ଏ ରଅଣି ଦାମ୍ବୁତି କାମା ବାରେ ମାଣସି କୁଡ଼ା ତାକି ଗେଲ୍ପି ଆନାଣି ଇଞ୍ଜା ରାଆଗାଟି ଜୀଞ୍ଜୁ ତାଟାହାଡେ ।

୧୯ ରଅସି ମାନି କିଆତାକି ଏନିକିହ୍ ହାରେକା ଲକୁ ପାପୁ ଗାଟାରି ଆଡେରି, ଏଲେକିହ୍ ଏ ରଅଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଟାରି ଆନେରି ।

୨୦ ଇଦାଆଁ ପିସ୍ପେ ମେରା ଜିକେଏ ୱାଡେ, ଏନିକ୍ ଦହ ହାରେକା ଗାତିଆନେ; ସାମା ଆମ୍ବିୟା ପାପୁ ପାତାଆଡେ, ଏମ୍ବାଆଁ ମାହାପୁରୁତି କାର୍ମାମେହନାୟି ଜିକେଏ ହାରେକା ପାତାଆଡେ ।

୨୧ ଏନିକିହ୍ ପାପୁ ହାକି ତଲେ ସାଲ୍ଡି କିତେ, ଏଲେକିହ୍ ଏ ମାହାପୁରୁତି କାର୍ମାମେହନାୟି ଜୀସୁ କ୍ରୀସୁ ତାଣାଟି ମାଜେ ଦାମ୍ବୁ ଗାଟାଟାୟି କିହାଁ ରାଆଗାଟି ଜୀଞ୍ଜୁ ହିୟାଡେ ।



**ପାପୁତି ହାକି କ୍ରୀସୁ ତାଣାଟି ଜୀଞ୍ଜୁ**

୧ ଆତିହ୍ ମାର ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହ୍ ହାରେକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ?

୨ ଏଡ଼ି ଏଚେଲା ଜିକେଏ ଆଆପେ । ପାପୁ ତାକି ମାର ହାହାମାନାୟି, ଏନିକିହ୍ ଏମ୍ବାଆଁ ଅଡେ ମାର ନୀତିନାୟି ?

୩ ମାର ଏଚେକା ଲକୁତାୟି କ୍ରୀସୁ ଜୀସୁ ତାଣା ବାପ୍ତିସ୍ମ\* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ମ† ଅହାମାନାୟି, ଇଦାଆଁ କି ମୀରୁ ପୁଞ୍ଜାହିଲଅଡେରି ?

୪ ଏଦାଆଁତାକି ମାର ବାପ୍ତିସ୍ମ‡ ଅହାନା ହାକିତା ତାନିତଲେ ମୁସ୍ପି ଆହାମାନାୟି, କ୍ରୀସୁ ଏନିକିହ୍ ଆଡାତି ଗାଞ୍ଜୁରମି ତଲେ ହାଡାରି ତାଣାଟି ୱେଣ୍ଡେ ନିଜ୍ଜିତେସି, ମାର ଜିକେଏ ଏଲେକିହ୍ ଏ ପୁଞ୍ଜି ଜୀଞ୍ଜୁତି ମାଣ୍ଡି ତଲେ ନୀତିନ ।\*

୫ ଏନାଆଁତାକି ଇତିହ୍ ମାର ଏଞ୍ଜାଣି ହାକିତା ଆଣ୍ଡାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆତିହ୍ ସାତେଏ ଏଞ୍ଜାସି ୱେଣ୍ଡେ ନିଜ୍ଜିତି ଲେହେଁ ମାର ଜିକେଏ ନିଜ୍ଜାମା ଏଞ୍ଜାଣିତଲେ ରଣ୍ଡିଏ ଆନାୟି ।

୬ ମାର ପୁଞ୍ଜାମାନାୟି, ପାପୁତି ହଲିୟାଜ୍ଜା ଆଆପ, ଇଦାଆଁତାକି ପାପୁତି ଆଜ୍ଜା ନାସା କିହାଲିତାକି ମା ପୁଞ୍ଜା ମାଣ୍ଡି ତାନିତଲେ ପାସି ମୁଣ୍ଡାତା ହାହାମାନେ ।

୭ ଏନାଆଁତାକି ଇତିହ୍ ମାଣସି ହାଡ଼ିସାରେ, ପାପୁତି ବାଡ଼ୁୟି ଗେଲ୍ପି ଆନେସି ।

୮ ସାମା ମାର କ୍ରୀସୁ ତଲେ ହାଡାକି, ତାନିତଲେ ମାର ଜିକେଏ ନୀତିନାୟି ଇଞ୍ଜି ନାମାମାନାୟି ।

୯ ମାର ପୁଞ୍ଜାମାନାୟି, କ୍ରୀସୁ ହାକିଟି ନିଜ୍ଜାମାନାକି, ଏଞ୍ଜାସି ଅଡେ ୱେଣ୍ଡେ ହାଅସିଦେଁ, ଏଞ୍ଜାଣାଈଁ ଅଡେ ହାକି ସାଲ୍ଡି କିହାଲି ଆଡେଏ ।

୧୦ ଏଞ୍ଜାସି ଆମିନି ହାକିତା ହାଡେସି, ଏଦାଆଁ ତଲେ ପାପୁତି ବାଡ଼ୁୟି ରଣ୍ଡିଏ ଦେବେଏ ଜୀଣା ଆଡେସି । ଅଡେ ନାଏ ଆମିନି ଜୀଞ୍ଜୁତଲେ ନୀତାମାନେସି, ଏଡ଼ି ମାହାପୁରୁ ତଲେ ଆଣ୍ଡିତି ଜୀଞ୍ଜୁ ।

୧୧ ଏଲେକିହ୍ ଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜି ଅଣ୍ଡପାଦୁ । ସାମା କ୍ରୀସୁ ଜୀସୁ ତାଣାଟି ଆଣ୍ଡାନା ମାହାପୁରୁ ତାକି ଜୀଞ୍ଜୁ ଗାଟାଟମି ଇଞ୍ଜୁ ।

୧୨ ମୀ ହାନ୍ତି ଆଜ୍ଜାତା ପାପୁ ସାଲ୍ଡି କିୟାଆପେ; ମୀରୁ ଅଡେ ଆଜ୍ଜାତି ଲାଗେଏତି ଅଣ୍ଡପୁ ତଲେ ତାକାଆଦୁ ।

୧୩ ମୀ ଆଜ୍ଜା ଉଡେଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେର୍ପାଆଦୁ, ସାମା ହାଡାରି ତାଣାଟି ନୀତାମାନି ଲେହେଁ ଜାହା ଜାହାରାଈଁ ମାହାପୁରୁ ନକିତା ହେର୍ପା କଡାଦୁ, ଇଞ୍ଜା ଜାହା ଜାହାରା ଆଜ୍ଜା ଉଡେଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେର୍ପାଦୁ ।

୧୪ ପାପୁ ମିଜେ ସାଲ୍ଡି କିୟାଆପେ, ମୀରୁ ଅଡେ ମସାତି ମେରା ଡ଼ଇ ହିଲଅଡେରି, ସାମା ମାହାପୁରୁତି କାର୍ମାତି ଡ଼ଇ ମାଞ୍ଜେରି ।

**ଦାମ୍ବୁତି ହଲିୟାଜ୍ଜା**

୧୫ ଆତିହ୍ ଏନାଆଁ ? ମାର ମସାତି ମେରା ଡ଼ଇ ହିଲାଆୟି, ସାମା ମାହାପୁରୁତି କାର୍ମାମେହନି ଡ଼ଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହ୍ ଏଚେଲା ଜିକେଏ ଆଆପେ ।

୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଜ୍ଜା ଆହାନା ଏଞ୍ଜାଣି କାତା ମାନଞ୍ଜି ଆଡ଼ିସାରେ, ଆତିହ୍ ମୀରୁ ଏଞ୍ଜାଣି ହଲିୟାଜ୍ଜାଡେରି, ପାପୁତି

\* ୬:୩ ମୁଞ୍ଜନାୟି † ୬:୩ ମୁଞ୍ଜନାୟି ☆ ୬:୪ କଲସି ୨:୧୨ ‡ ୬:୪ ମୁଞ୍ଜନାୟି ☆ ୬:୪ କଲସି ୨:୧୨

ହଲିୟାଙ୍ଗା ଆଡ଼ିସାରେ, ପାପୁ ମାଣ୍ଡକିଟି ହାକି ୱାନ୍ଦେନ; ଦାମ୍ବୁତି ଜେଟ ହାଡିସାରେ, ଜାଝୁ ବେଟାଆଦେରି ।

୧୭ ସାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଙ୍ଗାତେରି ମାରେରି, ମୀରୁ ନୀର୍ବ ନେହୁଁ ବଲୁଡି ଜାପୁନି ତାଣା ହେରପିଆହା ମାଞ୍ଜେରି, ଅଡେ ହିୟାଁ ତଲେ ଏମ୍ବାତି ମାନି କିହିମାଞ୍ଜେରି ।

୧୮ ପାପୁଟି ପିସ୍ପି ଆହାନା ଦାମ୍ବୁତି ହଲିୟାଙ୍ଗା ଆହାମାଞ୍ଜେରି ।

୧୯ ମୀ ଆଙ୍ଗାତି ବାଡ଼ୁୟୁ ହିଲାଆକି ମାଣ୍ଡିପିତି ହାଡ଼ାତଲେ ୱେସିମାଞ୍ଜାଇଁ; ମୀରୁ ଏନିକିହୁଁ ଲାଗେଏତି କାମାତାକି ଜାହାରା ଆଙ୍ଗା ଉଡେଲିତି ପଡେଲଏତି ଇଞ୍ଜାଁ ଦାମ୍ବୁ ହିଲାଆତାଣା ହଲିୟାଙ୍ଗା ଲେହେଁ ହେରପାମାରେରି, ଏଲେକିହୁଁ ଏ ନୀର୍ବ ଜାହାରା ଆଙ୍ଗା ଉଡେଲିତି ସୁଦୁଜାଝୁ ତାକି ଦାମ୍ବୁତି ନକିତା ହଲିୟାଙ୍ଗା ଲେହେଁ ହେରପାଦୁ ।

୨୦ ମୀରୁ ପାପୁତି ହଲିୟାଙ୍ଗା ମାଟାଟି, ଦାମ୍ବୁତାକି ମେଲା ପିସ୍ପି ଆହାମାରେରି ।

୨୧ ଆଡିହୁଁ ନୀର୍ବ ମିଙ୍ଗେ ଆମିନି କ୍ଲାମା କିହାଲିତାକି ଲାଜା ହଡ଼ିମାଞ୍ଜାନେ, ଏଡିବେଲା ବାରେ କିହିମାରେରି, ଏଡି ଏମ୍ବାଟି ଏନାଆଁ ଲାବା ବେଟାଆଡେରି ? ଏ ବାରେ କାମାତି ପାଡେୟି ହାକି ।

୨୨ ସାମା ନୀର୍ବ ମୀରୁ ପାପୁଟି ପିସ୍ପି ଆହାନା ମାହାପୁରୁତି ହଲିୟାଙ୍ଗା ଆହାମାଞ୍ଜେରି । ଇଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜାଝୁ ତଲେ ହେରପି ଆନାୟି ଇଞ୍ଜାଁ ରାଆଗାଟି ଜାଝୁ ବେଟାଆନାୟି ।

୨୩ ଏନାଆଁତାକି ଇଡିହୁଁ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହୁନି ଦାନା ମା ପ୍ରୁ ଜୀସୁ ଜୀସୁ ତଲେ ଆଣ୍ଡିନି ତାଣା ରାଆଗାଟି ଜାଝୁ ମାନେ ।



**ବୀହା ଆନି କାତା**

୧ ତାୟି ତାଙ୍ଗିସ୍ତାତେରି, ନୀର୍ବ ଏନାଆଁ ୱେସାଲି ଅଣ୍ଡିପିମାଇଁ, ଏଦାଆଁ ମୀରୁ ତେଲ୍‌ହିଦେରି, ଏନାଆଁତାକି ଇଡିହୁଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି । ମାଣ୍ଡିସି ୱାଋଇ ତାନି ନୀତାମାନି ପାତେକା ମେରାତି ଡ଼ଇ ଡ଼ୟିନେସି ।

୨ ଡକ୍ରା ନୀତାମାନି ପାତେକା ତାନି ଡକ୍ରି ଏଞ୍ଜାଣିତଲେ ବୀହା ମେରା ତଲେ ଦସ୍ପି ଆହାନା ଡ଼ୟିନେ । ସାମା ଡକ୍ରା ହାଡ଼ିସାରେ, ଏଞ୍ଜାଣି ଡକ୍ରି ଇ ମେରାଟି ପିସ୍ପି ଆନେ ।

୩ ଡକ୍ରା ନୀତା ମାନାଟିଏ, ଡକ୍ରି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜାଁ ଇନେରି; ସାମା ଡକ୍ରା ହାଡ଼ି ତାୟୁ ମେରାଟି ପିସ୍ପି ଆନେ, ଅଡେ ଏଡି ଅର ରଅଣାକି ବୀହା ଆଡ଼ିସାରେ, ଏଡି ଦାରେଣି ଆଏ ।

୪ ଇଦାଆଁତାକି ତାୟି ତାଙ୍ଗିସ୍ତାତେରି, ଜୀସୁତି ଆଙ୍ଗା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହୁଁ ମୀରୁ ଏଟକାତାରି ତଲେ ଆଣ୍ଡିଦେରି, ଇଡିହୁଁ

ମା ମାହାପୁରୁ ତାକି ପାଡେୟି ଆୟାଲି ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ ।

୫ ଏଚରଦିନା ପାତେକା ମାର ଆଙ୍ଗାତି ମାଣ୍ଡକି ତଲେ ମାଟାୟି, ଏଚରଦିନା ପାତେକା ମସା ମେରାଟି ପାପୁତି ଜୁପକା ମା ଆଙ୍ଗା ବିଡ଼ା ଜାଝୁତି ହାଞ୍ଜି କିହାଲି କାମା କିହିମାଟେ ।

୬ ସାମା ଏନାଆଁତଲେ ଦସ୍ପି ଆହାମାଟାୟି, ଏମ୍ବାଟି ହାହାନା ନୀର୍ବ ମାର ମେରାଟି ଅଦିକାରାଟି ମୁକଲ୍‌ଞ୍ଜି ଆହାମାନାୟି; ମାର ଅଡେ ତଲିଡିଲେହେଁ ରାସ୍ତକି ଆହାମାନି ମେରାଟି ସେବା କିହି ହିଲାଆୟି, ସୁଦୁଜାଝୁ ତସାମାଞ୍ଜାନି ପୁଞ୍ଜିନି ଜିରୁତା ନୀର୍ବ ତାକି ମାନାୟି ।

**ମେରା ଅଡେ ପାପୁ**

୭ ଆଡିହୁଁ ଏନାଆଁ ଇନାୟି, ମେରା ପାପୁ ଗାଟାୟି ? ଏଡି ଏଚେଲାଞ୍ଜା ଆଏ । ସାମା ପାପୁ ଏନାୟି, ଏଦାଆଁ ମେରା ନାଙ୍ଗେ ୱେସା ମାଞ୍ଜାନେ, “ଏଟକା ଲକ୍ଷୁଡି ଦିଶ୍‌ସୁ ଜୁପକା ଆଆଦୁ,” ଇ ହୁକୁମି ମେରା ୱେସା ମାଞ୍ଜାଆଡିହୁଁ ମା, ଜୁପକା ଏନାୟି, ନାନୁ ପୁନାଆତେଏଁମା ।\*

୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁଡି ଜୁପକା କିନାଣି ହିୟାତେ, ମେରା ପିସ୍ପିପେ ପାପୁ ହାଡ଼ାୟି ।

୯ ର ଦିନା ନାନୁ ମେରା ପୁନାଆନା ନୀତିମାଟେଏଁ, ସାମା ହୁକୁମି ୱାହାଲିଏ ପାପୁ ନୀତିତେ, ଇଞ୍ଜାଁ ନାନୁ ହାଡେଏଁ;

୧୦ ଆମିନି ମେରା ଜୀଝୁ ହାହାଲିତାକି ଟିକାଣା ତାୟି ମାଟେ, ଏଡି ନା ଜୀଝୁତା ହାକି ୱାଡେ ।

୧୧ ଇଡିହୁଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନୀଡ଼ି କିୟାତେ ଇଞ୍ଜାଁ ଏମ୍ବାଟି ନାଙ୍ଗେ ପାୟାତେ ।\*

୧୨ ମେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାମ୍ବୁଗାଟାୟି ଇଞ୍ଜାଁ ନେହାୟି ।

୧୩ ଆଡିହୁଁ, ଏନାୟି ନେହାୟି, ଏଡି କି ନାଙ୍ଗେ ହାଞ୍ଜି କିୟାନେ ? ଏଡି ଏଚେଲାଞ୍ଜା ଆଆପେ, ପାପୁଏ ଏଦାଆଁ କିତେ, ନେହୁଁ ମେରାଟି ଲେମ୍ବାନା ପାପୁ ନାଙ୍ଗେ ହାଞ୍ଜି କିୟାତେ, ଏଦାଆଁ ତଲେ ପାପୁତି ସାତା ୱାଣା ତଞ୍ଜାଆଡେ, ଏଦାଆଁତାକି ମେରା ତଲେ ପାପୁ ହାରେକା ଆଜିହୁପେତାୟି ପୁଣ୍ଡିଆଡେ ।

**ମାଣ୍ଡିସି ଆଙ୍ଗାତା ମାନି ଗଡ଼ହା**

୧୪ ମସାତି ମେରା ସୁଦୁଜାଝୁ ଗାଟାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଙ୍ଗାତା କଡ଼ଞ୍ଜିଆଡ଼ି ହଲେଏଣାତେଏଁ ।

୧୫ \*ନାନୁ ଏନାଆଁ କିହିମାଇଁ, ଏଦାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଣ୍ଡପୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ ।\*

୧୬ ସାମା ଏନାଆଁ ନାନୁ ଅଣ୍ଡପଅଁ, ଏଦାଆଁ କିଡିସାରେ, ଆଡିହୁଁ ମସାତି ମେରା ନେହାୟି ଏଦାଆଁ ନାନୁ ଜଲିମାଇଁ ।

\* ୭:୭ ହାନାୟି ୨୦:୧୭; ୱେ ମେରା ୫:୨୧ \* ୭:୧୧ ମୂଲୁ ୩:୧୩ \* ୭:୧୫ ଗାଲା ୫:୧୭ \* ୭:୧୫ ମୂଲୁ ୫:୧୭

୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ତାମାନି ପାପୁଏ ଏଦାଆଁ କିହିମାନେ ।

୧୮ ନାନୁ ପୁଞ୍ଜାମାଇଁ, ନା ବିତ୍ତା ଇଚିହିଁ ମାଣସି ମାଣକିତା ନେହାୟି ଏନାୟି ଜିକେଏ ହିଲେଏ, ଇଚିହିଁ ନେହିଁ କାମା କିହାଲି ନାଜେ ଅଣ୍ପୁ ମାଚିହିଁ ଜିକେଏ ଏଦାଆଁ କିହାଲି ଆଡ଼ଥାଁ ।

୧୯ ଇଚିହିଁ ଏମିନି ନେହିଁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଇଁ ।

୨୦ ନାନୁ ଏନାଆଁ ଅଣ୍ପି ହିଲଅଁ, ଏଦାଆଁ କିହିମାଇଁ, ଆତିହିଁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ ।

୨୧ ଏଦାଆଁତାକି ନାନୁ ନେହିଁ କାମା କିହାଲି ମନ କିହିମାଇଁ, ଏଚିବେଲା ନା ତାଣା ଖାରଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ମେରାତା ମେସିମାଇଁ ।

୨୨ ଇଚିହିଁ ହିୟାତା ଅଣ୍ପିନି ମାଣସିଲେହେଁ, ମାହାପୁରୁତି ମେରା ମାନି କିହାଲି ନାଜେ ରାହାଁ,

୨୩ ସାମା ନାନୁ ନା ଆଜ୍ଞାତା ଅର ରଲେତି ମେରା ତଞ୍ଜା ଆହିମାନେ, ଏଦି ନା ମନତି ମେରା କପାଟି ଜୁଜୁ କିହିମାନେ, ଅଡ଼େ ନା ଆଜ୍ଞାତା ଏମିନି ପାପୁତି ମେରା ମାନେ, ନାଜେ ଏମାଆଁ ଦସପାନା ।

୨୪ ଆୟତା, କାର୍ମା କପଲ ହିଲାଆଗାଟି ମାଣସିତେଏଁ ନାନୁ ! ଇ ହାଝିକିନି ଆଜ୍ଞାଟି ନାଜେ ଆମ୍ବାଆସି ଗେଲ୍‌ପାନେସି ?

୨୫ ମା ପୁରୁ ଜୀସୁ କ୍ରୀସ୍ତ ତାଣାଟି ଗେଲ୍‌ପି ଆହାମାନାକି ମାହାପୁରୁଇଁ ଜହରା ଆପେ । ଏନାଆଁତାକି ଇଚିହିଁ ନାନୁଏ ନା ମନତଲେ ମାହାପୁରୁତି ମେରାତି ହଲେଏଣାତେଏଁ, ସାମା ଆଜ୍ଞା ତଲେ ପାପୁ ମେରାତି ହଲିୟା ଆହାମାନେ ।

┌

**ସୁଦୁଗାଟି ଜୀସୁ**

୧ ଆମିନି ଗାଟାରି କ୍ରୀସ୍ତ ଜୀସୁତଲେ ଆଣ୍ଡାନା ନୀତିମାନେରି, ଏଞ୍ଜାରାକି ନୀଏଁ ଏନି ତଣ୍ଡ ହିଲେଏ ।

୨ ଇଚିହିଁ ଜୀସୁ ହିୟାନି ଜୀସୁତି ମେରା କ୍ରୀସ୍ତ ଜୀସୁ ତାଣା ଆଣ୍ଡାନା ମିଜେ ପାପୁ ଅଡ଼େ ହାଝିକିନି ମେରାଟି ମୁକଲଝି କିହାମାଞ୍ଜାନେ ।

୩ ମାଣସିତି ଆଜ୍ଞାତା ବାଡ଼ୟୁ ହିଲାଆକି ମସା ହୀହାମାନି ମେରା ଏନାଆଁ କିହାଲି ଆଡ଼ାଆତେ, ମାହାପୁରୁ ଏଦାଆଁ ତାନି ମୀରଏଣାଇଁ ପାପୁଗାଟି ମାଣସିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଜ୍ଞାତି ପାପୁତି ତଣ୍ଡ ହାହାଲି କିତେସି ।

୪ ଏଦାଆଁତାକି ମାର ମାଣସିତି ମାଣକିତା ମାନାଆନା ସୁଦୁଜୀସୁତି ମାଣକିତା ମାଞ୍ଜାନା ଇଞ୍ଜା ଇଦାଆଁ ତଲେ ମାର ମେରାତି ପାଣ୍ଡାପାରୁ ମାନି କିହିମାନାୟି ।

୫ ଆମିନି ଗାଟାରି ଆଜ୍ଞାତି ମାଣକି ତଲେ ନୀତିନାରି ଏଞ୍ଜାରି ଆଜ୍ଞାତି ମାଣକିତି କାତାତା ମନ ହୀନେରି, ସାମା

ଆମିନି ଗାଟାରି ସୁଦୁଜୀସୁତି ମାଣକି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀସୁତି କାତାତା ମନ ହୀନେରି ।

୬ ଇଚିହିଁ ଆଜ୍ଞାତି ମାଣକିତି ମନ ହାଝିକିନେ; ସାମା ସୁଦୁଜୀସୁତି ମାଣକିତି ମନ ଜୀସୁ ଇଞ୍ଜା ହିଡ଼ି ହିୟାନେ ।

୭ ଇଚିହିଁ ଆଜ୍ଞାତି ମନତଲେ ନୀତିନାସି ମାହାପୁରୁ କପାଟି ସାତୁ ଆନେସି; ଇଚିହିଁ ଏଞ୍ଜାସି ମାହାପୁରୁ ମେରାତି ମାନି କିଅସି; ଇଞ୍ଜା ଏଞ୍ଜାସି ମାନଝି ଆହାଲି ଆଡ଼ଅସି ।

୮ ଆମିନି ଗାଟାରି ଆଜ୍ଞାତି ମାଣକି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅସି ।

୯ ମାହାପୁରୁତି ସୁଦୁଜୀସୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡ଼େ ଆଜ୍ଞାତି ମାଣକି ଲେହେଁ ନୀତଅତେରି, ସାମା ସୁଦୁଜୀସୁତି ହୁକୁମି ମାନି କିହିମାଞ୍ଜେରି । କ୍ରୀସ୍ତ ଜୀସୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି ।

୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଚିହିଁ ଜିକେଏ, ସୁଦୁଜୀସୁ ମିଜେ ଜୀସୁ ହୀୟାନେ, ଏନାଆଁତାକି ଇଚିହିଁ ମାହାପୁରୁ ନକିତା ମୀରୁ ଦାମ୍‌ଗାଟାତେରି ଆହାମାଞ୍ଜେରି ।

୧୧ ✨ଆମ୍ବାଆସି ହାଡ଼ାରି ତାଣାଟି ଜୀସୁଇଁ ନିକହେସି, ଏଞ୍ଜାଣି ଜୀସୁ ମୀ ତାଣା ମାଟିସାରେ, ଆତିହିଁ ଆମ୍ବାଆସି ହାଡ଼ାରି ତାଣାଟି କ୍ରୀସ୍ତ ଜୀସୁଇଁ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀସୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଟନେସି ।

୧୨ ଏଦାଆଁତାକି, ତାୟି ତାଜିସ୍ତାତେରି, ମାର ରୀଣାଗାଟାତାୟି, ସାମା ଆଜ୍ଞାତି ମାଣକି ତଲେ ନୀଡାଲି ଆଏ ।

୧୩ ଇଚିହିଁ ଆଜ୍ଞାତି ମାଣକି ତଲେ ମୀରୁ ନୀତିଦେରି, ଆତିହିଁ ସାତେଏ ହାଦେରି, ସାମା ସୁଦୁଜୀସୁତି ସାୟେମି ତଲେ ଆଜ୍ଞାତି କାମା ବାରେ ନାସା କିଦେରି, ଆତିହିଁ ନୀତିଦେରି ।

୧୪ ଆମିନି ଗାଟାରି ମାହାପୁରୁତି ସୁଦୁଜୀସୁ ତଲେ ତାକିନେରି, ଏଞ୍ଜାରି ମାହାପୁରୁତି ମୀରକା ।

୧୫ ✨✨ଇଚିହିଁ ମୀରୁ ଝେଣ୍ଡେ ଆଜାଲି ହଲିୟାଜ୍ଞାତି ଜୀସୁ ବେଟାଆହା ହିଲଅତେରି, ସାମା ମୀରଏଣାତି ଜୀସୁ ବେଟାଆହାମାଞ୍ଜେରି; ଏମ୍ବାଟି ମାର “ଆବା ତାଞ୍ଜି” ଇଞ୍ଜି ହାଡ଼ିମାନାୟି ।

୧୬ ମାର ମାହାପୁରୁତି ମୀରକା ମାସ୍କା ଇଞ୍ଜି ଏ ଜୀସୁଏ ମା ଜୀସୁତଲେ ଆଣ୍ଡାନା ସାକି ହୀହିମାନେ ।

୧୭ ଏନାଆଁତାକି ଇଚିହିଁ ମାର ମାହାପୁରୁତି ମୀରକା ମାସ୍କାତାୟି, ତାନି ଲକୁତାକି ଲଡ଼ାମାନି ବରତି ବାଗା ପାଣ୍ଡାନାୟି, ଇଞ୍ଜା କ୍ରୀସ୍ତ ତଲେ ଗାଝୁରମି ବେଟାଆହାଲି ମାର ଜିକେଏ ଏଞ୍ଜାଣିତଲେ ଦୁକୁ କସ୍ତ ପାଣ୍ଡାନାୟି ମାନେ, ଆତିହିଁ ମାହାପୁରୁତି ବରତି ବାଗା ଅଡ଼େ କ୍ରୀସ୍ତ ତଲେ ବାଗାତା ଆଣ୍ଡାଲି ଆଡ଼ିନାୟି ।

**ଞ୍ଜାହିମାନି ଗାଝୁରମି**

୧୮ ଅଶ୍ୱପାଦୁ, ଆମିନି ଗାଞ୍ଜୁରମିତା ଖାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀର୍ବତ ଦୁକୁ କାକୁଲି ଇଚାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରକା ମାୟକାଣି ତହ୍ନେସି ।

୧୯ ମାହାପୁରୁ ତାନି ମୀରକା ମାୟକାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡାୟି କାପୁ କାଡାମାନେ ।

୨୦ ଏନାଆଁତାକି ଇଚିହ୍ନି ଗାଡ଼ିଆଡାୟି ମାହାପୁରୁ ତାଣାଟି ବାକା ବେଗାଆହାନା ତାନି ଏଗାହାନି ଚାୟୁ ବାଣା ଆହାମାନେ । ଆଡ଼ିଜିକେଏ ତାନି ଆସା ମାନେ,

୨୧ ଅଡ଼େ ଏଡ଼ି ବାସୁଁ ବେଗାଆଡ଼େ, ଇଞ୍ଜା ଗାଡ଼ି ଆଡାୟି ତାନୁଏ ଜିକେଏ ମାହାପୁରୁତି ମୀରକା ଗାଞ୍ଜୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାଟି ପିସ୍ପି ଆନେ

୨୨ ସାମା ନୀର୍ବ ପାତେକା ବାରେ ଦାରତି ଜାର୍ନା କିନି ବୀସା ତଲେ କସ୍ତ ପାଣି ଲେହେଁ କସ୍ତ ତାକି ଡାହିମାନେ ।

୨୩ ଯାମା ମାର ମୂଲୁତି ପାଡ଼େୟି ଲେହେଁ ସୁଦୁଜୀଞ୍ଜୁତି ବେଗାଆହାମାନାୟି, ଆତିହ୍ନି ଜିକେଏ ମାର ମାହାପୁରୁତି ମୀରକା ଇଚିହ୍ନି ଜାହା ଜାହାରା ଆଙ୍ଗାଟି ବାରେଜାଣା ଗେଲ୍ପି ଆୟାଲିତାକି କାପୁ କାଡାମା ମା ହିୟାତା ଡାହି ମାନାୟି ।

୨୪ ଏନାଆଁତାକି ଇଚିହ୍ନି ବାସୁଁଟି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସୁଁ ଇଚିନାୟି ଏଡ଼ି ସାତାତି ବାସୁଁ ଆଏ, ଇଚିହ୍ନି ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସୁଁ ଇଚିନାୟି ?

୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାସୁଁ ଇଚିନାୟି, ଆତିହ୍ନି ମାଙ୍ଗେ ସାସାତଲେ କାପୁ କାଃଆନାୟି ମାନେ ।

୨୬ ମାର ବାଡ଼ୟୁ ହିଲାଆଗାଗାତାୟି, ସାମା ସୁଦୁଜୀଞ୍ଜୁ ମାଙ୍ଗ ସାୟେମି କିୟାନେ; ଏନିକିହ୍ନି ପ୍ରାତାନା କିନାୟି, ଏଦାଆଁ ମାର ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଞ୍ଜୁ ଜଲିନି ହାଡାତଲେ ମା ତାକି ମାହାପୁରୁଇଁ ଗହାରା କିନେ;

୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନାସି, ଏଞ୍ଜାସି ସୁଦୁଜୀଞ୍ଜୁତି ଅଶ୍ୱପୁ ଏନାୟି ଏଦାଆଁ ପୁନେସି, ଇଚିହ୍ନି ଏଞ୍ଜାସି ମାହାପୁରୁତି ଅଶ୍ୱପୁ ତଲେ ମାହାପୁରୁ ଲକୁତାକି ଗହାରା କିନେସି ।

୨୮ ମାର ପୁଞ୍ଜାମାନାୟି, ଆମିନି ଗାଗାରି ମାହାପୁରୁଇଁ ଜୀଞ୍ଜୁ ନନେରି ଇଞ୍ଜା ମାହାପୁରୁତି ଲଡ଼ା ତାକି ବାଟି କିଞ୍ଜି ଆହାମାନେରି, ଏଞ୍ଜାରାକି ବାରେ ନେହାୟି ଆନେ ।

୨୯ ଆମ୍ବାଆରାଇଁ ମାହାପୁରୁ ହାଡ଼ାମାନେସି, ଏଞ୍ଜାରାକି ତାନି ମୀରଏଣା ଖାଣା ଲେହେଁ ଆହାଲି ତଲିଟିଏ ତୀରି କିହାମାନେସି, ଆତିହ୍ନି ମାହାପୁରୁତି ମୀରଏସି, ଏନିକିହ୍ନି ଏଞ୍ଜାସି ହାଡ଼େକା ତାୟି ତାଜିସ୍ତା କିହାଁ ମୂଲୁ ଜାର୍ନା ଆଡାସି ଆନେସି ।

୩୦ ଆମ୍ବାଆରାଇଁ ନକେଏ ଆଡାମାନେସି, ଏଞ୍ଜାରାକି ଏଞ୍ଜାସି ହାଡ଼ିତେସି, ଏଞ୍ଜାରି ମାହାପୁରୁ ନକିତା ଦାମ୍ବୁଗାଗାରି ଇଞ୍ଜା ତଞ୍ଜି କିତେସି, ଅଡ଼େ ଆମିନି ଗାଗାରାଇଁ

ଦାମ୍ବୁଗାଗାରି ଇଞ୍ଜା ତଞ୍ଜି କିତେସି ଏଞ୍ଜାରାଇଁ ଜିକେଏ ଏଞ୍ଜାସି ଗାଞ୍ଜୁରମି କିତେସି ।

**ମାହାପୁରୁତି ଜୀଞ୍ଜୁନନାୟି**

୩୧ ଆତିହ୍ନି ଇ ବାରେତି ମେସାନା ମାର ଏନାଆଁ ଇନାୟି ? ମାହାପୁରୁ ମା ଞ୍ଜାକି ମାତିସାରେ, ଆମ୍ବାଆସି ମା କପାତଲେ ନିଙ୍ଗିନେସି ?

୩୨ ଆମ୍ବାଆସି ତାନି ମୀରଏଣାଇଁ ଜିକେଏ ଗେଲ୍ପିଆତେସି, ସାମା ମା ବାରେତାକି ଏଞ୍ଜାଣାଇଁ ହେର୍ପିତେସି, ଏଞ୍ଜାସି ଏନିକିହ୍ନି ଏଞ୍ଜାଣିତଲେ ମାଙ୍ଗେ ଜିକେଏ ବାରେ କାର୍ମାତି ଦାନା ହିୟଅସିକି ?

୩୩ ମାହାପୁରୁ ହାଡ଼ାମାନି ଲକୁ କପାତଲେ ଆମ୍ବାଆସି ଦହ୍ ଦସାଲି ଆଡ଼ିନେସି ? ଏଞ୍ଜାରି ଦହ୍ ହିଲାଆ ଗାଗାରି ଇଞ୍ଜା ମାହାପୁରୁ ତାନୁଏ ଝେକ୍‌ହା ମାନେସି ।

୩୪ ଆମ୍ବାଆସି ତଣ୍ଡ ହାନେସି ? କ୍ରୀସ୍ତ ଜୀସୁ ହାଡ଼ାରି ତାଣାଟି ଝେଣ୍ଡେ ନିଙ୍ଗାନା ମାହାପୁରୁତି ଚିଃନି ଟଟତା ମାଞ୍ଜାନା ମାଙ୍ଗେତାକି ଗହାରା କିହିମାନେସି ।

୩୫ ଆତିହ୍ନି ଆମ୍ବାଆସି ମାଙ୍ଗେ କ୍ରୀସ୍ତ ଜୀଞ୍ଜୁ ନନି ତାଣାଟି ଏଟକା କିୟାନେସି ? ଦୁକୁ, କସ୍ତ, କାକୁଲି କି କାଡ଼ାରା, ହାକି, ଏସ୍‌କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡ଼େଏ ।

୩୬ ସାସ୍ତେରିତା ରାସ୍‌କି ଆହାମାନେ;  
“ମିଙ୍ଗେ ତାକି ମାମୁ ରାରେଦିନା ହାକିତି ନକିତା,  
ହାହାଲି ହାଜିମାନି ମେଣ୍ଡା ଲେହେଁ ମାମୁ ତଞ୍ଜା  
ଆହିମାନମି ।”

୩୭ ଆଡ଼ିଜିକେଏ ଆମ୍ବାଆସି ମାଙ୍ଗେ ଜୀଞ୍ଜୁ ନୟାତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜୀଣା ଆହାମାନାୟି ।

୩୮ ନାନୁ ସାତେଏ ନେହ୍‌କି ପୁଞ୍ଜାମାଇଁ ତାନି ଜୀଞ୍ଜୁ ନନି ତାଣାଟି ମାର ଏଚେଲା ଜିକେଏ ଏଟକା ଆଆୟି, ହାକି କି ଜୀଞ୍ଜୁ, ଲାକପୁରୁତି ଦୁଡୁୟାଁ କି ସାଲଞ୍ଜି କିହିମାନାଇ କି ବାଡ଼ୟୁ ଗାଗାଇ, ନୀର୍ବ କି ଖାନି ଦିନା କି ଏନି ବାଡ଼ୟୁ,

୩୯ ଲାକପୁରୁତି କାତା କି ତୁଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶ୍‌ସୁ ପ୍ରୁ କ୍ରୀସ୍ତ ଜୀସୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଞ୍ଜୁ ନନି ତାଣାଟି ମାଙ୍ଗେ ଏଟକା କିୟାନେ ।



**ମାହାପୁରୁ ଅଡ଼େ ତାନି ଲକୁ**

୧ ନାନୁ କ୍ରୀସ୍ତ ଜୀଞ୍ଜୁ ଆହାମାନାକି ସାତା ଝେସିମାଇଁ, ମିତି ଝେସିହିଲଅଁ । ସୁଦୁଜୀଞ୍ଜୁତି ସେଡନା ହାନାଣି ତଲେ ନା ଅଶ୍ୱପୁ ଇଦାଣିତି ସାକି ।

୨ ନାନୁ ଏଚେକା ଦୁକୁ ଅଡ଼େ କସ୍ତତଲେ ନା ହିୟାତା ଏଚେକା ବଜୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ ।

୩ ନା ଜାହାରା କୃତାତି ତାୟିୟାକି ନାନୁ କ୍ରୀସ୍ତ ତାଣାଟି ଏଟକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣ୍ଟପୁ, ଇତିହା ଏଞ୍ଜାରି ମାହାପୁରୁତି ଲକୁ ।

୪ ଏନାଆଁତାକି ଇତିହା ଏଞ୍ଜାରି ଇସ୍ରାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଞ୍ଜୁରମି ତସାମାରେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରିକି ମେରା ହାହାମାରେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି;

୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆବାୟାତି ମୀରକା ଇଞ୍ଜା ମାଣ୍ଟସି ଖାଣାଟି କ୍ରୀସ୍ତ ଏଞ୍ଜାରି ତାଣାଟି ଜାନ୍ନା ଆହାମାରେସି; ବାରେ ଅଦିକାରାଗାଟି ମାହାପୁରୁକି କାଲକାଲତାକି ଜହରା ଆପେ । ଆମେନ୍ ।

୬ ମାହାପୁରୁତି ବଲୁ ଉଜେଏ ଆହାମାନେ ଇଞ୍ଜା ନାନୁ ଝେସିହିଲଅଁ, ଇତିହା ଇସ୍ରାୟେଲ କୃତାତି ବାରେ ଲକୁ ମାହାପୁରୁତି ଲକୁ ଆଏ ।

୭ ଅବ୍ରାହାମ କୃତାତି ବାରେ ଲକୁ ମାହାପୁରୁ ମୀରକା ମାସକା ଏଦି ଆଏ; ମାହାପୁରୁ ଅବ୍ରାହାମଇଁ ଝେସାମାରେସି, “ଇସାହାକ ତାଣାଟି ନୀ କୃତା ଝେଙ୍ଗିନେରି ।”

୮ ଇଦାଣି କାତା ଇଦି, ମାଣ୍ଟସି ମୀରକା ମାସକା ମାହାପୁରୁ ମୀରକା ମାସକା ଆହାଲି ଆଡ଼ଅରି, ମାହାପୁରୁତି ଆଞ୍ଜାମାନି ଲେହେଁ ଜାନ୍ନା ଆହାମାନି ମୀରକା ମାସକା ମାହାପୁରୁ ନକିତା ସାତା ମୀରକା ମାସକା ଲେହେଁ ଆମେନି ।

୯ ମାହାପୁରୁ ଇଦାଆଁ ଆଞ୍ଜାମାରେସି, “ଇ କାଲମିତା ମାମ୍ବୁ ଝେଣ୍ଡେ ଖାନମି, ଏତିବେଲତା ସାରା ର ମୀରଏଣାଇଁ ଜାନ୍ନା କିହାମାଣ୍ଟିନେ ।”

୧୦ ଅଡ଼େ ଖାରଇ ଏରେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାନ୍ନା ଆହାମାରେରି,

୧୧ ଏଞ୍ଜାରି ଜାନ୍ନା ଆନି ନକେଏ, ଅଡ଼େ ଏଞ୍ଜାରି ନେହାଁଣି ଲାଗେଏତାଣି କିନି ନକେଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଞ୍ଚିଆଡେସି,

୧୨ ରିବିକାଇଁ ମାହାପୁରୁ ଏଲେଇଞ୍ଜାମାରେସି, “କାଜା ତାୟି ଉଣା ତାୟିତି ସେବା କିନେସି ।” ମାହାପୁରୁ ଏଦାଆଁ ଝେସାମାରେସି ଏଞ୍ଜାରି କାମା କିତି ତାଣାଟି ଆଏ, ଖାରଇ ମାହାପୁରୁ ଆଡ଼ିତାକି ଏଞ୍ଜାରି ହାଟକି ଆଡେରି ।

୧୩ ସାପ୍ତେରିତା ରାସକି ଆହାମାନେ, “ନାନୁ ଜାକୁବଇଁ ଜୀଞ୍ଜୁ ନଡେଏ, ସାମା ଏସାଞ୍ଜୁଇଁ ଅପାଆଡେଏ ।”

୧୪ ଆଡିହା ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଦି ଏରେଲା ଜିକେଏ ଆଆପେ ।

୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କଇଁ ।”

୧୬ ଏଦାଆଁତାକି ଆମ୍ବାଆସି ମନ କିନେସି, ଆଆଡ଼ ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି

ଆହାଲି ଆଡେଏ, ସାମା କାର୍ନାମେହନି ମାହାପୁରୁ ତାଣାଟି ଆନେ ।

୧୭ ଦାମ୍ବୁ ସାପ୍ତେରିତା ରାସକି ଆହାମାନି ଲେହେଁ, ମାହାପୁରୁ ମିସରତି ରାଜା ପାରଇଁ ଏଲେଇଚେସି, “ନୀ ତାଣାଟି ନା ବାଡ଼ୟୁ ତସାଲି ଇଞ୍ଜା ବାରେ ଦାଡ଼ିତା ନା ଗାଞ୍ଜୁରମି ତସାଲି ତାକି ନାନୁ ନିଜେ ରାଜା କିହାମାଞ୍ଜାଇଁ ।”

୧୮ ଏଦାଆଁତାକି ମାହାପୁରୁତି ଅଣ୍ଟପୁ ଲେହେଁ ଆମ୍ବାଆରାଇଁ କାର୍ନା ମେହନେସି ଇଞ୍ଜା ଆମ୍ବାଆରାଇଁ ଆଟ୍ଠା ହିୟା କିନେସି ।

**ମାହାପୁରୁତି କାର୍ବି ଇଞ୍ଜା କାର୍ନାମେହନାୟି**

୧୯ ଏମ୍ବାଟିଏ ନୀନୁ ନାଜେ ଏଲେଇଞ୍ଜାଦି, “ମାହାପୁରୁ ଏନାଆଁତାକି ଦହ ଆହନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?”

୨୦ ସାମା ଏ ସୟି, ନୀନୁ ଆମ୍ବାଆତି, ମାହାପୁରୁଇଁ ଝେଣ୍ଡେ ଝେସାଲି ନିଜେ ସାସା ମାନେକି, ଗାଡ଼ି ଆଡ଼ି ଆସି ଗାଡ଼ି କିତାଣାଇଁ “ନାଜେ ଏନାଆଁତାକି ଇଲେକ ଗାଡ଼ି କିୟାତି ଇଞ୍ଜା ଏଲେଇଞ୍ଜାଲି ଆଡ଼ିନେ କି ?”

୨୧ ର ଇରୁଆ ଡେପ୍ଲାଟି ଜାହାରା ଇଚା ତଲେ ଡକା କେପାଲି କୁମ୍ବେ ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡ଼େ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକ କିହାମାନେସି, ତାନି କାର୍ବି ତସାଲି ଇଞ୍ଜା ବାଡ଼ୟୁତି ପୁଣ୍ଟି କିହାଲି ଅଣ୍ଟିମାରେସି, ସାମା ଆମିନି ଗାଟାରି ଏଞ୍ଜାଣି କପାତଲେ ନାସା ଆନାୟି ମାଚେ, ଏଞ୍ଜାରି ତାକି ମାହାପୁରୁ ହାଡ଼େକା କାର୍ନା ଆହାନା ଅରୁହା ମାନେସି ।

୨୩ ଅଡ଼େ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇତିହା, ମା ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆଡିହା ନୀନୁ ଏନାଆଁ ଇଞ୍ଜା ?

୨୪ ଏଦାଆଁତାକି ଏଞ୍ଜାସି ଖାରଇ ଜୀହୁଦି ଲକୁ ତାଣାଟି ମାଜେ ହାଟା ମାଞ୍ଜଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଜେ ହାଟାମାଞ୍ଜାନେସି,

୨୫ ଇ କାତାତି ହସେୟ ପତିତା ମାହାପୁରୁ ଝେସାମାନେସି;

“ଆମ୍ବାଆରି ମା ଲକୁ ହିଲାଆଡେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡିତମି;

ଆମିନି କୃତାତାରାଇଁ ଜୀହୁ ନହାଁ ହିଲାଆଡମି ଏଞ୍ଜାରାଇଁ ମା ‘ଜୀହୁତି ଲକୁ’ ଇଚମି,

୨୬ ଆମିନି ଟାୟୁତା ଏଞ୍ଜାରାଇଁ ଝେସାମାଚମି, ‘ମୀରୁ ମା ଲକୁ ଆଏ’

ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରକା ଇଞ୍ଜା ଝେଙ୍ଗିନେରି ।”

୨୭ ଇଞ୍ଜା ଇସ୍ରାୟେଲ ଲକୁତି କାତା ଜିସାୟ କାଜା ଗିୟାତଲେ ଝେସାମାନେସି, “ଇସ୍ରାୟେଲତି ଲକୁ ସାମ୍ପୁରିତି ଏଜିକିହାଲି ଆଡାଆଗାଟି ବାଃଲି ଲେହେଁ



ଆତିହାସିକ ଜିକେଏ, ଏଞ୍ଜାରି ବିଦ୍ରାଫି ଏଚର ଜାଣାଦେଁ  
ଗେଲ୍‌ପି ଆନେରି;

୨୮ ଏନାଆଁତାକି ଇଚିହାସି ପ୍ରବୁ ତବେ ଦାର୍ତ୍ତିତା ବାରେ  
ନାହାୟି ବିଚାରା କିନେସି ।”

୨୯ ଏନିକିହାସି ଜିସାୟ ତଲିଏ ଅଡେ ଝେସାମାଚେସି,  
“ବାରେ ବାଡ଼ୟୁ ଗାଟି ପ୍ରବୁ ଏଚେକା ମା କୁଡାତି ଲକୁଣି  
ଗେଲ୍‌ପାଆତିମା, ସଦମ ଅଡେ ଗମରାତି ଲକୁଲେହେଁ  
ମାଙ୍ଗେ ଜିକେଏ ଆୟାତେମା ।”

**ପାଞ୍ଚଲ ଇସ୍ରାୟେଲ ତାକି ପ୍ରାତାନା**

୩୦ ଏନାଆଁତାକି ଜାହୁଦିଆଆତି ଲକୁତି କାତାତା ଇଲେ  
ଇଞ୍ଜାଲି ଆଡିନାୟି, ଏଞ୍ଜାରି ଦାର୍ମୁଗାଟାରି ଆହାଲି ଅଣ୍ଡିପି  
ହିଲ୍‌ଆତେରି, ସାମା ଏଞ୍ଜାରି ନାମୁ ତାକି ଦାର୍ମୁଗାଟାରି  
ଆଡେରି ।

୩୧ ସାମା ଇସ୍ରାୟେଲ ଲକୁ ଦାର୍ମୁଗାଟାରି ଆହାଲି  
ଅଣ୍ଡିପାନା ମେରା ତଲେ ଦାର୍ମୁଗାଟାରି ଆହାଲି  
ଆଡାଆତେରି ।

୩୨ ଏନାଆଁତାକି ? ଇଚିହାସି ଏଞ୍ଜାରି ନାମୁତଲେ ଏନାଆଁ  
ପାରାଆନା, କାମା ତଲେ ପାରିମାଚେରି । ଏନାଆଁତାକି  
ଏଞ୍ଜାରି ଆଜ୍ଞାନି ଖାଲିତା ପୁଟି କିହାନା ତରୁଗିତେରି ।

୩୩ ସାସ୍ତେରିତା ରାସ୍‌କି ଆହାମାନେ;  
“ସିନିକିଦୁ, ମାମୁ ସିୟନତା ର ପୁଟିକିନି କଟା ଖାଲି  
ଇଞ୍ଜା ଆଜ୍ଞାନି ପାକା ଖାଲି କେପାମାନମି,  
ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା  
ବେଟାଆଅସି ।”

**୧୦**

୧ ଏ ତାୟି ତାଜିସ୍ତାତେରି, ମା ଲକୁ ଏନିକିହାସି ଗେଲ୍‌ପି  
ଆନେରି, ଏଦି ନା ହିୟାତି ଅଣ୍ଡିପୁ, ଇଞ୍ଜା ଏଞ୍ଜାରି ତାକି  
ମାହାପୁରୁ ତାଣା ରଣ୍ଡିଏ ଅଣ୍ଡିପୁ ତଲେ ନା ପ୍ରାତାନା ।

୨ ଇଚିହାସି ମାହାପୁରୁ ସେବା କିହାଲି ଏଞ୍ଜାରାକି ହାରେକା  
ମନ ଅଡେ ରାହାଁ ମାନେ, ଇଦାଆଁ ନାମୁ ଏଞ୍ଜାରି ଖାକିଟି  
ଝେସିମାଲ୍, ସାମା ଏ ମନ ଅଡେ ରାହାଁ ବୁଦିଗାଟାୟି ଆଏ  
।

୩ ମାହାପୁରୁ ହାତି ଦାର୍ମୁତି ଜିରୁ ପୁନାଆନା ଜାହାରା ତୀରି  
କିହାମାନି ଦାର୍ମୁତି ଜିରୁଟି ତାକାନା ମାହାପୁରୁ ହାତି ଦାର୍ମୁତି  
ଜିରୁତି ଆସିହିଲଅରି ।

୪ କ୍ରୀସ୍ତ ମେରାତି ରାପ୍‌ନାସି, ଖାରଇ ଏଞ୍ଜାଣି ତାଣା  
ନାମିସାରେ ମାଣ୍ଡିସି ମାହାପୁରୁ ନକିତା ଦାର୍ମୁଗାଟାସି ଆନେସି  
।

**ବାରେ ଜାଣାକି ଗେଲ୍‌ପି ଆନାୟି**

୫ ମସା ରାଡାମାନେସି, “ଆମିନି ମାଣ୍ଡିସି ମେରା ମାନ୍ତି  
କିହାନା ଦାର୍ମୁଗାଟାସି ଆନେସି, ଏଞ୍ଜାସି ଏମ୍ବାଟି ନୀଡିନେସି  
।”

୬ ସାମା ନାମୁତଲେ ଦାର୍ମୁ ଗାଟାତାୟି ଆନାୟି ଇଞ୍ଜା  
ସାସ୍ତେରିତା ରାସ୍‌କି ଆହାମାନେ, “କ୍ରୀସ୍ତଲ୍ ରେପ୍‌ହା  
ତାଚାଲି ତାକି ଆମ୍ବାଆସି ଲାକପୁରୁ ହାଜାଲି ଆଡିନେସି ?”  
ମୀରୁ ଇ କାତା ଏଲେଇନାଆଦୁ ।

୭ ଇଞ୍ଜା “କ୍ରୀସ୍ତଲ୍ ହାଡାରି ତାଣାଟି ନିକହା ତାଚାଲି,  
ଆମ୍ବାଆସି ତାଡେପୁରୁ ହାନେସି ? ଇ କାତା ଜିକେଏ ମୀରୁ  
ଏଲେଇନାଆଦୁ ।”

୮ ଏନାଆଁତାକି ଇଚିହାସି ସାସ୍ତେରିତା ରାସ୍‌କି ଆହାମାନି  
ଲେହେଁ, “ମାହାପୁରୁଟି ବଲୁ ମୀ ତାଣା ମାନେ, ଅଡେ ମୀ  
ଗୁଡି ଇଞ୍ଜା ହିୟାତା ମାନେ, ଆମିନି ନାମୁଟି ବଲୁ ମାମୁ  
ଝେକ୍‌ହି ମାନମି, ଏ ବଲୁ ।”

୯ ମୀରୁ ଜୀସୁଲ୍ ଗୁଡି ତଲେ ପ୍ରବୁ ଇଞ୍ଜା ଜଲିଦେରି,  
ଇଞ୍ଜା ମାହାପୁରୁ ଏଞ୍ଜାଣାଲ୍ ହାଡାରି ତାଣାଟି ନିକହାମାନେସି  
ଇଞ୍ଜା ହିୟା ତଲେ ନାମିସାରେ, ଆତିହାସି ମୀରୁ ଗେଲ୍‌ପି  
ଆନେରି;

୧୦ ଇଚିହାସି ଦାର୍ମୁଗାଟି ଲକୁ ଆହାଲି ମାଣ୍ଡିସି ହିୟା ତଲେ  
ନାମିନେସି, ଇଞ୍ଜା ଗେଲ୍‌ପି ଆହାଲି ଗୁଡି ତଲେ ଜଲିନେସି  
।

୧୧ ଦାର୍ମୁ ସାସ୍ତେରିତା ରାସ୍‌କି ଆହାମାନେ, “ଆମ୍ବାଆସି  
ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି  
।”

୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିଦ୍ରା ପାରଡା ବାଟି  
କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏଚେକା  
ଲକୁ ଏଞ୍ଜାଣି ତାଣା ପ୍ରାତାନା କିନେରି, ବାରେ ଜାଣାକି ଏ  
କାମାମେହନାୟି ଆନେ ।

୧୩ “ଆମ୍ବାଆସି ପ୍ରବୁ ଦରୁ ଆସାନା ପ୍ରାତାନା କିନେସି,  
ଏଞ୍ଜାସି ଗେଲ୍‌ପି ଆନେସି ।”

୧୪ ସାମା ଆମ୍ବାଆରାଲ୍ ନାମା ହିଲଅରି ଏନିକିହାସି  
ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି ? ଇଞ୍ଜା ଏଞ୍ଜାଣି  
ନେହାସି ବଲୁ ଝେନାଆନା ଏଞ୍ଜାରି ଏନିକିହାସି ନାମିନେରି  
? ଝେକ୍‌ନାରି ଝେକ୍‌ଆସାରେ ଏ ବଲୁ ଏଞ୍ଜାରି ଏନିକିହାସି  
ଝେନେରି ?

୧୫ ଅଡେ ବଲୁ ଝେକ୍‌ହାଲି ତାକି ପାଣ୍ଡି ଆଆସାରେ  
ରଅସି ଏନିକିହାସି ବଲୁ ଝେକ୍‌ନେସି ? ଇ କାତା ସାସ୍ତେରିତା  
ରାସ୍‌କି ଆହାମାନେ, “ଆମିନି ଗାଟାରି ନେହାସି ବଲୁଟି କାବୁ  
ତାନେରି ଏଞ୍ଜାରି କତାୟା ଏଚେକା ଅଡିତାଲ !”

୧୬ ସାମା ବାରେଜାଣା ଏ ନେହାସି ବଲୁ ଆଡା ହିଲଅରି,  
ଏନାଆଁତାକି ଜିସାୟ ଏଲେଇଞ୍ଜା ମାନେସି, “ପ୍ରବୁ ମା ହାଡା  
ଝେଞ୍ଜାନା ଆମ୍ବାଆସି ନାମା ମାନେସି ?”

୧୭ ଏନିକିହାସି ନାମୁ ଝେନି ତାଣାଟି ଖାନେ, ଅଡେ  
ଝେନାୟି କ୍ରୀସ୍ତି ନେହାସି ବଲୁଟି ।

୧୮ ସାମା ନାମୁ ଏଲେଇଲ୍, ଏଞ୍ଜାରି ଏନାଆଁ ଏ ବଲୁ  
ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି  
ଇଚିହାସି ସାସ୍ତେରିତା ରାସ୍‌କି ଆହାମାନେ;

“ଏଞ୍ଜାରି ହାଡା ବାରେ ଦାର୍ତ୍ତିତା ଝେଞ୍ଜାମାନେ,  
ଏଞ୍ଜାରି କାତା ବାରେ ଦାର୍ତ୍ତି ମୁଟ୍‌ପୁଲି ପାଡେକା  
ଝେଞ୍ଜାମାନେ ।”

୧୯ ଅଡେ ର ଦେବା ନାମୁ ଝେଞ୍ଜାଲି ଅଣ୍ଡିପିମାଲ୍, ଇସ୍ରାୟେଲ  
ଲକୁ ଏନାଆଁ ତେଲ୍‌ହାଲି ଆଡାଆତେରି କି ? ହାରେକା  
ବାସା ନକେଏ ମସା ଇ କାତା ଝେସାମାନେସି,

“ମା, ଲକ୍ଷ୍ମଣ କାର୍ବି କିହାଲିତାକି ର ଉଣା କୃତାତି  
 ଲେମ୍ବିନମି,  
 ଏଲେକିହି ଏ ବୁଦି ହିଲାଆଗାଟି କୃତା ତଲେ  
 ଏଞ୍ଜାରାଇଁ କାର୍ବି କିଞ୍ଜି କିନମି ।”

୨୦ ଅଡ଼େ ଜିସାୟ ସାସାତଲେ ଝେସାମାନେସି,  
 “ଆମିନି ଗାଟାରି ମାଙ୍ଗେ ପାରିମାଞ୍ଜାଆତେରି, ଏ ଲକ୍ଷ୍ମଣ  
 ମାଙ୍ଗେ ବେଟାଆୟାତେରି;  
 ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି,  
 ଏଞ୍ଜାରି ନକିତା ମାମ୍ବୁ ତୁଞ୍ଜାଆତମି ।”

୨୧ ସାମା ଏଞ୍ଜାରି ଇସ୍ରାୟେଲ ଲକ୍ଷ୍ମଣ କାତା ଝେସାମାନେସି,  
 “ର ମାନି କିଆନା ନା କପାଟି ନିଜିନି କୃତାତି ନାନୁ ଝେଡ଼ା  
 ତୁମ୍ବେ କେୟୁ ଦାସା ମାଇଁ ।”

**୧୧**

**ଇସ୍ରାୟେଲ ଲକ୍ଷ୍ମଣ ମାହାପୁରୁତି କାର୍ମା**

୧ \*ଅଡ଼େ ନାନୁ ଝେଞ୍ଜାଲି ଆଡ଼ିଇଁ, ଆତିହିଁ ମାହାପୁରୁ  
 ତାନି ଲକ୍ଷ୍ମଣ ପିସାମାନେସି କି ? ଏଲେଆହିଁ ଏଚେଲା  
 ଜିକେଏ ଆଆପେ, ଏନାଆଁତାକି ଇଚିହିଁ ନାନୁ ଜିକେଏ  
 ଅସ୍ରାହାମତି କୃତାତା ଜାର୍ନାଆଡ଼ି ବିନ୍ୟାମିନ୍ ଗତିତି  
 ଇସ୍ରାୟେଲ ଲକ୍ଷ୍ମଣେସି ।

୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକ୍ଷ୍ମଣ  
 ଏଚେଲା ଜିକେଏ ପିସାହିଲଅଥେରି ? ଏନିକିହିଁ ଏଲିୟ ମାହାପୁରୁ  
 ନକିତା ଇସ୍ରାୟେଲ ଲକ୍ଷ୍ମଣ କପାତଲେ କାତା ଜଲମାଚେସି,

୩ “ପ୍ରବୁ ଏଞ୍ଜାରି ମାହାପୁରୁ ଅଣ୍ଡପୁତି ବଲୁ ଝେହ୍ନରାଇଁ  
 ଏନିକିହିଁ ପାୟାମାନେରି ଇଞ୍ଜା ପୂଜା ପିଶ୍ୱାଣି ତିକହାନା  
 ନାସଡ଼ି କିହାମାନେରି, ଝାରଇ ନାନୁ ରଅତେସିଁ ଗେଲ୍ପି  
 ଆହାମାଇଁ; ଏଞ୍ଜାରି ନା ଜୀଞ୍ଜୁ ଜିକେଏ ଅହାଲି  
 ଅଣ୍ଡପିମାଞ୍ଜାନେରି ।”

୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଚେସି,  
 “ନାଡ଼ିକିନି ବାଲ୍ ପେନୁ, ପୂଡ଼ଲା ନକିତା ମେଣ୍ଡା କୁତା  
 ହିଲଅରି ଇଲେତି ସାତା ମାଣା ଲକ୍ଷ୍ମଣି ମାଙ୍ଗେତାକି  
 ଇଟାମାନମି ।”

୫ ଏଲେକିହିଁଏ ନୀସିଁ ଜିକେଏ କାର୍ମାମେସାନା  
 ଆଟାମାଚେସି, ଏଞ୍ଜାରି ବିତ୍ରାଟି ଏଚର ଜାଣାଦେଁ ମାନେରି  
 ।

୬ ସାମା ତାନି କାର୍ମାମେହ୍ନି ତାଣାଟି ଆତିହିଁ,  
 ଏଡ଼ି କାମାଲଡ଼ା ତାକି ଆହାଲି ଆଡ଼େଏ; ଇଞ୍ଜା ତାନି  
 କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ ।

୭ ଆତିହିଁ ଏନାଆଁ ଆଡ଼େ ? ଇସ୍ରାୟେଲତି  
 ଲକ୍ଷ୍ମଣ ଏନାଆଁ ପାରିମାଚେରି, ଏଦାଆଁ ବେଟାଆଆତେରି;  
 ଝାରଇ ମାହାପୁରୁ ଆଟାମାନି ଏଚରଜାଣା ଲକ୍ଷ୍ମଣ ଏଦାଆଁ  
 ବେଟାଆଡ଼େରି, ଏଟକାତାରି ଆମ୍ବାଆରି ଜିକେଏ ମାହାପୁରୁ  
 ହାଟାମାନାଣି ମନ ହାଆତେରି ।

୮ ସାସ୍ତେରିତା ରାୟ୍ କି ଆହାମାନେ, “ମାହାପୁରୁ  
 ନୀଞ୍ଜୁପାତେକା ଏଞ୍ଜାରାକି ଆଟ୍ଟା ଜୀଞ୍ଜୁ ହାହାମାନେସି,

ଅଡ଼େ ଇଲେତି କାଣକା ହାହାମାନେସି, ଏନିକିହିଁ  
 ଏଞ୍ଜାରି ମେସାଲି ଆଡ଼ି ହିଲଅରି, ଅଡ଼େ ଇଲେତି କାର୍ମା  
 ହାହାମାନେସି ଏଞ୍ଜାରି ଝେଞ୍ଜାଲି ଆଡ଼ିହିଲଅରି ।”

୯ ଏଞ୍ଜାରି କାତା ଦାଞ୍ଜୁଦ ରାଟାମାନେସି,  
 “ଏଞ୍ଜାରି ପାର୍ବୁତି ରାନ୍ଦା ତିନା ଉନାଟି ପାନ୍ଦାତା ରିପାରି,  
 ଏଞ୍ଜାରି ତରଗାନା ତଣ୍ଡ ବେଟାଆଡ଼େରି ।

୧୦ ଏଞ୍ଜାରି ଏନିକିହିଁ ମେସାଲି ଆଡ଼ଅରି, ଏଦାଆଁତାକି  
 ଏଞ୍ଜାରି କାଣାୟା ଆଡ଼େରି,  
 କାଲେଏ ଦୁକୁ କସ୍ତୁ ବେଟାଆହାନା ଏଞ୍ଜାରି ଟେଡେଲି  
 ତୁଡୁଞ୍ଜା ଆଡ଼େ ।”

୧୧ ନାନୁ ଏଲେ ଇଞ୍ଜିମାଇଁ, ଏଞ୍ଜାରି ନାସଡ଼ି ଆହାଲି  
 ପୁଟି କିହା ମାନେରି କି ? ଆଏ ଏଚେଲା ଜିକେଏ  
 ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଇଁ କାର୍ବି  
 କିହାଲିତାକି ଜୀହୁଦିଆଆତାରି ନକିତା ଗେଲ୍ପିଆନି  
 ଅଦିକାରା ମେଡ଼ାଆଡ଼େ ।

୧୨ ଜୀହୁଦି ଲକ୍ଷ୍ମଣ ପାପୁ ଦାର୍ତତିତି ବାରେ ଲକ୍ଷ୍ମଣାକି  
 ହାରେକା ବାଡ଼କୁ ଲେହେଁ ଆହାମାନେ, ଜୀହୁଦି ଲକ୍ଷ୍ମଣ  
 ରିତାକି ଜୀହୁଦିଆଆତି ଲକ୍ଷ୍ମଣାକି ବର ହାରେଏ ଗାଡ଼ି  
 ଲାବା କିହାମାନେରି, ଇଞ୍ଜା ବାରେ ଜୀହୁଦି କୃତା ଗେଲ୍ପି  
 ଆଡ଼ିହିଁ ମା ଏମ୍ବାଟି ଏଚେକା ଗାଡ଼ି ବର ବେଟାଆଅରି !

**ଜୀହୁଦିଆଆତାରି ଗେଲ୍ପି ଆନାୟି**

୧୩ ଜୀହୁଦିଆଆତି ଲକ୍ଷ୍ମଣି ନାନୁ ଏଲେ ଇଞ୍ଜିମାଇଁ, ନାନୁ  
 ଜୀହୁଦିଆଆତି ଲକ୍ଷ୍ମଣାକି ପାଣ୍ଡୁଞ୍ଜି ଆହାମାନାକି ନା ସେବା  
 କାମାତି ପାଣା ତାକି ନାନୁ ବଡ଼ପଣ ଆହିମାଇଁ ।

୧୪ ଏନିକିହିଁ ଆପେ ଜାହାରା କୃତାତି ଲକ୍ଷ୍ମଣି ରାହାଁ  
 କିଞ୍ଜିକିହାନା ଏଞ୍ଜାରି ତାଣାଟି ଏଚର ଜାଣାଇଁ ଗେଲ୍ପାଲି  
 ଆଡ଼ିଇଁ ।

୧୫ ଏନାଆଁତାକି ଇଚିହିଁ ଏଞ୍ଜାରି ପିସପିଆଡ଼ାକି ଦାର୍ତତି  
 ତଣେ ଆଡ଼େ । ଆତିହିଁ, ମାହାପୁରୁ ବାରେ ଜୀହୁଦି କୃତାତି  
 ଆବିସାରେ, ଏଦାଆଁତି ପାଡ଼େୟି ଏନାଆଁ ଆଡ଼େ ? ଏଡ଼ି  
 ହାଡ଼ି ମାଣ୍ଡି ଜୀଞ୍ଜୁ ବେଟାଆଡ଼ି ଲେହେଁ ।

୧୬ ରଚାଣି ରୁଟି ମାହାପୁରୁ ଦରୁତଲେ ହେରପି  
 ଆହାମାଚିହିଁ, ବାରେ ରୁଟି ଜିକେଏ ହେରପି ଆହାମାନେ  
 ଇଞ୍ଜି ଇନାୟି; ର ମାର୍ନୁତି ହୀରୁ ହେରପି ଆହାମାଚିହିଁ,  
 ଏଦାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜି  
 ଅଣ୍ଡପିନାୟି ।

୧୭ ସାମା ଏଚେକା କମାୟା ରାଡ଼ପି ଆତୁ ଅଡ଼େ ମୀରୁ  
 ଜାଡ଼ାତି ଜୀତ ମାର୍ନୁତି କମାୟା ଆଡ଼ିଜିକେଏ ଏ ବିତ୍ରା  
 ଦୁସପିଆଡ଼େରି, ଅଡ଼େ ଏଞ୍ଜାରିତଲେ ଜୀତ ମାର୍ନୁତି  
 ତାକିତି ରାସାତା ଆଣ୍ଡିତେରି ।

୧୮ ଆତିହିଁ ଏ କମାୟା କପାତଲେ ବଡ଼ପଣ ଆଆଦୁ;  
 ସାମା ମୀରୁ ବଡ଼ପଣ କିଦେରି, ମୀରୁ ମାର୍ନୁତି ତାକିତି  
 ଆସା ହିଲଅଡ଼େରି, ସାମା ତାକି ମିଙ୍ଗେ ଆସାମାଞ୍ଜାନେ,  
 ଇଦାଆଁ ମୀରୁ ପୁଞ୍ଜା ଡ଼ୟାଦୁ ।

☆ ୧୧:୧ ପିଲିପି ୩:୫

୧୯ ଆତିହୁଁ ମୀରୁ ଏଲେଇଞ୍ଜାଲି ଆଡ଼ିଦେରି, “ନାଙ୍ଗେ ଟାମୁ ହୀହାନା ଦୁରସାଲି ତାକି ଏ କମାଣି ରାତ୍ତପି ଆହାମାରୁ ।”

୨୦ ଏଡ଼ି ସାତା, ଏଞ୍ଜାରି ନାମାଆଲିଏ ରାତ୍ତପି ଆଡେରି, ମୀରୁ ଖାରୁଇ ନାମାଲିଏ ଏ ଟାମୁ ଅଦିକାରା କିହାମାଞ୍ଜେରି, ସାମା ବଡପଣ ଆଆନା ଆଜାଦୁ;

୨୧ ମାରୁନୁତା ଗାଲୁହାମାନି କମାୟା ଲେହେଁ ଜୀହୁଦି ଲକୁଣି ମାହାପୁରୁ ତଣ୍ଡ ହୀଆନା ପିସାହିଲଅସି ଇତିସାରେ, ଏଞ୍ଜାସି ମିଙ୍ଗେ ଜିକେଏ ପିସୁଅସି ।

୨୨ ଇମ୍ପାଆଁ ସିନିକିନି କାତା, ମାହାପୁରୁ ଏନିକିହୁଁ କାର୍ମା ମେହନାସି ଇଞ୍ଜା କାରୁବି ଆନାସି; ଆମ୍ପାଆରି ପାପୁତା ତରଗା ମାନେରି, ଏଞ୍ଜାରାଇଁ ଏଞ୍ଜାସି କାରୁବି ଆନେସି; ସାମା ଏତରଦିନା ପାତେକା ତାନି କାର୍ମାମେହନି ତାଣା ଡୟିଦେରି, ଏତରଦିନା ମିଙ୍ଗେତାକି କାର୍ମା ମେସ୍ତାନାସି, ତାନି କାର୍ମାମେହନାଣି ଜାକ୍‌ହିସାରେ; ମୀରୁ ଜିକେଏ ରାତ୍ତପି ଆଦେରି ।

୨୩ ଜୀହୁଦି ଲକୁ ଏଞ୍ଜାରି ନାମୁତି ପିହୁଅରି, ଆତିହୁଁ ଏଞ୍ଜାରି ତଲିମାତି ଟାମୁତା ଝେଣ୍ଡେ ତୀରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି ।

୨୪ ଜୀହୁଦିଆଆତି ଲକୁ ଜାଡ଼ାତି ଜୀତ ମାରୁନୁତି ଗମାୟା ଲେହେଁ । ଏଞ୍ଜି ରାତ୍ତପି ଆହାନା ଏମ୍ପାତାଇ ଆଆତି ଜିକେଏ ବାଡ଼ାତା ପାଡିକିହାମାନି ଜୀତ ମାରୁନୁ ତଲେ ଦୁସ୍‌ପି ଆହାମାନୁ । ଜୀହୁଦି କୁଡ଼ାତି ଲକୁ ବାଡ଼ାତା ପାଡିକିହାମାନି ଜୀତ ମାରୁନୁ ଲେହେଁ । ଇ ମାରୁନୁତି ରାତ୍ତପି ଆହାମାନି ଗମାଣି ଝେଣ୍ଡେ ମାରୁନୁ ତଲେ ଦୁରସାଲି ମାହାପୁରୁ ଆଡ଼ିନେସି ।

**ବାରେ ଜାଣାକି ମାହାପୁରୁତି କାର୍ମାମେହନାୟି**

୨୫ ଏ ତାୟି ତାଙ୍ଗିସ୍ତାତେରି, ମୀରୁ ଏନିକିଁ ମିଙ୍ଗେତାକି ମୀରୁଏ ବୁଦିଗାଟାତମି ଇଞ୍ଜୁଁ ଅଣ୍ଡପଅତେରି, ଇଦାଆଁତାକି ମୀରୁ ଇ ତରୁମାନି କାତାତି ପୁନାଆନା ମାଣମ୍ବେରି ଇଞ୍ଜୁଁ ନା ମନ ହିଲେଏ, ଇତିହୁଁ ଜୀହୁଦିଆଆତି ଲକୁ ବାରେ ହଡ଼ୁଆ ପାତେକା ଇସ୍ତାୟେଲତି ଏତେକା ଲକୁ ନାମାଆନା ଡୟିନେରି;

୨୬ ଇଲେଆହୁଁ ବାରେ ଇସ୍ତାୟେଲ ଲକୁ ଗେଲ୍‌ପି ଆନେରି, ଏନିକିଁ ରାସ୍‌କି ଆହାମାନେ,

“ଗେଲ୍‌ପି କିନାସି ସିୟନଟି ଖାଡ଼େସି,  
ଜାକୁବ କୁଡ଼ାତା ମାନି ବାରେ ଲାଗେଏତାଣି ହେକ କିନେସି ।

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ,  
ଏତିବେଲା ଏଞ୍ଜାରିତଲେ ଇ ରାଜିମାନା କିନମି ।”

୨୮ ନେହୁଁ କାରୁତି ଆହୁଆ ଜୀହୁଦି ଲକୁ ମିଙ୍ଗେତାକି ମାହାପୁରୁକି ସାତୁୟାଁ ଆହାମାନେରି, ସାମା ମାହାପୁରୁ ଆଡ଼ାମାନି ଆକୁ ଆବାୟାଁ ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି ।

୨୯ ଇତିହୁଁ ମାହାପୁରୁ ଆଡ଼ାମାନାୟି ଅଡେ ତାନି କାର୍ମାତି ଦାନା ଏତେଲାଞ୍ଜା ଉଜେଏ ଆଏ ।

୩୦ ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲଆତେରି; ସାମା ନୀଏଁ ଜୀହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାଣି ବେଟାଆଡେରି,

୩୧ ଏଲେଆହୁଁ ଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହୁଁ ମିଙ୍ଗେତାକି ତଞ୍ଜାଆହାମାନି କାର୍ମାମେହନାଣି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହନାଣି ବେଟାଆନେରି ।

୩୨ ଏନିଇତିହୁଁ ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ ହେରପା ମାନେସି ।

**ମାହାପୁରୁକି ଗାଞ୍ଜୁରମି**

୩୩ ଅହତା ! ମାହାପୁରୁତି ବୁଦି ଇଞ୍ଜା ପୁନି ବାଡ଼ୁରୁ ଏତେକା କାଜାୟି ! ତାନି ଅଣ୍ଡପୁତି ଆମ୍ପାଆସି ତେଲୁହି କିୟାନେସି ? ଇଞ୍ଜା ତାନି ଜିରୁତି ଆମ୍ପାଆସି ପୁଞ୍ଜାଲି ଆଡ଼ିମାନେସି ?

୩୪ ସାସ୍ତେରିତା ରାସ୍‌କି ଆହାମାନେ;

“ଆମ୍ପାଆସି ମାହାପୁରୁତି ଅଣ୍ଡପୁତା ମାନାଣି ତେଲୁହିନେସି ?  
ଆମ୍ପାଆସି ଏଞ୍ଜାଣାଇଁ ଝେସାଲି ଆଡ଼ିନେସି ?

୩୫ ମାହାପୁରୁକି ଆମ୍ପାଆସି ଏତେଲା ଏନାଆଁ ହୀହାମାନେସି,  
ଏଦାଆଁତାକି ଏଞ୍ଜାଣାକି ଏଞ୍ଜାସି ଝେଣ୍ଡେ ହୀନାୟି ମାନେ ?”

୩୬ ✨ବାରେ ଗାଡ଼ି ଆଡ଼ାୟି ତାନିତାଣାଟି, ତାନି କେୟୁତଲେ, ଅଡେ ତାଙ୍ଗେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଞ୍ଜୁରମି ଆପେ ! ଆନେନ ।

**୧୨**

**କ୍ରୀସ୍ତ ତାଣା ପୁଞ୍ଜି ଜୀଞ୍ଜୁ**

୧ ଇଦାଆଁତାକି ତାୟି ତାଙ୍ଗିସ୍ତାତେରି, ମାଙ୍ଗେତାକି ମାହାପୁରୁତି ହାରେକା କାର୍ମାମେହନାଣି ତାକି ମିଙ୍ଗେ ନାନୁ ବାତିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି ଜୀଞ୍ଜୁ, ସୁଦୁ ତଲେ ଇଞ୍ଜାଁ ମାହାପୁରୁ ଅପିନି ଲେହେଁତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା ।

୨ ମୀରୁ ଇ ଜୁଗୁତି ମାଣକିତା ମାନାଆଦୁ, ସାମା ଏନିକିହୁଁ ମାହାପୁରୁତି ଅଣ୍ଡପୁ ଏନାୟି, ଇତିହୁଁ ନେହାୟି, ଅପିନାୟି ଇଞ୍ଜାଁ ଚିକ୍‌ଶାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ହିୟାଁତି ପୁଞ୍ଜି କିହାନା ବାଦ୍‌ଲି କିଦୁ ।

୩ ମାହାପୁରୁ ନାଙ୍ଗେ କାର୍ମାମେହନାଣି ହୀହାମାଞ୍ଜାନାକି ବାରେଜାଣା ତେରି ମିଙ୍ଗେ ନାନୁ ଝେସିମାଞ୍ଜାଇଁ, ଆମ୍ପାଆତେରି ଜିକେଏ ମୀ ତାକି ମୀରୁ ଏନିକିଁ ଅଣ୍ଡପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜୁଁ ଅଣ୍ଡପାଆଦୁ; ସାମା ମାହାପୁରୁ ଆମ୍ପାଆରାକି ଏତେକା ନାନୁ

✨ ୧୧:୩୬ େକର ୮:୬

ହୀହାମାନେସି, ଏଲେକିହି ଏ ବାରେଜାଣା ପୁଞ୍ଜାକତିନି  
ଲେହେଁ ମୀ ତାକି ମୀରୁ ଅଣ୍ଟାପା କତାଦୁ ।

୪ ✨ଇଚିହି ଏନିକିହି ମା ଆଙ୍ଗାତା ହାରେକା ଆଙ୍ଗା  
ଅଡେଲିକା ମୀନୁ, ସାମା ବାରେ ଆଙ୍ଗା ଉଡେଲିକାତି କାମା  
ରଲେଏତାୟି ଆଏ ।

୫ ଏଲେଆହି ଏ, ମୀର ହାରେକା ଜାଣାତାୟି, ସାମା  
ବାରେଜାଣା କ୍ରୀସ୍ତ ତଲେ ଆଣ୍ଟାମାନାକି, ମୀରୁ ରଣ୍ଡିଏ ଆଙ୍ଗା  
ଇଞ୍ଜା ଆଙ୍ଗାତି ଆଙ୍ଗା ଉଡେଲିକା ଲେହେଁ ମୀରୁ ରଅସି  
ରଅଣା ତଲେ ଆଣ୍ଟାମାନାୟି ।

୬ ✨ଏଦାଆଁତାକି ମାଙ୍ଗେ ମାହାପୁରୁ ହୀହାମାଞ୍ଜାନି  
କାର୍ମାତଲେ ହାରେକା ଦାନା ବେଟା ଆହାମାନାୟି, ମୀରୁ  
ମାହାପୁରୁତି ବଲୁ ଖେକହାଲି ତାକି ବାଡ଼ୁଲୁ ବେଟା  
ଆହାମାନାୟି, ମୀରୁ ଆଟ୍‌ଝା ନାମୁତଲେ ଏ କାମା  
କିନାୟିମାନେ;

୭ ଏଦାଆଁସେବା କାମା କିହାଲି ବାଡ଼ୁଲୁ ବେଟାଆହାମାନାୟି,  
ଆତିହିଁ ମୀରୁ ସେବା କାମା କିନାୟିମାନେ; ଜାପୁହାଲି  
ବାଡ଼ୁଲୁ ବେଟାଆହାମାନାୟି, ଆତିହିଁ ଜାପୁନାୟି ମାନେ;

୮ ବାସୁତି କାତା ଖେସାଲି ବାଡ଼ୁଲୁ ବେଟାଆହାମାତିହିଁ,  
ବାସୁତି କାତା ଖେସପାସି; ଦାନା କିହାଲି ବାଡ଼ୁଲୁ  
ବେଟାଆହାମାନି ମାଣ୍ଡି ରାହାଁତଲେ ଦାନା ହୀପେସି  
। ଏଟକା ଲକୁତି କାମାତି ସିନିକିହାଲି ଅଦିକାରା  
ବେଟାଆହାମାତିହିଁ ଖାହୁତଲେ କାମା କିନାୟିମାନେ;  
ଆମ୍ବାଆସି କାର୍ମା ମେହନାସି, ରାହାଁ ମନତଲେ ସାଝେମି  
କିପାସି ।

୯ ଜୀଝୁନନାୟି କୁଟୁ ହିଲ୍ଲାଆଗାଟାୟି ଆପେ; ଏନାୟି  
ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ  
ଆହୁଦୁ;

୧୦ କ୍ରୀସ୍ତ ନାମୁତି ତାୟି ତାଙ୍ଗି ଲେହେଁ ରଅତେରି  
ରଅଣାକ୍ ଜୀଝୁ ନଦୁ; ଇଞ୍ଜା ରଅତେରି ରଅଣାକ୍ ମାନି  
କିହାଲି ରାହାଁ ଆଦୁ;

୧୧ ରାହାଁତା ଉଣା ଆଆଦୁ; ସୁଦୁଜୀଝୁତା ପାରସାଡା ଆହାଁ  
ଡୟାଦୁ; ହିୟାଁ ଜୀଝୁ ହୀହାନା ପ୍ରୁକ୍ ସେବା କିଦୁ ।

୧୨ ବାସୁଁ ଇଟାନା ରାହାଁ କିଦୁ; ଦୁକୁ କସ୍ତ ବେଲ୍ଲାତା ସାସା  
ଆହୁଦୁ; ଜମାଆନା ପ୍ରାଡାନା କିଦୁ;

୧୩ ମାହାପୁରୁ ଲକୁକି ଲଡ଼ାମାନାଣି ସାଝେମି କିଦୁ; ଇଜ  
ଝାନି ଗତାୟାଣି ସେବା କିଦୁ ।

୧୪ ✨ଆମ୍ବାଆରି ମିଙ୍ଗେ ସାସ୍ତି ହିୟାନେରି, ଏଝାରି  
ନେହେଁତାକି ମାହାପୁରୁ ତାଣା ପ୍ରାଡାନା କିଦୁ; ଏଝାରାକି ବର  
ହୀଦୁ; ବାକା ଇଟାଆଦୁ ।

୧୫ ଆମିନି ଗାଟାରି ରାହାଁ କିନେରି ଏଝାରିତଲେ ରାହାଁ  
କିଦୁ; ଆମ୍ବାଆରି ଡାନେରି ଏଝାରିତଲେ ଡୀଦୁ ।

୧୬ ବାରେଜାଣା ରଣ୍ଡିଏ ଅଣ୍ଟାପୁ ଅଣ୍ଟାପାଦୁ, ଝାରୁଇ କାଜାରି  
ତଲେ ତଢେ ଦହୁଆନା ଇଟାରି ତଲେ ଜିକେଏ ଆଣ୍ଟା  
ଆହାନା ମାଞ୍ଜୁ । ମୀରୁ ମୀ ବୁଦିତଲେ ବୁଦିଗାଟାତମି ଇଞ୍ଜା  
କତାଆଦୁ ।

୧୭ ଆମ୍ବାଆସି ମିଙ୍ଗେ ଲାଗେଏ କିୟାତିହିଁ, ଏଝାଣାକ୍  
ଲାଗେଏ କିଆଦୁ; ବାରେ ଲକୁ ନକିତା ଏନାୟି ନେହାୟି,  
ଏଦାଆଁ କିଦୁ ।

୧୮ ଆଡିତିହିଁ ବାରେଜାଣା ତଲେ ହିଡ଼ି ତଲେ  
ନୀଡାବାଡ଼କାଲି ତାକି ଏନି କିନାୟିମାନେ ଏଲେକିଦୁ ।

୧୯ ଏ ଜୀଝୁତି ତଢେସିଙ୍ଗା, ମୀରୁ ଆମ୍ବାଆରି କପାତି  
ବାଦୁଲି ଆଆଦୁ । ମାହାପୁରୁତି କପାତି ଲକୁ ଆହାଲି  
ପିସାଡୁହୁଦୁ । ଏନାଆଁତାକି ଇଚିହିଁ ସାସ୍ତେରିତା ରାସ୍ତକି  
ଆହାମାନେ, ପ୍ରୁ ଏଲେଇଞ୍ଜା ମାନେସି, “ବାଦୁଲି ଅନାୟି ନା  
ଅଦିକାରା, ନାନୁ ତାମି କାମାତି ପାଡ଼େୟି ହୀକ୍ ।”

୨୦ ଅଡ଼େ ଜିକେଏ, “ମୀ ସାଡୁ ହାକି ଆହାମାତିସାରେ,  
ଏଝାଣାକି ତିଞ୍ଜାଲି ହୀଦୁ; ଏଝାସି ଏସ୍ତକି ଆହାମାତିସାରେ  
ଗସାଲି ହୀଦୁ; ଇଲେ କିତିସାରେ ଏଝାଣିଲାକ ଡୀଞ୍ଜିମାନି  
ହିଚୁତି ରାଙ୍ଗାୟାଁ ଏକ୍‌ହି ମାଞ୍ଜେରି ।”

୨୧ ଲାଗେଏତି କାମା ତଲେ ଜୀଣା ଆଆନା, ନେହିଁ  
କାମା ତଲେ ଲାଗେଏତି କାମାତି ଜୀଣା ଆଦୁ ।

## ୧୩

### ସାଲୁଝି କିନାରାକ୍ ମାନି କିନାୟି

୧ ବାରେଜାଣା ସାଲୁଝି କିନାରାକ୍ ମାନି କିନାୟିମାନେ,  
ଏନାଆଁତାକି ଇଚିହିଁ ମାହାପୁରୁତି ହେଲ ଆଆତିହିଁ  
ଆମ୍ବାଆସି ଜିକେଏ ସାଲୁଝି କିନି ପାଣା ବେଟାଆସି,  
ପାଣାତା ମାନି, ସାଲୁଝି କିନାରି ମାନେରି; ଏଝାରି ମାହାପୁରୁ  
ତାଣାଟି ଆଡ଼ି ଆହାମାନେରି ।

୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଝି  
କିନାରି କପାତଲେ ନିଙ୍ଗିନେସି, ଏଝାସି ମାହାପୁରୁ ମେରାତି  
କପାତଲେ ନିଙ୍ଗିନେସି; ଆମ୍ବାଆରି ଏଲେକିନେରି ଏଝାରି  
ତାମ୍ବୁଡ଼ାମ୍‌ଙ୍ଗେ ଡଣ୍ଡ ବେଟାଆହାଲି ତାକି କିନେରି ।

୩ ଇଚିହିଁ ସାଲୁଝି କିନାରି ନେହିଁ କାମାତାକି  
ଆଜିଗାଟାରି ଆଏ, ସାମା ଲାଗେଏତି କାମାତାକି  
ଆଜିଗାଟାରି ଆନେରି । ସାଲୁଝି କିନାରାକ୍ ଆଜାଆନା  
ଡୟାଲି ମନ ମାନେକି ? ଆତିହିଁ ନେହିଁ କାମା କିଦୁ,  
ଆତିହିଁ ଏଝାରି ତାଣାଟି ନେହିଁ ବେଟାଆଦେରି,

୪ ମୀ ନେହିଁ ତାକି ଏଝାସି ମାହାପୁରୁତି ସେବା  
କାମା କିନାସି ଆହାମାନେସି । ସାମା ମୀରୁ ଲାଗେଏତି  
କାମା କିଦେରି, ଆତିହିଁ ସାଲୁଝି କିନାଣାକ୍ ଆଜାଦୁ,  
ଏନାଆଁତାକି ଇଚିହିଁ ଏଝାସି ଉଜେଏ କାଣ୍ଡା ଆହୁଅସି,  
ଏନିଇଚିହିଁ ଏଝାସି ମାହାପୁରୁତି ସେବା କିନାସି, ଇଚିହିଁ  
ଏଝାସି ତାନି କପାତଲେ ଲାଗେଏତି କାମା କିନାରାକି ଡଣ୍ଡ  
ହୀନାସି ।

୫ ଏନିଇଚିହିଁ, ଝାରୁଇ କାରୁବିତି ଆଜିତାକି ଆଏ, ସାମା  
ମା ହିୟାଁତା ମାନି ଅଣ୍ଟାପୁ ପୁଞ୍ଜାହାଁ ସାଲୁଝି କିନାରି କାତା ମାନି  
କିନାୟିମାନେ ।

୭ ✱ ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇଚିହ୍ମ ମାହାପୁରୁତି ସେବା କିନେରି ଲେହେଁ ଆହାନା ସାଲୁଫି କିନି କାମା ଜିକେଏ କିନେରି ।

୯ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହାଦୁ; ଆମ୍ବାଆରାକି ସିସୁ ହୁାନାୟି ମାନେ ଏଞ୍ଜାଣାକି ସିସୁ ହୁାଦୁ; ଆମ୍ବାଆରାକି ଆସଲି ହାନାୟି ମାନେ ଏଞ୍ଜାଣାକି ଆସଲି ହାଦୁ; ଆମ୍ବାଆରାକି ଆଜିନାୟି ମାନେ ଏଞ୍ଜାଣାକି ଆଜାଦୁ; ଆମ୍ବାଆରାକି ମାନ୍ତି କିନାୟିମାନେ ଏଞ୍ଜାଣାକି ମାନ୍ତି କିଦୁ ।

**ରଥସି ରଥଣାକି ଜୀଞ୍ଜୁନନାୟି**

୮ ରଥତେରି ରଥଣାକି ଜୀଞ୍ଜୁ ନଞ୍ଜିଆନ୍ତି ପିସପେ ଅଡେ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା ଆଆଦୁ; ଏନାଆଁତାକି ଇଚିହ୍ମ ଆମ୍ବାଆସି ଏଟକାତାଣାକି ଜୀଞ୍ଜୁ ନନେସି, ଏଞ୍ଜାସି ମସାତି ମେରା ମାନ୍ତି ଆହିମାନେସି ।

୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଟକା ଲକୁତି ଦିଶ୍‌ସୁତି ଜୁପକା ଆଆଦୁ,” ଇ ବାରେ ହୁକୁମି ରହୁକୁମିତା ମାନେ, “ପାଡ଼ିତି ଲକୁକି ମୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁନଦୁ ।”

୧୦ ଜୀଞ୍ଜୁନନାୟି ପାଡ଼ିତି ଲକୁତି ଲାଗେଏ କିଏ; ଏନିଇଚିହ୍ମ ଜୀଞ୍ଜୁନନାୟି ମସାତି ମେରା ପୁରା କିନେ ।

୧୧ ଇଚିହ୍ମ ଇଦାଟି ତେଝଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏ ମୀରୁ ଇ ବାରେ କିଦୁ; ଇଚିହ୍ମ ମୀରୁ ନାମିତି ଦିନାଟିଏ ଗେଲପି ଆନାୟି ତଲିତି କିହାଁ ହାରେକା ତାଗେ ଝାଡ଼େୟିଏ ।

୧୨ ଆନ୍ଦେରି ହାଜିମାନେ, ଲାଲ ଝେୟିମାନେ । ଏଦାଆଁତାକି ଝାଦୁ ମୀରୁ ଆନ୍ଦେରିତି କାମା ବାରେ ପିସାନା ଉଜେଡ଼ିତା ଜୁଦୁ କିହାଲି ଟିକାଣାତି ସାଜୁ ତୁରନ ।

୧୩ କାଡ଼ୁ ଗସାହାଁ ମନକିତି ରାହାଁ, କାଡ଼ୁ ଗସାହାଁ ହଡିନାୟି, ମାନ୍ତି ହିଲାଆଗାଟାୟି, ଲାଗେଏତି ମାଣ୍ଡକି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଝାଦୁ, ଉଜେଡ଼ିତି କାମାତା ମାନ୍ତି ଲକୁ ଲେହେଁ ନେହ୍ମ ମାଣ୍ଡକି ତଲେ ମାନ ।

୧୪ ପ୍ରୁ ଜୀସୁ କ୍ରୀସ୍ତୁକି ମୀରୁ ହିମ୍ବରିଲେହେଁ ପରଦୁ, ପାପୁ ଇଞ୍ଜା ଆଜାତି ଲାଗେଏତି ଅଣ୍ଡୁ ତଲେ ରାହାଁ କିହାଲିତାକି ହିୟାତା ଅଣ୍ଡାଆଦୁ ।

**୧୪**

**ଏଟକା ଲକୁଣି ଦହ୍ ଦହ୍‌ଆଦୁ**

୧ ✱ ନାମୁତା ଆଟ୍‌ଞ୍ଜା ହିଲାଆଗାଟାରାକି ଆବାଦୁ, ସାମା ତାନି କାତାତି ଅଣ୍ଡୁ ତାକି ତାନିତଲେ ବାଦ୍‌ହାରା କିଆଦୁ ।

୨ ବାରେ ତିଞ୍ଜାଲି ତାକି ରଥଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ଝାଞ୍ଜ ଜାୟୁ କୁଟା ତିନାପେସି ।

୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାକି ହାଣି କିଆପେସି; ଇଞ୍ଜା ତିନାଆଗାଟାସି ତିନାଣାକି ନୀହାଁୟି କିଆପେସି, ଏନିଇଚିହ୍ମ ମାହାପୁରୁ ଏଞ୍ଜାଣାକି ଆଟା ମାନେସି ।

୪ ନୀନୁ ଆମ୍ବାଆତି ଅର ରଥଣି ହଲେଏଣାକି ନୀହାଁୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଅସି; ଏଞ୍ଜାଣାକି ତୀରିକିହାଁ ଇଟାଲି ପ୍ରୁ କେୟୁତା ବାଡ଼ୁ ମାନେ ।

୫ ରଥସି ର ଦିନାତି କିହାଁ ଅର ଦିନାତି ହାରେକା ମାନ୍ତି କିନେସି, ଅଡେ ରଥସି ବାରେ ଦିନାତି ରଲେଏତାକି ଇଞ୍ଜା ଅଣ୍ଡପିନେସି, ବାରେଜାଣା ତାମି ମନତା ତୀରି କିହାନା ମାନ୍ତି ଆପେରି ।

୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜା ଅଣ୍ଡପିମାନେସି, ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁକି ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁକି ଜହରା କିନେସି ।

୭ ଆମ୍ବାଆସି ତାଙ୍ଗେତାକି ନୀତଅସି, କି ଆମ୍ବାଆସି ତାଙ୍ଗେତାକି ହାଅସି ।

୮ ମୀର ନୀତାମାନାୟି ଇଚିସାରେ, ପ୍ରୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମୀରୁ ପ୍ରୁତି ଲକୁ ।

୯ ଏନାଆଁତାକି ଇଚିହ୍ମ କ୍ରୀସ୍ତୁ ହାହାନା ଝେଣ୍ଡେ ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡ଼ାରି ବାରେଜାଣାତି ପ୍ରୁ ଆହାମାନେସି ।

୧୦ ✱ ନୀନୁ ଏଦାଆଁତାକି ମୀ ତାୟିକି ବେରଣି କିହିମାଞ୍ଜି ? ଏନାଆଁତାକି ମୀ ତାୟିକି ହାଣି କିହିମାଞ୍ଜି ? ମୀର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି ।

୧୧ ଏନାଆଁତାକି ଇଚିହ୍ମ ସାସ୍ତେରିତା ରାସ୍‌କି ଆହାମାନେ;

“ପ୍ରୁ ଝେସିମାନେସି, ଇଚିହ୍ମ ନାନୁ ଜୀଞ୍ଜୁଗାଟି ମାହାପୁରୁ, ବାରେଜାଣା ନା ନକିତା ମେଣ୍ଡା କୁତିନେରି,

ବାରେଜାଣା ନାଙ୍ଗେ ମାହାପୁରୁ ଇଞ୍ଜା ଜଲିନେରି ।”

୧୨ ମୀର ବାରେଜାଣା ମାହାପୁରୁ ନକିତା ମୀର କିତି କାମାତି ଲେକା ହାନାୟି ।

**ତାୟିକି ପାପୁ କିଞ୍ଜି କିଆଦୁ**

୧୩ ଏଦାଆଁତାକି ରଥତେରି ରଥଣାକି ବିଚାରା କିଆଦୁ; ଇଲେକିହ୍ମ ଏନାଆଁ ଜିକେଏ କିଆଦୁ, ଏନିକି ମୀ ତାୟି ପୁତି କିହାନା ପାପୁତି ପାନ୍ଦାତା ରିଅସି ।

୧୪ ପ୍ରୁ ଜୀସୁ ତାଣାଟି ପୁଞ୍ଜାନା ସାତା ତଲେ ଝେସିମାଞ୍ଜାକି, ଏନି କାଡ଼ି ତାନୁଏ ଲାଗେଏତାୟି ଆଏ । ସାମା ଆମ୍ବାଆସି ଏନି କାଡ଼ିତି ଲାଗେଏତାୟି ଇଞ୍ଜା ଅଣ୍ଡପିନେସି, ଏଞ୍ଜାଣାକି ଏନି ଲାଗେଏତାୟି ଆନେ ।

୧୫ ମୀରୁ ଏନି କାଡ଼ି ତିନି ତାଣାଟି ର ତାୟି ଅଣ୍ଡପୁତା କସ୍ତ ହାହିମାଞ୍ଜେରି, ଆତିହ୍ମ ଏଞ୍ଜାଣାକି ମୀରୁ ଜୀଞ୍ଜୁନଞ୍ଜୁତା

ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାଡେସି, ଏ କାଡି ତାକି ଏଞ୍ଜାଣାଇଁ ଲାଗେଏ କିଆଦୁ ।

୧୭ ମୀରୁ ଏନାଆଁ ନେହାୟି ଇଞ୍ଜି ଅଣ୍ପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ;

୧୮ ମାହାପୁରୁତି ରାଜି ତିନାୟି ଉନାୟି ଆଏ । ସାମା ଏଡି ଦାମ୍ବୁ, ହିଡଡି ଇଞ୍ଜା ସୁଦୁଜୀଝୁ ହାତି ରାହାଁଗାଗାୟି ।

୧୯ ଆମ୍ବାଆସି ଇଲେକିହିଁ କ୍ରୀସ୍ତତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାସି ଇଞ୍ଜା ମାଣ୍ସିୟାଁ ନକିତି ତାୟିପାରିତା ଜାଣା ଆଡାସି ତଞ୍ଜାଆନେସି ।

୨୦ ଏଦାଆଁତାକି ଝାଦୁ, ଏନା ଏନାୟି ହିଡଡି ଗାଗାୟି, ଅଡେ ଏନା ଏନାଆଁତଲେ ରଅସି ରଅଣାକି ବାସ୍ତୁ ହୀନେସି, ଏ ବାରେଡି ମାର ଅଣ୍ପିନ

୨୧ ଏ ଉଜେଏତି କାଡି ତାକି ମାହାପୁରୁତି କାମାଇଁ ନାସଞ୍ଜି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏଡି କାଡି ତିନି ତାଣାଟି ମୀରୁ ଏଟକା ଲକୁଣି କସ୍ତ ହାହିମାଞ୍ଜେରି, ଆତିହିଁ ଏ କାଡି ତିନାଆଦୁ ।

୨୨ ମୀରୁ ଉଜା ତିନାୟି, ଅଜୁରି ରାସା ଗହ୍ନି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେ ।

୨୩ ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ ହିୟାଁତା ମାହାପୁରୁଇଁ ନକିତା ଇଟାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଣ୍ପିନେସି, ଏଞ୍ଜାସି ଏମ୍ବାଆଁ ତାଙ୍ଗେ ଦହଗାଟାସି କିଅସି, ଆତିହିଁ ଏଞ୍ଜାସି ନେହାସି ।

୨୪ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇତିହିଁ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡେ ଏନାୟି ନାମୁତଲେ ଆଏ, ଏଡି ପାପୁ ।

### ୧୫

#### ଏଟକା ଲକୁଣି ରାହାଁ କିଦୁ

୧ ମାର ନାମୁତା ଆଟ୍ଝା ଗାଗାତାୟି, ବାଡୁୟୁ ହିଲାଆଗାଟି ଲକୁଣି ମାର ସାସା ହୀନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣ୍ପାଆପେସି ।

୨ ସାମା ଏଟକା ଲକୁଣି ନେହେଁତାକି ଇଞ୍ଜା ଏଞ୍ଜାରି ନାମୁତି ଆଟ୍ଝା କିହାଲିତାକି ଏଞ୍ଜାରାଇଁ ରାହାଁତଲେ ଇଟିନାୟି ମା କାମା ।

୩ କ୍ରୀସ୍ତ ଜିକେଏ ତାନି ସୁକୁ ତାକି ଏନାଆଁ କିହି ହିଲାଆତେସି; ସାମା ସାସ୍ତେରିତା ରାସ୍ତକି ଆହାମାନି ଲେହେଁ, “ମିଙ୍ଗେ ନିନ୍ଦା କିୟାତାରା ନିନ୍ଦା ନା ମୁହେଁ ଝାଡେ ।”

୪ ସାସ୍ତେରିତି ଜାପ୍ନାଇ ବାରେ ମା ନେହେଁତାକି ଲଡା ଆନୁ । ବାସ୍ତୁ ତଲେ ତାରିଆହାଁ ଡୟାଲି ତାକି ସାସ୍ତେରି ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ ।

୫ ଆଟ୍ଝା ଅଡେ ଦୁକୁ ଡୁକ୍‌ହାନି ମାହାପୁରୁ ମିଙ୍ଗେ କ୍ରୀସ୍ତ ଜୀସ୍ତୁତି ମାଣକି ତଲେ ବାରେତେରି ମିଙ୍ଗେ ରଣ୍ଡିଏ ମନ ଆହାଲି ହିୟାପେସି,

୬ ବାରେଜାଣା ଆଣ୍ଡି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁଡି ତଲେ ପ୍ରୁ ଜୀସ୍ତୁ କ୍ରୀସ୍ତ ଆବା ମାହାପୁରୁତି ଜହରା କିତେରି ।

ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି ନେହିଁ କାବୁ

୭ ମାହାପୁରୁତି ଗାଝୁରମି ତାକି କ୍ରୀସ୍ତ ଏନିକିହିଁ ମିଙ୍ଗେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହିଁ ରଅତେରି ରଅଣାଇଁ ଆବାଦୁ ।

୮ ଇତିହିଁ ନାନ୍ତୁ ଏଲେ ଇଞ୍ଜିମାଇଁ, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆଡି ଲକୁଡି ସେବା କିନାସି କିଞ୍ଜିଆହା ମାରେସି, ଏନିକିହିଁ ଏଞ୍ଜାସି ଆକୁ ଆବାୟାକି ଆଞ୍ଜାନା ହାହାମାନାଣି ତାରି କିନେସି,

୯ ଅଡେ ମାହାପୁରୁତି କାର୍ମାମେହ୍‌ନାଣି ତାକି ଜୀହୁଦିଆଆତି ଲକୁ ଜିକେଏ ଏଞ୍ଜାଣି ଗାଝୁରମି କିନେରି; ଇ କାତା ସାସ୍ତେରିତା ରାସ୍ତକି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା କିଇଁ, ବାରେଦିନା ନୀ ପାରୁ ପାଡିଇଁ ।”

୧୦ ଅଡେ ଜିକେଏ ଏଲେଇଞ୍ଜି ମାନେସି, “ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ !”

୧୧ ଅଡେ ଜିକେଏ, “ଜୀହୁଦିଆଆତି ଲକୁ ବାରେ ପ୍ରୁଇଁ ଜହରା କିଦୁ, ଅଡେ ବାରେ ଲକୁ ଏଞ୍ଜାଣି ପାରୁ ପାଡାପେରି !”

୧୨ ଅଡେ ଝେଣ୍ଡେ ଜିସାୟ ଝେସାମାନେସି, “ଜିସି କୁଡାଟି ରଅସି ତଞ୍ଜାଆନେସି, ଏଞ୍ଜାସି ଜୀହୁଦିଆଆତି ଲକୁଣି ସାଲଞ୍ଜି କିନେସି ଇଞ୍ଜା ଜୀହୁଦିଆଆତାରି ଏଞ୍ଜାଣି ତାଣା ବାସ୍ତୁ ଇତିନେରି ।”

୧୩ ବାରେ ବାସ୍ତୁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡଡି ହିୟାପେସି । ଏନିକିହିଁ ସୁଦୁଜୀଝୁତି ବାଡୁୟୁ ତଲେ ମୀ ବାସ୍ତୁ ପାତାଆନେ ।

#### ଜୀହୁଦିଆଆତି ଲକୁତାଣା ପାଝୁଲତି ସେବା

୧୪ ତାୟି ତାଜିସ୍ତାତେରି, ମୀରୁ ବାରେ ନେହିଁ ଗୁଣ୍ଡି, ଏନିକିହିଁ ବାରେ ବୁଦିତଲେ ଇଞ୍ଜା ରଅତେରି ରଅଣାଇଁ ଜାପ୍‌ହାଲି ତାକି ଆଡିଦେରି ନା ନାମୁ ମାନେ ।

୧୫ ଆଡିଜିକେଏ ମାହାପୁରୁ ହାହାମାଞ୍ଜାନି କାର୍ମାଟି ବାଡୁୟୁତି ନାନ୍ତୁ ମିଙ୍ଗେ ଅଣ୍ପି କିହାଲି ହାରେକା ସାସାତଲେ ମୀ ତାଣା ଇ ଆକୁ ରାଡିମାଞ୍ଜାଇଁ ।

୧୬ ଏନାଆଁତାକି ଇତିହିଁ କ୍ରୀସ୍ତ ଜୀସ୍ତୁତି ହଲେଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି । ମାହାପୁରୁତି ନେହିଁ କାବୁ ଝେକ୍‌ହାଲି ତାକି ନାନ୍ତୁ ର ପୂଜେରାତି କାମା କିହିମାଇଁ । ଜୀହୁଦିଆଆତି ଲକୁ ସୁଦୁଜୀଝୁ ତଲେ ହେର୍ପିଆଡି ଲେହେଁ ମାହାପୁରୁ ତାଣା ଆବିନାରି ଆପେରି, ଇଦି ନା ଅଣ୍ପୁ ।

୧୭ କ୍ରୀସ୍ତ ଜୀସ୍ତୁତଲେ ଆଣ୍ଡାନା ମାହାପୁରୁ ତାକି ଇ ସେବା କାମା କିହାମାନାକି ନାନ୍ତୁ ବଡପଣ ଆହିମାଇଁ ।

୧୮ ଇତିହାସ ଜୀହ୍ୱାଦିଆଥାତି ମାହାପୁରୁ ତାଣା ତାଚାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା ଇତିହାସ ହାରେକା ସିନାୟା କାବାଆନି କାମାୟା ତଲେ, ସୁଦୁଜୀହ୍ୱୁତି ବାଡ଼ୁୟୁଟି ଏନା ଏନାଆଁ କିହାହିଲଅସି, ଇଲେତି ଏନି କାମା କିହାଲି ସାସା କିହିହିଲଅଁ ।

୧୯ ସିନା ଅଡ଼େ କାବାଆନି କାମାତି ବାଡ଼ୁୟୁଟି ଅଡ଼େ ମାହାପୁରୁ ସୁଦୁଜୀହ୍ୱୁତି ବାଡ଼ୁୟୁଟି ନା ତାଣାଟି କିହାମାନେସି । ଏନିକ ନାନୁ ଜିରୁସାଲମ ଟଟ ସାରିଖାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହ କାରୁ ଝେକହାମାଲ୍ ।

୨୦ ଆମ୍ବିୟା ଲକୁ କ୍ରୀସ୍ତତି କାତା ଝେଞ୍ଜାହିଲଅରି, ଏମାଆଁ ଏଞ୍ଜାଣି ବଲୁ ଝେକହାଲି ନା ଅଣପୁ, ଏନାଆଁତାକି ଇତିହାସ ଏଟକାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣପି ହିଲଅଁ ।

୨୧ ସାସ୍ତେରିତା ଏନିକିହାସ ରାସ୍ତକି ଆହାମାନେ; “ଆମିନି ଗାଗାରି ଏଞ୍ଜାଣି ବଲୁ ବେଟାଆହା ହିଲଅରି, ଏଞ୍ଜାରି ମେହନେରି; ଆମ୍ବାଆରି ଝେଞ୍ଜାହିଲଅରି, ଏଞ୍ଜାରି ତେଲୁହିନେରି ।”

**ରମ୍ଭା ହାଜାଲି ପାଖୁଲତି ଅଣପୁ**

୨୨ \*ହାରେକା ଦେବା ମୀ ତାଣା ଖାହାଲି ତାକି ନା ଅଣପୁ ଉଜେଏତାୟି ଆଡେ ।

୨୩ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା ବାସାତି ଅଣପୁ ନୀର୍ବ ପୁରା ଆନେ ।

୨୪ ନାନୁ ସ୍ତେନ୍ ଦେସା ହାନିବେଲାତା ମୀ ତାଣା ଖାଲ୍; ଇତିହାସ ଜିରୁତା ମୀ ତଲେ ତଲିଏ ଆଣ୍ଟାନା କାତା ଆହାଁ ଏଚରଦିନା ତୁୟିତି ତାୟୁ ଏ ଟାୟୁତା ହାଜାଲି ଜିରୁତା ଇଟିଝାୟାଦେରି ଇଞ୍ଜା ଆସା କିହିମାଲ୍ ।

୨୫ \*ନୀର୍ବ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା ହାଜିମାଲ୍ ।

୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲାଆ ଗାଗାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଟାଲି ତାରୁୟାଁ କୃଡ଼ିକିହାଲି ତାରି କିହାମାନେରି ।

୨୭ \*ହାଅ ଏଞ୍ଜାରି ଏଦାଆଁ ନେହେଁ ଅଣପା ମାନେରି ସାତା, ଆତିହାସ ଏଞ୍ଜାରି ଏଞ୍ଜାରିତାଣା ରୀଣା ଜିକେଏ ଆହାମାନେରି; ଜୀହ୍ୱାଦିଆଆତାରି ଏଞ୍ଜାରି ଦାମ୍ବୁତି ଜୀହ୍ୱୁତା ଆଣ୍ଟାମାନେରି ଇତିହାସ, ଏଞ୍ଜାରି ଦାରୁତି କାମାତା ଜିକେଏ ସେବା କିହାଲି ରୀଣା ଆହାମାନେରି ।

୨୮ ଜିରୁସାଲମତା ଏ ତାରୁୟାଁ ଲକୁକି ହାହାନା ନା କାମା ରାପୁହି ତାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେଟି ଖାଲ୍ ।

୨୯ ନାନୁ ପୁଞ୍ଜାମାଲ୍, କ୍ରୀସ୍ତ ତାଣାଟି ହାରେପୁରେ ବର ବେଟାଆହାନା ନାନୁ ମୀ ତାଣା ଖାଲ୍ ।

୩୦ ଜୀହ୍ୱୁତି ତାୟି ତାଙ୍ଗି, ନାନୁ ମା ପୁରୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ସୁଦୁଜୀହ୍ୱୁ ହାହାମାଞ୍ଜାନି ଜୀହ୍ୱୁ ନନାଣି ତାକି ମିଙ୍ଗେ ବାତିମାଲିମାଞ୍ଜାଲ୍, ନାଙ୍ଗେ ତାକି ମାହାପୁରୁ ତାଣା ରଣ୍ଡିଏ ଅଣପୁ ତଲେ ପ୍ରାତାନା କିଦୁ ।

୩୧ ନାନୁ ଜୀହ୍ୱୁଦା ଦେସାତି ନାମାଆତି ଲକୁ ତାଣାଟି ଏନିକିହାସ ଗେଲପି ଆଲ୍ ଇଞ୍ଜା ଜିରୁସାଲମତା ନା ଏମିନି ସେବା କାମା, ଏଦିଏମାଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ ।

୩୨ ମାହାପୁରୁ ଅଣପୁ ତଲେ, ନାନୁ ମୀ ତାଣା ହାରେକା ରାହାତଲେ ଖାଲ୍ ଇଞ୍ଜା ମୀ ତଲେ ଏଚରଦିନା ପାତେକା ତୁୟାନା ନା ହିୟାତା ରାହାଁ ବେଟାଆଲ୍ ।

୩୩ ବାରେ ହିଡ଼ି ହିୟାନି ମାହାପୁରୁ ମୀ ତଲେ ମାଣ୍ଡମେସି । ଆମେନ୍ ।



**ପାଖୁଲତି ଜହରା**

୧ କେଙ୍ଗେୟା କୁଲମିତା ସେବା କାମା କିହିମାନି ମା ତାଙ୍ଗି ପୟିବିଲ୍ ମୀ ତାଣା ପାଣ୍ଡିମାଞ୍ଜାଲ୍,

୨ ପୁରୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ । ତାନି ଲଡ଼ାମାନି ଲେହେଁ ସାୟେମି କିଦୁ । ଏଦି ନାଙ୍ଗେତାକି ଅଡ଼େ ହାରେକା ଲକୁତି ସାୟେମି ତଡ଼ୁ ।

୩ \*କ୍ରୀସ୍ତ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରିସ୍ତିଲା ଇଞ୍ଜା ଆକ୍ଝିଲାଲ୍ ନା ଜହରା ଝେହ୍ଦୁ ।

୪ ଏ ଲକୁ ନା ତାକି ତାନି ଜୀହ୍ୱୁତା କସ୍ତ ଆହାମାନେ । ଖାରଇ ନାନୁ ଆଏ, ବାରେ ଜୀହ୍ୱାଦିଆଥାତି କୁଲମି ତାନି ତାଣା ଜହରା ।

୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଝେସିମାଲ୍ । ନା ଜୀହ୍ୱୁତି ତଡ଼ୁ ଏପାୟିନେତଲ୍ ନା ଜହରା ଝେହ୍ଦୁ । ଆସିୟା ଦେସାତି ଏଞ୍ଜାସି ରଅସି ମୁଲୁଏ କ୍ରୀସ୍ତଲ୍ ନାମିତାସି ।

୬ ମୀ ନେହେଁତାକି ଜମାଆନା କାମା କିହିମାନି ମରିୟମଲ୍ ନା ଜହରା ।

୭ ଆନ୍ତନିକ ଇଞ୍ଜା ଜୁନିୟାଲ୍ ନା ଜହରା । ଇ ରିଆରି ଜୀହ୍ୱାଦିୟାଁ ନା ତଲେ କାୟିଦି ଇଲୁତା ମାଚେରି । ନା ନକେଏ କ୍ରୀସ୍ତଲ୍ ନାମା ମାଚେରି ଇଞ୍ଜା ପାଣ୍ଡିଆଡ଼ି ସୀସୁ ତାଣାଟି ଏଞ୍ଜାରି ପୁଣ୍ଡି ଆତାରି ।

୮ ପୁରୁ ତାଣା ନା ଜୀହ୍ୱୁତି ତଡ଼ୁ ଆମ୍ବିୟାତଲ୍ ଜହରା ।

୯ କ୍ରୀସ୍ତତି ସେବା କାମାତା ନାଙ୍ଗେ ସାୟେମି କିହିମାଞ୍ଜାନି ଉର୍ବାନ ଇଞ୍ଜା ଜୀହ୍ୱୁତି ତଡ଼ୁ ସ୍ତାକିୟଲ୍ ଜିକେଏ ନା ଜହରା ।

୧୦ କ୍ରୀସ୍ତତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତରୁଲ କୁଟମିତି ବାରେ ଜାଣାଲ୍ ନା ଜହରା ଝେହ୍ଦୁ ।

୧୧ ନା କୃଡ଼ାତି ହେରଦିୟନ ଇଞ୍ଜା ନାକ୍ସ କୁଟମିତି କ୍ରୀସ୍ତତି ତାୟିୟାଣି ଜିକେଏ ନା ଜହରା ।

\* ୧୫:୨୨ ରମି ୧:୧୩ \* ୧୫:୨୫ ୧କର ୧୭:୧-୪ \* ୧୫:୨୭ ୧କର ୯:୧୧ \* ୧୭:୩ କାମା ୧୮:୨

୧୨ ପ୍ରବୃତ୍ତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ ତାକି ହାରେକା କାମା କିହାମାନି ଜୀସୁତି ପର୍ଯ୍ୟସଇ ନା ଜହରା ।

୧୩ \*ପ୍ରବୁ ଆଚାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା ।

୧୪ ଅସୁକ୍ରିତ, ପ୍ଲେଗନ, ହର୍ମିସ, ପାତ୍ରବା, ହର୍ମିସ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସୁଇଁ ନାମିମାନି ତାୟି ତାଲିଇଁ ଜହରା ଖେହ୍ଦୁ ।

୧୫ ପିଲଲଗ ଇଞ୍ଜା ଜୁଲିୟା, ନିରୁସ୍ ଇଞ୍ଜା ତାନି ତାଲି ଅଡେ ଅଲୁମ୍ପା ଅଡେ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଖେହ୍ଦୁ ।

୧୬ ସୁନ୍ଦୁ ହିୟାଁ ତଲେ ନଶ୍ୱି ଆହାନା ଜହରା ଖେହ୍ଦୁ । କ୍ରୀସୁତି ବାରେ କୁଲମିକା ମିଙ୍ଗେ ଜହରା କିହିମାଞ୍ଜାନୁ ।

**ପାଞ୍ଜୁଲତି ରାନି ବେଲାତି ବଲୁ**

୧୭ ତାୟି ତାଲିସ୍ନାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡେ ଲାଗେଏ କିୟାନେସି ଏଞ୍ଜାରାଇଁ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏଟକା ଆୟାଲି ନାନୁ ବାତିମାଲିମାଞ୍ଜାଇ ।

୧୮ ଇତିହଁ ଇଲେତି ଲକୁ ମା ପ୍ରବୁ କ୍ରୀସୁତି ହଲିୟାଙ୍ଗା ଆଏ, ସାମା ତାମି ବାଣ୍ଡିତି ହଲିୟାଙ୍ଗା ଆହାମାନେରି, ଅଡେ ସୁଞ୍ଜାଲା ହାଡାତଲେ ଲକୁ ମନତି ନାଡି କିନେରି ।

୧୯ ନେହଁ ବଲୁ ତାକି ମୀ ତୀରପୁ କାମା ବାରେ ଲକୁ ଖେଞ୍ଜାମାନେରି, ଇଦାଆଁତାକି ନାନୁ ହାରେକା ରାହାଁ । ନାନୁ ଅଣ୍ଡପିମାଇଁ, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଡାଆଦୁ ।

୨୦ ଆତିହଁ ହିଡଡି ହିୟାନି ମାହାପୁରୁ ତବେ ସୟତାନଇଁ ମୀ କଡ଼ାଁ ତଇ କିନେସି । ମା ପ୍ରବୁ ଜୀସୁତି କାର୍ମାମେହ୍ନାୟି ମୀ ତଲେ ମାଣ୍ଡମ୍ବେ ।

୨୧ \*ନା ତଲେ କାମା କିହିମାନି ତିମତି ଇଞ୍ଜା ମା ଜୀହୁଦି ତାୟିୟାଁ ଲୁକିୟ, ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା କିହିମାଞ୍ଜାନେରି ।

୨୨ ଇ ଆକୁ ରାଚାମାନି ତତର୍ୟ, ପ୍ରବୃତ୍ତି ଦରୁତଲେ ମିଙ୍ଗେ ଜହରା କିହିମାଞ୍ଜାଇଁ ।

୨୩ \*ନାଙ୍ଗେ ଅଡେ କୁଲମିତି ସେବା କିନି ଗାୟସ ମିଙ୍ଗେ ଜହରା କିହିମାଞ୍ଜାନେସି, ଅଡେ ଇ ଗାଡାତି ଗୁମ୍ବୁସ୍ତା ଏରାସ୍ତ ଇଞ୍ଜା ତାୟି କ୍ୱାଡର୍ତ ଜିକେଏ ମିଙ୍ଗେ ଜହରା କିହିମାଞ୍ଜାନେରି ।

୨୪ ପ୍ରବୁ ଜୀସୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ ।

**ପ୍ରାଡାନା ଇଞ୍ଜା ଜହରା ତଲେ ଆକୁ ରାପ୍ନାୟି**

୨୫ ୱାଦୁ, ମାର ମାହାପୁରୁତି ଗାଞ୍ଜୁରମି କିନ । ନାନୁ ଖେକ୍ହାମାନି ଜୀସୁ କ୍ରୀସୁତି ନେହଁ ବଲୁ ଇଞ୍ଜା ତଲି କାଲ୍ଲାଟିଏ ତ୍ତଗୁମାନି ସାତା ଲେହେଁ ମୀ ନାମୁ ତୀରିକିହାଁ ଇଗାଲି ମାହାପୁରୁ ଆଡିନେସି ।

୨୬ ଏ ତ୍ତଗୁମାନି ସାତା ମାହାପୁରୁ ଅଣ୍ଡପୁତି ବଲୁ ଖେହ୍ନାରି ସାସ୍ତେରିତା ରାସ୍ତକି ଆହାମାନେ ଅଡେ ଏଡି ନୀର୍ଯ୍ୟ କାଲ୍ଲାକାଲ୍ଲାତି ପ୍ରବୁ ମାହାପୁରୁ ତାଣାଟି ବାରେ କୃଡା ବିଡା ଖେପ୍କି ଆହିମାନେ । ଇଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆଡିନେରି ।

୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସୁ ତାଣା କାଲ୍ଲାକାଲ୍ଲା ତାକି ଗାଞ୍ଜୁରମି ବେଟାଆପେସି । ଆମେନ୍ ।

\* ୧୭:୧୩ ମାର୍କ ୧୫:୨୧ \* ୧୭:୨୧ କାମା ୧୭:୧ \* ୧୭:୨୩ କାମା ୧୯:୨୯; ୧କର ୧:୧୪; ୨ଡିମ ୪:୨୦



# କରନ୍ତି ମଣ୍ଡଳୀ ନିମନ୍ତେ ପାତଲକ ଲିଖିତ ପ୍ରଥମ ପତ୍ର କରନ୍ତି କୁଲମିତାକି ପାଞ୍ଚଲ ରାଚାମାନି ର ଲମ୍ବର ଆକୁ ମୂଳୁ ହାଡ଼ା

କରନ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣାଟି ଜୀସୁ କ୍ରୀସ୍ତୁ ଜୀର୍ନାତି ୫୫ ବାର୍ଯା କେତ ରାସ୍ତି ଆହାମାତେ ୧:୧ । ପାଞ୍ଚଲ ତାଣାଟି ରାସ୍ତି ଆହାମାନି ଜଡ଼େକା ଆକା ବିତ୍ରାଟି ଇଦି ଆହିମାନେ ର ଲମ୍ବର ଆକୁ । ଏଞ୍ଜାସି ଏପିସିୟତା ମାଟିରେଲତା ଇ ଆକୁ ରାଚା ମାଣ୍ଡୁତେସି ୧୭:୫-୯ । ମାକିଦନିୟାଟି କରନ୍ତିତା ହାଜାଲି ମନ କିନି ନକେଏ ଇ ଆକୁ ରାଚାମାତେସି ।

ପାଞ୍ଚଲ ଇ ଆକୁତା କୁଲମି ଗତି ଗତି ଆନାୟି ଲାଗେଏତି କାମାତି ଜୁପ୍କା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଖେଞ୍ଜାନା ଖେଣ୍ଡେ ଖେସାଲି ମନ ହାହିମାନେସି । କରନ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାୟି ଖେଙ୍ଗାମାତେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଙ୍ଗାଲା ଆହିମାତେରି । ଏଦାଆଁ ଅଣ୍ପାମା ଏଞ୍ଜାରାକି ତିନା ଉନାଣି, ବାହା ଆନାଣି ଅଡ଼େ କିନାଣି, ହାକି ଅଡ଼େ ଖେଣ୍ଡେ ନିଜିନାଣି, ସାତା ଜୀଞ୍ଜୁନନାୟି ଏନାୟି ଇ ବାରେ କାତା ଆକୁତା ରାଚାମା ତସାମାନେସି ୧୩ ।

### ପତିତା ମାନାୟି

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗତି ଆନି କାତା ଜାପ୍ନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡ଼େ ଦାଞ୍ଜାକିନି କାତା । ୫:୧-୬:୨୦
- ୪. ବାହା, ପେଣ୍ଡକା ବମାୟାତି ବଗୁ, ଜାରୁ ଆହାନା ପ୍ରାତାନା, ସୁଦୁଜୀଞ୍ଜୁତି ଦାନା, ଇଞ୍ଜା ଖେଣ୍ଡେ ନିଜିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣ୍ପୁ ଇଞ୍ଜା ରାପ୍ନାୟି । ୧୭

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଚାନା ପାଣ୍ଡୁ ଆହାମାନାତେଏଁ, ଅଡ଼େ ମା ତାୟି ସସ୍ତିନା ତଲେ,

୨ \*କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଚିମାନେରି; ଆମିନି ବାରେକାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାତାନା କିହିମାନେରି, ଏଞ୍ଜାରିତଲେ କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟ୍ଟକି ଆହାମାନି ମାହାପୁରୁ ଲକୁତେରି ମୀରୁ ।

\* ୧:୨ କାମା ୧୮:୧    † ୧:୧୭ କାମା ୧୮:୨୪    \* ୧:୧୩ ମୁଞ୍ଜିନାୟି    † ୧:୧୪ କାମା ୧୮:୮; କାମା ୧୯:୨୯; ରନି ୧୭:୨୩    † ୧:୧୪ ମୁଞ୍ଜିନାୟି    ‡ ୧:୧୫ ମୁଞ୍ଜିନାୟି    † ୧:୧୭ ଏକର ୧୭:୧୫    § ୧:୧୭ ମୁଞ୍ଜିନାୟି    \* ୧:୧୭ ମୁଞ୍ଜିନାୟି

୩ ମିଙ୍ଗେତାକି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ଆପେ ।

### କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଙ୍ଗେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଙ୍ଗେତାକି ମାହାପୁରୁଇଁ ଜହରା କିହିମାଲ୍,

୫ ଏଦାଆଁତାକି ଇତିହୁଁ ଏଞ୍ଜାଣି ତାଣା ବାରେ କାତାତା, ହାରେକା କିହାଁ ବାରେଲେହେତି ଜାପ୍ନି ତାଣା ଅଡ଼େ ବାରେଲେହେତି ବୁଦିତା ମୀରୁ ଗାଡ଼ି ବାଡ଼କା ମାଞ୍ଜେରି;

୬ ଇଲେଆହୁଁ କ୍ରୀସ୍ତୁତି ସାକି ମୀ ତାଣା ତୀରି ଆହାମାନେ ।

୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତୁତି ତଞ୍ଜା ଆହାଲିତାକି କାପୁ କାଚାନା ଏନି କାର୍ମାଟି ଦାନାତା ଉଣା ଆହାହିଲଅଡ଼େରି;

୮ ମା ପ୍ରବୁ ଜୀସୁ କ୍ରୀସ୍ତୁତି ଦିନାତା ଏନିକିଁ ମୀରୁ ଦହ ହିଲାଆଗାଟାତେରି ଆଡ଼େରି, ଇଦାଆଁତାକି ଏଞ୍ଜାସି ମିଙ୍ଗେ ରାନି ଦିନା ପାତେକା ତୀରିକିହା ଇଗାନେସି ।

୯ ମାହାପୁରୁ ନାମୁଗାଟାସି, ଆମ୍ବାଆରି ତାଣାଟି ମୀରୁ ତାନି ମୀରଏସି ଜୀସୁ କ୍ରୀସ୍ତ, ମା ପ୍ରବୁ ତାଣା ଆଣ୍ଡିନାଣାକି ହାଟ୍ଟକି ଆହାମାଞ୍ଜେରି ।

### ନାମିତି କୁଲମି ବିତ୍ରା ଗତି ଆନାୟି

୧୦ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଲ୍, ଏନିକିଁ ମୀରୁ ବାରେକାଣା ତେରି ରଣ୍ଡିଏ କାତା ଜଲିଦେରି, ଅଡ଼େ ମୀ ବିତ୍ରା ଗତି ଆଅଡ଼େରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ପୁ ତଲେ କାଲ୍ଡି ଆଦୁ ।

୧୧ ଇତିହୁଁ, ଏ ନା ତାୟିୟାଁ ଅଡ଼େ ତାଙ୍ଗିସ୍ତାତେରି, କୁୟିତି କୁଟମିଟି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ ।

୧୨ \*ନାନୁ ଖେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଚଲ ଝାକି ତାତେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏଁ, ନାନୁ କେପା ଝାକି ତାତେଏଁ ଅଡ଼େ ଏତରକାଣା ନାନୁ କ୍ରୀସ୍ତ ଝାକି ତାତେଏଁ ଇଞ୍ଜାଁ ମାନେରି ।

୧୩ କ୍ରୀସ୍ତ ବାଚା ଆହାମାନେସି କି ? ମିଙ୍ଗେତାକି ପାଞ୍ଚଲ କି ପାସି ମୁଣ୍ଡାତା ହାହାମାନେସି ? ଆଆତ୍ ମୀରୁ କି ପାଞ୍ଚଲ ଦରୁତଲେ ବାପ୍ତିସ୍ତ\* ଅହାମାଞ୍ଜେରି ?

୧୪ \*ଇଦାଆଁତାକି କ୍ରିସ୍ତ ଅଡ଼େ ଗାୟ ପିସପେ ମୀ ବିତ୍ରା ଆମ୍ବାଆରାଲ୍ ଜିକେଏ ବାପ୍ତିସ୍ତ† ହାହାହିଲଅଁ ଇଞ୍ଜାଁ ନାନୁ ମାହାପୁରୁଇଁ ଜହରା କିହିମାଲ୍,

୧୫ ଏଡ଼େତା ମୀରୁ ନୀ ଦରୁତଲେ ବାପ୍ତିସ୍ତ‡ ଅହାମାଲ୍ ଇଞ୍ଜାଁ ଆମ୍ବାଆରି ଏଲେଇଞ୍ଜଅରି ।

୧୭ \*ଅଡ଼େ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ତ୍ରି ହୀହାମାଇଁ; ଇଞ୍ଜାରି ପିସ୍ତପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ତ୍ରି\* ହୀହାମାଇଁ ଇଞ୍ଜି ନା ଅଣ୍ପୁତା ହିଲେଏ ।

୧୮ ଇତିହିଁ କ୍ରୀସ୍ତ ନାଜେ ବାପ୍ତିସ୍ତ୍ରି ହୀହାଲିତାକି ପାଣ୍ଡାମାଞ୍ଜାଅସି, ସାମା ନେହିଁ କାରୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଚେତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

**କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ବୁଦି**

୧୮ ଇତିହିଁ ନାସା ଆହିମାନି ଲକୁତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୟୁ ।

୧୯ ଇଦାଆଁତାକି ରାସ୍ତକି ଆହାମାନେ,

“ନାନୁ ବୁଦିଗାଟାରି ବୁଦି ନାସଞ୍ଜି କିଇଁ,

ଅଡ଼େ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆସ୍ତିୟା ? ମେରା ଜାପ୍ନାରି ଆସ୍ତିୟା ? ଇ ଜୁଗୁତି କାତା କାଟଞ୍ଜିକିହାଁ ଝେହ୍ନାରି ଆସ୍ତିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜି ଝେସାହିଲଅସି ?

୨୧ ଇତିହିଁ ମାହାପୁରୁତି ବୁଦି ତଞ୍ଜାଆହାମାଟି ଜିକେଏ ଦାର୍ତତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଝେକହାମାନି କାତା ଉଜେଏତାୟି, ଆଡ଼ିଜିକେଏ ନାମ୍ବୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣ୍ପିତେସି ।

୨୨ ଇତିହିଁ ଜୀହୁଦିଙ୍ଗା ସିନା ପାରିନେରି, ସାମା ଗ୍ରିକ୍ ଲକୁ ବୁଦିତି ପାରିନେରି ।

୨୩ ସାମା ମାମ୍ବୁ ପାସି ମୁଣ୍ଡାତା ହାଡ଼ି କ୍ରୀସ୍ତତି କାତା ଝେକହି ମାନମି, ଏଞ୍ଜାସି ଜୀହୁଦି ଲକୁତାକି ସାତୁ ଲେହେଁତାସି ଅଡ଼େ ଜୀହୁଦିଆଆତି ଲକୁତାକି ବୁଦି ହିଲାଆଲେହେଁ ।

୨୪ ସାମା ଜୀହୁଦି ଆପାରି କି ଜୀହୁଦିଆଆତାରି ଆପାରି, ଆମ୍ବାଆରି ହାଟ୍ଟକି ଆଡାରି, ଏଞ୍ଜାରାକି କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ମାହାପୁରୁତି ବୁଦି ଲେହେଁ ।

୨୫ ଇତିହିଁ ମାହାପୁରୁତି ବୁଦି ହିଲାଆଗାଟାୟି ମାଣସିୟାଁତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣସିୟାଁତି ବାଡ଼ୟୁ କିହାଁ ହାରେକା ବାଡ଼ୟୁ ଗାଟାୟି ।

୨୬ ଏ ତାୟିୟାଁ ଅଡ଼େ ତାଜିୟା ମିଜେ ହାଟାମାନି କାତା ଅଣ୍ପାପୁ, ଦାର୍ତତି ଲକୁତି ଅଣ୍ପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୟୁ ଗାଟାରି, କି କାଜା କୃଡା ଗାଟାରି ହାଟ୍ଟକି ଆହାହିଲଅସି;

୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍ତତି ବୁଦି ହିଲାଆଗାଟାଣି ଆଡ଼ିତେସି, ଅଡ଼େ ବାଡ଼ୟୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍ତତି ବାଡ଼ୟୁ ହିଲାଆଗାଟାରାଇଁ ଆଡ଼ିତେସି ।

୨୮ ଅଡ଼େ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାର୍ତତି ହୀଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଆଗାଟାଣି ଆଡ଼ିତେସି ।

୨୯ ଅଡ଼େ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍ତତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡ଼ିତେସି ।

୩୦ ସାମା ଏଞ୍ଜାଣି ତାକି ମୀରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇତିହିଁ ଦାମ୍ବୁଗାଟାସି, ସୁଦୁଗାଟାସି ଅଡ଼େ ଗେଲ୍ପିନି ଲେହେଁ ଆହାମାନେସି ।

୩୧ ଇଦାଆଁତାକି, ଦାମ୍ବୁପତିତା ରାସ୍ତକି ଆହାମାନେ, “ଆମ୍ବାଆସି ବଡପଣ ଆନେସି, ଏଞ୍ଜାସି ମାହାପୁରୁ ତାଣା ବଡପଣ ଆପାସି ।”

**୨**

**ପାସି ମୁଣ୍ଡାତା କ୍ରୀସ୍ତ ହାଡ଼ି କାରୁ**

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିୟାତେରି, ଏଚେତା ନାନୁ ମୀ ତାଣା ହାଜାମାଟେଏଁ, ଏତିବେଲା ମାହାପୁରୁତି ଡଗ୍ଗାମାନି ସାତା କାତାତି ଗାଡ଼ି ବୁଦି ଗାଟାରିଲେହେଁ ମୀ ତାଣା ଝେକହାମାଟେଏଁ ଏଲେକଁ ଆଏ ।

୨ ଇତିହିଁ ଜୀସୁ କ୍ରୀସ୍ତ, ଇତିହିଁ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସ୍ତପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣ୍ପାଆତେଏଁ ।

୩ \*ଅଡ଼େ, ନାନୁ ବାଡ଼ୟୁ ହିଲାଆନା, ଆଜି ଅଡ଼େ ତୀରୁଗି ତୀରୁଗିହିଁ ମୀ ତାଣା ମାଟେଏଁ;

୪ ଇଦାଆଁତାକି ନା ଜାପ୍ନାୟି ଅଡ଼େ ଝେକନାୟି ମାଣସି ବୁଦିତି ନେହିଁ ହାଡାଲେହେଁ ଆଆନା ମାହାପୁରୁତି ସୁଦୁଜୀଞ୍ଜୁତି ବାଡ଼ୟୁ ତସ୍ପି ଆହାମାନେ ।

୫ ମୀ ନାମ୍ବୁ ଏନିକଁ ମାଣସିୟାଁତି ବୁଦିତା ତୀରି ଆଆନା ମାହାପୁରୁତି ବାଡ଼ୟୁତା ତୀରି ଆନେ ।

**ମାହାପୁରୁତି ବୁଦି**

୬ ଆଡ଼ିଜିକେଏ ମାମ୍ବୁ ସୁଦୁଜୀଞ୍ଜୁତା ପାତାଆନି ବୁଦିଗାଟି ଲକୁତାଣା ବୁଦିତିକାତା ଝେହ୍ନମି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲଞ୍ଜି କିନାରି ବାଡ଼ୟୁତି ହାଟ୍ଟି କିନାରି ବୁଦି ଆଏ ।

୭ ସାମା ନାନୁ ଡଗ୍ଗାମାନି ଲେହେଁତି ମାହାପୁରୁତି ବୁଦିତିକାତା ଝେସିମାଇଁ; ଏ ଡଗ୍ଗାମାନି ମାହାପୁରୁ ବୁଦି ମା ଗାଞ୍ଜୁରମି ତାକି ଦାର୍ତତି ଗାଡ଼ି ଆଆ ନକେଏ ଆଡାନା ଇଟ୍ଟକି ଆହାମାଟେ ।

୮ ଇ ଜୁଗୁତି ସାଲଞ୍ଜି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇତିହିଁ ଏଞ୍ଜାରି ଏଦାଆଁ ପୁଞ୍ଜାମାଟିହିଁ ମା ଗାଞ୍ଜୁରମିଗାଟି ପ୍ରବୁଇଁ କ୍ରସତା ପାୟାଆତେରିମା ।

୯ ସାମା ଏନିକିହିଁ ଦାମ୍ବୁପତିତା ରାସ୍ତକି ଆହାମାନେ, “କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଝେଞ୍ଜା ହିଲେଏ, ଅଡ଼େ ମାଣସିୟାଁ ହିୟାଁତା ଏମିନାଣି ଅଣ୍ପା ହିଲଅରି,

† ୧:୧୭ ମୁଞ୍ଜନାୟି \* ୨:୩ କାମା ୧୮:୯

ଏ ବାରେଡି ମାହାପୁରୁ ତାଙ୍ଗେ ଜୀଝୁ ନନାରାକି କିହାମାନେସି ।”

୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଝୁ ତଲେ ବାରେ ତସାମାଞ୍ଜାନେସି; ଏନିକି ଏ ସୁଦୁଜୀଝୁ ବାରେ କାତା, ହାଅ, ମାହାପୁରୁତି ଡଗୁମାନି କାତା ଜିକେଏ ପାରିନେସି ।

୧୧ ମାଣସିତି କାତା ବାରେ ମାଣସି ତାଣା ମାନି ଜୀଝୁ ପିସପେ ଅଡେ ଆମ୍ବାଆସି ପୁନେସି ? ଏଲେକିହି ଏ ମାହାପୁରୁ କାତା ବାରେ ମାହାପୁରୁ ଜୀଝୁ ପିସପେ ଆମ୍ବାଆସି ପୁନଅସି ।

୧୨ ଏନିକି ମାହାପୁରୁ ତାଣାଟି ମାଙ୍ଗେ କାର୍ମାମେହନି ତାଣାଟି ହୀପକି ଆହାମାନି କାତା ବାରେ ମାର ପୁଞ୍ଜାଲି ଆଡିନାୟି, ଏଦାଆଁତାକି ମାର ଦାରତିତି ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ ବେଟା ଆହାମାନାୟି ।

୧୩ ଏ ବାରେ କାତା ଜିକେଏ ମାର ମାଣସିତି ବୁଦିଟି ଜାପାମାନି ବଲୁ ତଲେ ଝେସିହିଲଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲୁହି କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି ।

୧୪ ସାମା ଦାରତିତି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇତିହି ଏ ବାରେ ତାନି ନକିତା ଉଜେଏତାୟି, ଅଡେ ଏଝାସି ଏ ବାରେଡି ତେଲୁହାଲି ଆଡଅସି, ଇତିହି ଏ ବାରେ ସୁଦୁଜୀଝୁ ତଲେ ନାହାୟି କିଝିଆନେ ।

୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହି ଏ ଅଣ୍ପିନେସି, ଆଡିଜିକେଏ ଆମ୍ବାଆସି ଏଝାଣାଇଁ ଅଣ୍ପଅସି ।

୧୬ ଏନାଆଁତାକି ଇତିହି,  
“ଆମ୍ବାଆସି ମାହାପୁରୁତି ଅଣ୍ପୁ ପୁଞ୍ଜାମାନେସି,  
ଇଞ୍ଜା ଏଝାସି ଏଝାଣାଇଁ ଜାପହାଲି ଆଡିନେସି ?”  
ସାମା ମାମ୍ବୁ ଛୀସୁତି ମନ ବେଟା ଆହାମାନମି ।

### ୩

#### କୁଲମିତା ଗଡ଼ହା

୧ ଏ ନା ତାୟିୟାଁ ଅଡେ ତାଙ୍ଗିସ୍ତାତେରି ନାନୁ ସୁଦୁଜୀଝୁ ବେଟାଆହାମାନି ଲକୁଣି ଝେହନିଲେହେଁ ମିଙ୍ଗେ ଝେସାଲି ଆଡାଆତେଏଁ, ସାମା ଆଙ୍ଗା ତଲେ ମାନି ଲକୁ ଅଡେ କ୍ରୀସୁ ତାଣା ନାମୁତି କକାରି ପଦାଣି ଝେହନିଲେହେଁ ମିଙ୍ଗେ ଝେସାତେଏଁ ।

୨ \*ନାନୁ ମିଙ୍ଗେ ପାଲୁ ଉଡ଼ହାନା ଆଡ଼ଝା ରାନ୍ଦା ହିୟାଆତେଏଁ, ଏନାଆଁତାକି ଇତିହି ଏଲେଡି ରାନ୍ଦା ଡିଞ୍ଜାଲି ଆଡିହିଲଆତେରି, ଅଡେ ନୀଏଁ ଜିକେଏ ଆଡଅତେରି,

୩ ନୀଏଁ ପାତେକା ମାରୁ ଦାରତିତି ନାମାଆତି ଲକୁ ମାଣକି ତଲେ ମାଞ୍ଜେରି, ଏନାଆଁତାକି ଇତିହି ମୀ ବିତ୍ରା ତାହାରା ଅଡେ ଗଡ଼ହା କିନାୟିମାନେ, ଏନାଆଁତାକି ମାରୁ

ଦାରତିତି ନାମାଆତି ଲକୁତେରି ଆଏକି ଇଞ୍ଜା ମାଣସି ନାଡିନି ଲେହେଁ ନୀଡି ହିଲଅତେରି ?

୪ \*ଏଡେତା ରଅସି ଏଲେଇନେସି, “ନାନୁ ପାଝୁଲ ତାଣା ତାତେଏଁ” ଅଡେ ରଅସି ଏଲେଇନେସି “ନାନୁ ଆପଲ ତାଣା ତାତେଏଁ” ଏତେଟିଏ ମାରୁ ଦାରତିତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଝୁଲ ଆମ୍ବାଆସି ? ଏଝାରି ଝାରୁଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକି ହୀହାମାନେସି ଏଲେକି ମାରୁ ନାମାମାଞ୍ଜେରି ।

୬ \*ନାନୁ ଉହାମାଇଁ, ଆପଲ ଏମୁ ହୀହାମାନେସି, ସାମା ମାହାପୁରୁ ପାଡି କିହାମାନେସି ।

୭ ଇତିହି ଆମ୍ବାଆସି ଉହିନେସି ଇଞ୍ଜା ଆମ୍ବାଆସି ଏମୁ ହୀନେସି ଏଝାସି ଏନାସି ଆଏ, ସାମା ଆମ୍ବାଆସି ପାଡି କିନି ମାହାପୁରୁ ଏଝାସି କାଜାସି ।

୮ ଆମ୍ବାଆସି ଉହିନେସି ଅଡେ ଆମ୍ବାଆସି ଏମୁ ହୀନେସି ଏଝାରି ରିଆରି ରଲେଏତାରି, ସାମା ବାରେଜାଣା ତାନି କସୁତି ଲେକାତଲେ କୁଲି ବେଟାଆନେରି ।

୯ ଇତିହି ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମାରୁ ମାହାପୁରୁତି ତାସା ବୁମି ଅଡେ ମାହାପୁରୁତି ଇଲୁ ।

୧୦ ନାଙ୍ଗେ ହୀପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହନି ଲକୁ ଲେହେଁ ପୁନାଦି କିହାମାଇଁ, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକି ଦସି ମାନେରି ଏଦାଆଁତାକି ଜାଗ୍ରାତା ଆପେରି ।

୧୧ ଇତିହି ଆମିନି ପୁନାଦି କିଝିଆହାମାନେ, ଏଦାଣି ପିସପେ ଏଡକାତି ପୁନାଦି ଆମ୍ବାଆସି କିହାଲି ଆଡଅସି, ଏ ପୁନାଦି ଜୀସୁ କ୍ରୀସୁ ।

୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଝେଣ୍ଡି, ଗାଡି ଦାରାଗାଟି ଝାଲକା, ମାରକା, ଜାଡା, ଅଡେ ଝିକା ତଲେ କିନେସି,

୧୩ ଆଡିହି ଆମ୍ବାଆରି କାମା ଏନିଲେହେଁତାୟି ଏଡି ତଞ୍ଜାଆନେ, ଇତିହି ଏ ନେରୁ ଏଡି ତହୁନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜା ବାରେଜାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ ।

୧୪ ଆମ୍ବାଆସି ଏନିକି ଇଲୁ ଦସା ମାନେସି ଏଝାଣି କାମା ଏଲେକି ଡୟିତିହି ଏଝାସି ଏ ଦାନା ବେଟା ଆନେସି ।

୧୫ ଇଞ୍ଜା ଆମ୍ବାଆରି କାମା ଝେହାହାନେ, ଏଝାଣିଝାୟି ନାସଝି ଆନେ, ଆଡିଜିକେଏ ଏଝାସି ଗେଲୁପି ଆନେସି, ସାମା ଏଡି ହିରୁ ବିତ୍ରାଟି ହଡା ହାତି ସମାନା ଆନେ ।

୧୬ \*ମାରୁ ପୁଞ୍ଜାହିଲଅତେରି କି ମାରୁ ମାହାପୁରୁତି ଇଲୁତେରି, ଅଡେ ମାହାପୁରୁତି ସୁଦୁଜୀଝୁ ମୀ ହିୟାତା ବାସା କିନେ ।

୧୭ ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଝାଣାଇଁ ନାସା କିନେସି, ଇତିହି ମାହାପୁରୁତି

\* ୩:୨ ଏଡି ୫:୧୨,୧୩ \* ୩:୪ ୧କର ୧:୧୨ \* ୩:୭ କାମା ୧୮:୪-୧୧; କାମା ୧୮:୨୪-୨୮ \* ୩:୧୭ ୧କର ୭:୧୯; ୨କର ୭:୧୭

ଇଲୁ ଅଟ୍ଟହାୟି ଇଞ୍ଜା ମୀରୁଏ ଏଞ୍ଜାଣି ଇଲୁ ।

୧୮ ଆମ୍ବାଆସି ତାନୁଏ ତାଙ୍ଗେ ନାଡ଼ିକିହା କତାଆପେସି, ଆମିନି ଲକୁ ଇ ଦାର୍ତ୍ତିତା ବୁଦି ଗାଟାତେଏଁ ଇଞ୍ଜା ଅଣ୍ପିନେସି, ଆଡିହଁ ଏଞ୍ଜାସି ଏନିକଁ ବୁଦିଗାଟାସି ଆନେସି ଏଦାଆଁତାକି ଦାର୍ତ୍ତିତି ଲକୁତାଣା ବୁଦି ହିଲାଆଗାଟି ଲକୁ ଲେହେଁ ଆପେସି ।

୧୯ ଇଡିହଁ ଇ ଦାର୍ତ୍ତିତି ବୁଦି ମାହାପୁରୁ ନକିତା ବୁଦି ହିଲାଆଗାଟାୟି, ଏଦାଆଁତାକି ରାସ୍ତକି ଆହାମାନେ, “ମାହାପୁରୁ ବୁଦି ଗାଟାରାଇଁ ତାନି ସୁତ୍ରମି ତଲେ ପାନ୍ଦାତା ଆହ୍ନେସି;”

୨୦ ଅଡ଼େ ରାସ୍ତକି ଆହାମାନେ “ବୁଦିଗାଟାରି ଅଣ୍ପୁ ବାରେ ଉଜେଏତାୟି ଇଞ୍ଜା ପ୍ରବୁ ପୁଞ୍ଜାମାନେସି ।”

୨୧ ମାଣସି ତାଣା ଆମ୍ବାଆସି ବତପଣ ଆଆପେସି, ଇଡିହଁ ବାରେ ମୀଦିଏ ।

୨୨ ପାଞ୍ଜୁଲ, ଇଞ୍ଜୁ କି ଆପଲ, ଇଞ୍ଜୁ କେପା\*, ଇଞ୍ଜୁ ଅଡ଼େ ଦାର୍ତ୍ତି ଇଞ୍ଜୁ କି ଜୀଞ୍ଜୁ ଇଞ୍ଜୁ, କି ହାନାୟି ଆପେ, ନୀଏଁ ତାୟି ଆପେ, କି ତାୟିତାୟି ଆପେ, ଏ ବାରେଏ ମୀଦି ।

୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି ।

### ୪

#### ଜୀସ୍ତ ତାଣାଟି ପାଣ୍ଡୁଞ୍ଜି ଆହାମାନାରି

୧ ଲକୁ ମାଙ୍ଗେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତ ଡଗୁମାନି ଲକୁତ ଗୁମୁସ୍ତା ଇଞ୍ଜା ଅଣ୍ପାପେରି ।

୨ ଇଲେଆହଁ ଗୁମୁସ୍ତା ବେଟାଆହାମାନି ମାଣସି ଜାହାରା ପ୍ରବୁ ତାଣା ମାନି ଗାଟାସି ତଞ୍ଜା ଆପାସି ।

୩ ସାମା ମୀ ତାଣାଟି ଆପେ କି ଆମିନି ନୀହାୟି କିନି ତାଣା ନୀହାୟି କିଞ୍ଜି ଆନାୟି ନା ତାକି ଏଦି କାଜା କାତା ଆଏ, ଇଲେକଁ ନାନୁ ଜାହାରାଇଁ ନୀହାୟି କିହା କତଅଁ ।

୪ ଇଡିହଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ୍ ହିଲାଆ ଗାଟାତେଏଁ ଇଞ୍ଜା ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନୀହାୟି କିୟାନେସି, ଏଞ୍ଜାସି ପ୍ରବୁ ।

୫ ଏଦାଆଁତାକି, ତାରିକିତି ଦିନା ଖାଆ ନକେଏ ଇଡିହଁ ପ୍ରବୁ ଖାଆ ନକେଏ ମୀରୁ ଆମ୍ବାଆରାଇଁ ନୀହାୟି କିଆଦୁ, ଏଞ୍ଜାସି ଆନ୍ଦେରିତା ଡଗୁମାନି ବାରେ ଉଜେଡିତା ତହ୍ନେସି, ଅଡ଼େ ହିୟାତି ଅଣ୍ପୁ ବାରେ ଏଞ୍ଜାସି ଖେହ୍ନେସି, ଏଡିବେଲା ବାରେଜାଣା ମାହାପୁରୁ ତାଣାଟି ଗାଞ୍ଜୁରମି ବେଟାଆପେରି ।

୬ ଏ ତାୟିୟାଁ ଅଡ଼େ ତାଜିସ୍ତାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଙ୍ଗେ ଅଡ଼େ ଆପଲଇଁ ତସାଁ ଖେସିମାଞ୍ଜାଇଁ, “ଇଡିହଁ ଏନାୟି ରାସ୍ତକି ଆହାମାନେ ଏ କାତାଟି ଗାଣ୍ଡାଦୁ,” ଇଦାଆଁ ମୀରୁ ମା ତାଣାଟି ଜାପାଦୁ,

ଅଡ଼େ ଏନିକଁ ମୀ ବିତ୍ରାଟି ଆମ୍ବାଆସି ରଅଣି ଖାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ ।

୭ ମିଙ୍ଗେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅଡେରି, ଇଲେକଁ ମୀଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆଡିହଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲଡ଼ାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସ୍ପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହଁ ନେହଁ ଆଡେମା, ଏନିକଁ ମାମ୍ବୁ ଜିକେଏ ମୀ ତଲେ ସାଲୁଞ୍ଜି କିହାଲି ଆଡିତମିମା ।

୯ ଏନାଆଁତାକି ଇଡିହଁ ନା ଅଣ୍ପୁତା ମାର ପାଣ୍ଡୁଞ୍ଜି ଆହାମାନାତାୟି, ମାର ମାହାପୁରୁତି ତଣ୍ଡୁତା ହେରପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇଡିହଁ ମାମ୍ବୁ ଦାର୍ତ୍ତିତା, ମାହାପୁରୁତି ଦୃତୁୟାଁ ଇଞ୍ଜା ମାଣ୍ଡସିୟା ନକିତା ଲାଜାକିଞ୍ଜି ଆନାତମି ଲେହେଁ ଆହାମାନମି ।

୧୦ ମାମ୍ବୁ କ୍ରୀସ୍ତ ତାକି ବୁଦି ହିଲାଆ ଗାଟାତମି, ସାମା ମୀରୁ କ୍ରୀସ୍ତତି ତାକି ବୁଦି ଗାଟାତେରି; ମାମ୍ବୁ ବୁଡ଼ୁୟାଁ ହିଲାଆ ଗାଟାତମି, ସାମା ମୀରୁ ବାଡ଼ୁୟାଁ ଗାଟାତେରି; ମୀରୁ ଗାଞ୍ଜୁରମି ବେଟା ଆନାତେରି, ସାମା ମାମ୍ବୁ ବେଟା ଆଆଗାଟାତମି ।

୧୧ ନୀଏଁ ପାତେକା ମାମ୍ବୁ ହାକି, ଅଡ଼େ ଏସ୍ତକି ଗାଟାତମି, ଗେଞ୍ଜିତି ହିମ୍ବୁରି ହୁଟାମାନମି, ଅଡ଼େ ମାଡ଼ା ବେଟାଆହି ମାନମି, ଇଞ୍ଜା ବାସାଗାୟୁ ହିଲାଆନା ରେଜିମାନମି ।

୧୨ \*ମା କେୟୁଟି ଖାହୁତି କାମା କିହିମାନମି, ଆମ୍ବାଆସି ବାକା ଇଟାସାରେ, ମାମ୍ବୁ ଏଞ୍ଜାରାଇଁ ବର ହାହିମାନମି, ସାସ୍ତି ହିୟାଡିହଁ ଜିକେଏ ଅରହିମାନମି ।

୧୩ ମାଙ୍ଗେ ଲାଜା କିୟାଡିହଁ ଜିକେଏ ମାମ୍ବୁ ଆଣ୍ଡୁଞ୍ଜିଆନି କାତା ଖେସିମାନମି; ନୀଏଁ ପାତେକା ମାମ୍ବୁ ଦାର୍ତ୍ତିତି ତୁକଁ ଜାଣୁ ଅଡ଼େ କିଟସି ରୁଡିତି ଲେହେଁ ଆହାମାନମି ।

୧୪ ନାନୁ ମିଙ୍ଗେ ଲାଜା ହୀହାଲି ଇ ବାରେ କାତା ରାଡ଼ିମାଞ୍ଜାଅଁ, ସାମା ନା ଜୀଞ୍ଜୁତି ମୀରୁକା ଇଞ୍ଜା ଅଣ୍ପାପାନା ମିଙ୍ଗେ ସେଡନା ହୀହାଲିତାକି ଇ ବାରେ କାତା ରାଡ଼ିମାଞ୍ଜାଇଁ ।

୧୫ ଇଡିହଁ କ୍ରୀସ୍ତତି କାତା ମିଙ୍ଗେ ଜାପନାରି ଦସ ମାଣା ଲକୁ ଡୟିନେରି, ଆଡ଼ିଜିକେଏ ହାରେକା ତାଞ୍ଜିୟାଁ ହିଲଅରି; ଇଡିହଁ କ୍ରୀସ୍ତ ଜୀସ୍ତ ତାଣା ନାନୁ ମିଙ୍ଗେ ନେହଁ କାରୁତଲେ ମୀ ତାଞ୍ଜି ଲେହେଁ ଆହାମାଇଁ ।

୧୬ \*ଏଦାଆଁତାକି ନାନୁ ମିଙ୍ଗେ ବାଡିମାଲିମାଞ୍ଜାଇଁ ନାନୁ କିହିମାନି ଲେହେଁ କିଦୁ ।

୧୭ ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡିମାଞ୍ଜାଇଁ, ଏଞ୍ଜାସି ମାହାପୁରୁ ତାଣା ନା ଜୀଞ୍ଜୁତି ନାମୁତି ମୀରୁଏସି; ଏନିକଁ ନାନୁ ବାରେଖାକି ବାରେ କୁଲମିକାଣା ଜାପୁହି ମାଇଁ, ଏଲେକଁ ଏଞ୍ଜାସି ମିଙ୍ଗେ ନା କ୍ରୀସ୍ତତି ଲେସିନାଣି ଅଣ୍ପି କିୟାନେସି ।

\* ୩:୨୨ ପିତର    ✧ ୪:୧୭ କାମା ୧୮:୩    ✧ ୪:୧୭ ଏକର ୧୧:୧; ପିଲିପି ୩:୧୭

୧୮ ନାନୁ ମୀ ତାଣା ୱାହି ହିଲଅଁ ଇଞ୍ଜିଁ ଅଣ୍ଠାପାନା ଏତରଜାଣା ବତପଣ ଆହିମାଞ୍ଜେରି ।

୧୯ ସାମା ମାହାପୁରୁ ମନ କିତିହିଁ, ନାନୁ ମୀ ତାଣା ତବେ ୱାଈଁ; ଅଡେ ଆମ୍ବାଆରି ବତପଣ ଆହିମାନେରି, ଏଞ୍ଜାରି କାତାତଲେ ଆଏ, ସାମା ବାଡ଼ୁୟୁତି ସିନିକିଇଁ ।

୨୦ ଇତିହିଁ ମାହାପୁରୁତି ରାଜି ୱାରିଇ ଜଲିନି କାତାତଲେ ଆଏ, ସାମା ବାଡ଼ୁୟୁ ତଲେ ତଞ୍ଜାଆନେ ।

୨୧ ମୀ ଅଣ୍ଠାପୁ ଏନାୟି ? ନାନୁ ବାଡ଼ୁଗା ଆସାଁ ମୀ ତାଣା ୱାଈଁ କି ଜୀଞ୍ଜୁ ନନାଣି ଆସାନା ଇଞ୍ଜାଁ ସୁବୁ ସୁଞ୍ଜାଲା ଗାଟି ଜୀଞ୍ଜୁ ଆସାଁ ୱାଈଁ ?

**୫**

**କୁଲମି ବିତ୍ରାମାନି ଲାଗେଏତାୟି**

୧ ସାତେଏ ୱେଙ୍ଗାମାନେ କି ମୀ ବିତ୍ରା ଦାରିକାମା ମାନେ, ଅଡେ ମୀ ତାଣା ଇଲେତି ଦାରିକାମା ମାନେ, ଅଡେ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକିଁ ରଅସି ତାମି ଆବା ତକ୍ତିନି ଇଟାମାନେସି ।

୨ ଅଡେ, ଆମ୍ବାଆସି ଇଲେତି କାମା କିହାମାନେସି, ଏଞ୍ଜାସି ଏନିକିଁ ମୀ ତାଣାଟି ହେକ କିଞ୍ଜିଆନେସି, ଏଦାଆଁତାକି ଦୁକୁଆହିଁ ତୀଆନା ବତପଣ ଆହିମାଞ୍ଜେରି ?

୩ ସାମା ନାନୁ ଆଙ୍ଗା ତଲେ ହିଲଆତି ଜିକେଏ ଏମ୍ବାଆଁ ମାନିଲେହେଁ ମାଈଁ, ଆମ୍ବାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଞ୍ଜାଣି ବିଚାରା କିହା ରାହାମାଈଁ,

୪ ଇତିହିଁ ମୀରୁ ଅଡେ ନା ପ୍ରବୁ ଜୀସୁ ବାଡ଼ୁୟୁ ତଲେ କୁଡ଼ା ଆନାଟି ନା ଜୀଞ୍ଜୁ ଜିକେଏ ଏମ୍ବାଆଁ ଡ଼ୟିନେ ଇଞ୍ଜିଁ ପୁଞ୍ଜାମାଈଁ,

୫ ଇଞ୍ଜାଁ ଇଲେତି ଲକୁଇଁ ଆଙ୍ଗା ତଲେ ନାସା ଆହାଲି ସୟତାନ କେୟୁତା ହେରପିନାୟି ମାନେ, ଏନିକିଁ ପ୍ରବୁ ଜୀସୁତି ଦିନାତା ଏଞ୍ଜାଣି ଜୀଞ୍ଜୁ ଗେଲ୍ପି ଆହାଲି ଆଡ଼ିନେ ।

୬ ମୀରୁ ଇଲେଆହିଁ ବତପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା ପୁଲାଏୟୁ ବିତିତା ମାନି ଗୁଣ୍ଡାତି ପୁଲା କିନେ ।”

୭ ମୀରୁ ପୁଲା ତିନାଆ ଲକୁତେରି, ଏଦାଆଁତାକି ଏନିକିଁ ମୀରୁ ପୁଞ୍ଜନି ଡ଼କା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜ ପୁଲା ଏୟୁତି ହପ୍ପହା ତୁହ୍ପୁ; ଏଦାଆଁତାକି ଇତିହିଁ ମୀ ପିସ୍ପିଆନି ପାର୍ବୁତି ମେଣ୍ଡା ତାଲୁ, ଇତିହିଁ କ୍ରୀସ୍ତ, ଜିକେଏ ପୂଜା କିଞ୍ଜିଆହାମାନେସି ।

୮ ଏଦାଆଁତାକି ୱାପୁ, ମୀର ପାପୁ ଅଡେ ଲାଗେଏତି ପୁଞ୍ଜକ କାମାତି ରୁଟି ପଈକିନି ଗୁଣ୍ଡା ତଲେ ପାର୍ବୁ କିଆନା ତୀରି ଅଡେ ସାତା ତଲେ ପୁଲାଏୟୁ ହିଲଆ ରୁଟିତି ପାର୍ବୁ କିନ ।

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜିଁ ନାନୁ ନା ଆକୁତା ରାଟାମାଚେଏଁ;

☆ ୫:୭ ଗାଲା ୫:୯

୧୦ ଇ ଦାରତିତି ଦାରିକାମା କି ଦନ ଜୁପକା, ଏଟକାତାରି ଦିଶସୁ ସରୁ ଆନାରି, ପେଣ୍ଡକା ବମାୟାଁ ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡଅସି, ଏଡ଼ି ଆଏ, ଏଲେଆଡ଼ିହିଁ ଦାରତିଟି ହଟା ହାନାୟିମାନେ;

୧୧ ଇତିହିଁ ନା ରାଟିନି ଅଣ୍ଠାପୁ ଇଦି ମାଚେ, ଇତିହିଁ ଆମିନି ଲକୁତି ତାୟି ଇଞ୍ଜିଁ ୱେଙ୍ଗାମା, ଦାରିକାମା, ଦନ ଜୁପକା, ପେଣ୍ଡକା ବମାୟାଁ ପୂଜା, ନିନ୍ଦା ଗାଟାରି, କାଡ଼ୁ ହୁଡୁ, ଏଟକାତାରି ଦିଶସୁତି ସରୁ ଆନେରି, ଆତିହିଁ ଏଲେତାରି ତଲେ କୁଡ଼ାଆଦୁ, ଅଡେ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ ।

୧୨ ପାଙ୍ଗାତି ଲକୁତି ନୀହାଁୟି କିହାଲି ନାନୁ ଆମ୍ବାଆତେଏଁ ? ସାମା କୁଲମି ବିତ୍ରା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କିଅତେରି କି ?

୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି । ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ମୀ ତାଣାଟି ଲାଗେଏତି ଲକୁଣି ଏଟକା କିଦୁ ।”

**୬**

**କ୍ରୀସ୍ତାନା ତାୟିୟାଣି ଦାଞ୍ଜାକିନି ମେରା**

୧ ମୀ ବିତ୍ରାଟି ଆମ୍ବାଆରି କପାଟି କାତା ମାଟିସାଚେ ଏଞ୍ଜାସି ନୀହାଁୟି କିହାଲି ମାହାପୁରୁ ଲକୁତାଣା ହାଲାଆନା ଦାମ୍ବୁ ହିଲଆଗାଟି ନୀହାଁୟି କିନାଣି ତାଣା ଅହାଲି ଏନିକିଁ ସାସା ମାନେ ?

୨ ମାହାପୁରୁ ଲକୁ ଇ ଦାରତିତି ନୀହାଁୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାରତି ମୀ ତାଣା ନୀହାଁୟି କିଞ୍ଜିଆନେ, ଆତିହିଁ ଇ ଇତି ଇତି କାତାତି ନୀହାଁୟି କିୟାଲି ଆଡ଼ଅତେରି କି ?

୩ ମୀର ଲାକପୁରୁତି ଦୁଡ଼ୁୟାଁଇଁ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆତିହିଁ ଦାରତିତି ଜାମ୍ଲିତି ଜିକେଏ ନୀହାଁୟି କିନାୟି ମାଙ୍ଗେତାକି ଉସାସା ଆୟେଏ କି ?

୪ ମୀ ଜୀଞ୍ଜୁତି କାତା ଏନାୟି, ସାମା ନୀହାଁୟି କିୟାଲି ଏନି ଦାରତିତି କାତା ମାଟିହିଁ, ଏଦାଆଁ ନୀହାଁୟି କିୟାଲି କୁଲମିତି ପୁନାଆ ଗାଟାଚାଈଁ ନୀହାଁୟି କିୟାଲି ହାଟିଦେରି କି ?

୫ ନାନୁ ମିଙ୍ଗେ ଲାଜା ହୀହାଲିତାକି ଇଦାଆଁ ୱେସିମାଞ୍ଜାଈଁ । କ୍ରୀସ୍ତଇଁ ନାମାମାନି ତାୟିୟାଁ ବିତ୍ରା ଆହିମାନି ଗଡ଼ହାତି ତୁକହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ?

୬ ସାମା ନାମୁଗାଟି ତାୟି ଅର ତାୟି କପାଟି ନୀହାଁୟି ଇଲୁତା ଦାଞ୍ଜା କିନେସି, ଏଡ଼ି ଜିକେଏ ନାମାଆଗାଟାରି ତାଣା !

୭ ସାମା ମୀ ମୀ ବିତ୍ରାତି କାତାତାକି କର୍ଟତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାତେଏ ଦହ ଗାଟାଚେରି, ଏଦାଆଁତାକି ଲାଗେଏତାଣି ଅରୁହିଁ ହିଲଅତେରି ? ଏଦାଆଁତାକି ନାସଞ୍ଜି ଆନାଣି ଅପିହିଲଅତେରି ?

୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଣି କିହିମାଞ୍ଜେରି ।

୯ ଅଡ଼େ ଦାମ୍ବୁ ହିଲାଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅଡେରି ? ନାଡ଼ିକିଞ୍ଜି ଆଆଦୁ, ଦାରିକାମା, କି ପେଣକା ବମାୟାଁ ପୂଜା କିନାରି, ଲାଗେଏତି କାମାକିନାରି, ଆବା ଆବାୟାଁ ଦହ କିଞ୍ଜିଆନାରି,

୧୦ ସରୁ କିନାରି, ଦନ ଜୁପକା, କାଡ଼ୁ ରୁଡ଼ୁ, ଲକୁଣି ନିନ୍ଦା କିନାରି, ଏଟକାତାରି ଦିଶ୍ଵୁ ମୀଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି ।

୧୧ ଅଡ଼େ, ମୀ ବିତ୍ରା ଆମ୍ବା ଆମ୍ବାଆରି ଇଲେକ୍ ମାଚେରି; ସାମା ପ୍ରବୁ ଜୀସୁ ଜୀସୁ ଦରୁତଲେ ଇଞ୍ଜାଁ ମାହାପୁରୁତି ସୁଦୁଜୀସୁ ତଲେ ମୀରୁ ନରଞ୍ଜି ଆହାମାଞ୍ଜେରି, ଇଞ୍ଜାଁ ସୁଦୁଗାଟାଚେରି ଆହାନା ତୀରିଗାଟାଚେରି ଇଞ୍ଜାଁ ଖେଞ୍ଜା ମାଞ୍ଜେରି ।

**ମାହାପୁରୁତି ଗାଞ୍ଜୁରମି ତାକି ଆଜ୍ଞାତି ଲେମ୍ବିନାୟି**

୧୨ \*ଆମ୍ବାଆସି ଏଲେଇନେସି “ନାଞ୍ଜେ ବାରେ କାମା କିହାଲି ଅଦିକାରା ହୀପକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଞ୍ଜେତାକି ନେହାୟି ଆଏ, ନାଞ୍ଜେ ବାରେ କାମା କିହାଲି ହେଲ ମାନେ ସାମା ନାଞ୍ଜେ ଲକ୍‌ହାଲି ଆମ୍ବାଆରାକି ଏଚେଲା ପାରୁ ହୀଅଁ ।

୧୩ ଏଚରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜାଁ ବାଣ୍ଡି ରାନ୍ଦା ତାକି ।” ସାମା ମାହାପୁରୁ ଇ ରିଶ୍ଵାଆତି ଜିକେଏ ମେକ୍‌ନେସି । ଆଜ୍ଞା ଦାରି କାମାତାକି ଆଏ, ସାମା ପ୍ରବୁତି ସେବାତାକି, ଅଡ଼େ ପ୍ରବୁ ଆଜ୍ଞା ତାକି ।

୧୪ ମାହାପୁରୁ ପ୍ରବୁ ଜୀସୁଇଁ ହାକିଟି ନିକ୍‌ହେସି, ଇଞ୍ଜାଁ ତାନି ବାଡ଼ୁରୁ ତଲେ ମାଞ୍ଜେ ଜିକେଏ ନିକ୍‌ହାନେସି ।

୧୫ ମୀ ଆଜ୍ଞା ଜୀସୁତି ଆଜ୍ଞା ଲେହେଁ, ଇଦାଆଁ ପୁଞ୍ଜାହିଲଅଡେରି କି ? ଆଡ଼ିହଁ ନାନୁ ଜୀସୁତି ର ଆଜ୍ଞା ଅହାନା ଦାରେଣି ଆଜ୍ଞା କିଇଁ ? ଏଡ଼ି ଏଚେଲା ଜିକେଏ ଆଆପେ ।

୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଜ୍ଞା ଆନେସି, ଇଦାଆଁ ମୀରୁ ପୁଞ୍ଜାହିଲଅଡେରି ? ଏଦାଆଁତାକି ଦାମ୍ବୁପତିତା ରାସ୍‌କି ଆହାମାନେ “ଏ ତକ୍ତି ତକ୍ତା ରଣ୍ଡିଏ ଆଜ୍ଞା ଆନୁ ।”

୧୭ ସାମା ଆମ୍ବାଆସି ପ୍ରବୁ ତଲେ ଆଣ୍ଡିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ ଜୀସୁ ଆନେସି ।

୧୮ ଦାରିକାମାଟି ହେକ ଆଦୁ, ମାଣସି ଏନି ପାପୁ କିନେସି, ଏଡ଼ି ଆଜ୍ଞାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଞ୍ଜାସି ତାନି ଆଜ୍ଞା କପାଟି ପାପୁ କିହିମାନେସି ।

୧୯ \*ମୀ ଆଜ୍ଞା ମାହାପୁରୁ ତାଣ୍ଡାଟି ବେଟାଆହାମାନି ମୀ ହିୟାଁ ବିତ୍ରା ସୁଦୁଜୀସୁ ବାସାଆନି ଦେଞ୍ଜୁଡ଼ି, ଇଦାଆଁ ମୀରୁ ପୁଞ୍ଜାହିଲଅଡେରି କି ? ଅଡ଼େ ମୀରୁ ମୀରୁଏ ମିଆଡେରି ଆଏ; ସାମା ମାହାପୁରୁତି ଲକୁଡେରି ।

୨୦ ଇଡ଼ିହଁ ମୀରୁ ଗାଡ଼ି ଦାରାତଲେ କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ ଆଜ୍ଞା ତଲେ ମାହାପୁରୁତି ଗାଞ୍ଜୁରମି କିଦୁ ।



**ବୀହା ଆନି ମେରା**

୧ ମୀରୁ ମୀ ଆକୁତା ଆମିନି କାତା ରାଟା ମାଞ୍ଜେରି, ଏ ବାରେତାକି ନାନୁ ଖେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;”

୨ ସାମା ଦାରି କାମାତି ଆଜିତାକି ବାରେ ଆବାୟାଁକି ଜାହାରା ତକ୍ତି ମାଣ୍ଡେ, ଅଡ଼େ ଇୟାସିକାକି ଜାହାରା ତକ୍ତା ମାଣ୍ଡେସି ।

୩ ତକ୍ତା, ତକ୍ତିନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜାଁ ଏଲେକିହଁ ଏ ତକ୍ତି ତକ୍ତାକି ତାନି ଲଡ଼ାମାନାଣି ହୀପେ, ଅଡ଼େ ତାମ୍‌ଜେ ଏନାୟି ଲଡ଼ାମାନାଣି ପୂରା କିନାୟିମାନେ ।

୪ ତକ୍ତି ତାନି ଆଜ୍ଞାତି ମୁହେଁ ଅଦିକାରା ହିଲେଏ, ସାମା ତକ୍ତାକି ମାନେ । ଏଲେକିହଁ ଏ ତକ୍ତାକି ତାନି ଆଜ୍ଞାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ ।

୫ ତାମ୍‌ଜୁତାମି ତାଣ୍ଡାଟି ଏଟକା ଆହାନା ଡ଼ୟାଆପୁ; ସାମା ପ୍ରାତାନା କିହାଲି ଏଚରଦିନା ପାଡେକା ରିଆଡେରି ରଣ୍ଡିଏ ମନ ଆହାନା ଏଟକା ଡ଼ୟାଲି ଆଡ଼ିଦେରି; ଅଡ଼େ ମୀ ଆଜ୍ଞାତି ଜୁପକାତାକି ଡ଼ୟାଲି ଆଡ଼ାଆକି ସୟତାନ ଏନିକ୍ ମିଞ୍ଜେ ତାୟିପାରି କିୟେଏ, ଏଦାଆଁତାକି ଖେଣ୍ଡେ ଆଣ୍ଡୁଆଦୁ ।

୬ ସାମା ନାନୁ ହୁକୁମି ହୀନି ଲେହେଁ ଖେହ୍‌ଆନାହାଁ ଜାପ୍‌ନି ଲେହେଁ ଖେସିମାଇଁ ।

୭ ଆଡ଼ିହଁ ଜିକେଏ ଏନିକ୍ ବାରେ ଲକୁ ନାଲେହେଁକ୍ ଆନେରି, ଇଦି ନା ଅଣ୍ଡୁ । ସାମା ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା ମାହାପୁରୁ ତାଣ୍ଡାଟି ବେଟାଆହାମାନେରି ।

୮ ସାମା ନାନୁ ବୀହା ଆଆଡ଼ି ଲକୁଇଁ ଇଞ୍ଜାଁ ରାଣ୍ଡେଣିସିକାଣି ଖେସିମାଇଁ, ଏଞ୍ଜି ନାଲେହେଁକ୍ ଡ଼ୟିତିହଁ ଏଞ୍ଜାସିକାକି ନେହେଁ ।

୯ ସାମା ଏଞ୍ଜି ଆଜ୍ଞାତି ଲକ୍‌ହାଲି ଆଡ଼ିହିଲାଡ଼ ଇଡ଼ିହଁ ଏଞ୍ଜି ବୀହା ଆପୁ; ଇଡ଼ିହଁ ଆଜ୍ଞା ଲାଗେଏତି କାମାତା ଖେନିକିହାଁ, ବୀହା ଆନାୟି ନେହେଁ ।

୧୦ \*ସାମା ବୀହା ଆଡ଼ି ଲକୁଇଁ ନାନୁ ହୁକୁମି ହୀହିମାଇଁ, ନାନୁ ଆଏ ସାମା ପ୍ରବୁ ହୁକୁମି ହୀହିମାନେସି, ତକ୍ତି ତାନି ତକ୍ତା ତାଣ୍ଡାଟି ଏଟକା ଆଆପେ ।

୧୧ ସାମା ଏଡ଼ି ରଣ୍ଡିଏ ଏଟକା ଆନେ, ଆଡ଼ିହଁ ଏଡ଼ି ବୀହା ଆଆପେ, ଇଞ୍ଜାଁ ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହୀଆପେସି ।

୧୨ ଏଟକା ତାରାଇଁ ନାନୁ ଖେସିମାଇଁ, ମା ବିତ୍ରା ଆମ୍ବାଆରି ତକ୍ତି ଜୀସୁଇଁ ନାମାହିଲାଆତି ଜିକେଏ ତକ୍ତାତଲେ ଡ଼ୟାଲି

☆ ୨:୧୨ ଏକର ୧୦:୨୩    ☆ ୨:୧୯ ଏକର ୩:୧୬; ୨କର ୬:୧୬    ☆ ୨:୧୦ ମାତି ୫:୩୨; ୧୯:୯; ମାର୍ଚ୍ଚ ୧୦:୧୧,୧୨; ଲୁକ ୧୭:୧୮

ମନ କିତିସାରେ, ଆତିହ୍ୟ ଏ ତାୟି ଏ ତାଜିନି ହେଲ ହୀଆପେସି ।

୧୩ ଏଲେକିହ୍ୟ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତିକି ବାହା ଆହାମାନେ, ଇଞ୍ଜା ଏଦି ଏଞ୍ଜାଣିତଲେ ଡୟାଲି ମନ କିନେ, ଏଦି ତାନି ତକ୍ତିକି ପିହୁଆପେ ।

୧୪ ଇତିହ୍ୟ ନାମାଆତି ତକ୍ତି ନାମିତି ତକ୍ତି ତାକି ମାହାପୁରୁ ତାଣାଟି ସୁଦୁ ଆହାମାନେସି, ଅଡେ ନାମାଆତି ତକ୍ତି ନାମିତି ତକ୍ତି ତାକି ମାହାପୁରୁ ତାଣାଟି ସୁଦୁ ଆହାମାନେ; ଆଆତିହ୍ୟ ମୀ ମୀରକା ମାସକା ଲାଗେଏ ଆଡେତରିମା, ସାମା ନୀର୍ବ ଏଞ୍ଜାରି ସୁଦୁଗାଗାରି ।

୧୫ ସାମା ନାମାଆ ଗାଗାସି କି ନାମାଆ ଗାଗାୟି ଏଟକା ଆହାଲି ମନ କିତିହ୍ୟ ତାମି ମନଲେହେଁ ଏଟକା ଆପାରି; ଇଲେତି ତାଣା ତାୟି କି ତାଜି ଦସପି ଆହାହିଲାତ; ମାହାପୁରୁ ମିଙ୍ଗେ ହିଡଡି ତଲେ ମାଞ୍ଜାଲି ଆଚାମାଞ୍ଜାନେସି ।

୧୬ ନୀନୁ ନାମିତି ତକ୍ତି ଆହାନା ନୀ ତକ୍ତିକି ଗେଲ୍ପିନାତି ଆଦି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନୀନୁ ନାମିତି ତକ୍ତି ଆହାନା ନୀ ତକ୍ତିନାକି ଗେଲ୍ପିନାତି ଆଦି, ଇଦାଆଁ ପୁଞ୍ଜାହିଲଅତିକି ?

**ମାହାପୁରୁ ଆଚାମାନି ମାଣକି ଲେହେଁ ନୀତିନାୟି**

୧୭ ଇତିହ୍ୟ ପ୍ରବୁ ଆମ୍ବାଆରାକି ଏନିକ୍ୟ ଦାନା ହାହାମାନେସି, ମାହାପୁରୁ ଆମ୍ବାଆରାକି ଏନିକ୍ୟ ହାଚାମାନେସି, ଏଞ୍ଜାସି ଏଲେକ୍ୟ ତାକାପେସି, ନୀନୁ ବାରେ କୁଲମିତି ଏଲେକିହ୍ୟ ଏ ହୁକୁମି ହାହିମାଲ୍ ।

୧୮ ଆମ୍ବାଆସି ତଲୁ ଦାପିଆହାଁ ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଡି ସିନାତି ତଲୁଆପେସି; ଆମ୍ବାଆସି ତଲୁ ଦାପି ଆଆନା ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଆପେସି ।

୧୯ ତଲୁ ଦାପି ଆନାୟି କି ଆଆଗାଗାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନଞ୍ଜି ଆନାୟି କାଜା କାତା ।

୨୦ ବାରେ ଜାଣାଇଁ ଏନିକ୍ୟ ମାହାପୁରୁ ହାଚାମାନେସି ଏଲେକ୍ୟ ମାଣ୍ଡେସି ।

୨୧ ମୀରୁ ହଲିୟାଜା ଆହାମାଗାଟି ହାଟକି ଆହାମାଞ୍ଜେରି ? ଅଣ୍ଡାଆଦୁ; ସାମା ଗେଲ୍ପିଆୟାଲି ଆଡିଦେରି ଆତିହ୍ୟ ଗେଲ୍ପି ଆୟାଲି ପାରୁ ପାରାଦୁ ।

୨୨ ଆମ୍ବାଆସି ହଲେଏସି ଆହାଁ ପ୍ରବୁ ତାଣା ହାଟକି ଆହାମାନେସି, ଏଞ୍ଜାସି ପ୍ରବୁତି ଗେଲ୍ପି ଆତାସି; ଏଲେକିହ୍ୟ ଏ ଆମ୍ବାଆସି ଗେଲ୍ପିଆହାଁ ହାଟକି ଆହାମାନେସି ଏଞ୍ଜାସି କ୍ରୀସୁତି ହଲେଏସି ।

୨୩ ମୀରୁ ହାଚେକା ଦାରାତଲେ କଡ଼ଞ୍ଜି ଆହାମାଞ୍ଜେରି; ମାଣ୍ଡିୟାତି ହଲିୟାଜାତେରି ଆଆଦୁ ।

୨୪ ତାୟିୟା ଅଡେ ତାଜିସ୍ତାତେରି, ମାହାପୁରୁ ମିଙ୍ଗେ ହାଚାଗାଟି ମୀରୁ ଏନିକ୍ୟ ମାଚେରି ଏଲେଆହ୍ୟ ଏ ମାହାପୁରୁ ତଲେ ଡୟିନାୟି ମାନେ ।

**ବାହା ଆଆତି ଲକୁ ଇଞ୍ଜା ରାଣ୍ଡେସିକା କାତା**

୨୫ ଡାଆସିକା କାତା, ନୀନୁ ପ୍ରବୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପ୍ରବୁତି କାର୍ମାଟି ନାମୁଗାଗାସି ଆହାନା ନା ଅଣ୍ଡାପୁତା ଝେସିମାଞ୍ଜାଇଁ ।

୨୬ ନୀନୁ ଅଣ୍ଡାପିମାଲ୍, ମାଣ୍ଡିସି ଏନିକ୍ୟ ମାନେସି, ନୀର୍ବତି କସ୍ତ ବାଦା ତାକି ଏଲେକିହ୍ୟ ଏ ମାନାୟି ନେହେଁ ।

୨୭ ନୀନୁ ତକ୍ତି ତଲେ ଦସପି ଆହାମାଞ୍ଜି ? ଆତିହ୍ୟ ପିସପି ଆହାଲି ଅଣ୍ଡାଆନି, ଇଞ୍ଜା ନୀନୁ ତକ୍ତି ତାଣାଟି ପିସପି ଆହାମାଞ୍ଜି ? ଆତିହ୍ୟ ତକ୍ତିନି ଇଟାଲି ଅଣ୍ଡାଆନି ।

୨୮ ସାମା ନୀନୁ ବାହା ଆହାମାଞ୍ଜି, ଆଡିଜିକେଏ ପାପୁ କିହାହିଲଅତି; ଅଡେ ଡାଆପଦା ବାହା ଆହାମାନେ, ଆଡିଜିକେଏ ଏଦି ପାପୁ କିହାହିଲେଏ, ଆଡିଜିକେଏ ଇଲେତି ଲକୁ ଆଜାତା ହାଚେକା କସ୍ତ ବେଟାଆନୁ, ଅଡେ ମୀରୁ ଏମ୍ବାଟି ଏନିକ୍ୟ ଗେଲ୍ପି ଆଦେରି ଇଦି ନା ଅଣ୍ଡାପୁ ।

୨୯ ସାମା ଏ ତାୟିୟା ଅଡେ ତାଜିସ୍ତାତେରି ନା ଅଣ୍ଡାପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ବାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲଆଲେହେଁ ମାଣ୍ଡେସି ।

୩୦ ଅଡେ ଆମ୍ବାଆରି ଡାହି ମାନେରି, ଏଞ୍ଜାରି ଡାହି ହିଲଆ ଲକୁ ଲେହେଁ ଆପେରି; ଅଡେ ଆମ୍ବାଆରି ରାହାଁ କିହିମାନେରି, ଏଞ୍ଜାରି ରାହାଁ କିହି ହିଲଆ ଲକୁ ଲେହେଁ ଆପେରି; ଇଞ୍ଜା ଆମ୍ବାଆରି କଡିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆପେରି;

୩୧ ଅଡେ ଆମ୍ବାଆରି ଦାରଡିତି ଦିଶ୍ଟୁ ଲେମ୍ପିମାନେରି ଏଞ୍ଜାରି ଲେମ୍ପାଆଗାଟି ଲକୁ ଲେହେଁ ଆପେରି; ଏନାଆଁତାକି ଇତିହ୍ୟ ଇ ଦାରଡିତି ଝାଣା ତିରିମ୍ପୁହି ମାନେ ।

୩୨ ସାମା ମୀରୁ ଏନିକ୍ୟ ଅଣ୍ଡାପଅତେରି ଏଦି ନା ଅଣ୍ଡାପୁ, ଆମ୍ବାଆସି ବାହା ଆଆତାସି ଏଞ୍ଜାସି ଏନିକ୍ୟ ପ୍ରବୁଇଁ ରାହାଁ କିଞ୍ଜିକିହାଲି ଝାଚ୍ଚ ପ୍ରବୁତି କାମା ଅଣ୍ଡାପନେସି;

୩୩ ସାମା ଆମ୍ବାଆସି ବାହା ଆହାମାନେସି ଏଞ୍ଜାସି ଏନିକ୍ୟ ତାନି ତକ୍ତିନି ରାହାଁ ଗାଗାସି ଆନେସି, ଏଦାଆଁତାକି ଦାରଡିତି କାତା ଅଣ୍ଡାପନେସି ଇଞ୍ଜା ତାନି ମନ ବାଗା ଆନେ ।

୩୪ ବାହା ଆଆତି ଇୟାସିକା ଅଡେ ଡାଆସିକା ଆଜା ଇଞ୍ଜା ଜୀଞ୍ଜୁତା ସୁଦୁ ଆହାଲି ପ୍ରବୁତି କାତା ଆସାନା ଅଣ୍ଡାପନୁ; ସାମା ଆମ୍ବାଆୟି ବାହା ଆହାମାନେ ଏଦି ଏନିକ୍ୟ ଜାହାରା ତକ୍ତିକି ରାହାଁ କିୟାଲି ଆଡିନେ, ଏଦାଆଁତାକି ଦାରଡିତି କାତା ଅଣ୍ଡାପନେ ।

୩୫ ଇ କାତା ନୀନୁ ମୀ ନେହେଁତାକି ଝେସିମାଞ୍ଜାଇଁ, ମିଙ୍ଗେ କସ୍ତ ହାନି ମେରା ତଲେ ଦସପି ଆହାଲି ଝେସିମାଞ୍ଜଅଁ, ସାମା ମୀରୁ ଏନିକ୍ୟ ମାନି କିହାଁ ରଣ୍ଡିଏ ମନତଲେ ପ୍ରବୁ ତାଣା ଡୟିଦେରି, ଏଦାଆଁତାକି ଝେସିମାଞ୍ଜାଇଁ ।

୩୬ ସାମା, ଆମ୍ବାଆସି ତାଜେତାକି ରୀସପଆଡି ମାଜାନି ଡାଆବେଲା ରାଚେୟିଏ ଇଞ୍ଜା ଅଣ୍ଡାପନେସି, ଅଡେ ଏଞ୍ଜାସି ମୁର୍ସାନା ମାଞ୍ଜାଲି ଆଡାଆସାରେ ଅଡେ ତାଜେ ଲଡାଆନେ ଆତିହ୍ୟ ତାମି ମନତା ଏନାୟି ମାନେ ଏଲେଆହ୍ୟ ବାହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ ।

୩୭ ସାମା ଆମ୍ବାଆସି ହିୟାତା ତୀରି ମାନେସି, ଅଡେ ବୀହା ଆହାଲି ମନ କିଅସି ଇଞ୍ଜା ଆମ୍ବାଆସି ତାନି ମନତି ଲକହାଲି ଆଡିନେସି ଅଡେ ଏଞ୍ଜାସି ତାନି ମନତା ଏନାଆଁ କିହାଲି ଅଣ୍ଠାମାନେସି ଆତିହ୍ମ ଏଞ୍ଜାସି ତାଙ୍ଗେ ରୀସାମାନି ତାଆ ପଦାଲ୍ ବୀହା ଆଆତ୍ ନେହେଁ ।

୩୮ ଏଦାଆଁତାକି ଆମ୍ବାଆସି ତାଙ୍ଗେ ରୀସାମାନି ତାଆ ମାଙ୍ଗାନି ବୀହା କିନେସି ଏଞ୍ଜାସି ନେହ୍ କିନେସି, ଅଡେ ଆମ୍ବାଆସି ବୀହା ଆଅସି ଏଞ୍ଜାସି ଏଦାଆଁ କିହାଁ ହାରେକା ନେହ୍ କିନେସି ।

୩୯ ବୀହା ଆଡି ତକ୍ତି ତାନି ତକ୍ତା ଜୀଞ୍ଜୁ ମାନି ପାତେକା ଦସ୍ପି ଆହା ତୟିନେ; ସାମା ତକ୍ତା ହାଡିସାରେ ଏ ତକ୍ତି କ୍ରୀସ୍ତ ତାଣା ନାମାମାନି ଆମ୍ବାଆରାଲ୍ ମନ ଏଞ୍ଜାଣାକି ବୀହା ଆୟାଲି ଆଡିନେ ।

୪୦ ସାମା ନା ଅଣ୍ଠାପୁତା, ଏଡି ଏନିକ୍ ମାନେ ଏଲେକିହ୍ ଏ ତୟିତିହ୍ ହାରେକା ରାହାତଲେ ତୟିନେ, ଇଦି ମାହାପୁରୁ ଜୀଞ୍ଜୁତି ହେଲ ଇଞ୍ଜା ନାନୁ ଅଣ୍ଠାପିମାଲ୍ ।

୮

ପେଣକା ବମାୟାକି ଡାକାମାନି ରାନ୍ଧାତି କାତା

୧ ପେଣକା ବମାୟାକି ଡାକାମାନି ବଗୁତି କାତା ନାନୁ ଝେହନାୟି ଇଦି, “ବାରେତାକି ବୁଦି ମାନେ” ଇଞ୍ଜା ମୀରୁ ଝେସିମାଞ୍ଜେରି, ଏଦାଆଁ ମାଗ୍ସୁ ପୁଞ୍ଜାମାନମି । ବୁଦି ତାହାରା କିଞ୍ଜିକିୟାନେ, ସାମା ଜୀଞ୍ଜୁନନାୟି କାଲ୍ଝି କିୟାନେ ।

୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଲ୍ ଇଞ୍ଜା ଅଣ୍ଠାପିନେସି, ଆତିହ୍ମ ଏଞ୍ଜାଣାକି ଏନିକ୍ ପୁନାୟିମାନେ, ଏଞ୍ଜାସି ନୀଏଁ ପାତେକା ଏଲେକ୍ ପୁଞ୍ଜାହିଲଅସି ।

୩ ସାମା ଆମ୍ବାଆସି ମାହାପୁରୁଲ୍ ଜୀଞ୍ଜୁ ନନେସି, ଏଞ୍ଜାଣାଲ୍ ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଣକା ବମାୟାକି ଡାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାରତିତା ପେଣକା ଇଞ୍ଜାହ୍ ଏନାଲ ହିଲାଡ, ଅଡେ ରଣ୍ଡିଏ ମାହାପୁରୁ ପିସ୍ପେ ଅଡେ ରଅସି ହିଲଅସି ।

୫ ଇତିହ୍ ଲାକପୁରୁ ଆପେ କି ଦାରତିତା ଆପେ, ଆମ୍ବାଆରାଲ୍ ମାହାପୁରୁ ଇନେରି, ପେଣକା ମାତିହ୍ ଜିକେଏ ସାତେଏ ହାରେକା “ପେଣକା” ଅଡେ ହାରେକା “ପ୍ରବୁୟା” ମାନୁ,

୬ ଆଡିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇତିହ୍ ଏ ଆବା ତାଣାଟି ବାରେ ଗାଡି ଆହାମାନେ, ଇଞ୍ଜା ମାରୁ ଏଞ୍ଜାଣା ତାକି ନୀତାମାନାୟି; ଇଞ୍ଜା ରଣ୍ଡିଏ ପ୍ରବୁ ଇତିହ୍ ଜୀସୁ କ୍ରୀସ୍ତ, ଏଞ୍ଜାଣା ତାଣାଟି ବାରେ ଗାଡି ଆହାମାନେ, ଅଡେ ମାରୁ ଏଞ୍ଜାଣା ତାଣାଟି ନୀତାମାନାୟି ।

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏଚେକା ଲକୁ ନୀଏଁ ପାତେକା ପେଣକା ମାନୁ ଇଞ୍ଜା ଅଣ୍ଠାପାନା ପେଣକା ବମାୟାକି ଡାକାମାନି ବଗୁ ତିନେରି,

ଇଞ୍ଜା ଏଞ୍ଜାରି ଅଣ୍ଠାପୁତି ବାଡ଼ୟୁ ଉଣା ମାନାକି ଦହଗାଟାରି ଆନେରି ।

୮ ସାମା ତାନି ରାନ୍ଧା ମାଙ୍ଗେ ମାହାପୁରୁ ନକିତା ନେହ୍ କି ଲାଗେଏ କିୟେଏ; ତିନାଆତିହ୍ ମା ଏନାୟି ନସ୍ତ ଆଏ ଅଡେ ତିତି ସାରେ ମାଙ୍ଗେ ଏନି ଲାବା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୟୁ ହିଲାଆ ଗାଟାରାକି କସ୍ତ ବାଦା ହୀନାୟି ଆନେ ।

୧୦ ବୁଦି ଗାଟାତେରି ମୀରୁ, ମିଙ୍ଗେ ଆମ୍ବାଆସି ପେନୁଡି ଦେଞ୍ଜୁଡି ବକ୍ତିତା କୁଗାମାନାଣି ମେସ୍ତାତିହ୍, ଏଞ୍ଜାସି ନାମୁତା ଉଣା ମାତିହ୍, ତାନି ଅଣ୍ଠାପୁତି ବାଡ଼ୟୁ ଉଣା ମାନାକି ପେଣକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ?

୧୧ ଇଞ୍ଜା ଆମିନି ବାଡ଼ୟୁ ହିଲାଆ ନାମିତି ତାୟି କି ତାଙ୍ଗି ତାକି କ୍ରୀସ୍ତ ହାଡେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି ।

୧୨ ଇଲେକିହ୍ ମୀ ତାଣା ମାନି ନାମିତି ତାୟିୟା କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡ଼ୟୁ ହିଲାଆ ଅଣ୍ଠାପୁତି କସ୍ତ ହାହାନା ମୀ କ୍ରୀସ୍ତ କପାଟି ପାପୁ କିହିମାଞ୍ଜେରି ।

୧୩ ଇଦାଆଁତାକି ତିନି କାଦି ନା ତାୟିକି କସ୍ତ ହନେ, ଆତିହ୍ ନା ତାୟି ଏନିକ୍ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏଚେଲା ଉଞ୍ଜା ତିନଅଁ ।

୯

ପାଣ୍ଡୁଞ୍ଜି ଆଡାରି ଅଦିକାରା ଅଡେ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡୁଅଁ ? ନାନୁ ର ପାଣ୍ଡୁଞ୍ଜି ଆଡାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଲ୍ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡେୟି ଆଏ ?

୨ ନାନୁ ଏଚକାତାରି ତାଣା ପାଣ୍ଡୁଞ୍ଜି ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଏଁ, ଇତିହ୍ ପ୍ରବୁ ତାଣା ମୀରୁ ନା ପାଣ୍ଡୁଞ୍ଜିଆହାମାନି ପାଣାତା ଝେତାମାନି ବୁଚୁ ମୁଦ୍ରା ଲେହେଁ ଆହାମାଞ୍ଜେରି ।

୩ ନାଙ୍ଗେ ନାହାୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି ।

୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ?

୫ ଅର ପାଣ୍ଡୁଞ୍ଜି ଆହାମାନାରି ପ୍ରବୁତି ତାୟିୟାଁ ଅଡେ କେପା\* ଲେହେଁ କ୍ରୀସ୍ତାନା ତାଙ୍ଗିନି ବୀହା ଆହାଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ?

୬ ଅଡେ ଜୀଞ୍ଜୁତା ନୀତାଲିତାକି କାମାତି ପିସାଲି ନାଙ୍ଗେ ଅଡେ ବନବାତି ଅଦିକାରା ହିଲେଏ କି ?

୭ ର ଜୁଜୁ କିନାସି ଜୁଜୁତା ମାନି ବେଲା ତାନୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଙ୍ଗୁରି ବାଡ଼ା କିହାଁ ଏମ୍ବାଡି ପାଡେୟି ତିନଅସି କି ? ଇଞ୍ଜା ର ଗଡ଼ ତାନି ମାନ୍ଧାତି ପାଲୁ ଗହଅସି କି ?

\* ୯:୫ ପିତର



୮ ନାନୁ ମାଣ୍ଠି ଆହାଁ ଇ ବାରେ କାତା ୱେସିମାଞ୍ଜାଇଁ ? ଇଞ୍ଜା ସାସ୍ତେରି ଜିକେଏ ଇ ବାରେ କାତା ୱେସିମାଞ୍ଜେଏ କି ?

୯ ☆ଇଚିହଁ ମସାତି ମେରାତା ଇଲେଇଞ୍ଜିଁ ରାସ୍‌କି ଆହାମାନେ, “ନପ୍‌ମାନି କଡ଼ିତି ଗୁଡିତା କଡ଼ା ଦହ୍‌ଆଦୁ,” ମାହାପୁରୁ ୱାରଇ ଏ କଡ଼ିତି ଅଶ୍‌ପିମାନେସି କି ?

୧୦ ଏଞ୍ଜାସି ଇଦାଆଁ ମାଞ୍ଜେତାକି ୱେସା ମାଞ୍ଜଅସି ? ହାଅ, ମାଞ୍ଜେତାକି ଇଦି ରାସ୍‌କି ଆହାମାନେ, ଏନାଆଁତାକି ଇଚିହଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପ୍‌ନାସି ଗାଡି ବାଗା ବେଟାଆହାଲି କଡ଼ା ଦହ୍‌ନେସି ।

୧୧ ମାମ୍ବୁ ମିଞ୍ଜେତାକି ନେହଁ ଜାସ୍ତୁତି ବିଚା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରୁଡିତି ତାସା ଦାଡ଼ିହଁ ଏଦି ଏନି କାଜା କାତା ଆଏକି ?

୧୨ ଏଟକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାଚିହଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମ୍ବୁ ଅଦିକାରା ଲେମ୍ବା ହିଲଅସି । ସାମା ଏନିକଁ ମାମ୍ବୁ କ୍ରୀସ୍ତତି ନେହଁ କାରୁ ୱେଜି କିନି କାମାତା ଏନି ବାଦା ୱାଆପେ ଇଞ୍ଜିଁ ବାରେ ଅରହିମାନମି

୧୩ ଆମ୍ବାଆରି ଦେସ୍ତୁଡିତା ପୂଜା କିନାରି ଏଞ୍ଜାରି ଦେସ୍ତୁଡିତି ରାନ୍ଦା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇଚିତି ବଗୁଡି ବାଗା ବେଟାଆନେରି, ଇଞ୍ଜିଁ ମୀରୁ ପୁଞ୍ଜାହିଲଅଡେରି କି ?

୧୪ ☆ଏଲେକିହଁ ଏ ଆମ୍ବାଆରି ନେହଁ କାରୁଡି ୱେକ୍‌ହି ମାନେରି, ଏଞ୍ଜାରି ନେହଁ କାରୁ ୱେକ୍‌ନି ତାଣାଟିଏ ନାଡିନେରି, ଇ କାତା ପ୍ରବୁ ହୁକୁମି ହୀହାମାନେସି ।

୧୫ ସାମା ନାନୁ ଇ ବାରେ ଏନାଆଁଞ୍ଜା ଲେମ୍ବାହିଲଅଁ, ଅଡ଼େ ନାଞ୍ଜେତାକି ଏଲେ କିଞ୍ଜିଆପେ, ଏଦାଆଁତାକି ରାଡିମାଞ୍ଜଅଁ; ଇଚିହଁ ଆମ୍ବାଆରି ନା ନେହଁ ବଡପଣତି ଉଜେଏ କିନି କିହାଁ ନାନୁ ହାହାହାନାୟି ନେହେଁ ।

୧୬ ଇଚିହଁ ନାନୁ ନେହଁ କାରୁ ୱେକ୍‌ଇଁ, ଏମ୍ବାଆଁ ନା ବଡପଣ ଆନାୟି ହିଲେଏ, ଏନାଆଁତାକି ଇଚିହଁ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହଁ କାରୁ ୱେକ୍‌ଆଡେଏଁ ଇଚିହଁ ନାନୁ ଏଚେକା ଡଣ୍ଡ ବେଟାଆନାଡେଏଁ ।

୧୭ ଇଚିହଁ ନାନୁ ଜାହାରା ମନତଲେ ଇ କାମା କିଇଁ, ଆଡିହଁ ନାଞ୍ଜେତାକି ଦାନା ମାନେ; ସାମା ନାନୁ ନା ମନତଲେ କାମା କିଆଡିହଁ ଜିକେଏ ମାହାପୁରୁ ନାଞ୍ଜେ ସେବାକିନି କାମାତି ବଜୁ ହେରପା ମାଞ୍ଜାନେସି ।

୧୮ ଆଡିହଁ ନା ଦାନା ଏନାୟି ? ଏଦି ଇଦି ନାନୁ ନା ନେହଁ କାରୁତା ମାନି ଅଦିକାରା ଲେମ୍ବାଆନା ନେହଁ କାରୁ ୱେସି ୱେସି ଏ ନେହଁ କାରୁଡି ଉଜେଏ ୱେକ୍‌ଇଁ ।

୧୯ ନାନୁ ଆମ୍ବାଆରି ହଲେଏଶା ଆଆଡି ଜିକେଏ, ଏନିକଁ ନାନୁ ହାରେକା ଗାଡି ଲକୁଣି ବେଟାଆହାଲି

ଆଡିଇଁ, ଏଦାଆଁତାକି ନାନୁ ଜାହାରାଇଁ ବାରେଡି ହଲେଏସି କିଡେଏଁ ।

୨୦ ଏନିକଁ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଶା ଆହାଲି ଆଡିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକଁ ମସାତି ମେରାତା ଦସପି ଆହାମାନାରାଇଁ ଜୀଶା ଆହାଲି ଆଡିଇଁ, ଏଦାଆଁତାକି ନାନୁ ମେରାତା ଦସପି ଆଆଡି ଜିକେଏ ମେରାତା ଦସପି ଆଡି ଲକୁଲେହେଁ ଆଡେଏଁ ।

୨୧ ଏନିକଁ ନାନୁ ମସାତି ମେରା ପୁନାଆଡି ଏଟକା କୁଡ଼ାଡି ଲକୁଣି ବେଟାଆହାଲି ଆଡିଇଁ, ଇଦାଆଁତାକି ନାନୁ ମାହାପୁରୁଡି ମେରାତା ହିଲାଆ ଲକୁ ଆଆନା କ୍ରୀସ୍ତତି ମେରା ମାନଞ୍ଜିଆଡିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆଡେଏଁ ।

୨୨ ଏନିକଁ ନାନୁ ବାଡ଼ୁୟି ହିଲାଆଗାଟାରାଇଁ ଜୀଶା ଆହାଲି ଆଡିଇଁ, ଏଦାଆଁତାକି ବାଡ଼ୁୟି ହିଲାଆ ଗାଟାରି ନକିତା ବାଡ଼ୁୟି ହିଲାଆଲେହେଁ ଆଡେଏଁ; ଏନିଇଚିହଁ ଜିକେଏ ନାନୁ ଏଚର ଜାଣାଇଁ ଗେଲପାଲି ଆଡିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଞ୍ଜାରିଲେହେଁ ଆଡେଏଁ ।

୨୩ ନାନୁ ଏନିକଁ ନେହଁ କାରୁଡି ବରତା ଆଣ୍ଡାଲି ଆଡିଇଁ, ଏଦାଆଁତାକି ନାନୁ ନେହଁ କାରୁତାକି ବାରେ କିଇଁ ।

୨୪ ଆମ୍ବାଆରି କାହିନି ତାଣା ହଣନେରି ଏଞ୍ଜାରି ବାରେଜାଣା ହଣନେରି ସାତା, ସାମା ରଅସିଏ ଜୀଶା ଆହାଁ ଦାନା ବେଟା ଆନେସି, ଇଦାଆଁ ମୀରୁ ପୁଞ୍ଜାହିଲଅଡେରି ? ମୀରୁ ଏନିକଁ ଦାନା ବେଟାଆଡେରି ଏଦାଆଁତାକି ଏଲେକଁ ହଣନ୍ତୁ ।

୨୫ ଆମ୍ବାଆସି ବାଦ୍‌ହାରା ତଲେ କାହିନି ତାଣା ଆଣ୍ଡିନେସି ଏଞ୍ଜାସି ବାରେ ନେହଁକଁ ଜାପିନେସି; ଏଞ୍ଜାରି ଗାଡ଼େକେଏ ନାସଞ୍ଜି ଆନି ଟପେରି ବେଟାଆହାଲି କାହିମାନେରି; ସାମା ମାର ଏଚେଲାଞ୍ଜା ନାସା ଆଆଗାଟି ଟପେରି ବେଟାଆହାଲି ଏଲେ କିନି ।

୨୬ ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲାଆ ତାଣା ଆଏ, ନାନୁ ମୁଟିତଲେ କୁଡକି ଆନି ଜୁଜୁ କିହିମାଇଁ, ସାମା ୱାରଇ ଗାଲିତି ୱେନି ଲକୁଲେହେଁ ଆଏ ।

୨୭ ଏଟକା ଲକୁତାଣା ନେହଁ କାରୁ ୱେସିହଁ ନାନୁ ଏନିକଁ ଅପାଆ ଗାଟାଡେଏଁ ଆଆଁ ଏଦାଆଁତାକି ନା ଆଞ୍ଜାଡି କସ୍ତ ବାଦା ହୀହାନା ଲକ୍‌ହିମାଇଁ ।

୧୦

ପେଣକା ବମାୟା ସେବାଟି ଜାଗ୍ରାତା କିନାୟି

୧ ଇଚିହଁ ଏ ତାୟିୟା ଅଡ଼େ ତାଜିସ୍ତାଡେରି ମା ଆକୁ ଆବାୟା ବାରେ ଦୁହା ଡ଼ଇକା ମାଚେରି ।

☆ ୯:୯ ୧ଡିମ ୫:୧୮ ☆ ୯:୧୪ ମାଡି ୧୦:୧୦; ଲୁକ ୧୦:୭ \* ୧୦:୨ ମୁଞ୍ଜନାୟି

୨ ଅଡ଼େ ବାରେଜାଣା ସାମନ୍ତୁରି ବିଦ୍ରାଟି ହାଚେରି, ଇଞ୍ଜା ବାରେଜାଣା ଦୁହା ଅଡ଼େ ସାମନ୍ତୁରିତା ମସା ତାଣାଟି ବାପ୍ପିସ୍ତ\* ଅଡ଼େରି ।

୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି ।

୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇଚିହ୍ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି ଜୀଞ୍ଜୁତି,

୫ ଆଡ଼ିଜକେଏ ଏଞ୍ଜାରି ବିଦ୍ରାଟି ହାଚେରକା ଲକୁଡାଣା ମାହାପୁରୁଟି ରାହାଁ ହିଲିଆତେ, ଇଞ୍ଜା ଏଞ୍ଜାରି ଲକୁ ହିଲିଆ ଟାୟୁତା ହାହାହାଚେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜା ନା ମନ ହିଲେଏ ।

୬ ଏଞ୍ଜାରି ଏନିକ୍ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକ୍ ମୀରୁ ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ ।

୭ ଏନିକ୍ ଏଞ୍ଜାରି ବିଦ୍ରାଟି ଏଚରଜାଣା ପେଣକା ପୂଜା କିନାରି ଆଡେରି, ଏଲେକ୍ ମୀରୁ ପେଣକା ପୂଜା କିନାଚେରି ଆଆଦୁ; ଏନିକ୍ ରାସ୍ତକି ଆହାମାନେ, “ଲକୁ ତିଞ୍ଜା ଉଣ୍ଡାଲି କୁଗିଚେରି, ଅଡ଼େ ଏନିହ୍ ରାହାଁ କିହାଲି ନିଜିଚେରି ।”

୮ ଏନିକ୍ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେରୁ କଡ଼େ ତାନି ମାଣା ଲକୁ ହାଚେରି, ଏଲେକ୍ ମୀରୁ ଦାରିକାମା କିଆପ ।

୯ ଏନିକ୍ ଏଞ୍ଜାରି ବିଦ୍ରାଟି ଏଚରଜାଣା ପ୍ରୁବୁଇଁ ତାୟିପାରି କିହାଁ ରାଚୁ ତଲେ ହାଚେରି, ଏଲେକ୍ ମୀରୁ ପ୍ରୁବୁଇଁ ତାୟିପାରି କିଆପ ।

୧୦ ଏନିକ୍ ଏଞ୍ଜାରି ବିଦ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୁତୁ କେୟୁଟି ହାଚେରି, ଏଲେକ୍ ମୀରୁ ବାଟା କିଆଦୁ ।

୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜାରାକି ଆଡେ, ଅଡ଼େ ଆମ୍ବାଆରି ବେଲାତା କୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହ୍ ମୀରୁ ମା ସେଡ଼ନା ତାକି ଏ ବାରେ ରାସ୍ତକି ଆହାମାନେ ।

୧୨ ଏଦାଆଁତାକି ଆମ୍ବାଆସି ନାନୁ ତୀରି ଗାଟାତେଏଁ ଇଞ୍ଜିହ୍ ଅଣପି ମାନାସି, ଏଞ୍ଜାସି ଏନିକ୍ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି ।

୧୩ ମାଣସିତାକି ଏନିଲେହେଁତି ତାୟିପାରି କିନାୟି କସ୍ତାଗାୟି ଆଏ, ଏଦାଆଁ ପିସ୍ତପେ ମିଜେତାକି ଏଚକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକ୍ ଅଚହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲ୍ପିନି ଜିରୁ ଜିକେଏ କେପିନେସି ।

୧୪ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତାତେରି ପେଣକା ବମାୟାଁ ପୂଜା କିନି ତାଣାଟି ଏଚକା ଆଦୁ ।

୧୫ ନାନୁ ବୁଦିଗାଟି ଲକୁଣି ଝେହ୍ନିଲେହେଁ ଝେସିମାଞ୍ଜାଇଁ, ନାନୁ ଏନାଆଁ ଝେସିମାଇଁ ଏଦାଆଁ ମୀରୁ ମୀରୁଏ ଅଣପାଦୁ ।

୧୬ ଆମିନି ପ୍ରୁବୁତି ବଜି ସଲ୍ଲା ତାକି ଜହରା କିନାୟି, ଏଦି ଜୀଞ୍ଜୁତି ନେଚେରିତା ଆଣ୍ଡିହିଲେଏ ? ଆମିନି ରୁଟି ମୀରୁ ତିକିହି ମାନାୟି ଏଦି କି ଜୀଞ୍ଜୁତି ଆଜ୍ଞାତା ଆଣ୍ଡିହିଲେଏ ?

୧୭ ଇଚିହ୍ ରୁଟି ରଣ୍ଡିଏ ଆଡାକି ମୀରୁ ହାଚେରକା ଆଡ଼ିଜକେଏ ରଣ୍ଡିଏ ଆଜ୍ଞା ଲେହେଁ, ଏଦାଆଁତାକି ମୀରୁ ବାରେଜାଣା ରଣ୍ଡିଏ ରୁଟିତ ବାଗା ।

୧୮ ଆଜ୍ଞାତି ଜାନାଁ ତଲେ ଆମ୍ବାଆରି ଇସ୍ତାୟେଲ ଲକୁ, ଏଞ୍ଜାରାଇଁ ସିନିକିଦୁ ଆମ୍ବାଆରି ପୂଜା କିତି ଉଜ୍ଞା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହିଲଅରି ?

୧୯ ଆତିହ୍ ପେଣକା ବମାୟାଁ ବଗୁ ଇଞ୍ଜିହ୍ ଏନାୟି ମାନେ, ଅଡ଼େ ପେଣକା ବମାୟାଁ ଇଞ୍ଜା ଏନାଇଁ ମାନୁ, ଏଦାଆଁ କି ନାନୁ ଝେସିମାଞ୍ଜାଇଁ ?

୨୦ ଆଏ, ସାମା ନାନୁ ଝେସିମାଞ୍ଜାଇଁ, ଏନାଆଁ ଜୀଞ୍ଜୁତିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁତୁୟାଁକି କିନେରି, ଅଡ଼େ ମୀରୁ ବୁତୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣପୁଟି ଆଏ ।

୨୧ ମୀରୁ ପ୍ରୁ ବଜିତା ରାସା ଗହ୍ନିତାଣା ଅଡ଼େ ବୁତୁୟାଁ ଗହ୍ନିତାଣା ଗସାଲି ଆଡ଼ଅଚେରି; ମୀରୁ ପ୍ରୁବୁତି ବଜି ଅଡ଼େ ବୁତୁ ବଜିତା ଆଣ୍ଡାଲି ଆଡ଼ଅଚେରି ।

୨୨ ମୀରୁ ଏନାଆଁ ପ୍ରୁବୁଇଁ କାର୍ବି କିନାୟି ? ମୀରୁ କି ଏଞ୍ଜାଣି କିହାଁ ଗାଡ଼ି ବାଡ଼ୟୁ ଗାଟାତାୟି ?

୨୩ ବାରେ କିହାଲି ମୀରୁ ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଟାୟି ଆଏ ।

୨୪ ଆମ୍ବାଆସି ଜାହାରାତାକି ଅଣପାଆପେସି, ସାମା ବାରେଜାଣା ତାକି ନେହାଁଣି ଅଣପାପେସି ।

୨୫ ମନତି ନେହ୍ କି ଇଟାଲି ହାଟା ବାଜାରାତା ପାରପି ଆହ୍ମାନି ଉଜ୍ଞା, ଆମ୍ବାଆରାଇଁ ଝେନାଆନା ଅଡ଼େ ଇଟାଣି ଅଣପାଆନା ତିଞ୍ଜୁ ।

୨୬ ଦାମ୍ପୁପତିତା ରାସ୍ତକି ଆହାମାନେ; “ଇଚିହ୍ ଦାର୍ବତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଞ୍ଜାୟି ।”

୨୭ ନାମାଆତାରି ମିଜେ ତିଞ୍ଜାଲି ହାଟାତିହ୍, ଇଞ୍ଜା ମୀରୁ ହାଜାଲି ମନ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହାପକିଆନେ, ମୀ ଅଣପୁ ତାକି ଇଟାଣି ଝେନାଆନା ତିଞ୍ଜୁ ।

୨୮ ସାମା ଆମ୍ବାଆସି ମିଜେ ଏଲେଇଞ୍ଜାନେସି, ଇଦି ପେଣକା ବମାୟାଁକି ତାକି କିଞ୍ଜିଆହାମାନେ, ଆତିହ୍ ଏଞ୍ଜାଣି ତାକି ଇଞ୍ଜା ମୀ ଅଣପୁ ତାକି ତିନାଆଦୁ;

୨୯ ମୀ ଅଣପୁ ତାକି ଇଞ୍ଜା ଝେସିମାଞ୍ଜାଆଁ, ସାମା ଏଞ୍ଜାଣି ଅଣପୁ ତାକି । ଏନାଆଁତାକି ନା ମନତଲେ ମାନାୟି ଏଚକା ଲକୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

\* ୧୦:୧୭ ମାତି ୨୭:୨୭-୨୮; ମାକି ୧୪:୨୨-୨୪; ଲୁକ ୨୨:୧୯,୨୦

୩୦ “ନାନୁ ମାହାପୁରୁଷ ଜହରା କିହାନା ଆମିନି ରାନ୍ଦା ତିଞ୍ଜିମାଲ୍, ଏ ରାନ୍ଦା ତାକି ନାଙ୍ଗେ ଏନାଆଁତାକି ରଅସି ଲାଜାକିହ୍ ଲାଜାନେସି ?”

୩୧ ଏନାଆଁତାକି ମୀରୁ ତିଞ୍ଜୁ ଉଣ୍ଡୁ କୁ ଏନାଆଁ କିଦୁ, ଏନାଆଁ ମାହାପୁରୁତି ଗାଝୁରମି ତାକି କିଦୁ ।

୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକୁ ଆପାରି, ଆମ୍ବାଆରାକି କସ୍ତ ହୀନାତେରି ଆଆଦୁ ।

୩୩ ଏନିକ୍ ନାନୁ ଜିକେଏ ଜାହାରାତାକି ଅଣ୍ପାଆନା ହାରେକା ଲକୁତି ଗେଲ୍ପି ଆୟାଲିତାକି ଏଞ୍ଜାରି ନେହାଣି ଅଣ୍ପିମାଲ୍, ଅଡେ ବାରେ କାତାତା ବାରେ ଜାଣାଇଁ ରାହାଁ କିୟାଲି ଅଣ୍ପିମାଲ୍ ।

### ୧୧

୧ \*ନାନୁ ଏନିକ୍ କ୍ରୀସ୍ତ କିତିଲେହେଁ କାମା କିହିମାଲ୍, ମୀରୁ ଜିକେଏ ନାନୁ କିହିମାନି ଲେହେଁ କିଦୁ ।

#### ପ୍ରାତାନା କିନାଟି ତାୟ୍ ପୁକ୍ନାୟି

୨ ନାନୁ ମିଙ୍ଗେ ଗାଝୁରମି କିହିମାଞ୍ଜାଇଁ ଏନାଆଁତାକି ଇତିହ୍ ମୀରୁ ନାଙ୍ଗେ ବାରେବେଲା ଅଣ୍ପିମାଞ୍ଜାଦେରି ଅଡେ ନାନୁ ଆମିନି ମେରା ହୀହାମାଞ୍ଜାଇଁ, ଏନାଆଁ ବାରେ ମାନଞ୍ଜି ଆହିମାଞ୍ଜେରି ।

୩ ସାମା କ୍ରୀସ୍ତ ବାରେ ଆବାୟାଁ ତାୟ୍ ଲେହେଁ ଅଡେ ଆବା ଇୟାନି ତାୟ୍ ଲେହେଁ ଇଞ୍ଜା ମାହାପୁରୁ କ୍ରୀସ୍ତତି ତାୟ୍ ଲେହେଁ, ଇଦାଆଁ ମୀରୁ ପୁଞ୍ଜୁ ଇଞ୍ଜା ନା ଅଣ୍ପୁ ।

୪ ଆମିନି ଆବା ତାନି ତାୟ୍ ପୁକ୍ନାୟି ପ୍ରାତାନା କିନେସି, ତାୟ୍ ଆନି କାତା ଖେହ୍ନେସି, ଏଞ୍ଜାସି ତାନି ତାୟ୍ ତୁ ହାଣି ପାଣ୍ପି କିନେସି ।

୫ ସାମା ଆମିନି ଆୟାଟି ତାନି ତାୟ୍ ପୁଗାଆନା ପ୍ରାତାନା କିନେ ଅଡେ ମାହାପୁରୁ ଅଣ୍ପୁତି ବଲୁ ଖେକ୍ନେ ଏଡି ତାନି ତାୟ୍ ତୁ ଲାଜା ପାଣ୍ପି କିନେ ଇତିହ୍ ତାନି ତାୟ୍ ହିଣ୍ପି ଆଡି ଇୟା ସମାନା ।

୬ ଇତିହ୍ ତାୟ୍ ପୁଗାଆଗାଟି ଆୟାଟି ତାନି ତାୟ୍ ବାଣାୟାଁ ରାଡହା କତାପେ; ଇତିହ୍ ଇୟାନାକି ତାୟ୍ ରାଡନାୟି କି ହିଣ୍ପାୟି ଲାଜାତି କାତା ଆଡିହ୍ ଏଡି ତାୟ୍ ପୁଗାପେ ।

୭ ଆବା ମାହାପୁରୁତି ଖାଣା ଇଞ୍ଜା ଗାଝୁରମି ଲେହେଁ ଆଡାକି ତାନି ତାୟ୍ ତୁ ପୁକ୍ନାୟି ଲଡା ହିଲେଏ, ସାମା ଇୟା ଆବାଡି ଗାଝୁରମି ଲେହେଁ ।

୮ ଇତିହ୍ ଆବା ଇୟାନି ତାଣାଟି ଗାଡି ଆହାହିଲଅସି ସାମା ଇୟା ଆବା ତାଣାଟି ଗାଡି ଆହାମାନେ ।

୯ ଅଡେ ଇୟା କି ଆବା ଗାଡି ଆହାହିଲଅସି ସାମା ଆବାକି ଇୟା ଗାଡି ଆହାମାନେ ।

୧୦ ଏନାଆଁତାକି ଦୁତୁୟାଁ ତାକି ଡକ୍ତି ତାନି ଡକ୍ତି ଅଦିକାରାତି ସିନାଲେହେଁ ତାୟ୍ ତୁ ପୁକ୍ନାୟି କତାପେ ।

୧୧ ଆଡିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାସି ଆଏ,

୧୨ ଇତିହ୍ ଆୟାଟି ଏନିକ୍ ଆବା ତାଣାଟି ଗାଡି ଆହାମାନେ । ଏଲେକିହ୍ ଏ ଆବା ଜିକେଏ ଇୟା ତାଣାଟି ଗାଡି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡି ଆହାମାନେ ।

୧୩ ମୀରୁ ମୀରୁଏ ବିଚାରା କିହାଁ କତାଦୁ, ତାୟ୍ ପୁଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ?

୧୪ ମାଣ୍ଡକି ମାଙ୍ଗେ ଖେସିମାଞ୍ଜାନେ ଆବା ଲାମ୍ବା ତାୟ୍ ବାଣାଁ ପିହ୍ନାୟି ତାଙ୍ଗେତାକି ଲାଜାତି କାତା ।

୧୫ ସାମା ଆୟାଟି ଲାମ୍ବା ତାୟ୍ ବାଣାୟାଁ ପିସ୍ତ ସାରେ ତାଙ୍ଗେତାକି ଗାଝୁରମି ସମାନା, ଇତିହ୍ ତାୟ୍ ପୁକ୍ତି ଆୟାଲି ଇୟାନାକି ଲାମ୍ବା ତାୟ୍ ବାଣାୟାଁ ହୀପ୍ତି ଆହାମାନେ ।

୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣ୍ପିତିହ୍ ଏଞ୍ଜାସି ପୁନାପେସି, ମାଙ୍ଗେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ ।

#### ପ୍ରବୁତି ବକ୍ତି

୧୭ ସାମା ମୀ ଆଣ୍ଡୁ ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏନାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡାଆନା ଇ ହୁକୁମି ହୀହାମାଞ୍ଜାଇଁ ।

୧୮ ଏନାଆଁତାକି ଇତିହ୍ ନାନୁ ତଲିଏ ଖେଞ୍ଜିମାଲ୍, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏତେକା ସାତା ଇଞ୍ଜା ନାନୁ ନାମିମାଲ୍ ।

୧୯ ଏନିକ୍ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜୀଣା ଆଡାରି ଏ ଡଞ୍ଜାଆନେରି, ଏଡାଣିତାକି ମୀ ବିତ୍ରା ଗତି ଗତି ଆନାୟି ପିଟ୍ଟି ଆଏ ।

୨୦ ଏଡେତା ମୀରୁ କୁଲମିତା ରୁଣ୍ଡା ଆଡେରି, “ଏଡି ପ୍ରବୁତି ବକ୍ତି ଆଏ,”

୨୧ ଏନାଆଁତାକି ଇତିହ୍ ବକ୍ତି ତିନାଟି, ରଅସି ଅଡେ ରଅଣାଇଁ କାଆନା ତାମି ରାନ୍ଦା ତିନେରି, ଏନାଆଁତାକି ରଅସି ହାକିଟି ମାନାଟି ଅଡେ ରଅସି ହଡାହାଁ ଡୟିମାନେସି ।

୨୨ ଏନାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲ୍ଲକା ହିଲାଡ ? ମୀରୁ ଏନାଆଁ ମାହାପୁରୁ କୁଲମିତି ମାନଞ୍ଜି ଆହି ହିଲଅତେରି, ଅଡେ ଆମ୍ବାଆରାକି ହିଲାଡ ଏଞ୍ଜାରାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏନାଆଁ ଖେସ୍ତାଇଁ ? ମିଙ୍ଗେ ଏନିକ୍ ଗାଝୁରମି କିୟାଲ୍ ? ଇଦାଆଁତାକି ମିଙ୍ଗେ ଗାଝୁରମି କିହିମାଞ୍ଜଅଁ ।

୨୩ ଇତିହ୍ ନାନୁ ପ୍ରବୁ ତାଣାଟି ବେଟାଆହାମାନି ଜାପ୍ନାଣି ମିଙ୍ଗେ ଜାପ୍ନାୟି ମାଞ୍ଜାଇଁ, ଏଡି ଇଡି ପ୍ରବୁ ଜୀସ୍ତ ସାତୁୟାଁ କେୟୁତା ହେରପିଆଡି ଲାଆୟାଁ ରୁଟି ଅହାନା, ମାହାପୁରୁଷ ଜହରା କିହାନା, ଏନାଆଁ ତିକ୍ନାୟି ଏଲେଇଚେସି,

\* ୧୧:୧ ୧୯୪୩:୪:୧୭; ପିଲିପି ୩:୧୭

୨୪ ଇଦି ମିଙ୍ଗେତାକି ନା ଆଙ୍ଗା; ନାଙ୍ଗେ ଅଣ୍ଠାଲିତାକି ଇଦାଆଁ କିଦୁ ।

୨୫ ଏଲେକିହିଁଏ ତିଚି ତାୟୁ ଗହ୍ନି ସଲା ଅହାନା ଏଲେଇଚେସି, ଇ ସଲା ନା ନେତେରିତା ତୀରିକିତି ପୁଠନି ରାଜିମାନା; ମୀରୁ ଇ ସଲାଟି ଏଚର ଦେବା ଗହ୍ନେରି ଏଚର ଦେବା ନାଙ୍ଗେ ଅଣ୍ଠାଲିତାକି କିଦୁ ।

୨୬ ଇଚିହିଁଏ ଏଚର ଦେବା ମୀରୁ ଇ ରୁଚି ତିଞ୍ଜେରି ଅଡେ ଇ ସଲାଟି ଗହ୍ନେରି, ଏଚର ଦେବା ମୀରୁ ପ୍ରବୁତି ଖାନ୍ତି ଦିନା ପାତେକା ତାନି ହାକିତି କାରୁ ଖେକ୍ଦେରି ।

୨୭ ଇଚିହିଁଏ ଆମ୍ବାଆସି ଜଗେ ଆଆନା ପ୍ରବୁ ବକ୍ତିଚି ରୁଚି ତିନେସି ଅଡେ ଇ ସଲାଟି ଗହ୍ନେସି, ଏଞ୍ଜାସି ପ୍ରବୁତି ଆଙ୍ଗା ଅଡେ ନେତେରିତି ଦାୟି ଆନେସି ।

୨୮ ଏଦାଆଁତାକି ମାଣ୍ଡସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଚି ତିଶ୍ମେସି ଅଡେ ଇ ଗହ୍ନି ସଲାଟି ଗସ୍ପେସି ।

୨୯ ଇଚିହିଁଏ ଆମ୍ବାଆସି ପ୍ରବୁତି ଆଙ୍ଗାତି ଏନାୟି ଇଞ୍ଜିଁ ଅଣ୍ଠାପାଆନା ତିନେସି ଅଡେ ଗହ୍ନେସି ଏଞ୍ଜାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହ୍ନେସି ।

୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼ୟୁ ହିଲାଆଗାଟାତେରି ଇଞ୍ଜାଁ ହାରେକା ଲକୁ ନମେରି ଗାଟାରି ଅଡେ ହାରେକା ଜାଣା ହାହା ହାଜାମାନେରି ।

୩୧ ସାମା ମାର ତଲିଏ ଜାହା ଜାହାରାଇଁ ତାୟିପାରି କିଚିହିଁଏ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା ।

୩୨ ଅଡେ ଦାରତି ତଲେ ଏନିକିଁ ମାର ତଣ୍ଡ ପୁଞ୍ଜାଆୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଜି ଆହାଁ ସାସ୍ତି ବେଟାଆହି ମାନାୟି ।

୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରବୁତି ବକ୍ତି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଇଁ କାଦୁ ।

୩୪ ମୀରୁ ରୁଣ୍ଡା ଆନାୟି ଏନିକିଁ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାନି ଇଜ ତିନାପେସି, ଅଡେ ଆଗାଡ଼ା ଖେସ୍ତାନି କାତା ନାନୁ ଖାଡ଼ିସାରେ ତେଲ୍‌ହି କିୟାଇଁ ।

### ୧୨

#### ସୁଦୁଜୀଞ୍ଜୁତି ଦାନା

୧ ତାୟିୟାଁ ଅଡେ ତାଜିସ୍ତାତେରି ସୁଦୁଜୀଞ୍ଜୁ ଦାନାତି କାତା ମୀରୁ ନେହିଁକିଁ ପୁଞ୍ଜୁ ଇଞ୍ଜିଁ ନାନୁ ଅଣ୍ଠାପାଲାଇଁ ।

୨ ମୀରୁ ପୁଞ୍ଜାମାଞ୍ଜେରି, ଏଚିରେଲା ମୀରୁ ଜୀହୁଦିଆଆତାତେରି ମାଚେରି, ଏଚେତା ଏନିକିଁ ସାଲ୍‌ଞ୍ଜି ଆହିମାଚେରି, ଏଲେକିହିଁଏ ନାଡ଼ିକିଞ୍ଜି ଆହାନା ଜୀଞ୍ଜୁ ହିଲାଆଗାଟି ପେଣକା ବମାୟାତି ଜେଚ ହାଜିମାଚେରି ।

୩ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ସୁଦୁଜୀଞ୍ଜୁ ତଲେ ସାଲ୍‌ଞ୍ଜି ଆହାନା ଆମ୍ବାଆସି ଜିକେଏ ଜୀସୁଇଁ ବାକା ଇଗାଲି ଆଡ଼ଅସି, ଅଡେ ଆମ୍ବାଆସି ସୁଦୁଜୀଞ୍ଜୁ ପୁଞ୍ଜାଆତାସି ଜୀସୁଇଁ ପ୍ରବୁ ଇଞ୍ଜିଁ ଖେସାଲି ଆଡ଼ଅସି ।

୪ \*ସୁଦୁଜୀଞ୍ଜୁ ହୀନି ଦାନା ଏଚକା ଏଚକାତାୟି ସାମା ଏ ରଣ୍ଡିଏ ସୁଦୁଜୀଞ୍ଜୁ ।

୫ ସେବା ଏଚକା ଏଚକାତାୟି ସାମା ପ୍ରବୁ ରଅସିଏ ।

୬ କାମା କିନି ବାଡ଼ୟୁ ଏଚକା ଏଚକାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ କାମା କିନେସି ।

୭ ସାମା ବାରେ ଜାଣାତାତି ସୁଦୁଜୀଞ୍ଜୁତି ଗୁଣୁ ତହ୍ନି ଦାନା ବାରେ ଲକୁତି ନେହେଁତାକି ହୀପ୍‌କିଆନେ ।

୮ ରଅଣାକି ସୁଦୁଜୀଞ୍ଜୁ ତଲେ ବୁଦିତି କାରୁ ଖେସାଲି ହୀନେ, ଅଡେ ରଅଣାକି ଏ ସୁଦୁଜୀଞ୍ଜୁ ତଲେ ବୁଦିତିକାତା ଜାପ୍‌ହାଲି ହୀନେ,

୯ ଅଡେ ରଅଣାକି ଏ ସୁଦୁଜୀଞ୍ଜୁ ତଲେ ନାମାଲି, ଅଡେ ରଅଣାକି ଏ ରଣ୍ଡିଏ ଜୀଞ୍ଜୁତି ଦାନା ତଲେ ରଗିଚି ନେହିଁ କିୟାଲି ବାଡ଼ୟୁ ହୀନେ,

୧୦ ରଅଣାକି କାବାଆନି ବାଡ଼ୟୁତି କାମାୟାଁ କିୟାଲି, ଅଡେ ରଅଣାକି ମାହାପୁରୁ ଅଣ୍ଠାପୁତି କାତା ଖେକ୍‌ହାଲି, ଅଡେ ରଅଣାକି ଏଚକା ଏଚକାତି ଜୀଞ୍ଜୁୟାଁଇଁ ପୁଞ୍ଜାଲି ଆଡ଼ିନି ବାଡ଼ୟୁ, ଅଡେ ରଅଣାକି ପୁନାଆତି ପୁଞ୍ଜି ହାଡ଼ା ଜଲାଲି, ଅଡେ ଏଚକାତାରାକି ପୁନାଆତି ହାଡ଼ାତି ଅର୍ଡ ପୁଣ୍ଡିକିନି ବାଡ଼ୟୁତି ଦାନା ହୀପ୍‌କିଆନେ ।

୧୧ ସାମା ଏ ରଣ୍ଡିଏ ଜୀଞ୍ଜୁ ତାନି ମନ କିତିଲେହେଁ ବାରେଜାଣାତି ଏଚକା ଏଚକାତି ଦାନା ହୀହାନା ଇ ବାରେ କାମା କିହିମାନେ ।

#### ରଣ୍ଡିଏ ଆଙ୍ଗାତି ଆଙ୍ଗା ଉଡେଲି

୧୨ \*ଇଚିହିଁଏ ଏନିକିଁ ଆଙ୍ଗା ରଣ୍ଡିଏ, ଅଡେ ଆଙ୍ଗାତି ଏଚକା ଏଚକା ବାଗାୟାଁ ମାନୁ, ସାମା ଆଙ୍ଗାତି ବାଗାୟାଁ ହାରେକା ଆଡ଼ିଜିକେଏ ରଣ୍ଡିଏ ଆଙ୍ଗା ଆନେ, ଏଲେକିହିଁଏ ଜୀସୁ ।

୧୩ ଇଚିହିଁଏ ମାର ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆଡ଼େସି ହଲେଏସି ଆଆପେସି, ବାରେତାୟି ରଣ୍ଡିଏ ଜୀଞ୍ଜୁତଲେ ରଣ୍ଡିଏ ଆଙ୍ଗା ଆହାଲି ବାପ୍‌ସ୍ତୁ\* ଆହାମାନାୟି; ଅଡେ ବାରେତାୟି ରଣ୍ଡିଏ ଜୀଞ୍ଜୁତଲେ ଗସି ମାନାୟି ।

୧୪ ଏଦାଆଁତାକି ଆଙ୍ଗା ରଣ୍ଡିଏ ବାଗା ଆଏ, ସାମା ଆଙ୍ଗାତି ଏଚକା ଏଚକା ବାଗାୟାଁ ଆଣ୍ଡାନା ର ଆଙ୍ଗା ଆହାମାନେ ।

୧୫ କତା ଏଲେଇନେ ନାନୁ କେୟୁତେଏଁ ଆଏ, ଏଡି ଆଙ୍ଗାତି ବାଗା ଆଏ, ଏଦାଆଁତାକି ଏଡି ଆଙ୍ଗାତି ବାଗା ଆଏ ଏଲେକିଁ ଆଏ ।

୧୬ ଅଡେ କିୟିଁ ଏଲେଇନେ ନାନୁ କାନୁ ଆଏ, ଏଡି ଆଙ୍ଗାତି ବାଗା ଆଏ, ଏଦାଆଁତାକି ଏଡି ଆଙ୍ଗାତି ବାଗା ଆଏ ଏଲେକିଁ ଆଏ ।

୧୭ ବାରେ ଆଙ୍ଗା କାଣ୍‌କା ଆନୁ, ଆତିହିଁଏ ଏନିକିଁ ଖେନାୟି ? ବାରେ ଆଙ୍ଗା କୀର୍‌କା ଆନୁ ଆତିହିଁଏ ଆସ୍ତିଚି ମୁଞ୍ଜିନାୟି ?

\* ୧୨:୪ ରନି ୧୨:୬-୮ \* ୧୨:୧୭ ରନି ୧୨:୪,୫ \* ୧୨:୧୩ ମୁଞ୍ଜିନାୟି

୧୮ ସାମା ମାହାପୁରୁ ଆଜ୍ଞା ଉଡେଲିକ୍ ରଣ୍ଡା ରଣ୍ଡାଆଁ କିହିଁ ତାନି ମନତଲେ ଆଜ୍ଞାତା ଆଡ଼ହାମାନେସି ।

୧୯ ଅଡେ ଏ ବାରେ ଆଜ୍ଞାତି ରଣ୍ଡିଏ ବାଗା ଆଡ଼ିହିଁ ମା ଆଡ଼ିହିଁ ଆଜ୍ଞା ଆମ୍ବିୟା ?

୨୦ ସାମା ସାଡେଏ ଆଜ୍ଞାତି ବାଗାୟାଁ ହାରେକା, ସାମା ଆଜ୍ଞା ରଣ୍ଡିଏ ।

୨୧ ନୀ ତାଣା ନାଜେ ଲଡ଼ା ହିଲେଏ ଇଞ୍ଜିଁ କାନୁ କେୟୁତି ଏଲେଇଜାଲି ଆଡେଏ, ଇଞ୍ଜାଁ ନୀ ତାଣା ନା ଲଡ଼ା ହିଲେଏ ଇଞ୍ଜିଁ ତାୟାଁ କୁଡାତି ଏଲେଇଜାଲି ଆଡେଏ ।

୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡେଲି ବାଡ଼ୟୁ ହିଲିଆଗାଟାଇ ଇଞ୍ଜିଁ ପୁଡିହିଁ ଜିକେଏ ଏଞ୍ଜି ବାରେ ଲଡ଼ାତା ମାନୁ;

୨୩ ଅଡେ ଆଜ୍ଞାତି ଆମିନି ଆଜ୍ଞା ଉଡେଲି ଲଡ଼ାହିଲିଆ ଗାଟାଇ ଇଞ୍ଜିଁ ଅଣ୍ଡିନାୟି, ଏ ବାରେ ଆଜ୍ଞାତି ଆଜ୍ଞା ଉଡେଲିକାକ୍ ମାର ହାରେକା ଜାଡ଼ନୁ କିନାୟି; ଅଡେ ମା ଲଡ଼ାହିଲିଆ ଆଜ୍ଞା ଉଡେଲି ହାରେକା ନେହିଁ ତଞ୍ଜିକିୟାନୁ,

୨୪ ସାମା ମା ଅଜ୍ଞିତି ଆଜ୍ଞା ଉଡେଲି ନେହିଁ କିଁ ତଞ୍ଜା ଆନାୟି ଲଡ଼ା ଆଏ,

୨୫ ସାମା ଏନିକିଁ ଆଜ୍ଞାତି ବିତ୍ରା ଗଡ଼ହା ଆଏ, ଇଞ୍ଜାଁ ଆଜ୍ଞାତି ବାଗାୟାଁ ସମାନା ତଲେ ବାରେଜାଣାତି ନେହାଁଣି ଅଣ୍ଡିନୁ । ଏଦାଆଁତାକି ଲଡ଼ାହିଲିଆ ଆଜ୍ଞାତି ହାରେକା ଅଜ୍ଞି କିହାନା ମାହାପୁରୁ ଜାଟୁ କିହାମାନେସି ।

୨୬ ଏଦାଆଁତାକି ର ଆଜ୍ଞା କସ୍ତ୍ର ବେଟାଆଡ଼ିସାରେ ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର ଆଜ୍ଞା ଗାଞ୍ଜୁରମି ବେଟାଆଡ଼ିସାରେ ବାରେ ଆଜ୍ଞା ତାନିତଲେ ରାହାଁ କିନୁ ।

୨୭ ଏଲେକିହିଁଏ ମାରୁ କ୍ରୀସ୍ତୁତି ଆଜ୍ଞାତି ବାଗାୟାଁତେରି, ଅଡେ ର ର ଲକୁ ର ର ଆଜ୍ଞାତି ବାଗାୟାଁ ଲେହେଁ ।

୨୮ \*ଅଡେ ମାହାପୁରୁ କୁଲମିତା ତଲିଏ ପାଣ୍ଡୁଞ୍ଜି ଆଡ଼ାରାଇ, ଇଞ୍ଜାଁ ତାୟାଁ ମାହାପୁରୁ ଅଣ୍ଡିପୁତି ବଲୁ ଝେହ୍ନାରାଇ, ତାୟାଁ ଜାପ୍ନାରାଇ, ଏଲେକିହିଁ ହାରେକା ଲକୁଣି ନିପୁହାମାନେସି; ଅଡେ କାବାଆନି କାମା କିନାରାଇ, ତାୟାଁ ରଗଟି ନେହିଁ କିନାରାଇ, ଇଞ୍ଜାଁ ଲକୁଇଁ ସାୟେମି କିନାୟି, ସାଲଞ୍ଜି କିନାରି ବାଡ଼ୟୁ ଅଡେ ଏଟକାତି ପୁନାଆତି ହାଡ଼ା ଜଲିନି ଦାନା ହାହାମାନେସି ।

୨୯ ବାରେଜାଣା କି ପାଣ୍ଡୁଞ୍ଜି ଆହାମାନାରି ? ବାରେଜାଣା କି ମାହାପୁରୁ ଅଣ୍ଡିପୁତି ବଲୁ ଝେହ୍ନାରି ? ବାରେଜାଣା କି ଜାପ୍ନାରି ? ବାରେଜାଣା କି କାବାଆନି କାମାକିନାରି ?

୩୦ ବାରେଜାଣା କି ନେହିଁ କିନି ବାଡ଼ୟୁତି ଦାନା ବେଟା ଆହାମାନାରି ? ବାରେ ଜାଣାକି ଏଟକା ହାଡ଼ାତଲେ ଜଲିନେରି ? ବାରେଜାଣା କି ଏଟକା ହାଡ଼ାତି ଅର୍ଡ଼ ଝେହ୍ନେରି ?

୩୧ ସାମା ବାରେତେରି ନେହିଁ ଦାନା ବେଟାଆହାଲି ଅଣ୍ଡିପାଦୁ, ସାମା ଏ ବାରେକିହିଁ ଅଡେ ହାରେକା ଆଗାଡ଼ା

ମାନି ର ନେହିଁ ଜିରୁ ତସିମାଜାଇ ।

### ୧୩

#### ଜୀଞ୍ଜୁନନାୟି

୧ ଇତିହିଁ ନାନୁ ମାଣ୍ଡିୟାଁ ଅଡେ ଦୁଡୁୟାଁ ହାଡ଼ାତଲେ ଜଲିକ୍, ସାମା ନା ଜୀଞ୍ଜୁନନାୟି ହିଲେଏ, ଆଡ଼ିହିଁ ନାନୁ ଟିଣି ଟିଣି ଆନି ଜିଣ୍ଡା ଅଡେ ଟାପୁଡ଼ି ଝେନି ହାଡ଼ାଲେହେ ତାଡେଏ ।

୨ \*ଇତିହିଁ ନାନୁ ମାହାପୁରୁ ଅଣ୍ଡିପୁତି ବଲୁ ଝେହ୍ନି ବାଡ଼ୟୁ ମାନେ, ଅଡେ ବାରେ ଡଗୁମାନାଣି ଇଞ୍ଜାଁ ବୁଦିତିକାତା ପୁନାଡେଏ, ଅଡେ ହରୁଇଁ ଏଟକା ଗୁଡି କିହାଲି ନାଜେ ହାରେକା ନାମୁ ମାତି ଜିକେଏ, ସାମା ନା ତାଣା ଜୀଞ୍ଜୁନନାୟି ହିଲେଏ, ଆଡ଼ିହିଁ ନାନୁ ଏନାଡେଏ ଆଏ ।

୩ ଇତିହିଁ ନାନୁ ହିଲିଆଗାଟି ଲକୁଡାକି ଡିଞ୍ଜାଲି ବାରେ ଦନ ହାଇ, ଅଡେ ନାନୁ ନା ଆଜ୍ଞାତି ଝେହାଲି ତାକି ହେରପିକ୍, ସାମା ନା ତାଣା ଜୀଞ୍ଜୁନନାୟି ହିଲେଏ ଇତିହିଁ ନାଡ଼ି ଏନି ଲାବା ଆଏ ।

୪ ଜୀଞ୍ଜୁନନାୟି ଅରୁହିନାୟି, ଜୀଞ୍ଜୁନନାୟି ନେହାଁଣି ଅଣ୍ଡିନାୟି, ତାହାରା କିଆଗାଟାୟି, ବଡପଣ ଆଆଗାଟାୟି, ଆଜ୍ଞାରା କିଆଗାଟାୟି ।

୫ ଲାଗେଏ କିହିଁ ଲେମ୍ବେଏ, ଜାହାରା ତାକି ଅଣ୍ଡିପେଏ, ବିରିବିରା ଆଏ, ଲାଗେଏ କିହାଲି ଅଣ୍ଡିପୁତା ଇଟେଏ ।

୬ ଲାଗେଏଡ଼ି କାମାତାକି ରାହାଁ ଆଆଗାଟାୟି, ସାମା ସାତାତା ରାହାଁ କିନାୟି;

୭ ଜୀଞ୍ଜୁ ନନିତାଣା ବାରେ ଅରୁହିନାୟି, ବାରେ ତାଣା ନାନିନାୟି, ବାରେ ତାଣା ବାସୁଁ ହାନାୟି, ବାରେ କାତାତା ସାସା ଆହନାୟି ।

୮ ଜୀଞ୍ଜୁନନାୟି ଏଚେଲା ରାଏ; ସାମା ମାହାପୁରୁ ଅଣ୍ଡିପୁତି ବଲୁ ଝେକ୍‌ହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାତି ଜିକେଏ ଏଡ଼ି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଡ଼ି ମେଣ୍ଡାଜାହାନେ ।

୯ ଇତିହିଁ ମାର ରଚାଣିଏ ପୁନାୟି ଅଡେ ମାହାପୁରୁ ଅଣ୍ଡିପୁତି ବଲୁ ଇଚେକେଏ ଝେକ୍‌ହାଲି ଆଡ଼ିନାୟି ।

୧୦ ସାମା ପୁରା ଆନାୟି ଝାଡ଼ିହିଁ ଉଜେଏତାୟି ମେଣ୍ଡାଜାହାନେ ।

୧୧ ନାନୁ ଉଣା ମାତିବେଲା ଉଣା କକାରି ଲେହେଁ ଜଲି ମାଚେଏ, ଉଣା କକାରି ଲେହେଁ ଅଣ୍ଡିମାଚେଏ, ଉଣା କକାରି ଲେହେଁ ପୁଞ୍ଜିମାଚେଏ; ନାନୁ ପାତାଆଡ଼ି ମାଣ୍ଡି ଆୟାଲିଏ ନାନୁ ଉଣା କକାରି କାତା ପିସାଡୁସେଏ ।

୧୨ ଇତିହିଁ ନୀଏଁ ମାର ଡଗୁମାନି କାତା ଲେହେଁଡ଼ି ଦାପେଣିତା ମେସିମାନାୟି, ସାମା ଏଚିବେଲା ମୁମୁ ମୁମୁଡୁ ମେସିପି ଆନାୟି; ନୀଏଁ ନାନୁ ଏନିକିଁ ପୁଞ୍ଜାମାଇ, ସାମା ଏଚିବେଲା ନାଜେ ଏନିକିଁ ପୁଞ୍ଜାମାଜାନେସି, ନାନୁ ଜିକେଏ ଏଲେକିଁ ତାୟାଁ ପୁଇଁ ।

\* ୧୨:୨୮ ଏପିସି ୪:୧୧ \* ୧୩:୨ ମାତି ୧୭:୨୦; ୨୧:୨୧; ମାର୍କ ୧୧:୨୩

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଇ ତାନିଗଟା କାରେକିଏତାଇ, ସାମା ଇ ବିତ୍ରାଟି ଜୀଝୁନନାୟି ବାରେକିହାଁ କାଜାୟି ।

### ୧୪

#### ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେକି କିହାଁ ଏନିକିଁ ମାହାପୁରୁ ଅଣ୍ଟପୁତି ବଲୁ ଝେକିହାଲି ଆଡ଼ିଦେରି, ଇଦାଆଁତାକି ହାରେକା ଅଣ୍ଟପାଦୁ ।

୨ ଇତିହିଁ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଝାସି ମାଣ୍ଡସିୟାଁଇଁ ଜଲୁଅସି, ସାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଝାସି ସୁଦୁଜୀଝୁ ବାଡ଼ୁରୁଟି ଡ଼ଗୁମାନାଣି ଝେହନେସି ।

୩ ସାମା ଆମ୍ବାଆସି ମାହାପୁରୁ ଅଣ୍ଟପୁତି ବଲୁ ଝେହନେସି, ଏଝାସି ଲକୁଇଁ ସାଢ଼େମି କିହାନା, ସାସା ଅଡ଼େ ବାସୁତି କାତା ଝେହନେସି ।

୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଝାସି ଜାହାରା ନାମୁତା ପାଡ଼ିକିହାଁ କଡ଼ିନେସି, ସାମା ଆମ୍ବାଆସି ମାହାପୁରୁ ଅଣ୍ଟପୁତି ବଲୁ ଝେକନେସି ଏଝାସି କୁଲମିଇଁ ନାମୁତା ପାଡ଼ିକିନେସି ।

୫ ମୀରୁ ବାରେକେଟେରି ଏଟକା ହାଡ଼ାତଲେ ଜଲୁଦୁ ଇଞ୍ଜିଁ ନା ଅଣ୍ଟପୁ, ସାମା ମୀରୁ ମାହାପୁରୁ ଅଣ୍ଟପୁତି ବଲୁ ଝେହନୁ ଇଦି ହାରେକା ନା ଅଣ୍ଟପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଝାସି କୁଲମିତି ପାଡ଼ିକିହାଲି ଏ କାତାତି ଅର୍ତ୍ତ ଝେହଅସି ଇତିହିଁ ଏଦାଣିକିହାଁ ଆମ୍ବାଆସି ମାହାପୁରୁ ଅଣ୍ଟପୁତି ବଲୁ ଝେକନେସି ଏଝାସି କାଜାସି ।

୬ ଏଦାଆଁତାକି ତାୟିୟାଁତେରି ନାନୁ ମୀ ତାଣା ଝାହାନା ମାହାପୁରୁତି ଝେକିହି ବଲୁ, ବୁଦିତିକାତା, ମାହାପୁରୁ ଅଣ୍ଟପୁତି କାତା ଝେକନାଣି କି ଜାପୁନି କାତା ଝେହଆନା, ଏଟକା ଏଟକାତି ହାଡ଼ାତଲେ ଜଲିଇଁ, ଆତିହିଁ ଏମ୍ବାଆଁ ନାନୁ ମୀ ଏନି ଲାବା କିତେସି ।

୭ ପୀରୁଡ଼ି ଅଡ଼େ ସେରୁଞ୍ଜିଁ ଲେହେଁତି ଜୀଝୁ ହିଲାଆଗାଟି ବାଜାୟାଁ ଉକିତିହିଁ ଜିକେଏ ଏମ୍ବାଆଁ ତାନି ତିସା ହିଏ ଇତିହିଁ ପୀରୁଡ଼ି ଏନିକିଁ ଡ଼ାହିମାନେ ସେରୁଞ୍ଜିଁ ଏନିକିଁ ଡ଼ାହିମାନେ ଏଦାନି ତିସା ଏନିକିଁ ପୁନେରି ?

୮ ଇଞ୍ଜାଁ ତୀତ୍ରି ଉକିନାସି ନେହିଁକିଁ ଉକଅସି ଆତିହିଁ ଆମ୍ବାଆସି ଜୁଜୁ ତାକି ତିୟାଆ ଆନେସି ।

୯ ଏଲେକିହିଁଏ ମୀରୁ ଜିକେଏ ଏଟକା ହାଡ଼ାତଲେ ନେହିଁ ତୀରିତଲେ ଜଲୁଅତେରି, ମୀରୁ ଏନାଆଁ ଜଲିତେରି ଏନିକିଁ ପୁନେରି, ଇତିହିଁ ମୀରୁ ଜଲିନାୟି ଗାଲିତି ଜଲିନିଲେହେଁ ଆନେ ।

୧୦ ଦାରୁଡ଼ିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲାଆଗାଟାଇ ଆଏ ।

୧୧ ସାମା ନାନୁ ଏ ଜଲିନି ହାଡ଼ା ତେଲହଅଁ ଆତିହିଁ ଆମ୍ବାଆସି ଜଲିନେସି ନାନୁ ଏଝାଣାକି ପୁନାଆତାତେସି

ଲେହେଁ ଆଇଁ, ଅଡ଼େ ଏଝାସି ନା ତାଣାଟି ପୁନାଆତାସି ଲେହେଁ ଆନେସି ।

୧୨ ଏଲେକିହିଁଏ ମୀରୁ ଜିକେଏ ଜୀଝୁତି ଦାନା ବେଟାଆହାଲି ଅଣ୍ଟପି ମାନାକି କୁଲମିତି ପାଡ଼ିକିହାଲି ଗାଡ଼ି ବେଟାଆହାଲି ଅଣ୍ଟପାଦୁ ।

୧୩ ଆମ୍ବାଆସି ଏଟକାତି ହାଡ଼ାତଲେ ଜଲିନେସି, ଏଝାସି ଏନିକିଁ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାତାନା କିପେସି ।

୧୪ ଇତିହିଁ ନାନୁ ଏଟକା ହାଡ଼ାତଲେ ପ୍ରାତାନା କିଇଁ, ଇତିହିଁ ନା ଜୀଝୁ ପ୍ରାତାନା କିନେ, ସାମା ନା ଅଣ୍ଟପୁ ଏମ୍ବାତି ଏନି ଲାବା ହିଲେଏ ।

୧୫ ଆତିହିଁ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାତାନା କିଇଁ; ଇଞ୍ଜାଁ ବୁଦିତଲେ ଜିକେଏ ପ୍ରାତାନା କିଇଁ; ସୁଦୁଜୀଝୁ ତଲେ ଜହରା ପାରୁ ପାଡ଼ିଇଁ, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଇଁ ।

୧୬ ନୀନୁ ଝାରଇ ସୁଦୁଜୀଝୁ ତଲେ ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକିଁ ନୀ ପ୍ରାତାନାତା ତାୟୁ ଆନେନି ଇନେସି ।

୧୭ ଇତିହିଁ ନୀନୁ ନେହିଁକିଁ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଟକାତାସି ପାତାଆଅସି ।

୧୮ ନାନୁ ମୀ ବାରେକିହାଁ ହାରେକା ଗାଡ଼ି ଏଟକାତି ହାଡ଼ାତଲେ ଜଲିଇଁ ଇଞ୍ଜିଁ ନାନୁ ମାହାପୁରୁଇଁ ଜହରା କିହିମାଞ୍ଜି;

୧୯ ଆଡ଼ିଜିକେଏ ନାନୁ ଏନିକିଁ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ ମାଣା ଏଟକାତି କାତାୟାଁ ଜଲିନି କିହାଁ ବୁଦିତଲେ ପାସାଗଟା କାତା ଝେହନାୟି ନେହେଁ ।

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଡ଼େଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣ୍ଟପୁତା ପାତାଆଡ଼ି ଲକୁଲେହେଁ ଆଦୁ ।

୨୧ ମସା ମେରାତା ରାସ୍‌କି ଆହାମାନେ, “ପ୍ରବୁ ଏଲେ ଇଞ୍ଜିମାନେସି, ଏଟକା ଦେସାତି ଜଲିମାନି ହାଡ଼ାତଲେ, ଏଟକା ଲକୁତି ଗୁଡ଼ି ତଲେ

ନାନୁ ଇ ଲକୁଣି ଜଲିଇଁ, ଆଡ଼ିଜିକେଏ ଏଝାରି ନା କାତା ଝେନଅରି ।”

୨୨ ଏଦାଆଁତାକି ଏଟକା ହାଡ଼ାତଲେ ଜଲିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ ଗାଟାରାକି ସିନା ସମାନା; ଅଡ଼େ ଅରଝାକି ମାହାପୁରୁ ଅଣ୍ଟପୁତି ବଲୁ ଝେକନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମିନାରାକି ସିନା ସମାନା ।

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହିଁ, ଇଞ୍ଜାଁ ବାରେଜାଣା ଏଟକା ଏଟକା ହାଡ଼ାତଲେ ଜଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ ଝାନେରି, ଆତିହିଁ ମିଙ୍ଗେ ବାୟା ଆଡ଼ାରି ଇଞ୍ଜିଁ ଇନଅରି କି ?

୨୪ ସାମା ବାରେଜାଣା ମାହାପୁର ଅଣ୍ଟପୁତି ବଲୁ ଝେକ୍‌ନେରି, ରଅସି ପୁନାଆତାସି କି ନାମାଆତାସି ଝାନ୍‌ନେସି, ଆତିହୁଁ ଏଝାସି ନାନୁ ପାପୁ ଗାଟାତେଏଁ ଇଞ୍ଜି ପୁଞ୍ଜା କଡିନେସି ଅଡେ ଏଝାସି ବାରେ ଲକୁତାଣା ଦହଗାଟାସି ଇଞ୍ଜି ବିଚାରା ଆନ୍‌ନେସି ।

୨୫ ଅଡେ ତାନି ହିୟାଁତା ତଗୁମାନି ପାପୁତି ଅଣ୍ଟପୁ ବାରେ ତଞ୍ଜାଆନ୍‌ନେ; ଇଞ୍ଜା ଏଝାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜା “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜି ଇନେସି ।”

**କୁଲମିତି ମେରା**

୨୬ ଏଦାଆଁତାକି ଏ ତାୟିୟାଁ ଅଡେ ତାଞ୍ଜିସ୍ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍ବାଆରି ର ପାରୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲୁ ଝେକ୍‌ନାୟି, ଆମ୍ବାଆରି ଏଟକା ଏଟକାତି ହାଡା ଜଲିନାୟି, ଆମ୍ବାଆରି ହାଡାତି ଅର୍ତ ପୁଣ୍ଡିକିନାୟି, ଇଲେକିଁ ବାରେତାକି ଏନାୟି ଆଆତ ଏନାୟି ମାନେ, ଇ ବାରେ କୁଲମିତି ପାଡିକିହାଲି କିଝିଆଡେ ।

୨୭ ଆମ୍ବାଆରି ଏଟକା ହାଡାତଲେ ଜଲିନେରି ଇତିହୁଁ ରିଆରି ଆଆତ ତାନିଜାଣା ପାଲି କିହୁଁ ଜଲ୍ଲାପେରି ଅଡେ ରଅସି ତାନି ଅର୍ତ ଝେସପାସି ।

୨୮ ସାମା ଆମ୍ବାଆସି ଅର୍ତ ତେଲୁହି କିନାସି ହିଲଅସି ଇତିହୁଁ ଏଝାସି କୁଲମିତା ପାଲେଏ ମାଣ୍ଡେସି, ଇଞ୍ଜା ତାନୁ ତାନି ହିୟାଁତା ମାହାପୁରୁଇଁ ଝେସପାସି ।

୨୯ ଅଡେ ରିଆରି କି ତାନି ଜାଣା ମାହାପୁରୁ ଅଣ୍ଟପୁତି ବଲୁ ଝେସପେରି, ଅଡେ ଏଟକାତାରି ଝେସିମାନାଣି ନେହୁଁ କିଁ ଝେଣ୍ଡାରି ।

୩୦ ସାମା ଏମ୍ବାଆଁ କୁଗାମାନାରି ବିତ୍ରା ଆମ୍ବାଆରାକି ମାହାପୁରୁତି ଏନି ବଲୁ ଝାଡିସାରେ ନଟକେଏ ଝେସିମାନାସି ପାଲେଏ ମାଣ୍ଡେସି ।

୩୧ ଇତିହୁଁ ଏନିକିଁ ବାରେଜାଣା ଜାପିନେରି, ଇଞ୍ଜା ବାରେଜାଣା ସେଡନା ଆନ୍‌ନେରି, ଏଦାଆଁତାକି ରଅ ରଅତେରି ମାହାପୁରୁ ଅଣ୍ଟପୁତି ବଲୁ ଝେସାଲି ଆଡିଦେରି ।

୩୨ ସାମା ମାହାପୁରୁତି ବଲୁ ଝେହନି ବାଡୁୟୁ ଝେହନାଣି ତାଣାଟି ଲପୁକି ଆନାୟି ମାନେ ।

୩୩ ଏନାଆଁତାକି ଇତିହୁଁ ମାହାପୁରୁ ଗଡହା କିନି ମାହାପୁରୁ ଆଏ, ସାମା ହିଡଡିତି ମାହାପୁରୁ । ଏନିକିଁ ମାହାପୁରୁ ସୁନୁ ଲକୁତି କୁଲମିତା ଆନ୍‌ନେ ।

୩୪ ଏଲେକିଁ ଇୟାସିକା କୁଲମିତା ପାଲେଏ ମାଣ୍ଡେସି, ଇତିହୁଁ କାତା ଜଲ୍ଲାଲି ଏଝି ହେଲ ବେଟା ଆହାହିଲାଡ, ମସା ମେରାତା ରାସ୍‌କି ଆହାମାନି ଲେହେଁ ଏଝି ମାନି ତଲେ ମାନାପୁ ।

୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଟପିତିହୁଁ, ତାନି ଇଜ ତାନି ତକ୍ରାୟାଁଣି ଝେଣ୍ଡେସି ଇତିହୁଁ କୁଲମିତା କାତା ଜଲିନାୟି ଇୟାନାକି ଲାଜାତି କାତା ।

୩୬ ମାହାପୁରୁତି ବଲୁ ମୀ ତାଣାଟି ହଟାମାନେ କି ? ଇଞ୍ଜା ଝାରୁଇ ମିଙ୍ଗେତାକି ଝାହାମାନେ କି ?

୩୭ ଆମ୍ବାଆସି ନାନୁ ମାହାପୁରୁ ଅଣ୍ଟପୁତି ବଲୁ ଝେହନାତେଏଁ, ଇଞ୍ଜା ନେହୁଁ ଜୀଝୁତି ଦାନା ବେଟାଆହାମାଲୁ ଇଞ୍ଜି ଅଣ୍ଟପିନେସି, ଆତିହୁଁ ନାନୁ ମିଙ୍ଗ ଏନା ଏନାଆଁ ରାଟିମାଞ୍ଜାଲୁ, ଏଡି ବାରେ ମାହାପୁରୁତି ହୁକୁମି ଏଦାଆଁ ଏଝାସି ପୁନାପେସି ।

୩୮ ସାମା ଆମ୍ବାଆସି ତେଲୁହଅସି ଆତିହୁଁ ଏଝାସି ଏନାଆଁ ତେଲୁହାଆନା ମାନାପେସି ।

୩୯ ଏଦାଆଁତାକି ତାୟିୟାଁ, ମାହାପୁରୁ ଅଣ୍ଟପୁତି ବଲୁ ଝେକ୍‌ହାଲି ଅଣ୍ଟପେମାଞ୍ଜୁ; ଇଞ୍ଜା ଏଟକାତି ହାଡା ଜଲ୍ଲାଲି କାହିକିଆଦୁ ।

୪୦ ସାମା ବାରେ କାମା ନେହୁଁ ତଲେ ସୁସ୍ତି ତଲେ କିନାୟିମାନେ ।

**୧୫**

**କ୍ରୀସ୍ତ ହାକିଟି ନିଙ୍ଗିନାୟି**

୧ ନା ତାୟିୟାଁ ଅଡେ ତାଞ୍ଜିସ୍ତାତେରି, ନାନୁ ମୀ ତାଣା ଆମିନି ନେହୁଁ କାରୁ ଝେକ୍‌ହାମାଚେଏଁ, ଆମିନି କାରୁ ମୀରୁ ତାରିତଲେ ଆସାମାଚେରି ଆମିନି ତାଣା ତାରିତଲେ ମାଞ୍ଜାମାଞ୍ଜେରି, ନାନୁ ଏନିକିଁ ମୀ ତାଣା ଝେକ୍‌ହାମାଚେଏଁ, ଏଦାଆଁ ମିଙ୍ଗେ ଅଣ୍ଟପି କିହିମାଞ୍ଜାଲୁ ।

୨ ମିଙ୍ଗେ ଝେକ୍‌ହା ମାଞ୍ଜାନି ନେହୁଁ କାରୁ ମୀରୁ ଜାଣ୍ଡେ ଆସା ମାଟିହୁଁ, ଇ ନେହୁଁ ବଲୁ ତାକି ମୀରୁ ଗେଲୁପି ଆହାମାଞ୍ଜେରି, ଆଆତ ମୀରୁ ଉଜେଏ ନାମୁ ଗାଟାତେରି ଆହାମାଚେରି ।

୩ ଇତିହୁଁ ନାନୁ ଆମିନି ଜାପୁନାଣି ବେଟା ଆହାମାଚେଏଁ, ଏ ବିତ୍ରାଟି ଇ କାଜା କାତା ମିଙ୍ଗେ ହାହାମାଞ୍ଜାତେଏଁ, ଇତିହୁଁ କ୍ରୀସ୍ତ ଦାମ୍‌ପୁ ପତିତା ରାସ୍‌କି ଆହାମାନି ଲେହେଁ ମା ପାପୁ ତାକି ହାଡେସି ।

୪ \*ମୁସ୍‌ପି ଆଡେସି, ଇଞ୍ଜା ଦାମ୍‌ପୁ ପତିତା ରାସ୍‌କି ଆହାମାନି ଲେହେଁ; ତାନିଦିନା ତାୟୁ ହାକିଟି ଝେଣ୍ଡେ ନିଙ୍ଗିତେସି ।

୫ \*ଏଝାସି କେପା\* ଅଡେ ବାରେଜାଣା ସୀସୁୟାଣି ତଞ୍ଜାଆଡେସି ।

୬ ତାୟୁ ରଣ୍ଡିଏ ଦେବା ପାସା ଝାଞ୍ଜାଟିଏ ଆଗାଡା ତାନି ଜେଟ ହାନି ତାୟିୟାଁଲୁ ତଞ୍ଜାଆଡେସି; ଏଝାରି ବିତ୍ରାଟି ହାରେକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏତେକା ଲକୁ ହାହାମାନେରି ।

୭ ଏତେଟିଏ ଏଝାସି ଜାକୁବଇଁ ଇଞ୍ଜା ତାୟୁ ବାରେ ପାଣ୍ଡୁଝି ଆଡାରାଇଁ ତଞ୍ଜାଆଡେସି ।

☆ ୧୫:୪ ମାଟି ୧୨:୪୦; କାମା ୨:୨୪-୩୨ ☆ ୧୫:୫ ଲୁକ ୨୪:୩୪; ମାଟି ୨୮:୧୭,୧୭; ମାର୍କ ୧୨:୧୪; ଲୁକ ୨୪:୩୭; ଜହ ୨୦:୧୯ \* ୧୫:୫ ପିତର ☆ ୧୫:୮ କାମା ୯:୩-୭ ☆ ୧୫:୯ କାମା ୮:୩

୮ \*ବାରେଡି ତାୟୁ ଲେଖୁ ପୁରାଆଧାନା ଜାନ୍ନାଆଡି ଲେହେଁ ତାଡେଏଁ ନାଙ୍ଗେ ଜିକେଏ ତଞ୍ଜା ଆୟାଡେସି ।

୯ \*ଇଚିହୁଁ ମାହାପୁରୁତି କୁଲମିତି ଲକୁଇଁ ସାସ୍ତି ହାହିମାଚାକି ପାଣ୍ଡୁଓ ଆହାମାନାରି ତାଣା ବାରେକିହାଁ ନାନୁ ଉଣାଡେଏଁ, ଇଞ୍ଜା ପାଣ୍ଡୁଓଆହାମାନି ଦରୁ ବେଟାଆହାଲି ପାଡା ଆଆଗାଟାଡେଏଁ ।

୧୦ ସାମା ନାନୁ ଏଡି ଆହାମାଇଁ, ଏଡି ମାହାପୁରୁ କାର୍ମାମେହନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଇଁ, ଆଡିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହନାୟି ଏଦାଆଁ କିହାମାନେ ।

୧୧ ଏଦାଆଁତାକି ନାନୁ ଆପେ କି ଏଞ୍ଜାରି ଆପେରି ଏଲେକିହୁଁ ମାମ୍ବୁ ଝେସିମାନମି ଅଡେ ମାରୁ ଜିକେଏ ଏଲେକିହୁଁ ନାମାମାଞ୍ଜେରି ।

**ମାର ହାକିତି ନିଜ୍ଜାନାୟି**

୧୨ କ୍ରୀସ୍ତ ହାକିତି ନିଜ୍ଜାମାନେସି ଇଞ୍ଜୁଁ ଇ କାବୁ ଝେସ୍ପି ଆହିମାନେ, ଆତିହୁଁ ହାଡାରି ଝେଣ୍ଡେ ନିଜ୍ଜାନାୟି ହିଲେଏ ଇଞ୍ଜୁଁ ଏଡିକୁଁ ମୀ ବିଦ୍ରାଟି ଏଚରଜାଣା ଏଲେ ଇଞ୍ଜିମାନେରି ?

୧୩ ହାଡାରି ଝେଣ୍ଡେ ନିଜ୍ଜାନାୟି ହିଲେଏ, ଇଚିହୁଁ କ୍ରୀସ୍ତ ଜିକେଏ ଝେଣ୍ଡେ ନିଜ୍ଜା ହିଲଅସି ।

୧୪ ଇଞ୍ଜା କ୍ରୀସ୍ତ ହାକିତି ଝେଣ୍ଡେ ନିଜ୍ଜା ହିଲଅସି, ମାମ୍ବୁ ଝେକ୍‌ହିମାନାୟି ବାରେ ଉଜେଏତାୟି, ଅଡେ ମୀ ନାମ୍ବୁ ଜିକେଏ ଉଜେଏତାୟି ।

୧୫ ଅଡେ ମାମ୍ବୁ ମାହାପୁରୁତି ମିତି ଝେହନିଲେହେଁ ତଞ୍ଜାଆଡେ, ଏନାଆଁତାକି ଇଚିହୁଁ ମାମ୍ବୁ ମାହାପୁରୁ କପାଟି ଇ କାତା ସାକି ହୀତମିମା କି କ୍ରୀସ୍ତଇଁ ନିକହାମାନେସି, ସାମା ହାଡାରି ନିଜ୍ଜାଅରି, ଆତିହୁଁ ଏଞ୍ଜାସି କ୍ରୀସ୍ତଇଁ ଜିକେଏ ନିକହା ହିଲଅସି ।

୧୬ ଏଲେଆହୁଁ ହାଡାରି ନିଜ୍ଜାହିଲଅରି, ଆତିହୁଁ କ୍ରୀସ୍ତ ଜିକେଏ ନିଜ୍ଜା ହିଲଅସି ।

୧୭ ଇଞ୍ଜା କ୍ରୀସ୍ତ ନିଜ୍ଜା ହିଲଅସି ଇଚିହୁଁ ମୀ ନାମ୍ବୁ ଜିକେଏ ଉଜେଏତାୟି ଆନେ, ଇଞ୍ଜା ମୀରୁ ନାଏଁ ପାଡେକା ମୀ ପାପୁ ତଲେ ମାଞ୍ଜାମାଞ୍ଜେରି ।

୧୮ ଆତିହୁଁ ଆମ୍ବାଆରି କ୍ରୀସ୍ତ ତାଣା ନାମାମାଞ୍ଜାନା ହାହାମାନେରି, ଏଞ୍ଜାରି ଜିକେଏ ନାସା ଆହାମାନେରି ।

୧୯ ମାରୁ ଝାରୁଇ ଇ ଜୀଝୁତାକି କ୍ରୀସ୍ତଇଁ ଆସା କିହିମାନାୟି, ଆତିହୁଁ ମାରୁ ବାରେ ମାଣ୍ଡିୟାଁ କିହାଁ କାର୍ମା ହିଲାଆଗାଟାତାୟି ।

୨୦ ସାମା ସାତାତଲେ କ୍ରୀସ୍ତ ହାଡି ଲକୁତି ମୁଲୁତି ପାଡେୟି ଲେହେଁ ହାଡାରି ବିଦ୍ରାଟି ଝେଣ୍ଡେ ନିଜ୍ଜାମାନେସି ।

୨୧ ଇଚିହୁଁ ମାଣ୍ଡି ତାଣାଟି ହାନାୟି ଝାହାମାନାକି ଅଡେ ମାଣ୍ଡି ତାଣାଟିଏ ହାଡାରି ବିଦ୍ରାଟି ଝେଣ୍ଡେ ନିଜ୍ଜାନାୟି ଜିକେଏ ଝାହାମାନେ ।

୨୨ ଇଚିହୁଁ ଆଦମ ତାଣାଟି ବାରେ ମାଣ୍ଡିକି ହାକି ଝାଡେ, ଏଲେକିହୁଁଏ କ୍ରୀସ୍ତ ତାଣାଟି ବାରେଜାଣା ଜୀଝୁ ବେଟାଆନେରି ।

୨୩ ସାମା ବାରେଜାଣା ତାନି ପାଲି ଏତିସାରେ ତଲିତି ପାଡେୟି କ୍ରୀସ୍ତ, ତାୟୁ କ୍ରୀସ୍ତତି ଝାନ୍ତିଦିନାତି କାଟାମାନାରି ଝେଣ୍ଡେ ନିଜ୍ଜାନେରି ।

୨୪ ଏଚେଟିଏ ଜୁଗୁ ରାନ୍ତି ଦିନା ଝାଡେ, ଏଚିବେଲାତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡୁୟୁ ମ୍ବେକ୍‌ହି ତାୟୁ ଆବା ମାହାପୁରୁକି ସାଲଓ କିନି ପାଣା ହେରୁପିନେସି ।

୨୫ ମାହାପୁରୁ ବାରେ ସାତୁୟାଁଇଁ ହାରୁଓ କିହାଁ କ୍ରୀସ୍ତତି କତାୟାଁ ତୁଇ ଇଟାଆ ପାଡେକା ଏଞ୍ଜାସି ସାଲଓ କିନାୟିମାନେ ।

୨୬ ତାୟୁତି ସାତୁ ସମାନା ହାକିତି ଜିକେଏ ମ୍ବେକ୍‌ନାୟି ମାନେ;

୨୭ ଏନାଆଁତାକି ଇଚିହୁଁ ଦାର୍ମପତିତା ରାସ୍ତକି ଆହାମାନେ, “ମାହାପୁରୁ ବାରେଡି ତାନି କଡାଁ ତୁଇ ଲକ୍‌ନେସି,” ଇଞ୍ଜା ଏଚେତା ଏଞ୍ଜାସି ଏଲେଇନେସି, “ବାରେ ଲକ୍‌ହାମାନେସି,” ଏଡି ସାତା କ୍ରୀସ୍ତ ବାରେ ତାନୁ ଲକ୍‌ହେସି, ଏ ବାରେ ତାଣା ତାନୁ ଆଣ୍ଡା ହାଲଅସି ।

୨୮ ଅଡେ ବାରେଡି କ୍ରୀସ୍ତ କତାୟାଁ ତୁଇ ଲକ୍‌ହି ଜେଟ, ଆମ୍ବାଆସି ବାରେଡି ତାନି ତାଣା ଲକ୍‌ହେସି, ମୀରୁଏସି ଜିକେଏ ତାନି ଆବା ମାହାପୁରୁ ତୁଇ ତୁୟିନେସି; ଅଡେ ମାହାପୁରୁ ବାରେଡି ଲାକ ସାଲଓ କିନେସି ।

୨୯ ହାଡାରି ନିଜ୍ଜାଆସାରେ, ଆମ୍ବାଆରି ହାଡାରି ତାକି ବାପ୍ତିସ୍ତାଁ ଅନେରି, ଏଞ୍ଜାରି ଏନାଆଁ କିନେରି ? ଆତିହୁଁ ହାଡାରି ନିଜ୍ଜାଆସାରେ, ଏଞ୍ଜାରି ତାକି ଏନାଆଁତାକି ବାପ୍ତିସ୍ତାଁ ଆନେରି ।

୩୦ ଅଡେ ମାରୁ ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନ୍ତି ତାଣା ହାନାୟି ?

୩୧ ତାୟିୟାଁ ଅଡେ ତାଜିସ୍ତାତେରି, ମା ପୁରୁ କ୍ରୀସ୍ତ ତାଣା ମିଙ୍ଗେତାକି ନାନୁ ଆମିନି ବତପଣ ଆହିମାଇଁ, ଏମ୍ବାତି ମାନ୍ତି କିହାଁ ଏଲେ ଇଞ୍ଜିମାଇଁ, ନାନୁ ବାରେଦିନା ହାନ୍ତିଲେହେଁତି କସ୍ତ ବେଟାଆହିମାଇଁ ।

୩୨ ଇଚିହୁଁ ମାଣ୍ଡିକି ଅଣ୍ଡିନି ଲେହେଁ ଏପିସିୟ ଗାଡାତା ନାନୁ ଝାରୁଇ “ଜାଡା ଜଡୁୟାଁ” ତଲେ ଜୁଡୁ କିହାମାଇଁ, ଆତିହୁଁ ଏମ୍ବାଆଁ ନାଙ୍ଗେ “ଏଡି ଲାବା ?” ସାମା ହାଡାରି ନିଜ୍ଜାଅରି, “ଆତିହୁଁ ଝାଦୁ ମାରୁ ତିନ ଉନ ଇଚିହୁଁ ଓଏ ମାରୁ ହାନାୟି ।”

୩୩ ମୀରୁ ନାଡି ଆଆଦୁ, “ଇଚିହୁଁ ପଲ୍‌ଆ ଗାଟାରି ତଡୁ ନେହୁଁ ଲକୁତି ଗୁଣୁ ନସ୍ତ କିନେ ।”

୩୪ ମୀରୁ ନେହୁଁ କୁଁ ଜାଗ୍ରାତା ଆଦୁ, ପାପୁ କିଆଦୁ, ଇଚିହୁଁ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ରୁଦି ହିଲେଏ; ନାନୁ ମୀ ଲାଜା ତାକି ଇ କାତା ଝେସିମାଞ୍ଜାଇଁ ।

**ହାକିତି ଝେଣ୍ଡେ ନିଜ୍ଜାନି ଆଜା**

† ୧୫:୨୯ ମୁଞ୍ଜିନାୟି



୩୫ ସାମା ଆମ୍ବାଆରି ଏଲେଇନେରି, “ହାଡ଼ାରି ଏନିକି ନିଜିନେରି ? ଏନିଲେହେତି ଆଜା ତଲେ ଏଞ୍ଜାରି ଖାନେରି ?”

୩୬ ବୁଦି ହିଲାଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଦି ହାଆସାରେ ଖେଣ୍ଡେ ଜୀଞ୍ଜୁଆହାଁ ଗଜା ଆଏ ।

୩୭ ଅଡ଼େ ଏମିନି ଆଜା ଆନେ ଏଦାଆଁ ମୀରୁ ମାଟିହିଲଅତେରି, ସାମା ଗହଁୟାଁ ଆପୁ କି ଏନି ଆନା ଆପେ, ଏଦି ପାଡ଼େୟି ଲେହେଁ ।

୩୮ ସାମା ମାହାପୁରୁ ତାନି ଅଣ୍ଟୁ ଲେହେଁ ଏଞ୍ଜାରକି ଆଜା ହାନେସି, ଅଡ଼େ ବାରେ ପାଡ଼େୟି ତାକି ତାନି ଆଜା ହାନେସି ।

୩୯ ବାରେ ଆଜା ରଣ୍ଡିଏ ରଲେଏତି ଆଜା ଆଏ, ସାମା ମାଣ୍ଡିୟାକି ରଲେତି ଆଜା, ଜଡ଼ିୟାକି ରଲେତି ଆଜା, ଅଡ଼େ ପଟାୟାକି ଅର ରଲେତି ଆଜା, ଅଡ଼େ ମାଣ୍ଡିକା ତାକି ଅର ରଲେତି ଆଜା ।

୪୦ ଲାକପୁରୁକି ଆଜା ମାନେ, ଅଡ଼େ ଦାର୍ତ୍ତିକି ଆଜା ଜିକେଏ ମାନେ, ଲାକପୁରୁତି ଆଜା ରଲେତି ଅଜୁ, ଅଡ଼େ ଦାର୍ତ୍ତିତି ଆଜାତି ଅଜୁ ଅର ରଲେତାୟି ।

୪୧ ଖେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାଡ଼ାରି ନିଜିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍ଟକି ଆନେ, ସାମା ନାସା ଆଆଗାଟାୟି ଲେହେଁ ନିଜିନେ;

୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍ଟକି ଆନେ ଏଦି ଗାଞ୍ଜୁରମି ତଲେ ନିଜିନେ; ବାଡ଼ୁୟା ହିଲାଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁୟା ଗାଟାୟି ଆହାଁ ନିଜିନେ ।

୪୪ ଇରୁଆତି ଆଜା ତଲେ ମୁସ୍ପିଆନେ ଜୀଞ୍ଜୁତି ଆଜା ତଲେ ନିଜିନେ; ସାମା ଇରୁଆତି ଆଜା ମାନେ ଇତିହଁ ଜୀଞ୍ଜୁତି ଆଜା ଜିକେଏ ମାନେ ।

୪୫ ଦାମ୍ପୁପତିତା ରାସ୍ପକି ଆହାମାନେ, ତଲିତି ମାଣ୍ଡି ଆଦମ ଜୀଞ୍ଜୁତି ମାଣ୍ଡି କିହଁ ଗାଡ଼ି ଆଡ଼େସି; ସାମା ତାୟୁତି ଆଦମ ପୁଣ୍ଡା ହାନି ଜୀଞ୍ଜୁ ଆଡ଼େସି ।

୪୬ ସାମା ଜୀଞ୍ଜୁ ଗାଟାସି ନଡ଼େଏ ଆଏ, ଆଜା ତଲେତାସି ନଡ଼େଏ, ଅଡ଼େ ତାୟୁ ଜୀଞ୍ଜୁ ଗାଟାସି ଆଡ଼େସି ।

୪୭ ନଡ଼େଏତି ମାଣ୍ଡି ଆଦମ ଦାର୍ତ୍ତିତି ମାନି ଇରୁଆ ତଲେ ଗାଡ଼ି ଆହାମାନେସି, ଅଡ଼େ ତାୟୁତି ମାଣ୍ଡି ଲାକପୁରୁଟି ଖାହାମାନେସି ।

୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଞ୍ଜାରି ଇରୁଆଟି ଗାଡ଼ି ଆଡ଼ି ଏ ମାଣ୍ଡିଲେହେଁ, ଇଞ୍ଜା ଆମ୍ବାଆରି ଲାକପୁରୁଟାରି ଏଞ୍ଜାରି ଲାକପୁରୁଟି ଖାହାମାନି ଏ ମାଣ୍ଡି ଲେହେଡ଼ାରି ।

୪୯ ଅଡ଼େ ମାର ଇରୁଆଟି ଗାଡ଼ି ଆହାମାନି ଏ ମାଣ୍ଡିତି ଖାଣା ଆସାମାନାୟି, ଏଲେକିହଁ ଏ ଏ ଲାକପୁରୁତି

ମାଣ୍ଡିତି ଖାଣା ଜିକେଏ ଆହନାୟି ।

୫୦ ତାୟିୟାଁ ଅଡ଼େ ତାଜିସ୍ତାତେରି ନାନୁ ଖେସିମାଞ୍ଜାଲ୍, ନେତେରି ଅଡ଼େ ଉଜା ମାହାପୁରୁତି ରାଜିତି ଅଦିକାରା କିହାଲି ଆଡ଼େଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡ଼େଏ ।

୫୧ \*ମେହଦୁ ନାନୁ ମିଙ୍ଗେ ର. ଡ଼ଗୁମାନି କାତା ଖେସିମାଞ୍ଜାଲ୍, ମାର ବାରେ ଜାଣାତାୟି ହାଆୟି, ସାମା ମାର ବାଦଲଖି ଆନାୟି,

୫୨ ଦେବୁଣିଏ, କାନୁ ମିଟି କିନିଲେହେଁ, ତାୟୁତି ତାଡ଼ି ମହୁରି କାଜା ହାଡ଼ା ଖେଟିସାରେ ମାର ବାରେତାୟି ଅର ଖାଣା ଆନାୟି; ଇତିହଁ କମୁ ଡ଼ାନେ ଅଡ଼େ ହାଡ଼ାରି ନାସା ଆଆନା ନିଜିନେରି, ଅଡ଼େ ମାର ବାଦଲଖି ଆନାୟି ।

୫୩ ଇତିହଁ ଇ ମେଣ୍ଡିନି ଆଜାତି ମେଣ୍ଡିଆଗାଟି ହିମ୍ପୁରି ପରନାୟି ମାନେ, ଅଡ଼େ ଇ ହାନି ଆଜାତି ହାଆଗାଟି ହିମ୍ପୁରି ପରନାୟି ମାନେ ।

୫୪ ସାମା ଇ ମେଣ୍ଡିନି ଆଜାତି ମେଣ୍ଡିଆଗାଟି ହିମ୍ପୁରି ଅଡ଼େ ହାନି ଆଜାତି ହାଆଗାଟି ହିମ୍ପୁରି ହୁତିତି ଜେଟ, ଇ ରାଟାମାନି ବଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ ।”

୫୫ “ଏ ହାକି ନୀ ଜୀଣା ଆନାୟି ଆମ୍ପିୟା ?

ଏ ହାକି ନୀ ନାସାକିନି ବାଡ଼ୁୟା ଆମ୍ପିୟା ?”

୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁୟା ମସାତି ମେରା;

୫୭ ସାମା ଏମିନି ମାହାପୁରୁ ମା ପୁରୁ ଜୀଞ୍ଜୁ କ୍ରୀସ୍ତତି ତାକି ମାଙ୍ଗେ ଜୀଣି କିୟାନେସି ଏଞ୍ଜାଣାକି ଜହରା ଆପେ ।

୫୮ ଏଦାଆଁତାକି ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତାତେରି, ପୁରୁତି ସେବାତା ମୀ କସ୍ତତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପୁରୁତି କାମାତା ତାରିଆହାଁ ବାଡ଼ୁୟା ତଲେ ସେବାତା ହାରେ ହାରେକା ଜାଡ଼ୁ ଆଦୁ ।

### ୧୭

#### ମାହାପୁରୁତି ଲକୁତାକି ଦାନା

୧ \*ମାହାପୁରୁ ଲକୁ ତାକି ତାବୁୟାଁ କୁଡ଼ିକିନି କାତା ନାନୁ ଏନିକି ଗାଲାତିୟା କ୍ରୀସ୍ତାନା କୁଲମିତା ଖେସାମାତେଏ, ମୀରୁ ଜିକେଏ ଏଲେକି କିଦୁ ।

୨ ମୀରୁ ବେଗାଆହିମାନି ଲେହେଁ ବାରେ ଖାରାତି ମୁଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିଡ଼ା ଏଚେକା ତାବୁୟାଁ କୁଡ଼ିକିହାଁ ଇଟାଦୁ, ଆଡ଼ିହଁ ନାନୁ ଖାଡ଼ିସାରେ ମିଙ୍ଗେ ଅଡ଼େ ତାବୁୟାଁ ରାସାଲି ଲଡ଼ା ଆଏ ।

୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଲ୍ ଜଟେ ଇଞ୍ଜି ଆଟାମାଞ୍ଜେରି ନାନୁ ଏଞ୍ଜାରକି ଆକୁ ରାଟାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଲ୍;

୪ ସାମା ନାଙ୍ଗେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାପେରି ।

#### କାମାତାକି ପାଞ୍ଜୁଲତି ଅଣ୍ଟୁ

\* ୧୫:୫୧ ୧ତେସ ୪:୧୫-୧୭    \* ୧୭:୧ ରମି ୧୫:୨୫,୨୭

୫ \*ସାମା ନାନୁ ମାକିଦନିୟା ହାଟି ତାୟୁ ମୀ ତାଣା ଖାଇଁ, ଏନାଆଁତାକି ଇଚିହଁ ନାଜେ ମାକିଦନିୟାଟି ହାନାୟି ମାନେ ।

୬ ଆଆତଁ ନାନୁ ଖାଡ଼ିସାରେ ଏଚରଦିନା ମୀ ତାଣା ତୁୟିଇଁ, ଇଚିହଁ ପେନିବେଲା ହାଲ୍‌ଖେ ମାଞ୍ଜାଲି ଅଣ୍ଠିମାଇଁ, ଏଚେତା ନାନୁ ଆମିନି ଟାୟୁତା ହାଇଁ, ଏମ୍ବାଆଁ ହାନାଟି ମୀରୁ ନାଜେ ଇଚିଝାୟାଦେରି ।

୭ ଇଚିହଁ ନୀର୍ବଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଠି ହିଲଅଁ, ଇଚିହଁ ପ୍ରବୁ ନାଜେ ହେଲ ହିୟାତିହଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ ।

୮ \*ସାମା ନାନୁ ପେଡ଼ିକସ୍ତ ଦିନା ପାତେକା ଏପିସିୟ ଗାଡ଼ାତା ତୁୟିଇଁ;

୯ ଇଚିହଁ ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତଁ ଜିକେଏ ନାଜେ ଅପାଆଗାଗାରି ହାରେକା ମାନେରି ।

୧୦ \*ତିମତି ମୀ ତାଣା ଖାଡ଼ିସାରେ ଏଝାସି ଏନିକଁ ଆଜାଆନା ମୀ ତାଣା ତୁୟିନେସି, ଏଦାଆଁତାକି ମୀରୁ ଅଣ୍ଠପାଦୁ, ଇଚିହଁ ନାନୁ ଏନିକଁ ଏଝାସି ଜିକେଏ ଏଲେକିହଁ ଏ ପ୍ରବୁତି କାମାକିନାସି ।

୧୧ ଏଦାଆଁତାକି ଆମ୍ବାଆତେରି ଏଝାଣାଇଁ ହାଣି କିଆଦୁ, ସାମା ଏଝାସି ଏନିକଁ ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଝାଣାଇଁ ହିଡ଼ି ଜୀଝୁତଲେ ଜିରୁ ତସା ପାଣ୍ଡାଦୁ; ଏନାଆଁତାକି ଇଚିହଁ ଏଝାସି ତାୟିୟା ତଲେ ଖାନ୍ନେସି ଇଞ୍ଜଁ ନାନୁ କାଡ଼ିମାଇଁ ।

୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଚକାତି ତାୟିୟା ତଲେ ମୀ ତାଣା ହାଜାଲି ଏଚେକା ବାଡ଼ିମାଲିତେର୍ବଁ, ସାମା ନୀର୍ବଁ ଖାହାଲି ମନ୍ କିଆତେସି, ସାମା ପାରୁ ସିନିକିହାନା ଏଝାସି ଖାନ୍ନେସି ।

**ଆକୁତି ରାନ୍ତି କାତା**

୧୩ ମୀରୁ ଜାଗ୍ରାତା ଆହଁ ନାମୁତା ତାରିତଲେ ମାଞ୍ଜୁ, ଅଡ଼େ ସାସା ଗାଟାତେରି ଆହାନା ବାଡ଼ିୟୁ ଆହ୍‌ଦୁ ।

୧୪ ମୀ ବାରେ କାମା ଜୀଝୁ ନନାଣି ତଲେ ଆପେ ।

୧୫ \*ଏ ତାୟିୟା ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଟମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେର୍ପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି ।

୧୬ ମୀରୁ ଏଲେତି ଲକୁତି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗ ବାଡ଼ିମାଲିମାଞ୍ଜାଇଁ ।

୧୭ ସ୍ତ୍ରୀପାନ, ପର୍ତ୍ତନାତ, ଅଡ଼େ ଆକାୟିକ ଖାଡ଼ାକି ନାନୁ ହାରେକା ରାହଁ ଆହିମାଇଁ, ଇଚିହଁ ମୀରୁ ହିଲାଆତାକି ନାଜେ ଏନାୟି ଲଡ଼ା ମାତେ, ଏଝାରି ଏଦାଆଁ ହାହାମାଞ୍ଜାନେରି ।

୧୮ ଇଚିହଁ ଏଝାରି ମୀ ଜୀଝୁତି ଅଡ଼େ ନା ଜୀଝୁତି ରାହଁ କିହଁ ମାଞ୍ଜାନେରି; ଏଲେତି ଲକୁଇଁ ଜଡ଼େ ଇଞ୍ଜଁ ପୁଞ୍ଜାନା ମାନି କିଦୁ ।

୧୯ \*ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍‌ଝିଲା ଅଡ଼େ ପ୍ରସ୍ତିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାରେକା ଜହରା କିହିମାଞ୍ଜାନେରି ।

୨୦ ଇମ୍ବାଆଁ ମାନି ବାରେ ତାୟିୟା ଅଡ଼େ ତାଜିସ୍ତା ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟି ତାୟିୟା ଲେହେଁ କ୍ରୀସ୍ତିତି ଜୀଝୁନହଁ ସୁଦୁ ତଲେ ନଶୁଝି ଆହାନା ଜହରା କିଝିଆଦୁ ।

୨୧ ନାନୁ ପାଝୁଲତେର୍ବଁ ନା କେୟୁଟି ରାଟାହଁ ରାହଁ ତଲେ ଜହରା କିହିମାଞ୍ଜାଇଁ ।

୨୨ ଆମ୍ବାଆସି ମାହାପୁରୁଇଁ ଜୀଝୁ ନଅସି ଏଝାସି ବାକା ବେଟାଆପେସି ! ମାରାନାତା ମା ପ୍ରବୁ ତବେ ଖାମୁ !

୨୩ ପ୍ରବୁ ଜୀସୁତି କାର୍ମାମେହନାୟି ମିଙ୍ଗେତାକି ଆୟାପେ;

୨୪ କ୍ରୀସ୍ତ ଜୀସୁ ତାଣାଟି ନା ଜୀଝୁନନାୟି ମୀ ବାରେଜାଣା ତାକି ଆୟାପେ । ଆମେନ୍ ।

# କରକ୍ତି ମଣ୍ଡଳୀ ନିମନ୍ତେ ପାଠକଙ୍କ ଲିଖିତ ଦ୍ଵୀତିୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

କରକ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଞ୍ଜିଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସୁ ଜାନୀତି ୫୫-୫୬ ବାର୍ଷୀ ତାୟୁ ରାସ୍‌କି ଆହାମାତେ ୧:୧ । ମା. ତାଣ୍ଡା ମାନି କରକ୍ତି କୁଲମିତି ରାଚାମାନି ଆକୁ ବିତ୍ତାଟି ଇଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ । ମୋରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହାହାନା ରାଚାମାତେସି ୨:୩-୪ ପଦୁତା ଏଞ୍ଜାସି ଝେସିମାନେସି ।

ପାଞ୍ଚୁଲ ମାକିଦନିୟତା ମାନି ବେଲାତା କରକ୍ତିତି ରୀ ଲମ୍ବର ଆକୁ ରାଚାମାନେସି ୨:୧୩ । କରକ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହୁଁ କାରୁ ବେଟାଆହାନା ରାହାଁ ଆହିମାନେସି । ଇ ଆକୁତା ପୁଃନି ମୋରା ଅଣ୍‌ପୁଟି ଦାନା ହାନି କାତା ଜାପିନାୟି । ଇ ଆକୁତା ଜିରୁସାଲମତା ମାନି କ୍ରୀସୁଜ୍ଞ ନାମାମାନି ଲକୁଜ୍ଞ ସାୟେମି କିହାଲି ଟାକାୟାଁ କୁଡ଼ିକିହାଲି ଝେସିମାନେସି ୮-୯ । ଅଡେ ଜିକେଏ କୁଲମି ପାଞ୍ଜାଟି କଚେକା ମିତି ପାଣ୍ଡୁଞ୍ଜି ଆହାମାନାରି ଜାହାରାଜ୍ଞ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଜ୍ଞ ନିୟା କାତା ଝେସିମାନେରି । ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନ୍‌ଝାକି ଏଞ୍ଜାସି ର. କ୍ରୀସୁତି ଅଦିକାରା ତଲେ ପାଣ୍ଡୁଞ୍ଜି ଆଡ଼ାସି ଇଞ୍ଜୁଁ ଜାଣ୍ଡେତଲେ ଝେସିମାନେସି ।

### ପତିତା ମାନାୟି

- ୧. ପାଞ୍ଚୁଲ ଜହରା କିହାନା ଆକୁ ରାଚିନାୟି । ୧:୧-୭
- ୨. ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଇଞ୍ଜାଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୬
- ୩. ଜିରୁସାଲମତି ନାମୁଗାଟି ତାୟିୟାଁକି ଦାନା କୁଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚୁଲ ତାନି ପାଣ୍ଡୁଞ୍ଜିଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍‌ନି କାତା । ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍‌ପୁ ତଲେ କ୍ରୀସୁ ଜୀସୁ ତାଣ୍ଡାଟି ପାଣ୍ଡୁଞ୍ଜି ଆହାମାନାତେଏଁ ଇଞ୍ଜାଁ ମା. ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଚିମାନମି ।

୨ ମା. ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ମିଜେତାକି ଆୟାପେ ।

### ପାଞ୍ଚୁଲ ମାହାପୁରୁଜ୍ଞ ଜହରା କିନାୟି

୩ ମା. ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡେ ଦୁକୁ ତୁକୁନି ମାହାପୁରୁ ।

୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍‌ନି ତାଣ୍ଡା ମାର ଦୁକୁ ତୁପ୍‌କି ଆହିମାନାୟି, ଏ. ଦୁକୁ ତୁକ୍‌ନାଣି ତଲେ ଏନିକିହୁଁ ବାରେ ଲେହେଁତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍‌ହାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ତୁକ୍‌ନାଣି ହାହାମାଞ୍ଜାନେସି

୫ ଇଡିହୁଁ କ୍ରୀସୁତି ତାକି ମାର ଏନିକିହୁଁ ହାରେକା ଦୁକୁ କସ୍ ହାରେକା ବେଟାଆନାୟି, ଏଲେକିହୁଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ତୁକ୍‌ନାୟି ହାରେକା ।

୬ ସାମା ମାମ୍‌ସୁ ଦୁକୁ କସ୍ ବେଟାଆଡ଼ିସାରେ ଏଡି ମୀ ତାକି ଦୁକୁ ତୁକ୍‌ନାୟି, ଅଡେ ଗେଲ୍‌ପି ଆହାଲିତାକି; ଇଞ୍ଜାଁ ମାମ୍‌ସୁ ଦୁକୁ ତୁପ୍‌କି ଆଡିହୁଁ, ଏଡି ମୀ ଦୁକୁ ତୁକ୍‌ହାଲି ତାକି; ମାମ୍‌ସୁ ଏନିଲେହେଁତି ଦୁକୁ କସ୍ ବେଟାଆନମି ମୀରୁ ଏନିକିହୁଁ ସାସା ଅଡେ କସ୍‌ତଲେ ଦୁକୁ ବେଟାଆହି ମାଞ୍ଜେରି ମାମ୍‌ସୁ ଜିକେଏ ଏଲେକିହୁଁ ଏ ଦୁକୁ ତୁକ୍‌ନି କାମା କିହିମାନମି ।

୭ ଅଡେ ମୀ ତାଣ୍ଡା ମା. ବାର୍ସୁ ହାରେକା ମାନେ । ମୀରୁ ମା. ଦୁକୁ କସ୍ ପାଣ୍ଡିନିତାଣା ଏନିକିହୁଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍‌ସୁ ଦୁକୁ ତୁକ୍‌ନି ତାଣ୍ଡା ଆଣ୍ଡିଦେରି, ଇଞ୍ଜୁଁ ମାମ୍‌ସୁ ପୁଞ୍ଜାମାନମି ।

୮ \*ଇଡିହୁଁ ଏ ତାୟିୟାଁ ଅଡେ ତାଜିପ୍‌ମାତେରି, ଆସିୟା ରାଜିତା ମାଜେତାକି ଆହାମାନି ସାସି ମୀରୁ ପୁନାଆନା ମାଞ୍ଜୁ ଇଞ୍ଜିହୁଁ ମାମ୍‌ସୁ ଅଣ୍‌ପି ହିଲଅନି; ମାମ୍‌ସୁ ମା. ବାଡ଼ୁୟୁଟି ବେଟାଆହାମାନି ସାସି ସହଞ୍ଜି ଆହାଲି ଆଡ଼ାଆରେଟୁ ଆହାମାତମି, ଇଞ୍ଜାଁ ମାମ୍‌ସୁ ନୀତାମାଞ୍ଜାଲି ଜିକେଏ ଆସା ପିସାମାତମି;

୯ ହାଅ, ମାଜେ ପାୟାଲି ହୁକୁମି ହାପ୍‌କି ଆହାମାନେ ଇଞ୍ଜୁଁ ଅଣ୍‌ପିମାତମି, ଏନିକିହୁଁ ମାମ୍‌ସୁ ମା. ମୁହେଁ ବାର୍ସୁ କିହାକତାଆନା ଏମିନି ମାହାପୁରୁ ହାକିଟି ନିକ୍‌ନେସି ଏଞ୍ଜାଣି ତାଣ୍ଡା ବାର୍ସୁ କିନମି;

୧୦ ଏଞ୍ଜାସି ଆଜିହ୍‌ପେତି ହାକିଟି ମାଜେ ଗେଲ୍‌ପାତେସି ଅଡେ ଗେଲ୍‌ପାନେସି, ଅଡେ ତାୟୁ ଜିକେଏ ଗେଲ୍‌ପାନେସି ଇଞ୍ଜୁଁ ତାନିତାଣା ମା ଆସା ମାନେ;

୧୧ ମୀରୁ ଜିକେଏ ମା. ତାକି ପ୍ରାଡ଼ାନା କିହାଁ ମାଜେ ସାୟେମି କିହାମାଞ୍ଜାଦେରି, ଏନିକିହୁଁ ମାଜେ ଏମିନି କାର୍ମାଟି ଦାନା ହାପ୍‌କି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁଡିଟି ମା. ତାକି ହାରେକା ଜହରା କିଞ୍ଜିଆହିମାନେ ।

### ପାଞ୍ଚୁଲ ତାନି ଅଣ୍‌ପୁ ବାଦଲି କିନାୟି

\* ୧:୮ ୧କର ୧୫:୩୨

୧୨ ବାରେକିହାଁ ଦାର୍ତ୍ତିତା ମୀ ତାକି ମାମ୍ବୁମାଣ୍ଡିତି ବୁଦିତଲେ ତାକାଆନା ମାହାପୁରୁତି କାର୍ମାଟି ତାନି ସୁଦୁ ଅଡ଼େ ନାମୁତଲେ ତାକିମାଟମି ଇଞ୍ଜି ମା ଅଣ୍ଡୁ ସାକି ହାହିମାଞ୍ଜାନେ, ଇଦି ମା ବତପଣତି କାତା ।

୧୩ ଖାରଇ ମୀରୁ ଏନାଆଁ ପଡ଼଼ି ଆହାନା ତେଲ୍‌ହିଦେରି, ଏ ବାରେ ପିସ୍‌ପେ ମାମ୍ବୁ ମିଙ୍ଗେ ଅଡ଼େ ଏନାଆଁ ରାଡ଼ିମାଞ୍ଜଅମି,

୧୪ ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ଦିନାତା ମାମ୍ବୁ ମୀ ତାକି ବତପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବତପଣ ତସାଲି ଆଡ଼ିଦେରି, ମୀରୁ ନୀଏଁ ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜି ନା ଆସା ।

୧୫ ଇ କାତା ନେହଁ କିଁ ପୁଞ୍ଜାମାନାକି ମୁଲୁଏ ମୀ ତାଣା ଖାହାଲି ତାକି ନାଙ୍ଗେ ଅଣ୍ଡୁ ମାରେ, ଆତିହଁ ମୀରୁ ରୀ ଦେବା ରାହାଁ ବେଟାଆଡ଼େରିମା

୧୬ \*ମୀ ତାଣାଟି ମାକିଦନିୟାତା ହାଜାନା ଅଡ଼େ ଖେଣ୍ଡେ ମାକିଦନିୟାଟି ମୀ ତାଣା ଖାହାନା ମୀ ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁଟି ତଲିଏ ମୀ ତାଣା ହାଜାଲି ମନ କିହାମାଚେଏଁ ।

୧୭ ଆତିହଁ ଇଲେତି ଅଣ୍ଡୁ ଅଣ୍ଡିନାୟି ନାନୁ ଏନାଆଁ ଆନାମାନା ଆହାନା କିହାମାଚେଏଁ ? ଇଞ୍ଜା ନାନୁ ଏନାଆଁ ତୀରିକିହା ତୁୟିଇଁ, ଏଦି ଏନାଆଁ ଏଦାଆଁ ଦାର୍ତ୍ତିତି ଅଣ୍ଡୁ ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପୁଇଁ କି ?

୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଙ୍ଗେତାକି “ହାଅ କି ଆଏ” ଇନି ରୀ କାତା ଆଏ ।

୧୯ \*ଇତିହଁ କ୍ରୀସ୍ତ ଜୀସୁ ମାହାପୁରୁ ମୀରଏସି, ଆମ୍ବାଆସି ମା ତାଣାଟି ଇତିହଁ ସିଲା, ତିମତି ଅଡ଼େ ନାନୁ ମୀ ତାଣା ଖେକହା ମାଟମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇତିହଁ ଏଞ୍ଜାଣି ତାଣା ହାଅ ଆହାମାନେ ।

୨୦ ଏନାଆଁତାକି ଇତିହଁ ମାହାପୁରୁତି ବାରେ ଆଞ୍ଜାମାନାୟି ଏଞ୍ଜାଣି ତାଣା “ହାଅ” ମାନେ; ଇଦାଆଁତାକି ଜୀସୁ କ୍ରୀସ୍ତ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆମେନ୍,” ଏଲେଆହଁ ଆପେ” ଇନାୟି ।

୨୧ ତାନୁଏ ମାଙ୍ଗେ ଅଡ଼େ ମିଙ୍ଗେ କ୍ରୀସ୍ତ ତାଣା ତୀରି କିହାମାଞ୍ଜାନେସି, ଇଞ୍ଜା ମାଙ୍ଗେ ବର ହାହାମାଞ୍ଜାନେସି, ଏଞ୍ଜାସି ମାହାପୁରୁ;

୨୨ ଏଞ୍ଜାସି ତାନି ବୁଟୁ ମୁଦ୍ରା ମାଙ୍ଗେ ଖେଟା ମାଞ୍ଜାନେସି, ଇଞ୍ଜା ଏଞ୍ଜାସି ମା ହିୟାଁ ବିତ୍ରା ସୁଦୁଜୀଞ୍ଜୁ ସିନାଲେହେଁ ହାହାମାଞ୍ଜାନେସି ।

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀଞ୍ଜୁତି ମାନି କିହିମାଇଁ, ନାନୁ ମିଙ୍ଗେ କାର୍ମା ଆହାନା କରକ୍ତିତା ଖେଣ୍ଡେ ହାଜାହିଲଅଁ ।

୨୪ ମୀ ନାମୁଟି ମୁହେଁ ମା ଅଦିକାରା ମାନେ, ଏଲେକିଁ ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁଟା ତୀରିଆହାନା ମାଞ୍ଜୁ ।

୨

୧ ନାନୁ ମୀ ତାଣା ହାନାୟି ମିଙ୍ଗେତାକି ଅଡ଼େ ଖେଣ୍ଡେ କସ୍ତୁ ଆୟେଏ, ଇଦାଆଁ ମନତା ତୀରି କିତେଏଁ ।

୨ ନାନୁ ମିଙ୍ଗେ ଦୁକୁ ହିୟାଇଁ, ଆତିହଁ ନାନୁ ଆମ୍ବାଆରାଇଁ ଦୁକୁ ହୀଇଁ, ଏଞ୍ଜାଣି ପିସ୍‌ପେ ନାଙ୍ଗେ ଆମ୍ବାଆସି ରାହାଁ ହିୟାନେସି ?

୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ, ଏଞ୍ଜାରିତାଣା ନାନୁ ଖାହାନା ଏନିକିଁ ଦୁକୁ ବେଟାଆଅଁ, ଏଦାଆଁତାକି ନାନୁ ଇ କାତା ରାଟାମାଚେଏଁ, ଏନାଆଁତାକି ଇତିହଁ ନା ରାହାଁତା ମୀ ରାହାଁ ଆନେ, ଏଦି ମୀ ବାରେତାକି ନା ଅଣ୍ଡୁ ।

୪ ଇତିହଁ ହାରେକା କସ୍ତୁ ଅଡ଼େ ହିୟାଁ କାତାତାକି ହାରେକା ଦୁକୁ ତଲେ କାଣ୍ଡୁ ତୁକ୍‌ହିହଁ ମିଙ୍ଗେ ରାଟାମାଞ୍ଜାତେଏଁ; ଏନିକିଁ ମୀରୁ ଦୁକୁ ଆଦେରି, ଏଲେକିଁ ଆଏ, ସାମା ମିଙ୍ଗେତାକି ନା ଜୀଞ୍ଜୁନନାୟି ହାରେକା ମାନେ, ଇ କାତା ମୀରୁ ଏନିକିଁ ପୁଞ୍ଜେରି ।

ମାଣ୍ଡିତି ଦହ ମ୍ଲେକ୍‌ନାୟି

୫ ସାମା ଆମ୍ବାଆସି ଦୁକୁ ହୀହାମାନେସି, ଏଞ୍ଜାସି ନାଙ୍ଗେ ଦୁକୁ ହୀହାମାଞ୍ଜଅସି, ସାମା ବାରେତେରି ମିଙ୍ଗେ ଦୁକୁ ହୀହାମାଞ୍ଜାନେସି ନାନୁ ହାରେକା ଗାଡ଼ିକିହଁ ଖେହଅଁ ।

୬ ମୀ ବିତ୍ରାଟି ହାରେକା ଲକୁ ତାଣାଟି ଏଞ୍ଜାସି ଏନି ତଣ୍ଡ ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି ।

୭ ଏଦାଣିତାକି ଏଲେତି ଲକୁ ଏଚେତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଜାଣାଇଁ ପାପୁ ମ୍ଲେକ୍‌ହାନା ବାସୁଁ ହୀଦୁ ।

୮ ଇତିହଁ ଏଞ୍ଜାଣାଇଁ ଜୀଞ୍ଜୁ ନନାଣି ତହୁଦୁ ଇଞ୍ଜିଁ ବାଡ଼ିମାଲିମାଞ୍ଜାଇଁ ।

୯ ଇତିହଁ ମୀରୁ ବାରେ କାତାତି ମାନଞ୍ଜି ଆହିମାଞ୍ଜେରି, ଇଞ୍ଜିଁ ମିଙ୍ଗେତାକି ଏମ୍ବାତି ପାରମାଣା ଏନିକିଁ ନାନୁ ବେଟାଆଇଁ, ଇ ବାରେତାକି ରାଟାମାଚେଏଁ ।

୧୦ ଇଞ୍ଜା ମୀରୁ ଆମ୍ବାଆରି ଦହ ପିହିଦେରି, ନାନୁ ଜିକେଏ ଏଞ୍ଜାଣି ଦହ ପିହିଇଁ; ଇତିହଁ ନାନୁ ଏନାଆଁ ଦହ ପିସାମାଇଁ, ଇଞ୍ଜା ଏନିନି ଦହ ପିସାମାଇଁ, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଇଁ ।

୧୧ ଏନିକିଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇତିହଁ ମାର ବାରେ ତାନି ଅଣ୍ଡୁତି ପୁଞ୍ଜାମାନାୟି ।

ତ୍ରୟାତା ପାଞ୍ଜୁଲ ମନତା କସ୍ତୁ ପାଣ୍ଡନାୟି

୧୨ \*ଅଡ଼େ କ୍ରୀସ୍ତତି ନେହଁ କାରୁ ଖେକହାଲି ତାକି ନାନୁ ତ୍ରୟାତା ଖାଡ଼ି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ,

☆ ୧:୧୨ କାମା ୧୯:୨୧ ☆ ୧:୧୯ କାମା ୧୮:୫ ☆ ୨:୧୨ କାମା ୨୦:୧

୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହୁଆଲିଏ ନା ଜାଝୁ ହିଡ଼ଡ଼ି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେଏ ।

**କ୍ରୀସ୍ତ ତାଣାଟି ଜୀଣା ଆନାୟି**

୧୪ ସାମା ମାହାପୁରୁଇଁ ଜହରା ଆପେ, ଏଞ୍ଜାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣା ଜୀଣାଆଡ଼ି ଲେହେଁ ହାଜାମାନେସି, ଇଞ୍ଜା ବାରେ ଟାୟୁତା ତାନି ବୁଦି ଲେହେଁତି ଗାନ୍ଦା ମା ତାଣାଟି ଝେକ୍‌ହିମାନେସି ।

୧୫ ଇତିହୁଁ ଗେଲପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମାର ମାହାପୁରୁ ନକିତା କ୍ରୀସ୍ତତି ହାରେକା ନେହୁଁ ଗାନ୍ଦା ଲେହେଁ ଆହାମାନାୟି ।

୧୬ ରକଞ୍ଜାକି ଲକୁତାକି ହାକି ହାନାୟି ଅଡ଼େ ରକଞ୍ଜାକି ଲକୁତାକି ଜୀଝୁହାନି ଲେହେଁତି ନେହୁଁ ଗାନ୍ଦା ଲେହେଁ । ସାମା ଇ ବାରେ କାମା କିହାଲି ଆମ୍ବାଆସି ଆଡ଼ିନେସି ?

୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାରୁ ଝେକ୍‌ହି ମାନେରି, ମାମ୍ବୁ ଏଞ୍ଜାରିଲେହେଁ କିହିହିଲଅମି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି ।

**୩**

**ପୁଃନି ମେରାତି ହଲିୟା**

୧ ମାର କି ଜାହାରାଇଁ ବଡ଼ପଣ କିହାଲି ମାଟ୍‌ହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆଡ଼ି ମୀ ତାଣାଟି ମା ତସପି ଆନାୟି ଲଡ଼ାମାନେ ?

୨ ମୀରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡ଼େ ପଡ଼ଞ୍ଜି ଆହାମାନି ମା ଆକୁ ଲେହେଁ;

୩ ଅଡ଼େ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ସାମା ଜୀଝୁତି ମାହାପୁରୁତି ସୁଦୁଜୀଝୁ ତଲେ ରାସ୍‌କି ଆହାମାନେ, ଝାଲି ପାଟାତା ଆଏ, ସାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାସୁଁ ଇଟାନା ମାଡ଼ି ଇଲେତି ଆଟ୍‌ଞ୍ଜା ନାମୁ ମାନେ ।

୫ ମାରୁ ମା ତାଣାଟି ଏନାଆଁ କିହାଲି ଆଡ଼ାଆୟି, ଏଲେକଁ ଆଏ, ସାମା ମାହାପୁରୁ ତାଣାଟି ଆଡ଼ିନି ବାଡ଼ୟୁ ମାନେ;

୬ ଏଞ୍ଜାସି ମାଙ୍ଗେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହୁଁ ଜୀଝୁତି ଇତିହୁଁ ପୁଃନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇତିହୁଁ ରାସ୍‌କି ଆହାମାନି ରାଜିମାନା ହାଞ୍ଜିକିନେ ସାମା ନେହୁଁ ଜୀଝୁ ନୀତିକିନାୟି ।

୭ ଅଡ଼େ ତୀସତି ଝାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଝୁରମି ତଞ୍ଜାଆହାମାଚେ, ଇତିହୁଁ ଇସ୍ତାୟେଲ ଲକୁ ମସା

ମୁମ୍ବୁତି ନାସା ଆନି ଉଜେଡ଼ି ତାକି ଏଞ୍ଜାଣି ମୁମ୍ବୁମେସାଲି ଆଡ଼ାଆତେରି,

୮ ଆଡ଼ିହୁଁ ନେହୁଁ ଜୀଝୁତି ସେବା କାମା ଏଚେକା ଗାଡ଼ି ଗାଝୁରମି ଆଏକି ?

୯ ତଞ୍ଜା ଆଞ୍ଜିକିନି ସେବା କାମା ଗାଝୁରମି ଗାଟାୟି, ଆଡ଼ୁ ଦାମ୍ବୁତି ସେବା କାମା ଏଦାଆଁ କିହାଁ ଆଗାଡ଼ା ଗାଝୁରମି ଗାଟାୟି ଆନେ ।

୧୦ ଇତିହୁଁ ଆମିନି ଗାଟାୟି ଗାଝୁରମି ଗାଟାୟି ମାଚେ, ଏଦି ଏଦାନି କିହାଁ ଆଗାଡ଼ା ଗାଝୁରମି ଆନି କିହାଁ ଗାଝୁରମି ହିଲାଆଗାଟାୟି ଆଡ଼େ ।

୧୧ ଗାଡ଼େକା ତାକି ନାସା ଆନାୟି ଗାଝୁରମି ବେଟାଆହୁଁ, କାଲ୍‌କାଲ୍‌ ତାକି ମାନାୟି ଏଚେକା ଆଗାଡ଼ା ଗାଝୁରମି ତଞ୍ଜାଆନେ ।

୧୨ ଇତିହୁଁ ମାଙ୍ଗେ ଏଲେତି ବାସୁଁ ମାନାକି ହାରେକା ସାସା ଆହାମାନମି ।

୧୩ ଅଡ଼େ ଇସ୍ତାୟେଲ ଲକୁ ଏନିକଁ ଗାଡ଼େକା ତାକି ନାସାଆନି ଗାଝୁରମିତି ସିନିକିଅରି, ଏଦାଆଁତାକି ମସା ଏନିକଁ ତାନି ମୁମ୍ବୁତି ହିମ୍ବୁରି ପୁକ୍‌ହା କଡ଼ିମାଚେସି, ମାମ୍ବୁ ଏଲେକଁ କିହିହିଲଅମି ।

୧୪ ସାମା ଏଞ୍ଜାରି ବୁଦିତି କାଣକା ପଡ଼ଞ୍ଜି ଆହାମାନୁ, ଇତିହୁଁ ନୀଞ୍ଜୁପାଚେକା ପୁଃଇ ରାଜିମାନା ପତି ପଡ଼ଞ୍ଜି ଆନାଟି ଏ ହିମ୍ବୁରି ପିଡ଼ିନାୟି ନୀଏଁ ପାଚେକା ଡ଼ୟାମାନେ, ଇଞ୍ଜା କ୍ରୀସ୍ତ ତାଣାଟି ଏ ହିମ୍ବୁରି ଗୁଟା ଆହାମାନେ, ଏଦି ତଞ୍ଜା ଆହିହିଲେଏ ।

୧୫ ସାମା ନୀଏଁ ପାଚେକା ମସାତି ମେରା ପଡ଼ଞ୍ଜି ଆନାଟି ଏଞ୍ଜାରି ହିୟାଁ ହିମ୍ବୁରି ପୁପକି ଆହାଁ ଡ଼ୟିନେ ।

୧୬ “ସାମା ଆମ୍ବାଆସି ଆପେସି ପ୍ରବୁ ଝାକି ଝେଶ୍ଟାଞ୍ଜାଡ଼ିହୁଁ ଏଞ୍ଜାଣି ପୁପକି ଆହାମାନି ହିମ୍ବୁରି ଗୁଟାଆନେ ।”

୧୭ “ପ୍ରବୁ” ଏ ଜୀଝୁ, ଇଞ୍ଜା ଏମ୍ବିୟା “ପ୍ରବୁତି ଜୀଝୁ” ମାନେ ଏମ୍ବାଆଁ ବାରେ ମେଲା ଆନାୟି ମାନେ ।

୧୮ ସାମା ମାର ବାରେତାୟି ମୁମ୍ବୁ ପୁକ୍‌ଆନା ଦାପେଣିତା ମେହୁନି ଲେହେଁ ପ୍ରବୁତି ଗାଝୁରମି ମେସି ମେସିହୁଁ ଗାଝୁରମିତି ହାରେକା ଗାଝୁରମି ଆହାନା ତାନି ଏ ଝାଣା ତଲେ ବାଦଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀଝୁ ଏଞ୍ଜାଣି ତାଣାଟି ଇ ବାରେ ଆହିମାନେ ।

**୪**

**ଇର୍‌ଆ ଡ଼କା ବିତ୍ରା ନେହୁଁ ଜୀଝୁତି ଦନ**

୧ ମାର ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲାଆ ଲକୁଲେହେଁ ଆହାହିଲାଆୟି,

୨ ସାମା ମାମ୍ବୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜା ମାମ୍ବୁ ନାଡ଼ି କିଅମି ଅଡ଼େ ମାହାପୁରୁ କାତାତି ମିତି କାଲ୍‌ହାନା ଝେସିହିଲଅମି, ମାହାପୁରୁ କାନୁତା ନେହୁଁ କାରୁତି ସାତା କିହୁଁ

ଝେକ୍‌ହାନା ବାରେଜାଣାତି ନେହଁ ଅଣ୍‌ପୁ ତାକି ନେହଁତମି ତଞ୍ଜା ଆହିମାନମି ।

୩ ଏନାଆଁତାକି ଇଚିହଁ ମାର୍ ଝେକ୍‌ହାନାମି ନେହଁ କାରୁ ତରୁା ମାଚିହଁ, ଏଦି ଖାର୍‌ଇ ଜାଙ୍ଗା ମାନାରାକି ତରୁାମାନେ ।

୪ ମାହାପୁରୁ ଖାଣା ଲେହେଁତି କ୍ରୀସ୍ତ ତାନି ଗାଝୁରମିଗାଟି ନେହଁ କାରୁତି ଉଜେଡି ଏନିକଁ ଇଲେତି ଲକ୍‌କି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାର୍‌ତିତି ପଲ୍‌ଆ ପେନୁ କାଣାୟା କିହାମାନେ ।

୫ ମାମ୍‌ ମୁଜୋତାକି ଝେସାକତିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜି ଅଡେ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲିୟାଜାତମି ଇଞ୍ଜି ଝେକ୍‌ହି ମାନମି,

୬ ଏନାଆଁତାକି ଇଚିହଁ ଆମିନି ମାହାପୁରୁ ଏଲେଇଞ୍ଜାମାଚେସି, “ଆନେରିଟି ଉଜେଡି ତଞ୍ଜା ଆପେ,” ଏଝାସି କ୍ରୀସ୍ତତି ମୁମ୍‌ତୁା ତଞ୍ଜା ଆହିମାନି ମାହାପୁରୁତି ଗାଝୁରମିଗାଟି ବୁଦିତି ଉଜେଡି ତସାଲି ତାକି ମା ହିୟାତି ଉଜେଡି କିହାମାନେସି ।

୭ ସାମା ମାର୍ ଖାର୍‌ଇ ଇର୍‌ଆ ତକାତା ଇ ଲାକପୁରୁତି ଦନ ବେଟାଆହାମାନାୟି । ଇମ୍‌ଆଁ ପୁଣ୍‌ମି ଆହିମାନେ ଇଲେତି ଲାକପୁରୁତି ବାଡ଼ୁୟ ମାଡି ଆଏ ସାମା ମାହାପୁରୁଖାୟି ।

୮ ମାମ୍‌ ରୁାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମ୍‌ ସୁଣ୍‌କି ଆହି ହିଲଅମି । ଏଚେ ଏଚେଲା ଆତାଜାକା ଆଡି ଜିକେଏ ନୀରାସା ଆହାହିଲଅମି ।

୯ ମାମ୍‌ ସୁାସି ବେଟା ଆହିମାନମି ସାମା ମାହାପୁରୁ ମାଜେ ଏଚେଲା ପିସାମାଞ୍ଜଅସି । ଏଚେ ଏଚେକା ମାଡା ବେଟାଆହି ମାନମି ସାମା ନାସା ଆହାହିଲଅମି ।

୧୦ ଜୀସୁତି ଜୀଝୁ ଏନିକଁ ମା ତାଣା ତଞ୍ଜାଆନେ, ଏଦାଆଁତାକି ମାର୍ ବାରେ ବେଲା ମା ଆଜାତା ଜୀସୁତି ହାକି ତେକା ମାନାୟି ।

୧୧ ଇଚିହଁ ଜୀସୁତି ଜୀଝୁ ଏନିକଁ ମା ହାନ୍‌ ଆଜାତା ତଞ୍ଜାଆନେ, ଏଦାଆଁତାକି ମାର୍ ନୀତାମାଟି ଜିକେଏ ବାରେବେଲା ଜୀସୁତି କସ୍‌ମି ହାକିତା ହେର୍‌ପି ଆହିମାନାୟି ।

୧୨ ଇଲାଆହଁ ମା ତାଣା ହାକି, ଅଡେ ମୀ ତାଣା ଜୀଝୁ କାମା କିହିମାନେ ।

୧୩ ରାସ୍‌କି ଆହାମାନେ, “ନାନୁ ନାମିତାକି ଜଲିତେଏଁ ।” ମାର୍ ଏ ନାମୁତି ଜୀଝୁ ବେଟାଆହାମାନାୟି, ଇଞ୍ଜା ମାର୍ ନାମାମାନାୟି ଏଦାଆଁତାକି ଝେକ୍‌ହି ଜିକେଏ ମାନାୟି ।

୧୪ ମାମ୍‌ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିଟି ଝେଣ୍‌ଣେ ନିକ୍‌ହାମାନେସି । ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକ୍‌ହାନେସି ଅଡେ ମୀ ତଲେ ମାଜେ ତାନି ତାଗେ ଅୟାନେସି ।

୧୫ ମୀ ନେହେଁତାକି ଇ ବାରେ ଆହିମାନେ । ମାହାପୁରୁତି କାର୍‌ମାମେହନାୟି ଅଡେ ହାରେ ଗାଡି ପାଡାଆହାନା ଲକ୍‌କି ତାଗିତେ, ଅଡେ ହାରେକା ଲକ୍‌ ରାହଁ ଅଣ୍‌ପୁ ତଲେ ମାହାପୁରୁଇଁ ଗାଝୁରମି କିନେରି ।

### ନାମୁତି ଜୀଝୁ

୧୬ ଏଦାଆଁତାକି ମାମ୍‌ ଝୁାହା ହିଲଅମି, ସାମା ମା ଦାର୍‌ତିତି ଆଜା ମେଣ୍‌ଜିତି ଜିକେଏ ମା ହିୟା ବିତ୍ରାତି ଜୀଝୁ ପୁଞ୍ଜନାୟି ଆହିମାନେ ।

୧୭ ଇଚିହଁ ଇ ଗାଡେକାତି କସ୍ତ ହାରେକା ଗାଡି ମାଜେ ତାକି କାଲାକାଲା ରାଆଗାଟି ଗାଝୁରମି ତାନେ;

୧୮ ମାର୍ ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଟାଣି ଗୁରି କିହିମାନାୟି; ଇଚିହଁ ତଞ୍ଜା ଆହିମାନାୟି ଗାଡେକା ତାକି, ସାମା ତଞ୍ଜା ଆଆଗାଟାୟି କାଲାକାଲାତାୟି ।



୧୯ ମାର୍ ପୁଞ୍ଜାମାନାୟି, ଆମିନି ଦାର୍‌ତିତି ତୁମ୍‌ ଲେହେଁତି ଇଲୁତା ନୀଏଁ ମାର୍ ବାସା କିହାମାନାୟି, ଏଦି ନସ୍ତ ଆଡିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡି କିୟାନେସି । ଏଦି ମାଣ୍‌ସି କେୟୁଟି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡିକିତାସି ।

୨୦ ଇ ଦାର୍‌ତିତି ଇଲୁତା ମାଞ୍ଜାନା ମାର୍ ଲାକପୁରୁ ଇଲୁତି ହିମ୍‌ରି ହୁଗାଲି ମନ କିହାନା ତୁହି ମାନାୟି ।

୨୧ ସାମା ଲାକପୁରୁତି ବାସା ଟାୟୁତା ହଡିସାରେ ମାର୍ ଆଜା ହିଲାଆଗାଟାୟି ଆଆନା ନାଗ୍‌ଡା ତଞ୍ଜା ଆଆୟି ।

୨୨ ଇଚିହଁ ମାର୍ ଇ ଦାର୍‌ତିତି ତୁମ୍‌ତା ବାସା ଆହାନା ବଦୁଗାଟି ହିୟା ତଲେ ତୁହି ମାନାୟି; ଇଚିହଁ ମାର୍ ଦାର୍‌ତିତି ଆଜା ପିସାଲି ଅଣ୍‌ପିମାନାୟି ଏଦି ଆଏ, ସାମା ଜୀଝୁ ଏନିକଁ ଦାର୍‌ତିତି ନାସାକିନେ, ଇଦାଆଁତାକି ଇ ହାନ୍‌ ଆଜାମି ମୁହେଁ ଲାକପୁରୁତି ହିମ୍‌ରି ହୁଗାଲି ମାର୍ ମନ କିହିମାନାୟି ।

୨୩ ମାହାପୁରୁ ମାଜେ ଇ ବାଦ୍‌ଲଝି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡେ ଇଦାଣି ତୀର୍‌ପୁକିନାଣି ଲେହେଁ ତାନି ସୁଦୁଜୀଝୁ ଏଝାସି ମାଜେ ହାହାମାଞ୍ଜାନେସି ।

୨୪ ଏଦାଆଁତାକି ମାମ୍‌ ରୁାରେବେଲା ସାସା ଆସାମାନମି । ମାମ୍‌ ପୁଞ୍ଜାମାନମି, ଏଚରଦିନା ପାଡେକା ଇ ଆଜାତା ବାସା କିହାମାନମି, ଏଚରଦିନା ପାଡେକା ପ୍ରବୁତି ଇଲୁଟି ହେକ ମାଞ୍ଜାନା ନୀତା ବାଡକିମାନମି,

୨୫ ଏଦାଆଁତାକି ଇଚିହଁ ମାର୍ ତଞ୍ଜାଆହିମାନି ଦିଣ୍‌ସୁ ଲାକ ଆଏ ସାମା ନାମ୍‌ ଲାକ ନୀତା ବାଡକି ମାନାୟି ।

୨୬ ଏଦାଆଁକି ଇଚିହଁ ମାମ୍‌ ସୁାସା ଗାଟାତମି, ଇଞ୍ଜା ଇ ଆଜା ପିସାନା ପ୍ରବୁ ତଲେ ବାସା କିହାଲି ମାମ୍‌ ହାରେକା ରାହଁ ।

୨୭ ଏଦାଆଁତାକି ଇମ୍‌ଆଁ ଜାହାରା ଇଲୁତା ମାଚିହଁ କି ହେକ ରାଡି ମାଚିହଁ ଜିକେଏ, ମାହାପୁରୁଇଁ ରାହଁ କିନାୟି ଏ ମା ରଣ୍‌ସିଏ ଅଣ୍‌ପୁ ।

୨୮ ଇଚିହଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଜା ତଲେ କିତି କାମାଟି ଲେକାତଲେ ପାଡେୟି ବେଟାଆହାଲି ତାକି କ୍ରୀସ୍ତତି ନାହାୟି କିନି ଟାୟୁ ନକିତା ବାରେତାୟି ମାଜେ ନିକା ହାଜାଲି ଆନେ ।

କ୍ରୀସ୍ତ ତାଣ୍ଡାଟି ମାହାପୁରୁତି ତଣ୍ଡେସିଙ୍ଗା ଆନାୟି

୧୧ ପ୍ରବୁଈ ଆଜିନାଣି ପୁଞ୍ଜାମାନାକି ମାମ୍ବୁ ମାଣ୍ଡସିୟାଁଇଁ ମାତ୍ତୁକିହି ମାନମି, ସାମା ମାମ୍ବୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣପୁତା ଜିକେଏ ତଞ୍ଜା ଆହାମାନମି, ଈ କାତା ନାନୁ ଆସା କିହିମାଈଁ ।

୧୨ ମାମ୍ବୁ ମୁମୀ ତାଣ୍ଡା ଅଡ଼େ ବତପଣ ତସାଲି କିହିହିଲଅମି, ସାମା ଲକ୍ଷୁତି ନେହଁ ଅଣପୁ ତାକି ବତପଣ ତହୁଆନା ଖାଋଇ ଏଞ୍ଜାରି ଆଙ୍ଗାତି ରାହାଁତାକି ବତପଣ ତହୁନାରାଈଁ ମୀରୁ ଖେଣ୍ଡେ ଖେସାଲି ଆଡ଼ିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡ଼ିଦେରି ଇଞ୍ଜାଁ ଖେସିମାଞ୍ଜାନମି ।

୧୩ ମାମ୍ବୁ କୁ ବୁଦି ହିଲାଆ ଗାଟାତମି ? ଏଦି ମାହାପୁରୁ ତାକି ଆହାମାନେ ମାମ୍ବୁ କୁ ବୁଦିଗାଟାତମି ଆହାମାନମି ? ମା ନେହେଁ ମାଟିସାରେ, ମୀ ତାକି ଏଲେଆହଁ ମାନମି ।

୧୪ ଇତିହଁ କ୍ରୀସ୍ତୁତି ଜୀଞ୍ଜୁ ନନ୍ତି ତାଣ୍ଡାଟି ସାଲୁଞ୍ଜି ଆହିମାନାୟି, ଏଦାଆଁତାକି ମାରୁ ଈ କାତା ଅଣପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି ।

୧୫ ଏଞ୍ଜାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଞ୍ଜାରି ଅଡ଼େ ଜାହାରାତାକି ନୀତାଆନା ଏଞ୍ଜାଣି ତାକି ନୀତିନେରି, ଏଦାଆଁତାକି ଇତିହଁ ଏଞ୍ଜାରି ତାକି ଏଞ୍ଜାସି ହାହାମାନା ଖେଣ୍ଡେ ନୀତାମାନେସି ।

୧୬ ଇଦାଆଁତାକି ମାମ୍ବୁ ଆମ୍ବାଆରାଈଁ ମାଣ୍ଡସି ଅଣପୁ ତଲେ ବିଚାରା କିହିଲଅମି । ଦିନା ମାଟେ ଏତିବେଲା ମାମ୍ବୁ କ୍ରୀସ୍ତୁଈ ଜିକେଏ ମାଣ୍ଡସି ଅଣପୁ ତଲେ ଅଣପିମାଟମି, ସାମା ନୀଏଁ ମାମ୍ବୁ ଅଡ଼େ ଏଲେ କିହିହିଲଅମି ।

୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣ୍ଡା ମାଟିସାରେ ଆତିହଁ ଏଞ୍ଜାସି ପୁଞ୍ଜନାସି ଆନେସି । ପାଣ୍ଡାଆୟି ବାରେ ମେଣ୍ଡଙ୍ଗାମାନେ, ମେହଦୁ ପୁଞ୍ଜନାୟି ଆହା ଆନେ ।

୧୮ ଈ ବାରେ ମାହାପୁରୁ ତାଣ୍ଡାଟି ଆହାମାନେ, ଏଞ୍ଜାସି କ୍ରୀସ୍ତ ତାଣ୍ଡାଟି ମାଙ୍ଗେ ତାନିତଲେ ଅଡ଼େ ଆଟ୍ଟହା ମାଞ୍ଜାନେସି ଇଞ୍ଜାଁ ତାନିତଲେ ସେବାକିନି ପାଣ୍ଡା ଆଟ୍ଟହାଲି ଏଞ୍ଜାସି ମାଙ୍ଗେ ଦାୟିପତି ହାହାମାଞ୍ଜାନେସି ।

୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସ୍ତ ତାଣ୍ଡା ଦାରତିତି ତାନିତଲେ ଆଟ୍ଟହାମାଟେସି; ଏଞ୍ଜାସି ଦାରତିତି ଲକ୍ଷୁତି ଦହୁ ଆହୁଆନା ଏ ଆଣ୍ଡିନି ବଲୁତି ମା ତାଣ୍ଡା ହେରପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଖାକିଟି ହାଟିମାଞ୍ଜାନାକି ମାରୁ କ୍ରୀସ୍ତୁତି ଖାକିଟି ରାଜାତି କାରୁ ଖେହୁନାତାୟି ଆହାମାନାୟି; କ୍ରୀସ୍ତ ତଲେ ମାରୁ ବାତିମାଲି ମାଞ୍ଜାନମି, ମାହାପୁରୁ ତଲେ ଅଡ଼େ ଆଣ୍ଡାଦୁ ।

୨୧ ଇତିହଁ କ୍ରୀସ୍ତୁକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଙ୍ଗେ ମା ତାକି ପାପୁ ଗାଟାଣିଲେହେଁ କିତେସି, ମାରୁ ଏନିକଁ ତାନିତଲେ ଆଣ୍ଡାନା ମାହାପୁରୁତି ଦାମ୍ବୁତା ଆଣ୍ଡାଲି ଆଡ଼ିନାୟି ।



୧ ମାହାପୁରୁ ତଲେ ଆଣ୍ଡୁଞ୍ଜି ଆହାମାନା କାମା କିହିମାନାକି ମାମ୍ବୁ ମୁଞ୍ଜେ ବାତିମାଲି ମାଞ୍ଜାନମି, ମୀ ଜୀଞ୍ଜୁତା ମାହାପୁରୁତି କାର୍ମାମେହୁନାଣି ଉଜେଏ କିଆଦୁ ।

୨ ମାହାପୁରୁ ଏଲେଇଞ୍ଜି ମାନେସି, “ମିଙ୍ଗେତାକି କାର୍ମା ମେସ୍ତାନି ଦିନା ଖାହାଲିଏ ନାନୁ ମୀ ଗହାରା ଖେଟେଏଁ,

ଗେଲ୍ପିନି ଦିନା ନାନୁ ମୀ ସାଢେମି ଆୟାତେଏଁ” ମେହଦୁ ! ଇଦି ଆହିମାନେ ମାହାପୁରୁତି କାର୍ମାମେହୁନାଣି ବେଟାଆନି ବେଲା । ନୀଞ୍ଜୁ ଆହିମାନେ ଗେଲ୍ପିଆନି ଦିନା ।

୩ ଏନିକଁ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ବୁ ଆମ୍ବାଆରି କାମାତା ବାଦା ହାଆପ ଇଞ୍ଜାଁ ଅଣପିମାନମି ।

୪ ଏଦାଆଁତାକି ମାମ୍ବୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନମି, ସାମା ଆଟ୍ଟଖା ତଲେ ବାରେଲେହେଁତି ବାଦାତା, ହିଲାଆ ବେଲାତା କସ୍ତୁ ଅଡ଼ିମାନମି,

୫ ମାମ୍ବୁ ମୁମୀ ବେଟାଆହାମାନା, କାୟିଦିତା, ଲକ୍ଷୁ ନକିତା ନିନ୍ଦା ବେଟାଆହାମାନା, ଇଞ୍ଜାଁ ଖାହୁ କାମାତା, ଇଦା କିଆନା, ରାନ୍ଦା ତିନାଆନା ମାଟମି,

୬ ସୁଦୁଟି, ବୁଦିଟି, ଅରୁହିନି ତାଣ୍ଡାଟି, କାର୍ମାମେହୁନି ତାଣ୍ଡାଟି, ସୁଦୁଜୀଞ୍ଜୁତା, କୁଟୁ ହିଲାଆନା ଜୀଞ୍ଜୁନନାୟି,

୭ ଅଡ଼େ ସାତା ନେହଁ ବଲୁତା, ମାହାପୁରୁତି ବାଡ଼ୁଡୁ ତଲେ, ଚିଃନି ଚେବୁ କେୟୁଟି ଦାମ୍ବୁତି ସାଦୁ ତଲେ,

୮ ଗାଞ୍ଜୁରମି ଅଡ଼େ ଅପାଆ ତାଣ୍ଡା, ମାମ୍ବୁ ମୁନି ବେଟାଆହି ମାନମି ଇଞ୍ଜାଁ ଲାଜା ବେଟାଆହି ମାନମି; ଇଞ୍ଜାଁ ନାଡ଼ିକିଞ୍ଜି ଆହିମାନମି, ଆଡ଼ିଜିକେଏ ସାତା ଗାଟାତମି ।

୯ ପୁଣ୍ଡି ଆଆତି ଲକ୍ଷୁ ଲେହେଁ, ଆଡ଼ି ଜିକେଏ ନେହଁ ପୁଣ୍ଡିଆଡ଼ି ଲକ୍ଷୁ, ହାଡ଼ାରି ଲେହେଁ ଆଡ଼ି ଜିକେଏ ମେହଦୁ ମାମ୍ବୁ ନୀତାମାନମି, ମାମ୍ବୁ ଉଣ୍ଡୁ ବେଟାଆହାମାନମି ସାମା ହାହା ହିଲଅମି,

୧୦ ମାମ୍ବୁ ଉଣ୍ଡୁ ତଲେ ମାଟିହଁ ଜିକେଏ ବାରେବେଲା ରାହାଁ ତଲେ ମାନମି, ମାମ୍ବୁ କାକୁଲି ଗାଟାତମି ଲେହେଁ, ସାମା ହାରେକା ଲକ୍ଷୁତାକି ବାଡ଼କା ମାନମି, ମାଙ୍ଗେ ଏନାୟି ହିଲାଆଲେହେଁ ସାମା ମାମ୍ବୁ ସ୍ତାତାତଲେ ବାରେତି ଅଦିକାରା ଗାଟାତମି; ଈ ବାରେତାଣା ମାମ୍ବୁ ମାହାପୁରୁତି ସେବା କିନାତମି ଲେହେଁ ଜାହାରାଈଁ ଜଟେ ଗାଟାତମି ଇଞ୍ଜାଁ ତସାକତି ମାନମି ।

୧୧ କରନ୍ତ୍ରତା ମାନି ଜୀଞ୍ଜୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, କୁଟୁ ହିଲାଆଲେହେଁ ମିଙ୍ଗେ ବାରେ ଖେସା ମାଞ୍ଜାନମି । ମୀ ତାଣ୍ଡା ମା ହିୟାଁ ଦେଟାମାନମି ।

୧୨ ମିଙ୍ଗେତାକି ମା ଜୀଞ୍ଜୁନନାୟି ଉଣା ଆହା ହିଲେଏ ସାମା ମା ତାକି ମୀ ଜୀଞ୍ଜୁନନାୟି ଉଣା ଆହାମାନେ ।

☆ ୬:୫ କାମା ୧୭:୨୩

୧୩ ମିଙ୍ଗେ ନା ମୀରକା ମାସକା ଇଞ୍ଜି ଅଣ୍ଟାପାନା ଇ ବାରେ ଖେସିମାଞ୍ଜାଇଁ, ମାମ୍ବୁଜୀଞ୍ଜୁନହଁ ମାଞ୍ଜାନାକି ମୀ ହିୟାଁ ଦେପି ଆପେ ।

**ଲାଗେଏ ତାଣାଟି ଜାଗ୍ରାତା କିନାୟି**

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡି ଲେହେଁ କାମା କିଆଦୁ, ଦାମ୍ବୁ କାମାତା ଲାଗେଏତି କାମା ଏନିକଁ ଆଣ୍ଟିନେ ? ଅଡେ ଆଦେରି ତଲେ ଉଜେଡି ଏନିକଁ ଆଣ୍ଟିନେ ?

୧୫ କ୍ରୀସ୍ତ ଇଞ୍ଜା ବିଲିୟାର ଏନିକଁ ଜାରୁ ଆନେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଟିଏ ଆନେରି ?

୧୬ \*ମାହାପୁରୁତି ଇଲୁତା, ଏନିକଁ ପେଶକାତି ପୂଜା ଆନେ ? ସାମା ମାର ନୀତାମାନି ମାହାପୁରୁତି ଇଲୁତାୟି, ଇତିହଁ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକୁତଲେ ନାନୁ ବାସା କିଇଁ,

ଅଡେ ଏଞ୍ଜାରିତଲେ ମାଇଁ,

ନାନୁ ଏଞ୍ଜାରି ମାହାପୁରୁ ଆଇଁ,

ଅଡେ ଏଞ୍ଜାରି ନା ଲକୁ ଆନେରି ।”

୧୭ ଏଦାଆଁତାକି ପ୍ରବୁ ଏଲେଇଞ୍ଜା ମାନେସି,

“ମୀରୁ ଏଞ୍ଜାରି ତାଣାଟି ହଟା ଖାଦୁ,

ଏଞ୍ଜାରି ତାଣାଟି ଏଟକା ଆଦୁ,

ଏନି ଲାଗେଏତି ଦିଶସୁ ତୀଗାଆଦୁ,

ଆତିହଁ ନାନୁ ମିଙ୍ଗେ ଆବାଇଁ,

୧୮ ନାନୁ ମୀ ଆବା ଆଇଁ,

ଅଡେ ମୀରୁ ନା ମୀରକା ମାସକାତେରି ଆଦେରି,

ବାରେକିହାଁ ବାଡ଼ୁଗାଟି ପ୍ରବୁ ଇଦାଆଁ ଖେସିମାଞ୍ଜାନେସି ।”



୧ ଇତିହଁ, ଏ ତାୟିୟାଁ ଅଡେ ତାଜିସ୍ତାତେରି, ଇ ବାରେ ଆଞ୍ଜାମାଗାଣି ମେଡା ଆହାମାନାକି ଖାଦୁ, ମାର ମା ଆଙ୍ଗା ଅଡେ ଜୀଞ୍ଜୁତି ଲାଗେଏ ତାଣାଟି ଆଟହା କଡିନ, ଇଞ୍ଜା ମାହାପୁରୁଇଁ ଆଜାନା ସୁଦୁ ମାଣକିତା ନେହଁ ଆନ ।

**ପାଞ୍ଜୁଲତି ରାହାଁ**

୨ ମୀ ହିୟାଁତା ମାଙ୍ଗେ ଟାୟୁ ହିୟାଦୁ, ମାମ୍ବୁ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାସା କିହାହିଲଅମି କି ଆମ୍ବାଆରାଇଁ ବୁଡ଼ି କିହାହିଲଅମି ।

୩ ନାନୁ ମିଙ୍ଗେ ଦହ ଦସାଲି ଇଦାଆଁ ଖେସିମାଞ୍ଜାଅଁ; ଇତିହଁ ନାନୁ ତଲିଏ ଖେସାମାଞ୍ଜାଇଁ, ମୀରୁ ମା ହିୟାଁତା ଏଚେକା ଟାୟୁ ବେଟାଆହାମାନାକି ମାର ହାଡିହଁ ରଣ୍ଟିଏ ତାଣା ହାନ, ନୀଡିତିହଁ ରଣ୍ଟିଏ ତାଣା ନୀଡିନ ।

୪ ମୀ ତାଣା ନାଙ୍ଗେ ହାରେକା ନାମ୍ବୁ ମାନେ, ମିଙ୍ଗେତାକି ନାଙ୍ଗେ ହାରେକା ବଡପଣ ହଡି ମାଞ୍ଜାନେ; ନାନୁ ଦୁକୁ ଡୁକହା ମାଇଁ, ମା ବାରେ କସ୍ତା ନାନୁ ସାସା ଆହାମାଇଁ, ଅଡେ ନା ହିୟାଁତା ରାହାଁ ହଡିମାଞ୍ଜାନେ ।

୫ \*ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡ଼ହା ବିଡା ଆଜି, ଇଲେତି କସ୍ତ ବେଟାଆହାଲିଏ ମା ଆଙ୍ଗା ଜିକେଏ ଜମାଲି ପୁଃଆତେ ।

୬ ସାମା ହେଲା ଗାଟାରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାନା ମାଙ୍ଗେ ସାସା ହିୟାତେସି ।

୭ ଖାଉଇ ତାନି ଖାଡାକି ରାହାଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଙ୍ଗେ ସାସା ହିୟାତେସି, ଏଚେକା ନାଙ୍ଗେ ମେସାଲି ମୀରୁ ଅଣ୍ଟିମାଞ୍ଜେରି, ଏଚେକା ମୀରୁ ଦୁକୁ କିହମାଞ୍ଜେରି, ମୀରୁ ନା ତାଣା ବାର୍ସୁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀର୍ବ ହାରେକା ରାହାଁ ଆହିମାଇଁ ।

୮ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡେକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡିଜିକେଏ

୯ ନୀର୍ବ ରାହାଁ ଆହିମାଇଁ, ମୀରୁ ନୀର୍ବ ଦୁକୁ ଆଡେରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ଖେଟପି କିତାକି ରାହାଁ ଆହାମାଇଁ; ଇତିହଁ ମା ତାଣାଟି ମୀଦି ଏନାୟିଖା ବୁଡ଼ି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି ।

୧୦ ମାହାପୁରୁ ତାଣାଟି ଖାନି ଦୁକୁ ଗେଲପାଲିତାକି ମନ ଖେଟପି କିଞ୍ଜିକିନେ, ଏଦାଆଁତାକି ଅଣ୍ଟିନାୟି ଲଡ଼ା ହିଲେଏ; ସାମା ଇ ଦାରତିତି ଦୁକୁ ହାଞ୍ଜିକିନେ ।

୧୧ ମେହଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡେରି, ଏଦି ମୀ ତାଣା ଏଚେକା ରାହାଁଗାଟାୟି, ହାଅ, ମୀ ଦହ ହିଲାଆଗାଟାଣି ତସାମାନେ, ହାଅ ଏଚେକା ଅଣ୍ଟୁ, ଏଚେକା ଆଜି, ଏଚେକା ମନ, ଏଚେକା ସେବା, ଲାଗେଏତାଣି ତଣ୍ଡ ହାହାଲି ଏଚେକା ଅଣ୍ଟୁ, ଏ ବାରେ ତାଣାଟି ମୀରୁ ଅଟହାତେରି ଇଞ୍ଜି ତଞ୍ଜା ଆହିମାଞ୍ଜେରି ।

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଡିତେଏଁ, ଆତିହଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅଟହା ମାନେସି, ଏଞ୍ଜାଣାକି ରାଡିତେଏଁ, ଏଦି ଆଏ, ସାମା ମାଙ୍ଗେ ତାକି ମୀ ରାହାଁ ଏନିକଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜି ତଞ୍ଜାଆନେ, ଏଦାଆଁତାକି ରାଡିତେଏଁ । ଇତିହଁ, ମାମ୍ବୁ ସାସା ବେଟାଆହାମାନମି ।

୧୩ ଅଡେ ମା ବାର୍ସୁତା ମାମ୍ବୁ ତିତସ ରାହାଁତାକି ହାରେକା ରାହାଁ ଆଡମି, ଇତିହଁ ଏଞ୍ଜାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହାଁ କିହାମାଞ୍ଜେରି ।

୧୪ ଆତିହଁ ଏନି କାତା ତିତସ ତାଣା ମୀ ତାକି ନାନୁ ବଡପଣ କିହାମାଇଁ, ଆତ ଲାଜା ଆହାହିଲଅଁ, ସାମା ଏନିକଁ ମାର ବାରେ କାତାତା ମିଙ୍ଗେ ସାତା ଖେସାମାଞ୍ଜାତମି, ଏଲେକିହଁ ତିତସ ନକିତା ମା ବଡପଣ ଆନାୟି ଜିକେଏ ସାତା ଇଞ୍ଜି ପୁଣ୍ଡିଆହାମାନେ ।

୧୫ ଇଞ୍ଜା ମୀରୁ ଏନିକଁ ଆଜି ଅଡେ ତୀରଗିହଁ



ଏଞ୍ଜାଣାଇଁ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନୁଞ୍ଜି ଆଡେରି, ଏ ବାରେ ଅଣ୍ପାନା ମିଙ୍ଗେତାକି ତାନି ହିୟାଁତା ଜୀଞ୍ଜୁନନାୟି ହାରେକା ପାତା ଆଡେ ।

୧୭ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡାକ୍ ଏଦାଆଁତାକି ନାଙ୍ଗେ ହାରେକା ରାହାଁ ହଡ଼ିମାଞ୍ଜାନେ ।



**କ୍ରୀସ୍ତାନା ଲକୁ ଦାନା ହାନାୟି**

୧ ଏ ମା ତାୟିୟାଁ ଅଡେ ତାଙ୍ଗିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ଝେସିମାଞ୍ଜାନମି;

୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇଚିହଁ ଜିକେଏ; ଜାହାରା ଅଣ୍ପୁ ତଲେ ତାନି ଦାନା ହାନି ତାଣା ଏଞ୍ଜାରି ରାହାଁ ହାରେକା ମାଟେ ।

୩ ଏଦାଆଁତାକି ଇଚିହଁ ନାନୁ ସାକି ହାହିମାକ୍, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁୟୁ କିହାଁ ଜିକେଏ ହାରେକା ଗାଡ଼ି ଦାନା ହାହାମାନେରି ।

୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ପୁ ତଲେ ବାଡ଼ିମାଲିହଁ ମାଙ୍ଗେ ହେଲ ରାସ୍ତାତେରି;

୫ ଏଞ୍ଜାରି ଝାରଇ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଲେ ସାଲୁଞ୍ଜି ଆହାନା ତଲିଏ ଜାହା ଜାହାରାଇଁ ପ୍ରବୁ ତାଣା ଇଞ୍ଜା ମା ତାଣା ହେରପାତେରି ।

୬ ତିତସ ମୀ ତାଣା ଏ କାର୍ମାମେହନି କାମା ଏନିକଁ ମାଟୁହା ମାଟେସି, ଏଲେକିହଁ ଏ ଏଦାଆଁ ରାପୁହାଲି ଏଞ୍ଜାଣାଇଁ ସାସା ହାତମି ।

୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇଚିହଁ ନାମ୍ବୁ, କହୁଗାଟାରି, ବୁଦି ଇଞ୍ଜା ବାରେଲେହେଡ଼ି ରାହାଁ, ମିଙ୍ଗେତାକି ମା ଜୀଞ୍ଜୁନନାୟି, ଏଲେକିହଁ ବାରେ କାତା ଏନିକଁ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହଁ ଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ ।

୮ ନାନୁ ହୁକୁମି ହାନି ଲେହେଁ ଝେସିମାଞ୍ଜଅଁ, ସାମା ଅର ଲକୁତି ରାହାଁ ଆହାଲି ତସାନା ମୀ ଜୀଞ୍ଜୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଇଁ ।

୯ ଇଚିହଁ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଡେରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିଜିକେଏ ମୀ ତାକି ହିଲାଆଗାଟାସି ଆଡେସି ।

୧୦ ଏଦାଆଁତାକି ନା ଅଣ୍ପୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହଁ ଡାଣ୍ଡୁଟିଏ ମୀରୁ ମୂଲୁଏ କାମା ମାଟୁହେରି, ଏଦି ଆଏ, ସାମା ଏ କାମା କିୟାଲି ନଡ଼କେଏ ଜିକେଏ ଅଣ୍ପାମାଟେରି ।

୧୧ ନୀଏଁ ଏ କାମା ଜିକେଏ ରାପୁଦୁ, ମୀରୁ ଏ କାମା କିହାଲି ଏନିକଁ ଅଣ୍ପାମାଟେରି, ଏଲେକିହଁ ରାହାଁତି ଅଣ୍ପୁ ତଲେ ଏ କାମା ରାନ୍ଦେ ।

୧୨ ଇଚିହଁ ହାହାଲିତାକି ରାହାଁ ମାଟିହଁ ମାଣ୍ଡସି ତାନି ଆଡ଼ିନିଲେହେଁ ଏଦାଆଁ ହାନେସି, ମାହାପୁରୁ ନକିତା ନେହାୟି ଆନ୍ଦେ ।

୧୩ ଇଚିହଁ ଏଟକାତାରି ଏନିକଁ ସୁକୁ ବେଟାଆନ୍ଦେରି, ଇଞ୍ଜା ମୀରୁ କସ୍ତ ବେଟାଆଦୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜଅଁ;

୧୪ ସାମା ସମାନା ଆହାଲିତାକି ନୀଏଁ ମୀ ବାଡ଼କୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଜି ଆହିମାନେ, ଏନିକିହଁ ଏଞ୍ଜାରି ବାଡ଼କୁ ତଲେ ମୀ ହିଲାଆଗାଟାଣି ପୁରା କିଞ୍ଜିଆନ୍ଦେ, ଇଞ୍ଜା ଇଲେଆହଁ ସମାନା ତଞ୍ଜାଆନ୍ଦେ,

୧୫ ଦାମ୍ବୁପତିତା ଏନିକିହଁ ରାସ୍ତକି ଆହାମାନେ, “ଆମ୍ବାଆସି ହାରେକା କୃଡ଼ି କିତେସି, ଏଞ୍ଜାଣିଞ୍ଜାୟି ହାରାଆତେ, ଇଞ୍ଜା ଆମ୍ବାଆସି ଡ଼ଣା କୃଡ଼ି କିତେସି, ଏଞ୍ଜାଣାକି ଡ଼ଣା ଆଆତେ ।”

**ତିତସ ଅଡେ ତାନି ଆଟୁହିତାରି**

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଣ୍ପିନି ମନ ହାଡେସି ।

୧୭ ଇଚିହଁ ଏଞ୍ଜାସି ଝାରଇ ମା ବାଡ଼ିମାଲିତାଣି ଅପିତେସି, ଏଦି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଝାହାଲି ଏଞ୍ଜାସି ମନ କିହିମାନେସି ।

୧୮ ଏଞ୍ଜାଣିତଲେ ମାମ୍ବୁ ଅର ତାୟିକ୍ ପାଣ୍ଡିମାଞ୍ଜାନମି; ଏଞ୍ଜାସି ନେହଁ କାରୁ ଝେକ୍ନି କାମାତାକି ତାନି ଗାଞ୍ଜୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ,

୧୯ ଝାରଇ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାର୍ମାମେହନି କାମା ତଲେ ପ୍ରବୁତି ଗାଞ୍ଜୁରମି ଇଞ୍ଜା ରାହାଁ ଅଣ୍ପୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆଡ଼ିଆହାମାନେସି ।

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହଁ ମାଙ୍ଗେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି;

୨୧ ଇଚିହଁ ଝାରଇ ପ୍ରବୁ କାନୁତାକି ଆଏ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣ୍ପିମାନମି ।

୨୨ ଅଡେ, ମାମ୍ବୁ ମା ଅର ତାୟିକ୍ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜା ନେହଁ କଁ ପୁଞ୍ଜାମାନମି, ଇଞ୍ଜା ମୀ ତାଣା ଆଟୁଞ୍ଜା ନାମ୍ବୁ କିହାଁ ମାନାକି ଏଞ୍ଜାସି ନୀଏଁ ହାରେକା ରାହାଁ ଆହାମାନେସି ।

୨୩ ତିତସ କାତା ଆମ୍ବାଆସି ଝେଞ୍ଜାତିହଁ, ଏଞ୍ଜାସି ନା ଆଟୁହିତାସି ଇଞ୍ଜା ମୀ ତାକି ନା ତଲେ କାମାକିନାସି; ଇଞ୍ଜା ମା ତାୟିୟାଁ କାତା ଝେଞ୍ଜାତିହଁ, ଏଞ୍ଜାରି କୁଲମିକା ତାଣାଟି

ପାଶୁକି ଆହାମାନାରି, ଅଡ଼େ କ୍ରୀସ୍ତତି ଗାଞ୍ଜୁରମି ଖେଜି କିହି ମାନାରି ।

୨୪ ଇତିହାସ ମୀ ଜୀବୁନନାୟି ଇଞ୍ଜା ମୀ କାତାତା ମା ବଡ଼ପଣତି ପାରମାଣା କୁଲମିକା ନକିତା ଏଞ୍ଜାରାକି ତହୁଦୁ ।



**ହାକିଗାଟି କ୍ରୀସ୍ତାନା ଲକୁଣି ସାୟେମି**

୧ ଜୀହୁଦାତା ମାନି ମାହାପୁରୁ ଲକୁଣି ସାୟେମି କିନି କାତା ଅଡ଼େ ମିଜେ ରାତୁଲି ଲଡ଼ା ଆଏ;

୨ ନାନୁ ପୁଞ୍ଜାମାଇ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜା ମାକିଦନିୟାତି ଲକୁ ତାଣା ମୀ ତାକି ନାନୁ ବଡ଼ପଣ ଆହିମାଇ । ନାନୁ ଖେସାମାଚେଏ, “ଆକାୟାତି ତାୟିୟା ସାୟେମି କିହାଲି ହାଟି ବାସୀଟିଏ ତିୟାରା ଆହାମାନେରି ।” ମୀରୁ ଏଲେକା ସାୟେମି କିନାୟି ଏଞ୍ଜାରି ବିତ୍ରାଟି ହାରେକା ଲକୁଣି ଜାଗ୍ରାତା କିହାମାନେ ।

୩ ଆଡ଼ିଜିକେଏ ନାନୁ ତାୟିୟାଙ୍କ ପାଣ୍ଡିମାଞ୍ଜାଇ, ମୀ ତାକି ବଡ଼ପଣ ତହୁନାୟି ଏନିକା ଉଜେଏ ଆଏ, ସାମା ନା କାତାଲେହେ ହାହାଲିତାକି ଜାଗ୍ରାତା ଆଦୁ,

୪ ଏଚେତା ଆପେ ନା ତଲେ ଆମିନି ଲକୁ ପାଚେ ମାକିଦନିୟାଟି ଖାହାଁ ମୀ ଦାନା କୃତି କିହା ହିଲାଆ ଗାଟାଣି ମେସିହା ମୀରୁ ପାଣ୍ଡି ଲାଜା ପିସାନା ମାମ୍ବୁ ଲୁ ଆଟ୍ଝା ନାମୁତି କାତାତାକି ଲାଜା ବେଟାଆନମି

୫ ମୀରୁ ତଲିଏ ଆଞ୍ଜାମାଟି ଦାନା ଏନିକା ଗୁରୁମୁରୁ ଆହା ହୀନାୟି ଆଆନା ଜାହାରା ଅଣ୍ପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୃତିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାନୁ ଏ ତାୟିୟାଣି ବାଡ଼ିମାଲାଇ ଅଣ୍ପାମାଚେଏ ।

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାଡ଼ି ବିଚା ମାଟିନେସି, ଏଞ୍ଜାସି ଗାଡ଼ି ତାସା ବେଟାଆନେସି ।

୭ ବାରେଜାଣା ଜାହାରା ହିୟାଁ ଏନିକା ଅଣ୍ପା ମାନେ, ଏଲେକା କିପେରି, ମୁସ୍ତି କି ବାଲାମାତମି ତଲେ ଆଏ; ଏନାଆଁତାକି ଇତିହାସ ମାହାପୁରୁ ଜାହାରା ଅଣ୍ପୁ ତଲେ ଦାନାହୀନି ଲକୁଣି ଜୀବୁ ନଚେସି ।

୮ ଅଡ଼େ, ବାରେ ଦିଶ୍ଵା ବାରେବେଲା ହାରେପୁରେ ବେଟାଆହାଁ ମୀରୁ ଏନିକା ବାରେ ନେହା କାମାତାକି ହାରେକା ଇଞ୍ଜା ହାରେକା ଦାନା କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଜେ ବାରେଲେହେଟି କାର୍ମା ହାରେପୁରେ ହାହାଲି ଆଡ଼ାନେସି ।

୯ ଦାର୍ମପତିତା ରାସ୍ତି ଆହାମାନେ, “ଏଞ୍ଜାସି କେୟୁ ଦେଚାନା ଦାନା ହାହାମାନେସି, ଏଞ୍ଜାସି ହିଲାଆ ଗାଟାରାକି ହାରେପୁରେ ହାହାମାନେସି; ଏଞ୍ଜାଣି ଦାର୍ମ ଏଚେଲାଞ୍ଜା ରାଏ ।”

୧୦ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାନ୍ଦା ହୀନେସି, ଏଞ୍ଜାସି ମାଟାଲିତାକି ମିଜେ ବିଚା ହିୟାନେସି ଇଞ୍ଜା ଏଦାଆଁ ପାଡ଼ିକନେସି, ଅଡ଼େ ମୀ ଦାର୍ମୁତି ପାଡ଼େୟି ଗାଡ଼ି କିନେସି ।

୧୧ ଏଲେକା ମୀରୁ ବାରେ ଦିଶ୍ଵାତା ବାଡ଼କାନା ଜାହାରା ଅଣ୍ପୁ ତଲେ ଦାନା କିହାଲି ଆଡ଼ିଦେରି, ଇଞ୍ଜା ଏଦି ମା ତାଣାଟି ମାହାପୁରୁଙ୍କ ଜହରା କିନାୟି ଆନେ ।

୧୨ ଇତିହାସ ଇ ଦାନା ହୀନି ସେବା କାମା ମାହାପୁରୁ ଲକୁତି ଲଡ଼ାମାନାଣି ପୁରା କିହିମାନେ, ଏଦି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକୁ ରାହାଁତଲେ ଜହରା କିହିମାନେରି ।

୧୩ ଇତିହାସ ଇ ସେବା କାମାଟି ପାରମାଣା ତାକି ଲକୁ ମିଜେ ଆବିମାଞ୍ଜାନି କ୍ରୀସ୍ତତି ନେହା କାବୁତି ନାମୁ, ଇଞ୍ଜା ମାହାପୁରୁତି ଲକୁ ଅଡ଼େ ବାରେତାକି ମୀ ଆଣ୍ଡିନାୟି ତୀରପୁ ତାକି ମାହାପୁରୁତି ଗାଞ୍ଜୁରମି କିହିମାନେରି ।

୧୪ ମିଜେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଞ୍ଜାରି ଜିକେଏ ହାରେକା ରାହାଁତଲେ ପ୍ରାଡ଼ାନାତା ମିଜେ ଅଣ୍ପିମାଞ୍ଜାନେରି ।

୧୫ ମାହାପୁରୁତି ହାରେପୁରେ ଦାନା ତାକି ତାଜେ ଜହରା ଆପେ ।



**ପାଞ୍ଜୁଲ ତାନି ସେବା କାମାତାକି ଖେଣ୍ଡେଖେହନାୟି**

୧ ନାନୁ ପାଞ୍ଜୁଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୟୁ ତହୁନାତେଏଁ, ନାନୁଏ କ୍ରୀସ୍ତତି ସୁଦୁଗାଟି ଅଣ୍ପୁ ତଲେ ମିଜେ ବାଡ଼ିମାଲିହାଁ ରାସିମାଞ୍ଜାଇ,

୨ ହାଅ ନାନୁ ପ୍ରାଡ଼ାନା କିହିମାଇ, ମାର ମାଣ୍ଠିତି ଅଣ୍ପୁ ତଲେ ତାକିମାନାୟି ଇଞ୍ଜା ଅଣ୍ପିମାନାରି କପାଟି ବାଡ଼ୟୁ ତସାଲି ଅଣ୍ପାମାଇ, ଇଞ୍ଜା ନାନୁ ଖାଡ଼ିସାରେ ଏଲେଟି ବାଡ଼ୟୁ ତସାଲି ଆଏ;

୩ ମାର ଇ ଦାର୍ଡିତା ଆଜ୍ଞା ତଲେ ନୀତାମାନାୟି ସାତା, ସାମା ମାର ଦାର୍ଡିତି ଅଣ୍ପୁ ତଲେ ଜୁଜୁ କିହି ହିଲାଆୟି,

୪ ଇତିହାସ ମା ଜୁଜୁତି ସାଜୁ ଆଜ୍ଞାତି ଜୁତି ତଲେ ଆଏ, ସାମା କାଜା କଟା ଇଲୁ ମେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୟୁ ଆନେ;

୫ ମାମ୍ବୁ ମିତି ଅଣ୍ପୁ କାତା ବାରେ ଅଡ଼େ ମାହାପୁରୁତି ବୁଦି କପାଟି ନିଜିନି ବଡ଼ପଣ ତହୁନି କାଜା କାତାତି ବାରେ ମେକ୍‌ନମି; ଅଡ଼େ ବାରେଲେହେଟି ଅଣ୍ପିନାଣି ଆସାନା କ୍ରୀସ୍ତତି ମାନି ଆୟାଲି ଦସ୍ପି କିହିମାନମି ।

୬ ଏଚିବେଲା ମୀରୁ ବାରେ ଖାକିଟି ମାନୁଞ୍ଜି ଆଦେରି, ଏଚିବେଲା ମାମ୍ବୁ ମାନୁଞ୍ଜି ଆଆଗାଟାଣି ବାରେ ଡଣ୍ଡ ହୀନମି ।

୭ ମୀରୁ ସାରିସୁରୁ ପାଜ୍ଞାତା ତଞ୍ଜା ଆହିମାନାଣି ମେସିମାଞ୍ଜେରି । ଆମ୍ବାଆସି ଜାହାରାଙ୍କ କ୍ରୀସ୍ତତି ଲକୁତେଏଁ ଇଞ୍ଜା ନାମିନେସି, ଆଡ଼ିହାଁ ଏଞ୍ଜାସି ଏନିକା କ୍ରୀସ୍ତତି

ଲକ୍ଷ୍ମୀ, ମାମୁଁଜିଙ୍କେ ଏଲେକ୍ଟ୍ରିକ୍ କ୍ରୀସ୍ତ ଲକ୍ଷ୍ମୀ, ଇଦାଆଁ ତାନ୍ତ୍ରୀ ଅଣ୍ଡପାପେସି ।

୮ ଇତିହାସ ମା ଅଦିକାରୀ ତାକି ନାନୁ ଅଲ୍ପ ଗାଡ଼ି ବତପଣ ତସ୍ତ୍ର ଜିଙ୍କେ ଏଲେକ୍ଟ୍ରିକ୍ ଆଥ୍; ମିଙ୍ଗେ ନାସ୍ତ୍ର କିହାଲି ପ୍ରଭୁ ମାଙ୍ଗେ ଅଦିକାରୀ ହୀଆନା ମିଙ୍ଗେ ତିୟାରା କିହାଲି ହୀହାମାଞ୍ଜାନେସି ।

୯ ନା ରାଡ଼ିତି ଆକୁୟାଁ ତଲେ ନାନୁ ମିଙ୍ଗେ ଆଜିକିହି ମାଞ୍ଜାନେସି ଇଞ୍ଜି ଅଣ୍ଡପାଆଦୁ ।

୧୦ “ଏତରଜାଣା ଏଲେକ୍ଟ୍ରିକ୍, ପାଞ୍ଜୁଲ ତାନି ଆକୁ ରାଡ଼ିନାଟି ଅଦିକାରୀ ଅଡ଼େ କାଜା ବାଡ଼ୁୟାଁ ଗାଟାଲ, ସାମା ମା ତଲେ ଆଜ୍ଞାତା ମାନାଟି ଏଞ୍ଜିସି ବାଡ଼ୁୟାଁ ହିଲ୍ଲାଆଗାଟାସି ଅଡ଼େ ତାନି କାତା ବାରେ ଉଜେଏତାୟି ।”

୧୧ ମାମୁଁ ହେକ ମାଞ୍ଜାନା ଆକୁତା ରାଡ଼ିନି କାତା ଏନିଲେହେତାୟି, ମୀ ତଲେ ମାଞ୍ଜାନା କିନି କାମା ଜିଙ୍କେ ଏଲେକ୍ଟ୍ରିକ୍ ଇଞ୍ଜି ଲକ୍ଷ୍ମୀ ଅଣ୍ଡପାପେସି ।

୧୨ ଇତିହାସ ଆମ୍ବାଆରି ଜାହାରାଲ୍ ବତପଣ ତସା କଡ଼ିନେରି, ଏଞ୍ଜିରି ତଲେ ମାଙ୍ଗେ ଲେକା କିହାଲି ଜିଙ୍କେ ଏ ମା ସାସା ହିଲେଏ; ସାମା ଏଞ୍ଜିରି ତାମୁତାମି ତାଣାଟି ଜାହାରାଲ୍ ଲେକା କିହାନା ବୁଦି ହିଲ୍ଲାଆଗାଟାରି ତଞ୍ଜା ଆନେରି ।

୧୩ ସାମା ମାମୁଁ ହାୟି ଗାଣ୍ଡା ହାଜାନା ବତପଣ ତହୁଅମି; ମୀରୁ ଜିଙ୍କେ ଏ ମାହାପୁରୁ ମାଙ୍ଗେ ହେରପା ମାଞ୍ଜାନି କାମାଟି ହାୟି ବିତ୍ରା ତାଡ଼େରି, ଏ ଲେକା ତଲେ ବତପଣ କିଦେରି ।

୧୪ ଇତିହାସ ମୀରୁ ମା ହାୟି ବିତ୍ରା ହିଲ୍ଲାଆତି ଲେହେଁ ମାମୁଁ ହାୟି ଗାଣ୍ଡା ମାନମି, ଏଡ଼ି ଆଏ; ଏନିଇତିହାସ କ୍ରୀସ୍ତ ନେହଁ କାବୁ ଝେକ୍‌ହାସି ମାମୁଁ ମୀ ତାଣା ଜିଙ୍କେ ଏ ତଲିଏ ଝାହାମାଟମି;

୧୫ ମାହାପୁରୁ କିହାମାନି ମା କାମାଟି ପାଙ୍ଗାତା ଏଟକା ଲକ୍ଷ୍ମୀ କାମାତା ବତପଣ କିହିଲ୍ଲାଅମି, ସାମା ମାମୁଁ ଆସା କିହିମାନମି ମୀରୁ ନାମୁତା ପାତା ଆନାଣିତଲେ ମୀ ତାଣାଟି ମା କାମା ଅଡ଼େ ହାରେକା ପାତା ଆନେ ।

୧୬ ମାମୁଁ ଅର ରଅଣି ହାୟି ବିତ୍ରା ଏଞ୍ଜିସି ତଲିଏ କିହାମାନି କାମାତାକି ବତପଣ ତହୁଆନା, ମାମୁଁ ମୀ ତାଣାଟି ଅର ଦେସାତା ହାଜାନା ନେହଁ କାବୁ ଝେକ୍‌ହାଲି ଆଡ଼ିନମି ଇଞ୍ଜି ଆସା କିହିମାନମି ।

୧୭ ସାମା ଦାମୁଁପତିତା ରାସ୍‌କି ଆହାମାନେ, “ବତପଣ ତହୁନାସି ପ୍ରଭୁ କିତି କାମାତାକି ବତପଣ ତସ୍‌ପେସି ।”

୧୮ ଜାହାରାଲ୍ ନେହଁତେଏଁ ଇଞ୍ଜି ଅଣ୍ଡପିନାସି ଏଞ୍ଜିସି ତାୟିପାରିତା ଜାଣା ଆଡ଼ାସି ଆଏ, ସାମା ପ୍ରଭୁ ଆମ୍ବାଆରାଲ୍ ସାତା ନେହଁସି ଇଞ୍ଜି ଇନେସି ଏଞ୍ଜିସି ତାୟିପାରିତା ଜାଣା ଆଡ଼ାସି ।

### ୧୧

#### ପାଞ୍ଜୁଲ ଅଡ଼େ ମିତି ଜାପ୍‌ନାରି

୧ ନାନୁ ବୁଦି ହିଲ୍ଲାଆ ଗାଟାତେଏଁ ଲେହେଁ ଇଚେକା ଝେସାଲି ନାଙ୍ଗେ ହେଲ ହିୟାଡ଼ିହଁ ନେହେଁ ଇଞ୍ଜି ଅଣ୍ଡପିନାଲ, ମୀରୁ ନାଙ୍ଗେ ହେଲ ହିୟାଦେରି ।

୨ ମାହାପୁରୁ ତାକି ହାରେକା ରାହାଁତା ନାନୁ ମିଙ୍ଗେତାକି ହାରେକା ରାହାଁ, ଇତିହାସ ନାନୁ ମିଙ୍ଗେ ସୁଦୁ ତାଆ ମାଙ୍ଗାଲେହେଁ ର ତକ୍ରା ତାଣା ଇତିହାସ କ୍ରୀସ୍ତ ଲକ୍ଷ୍ମୀ ବାହା ଆୟାଲି କାତା ହୀହାମାଲ୍ ।

୩ ସାମା ରାବୁ ତାନି ସୁଦ୍ରମି ତଲେ ହବାଲ୍ ନାଡ଼ି କିଡେ, ଏଲେକ୍ଟ୍ରିକ୍ ଏଡେତା ଆପେ ମୀ ମନ କ୍ରୀସ୍ତ ତାଣା ମାନି ତୀରପୁତାୟି ଇଞ୍ଜି ସୁଦୁତା ମାନାୟି ନାସା ଆନେ, ଇଦାଆଁ ନାଙ୍ଗେ ଆଜି ହଡ଼ିମାଞ୍ଜାନେ ।

୪ ଇତିହାସ ଆମିନି ଜୀସୁଲ୍ ମାମୁଁ ଝେକ୍‌ଆତମି, ଇଲେକ୍ଟ୍ରିକ୍ ଏଟକା ଜୀସୁଲ୍ ଆମ୍ବାଆସି ଆପେ ଝାହାଁ ଝେକ୍‌ନେସି, କି ଆମିନି ସୁଦୁଜୀସୁ ମୀରୁ ବେଟାଆଆଡେରି, ଇଲେକ୍ଟ୍ରିକ୍ ଏଟକାଟି ର ସୁଦୁଜୀସୁ ବେଟାଆଡେରି, କି ଆମିନି ନେହଁ ବଲୁ ମୀରୁ ଆବାଆଡେରି, ଇଲେକ୍ଟ୍ରିକ୍ ଏଟକାଟି ର ନେହଁ ବଲୁ ବେଟାଆଡେରି, ଏଲେଆଡ଼ିହଁ ମୀରୁ ଗାଡ଼ି ଅରହିନାଡେରି ।

୫ ଇତିହାସ ଏ କାଜାପାଣା ଗାଟି “ପାଣ୍ଡୁଝି ଆଡ଼ାରି” ତାଣାଟି ନାନୁ ଏନିକିହଁ ଜିଙ୍କେ ଏ ଡ଼ା ତାତେଏଁ ଆଏ ଇଞ୍ଜି ଅଣ୍ଡପିନାଲ୍ ।

୬ ସାମା ନାନୁ କାତା ଜଲ୍ଲାଲି ପୁନାଆତି ଜିଙ୍କେ ଏ ବୁଦିତା ଡ଼ାତେଏଁ ଆଏ; ସାତାତଲେ ମାମୁଁ ବୁରାଲେଲେହେଁତି ବାରେ କାତାତା ମିଙ୍ଗେତାକି ଇଦାଆଁ ଝେସ୍ତାତମି ।

୭ ମୀରୁ ଏନିକ୍ କାଜାତେରି ଆଡେରି, ଏଦାଆଁତାକି ନାନୁ ଜାହାରାଲ୍ ଡ଼ା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହଁ କାବୁ ଝେକ୍‌ହାତେଏଁ; ଏଲେକ୍ଟ୍ରିକ୍‌ଲିଏ ନାନୁ ଏନି ପାପୁ କିଡେଏଁ ।

୮ ମୀ ତାଣା କାମା କିହଁ ମିଙ୍ଗେ ସେବା କିୟାଲି ଏଟକା କୁଲମିଟି ବର୍ତନ ବେଟାଆହାଁ ଏଞ୍ଜିରି ତାଣାଟି ମାଞ୍ଜା ଅହିମାଚେଏଁ ।

୯ ମୀ ତାଣା ମାଟିବେଲା ନାଙ୍ଗେ ଏନାଆଁ ହିଲ୍ଲାଆତି ଜିଙ୍କେ ଏ ଆମ୍ବାଆରାକି ବାଦା ହୀହାହିଲ୍ଲାଅଁ; ମାକିଦନିୟାଟି ଝାଡ଼ି ତାୟିୟା ନାଙ୍ଗେ ଲଡ଼ା ଆନାଣି ବାରେ ହିୟାଡେରି, ମିଙ୍ଗେ ବଦୁ ହୀଆରେଟୁ ନାନୁ ଜାଗ୍ରାତା ଆହାମାଚେଏଁ, ଅଡ଼େ ଜାଗ୍ରାତା ଆହାଁ ତୟିଲ୍ ।

୧୦ ନା ତାଣା ମାନି କ୍ରୀସ୍ତ ସାତାଲ୍ ସାକି ଇଟାନା ଝେସିମାଲ୍, ଆକାୟା ଗାଡ଼ାୟାତି ନା ଇ ବତପଣତି ଆମ୍ବାଆସି ଜିଙ୍କେ ଏ ସାପି କିହାଲି ଆଡ଼ଅରି ଏନାଆଁକି ?

୧୧ ନାନୁ ମିଙ୍ଗେ ଜୀସୁନହଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଙ୍ଗେ ଜୀସୁ ନହଁ ମାଞ୍ଜାଲ୍ !

୧୨ ସାମା ବତପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଝିଆଡ଼ାରି” ପାରୁ ପାରିମାନେରି ନାନୁ ଏନିକ୍ ଏଞ୍ଜିରାକି ପାରୁ ହୀଅଁ, ଇଦାଆଁତାକି ନାନୁ ଏନାଆଁ କିହିମାଲ୍, ଏଦାଆଁ କିହେମାଲ୍ ।

୧୩ ଇତିହାସ ଏଲେକ୍ଟ୍ରିକ୍ ଲକ୍ଷ୍ମୀ ନାଡ଼ିକିନି ପାଣ୍ଡୁଝି ଆଡ଼ାରି, ଇଞ୍ଜି ଝାଣା ବାଦ୍‌ଲଝିକିହାଁ କାମାକିନାରି, ଏଞ୍ଜିରି କ୍ରୀସ୍ତ ପାଣ୍ଡୁଝି ଆଡ଼ାରି ଝାଣା ଆହନେରି ।

୧୪ ଇଚିହଁ ଏଦି କାବାଆନ୍ତି କାତା ଆଏ, ଇଚିହଁ ସୟତାନ ତାନୁଏ ଉଜେଡ଼ିତି ଦୁଡୁତି ଖାଣା ଆହନେ !

୧୫ ଏଚେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଟାରି ଖାଣା ଆହନେରି, ଆତିହଁ ଏଦି କାଜା କାତା ଆଏ; ରାନ୍ତି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡ ବେଟାଆନ୍ତେରି ।

**ପାଣ୍ଡୁଆଡ଼ି ପାଣା ତାକି ପାଞ୍ଜୁଲ କସ୍ତୁ ବେଟାଆନାୟି**

୧୬ ନାନୁ ଅଡ଼େ ଝେସିମାଞ୍ଜାଇଁ, ଆମ୍ବାଆସି ନାଙ୍ଗେ ବୁଦି ହିଲିଆଗାଟାସି ଇଞ୍ଜି ଅଣ୍ପାଆପେସି; ସାମା ମୀରୁ ଏଲେକଁ ଅଣ୍ପିଦେରି, ଆଡ଼ିଜିକେଏ ବୁଦିହିଲିଆଗାଟାସି ଲେହେଁ ନାଙ୍ଗେ ଆବାଦୁ, ଏନ୍ତିଇଚିହଁ ନାନୁ ଜିକେଏ ଅଲ୍ପ ବତପଣ ତସାଲି ଆଡ଼ିଇ ।

୧୭ ନୀଏଁ ନାନୁ ଏନାଆଁ ଝେସିମାଇଁ ପ୍ରବୁତି ଅଣ୍ପୁ ତଲେ ଝେସିମାଞ୍ଜାଅଁ, ସାମା ବୁଦି ହିଲିଆ ଗାଟାତେଏଁ ଲେହେଁ ହାରେକା ସାସାତଲେ ବତପଣ ତସାନା ଝେସିମାଞ୍ଜାଇଁ ।

୧୮ ହାରେକା ଲକୁ ଦାବୁଡ଼ିତି ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ତହୁଇଁ ।

୧୯ ଇଚିହଁ ମୀରୁ ହାରେକା ବୁଦି ଗାଟାତେରି ଇଞ୍ଜିହଁ, ରାହାଁ ତଲେ ବୁଦି ହିଲିଆଗାଟାରିଆଁ ଅରୁହି ମାଞ୍ଜେରି ।

୨୦ ଆମ୍ବାଆସି ମିଙ୍ଗେ ହଲିୟାଙ୍ଗା କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଙ୍ଗେ ପାନ୍ଦାତା ମେଡ଼ହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲୀତା ସାପୁଡ଼ା ଝେଟାନେସି ଏ ବାରେ ଅରୁହି ମାଞ୍ଜେରି ।

୨୧ ନାନୁ ଲାଜାତଲେ ଝେସିମାଞ୍ଜାଇଁ, ମାର ବାଡ଼ୁୟୁ ହିଲିଆ ଗାଟାତାୟି ଆହାମାନାୟି । ଆଡ଼ି ଜିକେଏ ଏନ୍ତି କାତାତା ଆମ୍ବାଆସି ସାସା ଗାଟାସି, (ନାନୁ ବୁଦି ହିଲିଆନା ଝେସିମାଇଁ) ନାନୁ ଜିକେଏ ସାସା ଗାଟାତେଏଁ ।

୨୨ ଏଞ୍ଜାରି କି ଏବୁ ଲକୁ ? ଇଚିହଁ ନାନୁ ଜିକେଏ ଏବୁ ଲକୁତେଏଁ । ଏଞ୍ଜାରି ଇସ୍ତାୟେଲ ଲକୁ ? ଇଚିହଁ ନାନୁ ଜିକେଏ ଇସ୍ତାୟେଲ ଲକୁତେଏଁ । ଏଞ୍ଜାରି ଅବ୍ରାହାମତି କୁଡ଼ାତାରି ? ଇଚିହଁ ନାନୁ ଜିକେଏ ଅବ୍ରାହାମ କୁଡ଼ାତାତେଏଁ ।

୨୩ ☆ଏଞ୍ଜାରି କି କ୍ରୀସ୍ତତି ସେବା କିନାରି ? ଇଚିହଁ: (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଇଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାତେଏଁ, ନାନୁ ଏଞ୍ଜାରି କିହାଁ ଗାଡ଼ି ଖାହୁ କାମା କିହାମାଇଁ, ହାରେକା କାୟିଦି ଇଲୁତା ମାଚେଏଁ, ହାରେକା ଇରୁନି ମାଡ଼ା ବେଟାଆହା ମାଚେଏଁ, ଅଲେ ଅଲେ ହାକିତା ହେରୁଞ୍ଜା ମାଚେଏଁ ।

୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତୀରିସି ନ ଗଟା ବେତି ବାଡ଼ୁଗା ମାଡ଼ା ବେଟାଆହାମାଇଁ;

୨୫ ରମ୍ପତି ଲକୁ ତାଣାଟି ତାନି ପାଲି ସାବୁଣି ତ୍ପରିତଲେ ନାଙ୍ଗେ ଇରୁହାତେରି, ର ପାଲି ନାଙ୍ଗେ ଖାଲକାତଲେ ଇରୁହାତେରି, ତାନି ପାଲି ଜାଜା ତୀତି ତାଣାଟି ଗେଲହା

ମାଇଁ, ର ଲାଆଁ ର ମାଦେନା ସାମ୍ବୁରିତି ଏୟୁତା ମୁଞ୍ଜା ମାଚେଏଁ,

୨୬ ☆ନାନୁ ହାରେକା ଦେବା ଜିରୁ ତାକିନାଟି, କାତା ଆଞ୍ଜିନିତାଣା, ସରକା ତାଣାଟି, ନା କୁଡ଼ାତି ଜୀହୁଦି ଲକୁ ତାଣାଟି, ଏଟକା କୁଡ଼ାତି ଲକୁ ତାଣାଟି, କାଜା ନାସ୍ତକାତି ଆଜିଟି, ଲକୁ ହିଲିଆ ଜାଡ଼ାଟି, କାଜା ସାମ୍ବୁରି ଆଜିଟି, ଅଡ଼େ ନାଡ଼ିକିନି ତଣ୍ଡେସିଙ୍ଗା ଆଜିଟି ।

୨୭ ନାନୁ ହାରେକା କାମା କିହାନା କସ୍ତୁ ବେଟାଆହାମାଇଁ, ଏଚର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସ୍କିଟି ମାଚେଏଁ, ଏଚର ପାଲି ଉପାସା ତଲେ, ପେନି ଇଞ୍ଜା ନାଗୁଡ଼ାଟି ମାଚେଏଁ ।

୨୮ ଏଲେତି ବାରେ ବାଦା ପିସପେ ନାଙ୍ଗେ ଅଡ଼େ ର କାଜା ବକୁମାନେ, ଇଚିହଁ ବାରେଦିନା କୁଲମିକା ତାକି ନାନୁ ଅଣ୍ପିମାଇଁ ।

୨୯ ଆମ୍ବାଆସି ବାଡ଼ୁୟୁ ହିଲିଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୁୟୁ ହିଲିଆ ଗାଟାତେଏଁ ଆଏକି ? ଆମ୍ବାଆସି ପାପୁ କିତିହଁ ନାନୁ ହିୟାତା ଦୁକୁ ଆଆଁ କି ?

୩୦ ନା ବତପଣ ତସାଲି ଲଡ଼ା ଆତିହଁ, ନାନୁ ନା ଆଡ଼ାଆଗାଟାଣି ତାକି ବତପଣ ତହୁଇଁ ।

୩୧ ନାନୁ ମିତି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲିକାଲି ତାକି ଜହରା ।

୩୨ ☆ଦମେସକତା ହାରେତା ରାଜାତି ସାଲୁଞ୍ଜି କିନାସି ନାଙ୍ଗେ ଆସାଲି ଏ ଗାଡ଼ାତି ତାନି କାପୁ କାଞ୍ଜିନି କସ୍ତକାଣି ପାଣ୍ଡୁନା କାପି କିହିମାଚେସି ।

୩୩ ଇଞ୍ଜା ର ତାଲିତା କିଡ଼କିତି କାତି ଲାକଟି ନାଙ୍ଗେ ରେପହାଲିଏ ନାନୁ ଏଞ୍ଜାଣି କେୟୁଟି ଗେଲ୍ପିଆତେଏଁ ।

**୧୨**

**ପାଞ୍ଜୁଲ ତଞ୍ଜାଆନାଣି ମେହନାୟି**

୧ ବତପଣ କିନାୟି ନେହାୟି ଆଆଡ଼ି ଜିକେଏ ନାଙ୍ଗେ ବତପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡ଼େ ତଞ୍ଜାଆନାଣି ମିଙ୍ଗେ ଝେସ୍ତାଇଁ ।

୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଞ୍ଜାସି ସଦ ବାର୍ଯା ନକେଏ ଲାକପୁରୁତି ତାନି ପୁରୁ ପାଚେକା ଅଞ୍ଜିଆଡ଼େସି ଏଞ୍ଜାସି ଆଙ୍ଗା ତଲେ ମାଚେସି କି ଆଙ୍ଗା ହିଲିଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି ।

୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଞ୍ଜାସି ପାରାଦିସତା ଅଞ୍ଜିଆଡ଼େସି ଏଞ୍ଜାସି ଆଙ୍ଗା ତଲେ ମାନେସି କି ଆଙ୍ଗା ହିଲିଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି ।

୪ ଏଞ୍ଜାସି ଲାକପୁରୁ ଅଞ୍ଜିଆଡ଼େସି, ଅଡ଼େ ଇଲେତି ହାଡ଼ା ଝେଚେସି, ଏଦାଆଁ ମାଣ୍ଡସି ଜଲ୍ଲାଲି ଆଡ଼ାଆଗାଟାୟି ଅଡ଼େ ଗୁଡ଼ିତା ଅହାଲି ଆଡ଼ାଆଗାଟାୟି ।

☆ ୧୧:୨୩ କାମା ୧୭:୨୩ ☆ ୧୧:୨୭ କାମା ୯:୨୩; କାମା ୧୪:୫ ☆ ୧୧:୩୨ କାମା ୯:୨୩-୨୫

୫ ଇଲେତି ର ଲକ୍ଷ୍ମୀତାକି ନାନୁ ବତପଣ କିଲ୍, ସାମା ନା ତାକି ନାନୁ ନା ବାଡ଼ୁଲ୍ ହିଲାଆଗାଟାଣି ପିସ୍‌ପେ ଅଡ଼େ ଏନାଆଁତାକିଞ୍ଜା ବତପଣ କିଅଁ ।

୬ ବତପଣ ତସାଲି ଅଣ୍‌ପିତିହ୍ ଡିକେଏ, ନାନୁ ବୁଦି ହିଲାଆ ଗାଟାତେଏଁ ଆଅଁ, ଇତିହ୍ ନାନୁ ସାତା କାତା ଝେହ୍ଲ୍, ସାମା ଲକ୍ଷ୍ମୀ ନାଜେ ଏନିକ୍ ମେସ୍‌ସାନ୍‌ରେ ଇଞ୍ଜା ନା ତାଣ୍‌ଟି ଏନିକ୍ କାତା ଝେନେରି, ନାଜେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକ୍ ନା କାତାତା ହାରେକା ଅଣ୍‌ପିଅସି ଇଞ୍ଜା, ଇଦାଆଁତାକି ନାନୁ ସାପି ଆହାମାଲ୍ ।

୭ ନାନୁ ଏନିକ୍ ଗାତି ବତପଣ କିଅଁ, ଇଦାଆଁତାକି ନା ଆଜ୍ଞାତା ର ସାସ୍ତି ହାପ୍‌କି ଆୟାତେ, ନାଜେ ସାସ୍ତି ହାହାଲି ସୟତାନତି ଦୁଡ଼ୁଲ୍ ପାଣ୍ଡୁଞ୍ଜିଆଡେ, ଏନିକ୍ ନାନୁ ଗାତି ବତପଣ ଆଅଁ ।

୮ ଏ କସ୍ତ ନା ତାଣ୍‌ଟି ହେକ ଆୟାଲି ତାନି ପାଲି ପ୍ରୁଲ୍ ବାଡ଼ିମାଲିହ୍ ରୀସ୍‌ସେଏଁ ।

୯ ଅଡ଼େ ଏଞ୍ଜାସି ନାଜେ ଏଲେଇଞ୍ଜାନେସି, “ନା କାର୍ମାମେହ୍‌ନାୟି ନିଜେତାକି ହାରେପୁରେ,” ଇତିହ୍ ନୀ ବାଡ଼ୁଲ୍ ହିଲାଆତାଣା ନା ବାଡ଼ୁଲ୍ ହାରେ ଗାତିଆହ୍ ତଞ୍ଜାଆନେ, ଇତିହ୍ ଏନିକ୍ କ୍ରୀସ୍ତତି ବାଡ଼ୁଲ୍ ନା ତାଣ୍‌ଟା ଡ଼ୟିନେ, ଏଦାଆଁତାକି ନା ବାଡ଼ୁଲ୍ ହିଲାଆ ବେଲାତା ହାରେକା ରାହ୍‌ଆଁ ତଲେ ବତପଣ ତହ୍ଲ୍ ।

୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁଲ୍ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଖାନ୍ତି ବେଲା, କସ୍ତତା ନାନୁ ରାହ୍‌ଆଁଆଲ୍, ଇତିହ୍ ଏତିବେଲା ବାଡ଼ୁଲ୍ ହିଲାଆ ଗାଟାତେଏଁ ଏତିବେଲା ବାଡ଼ୁଲ୍ ଗାଟାତେଏଁ ।

**କରିକ୍ତ ତାରାକି ପାଞ୍ଜୁଲ ଅଣ୍‌ପିନାୟି**

୧୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଆହାମାଲ୍, ମୀରୁ ନାଜେ ଏଲେକିଞ୍ଜି କିୟାତେରି, ମୀରୁ ନାଜେ ନେହ୍‌ସି ଇଞ୍ଜାନାୟି ମାତେ; ନାନୁ ଏନାତେଏଁ ଆଏ, ଆଡ଼ି ଜିକେଏ ଏ “କାଜା ପାଣ୍ଡୁଞ୍ଜି ଆହାମାନାରି” କିହ୍‌ଆଁ ଉଣାତେଏଁ ଆଏ ।

୧୨ ଆମ୍ବାଆସି ହାରେକା ସିନାୟାଁ, କାବାଆନି କାମା, ଅଡ଼େ ବାଡ଼ୁଲ୍‌ତି କାମା ପାଣ୍ଡୁଞ୍ଜି ଆହାମାନାରି ସିନାୟାଁଲେହେଁ, ଏ ବାରେ ସାତେଏ ମୀ ତାଣ୍‌ଟା ସାସାତଲେ କିଞ୍ଜିଆହାମାନେ ।

୧୩ ଇତିହ୍ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍‌ପେ ଅର କୁଲମିତି ଲକ୍ଷ୍ମୀ କିହ୍‌ଆଁ ମିଜେ ଅଡ଼େ ଏନିକ୍ ଉଣା ମେସାମାଞ୍ଜାଲ୍, ଏ ନା ଦହ୍ ଆସ୍ତାଆଦୁ ।

୧୪ ମେହ୍‌ଦୁ ମୀ ତାଣ୍‌ଟା ଖାହାଲି ନୀଏଁ ତଲେ ତାନି ପାଲି ତିୟାରା ଆହିମାଲ୍, ଅଡ଼େ ନାନୁ ମିଜେ ଏନି ବଜୁ ହିୟାଁ, ଇତିହ୍ ନାନୁ ମୀ ଦନ ପାରାଆନା ମିଜେ ପାରିମାଞ୍ଜାଲ୍, ମୀରକା ମାସ୍‌କା ତାନି ଇୟା ଆବାକି କୁଡ଼ିକିଡ ସାମା ଇୟା ଆବା ଦେଁ ତାନି ମୀରକା ମାସ୍‌କାକି କୁଡ଼ିକିନାୟି ମାନେ ।

୧୫ ନାନୁ ମୀ ଜୀଞ୍ଜୁତାକି ହାରେକା ରାହ୍‌ଆଁତଲେ ହାଲ୍, ହାଅ ନା ଜୀଞ୍ଜୁ ଜିକେଏ ହାଲ୍, ନାନୁ ମିଜେ ହାରେକା

ଜୀଞ୍ଜୁନହ୍ ମାଞ୍ଜାତିହ୍ ଏନାଆଁ ମୀରୁ ନାଜେ ଉଣା ଜୀଞ୍ଜୁନହ୍ ମାଞ୍ଜାଦେରି ?

୧୬ ସାମା ନାନୁ ଜାହାରାଲ୍ ମିଜେ ବଜୁ କିୟାଆତେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଜେ ମିତି ତଲେ ଆସ୍ତାତେଏଁ ।

୧୭ ନାନୁ ମୀ ତାଣ୍‌ଟା ଆମ୍ବାଆରାଲ୍ ପାଣ୍ଡାମାଞ୍ଜାଲ୍, ଏଞ୍ଜାରି ବିତ୍ରାଟି ରଅଣି ତଲେ ମୀ ତାଣ୍‌ଟାଟି ଏନି ଲାବା ବେଟାଆଡେଏଁ କି ?

୧୮ ନାନୁ ତିତସଲ୍ ହାଜାଲି ବାଡ଼ିମାଲ୍ ମାରେଏଁ, ଇଞ୍ଜା ଏଞ୍ଜାଣିତଲେ ଅର ତାୟିଲ୍ ମୀ ତାଣ୍‌ଟା ପାଣ୍ଡାତେଏଁ । ତିତସ ମୀ ତାଣ୍‌ଟାଟି ଏନାଆଁ ଲାବା କିତେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣ୍ଡିଏ ପାଞ୍ଜୁଲିତା ତାକିହିଲଅମି ?

୧୯ ନୀଏଁ ପାତେକା ମୀରୁ ଅଣ୍‌ପିମାଞ୍ଜେରି, ମାମ୍ବୁ ମୀ ନକିତା ଜାହାରାଲ୍ ନେହ୍ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ କାତା ଜଲିମାନମି, ଇଞ୍ଜା ଏ ଜୀଞ୍ଜୁତି ତାୟିୟାଁ ବାରେ କାତା ମୀ ନେହେଁତାକି ଝେସିମାନମି ।

୨୦ ଇତିହ୍ ଏଡେତା ନାନୁ ମୀ ତାଣ୍‌ଟା ଖାଡ଼ିସାରେ, ମିଜେ ଏନିକ୍ ମେସାଲି ମନ କିହିମାଲ୍ ଏଲେକିହ୍ ମିଜେ ମେସ୍‌ସାଆସାରେ, ଅଡ଼େ ମୀରୁ ନାଜେ ଏନିକ୍ ମେସାଲି ମନ କିହ୍‌ଆଁ ହିଲଅତେରି ଏଲେକ୍ ମେସ୍‌ସାଦେରି, ଏଦାଆଁତାକି ନାନୁ ଆଜିମାଲ୍; ଇତିହ୍ ମା ବିତ୍ରା ବାଡ଼ିବାଦା, ତାହାରା, କପା ଅଡ଼େ ଗତି ଗତି ଆନାୟି, ରଅସି ରଆଣାଲ୍ ନିୟା କିନାୟି, ସାକ୍ତି କାତା ଜଲିନାୟି, ବତପଣ ତସ୍‌ପି ଆହ୍‌ଆଁ ଗଡ଼ହା ଆନେ;

୨୧ ଇଞ୍ଜା ନାନୁ ଅଡ଼େ ଝେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଜେ ଅଡ଼େ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାନି ଲାଗେଏତି କାମା, ଦାରିକାମା ଅଡ଼େ ଦାରି କାମାତାକି ଜୁପ୍‌କା ଆନାଣି ତାକି ନୀଏଁ ପାତେକା ମନ ଝେଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହ୍ ଡ଼ାହାଲିଆନେ ।

**୧୩**

**ଜାଗ୍ରାତା କିହ୍‌ଆଁ ଜହରା ତଲେ ଆକୁତି ରାପ୍‌ନାୟି**

୧ ନୀଏଁ ତଲେ ତାନି ପାଲି ନାନୁ ମୀ ତାଣ୍‌ଟା ଖାହିମାଲ୍, ଦାମ୍‌ପିତତା ରାସ୍‌କି ଆହାମାନେ, “ଆମିନି ଦହ୍‌ତି କାତା ନାହାୟି କିନାୟି ରିଆରି କି ତାନି ଜାଣା ସାକିୟାଁ ତଲେ ତାରି କିଞ୍ଜିଆନେ”

୨ ଆମ୍ବାଆରି ନକେଏ ପାପୁ କିହାମାରେରି ଏଞ୍ଜାରାଲ୍ ଇଞ୍ଜା ବାରେତି ଏନିକ୍ ତଲି ରୀ ପାଲି ଝେସାମାଞ୍ଜାତେଏଁ, ନୀଏଁ ହେକ ମାଞ୍ଜାନା ଏଲେକିହ୍ ଏ ନକେଏ ଝେସିମାଞ୍ଜାଲ୍, ନାନୁ ଅଡ଼େ ଖାଡ଼ିହ୍ ଏଞ୍ଜାରାଲ୍ ଡ଼ଣ୍ଡ ହାଆନା ପିହ୍‌ଆଁ ।

୩ ଏନିକ୍ କ୍ରୀସ୍ତ ନା ତାଣ୍‌ଟା ଜଲିମାଞ୍ଜାନେସି ମୀରୁ ଏଞ୍ଜାଣି ପାରମାଣା ପାରିମାଞ୍ଜେରି; ଏଞ୍ଜାସି ମିଜେତାକି ବାଡ଼ୁଲ୍

ହିଲୀଆଗାଟାସି ଥାଏ, ସାମା ମୀ ତାଣା ବାଡ଼ୁଲୁ ଗାଟାସି ଆନେସି,

୪ ଏଞ୍ଜାସି ବାଡ଼ୁଲୁ ହିଲୀଆତାକି ପାସି ମୁଣ୍ଡାତା ଏପକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁଲୁଟି ଏଞ୍ଜାସି ନୀତାମାନେସି । ମାମ୍ବୁ ଜିକେଏ ଏଲେକି ତାନି ତାଣା ବାଡ଼ୁଲୁ ହିଲୀଆ ଗାଟାତମି, ସାମା ମାହାପୁରୁଟି ବାଡ଼ୁଲୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି ।

୫ ମୀରୁ ନାମୁତଲେ ମାଞ୍ଜେରିକି ଥାଏ, ଏ କାତାତା ଜାହା ଜାହାରାଇ ତାୟିପାରି କିହାକତାଦୁ ଇଞ୍ଜା ଅଣ୍ପାଦୁ, କି ଜୀସୁ କ୍ରୀସ୍ତୁ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅଡେରି? ଏଲେଆହୁ ଆଡିହୁ ମୀରୁ ତାୟିପାରି କିନି ତାଣା ଜୀଣା ଆହା ହିଲଅଡେରି ।

୬ ସାମା ନାନୁ ବାସୁଁ ଇଟାମାଇଁ, ମାରୁ ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି ।

୭ ମୀରୁ ଏନିକି ଏନି ଲାଗେଏଡି କାମା କିଅଡେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକି ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅନି, ସାମା ମାମ୍ବୁ ତାୟିପାରି କିଞ୍ଜି ଆହାଁ ଜୀଣା ଆଆଡିଲେହେଁ ତଞ୍ଜା ଆଆଡି ଜିକେଏ ଏନିକି ମୀରୁ ନେହୁଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି ।

୮ ଇଡିହୁଁ ମାମ୍ବୁ ସାତା କପାଟି ଏନାଆଁ କିହାଲି ଆଡିହିଲଅନି, ସାମା ସାତା ଖାକିଟି ଦେହେଁ ବାରେ କିହାଲି ଆଡିନମି ।

୯ ଏଡିବେଲା ମାମ୍ବୁ ବାଡ଼ୁଲୁ ହିଲୀଆ ଗାଟାତମି ଆନମି ସାମା ମୀରୁ ବାଡ଼ୁଲୁ ଗାଟାତେରି ଆଡେରି, ଏଡେତା ମାଞ୍ଜେ ରାହାଁ ହଡାନେ; ମୀରୁ ଏନିକି ବାରେ ଖାକିଟି ନେହାଁତେରି ଆଡେରି ଏଦାଆଁତାକି ଜିକେଏ ପ୍ରାତାନା କିହିମାନମି ।

୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡିମାଞ୍ଜାଇଁ, ଏନିକି ମୀ ତାଣା ଖାହାନା ପ୍ରବୁ ନାଞ୍ଜେ ମେକ୍‌ହାଲି ହୀଆନା, ପାଡିକିହାଲି ହୀହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଞ୍ଜାନା ବାଡ଼ୁଲୁ ତସାଲି ମିଞ୍ଜେ ଲଡା ଥାଏ ।

୧୧ ତାୟିୟା ଅଡେ ତାଜିସ୍ତାଡେରି, ରାହାଁ କିଦୁ, ନେହାଁତେରି ଆଦୁ, ରଅଡେରି ରଅଣାଇଁ ବାସୁଁ ହୀଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ି ତଲେ ବାସା ଆଦୁ, ଅଡେ ହିଡ଼ି ଇଞ୍ଜା ଜୀଞ୍ଜୁ ନନି ମାହାପୁରୁ ମୀ ତଲେ ଡୟିନେସି ।

୧୨ କ୍ରୀସ୍ତାନା ତାୟିୟା ଲେହେଁ ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା ମୀରୁ ମୀରୁଏ ରଅଡେରି ରଅଣାଇଁ ନଣ୍ଡାନା ଜହରା କିଞ୍ଜିଆଦୁ ।

୧୩ ଇମ୍ବାଆଁ ମାନି ମାହାପୁରୁ ଲକୁ ମିଞ୍ଜେ ଜହରା ଖେସିମାଞ୍ଜାନେରି ।

୧୪ ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ମାହାପୁରୁଟି ଜୀଞ୍ଜୁନନାୟି ଅଡେ ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି ଆୟାପେ ।

# ଗାଳାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ଗାଳାତିୟ ଆକୁ ପାଣ୍ଡୁଆହାମାନି ପାଞ୍ଚୁଲ ତାଣାଟି ରାସ୍ତି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାୟୁ ୪୮ ଟିଏ ୫୭ ବାର୍ଷା ବିତ୍ରା ଗାଳାତିୟ କୁଲମିତି ନାମିତି ତାୟିୟାକି ରାସ୍ତି ଆହାମାନେ । ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଟାୟୁତା ବାସା କିହା ମାଣ୍ଡିନେରି । ପାଞ୍ଚୁଲ ଇ ଆକୁ ରାଚିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଗାରି ଜିକେଏ ପୁଞ୍ଜାହିଲଅରି । ସାମା ଏପିସିୟ ଆଆତ କରନ୍ତି ଇ ରୀ ଟାୟୁତା ମାଞ୍ଜା ଡୟିନେସି ଇଞ୍ଜି ଇନେରି ।

ପାଞ୍ଚୁଲ ଗାଳାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆକୁ ରାଚିମାନେସି । ଏଞ୍ଜାସି ମିତି ଜାପ୍ନାରି ତାଣାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ମେରାତି ଜୀହୁଦି ହୁକୁମିତି ମାନୁଞ୍ଜି ଆହାଲି ଅଡ଼େ ବାରେକିହାଁ ତଲୁ ଦାପିଆନି ମେରା ଝେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏନିଗାଗାରି ଜୀହୁଦି ଦାମ୍ପୁତି ଆବିତାରି । ଏଞ୍ଜାରି ଜିକେଏ ପାଞ୍ଚୁଲତି ପାଣ୍ଡୁଆହାମାନି ଅଦିକାରାତି ଝେଞ୍ଜିମାଚେରି । ପାଞ୍ଚୁଲ ଏଚେକା ପୁସପନିକା ତଲେ ତାନି ପାଣ୍ଡୁଆହାମାନି କାତା ଝେସାନା ଏଞ୍ଜାରାଈ ମୁଦା କିହାମାଚେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତ ଲନାମିସାରେ ଗେଲ୍ପି ଆନାୟି ଇ କାତା ଝେସାନା ନେହଁ କାରୁତି ଗେଲ୍ପି ମାନେସି ୨:୧୭ । ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

**ପତିତା ମାନାୟି**

- ୧. ପାଞ୍ଚୁଲତି ଜହରା । ୧:୧-୫
- ୨. ପାଞ୍ଚୁଲତି ତଲିତି ଜୀସୁ ଅଡ଼େ ଜାପ୍ନି ଅଦିକାରା କାମା କିନାୟି । ୧:୬-୨:୨୧
- ୩. ମେରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍ପି ଆନାୟି । ୩:୧-୪:୩୧
- ୪. ନେହଁ କ୍ରୀସ୍ତାନା ଆହାନା ନୀତାଲି ଝେହନାୟି । ୫:୧-୬:୧୦
- ୫. ପାଞ୍ଚୁଲ ଜହରା କିହାନା ଆକୁତି ରାପ୍ନାୟି । ୬:୧୧-୧୮

**ପାଞ୍ଚୁଲତି ଜହରା**

୧ ନାନୁ, ପାଣ୍ଡୁଆତି ସୀସୁ ପାଞ୍ଚୁଲତେଏଁ, ପାଣ୍ଡୁଞ୍ଜି ଆହାଲିତାକି ନାନୁ ମାଣ୍ଡିସି ତାଣାଟି ଆଏ, ସାମା ଜୀସୁ କ୍ରୀସ୍ତ

ତାଣାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଈଁ ହାଡ଼ାରି ତାଣାଟି ନିକହାମାନେସି ଏଞ୍ଜାଣି ତାଣାଟି ବେଟାଆହାମାଈଁ,  
୨ ନା ତଲେ ମାନି ନାମୁତି ବାରେ ତାୟି ତାଈଁସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି ।

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହନାଣି ଅଡ଼େ ହିଡ଼ି ଜୀସୁ ମିଙ୍ଗେ ହୀୟାପେସି ।

୪ ନୀଏଁତି ଇ ପାପୁତି ଦାର୍ତ୍ତତା ମାଙ୍ଗେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ଡୁପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଈଁ ହେରପାକତିତେସି;

୫ କାଲ୍ଲକାଲ୍ଲତାକି ମାହାପୁରୁଈଁ ଗାଞ୍ଜୁରମି ଆପେ । ଆନେନ୍ ।

**ରଣ୍ଡିଏ ନେହଁ କାରୁ**

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଙ୍ଗେ ହାଟା ମାଞ୍ଜାତେସି, ଏଞ୍ଜାଣାଈଁ ମୀରୁ ଗାଡ଼େକେଏ ପିସାନା ଏଚକାତି ନେହଁ କାରୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଈଁ ।

୭ ସାତାତଲେ, “ଏଚକାତି ନେହଁ କାରୁ” ଆଏ, ସାମା ଏଚରଜାଣା ମିଙ୍ଗେ ତୀରି ମାଞ୍ଜାଲି ହୀଆନା, କ୍ରୀସ୍ତିତି ନେହଁ କାରୁତି କଲିବିଲି କିହାଲି ଅଣ୍ଡପିମାନେରି ।

୮ ସାମା ଆମିନି ନେହଁ କାରୁ ମାମ୍ବୁ ମୀ ତାଣା ଝେକହା ମାଚମି, ଇଞ୍ଜା ମାମ୍ବୁ କ୍ରି ଲାକପୁରୁତି ଦୁରୁୟାଁ ଜିକେଏ ଏଦାଣି ପିସପେ ଏଚକାତି ନେହଁ କାରୁ ଝେକନେସି, ଆତିହଁ ଏଞ୍ଜାସି ବାକା ବେଟାଆପେସି ।

୯ ଏନିକଁ ମାମ୍ବୁତଲିଏ ଝେସାମାନମି, ନୀଏଁ ଜିକେଏ ନାନୁ ଏଲେକିହଁଏ ଅଡ଼େ ଝେଣ୍ଡେ ଝେସିମାଞ୍ଜାଈଁ, ଆମିନି ନେହଁ କାରୁଈଁ ମୀରୁ ଆସାମାଚେରି, ଏଦାଣି ପିସପେ ଆମିନି ଲକୁ ଏଚକାତି ନେହଁ କାରୁ ମୀ ତାଣା ଝେକହାନେସି ଏଞ୍ଜାସି ବାକା ବେଟାଆପେସି ।

୧୦ ନୀଏଁ ନାନୁ ମାଣ୍ଡିସିୟାଁ ନକିତା କି ମାହାପୁରୁ ନକିତା ନେହଁ ତଞ୍ଜାଆୟାଲି ଅଣ୍ଡପିମାଈଁ, ଏଡ଼ି ଏଚେଲା ଜିକେଏ ଆଏ । ଇତିହଁ ମାଣ୍ଡିସିୟାଈଁ ରାହାଁ କିହାଲି ଅଣ୍ଡପିମାଈଁ, ନାନୁ ନୀଏଁ ପାତେକା ମାଣ୍ଡିସିୟାଈଁ ରାହାଁ କିଞ୍ଜିକିହାଲି ଅଣ୍ଡପି ମାଟିହଁ ମା ନାନୁ କ୍ରୀସ୍ତିତି ହଲେଏଣାତେଏଁ ଆଆତେଏଁମା ।

**ପାଞ୍ଚୁଲ ଏନିକଁ ଆଚ୍ଞି ଆନାୟି**

୧୧ ତାୟି ତାଈଁସ୍ତାତେରି ଆମିନି ନେହଁ କାରୁ ନା ତାଣାଟି ଝେସପି ଆହାମାନେ, ଏଦାଣି ମିଙ୍ଗେ ନାନୁ ଝେସିମାଞ୍ଜାଈଁ ଏଡ଼ି ମାଣ୍ଡିସିୟାଁ ତାଣାଟି ଆଏ;

୧୨ ନାନୁ ଏଦାଆଁ ମାଣ୍ଡିସି ତାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାଟି ବେଟାଆହାମାଈଁ ।

୧୩ ନାନୁ ତଲି ଜୀହୁଦି ଦାମ୍ପୁତା ମାଟିବେଲା ଏଡ଼ି ମାଣ୍ଡିକିତା ମାଚେଏଁ ମୀରୁ ଝେଞ୍ଜାମାଞ୍ଜେରି, ନାନୁ

✧ ୧:୧୩ କାମା ୮:୩; ୨୨:୪,୫; ୨୬:୯-୧୧

ମାହାପୁରୁଷ କୁଳମିତି ହାରେକା ସାସ୍ତି ହୀହିମାଚେଏ, ଅଡ଼େ ଏଦାଆଁ ମ୍ନେକ୍‌ହାଲି ଅଣ୍ଠିମାଚେଏ ।

୧୪ \*ଅଡ଼େ ମା ଆକୁ ଆବାୟାଁ ପାଣାପାଟୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିଦ୍ରାଟି ଜାହୁଦି ଦାମ୍‌ତି ହାରେକା ମାନି କିହିମାଚେଏ ।

୧୫ \*ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି,

୧୬ ଅଡ଼େ ଜାହୁଦିଆଆତି ଲକୁତାଣା ନେହଁ କାରୁ ଝେକ୍‌ହାଲି ତାକି ଏତିବେଲା ନାଜେ ଏଝାସି ତାନି ମାର୍‌ଏଣାକ୍‌ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟକା ମାଣ୍‌ସି ତାଣା ହାଜା ହିଲାଆତେଏ ।

୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡିଆତି ସୀସୁ ଆହାମାଚେରି, ଏଝାରାକ୍‌ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏ; ଅଡ଼େ ତାୟୁ ଦମେସକତା ଝେଣ୍ଡା ଝାଡେଏ ।

୧୮ \*ତାନି ବାର୍‌ସା ହାଟି ତାୟୁ ନାନୁ ପିତରକ୍‌ ଆଣ୍ଡାଲି ତାକି ଜିରୁସାଲମତା ହାଚେଏ, ଇଞ୍ଜା ଏଝାଣିତଲେ ପନ୍‌ର ଦିନା ଏମ୍‌ଆଁ ମାଚେଏ ।

୧୯ ସାମା ପ୍ରବୁତି ତାୟି ଜାକୁବ ପିସପେ ପାଣ୍ଡି ଆହାମାନାରି ବିଦ୍ରା ଆମ୍‌ଆରାକ୍‌ ମେହ୍‌ଆତେଏ ।

୨୦ ନାନୁ ମିଜେ ଏନାଆଁ ରାଟିମାଞ୍ଜାକ୍‌, ମାହାପୁରୁ ନକିତା ସାତା ଝେସିମାଞ୍ଜାକ୍‌, ମିଟି ଝେସିମାଞ୍ଜାଅଁ ।

୨୧ ତାୟୁ ନାନୁ ସିରିୟା ଅଡ଼େ କିଲିକିୟାତି ହାରେକା ଟାମ୍‌ନାଣା ହାଚେଏ ।

୨୨ ଜାହୁଦା ରାକ୍‌ତିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଜେ ନେହଁ କଁ ପୁଞ୍ଜାମାଞ୍ଜାଆତେରି ।

୨୩ ଏଝାରି ଏଟକା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣ୍‌ସି ତଲି ମାଜେ ସାସ୍ତି ହୀହି ମାଞ୍ଜାତେସି, ଇଞ୍ଜା ମା ନାମୁତି ମ୍ନେକ୍‌ହାଲି ଅଣ୍ଠିମାଚେସି, ଏଝାସି ନୀଏଁ ନାମୁତି କାତା ଝେକ୍‌ହି ମାନେସି ।”

୨୪ ଇଞ୍ଜା ଏଝାରି ନା ତାକି ମାହାପୁରୁକ୍‌ ଗାଝୁରମି କିହିମାଚେରି ।

### ୨

#### ପାଝୁଲ ଅଡ଼େ ପାଣ୍ଡି ଆତି ସୀସୁୟାଁ

୧ \*ସଦ ବାର୍‌ସା ତାୟୁ ନାନୁ ବର୍‌ନବା ତଲେ ଜିରୁସାଲମତା ଅଡ଼େ ଝେଣ୍ଡେ ହାଚେଏ, ଇଞ୍ଜା ତିତସକ୍‌ ଜିକେଏ ନା ତଲେ ଅହାମାଚେଏ ।

୨ ନାନୁ ଏମ୍‌ଆଁ ହାନାୟିମାନେ ଇଞ୍ଜା ମାହାପୁରୁ ତାଣାଟି ହୁକୁମି ବେଟାଆହାନା ହାଚେଏ; ଅଡ଼େ ନାନୁ ଏଟକା କୃତାତି ଲକୁତାଣା ଆମିନି ନେହଁ କାରୁ ଝେକ୍‌ହିମାକ୍‌, ଏଦାଆଁ ଏଝାରାକ୍‌ ଝେସ୍ତେଏ, ସାମା ନା ତଲିତି ଅଡ଼େ ନୀଏଁତି

କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଟେ ନାନୁ ଏଝାରାକ୍‌ ଏଟକା କିହାନା ଝେସ୍ତେଏ ।

୩ ସାମା ନା ତତ୍ତୁ ତିତସ ଗ୍ରିକ୍‌ ଲକୁ ମାଟି ଜିକେଏ ଏଝାଣାକ୍‌ ତଲୁ ଦାପି କିହାଲି ବାଲାମାତମି କିଝିଆହା ହିଲାଆତେ,

୪ ଆତିହଁ ଜିକେଏ ଏଟରଜାଣା ଲକୁ ଏଝାଣାକ୍‌ ତଲୁ ଦାପି କିହାଲି ଅଣ୍ଠିମାଚେରି । ଏଝାରି ନାମିତି ତାୟିୟା ଇଞ୍ଜା ତସା କତାନା ମେଣେଏ ପାରୁ ପାରିନି ଲେହେଁ ଜାଟୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାରୁ ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଝାରି ଅଣ୍ଡୁ ମାଚେ, ମାଜେ ଏଝାରି ଅଡ଼େ ଝେଣ୍ଡେ ମେରାତି ହଲିୟାକ୍‌ କିହାଲି ଅଣ୍ଠିମାଚେରି ।

୫ ସାମା ନେହଁ କାରୁତି ସାତା ଏନିକଁ ମୀ ତାଣା ତାରିଆହାନା ତୟିନେ, ଏଦାଆଁତାକି ମାମ୍‌ ଗ୍ରାଡ଼େକା ତାକି ଜିକେଏ ଏଝାରାକି ପାରୁ ହୀହାହିଲାଆତମି ।

୬ ଆମ୍‌ଆରି ମାନିଗାଟାରି ଇଞ୍ଜା ଝେଞ୍ଜା ମାଚେରି, ଏଝାରି ଏନିଲେହେଁତି ଲକୁ ମାଚେରି, ଏମ୍‌ଆଁ ନାଦି ଏନାୟି ହିଲେଏ; ମାହାପୁରୁ ଆମ୍‌ଆରି ପାରଡ଼ା ବାଟି କିଅସି, ଏ ମାନିଗାଟାରି ନାଜେ ଏନି ପୁଝନି ବଲୁ ଝେସାମାଞ୍ଜଅରି ।

୭ ଏଟକା ଝାକି ଏଝାରି ପୁଞ୍ଜାଲି ଆଡ଼ିତେରି, ପିତରକ୍‌ ଏନିକଁ ଜାହୁଦି ଲକୁତାଣା ନେହଁ କାରୁ ଝେକ୍‌ନି କାମା ହେରପିତେସି ଏଲେକିହଁ ଏ ନାଜେ ଜିକେଏ ଜାହୁଦିଆଆତି ଲକୁତାଣା ନେହଁ କାରୁ ଝେକ୍‌ନି ବଲୁ ହେରପା ମାଞ୍ଜାନେସି ।

୮ ଏନାଆଁତାକି ଇତିହଁ ଜାହୁଦି ଲକୁତାଣା ପାଣ୍ଡି ଆହାମାନାରି କାମା କିହାଲି ଏନିକିହଁ ପିତରକି ମାହାପୁରୁ ବାଡ଼ୟୁ ହୀହାମାନେସି, ଏଲେକିହଁ ଏ ଜାହୁଦିଆଆତି ଲକୁତାଣା ଏ କାମା କିହାଲି ନାଜେ ମାହାପୁରୁ ବାଡ଼ୟୁ ହୀହାମାଞ୍ଜାନେସି ।

୯ ଅଡ଼େ ଏତିବେଲାତା ଏଝାରି ମାହାପୁରୁ ନାଜେ ହୀହାମାଞ୍ଜାନି କାର୍ମାତି କାତା ପୁଚେରି, ଏତିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜା ଝେଞ୍ଜାମାନେରି, ଜାକୁବ, ପିତର, ଅଡ଼େ ଜହନ ନାଜେ ଇଞ୍ଜା ବର୍‌ନବାକ୍‌ କାମାତା ଆଣ୍ଡାତମି ଇଞ୍ଜା ଟିଝନି କେୟୁ ଆସାନା ଆବାତେରି, ଏନିକିହଁ ନାନୁ ଅଡ଼େ ବର୍‌ନବା ଜାହୁଦିଆଆତି ଲକୁତାଣା କାମା କିନମି ଅଡ଼େ ଏଝାରି ଜାହୁଦି ଲକୁତାଣା କାମା କିନେରି ।

୧୦ ଏଝାରି ଝାରକ୍‌ ଇଚେକା ବାଟିମାଲା ମାଞ୍ଜାତେରି ମାମ୍‌ ଏଝାରି ଜାଟୁତା ମାନି ହିଲାଆଗାଟାରାକ୍‌ ଅଣ୍ଡିନମି; ଏ କାତାତା ନାନୁ ରାହାଁ ଆହାମାଚେଏ ।

#### ପାଝୁଲ ପିତରକ୍‌ ଲାଗିନାୟି

☆ ୧:୧୪ କାମା ୨୨:୩ ☆ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮ ☆ ୧:୧୮ କାମା ୯:୨୬-୩୦ ☆ ୨:୧ କାମା ୧୧:୩୦; ୧୫:୨ \* ୨:୧୧ ପିତର



୧୧ ସାମା କେପା\*ଏଚିବେଲା ଆନ୍ତ୍ରିୟକିୟାତା ଖାହାମାଚେସି, ନାନୁ ଏଞ୍ଜାଣାକ୍ ବାରେ ଲକୁ ନକିତା ଲାଗିତେଏ, ଇଚିହ୍ମ ଏଞ୍ଜାସି ଦହ୍ କିହିମାଚେସି ।

୧୨ ଜାକୁବ ତାଣାଟି ଏଚରଜାଣା ଖାଆ ନକେଏ ପିତର ଜାହୁଦିଆଆତି ତାୟି ତାଜିସ୍ମା ତଲେ ତିଞ୍ଜିମାଚେସି, ସାମା ଏଞ୍ଜାରି ଖାହାଲିଏ, ଏଞ୍ଜାସି ଏ ତାୟି ତାଜିସ୍ମାକ୍ ଆଜାନା ଜାହୁଦିଆଆତି ତାୟି ତାଜିସ୍ମାକ୍ ପିସାନା ଏଚକା ଆଚେସି ।

୧୩ ଇଞ୍ଜା ଏଚରଜାଣା ଜାହୁଦି ତାୟିୟା ଜିକେଏ ପିତର ତଲେ ଆଣ୍ଟାନା ପୁଞ୍ଜି ପୁଞ୍ଜିହ୍ମ ପୁନାଆତାରି ଲେହେଁ ନାଡ଼ିକିଞ୍ଜି ଆଚେରି, ଏଲେଆହ୍ ବର୍ନବା ଜିକେଏ ଏଞ୍ଜାରି କାତା ଆସ୍ତେସି ।

୧୪ ଏଚିବେଲା ନାନୁ ମେସ୍ତେଏ, ଏଞ୍ଜାରି ନେହ୍ କାବୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକୁ ନକିତା କେପାକ୍ ଏଲେଇଚେଏ, “ନାନୁ ଜାହୁଦି ଆହାନା ଜାହୁଦି ଲକୁ ଲେହେଁ ଲେମ୍ବାଆନାହା ଜାହୁଦିଆଆତି ଲକୁଲେହେଁ ନାଡ଼ିମାଞ୍ଜି, ଆତିହ୍ମ ନାନୁ ଏନିକିହ୍ମ ଜାହୁଦିଆଆତି ଲକୁଣି ଜାହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

**ନାମୁତଲେ ଗେଲ୍ପି ଆନାୟି**

୧୫ ସାତେଏ ମାମ୍ବୁ ଜାର୍ନାଟିଏ ଜାହୁଦି ଲକୁତମି, “ଜାହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ ।”

୧୬ \*ଆଡ଼ିଜିକେଏ ମେରାତି କାମା ତଲେ ମାଣ୍ଡସି ତାରିଗାଟାସି ଆଆନା, ଜାସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜାସୁ କ୍ରୀସ୍ତ ତାଣା ନାମା ମାନମି, ଏନିକ୍ ମେରାତି କାମା ତଲେ ତାରିଗାଟାତମି ଆଆନା କ୍ରୀସ୍ତ ତାଣା ନାମାନା ତାରିଗାଟାତମି ଆନମି; ଇଚିହ୍ମ ମସାତି ମେରାତି କାମା ତଲେ ଆନିନି ମାଣ୍ଡସି ତାରିଗାଟାସି ଆଅସି ।

୧୭ ସାମା କ୍ରୀସ୍ତ ତାଣାଟି ତାରି ଗାଟାତାୟି ଆୟାଲି ଅଣ୍ଟପାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହ୍ମ ତଞ୍ଜା ଆତମି, କ୍ରୀସ୍ତ ପାପୁତି ସେବା କନାସି କି ? ଏଡ଼ି ଏଚେଲାଞ୍ଜା ଆଆପେ ।

୧୮ ଇଚିହ୍ମ ନାନୁ ଏନି ମେରାତି ମ୍ଲେକ୍ତାମାକ୍ ଏ ବାରେତି ଅଡ଼େ ଖେଣ୍ଡେ ଗାଡ଼ି କିକ୍, ଆତିହ୍ମ ନାନୁଏ ଜାହାରାକ୍ ଦହ୍ ଗାଟାଚେଏ ଇଞ୍ଜିହ୍ମ ତସାକତିମାକ୍ ।

୧୯ ମାହାପୁରୁ ତାକି ନୀତାଲି ନାନୁ ମେରାଟି ମେରାତାକି ପାସି ମୁଣ୍ଡାତା ହାହାମାକ୍,

୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାକ୍; ନାନୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏଁ ଏନିନି ଆଜା ତଲେ ନୀତାମାକ୍, ଏଡ଼ି ନାମୁତଲେ, ଇଚିହ୍ମ ମାହାପୁରୁତି ଏନିନି ମୀରଏସି ନାଜେ ଜାଞ୍ଜନହ୍ନା ନା ତାକି ତାନି ଜାଞ୍ଜ ହୀହାମାନେସି, ଏଞ୍ଜାଣି ତାଣା ନାମାନା ନୀତାମାକ୍ ।

୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇଚିହ୍ମ ମେରା ତଲେ ମାଣ୍ଡସି ମାହାପୁରୁ ନକିତା ତାରିଗାଟାସି ଆନେସି, ଆତିହ୍ମ କ୍ରୀସ୍ତ ହାଡାୟି ଉଜେଏତାୟି ।

**୩**

**ମେରା ଆଆତ୍ ନାମୁ**

୧ ଏ ବୁଦି ହିଲାଆଗାଟି ଗାଳତ୍ରିୟତି ଲକୁତେରି ! ଆମ୍ବାଆସି ମିଜେ ମାଡ଼ଞ୍ଜି କିହାମାଞ୍ଜାନେସି ? ମୀ କାଣ୍ଡକା ନକିତା ଜାସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହ୍ କ୍ ତଞ୍ଜାଆହିମାଞ୍ଜାତେ ।

୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ଟପିମାକ୍; ମୀରୁ ମସା ମେରା ତଲେ କାମା କିତାକି କି ନେହ୍ କାବୁ ଖେଞ୍ଜାନା ନାମିତାକି ସୁଦୁଜାଞ୍ଜୁ ବେଟାଆହାମାଚେରି ?

୩ ମୀରୁ ଏନିଲେହେତି ବୁଦି ହିଲାଆଗାଟାଚେରି ? ମାହାପୁରୁତି ଜାଞ୍ଜୁତଲେ ମାଡ଼ହାନା; ଆଜାତି ବାଡ଼ୁତୁ ତଲେ ରାପ୍ତହାଲି ଅଣ୍ଟପିମାଞ୍ଜେରି ?

୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଡ଼ି ଏନାଆଁ ଉଜେଏତାୟି ?

୫ ଇଚିହ୍ମ ଆମ୍ବାଆସି ମିଜେ ଜାଞ୍ଜୁ ହୀହାମାଞ୍ଜାନେସି, ଅଡ଼େ ମୀ ତାଣା କାବାଆନି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଖେଞ୍ଜାହ୍ନା କିନେସି ?

୬ \*ଅବ୍ରାହାମ କାତା ଅଣ୍ଟପାଦୁ, ସାସ୍ତେରିତା ରାସ୍ତକି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିତେସି, ଇଞ୍ଜା ନାମାଲିଏ ତାରିଗାଟାସି ଆଚେସି ।”

୭ \*ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମୀରକା ମାସ୍କା, ଇଦାଆଁ ମୀରୁ ପୁନାୟିମାନେ ।

୮ ଅଡ଼େ ମାହାପୁରୁ ଜାହୁଦିଆଆତାରାକ୍ ନାମୁଟି ତାରିଗାଟାରି କିନେସି, ଏଦାଆଁ ଦାର୍ମ୍ବ ପତିତା ନକେଏ ମେସାନା ଅବ୍ରାହାମ ତାଣା ନେହ୍ କାବୁ ଖେସାନା ଏଲେଇଚେସି; “ନୀ ତାଣାଟି ଦାର୍ତ୍ତିତି ବାରେ କୁଲୁତି ଲକୁ ବର ବେଟାଆନେରି ।”

୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଚେସି, ଏଲେକିହ୍ମ ଏ ଆମ୍ବାଆରି ନାମିନାରି ବାରେଜାଣା ଏଞ୍ଜାଣିଲେହେଁ ବର ବେଟାଆନେରି ।

୧୦ ଇଚିହ୍ମ ଏଚେକା ଲକୁ ମସାତି ମେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାର୍ମ୍ବପତିତା ରାସ୍ତକି ଆହାମାନେ, “ଆମ୍ବାଆସି ମେରା ପତିତା ରାସ୍ତକି ଆହାମାନି ବାରେ କାତାତି ମାନଞ୍ଜି ଆଅସି ଏଞ୍ଜାସି ମାହାପୁରୁ ତାଣାଟି ବାକା ବେଟା ଆନେସି ।”

୧୧ ମେରା ମାନଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତାରିଗାଟାସି ଆଅସି, ନେହ୍ କ୍ ପୁଞ୍ଜାମାନାୟି, ରାସ୍ତକି ଆହାମାନେ, “ଇଚିହ୍ମ ତାରିଗାଟାସି ନାମୁଟି ନୀତିନେସି ।”

† ୨:୧୪ ପିତର ☆ ୨:୧୨ ରମି ୩:୨୦; ରମି ୩:୨୨ ☆ ୩:୬ ରମି ୪:୩ ☆ ୩:୬ ରମି ୪:୧୭

୧୨ ଅଡ଼େ ନାମୁ ମୋରାତି ମୂଲୁ କାତା ଆଏ; ମୋରାତି ମୂଲୁ ଆହାମାନେ “ଆମ୍ବାଆସି ବାରେ ହୁକୁମି ମାନୁଞ୍ଜି ଆନେସି, ଏମ୍ବାତି ଏଞ୍ଜାସି ନୀତିନେସି ।”

୧୩ କ୍ରୀସ୍ତୁ ମା ତାକି ବାକା ବେଟାଆହାନା ମୋରାତି ମାଜେ ଖାନି ବାକାଟି ପିସ୍ପି କିହାମାଞ୍ଜାନେସି; ଇତିହୁଁ ରାସ୍ତକି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି ।”

୧୪ ମାହାପୁରୁ ଅବ୍ରାହାମଇଁ ଆମିନି ବର ହୀହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକିଁ ଏଦାଆଁ ବେଟାଆହାଲି ଆଡ଼ିନେରି, ଏଦାଆଁତାକି କ୍ରୀସ୍ତୁ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଖେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆଡ଼ିନାୟି ।

**ମୋରା ଅଡ଼େ ଆଞ୍ଜିନାୟି**

୧୫ ଏ ତାୟି ତାଜିସ୍ତା, ନାମୁ ମାଣସିୟାଁ ଲେହେଁ ଖେସିମାଞ୍ଜାଇଁ; ରାଜିମାନା ମାଣସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି, ଏଚେତା ଏଦାନି ଆମ୍ବାଆସି ଏଟକା କିହାଲି ଆଡ଼ଅସି କି ଏମ୍ବାଆଁ ଏନାଆଁ କାଲୁହାଲି ଆଡ଼ଅସି ।

୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୃତା ତାକି ହୀପକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି, “କୃତା ତାରାକି” ଏନିକିଁ ହାରେକା ଲକୁତାକି ସାସ୍ତେରିତା ଖେସିଲେହେଁ ଆଏ, ଇତିହୁଁ ଏନିକିଁ ରଅଣି କାତା ଖେସ୍ତେସି, ନୀ “କୃତା ତାକି” ଏଞ୍ଜାସି କ୍ରୀସ୍ତୁ ଜୀସୁ ।

୧୭ ନା ଅଣ୍ପୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାଚେସି, ଅଡ଼େ ଏଦାଆଁ ତୀରିକିହାଁ ଇଟାଲି ଆଞ୍ଜାମାଚେସି, ଆମିନି ମୋରା ସାରି ଖାଞ୍ଜା କଡ଼େଦସ ବାସା ତାୟି ହୀପକିଆଡ଼େ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆଜ୍ଞାଲି ଆଡ଼େଏ ।

୧୮ \*ମାହାପୁରୁତି ଆଞ୍ଜାମାନି ବର. ମୋରା ମାନିକିନି ତାଣା ବାର୍ସୁ କିନେ, ଆତିହୁଁ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହୀହାମାନେସି ।

୧୯ ଆତିହୁଁ ମୋରା ଏନାଆଁତାକି ହୀପକିଆଡ଼େ ? ମାଣସିତି ଲାଗେଏତି କାମା ତସାଲି ତାକି ହୀପକିଆଡ଼େ, ଇଞ୍ଜା ଅବ୍ରାହାମକି ଏମିନି କୃତାତି ମେସାନା ମାହାପୁରୁ ଆଞ୍ଜାମାଚେସି, ଏଞ୍ଜାସି ଖାନି ପାତେକା ମୋରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ଦୂତୁୟାଁ ସାୟେମିଟି ମୋରା ହୀପକି ଆହାମାଚେ ।

୨୦ ସାମା ନୀର୍ବ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

**ମୋରାତି କାତା**

୨୧ ଇତିହୁଁ ମୋରା ମାହାପୁରୁ ଆଞ୍ଜାମାନାଣି କପାତି କାତା ଖେକ୍ନେ ? ଏଦି ଏଚେଲାଞ୍ଜା ଆଆପେ; ଇତିହୁଁ

ଲକୁତାକି ଜୀଞ୍ଜୁ ହୀହାଲି ଆଡ଼ିନି ଇଲେତି ମୋରା ହୀପକି ଆହାମାଚିହୁଁ ମା, ଆତିହୁଁ ମୋରା ସାତେଏ ତୀରି ଗାଟାୟି ଆଡ଼େମା ।

୨୨ ସାମା ଦାର୍ମୁ ସାସ୍ତେରିତା ରାସ୍ତକି ଆହାମାନେ, “ବାରେ ମାଣସି କୃତା ପାପୁତି ବାଡ଼ୁୟାତା ମାନେରି, ଏଦାଆଁତାକି ଏନିକିଁ ଜୀସୁ କ୍ରୀସ୍ତୁ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତୁଇଁ ନାମିତି ଲକୁ ବେଟାଆନେରି ।”

୨୩ ସାମା ଏ ନାମୁ ଖାନି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମୋଡ଼ା ଆହାଲି, ମାର ମସା ମୋରାତା ଦସ୍ପି ଆହିମାଚାୟି ।

୨୪ ଇଲେତି ନାମୁ ତାକି ମାର ଦାର୍ମୁ ଗାଟାତାୟି ଆହାଲିତାକି କ୍ରୀସ୍ତୁ ଖାନି ଦିନା ପାତେକା ମୋରା ମାଜେ ଜାପୁହାନାୟି ଲେହେଁ ମାଚେ ।

୨୫ ସାମା ନୀର୍ବ ଏ ନାମୁ ଖାହାଲିଏ, ମାର ଅଡ଼େ ମୋରାତି ବାଡ଼ୁୟାତା ହିଲଆୟି ।

୨୬ ଇତିହୁଁ ମୀରୁ ବାରେଜାଣା ଜୀସୁ କ୍ରୀସ୍ତୁଇଁ ନାମିନି ତାଣାଟି ମାହାପୁରୁତି ମୀରକା ମାସ୍ତକା ଆହାମାଞ୍ଜେରି ।

୨୭ ଇଞ୍ଜା ମୀରୁ ଏଚେକା ଲକୁ କ୍ରୀସ୍ତୁ ଦରୁଟି ବାପ୍ତିସ୍ତୁ\* ବେଟାଆହାମାଞ୍ଜେରି, ନୀର୍ବ ମୀରୁ ବାରେତେରି କ୍ରୀସ୍ତୁଇଁ ହିମ୍ପୁରିଲେହେଁ ପର୍ହାମାଞ୍ଜେରି ।

୨୮ ଜୀହୁଦି ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ରା ଏନି ପାରତା ହିଲେଏ, ମୀରୁ ବାରେ କ୍ରୀସ୍ତୁ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି ।

୨୯ \*ଅଡ଼େ ମୀରୁ କ୍ରୀସ୍ତୁତି ଲକୁ, ଆତିହୁଁ ମୀରୁ ଅବ୍ରାହାମତି କୃତାଚେରି, ଆଞ୍ଜାମାନି ଲେହେଁ ଅଦିକାରା ଗାଟାଚେରି ଆହାମାଞ୍ଜେରି ।

**୪**

୧ ନାମୁ ଖେସିମାଞ୍ଜାଇଁ, ମୀରଏସି ଆବାତି ବାରେ ଦନୁତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି ।

୨ ସାମା ଆବାତି ତୀରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ଡ଼ୟିନେସି ।

୩ ଏଲେକିହୁଁଏ ମାର ଜିକେଏ ଏଚିବେଲା ଦାର୍ମୁତା ପାଡ଼ାଆହା ହିଲଆତାୟି, ଏଚିବେଲା ଦାର୍ତତିତି ବାରେ ସାଲୁଞ୍ଜି କିନି ବାଡ଼ୁୟାତା ହଲିୟା ମାଚାୟି ।

୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରଏଶାଇଁ ପାଣ୍ଡାଚେସି; ଏଞ୍ଜାସି ଇୟାନି ବାଣ୍ଡିତି ଜାର୍ନା ଆହାନା ଜୀହୁଦିୟାଁ ମୋରା ତଲେ ନୀତିଚେସି,

୫ \*ଏନିକିହୁଁ ଏଞ୍ଜାସି ମୋରାତା ମାନି ଲକୁଣି ମୂଲୁ ହୀହାନା ପିସ୍ପି କିନେସି, ଅଡ଼େ ମାର ମାହାପୁରୁତି ମୀରକା ମାସ୍ତକାତି ଅଦିକାରା ବେଟାଆନାୟି ।

\* ୩:୧୮ ରିନି ୪:୧୪ \* ୩:୨୨ ମୁଞ୍ଜିନାୟି \* ୩:୨୯ ରିନି ୪:୧୩ \* ୪:୫ ରିନି ୮:୧୫-୧୭

୭ ଇଞ୍ଜା ମୀରୁ ମୀରକା ମାସକାତେରି, ଅଡ଼େ ମାହାପୁରୁ ମୀ ହିୟାତା ତୟାଲି ତାକି ତାନି ମୀରକାତା ସୁଦୁଜୀସୁ ପାଶ୍ଚାତେସି, ଏ ଜୀସୁ ମୀ ତାଶା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜି” ହାଡ଼ିମାନେ ।

୮ ଏଦାଆଁତାକି ମୀରୁ ଅଡ଼େ ହଲିୟାଙ୍ଗା ଆଏ, ସାମା ମୀରକା ମାସକାତେରି, ମୀରୁ ତାନି ମୀରକା ମାସକାତେରି ଆହାମାନାକି ମାହାପୁରୁ ତାନି ମୀରକା ମାସକାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି ।

ଗାଳତ୍ରିୟ ଲକ୍ଷ୍ମୀତାକି ପାସ୍ତୁଲ ଅଣ୍ଡପିନାୟି

୯ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଲ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଙ୍ଗା ମାଟେରି ।

୧୦ ସାମା ମୀରୁ ନୀଏଁ ମାହାପୁରୁଇଁ ପୁଟେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆଡିହିଁ ମୀରୁ ଏନିକଁ ଏ ବାଡ଼ୟୁ ହିଲାଆଗାଟାଲ ଅଡ଼େ ଏନାଆଁ ହିୟାଲି ଆଡାଆଗାଟି ଦାରତି ଖାକି ଖେଶ୍ଟେ ହାଜାଲି ଅଣ୍ଡପିମାଞ୍ଜେରି, ମୀରୁ ଏନାଆଁତାକି ଖେଶ୍ଟେ ଏ ବାରେତି ହଲିୟାଙ୍ଗା ଆୟାଲି ଅଣ୍ଡପିମାଞ୍ଜେରି ।

୧୧ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାର୍ବୁ ଅଡ଼େ ବାର୍ସା ମାନୁଞ୍ଜି ଆହିମାଞ୍ଜେରି ।

୧୨ ମିଙ୍ଗେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଙ୍ଗେ ହାରେକା ଆଜି ହଡ଼ିମାଞ୍ଜାନେ ।

୧୩ ଏ ତାୟି ତାଞ୍ଜିସ୍ତାତେରି, ନାନୁ ମିଙ୍ଗ ବାଡ଼ିମାଲିମାଞ୍ଜାଇଁ, ମୀରୁ ନାଟଲେହିଁ ଆଦୁ, ଇଡିହିଁ ନାନୁ ଜିକେଏ ମୀ ଲେହିଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପଟଲେଏ କିହାମାଞ୍ଜଅତେରି ।

୧୪ ନାନୁ ତଲିଏ ମୀ ତାଶା ନେହିଁ କାବୁ ଖେକହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଚେତା ନା ଆଙ୍ଗାତି ବାଦା ମାଞ୍ଜାନା ଖେକହାମାଚେଏଁ;

୧୫ ଅଡ଼େ ନା ଆଙ୍ଗାତି ବାଦା ମିଙ୍ଗେତାକି କସୁଗାଟାୟି ଆହିମାଚିହିଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୂଡୁ ଲେହିଁ ଇଡିହିଁ କ୍ରୀସୁ ଜୀସୁଇଁ ଆବିନି ଲେହିଁ ନାଙ୍ଗେ ଆବାତେରି ।

୧୬ ମୀରୁ ଏଚେକା ରାହାଁ ମାଟେରି, ମୀ ଏ ରାହାଁ ଆମ୍ବିୟା ହାଚେ ? ଇଡିହିଁ ନାନୁ ମୀ କାତା ଆଟ୍ଝା ତଲେ ଖେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା ।

୧୭ ସାମା ନୀଏଁ ନାନୁ ମିଙ୍ଗେ ସାତା ଖେସାଲିଏ, ମୀ ସାତୁ ଆହାମାଇଁ କି ?

୧୮ ଏଞ୍ଜାରି ମୀ ନେହିଁ ତାକି ହାରେକା ରାହାଁ ଗାଟାରି ଇଞ୍ଜି ତଞ୍ଜାଆହାଲି ଅଣ୍ଡପିମାନେରି, ସାମା ତାନି ସାତା ଅଣ୍ଡପୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡପୁ, ଏନିକଁ ମୀରୁ ନା ତାଶାଟି ଏଟକା ଆହାନା ଏଞ୍ଜାରି ଖାକି ରାହାଁ ଆଦେରି ।

୧୯ ଇଡିହିଁ ନାନୁ ମୀ ତାଶା ମାନି ବେଲାତା ଆଏ, ସାମା ବାରେ ବେଲାତା ନେହିଁ କାମାତାକି ଅଣ୍ଡପିନାୟି ନେହିଁ ।

୨୦ ଏ ନା ଜୀସୁତି ମୀରକା ମାସକାତେରି, ଏଚେ ପାତେକା କ୍ରୀସୁ ଲେହିଁ ଆଅତେରି, ଏଚେ ପାତେକା ନାନୁ ମୀ ତାକି ଜାନି କିନାଟି ଲୁଞ୍ଜିନି ବୀସା ଲେହିଁତି କସୁ ବେଟାଆହିମାଇଁ ।

୨୧ ନାନୁ ଏନିକଁ ନୀଏଁ ମୀ ତାଶା ଖାହାନା ଅର ରଟେଲି ହାଡ଼ା ଖେସାଲି ଆଡ଼ିତେଏଁମା, ଇଡି ନା ଅଣ୍ଡପୁ ମାଟେ; ଏନାଆଁତାକି ଇଡିହିଁ ନାନୁ ମୀ ତାକି ହାରେଏ ଅଣ୍ଡପିମାଇଁ ।

ହାଗାର୍ ଅଡ଼େ ସାରାନି ପୁଣ୍ଡିକିନାୟି

୨୨ ମସାତି ଦେରାତା ମାଞ୍ଜାଲି ମନ୍ କିହିମାଞ୍ଜେରି ମୀରୁ, ନାଙ୍ଗେ ଖେସ୍ତାଦୁ, ଦେରାତା ଏନାଆଁ ରାସ୍ତି ଆହାମାନେ, ଏଦାଆଁ ମୀରୁ ଖେଞ୍ଜା ହିଲଅତେରି ?

୨୩ ଇଡିହିଁ ରାସ୍ତି ଆହାମାନେ, ଅବାହାମତି ରୀ ମୀରକା ମାଟେରି ରଅସି ହଲେଣି ତାଶାଟି ଅଡ଼େ ରଅସି ତାନି ତକ୍ତିନି ତାଶାଟି ଜାର୍ନା ଆହାମାଚେସି,

୨୪ ହଲେଣି ମୀରକାସି ଆଙ୍ଗାତି ଗୁଣ୍ଡୁତଲେ ଜାର୍ନା ଆଡେସି, ସାମା ଆମିନିଗାଟାସି ତାନି ତକ୍ତିନି ମୀରକାସି ମାହାପୁରୁ ଆଞ୍ଜାମାଟି ବାଡ଼ୟୁଟି ଜାର୍ନା ଆଡେସି ।

୨୫ ଇଦାଆଁ ର ପୁଣ୍ଡିକିନି କାତାଲେହିଁ ଖେସିମାନେ, ଇ ରୀ ଇୟାସିକା ରୀ ରାଜିମାନା ଲେହିଁତାଇ; ଆମିନି ଗାଟାନି ମୀରକା ହଲିୟାଙ୍ଗା ଆୟାଲି ଜାର୍ନା ଆଡେରି, ଏ ହାଗାର୍ ସିନୟ ହରୁଟି ଖାହାମାନି ରାଜିମାନା ଲେହିଁ ।

୨୬ ହାଗାର୍ ଆରବ ଦେସାତା ମାନି ସିନୟ ହରୁ ଲେହିଁ, ଏଡି ନୀଏଁତି ଜିରୁସାଲମ ଗାଡ଼ା ଲେହିଁ । ହାଗାର୍ ଲେହିଁ ଜିରୁସାଲମ ଅଡ଼େ ଏଦାନି ସାଲଞ୍ଜି କିନାରି ନୀଏଁ ହଲିୟାଙ୍ଗା ଆହାମାନେରି ।

୨୭ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଡି ମା ତାଲି

୨୮ ଏନାଆଁତାକି ଇଡିହିଁ ସାସ୍ତେରିତା ରାସ୍ତି ଆହାମାନେ,

“ଆକେ ବାଞ୍ଜେଣି, ଏଚେଲା ପଡ଼ି ପଡ଼ା ଜାର୍ନା କିଆଗାଟି ଇୟା, ରାହାଁ କିମୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାତଲେ ରାହାଁ କିମୁ;

ଇଡିହିଁ ତକ୍ତା ତଲେ ବାସା କିହିମାନି ଇୟାନି କିହାଁ ର ପିସି ଇୟାନି କକାରି ପଦାୟା ହାରେକା ଜାଣି ଆନେରି ଆନୁ ।”

୨୯ “ଏ ନା ତାୟି ତାଞ୍ଜିସ୍ତାତେରି, ମୀରୁ ଇସାହାକ ଲେହିଁ ଆଞ୍ଜାମାନି ମାହାପୁରୁତି ମୀରକା ମାସକାତେରି ।

୩୦ ସାମା ଆମ୍ବାଆସି ଆଙ୍ଗାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକଁ ଏଚିବେଲାତା ମାହାପୁରୁତି ସୁଦୁଜୀସୁଟି ଆଞ୍ଜାମାନି ତାଶାଟି ଆମ୍ବାଆସି ଜାର୍ନା ଆହାମାନେସି,

ଏହାଣାଇଁ ସାସ୍ତି ହୀହାମାଚେସି ଏଲେକିହିଁଏ ନୀର୍ବ ଜିକେଏ ଆହିମାନେ ।

୩୦ ଦାମ୍ନୁ ପତି ଏନାଆଁ ଝେସିମାନେ ? ହଲେଣି ଇୟା ଅଡେ ଏଦାଣି ମୀରଏଣାଇଁ ପିହ୍ମୁ; ଇତିହିଁ ହଲେଣି ମୀରଏସି ତାନି ବୀହା ତକ୍ରିନି ମୀରଏଣା ତଲେ ଅଦିକାରା ଗାଗସି ଆୟାଲି ଆଡ଼ଅସି ।”

୩୧ ଏଦାଆଁତାକି ଏ ନା ତାୟି ତାଜିସ୍ତାତେରି, ମାର ହଲେଣି ମୀରକା ମାସ୍ତକା ଆଏ, ସାମା ବୀହା ତକ୍ରିନି ମୀରକା ମାସ୍ତକାତାୟି ।

**୫**

**କ୍ରୀସ୍ତ ତାଣା ମେଲା ଆନାୟି**

୧ ମାର ମେଲା ଆହାମାନାୟି, କ୍ରୀସ୍ତ ମାଜେ ମେଲା କିହାମାଜାନେସି । ଇଦାଆଁତାକି ମୀରୁ ମେଲା ଆଡିତାଣା ତୀରିଆହାଁ ମାଜୁ । ଅଡେ ଝେଣ୍ଡେ ହଲିୟାଜା ଜୁଝେଡିତା ମୀରୁ ଜାହାରାଇଁ ହେରପାକତାଆଦୁ ।

୨ ନାନୁ ପାଝୁଲ ମିଜେ ଝେସିମାଜାଇଁ, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି ଲାବା ହିଲେଏ ।

୩ ନାନୁ ତଲୁ ଦାପି ଆହିମାନି ବାରେ ଜାଣାଇଁ ଝେଣ୍ଡେ ଝେସିମାଇଁ, ଇତିହିଁ ଏଝାସି ବାରେ ମସାତି ମେରା ମାନଝି ଆନାୟି ମାନେ ।

୪ ମୀରୁ ଏଚେକା ଲକୁ ମେରାଟି ମାହାପୁରୁ କାନୁତା ତୀରିଗାଟାତେରି ଆୟାଲି ଅଣ୍ଡିମାଜେରି, ମୀରୁ କ୍ରୀସ୍ତ ତାଣାଟି ଏଚକା ଆହାମାଜେରି, ଇଞ୍ଜା ମାହାପୁରୁ କାର୍ମାମେହନି ତାଣାଟି ଗୁଟା ଆହାମାଜେରି ।

୫ ଇତିହିଁ ମାର ମାହାପୁରୁଟି ଜୀଝୁତଲେ ନାମୁ ତାକି ଦାମ୍ନୁଗାଟି ଲକୁ ଆନି ଆସାଇଁ କାଟିମାନାୟି ।

୬ ଇଦାଆଁତାକି ଜୀସ୍ତ କ୍ରୀସ୍ତ ତାଣା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହିଁ ମାଜାନା ଜୀଝୁ ନନାଣି ତଲେ କାମା କିନାୟି ।

୭ ମୀରୁତ ନେହିଁକିଁ ନକିତା ହାଜିମାଚେରି; ଆମ୍ବାଆସି, ମିଜେ ସାତାତି ମାନଝି ଆଆଦୁ ଇଞ୍ଜି ଆଜ୍ଞାତେସି ?

୮ ମିଜେ ହାଟାମାଜାନି ମାହାପୁରୁ ତାଣାଟି ଇଦି ଆହା ହିଲେଏ ।

୯ \*କାତାତା ମାନେ, ଇଚାୟି ପୁଲା ଡକାତି ଗୁଣ୍ଡା ବାରେ ପୁଲା କିନେ ।

୧୦ ମୀରୁ ଏଚକାତି ଅଣ୍ଡୁ ଅଣ୍ଡପଅତେରି, ଇଦାଆଁ ନାନୁ ମିଜେ ତାକି ପ୍ରବୁ ତାଣା ହାରେକା ନାମିମାଇଁ; ସାମା ମିଜେ ଆମ୍ବାଆସି ନାଡି କିହାମାଜାନାସି ଏଝାସି ଆମ୍ବାଆସି ଆପେସି ମାହାପୁରୁ ଏଝାଣାକି ତଣ୍ଡ ହୀନେସି ।

୧୧ ନା ତାୟି ତାଜିସ୍ତାତେରି, ନାନୁ ନୀର୍ବ ପାତେକା ତଲୁ ଦାଝିନି ମେରା ଝେକ୍‌ହିମାଇଁ, ଆଡିହିଁ ଏନାଆଁତାକି ନୀର୍ବ ପାତେକା ସାସ୍ତି ବେଟାଆହିମାଇଁ ? ନାନୁ ସାତେଏ

ଏଲେକିଁ ଝେକ୍‌ହିହିଁ, କ୍ରୀସ୍ତ ହାଡି କ୍ରୀସ୍ତଟି କାତା ଝେକ୍‌ନି ତାଣାଟି ନାଜେ ଏନି ବାଦା ଆଆତେମା ।

୧୨ ନାନୁ ଅଣ୍ଡିମାଇଁ, ତଲୁ ଦାନାଣି ଏମିନିଗାଟାରି ମିଜେ ଏଲେକିଁ କିଲିବିଲି କିହିମାଜାନେରି ଏଝାରି ପେଦୁୟାଁ ଲେହେଁ ଆଡିହିଁ ନେହିଁ ଆଡେମା ।

୧୩ ଏ ତାୟି ତାଜିସ୍ତା, ମୀରୁ ମେଲା ଆହାଲିତାକି ହାଟ୍‌କି ଆହାମାଜେରି; ସାମା ଜାଗ୍ରାତା, ଆଜ୍ଞାତି ଜୁପକା କାମା କିହାଲି ମୀ ଆଜ୍ଞାତି ପାରୁ ବେଟାଆଡିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଇଁ ଜୀଝୁ ନଝିଆହାନା ସେବା କିଦୁ ।

୧୪ ଇତିହିଁ ବାରେ ମେରା ଇ ରଣ୍ଡିଏ ହୁକୁମିତା ତୀରି ଆନେ, “ନୀନୁ ନୀ ଆଡ଼ିତାଣାଇଁ ନୀ ଜୀଝୁଟି ଜୀଝୁନି ଲେହେଁ ଜୀଝୁନଦୁ ।”

୧୫ ମୀରୁ ରଅତେରି ରଅଣାଇଁ ବାଦା ହୀହାନା ନସ୍ତ କିଝି ଆହିମାଜେରି, ଆଡିହିଁ ଜାଗ୍ରାତା ଆଦୁ, ଏନିକିଁ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

**ସୁଦୁଜୀଝୁ ଅଡେ ମାଣ୍ଡିତି ଗୁଣ୍ଡ**

୧୬ ନା ଅଣ୍ଡପୁ ଇଦି, ମୀରୁ ସୁଦୁଜୀଝୁ ତଲେ ତାକାଦୁ, ଆଡିହିଁ ମୀରୁ ଆଜ୍ଞାତି ଜୁପକା ତଲେ କାମା କିଅତେରି ।

୧୭ \*ମାଣ୍ଡିତି ମାଣ୍ଡିକି ସୁଦୁଜୀଝୁ ଅପେଏ । ଏଲେକିହିଁଏ ସୁଦୁଜୀଝୁ ମାଣ୍ଡିତି ମାଣ୍ଡିକିତି ଅପେଏ । ଏଝି ରଣ୍ଡି ସାତୁ ଲେହେଁ । ଇତିହିଁ ମୀରୁ ଏନାଆଁ କିୟାଲି ଅଣ୍ଡିଦେରି ଏଦାଆଁ କିୟାଲି ଆଡ଼ଅତେରି ।

୧୮ ସୁଦୁଜୀଝୁ ମିଜେ ସାଲଝି କିୟାନେ, ଆଡିହିଁ ମୀରୁ ଅଡେ ମସାତି ମେରା ଡକ ହିଲଅତେରି ।

୧୯ ଆଜ୍ଞାତି ଅଣ୍ଡପୁ ତଲେ କିନି କାମା ବାରେ ନେହିଁକିଁ ପୁଞ୍ଜାମାଜେରି, ଏଝି ଦାରିକାମା, ଲାଗେଏ ପଲେଏ କାମା ।

୨୦ ଅଡେ ଅପାଆଗାଟି କାମା, ପେଣ୍ଡକା ପୂଜା, ଲକୁଣି ପାୟିନାୟି, ଗୁଣି ଗାର୍ଡି, ସାତୁ ଆନାୟି, ଗଡ଼ହା କିନାୟି, ଆଜ୍ଞାରା ଆନାୟି, କାର୍‌ବି ଆନାୟି, ଜାହାରାତାକି ଅଣ୍ଡିନାୟି, ଗତି ଆହିଁ ବାଗା ଆନାୟି, ନାଡିକିହାଁ ବାଗା କିନାୟି, ତାହାରା ଆନାୟି,

୨୧ କାଡୁ ଗହନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଜେ ଏନିକିଁ ଝେସାମାଜାତେଏଁ, ଏଲେକିହିଁ ନକେଏ ଜାଗ୍ରାତା କିହାଁ ଝେସିମାଜାଇଁ, ଆମ୍ବାଆରି ଇଲେତି କାମା କିନେରି, ଏଝାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୨ ସାମା ସୁଦୁଜୀଝୁଟି ପାଡେୟି, ଜୀଝୁନନାୟି, ରାହାଁ ଆନାୟି, ହିଡ଼ି ଜୀଝୁତଲେ ମାନାୟି, ଅରହିନାୟି, ଲକୁଇଁ ସାଝେମି କିନାୟି, ସାତା ଗୁଣ୍ଡ, ମାନିଗାଟି ଲକୁ, ନାମୁତଲେ ମାନାୟି,

୨୩ ଅଡେ ଜାହାରାଇଁ ଲକ୍‌ନାୟି, ଇ ବାରେ ନକିତା ମସାତି ଏନି ମେରା ହିଲେଏ ।

୨୪ ଆମ୍ବାଆରି ଜୀସୁ କ୍ରୀସ୍ତ ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍ପୁ ଅଡ଼େ ଜୁପକା ବାରେ ମାଣ୍ଡସି ମାଣ୍ଡକିତି ପାସି ମୁଣ୍ଡାତା ଏକହାନା ହାଞ୍ଜି କିହାମାନେରି ।

୨୫ ମାର ସୁଦୁଜୀଝୁ ତଲେ ଜୀଝୁ ବେଟାଆହାମାନାୟି, ଆତିହୁଁ ସୁଦୁଜୀଝୁ ତଲେ ନୀତିନ ।

୨୬ ମାର ବତପଣ ଆହାନା ରଅତଞ୍ଜି ରଅଣାଈଁ ବିତିବିତା କିଆପ ଅଡ଼େ ମାର ରଅତାୟି ରଅଣାଈଁ ତାହାରା ଆଆପ ।



**ରଅସି ରଅଣି ବଜୁ ଡେକିନାୟି**

୧ ଏ ତାୟି ତାଜିସ୍ତା, ଆମ୍ବାଆସି ଏନ୍ତି ଦହ କିହାମାନାଣି ପୁଟିହୁଁ, ସୁଦୁଜୀଝୁ ବେଟାଆହାମାଞ୍ଜେରି ମୀରୁ, ମୀରୁ ଚିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡ଼େତା ମୀରୁ ଜିକେଏ ପାନ୍ଦାତା ହେରଞ୍ଜିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ ।

୨ ରଅତେରି ରଅଣି ବଜୁ ଡେକାଲି ସାୟେମି କିଞ୍ଜିଆଦୁ; ଏଲେକିତିହୁଁ ମୀରୁ କ୍ରୀସ୍ତତି ମେରା ମାନଞ୍ଜି ଆଡ଼େରି ।

୩ ଆମ୍ବାଆସି ଲାଗେଏ ଆହାନା ଜାହାରାଈଁ ନାନୁ କାଜାତେଏଁ ଇଞ୍ଜୁଁ ଅଣ୍ପା କତିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକତିମାନେସି ।

୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହୁଁ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି ।

୫ ଏନ୍ତିଇତିହୁଁ ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ ।

୬ ସାମା ଆମ୍ବାଆସି ମାହାପୁରୁତି ବଜୁ ଜାପିନେସି, ଏଞ୍ଜାସି ତାଙ୍ଗେ ଜାପୁନାଣାକି ତାନି ତାଣା ମାନି ବାରେକିହାଁ ନେହୁଁ ବାଗା ହାପେସି ।

୭ ମୀରୁ ମିଙ୍ଗେ ନାଡ଼ିକିହା କତାଆଦୁ; ଆମ୍ବାଆସି ମାହାପୁରୁଈଁ ନାଡ଼ି କିହାଲି ଆଡ଼ଅସି, ଇତିହୁଁ ମାଣ୍ଡସି ଏଦାଆଁ ମାଟିନେସି ଏଦାଆଁ ଦାଃଆନେସି ।

୮ ଆମ୍ବାଆସି ଆଙ୍ଗାତି ଅଣ୍ପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁଟି ଗାଡ଼ିଆଡ଼ି କାଲକାଲକାତି ଜୀଝୁହାନି ପାଡ଼େୟି ଦାଃଆନେସି ।

୯ ମାର ନେହୁଁ କାମା କିହାଲି ଝାହାଆପ; ଇତିହୁଁ ଝାହୁ ଆଆନା କାମା କିତିହୁଁ ସମାନା ବେଲାତା ତାସା ଦାଃନାୟି ।

୧୦ ଏନ୍ତିଇତିହୁଁ ମାର ପାରୁ ସିନିକିହାନା ବାରେତାକି ଇତିହୁଁ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଗାରାଈଁ ନେହୁଁ କିନାୟିମାନେ ।

**ଜାଗ୍ରାତା କିହାଁ ଜହରା ତଲେ ଆକୁତି ରାପୁନାୟି**

୧୧ ମେହୁଦୁ, ନାନୁ ଏନ୍ତିକିଁ କାଜା କାଜା ଅକ୍କରି ତଲେ ନା କେୟୁତଲେ ମୀ ତାଣା ରାତାମାଞ୍ଜାଈଁ ।

୧୨ ଆମ୍ବାଆସି ଆଙ୍ଗାତି କାମା ତଲେ ଝେଙ୍ଗାଲି ମନ୍ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜୁଁ

ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନ୍ତିକିଁ ନିନ୍ଦା ବେଟାଆଅରି ଝାରଇ ଏଦାଣିତାକି ଏଲେକିନେରି ।

୧୩ ଇତିହୁଁ ଆମ୍ବାଆସି ତଲୁ ଦାଃନି ମେରା ତଲେ ମାନେରି, ଏଞ୍ଜାରି ତାମ୍ବୁ ଜିକେଏ ମସାତି ମେରା ମାନଞ୍ଜି ଆଅରି, ଇଞ୍ଜା ଏଞ୍ଜାରି ଏନ୍ତିକିଁ ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଜିକିହାଲି ଅଣ୍ପିନେରି ।

୧୪ ସାମା ନାନୁ ଝାରଇ ମା ଜୀସୁ କ୍ରୀସ୍ତତି କୁସ ତାକି ବତପଣ ଆହିମାଈଁ; ଇତିହୁଁ ଏଞ୍ଜାଣି କୁସ ତାକି ଦାରତି ନାଙ୍ଗେତାକି ହାହାମାନେ ଇଞ୍ଜା ନାନୁ ଦାରତି ତାକି ହାହାମାଈଁ ।

୧୫ ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଡ଼ି ବାରେ କିହାଁ ମୂଲୁତାୟି ।

୧୬ ଏତେକା ଲକୁ ଈ ମେରା ତଲେ ତାକିନେରି, ଏଞ୍ଜାରି ଲାକ ଅଡ଼େ ମାହାପୁରୁତି ଇସାୟେଲ ଲକୁ ଲାକ ହିଡ଼ଡ଼ି ଅଡ଼େ କାର୍ମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତ ହିୟାଆପେସି, ଇତିହୁଁ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଙ୍ଗାତା ମାନୁ ।

୧୮ ଏ ତାୟି ତାଜିସ୍ତା, ମା ପୁରୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଝୁତା ଡ଼ୟାପେ । ଆମେନ୍ ।

# ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସୀୟ କୁଲମିତାକି ପାଞ୍ଚଲ ରାଚାମାନି ଆକୁ ମୂଲୁ ହାଡ଼ା

ଏପିସୀୟ କୁଲମିତି ଆକୁ ପାଞ୍ଚଲ ରାଚାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷା ତାୟୁ କଲସିୟ କୁଲମିତାକି ରାଚିତି ବେଲା ରାସ୍‌କି ଆହାମାଚେ । ରାଚିନାସି ତାନୁଏ ପାଣ୍ଡିଆହାମାନି ପାଞ୍ଚଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଟାରି ଏପିସୀୟ ଆକୁ ପାଞ୍ଚଲ ରାଚାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍‌କି ଆହାଡ଼ୟିନେ । ପାଞ୍ଚଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଚିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚଲ ତୁକିକଇଁ ଏପିସୀୟ କୁଲମିତା ପାଣ୍ଡାନା ଏଞ୍ଜାଣି କେୟୁତା ଇ ଆକୁ ହାହାମାଚେସି ୬:୨୧-୨୨ ।

ଏପିସୀୟ ଏସିୟା ରାଜିତି ର କାଜା ଗାଡ଼ା ମାଚେ । ଏପିସୀୟ ଗାଡ଼ାତି ଗ୍ରିକ୍ ପେନୁ ଆଚେନି ଅଡ଼େ ଏଦାନି ଦେଖୁଡ଼ି ଝେଜିତାୟି ମାଚେ, କାମା ୯:୨୩-୩୧ । ଏପିସୀୟ କୁଲମି ନକେଏ ବାଡ଼ୟୁ ଗାଟାୟି ମାଚେ ତାୟୁ ରିହାଲି ମାଚ୍‌ହେ ଝେ ବଲୁ ୨:୧-୭ ।

ପାଞ୍ଚଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଚିତେସି, ଅଡ଼େ ଏନିକିଁ ଜୀସୁ ତାଣାଟି ପାପୁଡ଼ି ଗେଲ୍‌ପିତେସି ଏଦାଆଁ ଝେସିମାନେସି । ପାଞ୍ଚଲ କୁଲମିତି ଆଜ୍ଞା ତଲେ ତୁକ୍‌ହାନା କ୍ରୀସ୍ତ ଏଦାନି ତାୟୁଁ ଅୁଡ଼େ କନତି ମୂଲୁ ଖାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା । ଆକୁତି ତାୟୁ ବାଗାତା ପାଞ୍ଚଲ ପଡ଼଼ି ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି ।

### ପତିତା ମାନାୟି

- ୧. ପାଞ୍ଚଲ ଜହରା କିହାନା ପୁଣ୍ଡି କିହା କତିନାୟି । ୧:୧-୨
- ୨. କ୍ରୀସ୍ତ ତଲେ କୁଲମିତି ତୁକ୍‌ନାୟି । ୧:୩-୩:୨୧
- ୩. କ୍ରୀସ୍ତ ତାଣା ଏନିକିଁ ନୀତିନାୟି । ୪:୧-୬:୨୦
- ୪. ଜହରା କିହାନା ଆକୁତି ରାପ୍‌ନାୟି । ୬:୨୧-୨୪

୧ \*ପାଞ୍ଚଲ, ମାହାପୁରୁତି ଅଣ୍ଡପୁ ତଲେ କ୍ରୀସ୍ତ ଜୀସୁତି ପାଣ୍ଡିଆହାମାନାଚେସି, ଏପିସୀୟତା ମାନି ମାହାପୁରୁ ଲକୁ ଇଞ୍ଜା କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଚିମାଲି ।

\* ୧:୧ କାମା ୧୮:୧୯-୨୧; ୧୯:୧    \* ୧:୭ କଲସି ୧:୧୪

୨ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ି ଜୀସୁ ମିଜେତାକି ଆୟାପେ ।

### ସୁଦୁଜୀସୁତି ବର ପାଣ୍ଡନାୟି

୩ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣା ମାଜେ ବାରେ ଜୀସୁତି ବର ତଲେ ଲାକପୁରୁ ବର ହାହାମାଜାନେସି ।

୪ ମାର ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ୍ ହିଲାଆଗାଟାତାୟି ଆନାୟି ଏଦାଆଁତାକି ଏଞ୍ଜାସି ଦାର୍ଡି ଗାଡ଼ି ଆଆ ନକେଏ ତାନି ତାଣା ମାଜେ ଆଚାମାଜାତେସି ।

୫ ଅଡ଼େ ଏଞ୍ଜାସି ମାଜେ କ୍ରୀସ୍ତ ଜୀସୁ ତାଣାଟି ତାଜେତାକି ମୀରକା ମାସ୍‌କା କିୟାଲି ତାନୁଏ ତଲିଏ ତୀରି କିତେସି; ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡପୁ ।

୬ ମାହାପୁରୁତି କାର୍ମାମେହ୍‌ନାଣି ତାକି ଇଞ୍ଜା ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି ।

୭ \*କ୍ରୀସ୍ତ ହାଡ଼ି ତାଣାଟି ମାର ଗେଲ୍‌ପି ଆହାମାନାୟି, ଇଚିହ୍ ମା ବାରେ ପାପୁ ମେଣ୍‌ଜାମାନେ, ମାହାପୁରୁତି କାର୍ମା ଏଚେକା କାଜାୟି ।

୮ ଏଞ୍ଜାସି ଏ କାର୍ମାମେହ୍‌ନାଣି ବାରେ ବୁଦି ଅଡ଼େ ଅଣ୍ଡପୁ ମାଜେ ହାଡ଼େକା ହାହାମାଜାନେସି ।

୯ ନକେଏ ଅଣ୍ଡପାମାନି ତାନି କାର୍ମାତଲେ ଏଞ୍ଜାସି ମାଜେ ତାନି ଅଣ୍ଡପୁ ତଲେ ତରୁମାନି ଅଣ୍ଡପୁତି ତସାମାଜାନେସି ।

୧୦ ଏନିକିଁ କାଲ୍‌ମାତି ତାନି ଅଣ୍ଡପୁ ତଲେ ଲାକପୁରୁ କି ଦାର୍ଡିତା ମାନାଣି ବାରେ ଏଞ୍ଜାସି ତାଜେତାକି କ୍ରୀସ୍ତ ତାଣା ରଣ୍ଡେଏ କିନେସି ।

୧୧ ମାର ଜିକେଏ ଏଞ୍ଜାଣି ତାଣା ଅଦିକାରା ଲେହେଁ ଆହାମାନାୟି, ଇଚିହ୍ ଏନିନି ମାହାପୁରୁ ତାନି ମନଡି ଅଣ୍ଡପୁ ତଲେ ବାରେ କାତା ତୀରି କିନେସି, ଇଞ୍ଜା ଏଞ୍ଜାସି ତଲିଟିଏ ମନଡା ତୀରି କିହାମାତିଲେହେଁ ମାର ନକେଏ ଆଚ୍‌଼ି ଆଡାୟି

୧୨ ମାର ଏନିକିଁ କ୍ରୀସ୍ତ ତାଣା ନକେଏ ବାର୍ସୁ କିହା ମାଚାୟି, ମାର ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନ ।

୧୩ ଏଞ୍ଜାଣି ତାଣାଟି ମୀରୁ ଜିକେଏ ସାତା ବଲୁ ଇଚିହ୍ ମିଜେ ଗେଲ୍‌ପାନି ନେହ୍ କାରୁ ଝେଜ୍‌ଜାନା ନାମାହାଁ ଆଜ୍ଞାମାନି ସୁଦୁଜୀସୁ ତଲେ ବୁଟୁ ମୁଦ୍ରା ଆହାମାଜେରି;

୧୪ ମାହାପୁରୁ ତାନି ଲକୁତାକି ଏଦାଆଁ ହାହାଲି ଆଜ୍ଞାମାନେସି ଏ ବାରେ ମାର ବେଟାଆନାୟି ସୁଦୁଜୀସୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲ୍‌ପି ଆନାଣି ହୀନେସି ଇ ବାରେତାକି ମାହାପୁରୁତି ଗାଞ୍ଜୁରମି କିନ ।

### ପାଞ୍ଚଲତି ପ୍ରାଚୀନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକ୍ଷ୍ମତାକି ଜୀଝୁନନାୟି ମାନେ,

୧୬ ଏ କାତା ଝେଞ୍ଜାନା ମିଞ୍ଜେତାକି ନା ପ୍ରାତାନାତା ମାହାପୁରୁ ଲକ୍ଷ୍ମତାକି ଜୀଝୁନନାୟି ।

୧୭ ମା ପ୍ରବୁ ଜୀସୁ କ୍ରୀସ୍ତତି ମାହାପୁରୁ, ଗାଝୁରମିଗାଟି ଆବା, ଏଝାସି ମିଞ୍ଜେ ସୁଦୁଜୀଝୁତି ହିୟାନେସି ଏ ଜୀଝୁ ମିଞ୍ଜେ ରୁଦି ହିୟାନେ, ଅଡେ ମାହାପୁରୁ ଲକ୍ଷ୍ମତାକି ତାଣା ତଞ୍ଜି କିୟାନେ, ଆଡିହୁଁ ମୀରୁ ଏଝାଣାଇଁ ପୁଞ୍ଜେରି ।

୧୮ ଏମ୍ପାଟିଏ ମୀ ହିୟାତି କାଣ୍ଟା ଦେପି ଆଡିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷ୍ମତାଣା ତାନି ଅଦିକାରାତି ଗାଝୁରମିଗାଟି ଦନ ଏନାୟି,

୧୯ ତାନି ଲକ୍ଷ୍ମତାକି ତାନି ଆଞ୍ଜାମାନାୟି ହାରେକା କାଜା ବର ଅଡେ ନାମିମାନାତାୟି ମାର, ତାନି ବାଡ଼ୁୟୁତି କାମା କିନାତାୟି, ଇଞ୍ଜା ମାଞ୍ଜେତାକି ତାନି ବାଡ଼ୁୟୁ ଏଚେକା କାଜାୟି ଇ ବାରେ ପୁଞ୍ଜାଲି ଆଡିଦେରି;

୨୦ ଏ ବାଡ଼ୁୟୁ କ୍ରୀସ୍ତ ତାଣା ତସାନା ଏଝାଣାଇଁ ହାଡାରି ତାଣାଟି ନିକହାନା ଲାକପୁରୁ ତାନି ଚିଝନି ଚଟତା କୁଟି କିହାମାନେସି ।

୨୧ କ୍ରୀସ୍ତ ଲାକପୁରୁ ବାରେ ସାଲଝି କିନାସି, କାଜାପାଣା, ବାଡ଼ୁୟୁ, ମୁସାଦାରିୟା ଲାକ ସାଲଝି କିନାସି, ଇ ଜୁଗୁତା ଅଡେ ଏ ଜୁଗୁତା ଏଚେକା ଦରକା ଝେଞ୍ଜା ମାନୁ, ଏ ବାରେତି ମୁହେଁ ଏଝାଣି ପାଣା କାଜାୟି ।

୨୨ \*ମାହାପୁରୁ ବାରେ କ୍ରୀସ୍ତତି କତାୟାଁ ତୁଝ ଇଟିଚେସି, ଇଞ୍ଜା ଏଝାଣାଇଁ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି ।

୨୩ ଏ କୁଲମିକା କ୍ରୀସ୍ତତି ଆଞ୍ଜା ଲେହେଁ, ଇଡିହୁଁ ଆମ୍ବାଆସି ବାରେ କାମାତି ବାରେ ତାଣା ପୁରା କିନେସି ।

### ୨

#### ହାକିଟି ଜୀଝୁ ପାଣ୍ଟାନାୟି

୧ ମୀ ଦହ ଅଡେ ପାପୁ ତାକି ତଲି ଜୀଝୁତା ହାହାମାଚେରି,

୨ ଇଡିହୁଁ ଏମିନି ଜୀଝୁ ନୀଏଁ ଜିକେଏ କାତା ମାନଝି ଆଆଗାଟି ମୀରକା ତାଣା ଅଦିକାରା କିହାମାନେ, ଏ ଦାର୍ତତି ମନତଲେ ମୀରୁ ଜିକେଏ ତଲି କାଲ୍ଲା ଏ ଜିରୁତା ତାକିହୁଁ ଦହ କିହାନା ପାପୁତାକି ହାହାମାଚେରି ।

୩ ଏ କାତା ମାନଝି ଆଆଗାଟି ମୀରକା ତଲେ ମୀର ବାରେ ଏ ବେଲାତା ମା ଆଞ୍ଜାତି ମାଣ୍ଟାକି ତଲେ ନୀତାନା ଆଞ୍ଜା ଅଡେ ମନତି କାମା କିହାମାଚାୟି, ଇଞ୍ଜା ଏଚକାତାରି ଲେହେଁ ମୀର ଜିକେଏ ମାହାପୁରୁ କପାତି ଲକ୍ଷ୍ମ ମାଚାୟି ।

୪ ସାମା ମାହାପୁରୁ ହାରେକା କାର୍ମା ମେହନାସି; ଏଝାସି ମାଞ୍ଜେ ହାରେକା ଜୀଝୁ ନଝୁତା ଜୀଝୁ ନୟାତେସି,

୫ ଏଚେତା ମୀର ପାପୁ ତାକି ହାହା ମାଚାୟି, ଇଞ୍ଜା ମାଞ୍ଜେ କ୍ରୀସ୍ତ ଜୀସୁ ତଲେ ନିକହାଚେସି, ଅଡେ ମାହାପୁରୁତି କାର୍ମାଟି ମୀରୁ ଗେଲ୍ପି ଆହାମାଞ୍ଜେରି ।

୬ ଇଞ୍ଜା ତାନି ତଲେ ମାଞ୍ଜେ ହାକିଟି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁଟି କିହାମାଞ୍ଜାନେସି ।

୭ କ୍ରୀସ୍ତ ଜୀସୁ ତାଣା ମାଞ୍ଜେତାକି ଜୀଝୁନହାଁନା ଝାହିମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିଚେସି ।

୮ ଏନାଆଁତାକି ଇଡିହୁଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲ୍ପି ଆହାମାଞ୍ଜେରି; ଏଡି ମୀ ତାଣାଟି ଆହା ହିଲେଏ, ଏଡି ମାହାପୁରୁତି ଦାନା,

୯ ଏଡି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବଡପଣ କିଆଚେସି ।

୧୦ ଇଡିହୁଁ ମୀର ତାନି ତାଣାଟି ଗାଡ଼ି ଆହାମାନାୟି; ଆମିନି ନେହୁଁ କାମା କିଞ୍ଜି ଇଞ୍ଜି ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଝି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ ।

#### କ୍ରୀସ୍ତ ତାଣା ରଣ୍ଡିଏ ଆନାୟି

୧୧ ମୀରୁ ଏଚିବେଲା ତଲି ଆଞ୍ଜା ତଲେ ଜୀହୁଦିଆଆନା ମାଚେରି ଅଡେ ଆଞ୍ଜାତି ଅଣ୍ଟପୁତା କେୟୁତଲେ ତଲୁ ଦାପି ଆଡି ଲକ୍ଷ୍ମ ତାଣାଟି ତଲୁ ଦାପି ଆଆତାରି ଇଞ୍ଜି ଝେଞ୍ଜିମାଚେରି ।

୧୨ ଏଚିବେଲା ମୀରୁ କ୍ରୀସ୍ତ ତାଣାଟି ହେକ ମାଚେରି, ମୀରୁ ଏଚକା ଦେସାତାଚେରି ମାଚେରି, ଅଡେ ମାହାପୁରୁତି ଆଡିତି ଇସ୍ତାୟେଲ କୃତାତା ଆଣ୍ଡାହିଲାଆଚେରି, ମାହାପୁରୁ ତାନି ଲକ୍ଷ୍ମତାକି କିହାମାନି ରାଡ଼ିମାନାତା ମୀ ଏଡି ବାଗା ହିଲାଆଚେ, ମାହାପୁରୁ ଅଡେ ବାସୁଁ ହିଲାଆ ଲକ୍ଷ୍ମ ଲେହେଁ ଦାର୍ତତି ବାସା କିହାମାଚେରି ।

୧୩ ନକେଏ ମୀରୁ ହେକ ମାଚେରି, ସାମା ନୀଏଁ ମୀରୁ କ୍ରୀସ୍ତ ଜୀସୁ ତାଣାଟି ତାନି ନେଚେରି ତଲେ ତାଗେ ଆହାମାଞ୍ଜେରି ।

୧୪ ଏନାଆଁତାକି ଇଡିହୁଁ ଏଝାସି ମା ହିଡ଼ଡ଼ି, ଏଝାସି ସାତୁ ଲେହେଁ ପାଡ଼ି କାଡିନି କାଡିତି ତିକହାନା ବାରେତି କାଲ୍ହା ମାନେସି,

୧୫ \*ଜୀହୁଦି ଲକ୍ଷ୍ମତି ପାଣାପାଚୁ ହୁକୁମିତି ମେରାତି ତାନି ଆଞ୍ଜାଟି ହେକ କିହାମାନେସି, ଏଡିକ୍ ଏଝାସି ହିଡ଼ଡ଼ି ହାହାନା ଜୀହୁଦି ଅଡେ ଜୀହୁଦିଆଆତି କୃତାତାରାଇଁ ତାନି ତାଣା ର ପୁଝନି ଲକ୍ଷ୍ମଲେହେଁ ଗାଡ଼ି କିନେସି ।

୧୬ \*ଅଡେ କୁସତା ହାହାନା ଜୀହୁଦି ଅଡେ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଞ୍ଜା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି ।

୧୭ ଅଡେ ହେକ ମାଟି ଜୀହୁଦିଆଆତି ଲକ୍ଷ୍ମଣି ଅଡେ ତାନି ତାଗେ ମାନି ଜୀହୁଦି ଲକ୍ଷ୍ମ ଇ ରିଆରି ତାଣା ଏଝାସି ଝାହାନା ହିଡ଼ଡ଼ି ନେହୁଁ କାରୁ ଝେକ୍ହେସି;

୧୮ ଏନାଆଁତାକି ଇଡିହୁଁ କ୍ରୀସ୍ତତି ତାକି ବାରେ ଜୀହୁଦିୟାଁ ଅଡେ ଜୀହୁଦିଆଆତି ଲକ୍ଷ୍ମ ରଣ୍ଡିଏ ସୁଦୁଜୀଝୁତି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି ।

\* ୧:୨୨ କଲସି ୧:୧୮ \* ୨:୧୫ କଲସି ୨:୧୪ \* ୨:୧୭ କଲସି ୧:୨୦

୧୯ ଏଦାଆଁତାକି ମୀରୁ ଏଟ୍‌କା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକ୍ଷ୍ମଣଲେ ଆଶ୍ୱାନା ଏଞ୍ଜାରି ଦେସାତି ଲକ୍ଷ୍ମଣ, ଅଡ଼େ ମାହାପୁରୁ ଇଲୁ କୁଟମିତେରି ।

୨୦ ମୀରୁ ପାଣ୍ଡୁ ଆହାମାନାରି ଅଡ଼େ ମାହାପୁରୁ ଅଣ୍ଡପୁତି ବଲୁ ଖେନ୍ଦନାରି ଇଟାମାନି ପୁନାଦି ମୁହେଁ ଇଟ୍‌କି ଆହାମାଞ୍ଜେରି, କ୍ରୀସ୍ତ ଜୀସୁ ତାନୁଏ, ଏ କନତି ମୂଲୁ ଖାଲି ।

୨୧ ଏଞ୍ଜାଣି ତାଣା ବାରେ ଇଲୁତି ବାରେ କାତିୟା ଦୂର୍ସାନା ପ୍ରୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ ।

୨୨ ଏଞ୍ଜାଣି ତାଣା ମୀରୁ ଜିକେଏ ମା ତଲେ ଆଶ୍ୱାନା ସୁଦୁଜୀଞ୍ଜୁଟି ମାହାପୁରୁ ବାସାଆନ୍ତି ଇଲୁ ଲେହେଁ ଦସ୍‌ପି ଆହାମାଞ୍ଜେରି ।

### ୩

#### ଏଟ୍‌କା ଲକ୍ଷ୍ମଣା ପାଞ୍ଜୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକ୍ଷ୍ମଣାକି କ୍ରୀସ୍ତ ଜୀସୁ ତାକି ଦସ୍‌ପି ଆହାମାନି ପାଞ୍ଜୁଲତେଏ ।

୨ ମିଲେତାକି ନାଲେ ହାହାମାଞ୍ଜାନି ମାହାପୁରୁତି କାର୍ମାତି ସେବାକିନି କାମାତି କାତା ମୀରୁ ଖେଞ୍ଜାମାଞ୍ଜେରି,

୩ ଅଡ଼େ ଡଗ୍‌ମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକ୍‌ ନାନୁ ତଲି ଏ ବାରେ କାତା ଇଟାଣି ରାଟାମାଲ୍;

୪ \*ମୀରୁ ଏଦାଆଁ ପଡ଼ୁଞ୍ଜି ଆହାନା କ୍ରୀସ୍ତ ଡଗ୍‌ମାନି କାତା ନାନୁ ଏଦାଆଁ ତେଲ୍‌ହାମାଲ୍ ଏଦାଆଁ ମୀରୁ ତେଲ୍‌ହାଲି ଆଡ଼ିଦେରି,

୫ ତଲି କାଲ୍‌ତା ମାଣ୍ଡିୟା ତାଣା ତଞ୍ଜା ଆହାହିଲାଆତେ, ଏ ଡଗ୍‌ମାନାୟି ନୀଏଁ ସୁଦୁଜୀଞ୍ଜୁଟି ତାନି ସୁଦୁତି ପାଣ୍ଡୁ ଆହାମାନାରି ଅଡ଼େ ମାହାପୁରୁ ଅଣ୍ଡପୁତି ବଲୁ ଖେନ୍ଦନାରି ତାଣା ଏନିକ୍‌ ତଞ୍ଜା ଆହାମାନେ,

୬ ଏ ଡଗ୍‌ମାନି କାତା ଇଦି ନେହଁ କାରୁ ତାଣାଟି ଜୀହୁଦିୟା ମାହାପୁରୁତି ବର ବେଟାଆନ୍ତି ଲେହେଁ, ଏଟ୍‌କା କୁଡାତାରି ଜିକେଏ ବାରେଜାଣା ଆଶ୍ୱାନା ର ଆଙ୍ଗା ଲେହେଁ ଆହାନା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି ।

୭ ମାହାପୁରୁତି କାମା କିନି ବାଡ଼ୁ ତଲେ ନାଲେ ଏମିନି କାର୍ମାତି ଦାନା ହାହାମାଞ୍ଜାନେସି ଏଦାଆଁତାକି ଏ ନେହଁ କାରୁତି ଖେକ୍‌ନାତେଏଁ ଆହାମାଲ୍ ।

୮ ମାହାପୁରୁ ଲକ୍ଷ୍ମଣ ବିଡ଼ାଟି ନାନୁ ବାରେତି କିହାଁ ଡଗାତେଏଁ ମାତି ଜିକେଏ ଏଟ୍‌କା କୁଡାତି ଲକ୍ଷ୍ମଣା ଏଜିକିହାଲି ଆଡାଆଗାଟି କ୍ରୀସ୍ତ କାର୍ମାତି ନେହଁ କାରୁ ଖେକ୍‌ହାଲି ମାହାପୁରୁ ପାରୁ ହାହାମାଞ୍ଜାନେସି,

୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣା ତଲି କାଲ୍‌ଟିଏ ଡଗ୍‌ମାନି କାତାତାକି ଏଞ୍ଜାଣି ଅଣ୍ଡପୁ ଏନାୟି

ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡା ଆହାମାଞ୍ଜାନେ,

୧୦ ଏନିକିହଁ ନୀଏଁ କ୍ରୀସ୍ତାନା କୁଲମିତି କାମାଟି ଲାକପୁରୁତି ସାଲ୍‌ଞ୍ଜି କିନାରି ବାଡ଼ୁ ଗାଟି ମାହାପୁରୁତି ବୁଦି ନେହଁ କି ପୁଞ୍ଜାଲି ଆଡ଼ିନେରି,

୧୧ ମାହାପୁରୁ ତାନି କାଲ୍‌କାଲ୍‌ତା ଅଣ୍ଡପୁ ଲେହେଁ ମା ପ୍ରୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି ।

୧୨ ଏ ପ୍ରୁ ତାଣା ନାମାମାନାକି ମାର ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି ।

୧୩ ଏଦାଆଁତାକି ନାନୁ ମିଲେ ବାତିମାଲିମାଞ୍ଜାଲ୍, ମିଲେତାକି ନାନୁ ବେଟାଆହିମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଡ଼ି ମୀ ଗାଞ୍ଜୁରମି ତାକି ଆହାମାନେ ।

#### କ୍ରୀସ୍ତ ଜୀଞ୍ଜୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡ଼େ ଦାରତିତି ବାରେ କୁଟମି, ତାନି କୁଡାତି ଦରୁ ବେଟାଆହାମାନେ,

୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାତାନା କିହିମାଲ୍ ।

୧୬ ଏନିକି ଏଞ୍ଜାସି ତାନି ଗାଞ୍ଜୁରମିଗାଟି ଦନ ତାନି ସୁଦୁଜୀଞ୍ଜୁ ତଲେ ମିଲେ ମୀ ଅଣ୍ଡପୁତା ତୀରି ମାଣ୍ଡି ଆହାଲି ବାଡ଼ୁ ହିୟାନେସି,

୧୭ ମୀ ନାମୁତଲେ କ୍ରୀସ୍ତ ମୀ ହିୟାତା ବାସା କିନେସି, ଏନିକି ମୀ ଜୀଞ୍ଜୁ ନଞ୍ଜୁତା ପୁନାଦି ଅଡ଼େ ଆଟ୍‌ଖା ତଲେ ତୀରିଆହାନା ଏଜିକିହାଲି ଆଡାଆଗାଟି କ୍ରୀସ୍ତ ଜୀଞ୍ଜୁ ନଞ୍ଜୁ,

୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକ୍ଷ୍ମଣଲେ ଏମ୍‌ଗାଟି ଅସାରା ଅଡ଼େ ଲାମ୍‌ ପାଡ଼ଣି ଅଡ଼େ ଗାଡ଼ୁଡ଼ୁତି ପୁଞ୍ଜାଲି ବାଡ଼ୁ ବେଟାଆଡ଼ି ।

୧୯ ହାଅ ମୀରୁ ଏନିକି କ୍ରୀସ୍ତ ଜୀଞ୍ଜୁ ନନାଣି ପୁଞ୍ଜେରି ଆଡିହଁ ଜିକେଏ ଏଦାଆଁ ନେହଁ କି ପୁଞ୍ଜାଲି ଆଏ, ଅଡ଼େ ଏଲେକିହଁ ମାହାପୁରୁତି ଗୁଣ୍ଡତଲେ ପାତାଆଦୁ ।

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡ଼ୁ ତଲେ ମାର ରୀହନାଣି ଅଡ଼େ ଅଣ୍ଡପିନାଣି କିହାଁ ହାରେକା ଆଗାଡା ହିୟାଲି ଆଡାନେସି,

୨୧ କୁଲମିଟି ଅଡ଼େ କ୍ରୀସ୍ତ ଜୀସୁ ତାଣାଟି ଏ ମାହାପୁରୁତି ଗାଞ୍ଜୁରମି କାଲ୍‌କାଲ୍‌ତାକି ମାଣ୍ଡେ । ଆମେନ୍ ।

### ୪

#### ରଣ୍ଡିଏ ଆଙ୍ଗା

୧ ପ୍ରୁତି ସେବାତାକି ନାନୁ କାୟିଦିତା ମାଲ୍, ମିଲେ ବାତିମାଲିମାଞ୍ଜାଲ୍, ଏନିକି ନୀତାବାଡ଼କାଲି ତାକି ମାହାପୁରୁ ମିଲେ ହାଟାମାଞ୍ଜାନେସି, ଏଲେତି ମାଣ୍ଡିକି ତଲେ ମାଞ୍ଜୁ ।

\* ୩:୪ କଲସି ୧:୨୭,୨୭ \* ୪:୨ କଲସି ୩:୧୨,୧୩



୨ \*ଇଚିହ୍ମ ବାରେଲେହେଁତି ଉଣା ଗାଟାତେରି, ସୁଦୁ ସୁଖାଲା, ହାରେକା ଅର୍ହନାତେରି ଅଡ଼େ ଜୀଞ୍ଜନହୀନା ରଅତେରି ରଅଣାଲ୍ ଅର୍ହନାତେରି ଆଦୁ;

୩ ମୀରୁ ବାରେଜାଣା ତେରି ହିଡ଼ଡ଼ିତି ଡ଼ରିତଲେ ଦସ୍ପି ଆହାନା ସୁଦୁଜୀଞ୍ଜ ବାଡ଼ୁଡ଼ି ରଣିଏ ଲେହେଁ ଆହାଲିତାକି ଜାଡ଼ନୁ ଆଦୁ ।

୪ ଆଙ୍ଗା ରଣିଏ, ସୁଦୁଜୀଞ୍ଜ ଜିକେଏ ରଣିଏ, ଏନିକ୍ ମୀରୁ ମୀ ହାଟାମାନି ରଣିଏ ବାସ୍ତୁ ତଲେ ହାଟ୍‌କି ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣିଏ ଅଡ଼େ ବାପ୍ତିସ୍ମ\* ଜିକେଏ ରଣିଏ,

୬ ବାରେ ମାଣସିୟାଁତି ରଣିଏ ମାହାପୁରୁ ଅଡ଼େ ତାଞ୍ଜି; ଏଞ୍ଜସି ବାରେତି ମୁହେଁ, ବାରେତି ବିତ୍ରା ଇଞ୍ଜା ବାରେତି ହିୟାଁତା ମାନେସି ।

୭ ସାମା କ୍ରୀସ୍ତି ଦାନା ଏତେକା ବେଟାଆନାୟି ମାନେ ଏତେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହନାୟି ହୀପକି ଆହାମାଞ୍ଜାନେ ।

୮ ଦାମ୍ବୁ ସାସ୍ପେରିତା ରାସ୍‌କି ଆହାମାନେ,

“ଏଞ୍ଜସି ଲାକ ହାଜାନା, ହାରେକା ଦସ୍ପି ଆହାମାନାରାଲ୍ ତାନିତଲେ ଅତେସି;

ଅଡ଼େ ମାଣସିୟାଁକି ଏଟ୍‌କା ଏଟ୍‌କାତି ବର ହୀତେସି ।”

୯ “ଏଞ୍ଜସି ଲାକ ହାରେସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଞ୍ଜସି ଦାର୍ଡିତି ଡ଼ଇ ପାତେକା ରେଟା ଖାହାମାତେସି ।

୧୦ ଆମ୍ବାଆସି ଡ଼ଇପୁରୁ ଖାହାମାରେସି, ବାରେ ଦାର୍ଡିଲ୍ ତାନୁ ମାଞ୍ଜାନା ବାରେ ପୁରା କିହାଲିତାକି ଏଞ୍ଜସି ଅଡ଼େ ଖେଣ୍ଡେ ଲାକପୁରୁ ହାରେସି,

୧୧ ଏଞ୍ଜସି ଲକୁତାକି ହାରେକା ଦାନା ହୀତେସି; ଆମ୍ବାଆରାଲ୍ ପାଣ୍ଡୁଞ୍ଜି ଆଡ଼ାରି ଆହାଲି, ଆମ୍ବାଆରାଲ୍ ମାହାପୁରୁ ଅଣ୍ଡୁତି ବଲୁ ଖେକ୍‌ନାରି ଆହାଲି, ଆମ୍ବାଆରାଲ୍ ନେହ୍ କାରୁ ଖେକ୍‌ନାରି ଆହାଲି, ଅଡ଼େ ଏତର ଜାଣାଲ୍ କୁଲମି ଜାଡ଼ନୁ କିନାରି ଅଡ଼େ ଜାପ୍‌ନାରି ଆହାଲି ଦାନା ହୀହାମାନେସି,

୧୨ ଏନିକ୍ ମାହାପୁରୁ ଲକୁତି ସେବା କାମାତାକି ତୀରି ଆହାଲି ଆଡ଼ିନେ ଇଞ୍ଜା କ୍ରୀସ୍ତି ଆଙ୍ଗା ପାତାଆହାଲି ଆଡ଼ିନେ

୧୩ ଏନିକ୍ ମୀରୁ ବାରେଜାଣା ନାମୁତା ଅଡ଼େ ମାହାପୁରୁତି ମୀରୁଏଣା କାତାତି ବୁଦିତା ରଣିଏ ଆହାଲି ଆଡ଼ିନାୟି, ଇଚିହ୍ମ କ୍ରୀସ୍ତି ଲେହେଁ ଆହାନା ପାତାଆଡ଼ି ଲକୁ ଲେହେଁ ଆନାୟି,

୧୪ ଗାଲି ଖାନାଟି ଅଡ଼େ ଏୟୁ ଉଣ୍ଡାତା ଦାଙ୍ଗିମାନି କକାରି ପଦାୟାଁ ଲେହେଁ ମୀରୁ ଇତାଲା ଆତାଲା ଆଆପ । ଏଟ୍‌କା ଲକୁଣି ଜିରୁ ବାଣି କିହିମାନି ନାଡ଼ିକିନି ଅଣ୍ଡୁତି ଜାପ୍‌ନି ତାଣା ମୀରୁ ଡ଼ରଗାଆପ ।

୧୫ ସାମା ସାତାତି ଆସାନା ତାୟ୍ ଚୁଲହେଁତି କ୍ରୀସ୍ତି ଏଞ୍ଜାଣି ତାକି ବାରେ ଜୀଞ୍ଜ ନଞ୍ଜୁତା ପାତାଆନ ।

୧୬ ଏଞ୍ଜାଣି ତାଣାଟି ବାରେ ଆଙ୍ଗା ବାରେ ହାନ୍ତୁଲିକା ସାୟେମି ତଲେ ଅଡ଼େ ବାରେ ଆଙ୍ଗାଟି କାମା କିନି ବାଡ଼ୁଡ଼ି ତଲେ ଦୁରୁଞ୍ଜି ଆହାନା ଜୀଞ୍ଜ ନଞ୍ଜୁତା ତାନି ନେହେଁତାକି ଜାହାରାଲ୍ ପାଡ଼ି କିହିମାନୁ ।

କ୍ରୀସ୍ତି ତାଣା ପୁଞ୍ଜି ଜୀଞ୍ଜ

୧୭ ପ୍ରବୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଖେସିମାଞ୍ଜାଲ୍, ନାମାଆତାରି ଏନିକ୍ ତାନି ମନତା ଉଜେଏତି ଅଣ୍ଡୁ ତଲେ ନୀଡ଼ିନେରି ମୀରୁ ଏଲେକ୍ ନୀତାଆଦୁ,

୧୮ ଏଞ୍ଜାରି ତାନି ତାଣା ମାନି ମୁକୁଁ ତାକି ଜାହା ଜାହାରା ମନ ଆଟ୍‌ଞ୍ଜା ମାନାକି ଏଞ୍ଜାରି ମାହାପୁରୁ ହୀହାମାନି ଜୀଞ୍ଜୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟ୍‌କା ଆହାମାନେରି;

୧୯ ଏଞ୍ଜାରି ଆଟ୍‌ଞ୍ଜା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଲ୍ ହେରପା କତାମାନେରି ।

୨୦ ସାମା ମୀରୁ କ୍ରୀସ୍ତି ଏଲେକିହ୍ମ ଜାପାହିଲଅତେରି ।

୨୧ ମୀରୁ ତାନି କାତା ସାତାତଲେ ଖେଞ୍ଜାମାଞ୍ଜେରି, ଅଡ଼େ ଜୀସ୍ତି ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି,

୨୨ \*ଇଚିହ୍ମ, ମୀରୁ ମୀ ନଡ଼େଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାତେ ।

୨୩ ମୀ ମନତା ପୁଞ୍ଜି ଗୁଣୁ ଆହାନା ।

୨୪ ଏନିନି ପୁଞ୍ଜି ଗୁଣୁ ମାହାପୁରୁତି ଖାଣା ତଲେ ଦାମ୍ବୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି ।

୨୫ ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଖେସ୍‌ପି ଆଦୁ, ଇଚିହ୍ମ ମୀରୁ ରଣିଏ ଆଙ୍ଗାତାୟି ।

୨୬ କାର୍‌ବି ଆଦୁ, ସାମା ପାପୁ କିଆଦୁ; ଖେଡ଼ା ହାଲାଆ ନଡ଼େଏ କାର୍‌ବି ପିହ୍‌ଦୁ;

୨୭ ଅଡ଼େ ସୟତାନକି ଚାନ୍ଦୁ ହୀଆଦୁ ।

୨୮ ସରୁ ଅଡ଼େ ସରୁ କିଆପେସି, ଇଚିହ୍ମ ହିଲାଆ ଗାଟାରାକି ହୀହାଲିତାକି ଏନିକିହ୍ମ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହ୍ କାମା କିହାନା କସ୍ତି କିପେସି ।

୨୯ ମୀ ଗୁଡ଼ିଟି ଏନି ଲାଗେଏତି କାତା ହୁଆପେ, ମୀ ଲଡ଼ାମାନି ଲେହେଁ ନେହ୍ କାତା ହପେ ଏନିକ୍ ଏଡ଼ି ଖେନାରାକି ନେହାୟି ଆନେ ।

୩୦ ମାହାପୁରୁତି ସୁଦୁଜୀଞ୍ଜ ତଲେ ମିଙ୍ଗେ ଗେଲ୍‌ପିନି ଦିନାତାକି ବୁଡ଼ୁ ମୁଦ୍ରା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହୀଆଦୁ ।

\* ୪:୫ ମୁଞ୍ଜନାୟି ☆ ୪:୧୭ କଲସି ୨:୧୯ ☆ ୪:୨୨ କଲସି ୩:୯ ☆ ୪:୨୪ କଲସି ୩:୧୦

୩୧ ବାରେଲେହେଁତି କୁଟୁ ଅଣ୍ଠୁ, କାର୍ବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଟାୟି ମୀ ତାଣାଟି ହେକ ଆପେ ।

୩୨ ଅଡ଼େ, ରଅତେରି ରଅଣାଇଁ କାର୍ମା ଅଣ୍ଠପାଦୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସ୍ତ ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି, ଏଲେକିହିଁ ରଅତେରି ରଅଣି ଦହ ପିହିଦୁ ।

**୫**

**ଉଜେଡ଼ିତା ନୀତିନାୟି**

୧ ମୀରୁ ମାହାପୁରୁତି ଜୀଝୁତି ମୀରକା ମାସକାତେରି ଆହାମାନାକି, ମାହାପୁରୁ ଲେହେଁ ଆଦୁ;

୨ କ୍ରୀସ୍ତ ଏନିକିହିଁ ମିଙ୍ଗେ ଜୀଝୁ ନୟାଁତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଧାଗାଟି ନେହିଁ ପୂଜାଲେହେଁ ଜାହାରାଇଁ ହେରପାକତିତେସି, ମୀ ଜୀଝୁତା ଜିକେଏ ଏଲେକିହିଁ ଜୀଝୁ ନଝିଆହାନା ନୀତାଦୁ ।

୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଇ ବାରେ ମୀ ତାଣା ଟାୟୁ ବେଟା ଆଆପେ; ଏଡ଼ି ମାହାପୁରୁ ଲକୁତାଣା ନେହାୟି ଆଏ;

୪ ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିତ୍ରା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଇଁ ଜହରା କିଦୁ ।

୫ ଇତିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାଁତି ପୂଜା କିନାସି, ଏଲେତି ଲକୁକି କ୍ରୀସ୍ତ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ ।

୬ ଆମ୍ବାଆସି ମିଙ୍ଗେ ଉଜେଏତି କାତା ଷ୍ଟେସାନା ନାଡ଼ି କିୟାଆପେସି, ଏନାଆଁତାକି ଇତିହିଁ ଇ ବାରେ ଲାଗେଏତି କାମାତାକି କାତା ମାନଝି ଆଆଗାଟି ମୀରକା ମୁହେଁ ମାହାପୁରୁତି କାର୍ବି ଝାନ୍ନେ ।

୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ;

୮ ଏନାଆଁତାକି ଇତିହିଁ ମୀରୁ ତଲି ଆନ୍ଦେରି ଲେହେଁ ମାଚେରି, ସାମା ନୀଏଁ ପ୍ରବୁତି ଲକୁ ଆଡାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତ ମୀରକା ଲେହେଁ ତାକାଦୁ,

୯ ଇତିହିଁ ବାରେଲେହେଁତି ନେହାୟି, ଦାମ୍ବୁଗାଟାୟି ଅଡ଼େ ସାତା ଉଜେଡ଼ିତ ପାଡ଼େୟି ଲେହେଁ,

୧୦ ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ;

୧୧ ଲକୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି ଦହ ତହୁଦୁ ।

୧୨ ଏନାଆଁତାକି ଇତିହିଁ ଏଞ୍ଜାରି ଏନାଆଁ ତରୁନା କିନେରି, ଏ ବାରେ କାତା ଷ୍ଟେହନାୟି ଜିକେଏ ଲାଜାତି କାତା,

୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନ୍ନେ, ଏନାୟି ବାରେ ତଞ୍ଜାଆନ୍ନେ ଏଡ଼ି ବାରେ ଉଜେଡ଼ି ।

୧୪ ଏନାଆଁତାକି ରାସ୍ତକି ଆହାମାନେ, “ଇଦା କିହାମାନାତେରି, ନିଙ୍ଗାଦୁ, ହାଡ଼ାରି ତାଣାଟି ନିଙ୍ଗାଦୁ, ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି ।”

୧୫ ଇତିହିଁ ବୁଦି ହିଲିଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲିଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ ।

୧୬ ଶ୍ଟ ପାଗାତି ନେହିଁକିହିଁ ଲେମ୍ବାଦୁ, ଏନାଆଁତାକି ଇତିହିଁ କାଲି ଲାଗେଏତାୟି ।

୧୭ ଏନାଆଁତାକି, ବୁଦି ହିଲିଆ ଗାଟାରିଲେହେଁ ଆଆନା ପ୍ରବୁତି ଅଣ୍ଠୁ ଏନାୟି ଏନାଆଁ ତେଲ୍‌ହାଦୁ ।

୧୮ ଅଡ଼େ କାଡ଼ ଟୁସାନା ହଟାଆଦୁ, ଏନାଆଁତାକି ଇତିହିଁ ଏଞ୍ଜି ମିଙ୍ଗେ ନାସା କିୟାନୁ; ସାମା ପାରୁ, ସୁଦୁଜୀଝୁଟି ଜହରା କିହିଁ ରଅତେରି ରଅଣାଇଁ ବାର୍ଣ୍ଣ ହାଦୁ,

୧୯ ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଝୁ ତଲେ ଜହରା ପାରୁ ପାଟାଦୁ ।

୨୦ ବାରେବେଲା ବାରେ କାତାତାକି ପ୍ରବୁ ଜୀସୁ କ୍ରୀସ୍ତତି ଦରୁତଲେ ଆବା ମାହାପୁରୁଇଁ ଜହରା କିଦୁ ।

**ତକ୍ତି ଅଡ଼େ ତକ୍ତା**

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି ରଅଣାଇଁ ମାନି କିଦୁ ।

୨୨ ଏ ଆୟାସିକା ମୀରୁ ଏନିକିହିଁ କ୍ରୀସ୍ତଇଁ ମାନି କିହିମାନି ଲେହେଁ ମୀରୁ ମୀ ତକ୍ତାୟାଣି ମାନି କିଦୁ,

୨୩ ଇତିହିଁ କ୍ରୀସ୍ତ ଏନିକିହିଁ କୁଲମିତି ତାୟାଁ ଲେହେଁ, ତକ୍ତା ଜିକେଏ ଏଲେକିହିଁ ତକ୍ତିନି ତାୟାଁ ଲେହେଁତାସି, ଇଞ୍ଜା କ୍ରୀସ୍ତ ତାନି ଆଜା ଲେହେଁତି କୁଲମିତି ଗେଲ୍‌ପିନେସି ।

୨୪ ହାଅ, କୁଲମି ଏନିକିହିଁ କ୍ରୀସ୍ତଇଁ ମାନି କିନେ, ଏଲେକିହିଁ ତକ୍ତିସିକା ଜିକେଏ ବାରେ କାତାତା ତାନି ତକ୍ତାୟାଣି ମାନି କିପୁ ।

୨୫ ଏ ତକ୍ତାୟାଁତେରି, କ୍ରୀସ୍ତ ଏନିକିହିଁ କୁଲମିତି ଜୀଝୁ ନଡ଼େସି, ମୀରୁ ଜିକେଏ ଏଲେକିହିଁ ମୀ ତକ୍ତିସିକାଣି ଜୀଝୁନଦୁ; ଇତିହିଁ ଏଞ୍ଜାସି ଏଦାନାକି ତାନି ଜୀଝୁ ହୀତେସି,

୨୬ ଏଞ୍ଜାସି କୁଲମିତି ବଲୁ ଅଡ଼େ ଏୟୁତଲେ ନର୍‌ହାନା ମାହାପୁରୁ ତାକି ସୁଦୁ କିହାନା ହେରୁପିତେସି,

୨୭ ଏନିକିହିଁ କୁଲମି ଗାହାଁଗାରି, ଅଡ଼େ ଦହ ହିଲିଆଗାଟାୟି ଆହାନା ସୁଦୁ ଗାଟାୟି ଆନ୍ନେ, ଅଡ଼େ

☆ ୪:୩୨ କଲସି ୩:୧୩ ☆ ୫:୧୭ କଲସି ୪:୫ ☆ ୫:୧୯ କଲସି ୩:୧୭,୧୭ ☆ ୫:୨୭ କଲସି ୩:୧୮; ୧ପିତ ୩:୧ ☆ ୫:୨୫ କଲସି ୩:୧୯; ୧ପିତ ୩:୭

ଏଲେକିହ ଏ ଗାଝୁରମି ତଲେ ମାହାପୁରୁ ତାନି ତାଣା ଅନେସି ।

୨୮ ଏଲେକିହ ତକ୍ରାୟା ଜିକେଏ ତାନି ତକ୍ରିସିକାଣି ଜାହାରା ଆଙ୍ଗା ଲେହେ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ରିନି ଜୀଝୁ ନନେସି, ଏଝାସି ଜାହାରାକ୍ ଜୀଝୁ ନନେସି;

୨୯ ଆମ୍ବାଆସି ଜିକେଏ ଜାହାରା ଆଙ୍ଗାତି ନାନୁ ଅପଅଁ ଇଞ୍ଜି ଇନଅସି, ସାମା ତାନି ଆଙ୍ଗା ତାକି ତିନେସି ଉନେସି ଅଡ଼େ ଜାଡ଼ୁ ଇତିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହ କିନେସି,

୩୦ ଏନାଆଁତାକି ଇତିହ ମାର ତାନି ଆଙ୍ଗାତି ଆଙ୍ଗା ଉଡ଼େଲି ତାୟି ।

୩୧ ଦାମ୍ବୁପତିତା ରାସ୍ତକି ଆହାମାନେ, “ଇଦାଣି ତାକି ଆଡ଼ାଟି ତାଲି ତାଞ୍ଜିକ୍ ପିସାନା ଜାହାରା ତକ୍ରି ତାଣା ଆଣ୍ଟିନେସି, ଅଡ଼େ ଏରିଆରି ରଣ୍ଟିଏ ଆଙ୍ଗା ଆନେରି ।”

୩୨ ଇ ଦାମ୍ବୁ ସାସ୍ତେରିତା ରାସ୍ତକି ଆହାମାନି ତାଣା ହାରେକା ଡ଼ଗୁାମାନି କାତା ମାନେ, ସାମା ନାନୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜାକ୍ ।

୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ରିକ୍ ଜାହାରା ଜୀଝୁ ଲେହେ ଜୀଝୁନଦୁ, ଇଞ୍ଜା ତକ୍ରି ଜିକେଏ ଜାହାରା ତକ୍ରାକ୍ ମାନି କିନାୟିମାନେ ।



**ତାଲି ତାଞ୍ଜି ଅଡ଼େ କକାରି ପଦାଁ**

୧ କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନଝି ଆଦୁ; ଇତିହ ଏଡ଼ି ମିଙ୍ଗେ ତାକି ନେହାୟି ।

୨ “ମୀ ତାଲି ତାଞ୍ଜିକ୍ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି,

୩ ଏନିକିହ ମିଙ୍ଗେ ନେହ ଆନେ, ଇଞ୍ଜା ମୀରୁ ଦାର୍ତିତା ହାରେକା ଦିନା ନୀତିଦେରି ।”

୪ ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଝାରାକ୍ ପ୍ରବୁତି କାତା ଜାପଦୁ ଅଡ଼େ ସେଡ଼ନା ତଲେ ପହ୍ଲିକଦୁ ।

**ହଲିୟା ଅଡ଼େ ସାଝୁକାରି**

୫ ଏ ହଲିୟାକାତେରି, ମୀରୁ ଏନିକ୍ କ୍ରୀସ୍ତକ୍ ମାନଝି ଆହିମାଞ୍ଜେରି, ଏଲେକିହ ଆଜି ଅଡ଼େ ତୀରଗିହ ତୀରି ହିୟା ତଲେ ମୀ ଦାର୍ତିତି ସାଝୁକାରିୟା କାତା ଆହ୍ଦୁ;

୬ ମାଣ୍ଟିକ୍ ରାହାଁ କିନିଲେହେ ତାନି ନକିତା ଏଦାଆଁ କିଆଦୁ, ସାମା କ୍ରୀସ୍ତ ହଲିୟା ଲେହେ ହିୟା ତଲେ ମାହାପୁରୁତି ଅଣ୍ଟୁ ତୀରିକିଦୁ ।

୭ ଝାରଇ ମାଣ୍ଟିୟାତି ସେବା କିହିମାନମି ଇଞ୍ଜି ଅଣ୍ଟପାନା ପ୍ରବୁତି ସେବା କିନିଲେହେ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଝାସି କଡ଼ିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକ୍ଷୁକି ଏଝାରି ନେହ କାମାତାକି ଏଝାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ ଏ ସାଝୁକାରିୟାତେରି, ହଲିୟାକାଣି ଲାଗେଏ ତଲେ ଲେମ୍ବାଆଦୁ କି ଏଝାରାକ୍ ଆଜିକିଆଦୁ; ମୀରୁ ଅଡ଼େ ମୀ ହଲିୟାକା ବାରେଜାଣା ତେରି ଲାକପୁରୁତି ପ୍ରବୁତି ହଲିୟାକାତେରି; ଏଝାସି ବାରେଜାଣାତି ପାର୍ଡ଼ା ବାତି କିଆନା ବିଚାରା କିନେସି ।

**ମାହାପୁରୁତି ଜୁଜୁକିନି ଜୁତି**

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା ଏଝାଣି ବାଡ଼ୟୁଟି ବାଡ଼ୟୁ ଗାଟାତେରି ଆଦୁ ।

୧୧ ମୀରୁ ଏନିକ୍ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ ।

୧୨ ଇତିହ ମା ଜୁଜୁ ଦାର୍ତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲଝି କିନାରି କପାଟି ଇ ଆନେରିତି ପାଣାଗାଟାରି କପାଟି ଅଡ଼େ ହାଗୁ ପାକାତି ପଲ୍ଲଆ ଜୀଝୁୟା କପାଟି ଜୁଜୁ କିହିମାନାୟି ।

୧୩ ଏଦାଆଁତାକି ନୀଏଁ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହ ଲାଗେଏତି ବେଲାତା ମୀରୁ ସାଡ଼ୁ ନକିତା ନିଚାଲି ଆଡ଼ିଦେରି ଇଞ୍ଜା ରାନ୍ତି ପାତେକା ଜୁଜୁକିହ ତୀରିଆହାଁ ଡ଼ୟାଲି ଆଡ଼ିଦେରି ।

୧୪ ଇତିହ, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ବୁତି ବକ ପାଟା ଲେହେ ତୁରଦୁ,

୧୫ ହିଡ଼ି ହୀନି ନେହ କାରୁତାକି ଅଜିକିଝି ଆହାମାନି ସେପୁୟା କତାଣା ତୁରହାନା ତାଟା ଆହାମାଞ୍ଜୁ;

୧୬ ବାରେବେଲା ନାମୁତି ଆଡ଼ୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିଡ଼ୁ ବାରେ ତୁପହାଲି ଆଡ଼ିଦେରି ।

୧୭ ଅଡ଼େ, ଗେଲପିନି ଟପେରି ତାୟୁ ତୁରଦୁ ଅଡ଼େ ସୁଦୁଜୀଝୁତି ହିୟାତି ମାହାପୁରୁତି ବଲୁତି କାଣ୍ଡା ଆହ୍ଦୁ;

୧୮ ବାରେଲେହେତି ପ୍ରାତାନା ଅଡ଼େ ବାତିମାଲିନି ତାଣା ବାରେବେଲା ସୁଦୁଜୀଝୁ ସାୟେମି ତଲେ ପ୍ରାତାନା କିଦୁ, ଇଞ୍ଜା ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ ।

୧୯ ଅଡ଼େ, ନାଙ୍ଗେତାକି ଜିକେଏ ପ୍ରାତାନା କିଦୁ, ଏନିକ୍ ନେହ କାରୁତାକି ଦୁଡ଼ୁ ସମାନା ନାନୁ, ନାଙ୍ଗେ ଏ ଡ଼ଗୁାମାନାଣି ପୁଣ୍ଡି କିହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁଡ଼ିତା ନେହ କାରୁ ହିୟାନେସି ।

୨୦ ଅଡ଼େ ନାନୁ ଏନିକ୍ ଏମ୍ବାତି ସାତା କାତା ସାସାତଲେ ଝେସାଲି ଆଡ଼ିକ୍ ।

**ଜହରା ଝେସାହାଁ ଆକୁତି ରାପ୍ନାୟି**

☆ ୨:୧ କଲସି ୩:୨୦ ☆ ୨:୪ କଲସି ୩:୨୧ ☆ ୨:୫ କଲସି ୩:୨୨-୨୫ ☆ ୨:୯ କଲସି ୪:୧; କଲସି ୩:୨୫ ☆ ୨:୨୧ କାମା ୨୦:୪; ୨ତିମ ୪:୧୨ ☆ ୨:୨୧ କଲସି ୪:୨୮

☆ ୨:୯ କଲସି ୪:୧; କଲସି ୩:୨୫ ☆ ୨:୨୧ କାମା ୨୦:୪; ୨ତିମ ୪:୧୨

୨୧ ✠ନା କାତା, ଇତିହାସ ନାନୁ ଏନିକିମ୍ ମାଲ୍, ଇଦାଆଁ ମୀରୁ ଜିକେଏ ଏନିକିମ୍ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଞ୍ଜୁତି ତାୟି ଅଡ଼େ କ୍ରୀସ୍ତୁତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଞ୍ଜାସି ଖେସ୍ତାନେସି;

୨୨ ଏ ବାରେ କାତା ଖେସାଲି ନାନୁ ଏଞ୍ଜାଣାଲ୍ ମୀ ତାଣା ପାଣ୍ଡାତେସ୍, ଏନିକିମ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ ।

୨୩ ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତୁଲ୍ ନାମିତି ତାୟି ତାଙ୍ଗିସ୍ତାକି ହିଡ଼ି, ଜୀଞ୍ଜୁନନାୟି ଅଡ଼େ ନାମୁ ହିୟାପେସି ।

୨୪ ଏଚେକା ଲକୁ ମା ପ୍ରୁ ଜୀସୁ କ୍ରୀସ୍ତୁଲ୍ କାରେଏ ଜୀଞ୍ଜୁ ନନେରି, ମାହାପୁରୁତି କାର୍ମାମେହନାୟି ଏ ବାରେତାକି ଆପେ ।

# ପିଲିପୀୟ ମଣ୍ଡଳୀ ନିକଟକୁ ପାଠକଙ୍କ ପତ୍ର ପିଲିପି କୁଲମିତାକି ପାଠକ ରାଚାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାଠକ ପିଲିପି କୁଲମିତି ନାମିତି ତାୟିୟା ତାଣା ଆକୁ ରାଚିମାନେସି । ପାଠକ ରମ୍ଭିତି କାୟିଦିତା ମାଚାଟି ଇ ଆକୁ ରାଚା ତୟିନେସି୧:୧୩ । ପିଲିପି ଗାଡ଼ା ବିତ୍ରା ଆହାମାନି କୁଲମିତାକି ଇ ଆକୁ ରାସ୍‌କି ଆହାମାଚେ । ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ । ଇଦି ମାକିଦନିୟାତା ଆଡ଼ି ମୂଳୁ କୁଲମି ମାଚେ । ପାଠକ ଅଡ଼େ ସିଲା ଆଣ୍ଡ଼ି ଆହାମା ଇ କୁଲମି ମାଚୁହା ମାଚେରି । ଅଡ଼େ ଏମ୍ବାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚ୍‌କି ଆହାମାଚେରି କାମା ୧୬ ।

ପାଠକ ଇ ଆକୁ ରାଚାଲି ହାରେକା କାତା ତୟିନେ । ଏଞ୍ଜାସି କାୟିଦିତା ମାନି କାତା ଝେଞ୍ଜାନା ଲକୁ ଦାନା କୃତି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଚିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଝେସାନା କୁଲମିତା ତିମତି ଅଡ଼େ ଏପାପୁଦିତାଲ୍ ହେରପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାଲ୍ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

### ପତିତା ମାନାୟି

- ୧. ପିଲିପି କୁଲମିତି ପାଠକତି ଜହରା । ୧:୧-୨
- ୨. ପାଠକତି ମାଣ୍ଡକି ଅଡ଼େ ଏଞ୍ଜାଣି ଅଣ୍ଡପୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଝେହ୍‌ନାୟି । ୩:୧-୪:୯
- ୪. ପାଠକ ଦାନା ତାକି ପିଲିପି କୁଲମିତା ଜହରା ଝେହ୍‌ନାୟି । ୪:୧୦-୨୩

### ପାଠକତି ଜହରା ଅଡ଼େ ପ୍ରାତାନା

୧\*ପାଠକ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ତୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜାଁ କୁଲମିତି ସେବା କିନାରାକି ଇ ଆକୁ ରାସ୍‌କି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍‌ନାୟି ଇଞ୍ଜାଁ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

### ପାଠକତି ପ୍ରାତାନା

\* ୧:୧ କାମା ୧୭:୧୨    \* ୧:୧୩ କାମା ୨୮:୩୦

୩ ନାନୁ ମିଙ୍ଗେ ଏଚର ଦେବା ଅଣ୍ଡପି ମାଞ୍ଜାଲ୍, ଏଚର ଦେବା ନା ମାହାପୁରୁଲ୍ ଜହରା କିହିମାଲ୍ ।

୪ ନାନୁ ବାରେଦିନା ମିଙ୍ଗେତାକି ପ୍ରାତାନା କିନାଟି ନାନୁ ହାରେକା ରାହାତଲେ ପ୍ରାତାନା କିହିମାଲ୍,

୫ ଏନାଆଁତାକି ଇଚିହ୍ ମୀ ମୂଲୁ ଦିନାଟିଏ ନୀର୍ବ ପାତେକା ନେହ୍ କାରୁ ଝେକ୍‌ହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି,

୬ ଏନାଆଁତାକି ନାନୁ ଇ କାତାଟି ସାତା ଇଞ୍ଜାଁ ଅଣ୍ଡପିମାଲ୍, ଆମିନି ପ୍ରୁ ମୀ ତାଣା ଇ ନେହ୍ କାମା ମାଚୁହାମାନେସି, କ୍ରୀସ୍ତ ଜୀସୁତି ଝେଣ୍ଡାଞ୍ଜାଦି ଦିନା ରାଚି ପାତେକା ଏଞ୍ଜାସି ଏନାଆଁ କିନେସି ।

୭ ଅଡ଼େ ମୀ ବାରେତାକି ନା ଇଲେତି ଅଣ୍ଡପିନାୟି ମାନେ, ମୀରୁ ବାରେ ଏନିକ୍ ନା ତଲେ ନେହ୍ କାରୁ ଝେକ୍‌ନି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ବାତି ସାତା ପାରମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏନାଆଁତାକି ନାନୁ ନା ହିୟାତା ମିଙ୍ଗେ ଆବାମାଞ୍ଜାଲ୍ ।

୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଲ୍ ଇଞ୍ଜାଁ ଏତିବେଲାତା ନାନୁ ଝେହ୍‌ଲ୍, ଏଡ଼ି ସାତା, ଏନାଆଁତାକି ମାହାପୁରୁ ନା ସାକି ।

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହ୍ ବୁଦି ପୁନାୟି, ଅଡ଼େ ବାରେ ନେହ୍ ଅଣ୍ଡପୁ ହାରେ ହାରେକା ପାତା ଆପେ,

୧୦ ଏନିକିହ୍ ମୀରୁ ଏନାୟି ନେହାୟି ଏନାଆଁ ଆଚାଲି ଆଡ଼ିଦେରି, ଆଡ଼ିହ୍ ମୀରୁ କ୍ରୀସ୍ତ ଝାନ୍ତି ଦିନାତା ସୁଦୁ ଗାଟାତେରି ଆଦେରି, ଅଡ଼େ ନିନ୍ଦା ଗାଟାତେରି ଆଅତେରି,

୧୧ ମାହାପୁରୁତି ଗାଞ୍ଜୁରମି ଇଞ୍ଜାଁ ନେହ୍ ଝେହ୍‌ନାଣି ତାକି ମୀ ଜୀସୁ ଜୀସୁ କ୍ରୀସ୍ତ ହାହାମାନି ବାରେ ନେହ୍ ଗୁଣ୍ଡ ବେଟାଆନେ ।

### କ୍ରୀସ୍ତ ତାଣା ନୀତିନାୟି

୧୨ ତାୟି ତାଜିସ୍ତାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହ୍ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଡି କିହାଲି ଅଣ୍ଡପିମାଲ୍;

୧୩\*ଇଚିହ୍ ନାନୁ କାୟିଦିତା ମାଚାୟି କ୍ରୀସ୍ତ ତାକି, ଏଡ଼ି ରାଜା ଇଲୁତା କାଃଆନି ବାରେ କସ୍‌କା ଇଞ୍ଜାଁ ଏଚ୍‌କାତି ବାରେଜାଣା ନକିତା ତଞ୍ଜାଆଡ଼େ;

୧୪ ଅଡ଼େ ଜିକେଏ ହାରେକା ତାୟି ତାଜିସ୍ତା ନାନୁ କାୟିଦିତା ମାନାକି, ମାହାପୁରୁ ତାଣା ବାର୍ସୁ ଇଟାନା ଆଜାଆନା ମାହାପୁରୁତି କାରୁ ଝେକ୍‌ହାଲି ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡ଼େ ଗଡ଼ହା ତାକି କ୍ରୀସ୍ତ କାତା ଝେକ୍‌ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି;

୧୬ ନାଙ୍ଗେ ନେହଁ କାବୁଡି ସାକି ଆହାଲିତାକି ମାହାପୁରୁ ଆଚାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଞ୍ଜୁ ନନାଣି ତାକି ଏଦାଆଁ କିନେରି,

୧୭ ଏଚକାତାରି ମାନି ତଲେ କ୍ରୀସ୍ତତି ବଲୁ ଖେହ୍‌ଆନା ଜାହାରା ଲାବା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଞ୍ଜାରି ଏଦାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଖେଜିମାନେସି, ଏଦାଆଁତାକି ନାନୁ ରାହାଁ କିହିମାଇଁ, ଅଡେ ଜିକେଏ ରାହାଁ କିହିମାଇଁ ।

୧୯ ଇତିହଁ ନାନୁ ପୁଞ୍ଜାମାଇଁ, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତତି ସୁଦୁଜୀଞ୍ଜୁତି ସାୟେମି ତଲେ ନା ଗେଲ୍‌ପିନାୟି ଆନେ,

୨୦ ଏଦାଆଁତାକି ନା ରଣ୍ଡିଏ ଆସା ଅଡେ ବାର୍ସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକଁ ଆହିମାଚେସି, ନୀସଁ ଜିକେଏ ଏଲେକଁ ହାରେକା ବାଡ଼ୁ ତଲେ ହାଡ଼ିହଁ କି ଜୀଞ୍ଜୁ ମାଟିହଁ, କ୍ରୀସ୍ତଇଁ ନା ଆଙ୍ଗା ତଲେ ଗାଞ୍ଜୁରମି କିଇଁ ।

୨୧ ଇତିହଁ ନା ନୀତାମାନାୟି ଖାରଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାବା ।

୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଇଁ, ଆଡ଼ିହଁ ନୀତାମାନାଣି କି ହାନାଣି ବାଟି କିଇଁ ନାନୁ ପୁଞ୍ଜାଲି ଆଡ଼ିହିଲଅଁ ।

୨୩ ନାନୁ ରୀ ଖାକି ରେସକି ଆହିମାଇଁ, ଇ ଜୀଞ୍ଜୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଡିମାଇଁ, ଏଦି ହାରେକା ନେହାୟି;

୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ ।

୨୫ ନାନୁ ନେହଁ କଁ ପୁଞ୍ଜାମାଇଁ, ନାନୁ ଡ଼ୟିଇଁ, ହାଅ ମୀ ନାନୁ ଅଡେ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ,

୨୬ ଏନିକଁ ମୀ ବିତ୍ରା ନା ଖେଣ୍ଡା ଖାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡ଼ପଣ ଗାଡ଼ିଆନେ ।

୨୭ ନା ଅଣ୍ଡପୁ ଇଦି, କ୍ରୀସ୍ତତି ନେହଁ କାବୁଡି ଜଗେତି ଲକୁ ଲେହେଁ ନୀତାଦୁ, ଏନିକଁ ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଖେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣ୍ଡିଏ ଜୀଞ୍ଜୁ ରଣ୍ଡିଏ ଅଣ୍ଡପୁ ତଲେ ତୀରିଆହାନା ନେହଁ କାବୁଡି ନାମୁ ତାକି ଜୁଜୁ କିହିମାଞ୍ଜେରି,

୨୮ ଇଞ୍ଜା ମିଙ୍ଗେ କସ୍ତ ନିନ୍ଦା ହାହିମାଞ୍ଜାନି ସାଡ଼ୁୟାଇଁ ଏତେଲାଖା ଆଜାଆଦୁ; ଏଦି ଏଞ୍ଜାରି ନାସା ଆନାୟି, ସାମା ମିଙ୍ଗେତାକି ଗେଲ୍‌ପିନାୟି ମାହାପୁରୁ ହାହାମାନି ର ସିନା;

୨୯ ଇତିହଁ କ୍ରୀସ୍ତ ତାଣା ଖାରଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ;

୩୦ \*ଅଡେ ନାନୁ ଏନିକଁ ଜୁଜୁ କିହିମାଚାଣି ମେସାମାଞ୍ଜାତେରି, ଇଞ୍ଜା ନୀସଁ ଜିକେଏ କିହିମାନେସି

ଇଞ୍ଜା ଖେଞ୍ଜିମାଞ୍ଜେରି, ଏଲେକିହଁ ମୀରୁ ଜିକେଏ ଜୁଜୁ କିଦୁ ।

### ୨

#### କ୍ରୀସ୍ତତି ମାଣକି ଅଡେ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀଞ୍ଜୁତା ବାର୍ସୁ ବେଟାଆହାମାଞ୍ଜେରି, ଅଡେ ତାନି ଜୀଞ୍ଜୁନନାୟି ମିଙ୍ଗେ ସାସା ହାହିମାଞ୍ଜାନେ । ମୀରୁ ସୁଦୁଜୀଞ୍ଜୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡେ ରଅତେରି ରଅଣାକି ମୀ ଜୀଞ୍ଜୁନନାୟି ଅଡେ କାର୍ମାମେହ୍‌ନାୟି ମାନେ,

୨ ନାନୁ ମିଙ୍ଗେ ବାଟିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀଞ୍ଜୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡପୁ ଆହାନା ନାଙ୍ଗେ ରାହାଁ କିୟାଦୁ,

୩ ମୀରୁ ମିଙ୍ଗେତାକି ନେହାଁଣି ଜୁପକା ଇଞ୍ଜା ହାରେକା ବଡ଼ପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଚକା ଲକୁଇଁ ନା କିହାଁ କାଜାସି ଇଞ୍ଜା ଅଣ୍ଡପାଦୁ;

୪ ମୀରୁ ବାରେତେରି ଖାରଇ ମିଙ୍ଗେତାକି ନେହଁ ଆନାଣି ଅଣ୍ଡପାଆନା ଏଚକା ଲକୁଡି ନେହାଁଣି ଜିକେଏ ଅଣ୍ଡପାଦୁ ।

୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ଡପୁ ମାଚେ ମୀ ଅଣ୍ଡପୁ ଜିକେଏ ଏଲେତାୟିଏ ଆପେ;

୬ ଏଞ୍ଜାସି ମାହାପୁରୁ ଆଡ଼ିହଁ ଜିକେଏ, ମାହାପୁରୁ ତଲେ ସମାନା ଆହଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସେସି,

୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହଲେଏସି ଲେହେଁ ଆତେସି ।

ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡ଼େସି;

୮ ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା ହୁକୁମି ମାନିଞ୍ଜି ଆଡେସି ଇଞ୍ଜା ତାନୁଏ ତାଙ୍ଗେ ଡ଼ଣା କିହା କଡ଼ିତେସି ।

୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକଁ ଲାକପୁରୁ ଅଡେ ଦାର୍ଡିତା ଅଡେ ଦାର୍ଡିତି ଡ଼ଇ ମାନାଇଁ;

ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

୧୧ ଅଡେ ଆବା ମାହାପୁରୁଟି ଗାଞ୍ଜୁରମି ତାକି ବାରେଜାଣା ତାନି ଗୁଡି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜା ଜଲିନେରି ।

#### ଦାର୍ଡିତା ଉଜେଡ଼ି ଲେହେଁ ଡ଼ୀଞ୍ଜାଦୁ

\* ୧:୩୦ କାମା ୧୭:୧୯-୪୦

୧୨ ନା ଜୀବୁତି ତଣେସିଙ୍ଗା, ମୀରୁ ବାରେବେଲା ନାଙ୍ଗେ ମାନୁଡ଼ି ଆହିମାଙ୍ଗାଦେରି, ଇଚିହିଁ ନା ନକିତା କିନିଲେହେଁ ଆଏ, ସାମା ନୀର୍ଦ୍ଦା ନା ହିଲିଆ ବେଲାତା ହାରେକା ଆଜିତଲେ ତୀରଗିହିଁ ମୀରୁ ଗେଲ୍ପି ଆହାଲି ତାଲି କାମା କିଦୁ

୧୩ ଇଚିହିଁ ମିଙ୍ଗେ ତାନି କାମା କିହାଲିତାକି ଇଚା ଅଡେ ବାଡ଼ୟୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

୧୪ ମୁରୁ ମୁରୁ ଅଡେ ବାଡ଼ିବାଡ଼ା ଆଆନା ମୀ ବାରେ କାମା କିଦୁ,

୧୫ ଏଲେକିତିହିଁ ମୀରୁ ଦହ ହିଲିଆଗାଟାତେରି ଅଡେ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ରା ମାହାପୁରୁତି ଦହ ହିଲିଆଗାଟି ମୀରୁକା ମାସକାତେରି ଆଦେରି; ଏଞ୍ଜାରିତାଣା ମୀରୁ ଜୀବୁତି ବଲୁ ଆସାନା ଦାରତିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଙ୍ଗେରି;

୧୬ ଏମ୍ବାଟି ନାନୁ ଉଜେଏ ହଟି ହିଲିଆଁ କି ଉଜେଏ କାମା କିହିହିଲିଆଁ, ଏ ବାରେତାକି କ୍ରୀସୁତି ଦିନାତା ବତପଣ କିହାଲି ଆଡ଼ିଇଁ ।

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେତେରିଲେହେଁ ତାଞ୍ଜାଲି ଆହିମାନେ, ଆଡ଼ିହିଁ ନାନୁ ରାହାଁ ଆହିମାଇଁ, ଅଡେ ମୀ ତଲେ ଆଣ୍ଡାନା ରାହାଁ କିହିମାଇଁ,

୧୮ ଅଡେ ଏଲେକିହିଁ ମୀରୁ ରାହାଁ କିଦୁ ଇଞ୍ଜା ନା ତଲେ ରାହାଁ କିଦୁ ।

**ତିମତି ଅଡେ ଏପାପୁଦିତ**

୧୯ ସାମା ନାନୁ ତିମତିଇଁ ତବେ ପାଣ୍ଡାଇଁ ଇଞ୍ଜାଁ ପ୍ରବୁ ଜୀସୁ ତାଣା ଆସା କିହାମାଇଁ, ଏନିକିଁ ମୀ କାତା ଖେଞ୍ଜାନା ନାନୁ ଜିକେଏ ରାହାଁ ଆଇଁ ।

୨୦ ଏଞ୍ଜାସି ରଅସିଏ ନା ଲେହେଁତି ଅଣ୍ଡପୁ ଗାଟାସି ଇଞ୍ଜାଁ ଏଞ୍ଜାସି ସାତେଏ ମିଙ୍ଗେତାକି ଅଣ୍ଡପି ମାଙ୍ଗାନେସି ।

୨୧ ଇଚିହିଁ ବାରେଜାଣା ଜୀସୁ କ୍ରୀସୁତି ସେବା କିହାଲି ଅଣ୍ଡପାଆନା, ଖାରଇ ତାନି ନେହାଣି ପାରାଲି ଅଣ୍ଡପିନେରି ।

୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଙ୍ଗେରି; ମୀରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହିଁ କାରୁ ଖେକ୍ନି କାମାତା ନା ତଲେ ସେବା କିହାମାତେସି ।

୨୩ ଇଚିହିଁ ନାଙ୍ଗେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାଇଁ ମୀ ତାଣା ପାଣ୍ଡାଇଁ ଇଞ୍ଜାଁ ଆସା କିହିମାଇଁ;

୨୪ ପ୍ରବୁ ତାଣା ବାର୍ସୁ କିହିମାଇଁ ନାନୁ ଜିକେଏ ମୀ ତାଣା ତବେ ଖାଇଁ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଖାକିଟି ଜୁଦୁ କିନାସି, ଇଞ୍ଜାଁ ନା ଲଡ଼ାମାନାଣି

ସାୟେମି କିହାଲି ମୀ ତାଣାଟି ପାଣ୍ଡୁଞ୍ଜିଆହାମାନି ସେବାକିନି ଏପାପୁଦିତାଇଁ ମୀ ତାଣା ପାଣ୍ଡାଲି ଅଣ୍ଡପିମାଇଁ;

୨୬ ଇଚିହିଁ ଏଞ୍ଜାସି ବାରେତେରି ମିଙ୍ଗେ ମେସାଲି ହାରେକା ଅଣ୍ଡପିମାନେସି, ଅଡେ ଏଞ୍ଜାସି ଆଡ଼ିହିଲିଆସି ଇଞ୍ଜାଁ ଖେତାକି ହାରେକା କିଲିବିଲି ଆହିମାନେସି;

୨୭ ହାଅ, ଏଞ୍ଜାସି ହାନିଲେହେଁ ଆହାମାତେସି, ସାମା ମାହାପୁରୁ ଏଞ୍ଜାଣାଇଁ କାର୍ମା ମେସେସି, ଏଞ୍ଜାଣାଇଁଦେହେଁ ଆଏ ସାମା ଏନିକିଁ ନାଙ୍ଗେ ଦୁକୁ ଲାକ ଦୁକୁ ଖାଏ ଏଦାଆଁତାକି ନାଙ୍ଗେ ଜିକେଏ କାର୍ମା ଆୟାତେସି ।

୨୮ ଏଦାଆଁତାକି ମୀରୁ ଏଞ୍ଜାଣାଇଁ ଖେଣ୍ଡେ ମେସାନା ରାହାଁ ଆଦେରି ଇଞ୍ଜାଁ ନା ଦୁକୁ ଏନିକିଁ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଇଁ ପାଣ୍ଡାଲି ହାରେକା ଜାଡ଼ନୁ ଆଡେସି ।

୨୯ ଏଦାଆଁତାକି ମୀରୁ ଏଞ୍ଜାଣାଇଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜାଁ ଇଲେତି ଗୁଣ୍ଡଗାଟି ଲକୁଣି ମାନି କିଦୁ;

୩୦ ଏଦାଆଁତାକି ଇଚିହିଁ ମୀରୁ ନାଙ୍ଗେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସୁତି କାମାତା ତାନି ଜୀବୁତି ବାଡ଼ା ହାହାନା ହାନିଲେହେଁ ଆହାମାତେସି ।

**୩**

**ସାତା ତୀରିଗାଗାୟି**

୧ ନା ତାୟି ଅଡେ ତାଙ୍ଗିସ୍ମାତେରି, ବାରେତି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଡ଼ାଲି ନାଙ୍ଗେତାକି ଖାହୁ ହଡ଼ିମାଙ୍ଗେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ ।

୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା;

୩ ଏଦାଆଁତାକି ଇଚିହିଁ ମୀରୁ ସାତେଏ ତଲୁ ଦାପି ଆହାମାନାତାୟି, ଇଚିହିଁ ମୀରୁ ସୁଦୁଜୀବୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜାଁ ଆଙ୍ଗାତି ଲଡ଼ା ଆନି ମେରା ବାର୍ସୁ କିଆନା କ୍ରୀସୁ ଜୀସୁ ତାଣା ବତପଣ ଆନ ।

୪ ନାନୁ ଆଙ୍ଗାତି ପାଣାପାରୁତା ଜିକେଏ ବାର୍ସୁ ଇଚାଲି ଆଡ଼ିତେସିମା; ଅଡେ ଆମ୍ବାଆସି ଆଙ୍ଗାତି ମେରାତା ବାର୍ସୁ ଇଚାଲି ଆଡ଼ିତେସିମା ଇଞ୍ଜାଁ ଅଣ୍ଡପିନେସି, ଆଡ଼ିହିଁ ନାନୁ ଏଞ୍ଜାଣି ଆଗାଡ଼ା ଆଡ଼ିଇଁ;

୫ ନାନୁ ଜାର୍ନା ଆହାଁ ଆଗାଦିନା ଆହାଲିଏ ତଲୁ ଦାପି ଆଡ଼ାତେସି, ଇଞ୍ଜାଁ ଇସାୟେଲ ଲକୁତି ବିନ୍ୟାମିନ କୃତାତା ଜାର୍ନା ଆଡ଼ାତେସି, ମା ଆକୁ ଆବାୟାଁ ର ଏବୁୟ ଲକୁ ମାତେରି, ମେରା ମାନୁଡ଼ି ଆନି ତାଣାଟି ନାନୁ ର ପାରୁସି ଲକୁତେସି,

୬ ହାଡ଼େକା ରାହାଁତଲେ ନାନୁ କ୍ରୀସୁନା କୁଲମିତି ସାସି ହାନାତେଏ, ଇଞ୍ଜାଁ ମସାତି ମେରାତି ଦାମ୍ବୁତା ନାନୁ ଦହ ହିଲିଆଗାଟତେସି ତଞ୍ଜା ଆହିମାତେସି ।

☆ ୩:୫ ରମି ୧୧:୧; କାମା ୨୩:୬; ୨୬:୫ ☆ ୩:୬ କାମା ୮:୩; ୨୨:୪; ୨୬:୯-୧୧

୭ ସାମା ଏନାୟି ନାଲୋତାକି ଲାବା ମାରେ, ଏ ବାରେଡି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜି ଅଣ୍ପାମାଲ୍ ।

୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜି ପୁଞ୍ଜାନା ଏଟ୍‌କାତାଣି ଉଜେଏତାୟି ଇଞ୍ଜି ପିସାତୁସ୍ତେସ୍; ଏଞ୍ଜାଣି କସମି ବାରେ ହିଲାଆଗାଟାଣି ଅରହିତେଏ ଅଡେ ଏ ବାରେ ତୁକ୍ ଗମ୍ ଚୁଲହେ ଆଡେଏ, ଏନିକ୍ ନାନୁ କ୍ରୀସ୍ତଲ୍ ମେଡାଆଲ୍, ଇଞ୍ଜା ତାନି ଲକୁ ଇଞ୍ଜି ତଞ୍ଜା ଆଲ୍ ।

୯ ଅଡେ ମସାତି ମେରା ମାନୁଞ୍ଜି ଆହାଁ ତାରିଗାଟାଣି ମେଡାଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହାହାମାଞ୍ଜାନି ନାମୁତି ତାରିଗାଟାଣି ମେଡାଆଲ୍,

୧୦ ଏନିକ୍ ନାନୁ ଏଞ୍ଜାଣାଲ୍ ତାନି ଖେଶ୍ଟେ ନିଜିତି ବାଡୁୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି ଆଡିଲ୍,

୧୧ ଏଦାଣିତାକି ହାଡାରି ତାଣାଟି ନାଲୋ ନିକ୍‌ହାନେସି ଇଞ୍ଜି ଆସା କିହିମାଲ୍ ।

**ଗୁରି ଇଟାମାନି ଚାୟୁତା ହଣନାୟି**

୧୨ ନାନୁ ନୀଏ ଏ ବାରେ ବେଟାଆହାମାଲ୍ ଇଞ୍ଜା ନେହାଁତେଏ ଆହାମାଲ୍, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ି ଆହାମାନାକି ଏଦାଆଁ ଆସାଲି ହଟିମାଲ୍ ।

୧୩ ନା ତାୟି ଅଡେ ତାଜିସ୍ତା ନାନୁ ନୀଏ ପାତେକା ଆସାମାଲ୍ ଇଞ୍ଜି ଅଣ୍ପି ହିଲଅଁ, ସାମା ନାନୁ ର କାମା କିହିମାଲ୍, ଇତିହ ଡାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଲ୍,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଲୋ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଚାୟୁ ଖାକି ଜୀସୁ ତୁସାନା ହଟିମାଲ୍ ।

୧୫ ଏଦାଆଁତାକି ଖାଦୁ, ମାର ଏତେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ପିନ, ସାମା ଏ ବାରେ କାତାତାକି ମୀ ଏଟ୍‌କାତି ଅଣ୍ପୁ ମାତିହ, ଆଡିହ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନୁଞ୍ଜି ଆହାନା ଖାହାମାନାୟି, ଏଲେକିହ ଏ ନକିତା ହାଜାଅନ ।

୧୭ ତାୟି ତାଜିସ୍ତା ମାରୁ ବାରେ ଆଣ୍ଡି ଆହାନା ନା ଲେହେକି ତାକାଦୁ, ଇଞ୍ଜା ମା ତାଣା ଏମିନି ତାରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହ ତାକିନେରି ଏଞ୍ଜାରାଲ୍ ସିନିକିଦୁ ।

୧୮ ଇତିହ ହାରେକା ଇଲେକ୍ ମାନେରି, ଆମ୍ବାଆରି ମାଣ୍ଡକିତି କାତା ଅଲେ ଅଲେ ମିଜେ ଖେସାମାଞ୍ଜାଲ୍, ଇଞ୍ଜା ନୀଏ ଜିକେଏ ମିଜେ ଡାହି ଡାହି ଖେସିମାଞ୍ଜାଲ୍, ଏଞ୍ଜାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି;

୧୯ ଏଞ୍ଜାରି ବାରେ ନକିତା ନାସା ଆନାରି, ଆଜାତି ଅଣ୍ପୁ ଏଞ୍ଜାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି

ଏଞ୍ଜାରି ବଡପଣ କିନେରି, ଇଞ୍ଜା ଦାରତି ତାଣି ବାରେ ଅଣ୍ପେ ମାନେରି ।

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଲୋ ଗେଲ୍‌ପାନି ପ୍ରବୁ ଜୀସୁ କ୍ରୀସ୍ତତି ଖେଶ୍ଟେ ଖାନ୍‌ଣା କାଟିମାନମି;

୨୧ ଏଞ୍ଜାସି ତାନି ଏମିନି କାମା କିନି ବାଡୁୟୁଟି ବାରେଡି ତାନି ତାଣା ଇଟାଲି ଆଡିମାନେସି, ଏମ୍ବାଟି ମା ବାଡୁୟୁ ହିଲାଆଗାଟି ଆଜାତି ତାରି ମୁପ୍‌ହାନା ତାନି ଗାଧୁରମିଗାଟି ଆଜା ଲେହେ କିୟାନେସି ।

**୪**

**ହୁକୁମି ହାନାୟି**

୧ ଏଦାଆଁତାକି ଏ ନା ଜୀସୁତି ତାୟି ତାଜିସ୍ତା । ମିଜେତାକି ନାଲୋ ଏତେକା ରାହାଁତି ଟପେରି ଲେହେ । ନାନୁ ଜାପୁହାତି ଲେହେ ପ୍ରବୁ ତାଣା ତାରିଆହାଁ ନୀଡାବାଡକାଦୁ ।

୨ ପ୍ରବୁ ତାଣା ରଣ୍ଡିଏ ଅଣ୍ପୁ ତଲେ ମାଞ୍ଜାଲି ଇୟଦିୟା ଅଡେ ସୁନ୍ତୁକି ରିଣ୍ଡାସିକାଣି ବାଡିମାଲିମାଲ୍ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ମିଜେ ଜିକେଏ ବାଡିମାଲିମାଞ୍ଜାଲ୍ ଇ ରୀ ତାଜିସ୍ତାଣି ସାୟେମି କିମ୍, ଏନାଆଁତାକି ଇତିହ କ୍ଲେମେନ୍‌ସ ଅଡେ ନା ତଲେ କାମାକିନାରି ତଲେ ନେହ କାରୁ ଖେକ୍‌ହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରକା ଜୀସୁତି ପତିତା ରାସ୍‌କି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ ଖେଶ୍ଟେ ଖେସିମାଞ୍ଜାଲ୍ ରାହାଁ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଞ୍ଜାଲା ଅଣ୍ପୁ ତଞ୍ଜା ଆପେ । ପ୍ରବୁ ଖାନ୍‌ୟି ତାଗେ ଖାଡେୟିଏ ।

୬ ଏନାଆଁତାକି ଜିକେଏ ଅଣ୍ପାଆଦୁ, ସାମା ବାରେତାକି ପ୍ରାଡାନା ଇଞ୍ଜା ଜହରା ତଲେ ମୀ ଲଡାମାନାଣି ମାହାପୁରୁ ନକିତା ଖେହ୍‌ଦୁ ।

୭ ଏତେଟିଏ ତେଲ୍‌ହାଲି ଆଡାଆଗାଟି ମାହାପୁରୁତି ହିଡଡି ମୀ ହିୟାଁ ଅଡେ ଅଣ୍ପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍‌ପାନା ଇଟାନେସି ।

୮ ଏ ତାୟି ତାଜିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡା ମାନାୟି, ଏନାୟି ଟିକାଣାତାୟି, ଏନା ଏନାୟି ଅଡିତାୟି, ଏନାୟି ଜୀସୁନନାୟି, ଏନାୟି ମନ କିତି ରାନ୍‌ନା, ଏନାୟି ଜୀସୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣ୍ପେମାଞ୍ଜୁ ।

୯ ମାରୁ ନା ତାଣାଟି ଏନାଆଁ ଜାପାମାଞ୍ଜେରି, ଖେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମ୍ବାଆଁ ହିଡଡି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

**ଦାନା ତାକି ଜହରା**

୩:୧୭ େକର ୪:୧୭; ୧୧:୧



୧୦ ବାରେତି ତାୟ ନା ତାକି ମୀ ଅଣ୍ଠୁ ତଞ୍ଜା ଆହାମାନେ,  
ଏଦାଆଁତାକି ପ୍ରବୁ ତାଣା ରାହାଁ କିହିମାଇ; ସାତେଏ ନା ତାକି  
ମୀ ଅଣ୍ଠୁ ମାରେ, ସାମା ପାରୁ ମେଡ଼ା ଆହି ହିଲାଆତେରି ।

୧୧ ନାଙ୍ଗେ ଏନାୟି ଉଣା ମାନାକି ଝେସିମାଞ୍ଜାଅଁ,  
ଏଦାଆଁତାକି ଇତିହୁଁ ନାନୁ ଏନିଆହୁଁ ମାତିହୁଁ ଜିକେଏ  
ରାହାଁତଲେ ମାଞ୍ଜାଲି ଜାପାମାଇ ।

୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା  
ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଇ,  
ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି  
ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା  
ହାରେକା ବେଟାଆହାମାନାଣି ଲେମ୍ବୁଲି ଇଞ୍ଜା ହିଲାଆ  
ବେଲାତା ନୀତାଲି ଜିକେଏ ଜାପାମାଇ ।

୧୩ ନାଙ୍ଗେ ବାଡ଼ୟୁ ହିୟାନି କ୍ରୀସୁ ତାଣାଟି ବାରେ କିହାଲି  
ଆଡ଼ିଇଁ ।

୧୪ ଆଡ଼ିଜିକେଏ ମୀରୁ ନା କସୁତା ଆଣ୍ଡାମାନାକି ନେହୁଁ  
କାମା କିହାମାଞ୍ଜେରି ।

୧୫ ପିଲିପିୟ ଲକୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି,  
ନେହୁଁ କାରୁ ଝେକହାଲି ମାଟୁହି ବେଲାତା ଏଡ଼େତା ନାନୁ  
ମାକିଦନିୟାଟି ହାତାଟି ଏତିବେଲା ମୀ ପିସପେ ଏମିନି  
କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି  
ଲେକା ଇଟାହିଲାଆତେରି ।

୧୬ ଇତିହୁଁ ନାନୁ ତେସଲନିକିତା ମାତିବେଲାତା  
ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା  
ଦାନା ପାଣ୍ଡାତେରି ।

୧୭ ନାନୁ ମୀ ତାଣାଟି ଦାନା ଅହାଲି ଅଣ୍ଠପି ହିଲଅଁ,  
ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା  
ପାତାଆହିମାନେ, ଏଦାଆଁତି ନାନୁ ମେସାଲି ଅଣ୍ଠପିମାଇଁ ।

୧୮ ନାନୁ ବାରେ ବେଟାଆହାମାଇଁ, ଇଞ୍ଜା ନାଙ୍ଗେ  
ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି  
ବାରେ ଏପାପୁଦିତ ତାଣାଟି ବେଟାଆହାମାଇଁ, ଏ ବାରେ  
ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେରପାନା  
ହୁଡ଼ିମାନି ଗାନ୍ଦାଗାଟି ଦୁପୁଣି ଲେହେତାୟି ।

୧୯ ଅଡ଼େ ନା ମାହାପୁରୁ କ୍ରୀସୁ ଜୀସୁ ତାଣା ତାନି ଗାଝୁରମି  
ଦନୁଟି ମୀ ଲଡ଼ାମାନାଣି ହିୟାନେସି ।

୨୦ ମା ଆବା ମାହାପୁରୁକି କାଲାକାଲାତାକି ଗାଝୁରମି  
ଆପେ । ଆମେନ୍ ।

**ଜହରା କିହାନା ଆକୁତି ରାପ୍ନାୟି**

୨୧ କ୍ରୀସୁ ଜୀସୁ ଦରୁତଲେ ବାରେ ମାହାପୁରୁ ଲକୁଇଁ  
ଜହରା ଝେହୁଦୁ, ନା ତଲେ ଇ ଟାୟୁତା ମାନି ତାୟି ତାଙ୍ଗିସ୍ତା  
ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୨ ବାରେ ମାହାପୁରୁ ଲକୁ ଇତିହୁଁ ବାରେକିହାଁ  
କାୟିସର ଇଲୁତା ମାନାରି ଏଞ୍ଜାରି ମିଙ୍ଗେ ଜହରା  
ପାଣ୍ଡିମାଞ୍ଜାନେରି ।

୨୩ ପ୍ରବୁ ଜୀସୁ କ୍ରୀସୁତି କାର୍ମାମେହୁନାୟି ମୀ ବାରେ  
ଜୀଝୁତା ମାଣ୍ଡେ ।

✧ ୪:୧୭ କାମା ୧୭:୧ ✧ ୪:୧୭ ୨କର ୧୧:୯

# କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଞ୍ଚଲ ରାଚାମାନି ଆକୁ ମୁକୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚଲ ତାଣାଟି ରାଚିତି ଆକୁ ୧:୧ । ପାଞ୍ଚଲ ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷା ତାୟୁ ଏଝାସି ରମ୍ ଗାଡ଼ାତି କାୟିଦିତା ମାଚାଟି ଈ ଆକୁ ରାଚାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି । ଇତିହିଁ ପାଞ୍ଚଲ କାୟିଦିତା ମାଚାଟି ଈ ଆକୁ ରାଚାମାନେସି । ଏଝାସି କଲସିୟ ଗାଡ଼ାତା ମାନି କୁଲମିତାକି ଈ ଆକୁ ରାଚାମାନେସି । ପାଞ୍ଚଲ ଈ କୁଲମିତି ମାଟୁହା ହିଲାଆଡେସି ୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା ଏଝାସି ଝେସିମାନେସି । ଏପାପ୍ରସ୍ ଈ କୁଲମି କିହାମାନେସି ଇତିହିଁ ଏଝାସି କଲସିୟତାସି ମାନେସି ।

ପାଞ୍ଚଲ କଲସିୟ କୁଲମିତି ଏତେକା ମିତି ଜାପ୍ନାରି କାତାତାକି ଅଣ୍ପିମାନେସି । ଏଝାସି ଈ କାତାତାକି ହାରେକା ଗାଡ଼ିକିହିଁ ରାଚାମାନେସି । ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଚାରି ଜୀହୁଦିଆଆତି କ୍ରୀସ୍ତାନା ଲକୁଇଁ ପୁଃଈ ମେରାତି ଜୀହୁଦି ପାଣାପାଟୁ, ଇତିହିଁ ତଲୁ ଦାପିଆନି ମେରା ମାନୁଝି ଆହାଲି ବାଲାମାତମି କିହାଲି ଅଣ୍ପିମାନେସି । ପାଞ୍ଚଲ ବାରେକିହିଁ ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଚିମାନେସି, ରଅସି ଆମ୍ବାଆସି ଜିକେଏ ଆଡ଼େସି କ୍ରୀସ୍ତତି ପିସ୍ପେ ମାହାପୁରୁ ତାଣା ନେହାସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣ୍ଡସି ବାଦିବାଡ଼ା ତଲେ ଜାପ୍ନି କାତା ଉଜେଏତାୟି ୨:୮ ।

### ପତିତା ମାନାୟି

- ୧. ଜହରା କିହାନା ଆକୁତି ମାଟୁନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି । ୧:୩-୩:୪
- ୩. ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି । ୩:୫-୪:୬
- ୪. ଆକୁତି ଏଟକା କୁଲମିତା ପଡ଼ଝି ଆହାଲି ଇଞ୍ଜା ଜହରା ତଲେ ଆକୁତି ରାପ୍ନାୟି । ୪:୭-୧୮

୧ ପାଞ୍ଚଲ, ମାହାପୁରୁତି ଅଣ୍ପୁ ତଲେ କ୍ରୀସ୍ତ ଜୀସୁତି ପାଣ୍ଡିଆହାମାନି ସୀସୁ ଅଡ଼େ ମା ତାୟି ତିମତି ।

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିସ୍ମାକି ଆକୁ ରାଚିମାନମି; ମା ଆବା ମାହାପୁରୁ ତାଣାଟି କାର୍ନାମେହ୍ନାୟି ଅଡ଼େ ହିଡ଼ି ଜୀଞ୍ଜୁ ମିଜେତାକି ଆୟାପେ ।

### ଜହରା ପ୍ରାତାନା

୩ ମାମ୍ବୁମିଜେ ତାକି ପ୍ରାତାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଲେଏ ଜହରା କିହିମାନମି;

୪ ଏନାଆଁତାକି ଇତିହିଁ ମାମ୍ବୁକ୍ରୀସ୍ତ ଜୀସୁ ତାଣା ମୀ ନାମୁ ଅଡ଼େ ମାହାପୁରୁ ଲକୁଣି ଜୀଞ୍ଜୁନହାଁ ମାନାଣି ଝେଞ୍ଜାମାନମି ।

୫ ଏତିବେଲା ନେହିଁ କାବୁତି ସାତା ବଲୁ ମୀ ତାଣା ମୂଲୁଏ ଝାଡ଼େ, ମୀରୁ ଏଦାନି ତାଣାଟି ହୀପ୍‌କିଆଡ଼ି ବାର୍ସୁତି କାତା ଝେଚେରି । ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇଟକି ଆହାମାନେ, ଏମ୍ବାଆଁ ମୀ ନାମୁ ଅଡ଼େ ଜୀଞ୍ଜୁନହାୟି ଡ଼ୟାମାନେ ।

୬ ଏ ନେହିଁ କାବୁ ମୀ ତାଣା ଝାହାମାନେ, ଇଞ୍ଜା, ଏଡ଼ି ଏନିକିଁ ବାରେ ଦାରତିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ନା ମେଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ ।

୭ ମା ତଲେ କାମା କିନି ଜୀଞ୍ଜୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ନାମେହ୍ନି କାତା ଜାପାମାଞ୍ଜେରି; ଏଝାସି ମିଜେ ତାକି କ୍ରୀସ୍ତି ର ମାନି ତଲେ ସେବା କାମାକିନାସି;

୮ ଏଝାସି ସୁଦୁଜୀଞ୍ଜୁ ତଲେ ମିଜେ ହୀହାମାଞ୍ଜାନି ଜୀଞ୍ଜୁ ନଞ୍ଜିଆନି କାତା ମାଜେ ଝେସାମାଞ୍ଜାନେସି ।

୯ ଇଦାଆଁତାକି ମୀ କାତା ଝେତି ଦିନାଟିଏ ମାମ୍ବୁ କୁଲେଏ ମୀ ତାକି ପ୍ରାତାନା କିହିମାନମି । ମୀରୁ ବାରେ ସୁଦୁଜୀଞ୍ଜୁତି ବୁଦି ଅଡ଼େ ତେଲୁହିନି ବାଡ଼ୟୁ ତଲେ ମାହାପୁରୁତି ବାରେ ଅଣ୍ପୁ ଏନିକିହିଁ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି ।

୧୦ ବାରେ ଜୀଞ୍ଜୁତି ବୁଦିତା ପ୍ରବୁଇଁ ବାରେ ତାଣା ରାହାଁ କିୟାଲି ତାନି ଜଗେତି ମାଣକି ତଲେ ତାକାଦୁ, ଇତିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାଦୁ ।

୧୧ ଇଞ୍ଜା ବାରେ କାମାତା ସାସାତଲେ ଅର୍ହାଲି ତାକି ତାନି ଗାଞ୍ଜୁରିନି ଇଞ୍ଜା କାଜାପାଣା ତଲେ ବାରେ ବାଡ଼ୟୁତି ବାଡ଼ୟୁ ଗାଚାଡେରି ଆଦୁ,

୧୨ ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହୀହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହାତଲେ ଜହରା କିଦୁ ।

୧୩ ଏଝାସି ମାଜେ ଆନ୍ଦେରିତି ବାଡ଼ୟୁତି ପିସ୍ପି କିୟାଡେସି ଅଡ଼େ ତାନି ଜୀଞ୍ଜୁତି ମୀରଏଣାତି ରାଜିତା ମାଜେ ତାତାଡେସି ।

୧୪ ଏ ମୀରଏଣି ତାଣାଟି ମାର ଗେଲ୍‌ପି ଆହାମାନାୟି ଇତିହିଁ ମା ପାପୁ ବାରେ ମ୍ବେପ୍‌କି ଆହାମାନେ ।

### କ୍ରୀସ୍ତ ଅଡ଼େ ତାନି କାମା

✧ ୧:୭ କଲସି ୪:୧୨; ପିଲିମ ୧:୨୩ ✧ ୧:୧୪ ଏପିସି ୧:୭

୧୫ କ୍ରୀସ୍ତ ତଞ୍ଜା ଆଥାଗାଟି ମାହାପୁରୁତି ତଞ୍ଜାଆନ୍ତି ଖାଣା ଗାଟାସି, ଏଞ୍ଜାସି ନଚେଏ ଜାନ୍ନାଆଡ଼ି ମୀରଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି,

୧୬ ତଞ୍ଜା ଆନାୟି ଅଡ଼େ ତଞ୍ଜା ଆଥାଗାଟାୟି ଲାକପୁରୁ ଅଡ଼େ ଦାରତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲୁଝି କିନାୟି ବାରେ ଏଞ୍ଜାଣି ତାଣାଟି ଇଞ୍ଜା ଏଞ୍ଜାଣି ତାକି ଗାଡ଼ି ଆହାମାନେ;

୧୭ ବାରେ ଗାଡ଼ି ଆଡ଼ି ନଚେଏ କ୍ରୀସ୍ତ ମାଚେସି, ଇଞ୍ଜା ଏଞ୍ଜାଣି ତାଣା ଆଣ୍ଟାମାନାକି ବାରେ ଗାଡ଼ିଆଡ଼ାଇ ତାମ୍ନୁମାନି ଟାୟୁତା ମାନୁ ।

୧୮ \*କ୍ରୀସ୍ତ କୁଲମି ଲେହେଡ଼ି ଆଙ୍ଗାତି ତାୟୁ ଲେହେଡ଼ିସି, ଏ ଆଙ୍ଗାତି ଜୀଝୁ ବାଡ଼ୟୁ । ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନଚେଏ ନିଙ୍ଗାମାନେସି ।

୧୯ ଏନାଆଁତାକି ଇଚିହୁଁ ମାହାପୁରୁତି ଅଣ୍ପୁ ଲେହେଡ଼ି ମୀରଏସି ତାନ୍ତୁଏ ମାହାପୁରୁତି ବାରେ ମାଣ୍ଡକି ଆସା କଡ଼ାମାନେସି,

୨୦ \*ଅଡ଼େ ତାନି ମୀରଏଣା କୁସତି ନେତେରି\* ତଲେ ଏଞ୍ଜାସି ହିଡ଼ତି ତାରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକୁଣି କାଲନେସି, ହାଅ ଏଞ୍ଜାଣି ତାଣାଟି ଦାରତିତା ଅଡ଼େ ଲାକପୁରୁ ମାନାଣି ବାରେ କାଲୁଝି କିନେସି ।

୨୧ ଅଡ଼େ ନଚେଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାଚେରି ଇଞ୍ଜା ମନତା ତାନି ସାତୁ ମାଚେରି,

୨୨ ସାମା ନୀର୍ବି ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାଚେରି, ନିନ୍ଦା ଅଡ଼େ ଦହ ହିଲାଆଗାଟାଚେରି କିହାଲି ତାନି ମୀରଏଣା ଆଙ୍ଗାତି ହାକି ତଲେ ମିଙ୍ଗ ତାନିତଲେ କାଲହା ମାଞ୍ଜାନେସି;

୨୩ ମୀରୁ ର ତୀରପୁ ଆଟ୍‌ଝା ପୁନାଦି ଲାକ ଡ଼ୟାଦୁ ଅଡ଼େ ନେହୁଁ କାରୁ ଝେନି ବେଲାତା ଏମିନି ବାସୁଁ ଇଟାମାଚେରି ଏମ୍ବାଟି ଇତାଲା ଆତାଲା ଆଆଦୁ, ଆଡ଼ିହୁଁ ସାତେଏ ଏମ୍ବାଟି ପାଡ଼େୟି ବେଟାଆଦେରି; ଏ ନେହୁଁ କାରୁ ମୀରୁତ ଝେଞ୍ଜାମାଞ୍ଜେରି; ଏଦି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାରୁ ଝେଙ୍ଗାମାନେ ଅଡ଼େ ନାନୁ ପାଝୁଲ ଏମ୍ବାଟି ନାମୁତି ହଲେଏଣାତେଏଁ ।

**କୁଲମିତା ପାଝୁଲତି କାମା**

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ ବେଟାଆହି ମାଲ୍, ଏମ୍ବାଆଁ ନାନୁ ନୀର୍ବି କିହିମାଲ୍, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି ଡ଼ୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ ଦୁକୁ କସ୍ତ ଅରହାନା ରାପୁହାଲି ସାୟେମି କିହିମାଲ୍ ।

୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି, ଏଲେଆହୁଁ ଏ ଏ କୁଲମିତି ନାନୁ ର ସେବା କିନାତେଏଁ ଆହାମାଲ୍, ଏନିକଁ ନାନୁ ମାହାପୁରୁତି ବଲୁ ତୀରିତଲେ ଝେକ୍‌ଇ,

୨୬ ଏ ନେହୁଁ କାରୁ ର ଡ଼ଗୁାମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣାଟି ଡ଼ଗୁାମାଚେ, ସାମା ନୀର୍ବି ତାନି ଲକୁତାଣା ତସାମାନେସି ।

୨୭ ଜୀହୁଦିଆଆଡ଼ି ଲକୁତାଣା ଏ ଡ଼ଗୁାମାନି ଗାଝୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍ପିତେସି; ଏ ଡ଼ଗୁାମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଝୁରମି ଅଡ଼େ ବାସୁଁ ଲେହେଡ଼ିସି;

୨୮ ମାମ୍ବୁଏ କ୍ରୀସ୍ତଇଁ ଝେକ୍‌ହି ମାନମି, ଇଞ୍ଜା ବାରେଜାଣାଟି ସେଡ଼ନା ଇଞ୍ଜା ବାରେ ବୁଦିତଲେ ଜାପୁହି ମାନମି, ମାମ୍ବୁ ଏନିକଁ ମାହାପୁରୁ ନକିତା ତୀରପୁତି ଲକୁ ଲେହେଡ଼ି ତାଚାଲି ଆଡ଼ିନମି;

୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୟୁତି ଲେୟାନା ନାନୁ ଜୀଝୁ ତୁସାନା କାମା କିହିମାଲ୍ ।

**୨**

୧ ମୀ ତାକି ଲାଝୁଦିକିୟାତି ଲକୁ ଅଡ଼େ ନାଙ୍ଗେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏଚେକା ଜୀଝୁ ତୁସାନା କାମା କିହିମାଲ୍, ଇ ବାରେ ମୀରୁ ପୁଞ୍ଜୁ ଇଞ୍ଜୁଁ ନାନୁ ଅଣ୍ପିମାଲ୍;

୨ ନା ଅଣ୍ପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜା ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇଚିହୁଁ ମାହାପୁରୁତି ଡ଼ଗୁାମାନାୟି କ୍ରୀସ୍ତ, ଏଞ୍ଜାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀଝୁ ନଝି ଆନେରି ।

୩ ଜୀସୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡ଼ଗୁାମାନି ବାରେ ଦନ ଦେନେସି ।

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଡ଼ି ମିତି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇଁ ।

୫ ଇଚିହୁଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଝୁତଲେ ମୀ ତାଣା ମାଞ୍ଜାମାଲ୍, ଇଞ୍ଜା ମୀ ନେହୁଁ କଁ ଜାରୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଲ୍ ।

**କ୍ରୀସ୍ତ ତାଣା ଜୀଝୁ**

୬ ଇଚିହୁଁ ମୀରୁ କ୍ରୀସ୍ତ ଜୀସୁଇଁ ପ୍ରବୁ ଇଞ୍ଜୁଁ ଏନିକଁ ନାମାମାଞ୍ଜେରି, ଏଲେକିହୁଁ ଏ ଏଞ୍ଜାଣି ତାଣା ମାଞ୍ଜାନା ନୀଡ଼ାଦୁ;

୭ ଏଞ୍ଜାଣି ତାଣା ଜାଣ୍ଡେ ଡ଼ୟାଦୁ, ମୀ ଜୀଝୁତି ତୀରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୟୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଚେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣ୍ଡସିତି ପାଣାପାଚୁ ଅଡ଼େ ଦାରତିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ;

\* ୧:୧୮ ଏପିସି ୧:୨୨,୨୩ \* ୧:୨୦ ଏପିସି ୨:୧୭ \* ୧:୨୦ ନେତେରି ଇଚିହୁଁ ମୀରଏଣା ହାକି

୯ ଇଚିହ୍ନ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣ୍ଠସି ଖାଣା ଆହାନା ବାସା ଆନେ ।

୧୦ ଏଞ୍ଜାସି ବାରେ ସାଲୁଡ଼ି କିନାରି ଇଞ୍ଜା ଅଦିକାରା ବେଟାଆଡ଼ାରି ତାୟ୍ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୟ୍ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଞ୍ଜୁଏ ମୀ ତଲୁ ଦାପି ଆଡି ଲେହେଁତାୟି । ଏ ତଲୁ ଦାପି ଆଡାୟି ମାଣ୍ଠସି କିତାୟି ଆଏ, ଏଡି କ୍ରୀସ୍ତ ତାଣାଟି ଆହାମାନେ । ଏଡି ମାଣ୍ଠସିଲ୍ ପାପୁ ଆଙ୍ଗାଟି ଗେଲ୍ପି କିନେ ।

୧୨ \*ମୀରୁ ଏଚିବେଲା ବାପ୍ତିସ୍ମ\* ବେଟାଆଡ଼େରି ଏଚିବେଲା ମୀରୁ କ୍ରୀସ୍ତ ତଲେ ମୁସ୍ପିଆଡ଼େରି, ଇଞ୍ଜା ଆମିନି ମାହାପୁରୁ କ୍ରୀସ୍ତଲ୍ ହାଡ଼ାରି ତାଣାଟି ନିକ୍ହେସି, ଏଞ୍ଜାଣି କାମା କିନି ବାଡ଼ୟ୍ ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକ୍ହାତେସି ।

୧୩ \*ମୀରୁ ଆଙ୍ଗାତା ପାପୁ ଗାଟାଡେରି ଜୀହୁଦି ଆଆମାଟାଟି ହାହାମାରେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀଞ୍ଜୁ କିହାଁ ମାଞ୍ଜାନେସି, ମାହାପୁରୁ ମା ବାରେଡି ପାପୁ ମ୍ଲେକ୍ହା ମାଞ୍ଜାନେସି;

୧୪ \*ଏଞ୍ଜାସି ମେରାତା ମା କପାଟି ଆମିନି ଦହ୍ ଦହ୍ନି ଆକୁ ମାଟେ, ଏଦାଆଁ ଏଞ୍ଜାସି ମ୍ଲେକ୍ହାନା ପାସି ମୁଣ୍ଡାତା କୁଟିୟାଁ ଖେଟାନା ମା ତାଣାଟି ହେକ କିହାମାନେସି;

୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁଡି ବାଡ଼ୟ୍ ଇଞ୍ଜା ସାଲୁଡ଼ି କିନାଆଁ ତାଣାଟି ଜାହାରାଲ୍ ପିସ୍ପି କିହାକତାମାନେସି ଇଞ୍ଜା ଏଞ୍ଜାଆଁତି ଦସ୍ପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଡ଼ି କିହାମାନେସି ।

୧୬ \*ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କ୍ଳରି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି ।

୧୭ ଏ ବାରେ ଖାହିମାନି ଦିନାତା ଆହାଲି ହାଜିମାନି ସାୟ୍ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ ।

୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁଡୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡ଼େ ଦାର୍ଡିତି ଅଣ୍ପୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟ୍ ଲେହେଁଡି କ୍ରୀସ୍ତ, ଏଞ୍ଜାଣାଲ୍ ଆହ୍ ଆନା ମାହାପୁରୁ ବରତି ଏଡକା କିୟାଆପେସି ।

୧୯ \*ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡ଼େ ଇଣାୟାଁଟି ନେହ୍ ଆହାନା ରଣ୍ଡି ରଣ୍ଡାଣି ତଲେ କାଲୁଡ଼ି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ ।

**କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି**

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାର୍ଡିତା ସାଲୁଡ଼ି କିହିମାନି ବାଡ଼ୟ୍ ଗେଲ୍ପି ଆହାମାଞ୍ଜେରି । ଆଡିହ୍ ମୀରୁ ଏଦାଆଁତାକି ଦାର୍ଡିତି ଲକୁ ଅଣ୍ପୁ ତଲେ

ନୀତିମାଞ୍ଜେରି ? ଏଦାଆଁତାକି ମୀରୁ ଇଲେଡି ମେରା ବାରେ ମାନି କିହିମାଞ୍ଜେରି,

୨୧ ଆଡିହ୍ “ମାଣ୍ଠସି ଜାପୁହିମାନି ମେରା ଆହ୍ ଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାର୍ଡିତି ଲକୁ ଲେହେଁ ଇଲେଡି ପାଣାପାଟୁ ଏଦାଆଁତାକି ମାନୁଡ଼ି ଆହିମାଞ୍ଜେରି ?”

୨୨ ଏ ବାରେ ଆସ୍ତି ଗାଡ଼େକା ତାଇ । ଇଡ଼ି ଲେନ୍ସିସାରେ ଉଜେଏତାଇ ଆନୁ ।

୨୩ ଏଲେଡି ଜାପୁନାୟି ଜାହାରା ଅଣ୍ପୁଟି ସେବା କିନାୟି, ଜାହାରାଲ୍ ଉଣା କିନାୟି ଇଞ୍ଜା ଆଙ୍ଗାତି ହାରେକା କସ୍ତ ହୀହାନା ବୁଦିତି ଦରୁ ବେଟାଆହାମାଲ୍ ସାମା ଏଡି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍ପୁ ରାହାଁ ଆନେ ।

**୩**

୧ ମୀରୁ କ୍ରୀସ୍ତ ତଲେ ହାକିଟି ନିଙ୍ଗା ମାଞ୍ଜେରି, ଆଡିହ୍ ମାହାପୁରୁତି ଚିଃନି ଚଟତା କୁଗାମାନି କ୍ରୀସ୍ତତି ଆମିନି ବାସାଟାୟ୍, ଏ ଲାକପୁରୁ ମାନାଣି ପାରାଦୁ ।

୨ ଦାର୍ଡିତା ମାନି ବାରେ କାତାତି ଅଣ୍ପାଆନା, ଲାକପୁରୁ ମାନାଣି ବାରେ ଅଣ୍ପାଦୁ ।

୩ ଏଦାଆଁତାକି ଇଚିହ୍ ମୀରୁ ହାହାମାଞ୍ଜେରି, ଅଡ଼େ ମୀ ଜୀଞ୍ଜୁ ମାହାପୁରୁ ତାଣା କ୍ରୀସ୍ତ ତଲେ ଡ଼ଗୁମାନେ ।

୪ ମା ଜୀଞ୍ଜୁ ଲେହେଁତାସି କ୍ରୀସ୍ତ, ଏଚିବେଲା ଏଞ୍ଜାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଞ୍ଜୁରମିତି ଏଞ୍ଜାଣିତଲେ ଆଣ୍ଡାନା ତଞ୍ଜା ଆଡେରି ।

**ପ୍ଲୁଃଇ ଜୀଞ୍ଜୁ ଅଡ଼େ ପୁଃନି ଜୀଞ୍ଜୁ**

୫ ଏଦାଆଁତାକି ମୀ ଦାର୍ଡିତି ଲାଗେଏ ପଲେଏ ତାଣାଟି ଇଚିହ୍ ଦାରିକାମା, ସୁଡୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଡ଼ି କିହାଁ କତାଦୁ;

୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଲ୍ ମାନି କିଅରି, ଏଞ୍ଜାରିକି ମାହାପୁରୁତି କପା ଖାନେ;

୭ ତଲି ମୀରୁ ଜିକେଏ ଇଲେଡି ପାପୁ କାମାତା ମାଞ୍ଜାନା ଏଲେକିହ୍ ନୀତିମାଟେରି ।

୮ ସାମା ନୀର୍ବ ମୀରୁ ଜିକେଏ ଇ ବାରେ କାତା ଇଚିହ୍, କପା, କାର୍ବି, ଇରସା ଇଞ୍ଜା ମୀ ଗୁଡିଟି ନିନ୍ଦା କାତା ଅଡ଼େ ଅପାଆଗାଟି ହାଡ଼ା ଜଲ୍ଲାଆଦୁ ।

୯ \*ମୀ ବିତ୍ରା ମିଟି କାତା ଖେସ୍ପି ଆଆଦୁ; ଏଦାଆଁତାକି ଇଚିହ୍ ମୀରୁ ବାରେ ପ୍ଲୁଃଇ ଗୁଣୁ ମାଣ୍ଠକି ପିସାମାଞ୍ଜେରି,

୧୦ \*ଅଡ଼େ ଏଲେଡି ବାରେ କାମା ପିସାମା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଙ୍ଗେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି ।

\* ୨:୧୨ ରମି ୬:୪ \* ୨:୧୨ ମୁଞ୍ଜିନାୟି \* ୨:୧୩ ଏପିସି ୨:୧-୫ \* ୨:୧୪ ଏପିସି ୨:୧୫ \* ୨:୧୬ ରମି ୧୪:୧-୬ \* ୨:୧୯ ଏପିସି ୪:୧୭ \* ୩:୯ ଏପିସି ୪:୨୨ \* ୩:୧୦ ଏପିସି ୪:୨୪

୧୧ ଏବେଟିଏ ଜୀହୁଦି ଲକ୍ଷ୍ମୀ ଅଡ଼େ ଜୀହୁଦିଆଆତି ଲକ୍ଷ୍ମୀ, ତଲ୍ଲୁ ଦାପିଆଡ଼ାରି କି ଦାପି ଆଆଡ଼ାରି, ଏଟକା ରାଜିଡ଼ାରି, ସ୍ୱାଡ଼ିୟାଡ଼ାରି, ହଲେଏସି, ହଲେଏସି ଆଆଡ଼ାସି, ଇ ବାରେଡ଼ି ବିଡ଼ା ଏନି ପାରଡ଼ା ହିଲେଏ, ସାମା କ୍ରୀସ୍ତ ବାରେଡ଼ାକି ମାନେସି, ଇଞ୍ଜା ଏଞ୍ଜାସି ବାରେ ତାଣା ବାସା କିନେସି ।

୧୨ \*ମୀରୁ ମାହାପୁରୁତି ଲକ୍ଷ୍ମୀତେରି; ଏଞ୍ଜାସି ମିଙ୍ଗେ ଜୀହୁନହାଁନା ତାଙ୍ଗେଡ଼ାକି ଆଟାମାଞ୍ଜାନେସି । ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଞ୍ଜାଲା ମାଣକି ଅଡ଼େ ଅରୁହିନାଣି ପରଦୁ ।

୧୩ \*ମୀ ବିଡ଼ା କସ୍ତ ଅରୁହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅତେରି ରଅଣି ଦହ ମେକ୍ସଦୁ; ପ୍ରୁ ଏନିକ୍ ମୀ ଦହ ମେକ୍ସହା ମାଞ୍ଜାନେସି, ମୀରୁ ଜିକେଏ ଏଲେକିହି ଏ କିଦୁ ।

୧୪ ଅଡ଼େ ଇ ବାରେ ଗୁଣୁତଲେ ଜୀହୁନନାୟି ମୀ ବିଡ଼ା ମାଣ୍ଡେ, ଇତିହି ଜୀହୁନନାୟି ବାରେ ଗୁଣୁତି ରୁଣ୍ଡି କିନେ ।

୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲୁଡ଼ି କିପେ । ଇତିହି ଇ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଏ ରଣ୍ଡିଏ ଆଙ୍ଗା ଆହାଲି ହାଟାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା କିଦୁ ।

୧୬ \*କ୍ରୀସ୍ତ ବିଲୁ ହାରେକା ମୀ ହିୟାତା ଡ଼ୟାପେ; ରୁଦିତଲେ ମୀରୁ ରଅତେରି ରଅଣାଇଁ ହାରେପୁରେ ଜାପହାନା ସେଡ଼ନା ହୀପକିଆଦୁ, ଇଞ୍ଜା ମୀ ସୁଦୁଜୀହୁ ତଲେ ମାହାପୁରୁଇଁ ଜହରା କିହି ହିୟାଁ ତଲେ ପାଟୁ ପାଟାଦୁ ।

୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇତିହି ଏ ବାରେ ପ୍ରୁ ଜୀସୁ ଦରୁତଲେ କିହାନା ଏଞ୍ଜାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।

**ପୁଃନି ଜୀହୁତା ଆଣ୍ଡିନାୟି**

୧୮ \*ଏ ଡ଼କ୍ସିକାତେରି, ମୀରୁ ମୀ ଡ଼କ୍ସିକାୟି ମାନି କିଦୁ, ଏନାଆଁତାକି ଇତିହି ମୀରୁ ପ୍ରୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ \*ଏ ଡ଼କ୍ସିକାୟିତେରି, ମୀରୁ ମୀ ଡ଼କ୍ସିକାଣି ଜୀହୁନଦୁ, ଏଞ୍ଜାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହୀଆଦୁ ।

୨୦ \*ଆଡ଼େ କକାରି ପଦାୟିତେରି, ବାରେ କାତାତା ତାଲି ତାଞ୍ଜିତି କାତା ମାନୁଡ଼ି ଆଦୁ, ଏନାଆଁତାକି ଇତିହି ଇଦି ମାହାପୁରୁ ନକିତା ରାହାଁଟି ଲେମ୍ବିନାୟି ।

୨୧ \*ଏ ତାଲି ତାଞ୍ଜିତେରି, ମୀ କକାରି ପଦାଣି କାରୁଟି କିଆଦୁ, ଏନିକ୍ ଏଞ୍ଜାରି ନୀରାସା ଆଅରି ।

୨୨ \*ଏ ହଲିୟାଙ୍ଗାତେରି, ମାଣ୍ଡିକାଁ ରାହାଁ କିନିଲେହେଁ ଦାରୁଡ଼ିଟି ସାଞ୍ଜୁକାରିୟାଁ ନକିତା ଏ କାମା କିଆଦୁ, ସାମା

ମାହାପୁରୁଇଁ ଆଜାନା ହିୟାଁତି ସୁଦୁ ମାଣ୍ଡିକି ତଲେ ବାରେ କାମାତା ଏଞ୍ଜାରାଇଁ ମାନୁଡ଼ି ଆଦୁ ।

୨୩ ମୀରୁ ଏନି କାମା କିତି ଜିକେଏ ପ୍ରୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡିକାଁ ତାକି କିନିଲେହେଁ କିଆଦୁ;

୨୪ ପ୍ରୁ ତାନି ଲକ୍ଷ୍ମୀତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜା ପୁଞ୍ଜାମାଞ୍ଜୁ, ଏନାଆଁତାକି ଇତିହି କ୍ରୀସ୍ତଏ ମୀ ସାତା ପ୍ରୁ ଆମ୍ବାଆରି ସେବା କିହିମାଞ୍ଜେରି ।

୨୫ \*ଇତିହି ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାଟି ପାଡ଼େୟି ବେଟାଆନେସି, ଇତିହି ମାହାପୁରୁ ଲକ୍ଷ୍ମୀଟି ପାରଡ଼ା ବାଟି କିଆନା ନୀହାୟି କିନେସି ।

**୪**

୧ \*ଏ ସାଞ୍ଜୁକାରିୟାତେରି ଲାକପୁରୁ ମୀ ସାଞ୍ଜୁକାରି ମାନେସି ଇଞ୍ଜା ପୁଞ୍ଜାନା ମୀ ହଲିୟାଙ୍ଗାଇଁ ଜୀହୁନହାଁନା ନେହିକ୍ ଲେମ୍ବାଦୁ ।

**ଜାପ୍ନାୟି**

୨ କାଲେଏ ପ୍ରାତାନାତା ରଣ୍ଡିଏ ଅଣପୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହି ଏନାଆଁ ଜାଗ୍ରାତା ମାଞ୍ଜୁ;

୩ ମାଙ୍ଗେଡ଼ାକି ଜିକେଏ ପ୍ରାତାନା କିଦୁ, ଏନିକ୍ ନେହି କାଟୁଡ଼ି କାତା ଝେକ୍ସହାଲି ମାହାପୁରୁ ମାଙ୍ଗେଡ଼ାକି ଦାରା ଦେତାନେସି । କ୍ରୀସ୍ତ ଆମିନି ଡ଼ଗାମାନି କାତାତାକି ନାନୁ ନୀଏଁ କାୟିଦି ଇଲୁତା ମାଇଁ ।

୪ ନାନୁ ଝେକ୍ସନାଟି ନେହିକ୍ ପୁଣ୍ଡିକିନିଲେହେଁ ଝେକ୍ସହାଲି ଆଡ଼ିଇଁ ଇଞ୍ଜା ନାଙ୍ଗେଡ଼ାକି ପ୍ରାତାନା କିଦୁ ।

୫ \*ପାଗାଟି ନେହିକ୍ ଲେମ୍ବାନା ନାମାଆତି ଲକ୍ଷ୍ମୀ ତାଣା ରୁଦିତି ମାଣ୍ଡିକି ତଲେ ଲେମ୍ବାଦୁ ।

୬ ମୀ ବଲୁ କାଲେଏ ନେହାୟି, ଅଡ଼େ, ଅଣପିନାୟି, ଅଡ଼େ ହାରୁ ଲେହେଁ ମୀରୁ ଏନିକ୍ ବାରେଜାଣାଟି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

**ରାନ୍ତି ଜହରା**

୭ \*ପ୍ରୁକି କାମାତା ନା ତଲେ ନାମୁଟି ସେବା କାମା କିନି ଜୀହୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି;

୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେଡ଼ି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ ।

୯ \*ଏଞ୍ଜାଣିତଲେ ନାନୁ ନାମୁତା ଜୀହୁତି ତାୟି ଅନିସିମଇଁ ପାଣ୍ଡାତେଏଁ, ଏଞ୍ଜାସି ମୀ ବିଡ଼ାଟି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି ।

୧୦ \*ନା ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ,

\* ୩:୧୨ ଏପିସି ୪:୨    \* ୩:୧୩ ଏପିସି ୪:୩୨    \* ୩:୧୬ ଏପିସି ୫:୧୯,୨୦    \* ୩:୧୮ ଏପିସି ୫:୨୨; ଏପିସି ୩:୧    \* ୩:୧୯ ଏପିସି ୫:୨୫; ଏପିସି ୩:୭  
\* ୩:୨୦ ଏପିସି ୬:୧    \* ୩:୨୧ ଏପିସି ୬:୪    \* ୩:୨୨ ଏପିସି ୬:୫-୮    \* ୩:୨୫ ଏପିସି ୬:୯    \* ୪:୧ ଏପିସି ୬:୯    \* ୪:୫ ଏପିସି ୫:୧୭    \* ୪:୭  
କାମା ୨୦:୪; ୨୮:୧୨    \* ୪:୭ ଏପିସି ୬:୨୧,୨୨    \* ୪:୯ ପିଲିମ ୧:୧୦-୧୨    \* ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫;  
୧୩:୧୩; ୧୫:୩୭-୩୯

ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି  
ମାଞ୍ଜାନେରି,

୧୧ ଅଡ଼େ ଜୁସ୍ତ ଦରୁଟି ଝେଜିତି ଜୀସ୍ତ ମିଙ୍ଗେ  
ଜହରା ଝେସିମାଞ୍ଜାନେସି, ଜ୍ରୀସ୍ତ ଦାମ୍ବୁତି ଆବାମାନି ଇ  
ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା  
ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାୟେମି  
କିହାମାଞ୍ଜାନେରି ।

୧୨ ☆ଏପାପା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା  
କିହିମାଞ୍ଜାନେସି, ଏଞ୍ଜାସି ଜ୍ରୀସ୍ତ ଜୀସ୍ତୁତି ର ହଲେଏସି  
ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି  
ପ୍ରାତାନା କିହିମାନେସି, ଏନିକି ମୀରୁ ନାମୁତା ନେହାତେରି  
ଆହାନା ମାହାପୁରୁତି ବୁଦି ଅଡ଼େ ଅଣ୍ଟୁତି ତୀରେ ପୁଞ୍ଜାନା  
ଞ୍ଜୀତାଆନା ମାଞ୍ଜେରି ।

୧୩ ଇଟିହି ଏଞ୍ଜାସି ମିଙ୍ଗେତାକି ଇଞ୍ଜା, ଲାଞ୍ଜୁଦିକିୟା  
ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ  
ବେଟାଆହି କାମା କିହାମାନେସି, ଏଞ୍ଜାଣି ତାକି ନାନୁ ଇ  
ସାକି ହାହିମାଞ୍ଜାଇଁ ।

୧୪ ☆ମା ଜୀସ୍ତୁତି ତାଙ୍କାଦର ଲୁକ ଅଡ଼େ ଦିମା, ମିଙ୍ଗେ  
ଜହରା ଝେସିମାଞ୍ଜାନେରି ।

୧୫ ଲାଞ୍ଜୁଦିକିୟାତା ମାନି ତାୟି ତାଜିସ୍ତା, ତାଜି ନୁମ୍ପା  
ଅଡ଼େ ତାନି ଇଲୁତା ମାନି କୁଲମିତି ମା ଜହରା ଝେହୁଦୁ ।

୧୬ ଅଡ଼େ ମୀ ତାଣା ଇ ଆକୁ ପଡ଼ଞ୍ଜି ଆଡ଼ି ତାୟି  
ଲାଞ୍ଜୁଦିକିୟା କୁଲମିତା ଜିକେଏ ଏନିକି ପଡ଼ଞ୍ଜି ଆନେରି,  
ଇଞ୍ଜା ଲାଞ୍ଜୁଦିକିୟାଟି ଆମିନି ଆକୁ ଞ୍ଜାନେ ଏଦାଆଁ ମୀରୁ  
ଜିକେଏ ପଡ଼ଞ୍ଜି ଆନେରି ଏଦାଆଁତାକି ଜାଗ୍ରାତା ଆଦୁ ।

୧୭ ☆ଆକି ପପଇଁ ଝେହୁଦୁ, “ନୀନୁ ଆମିନି ପ୍ରବୁତି ସେବା  
କିନି ପାଣା ବେଟାଆହାମାଞ୍ଜି ଏଦାଆଁ ରାପ୍ତହାଲି ଜାଗ୍ରାତା  
ମାନାମୁ ।”

୧୮ ନାନୁ ପାଞ୍ଜୁଲ, ନା କେୟୁତଲେ ଇ ଜହରା ରାଟିମାଇଁ,  
ନା କାୟିଦିତା ମାନାଣି ଅଣ୍ଟାଦୁ ! ମାହାପୁରୁତି  
କାର୍ମାନେହନାୟି ମୀ ବାରେତାକି ଆୟାପେ ।

# କୁଲମିକି ପାଞ୍ଚଲ ରାଟାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଟାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତକି ଆହାମାନେ ୧:୧ । ତେସଲନିକି ମୂଲୁ ଆକୁ ରାଟିତି ଏଚରଦିନା ତାମୁ ଇଚିହଁ କ୍ରୀସ୍ତ ଜାର୍ନାଆଡ଼ି ୫୧ ବାର୍ସା ତାମୁ ଇଆକୁ ରାସ୍ତକି ଆହାମାନେ । ଏଚିବେଲତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହଁ କଁ ପୁନାଆନା ତାମି ଅଣ୍ପୁତା କିଲିବିଲି ଆହିମାଚେରି । ଏଞ୍ଜାରି ତାମୁ କିଞ୍ଚିତ କାମା ପିସାନା ନିସ୍ତା ଆଚେରି ଇଞ୍ଜା ଅର କ୍ରୀସ୍ତାନା ଲକୁ ଏଞ୍ଜାରାଇଁ ସାଢ଼େମି କିହିମାଚେରି ।

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଟିମାନେସି, ଇଚିହଁ କ୍ରୀସ୍ତ ଖାଆ ନକେଏ ହାରେକା ଲାଗେଏ ପଚେଲଏ ଆହିମାଚେ, ଇଞ୍ଜା ଏଞ୍ଜାରାଇଁ ବାଡ଼ିମାଲିହଁ ରାଟିମାନେସି । ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆବ୍‌ହିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାଡ଼ିମାଲିହଁ ରାଟିମାନେସି ।

### ପତିତା ମାନାୟି

- ୧. ପାଞ୍ଚଲ ତାଙ୍ଗେ ଅଡ଼େ ତାନି ଆବ୍‌ହିତାରାଇଁ ପୁଣ୍ଡିକିନାୟି । ୧:୧-୨
- ୨. ତେସଲନିକି କୁଲମିତାକି ଜହରା ଅଡ଼େ ପ୍ରାତାନା । ୧:୩-୧୨
- ୩. ରାନି ଦିନାତି କାତା । ୨:୧-୧୭
- ୪. ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି । ୩:୧-୧୫
- ୫. କୁଲମିତି ଜହରା କିହାନା ଆକୁତି ରାପ୍‌ନାୟି । ୩:୧୬-୧୮

୧ \*ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଟିମାନମି ।

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀସୁ ମିଙ୍ଗେତାକି ଆୟାପେ ।

### ଜୀସୁ ଖେଣ୍ଡେ ଖାନାୟି ଅଡ଼େ ନୀହାୟି କିନାୟି

୩ ଏ ମା ତାୟିୟାଁ ଅଡ଼େ ତାଙ୍ଗିସ୍ତାଚେରି ମୀ ତାକି ମାମ୍ବୁ ହାରେଦିନା ମାହାପୁରୁଇ ଜହରା କିନାୟି ଲଡ଼ାମାନେ,

\* ୧:୧ କାମା ୧୭:୧ \* ୨:୧ ୧ତେସ ୪:୧୫-୧୭

ଏଲେଆନାୟି ନେହେଁ, ମୀ ନାମୁ ଅଡ଼େ ରଅଚେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ ।

୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ବୁ ମାହାପୁରୁ କୁଲମିକାଣା ମିଙ୍ଗେ ତାକି ବଡ଼ପଣ ଆହିମାନମି ।

୫ ମାହାପୁରୁଟି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଟେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁଟି ନେହଁ ନୀହାୟିତି ପାରମାଣା ।

୬ ଏଚିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହୀନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଁ କାତା;

୭ ଇଚିହଁ ପ୍ରବୁ ଜୀସୁ ଏଚିବେଲା ଜାହାରା ବାଡ଼ୁରୁ ଗାଟି ଦୁଡୁୟାଁ ତଲେ ଡ଼ାଞ୍ଜି ମାନି ହିରୁ ଗୁଦ୍‌ଖା ତଲେ ଲାକପୁରୁଟି ତଞ୍ଜାଆଚେସି ।

୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହଁ କାବୁ ମାନଡ଼ି ଆଅରି, ଏଞ୍ଜାରାଇଁ ଏଞ୍ଜାସି ଏଚିବେଲା ତଣ୍ଡ ହୀନେସି ।

୯ ଇଚିହଁ, ଆମିନି ଦିନା ଏଞ୍ଜାସି ଜାହାରା ଦାମ୍‌ଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେଁ ଆହାଲି ଖାନେସି । ଇଚିହଁ ମୀରୁ ମାମ୍ବୁ ହାହାମାଞ୍ଜାନି ସାକିତି ନାମାମାଞ୍ଜେରି ।

୧୦ ଏ ଦିନା ଏଞ୍ଜାରି ତଣ୍ଡ ବେଟାଆଚେରି, ଇଚିହଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁରୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି ।

୧୧ ଏଦାଆଁତାକି ମା ମାହାପୁରୁ ଏନିକଁ ମିଙ୍ଗେ ହାଟାମାଞ୍ଜାନି ଜଟେ ଇଞ୍ଜାଚେସି, ଏଦାଆଁତାକି ମାମ୍ବୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକଁ ନାମୁତି ବାରେ କାମା ନେହଁ କଁ କିହାଲି ଆଡ଼ିଦେରି ।

୧୨ ଏଲେଆଡ଼ିହଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାଣି ଲେହେଁ ପ୍ରବୁ ଜୀସୁତି ଦରୁ ମୀ ତାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଡ଼େରି ।

## ୨

### ଲାଗେଏତି ମାଣ୍ଡସି

୧ \*ତାୟିୟାଁ ଅଡ଼େ ତାଙ୍ଗିସ୍ତାଚେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମାରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାଡ଼ିମାଲି ମାଞ୍ଜାନମି ।

୨ ପ୍ରବୁତି ଦିନା ଏଗାଞ୍ଜାଡ଼େୟିଏ ଇଞ୍ଜିହଁ ମୀ ଏନି ଜୀସୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜା ଅଣ୍ପାମା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କିଲିବିଲି ଆଆଦୁ ।

୩ ଆମ୍ବାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇଚିହିଁ ମୂଲୁଏ ଦାମ୍ବୁ ବିତ୍ତା ଗଡ଼ହା ଆନେ, ଅଡ଼େ ନାସାକିନି ଦାମ୍ବୁ ହିଲାଆ ମାଣ୍ଡସି ତଞ୍ଜା ଆନାୟି ମାନେ, ଆଆତଁ ପ୍ରବୁତି ଦିନା ଖାଏ ।

୪ ଇଞ୍ଜାସି ଏ ଦାମ୍ବୁ ହିଲାଆଗାଟି ମାଣ୍ଡସି ପୂଜା ବେଟାଆହିମାନି ପେଣକା କି ମାହାପୁରୁ କପାଟି ନିଙ୍ଗିନେସି ଅଡ଼େ ବାରେତି କିହାଁ ଜାହାରାଇଁ ହାରେକା ଗାଞ୍ଜୁରମି କିହାକତିନେସି, ଇଲେକିହିଁ ମାହାପୁରୁତି ଇଲୁତା ଜିକେଏ କୁଗାନା ଏଞ୍ଜାସି ନାନୁ ମାହାପୁରୁତେଏଁ ଇନେସି ।

୫ ମୀରୁ ଏଦାଆଁ ଅଣ୍ଡି ହିଲଅତେରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ ।

୬ ତାରିକିହା ମାନି ଦିନା ଏଞ୍ଜାସି ତଞ୍ଜାଆନେସି, ଆଡ଼ିଜିକେଏ ତାନୁ ଖାନାଣି ଏନାୟି ଆଙ୍ଗିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି ।

୭ ଏ ପାପୁତା ତରୁମାନି ବାଡ଼ୁୟୁ ନୀଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଙ୍ଗା ମାନସି ଗୁଟା ଆଆପାତେକା ଖାଏ ।

୮ ଏଟିବେଲା ଲାଗେଏତି ଜୀଞ୍ଜୁଗାଟି ମାଣ୍ଡସି ତଞ୍ଜାଆନେସି, ଏଞ୍ଜାଣାଇଁ ପ୍ରବୁ ଜୀସୁ ଗୁଡ଼ିଟି ହନି ଉକଅଡ଼ି ତଲେ ପାୟିନେସି ଇଞ୍ଜାଁ ତାନୁ ଝେଣ୍ଡେ ଖାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି ।

୯ ସୟତାନତି ବାଡ଼ୁୟୁ ହୀପକି ଆହାମାନି ଲେହେଁ ବାରେଲେହେଁତି ମିଟିତି ବାଡ଼ୁୟୁ, ସିନା ଇଞ୍ଜାଁ କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁତି ଦାମ୍ବୁ ନାଡ଼ି କିନାଆଁ ତଲେ ଲାଗେଏତି ମାଣ୍ଡସି ଖାନେସି,

୧୦ ଇଞ୍ଜାଁ ନାସା ଆନାରାଇଁ ବାରେଲେହେଁତି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇଚିହିଁ ଗେଲ୍ପିଆୟାଲି ସାତାତି ଜୀଞ୍ଜୁ ନଆନା ଅପାଆଗାଟାରି ନାସା ଆନେରି ।

୧୧ ଇଦାଆଁତାକି ଏଞ୍ଜାରି ଏନିକିହିଁ ମିଟିତାଣି ନାମିନେରି, ଏଦାଆଁତାକି ମାହାପୁରୁ ଏଞ୍ଜାରିତାଣା ନାଡ଼ିକିନି ବାଡ଼ୁୟୁ ପାଣ୍ଡାମାଞ୍ଜାନେସି ।

୧୨ ଏନିକିହିଁ ଆମ୍ବାଆରି ସାତାତି ନାମାଆନା ଦାମ୍ବୁ ହିଲାଆଗାଟି ତାଣା ରାହାଁ ଆହାମାନେରି, ଏଞ୍ଜାରି ବାରେଜାଣା ତଣ୍ଡ ବେଟାଆନେରି ।

**ଗେଲ୍ପିଆୟାଲି ହାଟ୍‌କି ଆହାମାଞ୍ଜେରି**

୧୩ ମା ପ୍ରବୁତି ଜୀଞ୍ଜୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇଚିହିଁ ମାହାପୁରୁ ଜୀଞ୍ଜୁତି ସୁବୁ ଇଞ୍ଜାଁ ସାତାତି ନାମୁତଲେ ଗେଲ୍ପି ଆହାଲି ମିଙ୍ଗେ ମୂଲୁତି ପାଡ଼େୟିଲେଁ ବାଟି କିହାମାଞ୍ଜାନେସି ।

୧୪ ଏଦାଆଁତାକି ଜିକେଏ ଏଞ୍ଜାସି, ମାମ୍ବୁ ଝେକ୍‌ହାମାନି ନେହିଁ କାବୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଞ୍ଜୁରମି ବେଟାଆହାଲି ମିଙ୍ଗେ ହାଟାମାଞ୍ଜାନେସି ।

୧୫ ଏଲେଆହିଁ ଏ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ତାରିଆହାଁ ମାଞ୍ଜୁ, ଅଡ଼େ ମାମ୍ବୁ ଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଙ୍ଗେ ଜୀଞ୍ଜୁନହାଁନା ତାନି କାର୍ମାଟି କାଲାକାଲାତି ସାସା ଅଡ଼େ ନେହିଁ ବାସୁଁ ହାହାମାଞ୍ଜାନେସି ।

୧୭ ଏଞ୍ଜାସି ତାନୁଏ ମୀ ହିୟାଁ ସୁସ୍ତି ହାହାଁ ମିଙ୍ଗେ ବାରେଲେହେଁତି ନେହିଁ କାମା ଇଞ୍ଜାଁ ବଲୁତା ତାରିକିୟାପେସି ।

**୩**

**ମା ତାକି ପ୍ରାତାନା କିଦୁ**

୧ ବାରେତି ତାୟୁ, ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ମାଙ୍ଗେ ତାକି ପ୍ରାତାନା କିଦୁ, ଏନିକିହିଁ ପ୍ରବୁତି ନେହିଁ ବଲୁ ମୀ ତାଣା ଆଡ଼ି ଲେହେଁ ବାରେଖାକି ଝେଙ୍ଗା ହାଜାନା ଗାଞ୍ଜୁରମି ପାଣ୍ଡନେ,

୨ ଅଡ଼େ ଏନିକିହିଁ ମାମ୍ବୁ ବୁଦି ହିଲାଆ ଗାଟାରି ଅଡ଼େ ଦହଗାଟାରି ତାଣାଟି ଗେଲ୍ପି ଆନମି, ଏନାଆଁତାକି ଇଚିହିଁ ବାରେ ତାଣା ନେହିଁ ବଲୁ ନାମା ହିଲଅରି ।

୩ ସାମା ପ୍ରବୁ ଟିକାଣାତାସି, ଏଞ୍ଜାସି ମିଙ୍ଗେ ତାରି କିହାନା ଲାଗେଏ ପଲେଏ ତାଣାଟି ଗେଲ୍ପାନେସି ।

୪ ମାମ୍ବୁ ମିଙ୍ଗେ ଏନିକିହିଁ ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ ତାଣା ମା ଆଟ୍‌ଞ୍ଜା ନାମୁ ମାନେ ।

୫ ଅଡ଼େ ପ୍ରବୁ ମୀ ହିୟାଁତି ମାହାପୁରୁତି ଜୀଞ୍ଜୁ ନନାଣି ଇଞ୍ଜାଁ କ୍ରୀସ୍ତତି ସାସା ବେଟାଆହାଲି ସାୟେମି କିୟାପେସି ।

**ବାରେଜାଣା କାମା କିନାୟିମାନେ**

୬ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି, ମାମ୍ବୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମ୍ବୁ ମିଙ୍ଗେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀଡିନେସି, ଏଞ୍ଜାଣି ତାଣାଟି ଜାହା ଜାହାରାଇଁ ଏଟ୍‌କା କିଦୁ ।

୭ ଇଚିହିଁ ମାମ୍ବୁ ଏନିକିହିଁ କିହି ମାଟମି ଏଲେକିହିଁ ମୀରୁଖା କିନାୟିମାନେ, ଏଦାଆଁ ମୀରୁ ମୀରୁଏ ନେହିଁ କିହିଁ ପୁଞ୍ଜାମାଞ୍ଜେରି, ଏନିକିହିଁ ମାମ୍ବୁ ମୀ ତାଣା ନିସ୍ତା ତଲେ ନୀଡି ହିଲାଆତମି ।

୮ ମାମ୍ବୁ ଉଜେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଙ୍ଗେ ବଲୁ ଆଆପେଖା ଇଞ୍ଜାଁ ଲାଆଁ ମାଦେନା ଖାହୁରାତା ଅଡ଼େ କସ୍ତତଲେ କାମା କିହି ମାଟମି;

୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଦି ଆଏ, ସାମା ଏନିକିହିଁ ମୀରୁ, ମାମ୍ବୁ କିହିମାଟିଲେହେଁ କିଦେରି; ଇଦାଆଁତାକି ମାମ୍ବୁ ମୀ ନକିତା ଜାହାରାଇଁ ନେହିଁ ମାଣ୍ଡକି ତସାଲି ତାକି ଏଲେକିତମି ।

୧୦ ଇଚିହିଁ ମୀ ତଲେ ମାମ୍ବୁ ମାଟାଟି ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି ।”



୧୧ ଇଚିହ୍ନି ମୀ ତାଣା ଏଚେକା ଲକ୍ଷୁ ନିସ୍ତା ତଲେ ନୀତିମାଞ୍ଜେରି ଇଞ୍ଜା ଏଞ୍ଜାରି ଏନି କାମା କିଆନା ଉଜେ ଉଜେଏ ଏଚକା ଲକ୍ଷୁତି କାତା ଅଣ୍ଡିମାନେରି, ଇଞ୍ଜି ମାନ୍ସୁ ଖେଞ୍ଜାମାନମି ।

୧୨ ଇଲେତାରାଇଁ ନେହ୍ନି ଆହ୍ନି ନୀତାଲି ଅଡ଼େ ତାମି ରାନ୍ଦା ତାମ୍ନୁ ନେହ୍ନି ଅଣ୍ଡି ତଲେ କାମା କିହାଲି, ମାନ୍ସୁ ଜୀସୁ କ୍ରୀସ୍ତ ଦରୁତଲେ ସେତନା ଅଡ଼େ ହୁକୁମି ହୀହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡ଼େ ତାଞ୍ଜିସ୍ତାତେରି ମୀରୁ ନେହ୍ନି କାମା କିୟାଲି ଏଚେଲାଞ୍ଜା ଖାହାଆଦୁ ।

୧୪ ଇ ଆକୁତା ମାନ୍ସୁ ରାଚାମାନାଣି ଆମ୍ବାଆସି ମାନଞ୍ଜି ଆଅସି, ଏଞ୍ଜାଣାଇଁ ଗୁରି କିଦୁ, ଅଡ଼େ ଏଞ୍ଜାସି ଏନିକି ଲାଜା ବେଟା ଆନେସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ;

୧୫ ଆଡ଼ିଜିକେଏ ଏଞ୍ଜାଣାଇଁ ସାତୁ ଲେହେଁ ମେହ୍ନିଆଦୁ, ସାମା ଏଞ୍ଜାଣାଇଁ ତାୟିଲେହେଁ ମେସାନା ସେତନା ହୀଦୁ ।

**ଆକୁତି ରାଫ୍ନି କାତା**

୧୬ ହିଡ଼ଡ଼ି ଜୀଞ୍ଜୁହୀନି ପ୍ରବୁ ତାନୁଏ, ବାରେବେଲା ଅଡ଼େ ବାରେ ଖାକିଟି ମିଙ୍ଗେ ହିଡ଼ଡ଼ି ହିୟାପେସି । ପ୍ରବୁ ମୀ ବାରେଜାଣା ତଲେ ମାନାପେସି ।

୧୭ ନାନୁ ପାଞ୍ଜୁଲତେଏଁ, ନା କେୟୁତଲେ ରାଚାନା ଜୀଞ୍ଜୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହୀନି ଲେହେଁ ରାଫିମାଞ୍ଜାଇଁ, ନା ରାଫିନାୟି ଏଲେତାୟି ।

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାମାମେହ୍ନିନାୟି ବାରେତେରି ମିଙ୍ଗେ ଆୟାପେ ।

# ତୀମଥୁଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତିମତି ତାଣା ପାଞ୍ଚୁଲ ରାଫାମାନି ର ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚୁଲ ତାଣାଟି ତାନି ସୀସୁ ତିମତିକି ରାସ୍ତକି ଆହାମାନେ । ଜୀସୁ କ୍ରୀସ୍ତ ଜାର୍ନାଆଡ଼ି ୨୧-୨୪ ବାର୍ଷା ତାୟୁ ର ଲମ୍ବର ତିମତି ରାସ୍ତକି ଆହାମାଣ୍ଡିନେ । ଇଦି ପାଞ୍ଚୁଲତି ଜୀସୁ ରାନ୍ତି ବେଲୀତା ରାସ୍ତକି ଆହାମାଣ୍ଡିନେ । ପାଞ୍ଚୁଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିମତିକି ମୀରୁଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଚୁଲ ରାଫାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିକି ଖେସିମାନେ । ଅଡ଼େ ତାନିଗଟା ଆକୁ ତିମତି ରା ଲମ୍ବର ଆକୁ, ତିତସ, ଅଡ଼େ ପିଲିମନ । ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକୁତି ଜଗେତି କାତା ୩:୧-୧୩ ଅଡ଼େ ମିତି ଜାପ୍ନାରି କାତାତା ଜାଗ୍ରାତା କିନି କାତା ରାସ୍ତକି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚୁଲ ତିମତିକି ଏନିକିହି କୁଲମିତି ନେହି ସାଲୁଡ଼ି କିନାସି ଆହାଲି ଜାପ୍ନାରି ମାଚେସି ଏ କାତା ରାସ୍ତକି ଆହାମାନେ ।

ତିମତି ର ଲମ୍ବର ଆକୁତା ହାରେକା ପାଣା ପାଟୁୟା ମାନୁ, ଏଡ଼ି କୁଲମିତି ସାଲୁଡ଼ି କିନାରାକି ନୀଞ୍ଜୁ ଓଏତି କୁଲମିକାଣି ନେହି କି ଜାଡ଼ନୁ କିହାଲି ସାଢ଼େମି କିନୁ ।

### ପତିତା ମାନାୟି

- ୧. ପାଞ୍ଚୁଲ ତିମତିକି ଜହରା କିହା ମାଟ୍ନାୟି । ୧:୧-୨
- ୨. ପାଞ୍ଚୁଲ ତିମତିକି ମିତି ଜାପ୍ନାରି କାତାତା ଜାଗ୍ରାତା କିନାୟି । ୧:୩-୧୧
- ୩. ପାଞ୍ଚୁଲ କ୍ରୀସ୍ତ ତାକି ଏଚେକା ନେହି ତସାମାନେସି ଏଦାଆଁ ଖେସାନା ଆକୁତି ରାଡ଼ିନାୟି । ୧:୧୨-୧୯
- ୪. ପାଞ୍ଚୁଲ ତିମତିକି ପ୍ରାତାନାତି ପାଣାପାଟୁ ଅଡ଼େ ସାଲୁଡ଼ି କିନାରି କାତା ଜାପ୍ନାମାନେସି । ୨-୩
- ୫. ପାଞ୍ଚୁଲ ତିମତିକି ଏଚେକା ତାୟୁତି କାତା ଖେସାନା ଆକୁ ରାଡ଼ିନାଣି ରାପ୍ନାୟି । ୪-୬

୧ ନାନୁ ପାଞ୍ଚୁଲ, ମା ଗେଲ୍ପାନି ମାହାପୁରୁ ଅଡ଼େ ବାସ୍ତୁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁ ଆହାମାନାତେସି ।

୨ ନାନୁତା ନା ଦାମ୍ବୁତି ଜୀସୁତି ମୀରୁଏଶାତି ତିମତି; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜୀସୁନନାୟି କାର୍ମାମେହନାୟି ଅଡ଼େ ହିଡ଼ି ନିଜେତାକି ଆୟାପେ ।

### ମିତି ଜାପ୍ନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଗାଟି ମିଜେ ଖେସାମାଞ୍ଜାତି ଲେହେ, ନାନୁ ଏପିସିୟ ଗାଡ଼ାତା ତୟାମୁ ଏମ୍ପାଆଁ ଏଚେକାଣା ଲାଗେଏତି କାତା ଜାପ୍ନାମାନେରି ଏମ୍ପାଟି ଏଞ୍ଜାରାକି କାହି କିମୁ,

୪ କହୁୟା ଇଞ୍ଜା ରାଆଗାଟି ଆକୁ ଆବାୟା ଦରକାଣି ଆହୁଆପେରି ଇଞ୍ଜି ଏଞ୍ଜାରାକି ଖେହମୁ, ଏ ବାରେ ନାନୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଡ଼ା କିଞ୍ଜିକିନେ ।

୫ ସୁନୁ ହିୟା, ନେହି ଅଣପୁ ଅଡ଼େ କୁଟୁ ହିଲୀଆ ନାମୁଟି ହଡ଼ିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାକି ।

୬ ଏଚେକାଣା ଇ ବାରେ କାତାତି ବାଣା ଆହାନା ଉଜେଏତି କାତା ଆସାନା ଏଚକା ଜିରୁ ହାଜିମାନେରି;

୭ ଏଞ୍ଜାରି ମେରା ଜାପ୍ନାତମି ଇଞ୍ଜି ଅଣପିନେରି, ସାମା ଏଞ୍ଜାରି ଏନାଆଁ ଖେହନେରି, ଅଡ଼େ ଏନାଆଁ ଜାଣେନାଜା ଜାପ୍ନନେରି, ଏଦାଆଁ ତାମ୍ବୁ ତେଲହଅରି ।

୮ ମାମ୍ବୁ ପୁଞ୍ଜାମାନମି; ମେରାତି ନେହି କି ଲେମ୍ବିସାରେ, ଏଡ଼ି ନେହେ ।

୯ ସାମା ମେରା ଦାମ୍ବୁଗାଟି ଲକୁତାକି କିଞ୍ଜିଆଆନା, ଜାହାରା ମନ୍, ଅଡ଼େ ମାନୁଡ଼ି ଆଆଗାଟାରି, ଦାମ୍ବୁ ହିଲୀଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମ୍ବୁତି ନାମାଆଗାଟାରି, ତାଲି ତାଞ୍ଜିକି ପାୟିନାରି, ଲକୁଣି ପାୟିନାରି,

୧୦ ଦାରି କିନାରି, ଆବା ଆବାୟା ଦହ କିଞ୍ଜିଆନାରି, ଲକୁଣି ପାରନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ପାଆରି ନେହି ଜାପ୍ନାଣି, ତାକି ନିଜିନେରି, ଏଦାଆଁତାକି ମେରା ମାନୁଡ଼ି ଆଆଗାଟାରିକି ହାପକି ଆହାମାନେ,

୧୧ ଇଦି ନା ତାଣା ହେରପି ଆହାମାନାୟି ହାରେକା ନେହେ ମାହାପୁରୁତି ଗାଞ୍ଜୁରମିଗାଟି ନେହି କାବୁତି ଜାପ୍ନି ଲେହେ ଆନେ ।

### ମାହାପୁରୁତି କାର୍ମା ତାକି ଜହରା

୧୨ ନାଜେ କାମାତା ବାଡ଼ୟୁ ହାହାମାଞ୍ଜାନି ମା ପ୍ରବୁ କ୍ରୀସ୍ତ ଜୀସୁକି ଜହରା କିହିମାକି, ଏନାଆଁତାକି ଇତିହି ନାଜେ ଏଞ୍ଜାସି ମାନିଗାଟାଟି ଇଞ୍ଜି ଅଣପାନା ସେବା କାମା ହେରପା ମାଞ୍ଜାନେସି ।

୧୩ ଆଡ଼ିଜିକେଏ ତଲି ନାନୁ ଜୀସୁକି ନିୟା କିନାତେସି, ତଣ୍ଡ ହାନାତେସି, ଅଡ଼େ ଲାଗେଏ କିନାତେସି ମାଚେସି; ସାମା ନାନୁ ନାମା ହିଲୀଆତାକି ବୁଦି ହିଲୀଆଲେହେ ଏଦାଆଁ କିହିମାଚେସି ଇଞ୍ଜି କାର୍ମା ବେଟାଆତେସି;

୧୪ ଅଡ଼େ ମା ପ୍ରବୁତି କାର୍ମା କ୍ରୀସ୍ତ ଜୀସୁ ତାଣାଟି ନାନୁ ଅଡ଼େ ଜୀସୁ ନନି ତାଣାଟି ନାଜେତାକି ହାରେକା ଆୟାତେ ।

✧ ୧:୨ କାମା ୧୭:୧ ✧ ୧:୧୩ କାମା ୮:୩; ୯:୪,୫

୧୫ ପାପୁ ଗାଟାଠାଁ ଗେଲପାଲିତାକି କ୍ରୀସ୍ତ ଜୀସ୍ତ ଦାଋଡିତା ଖାଡେସି, ଇ ବଲୁ ସାତା ଅଡେ ବାରେଖାକି ଆବିନାୟି ଅଡେ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାଡେସି

୧୬ ଆଡିଜିକେଏ ଆମିନି ଗାଟାରି ଖାହିମାନି ଦିନାତା କାଲକାଲାତି ଜୀସ୍ତ ବେଗାଆହାଲି ଜୀସ୍ତ କ୍ରୀସ୍ତ ତାଣା ନାମିନେରି, ଏଞ୍ଜାରି ନକିତା ତସ୍ପି ଆହାଲି ନାନୁ ର କାଜା ପାପୁ ଗାଟାଡେସି, ନା ତାଣା ଏଞ୍ଜାସି ଏନିକି ତାନି କାଲେଏଡି ଅରୁହିନାଣି ତହ୍ନେସି ଏଦାଆଁତାକି ନାନୁ କାର୍ମା ବେଗା ଆଡେସି ।

୧୭ ଏବେଲାଖା ନାସା ଆଆଗାଗାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲକାଲାତି ରାଜା ଏଞ୍ଜାଣାକି ମାନି ଅଡେ ଗାଞ୍ଜୁରମି କାଲକାଲା ତାକି ଆଡେ । ଆଡେମନ୍ ।

୧୮ ତିମତି, ନା ମୀରଏଣାତି, ନିଙ୍ଗେତାକି ତଲି ଖେସିମାଞ୍ଜାତି ଲେହେଁ ନାନୁ ନିଙ୍ଗେ ଇ ହୁକୁମି ହାହିମାଞ୍ଜାକି, ଏନିକି ନାନୁ ଇ ବାରେ କାତାତଲେ ନେହଁ ହୁକୁ କିହାଲି ଆଡିତି ।

୧୯ ଦାମ୍ବୁ ଅଡେ ନାମୁ ନେହଁ ଅଣ୍ଡୁ ଆହମ୍ବୁ; ଏଦାଆଁ ପିସା ମାନାକି ଏତରଜାଣାତି ନାମୁ ଲେହେଁତି ଜାଜା ତୀହା ହାଜାମାନେ,

୨୦ ଏଞ୍ଜାରି ବିତ୍ରାଟି ହୁମନାୟ, ଅଡେ ଆଲେକକାଣ୍ଡାଉ ମାନେରି, ଏଦାଆଁତାକି ନାନୁ ଏଞ୍ଜାରାକି ସୟତାନ କେୟୁତା ହେରପିଡେସି, ଏନିକି ଇ ରିଆରି ପାଣା ବେଗାଆହାନା ମାହାପୁରୁକି ନିୟା କିଅରି ।

୨

କୁଲମିତା ପାଣାପାପୁ

୧ ଇଦାଆଁତାକି ନା ବାଡିମାଲିନାୟି ମାହାପୁରୁକି ଜହରା କିନି ବେଲାତା, ଦେସାତି ପାଣାଗାଟାରି,

୨ ଏଦାଆଁତାକି ବାରେ ଲକୁତାକି ରାଜାୟା ସାଲୁଞ୍ଜି କିନାରି, ବାରେତାକି ପ୍ରାତାନା, ଗହାରା ଅଡେ ଜହରା କିଦୁ, ମାର ଏନିକି ମାହାପୁରୁ ଆଜିତଲେ କିଲିବିଲି ଆଆନା ଡୟିନାୟି ଅଡେ ଏଟକା ଲକୁ ତାଣା ନେହଁ ମାଣକି ମାଞ୍ଜାନା ସୁକୁ ଅଡେ ହିଡଡି ତଲେ ନୀତାଲି ଆଡିନାୟି ।

୩ ଇଲେତି ପ୍ରାତାନା ମା ଗେଲପାଲି ମାହାପୁରୁ ନକିତା ଲଡା ଆନାୟି ଅଡେ ଅପିନାୟି ଆନେ ।

୪ ବାରେଜାଣା ଏନିକି ଗେଲପାଲିଆନାଣି ଅଡେ ସାତାତି ବୁଦି ବେଗାଆନେରି ଇଞ୍ଜା ଏଞ୍ଜାସି ଅଣ୍ଡି ମାନେସି ।

୫ ଇତିହଁ ରଣ୍ଡିଏ ମାହାପୁରୁ ମାନେସି, ଅଡେ ମାହାପୁରୁ ଇଞ୍ଜା ମାଣସିୟା, ମାଦିତି ମାଣସି ରଅସିଏ ମାନେସି, ଏଞ୍ଜାସି ଜୀସ୍ତ କ୍ରୀସ୍ତ, ର ମାଣସି ।

୬ ଏଞ୍ଜାସି ମାଣସିକି ଗେଲପାଲିତାକି ତାନୁଏ ହେରପି ଆଡେସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣସିୟାକି ଗେଲପାଲି ଅଣ୍ଡି ମାନେସି ଇଦାଆଁ ସାକି ହାହାମାନେସି ।

୨:୨ ୨୫୩୫୫ ୨:୯ ୧୫୩୫୫

୭ ଏଦାଆଁତାକି ନାନୁ ର ନେହଁ କାରୁ ଖେକନାଡେସି, ପାଣୁଞ୍ଜି ଆହାମାନାଡେସି, ଇଞ୍ଜା ନାମୁ ଅଡେ ସାତାତା ଏଟକା କୁଡାତି ଲକୁ ତାଣା ଜାପନାଡେସି ଆୟାଲି ମାହାପୁରୁ ନାଙ୍ଗେ ଆଟାମାଞ୍ଜାଡେସି, ନାନୁ ସାତା ଖେସିମାଞ୍ଜାକି ନାନୁ ମିତି ଖେସିମାଞ୍ଜାଅଁ ।

୮ ଏଦାଆଁତାକି ନା ଅଣ୍ଡୁ ବାରେଜାଣା ଆବାୟା କୁଡା ଆନାଟି, ସୁଦୁ ଅଣ୍ଡୁ ତଲେ କେସ୍ତା ପେରହାନା, କପା ଇଞ୍ଜା ତାହାରା ଆଆନା, ପ୍ରାତାନା କିପାରି ।

୯ ଏଲେକିହଁ ଏ ଇୟାସିକା ଜିକେଏ ତାୟି ଅଡି କିହାନା, ଅଡେ ବାଂଗାରା ସାକୁ ତୁରୁଆନା, କି ଦାରାଗାଟି ହିମ୍ବୁରିକା ତଲେ ତାମ୍ବୁ ତାମ୍ବୁ ଅଡି କିହାକତାଆନା, ମାନି ଅଡେ ନେହଁ ବୁଦିତଲେ ଡଣା ଦାରାତି ହିମ୍ବୁରିକା ହୁତାନା,

୧୦ ଦାମ୍ବୁଗାଟି ଇୟାସିକା ରାହାଁ ଅଣ୍ଡୁଟି ନେହଁ କାମାତି ଅଜୁତା ତାମ୍ବୁ ତାମ୍ବୁ ଅଡି କିହା କତାପୁ ।

୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡୁ ତଲେ ଜାପାପୁ ।

୧୨ ନାନୁ ଇୟାସିକାଣି ଜାପୁହାଲି କି ଆବାୟା ମୁହେଁ ସାଲୁଞ୍ଜି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ ।

୧୩ ଏନିକିହଁ ମାହାପୁରୁ ନକେଏ ଆଦମକି ଗାଡିକିଡେସି ଅଡେ ତାୟି ହବାଇ

୧୪ ଅଡେ ଆଦମ ନାଡିକିଞ୍ଜି ଆହା ହିଲାଆଡେସି, ସାମା ଇୟା ନାଡିକିଞ୍ଜି ଆହାନା ମାହାପୁରୁତି ମେରାତି ଦହ ଗାଟାୟି ଆଡେ;

୧୫ ସାମା ଇୟାସିକା ତାମ୍ବୁ ଡଣା କିହାଁ କତାନା ନାମୁତଲେ ଜୀସ୍ତ ନଞ୍ଜିଆହାନା, ସୁଦୁଜୀସ୍ତ ତଲେ ମାଞ୍ଜାନା କକାରି ପଦାଁ ଜାନ କିହାନା ଗେଲପି ଆନୁ ।

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାଡୁ କିନି ପାଣା ବେଗାଆହାଲି ଅଣ୍ଡିମାତିସାରେ, ଏଞ୍ଜାସି ନେହଁ କାମା କିକି ଇଞ୍ଜା ଅଣ୍ଡିନେସି ।

୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣ୍ଡିଏ ତକ୍ତିନି ତକ୍ତା, ଟିକାଣାତାସି, ନେହଁ ଅଣ୍ଡୁ ଗାଟାସି, ପୁନାଆତି ଗତାୟାଣି ସେବା କିନାସି, ଅଡେ ନେହଁ କି ଜାପନାସି ଆନାୟି ମାନେ ।

୩ ଅଡେ କାଡୁ ଗୁହନାସି କି ଗଡହା କିନାସି ଆଆନା, ସୁଦୁ ସୁଞ୍ଜାଲା, କପା ଇଟାଆଗାଟାସି, ଅଡେ ଦନ ଜୁପକା ଗାଟାସି ଆଆୟି ମାନେ,

୪ ଏଞ୍ଜାସି ତାନି ଇଲୁ କୁଟମିତି ନେହଁ କି ସାଲୁଞ୍ଜି କିନାସି, ଅଡେ କକାରି ପଦାଁଣି ତୀରପୁତଲେ ଜାଡୁ କିନାୟିମାନେ ।

୫ ଆମ୍ବାଆସି ତାନି ଇଲୁ କୁଟମିତି ନେହଁ କି ଜାଡୁ କିହାଲି ଆଡଅସି, ଏଞ୍ଜାସି ଏନିକି ମାହାପୁରୁ କୁଲମିତି ଜାଡୁ କିନେସି ?

୬ ଏଝାସି ପୁଃନି ନାମିତାସି ଆଆୟି ମାନେ, ଇଚିହିଁ ଏଚେତା ପାଚେ ନାନୁ କାଜାତେଏଁ ଇଞ୍ଜିଁ ବତପଣ ଆହାନା, ସୟତାନ ତଣ୍ଡ ପାଣ୍ଡନିଲେହେଁ ତଣ୍ଡ ବେଟା ଆନେସି ।

୭ ଅଚେ ଏଝାସି ନାମାଆଗାଟାରି ତାଣ୍ଡାଟି ଜିକେଏ ମାନି ବେଟାଆନାୟି ମାନେ, ଆଆତେଁ ଲାଜା ବେଟାଆହାନା ସୟତାନ ପାନ୍ଦାତା ହେର୍ନେସି ।

**କୁଲମିତି ସାୟେମି କିନାରି**

୮ ଏଲେକିହିଁଏ କୁଲମିତି ସେବା କିନାରି ନେହିଁ ଅଣ୍ଡପୁ ତଲେ ନାମୁତା ତରୁମାନାଣି ଆସାନା ତାରିତଲେ ମାଞ୍ଜାନା ନାଡ଼ି କିନାସି ଆଆପେସି,

୯ କାଡ଼ ଗୁସିହିଁ ତୁୟିନାସି, ଉଜେଏତି ଦନତି ଜୁପକା ଆଆୟି ମାନେ

୧୦ ଏଝାରି ସେବା ପାଣ୍ଡା ପୁଃଆ ନକେଏ ଏଝାରି ତାୟିପାରି କିଞ୍ଜିଆପାରି, ଅଚେ ଏଝାରିତାଣ୍ଡା ଏନି ଦହ ତଞ୍ଜା ଆଆତିହିଁ, କୁଲମିତି ସାୟେମି କିନାରି ଆପେରି ।

୧୧ ଏଲେକିହିଁଏ ଏଝାରି ତକ୍ତିସିକା ଜିକେଏ ନେହିଁ ଗୁଣୁ ଗାଟାକ\* ଆହାନା ସାକ୍ତି ହିଲାଆଗାଟାକ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ କିପୁ ।

୧୨ ସେବା କିନାରି ରଣ୍ଡିଏ ତକ୍ତିତ† ତକ୍ତା ଆପେରି, ଅଚେ ଏଝାସି ତାମି କକାରି ପଦାୟାଣି ଅଚେ ତାମି ଇଲୁ କୁଚମିତି ନେହିଁକିଁ ସାଲଞ୍ଜି କିପେରି ।

୧୩ ଇଚିହିଁ ଆମିନି ଗାଟାରି ନେହିଁକିଁ ସେବା କାମା କିହାମାନେରି, ଏଝାରି କୁଲମିତା ମାନିଗାଟାରି ଇଞ୍ଜିଁ ଝେଜିନେରି ଅଚେ କ୍ରୀସୁ ଜୀସୁ ତାଣ୍ଡା ନାମୁତା ହାରେକା ସାସା ବେଟାଆନେରି ।

**ତରୁମାନି କାଜା କାତା**

୧୪ ଇ ଆକୁ ରାଚିନି ବେଲାତା, ନାନୁ ନୀ ତାଣ୍ଡା ତବେ ଝାହାଲି ଆସା କିହିମାକ୍;

୧୫ ସାମା ନା ଝାନାୟି ଝେଡ଼ା ଆତିହିଁ, ମାହାପୁରୁ ଇଲୁ କୁଚମିତା ଇଚିହିଁ ସାତାତି ମୁଣ୍ଡା ଅଚେ ପୁନାଦି ଲେହେଁ ଜୀଝୁତି ମାହାପୁରୁ କୁଲମିତା, ଏନି ମାଣକିତା ମାନାୟି ମାନେ, ଏଦାଆଁ ନାନୁ ଏନିକିଁ ପୁଞ୍ଜାଲି ଆଡ଼ିଦି, ଇଦାଆଁତାକି ଇ ବାରେ କାତା ନାନୁ ରାଚିମାଞ୍ଜାକ୍ ।

୧୬ ମାହାପୁରୁତି ଦାମ୍ବୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକୁ ଝେକନେରି । ଏଦି ଇଦି,

କ୍ରୀସୁ ମାଣ୍ଡି ଝାଣା ଆହାନା ତଞ୍ଜାଆଚେସି,  
ସୁଦୁଜୀଝୁତା ଦାମ୍ବୁଗାଟାସି ଇଞ୍ଜିଁ ଝେଜିତେସି,  
ଦୂତୁୟାଁ ତଲେ ତଞ୍ଜାଆଚେସି,  
ଏଚକା ଲକୁତାଣା ଝେଜିତେସି,  
ଦାର୍ତତା ନାମୁଗାଟାସି ଆଚେସି,  
ଇଞ୍ଜାଁ ମାହାପୁରୁ ଗାଝୁରମି ତଲେ ଲାକପୁରୁ ଅଞ୍ଜିଆଚେସି ।

**୪**

**ମିତି ଜାପୁନାରି**

୧ ସୁଦୁଜୀଝୁ ତାରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲାତା ଏଚେକା ଲକୁ ଲାଗେଏତି ନାଡ଼ିକିନି ଜାପୁନି ତାଣ୍ଡାଟି କୁଲମିତି ନାମୁତି ହେକ ଆନେରି,

୨ ଏଝାରି ଏଚରଜାଣା ନାଡ଼ିକିନାରି, ଏଝାରି ଅଣ୍ଡପୁ ହାତାୟି,

୩ ଏଝାରି ବୀହା କିନାୟି ଅଚେ ଏନି ଏନି କାଦି ତିନାୟି ଇଞ୍ଜିଁ ନେହେଁ ଆଏ ଇଞ୍ଜିମାନେରି । ସାମା ଆମିନି କ୍ରୀସୁକ୍ ନାମିତି ଲକୁ ସାତାତି ପୁଞ୍ଜାମାନେରି, ଏଝାରି ମାହାପୁରୁ ଗାଡ଼ିକିତି ବାରେ କାଦି ତାକି ଏଝାଣାକ୍ ଜହରା କିହାନା ଏଦି ନେହାୟି ଇଞ୍ଜିଁ ତିଞ୍ଜାଲି ଆଡ଼ିନେରି ।

୪ ଇଚିହିଁ ମାହାପୁରୁ ଗାଡ଼ିକିତି ଆସି ବାରେ ନେହାୟି, ଇଞ୍ଜାଁ ମାହାପୁରୁକ୍ ଜହରା କିତିସାରେ ଏନାୟି ଜିକେଏ ତିନାଆଗାଟାୟି ଆଏ ।

୫ ଏନାଆଁତାକି ଇଚିହିଁ ମାହାପୁରୁତି ବଲୁ ଅଚେ ପ୍ରାତାନା ତଲେ ଏଦାଆଁ ସୁଦୁ କିଞ୍ଜିଆନେ ।

**ଜୀସୁ କ୍ରୀସୁତି ନେହିଁ ସେବା କିନାସି**

୬ ଇ ବାରେ କାତା ମୀରୁ ତାୟି ତାଜିକ୍ ଜାପୁହିସାରେ କ୍ରୀସୁ ଜୀସୁତି ର ନେହିଁ ସେବା କିନାତି ଆପେରି, ଇଞ୍ଜାଁ ମୀରୁ ଆମିନି ନାମୁ ଅଚେ ନେହିଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆପେରି;

୭ ସାମା ଉଜେଏ ଝେହୁନି କାତାୟାଁ ଝେନାଆନି, ମାହାପୁରୁକ୍ ଆଜାନା ନୀତାମାଞ୍ଜାଲି ଜାପାମୁ,

୮ ଇଚିହିଁ ଆଜାତି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁକ୍ ଆଜିନାୟି ଇ କାଲାତା ଅଚେ ଝାହିମାନି କାଲାତି ଜୀଝୁତାକି ମାହାପୁରୁ ଆଞ୍ଜାମାନି ଲାବାଗାଟାୟି ଆନେ ।

୯ ଇ କାତା ନାମିନାୟି ଅଚେ ବାରେ ଲକୁ ଅପିନାୟି ।

୧୦ ଇଦାଆଁ ତାକି ମାର ମନ ହୀହାନା ଝାହୁ ତଲେ ଜୀଝୁ ତୁସାନା କାମା କିହିମାନାୟି, ଏନାଆଁତାକି ଇଚିହିଁ ଆମିନି ଜୀଝୁଗାଟି ମାହାପୁରୁ ବାରେ ମାଣ୍ଡିକ୍ ଇଚିହିଁ ନାମିନାରାକ୍ ଗେଲପିନାସି, ତାନି ତାଣ୍ଡା ମା ବାସୁଁ ମାନେ ।

୧୧ ନାନୁ ଇ ବାରେ କାତା ହୁକୁମି ହୀହାନା ଜାପୁମୁ ।

୧୨ ନୀ ଦାଂଗଣା ବେଲାତି ଆମ୍ବାଆସି ହୀଣି କିୟାଆପେସି, ସାମା ନୀ କାତାତା, ନୀ ଲେସିନି ତାଣ୍ଡା, ନୀ ଜୀଝୁ ନନି ତାଣ୍ଡା, ନୀ ନାମୁତା, ଇଞ୍ଜାଁ ନୀ ସୁଦୁତା, ନାମିନାରାକି ନାନୁ ନେହିଁ ତହୁନାତି ଆମୁ ।

୧୩ ନାନୁ ନୀ ତାଣ୍ଡା ଝାଆ ପାଚେକା ନାନୁ ଦାମ୍ବୁ ପତିକ୍ ପଡ଼ଞ୍ଜି ଆହାନା, ମାହାପୁରୁ କାତା ଝେକମ୍, ଇଞ୍ଜାଁ ଜାପୁନି ତାଣ୍ଡା ମନ ହୀହାନା ମାନାମୁ ।

୧୪ ମାହାପୁରୁ ବଲୁ ଝେକହା ମାଞ୍ଜାନି କୁଲମିତି କାଜାରି ନୀ ତାୟିଁ ତୁା କେସ୍ଲା ଇଟାନା ନିଜେ କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲା କିଆନି ।

\* ୩:୧୧ ଇୟାସିକା ସେବା କିନାକ † ୩:୧୨ ରଣ୍ଡିଏ ବାହା ତକ୍ତି

୧୫ ନୀ ପାତା ଆହିମାନାୟି ଏନିକି ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହାହାନା ଏ ବାରେ କିହେମାନାମୁ ।

୧୬ ନିଜା ତାକି ଅଡ଼େ ନୀ ଜାପୁନାଣି ତାକି ଜାଗ୍ରାତା ଆମୁ, ଇ ବାରେ କାମା କିହିଁ ମାନାମୁ, ଇଚିହିଁ ଏଦାଆଁ କିତିସାରେ ନୀନୁ ନୀ ଗେଲପିନାଣି ଅଡ଼େ ନୀ କାତା ଖେଞ୍ଜି ମାନାରାଇଁ ଜିକେଏ ଗେଲପିତି ।

**୫**

**ନାମିନି ଲକୁତି ଦାୟିପତି**

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ ଆବା ଇଞ୍ଜି ଅଣ୍ଟପାନା ଲେମ୍ବାମୁ; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହ୍ମୁ.

୨ ବୁଡ଼ହିଁ ଇୟାସିକାଣି ତାଲି ଇଞ୍ଜିହିଁ ଅଡ଼େ ଡାଆସିକାଣି ସୁଦୁ ମନତଲେ ତାଙ୍ଗିସ୍ତା ଇଞ୍ଜିହିଁ ଅଣ୍ଟପାନା ଏଲେକି ସିନିକିମୁ ।

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମୁ ।

୪ ସାମା ଆମିନି ରାଣ୍ଡେଣି ଇୟା କି ମୀରକା ମାସକାକି ତାଙ୍ଗା ମୀରକା ମାସକା ମାଟିହିଁ, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକନାୟି ମାନେ, ତାଲି ତାଞ୍ଜିଇଁ ନେହିଁ କିହାଲି ଜାପାପୁ; ଏନିଇଚିହିଁ ଇଦି ମାହାପୁରୁ ନକିତା ନେହାୟି ।

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସୁଁ ଇଗନା ଲାଆଁ ମାଦେନା ବାତିମାଲିହିଁ କାଟଲଏ ପ୍ରାତାନା କିପୁ;

୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତୟିନି ରାଣ୍ଡେଣିସିକା ଏଞ୍ଜି ଜୀଞ୍ଜୁତଲେ ମାଟିହିଁ ଜିକେଏ ହାଡ଼ି ଲେହେଁତାଇ ।

୭ ଏଞ୍ଜି ଏନିକି ଦହ ହିଲାଆଗାଟାଇ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପୁମୁ ।

୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେରଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାଟ୍ରେକା ଲାଗେଏ ଆନେସି ।

୯ ଆମିନି ରାଣ୍ଡେଣି ତାନିକଡ଼ି ବାର୍ଯାଟିଏ ଉଣା ଆଏ, ଅଡ଼େ ରଣ୍ଡିଏ ତକ୍ରାଇଁ ବାହା ଆହାମାନେ, ଏଞ୍ଜାସିକା ଦରୁ ରାଟାମୁ,

୧୦ ଅଡ଼େ ନେହିଁ କାମାତାକି ଖେଙ୍ଗାମାନେ, ଅଡ଼େ ଏଦି ମୀରକା ମାସକାଣି ପହିପାଡ଼ି କିହାନା, ପାଡ଼ିତି ଗତାୟାଣି ସେବା କିହିମାନେ, ମାହାପୁରୁ ଲକୁତି କତାୟାଁ ନରହା ମାନେ, ଦୁକୁ ଗାଟାରାଇଁ ଦୁକୁ ତୁକିହିମାନେ, ଅଡ଼େ ବାରେ ନେହିଁ କାମା କିହାଲି ରାହାଁ ଆହିମାନେ, ଆତିହିଁ ଏଦାନି ଦରୁ ରାଣ୍ଡେଣିସିକା ଆକୁତା ରାସ୍କି ଆପେ ।

୧୧ ସାମା ତାଆ ରାଣ୍ଡେଣିସିକା ଦରୁ ରାଟାଆନି, ଇଚିହିଁ ଏଞ୍ଜି ଆଙ୍ଗାତି ରାହାଁତା ଜୁପକା ଆହାନା କ୍ରୀସ୍ତ ତାଣାଟି ଏଟକା ଆହାନା ବାହା ଆୟାଲି ମନ କିନୁ;

୧୨ ଏଞ୍ଜି ତାମି ତଲିତି ଆଞ୍ଜାମାଟାଣି ମାନି କିହାହିଲାଆକି, ତଣ୍ଡ ଗାଟାଇ ଆନୁ,

୧୩ ଅଡ଼େ ଜିକେଏ ଏଞ୍ଜି ଇଲୁତାକି ଇଲୁ ରେଜିହିଁ ନିସ୍ତା ଆହାଲି ଜାପୁନୁ, ଅଡ଼େ ଖାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ପନିକା, ଅଡ଼େ ସାକ୍ତି ଜଲାଇଁ ଜାପାନା ଉଜେ ଉଜେଏତି ଲଡ଼ାହିଲାଆ କାତାୟାଁ ବାସ୍ ଆନୁ ।

୧୪ ଇଦାଆଁତାକି ନା ଅଣ୍ଟପୁ ତାଆ ରାଣ୍ଡେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟାକି ଏନି ପାରୁ ହାଆପୁ;

୧୫ ଇଚିହିଁ ନୀଏଁ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ ତାଣାଟି ହେକ ଆହାନା ସୟତାନତି କେଟ ହାଜାମାନୁ ।

୧୬ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାଟିହିଁ, ଆତିହିଁ ଏଞ୍ଜି ଏଞ୍ଜାସିକା ଜାଡ଼ନୁ ଅପୁ, ଅଡ଼େ କୁଲମିତାକି ବଦୁ କିଆପୁ, ଏନିକି କୁଲମି ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡ଼ନୁ ଅନେ ।

୧୭ ଆମିନି ପ୍ରାଟିନାଙ୍ଗା କୁଲମିତି ନେହିଁକି କିଆଡ଼ନୁ କିନେରି, ବାରେକିହାଁ ଆମିନି ଗାଟାରି ବଲୁ ଖେକହାଲି, ଅଡ଼େ ଜାପୁହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ ।

୧୮ \*ଦାମୁଁ ପତିତା ରାସ୍କି ଆହାମାନେ, “ନପୁଁନି କଡ଼ି ମୁତିତା କଡ଼ା ଦହଆନି” ଅଡ଼େ “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ ।”

୧୯ ରିଆରି କି ତାନି ଜାଣା ସାକିୟାଁ ହିଲାଆନା ଆମିନି ପ୍ରାଟିନା କପାଟି ଏନି କାତା ଖେସ୍ତାତିହିଁ ଆହୁଆନି ।

୨୦ ଆମିନି ଗାଟାରି ଦହ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକି ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅଡ଼େ କ୍ରୀସ୍ତ ଜୀସ୍ତ ନକିତା ଅଡ଼େ ମାହାପୁରୁ ଆଡ଼ିତି ଦୁତୁୟାଁ ନକିତା ଜାଣେ ହୁକୁମି ହାହିମାଞ୍ଜାଇଁ ନୀନୁ ତଲିତିଲେହେଁ ଆଆନା ଇ ବାରେ ମାନଞ୍ଜି ଆମୁ, ଅଡ଼େ ଆମ୍ବାଆରାଇଁ ପାର୍ଡା କିଆନା ଇ ବାରେ କାମା କିମୁ ।

୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟ୍ଆନି । ଏଟକା ଲକୁତି ପାପୁତା ଜାହାରାଇଁ ଆଟ୍ଆନି । ନୀନୁ ଜାହାରାଇଁ ସୁଦୁ କିହାକତାମୁ ।

୨୩ ନୀ ବାଣ୍ଡି ଆଗିଁ ହିଲାଆକି ଅଡ଼େ ନୀ ଆଙ୍ଗାତା ଅଲେ ଅଲେ ରଗ ଆହିମାନାକି ଖାରଇ ଏୟୁ ଗହୁଆନି ଅଙ୍ଗୁରି ରାସା ଇଟରା ଲାକା ଗହୁମୁ ।

୨୪ ଏଟରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅଡ଼େ ଏଟରଜାଣାତି ପାପୁ ତାୟୁ ତଞ୍ଜାଆନେ ।

୨୫ ଏଲେକିହିଁଏ ସାତା କାମା ତଲିଏ ତଞ୍ଜାଆନେ, ଅଡ଼େ ଏନା ଏନାୟି ତଞ୍ଜା ଆଏ, ଏଦି ତଗୁାନା ତୟାଲି ଆଡେଏ ।

☆ ୫:୧୮ ମାତି ୧୦:୧୦; ଲୁକ ୧୦:୭



୧ ଏମିନି ଲକ୍ଷ୍ମ ହଲିୟାଙ୍ଗା ଜୁକ୍ଷେଡ଼ିତା ହେରୁଖାମାନେରି, ଏଞ୍ଜାରି ତାମି ସାଞ୍ଜୁକାରିୟାକ୍ ନେହ୍ କ୍ ମାନ୍ତି ବେଟାଆନାରି ଇଞ୍ଜି ଅଣ୍ପାପେରି, ଏନିକ୍ ମାହାପୁରୁ ଦରୁ ଅଡ଼େ ଜାପୁନି ତାଣାଟି ନିନ୍ଦା ଆଏ ।

୨ ଅଡ଼େ ଆମିନି ଗାଟାରି ସାଞ୍ଜୁକାରିୟା କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାକ୍ ମା ତାୟି ଇଞ୍ଜି ଅଣ୍ପାପାନା ହାଣି କିଆପେରି, ସାମା ହାରେକା ଜାତୁନୁ ତଲେ ଏଞ୍ଜାରି ସେବା କିପାରି, ଇଚିହ୍ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି ଅଡ଼େ ମା ଜୀଞ୍ଜୁ ନନାରି, ଇ ବାରେ କାତା ଜାପୁହାନା ଖେହ୍ମୁ ।

**ମିତି ଜାପୁନାୟି ଅଡ଼େ ସାତା ଦନ**

୩ ଆମ୍ବାଆସି ଅର ରଲେତି କାତା ଜାପୁହାନା ମା ପୁରୁ ଜୀସୁ କ୍ରୀସ୍ତତି ନେହ୍ ବଲୁ ଅଡ଼େ ମାହାପୁରୁ ଆଜିନି କାତାତି ଜାପୁନାୟି ଆହ୍ ଅସି,

୪ ଆତିହ୍ ଏଞ୍ଜାସି ଲାଗେଏତି ବଡ଼ପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଅଣାକ୍ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲାଆ ଗାଟାରି ଅଡ଼େ ସାତାତି ପିସା ମାନାରି ବିତ୍ତା କାଲେଏ ବାଦିବାଦା ହନେ, ଇଚିହ୍ ମାହାପୁରୁକ୍ ଆଜିନାୟି ଏଡ଼ି ଲାବା ବେଟାଆନି ଜିରୁ ଇଞ୍ଜି ଏଞ୍ଜାରି ଅଣ୍ପିନେରି ।

୬ ମାହାପୁରୁକ୍ ଆଜାନା, ନୀତିନାୟି ନେହ୍ ଆଡ଼ିସାରେ ସାତେଏ ଏଡ଼ି ଲାବାଗାଟାୟି;

୭ ଏନାଆଁତାକି ଇଚିହ୍ ମାର ଦାରୁଡ଼ିତା ଏନାଆଁ ତାତା ହିଲାଆୟି, ଅଡ଼େ ଇ ଦାରୁଡ଼ିତି ଏନାଆଁ ଅହାଲି ଆଡ଼ାଆୟି;

୮ ଇଦାଆଁତାକି ବାଣ୍ଡିତି କାଡ଼ି ଆଙ୍ଗା ତାକି ହିମ୍ବରିକା ମାତିହ୍ ଇଚେକେଏ ସାରି ।

୯ ସାମା ଆମ୍ବାଆରି ଗାତି ବାଡ଼କାଲି ଅଣ୍ପିନେରି, ଏଞ୍ଜାରି ତାୟିପାରି କିନି ତାଣା ଅଡ଼େ ପାନ୍ଦାତା ହେରୁଖାନା, ଅଡ଼େ ବୁଦି ହିଲାଆଗାଟି ନାସାକିନି ଅଣ୍ପିପୁତି ପାନ୍ଦାତା ହେରୁନେରି, ଇ ବାରେ ମାଣ୍ଡିକ୍ ବୁଡ଼ିଆନିଞ୍ଜାକି ଅଡ଼େ ନାସା ଆନିଞ୍ଜାକି ଅନେ ।

୧୦ ଏନାଆଁତାକି ଇଚିହ୍ ଦନତି ଜୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମ୍ବୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।

**ପାଞ୍ଜୁଲତି ରାପୁନି କାତା**

୧୧ ସାମା ଏ ତିମତି ନୀନୁ ର ମାହାପୁରୁ ଲକ୍ଷ୍ମତି, ନୀନୁ ଇ ବାରେ ତାଣାଟି ହେକ ଆହାନା ଦାମ୍ବୁ ଗାଟାତି, ମାହାପୁରୁକ୍ ଆଜିନାୟି, ନାମିନାୟି, ଜୀଞ୍ଜୁନନାୟି, ସାସା, ଅରୁହିନାୟି, ଇ ବାରେ ନେହ୍ ଗୁଣୁତା ତାକାମୁ ।

୧୨ ନାମୁତି ନେହ୍ ଜୁଜୁତା ଜୀଞ୍ଜୁ ତୁସାନା ଜୁଜୁ କିମ୍, କାଲାକାଲାତି ଜୀଞ୍ଜୁ ଆସାନା ଇଟାମୁ; ଏଦାଆଁତାକି ନୀନୁ ହାଟକି ଆହାମାଞ୍ଜି ଅଡ଼େ ହାରେକା ସାକିୟା ନକିତା ନେହ୍ ସାକି ହାହାମାଞ୍ଜି ।

୧୩ ବାରେତି ଜୀଞ୍ଜୁହାନି ମାହାପୁରୁ ନକିତା, ଅଡ଼େ ପଡ଼ିୟ ପିଲାତ ନକିତା ନେହ୍ ସାକି ହାନି କ୍ରୀସ୍ତ ଜୀସୁ ନକିତା ନାନୁ ନିଜେ ହୁକୁମି ହାହିମାଞ୍ଜାକ୍,

୧୪ ନୀନୁ ମା ପୁରୁ ଜୀସୁ କ୍ରୀସ୍ତତି ଖାନି ଦିନା ପାତେକା ଦାମ୍ବୁତି ମେରା ମାନୁଞ୍ଜି ଆହାନା ଏଡ଼ି ପାପୁ ଅଡ଼େ ନିନ୍ଦା ହିଲାଆଗାଟାଟି ଆହ୍ ଡ଼ୟାମୁ ।

୧୫ ଏଞ୍ଜାସି ହାରେକା ନେହ୍ ସି, ରଅସିଏ ବାରେକିହ୍ କାଜା ସାଲୁଞ୍ଜି କିନାସି, ଏଞ୍ଜାସିଏ ରାଜା କିହ୍ ରାଜା ଅଡ଼େ ପୁରୁ କିହ୍ ପୁରୁ,

୧୬ ଏଞ୍ଜାସିଏ ରଅସି ହାଆଗାଟାସି ଅଡ଼େ ମେସାଲି ଆଡ଼ାଆଗାଟି ଉଜେଡ଼ିତା ମାନେସି, ଏତେଲାଞ୍ଜା ଏଞ୍ଜାଣାକ୍ ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତୀରିକିତି ଦିନାତା ଏଦାଆଁ ତହୁନେସି; କାଲାକାଲାତାକି ତାମି ସାମୁ ମି ଅଡ଼େ କାଜାପାଣା ତଞ୍ଜା ଆପେ । ଆମେନ ।

୧୭ ଆମିନି ଗାଟାରି ଇ ଜୁଗୁତା ବାଡ଼କିତାରି, ଏଞ୍ଜାରି ଏନିକ୍ ଆଲାରା ଆଅରି ଅଡ଼େ କାଲେଏ ଡ଼ୟାଆ ଦନ ଲାକ ବାସୁ ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁ ଇଚିନେରି,

୧୮ ଅଡ଼େ ଏଟକା ଲକ୍ଷ୍ମତି ସାୟେମି କିହାନା ନେହ୍ କାମା ତଲେ ବାଡ଼କୁ ଗାଟାରି ଆନେରି ଅଡ଼େ କେୟୁ ଦେତାନା ଅଡ଼େ ରାହ୍ ଡ଼ାନ୍ଦା ହାହାଲି ଅଣ୍ପିନେରି, ଏଦାଆଁତାକି ଏଞ୍ଜାରାକ୍ ହୁକୁମି ହାମୁ;

୧୯ ଇଲେ କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହ୍ ପୁନାଦି କିହାମାନେରି, ଏନିକ୍ ଏଞ୍ଜାରି ସାତା ଜୀଞ୍ଜୁ ବେଟାଆନେରି ।

୨୦ ଏ ତିମତି, ନିଜେ ଏନା ଏନାୟି ହୀପକି ଆହାମାଞ୍ଜାନେ, ଏଦାଆଁ ଜାତୁନୁ କିହ୍ ଇଟାମୁ; ଉଜେଏତି କାତାୟି ଅଡ଼େ ସାତା କାତାତି ବୁଦିତାଣି ବାସ୍ ଆନାରି ତାଣାଟି ହେକ ଆମୁ;

୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନୁଞ୍ଜି ଆଆନା ନାମୁତି ଜିରୁ ବାଣା ଆହାମାନେରି । କାର୍ମାମେହ୍ ନାୟି ନୀ ତଲେ ମାଣ୍ଡିମେ ।

# ତୀମଥ୍ୟ ନିକଟକୁ ପାଉଲଙ୍କ ଦ୍ରୀତିୟ ପତ୍ର

## ତିମତି ତାଣା ପାଞ୍ଚଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଞ୍ଚଲ ତାଣାଟି ତାନି ସୀସୁ ତିମତି ତାଣା ରାଚାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଚଲଟି ବାରେତି କିହାଁ ତାୟୁ ରାଚିତି ଆକୁ । ଇଦି ପାଞ୍ଚଲଟି ଜୀଞ୍ଜୁ ରାନ୍ତି ବେଲାତା ରାସ୍ତି ଆହାମାଣ୍ଡିନେ । ଏତିବେଲାତା ଏଞ୍ଜାସି ରମ୍ ଗାଡ଼ାତି କାୟିଦି ଇଲୁତା ମାରେସି ୧:୧୭ ପାଞ୍ଚଲ ତିମତି ତଲେ ହାରେକା ଜାରୁ ମାରେ, ଅଡ଼େ ବାରେବେଲା ଏଞ୍ଜାଣାଙ୍କ ମୀରଏଣା ଲେହେଁ ରାଚିମାନେସି ପିଲିପି ୨:୨୨; ୧ତିମ ୧:୨; ୧:୧୮ ।

ଇଦି ପାଞ୍ଚଲ ରାଚାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିକି ରାଚିମାନେସି । ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଚିତି ବେଲାତା ରମ୍ ଗାଡ଼ାତା ସାଲୁଞ୍ଜି କିନାରି ହାରେକା ସାସ୍ତି ହାହିମାରେରି । ଇଲେତି ସାସ୍ତି ଆହିମାଚାକି ପାଞ୍ଚଲ କାୟିଦିତା ତୟାମାରେସି । ମୂଲୁତି ଆକୁ ଲେହେଁ ପାଞ୍ଚଲ ତିମତିଙ୍କ ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଖେସିମାନେସି । ୧ତିମ ୧:୧୭-୧୮ ପାଞ୍ଚଲ ତିମତିଙ୍କ ଏଲେଇଞ୍ଜି ମାନେସି ତାୟୁ ହାରେକା କସ୍ତି ଦିନା ମାନେ ୩:୧ ।

### ପତିତା ମାନାୟି

- ୧. ପାଞ୍ଚଲ ତିମତିଙ୍କ ଜହରା କିହାନା ମାଟ୍ନାୟି ଅଡ଼େ ଏଞ୍ଜାଣାଙ୍କ ସାସା ହାନାୟି । ୧:୧-୧୮
- ୨. ପାଞ୍ଚଲ ତିମତିଙ୍କ କସ୍ତି ଅର୍ହାଲି ସାସା ହାହିମାନେସି । ୨:୧-୧୩
- ୩. ତିମତିଙ୍କ ଏଚେକା କାତା ଖେହ୍ନାୟି । ୨:୧୪-୨୭
- ୪. ରାନ୍ତି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାଚି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଞ୍ଚଲ ତିମତିଙ୍କ ଏଚେକା ଅଣ୍ଡୁତି କାତା ଖେସାନା ଆକୁତି ରାପ୍ନାୟି । ୪:୯-୨୨

୧ ନାନୁ ପାଞ୍ଚଲ, କ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣ୍ଡୁ ତଲେ କ୍ରୀସ୍ତ ଜୀସୁତି ର ପାଣ୍ଡୁଞ୍ଜି ଆହାମାନାତେର୍ସ ।

୨ \*ତିମତି, ନା ଜୀଞ୍ଜୁତି ମୀରଏଣାଟି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀଞ୍ଜୁ ନିଜେତାକି ଆୟାପେ ।

ମାହାପୁରୁଙ୍କ ଜହରା ଅଡ଼େ ବାର୍ସୁ ହାନାୟି

\* ୧:୨ କାମା ୧୭:୧ \* ୧:୫ କାମା ୧୭:୧ \* ୧:୧୧ ୧ତିମ ୨:୭

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଣ୍ଡୁ ତଲେ ମାହାପୁରୁଙ୍କ ସେବା କିହିମାଙ୍କ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଚାହାଁ ମାହାପୁରୁଙ୍କ ଜହରା କିହିମାଙ୍କ;

୪ ଏନିକ୍ ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଣ୍ଡୁପାନା ନିଜେ ମେସାଲି ତାକି ହାରେକା ମନ କିହିମାଙ୍କ;

୫ \*ଇଚିହ୍ ଆମିନି କୁରୁ ହିଲାଆଗାଟି ନାମ୍, ମୀ ବାୟି ଲାୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାରେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହ୍ ନା ହାରେକା ନାମ୍, ନୀ କୁରୁ ହିଲାଆ ନାମୁତି କାତା ନାନୁ କାରୁ ବେଟାଆହାମାଙ୍କ ।

୬ ନାନୁ ନୀ ଲାକ କେୟୁ ଇଟାତି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ୁ କିହାଁ ଇଟାଲି ନାନୁ ନିଜେ ଅଣ୍ଡୁ କିହିମାଞ୍ଜାଙ୍କ ।

୭ ଇଚିହ୍ ମାହାପୁରୁ ମାଜେ ଆଜିନି ଜୀଞ୍ଜୁ ହାହାମାଞ୍ଜଅସି, ସାମା ବାଡ଼ୁୟୁ, ଜୀଞ୍ଜୁ ନନାଣି, ଅଡ଼େ ନେହ୍ ଅଣ୍ଡୁ କିନି ଜୀଞ୍ଜୁ ହାହାମାଞ୍ଜାନେସି ।

୮ ଏଦାଆଁତାକି ମାର ପ୍ରୁ କାତାତା ସାକି ହାହାଲି ଅଡ଼େ ନାନୁ ପ୍ରୁତି ତାକି କାୟିଦି ଇଲୁତା ଦସ୍ତି ଆହାମାଙ୍କ ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁୟୁ ତଲେ ନେହ୍ କାରୁ ଖେକହାଲି ବେଟାଆହାମାନି କସ୍ତି ସହଞ୍ଜି ଆମ୍ ।

୯ ଏଞ୍ଜାସି ମାଜେ ଗେଲ୍ପା ମାଞ୍ଜାନେସି, ଅଡ଼େ ନା ନେହ୍ ଲକୁତେରି ଇଞ୍ଜିହ୍ ହାଚାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜଅସି, ସାମା ତାନି ଅଣ୍ଡୁ ତଲେ ତାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲା ନକେଏ କ୍ରୀସ୍ତ ଜୀସୁ ତାଣାଟି ମାଜେ ହାଞ୍ଜି ଆହାମାରେ,

୧୦ ସାମା ନୀର୍ସ ମା ଗେଲ୍ପାନି କ୍ରୀସ୍ତ ଜୀସୁ ଦାର୍ଡିତା ଖାହାମାନାକି ମାଜେ ତସାମାଞ୍ଜାନେସି; ଏଞ୍ଜାସି ହାକିତି ମ୍ଲେକହା ମାନେସି; ଅଡ଼େ ତାନି ନେହ୍ କାରୁତଲେ ଜୀଞ୍ଜୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି ।

୧୧ \*ଇ ନେହ୍ କାରୁ ଖେକହାନା ତେଲ୍‌ହିକିହାଲି ମାହାପୁରୁ ନାଜେ ର ପାଣ୍ଡୁଞ୍ଜିଆଡ଼ି ସୀସୁ ଇଞ୍ଜା ଜାପ୍ନାସି ଲେହେଁ ହେରପା ମାଞ୍ଜାନେସି ।

୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଙ୍କ; ଆଡ଼ିକିକେଏ ନାନୁ ଆଜା ହିଲଅଁ, ଇଚିହ୍ ନାନୁ ଆମ୍ବାଆରି ତାଣା ନାମାମାଙ୍କ, ଏଞ୍ଜାଣାଙ୍କ ପୁଞ୍ଜାମାଙ୍କ, ଅଡ଼େ ନାନୁ ତାନି କେୟୁତା ଏନାଆଁ ହେରପାମାଙ୍କ, ବିଚାରା ଦିନା ଖାନ୍ତି ପାତେକା ଏଦାଆଁ ଏଞ୍ଜାସି ଜାଡ଼ୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀରପୁତଲେ ନାମିମାଙ୍କ ।

୧୩ ନା ତାଣାଟି ଆମିନି ନେହ୍ ବଲୁ ଖେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣାଟି ନାମ୍ ଇଞ୍ଜା ଜୀଞ୍ଜୁ ନନାଣି ଏଦାଆଁ ନେହ୍ କ ଆସା ମାନାମ୍ ।

୧୪ ଆମିନି ନେହଁ କାତାତି ଦାୟିପତି ମିଙ୍ଗେ ହାପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀଞ୍ଜୁତି ବାଡ଼ୁରୁ ତଲେ ଏ ବାରେତି ଜାଡ଼ୁ କିହା ଇଟାମୁ ।

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା ତଲେ ଆସିୟାତି ବାରେ ଲକୁ ନାଙ୍ଗେ ପିସା ମାଞ୍ଜାନେରି ।

୧୬ ଅନିସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇତିହଁ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ତୁକହାତେରି, ଇତିହଁ ନାନୁ କାୟିଦି ଇଲୁତା ମାତିହଁ ଜିକେଏ ଲାଜା ଆହାହିଲଅରି,

୧୭ ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଙ୍ଗେ ପାରାନା ନା ତାଣା ଖାଡ଼େସି,

୧୮ ରାନ୍ତି ଦିନାତା ଏନିକଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକଁ ମାହାପୁରୁ ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟ ଗାଡ଼ାତା ନାଙ୍ଗେ ଏନିକଁ ସେବା କିହାମାଞ୍ଜାନେସି, ଏଦାଆଁ ନାନୁ ନେହଁକଁ ପୁଞ୍ଜାମାଞ୍ଜି ।

୨

କ୍ରୀସ୍ତ ଜୀସୁତି ନେହଁ ଜୁଜୁ କିନାସି

୧ ଏଦାଆଁତାକି ଏ ନା ଜୀଞ୍ଜୁତି ମୀରଏଣାତି, କ୍ରୀସ୍ତ ଜୀସୁତଲେ ଆଣ୍ଡିତାକି ତାନି କାର୍ମାମେହ୍ନି ତାଣାଟି ଆମିନି ବାଡ଼ୁରୁ ମେଡ଼ା ଆନେ ଏମ୍ବାଆଁ ମୀରୁ ବାଡ଼ୁରୁ ଗାଟାତେରି ଆନୁ,

୨ ଅଡ଼େ ହାରେକା ସାକିୟାଁ ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟକା ଲକୁଣି ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ ବାରେ ହେରପାମୁ ।

୩ ନାନୁ କ୍ରୀସ୍ତ ଜୀସୁତି ର ନେହଁ ଜୁଜୁ କିନାତି ଲେହେଁ ଏଞ୍ଜାଣି ତାକି କସ୍ତ ଅରହାମୁ ।

୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରତିତି ଏଟକା କାମାତା ହେରପି ଆଅସି, ଏନିକଁ ଏଞ୍ଜାସି ତାନି ମୁହେତି କାଜାଣାକଁ ରାହାଁ କିନେସି ।

୫ ଅଡ଼େ ଆମ୍ବାଆସି କାହୁ ତାକି ବାଡ଼ହାରା ଆନେସି, ଏଞ୍ଜାସି ମେରା ତଲେ କାହାଆସାରେ ଜୀଣା ଆଅସି ।

୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଞ୍ଜାସି କାମାତି ମୁଲୁତି ବାଗା ବେଟାଆନାୟି ମାନେ ।

୭ ନାନୁ ଏନାଆଁ ଖେସିମାଞ୍ଜାକଁ, ଏଦାଆଁ ଅଣ୍ଡପାମୁ; ଇତିହଁ ପ୍ରବୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି ।

୮ ନା ତାଣାଟି ଖେସପିଆହାମାନି ନେହଁ କାବୁ ଲେହେଁ ହାଡ଼ାରି ତାଣାଟି ନିଙ୍ଗିତାଣି ଅଡ଼େ ଦାଞ୍ଜୁଦ କୁଡ଼ାତା ଜାର୍ନା ଆହାମାନି ଜୀସୁ କ୍ରୀସ୍ତକଁ ଅଣ୍ଡପାମୁ ।

୯ ଇ ନେହଁ କାବୁତାକି ନାନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସପିଆନି ପାତେକା କସ୍ତ ବେଟା ଆହିମାକଁ; ସାମା ମାହାପୁରୁତି ବଲୁ ଦସପି ଆହା ହିଲେଏ ।

୧୦ ଇଦାଆଁତାକି ମାହାପୁରୁ ଆଟାମାନି ଲକୁ ଜିକେଏ ଏନିକଁ କାଲାକାଲାତି ଗାଞ୍ଜୁରମି ତଲେ କ୍ରୀସ୍ତ ଜୀସୁ

ହାହାମାନି ଗେଲପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି ଇ ବାରେ ସାସାତଲେ କସ୍ତ ଅରହିମାକଁ ।

୧୧ ଇ କାତା ସାତା  
“ମାର କ୍ରୀସ୍ତ ତଲେ ହାହାମାନାୟି,  
ଅଡ଼େ ଏଞ୍ଜାଣିତଲେ ଜିକେଏ ନୀତିନାୟି;

୧୨ ଅଡ଼େ ମାର ସାସାଆସାଁ କସ୍ତ ଅରହିନାୟି,  
ଆତିହଁ ଏଞ୍ଜାଣିତଲେ ଜିକେଏ ସାଲୁଞ୍ଜି କିନାୟି;

ମାର ଏଞ୍ଜାଣାକଁ ପୁଞ୍ଜାହିଲଅମି ଇନାୟି,  
ଆତିହଁ ଏଞ୍ଜାସି ଜିକେଏ ମାଙ୍ଗେ ପୁଞ୍ଜାହିଲଅଁ  
ଇଞ୍ଜାନେସି;

୧୩ ଏଡ଼େତା ମାର ନାମାଆ ଗାଟାତାୟି ଆନାୟି,  
ଆଡ଼ିଜିକେଏ ଏଞ୍ଜାସି ବାରେଡ଼େଲା ଟିକାଣାତାସି,  
ଇତିହଁ ଏଞ୍ଜାସି ଜାହାରାକଁ ଆଏ ଇଞ୍ଜାଲି ଆଡ଼ଅସି  
।”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାରାକଁ ଇ ବାରେ କାତା ମାହାପୁରୁ ଅଣ୍ଡପି କିମୁ, ସାସ୍ତେରିତି କାତା ଉଜେଏ ବାଡ଼ିବାଦା ଆନି ତାଣାଟି ଜାଗ୍ରାତା କିମୁ, ଇଲେତି ବାଡ଼ିବାଦା ଆମ୍ବାଆରାକଁ ନେହଁ କିଏ, ସାମା ଆମ୍ବାଆରି ଏମ୍ବାଆଁ ମନ ହାନେରି ଏଞ୍ଜାରି ନାସା ଆନେରି ।

୧୫ ସାତା ବଲୁ ଟିକାଣା ତଲେ ଲେମ୍ବାନା, ଆମିନି କାମାକିନାସି କାମାତା ଏନିକଁ ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାକଁ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାଡ଼ୁ କିମୁ ।

୧୬ ସାମା ଲାଗେଏତି ଉଜେଏତି କାତାୟାଁ ବାସଁ ଆନି ତାଣାଟି ହେକ ଡ଼ୟାଦୁ; ଇତିହଁ ଆମ୍ବାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି,

୧୭ ଅଡ଼େ ଏଞ୍ଜାରି କାତା ସୀରନି ଗାହାଁ ଲେହେଁତାୟି; ଏଞ୍ଜାରି ବିତ୍ରାଟି ହୁମନାୟ, ଅଡ଼େ ପିଲିତ, ଇ ରିଆରି ମାନେରି ।

୧୮ ଏଞ୍ଜାରି ହାହାନା ଖେଣ୍ଡେ ନିଙ୍ଗିତାୟିଏ ଇଞ୍ଜାଁ ସାତାତି ପିସାମାନେରି, ଅଡ଼େ ଏଚରଜାଣାତି ତାନି ନାମୁତି ତୀରି ମୁପୁହି ମାନେରି ।

୧୯ ଆଡ଼ିଜିକେଏ, ମାହାପୁରୁ କେପିତି ପୁନାଦି ଆଟ୍ଟା ଆହାନା ଡ଼ୟାମାନେ, ଅଡ଼େ ଏ ଖାଲିତା ଇ ବୁଟୁ ମୁଦ୍ରା ଆହାମାନେ, “ପ୍ରବୁ ତାନି ଲକୁଣି ପୁଞ୍ଜାମାନେସି” ଅଡ଼େ, “ଆମ୍ବାଆସି ପ୍ରବୁତି ଦରୁ ଆହନାସି, ଏଞ୍ଜାସି ଲାଗେଏ ତାଣାଟି ହେକ ମାଣ୍ଡେସି ।”

୨୦ ର କାଜା ଇଜ ଖାରଇ ବାଂଗାରା ଖେଣ୍ଡିତି ଡ଼କା ମାଣ୍ଡି ମାନୁ, ଏଚେକା ଆଏ, ଅଡ଼େ ମାରକା ଇଞ୍ଜାଁ ଇରଥାତି ଡ଼କା ମାଣ୍ଡି ଜିକେଏ ମାନୁ; କଚେକା ଡ଼କା ମାଣ୍ଡି କାଜା କାଜା କାମାତାକି ମାନୁ, ଅଡ଼େ କଚେକା ଉଜେଏ ଦିନା ଲେମ୍ବାଲି ତାକି ମାନୁ ।

୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାକଁ ଅଟହା କଡ଼ିନେସି, ଏଞ୍ଜାସି ହେରପି ଆହାନା, ସାଞ୍ଜୁକାରି



କାମାତା ପାତ୍ରାଆନେସି, ଏଞ୍ଜାସି ବାରେ ନେହଁ କାମାତାକି ଆଚା ଇଟାମାନି ମାନିଗାଟି ତ୍ତକା ମାଣ୍ଡି ଲେହେଁ ଆନେସି ।

୨୭ ସାମା ନୀନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟାଁ ତଲେ ପ୍ରବୁ ତାଣା ପ୍ରାତାନା କିନେରି, ଏଞ୍ଜାରିତଲେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡେ ହିଡ଼ଡ଼ି ଜୀଞ୍ଜୁ ଜେତ ହାଲାମ୍ବୁ ।

୨୮ ବୁଦି ହିଲାଆ ମୁକୁଁ ଗାଟାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ ।

୨୯ ମାହାପୁରୁତି ହିଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାତି ହିଡ଼ଡ଼ି ହାଡ଼ା ଜାପ୍ପନାସି, ଅଡେ ଅରୁହିନାସି ଇଞ୍ଜାଁ ମା କପାଟି ନିଜିନି ଲକୁଣି ହିଡ଼ଡ଼ି ହାଡ଼ାତଲେ ଜାପ୍ପନାସି ଆନାୟି ମାନେ,

୩୦ ଅଡେ ଗଡ଼ହା ଗାଟାରାଇଁ ସୁଦୁ ସୁଞ୍ଜାଲା ତଲେ ଲେମ୍ବିନାସି ଆନାୟି ମାନେ, ଆତିହଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ ଖେଟ୍ଟନି ଅଣ୍ଡପୁ ହାନେସି,

୩୧ ଅଡେ, ଆମିନି ସୟତାନ ଏଞ୍ଜାରାଇଁ ତାନି ଅଣ୍ଡପୁ ତଲେ କିହାଲି ଦସପାମାନେ, ଏମ୍ବାଟି ଏଞ୍ଜାରି ସେଡ଼ନା ଆହାନା ଏ ପାନ୍ଦାଟି ଗେଲପି ଆନେରି ।

### ୩

#### ରାନ୍ତି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନି ଦିନା ଖାନେ;

୨ ଇତିହଁ ଲକୁ ତାମ୍ବୁଜାହାରାଇଁ ଅଣ୍ଡପା କଡିନେରି, ଦନ ଜୁପକା, ଜୀଞ୍ଜୁତା ବଡପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି,

୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁଞ୍ଜି ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁୟୁ ତସାନା ଆଜି କିନାରି, ନେହଁ କାତାତି ଅପାଆଗାଟାରି ଆନେରି;

୪ ଅଡେ ଏଞ୍ଜାରି ହାରୁ ଦାଃଆନାରି, ତାୟୁ ଏସକି ଅଣ୍ଡପାଆ ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଞ୍ଜୁ ନନାରି ଆଆନା ଦାରୁତିତି ରାହାଁତି ଜୀଞ୍ଜୁ ନନାରି ଆନେରି;

୫ ଏଞ୍ଜାରି ମାହାପୁରୁତି ଆଜିନି ମେରା ଆହୁନେରି ସାମା ଏମ୍ବାଟି ବାଡ଼ୁୟୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମ୍ବୁ ।

୬ ଇତିହଁ ଇଞ୍ଜାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା ହଡ଼ିହଁ ପାପୁତି ବଜୁତା ଅଡେ ତାନି ମନତି ଜୁପକା ଗାଟି ଅଣ୍ଡପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାନି ତାଣା ଇଟିନେରି;

୭ ଇ ଇୟାସିକା କାଲେଏ ଜାପିମାଟି ଜିକେଏ, ଏତେଲା ସାତାତି ପୁଞ୍ଜାଲି ଆଡ଼ାତ ।

୮ ଏନିକଁ ଜନିସି ଅଡେ ଜାମ୍ବିସ୍ ମସା କପାଟି ନିଜାମାଟେରି, ଏଲେକିହଁ ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟୁଁ ଲାଗେଏ ଆହାମାନେ ଅଡେ ଏଞ୍ଜାରି ଦାମ୍ବୁତି ନାମ୍ବୁ ଉଜେଏ ଆହାମାନେ ।

୯ ସାମା ଏଞ୍ଜାରି ଅଡେ ହାରେକା ଆଗାଡ଼ା ହାଲଅରି; ଇତିହଁ ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଞ୍ଜାଁ ର ଦିନା ବାରେଜାଣା ପୁନେରି, ଜନିସି ଅଡେ ଜାମ୍ବିସ୍ ଜୀଞ୍ଜୁତା ଏନାୟି ଗଟଞ୍ଜି ଆହାମାଟେ, ଏଞ୍ଜାରି ଜୀଞ୍ଜୁତା ଏଦିଏ ଆନେ ।

#### ରାନ୍ତିବେଲାତି କାତା

୧୦ ସାମା ନୀନୁ ନା ଜାପ୍ପନାଣି, ମାଣକି, ନା ଅଣ୍ଡପୁ, ନା ନାମ୍ବୁ, କସ୍ତୁ ଅରୁହିନାଣି, ଜୀଞ୍ଜୁ ନନାଣି, ଅରୁହିନାୟି,

୧୧ ସାସ୍ତି ବେଟା ଆଡ଼ାଣି, ଦୁକୁ କସ୍ତୁ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆଡ଼ିୟକିୟା, ଇକନିୟ, ଅଡେ ଲୁସ୍ତାତା, ନା ତାକି ଏଲେକିହଁ ଏ ନିନ୍ଦା କସ୍ତୁ ଆହାମାଟେ; ଏଦାଆଁ ନୀନୁ ଅରୁହା ମାଟେଏଁ, ଅଡେ ପ୍ରବୁ ନାଙ୍ଗେ ଏ ବାରେଟି ଗେଲପା ମାଞ୍ଜାତେସି ।

୧୨ ସାତେଏ ଆମିନି ଗାଟାରି କ୍ରୀସ୍ତ ଜୀସ୍ତୁ ତାଣାଟି ଦାମ୍ବୁ ଜୀଞ୍ଜୁ ନୀତାଲି ଅଣ୍ଡପିନେରି, ଏଞ୍ଜାରି ନିନ୍ଦା ବେଟାଆନେରି ।

୧୩ ସାମା ଲାଗେଏତି କାମାକିନାରି ଅଡେ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି ।

୧୪ ସାମା ନୀନୁ ଏନା ଏନାଆଁ ଜାପାମାଞ୍ଜି, ଅଡେ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମ୍ବୁ, ଇତିହଁ ନୀନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି;

୧୫ ଅଡେ ଆମିନି ଦାମ୍ବୁ ସାସ୍ତିରି କ୍ରୀସ୍ତ ଜୀସ୍ତୁ ତାଣା ନାମ୍ବୁଟି ନିଙ୍ଗେ ଗେଲପିକିନି ବୁଦି ହିୟାଲି ଆଡ଼ାନେ, ଏଦାଆଁ ନୀନୁ ଉଣା ଖେଡ଼ାଟିଏ ପୁଞ୍ଜାମାଞ୍ଜି ।

୧୬ ବାରେ ଦାମ୍ବୁ ସାସ୍ତିରିତା ରାସ୍ତକି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡେ ଜାପ୍ପନାୟି, ଲାଗିନାୟି, ତୀରିକିନାୟି, ଅଡେ ଦାମ୍ବୁତା ନୀତାଲି ସାୟେମି କିନାୟି,

୧୭ ଏନିକଁ ମାହାପୁରୁତି ଲକୁ ତୀରପୁ ଆହାନା ବାରେ ନେହଁ କାମାତା ଜଟେ ଗାଟାରି ଆନେରି ।

### ୪

୧ ନୀନୁ ମାହାପୁରୁ ନକ୍ତିତା, ଅଡେ ଆମିନି କ୍ରୀସ୍ତ ହାଡ଼ାରାଇଁ ଇଞ୍ଜାଁ ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଖେଣ୍ଡେ ଖାନାଣି ଅଡେ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ,

୨ ମାହାପୁରୁ ବଲୁ ଖେକମ୍ବୁ, ନେହଁ ବେଲାତା କି ଲାଗେଏତି ବେଲାତା ବଲୁ ଖେକହାଲି ତିୟାରା ଆହା ମାନାମ୍ବୁ, ନୀନୁ ବାରେ କସ୍ତୁ ଅରୁହାନା ଜାପ୍ପିହଁ ଲାଗାମ୍ବୁ, ଅଡେ ଦାକା ହାହାନା ସାସା ବାସ୍ତୁ ହାମ୍ବୁ ।

୩ ଇତିହଁ ଦିନା ଖାନେ, ଏଟିବେଲା ଲକୁ ନେହଁ ଜାପ୍ପନାଣି ଖେଞ୍ଜାଲି ଅପଅରି, ସାମା ତାନି କୀକା ତାକି

\* ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

ସୁଦୁ ସୁଖାଲା ହାଡ଼ା ଖେଞ୍ଜାଲି ମନ ହୀନେରି ଇଞ୍ଜା କାତା  
ଜୁପକାତାକି ଲାଗେଏତାଣି ଜାପୁନାରାଇଁ କୃତି କିନେରି ।

୪ ଅଡ଼େ ସାତା କାତାତି ଖେଞ୍ଜାଲି କୂହାନା ଅଣ୍ଠାପାନା  
ଖେହ୍ନି ପୁସ୍ପଦିକାଣି ମନ ହୀନେରି ।

୫ ସାମା ନାନୁ ବାରେ ତାଣା ସେଡ଼ନା ଆମ୍ବୁ, କସ୍ତୁତି  
ଅରହାମ୍ବୁ, ମାହାପୁରୁତି ନେହଁ କାରୁ ଖେକ୍ମୁ କାମା ପୁରା  
କିମ୍ବୁ ଅଡ଼େ ନୀ ସେବା କାମା ରାପ୍ମୁ ।

୬ ଇଚିହଁ ନୀର୍ବି ଜିକେଏ ନା ଜୀଝୁ ଗସାଲି ତାକି  
ଝାକ୍‌ହିମାନି ଲେହେଁ ହେରପି ଆହିମାନେ, ନା ହାନ୍ତି ଦିନା  
ଏଗାଝାଡ଼େୟିଏ ।

୭ ନାନୁ ନେହଁ ଜୁଜୁତା ଜୀଝୁ ତୁସାନା ଜୁଜୁ କିହିମାଇଁ,  
ନାଞ୍ଜେତାକି କେପାମାନି ପାହେରି ରାଝେତାକି ହଟାମାଇଁ,  
ନାନୁ ନାମୁତି ଜାଣେ ଆସାମାଇଁ;

୮ ନାଞ୍ଜେତାକି ଦାମ୍ବୁତି ଚପେରି ଇଚ୍ଚି ଆହାମାନେ,  
ଏଦାଆଁ ଏ କାଜା ନୀହାଁୟି ଦିନାତା ନୀହାଁୟି କିନି ପ୍ରବୁ  
ନାଞ୍ଜେ ହିୟାନେସି, ଝାରଇ ନାଞ୍ଜେ ଆଏ, ତାନି ଖେଶ୍ଟା  
ଝାନାଣି ନେହଁ ମନତଲେ କାଟାମାନି ବାରେଜାଣା ତାକି  
ଜୀଝୁନହାଁନା ହୀନେସି ।

**ତାନି କାତା ଖେହ୍ନାୟି**

୯ ତବେ ନା ତାଣା ଝାହାଲି ଜାଗ୍ରାତା ଆମ୍ବୁ;

୧୦ \*ଇଚିହଁ ଦିମା ନାଞ୍ଜେ ପିସାହାଁ ନୀର୍ବିତି ଦାରୁତିତି  
ଜୀଝୁନହାଁନା ତେସଲନିକିତା ହାଜାମାନେସି, କ୍ରେସକେନସ୍  
ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି  
।

୧୧ \*ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ  
ନୀ ତଲେ ତାଚିହଁ ଝାମ୍ବୁ, ଇଚିହଁ ନା ସେବା କାମାତା  
ସାଠେମି କିୟାନେସି ।

୧୨ \*ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ ।

୧୩ \*ତୁୟାତା କାର୍ପ ତାଣା ଆମିନି ଉସମି ସକା ପିସା  
ଝାହାମାଇଁ, ନାନୁ ଝାନାଟି ସକା ଅଡ଼େ ପତିୟାଁ ବାରେକିହାଁ  
ତଲୁ ପତିୟାଁ ତାଚିହଁ ଝାମ୍ବୁ ।

୧୪ \*ପିତାତା ବେବାରାଗାଟି ଆଲେକ୍‌ଜାଣ୍ଡାର ନାଞ୍ଜେ  
ହାରେକା କସ୍ତୁ ହୀହାମାଞ୍ଜାନେସି; ପ୍ରବୁ ଏଝାଣାଇଁ ତାନୁ କିତି  
କାମା ଲେହେଁ ପାଡ଼େୟି ହୀନେସି;

୧୫ ନାନୁ ଜିକେଏ ଏଝାଣି ତାଣାଟି ଜାଗ୍ରାତା ଆହା ମାନାମ୍ବୁ,  
ଇଚିହଁ ଏଝାସି ମାର ଖେକ୍‌ନି କାତା କପାଟି ନିଞ୍ଜାନା କାହିଁ  
କିହିମାଞ୍ଜାତେସି ।

୧୬ ତଲି ମୂଲୁ ନାଞ୍ଜେ ନୀହାଁୟି କିୟାତାଟି ଆମ୍ବାଆରି ନା  
ଝାକିଟି ଆଆଡେରି, ସାମା ବାରେଜାଣା ନାଞ୍ଜେ ପିସ୍ତାଡେରି,  
ଏଦାଆଁ ମାହାପୁରୁ ଏଝାରି କପାଟି ଦହ୍ କିଆପେସି ।

୧୭ ସାମା ପ୍ରବୁ ନା ତଲେ ମାଞ୍ଜାନା ନାଞ୍ଜେ  
ବାଡ଼ୁ କିୟାତେସି, ଅଡ଼େ ନାନୁ ସିହଁକ୍ଷାଠନି ଗୁତିଟି  
ଗେଲ୍‌ପିଆଡେଏଁ, ଏନିକଁ ନା ତାଣାଟି ନେହଁ କାରୁ

ବାରେ ତାଣା ଖେଞ୍ଜାନେ ଅଡ଼େ ଜୀହୁଦିଆଆତି ଲକୁ  
ବାରେଜାଣା ଏଦାଆଁ ଖେଞ୍ଜାଲି ଆଡିନେରି;

୧୮ ପ୍ରବୁ ନାଞ୍ଜେ ବାରେ ଲାଗେଏ କାମାଟି ଗେଲ୍‌ପାନେସି,  
ଅଡ଼େ ନାଞ୍ଜେ ଗେଲ୍‌ପାନା ତାନି ଲାକପୁରୁ ରାଜିତା  
ଅୟାନେସି; ଏଝାଣି ଗାଝୁରମି କାଲାକାଲା ତାକି ଆଡେ !  
ଆମେନ୍ ।

**ରାନ୍‌ବେଲାତି ଜହରା**

୧୯ \*ପ୍ରିସ୍ତାଲି ଅଡ଼େ ଆକ୍‌ଝିଲା ଇଞ୍ଜା ଅନିସିପର ଇଲୁ  
କୁଟମିକି ନା ଜହରା ଖେହ୍ମୁ ।

୨୦ \*ଏରାସ୍ତ କରନ୍ତି ଗାଡ଼ାତା ତୁୟା ମାନେସି, ସାମା ତ୍ରପିମ  
ଆଡିହିଲାଆକି ନାନୁ ଏଝାଣାଇଁ ମିଲିତତା ପିସା ଝାଡେଏଁ ।

୨୧ ନାନୁ ପେନିବେଲା ଝାଆ ନକେଏ ଝାଡିହଁ ନେହଁ  
ଆଡେମା । ଇୟୁବୁଲ, ପୁଦେନସ୍, ଲିନ, କ୍ଲାଝୁଦିୟା, ଅଡ଼େ  
ବାରେ କ୍ରୀସ୍ତାନା ତାୟିୟା ନିଞ୍ଜେ ଜହରା ଖେସିମାଞ୍ଜାନେରି  
।

୨୨ ପ୍ରବୁ ନୀ ଜୀଝୁତା ମାଣ୍ଡେସି, ମାହାପୁରୁତି  
କାର୍ମାମେହ୍ନାୟି ମୀ ବାରେତାକି ଆୟାପେ ।

\* ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ \* ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯;  
କଲସି ୪:୧୦; ପିଲିମ ୧:୨୪ \* ୪:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୬,୮ \* ୪:୧୩ କାମା ୨୦:୬ \* ୪:୧୪ ୧ତିମ ୧:୨୦; ରମି ୨:୬  
\* ୪:୧୯ କାମା ୧୮:୨; ୨ତିମ ୧:୧୭,୧୭ \* ୪:୨୦ କାମା ୧୯:୨୨; ରମି ୧୭:୨୩; କାମା ୨୦:୪; ୨୧:୨୯

# ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସ ତାଣ୍ଡା ପାଞ୍ଚୁଲ ରାଫାମାନି ଆକୁ ମୂଳୁ ହାଡ଼ା

ପାଞ୍ଚୁଲତି ସାରିଗଟା ଆକୁ ବିଦ୍ରା ତିତସ ଆକୁ କୁଲମି ପିସ୍‌ପେ ର ମାଣ୍ଡସିତି ଝେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଳୁ ଆକୁ, ତିମତି ରୀ ଲମ୍ବର ଆକୁ ଅଡେ ପିଲିମନ । ଇ ଆକୁ କ୍ରୀସ୍ତ ଜାର୍ନାଆଡ଼ି ୩୩ ଟିଏ ୬୫ ବିଦ୍ରା ରାସ୍‌କି ଆହାମାନେ ।

ତିତସ ଏଟକା କୃତାତାସି ଆହାନା କ୍ରୀସ୍ତାନା ଆହାମାତି ର ଦାଂଗ୍‌ଶେଏସି ମାଚେସି, ଏଞ୍ଜାସି ମାହାପୁରୁ କାତା ଝେହ୍ନି ପାଞ୍ଚୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲୁଝି କିହାଲି ପାଞ୍ଚୁଲ ଏଞ୍ଜାଣାଈ ଏମ୍‌ଆଁ ପିସାନା ଇ ଆକୁ ପାଣ୍ଡାନା ତାନିଗଟା ନେହ୍ନିକ୍ ଅଣପାଲି ରାଫିମାନେସି । ର କାତା ଇଦି କ୍ରିତିତା ମାନାରି ବିଦ୍ରାଟି ହାରେକା ଲକୁ ଲାଗେଏ ପଲେଏ ଅଣ୍‌ପୁ ଗାଟାରି ମାଟାକି ଏନିଲେହେତି ଅଣ୍‌ପୁ ଗାଟାରାଇଁ କୁଲମିତି କାଜାରି କିହାନା ଇତିନାୟି ମାନେ । ଅର କାତା ଇଦି ବୁଡ଼ହାୟିଈ, ବୁଡ଼ହିସିକାଣି, ତାଆସିକାଣି, ଦାଂଗ୍‌ଶାୟିଈ, ହଲିୟାକାଣି ଏନିକ୍ ଗତି ଗତି କିହାନା ଜାପହାଲି ଆନେ । ତାମୁତି କାତା ଇଦି କ୍ରୀସ୍ତାନା ଆହାମାନାରି ଏନିକ୍ ନୀତିନାୟି ମାନେ । ଏଞ୍ଜାରି ଜୀଞ୍ଜୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟି ପିସ୍‌ପେରି, ଗଡ଼ହା କିଝି କିହାନା କୁଲମିତି ଗତି ଗତି କିଆପେରି ।

## ପତିତା ମାନାୟି

- ୧. କୁଲମିତା ଦାମ୍‌ଗାଟାରାଇଁ ଆଟାଲି ଝେହ୍ନାୟି । ୧:୧-୧୭
- ୨. ଦାମ୍‌ ଜୀଞ୍ଜୁତଲେ ନୀତାଲି ଅଡେ ଜାପହାଲି ଝେହ୍ନାୟି । ୨:୧-୩:୧୧
- ୩. ତାମୁତି କାତା ଅଡେ ଜହରା ତଲେ ଆକୁତି ରାପ୍‌ନାୟି । ୩:୧୨-୧୫

୧ ପାଞ୍ଚୁଲ, ମାହାପୁରୁତି ହଲେଏଶାତେଏଁ ଇଞ୍ଜା ଜୀସ୍ତ କ୍ରୀସ୍ତ ତାଣ୍ଡାଟି ପାଣ୍ଡୁଝି ଆହାମାନାତେଏଁ ।

ମାହାପୁରୁ ଆଟାମାନି ଲକୁତି ନାମୁ ପାଡ଼ିକିହାଲି ଅଡେ କାଲ୍‌କାଲ୍‌କାତି ଜୀଞ୍ଜୁ ମେଡାଆନି ଆସାତି ଦାମ୍‌ତି ନାମୁତା ସାତାତି ଜାଗାତା କିହାଲିତାକି ନାମୁ ପାଣ୍ଡୁଝି ଆହାମାଇଁ ।

୨ କାଲ୍‌କାଲ୍‌କାତି ଜୀଞ୍ଜୁତି ଆସା ହୀହାଲିତାକି, ଏନିନି ମାହାପୁରୁ ଆଞ୍ଜାମାଚେସି, ଏଞ୍ଜାସି ଏଚେଲା ମିତି ଜଲ୍‌ଆଗାଟାସି ।

୩ ଏ କାଲ୍‌କାଲ୍‌କାତି ଜୀଞ୍ଜୁ ସାତା ମାହାପୁରୁ, ହାରେକା କାଲ୍‌ ନକେଏ ଆଞ୍ଜାନା ସମାନା ବେଲାତା ତାନି ବଲ୍‌ ଝେକ୍‌ନି ତାଣ୍ଡାଟି ତସାମାନେସି; ଏ ବଲ୍‌ ଝେକ୍‌ନି ବଲ୍‌ ମା

ଗେଲ୍‌ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେରପି ଆହାମାଞ୍ଜାନେ ।

୪ ନା ସମାନା ନାମିତାସି ଅଡେ ନାମୁତା ନା ଜୀଞ୍ଜୁତି ମୀରଏସି ତିତସ ତାଣ୍ଡା ଇ ଆକୁ ରାଫିମାଇଁ ।

ଆଟା ମାହାପୁରୁ ଅଡେ ମାଙ୍ଗେ ଗେଲ୍‌ପାନି କ୍ରୀସ୍ତ ଜୀସ୍ତ ମିଙ୍ଗେ କାର୍ମା ଅଡେ ହିଡ଼ି ହିୟାପେସି ।

## କ୍ରିତିତା ତିତସ କାମା କିନାୟି

୫ ନାମୁ ଝେସ୍ତାତିଲେହେଁ ରାଆତି କାମାତି ରାପ୍‌ହାଲି ତାକି, ଅଡେ ବାରେ ଗାଡ଼ାତା ପ୍ରାତିନାକାଣି କାମା ହେରପାଲି ତାକି ନାମୁ କ୍ରିତିତା ନିଙ୍ଗେ ପିସା ଝାୟାତେଏଁ;

୬ ଆମ୍‌ଆସି ଦହ୍ ହିଲାଆଗାଟାସି, ରଣ୍ଡିଏ ଡକ୍‌ନି\* ଡକ୍‌ନା, ଆମ୍‌ଆରି ମୀରକା ମାସ୍‌କା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନଝି ଆଆଗାଟି କାମା କିଅରି ଏଞ୍ଜାରାଇଁ ଆଟାହାଁ ପ୍ରାତିନା କିମୁ ।

୭ ଇତିହ୍ କାଜାସି, ମାହାପୁରୁତି ଗୁମୁସ୍ତା ଆହାଁ ଦହ୍ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାର୍‌ବି ଆନାସି କି କାଡ଼ ଗୁହନାସି କି ଗଡ଼ହା କିନାସି କି ଦନ ଜୁପକା ଗାଟାସି ଆଆନା,

୮ ଏଞ୍ଜାସି ଗତାୟିଈ ଆକ୍ରା କିନାସି, ଏନାୟି ନେହାୟି ଏଦାଆଁ ଜୀଞ୍ଜୁ ନନାସି, ଜାହାରାଇଁ ଲକ୍‌ନାସି, ଦାମ୍‌ଗାଟାସି, ସୁଦୁଗାଟାସି, ଇଞ୍ଜା ମେରା ମାନଝି ଆନାସି ଆପେସି ।

୯ ଅଡେ ଏନିକ୍ ଏଞ୍ଜାସି ଲକୁତାକି ନେହାଁଣି ଜାପହାନା ରାହାଁ ହୀହାଲି ଇଞ୍ଜା ମାହାପୁରୁ କାତା କପାଟି ଝେହ୍ନାରାଇଁ ଲାଗାଲି ଆଡ଼ିନେସି, ଇଦାଆତାକି ଜାପାମାନି ନାମିନି ବଲ୍‌ ଜାଣ୍ଡେ ଆସାଁ ମାଞ୍ଜୁ ।

୧୦ ଇତିହ୍ ହାରେକା ନାମାଆଗାଟି ଲକୁ, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀସ୍ତାନା ଲକୁ ବିଦ୍ରାଟି ମାନେରି ।

୧୧ ଲାଗେଏତି କାତାଟି ଏଞ୍ଜାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇତିହ୍ ଏଞ୍ଜାରି ଦନ ଜୁପକାତାକି ଲାଗେଏତି କାତା ଜାପହିହ୍ ର ର ଲକୁ କୁଟମିତି ମାହାପୁରୁ ଜିରୁ ବାଣି କିନେରି ।

୧୨ ଏଞ୍ଜାରି ବିଦ୍ରାଟି ରଅସି ଏଞ୍ଜାରି ମାହାପୁରୁ ଅଣ୍‌ପୁତି ବଲ୍‌ ଝେହ୍ନାସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଝେହ୍ନାରି, ଜନ୍ତ ସମାନା ଅଡେ ନିସ୍ତା ଇଞ୍ଜା ଟିଣ୍ଡିକାଞ୍ଜୁୟି ।

୧୩ ଇ କାତା ସାତା । ଏଦାଆଁତାକି ଏଞ୍ଜାରାଇଁ ଗାଡ଼ି ଦାକା ହୀହାଁ ଲାଗାମୁ, ଏନିକ୍ ଏଞ୍ଜାରି ନାମୁତା ପାତା ଆନେରି ।

୧୪ ସାତାତି ପିସାମାନି ଲକୁତି ମେରା, ଜୀହୁଦି ଲକୁତି କହୁୟି, ମନ ହୀଅରି ଏଦାଆଁତାକି ଏଞ୍ଜାରାଇଁ ଜାପମୁ ।

୧୫ ଅଡ଼ି ଆଡ଼ି ଲକୁତାକି ବାରେଏ ଅଡ଼ିନେ, ସାମା ପଲ୍‌ଆ ଗାଟାରାକି, ମାହାପୁରୁଈ ନାମାଆ ଗାଟାରାକି ଏନାୟି ଜିକେଏ ଅଡେଏ, ଇତିହ୍ ଏଞ୍ଜାରି ମନ ଅଡେ ଅଣ୍‌ପୁ ବାରେ ପଲ୍‌ଆଗାଟାୟି ।

\* ୧:୪ ୨କର ୮:୨୩; ଗାଲା ୨:୩; ୨ତିମ ୪:୧୦ \* ୧:୬ ୧ତିମ ୩:୨-୬ \* ୧:୭ ରଣ୍ଡିଏ ବାହା ଡକ୍‌

୧୭ ଏଞ୍ଜରୀ ମାହାପୁରୁଷ ପୁଞ୍ଜାମାନମି ଇଞ୍ଜି ଜଳିନେରି, ସାମା ଏଞ୍ଜରୀ କାମା ତଲେ ମାହାପୁରୁଷ ପୁନାଆତି ଲେହେଁ ଆନେରି, ଏଞ୍ଜରୀ ଅପାଆଗାଟାରି, ଅଡେ କାତା ଆହୁଆଗାଟାରି ବାରେ ନେହୁଁ କାମାତା ପାଡାଆଅରି ।

୨

ନେହୁଁ ଦାମ୍ବୁ ଜାପୁନାୟି

୧ ମା ଦାମ୍ବୁତି କାତାୟାଁ ନେହୁଁ କୁଁ ଜାପୁମୁ ।

୨ ବୁଡ଼ହା ଆବାୟାଁ ତଟେ ଆୟାଲି, ନେହୁଁ ଅଣ୍ପୁ, ନେହୁଁ ବୁଦି, ଅଡେ ନାମୁ, ଜୀଞ୍ଜନନାୟି, ଇଞ୍ଜା ଅରୁହିନି ତାଣା ବାଡ଼ୟୁ ଆୟାଲି;

୩ ଅଡେ ବୁଡ଼ହୁ ଇୟାସିକାଣି ଜିକେଏ ଏଲେକିହୁଁ ଏ ସାକ୍ତି ଗାଟାଇ ଇଞ୍ଜା କାଡ଼ୁଗହନାଇ ଆଆନା ସୁଦୁଜୀଞ୍ଜୁ ତଲେ ନୀତାନା ନେହୁଁ କାତା ଜାପୁହାଲି ବାତିମାଲିହୁଁ ଝେହୁମୁ;

୪ ଏଦାଆଁତାକି ଡାଆ ଆୟାସିକା ତାମି ତକ୍ରାୟାଁଣି, ମୀରକା ମାସକାଣି ଜୀଞ୍ଜୁ ନହାଁ,

୫ ଜାହାରାଇଁ ସାପି ଆୟାଲି, ଅଟହା କତାନା, ଇଲୁତି ନେହୁଁ କୁଁ ଲେମ୍ବାଲି, ନେହୁଁ ଗୁଣୁ, ଇଞ୍ଜା ଜାହାରା ତକ୍ରାୟାଁ କାତା ମାନୁଞ୍ଜି ଆୟାଲି, ଜାପୁମୁ, ଏନିକିଁ ମାହାପୁରୁତି ବଲୁ ନିଦାଆଏ ।

୬ ଏଲେକିହୁଁ ଏ ଦାଂଗଣାୟାଁଣି ବାରେ କାତାତା ନେହୁଁ ବୁଦି ଆହାଲି ରାହାଁ କିଞ୍ଜି କିମୁ;

୭ ନୀ ବାରେ ମାଣକିତା ସାତା କାମାତି ନେହୁଁ ଗୁଣୁ ତହୁମୁ, ଜାପୁନି ତାଣା ଆଟ୍ଝା ଅଡେ ମାନିଗାଟି ମାଣସି ଆହାନା ନେହୁଁ ହାଡା ତଲେ ଝେହୁମୁ ।

୮ ଏନିକିଁ ମିଙ୍ଗେ ଲାଗେଏ କିହାଲି ଅଣ୍ପିମାନି ଲକୁ ମିଙ୍ଗେ ଝେଣ୍ଡେ ଝେସାଲି ଆଡାଆନା ଲାଜା ବେଟାଆନେରି ।

୯ ହଲିୟାଙ୍ଗା ତାମି ସାଞ୍ଜୁକାରି କାତା ମାନୁଞ୍ଜି ଆହା ଡୟାପେରି, ଅଡେ ବାରେ କାମାତା ସାଞ୍ଜୁକାରିଇଁ ରାହାଁ କିନାରି ଆପେରି, ଏଞ୍ଜରୀ ଝେଣ୍ଡେ ଜଲ୍ଲାଆପେରି,

୧୦ ଏଦାଆଁ ସରୁ କିଆନା ନେହୁଁ ନାମୁତଲେ ଟିକାଣା କାମା ତସପାରି, ଆତିହୁଁ ମାଙ୍ଗେ ଗେଲ୍ପାନି ମାହାପୁରୁତି ଦାମ୍ବୁ ଜାପୁନାଣି ନେହାୟି ଇଞ୍ଜାଁ ଝେଙ୍ଗି କିନେରି ।

୧୧ ଇତିହୁଁ ବାରେ ମାଣସି କୁଡ଼ାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି,

୧୨ ଅଡେ ମାର ଏନିକିଁ ଲାଗେଏତି ଦାମ୍ବୁ, ଦାରତିତି ଜୁପକା ପିସାନା ଇ ନୀଏତି ଜୁଗୁତା ନେହୁଁ ବୁଦି, ଦାମ୍ବୁ ଅଡେ ମାହାପୁରୁତି ଆଜିତଲେ ନୀତିନ,

୧୩ ଅଡେ ଏ ରାହାଁତି ବାସୁଁ ମା କାଜା ମାହାପୁରୁ ଗେଲ୍ପାନି କ୍ରୀସୁ ଜୀସୁତି ଗାଞ୍ଜୁରମି ତଞ୍ଜାଆନାଣି କାଡ଼ିହୁଁ ଡୟିନ, ଇଦାଆଁତାକି ମାଙ୍ଗେ ଜାପୁହି ମାଞ୍ଜାନେ ।

୧୪ ଏ କ୍ରୀସୁ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡେ ତାଙ୍ଗେତାକି ସାତା କାମାତାକି

ରାହାଁତି ତାନି ଲକୁ ଲେହେଁ ଅଟହାଲି ତାନୁଏ ମା ତାକି ହେରପି ଆଡେସି ।

୧୫ ଇ ବାରେ କାତା ଜଲିହୁଁ ବାରେ ଅଦିକାରା ତଲେ ସାସା ହୀମୁ, ଅଡେ ଦାକା ହୀମୁ । ଏନିକିଁ ଆମ୍ବାଆରି ନିଙ୍ଗେ ହୀଣି କିୟାଆପେରି ।

୩

କ୍ରୀସୁନା ଲକୁତି କାମା ଇଞ୍ଜା ଗୁଣୁ

୧ ଦେସାତି ସାଲୁଞ୍ଜି କିନାରି ଅଦିକାରା ବେଟାଆହା ମାନାରି ତୁଲ ମାଞ୍ଜାନା, ଏଞ୍ଜରାଇଁ ମାନି କିହାନା, ଅଡେ ବାରେ ନେହୁଁ କାମା କିହାଲି ଜାଗ୍ରାତା ଆଦୁ,

୨ ଆମ୍ବାଆରାଇଁ ନିଦା କିଆନା, ଆମ୍ବାଆରି କପାଟି କାମା କିଆନା, ବାରେ ଲକୁ ନକିତା ଉଣା ଆହାଲି, ସୁଦୁ ସୁଞ୍ଜାଲା ତସାଲି ବାରେ ଲକୁ ନକିତା ଅଣ୍ପି କିମୁ ।

୩ ଇତିହୁଁ ମାର ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାଗାୟି, ଏନି ଏନି ଜୁପକା ଅଡେ ସୁକୁ ବୁକୁତି ହଲିୟା ମାଗାୟି, ତାହାରା ଅଡେ ତାହାରା ତଲେ ମାଗାୟି ଇଞ୍ଜା ଅପୁଞ୍ଜି ଆଆଗାଟି ଲକୁ ଆହା ଅପୁଞ୍ଜି ଆହି ହିଲାଆତାୟି ।

୪ ସାମା ଏଟିବେଲା ମାଙ୍ଗେ ଗେଲ୍ପାନି ମାହାପୁରୁତି କାର୍ମା ଅଡେ ମାଣସି ଜାଡ଼ି ତାକି ତାନି ଜୀଞ୍ଜୁନନାୟି ତଞ୍ଜାଆଡେ,

୫ ଏଟିବେଲା ଏଞ୍ଜସି ମା କିତି ଦାମ୍ବୁ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି ଜାର୍ନାତି ଏୟୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡ଼ିକିହାଁ ଗେଲ୍ପାମାଞ୍ଜାନେସି,

୬ ଏ ନେହୁଁ ଜୀଞ୍ଜୁତି ମାଙ୍ଗେ ଗେଲ୍ପାନି ଜୀସୁ କ୍ରୀସୁ ତାଣାଟି ହାରେପୁରେ ମା ଲାକ ହୀୟାଡେସି,

୭ ଏନିକିଁ ମାର ତାନି କାର୍ମାମେହନାଣି ତଲେ ଦାମ୍ବୁ ଗାଟାତାୟି ଆହାନା ବାସୁଁ ତଲେ କାଲ୍ଲାକାଲ୍ଲାତି ଜୀଞ୍ଜୁତି ଅଦିକାରା ଆନାୟି ।

୮ ଇ କାତା ସାତା ଆନେ । ଅଡେ ଏନିକିଁ ମାହାପୁରୁଇଁ ନାମିନାରି ବାରେ ନେହୁଁ କାମାତି ଅଣ୍ପିହୁଁ କିନେରି, ଏଦାଆଁତାକି ଇ ବାରେ ଜାଣ୍ଡେତଲେ ଜାପୁମୁ ଇଞ୍ଜାଁ ନା ଅଣ୍ପୁ, ଇ ବାରେ ଲକୁତାକି ନେହାୟି ଇଞ୍ଜାଁ ଅଜିତାୟି ।

୯ ସାମା ଲେନିପନିଏ ବାଦିବାଦା କାତା ଜଲିନି ତାଣାଟି, ଆକୁ ଆବାୟାଁ ଦରକା ତାକି, ଗଡ଼ହା ଅଡେ ମେରାତାକି ଗଡ଼ହାଟି ହେକ ମାନାମୁ, ଇତିହୁଁ ଏ ବାରେ ଲାବା ହିଲାଆ ଉଜେଏତାଇ ।

୧୦ ଜିରୁ ବାଣି କିନି ଲକୁଇଁ, ର ଦେବା ରୀ ଦେବା ଦାକା ହୀହାଁ ଜାଗ୍ରାତା କିଦୁ, ଅଡେ ତାୟୁ ଏଞ୍ଜାଣି ତାଣାଟି ହେକ ଆଦୁ;

୧୧ ଇଲେତି ଲକୁ ତାମି ଜିରୁ ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାତି ଦହୁ କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

☆ ୨:୧୪ ପିତ ୨:୯ ☆ ୩:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮; ୨ତିମ ୪:୧୨

ରାଜି ବେଲ୍‌ତା ଜାପ୍‌ନାୟି

୧୨ ✽ଏତିବେଲ୍‌ ନାନୁ ମୀ ତାଣା ଆତ୍‌ମା କି ତୁକିକଇଁ ପାଣ୍ଡାଲ୍‌, ଏତିବେଲ୍‌ ନିକପଲିତା ନା ତାଣା ଖାହାଲି ଜାତ୍‌ନୁ ଆମ୍ବୁ, ଇତିହ୍‌ ପେନିଝେଡ଼ା ରାଝେ ଏମ୍‌ଆଁ ମାଞ୍ଜାଲି ଅଣ୍‌ପାମାଇଁ ।

୧୩ ଅକିଲା ଜିନା, ଅଡ଼େ ଆପଲକି ଏନାୟି ଲଡ଼ାମାନେ ଏଦାଆଁ ହାହାନା ଜିରୁ ତହ୍‌ମ୍‌, ଏନିକ୍‌ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ ।

୧୪ ମା ଲକୁ ଜିକେଏ ଲଡ଼ାମାନି ତୀରୁପୁ କାମାତା ଲେମ୍‌ଝି ଆହାଲି ଜାପ୍‌ନାୟି ମାନେ, ଏନିକ୍‌ ଏଞ୍ଜାରି ପାଡ଼େୟି ହିଲାଆ ଗାଗାରିଲେହେଁ ଆଅରି ।

୧୫ ନା ତଲେ ମାନି ବାରେଜାଣା ନିଙ୍ଗ ଜହରା କିହିମାଞ୍ଜାନେରି । ନାମୁତା ଆମ୍‌ଆରି ମାଙ୍ଗେ ଜୀଝୁ ନହିମାଞ୍ଜାନେରି ଏଞ୍ଜାରାଇଁ ଜହରା କିଦୁ, ଅଡ଼େ ମାହାପୁରୁତି କାର୍ମାମେହ୍‌ନାୟି ମୀ ବାରେତାକି ଆପେ ।

# ପିଲିମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଖୁଲ ରାଫାମାନି ଆକୁ ମୁକୁ ହାଡ଼ା

ପିଲିମନ ଆକୁ ପାଖୁଲ ତାଣ୍ଡାଟି ରାସ୍ତା ଆହାମାନେ ୧:୧ । ପାଖୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ ରାଫାମାନେସି । ଏଝାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାନିଆଡ଼ି ୬୧ ବାର୍ଷା ତାୟୁ ଇ ଆକୁ ରାଫା ଡ଼ୟିନେସି । ଏତିବେଲାତା କଲସିୟ କୁଲମିତାକି ରାଫା ଡ଼ୟିନେସି । ଏଝାସି ଇ ଆକୁ ପିଲିମନ ଇନି ର ମାଣ୍ଡସିକି ରାଫିମାନେସି । ପିଲିମନ କୁଲମିତି କାଜାସି ଅଡ଼େ ହଲିୟାଙ୍ଗାତି ସାଖୁକାରି ମାଚେସି । ଏଝାରି ବିତ୍ରାଟି ଅନିସିମ ଇନି ର ହଲେଏସି ମାଚେସି ଏଝାସି ପିଲିମନ ତାଣ୍ଡାଟି ହଟାତୁସା ମାଚେସି ଏଝାସି ପାଖୁଲ ତାଣ୍ଡାଟି କ୍ରୀସ୍ତାନା ଆହାମାଚେସି । ରମିୟ ଲକୁତି ମେରା ତଲେ ଅନିସିମଇଁ ହାନ୍ତି ତଣ୍ଡ ହାନାୟି ମାଚେ ।

ଅନିସିମଇଁ କାର୍ମାମେସାନା ଏଝାଣାଇଁ ହଲେଏସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଝେଣ୍ଡେ ଆବାମୁ ଇଞ୍ଜି ପିଲିମନଇଁ ବାଡ଼ିମାଲିହଁ ଇ ଆକୁ ରାଫିମାନେସି ୧:୧୩-୧୪ ।

### ପତିତା ମାନାୟି

- ୧. ପିଲିମନଇଁ ଜହରା ଝେହ୍ନାୟି । ୧:୧-୩
- ୨. ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକୁତି ରାପ୍ନି କାତା । ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପି ଆହାମାନାଚେଏଁ, ତାୟି ତିମତି, ମା ତଲେ କାମା କିହିମାନି ଜୀସୁତି ପିଲିମନ,

୨ \*ଅଡ଼େ ତାଙ୍ଗି ଅପ୍ପିୟା ଇଞ୍ଜା ମା ତଲେ ଜୁଜୁକିନି ଆକ୍ ପପ ଇଞ୍ଜା ମା ଇଜ ମାନି କୁଲମିତାକି ଆକୁ ରାଫାମାଇଁ;

୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡ଼େ ହିଡ଼ି ମିଙ୍ଗେତାକି ଆୟାପେ ।

### ପିଲିମନ ଜୀସୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାତାନାତା ମା ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ,

୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକୁତାକି ମା ଜୀସୁନନାୟି ଅଡ଼େ ନାମୁତି କାତା ଝେଞ୍ଜାନା

୬ ଏଲେକିହଁ ଏ ମା ନାମୁତଲେ ଆଣ୍ଡି ଆନାୟି, ମାଙ୍ଗେ ହୀପ୍‌କିଆଡ଼ି ବାରେ ନେହଁ କାତାତି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ ।

\* ୧:୨ କଲସି ୪:୧୭    \* ୧:୧୦ କଲସି ୪:୯

୭ ଏନାଆଁତାକି ଇଚିହଁ, ଏ ନା ତାୟି, ମାହାପୁରୁ ଲକୁତି ହିୟାଁ ମା ତାଣ୍ଡା ସୁସ୍ତି ମେଡ଼ା ଆହାମାନାକି ନାନୁ ମା ଜୀସୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହିମାଇଁ ।

### ଅନିସିମ ତାକି ବାଡ଼ିମାଲିନାୟି

୮ ଆତିହଁ ଏନାୟି ନେହାୟି, ଏ କାରୁତାକି ନିଙ୍ଗେ ହୁକୁମି ହାହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଙ୍ଗେ ହାରେ ପୁରେ ସାସା ମାନେ,

୯ ଆଡ଼ିଜିକେଏ ନାନୁ ବୁଡ଼ହା ପାଖୁଲ ଜୀସୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀଏଁ ନାନୁ ଦସ୍ପି ଆହାମାଇଁ,

୧୦ \*ନାନୁ ଇଲେକ୍ ଦସ୍ପି ଆହାମାନାଟି ନା ମୀରଏସି ଅନିସିମ ତାକି ନିଙ୍ଗେ ବାଡ଼ିମାଲିମାଞ୍ଜାଇଁ;

୧୧ ଏଝାସି ନକେଏ ନିଙ୍ଗେ ଅଡ଼େ ନାଙ୍ଗେତାକି ଲଡ଼ା ହାଆଗାଟାସି ମାଚେସି, ସାମା ନୀଏଁ ନିଙ୍ଗେତାକି ଅଡ଼େ ନାଙ୍ଗେତାକି ଜିକେଏ ଲଡ଼ା ଗାଟାସି ଆହାମାନେସି ।

୧୨ ନାନୁ ଏଝାଣାଇଁ ନୀ ତାଣ୍ଡା ଝେଣ୍ଡେ ପାଣ୍ଡିମାଞ୍ଜାଇଁ, ଏଝାସି ନା ହିୟାଁ ମାନେ ।

୧୩ ନେହଁ କାରୁତାକି ନାନୁ କାୟିଦିତା ମାଞ୍ଜାନା ଏଝାଣାଇଁ ନୀ କିନି ଜାଡ଼ନୁ ନାଙ୍ଗେ କିହାଲି ତାକି ତାଗେ ଇଟାଲି ଅଣ୍ଡିମାଚେଏଁ,

୧୪ ସାମା ନାନୁ ରାକି ଆଆପାତେକା ନାନୁ ଏନାଆଁ କିହାଲି ଅଣ୍ଡିଆତେଏଁ, ଏନିକ୍ ନୀନେହଁ କାମା ନୀ ମନତଲେ କିନିଲେହେଁ ଆଆନା ନେହଁ ଅଣ୍ଡିପୁ ତଲେ ଆନେ ।

୧୫ ଆତିହଁ ଇଦି ଆହାଲି ଆଡ଼ିନେ, ଏନିକ୍ ନୀନୁ ଏଝାଣାଇଁ ହଲେଏଣା ଲେହେଁ ମେହୁଆନା ସାମା ହଲେଏଣା କିହାଁ କାଜାସି ଲେହେଁ, ଇଚିହଁ ଜୀସୁତି ତାୟିଲେହେଁ କାଲେଏତାକି ବେଟାଆଡ଼ି, ଏଡ଼ାଆଁତାକି ଏଝାସି ଏଚରଦିନା ତାକି ଏଟକା ଆହାମାଚେସି;

୧୬ ସାମା ଏଝାସି ଝାରୁଇ ହଲେଏସି ଆଏ, ନୀଏଁ ଏଝାସି ଜୀସୁତି ତାୟି, ଇଚିହଁ ଆଙ୍ଗା ତଲେ ଅଡ଼େ ମାହାପୁରୁ ତାଣ୍ଡା ନିଙ୍ଗେତାକି ଏଚେକା ଜୀସୁ ନନାସି ଆଅସି ।

୧୭ ଏଡ଼ାଆଁତାକି, ନୀନୁ ନାଙ୍ଗେ ନା ତଡ଼ତୁସି ଇଞ୍ଜି ଅଣ୍ଡି ମାଞ୍ଜାସାରେ, ଆତିହଁ ନାଙ୍ଗେ ଆବାତି ଲେହେଁ ଏଝାଣାଇଁ ଆବାମୁ ।

୧୮ ଇଚିହଁ ନିଙ୍ଗେତାକି ଏନି ଲାଗେଏ କିହାମାଞ୍ଜାତ୍ କି ନୀ ତାଣ୍ଡା ରୀଣା ଆହା ମାଞ୍ଜାତିହଁ, ଏଡ଼ାଆଁ ନା ଦରୁତା ରାଫାମୁ ।

୧୯ ନାନୁ ପାଖୁଲତେଏଁ, ନା କେୟୁତଲେ ଇଦାଆଁ ରାଫିମାଇଁ, ନାନୁ ଏଡ଼ାଆଁ ଝେଟହାଇଁ । ନୀନୁଏ ନା ତାଣ୍ଡା ରୀଣା ମାଞ୍ଜି, ଇ କାତା ଅଡ଼େ ନାନୁ ଝେସାଲି ଅଣ୍ଡି ହିଲଅଁ ।

୨୦ ହାଅ, ତାୟି, ପ୍ରବୁ ତାଣ୍ଡା ଆଣ୍ଡିତ୍ ନୀ ତାଣ୍ଡାଟି ନା ଲାବା ଆୟାନେ, କ୍ରୀସ୍ତତି ତାଣ୍ଡା ନା ଜୀସୁତା ବାର୍ସୁ ହିୟାମୁ ।

୨୧ ନୀନୁ ନା ଝେସ୍ତାତିଲେହେଁ କିଦି ଇଞ୍ଜି ନାମୁ ମାନାକି ନାନୁ ଇ ଆକୁ ରାଫିମାଇଁ; ସାତେଏ ନାନୁ ପୁଞ୍ଜାମାଇଁ,

ନାନୁ ଏତେକା ଝେସିମାଞ୍ଜାଇଁ, ନାନୁ ଏଦାଣିକିହିଁ ଆଗାଡ଼ା  
ଜିକେଏ କିଦି ।

୨୨ ଈଦାଆଁ ତଲେ ନା ଡ଼ୟିନି ଇଲୁ ଜିକେଏ କିହାନା  
ଇଗାମୁ, ଇଚିହିଁ ମୀ ପ୍ରାଡାନା ତଲେ ମୀରୁ ନାଙ୍ଗେ ଝେଣ୍ଡେ  
ବେଟା ଆୟାଦେରି, ଈଦାଆଁ ନାନୁ ଆସା କିହିମାଇଁ ।

#### ରାନ୍ଦିବେଲାତି ଜହରା

୨୩ ☆କ୍ରୀସୁ ଜୀସୁ ତାକି ନା ତଲେ କାୟିଦି ଇଲୁତା ମାନି  
ଏପାପା

୨୪ ☆ଇଞ୍ଜା ନା ତଲେ କାମା କିହିମାନି ମାର୍କ, ଆରିସ୍ତାର୍କ,  
ଦିମା ଅଡ଼େ ଲୁକ ନିଙ୍ଗେ ଜହରା କିହିମାଞ୍ଜାନେରି ।

୨୫ ମା ପ୍ରବୁ ଜୀସୁ କ୍ରୀସୁତି କାର୍ନାମେହ୍ନାୟି ନେହିଁ  
ଜୀସୁ ମୀ ତଲେ ମାଣ୍ଡେ ।

## ହିବୁମାନଙ୍କୁ ଲିଖିତ ପତ୍ର ଏବି ଲକ୍ଷ୍ମୀତାଙ୍କ ରାଡ଼ିତି ଆକୁ ମୂଲୁ ହାଡ଼ା

ଏବି ପତି ର. ରାହାଁ ହାନି ପତି । ପୁଃଈ ମେରାତି ହାରେକା ମାହାପୁରୁ ଅଣ୍ପୁତି ବଲୁୟାଁ ପୁଃଈଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହୁଁ କାତାତି ଝେହୁନି ପତି । ଇମ୍ପାଆଁ ତାନିକଡ଼ିଟିଏ ହାରେକା ପୁଃଈ ମେରାତି କାତାୟାଁ ରାସ୍‌କି ଆହାମାନୁ । ଜୀସୁ କ୍ରୀସ୍ତ ଏନିକ୍ ମାହାପୁରୁ ଅଣ୍ପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସୁଁ ହାନି ପତି । ଏବି ପତି ଝେସିମାନେ, ଜୀସୁ ଏନିକ୍ ମେରାତି ପୁରା କିତେସି, ଏନିକ୍ ପୂଜେରାଜା ଅଡ଼େ ଝେଶ୍ଟେ ପୂଜା ହାହାଲି ଲଡ଼ା ହିଲେଏ । ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହାତେସି । ନୀଏଁତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏବି ପତି ସାସା ଅଡ଼େ ବାସୁଁ ତସିମାନେ । କ୍ରୀସ୍ତ ମାଜେ ମାହାପୁରୁ ତାଣା ବାସୁଁ କିଝିକିହାଲି ଆଡ଼ାମାଜାନେସି । ଅଡ଼େ ଏଝାଣି ତାଣା ବାସୁଁ ଇଗାନା ତାକିନ ୧୨:୨ ।

ଏବି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଟାର ଏଲେ ଇଞ୍ଜିମାନେରି ପାଣ୍ଡୁଆହାମାନି ପାଝୁଲ, ଲୁକ, ଆଆତ ବର୍ନବା ଆହାଡ଼ୟିନେରି । ଇଦାନି ରାଡ଼ିତି କାଲମି ଜିକେଏ ପୁନଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ରାସ୍‌କି ଆହାମାନେ । ଇତିହୁଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ନାସା ଆଡେ ସାମା ଇ ଆକୁତି ରାଡ଼ିନାସି ଇଦି ନାସା ଆଆତିଲେହେଁ ରାଡ଼ିମାନେସି । ଏବି ପତି ରମ୍ ଗାଡ଼ାତା ରାସ୍‌କି ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଡ଼ିକିଝି ଆହାମାତେ ।

### ପତିତା ମାନାୟି

୧. ଜୀସୁ କ୍ରୀସ୍ତ ମାହାପୁରୁ ଅଣ୍ପୁତି ବଲୁ ଝେହୁନାସି ଅଡ଼େ ଦୁତୁୟାଁ କିହାଁ ଜିକେଏ କାଜାସି । ୧:୧-୪:୧୩
୨. ଜିରୁସାଲମତା ସେବା କିହିମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
୩. ମାହାପୁରୁ ମସାକି ମେରା ହାହାନା ତାନି ଲକ୍ଷ୍ମଣଲେ କିହାମାତି ରାଡ଼ିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧
୪. ଜୀସୁଇ ବାରେ ତାଣା କାଜାସି କିହାନା ଝେସାମାନେସି । ୧୦:୩୨-୧୩:୧୭
୫. ସାସା ଅଡ଼େ ବାସୁଁତି କାତା ଝେସାନା ଜହରା ତଲେ ଆକୁତି ରାପ୍‌ନାୟି । ୧୩:୧୮-୨୫

### ମୀରଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଟାୟୁତା ଅଡ଼େ ଏଟକା ଏଟକାତି ମାହାପୁରୁ ଅଣ୍ପୁତି ବଲୁ ଝେହୁନାରି ତାଣାଟି ମା ଆକୁ ଆବାୟାଁଣି କାତା ଝେସାମାତେସି,

୨ ସାମା ଇ ରାନ୍ତି ବେଲ୍ଲାତା ମୀରଏଣା ତାଣାଟି ମାଜେ କାତା ଝେସାମାଜାନେସି । ଏଝାଣାଇଁ ଏଝାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଝାଣି ତାଣାଟି ହାଗୁପାକା ଦାରତି ବାରେ ଗାଡ଼ିକିତେସି;

୩ ଏ ମୀରଏସି ତାନି ଡ଼ାଞ୍ଜିମାନି ଗାଝୁରମିତି ଉଜେଡ଼ି ଅଡ଼େ ଏଝାଣି ଝାଣା ମାନେ, ଏଝାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ ଦାରତିତି ସାଲଝି କିନେସି, ଇଞ୍ଜାଁ ମା ପାପୁ ବାରେ ମେକ୍‌ହୁଁ ତାୟୁ ଲାକପୁରୁତି ବାଡ଼ୁୟୁ ଗାଟି ମାହାପୁରୁତି ଟିଝନି ଟଟତା କୁଗାମାନେସି ।

### ମାହାପୁରୁ ମୀରଏସି ବାରେକିହାଁ କାଜାସି

୪ ମୀରଏସି ଏନିକ୍ ଲାକପୁରୁତି ଦୁତୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହୁଁଏ ଏଝାସି ଏଝାସିକା କିହାଁ ହାରେକା କାଜାସି ଆହାମାନେସି ।

\* ଇତିହୁଁ ମାହାପୁରୁ ଦୁତୁୟାଁ ବିତ୍ରାଟି ଆମ୍ପାଆରାଇଁ ଏଚେଲା ଏଲେଇଞ୍ଜା ହିଲଅସି,

“ନୀନୁ ନା ମୀରଏଣାତି,

ନୀଞ୍ଜୁଟିଏ ନୀନୁ ନୀ ତାଞ୍ଜିତେଏଁ”

ଅଡ଼େ ଜିକେଏ ମାହାପୁରୁ ଏଲେଇଚେସି,

“ନୀନୁ ମୀ ଆବାତେଏଁ ଆହାମାଇଁ,

ଅଡ଼େ ନୀନୁ ନା ମୀରଏଣାତି ଆଦି ।”

୬ ଅଡ଼େ ମାହାପୁରୁ ତାନି ପାଝା ମୀରଏଣାଇଁ ଅଡ଼େ ଝେଶ୍ଟେ ଦାରତିତା ପାଣ୍ଡାତେସି, ଏ ବେଲ୍ଲାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୁତୁୟାଁ ଏଝାଣାଇଁ ଜହରା କିପେରି ।”

୭ ର. ଝାକିଟି ମାହାପୁରୁ ଦୁତୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୁତୁୟାଁଇଁ ଗାଲି ଲେହେଁତି ଜୀଝୁ ହୀନେସି,

ଅଡ଼େ ତାନି ସେବା କିନାରାଇଁ ହିରୁ ଗୁଦ୍‌ଝା ଲେହେଁ କିନେସି ।”

୮ ଅରଝାକି ମାହାପୁରୁ ତାନି ମୀରଏଣା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲ୍ଲାକାଲ୍ଲା ତାକି ଡ଼ୟିନେ, ଅଡ଼େ ନୀନୁ ସାଲଝି କିନାୟି ନୀହାଁୟି ତଲେ ଆନେ ।

୯ ନୀନୁ ଦାମ୍‌ ଗାଟାଣାଇଁ ଜୀଝୁ ନହୁଁ ମାଞ୍ଜି

ଅଡ଼େ ଦାମ୍‌ ହିଲାଆଗାଟାରାଇଁ ଅପାହିଲଅତି,

ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ ଆଡ଼ାନେସି,

ମୀ ତଟେସିଜା କିହାଁ ନିଜେ ହାରେକା ରାହାଁତି ନିହୁଁ ଝାକ୍‌ହାନା ନିଜେ ଆଡ଼ାନେସି ।”

୧୦ ଏଝାସି ଅଡ଼େ ଝେସିମାନେସି,

“ଏ ପ୍ରବୁ, ନୀନୁ ମୂଲୁଏ ଦାରତିତି ପୁନାଦି ଗାଡ଼ିକିତି,



ଅଡ଼େ ହାଗୁପାକା ବାରେ ନୀ କେୟୁତଲେ କେପିତି ।”  
 ୧୧ “ଏ ବାରେ ର ଦିନା ମେଣ୍ଟାହାନେ, ସାମା ନୀନୁ  
 କାଲେଏ ତୁୟିଦି;  
 ଅଡ଼େ ଏ ବାରେ ପୁଃଈ ହିମ୍ବୁରିକା ଲେହେଁ ଗେଞ୍ଜା ହାନୁ  
 ୧୨ ଅଡ଼େ, ନୀନୁ ହିମ୍ବୁରି ଲେହେଁ, ହାଅ, ହିମ୍ବୁରି ଲେହେଁ  
 ମୁଦାକିଦି  
 ଅଡ଼େ ଏଞ୍ଜି ବାରେ ହିମ୍ବୁରିକା ଲେହେଁ ବାଦଲି ଆନୁ;  
 ସାମା ନୀନୁ ବାରେବେଲା ଏଞ୍ଜାତିଏ,  
 ଅଡ଼େ ନୀ ଜୀଞ୍ଜୁ ଏଚେଲାଞ୍ଜା ରାଏ ।”  
 ୧୩ ମାହାପୁରୁ ତାନି ଦୁତୁୟାଁଇଁ ଏଚେଲାଞ୍ଜା ଏଲେଇଞ୍ଜା  
 ହିଲଅସି,  
 “ନାନୁ ନୀ ସାତୁୟାଁଣି ନୀ କଡାୟାଁ ଡ଼ଇ ଇଟାଆ ପାତେକା  
 ନାନୁ ନା ଚିଃନି ଟଟତା କୁଗାମାନାମୁ ।”  
 ୧୪ ଆତିହୁଁ ଲାକପୁରୁତି ଦୁତୁୟାଁ ଆମ୍ବାଆରି ? ଏଞ୍ଜାରି  
 ଆହିମାନେରି ମାହାପୁରୁତି ସେବା କିନାରି ମାଣ୍ଡସିୟାଁଇଁ  
 ସାୟେମି କିହାନା ଗେଲ୍ପାଲିତାକି ମାହାପୁରୁ ତାଣ୍ଡାଟି  
 ପାଣ୍ଡୁଆଡ଼ି ଜୀଞ୍ଜୁୟାଁ ।

୨

ଗେଲ୍ପିନାୟି

୧ ଏଦାଆଁତାକି, ମାର ଝେଞ୍ଜାମାନି କାତାତି ହାରେକା  
 ଝେଞ୍ଜାଲି ମନ ହାନାୟି ମାନେ, ଆଆତୁଁ ମାର ଏଚେତା  
 ଜିରୁ ବାଣ୍ଡି ଆଆୟି ।  
 ୨ ଇତିହୁଁ ନକେଏ ଲାକପୁରୁତି ଦୁତୁୟାଁ ତାଣ୍ଡାଟି  
 ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତାରିଆହୁଁ ମାନେ,  
 ଅଡ଼େ ଆମ୍ବାଆରି କାତା ଆହୁଆନା ମାନଞ୍ଜି ଆହାହିଲଅରି,  
 ଏଞ୍ଜାରି ତାମ୍ବୁ ବେଟାଆନି ତଣ୍ଡୁ ବେଟାଆହାମାନେରି ।  
 ୩ ଆତିହୁଁ ଇଲେତି ଗେଲ୍ପିନାୟିଇଁ ହେଲା କିତିହୁଁ  
 ମାର ଏନିକିଁ ଗେଲ୍ପିନାୟି ? ଏଦି ନକେଏ ପ୍ରବୁ  
 ତାଣ୍ଡାଟି ଝେସ୍ପି ଆହୁଁ ଝେଞ୍ଜାମାନି ଲକୁ ତାଣ୍ଡାଟି ମା ତାଣ୍ଡା  
 ଝେସ୍ପିଆହାମାନାୟି ସାତା ଆହାମାନେ;  
 ୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ  
 ହାରେକା ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା,  
 ବାଡ଼ୟୁଗାଟି କାମାୟାଁ ଅଡ଼େ ସୁଦୁଜୀଞ୍ଜୁତି ଏଚକା ଏଚକାତି  
 ଦାନା ହାହାନା ସାକି ହାହାମାନେସି ।

ଜୀସୁ ମାଣ୍ଡସି ଖାଣା ଆଡ଼େସି

୫ ମାହାପୁରୁ ଆମିନି ପୁଃନି ଦାର୍ଡିତି ଗାଡ଼ି କିନେସି,  
 ଅଡ଼େ ଆମିନି ଦାର୍ଡିତି କାତା ମାମ୍ବୁ ଝେସିମାଞ୍ଜାନମି,  
 ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁତୁୟାଁ  
 କେୟୁତା ହେରପା ହିଲଅସି ।  
 ୬ ସାମା ରଅସି ର ଚାୟୁତା ସାକି ହାହାମାନେସି;  
 “ଏ ମାହାପୁରୁ, ମାଣ୍ଡସି ଆମ୍ବାଆସି, ନୀନୁ ଏଞ୍ଜାଣାଇଁ  
 ଅଣ୍ଡିମାଞ୍ଜି ?  
 ମାଣ୍ଡସି ମୀରଏସି ଆମ୍ବାଆସି ନୀନୁ ଏଞ୍ଜାଣି ଜାଡ଼ନୁ  
 ଅହିମାଞ୍ଜି ?

୭ ନୀନୁ ଏଞ୍ଜାଣାଇଁ ଲାକପୁରୁତି ଦୁତୁୟାଁ କିହାଁ ରଚାଣି ଉଣା  
 କିହାମାଞ୍ଜି;  
 ନୀନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଟପେରି  
 ତୁରଞ୍ଜି କିହାମାଞ୍ଜି,  
 “ନୀନୁ ବାରେ ଏଞ୍ଜାଣି କଡାୟାଁ ଡ଼ଇ ଇଟାମାଞ୍ଜି ।”  
 ସାତେଏ ମାହାପୁରୁ “ବାରେତି” ଇତିହୁଁ ଏନାଆଁଞ୍ଜା  
 ପିହୁଆନା ବାରେତି ତାନି କଡାଁ ଡ଼ଇ ଇଟାମାନେସି;  
 ଆଡ଼ିକିକେଏ ମାର ନୀଏଁ ପାତେକା ବାରେ ତାନି ଡ଼ଇ  
 ଆହାମାନାଣି ମେସି ହିଲାଆୟି ସାତା ।  
 ୮ ମାର ମେସିମାନାୟି ଲାକପୁରୁତି ଦୁତୁୟାଁ କିହାଁ “ଇଚାନି  
 ଉଣା” କିଞ୍ଜିଆହା ମାଚେସି, ଏଞ୍ଜାଣାଇଁ ଇତିହୁଁ ଜୀସୁଇଁ  
 ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ  
 ମାନିତି ଟପେରି ତୁରହା ମାନାଣି ମେସିମାନାୟି, ଏନିକିଁ  
 ମାହାପୁରୁତି କାର୍ମାଟି ବାରେ ମାଣ୍ଡସିୟାଁ ତାକି ଏଞ୍ଜାସି ହାକିତି  
 ଖାଣ୍ଡା ମାନେସି ।  
 ୯ ଇତିହୁଁ ଆମ୍ବାଆରି ତାକି ଇଞ୍ଜା ଆମିନି ଗାଟାଣା ତାଣ୍ଡାଟି  
 ବାରେ ଗାଡ଼ି ଆହାମାନେ, ହାରେକା ମୀରକାଣି ଜୀସୁତି  
 ଗାଞ୍ଜୁରମି ପାଣ୍ଡପି କିହାଲି, ଜୀସୁ ଦୁକୁ କସ୍ତ ବେଟାଆହାନା  
 ଏଞ୍ଜାରାଇଁ ଗେଲ୍ପିନି ଜିରୁତା ଅନେସି ।

୧୧ ଆମ୍ବାଆସି ପାପୁତି ସୁଦୁ କିନେସି ଅଡ଼େ ଆମ୍ବାଆରି  
 ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମୀରକା;  
 ଏଦାଆଁତାକି ଏଞ୍ଜାରାଇଁ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା  
 ଆଅସି,  
 ୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,  
 “ନାନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା ଝେକ୍‌କ୍‌ଇଁ,  
 ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ ।”  
 ୧୩ ଅଡ଼େ ଝେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣ୍ଡା  
 ନା ନାମୁ ତାରି କିଇଁ ।” ଅଡ଼େ ସିନିକିଦୁ “ମାହାପୁରୁ ନାଞ୍ଜେ  
 ହାହାମାଞ୍ଜାନି ମୀରକା ମାସକା ନା ତଲେ ମାନେରି ।”  
 ୧୪ ଏନାଆଁତାକି ଇତିହୁଁ ମୀରକା ଉଞ୍ଜା ଅଡ଼େ  
 ନେତେରିତି ଆଞ୍ଜାତା ଆଣ୍ଡାମାନାକି କ୍ରୀସ୍ତ ଜିକେଏ  
 ଏଲେକିହୁଁଏ ମାଣ୍ଡସି ଖାଣା ଆଡ଼େସି, ଏନିକିଁ ତାନି  
 ହାକିଟି ସୟତାନଇଁ ନାସା କିନେସି; ଇତିହୁଁ ହାକି  
 ସୟତାନତି ଅଦିକାରାତା ମାଚେ ।  
 ୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଲେଏତାକି  
 ହଲିୟାଞ୍ଜା ଆହାନା ଦସ୍ପି ଆହାମାଚେରି, ଏଞ୍ଜାସି  
 ଏଞ୍ଜାରାଇଁ ଗେଲ୍ପିନେସି ।  
 ୧୬ ଇତିହୁଁ ଏଞ୍ଜାସି ସାତେଏ ଲାକପୁରୁତି ଦୁତୁୟାଁଣି  
 ସାୟେମି କିଆନା ଅବ୍ରାହାମତି ମୀରକାଣି ସାୟେମି  
 କିହିମାନେସି ।  
 ୧୭ ଏଦାଆଁତାକି ଏଞ୍ଜାସି ବାରେ ଖାକିଟି ତାନି ତାୟିୟାଁ  
 ଲେହେଁ ଆନାୟି ମାଚେ, ଏନିକିଁ ଏଞ୍ଜାସି ବାରେ ଲକୁତି  
 ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା  
 କାମାତା ର କାର୍ମାମେହ୍‌ନି ଅଡ଼େ ନାମୁତି କାଜା ପୂଜେରା  
 ଆନେସି ।

୧୮ ଇଚିହ୍ନ ଏଞ୍ଜାସି ତାନୁ ତାୟିପାରି କିଞ୍ଚି ଆହ୍ନା ଦୁକୁ ବେଟାଆହା ମାନାକି ତାୟିପାରି କିଞ୍ଚି ଆହିମାନି ଲକୁଣି ସାୟେମି ଆହାଲି ଆଡ଼ିମାନେସି ।

**୩**

**ଜୀସୁ ମସା କିହ୍ନା କାଜାସି**

୧ ଏଦାଆଁତାକି ଏ ନା ସୁଦୁଗାଟି ତାୟିୟା ଅଡ଼େ ତାଜିସ୍ତା ମୀରୁ ଆମିନି ମାହାପୁରୁତି ହାଟ୍‌କି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଞ୍ଚିଆହାମାନି କାଜା ପୂଜେରା ଜୀସୁତି କାତା ଅଣପାଦୁ;

୨ ମସା ଏନିକ୍‌ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହ୍ନ ତାଜେ ଆଡାମାନି ମାହାପୁରୁ ନକିତା ମାନି ଗାଟାସି ଆଡେସି ।

୩ ଇଲୁ କିହ୍ନା ଇଲୁ କେପିତାସି ଏନିକ୍‌ ମାନି ବେଟା ଆନେସି, ଏଲେକିହ୍ନ ଏ ମସା କିହ୍ନା ଜୀସୁ ହାରେକା ଗାଞ୍ଜୁରମିତି ଜଗେ ଆହାମାନେସି ।

୪ ଇଚିହ୍ନ ବାରେ ଇଲୁକା ଆମ୍ବାଆରି ଆଆତ୍‌ ଆମ୍ବାଆରି ତାଣାଟି କେପ୍‌ଞ୍ଚି ଆନୁ, ସାମା ମାହାପୁରୁ ବାରେଡି ଗାଡ଼ି କିନାସି ।

୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜା ଏମିନି କାତା ମାହାପୁରୁ ତାୟୁ ଖେସାଲି ମନ କିହାମାଚେସି ଏ କାତେଏ ଇଡି ।

୬ ସାମା ଜୀସୁ କ୍ରୀସ୍ତ ତାନି ଆବା ଇଲୁତି ମୁହେଁ ମୀର୍‌ଏଣା ଲେହେଁ ମାନି ଗାଟାସି; ଇଞ୍ଜା ମାର ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜା ମା ବାସୁତି ତାୟୁ ପାତେକା ଜାଣେ ଆସା ଡୟିନ, ଆତିହ୍ନ ମାର ଜିକେଏ ଏଞ୍ଜାଣି ଇଲୁ ଲେହେଁ ଆନାୟି ।

**ମାହାପୁରୁ ଲକୁତାକି ଜମିନାୟି**

୭ ଏଦାଆଁତାକି ସୁଦୁଜୀଞ୍ଚୁ ଖେସିମାନିଲେହେଁ, “ନୀଞ୍ଜୁ ମୀରୁ ଏଞ୍ଜାଣି ହାଡା ଖେଞ୍ଜେରି,

୮ ଆତିହ୍ନ ମୀ ଆକୁ ଆବାୟା ଲେହେଁ ମୀ ହିୟାତି ଆଟ୍‌ଞ୍ଜା କିଆଦୁ, ଲକୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା

ଏଞ୍ଜାଣି କପାଟି ନିଙ୍ଗାମାଚେରି,

୯ ଏ ବାଟାତା ମୀ ଆକୁ ଆବାୟା ନାଜେ ତାୟିପାରି କିହ୍ନା ନାଜେ ମେସ୍ତାତେରି,

ଅଡ଼େ ରୀ କଡ଼ି ବାର୍‌ସା ପାତେକା ମା କାମା ସିନିକିତେରି ।

୧୦ ଇଦାଆଁତାକି ନାନୁ ଇ କୃଡାତି ଲକୁଇଁ କାର୍‌ବି ଆହାନା ଏଲେଇଚେଏ,

ଏଞ୍ଜାରି ବାରେବେଲା ହିୟାତା ମାନି ହିଲାଆ ଗାଟାରି, ଏଞ୍ଜାରି ନା ଜିରୁ ପୁଞ୍ଜାହିଲଅରି ।”

୧୧ ଇଦାଆଁତାକି ନାନୁ ନା କପାଟି ପାର୍‌ମାଣା କିତେଏ,

ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେଏମା ଏ ଦେସାତା ଏଞ୍ଜାରି ଏଚେଲାଞ୍ଜା ହଡାଲି ଆଡ଼ଅରି ।”

୧୨ ଏ ତାୟି ତାଜିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟା ମୀ ଆମ୍ବାଆରି ତାଣା ହିଲେଏ, ଏନିକ୍‌ ମୀରୁ ଜୀଞ୍ଜୁଗାଟି ମାହାପୁରୁ ତାଣାଟି ହେକ ଆଅତେରି ।

୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଚି ଆହାନା ମୀ ବିଡାଟି ଆମ୍ବାଆରି ହିୟା ଆଟ୍‌ଞ୍ଜା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ;

୧୪ ଇଚିହ୍ନ ନକେଏ ମା ଆମିନି ନାମୁ ମାଚେ, ଏଦାଆଁ ତାୟୁ ପାତେକା ଜାଣେ ଆସା ଡୟିନାୟି ଆତିହ୍ନ କ୍ରୀସ୍ତ ତାଣା ଆଣ୍ଡାନା ଡୟିନାୟି ।

୧୫ ଦାର୍‌ମୁ ସାସ୍ତେରିତା ରାସ୍‌କି ଆହାମାନେ, “ନୀଞ୍ଜୁ ମାହାପୁରୁତି ହାଡା ଖେଟିସାରେ, ଏନିକ୍‌ କାର୍‌ବି କିଞ୍ଚିକିନି ଗାୟୁତା ଆହାମାଚେ, ଏଲେକିହ୍ନ ମୀ ଆକୁ ଆବାୟା ଲେହେଁ ହିୟାତି ଆଟ୍‌ଞ୍ଜା କିଆଦୁ !”

୧୬ ଆତିହ୍ନ ଆମ୍ବାଆରି ମାହାପୁରୁତି ହାଡା ଖେଞ୍ଜାନା ଏଞ୍ଜାଣାଇଁ କାକ୍‌ଟି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଟା ଖାହାମାଚେରି, ଏଞ୍ଜାରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାର୍‌ସା ପାତେକା ଏଞ୍ଜାସି କାର୍‌ବି ଆହାମାଚେସି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡା ଲକୁ ଡୟାଆ ବାଟାତା ରିହାମାଚେ, ଏଞ୍ଜାରି ଆଏକି ?

୧୮ ମାହାପୁରୁ ଏଚିବେଲା ପାର୍‌ମାଣା କିହାନା ଏଲେଇଞ୍ଜାମାଚେସି, ଏଞ୍ଜାରି ଏଚେଲାଞ୍ଜା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଞ୍ଜାସି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନୁଞ୍ଚି ଆହା ହିଲାଆତେରି, ଏଞ୍ଜାରି ତାକି ଏ କାତା ଏଲେଇଞ୍ଜାମାଚେସି ।

୧୯ ଇଲେକିହ୍ନ ନାନୁ ମେସିମାଇଁ, ଏଞ୍ଜାରି ନାମାଆତାକି ଏ ଆଞ୍ଜାମାନି କିଣାନ ଦେସାତା ହଡାଲି ଆଡ଼ାଆତେରି ।

**୪**

୧ ଏଦାଆଁତାକି ଖାଦୁ ମାର ଜାଗ୍ରାତା ଆନ, ଏଚେତା ତାନି ଜମିନି ତାଣା ହଡାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଟକା ଆନିଲେହେଁ ତଞ୍ଜା ଆହିମାନେରି ।

୨ ଇଚିହ୍ନ ଏଞ୍ଜାରି ନକିତା ଏନିକ୍‌, ମା ନକିତା ଜିକେଏ ଏଲେକିହ୍ନ ଏ ନେହ୍ନ କାରୁ ଖେପ୍‌କି ଆହାମାଚେ, ସାମା ଖେନାରି ନାମୁଟି ଖେଞ୍ଜାମାନି କାତା ଆହ୍‌ଆଲିଏ, ଏଡ଼ି ଏଞ୍ଜାରି ତାକି ଲାବା ଆଆତେ ।

୩ ଅଡ଼େ ମା ବିଡାଟି ଆମ୍ବାଆରି ନାମିନେରି, ଖାର୍‌ଇ ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକ୍‌ ଏଞ୍ଜାସି ଖେସାମାନେସି, “ଏଦାଆଁତାକି ନାନୁ ନା କପା ତାକି ପାର୍‌ମାଣା କିତେଏ, ଏଞ୍ଜାରି ମା ଜମିନି ଖାରାତା ହଡ଼ଅରି ।” ଦାର୍‌ଡି ଗାଡ଼ିକିତି ବେଲାଟିଏ ବାରେ କାମା ରାହାମାଚେ ।

୪ ଇତିହାସ ଜମିନି ଦିନାତି କାତାତି ଏଞ୍ଜାସି ର ଚାୟୁତା ଇଲେକିହାସି ଖେସାମାନେସି; “ମାହାପୁରୁ ସାତା ଦିନାତା ତାନି ବାରେ କାମା ରାପହାନା ଜମିତେସି;”

୫ ଅଡେ ଇ ବାରେ କାତା ମାହାପୁରୁ ଖେଶ୍ଟେ ଏଲେଇଞ୍ଜା ମାନେସି, “ଏଞ୍ଜାରି ମା ଜମିନି ତାଣା ହଡାଲି ଆଡ଼ଅରି ।”

୬ ଆମିନି ଗାଟାରି ମୁଲୁଏ ନେହା କାରୁ ଖେଞ୍ଜାମାରେରି, ଏଞ୍ଜାରି ମାହାପୁରୁ କାତା ମାନୁଞ୍ଜି ଆଥାତାକି ଏ ଜମିନି\* ତାଣା ହାଜାଲି ଆଡ଼ାଆତେରି, ନୀର୍ଏ ଏ ଜମିନାଣି† ଏଚ୍ଚକାତାରି ବେଟାଆହାମାନେରି ।

୭ ଅଡେ ର ଦିନା, ଇତିହାସି “ନୀଞ୍ଜୁ ଦିନା” ଆଚାନା, ଇଚେକା କାଲା ତାୟୁ ଦାସ୍ତୁଦତି ସାସ୍ତେରିତା ଏଲେଇଞ୍ଜା ମାନେସି, ଏନିକି ନଚେଏ ଖେସ୍ପି ଆହାମାନେ,

“ନୀଞ୍ଜୁ ମୀରୁ ଏଞ୍ଜାଣି ହାଡା ଖେଞ୍ଜେରି,  
ଜାହାରା ହିୟା ଆଚ୍ଚା କିଆଦୁ ।”

୮ ଇତିହାସି ଜିହସ୍ତୁୟ ଏଞ୍ଜାରାକି ଜମାଲି ହାତିହାସିମା, ଆଡ଼ିହାସି ମାହାପୁରୁ ଅର ଜମିନି ଦିନାତି କାତା ଜଲ୍ଲାଆତେସିମା ।

୯ ଏଲେକିହାସି ଇ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁତାକି ଜମିନି ଦିନା ତାରି କିଞ୍ଜିଆହାମାନେ ।

୧୦ ଇଦାଆତାକି ମାହାପୁରୁ ତାନି କାମାଟି ଏନିକି ଜମିତେସି, ଆମ୍ବାଆସି ମାହାପୁରୁତି ଜମିନି ଦେସାତା ହଡା ମାନେସି, ଏଲେକିହାସି ଏ ଏଞ୍ଜାସି ଜିକେଏ ତାନି କାମାଟି ଜମିନାଣି ମୋଡା ଆହାମାନେସି ।

୧୧ ଇଦାଆତାକି ମା ବିତ୍ରାଟି ଆମ୍ବାଆସି ଏନିକି ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡାନା ତୟଅସି, ଇଦାଆତାକି ଆଡ଼ିନି ପାତେକା ଜାତନୁ ଆନ ।

୧୨ ଇତିହାସି ମାହାପୁରୁତି ବଲୁ ଜୀଞ୍ଜୁଗାଟାୟି ଅଡେ କାମା କିନାୟି ଇଞ୍ଜା ରିକଞ୍ଜାକି ଦାରାଗାଟି ଖାହନି କାଣ୍ଡା କିହାଁ ହାରେକା ଖାସ୍ତାୟି, ଅଡେ ହିୟା ଅଡେ ଜୀଞ୍ଜୁ ଇଞ୍ଜା ହାନ୍ତୁଲି ଅଡେ ତୁମକାଟି ନିଜେଡ଼ି ପାତେକା ହଡାଲି ଆଡ଼ିନେ । ଏ ବଲୁ ମାଣ୍ଡସିତି ତରୁମାନି ଅଣ୍ଡପୁତି ବାରେ ନୀହାୟି କିନାୟି ।

୧୩ ମାହାପୁରୁ ନକିତା ଏନାୟିଖା ତଞ୍ଜା ଆଥାଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଜେ ଲେକା ହୀନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡାୟି ଅଡେ ପୁକ୍‌ଆତାୟି ।

**ଜୀସୁ କାଜା ପୂଜେରା**

୧୪ ଏଦାଆତାକି ଲାକପୁରୁତି ହାଜାମାନେସି, ଆମ୍ବାଆସି ମାହାପୁରୁ ମୀର୍ଏସି ଜୀସୁ ଏଞ୍ଜାସି ମା କାଜା ପୂଜେରା ଆହାମାନାକି, ଖାଦୁ ମାର ମା ନାମୁତି ଜାଣେତଲେ ଆହନ ।

୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି କାଜା ପୂଜେରା ଏଞ୍ଜାସି ଆଏ । ସାମା ମା କାଜା ପୂଜେରା,

ମା ଲେହେଁ ବାରେଖାକି ତାୟିପାରି ଆହାମାଚେସି, ଆତ ଜିକେଏ ଏଞ୍ଜାସି ପାପୁ କିହାହିଲ୍ଲାଆତେସି

୧୬ ଏଦାଆତାକି ଖାଦୁ, କାର୍ମା ମୋଡା ଆହାଲିତାକି ଅଡେ, ଏ ବେଲ୍ଲାତେଏ ସାୟେମି କିନାଣି କାର୍ମାମେହନାଣି ବେଟାଆହାଲି ତାକି ମାର ସାସାତଲେ କାର୍ମାମେହନି ସିଂଗାସାଣି ନକିତା ହାନ ।

**୫**

୧ ଇତିହାସି ବାରେ କାଜା ପୂଜେରାକା ଜାହାରା ଲକୁ ତାଣାଟି ଆଚ୍ଚି ଆନେରି, ଏଞ୍ଜାସି ଏଞ୍ଜାରି ଖାକିଟି ପାପୁ ମେକ୍‌ହାଲି ପୂଜା ଅଡେ ଦାନା ହେର୍ପାନା ମାହାପୁରୁତି ସେବା କିନେସି ।

୨ ଏଞ୍ଜାସି ବୁଦି ହିଲ୍ଲାଆ ଗାଟାରି ଅଡେ ନାଡ଼ିକିଞ୍ଜି ଆହିମାନି ଲକୁଣି ଅରହିନାଣି ତସାଲି ଆଡ଼ିନାସି, ଇତିହାସି ଏଞ୍ଜାସି ତାନୁଏ ଜିକେଏ ବାଡ଼ୟୁ ହିଲ୍ଲାଆଗାଟାସି;

୩ ଅଡେ ଖାର୍‌ଇ ଏଚ୍ଚକା ଲକୁତି ପାପୁ ତାକି ଏଞ୍ଜାସି ପୂଜା କିହାଲି ଆନେ ଏଡ଼ି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ ।

୪ ଅଡେ ଆମ୍ବାଆରି ଇ କାଜା ପୂଜେରା ପାଣାଡ଼ି ତାୟୁ ଅହାକତାଲି ଆଡ଼ଅରି, ସାମା ହାରଣ ଏନିକି ଆଚ୍ଚି ଆହାମାଚେସି, ଏଲେକିହାସି ଏ ମାହାପୁରୁ ତାଣାଟି ଏଞ୍ଜାସି ଆଚ୍ଚି ଆନାୟି ମାନେ ।

୫ ଏଲେକିହାସି ଏ କ୍ରୀସ୍ତ ଜିକେଏ କାଜା ପୂଜେରା ପାଣାଡ଼ି ଗାସ୍ତୁରମି ତାନୁଏ ପାରା ହିଲ୍ଲାଆତେସି, ସାମା ମାହାପୁରୁ ଏଞ୍ଜାଣାକି ଏ ଗାସ୍ତୁରମି ପାଣା ହାହାମାଚେସି, ଇତିହାସି ଏଞ୍ଜାସି ଏଞ୍ଜାଣାଇଁ ଏଲେଇଞ୍ଜାମାଚେସି,

“ନୀନୁ ନା ମୀର୍ଏଶାତି;  
ନୀଞ୍ଜୁ ନାନୁ ନୀ ତାଞ୍ଜି ଆହାମାଇଁ ।”

୬ ଏଲେକିହାସି ଏ ଅଡେ ର ତାଣା ଜିକେଏ ଏଲେଇଞ୍ଜା ମାନେସି,

“ନୀନୁ ମଲ୍‌କିସେଦକ ଲେହେଁ କାଲେଏଡ଼ି ପୂଜେରା ଆଡ଼ି ।”

୭ ଆମ୍ବାଆସି ଏଞ୍ଜାଣାଇଁ ହାକିଟି ନୀର୍ହାଲି ଆଡ଼ିମାନେସି, ଏଞ୍ଜାସି ତାନି ଆକା ତଲେ ନୀତା ମାଟାଟି, ମାହାପୁରୁ ନକିତା ହାରେକା ଡ଼ାହି ଡ଼ାହି ଅଡେ କାଣ୍ଡୁତଲେ ପ୍ରାଡାନା ଅଡେ ବାଡ଼ିମାଲିହାସି ହେର୍ପା ମାଚେସି, ଇଞ୍ଜା ତାନୁଏ ଜାହାରାଇଁ ଉଣା କିହାକତିନାସି ଅଡେ ତାରିତାସି ମାଟାକି ମାହାପୁରୁ ଏଞ୍ଜାଣି ରୀସ୍ତାଣି ଖେଚେସି,

୮ ଏଞ୍ଜାସି ମାହାପୁରୁ ମୀର୍ଏସି ଆଡ଼ିଜିକେଏ ଦୁକୁତି ଅରହାନା ମାନୁଞ୍ଜି ଆହାଲି ଜାପିତେସି ।

୯ ଇଲେଆହାସି ତାରିଆହାନା ତାନି ହୁକୁମି ମାନୁଞ୍ଜି ଆନାରାକି କାଲେଏ ଗେଲ୍‌ପିନାସି ଆନେସି;

\* ୪:୭ ଆଞ୍ଜାମାନି ଦେସା କିଶାନ † ୪:୭ ଆଞ୍ଜାମାନି ଦେସା କିଶାନ ✨ ୫:୭ ମାତି ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୭

୧୦ ଏଦାଆଁତାକି ଏଝାସି ମାହାପୁରୁ ତାଣାଟି ମଲ୍ଲକିସେଦକତି ମେରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଟା ଆଡେସି ।

**ନାମୁ ଉଣାଆନ୍ତି କାତା**

୧୧ ଜୀସୁ କ୍ରୀସ୍ତତି କାତା ମାଙ୍ଗେ ହାରେକା ଝେହ୍ନାୟି ମାନେ, ସାମା ମିଙ୍ଗେ ତେଲ୍ଲହି କିୟାଲି ହାରେକା କସ୍ତ, ଇଚିହ୍ନି ମୀ ଜୀସୁତା ଝେନାୟି ହାରେ ଉଣା ବାଡ଼ୁୟି ମାନେ ।

୧୨ ଇଚିହ୍ନି ଇଚର ଦିନା ବିତ୍ରା ମୀରୁ ଜାପୁନାତେରି ଆନାୟି ମାରେ, ଆଡିଜିକେଏ ମାହାପୁରୁତି ବଲୁ ଏଟକା ଲକୁ ଜାପୁହାଲି ତାକି ମିଙ୍ଗେ ଲଡ଼ା ଆହିମାଞ୍ଜାନେ; ଝାଜିତି ରାନ୍ଦା ଲଡ଼ା କିଆନା ପାଲୁ ମିଙ୍ଗେତାକି ଲଡ଼ା ଆହିମାଞ୍ଜାନେ ।

୧୩ ଆମ୍ବାଆସି ପାଲୁ ଗହ୍ନାସି ଏଝାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇଚିହ୍ନି ଏଝାସି ଉଣା କକାସି ।

୧୪ ସାମା ପାତାଆଡି ଲକୁ, ଇଚିହ୍ନି ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଚାଲି ଆଡିନେରି, ଏଝାରାକି ଝାଜିତି ରାନ୍ଦା ଲଡ଼ାମାନେ ।



୧ ଏଦାଆଁତାକି ଝାଦୁ ମାର କ୍ରୀସ୍ତତି ମୁଲୁଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଟି ମନ ଝେଟ୍ଟହାନା, ମାହାପୁରୁ ତାଣା ନାମିନ,

୨ ବାପ୍ତିସ୍ତତି\* କାତା ଜାପୁନାୟି, ତାୟିତୁ କେୟୁ ଇଚିନାଣି, ହାଡ଼ାରି ଝେଣ୍ଡେ ନିଜିନାୟି, କାଲେଏତି ଡ଼ଣ୍ଡୁତି ପୁନାଦି ଝେଣ୍ଡେ କିନାୟିମାନେ ।

୩ ନାଏଁ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡିସାରେ ମାର ଇଦାଆଁ କିନ ।

୪ ଆମିନି ଗାଟାରି ନାମୁତି ଉଣା କିହାମାନେରି, ଏଝାରି ଅଣ୍ଡପାନା ଝେଣ୍ଡା ଝାହାଲି ଆଡିନେରିକି ? ଏଝାରି ମାହାପୁରୁ ଉଜେଡିତା ବାସା କିହିମାଚେରି, ଲାକପୁରୁତି ଦାନାତ ଝାଣ୍ଡାନା, ସୁଦୁଜୀସୁତା ଆଣ୍ଡାମାଚେରି,

୫ ମାହାପୁରୁତି ନେହ୍ନି ବଲୁ ଇଞ୍ଜା ଝାହିମାନି ଜୁଗୁତି ବାଡ଼ୁୟି ଡ଼ାକନାଣି ଏଝାରି ଝାଣ୍ଡା ମାନେରି,

୬ ଏଝାରି ସାତାତି ପିସାନା ଲାଗେଏ ଆନେରି, ଆଡିହ୍ନି ମନତି ବାଦ୍ଲି କିଝିକିହାଲି ଅଡେ ଝେଣ୍ଡେ ଏଝାରାଲ୍ ପୁଞ୍ଜି କିଝିକିହାଲି ଆଡ଼ାଆୟି, ଏଦାଆଁତାକି ଏଝାରି ତାନି ନାସା ଆହାଲିତାକି ମାହାପୁରୁ ମୀରଏଣାଲ୍ ପାସି ମୁଣ୍ଡାତା ଏକ୍ହାନା ଲକୁ ନକିତା ଏଝାଣାଲ୍ ଲାଜା କିହିମାନେରି ।

୭ ଇଚିହ୍ନି ଆମିନି ବୁମି ପିୟୁ ରିନି ଏୟୁ ଗହ୍ନେ ଇଞ୍ଜା ଆମିନି ତାସା କିନାରାକି ଲଡ଼ା ଆନ୍ତି ଆର୍ନା କାମ୍ବି କିନେ, ଏ ବୁମିତି ମାହାପୁରୁ ବର ହାନେସି ।

୮ ସାମା ଏମ୍ବାଆଁ ହାପୁକା ଅଡେ ଜାଡ଼ା ନେୟିନେ, ଆଡିହ୍ନି ଏଦି ଏନ୍ତି ଲାବା ଆଏ, ଏଦି ମାହାପୁରୁତି ବାକା ବେଟାଆନେ, ଅଡେ ତାୟୁ ହିରୁତା ଡ଼ାଞ୍ଜାହାନେ ।

\* ୭:୨ ମୁଞ୍ଜନାୟି

୯ ସାମା ଏ ଜୀସୁତି ତାୟିୟା, ମାମ୍ବୁ ଇଲେକ୍ କାତା ଝେସି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବର ବେଟାଆହାମାଞ୍ଜେରି ।

୧୦ ଇଚିହ୍ନି ମାହାପୁରୁ ମୀ କାମା, ଅଡେ ମାହାପୁରୁ ଲକୁଣି ସେବା କିହିମାନାଣି ଅଡେ ନାଏଁ ଜିକେଏ କିହିମାନାଣି ଅଡେ ତାନି ଦରୁ ତାକି ମୀରୁ ଆମିନି ଜୀସୁନହ୍ନି ମାଞ୍ଜେରି, ଏଦାଆଁ ମାହାପୁରୁ ବାଣ୍ଟି ଆନେସି ଇଲେତି ଦାମ୍ବୁ ହିଲାଆଗାଟାସି ଏଝାସି ଆଏ ।

୧୧ ସାମା ମାଡି ରଣ୍ଡିଏ ଅଣ୍ଡପୁ, ମୀରୁ ତାୟୁ ପାତେକା ମାଙ୍ଗେତାକି ମୀ ଜୀସୁନାୟି କାଲେଏ ଡ଼ୟାପେ ଆଡିହ୍ନି ମୀ ବାରେ ଆସା ପୁରା ଆନେ ।

୧୨ ଏନ୍ତିକ୍ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡେ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଝାରିଲେହେଁ ଆଦୁ ।

**ମାହାପୁରୁତି ଆଞ୍ଜିନାୟି ସାତା ଆନେ**

୧୩ ଇଚିହ୍ନି ମାହାପୁରୁ ଏଚିବେଲା ଅବ୍ରାହାମାଲ୍ ଆଞ୍ଜାମାଚେସି, ଏଚିବେଲା ଏଝାସି ତାନି ଆଞ୍ଜାମାନାଣି ମାନଝି ଆହାଲି ପାରମାଣା କିହାମାଚେସି, ଏଝାଣି କିହାଁ ଆମ୍ବାଆସି କାଜାସି ହିଲାଆକି ଏଝାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାଚେସି,

୧୪ ଏଝାସି ଏଲେଇଚେସି, “ନାମୁ ନିଙ୍ଗେ ସାତେଏ ବର ହିୟାଲ୍ ଅଡେ ନୀ କୃତାତି ହାରେକା ପାଡିକିଲ୍ ।”

୧୫ ଅଡେ ଇଲାଆହ୍ ହାରେକା ଅରହାନା ଅବ୍ରାହାମା ଆଞ୍ଜାମାନାଣି କାଟାମାଚାକି ଏଦାଆଁ ମେଡ଼ା ଆହାମାଚେସି ।

୧୬ ମାଣ୍ଡସିୟାଁ ଏଝାରି କିହାଁ କାଜା ଦରୁତଲେ ପାରମାଣା କିନେରି, ଅଡେ କାତା ତୀରି କିହାଲି ଏଝାରି ବାରେ ଗଡ଼ହା ପାରମାଣା ତଲେ ତୀରି ଆନେ ।

୧୭ ମାହାପୁରୁ ଆମ୍ବାଆରାଲ୍ ଇ ବାରେ ହୀଲ୍ ଇଞ୍ଜା ଆଞ୍ଜାମାଚେସି, ଏ ଆଞ୍ଜାମାନାଣି ମାନଝି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାଚେସି ।

୧୮ ଏନ୍ତିକ୍ ଆମିନି ରୀ ବାଦ୍ଲି ଆଆଗାଟି କାତାତି ମାହାପୁରୁ ମିଚି ଝେସାଲି ଆଡ଼ଅସି, ଏଦାଣି ତଲେ ନକିତି ବାସ୍ତୁତି ଆସାଲି ତାକି ବାସା ଟାୟୁତା ମାର ହଟି ମାନାୟି, ଇଞ୍ଜା ମାର ବାଡ଼ୁୟି ରାହାଁ ବେଟାଆନାୟି ।

୧୯ ଏୟୁ ଜାଜା ଦହ୍ନି ଲହ୍ ମୁଣ୍ଡାଲେହେଁ, ଏ ବାସ୍ତୁ ମା ଜୀସୁତି ଗେଲ୍ପି କିନାୟି ଅଡେ ଆଜିନାୟି, ଏଦି ମାହାପୁରୁ ଇଲୁତି ଏଟକା କିନି ହିମ୍ବୁରି ଲେଟାମାନି ଟାୟୁତା ହଡ଼ାନା ଆଟ଼ା ଅଡେ ତୀରି ଆହାମାନେ,

୨୦ ଅଡେ, ଜୀସୁ ଏ ଟାୟୁତା ମଲ୍ଲକିସେଦକ ଲେହେଁ କାଲାକାଲାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି ।



**ମଲ୍ଲକିସେଦକତି ପୂଜେରା ପାଣା**

୧୧ ଇ ମଲ୍କିସେଦକ ସାଲେମ ଦେସାତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୂଜେରା ମାଚେସି । ଅବ୍ରାହାମ ଅଡ଼େ ତାନି ତଡ଼ତୁରି, ସାରି ଜାଣା ରାଜାୟାଁ ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାତି ବେଲତା ମଲ୍କିସେଦକ ଅବ୍ରାହାମଇଁ ବେଟାଆହାନା ବର ହୀତେସି;

୧୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାତି ଆସ୍ତିତି ଦସ ବାଗାତି ର ବାଗା ହାହାମାଚେସି । ମଲ୍କିସେଦକ, ଇଚିହଁ “ଦାମ୍ବୁତି ରାଜା” ଅଡ଼େ ସାଲେମତି ରାଜା, ଇଚିହଁ “ହିଡ଼ଡ଼ିତି ରାଜା ।”

୧୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରକା କି ଏଞ୍ଜାଣି ଜାର୍ନା ଦିନା କି ଜୀଞ୍ଜୁତି ରାତି ଦିନା ଆମ୍ବିୟାଞ୍ଜା ରାସ୍କି ଆହାହିଲେଏ; ଏଞ୍ଜାସି ମାହାପୁରୁ ମୀରଏସି ଲେହେଁ କାଲା କାଲାକି ପୂଜେରା ଆହାମାଚେସି ।

୧୪ ଅଣ୍ପାରି କିଦୁ, ମଲ୍କିସେଦକ ଏଚେକା କାଜାସି ମାଚେସି, ଆକୁ ଅବ୍ରାହାମ ଜୁଜୁତା ଜୀଣାଆହାନା ତାଚାମାତି ଆସ୍ତିତି ହାରେକା ନେହଁ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହାହାମାଚେସି ।

୧୫ ଲେବି କୁଡ଼ାତି ମୀରକା ବିତ୍ରାତି ଆମିନି ଗାଟାରି ପୂଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସାୟେଲ ଲକୁ ତାଣାତି ଇଚିହଁ ତାମି ତାୟିୟାଁ ତାଣାତି ଦସ ବାଗାତି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଙ୍ଗାତି ଜାର୍ନା ଆଡ଼ିଜିକେଏ ତାମି ଲକୁ ତାଣାତି ଦସ ବାଗାତି ର ବାଗା ଅନେରି;

୧୬ ମଲ୍କିସେଦକ ଲେବି କୁଡ଼ାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ ତାଣାତି ଦସ ବାଗାତି ର ବାଗା ଅଡ଼େସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବର ହୀତେସି ।

୧୭ ବର ହୀନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି ।

୧୮ ଇଲେକିହଁ ହାନି ମାଣ୍ଡିୟାଁ ଦସ ବାଗାତି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏଚିବେଲତା ଆମ୍ବାଆସି ଅବ୍ରାହାମତି ଦସ ବାଗାତି ର ବାଗା ଅହାମାଚେସି ଏଞ୍ଜାଣି କାତା ସାକି ହୀପ୍କି ଆହିମାନେ, ଏଞ୍ଜାସି ହାହା ହିଲଅସି ।

୧୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାତି ର ବାଗା ଅହିମାନି ଲେବି ତାନୁ ଜିକେଏ ଅବ୍ରାହାମ ତାଣାତି ଦସ ବାଗାତି ର ବାଗା ହାହାମାନେସି ।

୨୦ ଏଦାଆଁତାକି ଇଚିହଁ ଅବ୍ରାହାମଇଁ ମଲ୍କିସେଦକ ଆଣ୍ଡିତାତି ଲେବି ଏଚିବେଲତା ଜାର୍ନା ଆହା ହିଲଆତେସି ସାମା ଲେବି ଏଞ୍ଜାଣି ଆଙ୍ଗା ବିତ୍ରା ମାଚେସି ।

୨୧ ଇ ଲେବିୟ ଲକୁତି ପୂଜେରା ପାଣା ତଲେ ଇସାୟେଲ କୁଡ଼ାତି ଲକୁ ତାକି ମସାତି ମେରା ହୀପ୍କି ଆହାମାଚେ । ଅଡ଼େ ଲେବି ଲକୁତି କାମା ନେହଁ କିହାଲି ଆଡ଼ିତିହଁମା, ହାରଣତି ଅଦିକାରାଗାଟି ଇ ଲେବି ପୂଜେରାଙ୍ଗା ପିସାନା ମଲ୍କିସେଦକ ଅଦିକାରା ଲେହେଁ ଅର କୁଡ଼ାତି ପୂଜେରା ଲଡ଼ା ହିଲଆତେ ।

୨୨ ଇଚିହଁ ପୂଜେରା ପାଣା ବାଦ୍ଲି ଆନେ, ଆତିହଁ ମସା ମେରା ଜିକେଏ ବାଦ୍ଲି ଆନାୟି ମାନେ ।

୨୩ ଇଚିହଁ ଆମ୍ବାଆରି ତାକି ଇ ବାରେ ଖେସ୍ପି ଆହାମାନେ, ଏଞ୍ଜାସି ଅର କୁଡ଼ାତି ଲକୁ ମାଚେସି, ଆମିନି କୁଡ଼ାତାରି ଆମ୍ବାଆସି ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି ।

୨୪ ଇଚିହଁ ଇଦି ସାତା ମା ପ୍ରବୁ ଜୀହୁଦା କୁଡ଼ାତି ଜାର୍ନା ଆହାମାନେସି ଇଞ୍ଜା ମସା ଇ କୁଡ଼ାତି ପୂଜେରା ପାଣା ତାକି ଏଦାଆଁ ଖେସାହିଲଅସି ।

**ମଲ୍କିସେଦକ ଲେହେଁ ଅଡ଼େ ର ପୂଜେରା**

୨୫ ଅଡ଼େ ଇଦି ଇମ୍ବାଟି ଜିକେଏ ନେହଁକଁ ପୁନାୟି, ମଲ୍କିସେଦକ ଲେହେଁ ଅଡ଼େ ର ପୂଜେରା ହଚାମାନେସି ।

୨୬ ଏଞ୍ଜାସି ଆଙ୍ଗା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଞ୍ଜୁତି ବାଡ଼ୟୁଟି ପୂଜେରା ପାଣା ମେଡ଼ା ଆହାମାନେସି ।

୨୭ ଇଚିହଁ ଦାମ୍ବୁପତିତା ଏଞ୍ଜାଣି ତାକି ଇଲେକଁ ଦାମ୍ବୁ ସାସ୍ପେରିତା ସାକି ହୀପ୍କି ଆହାମାନେ; “ନୀନୁ ମଲ୍କିସେଦକ ଲେହେଁ କାଲାକାଲାତି ପୂଜେରା ଆଦି ।”

୨୮ ଇମ୍ବାଆଁ ତଲିତି ହୁକୁମି ବାଡ଼ୟୁ ହିଲଆଗାଟାୟି, ଉଜେଏତାୟି ଲାକା ଏଦି ମେଣ୍ଡା ହାଜାମାନେ ।

୨୯ ଏଦାଆଁତାକି ଇଚିହଁ ମସାତି ମେରା ଏଦାଆଁଞ୍ଜା ତୀରି କିହାଲି ଆଡ଼ାଆତେ । ଅରଞ୍ଜାକି ବାରେକିହାଁ ହାରେକା ନେହଁ ବାସ୍ତୁ ହଚାମାନେ, ଏ ବାସ୍ତୁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୩୦ ମା ତାକି ମାହାପୁରୁତି ପାରମାଣା ହାରେକା ମାନେ । ହାରଣ କୁଡ଼ାତି ପୂଜେରା ପାଣାତା ଆଡ଼ଞ୍ଜି ଆଡ଼ାଟି ଇଲେତି ଏଦି ପାରମାଣା ହୀପ୍କି ଆହାହିଲଆତେ ।

୩୧ ସାମା କ୍ରୀସ୍ତ ପୂଜେରା ଆନି ବେଲତା ମାହାପୁରୁ ପାରମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି, “ପ୍ରବୁ ର ପାରମାଣା କିହାମାନେସି,

ଏଞ୍ଜାସି ତାନି ଅଣ୍ପୁତି ବାଦ୍ଲି କିଅସି, ନୀନୁ କାଲାକାଲାତି ପୂଜେରା ଆଦି ।”

୩୨ ପ୍ରବୁ ଇଲେକଁ ପାରମାଣା କିହାମାନାକି ଜୀସୁ ଅଡ଼େ ର ହାରେକା ନେହଁ ରାଜିମାନା କିନାସି ଆହାମାନେସି ।

୩୩ ପୁଞ୍ଜ ତାଣା ଜିକେଏ ଏଚ୍କା ପୂଜେରାଙ୍ଗା ହାନାରି ଆହାମାନାକି ଏଞ୍ଜାରି ହାଡ଼ି ତାୟୁ ଏଚ୍କାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଞ୍ଜାରି ହାରେକା ।

୩୪ ସାମା ଜୀସୁ କାଲାକାଲା ନୀତାମାନାକି, ଏଚେଲାଞ୍ଜା ବାଦ୍ଲି ଆଆ ପୂଜେରା ପାଣା ବେଟାଆହାମାନେସି ।

୩୫ ଏଦାଆଁତାକି ଏଞ୍ଜାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୂରେ ନୀଏଁ ଅଡ଼େ କାଲେଏ ଗେଲପାଲି ଆଡ଼ିମାନେସି, ଏଦାଆଁତାକି ଇଚିହଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଲେଏ ନୀତାମାନେସି ।

୩୬ ଏଦାଆଁତାକି ଇଚିହଁ ଇଲେତି କାଜା ପୂଜେରା ମା ତାକି ନେହାଁସି, ଆମ୍ବାଆସି ସୁଦୁଗାଟାସି, ଦହ

ହିଲୀଆଗାଟାସି, ଲାଗେଏତି ସିନା ହିଲୀଆଗାଟାସି ପାପୁ  
ଗାଟାରି ତାଣାଟି ଏଟକା ଆହାମାନାସି, ଲାକପୁରୁ  
ଅଞ୍ଜିଆଡେସି ।

୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି  
ପାପୁ ତାକି ଅଡେ ତାୟୁ ଲକୁତାକି ବାରେଦିନା ପୂଜା ହୀହାଲି  
ଲଡା ହିଲେଏ, ଇଚିହଁ ତାଜେ ପୂଜା ହୀତାକି ଏଞ୍ଜାସି  
ରଣ୍ଡିଏ ପାଲି ଇଦାଆଁ କିହାମାନେସି ।

୨୮ ଏନାଆଁତାକି ଇଚିହଁ ମସାତି ମେରା ବାଡ଼ୟୁ  
ହିଲୀଆଗାଟି ମାଣ୍ଡିଲି କାଜା ପୂଜେରା ପାଣାତା ଆଡିନେ,  
ସାମା ଆମିନି ପାରମାଣାତି ବଲୁ ମସାତି ମେରା ଜେଟ  
ଆହାମାରେ, ଏଡି କାଲୀକାଲୀ ତାକି ତୀରିଗାଟି ମାର୍ଏଣାଲି  
ଆଡିମାନେ ।



**ଜୀସୁ ମା କାଜା ପୂଜେରା**

୧ ମାମ୍ନୁ ଏନାଆଁ ଖେସିମାଞ୍ଜାନମି ଏମ୍ବାତି କାଜା କାତା  
ଇଦି, ମାଜେତାକି ଇଲେତି ର କାଜା ପୂଜେରା ମାନେସି,  
ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ  
ସିଂଗାସାଣିତି ଚିଃନି ଟଟତା କୁଗାମାନେସି ।

୨ ଏଞ୍ଜାସି ବାରେତି କିହାଁ ସୁଦୁ ଟାୟୁତା ଇଞ୍ଜା ଆମିନି ସାତା  
ତୁମ୍ଭୁ ଇଲୁ ମାଣ୍ଡି କେୟୁଟି କେପି ଆଆନା ପ୍ରବୁ ତାଣାଟି  
ତୀରି ଆହାମାନେ ଏମ୍ବାତି ସେବା କାମା କିନେସି ।

୩ ଇଚିହଁ ବାରେ କାଜା ପୂଜେରାଜା ଦାନା ଅଡେ ଜଡ଼ତି  
ଡାକାହାଁ ପୂଜା କିହାଲି ଆଡ଼ି ଆହାମାନେରି, ଇଦାଆଁତାକି  
ଇ କାଜା ପୂଜେରାକି ଜିକେଏ ପୂଜା ହେର୍ପାଲି ତାକି  
ଲଡାମାନେ ।

୪ ଜୀସୁ କ୍ରୀସ୍ତ ଦାରତିତା ମାଚିହଁ ମା, ପୂଜେରା ଜିକେଏ  
ଆୟାଲି ଆଡାଆଡେସିମା, ଏନାଆଁତାକି ଇଚିହଁ ଜୀହୁଦି  
ଲକୁତି ମେରା ଲେହେଁ ଦାନା ହେର୍ପିନେରି ଇଲେତି  
ପୂଜେରାଜା ଏମ୍ବାଆଁ ମାନେରି;

୫ ପୂଜେରାଜା ଆମ୍ବାଆରି ସେବା କିନେରି, ଏଡି  
ଲାକପୁରୁତି କାତା ପୁଣ୍ଡିକିନିଲେହେଁ ସାୟୁଁ ସମାନା,  
ମସା ଏଚିବେଲା ପୂଜା କିହାଲିତାକି ର ତୁମ୍ଭୁ କେପିନି  
ବେଲାତା ଏଞ୍ଜାଣାଲି ମାହାପୁରୁ ଏଲେଇଞ୍ଜାମାରେସି,  
“ଜାଗ୍ରାତା, ହରୁତା ନିଜେ ଆମିନି ହୁକୁମି ତସ୍ପି  
ଆହାମାଞ୍ଜାଡେ, ଏଲେକିହଁଏ ବାରେ କେପାମ୍ ।”

୬ ସାମା ନୀର୍ବ ଜୀସୁକି ଆମିନି ପୂଜେରା କାମା ହୀପକି  
ଆହାମାନେ, ଏଡି ଏଟକାତି ପୂଜେରାଜା କାମା କିହାଁ  
କାଜାୟି । ଏଲେକିହଁଏ ମାହାପୁରୁ ଅଡେ ମାଣ୍ଡିୟାଁ ମାଦି  
ଏଞ୍ଜାସି ଆମିନି ରାଜିମାନା କିହାମାନେସି ଏଡି କାଜାୟି,  
ଇଚିହଁ ଇ ମେରାତା ହାରେକା କାଜା କାତା ହୀହାଲି  
ଆଞ୍ଜାମାନାୟି ମାନେ ।

୭ ଇଚିହଁ ତଲିତି ରାଜିମାନା ଏଡି ଦହ  
ହିଲୀଆତିହଁ ମା, ତାୟୁ ଅଡେ ଅର୍ ରାଜିମାନା ଲଡା  
ଆଆଡେମା ।

୮ ସାମା ମାହାପୁରୁ ତାନି ଲକୁଇଁ ଦହ ଦସାନା ଏଞ୍ଜାରାଲି  
ଏଲେଇଞ୍ଜା ମାନେସି,

“ପ୍ରବୁ ଏଲେଇଞ୍ଜା ମାନେସି, ମେହଦୁ ର ଦିନା ଖାହିମାନେ,  
ଏଚିବେଲା ନାନୁ ଇସ୍ତାୟେଲ କୃତା ଅଡେ ଜୀହୁଦା  
କୃତା ତଲେ ର ପୁଃନି ରାଜିମାନା ତୀରି କିଇଁ;

୯ ଆମିନି କାଲୀତା ନାନୁ ଏଞ୍ଜାରି ଆକୁୟାଣି କେସ୍ତା ଆସାନା  
ମିସର ଦେସାଟି ହପହା ତାରାମାରେଏଁ,  
ଏ ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା  
କିହାମାରେଏଁ, ଇ ରାଜିମାନା ଏଲେକିହଁ ଆଏ;  
ଇଞ୍ଜା ଏଞ୍ଜାରି ନା ରାଜିମାନାତା ତୀରି ଆହଁ ମାନାଆଡେରି,  
ଇଞ୍ଜା ନାନୁ ଏଞ୍ଜାରାଲି ମନ ହୀଆଡେଏଁ, ପ୍ରବୁ ଇ କାତା  
ଏଲେ ଇଞ୍ଜାମାନେସି ।

୧୦ ପ୍ରବୁ ଏଲେଇଞ୍ଜା ମାନେସି,  
ତାୟୁ ନାନୁ ଇସ୍ତାୟେଲ କୃତା ତଲେ ଇ ରାଜିମାନା  
କିଇଁ, ଏଡି ଇଦି,

ନାନୁ ଏଞ୍ଜାରି ମନତା ନା ମେରା ହୀଇଁ,  
ଏଞ୍ଜାରି ହିୟାତା ଏ ବାରେ ରାଚିଇଁ,  
ଅଡେ ଏଞ୍ଜାରି ମାହାପୁରୁ ନାନୁ ଆଇଁ,  
ଅଡେ ଏଞ୍ଜାରି ନା ଲକୁ ଆନେରି ।

୧୧ ମାହାପୁରୁଇଁ ପୁଞ୍ଜୁ ଇଞ୍ଜା ଏଞ୍ଜାରି ବିତ୍ରାଟି ରଅସିଞ୍ଜା ତାନି  
କୃତାତି ଗାଡାତାରାଇଁ ଖେହୁଅସି,  
ଇଞ୍ଜା ତାନି ତାୟୁୟାଁ କି ପାଡିତାରାଇଁ ଜାପୁଅରି,  
ଏନାଆଁତାକି ଇଚିହଁ ଉଣାଟିଏ କାଜାରି ପାଡେକା  
ଏଞ୍ଜାରି ବାରେଜାଣା ନାଜେ ପୁଞ୍ଜାମାନେରି ।

୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମେକଇଁ,  
ଅଡେ ଏଞ୍ଜାରି ଲାଗେଏ କିନାଣି ଏଚେଲାଞ୍ଜା ଅଣ୍ପପାଁ  
।”

୧୩ ମାହାପୁରୁ ର ପୁଃନି ରାଜିମାନା କିତାକି ତଲିତି  
ରାଜିମାନାଲି ପୁଃଞ ରାଜିମାନା କିହାମାନେସି; ଇଞ୍ଜା ଅଡେ  
ଆମିନି ପୁଃଆୟି ଲଡା ହୀଆଗାଟାୟି ଆହାମାନେ, ଏଡି  
ଗାଡେକେଏ ମେଣ୍ଡିନେ ।



**ଦାରତି ଅଡେ ଲାକପୁରୁତି ପ୍ରାତାନା**

୧ ସାଡେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି  
ମେରା ଅଡେ ର ଦାରତିତି ସୁଦୁ ଟାୟୁ କିଞ୍ଜି ଆହାମାରେ ।

୨ ଏଡି ର ତୁମ୍ଭୁ ତଲେ କେପିତି ଇଲୁ ଆହାମାରେ, ଏମ୍ବାତି  
ତଲିତି ବାକ୍ରା ଇଞ୍ଜା ଇନେରି ଏମ୍ବାଆଁ ର ଦୀଞ୍ଜି ସଡା, ର  
ପିଣ୍ଡା ଅଡେ ମାହାପୁରୁକି ହେର୍ପାମାନି ରୁଚି ମାରେ, ଏଦାନି  
ସୁଦୁ ଟାୟୁ ଇନେରି ।

୩ ଏମ୍ବାଆଁ ଲେଟାମାଟି ଚାଟିନି ରା ହିମ୍ପରିକା ତାୟୁଞାକି  
ଆମିନି ତୁମ୍ଭୁ ମାରେ, ଏଦାଆଁ ହାରେକା ସୁଦୁ ବାକ୍ରା ଇଞ୍ଜା  
ଇନେରି;

୪ ଏମ୍ବାଆଁ ବାଂଗାରା ତଲେ ଖାରି କିହାମାଟି ଦୁପ୍ପଣି ହୁଡିନି  
ର ପିଣ୍ଡା ଅଡେ ବାଂଗାରା ତଲେ ଖାରି କିହାମାଟି ରାଜିମାନା  
ପେଡା ମାରେ । ଏ ରାଜିମାନା ପେଡାତା ମାନା ଇଚକି  
ଆହାମାଟି ର ବାଂଗାରା ମୁତା ଅଡେ ହାରଣାଞ୍ଜାୟି ଆକୁ  
ଗାଲୁହାମାଟି ବାଡ଼ଗା ଇଞ୍ଜା ରାଜିମାନା ରାସ୍ତକି ଆହାମାଟି  
ରିଣ୍ଡି ଖାଲି ପାଟାୟାଁ ମାତୁ,

୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିତାମାନି ଲେହେଁ ଗାଝୁରମିଗାଟି ଜଡ଼େକା କିରୁବ ଦୁତୁୟାତି ବମା ମାତୁ, ଏଞ୍ଜି ପାପୁ ମେଣ୍ଡି କିନି ଚାମୁତି ପୁକ୍ତହାମାତୁ; ଏଞ୍ଜି ପାପୁ ମେଣ୍ଡି ଚାମୁ ଲାକ ମାରାୟା ପୁକ୍ତହାମାତୁ, ଏ ବାରେତି କାତା ନୀର୍ବ ନେହଁକଁ ଖେସାଲି ଲଡ଼ା ହିଲେଏ ।

୬ ଏମ୍ବାଆଁ ଇଲେତି ମେରା ମାନେ; ପୂଜେରାଜା ଦିନାତାକି ଦିନା ତୁମୁତି ତଲିତି ବାକ୍ରା ବିତ୍ରା ତାମି ସେବା କାମା କିନେରି,

୭ ସାମା ଡାମୁତି ବିତ୍ରା ବାକ୍ରାତା ଖାରଇ କାଜା ପୂଜେରା ବାର୍ଯା ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକ୍ଷୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଞ୍ଜିସି ନେତେରି ଅହାନା ହାରେକା ସୁଦୁ ଚାମୁତା ହଡ଼ନେସି ।

୮ ଇଦାଆଁତାକି ସୁଦୁଜାଝୁ ମାଙ୍ଗେ ଜାପୁହି ମାଞ୍ଜାନେ, ନକିତି ସୁଦୁ ତୁମୁ ମାନି ପାତେକା ହାରେକା ସୁଦୁ ଚାମୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ ।

୯ ଇ ତଲିତି ବାକ୍ରା ନୀର୍ବ କାଲା ତାକି ପୁଣ୍ଡି କିଞ୍ଜିକିନି ସିନା, ଅଡ଼େ ଏଲେକିହଁଏ ଦାନା ଅଡ଼େ ପୂଜା ଇ ବାରେ ହୀପକିଆନେ, ସାମା ଇ ବାରେ ସେବା କିନାରାଇଁ ନେହଁ ଅଶ୍ପୁତି ଦାନା ହାହାଲି ଆଡ଼େଏ;

୧୦ ଇତିହଁଏ ଏ ବାରେ ଖାରଇ ତିନାଣି ଉନାଣି ଅଡ଼େ ଅଟହାଲି ତାକି ଆଜା ତାକି କିନି କାମାୟାଁ ସାମା ମାହାପୁରୁତି ପୁଠିନି ମେରା ଆନି ପାତେକା ଇଦି ବାରେ ଲଡ଼ାଗାଟାୟି ଆହାମାତେ ।

୧୧ ସାମା କ୍ରୀସୁ ନୀର୍ବ ନେହଁ କାମାତି କାଜା ପୂଜେରା ସମାନା ଆହାନା ଖାହାମାନେସି, ଇଞ୍ଜା ଏମିନି ତୁମୁ ଇଲୁତା ଏଞ୍ଜିସି ତାନି ସେବା କାମା କିହାମାନେସି, ଇ ଇଲୁ ଦାର୍ତତା ମାନି ତୁମୁ ଇଲୁ କିହାଁ ହାରେକା କାଜାୟି ଅଡ଼େ ନେହାୟି, ଏଦି ମାଣସି କେମୁତଲେ କେପାଆତି ତୁମୁ ଇଲୁ, ଏଦି ତଞ୍ଜାଆହାମାନି ଦାର୍ତ ବିତ୍ରା ହିଲାଆତେ ।

୧୨ କ୍ରୀସୁ ଗରି କି ବାତା କଡ଼ିତି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଚାମୁତା ହଡ଼ାନା କାଲାକାଲାତାକି ଗେଲପି ଆନାଣି କିହାମାନେସି ।

୧୩ ଆମ୍ବାଆରି ପାଣାପାଟୁ ମାନଞ୍ଜି ଆଆନା ପାପୁ କିନେରି, ଏଞ୍ଜାରି ପଲୁଆ ଗାଟାରି ଲାକ ଗରି ଅଡ଼େ ବାଟା କଡ଼ିତି ନେତେରି ତଞ୍ଜାନା ହୁଡ଼ିତି ଦାରମ୍ପ ତଲେ ଏଞ୍ଜାରି ଆଜାତି ବାରେ ପାପୁ ସୁଦୁ କିହିମାଚେରି,

୧୪ ଇଦି ସାତା ଆହାମାନେ, ଇତିହଁଏ କ୍ରୀସୁତି ନେତେରି ସାତା ଆଏ, କି କାଲେଏତି ଜୀଝୁତି ସାୟେମି ତଲେ ଏଞ୍ଜିସି ଜାହାରାଇଁ ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେରପିତେସି, ତାନି ନେତେରି ଏଚେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଜି କିନି କାମାତି ମା ଜୀଝୁତି ଅଶ୍ପୁତି ସୁଦୁ କିନେ !

୧୫ ଇଦାଆଁତାକି କ୍ରୀସୁଏ ପୁଠିନି ରାଜିମାନାତି ମାଦିତାସି ଆହାମାନେସି, ଏନିକଁ ମୂଲୁତି ରାଜିମାନାତି ପାପୁ ମେଣ୍ଡିହାଲି ତାକି ହାହାମାନାକି ମାହାପୁରୁ ହାଟାମାନି ଲକ୍ଷୁ

କାଲାକାଲାତି ଅଦିକାରା ଆହାଲି ଆଞ୍ଜାମାନି ଗେଲପି ଆନାଣି ବେଟାଆନେରି ।

୧୬ ଇତିହଁଏ ରାଜିମାନା କିଞ୍ଜି ଆହାମାତି ରାଜିମାନା ଆହାମାନି ମାଣସିତି ହାନ୍ତି ପାରମାଣା ଲଡ଼ାମାନେ ।

୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ମୁ ଆନେ, ଇତିହଁଏ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଖାଏ ।

୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ ।

୧୯ ତଲିଏ ମସା ମେରାତି ହୁକୁମି ଲକ୍ଷୁତାଣା ଖେକହେସି, ଡାମୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏମୁତଲେ ଆଟହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଡା ବାଣାୟାଁ ତଲେ ମେରା ପତି ଅଡ଼େ ବାରେ ଲକ୍ଷୁ ଲାକ ଡ଼ାଞ୍ଜିତେସି ।

୨୦ ଏଞ୍ଜାସି ଏଲେଇଚେସି, “ଏମିନି ରାଜିମାନା ମାନଞ୍ଜି ଆହାଲି ମାହାପୁରୁ ମିଙ୍ଗେ ହୁକୁମି ହୀହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।”

୨୧ ଅଡ଼େ ଜିକେଏ ଏଲେକିହଁଏ ଏଞ୍ଜାସି ତୁମୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍ପୁ ଲାକ ଜିକେଏ ନେତେରି ଡ଼ାଞ୍ଜିତେସି ।

୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟହା କିଞ୍ଜିଆନେ, ଅଡ଼େ ନେତେରି ଖାକ୍ତହାନା ପାପୁ ମେଣ୍ଡିଙ୍ଗେଏ ।

**କ୍ରୀସୁତି ହାକିଟି ପାପୁ ମେଣ୍ଡିଙ୍ଗେନେ**

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍ପୁ ପୁଣ୍ଡିକିନିଲେହେଁ ପୂଜା ତଲେ ଅଟଞ୍ଜି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶ୍ପୁ ଇ କାଜା ପୂଜା ତଲେ ଅଟନାୟି ମାନେ ।

୨୪ ଏନାୟି ମାଣସିୟାଁ କେମୁଟି କେପାଆତାୟି ଇଲେତି ସୁଦୁ ଚାମୁତା କ୍ରୀସୁ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ବାଆଁ ଏଞ୍ଜାସି ମା ଖାକିଟି ନୀର୍ବ ମାହାପୁରୁ ନକିତା ମାନେସି ।

୨୫ ଜୀହୁଦିୟାଁ କାଜା ପୂଜେରାଜା ଏନିକଁ ବାର୍ଯା ତାକି ବାର୍ଯା ଏଟକା ଲକ୍ଷୁ ତାକି ପୂଜା ହୀନି ନେତେରି ଅହାନା ସୁଦୁ ଚାମୁତା ହଡ଼ନେରି, ଏଲେକିହଁଏ କ୍ରୀସୁ ଅଲେ ଅଲେ ତାଙ୍ଗେ ପୂଜା କିହାଲି ଏଦି ଏମ୍ବାଆଁ ହାଜାହିଲଅସି ।

୨୬ ଆତିହଁଏ ଦାର୍ତ ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଙ୍ଗେ ହାହାଲି ଆଡ଼େମା; ସାମା ନୀର୍ବ ଏଞ୍ଜାସି ଜୁଗୁ ରାନ୍ତି ବେଲାତା ତାନୁଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି ।

୨୭ ବାରେ ଲକ୍ଷୁତାକି ଏନିକଁ ରଣ୍ଡିଏ ଦେବା ହାନାୟି, ଅଡ଼େ ଏଦାନି ଡାମୁ ନୀହାୟି ମାନେ ।

୨୮ ଏଲେକିହଁଏ କ୍ରୀସୁ ଜିକେଏ ହାରେକା ଲକ୍ଷୁତି ପାପୁ ଡ଼େକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିତେସି, ଅଡ଼େ ଖେଣ୍ଡେ ପାପୁତି ତାକି ଆଏ,

ସାମା ଆମିନି ଗାଗାରି ଏଞ୍ଜାଣାଇଁ କାଚାମାନେରି, ଏଞ୍ଜାରାଇଁ ଗେଲ୍‌ପାଲିତାକି ତଞ୍ଜାଆନେସି ।

**୧୦**

<sup>୧</sup> ଇଚିହ୍ମି ମସାତି ମେରା ଖାହିମାନି ଦିନାତି ନେହ୍ମି ସାୟ୍‌ଲେହେଁ ଆହାନା ଏ ବାରେତି ଖାଣା ଆଆତାକି ପୂଜେରାଜା ବାସା ତାକି ବାସା ଏ ରଣିଏ ରଲେତି ପୂଜା କିହିମାନାକି ପ୍ରାତାନା କିନାରାଇଁ ଏଚେଲାଖା ତୀରି କିହାଲି ଆଡ଼ଅରି ।

<sup>୨</sup> ଏଲେକିହ୍ମି ମାହାପୁରୁତି ସେବା କିନାରି ସାତେଏ ପାପୁଟି ନରୁଝି ଆଡ଼ିହ୍ମିମା, ଆଡ଼ିହ୍ମି ଏଞ୍ଜାରି ଅଡ଼େ ଜାହାରା ପାପୁ ଗାଗାତମି ଇଞ୍ଜି ଅଣ୍‌ପାଆତେରିମା, ଅଡ଼େ ବାରେ ପୂଜା କିନାୟି ତୁଞ୍ଜିତେମା ।

<sup>୩</sup> ସାମା ଏଲେକି ଆଆନା ବାସା ତାକି ବାସା ପୂଜା କିହିମାନାକି ମାଣ୍‌ସିଇଁ ତାନି ପାପୁତି ଅଣ୍‌ପି କିଞ୍ଜିଆହିମାନେ ।

<sup>୪</sup> ଇଚିହ୍ମି ବାଚା କଡ଼ିତି ନେତେରି ଆପେ କି ଗରିତି ନେତେରି ଆପେ ଏଡ଼ି ଏଚେଲାଖା ମା ପାପୁ ମ୍ଲେକ୍‌ହାଲି ଆଡ଼େଏ ।

<sup>୫</sup> କ୍ରୀସୁ ଦାରତିତା ଖାହାନା ଏଲେଇଞ୍ଜାମାଚେସି, “ନାନୁ ପୂଜା ଅଡ଼େ ଦାନା ହୀନାଣି ରାହାଁ ଆଆତି, ସାମା ନାନୁ ନାଜେତାକି ର ଆଜା କେପିତି;

<sup>୬</sup> ପାପୁତି ମ୍ଲେକ୍‌ହାଲି ନାନୁ ହିରୁତା ହୁଡିନି ପୂଜା ଅଡ଼େ ଜନ୍ତ ଡାକିନାଣି ରାହାଁ ଆଆତି ।

<sup>୭</sup> ଏଚିବେଲା ନାନୁ ଏଲେଇଚେଏଁ, ମାହାପୁରୁ, ନାନୁ ଇମ୍‌ଆଁ ମାଇଁ, ନୀ ଅଣ୍‌ପୁତି କାମା କିହାଲି, ଏଡ଼ିକିହ୍ମି ସାସ୍ତେରିତା ନା କାତା ରାସ୍‌କି ଆହାମାନେ ।”

<sup>୮</sup> ଏଞ୍ଜାସି ତଲିଏ ଖେସ୍ତେସି, “ନାନୁ ମାଣ୍‌ସିତି ପାପୁ ମ୍ଲେକ୍‌ହାଲି ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୁଡିନାଣି ଅପିହିଲଅତି; ଏ ବାରେ ନିଜେ ରାହାଁ କିୟାଲି ଆଡ଼େଏ ।” ଇ ବାରେ ପୂଜା ମେରାଲେହେଁ କିଞ୍ଜି ଆହାମାତି ଜିକେଏ,

<sup>୯</sup> ଅଡ଼େ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍‌ମ୍, ନାନୁ ନୀ ମନଲେହେଁ କାମା କିହାଲି ଖାହାମାଇଁ” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରୀସୁତି ପୂଜା ଅପିତେସି ।

<sup>୧୦</sup> ଜୀସୁ କ୍ରୀସୁ ରଣିଏ ଦେବା କାଲାକାଲାତାକି ତାନି ଆଜାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍‌ପି ଆହାନା ସୁଦୁ ଗାଗାତାୟି ଆହାମାନାୟି ।

<sup>୧୧</sup> ଅଡ଼େ ଜିକେଏ ବାରେ ଜୀହୁଦି ପୂଜେରାଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହୀହାଲି ନିନେରି; ଇ ବାରେ ଏଚେଲା ପାପୁ ମ୍ଲେକ୍‌ହାଲି ଆଡ଼େଏ ।

<sup>୧୨</sup> ସାମା କ୍ରୀସୁ ପାପୁ ତାକି ରଣିଏ ଦେବା ତାଜେ ପୂଜା ଅହାଲି ହେରପାକତିତି ତାୟୁ କାଲେଏତାକି ମାହାପୁରୁ ଚିଃନି ଚଟତା କୁରିତେସି;

<sup>୧୩</sup> ମାହାପୁରୁ ତାନି ସାତୁୟାଁଇଁ ଏଞ୍ଜାଣି କତାୟାଁ ଡ଼ଇ ଇଗାଆ ପାତେକା ଏଞ୍ଜାସି ଏମ୍‌ଆଁ କାଚିମାନେସି ।

<sup>୧୪</sup> ଇଚିହ୍ମି ଖାରଇ ରଣିଏ ପୂଜା ହୀତି ତାଣାଟି ଏଞ୍ଜାସି ପାପୁଟି ସୁଦୁ ଆହାମାନି ଲକୁଇଁ କାଲେଏ ତାକି ତୀରି କିହାମାନେସି ।

<sup>୧୫</sup> ସୁଦୁଜୀଝୁ ଜିକେଏ ମାଜେ ସାକି ହୀହାନା ଖେସିମାଞ୍ଜାନେ ।

<sup>୧୬</sup> ଇଚିହ୍ମି ପ୍ରୁ ଇ କାତା ଏଲେଇଞ୍ଜି ମାନେସି, “ଏ ଖାନି ଦିନା ନାନୁ ଏଞ୍ଜାରିତଲେ ଆମିନି ପୁଃନି ରାକିମାନା କିଇଁ,

ଏଡ଼ି ଇଦି, ନାନୁ ଏଞ୍ଜାରି ହିୟାଁତା ମସାତି ମେରା ହୀଇଁ, ଇଞ୍ଜା ଏଞ୍ଜାରି ମନତା ଏ ବାରେ ରାଚିଇଁ ।”

<sup>୧୭</sup> ଅଡ଼େ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡ଼େ ଲାଗେଏତି କାମାୟାଁ ଏଚେଲାଖା ଖେଣ୍ଡେ ଅଣ୍‌ପଅଁ ।”

<sup>୧୮</sup> ଇଦାଆଁତାକି ବାରେ ପାପୁ ଦହ୍ ମେଣ୍‌ଜିସାରେ ଅଡ଼େ ଏଚେଲାଖା ପୂଜା ହୀହାଲି ଲଡ଼ା ଆଏ ।

**ମାହାପୁରୁ ତାଗେ ହାନାୟି**

<sup>୧୯</sup> ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତା, ଜୀସୁତି ହାହାମାନାକି ମାର ସୁଦୁ ଚାୟୁତା ହଡ଼ାଲି କାଜା ଅଦିକାରା ବେଗା ଆହାମାନାୟି,

<sup>୨୦</sup> ଏଞ୍ଜାସି ଲେଚାମାନି ତାନି ଆଜା ଲେହେଁତି ଚାଚିନି ହିମ୍‌ପୁରି ତଲେ ମାଜେତାକି ର ପୁଃନି ଇଞ୍ଜା ନୀଡିନି ଜିରୁ ଦେଚାମାନେସି ।

<sup>୨୧</sup> ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ,

<sup>୨୨</sup> ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡ଼େ ଆଚ୍‌ଖା ନାମୁଟି ମାହାପୁରୁ ନକିତା ହାନ; ଇଚିହ୍ମି ମାର ନୀଏଁ ପାପୁ ଅଣ୍‌ପୁଟି ଅଚ୍‌ଞ୍ଜି ଆହାମାନାୟି ଅଡ଼େ ମା ଆଜା କ୍ରୀସୁତି ନେତେରି ତଲେ ନରୁଝି ଆହାମାନେ ।

<sup>୨୩</sup> ମାର ଖେକ୍‌ହାମାନି ଆସା ବାସ୍‌ପୁତି ବାଡ଼ୁୟୁ ତଲେ ଆହନ, ଏଦାଆଁତାକି ଇଚିହ୍ମି ମାହାପୁରୁ ଆଞ୍ଜାମାନେସି, ଏଞ୍ଜାସି ଟିକାଣାତାସି;

<sup>୨୪</sup> ଅଡ଼େ ଜୀଝୁ ନଞ୍ଜି ଆହାଲି ଇଞ୍ଜା ନେହ୍ମି କାମା କିଞ୍ଜି କିହାଲିତାକି ରଅତାୟି ରଅଣାଇଁ ସାୟେମି କିହାଲି ମନ ହୀନ,

<sup>୨୫</sup> ଅଡ଼େ ଆମ୍‌ଆ ଆମ୍‌ଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକି କିଆପ; ସାମା ରଅତାୟି ରଅଣାଇଁ ବାସ୍‌ ହୀଞ୍ଜିଆନ, ଏଦାଆଁତାକି ଇଚିହ୍ମି ପ୍ରୁ ଖାନି ଦିନା ତାଗେ ଖାହିମାନେ ଇଞ୍ଜି ମେସିମାନାୟି ।

<sup>୨୬</sup> ମା ନକିତା ସାତା ତଞ୍ଜା ଆଡ଼ି ଜେଚ ମାର ପୁଞ୍ଜି ପୁଞ୍ଜିହ୍ମି ପାପୁ କିହିମାନାୟି, ଆଡ଼ିହ୍ମି ଏଡ଼ି ପୂଜା ପାପୁଟି ଗେଲ୍‌ପାଲି ଆଡ଼େଏ,



୨୭ ଆଡ଼ିହୁଁ ମାର ଖାହିମାନି କାଜା ନାହାଁୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ଡ଼ୟିନି ପିସ୍‌ପେ ମାଦି ଅଡ଼େ ଏଟକା ଏନି ତଣ୍ଡ ହିଲେଏ ।

୨୮ ଆମ୍ବାଆସି ମସା ମେରାତି ମାନୁଞ୍ଜି ଆଆସାରେ, ଏଞ୍ଜାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜୁ ପୁଞ୍ଜାନା, ଏଞ୍ଜାଣାଇଁ କାର୍ମା ମେହଆନା ହାନି ତଣ୍ଡ ହାଞ୍ଜିଆଡ଼େନ ।

୨୯ ଇଞ୍ଜା ଅଣ୍‌ପାଦୁ ଆମ୍ବାଆସି ମାହାପୁରୁ ମୀରଏଣାଇଁ କଡ଼ାଁ ତୁଇ ଡ଼ିସାମାନେସି, ପୁଃନି ରାଜିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାରେସି, ଏଞ୍ଜାଣାଇଁ ଉଣା ଇଞ୍ଜୁ ଅଣ୍‌ପାମାନେସି ଅଡ଼େ କାର୍ମା ହାନି ଜୀଞ୍ଜୁତି ଅପାହିଲଅସି, ଏଞ୍ଜାସି ଏରେକା ହାରେଏ ତଣ୍ଡ ବେଗାଆଅସି !

୩୦ ଇତିହୁଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡ଼େୟି ହାଈଁ” ଆମ୍ବାଆସି ଈ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଇଁ, ଅଡ଼େ ଜିକେଏ “ପ୍ରୁ ତାନି ଲକୁଇଁ ନାହାଁୟି କିନେସି ।”

୩୧ ନୀତାମାନି ମାହାପୁରୁ କେୟୁତା ହେରୁଞ୍ଜିନାୟି ଏଡ଼ି ହାରେକା ଆଜିହପେତାୟି ।

୩୨ ସାମା ଉଜେଡ଼ି ମେସ୍ତି ତାୟୁ ଏଚିବେଲାତା ମୀରୁ ହାରେକା ଦୁକୁ କସ୍ତ ବେଗାଆହାନା ହାରୁଞ୍ଜି ଆହାହିଲଅତେରି, ମୀରୁ ଏ ତଲି କାଲୀତି ଅଣ୍‌ପାଦୁ; ସାମା ମୀରୁ ଏରେଲାଞ୍ଜା ହାରୁଞ୍ଜି ଆହା ହାଲଅତେରି ।

୩୩ ରକଞ୍ଜାକି ଅପାଆ ଗାଟାତେରି ଅଡ଼େ କସ୍ତତା ଲାଜା କିଞ୍ଜିଆହିମାଚେରି, ଅରଞ୍ଜାକି ଏଲେକିହୁଁଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାଚେରି ।

୩୪ ଇତିହୁଁ ମୀରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଗା ଆହାମାଚେରି, ଅଡ଼େ ମିଜେ ମୀ ହାରେକା ନେହୁଁ କାଲେଏତି ବାଡ଼କୁ ମାନେ, ଈଦାଆଁ ପୁଞ୍ଜାନା ରାହାଁତଲେ ମୀ ଦନ ମାଣ୍ଡା ଅନାଣି ମୀରୁ ଅରୁହିମାଚେରି ।

୩୫ ଈଦାଆଁତାକି ମୀରୁ, ମୀ ସାସା ପିହୁଆଦୁ ଇତିହୁଁ ଏମ୍ବାଟି ହାରେକା ଦାନା ମାନେ ।

୩୬ ମାହାପୁରୁତି ଅଣ୍‌ପୁ ପୂରା କିହାନା ଏଞ୍ଜାସି ଆଞ୍ଜାମାନାଣି ବେଗାଆହାଲି ଆଡ଼ିଦେରି, ଏଦାଆଁତାକି ମୀରୁ ସାସା ଆସାନା ଡ଼ୟାଦୁ ।

୩୭ ଇତିହୁଁ ଦାର୍ମୁପତିତା ରାସ୍‌କି ଆହାମାନେ,  
“ଇତିହୁଁ ହାରେକା ଉଣା ବେଲା ମାନେ,  
ଆମ୍ବାଆସି ଖାନାୟି ମାନେ, ଏଞ୍ଜାସି ଖାନେସି;  
ଅଡ଼େ ଏଞ୍ଜାସି ଖେଡ଼ା କିଅସି ।

୩୮ ନା ଦାର୍ମୁତି ମାଣ୍ଡସି ନାମୁତଲେ ନୀତିନାସି,  
ସାମା ଆମ୍ବାଆସି ନା ତାଣାଟି ଗୁଟା ଆଡ଼େନସି,  
ଆତିହୁଁ ଏଞ୍ଜାଣି ତାଣା ନା ଜୀଞ୍ଜୁ ରାହାଁ ଆଏ ।”

୩୯ ସାମା ଆମ୍ବାଆରି ନାସା ଆହାଲି ଖେଣ୍ଡେ ଗୁଟା ଆଡ଼େନରି,  
ମାମ୍ବୁ ଏଞ୍ଜାରି ଗଟିତି ଲକୁ ଆଏ, ସାମା ଆମ୍ବାଆରି ଜୀଞ୍ଜୁତି

ଗେଲ୍‌ପି ଆହାଲି ନାମିନେରି, ମାମ୍ବୁ ଏଞ୍ଜାରି ଗଟିତି ଲକୁତମି ।

## ୧୧

### ନାମୁ

୧ ନାମୁ ଇତିହୁଁ ଆସା କିହିମାନାଣି ବାରେ ସାତେଏ ବେଗାଆନାୟି, ଇଞ୍ଜା ତଞ୍ଜାଆଆଗାଟାୟି ସାତେଏ ମାନେ ଇଞ୍ଜୁ ପୁନାୟିଏ ନାମୁ ।

୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଖେଜିତେରି ।

୩ \*ମାର ନାମୁଟି ପୁନାୟି, ବାରେ ଦାରୁତି ମାହାପୁରୁତି ବଲୁ ତଲେ ଗାଡ଼ି ଆଡ଼େ, ଅଡ଼େ ଏନାୟିଞ୍ଜା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ ।

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହୁଁ ପୂଜା ହେରୁପିତେସି ଇଞ୍ଜା ଏଦାଣି ତଲେ ଏଞ୍ଜାସି ଦାର୍ମୁଗାଟାସି ଆଡ଼େସି; ମାହାପୁରୁ ତାନୁଏ ତାନି ଦାନାତାକି ସାକି ହାତେସି, ଅଡ଼େ ଏଞ୍ଜାସି ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ ତାଣା ଅଞ୍ଜିଆଡ଼େସି ଇଞ୍ଜା ମେଣ୍‌ଜିତେସି; ଅଡ଼େ ଏଞ୍ଜାସି ତଞ୍ଜା ଆଆତେସି, ଇତିହୁଁ ମାହାପୁରୁ ଏଞ୍ଜାଣାଇଁ ଅହାନା ମେଣ୍‌ଜିକିତେସି, ଏଞ୍ଜାସି ମାହାପୁରୁତି ରାହାଁ ଗାଟାସି, ମେଣ୍‌ଜିନି ନକେଏ ଏଞ୍ଜାସି ଏ କାତା ଖେଞ୍ଜାମାଚେସି;

୬ ଅଡ଼େ ନାମୁ ହିଲାଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆଡ଼ଅସି, ଇତିହୁଁ ମାହାପୁରୁ ସାତେଏ ମାନେସି ଇଞ୍ଜୁ, ଅଡ଼େ ଏଞ୍ଜାସି ତାଜେ ପାରିନାରାଇଁ ତାନି କିତି କାମାତି ପାଡ଼େୟି ହାନେସି, ଈଦାଆଁ ଏଞ୍ଜାଣି ତାଣା ଖାନି ଲକୁ ନାମିନାୟିମାନେ ।

୭ ନାମୁଟି ନହୁ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଗାଆହାନା ଆଜିତଲେ ତାନି କୁଟମି ଗେଲ୍‌ପାଲିତାକି ର ଜାଜା କେପିତେସି, ଇଞ୍ଜା ଏ ନାମୁତଲେ ଏଞ୍ଜାସି ଦାରୁତିତି ଦହୁ କିହାନା ନାମୁତଲେ ମାହାପୁରୁ ନକିତା ଦାର୍ମୁଗାଟାସି ଆଡ଼େସି ।

୮ ନାମୁଟି ଅବ୍ରାହାମ ମାହାପୁରୁ ତାଣାଟି ହାଟୁକି ଆହାଲିଏ, ଆମିନି ଦେସା ଏଞ୍ଜାସି ବେଗାଆହାଲି ହାଜିମାଚେସି, କାତା ମାନୁଞ୍ଜି ଆହାନା ଏମ୍ବାଆଁ ହାଜାଲି ହଡ଼େସି, ଏଞ୍ଜାସି ଏମ୍ବିୟା ହାଜିମାନେସି, ଏଦାଆଁ ଏଞ୍ଜାସି ପୁନାଆନା ଜିକେଏ ହଡ଼ାହାଚେସି ।

୯ ନାମୁଟି ଏଞ୍ଜାସି ଏଟକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଞ୍ଜାସି ତୁମୁତା ବାସା କିତେସି ଅଡ଼େ ଏଞ୍ଜାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି ।

୧୦ ଇତିହୁଁ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡ଼େ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଗାଆହାଲି କାଟାମାଚେସି ।

୧୧ ନାମୁତଲେ ସାରା ବାଞ୍ଜେଣି ଆହାଁ ତାନୁଏ ଜିକେଏ ଆଞ୍ଜାମାନାଣାକ୍ ଦୂତି ବୁଡ଼ହା ଆହାମାଟି ଜିକେଏ ପୁରାମାସା ଆହାଲି ବାଡ଼ୁଲୁ ବେଟାଆଡେ;

୧୨ ଅବ୍ରାହାମ ଦୂତି ବୁଡ଼ହା ଆହାମାଟି ଜିକେଏ ଏଞ୍ଜାଣି ତାଣାଟି ହାଗୁତି ହୁକାୟା ଅଡେ ସାମ୍ବୁରିତି ବାଞ୍ଜାଲି ଲେହେଁ ଏଜିକିହାଲି ଆଡାଆଗାଟି ର ହାରେକା କୁଡ଼ା ଜାର୍ନା ଆଡେରି ।

୧୩ ଏ ବାରେଜାଣା ମାହାପୁରୁକ୍ ନାମାହାଁ ହାଡେରି; ଏଞ୍ଜାରି ମାହାପୁରୁ ଆଞ୍ଜାମାଟାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡେରି ଇଞ୍ଜା ଦାବୁତିତା ମାମ୍ବୁ ବୀଦେସା ଅଡେ ବାସା କିହାମାନମି ଇଞ୍ଜା ଜଲିଡେରି ।

୧୪ ଇତିହ ଆମିନି ଗାଟାରି ଇଲେତି କାତା ଜଲିନେରି, ଏଞ୍ଜାରି ତାମି ଅଡେ ର ଦେସା ପାରିମାନେରି ଇଞ୍ଜା ଖେସିମାନେରି ।

୧୫ ଏଞ୍ଜାରି ଆମିନି ଦେସା ପିସା ଖାହାମାରେରି, ଏ ଦେସାତି ଅଡେ ଅଣ୍ଡି ହିଲାଆଡେରି । ଏଞ୍ଜାରି ଅଣ୍ଡିତିହ ମା ଏ ଦେସାତା ଖେଣ୍ଡେ ହାଜାଲି ଆଡିଡେରିମା ।

୧୬ ସାମା ଏଞ୍ଜାରି ର ହାରେକା ନେହାଁଣି ଇତିହ ଲାକପୁରୁ ଦେସାତି ଅଣ୍ଡିମାରେରି; ଏଦାଆଁତାକି ମାହାପୁରୁକ୍ ଏଞ୍ଜାରି ମା ମାହାପୁରୁ ଇଞ୍ଜା ଖେଜି କିହାଲି ଲାଜା ଆହା ହିଲାଆଡେରି, ଇତିହ ଏଞ୍ଜାରି ତାକି ର ଗାଡ଼ା ତାରି କିହାମାନେସି ।

୧୭ ନାମୁତଲେ ଅବ୍ରାହାମ ତାୟିପାରି କିଞ୍ଜିଆହାଁ ଇସାହାକକ୍ ପୂଜା କିହାଲି ହେରପିଡେସି, ଆମିନି ମାଣସି ଆଞ୍ଜାମାଟାଣି ମେଡ଼ା ଆହାମାରେସି, ଆମ୍ବାଆରାକ୍ ଏଲେଇଞ୍ଜାମାରେସି,

୧୮ “ଇସାହାକ ତାଣାଟି ନୀ କୁଡ଼ା ଖେଜିନେରି, ଏ ମାଣସି ତାନି ରଣିଏ ମୀରୁଏଣାକ୍ ତାକିନି ପୂଜା ହୀହାଲି ହାଜିମାରେସି ।”

୧୯ ଇସାହାକକ୍ ମାହାପୁରୁ ହାଡ଼ାରି ତାଣାଟି ଜିକେଏ ନିକହାଲି ଆଡିମାନେସି ଇଞ୍ଜା ଅଣ୍ଡିମାରେସି, ଇଞ୍ଜା ଅବ୍ରାହାମ ସାଡେଏ ଇସାହାକକ୍ ହାକିଟି ଖେଣ୍ଡେ ବେଟାଆଡେସି ।

୨୦ ନାମୁତଲେ ଇସାହାକ ଖାହିନି ଦିନାତା ନେହାଁ ଆପେ ଇଞ୍ଜା ଅଣ୍ଡିମାନା ଜାକୁବ ଅଡେ ଏସାଝୁକ୍ ବର ହୀଡେସି ।

୨୧ ନାମୁତଲେ ଜାକୁବ ହାନି ବେଲାତା ଜସେପତି ରୀ ମୀରୁକାଣି ବର ହୀଡେସି, ଇଞ୍ଜା ତାନି କୁତା ବାଡ଼ଗାତା ଗେଣ୍ଡାନା ମାହାପୁରୁକ୍ ଜହରା କିଡେସି ।

୨୨ ଜସେପ ହାନି ବେଲାତା ନାମୁତଲେ ଇସ୍ରାୟେଲ ଲକୁ ମିସର ଦେସାଟି ହଡ଼ାହାନି କାତା ଖେସ୍ତେସି । ଇଞ୍ଜା ତାନି ପେଡ଼କା ତୁମ୍ବାକା ତାକି ହୁକୁମି ହୀଡେସି ।

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନାଆତି ଦିନାଟିଏ ଏଞ୍ଜାଣାକ୍ ର ଅଜିତି କକାସି ଇଞ୍ଜା ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାଡେକା ଏଞ୍ଜାଣାକ୍ ଡକୁହାନା ଇଟାମାତୁ ।

୨୪ ମସା ନାମୁତଲେ ପାତାଆଡ଼ି ତାୟୁ ପାର ରାଜା ମାଜାଟି ମୀରୁଏସି ଇଞ୍ଜା ଖେଜାଲି କୂଡେସି ।

୨୫ ଗାଡେକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସ୍ତ ଅରହିନାୟି ନେହାୟି ଇଞ୍ଜା ଅପିଡେସି ।

୨୬ ମିସର ବାରେ ଦେସାତି ଦନ କିହାଁ କ୍ରୀସ୍ତୁତି ନିନ୍ଦା ବେଟାଆନାୟି ବାରେକିହାଁ କାଜା ଦନ ଇଞ୍ଜା ଅଣ୍ଡିପିଡେସି, ଇତିହ ଏଞ୍ଜାସି ଖାନି ଦିନାଣା ବେଟାଆନି ଦନତି ସିନିକିଡେସି ।

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାରେସି, ଇଞ୍ଜା ଆମ୍ବାଆସି ମେହୁଆଗାଟି ମାହାପୁରୁକ୍ ମେସିଲେହେଁ ଅରହାନା ଡୟିଡେସି ।

୨୮ ନାମୁତଲେ ଏଞ୍ଜାସି ପିସ୍ପିଆନି ପାର୍ବୁତି ଅଡେ ନେଡେରି ଡାଞ୍ଜିନି ମୋରା ମାନୁଞ୍ଜି ଆଡେସି, ଏନିକ୍ ପାଣ୍ଡା ମୀରୁକାଣି ପାୟିନାସି ଇସ୍ରାୟେଲ ମୀରୁକାଣି ଡାଗୋଏ ।

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମ୍ବୁରି ଗାଣ୍ଡେରେରି, ସାମା ମିସର ଦେସାତାରି ଏଲେକ୍ ଗାଣ୍ଡାଲି ଅଣ୍ଡିମାନା ସାମ୍ବୁରିତା ମୁଞ୍ଜାନା ହାଡେରି ।

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାଡେକା ଜିରିହ ଗାଡ଼ାତି କଟା ସାରିସୁଟୁ ରେଡିତାୟୁ ବିଡ଼ହାହାଡେ ।

୩୧ ନାମୁତଲେ ରାହାବୁ ଦାରେଣି ଦେସା ସିନିକିହାଲି ମେଣେଏ ଖାହାମାଟାରାକ୍ ଟାୟୁ ହୀତାକି ମାହାପୁରୁକ୍ ମାନୁଞ୍ଜି ଆଆଗାଟାରି ତଲେ ନାସା ଆଆନା ହିଡ଼ଡ଼ି ବେଟାଆଡେ ।

୩୨ ଅଡେ ଆଗାଡ଼ା ଏନାଆଁ ଖେସ୍ତାକ୍, ଗିଦିୟନ, ବାରକ୍, ସାମ୍ବନ୍, ଜିପ୍ତୁହ, ଦାଝୁଦ, ସାମୁୟେଲ ଅଡେ ମାହାପୁରୁ ଅଣ୍ଡିପୁତି ବଲୁ ଖେହନାରି କାତା ମିଙ୍ଗେ ଖେସାଲି ବେଲା ହାଲେଏ ।

୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେରି, ଦାର୍ମୁକାମା କିଡେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିହ୍ କ୍ଲାଞିୟାଁ ଗୁତି ମୁଦା କିଡେରି ।

୩୪ ଏଞ୍ଜାରି ଆଜିହପେତି ଡାଞ୍ଜିନି ହିରୁ ତୁପହେରି, ଟୁଣି ତାଣାଟି ପିସ୍ପିଆଡେରି, ଏଞ୍ଜାରି ବାଡ଼ୁଲୁ ହିଲାଆ ବେଲାତା ବାଡ଼ୁଲୁ ବେଟାଆଡେରି, ଜୁଜୁତା ଜୀଣା ଆଡେରି, ଅଡେ ମାହାପୁରୁକ୍ ନାମାଆତାରି ଜୁଜୁକିନି କସ୍କାଣି ଜୀଣାଆହାନା ପେରହାଡୁସ୍ତେରି ।

୩୫ ନାମୁତି ଆୟାସିକା ତାମି ଲକୁ ବିଡ଼ାଟି ହାଡ଼ାରାକ୍ ନିପକି ଆହାନା ଖେଣ୍ଡେ ବେଟାଆଡୁ; ଏତରଜାଣା ଖେଣ୍ଡେ ନିଙ୍ଗିନାଣି ମେଡ଼ା ଆହାଲିତାକି ଗେଲ୍ପି ଆହାଲି ମନ କିଆନା ଆଜିହପେତି କସ୍ତ ବେଟାଆଡେରି ।

୩୬ ଏତର ଜାଣାକ୍ ନିନ୍ଦା କିହାନା କାକହେରି, ଏତର ଜାଣାକ୍ ସାଟୁଣି ଡରି ତଲେ ଖେଡେରି, ଏତର ଜାଣାକ୍ ହିକଣିୟାଁ ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିଞ୍ଜି ଆଡେରି ।

୩୭ ଆମ୍ବାଆରି ଖାଲକାତଲେ ପାୟୁଝି ଆଡେରି, ଆମ୍ବାଆରି କରତ ତଲେ ରୀ ଗାଣ୍ଡୁ। କିହି ରାଡ଼ପିଆଡେରି, ଇଞ୍ଜା କାଣ୍ଡାତଲେ ପାୟୁଝି ଆଡେରି, ଆମ୍ବା ଆମ୍ବାଆରି ଫେଣ୍ଡା ଅଡେ ଗରି ତଲକା, ହୁଚାନା ରାନ୍ଦାକୁଚା ବେଟାଆଆନା କସ୍ତ, ଲାଗି ବେଟାଆହିଁ ଇତାଲା ଆତାଲା ରେଚେରି ।

୩୮ ଏଝାରି ଦେସାଟି ଲକୁ ହିଲାଆ ତାଣା, ହରକାଣା, ପାଝୁୟାଣା ଅଡେ ଗାଣ୍ଡାଣା ବାସା କିତେରି; ଦାରତିତି ଏଝାରାକି ନୀତାଲି ଜଗେ ହିଲାଆତେ ।

୩୯ ଏଝାରି ନାମୁତଲେ ଇ ବାରେ ନେହିଁ ଝେଙ୍ଗାମାଟି ଜିକେଏ ଆଞ୍ଜାମାଗାଣି ବେଟାଆଆତେରି,

୪୦ ଇଚିହିଁ ମାହାପୁରୁ ମାଙ୍ଗେତାକି ହାରେକା ନେହାଣି କିହାଁ ଇଟାମାନେସି, ଏନିକିଁ ଏଝାରି ମା ତଲେ ଏନିକିଁ ତୀରି ଆନେରି ଇଞ୍ଜାଁ ମାହାପୁରୁତି ଅଣ୍ଡପୁ ମାତେ ।

### ୧୨

#### ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁଟୁ ମାନାକି, ଝାଦୁ ମାର ବାରେତି ବକୁ ଅଡେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତୀରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତୀରିଆହାମାନି ଟାୟୁତା ହଣ୍ଡନ ।

୨ ମା ନାମୁ ତାକି ନକିନାସି ଅଡେ ନାମୁତା ବାର୍ସୁକିନି ଜୀସୁଇଁ ମାର ସିନିକିନ । ଏଝାସି ନକିତା ମାନି ରାହାଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନ୍ତି ପାତେକା ଅରୁହେତେସି ଇଞ୍ଜାଁ ଏଝାସି ନୀଏଁ ମାହାପୁରୁ ସିଂଗାସାଣି ଟିଝନି ଟଟତା କୁଗାମାନେସି ।

୩ ମାରୁ ଏନିକିଁ ମୀ ମନତା ଝାହୁ ଝାହୁଅତେରି; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏଚେକା କସ୍ତ ଅରୁହେତେସି, ଏଝାଣି କାତା ମାରୁ ଅଣ୍ଡପାଦୁ ।

୪ ମାରୁ ପାପୁ କପାଟି ଜୁଜୁ କିହାନା ନୀଏଁ ପାତେକା ମୀ ନେତେରି ହାନି ପାତେକା ଆଙ୍ଗା ହିଲଅତେରି ।

୫ ମାହାପୁରୁ ମିଙ୍ଗେ ମୀରକାତେରି ଲେହେଁ ଝେସାମାଞ୍ଜାନି, ସାସାହାନି କାତା ବାଣାଆଡେରି କି ?

“ଏ ନା ମୀରଏଣାତି, ପ୍ରୁ ସାଲୁଝି କିୟାନାଣି ଉଜେଏତାୟି ଇଞ୍ଜାଁ ଇନାଆନି, ଆଆତ ଏଝାଣି ତାଣାଟି ଦାକା ବେଟାଆଡ଼ିସାରେ ସାସା ପିହୁଆନି;

୬ ଏନାଆଁତାକି ଇଚିହିଁ ପ୍ରୁ ଆମ୍ବାଆରାଇଁ ଜୀଝୁ ନନେସି, ଏଝାଣାଇଁ ଜାଗ୍ରାତା କିହାଁ ଜାପୁନେସି ଅଡେ ଆମିନି ମୀରଏଣାଇଁ ଆବିନେସି, ଏଝାଣାଇଁ ସାସି ହୀନେସି ।”

୭ ନେହାଁତେରି ଆହାଲି କସ୍ତ ଅରୁହି ମାଞ୍ଜେରି, ମାହାପୁରୁ ମିଙ୍ଗେ ମୀରକା ଲେହେଁ ଲେମ୍ବିମାଞ୍ଜାନେସି, ଇଚିହିଁ ଆବା ଆମ୍ବାଆରାଇଁ ତଣ୍ଡ ହୀଅସି ଇଲେତି ମୀରଏସି ଆମ୍ବାଆସି ମାନେସି ?

୮ ସାମା ଆମିନି ତଣ୍ଡତା ବାରେ ଆଣ୍ଡିନେରି, ଇଞ୍ଜାଁ ମୀରୁ ଏମ୍ବାଆଁ ଆଣ୍ଡାଆତାତେରି, ଆତିହିଁ ମୀରୁ ମୀରକା ଆଆନା ଦାରେଣି ମୀରକା ଆଦେରି ।

୯ ଅଡେ ଜିକେଏ, ମା ଦାରତିତି ତାଞ୍ଜିୟାଁ ମାଙ୍ଗେ ସାସି ହୀୟାତି ଜିକେଏ ଏଝାରାଇଁ ମାର ମାନି କିତାୟି, ଆତିହିଁ ମା ଲାକପୁରୁତି ଆବାଇଁ ଏଚେ ହାରେକା ମାନୁଝି ଆହାନା ଜୀଝୁ ବେଟା ଆଆୟି ?

୧୦ ମା ଦାରତିତି ତାଞ୍ଜିୟାଁ ତାମି ଅଣ୍ଡପୁତା ନେହିଁ ଆନିଲେହେଁ ମାଙ୍ଗେ ଗାଡେକା ଦିନାତାକି ସାସି ହିୟାତେରି; ସାମା ମାର ଏନିକିଁ ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହିଁ ତାକି ମାଙ୍ଗେ ତଣ୍ଡ ହିୟାନେସି ।

୧୧ ମାରୁ ସାସି ବେଟାଆନାୟି ରାହାଁଗାଟାୟି ଆଆନା ଦୁକୁ ଗାଟାୟି ଆନେ, ଆଡ଼ିଜିକେଏ ଆମିନି ଗାଟାରି ଏମ୍ବାଟି ଜାପାମାନେରି, ତାୟୁ ଏଝାରାକି ହିଡ଼ଡ଼ିତି ପାଡେୟି ଲେହେଁ ଦାମୁତି ପାଡେୟି ବେଟାଆନେରି ।

#### ଝେହ୍ନାୟି ଇଞ୍ଜାଁ ଜାଗ୍ରାତା କିନାୟି

୧୨ ଇଦାଆଁତାକି ମୀରୁ ବାଡ଼ୁୟୁ ହିଲାଆ କେସ୍ତା ପେଡୁଁ ଅଡେ ବାଡ଼ୁୟୁ ହିଲାଆ ମେଣ୍ଡାୟାଁ ବାଡ଼ୁୟୁ କିଦୁ ।

୧୩ ସଲକେ ଜିରୁତା ତାକାଦୁ; ଆତିହିଁ, ମୀ ସଟା ଆଡ଼ି କତା ଆଡ଼ାଆଗାଟାୟି ଆଆନା ନେହିଁ ଆନେ ।

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣ୍ଡପାଦୁ, ଅଡେ ସୁଦୁଗାଟାସି ଆଆନା ଆମ୍ବାଆସି ପ୍ରୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନିକିଦୁ ।

୧୫ ଏଚେତା ଆମ୍ବାଆସି ମାହାପୁରୁତି କାର୍ମାମେହ୍ନି ତାଣାଟି ନସ୍ତୁ ଆନେସି ଇଞ୍ଜାଁ ଏନି କାମ୍ବେଲି ତାକି ନେୟାଁନା ପାତା ଆହାଁ ମିଙ୍ଗେ ନସ୍ତୁ କିୟାନେ ଅଡେ ଏମ୍ବାଟି ହାରେକା ପଲୁଆ ଗାଟାରି ଆନେରି;

୧୬ ଏସାଝୁ ଲେହେଁ ଆମ୍ବାଆସି ଦାରିଗାଟାସି କି ଦାମୁଁ ହିଲାଆଗାଟାଣି ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମୀରଏଣି ପାଣା ପାର୍ତା ମାତେସି ।

୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବରୁ ବେଟାଆହାଲି ଅଣ୍ଡପିତହିଁ ଜିକେଏ ବେଟାଆହାଲି ଆଡ଼ାଆତେସି, ଅଡେ ମନ ଝେଟହାଲି ତାକି କାଣ୍ଡୁ ବକ୍ତହିହିଁ ପାରାଲି ଅଣ୍ଡପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆତେସି ।

୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହରୁତା ତାଞ୍ଜିମାଟି ହିରୁ, କିଟିକିଟି ଆନ୍ଦେରି, ରୁଝାଗାଲି,

୧୯ ତୀତ୍ରି ଉକିନି ହାଡ଼ା ଇଞ୍ଜାଁ କାତା ଝେହ୍ନି ହାଡ଼ା ତାଗେ ଝାଆତେ, ଝେନାରି ଏ ହାଡ଼ା ଝେଞ୍ଜାନା ଏନିକିଁ ଏଝାରାକି ଅଡେ ଏନି କାତା ଝେସ୍ପି ଆଏ, ଇଦାଆଁ ବାଡ଼ିମାଲା ମାତେରି;

୨୦ “ଇଚିହିଁ ଏନି ଜନ୍ତୁ ଜିକେଏ ଏ ହରୁତି ତୀଗିନେ, ଆତିହିଁ ଏଦାନି ଖାଲକାତଲେ ଇରହାନା ପାୟିଝିଆନେ

୧୨ ଇ ଆମିନି ହୁକୁମି ହୀପକି ଆହାମାଚେ, ଏଦାଆଁ ଏଞ୍ଜାରି ଅରହାଲି ଆଡାଆଚେରି;

୨୧ ଏଦି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରଗିମାଇଁ ।”

୨୨ ସାମା ମୀରୁ ସିୟନ ହରୁ ଅଡେ ନୀତାମାନି ମାହାପୁରୁତି ଗାଡ଼ା, ଇଚିହଁ ଲାକପୁରୁତି ଜିରୁସାଲମତା, ହାରେକା ଦୂତୁୟାଁ ଖାହାମାଚେରି ଏମ୍ବାଆଁ ଖାହାମାଞ୍ଜେରି ।

୨୩ ଅଡେ ଏ ପାଣ୍ଡା ମୀରକାତି କୁଲମି ଆମ୍ବାଆରି ଦରୁ ଲାକପୁରୁ ରାସକି ଆହାମାନେ ଅଡେ ବାରେତି ନୀହାଁୟି କିନି ମାହାପୁରୁ ନକିତା ତୀରିକିଞ୍ଜି ଆହାମାନି ଦାମ୍ବୁତି ଜୀଝୁୟାଁ ।

୨୪ ପୁଃନି ରାଜିମାନା ମାଦିତି ଜୀସୁ, ଇଞ୍ଜା ଆମିନି ତାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାରେକା ନେହଁ, ଏ ନେତେରି ତାଗେ ଖାହାମାଞ୍ଜେରି ।

୨୫ ହେଶୁ ଆମ୍ବାଆସି କାତା ଖେସିମାଞ୍ଜାନେସି ଏଦାଆଁ ଖେନଅମି ଇନାଆଦୁ, ଇଚିହଁ ଆମ୍ବାଆସି ଦାର୍ତତିତା ହୁକୁମି ହୀତେସି, ଏଞ୍ଜାଣାଇ ତାକି ଗେଲ୍ପି ଆଆଚେରି, ଆତିହଁ ଆମ୍ବାଆସି ଲାକପୁରୁତି ହୁକୁମି ହୀହିମାଞ୍ଜାନେସି, ଏଞ୍ଜାଣି ତାଣାଟି ଏଟକା ହାସିସାରେ ମାର ଗେଲ୍ପିଆଆୟି, ଇଦି ଏଚେକା ସାତା ଆଏ ?

୨୬ ଏଚିବେଲା ଏଞ୍ଜାଣି ହାଡ଼ା ଦାର୍ତତିଇଁ ଖୀଟ୍‌ହେ, ସାମା ନୀଏଁ ଏଞ୍ଜାସି ପାରମାଣା କିହାଁ ଖେସାମାଞ୍ଜାନେସି, “ନାନୁ ଅଡେ ଖେଶ୍ଟେ ଖାରଇ ଦାର୍ତତିଇଁ ଖୀଟ୍‌ଇଁ, ଏଦି ଆଏ ସାମା ହାଗୁ ପାକାଇଁ ଜିକେଏ ଖୀଟ୍‌ଇଁ ।”

୨୭ ଅଡେ ଖେଶ୍ଟେ ଇଞ୍ଜାଁ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟ୍‌ଖା ଗାଟାୟି ତୟାଲି ତାକି ଖୀତିନାୟି, ଇଚିହଁ ଗାଡ଼ି ଆହାମାନାୟି ବାରେ ତିରି ମୀଣ୍‌ନେ ।

୨୮ ଇଦାଆଁତାକି ଖାଦୁ ଖୀତାଆଗାଟି ରାଜିତି ବେଟାଆହାନା ମାର ଏ କାମାଟି ପିହ୍‌ଆପ ଇଞ୍ଜାଁ ରାହାଁତଲେ ଆଜି ଅଡେ ମାନିତି ମାହାପୁରୁ ରାହାଁ ଆନିଲେହେଁ ଜହରା କିନ ।

୨୯ ଏନାଆଁତାକି ଇଚିହଁ ମା ମାହାପୁରୁ ନାସାକିନି ହିରୁ ଲେହେଁତାସି ।

### ୧୩

#### ମାହାପୁରୁଇଁ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡେ ତାଲିସ୍ତା ରଅଚେରି ରଅଣାଇଁ ଜୀଝୁ ନିଝୁ ।

୨ ପୁନାଆତି ଗତାୟାଁସି ସେବା କିହାଲି ବାଣା ଆଆଦୁ, ଇଚିହଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୂତୁୟାଁସି ସେବା କିହାମାନେରି ।

୩ କାୟିଦିତା ମାନାରାଇଁ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଣ୍‌ପାଦୁ ଇଞ୍ଜାଁ ଆଙ୍ଗା ତଲେ ମାନାକି ଦୁକୁ କସ୍ତ ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଣ୍‌ପାଦୁ ।

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜାଁ ତକ୍ତି ଅଡେ ତକ୍ରା ମାନି ତଲେ ତୟାପୁ, ଏନାଆଁତାକି ଇଚିହଁ

ମାହାପୁରୁ ଲାଗେଏତି କାମା ଅଡେ ଦାରିକାମା କିନାରାଇଁ ନୀହାଁୟି କିନେସି ।

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନେ, ଏମ୍ବାଆଁ ରାହାଁତଲେ ମାଞ୍ଜୁ, ଇଚିହଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଞ୍ଜା ପିସ୍ତାଁ, ନାନୁ ନିଙ୍ଗେ ଏଚେଲାଞ୍ଜା ବାଣାଆୟି ।”

୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡ଼ିନାୟି,

“ପ୍ରୁ ନା ସାୟେମି ଆନାସି,

ନାନୁ ଇଚାଣି ଆଜଅଁ,

ମାଣ୍‌ସି ନାଙ୍ଗେ ଏନାଆଁ କିହାଲି ଆଡାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲୁ ଖେସାମାଞ୍ଜାତେରି, ମୀରୁ ଏଲେତି କାଜାରାଇଁ ମାନି କିଦୁ; ଏଞ୍ଜାରି ଏନିକଁ ନୀତାମାଚେରି ଇଞ୍ଜାଁ ହାଡେରି, ଏଦାଆଁ ଅଣ୍‌ପାଦା ଏଞ୍ଜାରି ନାମିତି ଲେହେଁ ମୀରୁ ଜିକେଏ ନାମାଦୁ ।

୮ ଜୀସୁ କ୍ରୀସ୍ତ ରେଃଏନି, ନୀଞ୍ଜୁ ଅଡେ କାଲେଏ ତାକି ସମାନା ତୟିନେସି ।

୯ ଏଟକା ଅଡେ ଅର ରଲେତି ଜାପୁନି ତାଣା କିଲିବିଲି ଆଆଦୁ, ଇଚିହଁ ତିନି ରାନ୍ଦାତା ଆଏ, ସାମା ମାହାପୁରୁ କାମାଟି ହିୟାଁ ତୀରି ଆନାୟି ନେହେଁ; ଆମିନି ଗାଟାରି ତିନି ରାନ୍ଦାତି ମେରା ମାନ୍‌ଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ ।

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାଟି ଦିଶ୍‌ସୁଇଁ ତୁମୁ ଇଲୁତା ସେବାକିନି ପୂଜେରାଙ୍ଗା ତିଞ୍ଜାଲି ଅଦିକାରା ହିଲେଏ ।

୧୧ ଇଚିହଁ ଜୀହୁଦିୟାଁତି କାଜା ପୂଜେରା ପାପୁ ତାକି ହେର୍‌ପାମାନି ଜନ୍ତୁତି ନେତେରି ସୁଦୁ ଟାୟୁତା ଅନେସି; ସାମା ଏ ଜନ୍ତୁତି ଆଙ୍ଗା ବାରେ ସାମ୍‌ଣ୍ଡା ପାଙ୍ଗାତା ତାତାହାଁ ହୁଡ଼ିଆନେ ।

୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା ହାଡେସି ।

୧୩ ଇଦାଆଁତାକି ଖାଦୁ, ମାର ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଙ୍ଗାତା ଏଞ୍ଜାଣି ତାଣା ହାନ ।

୧୪ ଏନାଆଁତାକି ଇଚିହଁ ଇମ୍ବାଆଁ ବାରେ ଦିନାତାକି ମାଙ୍ଗେ ତୟିନି ଗାଡ଼ା ହିଲେଏ, ସାମା ମାର ତାୟୁ ଖାହିମାନି ଗାଡ଼ାଟି ବେଟାଆହାଲି ପାରିମାନାୟି ।

୧୫ ଇଦାଆଁତାକି ଖାଦୁ, ମାର ଜୀସୁ ତାଣାଟି ମାହାପୁରୁଇଁ ଜହରାତି ପୂଜା କିନ, ଇଚିହଁ ତାନି ଦରୁ ଜଲିମାନି ଗୁତିତି ବାରେଦିନା ହେର୍‌ପିନ ।

୧୬ ଏଟକା ତାରାଇଁ ସାୟେମି କିହାଲି ବାଣା ଆଆଦୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହାଁ ଆନେସି ।

୧୭ ମୀ କାଜାରାଇଁ ମାନ୍‌ଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇଚିହଁ ଆମିନି ଗାଟାରି ମାହାପୁରୁକି ଲେକା ହୀନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜୀଝୁତି କାଟିମାନେରି, ଏନିକଁ ଏଞ୍ଜାରି ଏଦାଆଁ ଦୁକୁ ତଲେ କିଆନା ରାହାଁତଲେ

କିହାଲି ଆଡ଼ିନେରି; ଦୁକୁ ତଲେ କିଡ଼ିସାରେ ମିଙ୍ଗେ ଏନ୍  
ଲାରା ହିଲେଏ ।

୧୮ ମାଙ୍ଗେତାକି ପ୍ରାତାନା କିଦୁ, ଇଚିହ୍ ମା ନାମୁ ମାନେ,  
ମା ଅଣ୍ପୁ ନେହାୟି ଆପେ, ଅଡ଼େ ବାରେ କାମାତା ନେହ୍  
ମାଣକି ଆହାଲି ମାମୁ ଅଣ୍ପିମାନମି ।

୧୯ ଅଡ଼େ ନାନୁ ମୀ ତାଣା ଏନ୍କି ତବେ ଖାୟାଲି  
ଆଡ଼ିଇଁ, ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି  
ନାନୁ ମିଙ୍ଗେ ହାରେକା ବାତିମାଲିମାଞ୍ଜାଇଁ ।

### ରାନ୍ତି ପ୍ରାତାନା

୨୦ ଆମିନି ହିଡ଼ି ହିୟାନି ମାହାପୁରୁ କାଲାକାଲା ଡ଼ିନି  
ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଇଚିହ୍  
ମା ପ୍ରୁ ଜୀସୁଇଁ ହାଡ଼ାରି ତାଣାଟି ନୀଟ୍‌ହା ମାନେସି;

୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା  
ହିୟାତା ଜୀସୁ କ୍ରୀସ୍ତ ତାଣାଟି ରାପୁହାନା ତାନି ମନଲେହେଁ  
କିହାଲି ମିଙ୍ଗେ ବାରେ ନେହ୍ କାମା କିୟାପେସି ।  
ଏଞ୍ଜାଣାକି କାଲାକାଲାତି ଗାଞ୍ଜୁରମି ଆପେ ! ଆମେନ୍ ।

### ଆକୁତି ରାନ୍ତି କାତା

୨୨ ଏ ତାୟି ତାଙ୍ଗିସ୍ତା, ନାନୁ ମିଙ୍ଗେ ବାତିମାଲିମାଞ୍ଜାଇଁ, ଇ  
ଜାଗ୍ରାତା କିଞ୍ଜିକିନି କାତା ସାସା ଇଟାନା ମନ୍ ହୀଦୁ, ଇଞ୍ଜା  
ନାନୁ ରାହାଁ କିହାଲି ଇ ଡ଼ଣା ଆକୁ ମିଙ୍ଗେ ରାଚାମାଇଁ ।

୨୩ ମା ତାୟି ତିମତି କାୟିଦିତି ତବେ ପିସ୍ପି  
ଆହାମାନେସି ଇଞ୍ଜି ପୁଞ୍ଜେରି, ଏଞ୍ଜାସି ତବେ ଖାଡ଼ିସାରେ  
ଏଞ୍ଜାଣିତଲେ ନାନୁ ମୀ ତାଣା ବେତିଞ୍ଜାହାଲି ଖାଇଁ ।

୨୪ ମୀ ବାରେ କାଜାରାଇଁ ଅଡ଼େ ମାହାପୁରୁ ଲକୁଇଁ  
ଜହରା ଖେହ୍‌ଦୁ । ଏମିନି ତାୟିୟା ଇଟାଲି ଦେସାଟି  
ଞ୍ଜାହାମାନେରି, ଏଞ୍ଜାରି ମିଙ୍ଗେ ଜହରା ଖେସିମାଞ୍ଜାନେରି ।

୨୫ ମାହାପୁରୁତି କାର୍ମାମେହ୍‌ନାୟି ବାରେତେରି  
ମିଙ୍ଗେତାକି ଆୟାପେ ।

# ଯାକୁବଙ୍କ ପତ୍ର ଜାକୁବ ରାଜାମାନି ଆକୁ ମୂକୁ ହାଡ଼ା

ଇ ଜାକୁବ ପତିତ ଜାକୁବ ଇନାସି ରାଜାମାରେସି । ଏଞ୍ଜାସି ଜୀସୁ କ୍ରୀସ୍ତୁ ତାୟି ଆହାମାଣମ୍ବିନେସି, ଏମ୍ବାଆସିକି କୁଲମିତି ସାଲୁକି କିନାସି ଅଡ଼େ ଜିରୁସାଲମତା ବେରଣି କିନାସି ମାରେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସ୍ତୁ ଜାର୍ନାଆଡ଼ି ୫୦ ବାସୀ ତାୟି ଇ ଜାକୁବ ପତି ରାସ୍ତକି ଆହାମାରେ ଇଞ୍ଜୁ ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲୁକି କିନାସି ମାଟିବେଲାତା ଇ ପତିଇଁ ରାଜାମାରେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇତିହୁଁ ଇ ପତି ପଡ଼ୁଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତକି ଆହାମାନେ । ଜାକୁବ ନାମୁ ଅଡ଼େ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଞ୍ଜାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାସି ୨:୧-୪ ଅଡ଼େ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

### ପତିତା ମାନାୟି

- ୧. ଜାକୁବ ତାନି ପତି ପଡ଼ୁଆନି ଆନାରାଇଁ ଜହରା କିନାୟି । ୧:୧
- ୨. କ୍ରୀସ୍ତାନା ଲକୁଣି କସ୍ତୁ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି । ୧:୨-୨୭
- ୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୭
- ୪. ଜଲିନି ବଲୁୟାଁତି ବାଡ଼ୟୁ । ୩:୧-୧୨
- ୫. ମାହାପୁରୁତି ବୁଦି ଦାରୁତିତି ବୁଦି କିହାଁ ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୬
- ୭. ଜାକୁବ ରାନ୍ତି ବେଲାତା ନେହେଁତାକି ଜାପିନି କାତା ରାଡ଼ିନାୟି । ୫:୭-୨୦

୧ \*ନାନୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତୁତି ହଲେଏସି, ଦାରୁତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

### ନାମୁତି ତାୟିପାରି କିନାୟି

୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏତିବେଲା ଏଦି ହାରେକା ରାହାଁତି କାତା ଇଞ୍ଜୁଁ ଅଣ୍ଡପାଦୁ;

\* ୧:୧ ମାତି ୧୩:୫୫; ମାର୍କି ୭:୩; କାମା ୧୫:୧୩; ଗାଲା ୧:୧୯

୩ ତାୟିପାରି କିନାସି ଜୀଣା ଆନି ନାମୁ ଏଦି ଅରହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି ।

୪ ଅଡ଼େ, ମୀରୁ ଏନିକଁଁ ଏନି ଗୁଣୁତା ଉଣା ଆଆନା ନେହଁଁ ତୀରି ଅଡ଼େ ସୁଦୁ ଗାଟାତେରି ଆଦୁ, ଏଦାଆଁତାକି ଅରହିନାୟି ହାରେପୁରେ କାମା କିନେ ।

୫ ସାମା ମୀ ବିତ୍ରା ଆମ୍ବାଆରାକି ବୁଦି ଉଣା ମାଟିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେଲୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାଡ଼ାନା କିପାସି, ଏମ୍ବାଟିଏ ଏଞ୍ଜାଣାକି ହାପକିଆନେ ।

୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାଡ଼ାନା କିପାସି, ଇତିହୁଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମ୍ବୁରୁତି ତୀରି ଆଆଗାଟି ଏମ୍ବୁ ଉଣ୍ଡା ଲେହେଁତାସି ।

୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜୁଁ ଆସା କିଆପେସି;

୮ ଏଞ୍ଜାସି ରୀ ମନ ଗାଟାସି, ଇଞ୍ଜାଁ ତାନି ବାରେ କାମାତା ତୀରି ଆଆଗାଟାସି ।

### ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି,

୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି ଇତିହୁଁ ବାଡ଼କୁ ଗାଟାସି ଜାଡ଼ାତି ପୁରୁବଣ୍ଡା ଲେହେଁ ତୁଲା ହାନେସି ।

୧୧ ଏନିକଁଁଁ ଝେଡ଼ା ଲାଈ ହଡ଼ାସାରେ ଜାଡ଼ା ଏନିକଁଁଁ ଝାୟାହାନେ ଅଡ଼େ ଏଦାନି ପୂଜା ତୁଲିନୁ ଇଞ୍ଜାଁ ତାନି ଅକୁତି ଝାଣା ମେଣ୍ଡାହାନେ, ଏଲେକିହୁଁଏ ବାଡ଼କୁ ଗାଟାସି ଜିକେଏ ତାନି ବାରେ କାମାତା ଝାଡ଼ିନେସି ।

### ତାୟିପାରି ଅଡ଼େ ଜୁପକା ତହ୍ନାୟି

୧୨ ଆମିନି ଗାଟାସି ତାୟିପାରି କିନାସି ଅରହିନେସି ଏଞ୍ଜାଣାକି ନେହେଁ, ଇତିହୁଁଁ ମାହାପୁରୁ ତାନୁ ଜୀସୁ ନନ୍ତି ଲକୁଣି ଆମିନି ଜୀସୁଗାଟି ଟପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଟ ଏ ଲକୁ ଏ ଆଞ୍ଜାମାନି ଟପେରି ବେଟା ଆନେସି ।

୧୩ ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହୁଁଁଁ ଇନାଆପେସି, ଇତିହୁଁଁଁ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଜି ଆଅସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି ।

୧୪ ସାମା ମାଣ୍ଡସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି;

୧୫ ଅଡ଼େ ତାୟି ଲାଗେଏତି କାମା ପୂରାମାସା ଆହାନା ପାପୁତି ଜାନଁଁ କିନେ, ଇଞ୍ଜାଁଁ ପାପୁ ଗାଡ଼ି ପାତାଆହାନା ହାକିତି ଜାନଁଁ କିନେ ।

୧୬ ଏ ନା ଜୀସୁତି ତାୟିୟାଁ ଅଡ଼େ ତାଜିସ୍ତା ମୀରୁ ନାଡ଼ି ଆଆଦୁ ।

୧୭ ବାରେ ନେହୁଁ ଦାନା ଅଡ଼େ ବାରେ ତୀରିତି ବର ଲାକଟି; ଇତିହୁଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇଚାୟିଏ ସାୟୁଁ କିହାନା ଆଦେରି ଆନାୟି ହିଲେଏ ।

୧୮ ମାର ଏନିକିଁ ତାନି ଗାଡ଼ି ଆଡ଼ି ତାଣାଟି ରଲେଏଡ଼ି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଡପୁ ତଲେ ସାତା ବଲୁ ତଲେ ମାଙ୍ଗେ ଗାଡ଼ି କିୟାତେସି ।

**ଝେନାୟି ଅଡ଼େ କାମା କିନାୟି**

୧୯ ଏ ନା ଜୀଝୁତି ତାୟିୟାଁ ଅଡ଼େ ତାଙ୍ଗିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ,

୨୦ ଇତିହୁଁ ମାଣ୍ଡସିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏ ।

୨୧ ଏଦାଆଁତାକି, ମୀରୁ ବାରେ ପଲ୍ଲଆ ଗାଟାଣି ଅଡ଼େ ବାରେ ଲାଗେଏଡ଼ି ପିସାଡୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଝୁତି ଗେଲପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଡପୁ ତଲେ ଆହୁଦୁ ।

୨୨ ସାମା ମୀରୁ ଏଞ୍ଜାଣି ବଲୁ ଝେନାତେରି ଆହାଁ ଜାହାରାକ୍ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ ।

୨୩ ଇତିହୁଁ ଆମିନିଗାଟାସି ବଲୁତି କାମା କିନି ଲକୁ ଆଆନା ଖାରକ ଝେନି ଲକୁ ଆନେସି, ଆତିହୁଁ ଏଞ୍ଜାସି ଦାପେଣିତା ତାନୁଏ ତାନି ମୁମ୍ବୁ ସିନିକିହା କଡ଼ିମାନି ମାଣ୍ଡସି ଲେହେଁତାସି,

୨୪ ଏଡେତା ଏଞ୍ଜାସି ତାଙ୍ଗେ ସିନିକିତି ଜେଚ ହାଜାନା, ଏଞ୍ଜାସି ଏମ୍ବାଟି ହଚା ହାଚି ତାୟୁ ଏନିଲେହେଁତି ମାଣ୍ଡସି ଦେବୁଣିଏ ବାଣାଆନେସି ।

୨୫ ସାମା ଆମ୍ବାଆସି ତୀରପୁ ଇତିହୁଁ ଗେଲପାଲି ଆଡ଼ିନି ନେହୁଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାସି ।

୨୬ ଇତିହୁଁ ଆମ୍ବାଆସି ଜାହାରାକ୍ ତୀରି ଗାଟାତେଏଁ ଇଞ୍ଜା ଅଣ୍ଡପା କଡ଼ିନେସି, ଇଞ୍ଜା ତାନି ଝେନ୍ଦରିତି ଲକୁଆନା ତାନୁ ତାନି ହିୟାତି ନାଡ଼ି କିନେସି, ଇତିହୁଁ ତାନି ଦାମ୍ବୁକାମା କିନାୟି ଉଜେଏତାୟି ।

୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଢ଼େଣି ଇୟାସିକାଣି ତାନି ଦୁକୁ କାକୁଲି ବେଲାତା ସାୟେମି କିନାୟି ଅଡ଼େ ଦାର୍ଡିତା ମାନି ବାରେ ଲାଗେଏଡ଼ି କାମାଟି ଗେଲପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁତି କାମା ।



୧ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ମା ଗାଝୁରମିଗାଟି ପୁରୁ ଜୀସୁ କ୍ରୀସୁ ତାଣା ନାମା ମାନାତେରି ମାଣ୍ଡସିୟାଁତି ମୁମ୍ବୁ ମେସାନା ଲେମ୍ବାଆଦୁ ।

୨ ଇତିହୁଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହୁଁ ଅଜିତି ହିମ୍ବୁରି ହୁଚାନା କୁଟମି କୃଡ଼ା ଆହାମାନି ତାଣା ଖାନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହୁଁତି ହିମ୍ବୁରି ହୁଚାନା ଖାନେସି,

୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହୁଁ ଟାୟୁତା କୁଗାମ୍ବୁ” ଅଡ଼େ ହିଲାଆଗାଟାଣାକ୍ ଏଲେଇଞ୍ଜେରି “ଏମ୍ବାଆଁ ନିଚାମାନାମ୍ବୁ, ଆଆତୁଁ ନା କଡ଼ାୟାଁ ତୁଇକା କୁଗାମ୍ବୁ,”

୪ ଆଆତୁଁ ମୀରୁ ମୀ ବିତ୍ରା କାଜା ଲକୁ ଉଣା ଲକୁ ପାରଡ଼ା ବାଟି କିଞ୍ଜି ଆହାଁ ଏଟକା ଏଟକା କିହାଁ ଲାଗେଏଡ଼ି ନାହାଁୟି କିହିମାଞ୍ଜେରି ।

୫ ଏ ନା ଜୀଝୁତି ତାୟିୟାଁ ଅଡ଼େ ତାଙ୍ଗିସ୍ତା, ଝେଞ୍ଜୁ, ମାହାପୁରୁ ଇ ଦାରଡିତା ବାଡ଼କୁ ହିଲାଆଗାଟାରାକ୍ ତାନି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଝୁନହୁଁ ମାନାରାକ୍ ଆମିନି ରାଜି ହାହାଲି ଆଞ୍ଜାମାନେସି, ଏମ୍ବାଟି ଅଦିକାରା କିହାଲି ଆଚା ହିଲଅସି ?

୬ ସାମା ମୀରୁ କାକୁଲି ଗାଟାରାକ୍ ଅପିହିଲଅତେରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନାହାଁୟି ପାଙ୍ଗାତା ରେଜା ଅୟଅରି କି ?

୭ ଆମିନି କାଜା ଦରୁତଲେ ଝେଙ୍ଗା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି ।

୮ ମୀରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନି ଲେହେଁ ଜୀଝୁନଦୁ, ସାଢ଼େସିତା ରାସ୍ତକି ଆହାମାନି ମାହାପୁରୁ ରାଜିତି ମେରା ସାତେଏ ମାନଞ୍ଜି ଆଦେରି, ଆତିହୁଁ ମୀରୁ ନେହୁଁ କିହିମାଞ୍ଜେରି,

୯ ସାମା ଲକୁ ମୁମ୍ବୁତି ମେସାନା ଲେମ୍ବାମାଞ୍ଜେରି, ଆତିହୁଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜା ତଞ୍ଜା ଆହିମାଞ୍ଜେରି ।

୧୦ ଆମ୍ବାଆସି ବାରେ ମସାତି ମେରା ମାନଞ୍ଜି ଆହାଁ ରଣ୍ଡିଏ ମେରାତି ଉରିନେସି, ଇତିହୁଁ ଏଞ୍ଜାସି ବାରେ ମେରାତି ଦହ ତଲେ ତଣ୍ଡ ବେଟା ଆନେସି ।

୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜା ଝେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜା ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇତିହୁଁ ମେରାତି ଉରିନାତେରି ଆଦେରି ।

୧୨ ଗେଲପିଆଡ଼ି ମସାତି ମେରାଟି ମୀରୁ ନାହାଁୟି କିଞ୍ଜିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜା କାମା କିଦୁ ।

୧୩ ଇତିହୁଁ ଆମ୍ବାଆସି କାର୍ମା ମେହୁଅସି ମାହାପୁରୁ ଏଞ୍ଜାଣାକ୍ କାର୍ମା ମେହୁଆନା ନାହାଁୟି କିନେସି, ସାମା କାର୍ମାମେହୁନାୟି ନାହାଁୟିତା ଜୀଣା ଆନେସି ।

୧୪ ଏ ନା ତାୟିୟାଁ ଅଡ଼େ ତାଜିସ୍ତା, ଆମ୍ବାଆସି ନାଜେ ନାମୁ ମାନେ ଇଞ୍ଜିଁ ଇନେସି, ସାମା ଏଞ୍ଜାଣି କାମା ହିଲେଏ, ଆତ୍ ଏଦି ଏନି ଲାବା ? ଇଲେତି ନାମୁ ଆମ୍ବାଆରାଈ ଗେଲ୍ପାଲି ଆଡ଼ିନେ କି ?

୧୫ ଏଚିବେଲା ର ତାୟି କି ତାଜିନାକି ହୁଚାଲି ହିମ୍ବରି କି ତିଞ୍ଜାଲି ରାନ୍ଦା ହିଲାଆତିହ୍

୧୬ ଇଞ୍ଜାଁ ମୀ ବିତ୍ରାଟି ଆମ୍ବାଆତେରି ତାନି ଆଜ୍ଞାତି ଲଡ଼ାମାନାଣି ହୀଆନା, “ମାହାପୁରୁ ନିଜେ ବର ହିୟାପେସି, ବାଣ୍ଡି ପାଞ୍ଜାହାଁ ହିଡ଼ିଟି ନେହ୍ କି ହାଲାମୁ” ଇଞ୍ଜିଁ ଇଚିହ୍ ଏଦି ଏନି ଲାବା ?

୧୭ ଏଲେକିହ୍ ଏ, କାମା ହିଲାଆସାରେ ନାମୁ ହାଡ଼ାୟି ।

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଈ ।

୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଦି ନେହ୍ କାତା, ବୃତୁୟାଁ ଜିକେଏ ନାମାହାଁ ଆଜିତାକି ତୀରୁଗିମାମୁ ।

୨୦ ସାମା ଏ ରୁଦି ହିଲାଆଗାଟାତେରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି ?

୨୧ ମା ଆକୁ ଅବାହାମ, ପୂଜାପିଣ୍ଡା ଲାକ ତାନି ମୀରଏଣା ଇସାହାକଈ ପୂଜା କିହିମାଟାଟି କାମା ତଲେ ଦାମ୍ବୁଗାଟାସି ଇଞ୍ଜିଁ ଖେଜା ହିଲାଆତେସି ?

୨୨ ମୀରୁ ମେସିମାଞ୍ଜେରି, ଅବାହାମତି ନାମୁ ତାନି କାମାତା ତଞ୍ଜାଆଡେ, ଅଡ଼େ କାମା ତଲେ ନାମୁ ପୁରାଆଡେ;

୨୩ ଏତେଟିଏ ସାସ୍ତେରିତି ଇ ବଲୁ ସାତା ଆଡେ, ଅବାହାମ ମାହାପୁରୁ ତାଣା ନାମିତେସି, ଅଡ଼େ ତାଜେତାକି ଏଦି ଦାମ୍ବୁଗାଟାସି ଇଞ୍ଜିଁ ଖେଜାତେସି, ଇଞ୍ଜାଁ ଏଞ୍ଜାସି ମାହାପୁରୁତି ତଡ଼େଏସି ଇଞ୍ଜିଁ ଖେଜାତେସି ।

୨୪ ଇଚିହ୍ ମାଣ୍ଡି ଖାରଇ ନାମୁଟି ଆଏ, ସାମା ତାନି କାମାଟି ଦାମ୍ବୁଗାଟାସି ଆନେସି ଇଞ୍ଜିଁ ମୀରୁ ପୁଞ୍ଜିମାଞ୍ଜେରି ।

୨୫ ଏଲେକିହ୍ ଏ ଦାରେଣି ରାହାବ୍ ଦାମ୍ବୁଗାଟାୟି ଇଞ୍ଜିଁ ଖେଜାମାତେ, ଏଦି ପାରୁ ପାରାଲି ମେଣେଏ ଖାହାମାଗାଈ ତାନି ଇଜ ଅହାନା ଇଚିତେ ଇଞ୍ଜାଁ ଏଟକା ଜିରୁଟି ପାଣ୍ଡାଲି ସାଢେମି କିହାମାତେ ।

୨୬ ଇଚିହ୍ ଜୀଝୁ ହିଲାଆସାରେ ଆଜ୍ଞା ହାଡ଼ି ମାଡ଼ହା, ଏଲେକିହ୍ ଏ କାମା ହିଲାଆସାରେ ନାମୁ ଜିକେଏ ହାଡ଼ାୟି ।

### ୩

#### ଖେନ୍ଦରିତି ଲକ୍ନାୟି

୧ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ହାରେକା ଜାପୁନାତେରି ଆଆଦୁ; ଜାପୁନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣ୍ଡାୟି ଇଦାଆଁ ପୁଞ୍ଜାମାଞ୍ଜୁ ।

୨ ଇଚିହ୍ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟାଞ୍ଜି ଆସିସି,

ଆତିହ୍ ଏଞ୍ଜାସି ନେହ୍ ମାଣ୍ଡି, ଅଡ଼େ ଏଞ୍ଜାସି ତାନି ବାରେ ଆଜ୍ଞାତି ତାନୁଏ ଲକ୍ନାୟି ଆଡ଼ିମାନେସି ।

୩ ମାର ଗଡ଼ାୟାଁଣି ଲକ୍ନାୟି ତାକି ତାନି ଗୁଡିତା ବାକେରି କାଚିକିହିମାନାୟି, ଅଡ଼େ ଏଦାନିତଲେ ମାର ତାନି ବାରେ ଆଜ୍ଞାତି ଖେଡ଼ିହି ମାନାୟି ।

୪ ଏୟୁ ଜାଜାତି କାତା ଜିକେଏ ଅଶ୍ପାଦୁ, ଏଦି ଏତେକା କାଜାୟି ଅଡ଼େ କାଜା ଗାଲି ତଲେ ତାକିତ୍ ଜିକେଏ, ଜାଜାତି ତାୟୁଞ୍ଜାକି ମାନି ର ଉଣା ମାରା ତଲେ ତାକିନେ, ଏ ମାରା ଆହନାସି ଆମ୍ବିୟାଞ୍ଜାକି ମନ କିନେସି ଏନିକା ହାନେ ।

୫ ଏଲେକିହ୍ ଏ ଖେନ୍ଦରି ଜିକେଏ ଆଜ୍ଞାତି ର ଉଣା ବାଗା ଆତିହ୍ ଜିକେଏ, ଏଦି କାଜା ବତପଣାତି କାତା ଜଲ୍ଲାଲି ଆଡ଼ିନେ । ମେହ୍ଦୁ ର ଉଣା ହିରୁ ପୁୟାଁ ତଲେ ଏତେ କାଜା ଜାଡ଼ା ଖେହାହାନେ ।

୬ ଖେନ୍ଦରି ଜିକେଏ ହିରୁ ଲେହେଁତାୟି; ଏଦି ମା ଆଜ୍ଞା ବିତ୍ରା ବାରେ ଲାଗେଏ ପଲେଏ ତାଣାଟି ସାଲୁଞ୍ଜି ଆହିମାନେ, ଏଦି ବାରେ ଆଜ୍ଞାତି ଲାଗେଏ କିନେ, ଅଡ଼େ ତାନୁ ନକ୍ଚି ହଡ଼ିମାନି ହିରୁତଲେ ତାଞ୍ଜାନା ଗାଡ଼ି ଆହାମାନି ଦାର୍ଡିତି ହୁଡନେ ।

୭ ଇଞ୍ଜାଁ ବାରେ ଲେହେଁତି ଜନ୍ତୁ ଜିଖେଡ଼ି, ପଟା କାଟି, ବାଣ୍ଡିତଲେ ତାକିନାଇ, ଅଡ଼େ ଏୟୁତି ଜନ୍ତୁ, ମାଣ୍ଡିଏ ବାରେ ଜନ୍ତୁୟାଁଣି ଲକ୍ନାୟି ଆଡ଼ିମାନେସି ।

୮ ସାମା ଖେନ୍ଦରିତି ଆମ୍ବାଆସି ଲକ୍ନାୟି ସାପି କିହାଲି ଆଡ଼ଅସି, ଏଦି ପଲ୍ଲଆ ଗାଟାୟି ଇଞ୍ଜାଁ ଲଜାଆ ଗାଟାୟି, ଅଡ଼େ ଏଦିଏମ୍ବାଆଁ ହାନ୍ଦିମାନି ବାସା ମାନେ ।

୯ ଖେନ୍ଦରି ତଲେ ପ୍ରବୁ ଆବାଈ ଜହରା କିହିମାନାୟି, ଇଞ୍ଜାଁ ଏ ଖେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣ୍ଡିଈ ବାକା ଇଚି ମାନାୟି;

୧୦ ଏ ରଣ୍ଡିଏ ଗୁଡିତି ଜହରା କିନାୟି ଅଡ଼େ ବାକା ହାନି କାତା ହଡ଼ିମାନେ ଏ ନା ତାୟିୟାଁ ଅଡ଼େ ତାଜିସ୍ତା ଏଲେଆନାୟି ନେହେଁ ଆଏ ।

୧୧ ର ଜାରାଟି ଡାକ୍ନି ଅଡ଼େ କାମ୍ବେଲି ଏୟୁ ହନୁ କି ?

୧୨ ଏ ନା ତାୟିୟାଁ ଅଡ଼େ ତାଜିସ୍ତା, ତୟା ମାରୁନୁତା ଜୀତ ପାଡ଼େୟି ଅଡ଼େ ଅଜ୍ଞାରି ମାଡ଼ାତା ତୟା ପାଡ଼େୟି ଆୟାଲି ଆଡ଼ିନେ କି ? ଏଲେକିହ୍ ଏ ହାରୁ ଜାରଣା ଡାକ୍ନି ଏୟୁହାହାଲି ଆଡେଏ ।

#### ମାହାପୁରୁ ତାଣାଟି ଖାନ୍ଦି ବୁଦି

୧୩ ମୀ ବିତ୍ରା ବୁଦିଗାଟାସି ଅଡ଼େ ତେଲ୍‌ହିନାସି ଆମ୍ବାଆସି ମାନେସି ? ଏଞ୍ଜାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜାଁ ସୁଦୁଗାଟାସି ଆହାନା ତାନି ନେହ୍ ମାଣ୍ଡିକି ତଲେ କାମା ତସ୍ପେସି ।

୧୪ ସାମା ମୀ ହିୟାତା ଗାଡ଼ି ତାହାରା, କପା ଅଡ଼େ ଖାରଇ ଜାହାରାତାକି ଅଶ୍ପିନାୟି ମାନେ, ଆତିହ୍ ସାତାଡ଼ି କପାଟି ବତପଣ ଆଆଦୁ ଅଡ଼େ ମିଟି ଜଲାଆଦୁ ।



୧୫ ଇଲେତି ବୁଦି ମାହାପୁରୁ ତାଣାଟି ଖାଏ, ଏଦି ଇ ଦାର୍ତ୍ତିତାୟି, ମାଣ୍ଡସିତି ଅଣ୍ଠୁ ଗାଟାୟି ଅଡ଼େ ଲାଗେଏ ପଲେଏତି ବୁଡୁୟାଁ ଖାୟି ।

୧୬ ଇତିହିଁ ଆମିନି ତାଣା ତାହାରା ଅଡ଼େ ଜାହାରାତାକି ଅଣ୍ଠପିନାୟି ମାନେ, ଏ ଟାୟୁତା ବାରେଲେହେଁତି ଲାଗେଏତି କାମା ମାନେ ।

୧୭ ସାମା ଲାକଟି ଖାନି ବୁଦି, ତଲିଏ ସୁଦୁଗାଟାୟି, ତାୟୁ ହିଡ଼ତି ଜୀଝୁଗାଟାୟି ଅଡ଼େ ସୁଦୁ ସୁଖାଲା, ମାନଝି ଆନାୟି, କାର୍ମାମେହନାୟି ଅଡ଼େ ନେହିଁ ପାଡ଼େୟିକା ତଲେ ନେଜାମାନାୟି, ଆନାମାନା ଆଆଗାଟାୟି ଅଡ଼େ କୁଟୁ ହିଲାଆଗାଟାୟି ।

୧୮ ଅଡ଼େ ହିଡ଼ତି ହାନି ଲକୁ ତାଣାଟି ହିଡ଼ତି ବିଚା ମାର୍ଝିଆନେ, ଦାର୍ମୁଗାଟି ପାଡ଼େୟି ଦାପି ଆନେ ।

### ୪

#### ଦାର୍ତ୍ତି ତଲେ ତଣେ ଦହନାୟି

୧ ମୀ ତାଣା ମାତାଗଡ଼ି ଅଡ଼େ ଗଡ଼ହା ଆମିତି ଖାହିମାନେ ? ଏଝି ମୀ ତାଣା ମାନି ସୁକୁତି ଅଣ୍ଠପୁଟି ଖାହିମାନୁ ଏଝି ବାରେବେଲା ବାରେ ବେଲା ଗଡ଼ହା କିଝିକିହିମାନୁ ।

୨ ମୀରୁ ଏନାଆଁ ବେଟାଆହାଲି ଅଣ୍ଠପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍ଠପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାତାଗଡ଼ି କିହିମାଞ୍ଜେରି, ଏନାଆଁତାକି ଇତିହିଁ ମୀରୁ ମାହାପୁରୁଇଁ ରାସି ହିଲଅଡେରି;

୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅଡେରି, ଏନାଆଁତାକି ଇତିହିଁ ମୀରୁ ମୀ ଆଜ୍ଞାତି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି ।

୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅଡେରି ? ଦାର୍ତ୍ତିତି ତଣେ ଆନାସି ଏଝାସି ମାହାପୁରୁତି ସାତୁ, ଇତିହିଁ ଆମାଆସି ଇ ଦାର୍ତ୍ତିତି ତଣେ ଆହାଲି ଅଣ୍ଠପିନେସି; ଏଝାସି ତାଙ୍ଗେ ମାହାପୁରୁତି ସାତୁ ।

୫ ମୀରୁ ଏନାଆଁ ଦାର୍ମୁ ପଡ଼ିତା ରାସ୍‌କି ଆହାମାନି ବଲୁ ଉଜେଏ ଇଞ୍ଜିଁ ଅଣ୍ଠପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ତାଣା ବାସା ଆହାଲି ହୀହାମାଞ୍ଜାନେସି, ଏଝାସି ମାଙ୍ଗେ ବାରେ ଖାକିଟି ସାଲଝି କିହାଲି ଅଣ୍ଠପିମାନେସି ।”

୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସ୍‌କି ଆହାମାନେ, “ମାହାପୁରୁ ଆଜ୍ଞାରା ଆନାର କପାଟି ନିଜ୍ଞନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୟୁ ଗାଟାୟି ।”

୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କତାଦୁ; ଅଡ଼େ ସୟତାନଇଁ ଆବାଆଦୁ, ଆତିହିଁ ଏଦି ମୀ ତାଣାଟି ହେକ ହାନେ ।

☆ ୫:୨ ମାତି ୬:୧୯

୮ ମାହାପୁରୁ ତାଗେ ଖାଦୁ ଆତିହିଁ ଏଝାସି ମୀ ତାଗେ ଖାନ୍ନେସି, ଏ ପାପୁ ଗାଟାତେରି, ମୀ କେସ୍‌ଣାଣି ନେହିଁକିଁ ନରଦୁ, ଅଡ଼େ ରୀ ଅଣ୍ଠପୁ ଗାଟାତେରି, ମୀ ହିୟାତି ଅଡ଼ହା କତାଦୁ ।

୯ ହିୟାଁ କାଡ଼ି କିହାଁ ଦୁକୁ ତଲେ ଡାଦୁ; ମୀ କାକନାୟି ଡାକିତା ଅଡ଼େ ମୀ ରାହାଁ ଦୁକୁତା ତୀରି ମୁପେ ।

୧୦ ପ୍ରବୁ ନକିତା ମୀରୁ ମିଙ୍ଗେ ଉଣା କିହାକତାଦୁ, ଏଚେଟିଏ ଏଝାସି ମିଙ୍ଗେ କାଜା ଲକୁ କିୟାନେସି ।

#### ଏଡ଼କା ଲକୁଣି ନୀହାଁୟି କିଆଦୁ

୧୧ ଏ ତାୟି ତାଙ୍ଗିସ୍‌ମା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲଆଦୁ; ଆମାଆସି ତାୟି କପାଟି ନିନ୍ଦା କାତା ଜଲିନେସି କି ନୀହାଁୟି କିନେସି, ଏଝାସି ମସା ମେରା କପାଟି ଜଲିମାନେସି, ଇଞ୍ଜାଁ ଏମାତି ନୀହାଁୟି କିହିମାନେସି । ସାମା ମୀରୁ ମସା ମେରାତି ନୀହାଁୟି କିଦେରି, ଇତିହିଁ ମୀରୁ ମସା ମେରାତି ମାନଝି ଆନାତେରି ଆଆନା ଏମାତି ନୀହାଁୟି କିନାତେରି ।

୧୨ ମାହାପୁରୁ ରଅସିଏ ମେରା ହୀନାସି ଅଡ଼େ ନୀହାଁୟି କିନାସି, ଏଝାସି ଗେଲ୍‌ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମାଆତି, ନୀ ଆଡ଼ିତାଣାଇଁ ନୀହାଁୟି କିହିମାଞ୍ଜି ?

#### ବତପଣ କିଆଦୁ

୧୩ ନୀଏଁ ମେହଦୁ, ଆମାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମୁଏ ଗାଡ଼ାତା ହାନମି ଇଞ୍ଜାଁ ଏମାଆଁ ର ବାସା ପାତେକା ଡୟାନା ବେବାରା କିହାଁ ଗାଡ଼ି ଲାବା କିନମି;”

୧୪ ସାମା ଝିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅଡେରି, ମୀ ଜୀଝୁ ଏନିକିଁ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍‌ଙ୍ଗାହାନି ଉକ୍‌ଅଡ଼ି, ମୀରୁ ଏଲେତାତେରି ।

୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ଠପୁ ଆଡ଼ିସାରେ ମାର ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତଁ ଏଦାଆଁ କିନ ।”

୧୬ ସାମା ମୀରୁ ନୀଏଁ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି ।

୧୭ ହିୟାଁତା ଇଟାଦୁ ଏନାଆଁତାକି ଇତିହିଁ, ଆମାଆସି ନେହିଁ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି ।

### ୫

#### ବାଡ଼କୁ ଗାଟାରାଇଁ ଜାଗ୍ରାତା କିନାୟି

୧ ଏ ବାଡ଼କୁ ଗାଟାତେରି ନା କାତା ଝେଞ୍ଜୁ, କସ୍‌ପି ଦିନା ଖାହିମାନେ ଏଦାଆଁତାକି ଦୁକୁଆହିଁ ଡାଦୁ ଇଞ୍ଜାଁ କାନିକାର୍ମା ଆଦୁ ।

୨ \*ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍‌ପିରକାଇଁ ଲୀମ୍‌ପୁ ତ୍ରିଚେୟିଏ,

୩ ଅଡ଼େ ମୀ ବାଂଗାରା ଇଞ୍ଜା ଝେଣ୍ଡି କିରଞ୍ଜୁ ଆଡେତୟିଏ; ଏଚେଟିଏ ଏ କିରଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଜ୍ଞା ଜିକେଏ ନାସା କିୟାନେ, ଇ ରାନ୍ତି ବେଲାତା ମିଜେତାକି ଦନ କୃଡ଼ି କିହାମାଞ୍ଜେରି ।

୪ ହେଣ୍ଡୁ ! ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଡ଼ି ଗାଡ଼ି କାଲୁଝି ଆହିମାନେ, ଅଡ଼େ ତାସାତି ଦାଃଆନାରି ତାନାୟି ବାରେ ବାଡ଼ୁଟି ପ୍ରବୁତି କିୟିଁ ତୁ ଏଗା ହାଚେୟିଏ ।

୫ ମୀରୁ ଦାରୁଡ଼ିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଜ୍ଞା କିହାମାଞ୍ଜେରି ।

୬ ମୀରୁ ଦହ ହିଲାଆଗାଟାରାଇଁ ଦହ କିହାନା ପାୟିମାଞ୍ଜେରି; ଏଝାସି ମିଜେ ଝେଣ୍ଡେ ଏନାଆଁ କିୟଅସି ।

**ସାସାତଲେ ପ୍ରାତାନା କିନାୟି**

୭ ଏଦାଆଁତାକି ଏ ତାୟି ତାଜିସ୍ତା, ପ୍ରବୁତି ଝାନ୍ତି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକିଁ ତାନି ବୁମିତି ପାଡ଼େୟି ବେଟାଆହାଲି ତାକି ମୁଲୁଡ଼ି ପିୟୁ ଅଡ଼େ ତାୟୁଡ଼ି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ତୟିନେସି ।

୮ ମୀରୁ ଜିକେଏ ଏଲେକିଁ ସାସାତଲେ ମାଞ୍ଜାନା ମୀ ହିୟାଁତି ସୁସ୍ତି କିଦୁ, ଇତିହଁ ପ୍ରବୁତି ଝାନ୍ତି ଦିନା ତାଗେ ଝାଡେୟିଏ ।

୯ ଏ ତାୟି ତାଜିସ୍ତା, ମୀରୁ ଏନିକିଁ ନୀହାଁୟି କିଝି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲାଆଦୁ, ସିନିକିଦୁ, ନୀହାଁୟି କିନାସି ଦୁଝେରିତା ନିରାମାନେସି ।

୧୦ ଏ ତାୟି ତାଜିସ୍ତା, ଆମିନି ମାହାପୁରୁ ଅଣ୍ଡୁଡ଼ି ବଲୁ ଝେହନାରି ପ୍ରବୁ ଦରୁଡ଼ି କାତା ଝେସାମାଚେରି, ଏଝାରାଇଁ ମୀରୁ ଅଣ୍ଡୁପାଦୁ, ଦୁକୁ କସ୍ତ ବେଟାଆନାଟି ସାସା ଅଡ଼େ ଅରୁହାଲି ଜିରୁ ତସାମାଞ୍ଜାନେରି ।

୧୧ ମେହଦୁ ଆମ୍ବାଆରି କସ୍ତ ଅରୁହା ମାଚେରି, ମାମ୍ବୁ ଏଝାରାଇଁ ନେହାଁରି ଇଞ୍ଜିଁ ଇନମି, ମୀରୁ ଆୟୁବତି ଅରୁହିନାଣି ଝେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁଡ଼ି କାମା ମେସାନା ପୁଞ୍ଜାମାଞ୍ଜେରି, ଏଝାସି କାର୍ମା ମେହନାସି ଅଡ଼େ ଜୀଝୁ ନନାସି ।

୧୨ ଏ ନା ତାୟି ତାଜିସ୍ତାତେରି, ମୀରୁ ପାରମାଣା କିଝୁଏ କିଆଦୁ, ଲାକପୁରୁଡ଼ି ଦରୁଡ଼ିଲେ ପାରମାଣା କି ଦାରୁଡ଼ିତି ଦରୁଡ଼ି ପାରମାଣା କି ଏଟକାତି ଏନି ଦରୁ ଆସାନା ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ ଆପେ ଇଞ୍ଜା ଆଏ ଇନି କାତା ଆଏ ଆପେ, ଏନିକିଁ ମୀରୁ ନୀହାଁୟି ଦିନାତା ତଣ୍ଡୁ ଗାଟାତେରି ଆଅତେରି ।

୧୩ ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହଁ ଏଝାସି ପ୍ରାତାନା କିପାସି, ଆମ୍ବାଆସି ରାହାଁଟି ମାନେସି ? ଇତିହଁ ଏଝାସି ଜହରା ପାରୁ ପାଟାପେସି ।

୧୪ ଏ ଆମ୍ବାଆସି ମୀ ବିତ୍ରାଟି ଆଡାଆ ଗାଟାସି ମାତିହଁ ଏଝାସି କୁଲମିତି ପ୍ରାତିନାଜ୍ଞାଣି ହାଟାପେସି; ଇଞ୍ଜା ଏଝାରି ପ୍ରବୁଡ଼ି ଦରୁଡ଼ିଲେ ନିୟୁଁ ଝାକହାନା ଏଝାଣି ତାକି ପ୍ରାତାନା କିପାରି ।

୧୫ ଏ ନାମୁଗାଟି ପ୍ରାତାନା ରଗ ଗାଟାଣାଇଁ ନେହଁ କିନେ, ଇଞ୍ଜା ପ୍ରବୁ ଏଝାଣାଇଁ ନିକନେସି, ଇଞ୍ଜା ଏଝାସି ପାପୁ କିହାମାତିହଁ, ଆତିହଁ ଏଝାଣି ପାପୁ ମେଣ୍ଡିକି ଝିଝିଆନେ ।

୧୬ ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଝେକଦୁ, ଅଡ଼େ ନେହଁ ଆହାଲିତାକି ରଅତେରି ରଅଣି ତାକି ପ୍ରାତାନା କିଦୁ, ଆତିହଁ ମୀରୁ ନେହଁ ଆଦେରି, ଏନାଆଁତାକି ଇତିହଁ ଦାମ୍ବୁ ଗାଟାଣି ପ୍ରାତାନା ହାରେକା କାଜା କାମା କିହାଲି ଆଡ଼ିନେ ।

୧୭ ଏଲିୟ ଜିକେଏ ମା ଲେହେଁତି ଦୁକୁ ସୁକୁ ଗାଟି ମାଣ୍ଡସି; ଏଝାସି ପିୟୁ ଆଆପେ ଇଞ୍ଜିଁ ରଣ୍ଡିଏ ମନତଲେ ପ୍ରାତାନା କିତେସି, ଅଡ଼େ ତାନି ବାସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆପେ ।

୧୮ ଇଞ୍ଜା ଏଝାସି ଅଡ଼େ ଝେଣ୍ଡେ ପ୍ରାତାନା କିହାଲିଏ ହାଗୁଡ଼ି ପିୟୁ ରୀତେ, ଅଡ଼େ ବୁମିତା ଆନା କାମିତେ ।

୧୯ ଏ ନା ତାୟିୟା ଅଡ଼େ ତାଜିସ୍ତା, ମୀ ବିତ୍ରାଟି ଆମ୍ବାଆସି ସାତା ଜିରୁଡ଼ି ବାଣା ଆତିହଁ ଅଡ଼େ ଆମ୍ବାଆସି ଏଝାଣାଇଁ ଝେଣ୍ଡେ ଝେଟହା ତାନେସି,

୨୦ ଏ ଆତିହଁ ଆମ୍ବାଆସି ପାପୁ ଗାଟାଣାଇଁ ତାନି ପଲୁଆ ଜିରୁଡ଼ି ଝେଟହା ତାନେସି, ଏଝାସି ଏଝାଣି ଜୀଝୁଡ଼ି ହାକିଟି ଗେଲପିନେସି, ଇଞ୍ଜା ହାରେକା ପାପୁଡ଼ି ମେପୁକି କିନେସି, ଇଦାଆଁ ମୀରୁ ପୁଞ୍ଜୁ ।

☆ ୫:୧୨ ମାତି ୫:୩୪-୩୭ ☆ ୫:୧୪ ମାର୍କ ୭:୧୩ ☆ ୫:୨୦ ଯିତ ୪:୮

# ପିତରଙ୍କ ପ୍ରଥମ ପତ୍ର ପିତର ରାଚାମାନି ର ଲମ୍ବର ଆକୁ ମୂଲ୍ୟ ହାତୀ

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଚାମାରେସି । ପିତର ଏଝାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଚିମାରେସି ଏ କାତା ଝେସାନା ତାନି ଆକୁ ରାଚାଲି ମାଟ୍‌ହେସି । ଏଝାସି ଆମ୍ବାଆରାକି ପୁଣ୍ଡି ମେସପି ଆଆତି ଲକୁ ଇଞ୍ଜି ଇରେସି ଏ ବାରେ କ୍ରୀସ୍ତୁଇଁ ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ । ଏଝାସି ତାନି ଆକୁତି ପତ୍ରଝି ଆନାରାଇଁ ଏଲେକିହିଁ ଝେସେସି ଏନାଆଁତାକି ଇଚିହିଁ ଏଝାରି ହାରେକା ଦେବା ଇତାଲା ଆତାଲା ଦେସାଣା ହେପି ଆହାମାରେରି । ଇଚିହିଁ ଇ ଆକୁ ଏଚର ବାଗା ପାଞ୍ଚୁଲ ଏପିସିୟ କୁଲମିକି ରାଚାମାନି ଆକୁ ଲେହେଁତାୟି, ହାରେକା ଲକୁ ନାମିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୨୫ ବାର୍ଷୀ ତାୟୁ ରାସ୍‌କି ଆହାମାରେ । ପିତର ଇ ଆକୁତି ରମଟି ରାଚିତେସି, ଆମିନିଗାଟାଣି ଏଝାସି ବାବିଲନ ଇରେସି ୫:୧୩ ।

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହନାୟି ଇଞ୍ଜିଁ ପିତର ଝେସାନା ଇ ଆକୁତି ରାଚିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାରେକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାନା ତୟିନାୟି ଅଡ଼େ କାଜା ଲକୁତି ମାନଝି ଆହାନା ତୟାଲି ଜାପୁଝି ଆହାମାନେ । ଏଚିବେଲାତା ସାସି ଝାନ୍ନେ ତାରିଆହାନା ମାଞ୍ଜାଲି ଏଝାସି କ୍ରୀସ୍ତୁଇଁ ନାମିତି ଲକୁଣି ସାସା ହାହିମାନେସି ଏନାଆଁତାକି ଇଚିହିଁ ଜୁଗୁ ରାନ୍ଦି ଦିନା ତାଗେ ଝାଡ଼େୟିଏ ୪:୧ ।

### ପତିତା ମାନାୟି

୧. ପିତର ତାଙ୍ଗେ ଝେକ୍‌ହା କତିନାୟି ଅଡ଼େ ତାନି ଆକୁତି ପତ୍ରଝି ଆନାରାଇଁ ଝେହନାୟି । ୧:୧-୨
୨. ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାୟି ଇଞ୍ଜିଁ ପୁଞ୍ଜାମାନାକି ଏଝାସି ମାହାପୁରୁଇଁ ଜହରା କିନାୟି । ୧:୩-୨:୧୦
୩. କ୍ରୀସ୍ତୁଇଁ ନାମିତି ଲକୁ ଏନିକିହିଁ ଇ ଦାର୍‌ତିତା ନାତିନାୟି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ରା ଇଞ୍ଜା ସାଞ୍ଜୁକାରି ଅଡ଼େ ହଲେଏସି ନେହିଁ କି ତୟିନେରି ଏ କାତା ଏଝାସି ଜାପୁନାୟି । ୨:୧୧-୪:୧୧
୪. ପିତର ଏଝାରିକି ସାସି ଝାଡ଼ିସାରେ ତାରିଆହାନା ତୟାଲି ସାସା ହାନାୟି । ୪:୧୨-୫:୧୧
୫. ପିତର ତାନି ଆକୁ ରାପୁନାୟି । ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସାସୁ, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ

ବେତନିୟାଁ ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକୁତାକି ଆକୁ ରାଚିମାଇଁ,  
 ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀଝୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁତି ନେତେରି ତାଞ୍ଜିଝି କିହାକତାଲି ଆଡ଼ି ଆହାମାନେରି । ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜାଁ ହିଡ଼ି ଆପେ ।

### ଜୀସୁତି ବାର୍ଷୁ

୩ ମା. ପ୍ରବୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଇଁ ଜହରା; ଇଚିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଇଁ ହାକିଟି ନିକ୍‌ହାନା ମାଙ୍ଗେ ପୁଞ୍ଜି ଜୀସୁ ହୀହାମାଞ୍ଜାନେସି, ଏଦି ମାଙ୍ଗେତାକି ନାତିନି ବାର୍ଷୁ ହୀହାମାଞ୍ଜାନେ,

୪ ଏଦାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାରୁ କାପୁ କାଚାମାନାୟି, ଏଝାସି ଲାକପୁରୁ ମିଙ୍ଗେତାକି ଏଦାଆଁ ଜାତନ୍ତୁ ତଲେ ଇଟାମାନେସି, ଏମ୍ବାଆଁ ଏଦି ନସ୍ତୁ ଆଏ କି ଝାଡ଼େଏ ।

୫ ଆମିନି ଗେଲ୍‌ପିନାୟି ରାନ୍ଦି ଦିନାତା ତଞ୍ଜାଆହାଲି କିଝିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୟୁତା ନାମୁତଲେ ଜାଗ୍ରାତା କିଝି ଆହାମାଞ୍ଜେରି ।

୬ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀଏଁ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତୁ ବେଟାଆନାୟି ମିଙ୍ଗେତାକି ଲଡ଼ାଆନ୍ନେ,

୭ ଏନିକିଁ ଗାଡ଼େକା ନସ୍ତୁ ଆନି ବାଂଗାରା ହିଡୁତା ହୃତିନି କିହାଁ ହାରେକା ଦାରା ମୀ ତାୟିପାରି କିଝିଆଡ଼ି ନାମୁ, ଏଦି ଜୀସୁ କ୍ରୀସ୍ତୁ ତଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି ।

୮ ନୀଏଁ ମୀରୁ ଏଝାଣାଇଁ ମେସା ହିଲାଆତି ଜିକେଏ ଜୀସୁନହିଁ ମାଞ୍ଜେରି, ଇଞ୍ଜାଁ ନୀଏଁ ମେହୁଆତଁ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା

୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀସୁତି ଗେଲ୍‌ପିନାଣି ବେଟାଆହାମାଞ୍ଜେରି ।

୧୦ ଇ ଗେଲ୍‌ପିନି କାତା ମାହାପୁରୁ ଅଣ୍ଡୁତି ବଲୁ ଝେହନାରି ମନ ହୀହାନା ପାରିହିଁ ସିନିକିତେରି, ଆମ୍ବାଆରି ଏମିନି କାର୍ମାମେହନାୟି ମିଙ୍ଗେ ଆନାୟି ମାରେ, ଏ ତାୟୁତି କାତା ଝେସାହାଁ ତସାମାରେରି,

୧୧ କ୍ରୀସ୍ତୁତି ଦୁକୁ ବେଟାଆନାଣି ଇଞ୍ଜାଁ ଅଡ଼େ ତାୟୁତି ଗାଞ୍ଜୁରମି ବେଟାଆନାଣି ନଟ୍‌କଏ ପାର୍‌ମାଣା ହୀନାସି ଇଞ୍ଜାଁ ଏଝାରିତାଣା ମାନି କ୍ରୀସ୍ତୁତି ଜୀସୁ ଏ ବାରେ ଏଚିବେଲା ଝାନ୍ନେ ଅଡ଼େ ଏନିକିଁ ଝାନ୍ନେ ଏଝାରି ପୁଞ୍ଜାଲି ନଟ୍‌କଏ ଅଣ୍ଡପାମାରେରି ।

୧୨ ଏଝାରି ଏ ବାରେ କାତା ତାନି ତାକି ସେବା କିଆନା ମୀ ଲାବା ତାକି ସେବା କିହିମାରେରି, ଇଦି ଏଝାରିତାଣା ତଞ୍ଜା ଆହାମାରେ, ଇଞ୍ଜାଁ ଏ ବାରେ କାତା ଲାକପୁରୁତି ପାଣ୍ଡୁଆହାମାନି ସୁଦୁଜୀଝୁତି ବାଡ଼ୟୁ ତଲେ ମୀ ନକିତା

ନେହଁ କାରୁ ଝେହ୍ନାରି ତାଣାଟି ନୀର୍ବ୍ୟ ମିଙ୍ଗେ ଝେସ୍ପି ଆହିମାଞ୍ଜାନେ; ଏ ବାରେ କାତା ଦୁଦୁୟାଁ ଜିକେଏ ପୁଞ୍ଜାଲି ଅଣ୍ଡି ମାନେରି ।

**ସୁଦୁଜୀଝୁ ତଲେ ମାଞ୍ଜାଲି ହାଟ୍‌କି ଆନାୟି**

୧୩ ନେହଁ କାମା କିହାଲି ତିୟାରା ଆଦୁ । କାପୁ କାତାନା ଜୀସୁ କ୍ରୀସୁ ତଞ୍ଜା ଆନି ବେଲାତା ଆମିନି ବର ମିଙ୍ଗେ ହୀପ୍‌କି ଆୟାନେ, ଏଦାଆଁତାକି ତୀରେତଲେ ବାସ୍‌ ଇଟାଦୁ ।

୧୪ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପରେଏତି ଜୁପକା ତଲେ ମାଚେରି ନୀର୍ବ୍ୟ ଏଲେଆଆଦୁ ।

୧୫ ସାମା ମିଙ୍ଗେ ହାଟାମାଞ୍ଜାନି ମାହାପୁରୁ ଏନିକଁ ସୁଦୁଗାଟାସି ମୀରୁ ଜିକେଏ ଏଲେକଁ ମୀ ବାରେ ମାଣ୍ଡକିତା ସୁଦୁ ଗାଟାଚେରି ଆଦୁ ।

୧୬ ଦାମ୍‌ପତିତା ରାସ୍‌କି ଆହାମାନେ, “ମୀରୁ ସୁଦୁ ଗାଟାଚେରି ଆଦୁ, ଏନାଆଁତାକି ଇଚିହଁ ନାନୁ ସୁଦୁ ଗାଟାଚେର୍ଏ ।”

୧୭ ଅଡେ ଆମ୍ବାଆରି ମୁମ୍‌ମେହ୍‌ଆନା ବାରେ ଲକୁଡି ଏଞ୍ଜାରି କାମା କିହାମାନିଲେହେଁ ନୀହାଁୟି କିନେସି, ଏଞ୍ଜାଣି ତାଣା ପ୍ରାତାନା କିନାଟି ଆବା ଇଞ୍ଜଁ ହାଟିତିହଁ, ମୀରୁ ଇ ଦାରୁତିତା ବାସାଆହାମାନି ପାତେକା ମାନି ତଲେ ଏଞ୍ଜାଣାଇଁ ଆଜାନା ମାଞ୍ଜୁ;

୧୮ ଇଚିହଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି ମାଣ୍ଡକି ତଲେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସ୍ତି ତଲେ ପିସ୍‌ପି ଆହାହିଲଅଚେରି,

୧୯ ସାମା ଏନି ସିନା ଅଡେ ଦହ୍‌ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସୁତି ଗାତି ଦାରାଗାଟି ନେତେରି ତଲେ ପିସ୍‌ପି ଆହାମାଞ୍ଜେରି ।

୨୦ ଦାରୁତି ଗାଡ଼ିଆଡ଼ି ନକେଏ ମାହାପୁରୁ ଏଞ୍ଜାଣାଇଁ ଆଡିତେସି ଇଞ୍ଜାଁ ଇ ରାନି ଜୁଗୁତା ଏଞ୍ଜାସି ମିଙ୍ଗେତାକି ତଞ୍ଜା ଆହାମାଞ୍ଜାନେସି;

୨୧ ଆମିନି ମାହାପୁରୁ ଏଞ୍ଜାଣାଇଁ ହାକିଟି ନିକ୍‌ହାନା ଗାଝୁରମି ହୀହାମାନେସି, ଏଞ୍ଜାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ ନାମ୍‌ ଅଡେ ବାସ୍‌ ମାହାପୁରୁ ତାଣା ଆଡ଼ଞ୍ଜା ଆହାମାନେ ।

୨୨ ନୀର୍ବ୍ୟ ମୀରୁ ସାତାତି ମାନ୍‌ଞ୍ଜି ଆହାନା କୁରୁ ହିଲାଆ ତାୟିଇଁ ଜୀଝୁ ନହାଲି ତାକି ମୀ ହିୟାଁତି ଅଟହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅଚେରି ରଅଣାଇଁ ଜୀଝୁନଦୁ ।

୨୩ ଇଚିହଁ ମୀରୁ ନାସା ଆନି ପାଡେୟିଟି ଆଏ, ସାମା ଏଚେଲା ନାସା ଆଆଗାଟି ପାଡେୟିଟି, ଇଚିହଁ ମାହାପୁରୁତି ଜୀଝୁ ଅଡେ ବାରେବେଲା ଡୟିନି ବଲୁ ତଲେ ଝେଣ୍ଡେ ଜାର୍‌ନା ଆହାମାଞ୍ଜେରି ।

୨୪ ଦାମ୍‌ ସାସ୍‌ପେରିତା ରାସ୍‌କି ଆହାମାନେ,

“ଇଚିହଁ ଦାରୁତିତି ବାରେ ଲକୁ ଗାକଁ ଜାଡ଼ା ଲେହେଁତାରି,

ଏଞ୍ଜାରି ଅକୁ ବାରେ ଜାଡ଼ାତି ପୁଞ୍ଜା ଲେହେଁତାୟି ।

ଗାକଁ ଜାଡ଼ା ଝାୟାହାନେ ଇଞ୍ଜାଁ ପୁଞ୍ଜା ବାରେ ତୁଲାହାନୁ ।

୨୫ ସାମା ମାହାପୁରୁତି ବଲୁ କାଲାକାଲାତାକି ଡୟିନେ ।”

ଇଚି ଏ ନେହଁ କାରୁଡି ବଲୁ, ଆମିନି ଗାଟାୟି ମୀ ତାଣା ଝେପ୍‌କି ଆହାମାଚେ ।

**୨**

**ଜୀଝୁତି ଝାଲି ଅଡେ ସୁଦୁଗାଟି କୁଡ଼ା**

୧ ଇଚିହଁ ପ୍ରୁ କାର୍‌ମା ମେହ୍‌ନାସି ଇଞ୍ଜଁ ମୀରୁ ନୀର୍ବ୍ୟ ପୁଞ୍ଜିମାନାକି, ଇଞ୍ଜାଁ ବାରେ ଲାଗେଏ ପରେଏତାଣି, ନାଡ଼ି କିନାଣି, କୁରୁ, ଲକୁଣି ତାହାରା ଇଞ୍ଜାଁ ଲକୁଣି ନିନ୍ଦା କାତା ଜଲିନାଣି ପିହ୍‌ଦୁ,

୨ ପୁଝନି ଜାର୍‌ନାଆଡ଼ି କୁଗି କକାରି ପଡ଼ାଲେହେଁ ଏନାଆଁ ଆଣ୍ଡାଆତି ପାଲୁ ଗସାଲି ଅଣ୍ଡିଦେରି, ଆତିହଁ ମୀରୁ ପାତାଆହାନା ଗେଲ୍‌ପି ଆଦେରି ।

୩ ଦାମ୍‌ପତିତା ରାସ୍‌କି ଆହାମାନେ, “ମାହାପୁରୁ ଏଚେକା କାର୍‌ମା ମେହ୍‌ନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜୀଝୁଗାଟି ଝାଲି ଲେହେଁତି ପ୍ରୁ, ଏଞ୍ଜାଣାଇଁ ମାଣ୍ଡସିୟାଁ ତାଣାଟି ଅପାଆଚେରି ସାତା, ସାମା ମାହାପୁରୁ ତାଣା ଆଡ଼ଞ୍ଜି ଆହାନା ଗାଡ଼ି ଦାରାଗାଟାସି ଆଚେସି ।

୫ ତାନି ତାଣା ଝାହାନା ମୀରୁ ଜିକେଏ ଜୀସୁ କ୍ରୀସୁ ତାଣାଟି ମାହାପୁରୁ ନକିତା ନେହଁ ଜୀଝୁତି ପୂଜା ହୀହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଝୁତି ଝାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ ।

୬ ଇଚିହଁ ଦାମ୍‌ ପତିତା ରାସ୍‌କି ଆହାମାନେ;

“ନାନୁ ସିୟନତା ର ଆଡ଼ଞ୍ଜି ଆହାମାନି

ଅଡେ ଦାରାଗାଟି କନତି ମୂଲୁ ଝାଲି କିହାମାଇଁ

ଈଞ୍ଜାଁ ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି

ଏଚେଲାଞ୍ଜା ଲାଜା ବେଟାଆଅସି ।”

୭ ମୀରୁ ପ୍ରୁଇଁ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି,

“ଇଲୁ କେପିନାରି ଆମିନି ଝାଲିତି ଅପାଆଚେରି,

ଏଚି ଏଞ୍ଜାରାକି ଇଲୁ କନତି ମୂଲୁ ଝାଲି ଆଡେ ।”

୮ ଅଡେ ଦାମ୍‌ପତିତା ରାସ୍‌କି ଆହାମାନେ,

“ଏ ଝାଲିତା ହାରେକା ଲକୁ ପୁଟି କିନେରି,

ଏ ପାକା ଝାଲି ଏଞ୍ଜାରାଇଁ ଡଇ ତରୁଗି କିନାୟି ଆନେ;”

ମାହାପୁରୁ ବଲୁ ଆହ୍‌ଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜାଁ ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଡ଼ଞ୍ଜି ଆହାମାଚେରି ।

୯ ସାମା ଆମ୍ବାଆସି ମିଙ୍ଗେ ଆନ୍ଦେରିଟି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକଁ ଏଞ୍ଜାଣି ଗୁଣୁ ପାଡିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୁଡ଼ାଚେରି, ରାଜାତି ସେବାକିନି ପୂଜେରାଜା, ମାହାପୁରୁ

ସେବାତାକି ଏଟକା ଆହାମାନି ସୁଦୁ କୃତାତେରି, ଇଞ୍ଜା  
ମାହାପୁରୁତି ଲକୁତେରି ଆହାମାଞ୍ଜେରି ।

୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି,  
ସାମା ନୀର୍ବ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି  
ମୀରୁ ମାହାପୁରୁତି କାର୍ମା ବେଟାଆହା ହିଲାଆତେରି, ସାମା  
ନୀର୍ବ ତାନି କାର୍ମାଆନାଣି ବେଟାଆହାମାଞ୍ଜେରି ।”

**ମାହାପୁରୁତି ହଲିୟାଙ୍ଗା**

୧୧ ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ମିଙ୍ଗେ ଇ  
ଦାରୁତିତା ଏଟକା ଦେସାତାତେରି ଇଞ୍ଜା ହେକ ଦେସାଟି  
ଝାହାମାନାତେରି ଇଞ୍ଜା ଅଣ୍ଟାପାନା ବାତିମାଲିମାଞ୍ଜାଇ,  
ମୀରୁ ମୀ ଆଙ୍ଗାତି ଜୁପକାଟି ହେକ ଆଦୁ, ଏଝି ମୀ ଜୀଞ୍ଜୁ  
କପାଟି ଜୁଜୁ କିହେମାନୁ ।

୧୨ ମୀରୁ ଜୀହୁଦିଆଆତି ଲକୁତାଣା ମୀ ମାଣ୍ଡକି ଦହ  
ହିଲାଆଗାଟାୟି ଆପେ, ଏନିକି ଏଝାରି ନୀର୍ବ ମିଙ୍ଗେ ପାପୁ  
ଦହ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସ୍ତ ଝାନ୍ତି  
ଦିନାତା ମୀ ନେହ କାମା ମେସାନା ମାହାପୁରୁଇଁ ଜହରା  
କିନେରି ।

୧୩ ପ୍ରବୁତି ତାକି ବାତିମାଲିମାଞ୍ଜାଇ, ମୀ ମୁହେଁ ସାଲୁଝି  
କିନାରାଇ ମାନୁଝି ଆଦୁ ।

୧୪ ବାରେତି କିହାଁ କାଜା ରାଜା ଆପେସି, ଲାଗେଏ  
ପଲେଏତାରାଇଁ ଡଣ୍ଡ ହାହାଲି ଅଡେ ନେହ  
କାମା କିନାରାଇଁ ରାହାଁ କିହାଲିତାକି ତାନିତାଣାଟି  
ପାଣ୍ଡିଆହାମାନି ସାଲୁଝି କିନାସି ଆପେସି, ଏଝାରାଇଁ ମାନି  
କିଦୁ ।

୧୫ ଇତିହ ମୀରୁ ନେହ କାମା କିହାଁ ବୁଦି  
ହିଲାଆ ଉଜେଏତି କାତା ଝେହନାରାଇଁ ସାପି କିଦୁ, ଏଦି  
ମାହାପୁରୁତି ଅଣ୍ଟାପୁ ।

୧୬ ମୀରୁ ମେଲା ମାନାତେରି ଆଡିଜିକେଏ ଏ ମେଲା  
ଆହାମାନି ତାଣାଟି ଲାଗେଏ ପଲେଏ ଲେମ୍ବାଆଦୁ, ସାମା  
ମାହାପୁରୁତି ହଲିୟା ଆହାମାନା ନେହ କାମା କିଦୁ ।

୧୭ ବାରେ ଲକୁଇଁ ଆବାଦୁ, କ୍ରୀସ୍ତାନା ତାୟି ତାଙ୍ଗିଇଁ  
ଜୀଞ୍ଜୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

**କ୍ରୀସ୍ତ କସ୍ତଟି ଜାପିନାୟି**

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ  
ସାଞ୍ଜୁକାରିୟାଁଇଁ ମାନୁଝି ଆଦୁ, ଝାରଇ ନେହାଁରାଇଁ  
ଅଡେ କାର୍ମା ମେହନାରାଇଁ ଆଏ, ସାମା ଲାଗେଏତି  
ସାଞ୍ଜୁକାରିୟାଁଇଁ ଜିକେଏ ଏଲେକି ମାନୁଝିଆଦୁ ।

୧୯ ଇତିହ ଆମ୍ବାଆସି ମାହାପୁରୁଇଁ ନାମିତାକି  
ଲାଗେଏତାଣି ତାକି ଦୁକୁ କସ୍ତ ବେଟାଆହାମାନା ଅରୁହିନେସି,  
ଆତିହ ଏଦି ରାହାଁତି କାତା ।

୨୦ ମୀରୁ ମୀ ଦହ ତାକି ଡଣ୍ଡ ବେଟାଆଦେରି, ଏମ୍ବାଆଁ  
ଏନି ଲାବା ? ସାମା ନେହ କାମାତାକି କସ୍ତ ଅରୁହିତିହ,  
ମାହାପୁରୁ ମିଙ୍ଗେ ବର ହିୟାନେସି ।

୨୧ ମାହାପୁରୁ ତାଣା ବାରେତାକି ହାଟକିଆହା ମାଞ୍ଜେରି,  
ଇତିହ ମୀରୁ ଏନିକି କ୍ରୀସ୍ତଟି ପାଞ୍ଜୁଲି ତଲେ ତାକିଦେରି  
ଏଦାଆଁତାକି ଏଝାସି ଜିକେଏ ମିଙ୍ଗେତାକି ଦୁକୁ କସ୍ତ  
ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି;

୨୨ ଏଝାସି ଏନି ପାପୁ ଦହ କିହାହିଲାଆତେସି କି ଏଝାଣି  
ଗୁଡିଟି ମିତି କାତା ଏତେଲାଝା ହଡାହିଲାଆତେ ।

୨୩ ଏଝାସି ନିନ୍ଦା ବେଟାଆହି ମାଟାଟି ଝେଣ୍ଡେ ନିନ୍ଦା  
କିଆତେସି; ଦୁକୁ କସ୍ତ ବେଟାଆହି ମାଟାଟି ଝେଣ୍ଡେ କସ୍ତ  
ହିୟାଇଁ ଇଞ୍ଜା ଆଜି ତସାନା ଝେହଆତେସି, ସାମା ସାତା  
ନାହାଁୟି କିନି ମାହାପୁରୁ ତାଣା ତାନି ବାରେତି ହେରପିତେସି  
।

୨୪ ମାର ଏନିକି ପାପୁ ତାକି ହାହାନା, ଦାମୁତାକି  
ଜୀଞ୍ଜୁତଲେ ନୀତିନାୟି, ଏଦାଆଁତାକି ଏଝାସି ପାସି ମୁଣ୍ଡା  
ଲାକ ତାନି ଆଙ୍ଗା ତଲେ ମା ବାରେ ପାପୁ ଡେକା ଅଡେସି,  
ଏଝାଣି ରାହାଁତି ମୀରୁ ନେହ ଆହାମାଞ୍ଜେରି ।

୨୫ ଇତିହ ମୀରୁ ଜିରୁ ବାଣାଆହାମାନି ମେଣ୍ଡାୟାଁ  
ଲେହେଁ ଆହାମାରେରି, ସାମା ନୀର୍ବ ମୀରୁ ଜୀଞ୍ଜୁତି ଗଡୁ  
କୁଲମିତି କାଜାଣା ଢେଟ ଢେଟ ତାକାଲି ମୀରୁ ଝେଣ୍ଡା  
ଝାହାମାଞ୍ଜେରି ।

**୩**

**ଡକ୍ରି ଡକ୍ରିଆତି କାତା**

୧ ଏଲେକିହ ଏ ଏ ଡକ୍ରିସିକାତେରି, ମୀରୁ ମୀ  
ଡକ୍ରିୟାଁଇଁ ମାନୁଝିଆଦୁ, ଏନିକିହ ଏଝାରି ବିତ୍ରାଟି ଆମ୍ବା  
ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହ  
ମାଣ୍ଡକି ମେସାନା, ମୀରୁ ଝେହଆନା ଜିକେଏ ମାହାପୁରୁ  
ତାଣା ନାମାଲି ଆଡିନେରି ।

୨ ଏନିକି ଏଝାରି ବିତ୍ରାଟି ଆମ୍ବା ଆମ୍ବାଆରି ବଲୁଡି  
ମାନୁଝି ଆଆତି ଜିକେଏ ମୀ ମାହାପୁରୁତି ଆଜି ଅଡେ  
ମାଣ୍ଡକି ମେସାନା କାତା ଝେନାଆନା ଜାହାରା ଡକ୍ରିନି  
ସୁଦୁଗାଟି ମାଣ୍ଡକି ମେସାନା ନାମିନେରି ।

୩ ତାୟୁ ବାଣାୟାଁ ହାରେକା ଅଜିକିହ କିଶହା  
କତାନା, ବାଂଗାରା ତୁରହାନା, ଅଜିତି ହିମ୍ବରକା ହୁଟିନାୟି,  
ଝାରଇ ଇ ବାରେ ତଲେ ମୀ ଆଙ୍ଗାତି ଅଜି କିହାକତାଆଦୁ,

୪ ମୀ ହିୟାତା ଏମିନି ହିଡଡି ଜୀଞ୍ଜୁତି ଗୁଣୁ ମାହାପୁରୁ  
ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି  
ଅଜୁ ଆପେ

୫ ଏନାଆଁତାକି ଇତିହ ତଲି କାଲାତି ସୁଦୁଗାଟି  
ଇୟସିକା ଜିକେଏ ମାହାପୁରୁ ତାଣା ବାର୍ସୁ ଇଟାନା ତାନି  
ଡକ୍ରିୟାଁଇଁ ମାନିକିହାଁ ଜାହାରାଇଁ ଅଜିକିହା କଡିମାରୁ ।

୬ ଏଲେକିହ ଏ ସାରା ଜିକେଏ ଅବ୍ରାହାମଇଁ ମାନୁଝି  
ଆହାଁ ଏଝାଣାଇଁ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ  
ନୀର୍ବ ଏନାଆଁ ଆଜାଆନା ନେହ କାମା କିତିହ ଏଦାଣି  
ମାସ୍ତକାତେରି ଆଦେରି ।

☆ ୩:୧ ଏପିସି ୫:୨୨; କଲସି ୩:୧୮ ☆ ୩:୩ ୧ତିମ ୨:୯ ☆ ୩:୭ ଏପିସି ୫:୨୫; କଲସି ୩:୧୯

୭ ✨ତକ୍ରୟାତେରି, ଏଲେକିହିଁଏ ମୀ ତକ୍ରସିକାଣି ମୀ କିହାଁ ବାଡ଼ୟାତା ଉଣାଗାଟାଇ ଇଞ୍ଜିଁ ପୁଞ୍ଜାନା ଏଞ୍ଜାସିକାଲ୍ ମାନି କିଦୁ, ଇଞ୍ଜା ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଞ୍ଜୁତି କାର୍ମାତି ଦାନା ବେଟାଆନୁ, ଏନିକିଁ ମୀ ପ୍ରାଡାନା କିନିତାଣା ବାଦା ଖାଏ ।

**ନେହିଁ କାମାତାକି କସ୍ତ ପାଣ୍ଡନାୟି**

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକୁ ବୁକୁତା ଆଣ୍ଡି ଆନାୟି, ତାୟି ତାଲିକ୍ ଜୀଞ୍ଜୁନନାୟି, ନେହିଁ ହିୟାଁ ଅଡ଼େ ଜାହାରାଇଁ ଉଣା କିହାକତାଦୁ ।

୯ ଲକୁ ମିଙ୍ଗେ ଲାଗେଏ କିୟାତିହିଁ ଜିକେଏ ଏଞ୍ଜାରାଇଁ ଖେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହିଁ ଖେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହାଦୁ, ଏନାଆଁତାକି ଇଚିହିଁ ଏଲେକିହାଲି ମାହାପୁରୁ ମିଙ୍ଗେ ଆଡାନା ହାଟାମାଞ୍ଜାନେସି ।

୧୦ ଦାର୍ମୁ ସାସ୍ତେରିତା ରାସ୍ତକି ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକୁ ତଲେ ଡୟାଲି ଇଞ୍ଜା ରାହାଁତି ଦିନାୟା ମେସାଲି ଅଣ୍ଡପିନେସି,

ଏଞ୍ଜାସି ଲାଗେଏ ପଲେଏ କାତାୟାଁ ତାନି ଖେନ୍ଦରିଚି ଜଲାଆପେସି,

ଅଡ଼େ ମିଚି କାତାୟାଁ ତାନି ଗୁଚିଚି ଏରେଲାଞ୍ଜା ହଆପୁ ।

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହିଁ କାମା କିପେସି,

ଇଞ୍ଜା ତାନି ବାରେ ହିୟାଁ ତଲେ ହିଡ଼ଡ଼ି ଜୀଞ୍ଜୁ ପାରାନା ଏ ଜିରୁଚି ତାକାପେସି ।

୧୨ ଏନାଆଁତାକି ଇଚିହିଁ ଦାର୍ମୁ ଗାଟାରାକି ପ୍ରବୁତି କାନୁ ମାନେ,

ଇଞ୍ଜା ଏଞ୍ଜାରି ପ୍ରାଡାନାତି କୀର୍କା ଅଡାହାଁ ଖେନେସି, ସାମା ପାପୁ ଗାଟାରି କପାଟି ପ୍ରବୁ ନିଜିନେସି ।”

୧୩ ମୀରୁ ନେହିଁ କାମାତାକି ରାହାଁ ଗାଟାତେରି ଆଦେରି, ଆତିହିଁ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ?

୧୪ ✨ସାମା ନେହିଁ କାମା କିହାନା କସ୍ତ ବେଟାଆଡ଼ି ଜିକେଏ, ଏଡ଼ି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହିଁ ଆଜିତାକି ଆଡାଜାକା ଆଆଦୁ;

୧୫ ସାମା କ୍ରୀସ୍ତଇଁ ପ୍ରବୁ ଇଞ୍ଜିଁ ମୀ ହିୟାଁତା ସୁଦୁ ତଲେ ମାନି କିଦୁ, ଆମ୍ବାଆସି ଏରେଲାଞ୍ଜା ମୀ ତାଣା ମାନି ବାର୍ସୁତି କାତା ପୁଞ୍ଜାଲି ଖେଞ୍ଜାତିହିଁ, ଏଞ୍ଜାଣାଇଁ ଖେଣ୍ଡେ ଖେସାଲି ମୀ ଅଣ୍ଡପୁ ତଲେ ତିୟାରା ଆହାମାଞ୍ଜୁ,

୧୬ ସାମା ଖେନ୍ଦନାଟି ସୁଦୁ ଅଡ଼େ ମାନିଗାଟି ଅଣ୍ଡପୁ ତଲେ ଆଜାଆନା ନେହିଁ ବୁଦିଚି ଖେନ୍ଦୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହିଁ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ ଦହନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜିଁ ମୀରୁ ତୀରିଚି ଅଣ୍ଡପୁ ତଲେ ମାଞ୍ଜୁ ।

୧୭ ଏନାଆଁତାକି ଇଚିହିଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇଚା ଆତିହିଁ, ନେହିଁ କାମାତାକି ଦୁକୁ ବେଟାଆନାୟି ନେହେଁ ।

୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାଚାଲି ତାକି ଏଞ୍ଜାସି ଦାର୍ମୁଗାଟାସି ଆହାନା ଦାର୍ମୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡ଼େସି, ଏଞ୍ଜାସି ଆଜ୍ଞା ତଲେ ହାଡ଼େସି ସାତା, ସାମା ଜୀଞ୍ଜୁତଲେ ନୀତିତେସି,

୧୯ ଏମ୍ବାଟିଏ ଏଞ୍ଜାସି ସୁଦୁଜୀଞ୍ଜୁ ତଲେ ମାଞ୍ଜାନା ଦସ୍ପି ଆହାମାଟି ଜୀଞ୍ଜୁୟାଁ ତାଣା ହାଜାନା ମାହାପୁରୁ ବଲୁ ଖେକହେସି;

୨୦ ତଲି କାଲାତା ନହ ଜାକା କେପିଚି ବେଲା, ମାହାପୁରୁ ସାସାତଲେ କାଟିମାରେସି, ଆଡ଼ିଜିକେଏ ଏଞ୍ଜାଣାଇଁ ମାନୁଞ୍ଜି ଆଆତେରି, ଏ ଜାକାତା ହାଡ଼େକା ଲକୁ ଆଏ, ଆଟା ଜାଣା ହଡାନା ଏୟୁଚି ଗେଲ୍ପି ଆଡେରି;

୨୧ ଏ ଏୟୁ ଇ କାଲାତି ବାପ୍ତିସ୍ତ\* ଇଚିହିଁ ଏଡ଼ି ମା ଆଜ୍ଞାଟି ମାଟି ନରନାୟି ଆଏ, ସାମା ମାହାପୁରୁ ତାଣା ନେହିଁ ଅଣ୍ଡପୁ ବେଟାଆହାଲି ପ୍ରାଡାନା କିନାୟି, ଇଞ୍ଜା ଜୀସୁ କ୍ରୀସ୍ତ ହାକିଚି ନିଜିତାକି ଗେଲ୍ପି ଆନାୟି ।

୨୨ ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଚି ଚିଃନି ଟଟତା କୁଗାମାନେସି, ଏମ୍ବାଆଁ ଦୁଡୁୟାଁ, ପାଣା ବେଟାଆଆତାରି ଅଡ଼େ ବାଡ଼ୟୁ ଗାଟାରି, ଏଞ୍ଜାଣାଇଁ ମାନୁଞ୍ଜି ଆହାନା ତାନି ଡ଼ଇ ମାନେରି ।

**୪**

**ମାହାପୁରୁ ତାକି ନୀତିନାୟି**

୧ କ୍ରୀସ୍ତ ଆଜ୍ଞା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହିଁଏ ଏଞ୍ଜାଣି ଲେହେଁତି ଅଣ୍ଡପୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇଚିହିଁ ଆମ୍ବାଆସି କ୍ରୀସ୍ତତି ତାକି ଆଜ୍ଞାତା ଦୁକୁ କସ୍ତ ବେଟା ଆହାମାନେସି, ଏଞ୍ଜାସି ପାପୁଚି ହେକ ଆହାମାନେସି,

୨ ଏନିକିଁ ମୀରୁ ଦାର୍ତତିତା ନୀତାମାନି ପାଡେକା ପାପୁଗାଟି ମାଣ୍ଡସିଚି ଲାଗେଏ ଜୁପ୍କାଟି ଅଣ୍ଡପୁ ତଲେ ନୀତାଆନା ମାହାପୁରୁଚି ଅଣ୍ଡପୁ ଲେହେଁ ନୀତାଦୁ ।

୩ ହାଡ଼େକା ଦିନା ମୀରୁ ନାମାଆଗାଟାରି ଇଚା ତଲେ କାମା କିହାଁ ମୀରୁ ଏଚେ କାଲା ଲାଗେଏ ପଲେଏ କାମାତା, ଲାଗେଏଚି ଜୁପ୍କା, କାଡ଼ୁବୁଡ଼ୁ ଅନାୟି, କାଡ଼ୁଗସାନା ରାହାଁ କିନାୟି, କାଡ଼ୁଗସାନା ହଚିନାୟି, ଇଞ୍ଜା ଅପାଆଗାଟି ପେଣ୍ଡକା ବମାୟାଁଣି ପୂଜା କିହିମାଚେରି,

୪ ମୀରୁ ନୀର୍ଏ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅଡେରି, ଏନାଆଁତାକି ଏଞ୍ଜାରି ଆଡାଜାକା ଆହାନା ମିଙ୍ଗେ ହାଡ଼େକା ନିନ୍ଦା କିୟାନେରି ।

୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାଡ଼ାରାଇଁ ନୀହାୟି କିହାଲି ହାଜିମାନେସି, ଏ ମାହାପୁରୁ

✨ ୩:୧୪ ମାଟି ୫:୧୦ \* ୩:୨୧ ମୁଞ୍ଜନାୟି

ନକିତା ଏଞ୍ଜାରି ତାମି ବାରେ କିତି କାମାତି ଲେକା ହୀନାୟି ମାନେ ।

୨ ଏଦାଆଁତାକି ହାତାରି ତାଣା ଜିକେଏ ମାହାପୁରୁତି ନେହଁ କାରୁ ଖେସପିଆଡେ, ଏନିକଁ ଏଞ୍ଜାରି ମାଣ୍ଡିୟାଁ ଲେହେଁ ଆଜ୍ଞା ତୁଲେ ନୀହାଁୟି କିଞ୍ଜି ଆତିହଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି ।

**ମାହାପୁରୁତି ଦାନା ଅଡେ ନେହଁ ଗୁମୁସ୍ତା**

୩ ଏ ବାରେତି ରାନ୍ତି ଦିନା ତାଗେ ଖାଡେୟିଏ, ଏଦାଆଁତାକି ମୀରୁ ନେହଁ ବୁଦି ଗାଟାତେରି ଆଦୁ, ଇଞ୍ଜାଁ ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ ।

୮ ବାରେତି କିହାଁ ମୀରୁ ରଅତେରି ରଅଣାଲ୍ ହାରେକା ଜୀଞ୍ଜୁନଦୁ, ଏଦାଆଁତାକି ଇତିହଁ ଏଲେତି ଜୀଞ୍ଜୁନନାୟି ହାରେକା ପାପୁତି ପୁକ୍ନେ ।

୯ ଗୁରୁମୁରୁ ଆଆନା ରଅତେରି ରଅଣାଲ୍ ଗତାୟାଁ ଲେହେଁକି ସେବା କିଦୁ ।

୧୦ ବାରେଜାଣା ତେରି ଏନିକଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହଁଏ ମୀରୁ ମାହାପୁରୁ ମେରାତି ନେହଁ ଗୁମୁସ୍ତାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଲ୍ ସେବା କିଞ୍ଜିଆଦୁ ।

୧୧ ଆମ୍ବାଆସି ଖେକ୍ନେସି ମାହାପୁରୁତି ନେହଁ କାରୁ ଖେକ୍ନାସି ଲେହେଁ ଖେକ୍ପେସି; ଇଞ୍ଜାଁ ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହାମାନି ଲେହେଁ ସେବା କିପାସି । ଏନିକଁ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଞ୍ଜୁରମି ବେଟା ଆନେସି; ଇଞ୍ଜାଁ କାଲ୍ଲକାଲ୍ଲାତି ଗାଞ୍ଜୁରମି ଅଡେ କାଜାପାଣା ଏଞ୍ଜାଣିଞ୍ଜାୟି । ଆମେନ ।

**କ୍ରୀସ୍ତାନା ଲକୁତି ଦୁକୁ କସ୍ତ**

୧୨ ଏ ନା ଜୀଞ୍ଜୁତି ତଣେସିଜ୍ଞାତେରି, ନୀଏଁ ମିଜ୍ଞେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଖାହାମାନେ, ଏଦି ମାଜ୍ଞେ ଖାନାୟି ହିଲ୍ଲାଆତେ ଇଞ୍ଜାଁ ଅଣ୍ଡପାଆଦୁ ।

୧୩ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏତେକା ଆଣ୍ଡାମାଞ୍ଜେରି ଏତେକେଏ ରାହାଁ ଆଦୁ, ଏନିକଁ ଏଞ୍ଜାଣି ଗାଞ୍ଜୁରମି ତଞ୍ଜାଆନ୍ତି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି ।

୧୪ ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହଁ ମୀରୁ ନେହାଁତେରି, ଇତିହଁ ଗାଞ୍ଜୁରମିଗାଟି ଜୀଞ୍ଜୁ, ଇତିହଁ ମାହାପୁରୁତି ଜୀଞ୍ଜୁ ମୀ ତାଣା ଡୟାମାନେ ।

୧୫ ଏଦାଆଁତାକି ମୀ ବିତ୍ରାଟି ଲକୁଣି ପାୟିନାରି, ସରୁ କିନାରି, ଦହ କାମା କିହାନା, ଲକୁଇଁ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି ।

୧୬ ସାମା ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟା ଆନେସି, ଆତିହଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି ।

୧୭ ଇତିହଁ ମାହାପୁରୁ ଇଲୁଟିଏ ନୀହାଁୟି କିଞ୍ଜି ଆହାଁ ବିଚାରା କିନି ଦିନା ଖାନ୍ନେ; ଇତିହଁ ମାହାପୁରୁ ନଡେଏ ମାଜ୍ଞେ ନୀହାଁୟି କିୟାତିହଁ, ଆତିହଁ ତାମି ନେହଁ କାରୁ ମାନଞ୍ଜି ଆହାହିଲଅରି ଏଞ୍ଜାରି ତାୟୁତି ତଣ୍ଡ ଏତେକା ଆଜିହପେତାୟି ଆଏ !

୧୮ ସାସ୍ତେରିତା ରାସ୍ତିକି ଆହାମାନେ,  
“ଦାମ୍ବୁଗାଟାସି କସ୍ତତଲେ ଗେଲ୍ପି ଆନେସି,  
ଆତିହଁ ଦାମ୍ବୁ ହିଲ୍ଲାଆ ଗାଟାରି ଅଡେ ପାପୁଗାଟି ଲକୁ ଏନିକଁ ମୁମ୍ବୁଡୁହୁନେରି ?”

୧୯ ଇତିହଁ ଆମ୍ବାଆରି ମାହାପୁରୁତି ଅଣ୍ଡପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହଁ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତୁ କିପାରି, ଆତିହଁ ଏଞ୍ଜାରାଲ୍ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



**ମାହାପୁରୁତି ମେଣ୍ଡାୟାଁ**

୧ ଇତିହଁ ନାନୁ ମୀ ତଲେତି ର କୁଲମିତି ପ୍ରାତିନାତେଏଁ, ଅଡେ କ୍ରୀସ୍ତତି ଦୁକୁ ବେଟାଆହାମାନି ତାଣାଟି ସାକି ଇଞ୍ଜାଁ ଖାହିମାନି ଗାଞ୍ଜୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାତିନାଜାଣି ବାଡିମାଲିମାଲ୍,

୨ \*ମୀ ତାଣା ମାନି ମେଣ୍ଡାୟାଁଣି ଜାଡୁକୁ କିଦୁ ମାହାପୁରୁ ମିଜ୍ଞେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣ୍ଡପୁ ତଲେ ମାହାପୁରୁ ଅଣ୍ଡପୁତି ଲେହେଁ ଜାଡୁକୁ କିଦୁ, ଖାରଇ ତାବୁୟାଁ ବେଟାଆନ୍ତି ଆସା ତାକି ଆଏ, ସାମା ସାତା ସେବାକିନି ଅଣ୍ଡପୁ ତଲେ କାମା କିଦୁ ।

୩ ଅଡେ ଆମ୍ବାଆରି ଦାୟିପତି ମୀ କେୟୁତା ହୀପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ ।

୪ ଏତେଟିଏ “କାଜା ଗଡୁ” ତଞ୍ଜାଆନ୍ତି ଦିନାତା ମୀରୁ ଗାଞ୍ଜୁରମିତି ଏତେଲା ଖାଡାଆଗାଟି ଟପେରି ବେଟାଆଦେରି । ତାନି ଉଜେଡି ଏତେଲା ଖାଡ଼େଏ ।

୫ ଏ ଦାଂଗଣାୟାଁତେରି, ଏଲେକିହଁଏ ମୀରୁ ଜିକେଏ ମୀ ପ୍ରାତିନାଜାଣି ମାନଞ୍ଜି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍ଡପୁତି ହିମ୍ବୁରି ଲେହେଁ ପରଦୁ, ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ଇତିହଁ ମାହାପୁରୁ ତାହାରା ଗାଟାରି କପାଟି ନିଜ୍ଞାନା ସୁଦୁ ଗାଟାରାଲ୍ କାର୍ମା ମେହୁନେସି ।”

୬ \*ମାହାପୁରୁତି ବାଡୁୟୁଗାଟି କେୟୁ ଡଇ ମୀରୁ ମିଜ୍ଞେ ଉଣା କିହାକତାଦୁ, ଏନିକିହଁ ଏଞ୍ଜାସି ତାୟୁ ସମାନା ଦିନାତା ମିଜ୍ଞେ କାଜାତେରି କିୟାନେସି;

୭ ମୀ ଅଣ୍ଡପୁତି ବଜୁ ବାରେ ମାହାପୁରୁ ତାଣା ହେରପାଦୁ ଇତିହଁ ଏଞ୍ଜାସି ମିଜ୍ଞେତାକି ଅଣ୍ଡପିନେସି ।

\* ୫:୭ ଇହ ୨୧:୧୫-୧୭    \* ୫:୭ ମାତି ୨୩:୧୨; ଲୁକ ୧୪:୧୧; ୧୮:୧୪

୮ ସେତେନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି  
 ଇଚିହ୍ମି ଆମ୍ବାଆରାଇଁ ଗୁହ୍ମି ଇଞ୍ଜି ମୀ ସାତୁ ସୟତାନ  
 ତୁକିମାନି ସିହ୍ମିକ୍ଷାଣି ଲେହେଁ ପାରିହ୍ମି ରେଜିମାନେସି ।

୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରୁଦୁ,  
 ଏନାଆଁତାକି ଇଚିହ୍ମି ଇ ଦାରତିତା ମାନି ମୀ ନାମିତି  
 ତାୟିୟାକି ଇଲେତି ଦୁକୁ କସ୍ତ ଆହିମାନେ ।

୧୦ କ୍ରୀସ୍ତ ତଲେ ଆଶ୍ଵାନା ତାନି କାଲ୍ଲକାଲ୍ଲତି ଗାସ୍ତୁରମିତା  
 ଆଶ୍ଵାଲି କାର୍ମାନେହ୍ନି ମାହାପୁରୁ ମିଙ୍ଗେ ହାଟାମାଞ୍ଜାନେସି,  
 ମୀ ଗାଡ଼କାତି ଦୁକୁ କସ୍ତ ବେଟାଆଡ଼ି ତାୟୁ ଏଞ୍ଜିସି ତାନ୍ତୁଏ  
 ମିଙ୍ଗେ ତୀରି ଆଟ୍ଝା, ବାଡ଼ୟୁ, ଅଡ଼େ ଏତେଲା ଗୁତା  
 ଆଆଗାଟି ବାସ୍ତୁ ମିଙ୍ଗେ ହିୟାନେସି ।

୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆମେନ୍  
 ।

**ରାନିବେଲ୍ଲାତି ଜହରା**

୧୨ ✨ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହ୍ନାନା  
 ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ । ମାହାପୁରୁତି  
 ସାତା କାର୍ମାତି ସାକି ହାହାନା ମିଙ୍ଗେ ରାହ୍ନା କିୟାନାୟି ନା  
 କାମା । ଏ କାର୍ମା ମେହ୍ନିତାଣା ଆଟ୍ଝାତଲେ ମାଞ୍ଜୁ ।

୧୩ ✨ମାହାପୁରୁ ତାକି ଆଟ୍ଝି ଆହାମାନି ବାବିଲନତା ମାନି  
 କୁଲମି ଅଡ଼େ ନା ଦାମୁତି ମୀରଏସି ମାର୍କ ଜିକେଏ ମିଙ୍ଗେ  
 ଜହରା କିହିମାଞ୍ଜାନେରି ।

୧୪ କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହ୍ନାନା ଜହରା କିଦୁ ।  
 କ୍ରୀସ୍ତ ତାଣା ମାନି ଲକୁକି ହିଡ଼ି ଆପେ ।



# ପିତର ଲିଖିତ ଦ୍ୱୀତୀୟ ପତ୍ର ପିତର ରାଚାମାନି ରୀ ଲମ୍ବର ଆକୁ ମୂକୁ ହାଡ଼ା

ପିତର ରୀ ଲମ୍ବର ଆକୁତି ପାଣ୍ଡୁଆଡ଼ି ପିତର ରାଚାମାନେସି, ସାମା ହାଡ଼େକା ବୁଦିଗାଗାରି ନୀର୍ଦ୍ଦେଶି ଓ ଉଦ୍ଦେଶ୍ୟ ସାତା ଇଞ୍ଜିଲ୍ ନାମିହିଲଅରି । ଇଦାଆଁ ପିତର ତାଣ୍ଡାଟି ଆମ୍ବାଆସି ଆପେ ରାଚାମାଣ୍ଡିନେସି । ରାଚାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାର୍ତ୍ତତା ନୀତାମାଗାଣି ଅଡ଼େ ମୂମୁ ରାଦଲି ଆହାମାଗାଣି ତାନୁଏ ମେସାମାଚେସି ୧:୧୭-୧୮ । ଇ ଆକୁତି ପିତର ରାଚାମାଚିସାରେ ଏଞ୍ଜାସି ରମ୍ଭତା ମାଞ୍ଜାନା ତାନୁ ହାଡ଼ି ନକେଏ ଜୀସୁ କ୍ରୀସ୍ତ ଜାର୍ନାଆଡ଼ି ୨୫-୨୯ ବାସୀ ତାୟୁ ରାଚାମାଚେସି । ପିତର ରୀ ଲମ୍ବର ଆକୁତି ତାୟୁ ପିତର ରାଚିତି କାଲମି ଖେସାନା ଏଲେଇଚେସି ଇଦି ରୀ ପାଲିତି ଆକୁ ୩:୧ । ଏଞ୍ଜାସି ଇ ଆକୁତା ବାରେ କ୍ରୀସ୍ତାନା ଲକୁତି ଦରୁ ଖେକହେସି ।

କ୍ରୀସ୍ତଇଁ ନାମିତି ଲକୁ ନେହଁକଁ ନୀତାବାଡ଼କାଲି ସାସା ହାହାଲି ଅଡ଼େ ମିତିତାଣି ଜାପୁନାରି ତାଣ୍ଡାଟି ଜାଗ୍ରାତା କିହାଲି ଇ ଆକୁ ପିତର ରାଚାମାନେସି ୨ ପାର୍ବୁ । ପିତର ଏଞ୍ଜାରାଇଁ ଜୀସୁ ତବେ ଖାହାହିଲଅସି ଇଞ୍ଜିମାନି ଲକୁ କାତା ଆହୁଆଦୁ ଇଞ୍ଜି ସାସା ହାତେସି । ଏଞ୍ଜାସି ତସାନା ଖେସେସି ମାହାପୁରୁ ନିସ୍ତା ଆହୁଁ କାମାକିନାସି ଆଏ ସାମା ଏଞ୍ଜାସି ବାରେଜାଣାଡ଼ି ଗେଲପି ଆହାଲି ଅଣ୍ଡିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣ୍ଡକିତି ଜୀସୁତଲେ ନୀତିନାୟି ମାନେ ୩:୧୪ ।

### ପତିତା ମାନାୟି

- ୧. ପିତର ତାଙ୍ଗେ ଖେକହା କତିନାୟି ଅଡ଼େ ତାନି ଆକୁତି ପତ୍ରଞ୍ଜି ଆନାରାଇଁ ଖେହୁନାୟି । ୧:୧-୨
- ୨. ଏଞ୍ଜାସି ଏଞ୍ଜାରାଇଁ ନେହଁକଁ ନୀତାବାଡ଼କାଲି ଅଣ୍ଡି କିହିମାନେସି ଏନାଆଁତାକି ଇଚିହଁ ମାହାପୁରୁ ମାଙ୍ଗେ ବାଡ଼ୁୟୁ ହାହାମାଞ୍ଜାନେସି । ୧:୩-୨୧
- ୩. ଏଞ୍ଜାସି ମିତି ଜାପୁନାରି ତାଣ୍ଡାଟି ଜାଗ୍ରାତା ଆହାଲି ଖେସାମାନେସି ଅଡ଼େ ଜୁଗୁ ରାନ୍ଦି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି ଖେସାମାନେସି । ୨:୧-୨୨
- ୪. କ୍ରୀସ୍ତଇଁ ନାମିତି ଲକୁଣି ଜୀସୁ ଖେଣ୍ଡେ ଖାନ୍ଦି ଦିନା ପାତେକା ନେହଁ ଜୀସୁତଲେ ତିୟାରା ଆହା ମାଞ୍ଜାଲି ସାସା ହାହାନା, ପିତର ତାନି ଆକୁ ରାପୁନାୟି । ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁ ଆହାମାନାସି, ମା ମାହାପୁରୁ ଅଡ଼େ ଗେଲପାନି ଜୀସୁ କ୍ରୀସ୍ତ ଦାମ୍ଭୁତାକି ଆମିନି ଗାଗାରି ମା ଲେହେଁ ହାଡ଼େକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଚିମାଇଁ ।

୨ ମାହାପୁରୁ ଅଡ଼େ ମା ପ୍ରବୁ ଜୀସୁତି ବୁଦିତଲେ ମିଙ୍ଗେତାକି କାର୍ମାମେହୁନାୟି ଅଡ଼େ ହିଡ଼ି ଜୀସୁ ହାଡ଼େକା ଗାଡ଼ି ଆୟାପେ ।

### ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡ଼େ ନେହଁ ଗୁଣ୍ଡୁତଲେ ମାଙ୍ଗେ ହାଚାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁତି ବାଡ଼ୁୟୁତି ମାଙ୍ଗେ ଜୀସୁ ଅଡ଼େ ଦାମ୍ଭୁତି ଜିରୁ ତାକି ବାରେ ଲଡ଼ାମାନାଣି ହାହାମାଞ୍ଜାନେସି ।

୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାଡ଼ି ଦାରା ଅଡ଼େ ହାଡ଼େକା ଲଡ଼ାଗାଟି ଆଞ୍ଜାମାନି ଦାନା ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି ଦାର୍ତ୍ତତା ମାଞ୍ଜେରି, ଏମ୍ବାଟି ଗେଲପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡାଦୁ ।

୫ ଇଦାଆଁତାକି ମୀରୁ ହାଡ଼େକା ଜାଡ଼ୁତି ନାମୁତଲେ ନେହଁ ଗୁଣ୍ଡୁ ଅଡ଼େ ସାତା ଗୁଣ୍ଡୁତଲେ ବୁଦି,

୬ ବୁଦିତଲେ ଆଙ୍ଗାତି ଲକ୍ନାୟି, ଆଙ୍ଗାତି ଲକ୍ନାଣି ତଲେ ସାସା, ସାସାତଲେ ଦାମ୍ଭୁତି କାମା କିନାୟି,

୭ ଦାମ୍ଭୁତି କାମାକିନାଣି ତଲେ ତାୟିୟାଁଇଁ ଜୀସୁନନାୟି, ତାୟିୟାଁଇଁ ଜୀସୁ ନନାଣି ତଲେ ବାରେ ଲକୁଇଁ ଜୀସୁ ନନାଣି ଆଡ଼ୁ ।

୮ ଇ ନେହଁ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦି ମିଙ୍ଗେ ପାର୍ସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ ।

୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁଟି ନରୁଞ୍ଜି ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଙ୍ଗିସ୍ତା, ମାହାପୁରୁ ମିଙ୍ଗେ ଆଚାନା ହାଚାମାଞ୍ଜାନାଣି ଅଡ଼େ ମନତି ଅଣ୍ଡପୁ ତୀରି କିହାଲି ହାଡ଼େକା ଜାଡ଼ୁ ଗାଗାତେରି ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ ମୀ ନାମୁତା ଉଣା ଆଅଡ଼େରି ।

୧୧ ଇଞ୍ଜା ଇଲେକିହଁଏ ମା ପ୍ରବୁ ଅଡ଼େ ଗେଲପାନି ଜୀସୁ କ୍ରୀସ୍ତ କାଲକାଲାତି ରାଡ଼ିତା ରାହାତଲେ ହାଜାଲି ମିଙ୍ଗେ ହାପୁକି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହଁକଁ ତୀରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଡି କିଞ୍ଜିକିହାଲି ଜାଗ୍ରାତା ଡ଼ୟିଇଁ ।

୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜି ଅଣ୍ଡିମାଇଁ ।

୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକଁ ଖେସାମାଞ୍ଜାନେସି, ଏଲେକିହଁ ନାଙ୍ଗେ ଦାପେ ଇ ନା ଆଙ୍ଗା ଲେହେଁତି ତୁମୁ ପିସାଲି ଆନେ,

୧୫ ଅଡ଼େ ନା ହାଡ଼ି ତାୟୁ ଜିକେଏ ମୀରୁ ଏନିକ୍ ଇ ବାରେ କାତା କାଟ୍ଲେଏ ଅଣ୍ଡପୁତା ଇଟିଦେରି, ଇଦାଆଁତାକି ନାନୁ ଅଣ୍ଡପିମାଲ୍ ।

**କ୍ରୀସ୍ତତି ଗାଝୁରମି ମେସ୍ତାରି ସାକି**

୧୬ ଇଚିହ୍ ମାନ୍ସୁ ଏଚିବେଲା ମା ପ୍ରୁ ଜୀସୁ କ୍ରୀସ୍ତତି ବାଡ଼ୟୁ ଅଡ଼େ ଝାହିମାନି କାତା ମିଙ୍ଗେ ପୁଣ୍ଡି କିୟାତମି, ଏଚିବେଲା ଏନି ସୁତ୍ରମି ତଲେ କେପିତି ପୁସ୍ପନିକା ଆସା ହିଲାଆତମି, ସାମା ତାନି ଗାଝୁରମିତି କାଣ୍ଡା ତଲେ ମେସ୍ତ୍ର ସାକିୟା ଆହାମାଚମି ।

୧୭ ଏଚିବେଲା କାଜା ଗାଝୁରମିତି ଏଝାଣାକି ଇ ହାଡ଼ା ଝାଡ଼େ, ଏଚିବେଲା ମାନ୍ସୁ ଏମ୍ପାଆଁ ମାଚମି, “ଇଝାସି ନା ଜୀସ୍ତତି ମୀରୁଏସି ଇଝାଣି ତାଣେଏ ନା ହାରେକା ରାହାଁ ମାନେ !” ଏଚିବେଲା ଏଝାସି ଆଡ଼ା ମାହାପୁରୁ ତାଣାଟି ସାମ୍ପୁ ମି ଅଡ଼େ ଗାଝୁରମି ବେଟାଆଡ଼େସି;

୧୮ ମାନ୍ସୁ ତାନିତଲେ ଏ ସୁଦୁ ହରୁ ଲାକ ମାଚିବେଲାତା ମାନ୍ସୁ ହାଗୁ ଲାକଟି ଝେଙ୍ଗିତି ଇ ହାଡ଼ା ଝେଞ୍ଜାମାନମି ।

୧୯ ଏମ୍ପାଆଁ ମାହାପୁରୁ ଅଣ୍ଡପୁତି ବଲୁ ଝେକ୍ନାରି ଝେକ୍ନାମାଚି ମାହାପୁରୁ ଅଣ୍ଡପୁତି ବଲୁ ମାଙ୍ଗେତାକି ହାରେକା ଆଟ୍ଝା ଆଡ଼େ; ମୀରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦୀଝିଁ ଲେହେଁ ଅଣ୍ଡପାନା ଲାଆଁ ଝେୟାଆ ପାତେକା ମୀ ହିୟାଁତା ଝେୟାଜାରା ହୁକା ହୁଆ ପାତେକା ଏଦାଣି ମନ ହାତିହ୍ ନେହେଁ ଆନ୍ଦେ ।

୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ପୁ ପତିତା ରାସ୍କି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲହାଲି ଆଡ଼ାଆୟି ।

୨୧ ଇଚିହ୍ ଆମିନି ମାହାପୁରୁ ଅଣ୍ଡପୁତି ବଲୁ ଝେହ୍ନାରି ଝାଉଲ ତାମ୍ପୁ ମାଣ୍ଡସି ଅଣ୍ଡପୁତି ଆମ୍ପାଆସି ଜିକେଏ ଝେକ୍ନା ହିଲଅରି, ସାମା ମାହାପୁରୁ ପାଣ୍ଡିତି ମାଣ୍ଡସିୟା ସୁଦୁଜୀସ୍ତତି ସାଲ୍ଡି ଆହାମା ଏଝାରି ଅଣ୍ଡପୁତି ବଲୁ ଝେସାମାଚେରି ।

**୨**

**ମିଚି ଜାପ୍ନାରି**

୧ ସାମା ଲକୁ ତାଣାଟି ମିଚି ମାହାପୁରୁ ବଲୁ ଝେହ୍ନାରି ହଡ଼େରି; ଏଲେକିହ୍ ଏ ମୀ ବିଡ଼ାଟି ମିଚି ଜାପ୍ନାରି ହନେରି; ଏଝାରି ନାସା ଆନିଲେହେଁତି ନାଡ଼ିକିନି ଅଣ୍ଡପୁ, ଡ଼ଗୁନା ଝେକ୍ନାମା ଏଝାରାଇଁ କତାମାନି ପ୍ରବୁଲ୍ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଇଁ ଦେବୁଣିଏ ନାସା କିୟାନେରି ।

୨ ଅଡ଼େ ହାରେକା ଲକୁ ଏଝାରି ଲାଗେଏ କାମାତି ଜେଟ ହାନେରି, ଇଞ୍ଜା ଇଝାରି ତାକି ସାତାତି ଜିରୁ ନିନ୍ଦା ବେଟାଆନ୍ଦେ ।

୩ ଏଝାରି ଦନ ଜୁପ୍କାତାକି ମିଚି ଜାପ୍ନାମା ମୀ ତାଣାଟି ତାବୁୟା ଲାବା ବେଟାଆହାଲି ଅଣ୍ଡପିନେରି, ଏଝାରି ତଣ୍ଡ ତଲି କାଲ୍ପାଟିଏ ଆହିମାନେ ଅଡ଼େ ହାରେକା ଦିନାଟିଏ

ମାହାପୁରୁ ଏଝାରାଇଁ ବିଚାରା କିହାମାନେସି, ଏଝାରି ନାସା ଆନାୟି ଝାଡ଼େୟିଏ ।

୪ ଇଚିହ୍ ମାହାପୁରୁ ପାପୁ କିତି ଦୁଡୁୟାଁଲ୍ ପିହ୍ଆନା ହିରୁ ଗାଡ଼ୟୁତା ମେଡ଼ହା ମାନେସି, ଏମ୍ପାଆଁ ଏଝାସିକା ନାହାଁୟି ଆନି ଦିନା ପାତେକା ଆନ୍ଦେରି ଗାଡ଼ୟୁତା ଇଟାମାନେସି ।

୫ ମାହାପୁରୁ ପ୍ଲାଝଇ ଦାର୍ଡିତି ଜିକେଏ ପିସାହିଲଅସି, ସାମା ଦାମ୍ପୁ କାତା ଝେହ୍ନି ନହ ଇଞ୍ଜା ତାନିତଲେ ସାଡ଼ା ଜାଣାଇଁ ଗେଲ୍ପାନା ପାପୁତି ଦାର୍ଡିତି ଏୟୁତଲେ ବାଡ଼ଝି କିତେସି;

୬ ଏଝାସି ସଦମ ଅଡ଼େ ଗମରା ଗାଡ଼ାତି ଦାର୍ମ୍ପୁ ମ୍ପୁସ୍ତାନା ନାସା କିହାଲି ତଣ୍ଡତି ହୁକୁମି ହାତେସି ଅଡ଼େ ଏଝାରାଇଁ ତାୟୁ କାଲ୍ପାଟି ଦାମ୍ପୁ ହିଲାଆଗାଟାରି ପୁଣ୍ଡିକିନିଲେହେଁ କିତେସି ।

୭ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ପୁଗାଟି ଲଟଇଁ ମାହାପୁରୁ ଗେଲ୍ପିତେସି,

୮ ଏ ଦାମ୍ପୁଗାଟାସି ଏଝାରିତଲେ ବାସା କିହାଁ ଏଝାରି ଲାଗେଏତି କାମା ମେସା ଅଡ଼େ ଝେଞ୍ଜାନା ଦିନମି ତାକି ଦିନମି ଦାମ୍ପୁଗାଟାସି ଆହାମା ହାରେକା ଦୁକୁ ବେଟାଆହିମାଚେସି ।

୯ ଇଲେକିହ୍ ଏ ପ୍ରବୁ ଦାମ୍ପୁଗାଟାରାଇଁ ତାୟିପାରି କିନି ତାଣାଟି ଗେଲ୍ପାଲି ଇଚିହ୍ ଦାମ୍ପୁ ହିଲାଆଗାଟାରାଇଁ, ଆମ୍ପାଆରି ଆଙ୍ଗାତି ଲାଗେଏତି କାମାତା ସାଲ୍ଡି ଆହାମା ପ୍ରବୁଲ୍ ମାନି କିଅରି, ଏଝାରାଇଁ ବିଚାରା ଦିନାତି ତଣ୍ଡ ତାକି ଇଟାଲି ପୁଞ୍ଜାମାନେସି ।

୧୦ ଇଚିହ୍ ଆମ୍ପାଆରି ମାହାପୁରୁତି ଅଦିକାରାତି ହାଣି କିହାନା ଜାହାରା ଆଙ୍ଗାତି ଜୁପ୍କାତା ଡ଼ୟିମାନେରି, ଏଝାରି ଏ କାଜା ନାହାଁୟି ଦିନା ପାତେକା ଏନିକ୍ ତଣ୍ଡ ହାହାନା ଇଟାଲି ଆନ୍ଦେ । ଏ ମିଚି ଜାପ୍ନାରି ଆଜାଆ ଗାଟାରି, ଏଝାରି ଲାକପୁରୁ ଗାଝୁରମି ଗାଟାରାଇଁ ମାନି କିଆନା ଏଝାରାଇଁ ଲାଜା କିହିମାଞ୍ଜେରି ।

୧୧ ଆଡ଼ିଜିକେଏ ହାରେକା ବାଡ଼ୟୁ ଅଡ଼େ କାଜାପାଣା ବେଟାଆହାମାନି ଦୁଡୁୟାଁ ପ୍ରବୁ ନକିତା ଏଝାରି କପାଟି ନିଙ୍ଗାମା ନିନ୍ଦାକିହ୍ ବିଚାରା କିଅରି ।

୧୨ ସାମା ଇଝାରି ବୁଦି ହିଲାଆ ଜନ୍ତ ଲେହେଁତାରି, ଏଝାରିଲେହେଁ ଇ ମିଚି ଜାପ୍ନାରି ଜିକେଏ, ଏମ୍ପାଆଁ ଏଝାରି ପୁଞ୍ଜାଲି ଆଡ଼ଅରି ଏଦାଆଁ ଏଝାରି ନିନ୍ଦା କିନେରି, ସାମା ଏଝାସି ଜାଡ଼ାତି ଜନ୍ତ ଲେହେଁ ନାସା ଆନ୍ଦେରି,

୧୩ ଏଝାରି ଲାଗେଏତି କାମା କିହାମାଚିସାରେ ଲାଗେଏ କମାତି ପାଡ଼େୟି ବେଟାଆନ୍ଦେରି । ଏନାୟି ଏଝାରି ଆଙ୍ଗା ତାକି ନେହେଁ ହନେ, ଏଦାଆଁ ଏଝାରି ମାଦେନା କିହାନା ରାହାଁ ବେଟାଆନ୍ଦେରି । ଏଝାରି ଜାହାରା ନାଡ଼ି କିଝିଆନି କାମାତା ରାହାଁ କିହ୍ ମୀ ତଲେ ତିଞ୍ଜାଲି କୁଡ଼ା ଆନ୍ଦେରି ।

✱ ୧:୧୭ ମାତି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୧୪ ଏଞ୍ଜର କାଣକା ଦାରି କାମାତା ନେଞ୍ଜା ଡ଼ୟିନେ, ପାପୁ ପିସାଲି ମନ କିଅରି, ଏଞ୍ଜର ଡିକିତାକାଗାଟି ହାରେକା ଲକ୍ଷ୍ମୀ ଜୁପକା ତହନେରି, ଏଞ୍ଜର ହିୟା ଦନତି ଜୁପକାତା ଡ଼ୟିନେ, ଏଞ୍ଜର ବାରେ ବାକା ବେଟାଆନାରି ।

୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଞ୍ଜୁ ନନ୍ ବିୟରା ମୀରୁଏସି ବିଲିୟମତି କ୍ରେଟ କ୍ରେଟ ହାରେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାରେରି ।

୧୬ ସାମା ଏଞ୍ଜସି ତାନି କିତି ଦହତାକି ଲାଗି ବେଟାଆଡେସି, ଇଞ୍ଜା ର ଜଲଲି ଆଆଗାଟି ଗାଡ଼ଦେ ମାଣସି ହାଡ଼ାତଲେ ଜଲଲିଆଁ ମାହାପୁରୁ ଅଣ୍ଟପୁତି ବଲ୍ଲୁ ଖେହନି ତାଣାଟିଏ ସାପି କିତେ ।

୧୭ ଇ ମିତି ଜାପୁନାରି ଏୟୁ ଖାୟିତି ଜାରୁଣା ଲେହେଁତାରି ଅଡ଼େ କାଜା ଗାଲିତା ଉମ୍ବିନି ହାଗୁ ଲେହେଁତାରି, ମାହାପୁରୁ ଏଞ୍ଜରାକି ହାରେଏ ଆନେରିଗାଟି ଚାୟୁ ଇଟାମାନେସି ।

୧୮ ଇତିହୁଁ ଏଞ୍ଜର ଉଜେଏତି ବତପଣଟି ତାହାରା କାତାୟାଁ ଖେହନେରି ଇଞ୍ଜା ନାଡ଼ିକିନି ମାଣକିଗାଟି ଲକ୍ଷ୍ମୀ ତାଣାଟି ଗେଲ୍ପି ଆହାମାନି ଲକ୍ଷ୍ମଣି, ତାନି ଆଙ୍ଗାଟି ଜୁପକାଟି କାମା କିହାନା ପାନ୍ଦାତା ମେଡ଼ନେରି;

୧୯ ଏଞ୍ଜର ଏଞ୍ଜରାକି ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜୁ ଆଞ୍ଜନେରି, ସାମା ଏଞ୍ଜର ତାମ୍ବୁ ନାସା କିଞ୍ଜିକିନି କାମାଟି ହଲିୟାଙ୍ଗା ଆନେରି; ଏନାଆଁତାକି ଇତିହୁଁ ଆମ୍ବାଆସି ଆମ୍ବାଆରି ତାଣା ହାରେଞ୍ଜି ଆନେସି ଏଞ୍ଜସି ଏମ୍ବାତି ହରେଲଏସି ଆନେସି ।

୨୦ ଇତିହୁଁ ଏଞ୍ଜର ପ୍ରୁ ଅଡ଼େ ଗେଲ୍ପିନି ଜୀଞ୍ଜୁ କ୍ରୀସ୍ତତି ବୁଦିତଲେ ଦାରୁଡ଼ିତି ଲାଗେଏତି ତାଣାଟି ଗେଲ୍ପି ଆହାନା ଖେଣ୍ଡେ ଏମ୍ବାତି ପାନ୍ଦାତା ଦସ୍ପି ଆହାନା ହାରେଞ୍ଜି ଆନେରି, ଆଡ଼ିହୁଁ ଏଞ୍ଜରାକି ତଲିତି ତଣ୍ଡ କିହାଁ ତାୟୁତି ତଣ୍ଡ ହାରେକା କସ୍ତଗାଟାୟି ଆନେ ।

୨୧ ଇତିହୁଁ ଦାମ୍ବୁତି ଜିରୁ ପୁଞ୍ଜାନା ଏଞ୍ଜରାକି ହେରୁପି ଆହାମାନି ସୁଦୁ ହୁକୁମି ପିହୁନି କିହାଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆଡ଼ିହୁଁ ନେହୁଁ ଆଡ଼େମା ।

୨୨ “ନେହୁଡ଼ି ତାନୁ କାକଞ୍ଜାନା ଖେଣ୍ଡେ ଡିଞ୍ଜାଲି ଇଞ୍ଜା ନରଞ୍ଜି ଆହାମାନି ପାଜି ଅଡ଼େ ଖେଣ୍ଡେ ଲାଦିତା ତେରୁମାଲି ହାନେ” ଏଞ୍ଜରାକି ଏ ଖେକ୍‌ହାମାନି ସାତା କାତା ଏଞ୍ଜରାକି ଆହାମାନେ ।

### ୩

#### ପ୍ରୁ ଖେଣ୍ଡେ ଖାନ୍ତି ଦିନା

୧ ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ନୀର୍ବ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାକି, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣ୍ଟି କିହାନା ମୀ ସୁଦୁ ମନତି ପାଡ଼ିକିହାଲି ଅଣ୍ଟିମାକି ।

୨ ମୀରୁ ଏନିକ୍ ସୁଦୁଗାଟି ମାହାପୁରୁ ଅଣ୍ଟପୁତି ବଲ୍ଲୁ ଖେହନାରି ତାଣାଟି ତଲି କାଲ୍ପାତା ଖେସାମାନି ବାରେ ବଲ୍ଲୁ

ଇଞ୍ଜା ପାଣ୍ଡୁଞ୍ଜି ଆହାମାନାରି ତାଣାଟି ଖେସ୍‌ପିଆହାମାନି ପ୍ରୁ ଇଞ୍ଜା ଗେଲ୍ପାମାଣା ହୁକୁମି ଅଣ୍ଟପୁତା ଇଟାଦୁ ।

୩ ☆ତଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ତି ବେଲାତା ଏଚରଜାଣା ତାନି ଲାଗେଏ ପରେଏ କାମା ତଲେ ତାକିନେରି; ଏଞ୍ଜର ମିଙ୍ଗେ ଲାଜା କିୟାନେରି ।

୪ ଏ ଲାଜା କିୟାନାରି ଖାହାନା ଏଞ୍ଜର ମିଙ୍ଗେ ଲାଜାକିହୁଁ ଏଲେଇଞ୍ଜାନେରି “ଜୀସୁ ଖେଣ୍ଡେ ଖାକି ଇଞ୍ଜୁ ଖେସାମାଞ୍ଜାତେସି ଆଡ଼ିହୁଁ ଏଞ୍ଜସି ଏଚେଲା ଖାନ୍ତେସି ? ଇତିହୁଁ ମା ଆକୁ ଆଦାୟାଁ ହାଡ଼ି ଦିନାଟିଏ ନୀର୍ବ ପାଡେକା ବାରେ ଦାରୁଡ଼ିତି ଗାଡ଼ି ଆଡ଼ି ଦିନାଟିଏ ଏନିକ୍ ମାଚେ, ଏଲେକିହୁଁ ଏ ନୀର୍ବ ଜିକେଏ ଡ଼ୟାମାନେ !”

୫ ଏଞ୍ଜର ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲ୍ପାତା ମାହାପୁରୁ ହୁକୁମି ହାଡେସି ଅଡ଼େ ହାଗୁପାକା ଅଡ଼େ ଦାରୁଡ଼ି ଗାଡ଼ି ଆଡେ ଅଡ଼େ ଦାରୁଡ଼ି ଏୟୁ ତାଣାଟି ଏୟୁ ଗୁରୁଚାନା ଗାଡ଼ି ଆଡେ ।

୬ ଅଡ଼େ, ଏଞ୍ଜାଣି ତାଣାଟି ଏ ତଲି କାଲ୍ପାତି ଦାରୁଡ଼ି ଏୟୁତଲେ ନାସା ଆଡେ;

୭ ସାମା ନୀର୍ବତି ହାଗୁପାକା ଅଡ଼େ ଦାରୁଡ଼ି ଏ ମାହାପୁରୁତି ବଲ୍ଲୁ ତଲେ ଲାଗେଏ ପରେଏତି ଲକ୍ଷ୍ମଣି ନୀର୍ବାୟି ଅଡ଼େ ନାସାଟି ଦିନା ପାଡେକା କୃଡ଼ି ଆହାନା ହିରୁତା ହୁଡାଲି ଇଟ୍‌କି ଆହାମାନେ ।

୮ ସାମା ଏ ଜୀଞ୍ଜୁତି ତାୟି ତାଙ୍ଗିସ୍ତା, ମାହାପୁରୁ ନକିତା ର ଦିନା ର ମାଣା ବାସା ସମାନା ଅଡ଼େ ର ମାଣା ବାସା ର ଦିନା ସମାନା; ଇ କାତାଟି ଏଚେଲା ବାଣା ଆଆଦୁ ।

୯ ହାରେକା ଲକ୍ଷ୍ମୀ ପ୍ରୁ ଖେଣ୍ଡେ ଖାନ୍ତି ଦିନା ମାନେୟିଏ ଇଞ୍ଜୁ ଅଣ୍ଟିନେରି, ସାମା ପ୍ରୁ ତାନୁ ଏଲେଇଞ୍ଜା ମାନାଣି ଏଚେଲାଞ୍ଜା ଖେଡ଼ା କିଅସି; ଏନିକ୍ ଆମ୍ବାଆରି ନାସା ଆଅରି, ସାମା ବାରେଜାଣା ମନ ଖେଟ୍‌ହା କଡ଼ିନେରି; ଇଦାଆଁ ଅଣ୍ଟପାମା ଏଞ୍ଜସି ମୀ ତାକି କାର୍ମା ମେସି ମାଞ୍ଜାନେସି ।

୧୦ ☆ମାହାପୁରୁ ଖାନ୍ତି ଦିନା ର ସରୁ ଖାନ୍ତି ଲେହେଁ ଖାନ୍ତେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଙ୍ଗାହାନେ, ଅଡ଼େ ଦାରୁଡ଼ିତା ମାନି ବାରେ ଦିଶ୍‌ସୁ ଗାଡ଼ି ଖେସାନା ରୁୟାହାନୁ, ଇଞ୍ଜା ଦାରୁଡ଼ି ଅଡ଼େ ଏମ୍ବାଆଁ ମାନି ଆସି ବାରେ ହିରୁତା ଡ଼ିଞ୍ଜାହାନେ ।

୧୧ ଇ ବାରେ ଇଲେଆହୁଁ ମେଣ୍ଡାଙ୍ଗାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ିଞ୍ଜାହାଁ ମେଣ୍ଡାଙ୍ଗାହାନେ ଅଡ଼େ ଦାରୁଡ଼ିତି ବାରେ ଦିଶ୍‌ସୁ ହାରେକା ଖେସାନା ରୁୟାହାନେ,

୧୨ ପ୍ରୁ ଖାନ୍ତି ଦିନା କାପୁ କାଡ଼ାଡ଼ୟିନି ଲକ୍ଷ୍ମୀ, ଏଦି ଏନିକ୍ ତବେ ଖାନ୍ତେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି ଖେଡ଼ା ଲେଞ୍ଜୁ ହୁକାୟାଁ ଖେସାହାନାକି ଖିରଲହାନୁ ।

୧୩ ☆ମାର ମାହାପୁରୁ ଆଞ୍ଜାମାନି ଲେହେଁ ର ପୁଞ୍ଜି ହାଗୁପାକା ଅଡ଼େ ପୁଞ୍ଜି ଦାରୁଡ଼ିକି କାଡ଼ାମାନାୟି, ଆମିନି

☆ ୩:୩ ଜୀହୁଦା ୧:୮ ☆ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଖେ ବଲ୍ଲୁ ୧୨:୧୫ ☆ ୩:୧୩ ଖେ ବଲ୍ଲୁ ୨୧:୧

ଗାଗାୟି ଦାମ୍ଭୂତଲେ ବାସାଆନ୍ତି ଚାୟୁ ଆନେ ।

୧୪ ଇଦାଆଁତାକି ଏ ଜୀବୁତି ତାୟି ତାଜିସ୍ତା, ମୀରୁ  
ଇ ବାରେ କାରିମାନିକି ମାହାପୁରୁ ନକିତା ଏନିକ  
ପାପୁ ହିଲାଆଗାଟାତେରି ଅଡେ ଦହ ହିଲାଆଗାଟାତେରି  
ଆହା ହିଡ଼ଡ଼ି ତଲେ ମାନାତେରି ଆହୁଁ ତଞ୍ଜା ଆଦେରି,  
ଏଦାଆଁତାକି ଜାଡ଼ନୁ ତଲେ ମାଞ୍ଜୁ;

୧୫ ଅଡେ, ମା ପ୍ରବୁତି ହାରେକା ଅରୁହିନାୟି  
ଗେଲ୍‌ପାନାୟି ଇଞ୍ଜୁଁ ଅଶ୍‌ପାଦୁ, ମା ଜୀବୁତି ତାୟି ପାଞ୍ଜୁଲ  
ଜିକେଏ ମାହାପୁରୁ ହାହାମାନି ବୁଦିତଲେ ମିଜେଟାକି  
ଏଲେକ୍ ରାଡ଼ା ମାଞ୍ଜାନେସି ।

୧୬ ଏଞ୍ଜାସି ତାନି ରାଡ଼ାମାନି ବାରେ ଆକୁତା ଇ  
ବାରେ କାତା ରାଡ଼ାନା ଏଲେକ୍ ଷ୍ଟେସାମାନେସି; ଏ  
ବାରେ ଆକୁତା ଏଚେକା କାତା ମାନେ, ଏମିନଗାଟାଣି  
ତେଲ୍‌ହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା  
ଆତାଲା ଅଶ୍‌ପୁଗାଟି ଲକୁ, ତାମ୍‌ନୁସା ଆୟାଲି ଏଚ୍‌କାତି  
ସାସ୍ତେରିତା ଏନିକ୍ ରାସ୍‌କି ଆହାମାନେ, ଏ ବାରେ ତାଣା  
ଜିକେଏ ଏଲେକ୍ ଉଜେଏତି କାତା ଷ୍ଟେହ୍‌ନେରି ।

୧୭ ସାମା ଜୀବୁତି ତାୟି ତାଜିସ୍ତାତେରି, ମୀରୁ ଇଦାଆଁ  
ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା,  
ଏନିକ୍ କିଲିବିଲି କିନି ଲକୁ ତାଣାଟି ନାଡ଼ି କିଞ୍ଚି ଆଆନା  
ମୀରୁ ଆବ୍‌ଞ୍ଜା ନାମୁତା ଉଣା ଆଅଡେରି ।

୧୮ ସାମା ମା ପ୍ରବୁ ଅଡେ ଗେଲ୍‌ପାନି ଜୀସୁ କ୍ରୀସ୍ତତି  
କାର୍ମା ଅଡେ ବୁଦିତା ପାତାଆଦୁ । ଏଞ୍ଜାଣାକି ନୀର୍ଏ ଅଡେ  
କାଲାକାଲାତାକି ଗାଞ୍ଜୁରମି ଆପେ । ଆଡେମ୍ ।

# ଯୋହନଙ୍କ ପ୍ରଥମ ପତ୍ର ଜହନ ରାଡ଼ାମାନି ର ଲମ୍ବର ଆକୁ ମୂଳୁ ହାଡ଼ା

ଜହନ ରାଡ଼ିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାୟୁ ପାଣ୍ଡୁଆହାମାନି ଜହନ ରାଡ଼ାମାନେସି । ଜହନ ଜାହାରାଇଁ ଇ ଆକୁତି ରାଡ଼ାମାଇଁ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀସୁ କ୍ରୀସ୍ତତି ନୀତାମାଚାଣି ଅଡ଼େ ହାହାନା ଖେଣ୍ଡେ ନିଜିତାଣି କାନୁ ତଲେ ମେସାମାନମି ଇଞ୍ଜିଁ ସାକି ହାହିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଡ଼ିତି ନେହଁ କାରୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟୁ ଗାଡ଼ାତା ମାଚେସି ଏମୁଆଁ ଏଞ୍ଜାସି ଜହନ ରାଡ଼ିତି ନେହଁ କାରୁ ଅଡ଼େ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଡ଼ାମାଚେସି ଇଞ୍ଜିଁ ନାମିମାନେରି ।

ବୁଦିଗାଗତମି ଇଞ୍ଜାକତିମାନି ର ଗତିତି ଲକୁ ତାଣାଟି କୁଲମି କସ୍ତ ବେଟାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଡ଼ିମାଚେସି । ଏଞ୍ଜାରି ନାମୁ ଜୀସୁ ସାତେଏ ମାହାପୁରୁ ମାଚେସି ସାମା ଦାର୍ଡିତା ମାଚିବେଲାତା ଏଞ୍ଜାସି ଉଞ୍ଜା ଅଡ଼େ ନେତେରିତି ମାଣ୍ଡସି ହିଲାଆଚେସି । ଜହନ ଜୀସୁ କ୍ରୀସ୍ତଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଇଁ ତୀଗାମାନକି ଏଞ୍ଜାସି ଇଦାଆଁ ରାଡ଼ାମାନେସି, ୧:୧-୩ । ଜହନ ଇ ଆକୁତି ରାଡ଼ିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧ଜହ ୧:୪ ଅଡ଼େ ନାମୁ ଗାଗରାଇଁ ପାପୁ ପିସାଲି ତାକି ୧ଜହ ୨:୧ ଅଡ଼େ ମିତି ଜାପ୍ନାରି ତାଣାଟି ନାମୁ ଗାଗରାଇଁ ଗେଲପାଲି ୧ଜହ ୨:୨୭ ନାମୁ ଗାଗରାଇଁ ଗେଲପି ଆହାମାଞ୍ଜେରି ଇଞ୍ଜାଲି ୫:୧୩ ।

## ପତିତା ମାନାୟି

- ୧. ଆକୁତି ପୁଣ୍ଡିକିନାୟି ଅଡ଼େ ରାଡ଼ିମାନି କାତା ଖେହ୍ନାୟି । ୧:୧-୪
- ୨. ମାହାପୁରୁ ଏନିକିଁ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି ଖେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜୀସୁ ନନାଣି ଖେଣ୍ଡେ ଅଣ୍ଡପି କିନାୟି । ୩:୧୧-୫:୧୨
- ୪. ଆକୁତି ରାପ୍ନାୟି । ୫:୧୩-୨୧

## ଜୀସୁତି ବଲୁ

୧ \*ମୂଲୁଏ ଆମ୍ବାଆସି ମାଚେସି, ମାମ୍ବୁ ଏଞ୍ଜାଣି ବଲୁ ଖେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକିଁ ସିନିକିହା ମାନମି ଅଡ଼େ ମା କେସ୍ତାତଲେ ତୀଗାମାନମି, ଏ ଜୀସୁଲେହେଁତି ବଲୁତି କାତା ଖେସିମାଞ୍ଜାନମି ।

\* ୧:୧ ଜହ ୧:୧    \* ୧:୨ ଜହ ୧:୧୪

୨ \*ଏ ଜୀସୁ ତଞ୍ଜାଆଚେ, ଇଞ୍ଜା ମାମ୍ବୁ ଚୁମସ୍ତମି ଅଡ଼େ ସାକି ହାହିମାଞ୍ଜାନମି; ଆମିନି କାଲକାଲାତି ସୁଦୁଜୀସୁ ଆଚା ତଲେ ମାଚେ, ଅଡ଼େ ମା ତାଣା ତଞ୍ଜାଆଚେସି ଏଞ୍ଜାଣି କାତା ମିଞ୍ଜେ ଖେସିମାଞ୍ଜାନମି ।

୩ ମାମ୍ବୁ ଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଞ୍ଜେ ଜିକେଏ ଖେସିମାଞ୍ଜାନମି, ଏନିକିଁ ମୀରୁ ଜିକେଏ ମା ତଲେ ଆଣ୍ଡାଲି ଆଡ଼ାଦେରି; ଅଡ଼େ ମା ଆଣ୍ଡାମାନାୟି ଆଚା ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତଲେ ମାନେ ।

୪ ମା ରାହାଁ ଏନିକିଁ ହାରେ ପୁରେ ଆଡ଼େ ଇଦାଣିତାକି ଇ ବାରେ ମାମ୍ବୁ ରାଡ଼ିମାଞ୍ଜାନମି ।

## ମାହାପୁରୁ ଉଜେଡ଼ି

୫ ମାମ୍ବୁ ଏଞ୍ଜାଣି ତାଣାଟି ଆମିନି କାରୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାରୁ ଇଦି, ମାହାପୁରୁ ଉଜେଡ଼ି, ତାନି ତାଣା ଆନ୍ଦେରି ହିଲଖୁଏ ହିଲେଏ ।

୬ ମାମ୍ବୁ ଆନ୍ଦେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଆହା ମାନାୟି ଇଞ୍ଜିଁ ଖେସିହଁ, ମାର ମିତି ଖେହ୍ନାତାୟି, ଅଡ଼େ ମାର ସାତା ତଲେ ତାକିହିଲାଆୟି ।

୭ ସାମା ଏଞ୍ଜାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହଁଏ ଉଜେଡ଼ିତା ତାକିନାୟି, ଆତିହଁ ମାର ରଅସି ରଅଣି ତଲେ ଆଣ୍ଡୁଆହାୟି ମାନେ, ଅଡ଼େ ତାନି ମୀରଏଣା ଜୀସୁ ନେତେରି ମା ବାରେ ପାପୁତି ନରହାନେ ।

୮ ମା ତାଣା ପାପୁ ହିଲେଏ ଇଞ୍ଜିଁ ଖେହ୍ନାୟି, ଆତିହଁ ମାର ମାଞ୍ଜେଏ ନାଡ଼ି କିହାକତିମାନାୟି, ଅଡ଼େ ମା ତାଣା ସାତା ହିଲେଏ ।

୯ ସାମା ମାମ୍ବୁ ପାପୁ କିହାମାନମି ଇଞ୍ଜିଁ ମାହାପୁରୁ ନକିତା ଖେହ୍ନାୟି, ଆତିହଁ ଏଞ୍ଜାସି ମା ପାପୁ ବାରେ ମ୍ବେକ୍‌ହାଲି ଅଡ଼େ ବାରେ ଲାଗେଏ ପଲେଏ ତାଣାଟି ଅଡ଼ହାଲି ନାମୁ ଅଡ଼େ ତୀରିଗାଗସି ।

୧୦ ମାର ପାପୁ କିହା ହିଲାଆୟି ଇଞ୍ଜିଁ ଇନାୟି, ଆତିହଁ ମାର ମାହାପୁରୁଇଁ ମିତି ଗାଗସି କିହିମାନାୟି, ଅଡ଼େ ତାନି ବଲୁ ମା ତାଣା ହିଲେଏ ।

# ୨

## କ୍ରୀସ୍ତ ଗେଲପାନସି

୧ ଏ ନା ମୀରକା ମାସକାତେରି ମୀରୁ ଏନିକିଁ ପାପୁ କିଅତେରି, ଇଦାଆଁତାକି ଇ ବାରେ ମୀ ତାଣା ରାଡ଼ିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆତିହଁ ମା ଖାକି ଆହାନା ଆଚା ତାଣା ବାଡ଼ିମାଲିନାସି ରଅସି ମାନେସି, ଏଞ୍ଜାସି ଦାର୍ଡିଗାଟି ଜୀସୁ କ୍ରୀସ୍ତ ।

୨ କ୍ରୀସ୍ତ ମା ପାପୁତାକି, ଖାରଇ ମା ପାପୁତାକି ଆଏ, ସାମା ଦାର୍ଡିତି ବାରେ ଲକୁତି ପାପୁ ତାକି ତାକିତି ପୂଜାଲେହେଁ ଆଚେସି ।

୩ ମାର ମାହାପୁରୁତି ହୁକୁମି ମାନୁ ଥାନା, ଆତିହ୍ ଏମ୍ବାଟି ପୁଞ୍ଜାଲି ଆଡ଼ିନାୟି, ଏଞ୍ଜାଣାକ୍ ସାତାତଲେ ପୁଞ୍ଜାମାନାୟି ।

୪ ତାନି ହୁକୁମି ମାନୁ ଥାନା ଆମ୍ବାଆସି ନାନୁ ଏଞ୍ଜାଣାକ୍ ପୁଞ୍ଜାମାକ୍ ଇଞ୍ଜି ଜଲିନେସି, ଏଞ୍ଜାସି ମିଟି ଗାଟାସି ଏଞ୍ଜାଣି ତାଣା ସାତା ହିଲେଏ ।

୫ ସାମା ଆମ୍ବାଆସି ତାନି ହୁକୁମି ମାନୁ ଥାନା, ଏଞ୍ଜାଣି ତାଣା ମାହାପୁରୁତି ସାତା ଜୀଞ୍ଜନନାୟି ପୁରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡ଼ିନାୟି ମାର ମାହାପୁରୁ ତାଣା ମାନାୟି ।

୬ ଆମ୍ବାଆସି ନାନୁ ମାହାପୁରୁ ତଲେ ଡ଼ୟିକ୍ ଇଞ୍ଜି ଇନେସି, ଏଞ୍ଜାସି ଜୀସୁ କ୍ରୀସୁ ନୀତା ମାଟିଲେହେଁ ନୀତିନାୟି ମାନେ ।

**ପୁଞ୍ଜା ହୁକୁମି**

୭ ଏ ନା ଜୀଞ୍ଜୁତି ତଣେସିଙ୍ଗାତେରି ନାନୁ ମୀ ତାଣା ଏନି ପୁଞ୍ଜା ହୁକୁମି ରାଟିମାଞ୍ଜାଅଁ, ସାମା ତଲିଟିଏ ଆମିନି ପୁଞ୍ଜାକ୍ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଟିମାଞ୍ଜାକ୍; ମୀରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଞ୍ଜାକ୍ ହୁକୁମି ।

୮ ଅଡେ ନାନୁ ନୀଏଁ ମିଙ୍ଗେ ପୁଞ୍ଜା ହୁକୁମି ଲେହେଁ ରାଟିମାଞ୍ଜାକ୍, ଇତିହ୍ ଏଦି କ୍ରୀସୁ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜି ତଞ୍ଜାଆନେ, ଇତିହ୍ ଆନ୍ଦେରି ଗୁଟା ଆହିମାନେ ଅଡେ ସାତା ଉଜେଡ଼ି ତଞ୍ଜାଆତେୟିଏ ।

୯ ଆମ୍ବାଆସି ତାନି ତାୟି ତାଜିକ୍ ଅପାଆନା ନାନୁ ଉଜେଡ଼ିତା ମାକ୍ ଇଞ୍ଜି ଇନେସି ଏଞ୍ଜାସି ନୀଏଁ ପାତେକା ଆନ୍ଦେରିତା ମାଞ୍ଜାମାନେସି ।

୧୦ ଆମ୍ବାଆସି ତାନି ତାୟି ତାଜିକ୍ ଜୀଞ୍ଜୁ ନନେସି ଏଞ୍ଜାସି ଉଜେଡ଼ିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ ।

୧୧ ସାମା ଆମ୍ବାଆସି ତାନି ତାୟିକ୍ ଅପିହିଲଅସି ଏଞ୍ଜାସି ଆନ୍ଦେରିତା ମାନେସି, ଅଡେ ଆନ୍ଦେରିତା ତାକି ତାକିହ୍ ଆମ୍ବିୟାଞ୍ଜାକି ହାଜିମାନେସି, ଏଦାଆଁ ପୁନଅସି, ଇତିହ୍ ଆନ୍ଦେରି ତାନି କାଣ୍ଟାଣି କାଣା କିହାମାନେ ।

୧୨ ଜୀଞ୍ଜୁତି କକାରି ପଦାଁତେରି ନାନୁ ମିଙ୍ଗେ ରାଟିମାଞ୍ଜାକ୍, ଏନାଆଁତାକି ଇତିହ୍ କ୍ରୀସୁ ଦରୁତଲେ ମୀ ପାପୁ ବାରେ ମେଣ୍ଟାମାନେ ।

୧୩ ତାଞ୍ଜି ତେରି ନାନୁ ମିଙ୍ଗେ ରାଟିମାଞ୍ଜାକ୍, ଏନାଆଁତାକି ଇତିହ୍ ଆମ୍ବାଆସି ମୂଲୁଟିଏ ମାନେସି, ଏଞ୍ଜାଣାକ୍ ମୀରୁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟିତେରି ନାନୁ ମିଙ୍ଗେ ରାଟିମାଞ୍ଜାକ୍, ଇତିହ୍ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁତେରି ନାନୁ ମିଙ୍ଗେ ରାଟିମାଞ୍ଜାକ୍ ଏନାଆଁତାକି ଇତିହ୍ ମୀରୁ ଆବା ମାହାପୁରୁକ୍ ପୁଞ୍ଜାମାଞ୍ଜେରି, ଏ ଆବାୟିତେରି ନାନୁ ମିଙ୍ଗେ ରାଟିମାଞ୍ଜାକ୍ ଏନାଆଁତାକି ଇତିହ୍ ଆମ୍ବାଆସି ମୂଲୁଟିଏ ମାନେସି ଏ କ୍ରୀସୁକ୍ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟିତେରି ନାନୁ

ମିଙ୍ଗେ ରାଟିମାଞ୍ଜାକ୍ ଏନାଆଁତାକି ଇତିହ୍ ମୀରୁ ବାଡ଼ୟି ଗାଟାତେରି, ଅଡେ ମାହାପୁରୁତି ବଲୁ ମୀ ତାଣା ମାନେ ଅଡେ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

**ଦାର୍ତ୍ତିତି ଜୀଞ୍ଜୁ ନଆଦୁ**

୧୫ ଦାର୍ତ୍ତିତି ଅଡେ ଏମ୍ବାଆଁ ମାନାଣି ବାରେତି ଜୀଞ୍ଜୁ ନଆଦୁ, ଆମ୍ବାଆସି ଦାର୍ତ୍ତିତି ଜୀଞ୍ଜୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀଞ୍ଜୁନନାୟି ହିଲେଏ ।

୧୬ ଇତିହ୍ ଆଙ୍ଗାତି ଜୁପକା, କାନୁତି ଜୁପକା, ଅଡେ ଦନତି ବଡପଣ, ଦାର୍ତ୍ତିତା ମାନାୟି ଇ ବାରେ ମାହାପୁରୁ ଆବା ତାଣାଟି ଖାହାହିଲେଏ ସାମା ଦାର୍ତ୍ତିତି ଗାଡ଼ି ଆହାମାନେ ।

୧୭ ଦାର୍ତ୍ତି ଅଡେ ଏମ୍ବାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଟାଟି ମାନୁ ଥାନା ଏଞ୍ଜାସି କାଲେଏ ତାକି ତୀରି ଆନେସି ।

**କ୍ରୀସୁତି ସାତୁ**

୧୮ ଜୀଞ୍ଜୁତି କକାରି ପଦାଁତେରି ରାନ୍ତି କାଲା ଏଗାଞ୍ଜାତେୟିଏ, ନାଡ଼ିକିନି କ୍ରୀସୁ ଖାନେସି ଇଞ୍ଜି ମୀରୁ ଏନିକ୍ ଖେଞ୍ଜାମାତେରି, ଏଲେକିହ୍ ଏ ନୀଏଁ ଜିକେଏ ହାରେକା ନାଡ଼ିକିନି କ୍ରୀସୁୟାଁ ନିଙ୍ଗିତେରିଏ; ଇଦାଆଁତାକି ମାର ପୁଞ୍ଜାମାନାୟି ଜୁଗୁ ରାନ୍ତି କାଲା ଏଦାତେୟିଏ ।

୧୯ ଏଞ୍ଜାରି ମା ବିତ୍ରାଟି ହତେରି, ସାମା ମା ଗିଟି ଲକୁ ହିଲାଆତେରି; ଏଞ୍ଜାରି ମା ଗିଟି ଲକୁ ଆଡ଼ିହ୍ ମା, ଏଞ୍ଜାରି ମା ତଲେ ଡ଼ୟିତେରିମା; ସାମା ବାରେ ମା ଗିଟି ଲକୁ ଆଏ, ଇଦି ଏନିକ୍ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡ଼ାହାତେରି ।

୨୦ ସାମା ମୀରୁ ଏ ସୁରୁ ଗାଟାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ରୁଦି ବେଟାଆହାମାଞ୍ଜେରି ।

୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଟିମାଞ୍ଜାକ୍ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡେ ସାତାଟି ଏତେଲାଞ୍ଜା ମିଟି ହଏ ଇଞ୍ଜି ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଟିମାଞ୍ଜାକ୍ ।

୨୨ ଜୀସୁକ୍ କ୍ରୀସୁ ଆଏ ଇଞ୍ଜି ଆମ୍ବାଆସି ଖେହ୍ନେସି, ଏଞ୍ଜାଣି ତାଣାଟିଏ ମିଟି ଖେହ୍ନାସି ଆମ୍ବାଆସି ? ଅଡେ ଆମ୍ବାଆସି ଆବା ଅଡେ ମୀରୁଏଣାକ୍ ଇ ରିଆରାକ୍ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସୁ ।

୨୩ ଆମ୍ବାଆସି ମୀରୁଏଣାକ୍ ଅପଅସି ଏଞ୍ଜାସି ଆବାକ୍ ବେଟାଆହାହିଲଅସି, ଆମ୍ବାଆସି ମୀରୁଏଣାକ୍ ଆବିନେସି, ଏଞ୍ଜାସି ଆବାକ୍ ଜିକେଏ ବେଟାଆହାମାନେସି ।

୨୪ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ତାଣା ଡ଼ୟାପେ, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ତାଣା ଡ଼ୟିତିହ୍, ଆତିହ୍ ମୀରୁ ଜିକେଏ କାଲେଏ ଆବା ଅଡେ ମୀରୁଏଣା ଜୀସୁ ତାଣା ଡ଼ୟିଦେରି ।

୨୫ ଅଡେ କ୍ରୀସୁ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀଞ୍ଜୁ ।

☆ ୨:୭ କହ ୧୩:୩୪

୨୭ ଆତ୍ମାଆରି ମିଳେ ନାଡ଼ି କିୟାଲି ଅଣ୍ଟାପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇ ।

୨୮ ସାମା ମୀରୁ ଏଞ୍ଜାଣି ତାଣାଟି ଆମିନି ସୁଦୁଜୀଞ୍ଜୁତି ବରୁ ବେଟାଆହାମାଞ୍ଜେରି, ଏଡ଼ି ମୀ ତାଣା ଡ଼ୟାମାନେ, ଇଞ୍ଜା ଆତ୍ମାଆସି ମିଳେ ଜାପୁହାନ୍ଦେସି, ଏଡ଼ି ମିଳେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବରୁ ବେଟାଆହାମାଞ୍ଜେରି ଏଡ଼ି ମିଳେ ଆମିନି କାତା ଜାପୁହାନ୍ଦେ, ଏଡ଼ି ସାତା, ମିତି ଆଏ; ଇଦାଆଁତାକି ଏ ଜାପୁନାଣି ତଲେ ଏଞ୍ଜାଣି ତାଣା ଡ଼ୟାଦୁ ।

୨୯ ନା ଜୀଞ୍ଜୁତି ମୀରକା ମାସ୍‌କାତେରି, ଜୀଞ୍ଜୁ ତଲେ ଆଣ୍ଡାନା ଡ଼ୟାଦୁ, ଏନିକ୍ ଏଞ୍ଜାସି ଏତିରେଲା ତଞ୍ଜାଆନ୍ଦେସି, ଏତିରେଲା ତାନୁ ଖାନାଟି ତାନି ନକିତା ମୀର ଲାଜା ଆଆନା ସାସା ମେଡ଼ାଆନାୟି ।

୩୦ ଜୀଞ୍ଜୁ ଦାମ୍‌ଗାଟାସି, ଇଦାଆଁ ପୁନାୟିମାନେ, ଆତିହ୍ ଆତ୍ମାଆସି ଦାମ୍‌କାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

### ୩

#### ମାହାପୁରୁତି ମୀରକା ମାସ୍‌କା

୧ \*ମେହ୍‌ଦୁ ଆବା ମାଜେ ଏନିକ୍ ଜୀଞ୍ଜୁ ନନାଣି ହୀହାମାଞ୍ଜାନେସି, ମୀର ମାହାପୁରୁତି ମୀରକା ମାସ୍‌କା ଇଞ୍ଜୁ ଖେଜିନାୟି, ଅଡ଼େ ମୀର ଏଲେକିହ୍ ଏ ଆହାମାନାୟି । ଇଦାଆଁତାକି ଦାରତି ମାଜେ ପୁଞ୍ଜିମାଞ୍ଜେଏ, ଇତିହ୍ ଏଡ଼ି ଏଞ୍ଜାଣାଇ ଜିକେଏ ପୁଞ୍ଜା ହିଲାଆତେ ।

୨ ଏ ନା ଜୀଞ୍ଜୁତି ତରେସିଙ୍ଗା, ନୀଏଁ ମୀର ମାହାପୁରୁତି ମୀରକା ମାସ୍‌କାତାୟି, ଅଡ଼େ ତାୟୁ ଏନି ଆନାୟି, ଏଡ଼ି ନୀଏଁ ପାତେକା ତଞ୍ଜା ଆହା ହିଲେଏ, ମୀର ପୁଞ୍ଜାମାନାୟି, ଜୀଞ୍ଜୁ ଏତିରେଲା ତଞ୍ଜାଆନ୍ଦେସି, ଏତିରେଲା ମୀର ଜିକେଏ ଏଲେକିହ୍ ଏ ଆନାୟି, ଇତିହ୍ ଏଞ୍ଜାସି ଏନିଲେହେକି ମୀର ଏଲେକିହ୍ ଏ ଏଞ୍ଜାଣାଇ ମେହ୍‌ନାୟି ।

୩ ଅଡ଼େ ଆତ୍ମାଆସି ଜିକେଏ ଜୀଞ୍ଜୁ ଜୀଞ୍ଜୁ ତାଣା ଇ ବାସ୍‌ ଇଟାମାନାସି, ଏଞ୍ଜାସି ଏନିକ୍ ସୁଦୁଗାଟାସି, ଏଞ୍ଜାସି ଏଲେକିହ୍ ଏ ତାଜେ ଅଟହା କଡ଼ିନେସି ।

୪ ଆତ୍ମାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଡ଼ରିନାସି, ଏନିଇତିହ୍ ହୁକୁମି ଡ଼ରିନାୟିଏ ପାପୁ ।

୫ \*ମୀର ପୁଞ୍ଜାମାନାୟି, ଜୀଞ୍ଜୁ ପାପୁ ଡ଼େକା ଅହାଲି ଖାଡ଼େସି, ଇଞ୍ଜା ଏଞ୍ଜାଣି ତାଣା ପାପୁ ହିଲେଏ ।

୬ ଆତ୍ମାଆସି ଜୀଞ୍ଜୁ ତାଣା ଡ଼ୟିନେସି, ଏଞ୍ଜାସି ପାପୁ କିଅସି; ସାମା ଆତ୍ମାଆସି ପାପୁ କିନେସି, ଏଞ୍ଜାସି ଜୀଞ୍ଜୁଇ ମେସାହିଲଅସି କି ଏଞ୍ଜାଣାଇ ପୁଞ୍ଜାହିଲଅସି ।

୭ ନା ଜୀଞ୍ଜୁତି କକାରି ପଡ଼ାଁତେରି ଆତ୍ମାଆରି ମିଳେ ନାଡ଼ି କିୟାଆପେରି; ଆତ୍ମାଆସି ଦାମ୍‌କାମା କିନେସି,

ଜୀଞ୍ଜୁ ଏନିକ୍ ଦାମ୍‌ଗାଟାସି, ଏଞ୍ଜାସି ଜିକେଏ ଏଲେକ୍ ଦାମ୍‌ଗାଟାସି ଆନ୍ଦେସି;

୮ ଆତ୍ମାଆସି ପାପୁ କିନେସି, ଏଞ୍ଜାସି ସୟତାନତି ଜାର୍ନା ଆଡ଼ାସି, ଇତିହ୍ ସୟତାନ ତଲିଟିଏ ପାପୁ କିହ୍ ଖାହିମାନେ, ସୟତାନତି କାମା ନାସା କିୟାଲି ମାହାପୁରୁ ମୀରଏସି ଖାଡ଼େସି ।

୯ ଆତ୍ମାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଖେଣ୍ଡେ କିଅସି, ଇତିହ୍ ମାହାପୁରୁତି ଗୁଣ୍ଡୁ ଏଞ୍ଜାଣି ତାଣା ମାନେ, ଅଡ଼େ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡ଼ଅସି ।

୧୦ ଆତ୍ମାଆରି ମାହାପୁରୁତି ମୀରକା ମାସ୍‌କା ଅଡ଼େ ଆତ୍ମାଆରି ସୟତାନତି ମୀରକା ମାସ୍‌କା, ଏଡ଼ି ତଞ୍ଜାଆନ୍ଦେ; ଆତ୍ମାଆସି ଦାମ୍‌କାମା କିଅସି, ଇଞ୍ଜା ତାୟି ତାଜିଇଁ ଜୀଞ୍ଜୁ ନଅସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

#### ରଅସି ରଅଣାଇଁ ଜୀଞ୍ଜୁନନାୟି

୧୧ \*ଇତିହ୍ ରଅସି ରଅଣାଇଁ ଜୀଞ୍ଜୁନନାୟି ମାନେ ଇ ହାଡ଼ା ମୂଲୁଟିଏ ଖେଞ୍ଜା ମାଞ୍ଜେରି;

୧୨ ପାପୁତି ମୀରଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିଡେସି; କୟିନ ଏଞ୍ଜାଣାଇଁ ଏନାଆଁତାକି ପାୟିଡେସି? ଇତିହ୍ ତାନି କାମା ପାପୁ ଗାଟାୟି, ଅଡ଼େ ହେବଲତି କାମା ଦାମ୍‌ଗାଟାୟି ମାଟେ ।

୧୩ ନା ତାୟି ତାଜିସ୍ତାତେରି ଦାରତିତି ଲକୁ ମିଳେ ଅପାଆତ୍ ଜିକେଏ ମୀରୁ କାବା ଆଆଦୁ ।

୧୪ \*ମୀର ପୁଞ୍ଜାମାନାୟି, ମୀର ହାକିତି ଜୀଣାଆହାନା ଜୀଞ୍ଜୁ ବେଟାଆହାମାନାୟି, ଇତିହ୍ ମୀର ତାୟି ତାଜିସ୍ତାଣି ଜୀଞ୍ଜୁନହ୍ ମାନାୟି, ଆତ୍ମାଆସି ଜୀଞ୍ଜୁ ନଅସି, ଏଞ୍ଜାସି ହାହାଲି ମାନେସି ।

୧୫ ଆତ୍ମାଆସି ଜାହାରା ଜୀଞ୍ଜୁନା ତାୟି ତାଜିଇଁ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଣା କାଲାକାଲାତି ଜୀଞ୍ଜୁ ଡ଼ୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି ।

୧୬ ଜୀଞ୍ଜୁ ଜୀଞ୍ଜୁ ମା ତାକି ଜୀଞ୍ଜୁ ହୀତାକି ମୀର ଜୀଞ୍ଜୁନନାୟି ଏନାୟି ଇଞ୍ଜୁ ପୁଞ୍ଜାମାନାୟି; ଅଡ଼େ ତାୟି ତାଜି ତାକି ମା ଜୀଞ୍ଜୁ ଜିକେଏ ହୀନାୟି ମାନେ ।

୧୭ ସାମା ଆତ୍ମାଆସି ଦାରତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ମା ମେହ୍‌ଅସି ଇତିସାରେ, ତାନି ହିୟାଁତା ମାହାପୁରୁତି ଜୀଞ୍ଜୁନନାୟି ମାନେ ଇଞ୍ଜୁ ଏନିକ୍ ଏଲେଇନାୟି ?

୧୮ ନା ମୀରକା ମାସ୍‌କା ଖାଦୁ, ମୀର ଜଲା ଜକଡ଼ି ତଲେ ଜୀଞ୍ଜୁ ନଆନା କାମା ଅଡ଼େ ସାତା ତଲେ ଜୀଞ୍ଜୁ ନନାଣି ତହ୍‌ନାୟି ମାନେ ।

୧୯ ଏଲେ କିଡ଼ିସାରେ ମୀର ସାତାତି ମୀରକା ମାସ୍‌କାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନି କାତା ମା

ହିୟାଁ ମାଙ୍ଗେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି;

୨୦ ଏମିନି କାମାତା ମା ହିୟାଁ ମାଙ୍ଗେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁଟି ସୁସ୍ତି କିହାଲି ଆଡ଼ିନାୟି; ଇଚିହଁ ମାହାପୁରୁ ମା ହିୟାଁଟିଏ କାଜାସି, ଏଞ୍ଜାସି ବାରେ ପୁନେସି ।

୨୧ ନା ଜୀଝୁତି ତଃଣେସିଙ୍ଗା ମା ହିୟାଁ ମାଙ୍ଗେ ଦହ ଦସ୍ତାଆତିହଁ, ଆତିହଁ ମାର ମାହାପୁରୁ ନକିତା ସାସାତଲେ ନିଚାଲି ଆଡ଼ିନାୟି ।

୨୨ ଅଡ଼େ ମାର ଏନାଆଁ ରାହୁନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇଚିହଁ ମାର ତାନି ହୁକୁମି ମାନଝି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି ।

୨୩ \*ତାନି ହୁକୁମି ହାହାମାନିଲେହେଁ, ମାର ତାନି ମାରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହାତି ହୁକୁମି ତଲେ ରଅତାୟି ରଅଣାଲ୍ ଜୀଝୁନନାୟି ।

୨୪ ଆମ୍ବାଆସି ମାହାପୁରୁତି ହୁକୁମି ମାନଝି ଆନେସି, ଏଞ୍ଜାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି; ଇଞ୍ଜା ମାହାପୁରୁ ମା ତାଣା ଡ଼ୟିନେସି, ଇଦାଆଁ ମାର ତାନି ହାହାମାଞ୍ଜାନି ଜୀଝୁତଲେ ପୁଞ୍ଜାମାନାୟି ।

### ୪

#### ସାତା ମାହାପୁରୁତି ଜୀଝୁ ଅଡ଼େ ମିଚି ଜୀଝୁ

୧ ନା ଜୀଝୁତି ତାୟି ତାଙ୍ଗିସ୍ତା, ବାରେ ଜୀଝୁୟାଁଲ୍ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀଝୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହଁ କଁ ତାୟିପାରି କିଦୁ, ଏନାଆଁତାକି ଇଚିହଁ ଦାରତିତା ହାରେକା ମିଚି ମାହାପୁରୁ ବଲ୍ଲୁ ଖେହନାରି ହଟାମାନେରି ।

୨ ଇଲେ କିତିହଁ ମାରୁ ମାହାପୁରୁତି ଜୀଝୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣ୍ଡସି ଆଙ୍ଗା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଡ଼ି ମାହାପୁରୁ ତାଣାଟି ଖାହାମାନେ ।

୩ ଅଡ଼େ ଆମିନି ଜୀଝୁ ଜୀସୁଲ୍ ନାନୁ ପୁଞ୍ଜାହିଲଅଁ ଇଞ୍ଜଁ ଜଲିନେ, ଏଡ଼ି ମାହାପୁରୁ ତାଣାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତ ଜୀଝୁ, ଆମିନି ଜୀଝୁତି ଖାନି କାତା ମାରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନୀଏଁ ଜିକେଏ ଦାରତିତା ଖାଡ଼େୟିଏ ।

୪ ଜୀଝୁତି କକାରି ପଡ଼ାଁତେରି, ମାରୁ ମାହାପୁରୁ ତାଣାଟି ଜାର୍ନା ଆଡ଼ାତେରି, ଅଡ଼େ ମାରୁ ନାଡ଼ିକିନି ବଲ୍ଲୁ ଖେହନାରାଲ୍ ଜୀଣା ଆହାମାଞ୍ଜେରି, ଇଚିହଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାରତିତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି ।

୫ ନାଡ଼ିକିନାରି ଦାରତିତି ଖାହାମାନେରି, ଇଦାଆଁତାକି ଏଞ୍ଜାରି ଦାରତିତି କାତା ଖେହନେରି, ଅଡ଼େ ଦାରତିତାରି ଏଞ୍ଜାରି କାତା ଖେନେରି ।

୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଲ୍ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାଟି ଜୀଝୁ ଅଡ଼େ ନାଡ଼ିକିନି ଜୀଝୁ ପୁଞ୍ଜାଲି ଆଡ଼ିନାୟି ।

#### ଜୀଝୁ ନଝିଆନାୟି

୭ ନା ଜୀଝୁତି ତଃଣେସିଙ୍ଗା, ରଅତେରି ରଅଣାଲ୍ ଜୀଝୁନଦୁ, ଇଚିହଁ ଜୀଝୁନନାୟି ମାହାପୁରୁ ତାଣାଟି ଖାଣେ, ଆମ୍ବାଆସି ଜୀଝୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁଲ୍ ପୁଞ୍ଜାମାନେସି ।

୮ ଆମ୍ବାଆସି ଜୀଝୁ ନଅସି, ଏଞ୍ଜାସି ମାହାପୁରୁଲ୍ ପୁନଅସି, ଏନାଆଁତାକି ଇଚିହଁ ମାହାପୁରୁ ଜୀଝୁ ନନାସି ।

୯ ଇମ୍ବାଆଁ ମାହାପୁରୁତି ଜୀଝୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଣ୍ଡିଏ ମୀରଏଣାଲ୍ ଦାରତିତା ପାଣ୍ଡାତେସି, ଏନିକଁ ମାର ଏଞ୍ଜାଣି ତାଣାଟି କାଲ୍ଲାକାଲ୍ଲାତି ଜୀଝୁ ବେଟାଆନାୟି ।

୧୦ ମାର, ମାହାପୁରୁଲ୍ ଜୀଝୁ ନଡ଼ାୟି, ଏଡ଼ି ଆଏ, ସାମା ଏଞ୍ଜାସି ମାଙ୍ଗେ ଜୀଝୁ ନୟାଁତେସି, ଇଞ୍ଜା ତାନି ମୀରଏଣାଲ୍ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଡ଼ି ଏମ୍ବାଟିଏ ଜୀଝୁନନାୟି ତଞ୍ଜା ଆହି ମାନେ ।

୧୧ ନା ଜୀଝୁତି ତଃଣେସିଙ୍ଗା, ମାହାପୁରୁ ମାଙ୍ଗେ ଏନିକଁ ଜୀଝୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଣାଲ୍ ଜୀଝୁ ନଝିଆନାୟି ମାନେ ।

୧୨ ଆମ୍ବାଆସି ଏଚେଲ୍ଲାଖା ମାହାପୁରୁଲ୍ ମେସାହିଲଅସି; ସାମା ମାର ରଅତାୟି ରଅଣାଲ୍ ଜୀଝୁନଝିଆନ, ଆତିହଁ ମାହାପୁରୁ ମା ତାଣା ମାନେସି, ଅଡ଼େ ତାନି ଜୀଝୁନନାୟି ମା ତାଣା ମାନେ ।

୧୩ ମାର ମାହାପୁରୁ ତାଣା ମାନାୟି ଅଡ଼େ ଏଞ୍ଜାସି ମା ତାଣା ମାନେସି, ଇଦାଆଁ ମାର ପୁଞ୍ଜାମାନାୟି, ଇଚିହଁ ଏଞ୍ଜାସି ମାଙ୍ଗେ ତାନି ଜୀଝୁ ହାହାମାଞ୍ଜାନେସି ।

୧୪ ମାହାପୁରୁ ଆବା ତାନି ମୀରଏଣାଲ୍ ଦାରତିତି ଲକୁଣି ଗେଲ୍ପିନାସି ଆହାଲିତାକି ପାଣ୍ଡାତେସି, ଇଦାଆଁ ମାର ମେସାମାନାୟି ଅଡ଼େ ସାକି ହାହି ମାନାୟି ।

୧୫ ଆମ୍ବାଆସି ଜୀସୁଲ୍ ମାହାପୁରୁତି ମୀରଏସି ଇଞ୍ଜଁ ଖେକନେସି, ମାହାପୁରୁ ଏଞ୍ଜାଣି ତାଣା ମାନେସି, ଅଡ଼େ ଏଞ୍ଜାସି ମାହାପୁରୁ ତାଣା ମାନେସି ।

୧୬ ଅଡ଼େ ମାଙ୍ଗେତାକି ମାହାପୁରୁତି ଆମିନି ଜୀଝୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅଡ଼େ ନାମାମାନାୟି । ମାହାପୁରୁ ଜୀଝୁ ନନାସି; ଆମ୍ବାଆସି ଜୀଝୁ ନହଁ ମାନେସି

☆ ୩:୨୩ ଇହ ୧୩:୩୪; ୧୫:୧୭,୧୭



ଏଞ୍ଜାସି ମାହାପୁରୁ ତାଣା ମାନେସି ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି ।

୧୭ ଦାମ୍ଭୂତି ଜୀଞ୍ଜୁତା ନୀତାମାନାକି ମାହାପୁରୁତି ଜୀଞ୍ଜୁନନାୟି ମା ତାଣା ତାରି ଆହାମାନେ, ମାର ନାହାୟି ଦିନାତା ସାସା ବେଟାଆନାୟି, ଇତିହାଁ କ୍ରୀସ୍ତ ଏନିକାଁ ମାନେସି, ମାର ଜିକେଏ ଇ ଦାର୍ତତିତା ଏଲେକିହାଁ ଏ ମାନାୟି ।

୧୮ ଜୀଞ୍ଜୁ ନନ୍ତି ତାଣା ଆଜି ଡ଼ୟେଏ, ସାମା ସାତା ଜୀଞ୍ଜୁନନାୟି ଆଜିତି ହେକ କିନେ, ଇତିହାଁ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଞ୍ଜୁ ନନ୍ତି ତାଣା ତାରିତାସି ଆଏ ।

୧୯ ମାହାପୁରୁ ତଲିଏ ମାଞ୍ଜେ ଜୀଞ୍ଜୁ ନୟାତାକି ମାର ଜୀଞ୍ଜୁ ନହିମାନାୟି ।

୨୦ ଆମ୍ବାଆସି ନାନୁ ମାହାପୁରୁଇଁ ଜୀଞ୍ଜୁ ନହିମାଈଁ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଈଁ ଅପଅସି, ଆତିହାଁ ଏଞ୍ଜାସି ମିତି ଖେହନାସି, ଇତିହାଁ ଆମିନି ତାୟିଈଁ ମେସାମାନେସି, ଏଞ୍ଜାଣାଇଁ ଜୀଞ୍ଜୁ ନଅସି, ଇତିହାଁ ଆମିନି ମାହାପୁରୁଇଁ ମେସାହିଲଅସି, ଏଞ୍ଜାଣାଇଁ ଜୀଞ୍ଜୁ ନହାଲି ଆଡ଼ଅସି ।

୨୧ ଆମ୍ବାଆସି ମାହାପୁରୁଇଁ ଜୀଞ୍ଜୁ ନନେସି, ଏଞ୍ଜାସି ତାନି ତାୟିଈଁ ଜିକେଏ ଜୀଞ୍ଜୁ ନପେସି, ଇ ହୁକୁମି ମାମ୍ବୁକ୍ରୀସ୍ତ ତାଣାଟି ବେଟା ଆହାମାନମି ।

**୫**

**ଦାର୍ତତିତା ଜୀଣା ଆନାୟି**

୧ ଆମ୍ବାଆସି ଜୀସୁଇଁ କ୍ରୀସ୍ତ ଇଞ୍ଜାଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଇଁ ଜୀଞ୍ଜୁ ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଞ୍ଜୁ ନନେସି ।

୨ ମାର ଏତିବେଲା ମାହାପୁରୁଇଁ ଜୀଞ୍ଜୁନନାୟି ଅଡ଼େ ତାନି ହୁକୁମି ମାନଡ଼ି ଆନାୟି, ଏତିବେଲା ଏଦାଆଁ ତଲେ ମାର ମାହାପୁରୁତି ମାରକା ମାସ୍କାଇଁ ଜୀଞ୍ଜୁ ନହିମାନାୟି ଇଞ୍ଜାଁ ପୁଞ୍ଜାଲି ଆଡ଼ିନାୟି ।

୩ \*ମାହାପୁରୁଇଁ ଜୀଞ୍ଜୁନନାୟି ମା ତାଣା ମାନେ, ଇତିହାଁ ମାର ଏଞ୍ଜାଣି ହୁକୁମି ମାନଡ଼ି ଆନ, ଏଞ୍ଜାଣି ହୁକୁମି ମାନଡ଼ି ଆନାୟି ହାରେକା କସ୍ତ ଆଏ ।

୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାର୍ତତିତି ଜୀଣାଆନେସି, ଅଡ଼େ ଏନାଆଁ ଦାର୍ତତିତି ଜୀଣା ଆହାମାନେସି, ଏଡ଼ି ମା ନାମୁ ।

୫ ଜୀସୁ ମାହାପୁରୁ ମାରଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସପେ ଆମ୍ବାଆସି ଦାର୍ତତିତି ଜୀଣା ଆନେସି ?

**ଜୀସୁ କ୍ରୀସ୍ତ ତାକି ସାକି**

୬ ଜୀସୁ କ୍ରୀସ୍ତ ଏୟୁ ଅଡ଼େ ନେତେରିଟି ଖାହାମାଚେସି, ଖାରଇ ଏୟୁତଲେ ଆଏ, ସାମା ଏୟୁ ଅଡ଼େ ନେତେରି ଇ

ରୀ କୁଡ଼ା ତଲେ ଖାହାମାଚେସି; ଅଡ଼େ ସୁଦୁଜୀଞ୍ଜୁ ଜିକେଏ ଏମ୍ବାତି ସାକି ହାହିମାନେ, ଇତିହାଁ ଜୀଞ୍ଜୁଏ ସାତା ।

୭ ଇ ତାନି ଜାଣା ସାକି ମାନୁ ।

୮ ସୁଦୁଜୀଞ୍ଜୁ, ଏୟୁ ଅଡ଼େ ନେତେରି ଏଞ୍ଜି ରଣ୍ଡିଏ ସାକି ହାହିମାନୁ ।

୯ ମାର ଲକୁ ହାତି ସାକି ନାମିନାୟି, ଆତିହାଁ ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି, ଅଡ଼େ ମାହାପୁରୁତି ସାକି ଇଦି, ଏଞ୍ଜାସି ତାନି ମାରଏଣା ଖାକିଟି ସାକି ହାହାମାନେସି ।

୧୦ ଆମ୍ବାଆସି ମାହାପୁରୁ ମାରଏଣା ତାଣା ନାମିନେସି, ଏଞ୍ଜାସି ତାନି ହିୟାତା ଇ ସାକି ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକି ନାମଅସି, ଏଞ୍ଜାସି ମାହାପୁରୁଇଁ ମିତି ଗାଟାସି କିହାମାନେସି, ଇତିହାଁ ମାହାପୁରୁ ତାନି ମାରଏଣା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି ।

୧୧ \*ଏ ସାକି ଇଦି, ମାହାପୁରୁ ମାଞ୍ଜେ ରାଆଗାଟି ଜୀଞ୍ଜୁ ହାହାମାଞ୍ଜାନେସି, ଅଡ଼େ, ଏ ଜୀଞ୍ଜୁ ତାନି ମାରଏଣା ତାଣା ମାନେ ।

୧୨ ଆମ୍ବାଆସି ମାହାପୁରୁ ମାରଏଣାଈଁ ବେଟାଆହାମାନେସି, ଏଞ୍ଜାସି ଜୀଞ୍ଜୁ ବେଟାଆହାମାନେସି; ଆମ୍ବାଆସି ମାହାପୁରୁ ମାରଏଣାଈଁ ବେଟାଆହାହିଲଅସି, ଏଞ୍ଜାସି ଜୀଞ୍ଜୁ ଜିକେଏ ବେଟାଆହାହିଲଅସି ।

**ରାଆଗାଟି ଜୀଞ୍ଜୁ**

୧୩ ମାରୁ ମାହାପୁରୁ ମାରଏଣା ଦରୁ ନାମାମାଞ୍ଜେରି, ମାରୁ ଏନିକାଁ ପୁଞ୍ଜାମାଞ୍ଜେରି, ରାଆଗାଟି ଜୀଞ୍ଜୁ ବେଟା ଆହାମାଞ୍ଜେରି, ଇଦାଆଁତାକି ନାନୁ ମିଞ୍ଜେ ଇ ବାରେ ରାଟାମାଞ୍ଜାଇଁ ।

୧୪ ଇଞ୍ଜାଁ ମାର ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହାଁ ଏଞ୍ଜାସି ମା ପ୍ରାତାନା ଖେଞ୍ଜାନେସି, ଇଞ୍ଜାଁ ମାହାପୁରୁ ତାଣା ମା ବାର୍ସୁ ମାନେ ।

୧୫ ଅଡ଼େ ମାର ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଞ୍ଜାନେସି ଇଞ୍ଜାଁ ମାରୁ ପୁଞ୍ଜାମାନାୟି, ଆତିହାଁ ଏଞ୍ଜାଣି ତାଣା ମାର ଏନାଆଁ ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି ।

୧୬ ମା ନାମିତି ତାୟି କି ତାଈଁଈଁ ପାପୁ କିହିମାନାଣି ମେହଦେରି ଇତିସାରେ, ଅଡ଼େ ଏ ପାପୁ ହାଞ୍ଜି କିନାୟି ଆଏ, ଏ ତାୟି ତାଈଁ ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକାଁ ହାନିହଗେତି ପାପୁ କିହାହିଲଆ ଲକୁଣି ଜୀଞ୍ଜୁ ହାନେସି, ଏଲେକିହାଁ ଏ ଏଞ୍ଜାରାକି ଜିକେଏ ଜୀଞ୍ଜୁ ହାନେସି, ହାନିହଗେତି ପାପୁ ମାନେ ଇଞ୍ଜାଁ ଏଞ୍ଜାରି ତାକି ପ୍ରାତାନା କିହାଲି ଖେସିହିଲଅ ।

୧୭ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଞ୍ଜି କିଏ ।

୧୮ ଆତ୍ମାଆସି ମାହାପୁରୁ ତାଣାଟି ଜାର୍ନା ଆହାମାନାସି,  
ଏଞ୍ଜିସି ପାପୁ କିଅସି, ଏନାଆଁତାକି ଇଚିହୁଁ ଏଞ୍ଜିସି  
ମାହାପୁରୁ ତାଣାଟି ଜାର୍ନା ଆହୁଁ ଜାହାରାକ୍ ଗେଲ୍‌ପା  
କତିନେସି, ଅଡ଼େ ପାପୁତି ଜାଞ୍ଜୁ ଏଞ୍ଜାଣାକ୍ ତୀଗେଏ,  
ଇଦାଆଁ ମାର ପୁଞ୍ଜାମାନାୟି ।

୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଜା  
ବାରେ ଦାରତିକ୍ ସୟତାନ ଲକ୍‌ହାମାନେ, ଇଦାଆଁ ମାର  
ପୁଞ୍ଜାମାନାୟି ।

୨୦ ମାର ପୁଞ୍ଜାମାନାୟି, ମାହାପୁରୁ ମୀରଏସି  
ଞ୍ଜାହାମାନେସି, ଇଞ୍ଜା ଏଞ୍ଜିସି ମାଜେ ସାତାତାଣାକ୍ ପୁଞ୍ଜାଲି  
ରୁଦି ହାହାମାଞ୍ଜାନେସି; ଅଡ଼େ ମାର ଏ ସାତାଗାଟାଣି ତାଣା,  
ଇଚିହୁଁ ତାନି ମୀରଏସି ଜୀସୁ କ୍ରୀସ୍ତ ତାଣା ନୀତାମାନାୟି,  
ଏଞ୍ଜିସି ସାତା ମାହାପୁରୁ ଅଡ଼େ ରାଆଗାଟି ଜାଞ୍ଜୁ ଗାଟାସି ।

୨୧ ନା ଜାଞ୍ଜୁତି ମୀରକା ମାସକାତେରି ପେଣ୍‌କା ବମାୟାଁ  
ତାଣାଟି ମୀରୁ ହେକ ଆହାନା ମାଞ୍ଜୁ ।

# ଯୋହନଙ୍କ ଦ୍ୱୀତୀୟ ପତ୍ର ଜହନ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାୟ ପାଣ୍ଡିଆହାମାନି ଜହନ ତାଣାଟି ରାସ୍ତକି ଆହାମାନେ । ଜହନ ଜାହାରାଇଁ ଆକୁ ରାଚିତାସି ଇଞ୍ଜିଁ ଖେସିଆନା କୁଲମିତି ପ୍ରାଚିନାତେସିଁ ଇଞ୍ଜିଁ ଖେସିମାନେସି । ଜହନ ରୀ ଲମ୍ବର ଆକୁତି ଜହନ ରାଚିତି ନେହଁ କାବୁତଲେ ସମାନା ମାନେ । ଇ ପତିତା ଜୀସୁ ଏନିକଁ ରଅସି ରଅଣାଇଁ ଜୀସୁ ନନି କାତା ଖେସାମାଚେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହଁ ଏ ଜୀସୁତି ହୁକୁମି ମାନୁଞ୍ଜି ଆନାୟି ଆହିମାନେ ଏଞ୍ଜାଣାଇଁ ଜୀସୁନନାୟି ଜହ ୧:୫-୭; ଜହ ୧୫:୯-୧୦ ।

ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଚିତି ନେହଁ କାବୁ ଅଡ଼େ ଜହନ ମୂଲୁ ଆକୁ, ଜହନତି ରୀ ଲମ୍ବର, ଅଡ଼େ ଜହନ ତାନି ଲମ୍ବର ଆକୁ ରାଚାମାଚେସି ଇଞ୍ଜିଁ ଲକୁ ନାମିମାନେରି । ଜହନ ଇ ଆକୁତା ଆଚାମାନି ଇୟା ଅଡ଼େ ତାନି ମୀରକା ମାସ୍ତକା ଇଞ୍ଜିଁ କୁଲମିତି ରାଚିମାନେସି । ଜହନ ଇ ଆକୁ ରାଚିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାୟି ଅଡ଼େ ମିତି କାତା ଖେହନାରି ତାଣାଟି ଜାଗ୍ରାତା କିହାଲି ରାଚାମାନେସି ।

### ପତିତା ମାନାୟି

- ୧. ଜହନ ଆକୁ ପଡ଼ଞ୍ଜି ଆନାରାଇଁ ଜହରା କିନାୟି । ୧:୧-୩
- ୨. କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡପି କିନାୟି । ୧:୪-୭
- ୩. ମିତି ଜାପୁନାରି ତାଣାଟି ଜାଗ୍ରାତା କିନାୟି । ୧:୭-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପୁନାୟି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେସିଁ, ମାହାପୁରୁ ଆଚାମାନି ଇୟା ଅଡ଼େ ତାନି ମୀରକା ମାସ୍ତକାକି ଇ ଆକୁ ରାଚିମାଇଁ, ନାନୁ ଏଞ୍ଜାରାଇଁ ସାତା ଜୀସୁ ନହଁମାଇଁ, ଅଡ଼େ ଖାରଇ ନାନୁ ଆସ୍, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହଁ ମାଞ୍ଜାନେରି ।

୨ ଆମିନି ସାତା ମା ହିୟାତା ଡ଼ୟାମାନେ ଅଡ଼େ କାଲାକାଲାତାକି ମା ତାଣା ଡ଼ୟିନେ ।

୩ ଆବା ମାହାପୁରୁ ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତାଣାଟି କାର୍ମାମେହନାୟି, ହିଡ଼ଡ଼ି ଜୀସୁ ହୀହାନା, ସାତା ଅଡ଼େ ଜୀସୁ ନଞ୍ଜିଆହାନା ଡ଼ୟିଦେରି ।

ସାତା ଅଡ଼େ ଜୀସୁନନାୟି

☆ ୧:୫ ଜହ ୧୩:୩୪; ୧୫:୧୨, ୧୭

୪ ନୀ ମୀରକା ମାସ୍ତକା ବିତ୍ରାଟି ଏଚରଜାଣା ଆବା ତାଣାଟି ମାଜେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ ।

୫ ଏ ଜୀସୁତି ଇୟା ନାନୁ ନୀସିଁ ନିଜେ ର ପୁଞ୍ଜି ହୁକୁମି ରାଚିମାଞ୍ଜାଇଁ ଏଡ଼ି ଆସ୍, ସାମା ତଲିଟିଏ ବେଟାଆହାମାନି ହୁକୁମି ରାଚାନା ବାତିମାଲିମାଞ୍ଜାଇଁ, ମାର ରଅତାୟି ରଅଣାଇଁ ଜୀସୁନନାୟି ମାନେ ।

୬ ମାର ତାନି ହୁକୁମି ମାନୁଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହଁ ଏ ମାଞ୍ଜୁ, ଇଦି ଏ ହୁକୁମି ।

୭ ନାନୁ ଖେସିମାଇଁ, ଇଚିହଁ ଆମିନି ଗାଟାରି ଜୀସୁ କ୍ରୀସ୍ତ ମାଣସି ଖାଣା ତଲେ ଖାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକିନାରି ଦାରଡ଼ିତା ହଚା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡ଼େ ନାଡ଼ିକିନି କ୍ରୀସ୍ତ ।

୮ ସାମା ମୀ ତାକି ମାମୁ କିହାମାନି କାମାତି ପାଡ଼େୟି ବାରେ ଜାକ୍‌ଆନା ଏନିକଁ ଏମ୍ବାଟି ହାରେ ପୁରେ ବର ବେଟାଆଡ଼େରି ଏଦାଆଁତାକି ଜାଗ୍ରାତା ଆଦୁ ।

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି କିହାଁ ଆଗାଡ଼ା ଗାଣ୍ଡନେସି, ଏଞ୍ଜାସି ମାହାପୁରୁଇଁ ବେଟାଆହାହିଲଅସି; ଆମ୍ବାଆସି କ୍ରୀସ୍ତ ଜାପୁହା ମାନାଣି ତଲେ ଡ଼ୟିନେସି, ଏଞ୍ଜାସି ଆବା ଅଡ଼େ ମୀରଏସି ଇ ରିଆରାଇଁ ଜିକେଏ ବେଟାଆହାମାନେସି ।

୧୦ ଆମ୍ବାଆସି ଇଲେକଁ ଜାପୁନାଣି ଆସାନା ମୀ ତାଣା ଖାଅସି, ଏଞ୍ଜାଣାଇଁ ମୀ ଇଜ ହାଚାଆଦୁ, ଇଞ୍ଜା ନେହଁ ମାଞ୍ଜି କି ଜିକେଏ ଇନାଆଦୁ;

୧୧ ଏନାଆଁତାକି ଇଚିହଁ ଆମ୍ବାଆସି ଏଞ୍ଜାଣାଇଁ ନେହଁ ମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି କାମାତା ଆଣ୍ଡିନାସି ଆନେସି ।

### ଆକୁତି ରାଚି କାତା

୧୨ ନାନୁ ମିଜେ ହାରେକା କାତା ରାଚିନାୟି ମାନେ, ସାମା ଆକୁତା ଇଞ୍ଜା ସୀରା ତଲେ ରାଚାଲି ଅଣ୍ଡପି ହିଲଅଁ; ମୀ ତାଣା ଖାହାନା ମୁମ୍ବୁ ମେସ୍ପି ଆହାନା ଗୁତି ତଲେ ଜଲ୍ଲକି ଆୟାଲି ଆସା କିହିମାଇଁ, ଏନିକଁ ମା ରାହାଁ ହାରେକା ଆନେ ।

୧୩ ମାହାପୁରୁ ଆଚାମାନି ନୀ ତାଜିନି ମୀରକା ମାସ୍ତକା ମିଜେ ଜହରା କିହିମାଞ୍ଜାନେରି । ଆମେନ୍ ।



# ଯିହୁଦାଙ୍କ ପତ୍ର ଜାହୁଦା ରାଜାମାନି ଆକୁ ମୁକୁ ହାଡ଼ା

ରାଜାମାନି ଜାହୁଦା ଦରୁତଲେ ଇ ପତିଇଁ ଜାହୁଦା ଆକୁ ଇନେରି । ଜାହୁଦା ଜାହାରାଇଁ ଜାକୁବ ତାୟି ଇଞ୍ଜିଁ ଖେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ । ଇ ଆକୁ ଆମିନି କୁଲମିତାକି ରାସୁକି ଆହାମାରେ ଇଞ୍ଜିଁ ମାର ନେହଁକଁ ପୁଞ୍ଜାହିଲଆୟି ଅଡେ ଇମ୍ବାଆଁ ହାରେକା ପୁଞ୍ଜାଲ ମେରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାରେରି । ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା “ହାଟାମାନି ଲକୁ, ଜାଞ୍ଜନହଁମାନି ଲକୁ, ଅଡେ ଜାସୁ କ୍ରୀସୁକି ତାରି କିହାମାନି ଲକୁତି” କାତା ଖେସାମାନେସି ୧ । ଇ ଆକୁ ଜାସୁ କ୍ରୀସୁ ଜାନୀଆଡ଼ି ୬୦ ବାର୍ସା ତାୟି ରାସୁକି ଆହାମାରେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଜାମାନେସି ଜାହୁଦା ୪ । ଏଞ୍ଜାସି ପୁଞ୍ଜାଲ ମେରାତା ଗଟ଼ି ଆଡ଼ି କାତା ଆଟ୍‌ହାମାନେସି ଅଡେ ତାନି ରୁଜୁବାଡ଼ିତି ଆଟ୍‌ଞ୍ଜା କିହାମାନେସି । ଇ ଆକୁତା ପିତରତି ରୀ ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହୁଦା ୪; ୨ପିତ ୨:୧ ଅଡେ ଜିକେଏ ଦୂତୁୟାଁ, ସଦମ ଅଡେ ଗମରାତି କାତା ରାଜାମାନେସି ।

### ପତିତା ମାନାୟି

- ୧. ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
- ୨. ଏଞ୍ଜାସି ମିତି ଜାପୁନାରି କାତା ଖେହନାୟି । ୩-୪
- ୩. ପୁଞ୍ଜାଲ ମେରାତି କାତା ଅଡେ ଲକୁତି କାତା ଖେହନାୟି । ୫-୧୬
- ୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଖେହନାୟି । ୧୭-୨୩
- ୫. ମାହାପୁରୁଇଁ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜାହୁଦାତେସଁ, କ୍ରୀସୁ ଜାସୁତି ହଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆଟା ମାନାତେରି ଅଡେ ତାନି ଜାଞ୍ଜ ନନାତେରି ଇଞ୍ଜାଁ ଜାସୁ କ୍ରୀସୁ ତାକି ଆଟ୍‌ଞ୍ଜି ଆହାମାନାତେରି ମିଜେତାକି ଇ ଆକୁ ରାଡ଼ିମାଞ୍ଜାଇଁ ।

୨ ମିଜେତାକି ମାହାପୁରୁତି କାର୍ମାମେହନାୟି ଅଡେ ହିଡ଼ି ଜାଞ୍ଜ ଇଞ୍ଜାଁ ଜାଞ୍ଜନନାୟି ହାରେପୁରେ ଆୟାପେ ।

### ମିତି ଜାପୁନାରି

୩ ଏ ନା ଜାଞ୍ଜୁତି ତରେସିକା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେତାକି ରାଚାଲି ଅଣ୍ଡିମାରେସଁ । ସାମା ମାହାପୁରୁ ତାନି

ଲକୁଣି କାଲାକାଲାତାକି ହାହାମାନି ନାମୁ ଖାକିଟି ଜୁଜୁ କିହାଲି ମିଜେ ରାହଁ କିଞ୍ଜି କିୟାଲି ଲଡ଼ାମାନେ ଇଞ୍ଜିଁ ଅଣ୍ଡିପିତେସଁ ।

୪ ଏନାଆଁତାକି ଇତିହଁ ଏଚରଜାଣା ମାହାପୁରୁଇଁ ମାନଞ୍ଜି ଆଆଗାଟାରି ମେଣେଏ ମୀ ବିତ୍ରା ଖାହାମାନେରି, ଏଞ୍ଜାରି ମାହାପୁରୁ କାର୍ମାମେହନି କାତା ତିରିମୁପହାନା ତାମ୍ବୁ ତାମ୍ବୁ ଅଣ୍ଡିପିତି ଲେହେଁ ଲାଗେଏ ପଲେଏତି କାମା କିହିମାନେରି, ଅଡେ ଜାସୁ କ୍ରୀସୁ ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡି କାତା ତଲି କାଲାଟିଏ ଦାର୍ମପତିତା ରାସୁକି ଆହାମାନେ ।

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିତେସି, ସାମା ଏଞ୍ଜାରି ବିତ୍ରାଟି ନାମାଆଗାଟାରାଇଁ ନାସା କିତେସି, ଇତିହଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡେ ଖେଣ୍ଡେ ଅଣ୍ଡି କିଞ୍ଜି କିୟାଲି ଅଣ୍ଡିମାଇଁ ।

୬ ଅଡେ ଏମିନି ଦୂତୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଟାୟୁ ପିସୁ, ମାହାପୁରୁ ଏ ଦୂତୁୟାଁଇଁ ନାହଁୟି କିନି ଦିନା ପାତେକା ଆନ୍ଦେରି ଟାୟୁତା କାଲାକାଲା ତାକି ହିକିଣିୟାଁ ତଲେ ଦସା ଇଟାମାନେସି ।

୭ ଏଲେକିହଁଏ ସଦମ ଅଡେ ଗମରା ଅଡେ ତାନି ସାରିମୁଟୁ ମାଟି ଗାଡ଼ାୟାଁତାରି, ଦାରିକାମା ଅଡେ ତାନି ବିତ୍ରା ଲାଗେଏ ଅଡେ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲାକାଲା ତାକି ଡ଼ାଞ୍ଜମାନି ହିଚୁତା ସାସି ବେଟାଆଡେରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜିଁ ମାରୁ ଅଣ୍ଡିପାଦୁ ।

୮ ଏଲେକିହଁଏ ହାପାନା ହେଣ୍ଡନାରି ଜିକେଏ, ଅପାଆଗାଟି କାମା ତଲେ ତାନି ଆଜାତି ଲାଗେଏ କିହିମାନେରି, ଅଡେ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୂତୁୟାଁଇଁ ନିନ୍ଦା କିହିମାନେରି ।

୯ \*ସାମା ବାରେକିହଁ କାଜା ଦୂତୁ ମିକାୟେଲ ମସାତି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାରଇ ଏତେକା ଏଲେଇଚେ, “ପ୍ରୁ ନିଜେ ଦାକା ହିୟାପେସି ।”

୧୦ ସାମା ଇ ଲକୁ ତାମ୍ବୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜାଁ ବୁଦି ହିଲାଆଗାଟି ଜନ୍ତୁ ଲେହେଁ ତାମ୍ବୁ ତାନି ଆଜାତି ଅଣ୍ଡିପୁ ତଲେ ପୁଞ୍ଜାମାନି ତାଣାଟି ନାସା ଆନେରି ।

୧୧ ଆୟଡା, ଏଞ୍ଜାରି ତଣ୍ଡି ବେଟାଆନାରି, ଇତିହଁ ଏଞ୍ଜାରି କୟିନ ଜିଚୁତା ହାଜାମାନେରି, ତାବୁୟାଁ ଜୁପକାତାକି ଏଞ୍ଜାରି ବିଲିୟମ ଦହ କିତିଲେହେଁ ଦହ କିହାମାନେରି, ଏଞ୍ଜାରି କରହ ଲେହେଁ ହାଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି ।

୧୨ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହଁତି ବଜିତା ଆଣ୍ଡାନା ମାହଁତି ଗାରି ଲେହେଁତାରି, ଏଞ୍ଜାରି ଖାରଇ ଜାହାରା ତାକି ଅଣ୍ଡିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁନ୍ଦା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲା ପାଡେୟି ଆୟାଆଗାଟି ଖାୟିତି

\* ୧:୯ ଖେ ବଲୁ ୧୨:୭

ମାରୁକୁ ଲେହେଁତାରି ।

୧୩ ଏଞ୍ଜାରି ସାମ୍ବୁରି ଖାଡ଼ିସାରି ହନି ମାଡ଼ିଗାଟି ପମ୍ବୁଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି ତାମି ଟାୟୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରାକି ମାହାପୁରୁ କାଲେଏତାକି ଆନ୍ଦେରିଗାଟି ଟାୟୁ ତିୟାରା କିହାଁ ଇଟାମାନେସି ।

୧୪ ଆଦମ ଟିଏ ସାଡ଼ା ଲମ୍ବର ମାଣ୍ଡସି ହନକ, ଜିକେଏ ତାୟୁ ଆନି କାତା ଏଞ୍ଜାରି ତାକି ଝେକ୍‌ହା ମାଚେସି, “ମେହ୍‌ମୁ ପ୍ରବୁ ତାନି ମାଣା ମାଣା ସୁଦୁଗାଟି ଦୂତୁୟାଁ ତଲେ ଖାନ୍ଦେସି ।”

୧୫ ମେହ୍‌ମୁ ପ୍ରବୁ ନୀହାଁୟି କିୟାଲି ଖାନ୍ଦେସି, ଏଞ୍ଜାସି ଦାମ୍ବୁ ହିଲାଆଗାଟାରାଇଁ ତାମି ପଲ୍‌ଆ କାମାତାକି ଅଡ଼େ ଏଞ୍ଜାରି ମାହାପୁରୁଇଁ ମାନୁଞ୍ଜି ଆଆନା ଏଞ୍ଜାଣି କପାଟି ଝେସ୍ତୁ ଅପାଆଗାଟି କାତାତାକି ଏଞ୍ଜାରାଇଁ ଦହଗାଟାରି କିହାନା ତଣ୍ଡୁ ହୀନେସି ।

୧୬ ଈ ଲକୁ ବାରେବେଲା ତାମ୍ବୁ ତାମ୍ବୁ ଏଚେକା ବେଟାଆଡ଼ି ଜିକେଏ ରାହାଁ ଆଅରି । ଏଞ୍ଜାରି ଖାରୁଇ ତାମି ଲାଗେଏ ପଲେଏତି ଅଣ୍‌ପୁ ତଲେ ସାଲୁଞ୍ଜି ଆନ୍ଦେରି; ଏଞ୍ଜାରି ବଡ଼ପଣ ତସାନା କାଜା କାତା ଝେହ୍‌ନେରି, ଅଡ଼େ ଲାଡ଼ା ବେଟାଆହାଲି ଜୁପକା ତସାନା ଲକୁ ନକିତା ଅଜିତି କାତା ଝେହ୍‌ନେରି ।

**ଜାଗ୍ରାତା ଅଡ଼େ ଜାପୁନି କାତା**

୧୭ ସାମା ଏ ନା ଜାଞ୍ଜୁତି ତଣ୍ଡେସିଙ୍ଗା ମା ପ୍ରବୁ ଜୀସୁ କ୍ରୀସ୍ତୁତି ପାଣ୍ଡୁଞ୍ଜି ଆହାମାନାରି ତଲିଟିଏ ଏମିନି ବାରେ କାତା ଝେସାମାନାଣି ବାରେ ଅଣ୍‌ପାଦୁ ।

୧୮ ଏଞ୍ଜାରି ଏନିକ୍ ମିଙ୍ଗେ ଝେସାମାଞ୍ଜାତେରି ରାନ୍ତି ବେଲା ମାହାପୁରୁଇଁ ମାନୁଞ୍ଜି ଆହାନା ତାମି ଅଣ୍‌ପୁ ତଲେ ମାଞ୍ଜାନା ନିନ୍ଦା କାତା ଝେହ୍‌ନାରି ହନ୍ଦେରି ଇଞ୍ଜା ଲାଜା କିହାନା ଏଲେଇଞ୍ଜାନେରି ।

୧୯ ଏଞ୍ଜାରି ଗଡ଼ହା କିଞ୍ଜି କିହାଁ ଜାରୁ ତିକ୍‌ନେରି, ଅଡ଼େ ଆଙ୍ଗାତି ଅଣ୍‌ପୁଟି ସାଲୁଞ୍ଜି ଆହାନା, ମାହାପୁରୁତି ନେହ୍ ଜାଞ୍ଜୁ ବେଟାଆଆତାରି ।

୨୦ ସାମା ଏ ତଣ୍ଡେସିଙ୍ଗା ମୀରୁ ମୀ ତୀରିଗାଟି ନାମୁଗାଟି ଦାମ୍ବୁତି ଇଲୁ ପାଡ଼ିକିହାଁ କତାଦୁ, ଅଡ଼େ ସୁଦୁଜାଞ୍ଜୁ ତଲେ ପ୍ରାଡ଼ାନା କିଦୁ ।

୨୧ ମା ପ୍ରବୁ ଜୀସୁ କ୍ରୀସ୍ତୁତି କାର୍ମାଟି କାଲାକାଲାତି ଜାଞ୍ଜୁ ହିୟାନେସି, ମୀରୁ ଏଦାଆଁ ବେଟାଆହାଲି କାଟାନା ମାହାପୁରୁ ଜାଞ୍ଜୁନହ୍ ମାଞ୍ଜାନି ତାଣା ମାଞ୍ଜେମାଞ୍ଜୁ ।

୨୨ ଆନାମାନା ଆନି ଲକୁଣି କାର୍ମାମେସାନା ନାମୁତା ପାଡ଼ିକିଦୁ ।

୨୩ ଏଚ୍‌କା ତାରାଇଁ ହିରୁଟି ଡେଞ୍ଜିତି ଲେହେଁ ଗେଲ୍‌ପାଦୁ, ଆଙ୍ଗାତି ପାପୁ କାମାତା ମାହାମାନି ହିମ୍ବୁରିକା ଅପାଆଦୁ, ଏଚର ଲକୁଣି କାର୍ମା ମେସ୍ତୁମି ଜିକେଏ ଏଞ୍ଜାରାଇଁ ଆଜିନାୟି ମାନେ ।

**ଜହରାତି ପାରୁ**

୨୪ ଆମ୍ବାଆସି ମିଙ୍ଗେ ପୁଟିକିନି ତାଣାଟି ଗେଲ୍‌ପାଲି ଆଡ଼ାନେସି, ଅଡ଼େ ତାନି ଗାଞ୍ଜୁରମିତି ହାରେକା ରାହାଁତଲେ

ନକିତା ତାତାଲି, ମାଙ୍ଗେ ଦହ ହିଲାଆଗାଟି ଲକୁ ଲେହେଁ କିହାଲି ଆଡ଼ାନେସି ।

୨୫ ଏ ମା ପ୍ରବୁ ଜୀସୁ କ୍ରୀସ୍ତୁ ତାକି ମା ଗେଲ୍‌ପାଲି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡ଼ୁୟୁ ଅଡ଼େ ସାଲୁଞ୍ଜି କିନାୟି କାଲେଏତାୟି, ନୀଏଁ, ଅଡ଼େ ଜୁଗୁ ଜୁଗୁତାକି ଏଞ୍ଜାଣିଖାୟି । ଆମେନ୍ ।

୭. ପୁଃନି ଲାକପୁରୁ ଅଡ଼େ ପୁଃନି ଦାରତି । ୨୧:୧-୨୨:୨୧

# ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲୁ ମୁକୁ ହାଡ଼ା

ଝେକ୍‌ହି ବଲୁ ପୁଃନି ମୋରାତି ରାତି ପତି । ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆଡ଼ି ୯୫ ବାର୍ଯା ତାମୁ ରାସ୍‌କି ଆହାମାଟେ ୧:୧ । ଏଝାସି ଜହନତି ନେହ୍ କାବୁତଲେ ତାନିଗଟା ଆକୁ ପତିୟାଁ ରାଟାମାଟେସି ଏଝି ୧ଜହ, ୨ଜହ ଅଡ଼େ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାରେକା ଜୀସୁ ନହ୍ ମାଟେସି । ଜହନ ଏମୁ ମାଦିମାନି ବୁମିତି ପାଡ଼ମସ୍ ଟାମୁତା ମାନି ବେଲାତା ଇ ଝେକ୍‌ହି ବଲୁ ରାଟାମାଟେସି, ଇତିହ୍ ଜୀସୁ କ୍ରୀସୁତି ନେହ୍ କାବୁତାକି ଏଝାଣାଇଁ ଏମ୍‌ଆଁ ଅଝିଆହାମାଟେ ଜହ ୧୩:୨୩ ।

ଜୀସୁ ଝେଣ୍ଡା ଝାନି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲୁ ରାଟିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାଟିମାନେସି ୨-୩ । ଜହନ ତାନି ରାଟିନି ତାଣା ମାହାପୁରୁ ଅଣ୍‌ପୁତି ବଲୁ୧:୩ ଅଡ଼େ ତାନି ମେସାମାନି ହାରେକା ସିନାୟାତି କାତା ରାଟିମାନେସି । ଇ ପତିତି ଏଟେକା ତାଣା ପୁଃଈ ପତି ତଲେ ସମାନା ମାନାଣି, ଜିକ ୭:୧-୮ ମେସାଲି ଆଡ଼ିନାୟି । ସାଡ଼ାଗଟା ତୀତି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଈ ମାହାପୁରୁ ମିସରତି ଲକୁଣି ତଣ୍ଡୁ ହାହାଲିତାକି କସ୍‌ୟାଁ ପାଣ୍ଡାନେସି ହାନାୟି ୭-୯ ।

ଝେକ୍‌ହି ବଲୁ ରାନି ବେଲାତି କାତା ଝେସିମାନେ, ଜୀସୁ ତାମୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାର୍ଯୁ ଇତିନେରି ଏଝାରି ବାରେବେଲା ଏଝାଣିତଲେ ଡ଼ୟିନେରି । ଇ ପତି ନିକେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହ୍ ଜୀସୁ ତବେ ଝେଣ୍ଡା ଝାହିମାନେସି ।

### ପତିତା ମାନାୟି

- ୧. ଜହନ ତାକେ ପୁଣ୍‌ମିକିନାୟି ଅଡ଼େ ତାମୁତି କାତା ମେହ୍‌ନାୟି । ୧:୧-୨୦
- ୨. ସାଡ଼ାଗଟା କୁଲମିକାକି ଜୀସୁ କ୍ରୀସୁ ତାଣାଟି ଜହନତି କାବୁ । ୨:୧-୩:୨୨
- ୩. ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତୀତି । ୪:୧-୧୧:୧୯
- ୪. ମାରକା ଅଡ଼େ ସାଡ଼ାଗଟା ତାର୍କାଗାଟି ରାବୁ ତଲେ ଜୁଜୁ । ୧୨:୧-୧୪:୨୦
- ୫. ସାଡ଼ାଗଟା କପାଗାଟି ଗିନାୟାଁ । ୧୫:୧-୧୭:୧୮
- ୬. ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି । ୧୭:୧-୨୦:୧୫

୧ ଜୀସୁ କ୍ରୀସୁତି ଝେକ୍‌ହି ବଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଡ଼ାଆଁ ବାରେ ଏଝାସି ଏନିକ୍ ତାନି ହଲିୟାକାଣି ଝେହ୍‌ନେସି, ଏଡ଼ାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରପିତେସି, ଅଡ଼େ ଏଝାସି ତାନି ଦୁଡୁଇଁ ପାଣ୍ଡାନା ତାନି ହଲିୟା ଜହନଇଁ ଏଡ଼ାଆଁ ଝେସ୍‌ସେସି ।

୨ ଏ ଜହନ ମାହାପୁରୁତି ବଲୁ ଅଡ଼େ ଜୀସୁ କ୍ରୀସୁତି ସାକି କାତା ଇତିହ୍ ଏଝାସି ଏନାଆଁ ମେସ୍‌ସେସି ଏ ବାରେ କାତାତି ସାକି ହାହିମାନେସି ।

୩ ଆମ୍‌ଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲୁ ଝେଞ୍ଜାନା, ଇ ପତିତା ରାସ୍‌କି ଆହାମାନାଣି ବାରେ ମାନଝି ଆନାରି ନେହାଁରି, ଏନାଆଁତାକି ଇତିହ୍ ଇ ବାରେ ଗଟଝି ଆନି କାଲମି ତାଗେ ଝାଡ଼େୟି ।

### ସାଡ଼ାଗଟା କୁଲମିକି ଜହରା କିନାୟି

୪ \*ନାନୁ ଜହନତେସ୍, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାଟିମାଞ୍ଜାଇଁ, ମାହାପୁରୁତି କାର୍ମାମେହ୍‌ନାୟି ଅଡ଼େ ହିଡ଼ି ଜୀସୁ ମିକେ ଆୟାପେ, ନୀସ୍ ଆମ୍‌ଆସି ମାନେସି ତଲି ମାଟାସି ଅଡ଼େ ଜିକେଏ ତାମୁ ଦିନା ଝାଡ଼େସି, ଅଡ଼େ ତାନି ରାଜିତି ସିଂଗାସାଣି ନକିତା ନିଟାମାନି ସାଡ଼ାଗଟା ଜୀସୁୟାଁ ତାଣାଟି,

୫ ଜୀସୁ କ୍ରୀସୁ ନାମୁତି ସାଡ଼ା ସାକି ହାନାସି, ହାଡ଼ାରି ବିଡ଼ାଟି ତଲିଏ ନିକିତାସି, ଜାର୍ନା ଆଡ଼ାସି, ଅଡ଼େ ଦାରତିତି ରାଜାୟାଣି ସାଲଝି କିନାସି । ଏଝାସି ମାକେ ଜୀସୁ ନହାଁମାଞ୍ଜାନେସି, ଅଡ଼େ ତାନି ନେତେରିଟି ମାକେ ପାପୁଟି ଗେଲ୍‌ପାଟେସି ।

୬ \*ଅଡ଼େ ମାକେ ର ରାଜାତି କୁଲୁଲେହେଁ କିହାନା ଆଡ଼ା ମାହାପୁରୁ ନକିତା ପୁଜେରା ଲେହେଁ ଆଟାମାଞ୍ଜାନେସି, ତାନି ଗାଝୁରମି କାଜାପାଣା କାଲକାଲା ତାକି ଆପେ । ଆମେନ୍ ।

୭ \*ମେହ୍‌ଦୁ ଏଝାସି ଦୁନ୍ଦ୍ରା ତଲେ ଝାହିମାନେସି, ଏଟେଟିଏ ବାରେ କାଣ୍‌କା ଏଝାଣାଇଁ ମେହ୍‌ନୁ, ଅଡ଼େ ଏଝାଣାଇଁ ଗୁକ୍‌ହା ମାଟାରି ଜିକେଏ ମେହ୍‌ନେରି, ଦାରତିତାରି ବାରେ କୁଡ଼ା ଏଝାସି ଝାହିମାନାକି ଡ଼ାନେରି ଏଡ଼ି ସାଡ଼ା ଆନେ । ଆମେନ୍ ।

୮ ବାରେ ବାଡ଼ୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟ୍‌ନାତେସ୍ ଅଡ଼େ ରାପ୍‌ନାତେସ୍, ଆମ୍‌ଆସି ନୀସ୍ ମାନେସି ତଲିଏ ମାଟେସି ଅଡ଼େ ତାମୁ ଦିନା ଝାନାସି ନାନୁ ଏଝାତେସ୍ ।

### କ୍ରୀସୁଇଁ ମେହ୍‌ନାୟି

୯ ନାନୁ ଜହନତେସ୍, ମୀ ତାୟିତେସ୍, ଜୀସୁତି ସୀସୁ ଆହାଁ ତାନି ରାଜି ଲକୁତାକି ଝାହିମାନି କସ୍ ଅରହାଲି ନାନୁ ମୀ ତଲେତି ର ମାଣ୍‌ସିତେସ୍ । ଜୀସୁ ତସାମାନି ସାଡ଼ା ଇଞ୍ଜା

\* ୧:୪ ଝେ ବଲୁ ୪:୫    ✪ ୧:୭ ଝେ ବଲୁ ୫:୧୦    ✪ ୧:୭ ମାତି ୨୪:୩୦; ମାକି ୧୩:୨୭; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪, ୩୭; ମାତି ୨୪:୩୦

ମାହାପୁରୁତି ବଲ୍ଲୁ ଝେସିମାଚାକି ନାଙ୍ଗେ ପାତ୍‌ମସ୍ ସାମ୍‌ଦୁରି ମାଦି ମାନି ଚାୟୁତା ପାଣ୍ଡାମାଞ୍ଜାତେରି ।

୧୦ ପ୍ରବୁତି ଦିନାତା ସୁଦୁଜୀଝୁ ନା ଲାକ ରେଚାଝାଡେତ, ଅଡେ ନାନୁ ତାୟୁ ଝାକିଟି ତୀତ୍ରି ମହୁରି ଲେହେତି କାଜା ଗିୟାତଲେ ଏଲେ ଇଞ୍ଜିମାତି ର ହାଡ଼ା ଝେଚେସି ।

୧୧ ନାନୁ ମେସିମାନାଣି ରାଚାମୁ ଅଡେ ଇ ପତିତି ଇ ସାଡାଗାଟା କ୍ରୀସ୍ତାନା କୁଲମି ଇତିହସି ଏପସି, ସ୍ପୁର୍ନା, ପର୍ଗମ, ତୁୟାତିରା, ସାଦ, ପିଲାଦେଲ୍‌ପିୟା ଅଡେ ଲାଝୁଦିକିୟାତି କୁଲମିତା ପାଣ୍ଡାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଶ୍ଟେ ସିନିକିତେସି, ଇଞ୍ଜା ସାଡାଗଟା ବାଂଗାରା ଦୀଝିୟା,

୧୩ ଇଞ୍ଜା ଏ ଦୀଝିୟା ମାଦିଏ ମାଣ୍ଡସି ମୀରଏଣା ଲେହେ ର ମାଣ୍ଡସି; ଏଝାଣି ପାଠଆନାୟା ପାତେକା ହିମ୍ବୁରି ପୁକ୍‌ହା ମାଚେ ଅଡେ ବକତା ବାଂଗାରା ପାଟାତି ଡରି ରୁପାମାଚେ;

୧୪ ଏଝାଣି ତାୟୁ ବାଣାୟା ଅପହି ଲୁଲୁ ଅଡେ ପେଣ୍ଡି ମାରୁ ଲେହେ ଦବ୍‌ଲା, ଅଡେ ଏଝାଣି କାଣ୍ଡକା ହିରୁ ଲେହେ ଡ଼ାଞ୍ଜି ମାରୁ ।

୧୫ ତାନି ପାଠଆନାୟା ହଲୁତା ହୁଡିତି ପିତାଡ଼ା ମୁସିମାନି ଲେହେ ମିଣ୍ଡସି ମାରୁ, ଅଡେ ତାନି ଗିୟା ଲଦ ଲଦ ଇଞ୍ଜା ରିହିମାନି ଏୟୁତି ହାଡ଼ା ଲେହେତାୟି ।

୧୬ ତାନି ଚିଃନି କେୟୁତା ସାଡାଗଟା ହୁକାୟା ମାରୁ, ତାନି ଗୁଡିଟି ରିକଝାକି ଦାରାଗାଟି କାଣ୍ଡା ହଡେ, ତାନି ମୁମ୍‌ମାଦେନା ବେଲା ଡ଼ାଞ୍ଜିମାନି କାରା ଲେହେ ଉଜେଡି ଗାଟାୟି ।

୧୭ ନାନୁ ଏଝାଣାଲ୍ ମେସପନିଏ ହାଡିଲେହେ ତାନି କତାୟା ତୁଇ ରାତେସି, ଏମ୍ବାଟିଏ ଏଝାସି ନା ଲାକ ତାନି ଚିଃନି କେୟୁ ଇଚାନା ଇଲେ ଇଞ୍ଜାତେସି, ଆଜାଆନି ନାନୁ ମାଚ୍‌ନାତେସି ଅଡେ ରାପ୍‌ନାତେସି ।

୧୮ ଆଜାଆଦୁ ନାନୁ ନୀତା ମାନାତେସି ହାଡାତେସି, ନାନୁ କାଲା କାଲେଏତାକି ନୀତାମାଲ୍, ହାନାୟି ଅଡେ ହାଡାରି ରାଜିତି କୁଟିକାଡି ନା କେୟୁତା ମାନେ ।

୧୯ ଇତିହସି ନାନୁ ଏନାଆଁ ମେସାମାଞ୍ଜି, ଅଡେ ଏନାୟି ନୀସି ଆହିମାନେ ଇଞ୍ଜା ଇଦାଣି ଜେଚ ଏନାୟି ଆନେ ଇ ବାରେ ରାଚା ଇଟାମୁ ।

୨୦ ନା ଚିଃନି କେୟୁତା ମେସାମାନି ସାଡାଗଟା ହୁକାୟା ଅଡେ ସାଡାଗଟା ବାଂଗାରା ଦୀଝି ସଡ଼ାୟାତି ଡ଼ଗୁାମାନି କାତା ଇଦି, ସାଡାଗଟା ହୁକାୟା ସାଡାଗଟା କୁଲମିତି ଦୁଡୁୟା, ଅଡେ ସାଡାଗଟା ବାଂଗାରା ଦୀଝି ସଡ଼ାୟା ସାଡାଗଟା କୁଲମିକା ।

### ୨

#### ଏପସି କୁଲମିତାକି କାରୁ

୧ “ଏପସି କୁଲମିତି ଦୁଡୁ ତାଣା ରାଚାମୁ, ଆମ୍ବାଆସି ଚିଃନି କେୟୁତା ସାଡାଗଟା ହୁକାୟା ଆସାମାନେସି ଅଡେ ସାଡାଗଟା ବାଂଗାରା ଦୀଝି ସଡ଼ାୟା ମାଦି ରେଜିମାନେସି,

୨ ଏଝାସି ଏଲେଇଞ୍ଜି ମାନେସି, ନାନୁ କିହାମାନି କାମା ନାନୁ ପୁଞ୍ଜାମାଲ୍, ନାନୁ ଏନିକ୍‌ ଝାହୁତଲେ କାମା କିହିମାଞ୍ଜି, ଅଡେ ଏଚେକା ଅରହିମାଞ୍ଜି ଏଦାଆଁ ପୁଞ୍ଜାମାଲ୍, ନାନୁ ଲାଗେଏ ପଲେଏ କାମା କିନାରାଲ୍ ଅପିହିଲଅତି, ଅଡେ ପାଣ୍ଡି ଆଆନା ମାମ୍‌ପାଣ୍ଡି ଆହାମାନମି ଇଞ୍ଜା ଝେସା କତିନେରି, ନାନୁ ତାୟିପାରି କିହା ଏଝାରି ମିତି କାତା ଝେହନାରି ଇଞ୍ଜା ପୁଞ୍ଜାମାଞ୍ଜି ।

୩ ନା ଦରୁ ତାକି ଦୁକୁ କସ୍ ଅରହିମାଞ୍ଜି ଇଞ୍ଜା ଝାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଲ୍ ।

୪ ଆତିହସି ଜିକେଏ ନୀ କପାଟି ନା ଇ କାତା ମାନେ, ତଲି ଜୀଝୁନହସି ମାଞ୍ଜାତିଲେହେ ନୀସି ଜୀଝୁନହସି ମାଞ୍ଜଅତି ।

୫ ଅଡେ ନାନୁ ଏନିକ୍‌ ତୁଇ ତରଗା ମାଞ୍ଜି ଏଦାଆଁ ଅଣ୍ଡପାନା ନୀ ପାପୁ ପିସାହାଁ ମନ ଝେଟ୍‌ମୁ ଅଡେ ତଲିତିଲେହେ ସାଡା କାମା କିମୁ, ଆଆତ ଏଚେତା ନାନୁ ହିୟା ଝେଟ୍‌ଅତି, ନାନୁ ନୀ ତାଣା ତବେ ଝାହାନା ନୀ ଦୀଝି ନୀ ତାଣାଟି ଏଟକା ଗୁଟିକିୟାଲ୍ ।

୬ ଆଡିଜିକେଏ ନୀ ତାଣା ର ନେହସି ଗୁଣ୍ଡୁ ମାନେ ନାନୁ ଏନିକ୍‌ ନିକଲାୟତାରି ବାରେ କାମା ଅପିହିଲଅି ଏଲେକ୍‌ ନାନୁଝା ଅପିହିଲଅତି ।”

୭ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କାର୍‌କା ମାନୁ ଏଦାଆଁ ଝେଶ୍‌ମାସି । ଆମ୍ବାଆସି ଜୀଣା ଆନେସି, ଏଝାଣାଲ୍ ନାନୁ ମାହାପୁରୁ ରାଜିତା ମାନି ଜୀଝୁଗାଟି ମାରୁନୁତି ପାଡେୟି ତିଞ୍ଜାଲି ହାଲ୍ ।”

#### ସ୍ପୁର୍ନା କୁଲମିତାକି କାରୁ

୮ “ସ୍ପୁର୍ନା କୁଲମିତି ଦୁଡୁ ତାଣା ରାଚାମୁ, ଆମ୍ବାଆସି ତଲିତାସି ଅଡେ ତାୟୁତାସି, ଆମ୍ବାଆସି ହାହାମାଚେସି ଅଡେ ଝେଶ୍ଟେ ନୀତିତେସି, ଏଝାସି ଏଲେଇଞ୍ଜି ମାନେସି ।

୯ ନାନୁ ନୀ ବାରେ କସ୍ ଅଡେ ହାକି କାକୁଲି ପୁଞ୍ଜାମାଲ୍, ସାମା ନାନୁ ବାଡକୁ ଗାଗାତି ଅଡେ ଆମ୍ବାଆରି ଜୀହୁଦି ଲକୁ ଆଆନା ମାମ୍‌ଜୀହୁଦି ଲକୁତମି ଇଞ୍ଜା ଇନେରି, ଏଝାରି ସୟତାନ ଗତିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଲ୍ ।

୧୦ ମୀରୁ ଏନିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିଡ଼ାଟି ଆମ୍ବା ଆମ୍ବାଆରାଲ୍ କାୟିଦିତା ଇଚିନେ, ଅଡେ ମୀରୁ ଦସ ଦିନା କସ୍ ବେଟାଆଦେରି । ମୀରୁ ହାନି ପାତେକା ନାମୁତଲେ ମାଞ୍ଜୁ, ଆତିହସି ନାନୁ ମିଙ୍ଗେ ଜୀଝୁତି ଚପେରି ହିୟାଲ୍ ।”

୧୧ “କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କାର୍‌କା ମାଟିସାରେ ଝେଶ୍‌ମାସି, ଆମ୍ବାଆସି ଜୀଣା ଆନେସି

☆ ୧:୧୭ ଝେ ବଲ୍ଲୁ ୨:୮; ୨୨:୧୩ ☆ ୨:୭ ଝେ ବଲ୍ଲୁ ୨୨:୨ ☆ ୨:୮ ଝେ ବଲ୍ଲୁ ୧:୧୭; ୨୨:୧୩ ☆ ୨:୧୧ ଝେ ବଲ୍ଲୁ ୨୦:୧୪; ୨୧:୮



ଏଞ୍ଜାଣାଇଁ ଅର ଦେବାତି ହାକି ତଲେ ନସ୍ତୁ କିହାଲି ଆଡେଏ  
।”

**ପର୍ଗମ କୁଲମିତାକି କାରୁ**

୧୨ “ପର୍ଗମ କୁଲମିତି ଦୂତୁ ତାଣା ରାଚାମ୍, ଆମିନି ଗାଟାଣି  
ତାଣା ରିକଞ୍ଜାକି ଦାରା ଗାଟି କାଣ୍ଡା ମାନେ ଏଞ୍ଜାସି ଏଲେଇଞ୍ଜି  
ମାନେସି ।

୧୩ ଆମିନି ତାଣା ସୟତାନତି ସିଂଗାସାଣି, ଏମ୍‌ଆଁ ନାନୁ  
ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହିଁ  
ଜିକେଏ ନାନୁ ନା ଦରୁତି ଆଡ଼ଞ୍ଜା ତଲେ ଆସାମାଞ୍ଜି,  
ଅଡେ ନା ସାକି ଆଡ଼ପା ଏଟିବେଲା ମୀ ତାଣା ସୟତାନତି  
ବାସା ଚାୟୁତା ପାୟୁଡ଼ି ଆହାମାଚେସି, ମୀରୁ ନା ତାଣା  
ନାମାମାନାକି ଏଟିବେଲାତା ଜିକେଏ ନାଞ୍ଜେ ପୁଞ୍ଜାହିଲଅଁ  
ଇଞ୍ଜାଆତି ।

୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହିଁ  
ଆମିନି ବିଲିୟମ ପେଣ୍ଡକା ବମାୟାକି ଡାକାମାନି ବଗୁ ତିନି  
ତାଣାଟି ପାପୁ ଅଡେ ଦାରିକାମା କିଞ୍ଜିକିନି ପାନ୍ଦା ମେଡ଼ହାଲି  
ଇସ୍ତାୟେଲ ମୀରକା ବାଲାକଇଁ ଜାପୁହା ମାଚେସି, ଏଲେତି  
କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି  
।

୧୫ ଏଲେକିହିଁ ଏ ନିକଲ୍ୟାୟ ଜାପୁନାଣି ଆସାମାନି ଲକୁ  
ମୀ ବିତ୍ରା ମାନେରି ।

୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟ୍‌ଡୁ  
ଆଆଡ଼ ନାନୁ ମୀ ତାଣା ତବେ ଝାହାନା ନା ଗୁଡିଟି ହନି  
କାଣ୍ଡାତଲେ ଏଞ୍ଜାରି କପାଟି ଜୁଜୁ କିଇଁ ।”

୧୭ \* “କୁଲମିକାଣି ସୁଦୁଜୀଞ୍ଜୁ ଏନାଆଁ ଝେସିମାନେସି  
ଆମ୍‌ଆସି କୀର୍କା ମାନୁ ଏଦାଆଁ ଝେଣ୍‌ମ୍‌ସି । ଆମ୍‌ଆସି  
ଜୀଣା ଆନେସି ଏଞ୍ଜାଣାକି ଡଗୁମାନି ମାନା ତିଞ୍ଜାଲି ହାଇଁ  
ଅଡେ ଏଞ୍ଜାରି ବିତ୍ରାଟି ବାରେଜାଣାଟି ପୁଞ୍ଜି ଦରୁ ରାସ୍‌କି  
ଆହାମାନି ର ଦବଲା ଝାଲି ହାଇଁ, ଏ ପୁଞ୍ଜି ଦରୁ ଏନାୟି  
ଝାଲି ଆନାଣି ପିସପେ ଆମ୍‌ଆସି ପୁନଅସି ।”

**ତୁୟାତିରା କୁଲମିତାକି କାରୁ**

୧୮ “ତୁୟାତିରା କୁଲମିତି ଦୂତୁ ତାଣା ଇଲେଇଞ୍ଜି  
ରାଚାମ୍, ମାହାପୁରୁ ଆମିନି ମୀରଏଣା କାଣ୍ଡକା ଡଞ୍ଜିମାନି  
ହିରୁ ଲେହେଁ ଇଞ୍ଜା ପାଞ୍ଚଆନା କଡାୟାଁ ମୁସିମାନି ପିତାଡ଼ା  
ଲେହେଁ ଏଞ୍ଜାସି ଏଦାଆଁ ଏଲେଇଞ୍ଜି ମାନେସି ।

୧୯ ନାନୁ ନୀ କାମା, ଜୀଞ୍ଜୁ ନନାଣି, ନାମୁତଲେ ସେବା  
କିନାଣି, ଅରହିନାଣି ପୁଞ୍ଜାମାଇଁ, ଅଡେ ନୀ ତଲିତି କାମା  
କିହାଁ ନୀଏଁ ହାଡ଼େକା ଗାଡି କାମା କିହିମାଞ୍ଜି, ଇଦାଆଁ  
ଜିକେଏ ପୁଞ୍ଜାମାଇଁ ।

୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ,  
ଜିଜେବଲ୍ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ  
ଅଣ୍‌ପୁତି ବଲ୍ଲୁ ଝେକ୍‌ନାତେଏଁ ଇଞ୍ଜିଁ ଝେସାକତାନା, ନା  
ସେବା କିନାରାଇଁ ଦାରିକାମା ଅଡେ ପେଣ୍ଡକା ବମାୟାକି  
ଡାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଞ୍ଜି  
କିହାମାନେ, ମୀରୁ ଏଦାଣି ଅରହି ମାଞ୍ଜେରି ।

୨୧ ନାନୁ ଏଦାନାକି ତାନି ପାପୁ କାମା ପିସାନା ମନ  
ଝେଟ୍‌ହାଲି ହାତି ଜିକେଏ, ତାନି ଦାରିକାମା ପିସାଲି ମନ  
କିଆଡେ ।

୨୨ ଇଦାଆଁତାକି ନାନୁ ଏଦାନି ମାଡ଼ ହୁଞ୍ଜିକିଇଁ, ଅଡେ  
ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଞ୍ଜାରି  
ତାନି ପାପୁ କାମାଟି ହିୟାଁ ଝେଟ୍‌ଆଡ଼ ନାନୁ ଏଞ୍ଜାରାଇଁ  
ଆଜିହପେତି ସାସ୍ତି ହାଇଁ ।

୨୩ ଅଡେ ନାନୁ ତାନି ମୀରକା ମାସ୍‌କାଇଁ ହାକି ତଲେ  
ନାସାକିଇଁ, ଏଚେଟିଏ ନାନୁ ବାରେ ଲକୁତି ହିୟାଁ ଅଡେ  
ମନତି ଅଣ୍‌ପୁତି ପୁନାତେଏଁ, ଅଡେ ବାରେଜାଣାକି ତାନି  
କାମାଟି ପାଡ଼େୟି ହୀନାତେଏଁ ଇଞ୍ଜିଁ ବାରେ କୁଲମିକା  
ପୁଞ୍ଜାମୁ ।”

୨୪ “ସାମା ମୀରୁ ତୁୟାତିରାଟି ଏଚରଜାଣା ମାନାତେରି  
ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜା  
ଏଚକାତାରି ଏନାଆଁ ସୟତାନତି ଡଗୁମାନି କାତା ଇଞ୍ଜିଁ  
ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଜାରି  
ଲାକ ଏନି ପୁଞ୍ଜି ବଦୁ ହାଅଁ ।

୨୫ ଇତିହିଁ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି  
ଦିନା ପାତେକା ତୀରିତଲେ ଆସାମାଞ୍ଜୁ ।”

୨୬ ଆମ୍‌ଆସି ଜୀଣା ଆନେସି, ଅଡେ ତାୟୁ ପାତେକା  
ନା କାମା କିନେସି, ନାନୁ ଏନିକିହିଁ ନା ଆଡ଼ା ତାଣାଟି  
ଅଦିକାରା ବେଟାଆହାମାଇଁ, ଏଲେକିହିଁ ଏ ଏଞ୍ଜାଣାକି ଏ  
ଡେସାତି ଅଦିକାରା ହାଇଁ ।

୨୭ ଏଞ୍ଜାସି ବାରେ କୁଡ଼ାତି ଲକୁଣି ଲହ ବାଡ଼ଗା ତଲେ  
ସାଲଞ୍ଜି କିନେସି ଅଡେ ଇରଥା ଡକାୟାଁ ଲେହେଁ କୁରୁକୁଟା  
କିନେସି ।

୨୮ ଅଡେ ନାନୁ ଏଞ୍ଜାରାକି ଝେୟାଜାରା ହୁକା ଜିକେଏ  
ହାଇଁ ।

୨୯ “କୁଲମିକାଣି ସୁଦୁଜୀଞ୍ଜୁ ଏନାଆଁ ଝେସିମାନେ  
ଆମ୍‌ଆରାକି କୀର୍କା ମାନୁ ଏଦାଆଁ ଝେଣ୍‌ମ୍‌ସି ।”

**୩**

**ସାଦ଼ କୁଲମିକି କାରୁ**

୧ “ସାଦ଼ କୁଲମିତି ଦୂତୁ ତାଣା ରାଚାମ୍, ଆମ୍‌ଆସି  
ମାହାପୁରୁଟି ସାତାଗଟା ଜୀଞ୍ଜୁୟାଁ ଅଡେ ସାତାଗଟା ହୁକାୟାଁ  
ଆସାମାନେସି ଏଞ୍ଜାସି ଏଲେଇଞ୍ଜି ମାନେସି, ନାନୁ ମୀ କାମା  
ବାରେ ପୁଞ୍ଜାମାଇଁ ମୀରୁ ଦରୁ ତାକି ଜୀଞ୍ଜୁ ଗାଟାତେରି, ସାମା  
ସାତା ତଲେ ହାଡ଼ାତେରି ।

୨ ଜାଗ୍ରାତା ଆଦୁ ଅଡେ ମୀ ତାଣା ଏନାୟି ମାନେ ଏ ବାରେ  
ଡଗୁନି ନକେଏ ଏଞ୍ଜାଆଁ ବାଡ଼ୟୁ କିଦୁ, ଇତିହିଁ ନାନୁ ମୀ  
ବାରେ କାମା ନା ମାହାପୁରୁ ନକିତା ଦହ ହିଲାଆଗାଟାୟି  
ତଞ୍ଜା ଆହା ହିଲେଏ ।

୩ \*ଏଦାଆଁତାକି ମୀରୁ ଏନିକ଼ ଜାପାମାଞ୍ଜେରି ଅଡେ  
ଝେଞ୍ଜାମାଞ୍ଜି ଏଦାଣି ଅଣ୍‌ପାନା ମାନଞ୍ଜି ଆଦୁ ଇଞ୍ଜା  
ପାପୁଟି ହିୟାଁ ଝେଟ୍‌ଡୁ; ମୀରୁ ଜାଗ୍ରାତା ଆଆଡିହିଁ ନାନୁ

\* ୨:୧୨ ଜହ ୭:୪୮-୫୦ \* ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୭:୧୫

ସରୁଲେହେଁ ମୀ ତାଣା ଖାଇଁ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି ।

୪ ସାମା ସାଦର୍ତ୍ତା ମୀ ବିତ୍ତା ଏତରଜାଣା ମାନେରି, ଏଞ୍ଜାରି ତାନି ହିମ୍ବରକା ମାହୁଁ କିହାଁ ହିଲଅରି, ଏଞ୍ଜାରି ଅପ୍‌ନି ହିମ୍ବରକା ହୁଚାନା ନା, ତଲେ ତାକିନେରି, ଏନାଆଁତାକି ଇଚିହୁଁ ଏଞ୍ଜାରି ପାଡ଼ା ଆଡ଼ାରି ।

୫ \*ଆମ୍ବାଆରି ଜୀଣା ଆନେରି ଏଞ୍ଜାରି ଏଲେତି ଅପ୍‌ନି ହିମ୍ବରକା ହୁଚିନେରି, ଅଡ଼େ ନାନୁ ଏଞ୍ଜାରି ଦରୁ ଜୀଞ୍ଜାଗାଟି ପତିତି ଏଚେଲାଞ୍ଜା ମେକ୍‌ଅଁ, ଇଞ୍ଜା ନାନୁ ନା ଆବା ଅଡ଼େ ତାନି ଦୁଡୁୟା ନକିତା ନା ତଲେତାରି ଇଞ୍ଜିହୁଁ ଏଞ୍ଜାରି ଦରୁ ଝେକ୍‌ଇଁ ।”

୬ “କୁଲମିକାଣି ସୁଦୁଜୀଞ୍ଜୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

**ପିଲାଦେଲ୍‌ପିୟା କୁଲମିତାକି କାବୁ**

୭ “ପିଲାଦେଲ୍‌ପିୟା କୁଲମିତି ଦୁଡୁ ତାଣା ରାଡ଼ାମ୍ବୁ, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆମିନିଗାଟାଣି କେୟୁତା ଦାଞ୍ଜୁଦତି କୁଚିକାଡ଼ି ମାନେ, ଏଞ୍ଜାସି ଦାରା ଦେତିସାରେ ଆମ୍ବାଆସି ସୁଶ୍ୱାଲି ଆଡ଼ଅସି, ଅଡ଼େ ଦାରା ସୁଶ୍ୱିସାରେ ଆମ୍ବାଆସି ଦେଚାଲି ଆଡ଼ଅସି,

୮ ଏଞ୍ଜାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଲ୍, ସିନିକିଦୁ ନାନୁ ମୀ ନକିତା ର ଦାରା ଦେଚାମାଲ୍, ଏଦାଆଁ ଆମ୍ବାଆସି ସୁଶ୍ୱାଲି ଆଡ଼ଅସି, ଇଚିହୁଁ ମୀ ବାଡ଼ୟୁ ଉଣା ମାଟି ଜିକେଏ ନା ଜାପ୍‌ନାଣି ମୀରୁ ମାନଞ୍ଜି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜି ଇଞ୍ଜାହିଲଅତେରି ।

୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜି ଇଞ୍ଜିମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କଡ଼ାଣା ଜହରା କିଞ୍ଜି କିୟାଲ୍, ଇଞ୍ଜା ନାନୁ ମିଙ୍ଗେ ଜୀଞ୍ଜୁନହୁଁ ମାଞ୍ଜାଲ୍ ଇଞ୍ଜି ଏଞ୍ଜାରି ପୁଞ୍ଜାଲି ଆଡ଼ିନେରି ।

୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାର୍‌ତତି ଲକୁଣି ତାୟିପାରି କିହାଲି ବାରେ ଦାର୍‌ତତିଆମିନି ତାୟିପାରି କିନି ଦିନା ଖାନେ, ଏମ୍ବାଟି ନାନୁ ଜିକେଏ ମିଙ୍ଗେ ଗେଲ୍‌ପାଲ୍ ।

୧୧ ନାନୁ ତବେ ଖାହିମାଲ୍ ମୀ ଜୀଣାଆଡ଼ି ଟପେରି ଏନିକି ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ଡ଼ୟାଦୁ ।

୧୨ \*ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍ ନା ମାହାପୁରୁ ଇଲୁତି ମୁଶ୍ୱାଲେହେଁ କିଲ୍, ଏଞ୍ଜାସି ଏମ୍ବାଟି ପାଙ୍ଗାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁଟି ଖାହାମାନି ପୁଞ୍ଜି ଜିରୁସାଲମ ମା ମାହାପୁରୁଟି ଗାଡ଼ାତି ଦରୁ ଇଞ୍ଜା ନା ପୁଞ୍ଜି ଦରୁ ତାନି ଲାକ ରାଡ଼ିଲ୍ ।”

୧୩ “କୁଲମିକାଣି ସୁଦୁଜୀଞ୍ଜୁ ଏନାଆଁ ଝେସିମାନେସି, ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

**ଲାଞ୍ଜୁଦିକିୟା କୁଲମିକି କାବୁ**

୧୪ “ଲାଞ୍ଜୁଦିକିୟା କୁଲମିତି ଦୁଡୁ ତାଣା ରାଡ଼ାମ୍ବୁ, ଆମ୍ବାଆସି ସାତା ଇଞ୍ଜା ନାମ୍ବାଗାଟାସି ଅଡ଼େ ସାତା ସାକି ହୀନେସି, ଅଡ଼େ ଆମ୍ବାଆସି ମାହାପୁରୁ ଗାଡ଼ିକିତାଣି ମୂଲୁଏ ଗାଡ଼ିକିତାସି ଏଞ୍ଜାସି ଏଲେଇଞ୍ଜି ମାନେସି ।

୧୫ ନାନୁ ମୀ କାମା ପୁଞ୍ଜାମାଲ୍, ମୀରୁ ହିଡ଼ଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ଡ଼ି କି ଉସମି ଆହାମାଟି ନେହୁଁ ଆଡ଼େମା ।

୧୬ ସାମା ମୀରୁ ହିଡ଼ଡ଼ି କି ଉସମି ଆଆନା କାଞ୍ଜିନି ଆହାମାନାକି ନାନୁ ମିଙ୍ଗେ ନା ଗୁତିଟି ହୁପାଲି ହାଜିମାଲ୍ ।

୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ ।’ ସାମା ନାନୁ କାମା କାକୁଲି ଗାଟାତି ଅଡ଼େ ସାୟେମି ହିଲାଆଗାଟାଟି, ହାକି ଗାଟାଟି, କାଣା ଅଡ଼େ ନାଗୁଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି;

୧୮ ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଲ୍ ନାନୁ ବାଡ଼କୁ ଗାଟାଟି ଆହାଲିତାକି ହିରୁତା ହୁଡ଼ିତି ବାଂଗାରା ଅଡ଼େ ନୀ ନାଗୁଡ଼ାଟି ଲାଜା ଏନିକିହୁଁ ତଞ୍ଜା ଆଏ ଇଦାଆଁତାକି ହୁଚାଲି ଦବ୍‌ଲା ହିମ୍ବରି ଇଞ୍ଜା କାଣକା ମେସାଲି ତାକି କାଣକାଣା ରୁବାକତିନାଣି ନା ତାଣାଟି କଡ଼ାମ୍ବୁ ।

୧୯ \*ନାନୁ ଏଚେକା ଲକୁଣି ଜୀଞ୍ଜୁ ନଲ୍ ଏଞ୍ଜାରେଲ୍ ଦାକା ଅଡ଼େ ତଣ୍ଡ ହୀଲ୍ ଏଦାଣିତାକି ରାହାଁ ଆହାଁ ମନ ଝେଚ୍‌ହା କଡ଼ାମ୍ବୁ ।

୨୦ ମେହ୍‌ମ୍ବୁ ନାନୁ ଦୁଞ୍ଜେରି ତାକିତା ନିଚାନା ଦାରା ଝେଚିମାଲ୍ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼େ ନାନୁ ବିତ୍ତା ହଡ଼ାନା ତାନି ତାଣା ହାଲ୍ ଅଡ଼େ ନାନୁ ଏଞ୍ଜାଣିତଲେ ରାନ୍ଦା ତିଲ୍ ଅଡ଼େ ଏଞ୍ଜାସି ନା ତଲେ ରାନ୍ଦା ତିନେସି ।

୨୧ ନାନୁ ଏନିକିହୁଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଲ୍ ଏଲେକିହୁଁ ଏ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍ ନା ତଲେ ନା ସିଂଗାସାଣିତା କୁଗାଲି ହୀଲ୍ ।”

୨୨ “ସୁଦୁଜୀଞ୍ଜୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

**୪**

**ଲାକପୁରୁ ପ୍ରାତାନା**

୧ ଏଚେଟିଏ ନାନୁ ମେସେଏଁ, ମେହ୍‌ଦୁ ଲାକପୁରୁଟି ର ଦାରା ଦେପିଆହାମାନେ; ଅଡ଼େ ତାଡ଼ି ମହୁରି ହାଡ଼ାଲେହେଁ ନା ତଲେ ନକେଏ ଜଲିମାଟାଣି ଝେଞ୍ଜା ମାଚେଏଁ, ଏଦି ଏଲେଇଞ୍ଜାତେ “ଇମ୍ବାଆଁ ନିଙ୍ଗା ଖାମ୍ବୁ, ଏନାୟି ଇଦାଆଁ ତାୟୁ ଗଚଞ୍ଜି ଆନେ ଏ ବାରେ ନିଙ୍ଗେ ନାନୁ ତସ୍ତାଲ୍ ।”

୨ ଏ ଦେବୁଣିଏ ସୁଦୁଜୀଞ୍ଜୁ ନାଙ୍ଗେ ଲକ୍‌ହାତେ, ମେହ୍‌ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି ।

☆ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ଝେ ବଲ୍ଲୁ ୨୧:୨ ☆ ୩:୧୯ ଏଡ଼ି ୧୨:୬

୩ କୁଗାମାନାଣି ଖାଣା ହୀରା ଅଡ଼େ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡ଼େ ସିଂଗାସାଣିତି ମରକତ ଇନି ଦାରା ଗାଟି ଖାଲକା ଲେହେଁ ସାରିସୁଟୁ ର ଦାରଣକି ଗୁରୁତାମାରେ ।

୪ ଅଡ଼େ ସିଂଗାସାଣି ସାରିସୁଟୁ କଡ଼େ ସାରିଗଟା ସିଂଗାସାଣି ମାନୁ, ଅଡ଼େ ସିଂଗାସାଣିୟା ଲାକ କଡ଼େ ସାରି ଜାଣା ପ୍ରାତିନାଜା କୁଗାମାନେରି, ଏଝାରି ଦବଲା ହିମ୍ବରକା ହୁତାମାନେରି ଇଞ୍ଜା ଏଝାରି ତାୟୁଁ ତୁ ବାଂଗାରା ଟପେରି ।

୫ \*ସିଂଗାସାଣିତି ବିଲିବାଲା ମିହ୍ନନାୟି ଅଡ଼େ ହାଗୁ ଗୁଣ୍ଡି ହାଡ଼ା ହଡ଼େ, ଅଡ଼େ ସିଂଗାସାଣି ନକିତା ହିରୁଗାଟି ସାଡ଼ାଗଟା ଦୀଝିୟାଁ ଡ଼ାଞ୍ଜିମାତୁ, ଇ ସାଡ଼ାଗଟା ହିରୁ ବନ୍ଦାୟାଁ ମାହାପୁରୁତି ସୁଦୁଜୀଝୁୟାଁ ।

୬ ସିଂଗାସାଣି ନକିତା ଦାପେଣିଲେହେଁ ର ନେହୁଁ ସାମଦୁରି ତଞ୍ଜାଆହିମାରେ, ସିଂଗାସାଣି ସାରିସୁଟୁତି ମାଦିଏ ସାରିଗଟା ଜନ୍ତୁ ଜିଝେଡ଼ିକା, ଏଝାସିକା ନକିତା ଅଡ଼େ ତାୟୁତା କାଣ୍ଡକା ମାତୁ ।

୭ ନକିତି ଜନ୍ତୁ ସିହିଁ କାଃଆନି ଲେହେଁ, ଅଡ଼େ ରୀ ଲମ୍ବର ଜନ୍ତୁ ବାଚା କଡ଼ି ଲେହେଁ, ତାନି ଲମ୍ବର ଜନ୍ତୁତି ମୁମ୍ବୁ ମୁାଣ୍ଡିସିତି ମୁମ୍ବୁ ଲେହେଁ, ଅଡ଼େ ସାରି ଲମ୍ବର ଜନ୍ତୁ ଲାକ ଉମ୍ବିମାନି ଲେଡ଼ ଚୁଲହେଁ ତଞ୍ଜାଆହିମାରେ ।

୮ ବାରେ ଜନ୍ତୁୟାଁକି ସି ଗଟା ମାରାୟାଁ ଏ ମାରାୟାଁ ବିତ୍ରା ଅଡ଼େ ପାଜାତା କାଣ୍ଡକା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୁଗାଟି ମାହାପୁରୁ, ଆମ୍ବାଆସି ତଲିଏ ମାରେସି ନୀଏଁ ମାନେସି ଅଡ଼େ କାଲେଏ ମାନେସି, ଏ ପ୍ରବୁ ।”

୯ ଜନ୍ତୁୟାଁ ଏତିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣ୍ଡିସିକ୍ ଗାଝୁରମି ସାମ୍ବୁ ମି ଅଡ଼େ ଜହରା କିନେରି ।

୧୦ ଏତିବେଲା କଡ଼େ ସାରି ଜାଣା ପ୍ରାତିନାଜା ସିଂଗାସାଣିତା କୁଗାମାନି ମାଣ୍ଡିସିକ୍ ମେଣ୍ଡାକୁତାନା କାଲେଏ ନୀତାମାନି ମାଣ୍ଡିସିକ୍ ଜହରା କିତେରି, ଇଞ୍ଜା ସିଂଗାସାଣି ନକିତା ତାନି ଟପେରିକା ଇଗାନା ଏଲେଇଚେରି ।

୧୧ ମା ପ୍ରବୁ ଅଡ଼େ ମାହାପୁରୁ । ନାନୁ ଗାଝୁରମି ସାମ୍ବୁ ମି ଅଡ଼େ ବାଡ଼ୁୟୁ ବେଟାଆହାଲି ଜଗେ ଗାଟାତି ।

ଏନାଆଁତାକି ଇତିହିଁ ନାନୁ ବାରେ ଗାଡ଼ିକିହା ମାଞ୍ଜି । ଅଡ଼େ ନୀ ଅଣ୍ଡୁ ତଲେ ବାରେ ଗାଡ଼ି ଆହାମାନୁ, ଅଡ଼େ ଜୀଝୁତଲେ ନୀତାମାନୁ ।

**୫**

**ରୁପିନି ପତି ଅଡ଼େ ମେଣ୍ଡା ତାଲୁ**

୧ ନାନୁ ସିଂଗାସାଣିତା କୁଗାମାନାଣି ଟିଃନି କେୟୁତା ର ପୁଃଝ ପତି ମେସ୍ତେଏଁ, ଏଦି ରିକଞ୍ଜାକି ରାସ୍ତକି ଆହାମାରେ ଇଞ୍ଜା ସାଡ଼ାଗଟା ସୀଲି ଝେପି ଆହାମାରେ ।

୨ ଅଡ଼େ ନାନୁ ବାଡ଼ୁୟୁ ଗାଟି ର ଲାକପୁରୁତି ଦୁଡୁଇଁ ମେସ୍ତେଏଁ, ଏଝାସି କାଜା ଗିୟାଁତଲେ ଏଲେଇଚେସି, ଆମ୍ବାଆସି ଇ ସୀଲି ହୁକ୍‌ହାନା ପତିତି ଦେଗାଲି ପାଡ଼ାଆନେସି ।

୩ ସାମା ପତିତି ଦେଗାଲି, ଏମ୍ବାଆଁ ଏନାୟି ରାସ୍ତକି ଆହାମାନେ, ସିନକିହାଲି ଲାକପୁରୁ, ଦାରୁତିତା ଅଡ଼େ ତାଡ଼େପୁରୁତା ଆମ୍ବାଆସି ସାସା କିଆଡେସି ।

୪ ଏ ପତିତି ଦେଗାଲି କି ଏଦାଆଁ ସିନକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡୀଡେଏଁ ।

୫ ଏମ୍ବାଟିଏ ପ୍ରାତିନାଜା ବିତ୍ରାଟି ରଅସି ନାଜେ ସାସା ହାହାନା ଏଲେଇଞ୍ଜାଡେସି, “ଡୀଆନି, ସିନକିମୁ ଜୀହୁଦା ଗତିତି ଦାଝୁଦ କୁଡ଼ାତି ସିହିଁ ଜୀଣା ଆହାମାନେସି; ଏଝାସି ଇ ପତିତି ସାଡ଼ାଗଟା ସୀଲି ଦେଗାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି ।”

୬ ଏଚେଟିଏ ନାନୁ ସିନକିଡେଏଁ ସିଂଗାସାଣି, ଅଡ଼େ ପ୍ରାତିନାଜା ମାଦିଏ ସାରିଗଟା ଜନ୍ତୁ ତଲେ ର ମେଣ୍ଡା ତାଲୁ ନିଚାମାନାଣି ମେସ୍ତେଏଁ, ଏ ମେଣ୍ଡା ତାଲୁ ପାୟୁଝି ଆଡ଼ି ଲେହେଁ ତଞ୍ଜାଆହିମାରେ, ଏଦାନାକି ସାଡ଼ାଗଟା କମ୍ବକା ଅଡ଼େ ସାଡ଼ାଗଟା କାଣ୍ଡକା ମାତୁ, ଏ କାଣ୍ଡକା ଦାରୁତିତି ବାରେଝାକି ପାଣ୍ଡୁଝି ଆହାମାଟି ମାହାପୁରୁତି ସାଡ଼ାଗଟା ସୁଦୁଜୀଝୁୟାଁ ।

୭ ମେଣ୍ଡା ତାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଝାଣି ଟିଃନି କେୟୁଟି ଏ ରୁପିତି ପତି ଅଡ଼େସି ।

୮ ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାତିନାଜା ଏ ମେଣ୍ଡା ତାଲୁ ନକିତା ମୁନୁ କୁଡ଼ାହାଁ ଜହରା କିତେରି, ଏ ବାରେଜାଣା ତାକି ର ର ସେରୁଜି ଅଡ଼େ ମାହାପୁରୁ ଲକୁ ପ୍ରାଡ଼ାନାତି ଦୁପା ଦୁପଣି ନେଞ୍ଜାମାନି ର ବାଂଗାରା ଗିନା ମାରେ ।

୯ ଏଝାରି ର ପୁଃନି ପାତୁ ପାଡ଼ିମାରେରି; “ନାନୁ ଏ ରୁପିତି ପତି ଅହାଲି ଅଡ଼େ ଏମ୍ବାତି ସୀଲି ଦେଗାଲି ପାଡ଼ା ଆନାତି,

ନାନୁ ପାୟୁଝିଆହାମାଟି, ନୀ ନେଡେରିଟି ବାରେ ଗତି, ବାରେ ହାଡ଼ା, ଦେସା,

ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

୧୦ \*ନାନୁ ଏଝାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ ସେବା କିୟାଲି ପୁଜେରାଜା କିହାମାଞ୍ଜି ।

ଏଝାରି ଦାରୁତିତି ସାଲୁଝି କିନେରି ।”

୧୧ ଏମ୍ବାଟିଏ ନାନୁ ସିନକିଡେଏଁ, ସିଂଗାସାଣି, ଜନ୍ତୁୟାଁ ଅଡ଼େ ପ୍ରାତିନାଜା ସାରିସୁଟୁ ହାରେକା ଦୁଡୁୟାଁତି ହାଡ଼ା ଝେଚେଏଁ, ଏଝି ମାଣା ମାଣା ଅଡ଼େ ଲାକେ ଲାକେ ଜାଣା ନିଚାମାତୁ ।

୧୨ ଏଝି କାଜା ଗିୟାଁତଲେ ପାଡ଼ିମାତୁ;

“ପାୟୁଝି ଆହାମାନି ମେଣ୍ଡା ତାଲୁଦେଁ, କାଜାପାଣା, ଦନ୍, ବୁଦି, ବପୁ, ସାମ୍ବୁ ମି, ଗାଝୁରମି, ଜହରା ବେଟାଆହାଲି ପାଡ଼ାଆନେସି ।”

\* ୪:୫ ଝେ ବଲ୍ଲୁ ୮:୫; ୧୧:୧୯; ୧୨:୧୮; ଝେ ବଲ୍ଲୁ ୧:୪    \* ୫:୧୦ ଝେ ବଲ୍ଲୁ ୧:୨

୧୩ ଅଡ଼େ ନାନୁ ଲାକପୁରୁ, ଦାରତି, ତାଡ଼େପୁରୁ ଅଡ଼େ ସାମ୍ବୁରୁତା ମାନି ବାରେ ଜୀଝୁ ଗାଟାଇ ଇଞ୍ଜା ଦାରତିତା ମାନି ବାରେ ଜୀଝୁ ଗାଟାଇ ପାଚୁ ପାଡ଼ିମାନାଣି ଝେଚେଏ । ଏଝି ପାଡ଼ିମାଚୁ;

“ସିଂଗାସାଣିତା କୁଗାମାନି ମାଣ୍‌ସିଇଁ ଇଞ୍ଜା ତାନି ମେଣ୍ଡା ତାଲୁଇଁ ଜହରା କିଦୁ; ତାନି ସାମ୍ବୁମି, ଗାଝୁରମି ଅଡ଼େ ବାଡ଼ୁୟୁ କାଲାକାଲାତାୟି ।”

୧୪ ଏଚେଟିଏ ସାରିଗଟା ଜନ୍ତ ପାଲି ଆସାନା ଏଲେଇରୁ, “ଆମେନ୍” ଅଡ଼େ ପ୍ରାଚିନାଜା ମୁନୁ କୁତାହାଁ ଜହରା କିତେରି ।



**ସାତା ଗଟା ସାଲିୟାଁ**

୧ ଅଡ଼େ ନାନୁ ମେଣ୍ଡା ତାଲୁଇଁ ସାତାଗଟା ସାଲିୟାଁ ବିଦ୍ରାତି ର ଲମ୍ବର ସାଲି ଦେତାଣି ମେସ୍ତେଏ, ଅଡ଼େ ସାରିଗଟା ଜନ୍ତ ବିଦ୍ରାତି ର ଜନ୍ତ ହାଗୁ ଗୁଣ୍‌ନି ହାଡ଼ାତଲେ ହାଡ଼ିମାଟାଣି ଝେଚେଏ “ଝାମ୍ବୁ !”

୨ ଏମ୍ବାଟିଏ ନାନୁ ସିନିକିତେଏଁ ଅଡ଼େ ର ଦବ୍‌ଲା ଗଡ଼ା ଇଞ୍ଜା ତାନି ଲାକ ହଟାମାଟାଣି କେୟୁତା ର ଆମ୍ବୁ ଆସାମାଚେସି, ଅଡ଼େ ଏଝାଣାକି ର ଚପେରି ହାପକିଆଡେ, ଅଡ଼େ ଏଝାସି ଜୀଣା ଆହାଁ ଜୀଣା ଆୟାଲି ହଟାହାଚେସି ।

୩ ମେଣ୍ଡା ତାଲୁ ଏଚିବେଲା ରୀ ଲମ୍ବର ସାଲି ଦେତେସି, ଏଚିବେଲା ଅଡ଼େ ରୀ ଲମ୍ବର ଜନ୍ତ ଏଲେଇଟାଣି ଝେଚେଏ “ଝାମ୍ବୁ,”

୪ ଏମ୍ବାଟିଏ ଅଡ଼େ ର ଗଡ଼ା ହଟା ଝାଡେ, ଏଦି ନେତେରି ଝାଣାଗାଟାୟି; ଲକୁ ଏନିକିଁ ତାମ୍ବୁ ତାମ୍ବୁ ପ୍ରାୟୁଝି ଆନେରି, ଏଦାଆଁତାକି ଦାରତିଚି ହିଡ଼ି ହେକ କିହାଲି ତାନି ଲାକ ହଟାମାନାଣାକି ବାଡ଼ୁୟୁ ହାପକିଆଡେ ଅଡ଼େ ଏଝାଣାକି କାଜା କାଣ୍ଡା ହାପକିଆଡେ ।

୫ ମେଣ୍ଡା ତାଲୁ ଏଚିବେଲା ତାନି ଲମ୍ବର ସାଲି ଦେତେସି, ଏଚିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେଚେଏ, “ଝାହାଁ ସିନିକିମ୍ବୁ” ଏମ୍ବାଟିଏ ନାନୁ ସିନିକିତେଏଁ, ମେହ୍‌ଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଟାମାନାଣି କେୟୁତା ର କେଜି ତୁକନାୟି ମାଚେ ।

୬ ଅଡ଼େ ନାନୁ, ସାରିଗଟା ଜନ୍ତ ଗୁଡ଼ିଚି ହଡ଼ି ଲେହେଁତି ର ହାଡ଼ା ଝେଚେଏ; “ର ଗାକା ତାକି ର କେଜି ଗହଁ ଅଡ଼େ ତାନି କେଜି କାଝିଆ ଜନାୟାଁ ମେଡ଼ା ଆନୁ ସାମା ମୀରୁ ଜୀତ ମାର୍‌ନୁଡି ନିୟୁଁ ଅଡ଼େ ଅଜ୍ଜୁରି ରାସା ନସ୍ତ କିଆଦୁ ।”

୭ ମେଣ୍ଡା ତାଲୁ ଏଚିବେଲା ସାରି ଲମ୍ବର ସାଲି ଦେତେସି, ଇଞ୍ଜା ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଟାଣି ଝେଚେଏ, “ଝାମ୍ବୁ !”

୮ ଏମ୍ବାଟିଏ ନାନୁ ସିନିକିତେଏଁ ଦାରମ୍ବୁ ଝାଣାଗାଟି ଗଡ଼ା, ତାନି ଲାକ ହଟାମାଟାଣି ଦରୁ ହାକି, ଏଝାଣି ଜେଚ ଜେଚ ଦାରତି ହାଜିମାଚେ, ଏଝାରାକି ଦାରତିଚି ସାରି ବାଗା ବିଦ୍ରା

ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାତି ଜନ୍ତ ଜିଝେଡ଼ିକା ତଲେ ପାୟାଲି ବାଡ଼ୁୟୁ ହାପକିଆଡେ ।

୯ ମେଣ୍ଡା ତାଲୁ ଏଚିବେଲା ପାସା ଲମ୍ବର ସାଲି ଦେତେସି, ଏଚିବେଲା ଆମିନି ଲକୁ ମାହାପୁରୁତି ବଲ୍ଲୁ ତାକି ଅଡ଼େ ଏଝାରାକି ହାପକି ଆହାମାନି ସାକି ତାକି ହାହାମାଚେରି, ଏଝାରି ଜୀଝୁୟାଁ ନାନୁ ପୂଜାପିଣ୍ଡା ତୁଇ ମେସ୍ତେଏ ।

୧୦ ଏଝାରି କାଜା ଗିୟାତଲେ ହାଡ଼ିହଁ ଏଲେ ଇଞ୍ଜିମାଚେରି, “ସୁନୁ ଅଡ଼େ ସାତା ପ୍ରୁ, ନୀନୁ ଏଚରଦିନା ପାତେକା ଦାରତିଚି ଲକୁଇଁ ନୀହାୟି କିଆନା ମାଜେ ପାୟାଲି ତାକି ଏଝାରାକି ତଣ୍ଡ ହାଆନା ପିହ୍‌ଦି ?”

୧୧ ଏଚେଟିଏ ଏ ବାରେଜାଣା ତାକି ଦବ୍‌ଲା ହିମ୍ବୁରିକା ହାପକିଆଡେ, ଇଞ୍ଜା ଏଝାରି ତଲେତି ତାୟିୟାଁ ସେବା କିନାରି ଏଚରଜାଣା ପାୟୁଝି ଆନି କାତା ପାୟୁଝି ଆଆପାତେକା ଏଝାରାକି ଅଡ଼େ ଏଚରଦିନା ଜମାଲି ଝେସପିଆଡେ ।

୧୨ \*ମେଣ୍ଡା ତାଲୁ ସ ଲମ୍ବର ସାଲି ଦେତିମାଟାଟି ନାନୁ ମେସ୍ତେଏ; ଦେବୁଣିଏ ଆଜିହପେତି ବୁମି ଝୀଡିତେ । ଝେଡ଼ା କାଡ଼ିନି ଝାଣା ହିମ୍ବୁରି ଲେହେଁ ଆଡେ, ଅଡ଼େ ଲେଞ୍ଜୁ ନେତେରି ଝାଣା ଆଡେ ।

୧୩ କାଜା ଗାଲି ଏନିକିଁ ମାର୍‌ନୁଇଁ ଝୀବ୍‌ହିସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟାଁ ଦାରତିତା ତରଗା ହାଚୁ ।

୧୪ ହାଗୁପାକା ତଲୁ ପତି ରୁପ୍‌ଝି ଆଡି ଲେହେଁ ରୁପ୍‌ଝିଆହାଁ ମେଣ୍ଡାହାଚେ । ଅଡ଼େ ହରକା ଇଞ୍ଜା ସାମ୍ବୁରି ବିଦ୍ରାମାନି ଇଚି ଇଚି ଦେସାୟାଁ ତାମି ଟାୟୁଚି ଗୁଚା ଆହାହାଚୁ ।

୧୫ ଅଡ଼େ ଦାରତିଚି ରାଜାୟାଁ, ସାଲୁଝି କିନାରି, ଜୁଜୁକିନି କାଜାରି, ଦନ ଗାଟାରି, ବାଡ଼ୁୟୁ ଗାଟାରି, ହଲିୟାଜା ଅଡ଼େ ହଲିୟାଜା ଆଆତାରି ଏଝାରି ବାରେଜାଣା ପାଝୁତା ଇଞ୍ଜା ହରକାତି କାଜା ଝାଲୁକା ପାରଡ଼ା ତୁଇ ହାଜାନା ତୁଗୁତେରି ।

୧୬ \*ଅଡ଼େ ଏଝାରି ହରକା ଇଞ୍ଜା ଝାଲୁକାଣି ହାଡ଼ିହଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ମେଣ୍ଡା ତାଲୁ କପାଟି ! ମାଜେ ତୁକୁହାମ୍ବୁ ।

୧୭ ଇଚିହଁ ଏଝାରାକି ଆଜିହପେତି କପାଟି ଦିନା ଏଦାତେୟିଏ, ଇଞ୍ଜା ଏମ୍ବାଆଁ ଆମ୍ବାଆସି ନିଚାଲି ଆଡିନେସି ?”



**ଇସ୍ତାୟେଲତି ୧୪୪,୦୦୦ ଲକୁ**

୧ ଏଚେଟିଏ ନାନୁ ଦାରତିଚି ସାରି କନତା ସାରିଗଟା ଦୁତୁୟାଁଇଁ ନିଚାମାନାଣି ମେସ୍ତେଏ, ଅଡ଼େ ଦାରତିଚି ସାରିଝାକିତି ଗାଲି ଆଜାମାନେରି, ଏଚେଟିଏ ଦାରତି ସାମ୍ବୁରି ଅଡ଼େ ଆମିନି ମାର୍‌ନୁ ମୁହେଁ ଗାଲି ଝାଆପେଝା ଇଞ୍ଜା ଗାଲିତି ଆଜାମାନେରି ।

☆ ୭:୧୭ ଝେ ବଲ୍ଲୁ ୧୧:୧୩; ୧୭:୧୮; ମାଡି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫ ☆ ୭:୧୭ ଲୁକ ୨୩:୩୦

୨ ଅଡ଼େ ନାନୁ ର ଦୂତୁଇଁ ଝେଡ଼ା ହପୁଝାକିଟି ହଚାଝାଡ଼ାଣି ମେସ୍‌ସେର୍‌, ଏଦାନି କେୟୁତା ଜୀଝୁତି ମାହାପୁରୁତି ବୁଟୁ ମୁଦ୍ରା ମାଚେ, ଏ ଦୂତୁ ଦାବୁତି ଅଡ଼େ ସାମଦୁରି ନସ୍ତୁ କିହାଲିତାକି ସାରିଗଟା ଦୂତୁକି ଅଦିକାରା ହାହାମାଚେ, ଏଦି କାଜା ଗିୟାତଲେ ହାଟାନା ଏଲେଇଚେ,

୩ “ମାମ୍ ମାହାପୁରୁତି ସେବା କିନାରି ମୁଝୁତା ବୁଟୁ ମୁଦ୍ରା ନାବଗାଆ ପାତେକା ମାରୁ ଦାବୁତି, ସାମଦୁରି, କି ମାରକାଣି ନସ୍ତୁ କିଆଦୁ ।”

୪ ଏଚେଟିଏ ମୁଝୁତା ବୁଟୁ ମୁଦ୍ରା ନାବଗାନା କଡ଼ିତାରି ୧୪୪,୦୦୦ ଲକ୍ଷୁ ମାଚେରି ଇଞ୍ଜି ନାନୁ ଝେଚେର୍‌ ଏଝାରି ଇସାୟେଲତି ବାର କୁଡ଼ାତି ଲକ୍ଷୁ ମାଚେରି ।

୫ ଜୀହୁଦା କୁଡ଼ାତି ବାର ମାଣା ଲକ୍ଷୁଇଁ ବୁଟୁ ମୁଦ୍ରା କିହାମାନେସି, ରୁବେନ୍ କୁଡ଼ାତି ବାର ମାଣା, ଗାଦ୍ କୁଡ଼ାତି ବାର ମାଣା,

୬ ଆସେର୍ କୁଡ଼ାତି ବାର ମାଣା, ନପ୍ତାଲି କୁଡ଼ାତି ବାର ମାଣା, ମନସି କୁଡ଼ାତି ବାର ମାଣା,

୭ ସିମିୟନ୍ କୁଡ଼ାତି ବାର ମାଣା, ଲେବି କୁଡ଼ାତି ବାର ମାଣା, ଇସାକାର କୁଡ଼ାତି ବାର ମାଣା,

୮ ସୁବୁଲୁନ୍ କୁଡ଼ାତି ବାର ମାଣା, ଜସେପ କୁଡ଼ାତି ବାର ମାଣା, ବିନ୍ୟାମିନ୍ କୁଡ଼ାତି ବାର ମାଣା ଲକ୍ଷୁଇଁ ବୁଟୁ ମୁଦ୍ରା କିହାମାନେସି ।

**ଗାଡ଼ି ମାନ୍ଦା ଲକ୍ଷୁ**

୯ ଏଚେଟିଏ ନାନୁ ସିନିକିଚେର୍‌ ମେହୁଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକ୍ଷୁ ଅଜିତି ଦବଲା ହିମ୍‌ରିକା ହୁଚାନା କାଜୁରି ମାଚାୟା କେୟୁତା ଆସାନା ସିଂଗାସାଣି ଅଡ଼େ ମେଶ୍ଟା ତାଲୁ ନକିତା ନିଚାମାନେରି ।

୧୦ ଏଝାରି କାଜା ଗିୟାତଲେ ଏଲେଇଚେରି, “ଝାରଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଶ୍ଟା ତାଲୁ ମାଚେ ଗେଲ୍‌ପାନାସି ।”

୧୧ ସିଂଗାସାଣି, ପ୍ରାଚିନାଙ୍ଗା ଅଡ଼େ ବାରେ ସାରିଗଟା ଜନ୍ତୁ ସାରିସୁଟୁ ଲାକପୁରୁତି ଦୂତୁୟା ନିଚାମାନେରି, ଅଡ଼େ ସିଂଗାସାଣି ନକିତା ମୁନ୍ କୁତାନା ମାହାପୁରୁଇଁ ଜହରା କିହାନା,

୧୨ ଏଲେଇଚେରି, “ଆମେନ୍ ନେହାୟି, ଗାଝୁରମି, ବୁଦି, ଜହରା, ସାମ୍ ମି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଝାୟି ! ଆମେନ୍ ।”

୧୩ ଅଡ଼େ ପ୍ରାଚିନାଙ୍ଗା ବିଡ଼ାଟି ରଅସି ନାଚେ ଝେଞ୍ଜାଚେସି, “ଦବଲା ହିମ୍‌ରିକା ହୁଚାମାନି ଇ ଲକ୍ଷୁ ଆମ୍‌ଆରି ? ଅଡ଼େ ଏଝାରି ଏମ୍‌ଟି ଝାହାମାନେରି ?”

୧୪ ନାନୁ ଏଝାଣାଇଁ ଏଲେଇଚେର୍‌, “ଏ ନା ପ୍ରବୁ ନୀନୁଏ ଏଦାଆଁ ପୁଞ୍ଜାମାଞ୍ଜି” ଏମ୍‌ଟିଏ ଏଝାସି ଏଲେଇଞ୍ଜାଚେସି, “ଇଝାରି ଆଜିହପେତି ସାସ୍ତି ଅର୍‌ହାନା ହଚା ଝାହାମାନେରି, ଇଞ୍ଜା ମେଶ୍ଟା ତାଲୁତି ନେଚେରି ତଲେ ଏଝାରି ତାନି ହିମ୍‌ରିକା ରାଚାନା ଦବଲା କିହାମାନେରି ।

୧୫ ଏଦାଆଁତାକି ଏଝାରି ମାହାପୁରୁ ଇଲୁତି ସିଂଗାସାଣି ନକିତା ନିଚାନା ଲାଆଁ ମାଦେନା ଏଝାଣି ଜହରା କିନେରି, ଇଞ୍ଜା ସିଂଗାସାଣିତା କୁଗାମାନାସି ଏଝାରାକି ବାସାଗାୟୁ ହାନେସି ।

୧୬ ଏଝାରାକି ଏଚେଲାଝା ହାକି କି ଏସ୍‌କି ଆଏ; ଇଞ୍ଜା କାରା କି ଏନି ଝେହ୍‌ନାୟି ତୀଗାଲି ଆଡ଼େଏ ।

୧୭ ଇଚିହ୍ ସିଂଗାସାଣି ମାଦିତି ମେଶ୍ଟା ତାଲୁ ଏଝାରି ମେଶ୍ଟା ଗଡ଼ୁ ଆନେସି । ଅଡ଼େ ଜୀଝୁହାନି ଏୟୁ ହଚିମାନି ତାଣା ଏଝାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଝାରି କାନୁତି ବାରେ କାଣ୍ଡୁ ଚୁଡ଼ଜାତୁହ୍‌ନେସି ।”

**୮**

**ସାଡ଼ା ଲମ୍ବର ସୀଲି**

୧ ମେଶ୍ଟା ତାଲୁ ଏଚିବେଲା ସାଡ଼ା ଲମ୍ବର ସୀଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାତେକା ସାପିଆଡ଼େ ।

୨ ଏମ୍‌ଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୂତୁୟାଁ ମେସ୍‌ସେର୍‌, ଏଝାରାକି ସାଡ଼ାଗଟା ତୀଡ଼ି ମହୁରି ହାପ୍‌କି ଆଡୁ ।

୩ ଏମ୍‌ଟିଏ ଅଡ଼େ ର ଦୂତୁ ଝାହାଁ ପିଣ୍ଡା ନକିତା ନିଚେ, ଏଦାନି କେୟୁତା ବାଂଗାରା ଦୁପ୍‌ଣି ସାଡ଼ଝା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକ୍ଷୁତି ପ୍ରାଚାନା ତଲେ ହେର୍‌ପାଲି ତାକି ହାଚେକା ଦୁପ୍‌ଣି ହାପ୍‌କିଆଡ଼େ ।

୪ ଏମ୍‌ଟିଏ ଲାକପୁରୁ ଦୂତୁ କେୟୁତି ଦୁପ୍‌ଣି ବୟ୍‌ ମାହାପୁରୁ ଲକ୍ଷୁତି ପ୍ରାଚାନା ତଲେ ଆଣ୍ଡାନା ମାହାପୁରୁ ନକିତା ଏଗାଡ଼େ ।

୫ ତାୟୁ ଏ ଦୂତୁ ଦୁପ୍‌ଣି ସାଡ଼ଝାତା ପୂଜା ପିଣ୍ଡାଟି ହିଚୁତଲେ ନେଞ୍ଜିକିହାନା ଦାବୁତି ଲାକ ଡ଼ାଞ୍ଜିଚେ, ଏମ୍‌ଟି ହାଗୁ ଗୁଣ୍ଡେ ବିଜା ରିନି ହାଡ଼ା ଝେଞ୍ଜିଚେ ଇଞ୍ଜା ବୁମି ଝାଡ଼ିଚେ ।

**ତୀଡ଼ି ଉକିନାୟି**

୬ ଏଚିବେଲା ସାଡ଼ା ଜାଣା ତୀଡ଼ି ଆସାମାନି ଦୂତୁୟାଁ ସାଡ଼ା ଜାଣା ତୀଡ଼ି ଉକାଲି ତିୟାରା ଆଡ଼େରି ।

୭ ର ଲମ୍ବର ଦୂତୁ ତାନି ତୀଡ଼ି ଉକିଚେ ଏଚେଟିଏ ନେଚେରି ତଲେ ଆକିୟାଁ ଅଡ଼େ ହିଚୁ ଆଣ୍ଡ଼ି ଆହାଁ ଦାବୁତି ଲାକ ରିଚୁ, ଇଞ୍ଜା ବାରେ ମାର୍‌ନୁ ମାଡ଼ା, ହିଇଲି ଜାଡ଼ା ତଲେ ଦାବୁତିତି ତାନି ବାଗାଟି ର ବାଗା ବାରେ ଝେହା ହାଚେ ।

୮ ଏଚେଟିଏ ରୀ ଲମ୍ବର ଦୂତୁ ତାନି ତୀଡ଼ି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମଦୁରି ଲାକ ରୀଚେ ଇଞ୍ଜା ସାମଦୁରିତି ଏୟୁ ତାନି ବାଗାଟି ର ବାଗା ନେଚେରି ଆହାହାଚୁ ।

୯ ସାମଦୁରିତା ମାନି ତାନି ବାଗାଟି ର ବାଗା ଜୀଝୁ ଗାଗଇ ହାହାହାଚୁ, ଅଡ଼େ ସାମଦୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାଚୁ ।

☆ ୭:୧୪ ମାତି ୨୪:୨୧; ମାର୍‌କି ୧୩:୧୯

୧୦ ତାନି ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ଦେବୁଣିଏ ହିତୁ ବନ୍ଦାଲେହେଁ ଡାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାତା ଅଡେ ଉସାଣାଁ ରୀତେ ।

୧୧ ଏ ହୁକାତି ଦରୁ “କାମ୍ବେଲି” ଏତେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆତୁ, ଇଞ୍ଜା ହାଡେକା ଲକୁ ଏୟୁ ଗସାନା ହାଡେରି, ଇତିହଁ ଏଝି କାମ୍ବେଲି କିଝି ଆହାମାତୁ ।

୧୨ ସାରି ଲମ୍ବର ଦୂତୁ ତୀତ୍ରି ଉକିତେସି ଇଞ୍ଜା ଝେଡା, ଲେଞ୍ଜୁ ହୁକାୟାଁତି ବାରେ ତାନି ବାଗାଟି ର ବାଗା ନସ୍ତୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡି ଉଣା ଆଡେ, ଇଞ୍ଜା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡି ଉଣା ଆଡେ ।

୧୩ ଡାୟୁ ନାନୁ ମେସ୍ତେସ୍, ହାଗୁଟି ମାଦି ଉମ୍ବିମାନି ର ଲେଡୁ କାଜା ହାଡାତଲେ ଏଲେଇଞ୍ଜିମାଗାଣି ଝେରେସ୍, ଆହା ! ଦାରୁତିତା ବାସା ଆହାମାନି ଲକୁ ଆଜିହପେତି ତଣ୍ଡ ବେଟାଆନାରି, ଇତିହଁ ଅଡେ ତାନି ଜାଣା ଦୂତୁୟାଁ ତୀତ୍ରି ଉକାଲି ହାଜିମାନେରି ।



୧ ଏତେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁଟି ଦାରୁତିତା ରିତାଣି ମେସ୍ତେସ୍, ଏଝାଣାକି ତାଡେପୁରୁତି କୁଟିକାଡି ହୀପକି ଆହାମାତେ ।

୨ ଏଝାସି ଏ ତାଡେପୁରୁ ଗାଡୁୟୁ ଦେଗାଲିଏ ଏମ୍ବାଟି କାଜା ହଲୁଡା ହନିଲେହେଁ ବୟଁ ହଟାଝାଡେ, ଇଞ୍ଜା ଏ ହିତୁ ଗାଡୁୟୁତି ବୟଁ ତାକି ଝେଡା ଇଞ୍ଜା ହାଗୁ ଆନ୍ଦେରି ଆଡେ ।

୩ ଏ ବୟଁଟି ଗପ୍‌ଏରିକା ହଟାନା ଦାରୁତିତା ଝାଡୁ, ଏଝାସିକାକି ଦାରୁତିତି କାଚାକୁପିତା ମାନି ବାସାତି ବାଡୁୟୁ ହୀପକିଆଡେ ।

୪ ଏଝି ଦାରୁତିତି ମାରୁକା ଗଟା ଜାଡାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁଟୁ ମୁଦ୍ରା ହିଲାଆଡେ ଏଝାରାଈଁ କସ୍ତୁ ହାହାଲି ଏଲେଇଞ୍ଜି ଆଡେ ।

୫ ଏଝାରାଈଁ ପାୟାଆନା ପାସା ଲେଞ୍ଜୁ ତାକି କସ୍ତୁ ହାହାଲି ଗପ୍‌ଏରିକାକି ଅଦିକାରା ହୀପକିଆଡେ, କାଚାକୁପି କାଟିତେ ଇତିସାରେ ଏନିକଁ ବାସା ଆନେ ଏ କସ୍ତୁ ଏଲେତାୟି ।

୬ ଏତିବେଲା ଲକୁ ହାହାଲି ଅଣ୍ଡିନେରି ସାମା ହାଅରି, ଏଝାରି ହାହାଲି ଅଣ୍ଡିନେରି, ସାମା ହାକି ଏଝାରି ତାଣାଟି ହଟାଡୁହନେ ।

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡାୟାଁ ଲେହେଁ ତଞ୍ଜାଆହିମାତୁ, ଏଝାସିକା ତାକାଣା ବାଂଗାରା ଟପେରି ଲେହେଁ ପିଡ଼ଗି ଆହାମାତେ, ଏଝାସିକା ମୁମ୍ବୁ ମାଣ୍ଡି ମୁମ୍ବୁ ଚୁଲହେଁ ମାତେ ।

୮ ଇୟାସିକା ତାୟଁ ବାଣାୟାଁ ଲେହେଁ ଏଝାସିକା ବାଣାୟାଁ, ସିହଁ କ୍ଷାଃନିତି ପାଲକା ଲେହେଁତି ତାନି ପାଲକା ମାତୁ ।

୯ ତାନି ବକତା ଲହ୍ ପାଟା ଲେହେଁତି ପାଟା, ତାନି ମାଚାୟାଁ ଝାଡିମାନି ହାଡା ଜୁଜୁ ତାକି ଗଡାୟାଁ ରାତାୟାଁଣି ରେଜା ଅହିମାନି ଲେହେଁତି ହାଡା ।

୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୂଜା ଲେହେଁ ଏଝାସିକାକି ଲେଂଗୁଣି ଅଡେ ବାସା ସୂଜା ମାତେ, ପାସା ଲେଞ୍ଜୁ ତାକି ମାଣ୍ଡିୟାଁୟାଁ ସାସ୍ତି ହିୟାଲି ଏଝାସିକା ଲେଂଗୁଣିକାଣା ବାଡୁୟୁ ବେଟାଆହାମାତୁ ।

୧୧ ଏଝାସିକା ମୁହେଁ ର ରାଜା ସାଲୁଝି କିହିମାନେସି, ଏଝାସି ତାଡେପୁରୁ ଗାଡୁୟୁତି ଦୂତୁ, ଏଦାନି ଦରୁ ଏବ୍ରି ହାଡାତଲେ ଆବାଦନ୍ ଅଡେ ଗ୍ରିକ୍ ହାଡାତଲେ ଅପଲିୟନ୍ ଇତିସାରେ “ନାସା କିନାଇ ।”

୧୨ ତଲିତି ଆଜିହପେତି ତଣ୍ଡ ଉଣା ଆଡେ ଅଡେ ଜଡେକା ଆଜିହପେତି ତଣ୍ଡୟାଁ ଝାହିମାନୁ ।

୧୩ ସ ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମ୍‌କା ବିତାଟି ର ହାଡା ଝେରେସ୍ ।

୧୪ ଏଡି ତୀତ୍ରି ଆସାମାନି ସ ଲମ୍ବର ଦୂତୁୟାଁ ଏଲେଇରେ, “ପରାଡୁ କାଜା କାତାତା ଦସ୍‌ପି ଆହାମାନି ସାରି ଜାଣା ଦୂତୁୟାଁୟାଁ ପିସ୍‌ପି କିମ୍ବୁ ।”

୧୫ ଏମ୍ବାଟିଏ ମାଣ୍ଡିୟାଁୟାଁ ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂତୁୟାଁୟାଁ ଏ ଦିନା, ଲେଞ୍ଜୁ ଅଡେ ବାସା କିଝି ଆହାମାତେ ଏଝାରାଈଁ ପିସ୍‌ପି କିଝିଆଡେ ।

୧୬ ଗଡାୟାଁ ଲାକ କୁଗାନା ଜୁଜୁ କିନାରି ରୀ କଟି ମାତେରି ନାନୁ ଝେରେସ୍ ।

୧୭ ଅଡେ ନାନୁ ଗଡା ଇଞ୍ଜା ଏମ୍ବାଆଁ ହଟାମାନାରାଈଁ ମେସ୍ତେସ୍, ଏଝାରି ବକ ପାଟା ହିତୁ ଅଡେ ନୀଲି, ହୀଜେରି ଝାଣା; ଗଡାୟାଁତି ତାକାଁ ସିହଁକ୍ଷାଃନି ତାକାଁ ଲେହେଁ, ଇଞ୍ଜା ଏଝାସିକା ଗୁଟିଟି ହିତୁ, ବୟଁ, ଅଡେ ଗାନ୍ଦାଗୁଣ୍ଡା ହଟିମାତେ ।

୧୮ ଏଝାସିକା ଗୁଟିଟି ହିତୁ, ବୟଁ, ଅଡେ ଗାନ୍ଦାଗୁଣ୍ଡା ଲେହେଁ ଈ ତାନିଗଟା ତଣ୍ଡୟାଁ ହତୁ, ଈ ତଣ୍ଡୟାଁଟି ମାଣ୍ଡିୟାଁ ତାନି ବାଗାଟି ର ବାଗା ପାୟୁଝି ଆଡେରି ।

୧୯ ଏନାଆଁତାକି ଇତିହଁ ଗଡାୟାଁତି ବାଡୁୟୁ ତାନି ଗୁଟି ଅଡେ ଲେଂଗୁଣିତା ମାତେ, ଇତିହଁ ଏଝାସିକା ଲେଂଗୁଣିକା ତାୟଁ ଗାଟି ରାତୁ ଲେହେଁ ମାତାକି ତାନି ଲେଂଗୁଣିକା ତଲେ ଲକୁଣି ନସ୍ତୁ କିହିମାତୁ ।

୨୦ ଆମିନି ଲକୁ ଈ କସ୍ତୁତଲେ ପାୟୁଝି ଆହା ହିଲାଆଡେରି, ଏଝାରି ତାନି କେୟୁତଲେ କିତି କାମାତାକି ମନ ଝେଟ୍‌ପି କିଆଡେରି, ଇତିହଁ ବୃତୁୟାଁଣି ପୂଜା, ଅଡେ ମେସାଲି, ଝେଞ୍ଜାଲି, ତାକାଲି ଆଡାଆଗାଟି ବାଂଗାରା, ଝେଣ୍ଡି, ପିତାଡା, ଝାଲକା ଅଡେ ମାରୁକା ତଲେ କେପିତି ପେଣ୍ଡକା ବମାୟାଁଣି ପୂଜା କିହାଲି ପିହ୍‌ଆଡେରି ।

୨୧ ଅଡେ ଏଝାରି ଲକୁଣି ପାୟିନାୟି, ଗୁଣି ଗାରୁଡି, ଦାରିକାମା, ଅଡେ ସରୁ କାମା କିନିତାଣାଟି ମନ ଝେଟ୍‌ଆଡେରି ।





ଏଚେଟିଏ ଏଝାରି ତାମି ସାତୁୟାଁ ଏଝାରାଇଁ ମେସପନିଏ ଦୁହା ତଲେ ଲାକପୁରୁ ହାଚେରି ।

୧୩ ଏଦେବୁଣିଏ ବୁମି ହାଚେରକା ଝୀତିତେ ଅଡେ ଗାଡ଼ାତି ଦସ ବାଗାଟି ର ବାଗା ନାସା ଆଡେ, ଅଡେ ୭,୦୦୦ ଲକୁ ହାଚେରି, ଇଞ୍ଜା ଏଚେକା ଲକୁ ନୀତାମାଚେରି ଆଜିତାକି ଲାକପୁରୁତି ମାହାପୁରୁଇଁ ଗାଝୁରମି କିତେରି ।

୧୪ ରା ଲମ୍ବର ଆଜିହପେତି ତଣ୍ଡ ରାଡେ, ସାମା ତାନି ଲମ୍ବର ଆଜିହପେତି ତଣ୍ଡ ତବେ ଝାହିମାନେ ।

**ସାତା ଲମ୍ବର ତାତ୍ରି ମହୁରି**

୧୫ ତାୟୁ ସାତା ଲମ୍ବର ଦୁତୁ ତାତ୍ରି ଉକିତେସି ଇଞ୍ଜା ଲାକପୁରୁ କାଜା ହାଡାତଲେ ଇ ହାଡା ଝେଜିତେ, “ମା ପୁରୁ ଅଡେ ଏଝାଣି ମସିହା ଦାରତିତି ସାଲୁଝି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଝାସି କାଚଲଏ ତାକି ରାଜି କିନେସି ।”

୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡେ ସାରି ଜାଣା ପ୍ରାଚିନାଙ୍ଗା ମୁନୁ କୁତାହାଁ ମାହାପୁରୁଇଁ ଜହରା କିହାଁ,

୧୭ ଏଲେଇଚେରି,  
“ପୁରୁ, ବାରେକିହାଁ ବାଡ଼ୟୁଗାଟି ମାହାପୁରୁ, ନୀନୁ ନୀଏଁ ଅଡେ ତଲିତାତି,  
ମାମୁ ନିଙ୍ଗେ ଜହରା କିହିମାଞ୍ଜାନମି;

ଏନାଆଁତାକି ଇଚିହଁ ନୀନୁ ନୀ କାଜା ବାଡ଼ୟୁ ତଲେ ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି ।

୧୮ ଜାହୁଦିଆଆତାରି କାରବି ଆହାମାଚେରି,  
ସାମା ନୀଏଁ ନୀ କପା ଆନି ଦିନା ଝାଡେ,  
ଇଞ୍ଜା ହାଡାରି ନୀଏଁ ନୀହାୟି କିଝିଆନେରି,  
ଇଞ୍ଜା ନୀ ହଲିୟାଙ୍ଗା ମାହାପୁରୁ ଅଣପୁତି ବଲ୍ଲୁ ଝେହନାରି,  
ମାହାପୁରୁ ଲକୁ, ଅଡେ ନୀ ଦରୁତି ଆଜିନି କାଜାରି  
ଇଗାରି ବାରେ ଲକୁ ଦାନା ବେଗାଆନେରି,  
ଅଡେ ଆମ୍ବାଆରି ଦାରତିତି ନାସା କିନେରି ଏଝାରି  
ଜିକେଏ ନାସା ଆନେରି ।”

୧୯ ଏଚେଟିଏ ଲାକପୁରୁ ମାନି ମାହାପୁରୁତି ଇଲୁତି ଦାରା ଦେପିଆଡେ, ଅଡେ ତାନି ଇଲୁତା ମାନି ରାଜିମାନାତି ପେଡା ତଞ୍ଜାଆଡେ, ଅଡେ ବିଲିବାଲା ମିହୁନାୟି, ହାଚେରକା ଗିୟାଁ, ହାଗୁ ଗୁଣ୍ଡି ହାଡା, ଇଞ୍ଜା ବୁମି ଝୀତିତେ ଅଡେ ହାଚେରକା ଆଜିୟାଁ ରିତୁ ।

**୧୨**

**ଆୟାଟି ଅଡେ ରାତୁ**

୧ ତାୟୁ କାବାଆନି ଲେହେଁତି ସିନା ହାଗୁତା ତଞ୍ଜାଆଡେ, ର ଆୟାଟି ଲେଞ୍ଜୁ ଲାକ ନିଚାମାଚେ ଅଡେ ଝେଡାତି ଉଜେଡି ପରହାମାଚେ । ଏଦାଣି ତାୟୁଁ ତୁ ବାଚଗଟା ହୁକାୟାଗାଟି ଚପେରି ମାଚେ ।

୨ ଏଦି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବୀସା ତାକି କସୁ ବେଗାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡେ, ଏମ୍ବାଆଁ ପାରୁ ଝାଣାଗାଟି କାଜା ରାତୁ ଏ ରାତୁକି ସାତାଗଟା ତାର୍କା, ଇଞ୍ଜା ଦସଗଟା କମ୍‌କା, ଅଡେ ତାର୍କା ଲାକ ସାତାଗଟା ଚପେରିକା ମାଚୁ ।

୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଣି ଦାରତି ଲାକ ମେଡହେ, ଇଞ୍ଜା ଏ ରାତୁ, ଜାନି କିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିତେ ।

୫ ଆମ୍ବାଆସି ବାରେ କୁଡାତି ଲକୁଣି ଲହ ବାଡ଼ଗା ତଲେ ସାଲୁଝି କିନେସି ଇଲେତି ର କକାଣି ତାଲୁଇଁ ଏ ଇୟା ଜାନି କିତେ, ଅଡେ କକାଣି ତାଲୁଇଁ ମାହାପୁରୁ ଇଞ୍ଜା ତାନି ସିଂଗାସାଣି ନକିତା ପେଡହା ଅଝିଆଡେ ।

୬ ଅଡେ ଏ ଇୟା ଲକୁ ହିଲାଆ ବାଗାତା ହଟେ, ଏମ୍ବାଆଁ ୧,୨୬୦ ଦିନା ପାଚେକା ପହିକିଝି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଟାୟୁ କେପି ଆହାମାଚେ ।

୭ ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡେ ତାନି ଦୁତୁୟାଁ ଏ ରାତୁ ତଲେ ଜୁଜୁ କିତୁ, ଏଚେଟିଏ ଏ ରାତୁ ଅଡେ ତାନି ଦୁତୁୟାଁ ଜିକେଏ ଜୁଜୁ କିତୁ ।

୮ ସାମା ରାତୁ ଇଞ୍ଜା ତାନି ଦୁତୁୟାଁ ଜୀଣା ଆହାଲି ଆଡାଆତୁ, ଇଞ୍ଜା ଲାକପୁରୁ ଏଝି ଟାୟୁ ବେଗାଆଆତୁ ।

୯ ଏଚିବେଲା ଦାରତିତି ନାଡିକିନି ପଲୁଆ ପେନୁ ଇଞ୍ଜା ସୟତାନ ଦରୁଟି ଝେଜିତି କାଜା ରାତୁ ଏ ପୁଞ୍ଜଇ ନାଗା, ଏଦି ତାନି ଦୁତୁୟାଁ ତଲେ ଦାରତିତା ମେଡପି ଆଡେ ।

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡା ଝେଚେଏଁ, ନୀଏଁ ମାହାପୁରୁ ତାଣାଟି ଗେଲପିନାୟି ଏଗାଝାଡେ, ତାନି ରାଜି ଅଡେ ବାଡ଼ୟୁ ଇଞ୍ଜା କ୍ରୀସ୍ତୁତି ଅଦିକାରା ଝାହାମାନେ, ଇଚିହଁ ଆମିନି ସାତୁ ମା ତାୟି ତାଜିସ୍ତା କପାଟି ନିଙ୍ଗାନା ଲାଆଁ ମାଦେନା ମାହାପୁରୁ ନକିତା ଦାଝା କିହିମାଚେ, ଏଦି ଲାକପୁରୁଟି ଦାରତିତା ମେଡପି ଆହାମାନେ ।

୧୧ ଏଝାରି ମେଣ୍ଡା ତାଲୁତି ନେତେରି ତଲେ ଅଡେ ଝେକହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜା ଏଝାରି ହାହାଲିତାକି ଜିକେଏ ତାନି ଜୀଝୁଇଁ ଜୀଝୁ ନହାଁ ହିଲାଆଡେରି ।

୧୨ ଏଦାଆଁତାକି ଏ ଲାକପୁରୁ ଅଡେ ଏମ୍ବାଆଁ ବାସା ଆହାମାନାଚେରି ରାହାଁ ଆଦୁ, ସାମା ଦାରତି ଅଡେ ସାମ୍‌ଦୁରି ମୀରୁ ତଣ୍ଡ ବେଗା ଆନାଚେରି ଏନାଆଁତାକି ଇଚିହଁ ତାନି ବେଲା ହାଚେରକା ଉଣା ମାନେ ଇଞ୍ଜୁଁ ପୁଞ୍ଜାନା ପଲୁଆ ପେନୁ ସୟତାନ ହାଚେରକା କପାତଲେ ମୀ ତାଣା ରେଚା ଝାହାମାନେ ।

୧୩ ରାତୁ ଜାହାରାଇଁ ଦାରତିତା ମେଡପି ଆହାମାନାଣି ମେସାନା ଏ କକାଣି ତାଲୁଇଁ ଜାନି କିତି ଇୟାନି ଜେଚ ଜେଚ ପେଡହା ଅଡେ ।

୧୪ ଏଚେଟିଏ ଏ ଇୟା ରାତୁ ଗୁଡିଟି ଏନିକଁ ଗେଲପିଆହାଁ ତାନି ବାର୍ସା ସ ଲେଞ୍ଜୁ ପାଚେକା ପହିକିଝି

☆ ୧୧:୧୯ ଝେ ବଲ୍ଲୁ ୮:୫; ୧୭:୧୮; ଝେ ବଲ୍ଲୁ ୧୭:୨୧ ☆ ୧୨:୭ ଜାହୁଦା ୧:୯ ☆ ୧୨:୯ ଲୁକ ୧୦:୧୮



ଆନେ, ଏଦାଆଁତାକି ଲକ୍ଷ୍ମୀ ହିଲାଆ ବାଟାତି ତାନି ଚାୟୁତା ଉମ୍ମାହାଜାଲି ଲେଡ଼ୁତୁ ରୀ ମାରାୟାଁ ହାପକି ଆତୁ ।

୧୫ ଏଚେଟିଏ ଏ ଇୟାନି ଅଢ଼ି କିୟାଲି ରାଚୁ ତାନି ଗୁଡ଼ିଚି ର କାଜା କାତା ଏୟୁ ହପ୍‌ହେ ।

୧୬ ସାମା ଏ ଇୟାନି ସାୟେମି କିହାଲି ଦାରୁତି ତାନି ଗୁଡ଼ିଚି ଦେଚାନା ରାଚୁ ଗୁଡ଼ିଚି ହଡ଼ି କାତା ଏୟୁଣି ଗୁସ୍ତେ ।

୧୭ ଏଚେଟିଏ ରାଚୁ ଏ ଇୟାନି ହାଚେରକା କପା ଆହାଁ ତାନି କୁଡ଼ାତାରି ଏଚେକା ଲକ୍ଷ୍ମୀ ମାହାପୁରୁତି ହୁକୁମି ମାନଢ଼ି ଆହାଁ ଜୀସୁତି କାତା ଝେସିମାନେରି, ଏଞ୍ଜାରିତଲେ ଜୁଜୁ କିହାଲି ହାଚେ ।

୧୮ ଇଞ୍ଜା ରାଚୁ ସାମଦୁରି ଗାଚୁତି ବାଞ୍ଚଲିତା ନିତେ ।

### ୧୩

#### ରୀ ଜନ୍ମୟାଁ

୧ \*ଏଚେଟିଏ ନାନୁ ସାମଦୁରି ମାଦିଚି ହଚାଞ୍ଜାହିମାନି ର ଜନ୍ମ ମେସ୍ତେସ୍, ଏଦାନାକି ଦସଗଟା କମ୍‌କା ଅଡ଼େ ସାଡ଼ାଗଟା ତାକା, ତାନି କମ୍‌କାଣା ଦସଗଟା ଟପେରିକା ଇଞ୍ଜା ତାକା ଲାକ ମାହାପୁରୁ ନିନ୍ଦାକିନି ର ର ଦରକା ମାଚୁ ।

୨ ଏ ଜନ୍ମ ତୀରିରେଙ୍ଗା ଛାଞ୍ଜାନି ଲେହେଁ ତଞ୍ଜାଆହିମାଚେ, ତାନି କତାୟାଁ ଅଞ୍ଜାକି କତାୟାଁ ଲେହେଁ ଇଞ୍ଜା ଗୁଡ଼ି ସିହ୍‌କ୍ଷାଞ୍ଜାନି ଗୁଡ଼ି ଲେହେଁ ଏ କାଜା ରାଚୁ ଜନ୍ମକି ତାନି ବାଡ଼ୁୟୁ, ସିଂଗାସାଣି, ଅଡ଼େ ବାରେ ଅଦିକାରା ହୀତେ ।

୩ ଏ ଜନ୍ମତି ତାୟୁଁ ତୁ ଆମିନି ହାନିଲେହେଁତି ଗାହାଁ ତଞ୍ଜାଆହିମାଚେ, ସାମା ଏ ଗାହାଁ ନେହଁ ଆଡ଼େ, ଅଡ଼େ ଦାରୁତିତା ମାନାରି ବାରେ କାବା ଆହାଁ ତାନି ଜେଚ ହାଚେରି ।

୪ ଅଡ଼େ କାଜା ରାଚୁ ଜନ୍ମକି ତାନି ଅଦିକାରା ହୀତାକି ଏଞ୍ଜାରି ରାଚୁକ୍ ଜହରା କିଚେରି, ଏଞ୍ଜାରି ଏ ଜନ୍ମକ୍ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ମ ଲେହେଁ ଆନେସି ଅଡ଼େ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।”

୫ ଏଦାନାକି ଆଙ୍କାରା ଅଡ଼େ ମାହାପୁରୁ ନିନ୍ଦାତି କାତା ଝେସାଲି ଗୁଡ଼ି ହାଞ୍ଜିଆଡ଼େ, ଅଡ଼େ ରୀ କଡ଼ି ରୀ ଲେଞ୍ଜୁ ପାତେକା ସାଲଞ୍ଜି କିୟାଲି ଅଦିକାରା ହାପକିଆଡ଼େ ।

୬ ଏମ୍ବାଟିଏ ଏଦି ତାନି ଗୁଡ଼ି ଏକ୍‌ହାନା ମାହାପୁରୁ ନିନ୍ଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଚାୟୁ, ଅଡ଼େ ଲାକପୁରୁ ବାସା ଆହାମାନାରାଇ, ବାରେତି ନିନ୍ଦା କିଚେ ।

୭ ବାରେ ମାହାପୁରୁ ଲକ୍ଷ୍ମୀକ୍ ଜୁଜୁ କିହାଁ ଜୀଣା ଆହାଲି ଅଦିକାରା ହାଞ୍ଜିଆହାମାଚେ, ଅଡ଼େ ବାରେ ଗଟି, କୁଡ଼ା, ହାଡ଼ା, ଦେସା, ଲାକ ଅଦିକାରା ହାଞ୍ଜିଆହାମାଚେ ।

୮ ଆମ୍ବାଆରି ଦରୁ ଦାରୁତିଚି ଗାଡ଼ି ଆଆ ନଚେଏ ପୂଜା ମେଣ୍ଡା ତାଲୁତି ଜୀଞ୍ଜାଗାଟି ପତିତା ରାସ୍‌କି ଆହାହିଲେଏ, ଦାରୁତିତା ବାସା କିହାମାନି ଏ ବାରେ ଲକ୍ଷ୍ମୀ ଏ ଜନ୍ମକ୍ ଜହରା କିଚେରି ।

୯ “ଆମ୍ବାଆରାକି କୀକା ମାନୁ ଏଞ୍ଜାସି ଝେଣ୍‌ମ୍ବାସି !

୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହଁ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆଡ଼ିହଁ ଏଞ୍ଜାସି ଏଲେଆହଁ ଏ କାଣ୍ଡାତଲେ ପାୟିଞ୍ଜି ଆନେସି, ଏଚିବେଲାତା ମାହାପୁରୁ ଲକ୍ଷ୍ମୀତାକି ନାମୁ ଅଡ଼େ ଅଚ୍‌ହିନାୟି ଲଡ଼ାମାନେ ।”

୧୧ ଏଚେଟିଏ ନାନୁ ର ଜନ୍ମକ୍ ବୁଦି ବିତ୍ରାଟି ହଚାଞ୍ଜାତାଣି ମେସ୍ତେସ୍, ମେଣ୍ଡା ତାଲୁ ଲେହେଁ ଜଡ଼େକା କମ୍‌କା, ଅଡ଼େ ଏଦି ରାଚୁ ଲେହେଁ କାତା ଆହିମାଚେ ।

୧୨ ଏ ଜନ୍ମ ନଚେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନଚେଏତି ଜନ୍ମକି ହାନିଲେହେଁତି ଗାହାଁ ମାଡ଼ାମାଚେ, ଏଦାନି ଜହରା କିହାଲି ଦାରୁତି ଅଡ଼େ ଏମ୍ବାଆଁ ବାସା ଆହାମାନାରାଇଁ ବାଲାମାତମି କିନେ ।

୧୩ ଏ ଜନ୍ମ କାବାଆନି କାମାୟାଁ କିନେ, ଏଦି ବାରେ ଲକ୍ଷ୍ମୀ ନକିତା ହାଗୁଚି ଦାରୁତିତା ହିଚୁ ରିଞ୍ଜିକିନେ ।

୧୪ ଇଞ୍ଜା ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାଚେ, ଏମ୍ବାଟି ଦାରୁତିତା ବାସାଆହାମାନି ଲକ୍ଷ୍ମୀ ନାଡ଼ିକିହାଁ, ଆମିନି ଜନ୍ମ କାଣ୍ଡାତଲେ ଗାହାଁ ଆହାମାଚି ଜିକେଏ ନୀତିତେ, ଏଦାନି ର ବମା କିହାଲି ଏଞ୍ଜାରାଇଁ ଏଲେଇନେ ।

୧୫ ଏ ଜନ୍ମତି ବମା ଏନିକ୍ ଜଲାଲି ଆଡ଼ିନେ ଅଡ଼େ ଏଚେକା ଲକ୍ଷ୍ମୀ ଜନ୍ମତି ବମାତି ଜହରା କିଅରି, ଏଞ୍ଜାରି ଏନିକ୍ ପାୟିଞ୍ଜି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମତି ବମାକି ଜୀଞ୍ଜା ହାହାଲି ଅଦିକାରା ହାପକିଆଡ଼େ ।

୧୬ ଅଡ଼େ ଏ ଜନ୍ମ ଉଣା, କାଜାରି, ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାମି ଚିଞ୍ଜାନି କେୟୁତା ଆଆତ୍ ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ ।

୧୭ ଅଡ଼େ ଏ ସିନା ଇଚିହଁ ଜନ୍ମତି ଦରୁ ଆଆତ୍ ତାନି ଦରୁତି ଲମ୍ବର ଇଟା କତାଆତି ଲକ୍ଷ୍ମୀ ଏଦାଆଁ କତାଲି କି ପାରଚାଲି ହୀଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ ଜନ୍ମତି ଲମ୍ବର ଏଜିକପାସି, ଏଦାଆଁତାକି ଇଚିହଁ ଏଦି ର ମାଣ୍ଡସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଞ୍ଜାଞ୍ଜା ତୀନିକଡ଼ି ସ ।

### ୧୪

#### ମେଣ୍ଡା ତାଲୁ ଅଡ଼େ ତାନି ଲକ୍ଷ୍ମୀ

୧ \*ଏଚେଟିଏ ନାନୁ ସିନିକିହାଁ ମେସ୍ତେସ୍, ଅଡ଼େ ମେଣ୍ଡା ତାଲୁ ସିୟନ ହରୁତା ନିଚାମାନେ, ଅଡ଼େ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାସ୍‌କି ଆହାମାଚେ ଇଲେତି ଲକ୍ଷ୍ମୀ ସାଡ଼ାକଡ଼ି ସାରି ମାଣା ଲକ୍ଷ୍ମୀ ତାନିତଲେ ନିଚାମାଚାଣି ମେସ୍ତେସ୍ ।

୨ ଅଡ଼େ ଲାକପୁରୁଚି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣିଲେହେଁତି ର କାଜା ହାଡ଼ା ଝେଚେସ୍,

ଆମିନି ହାଡ଼ା ନାନୁ ଝେଚେଏଁ ଏଦି ସେରଈ ଡିଡ଼ହିମାନାରି ହାଡ଼ାଲେହେଁ ଝେକ୍‌ମାଚେ ।

୩ ସିଂଗାସାଣି ସାରିଗଟା ଜନ୍ତୁ ଅଡ଼େ ପ୍ରାଚିନାଙ୍ଗା ନକିତା ର ପୁଃନି ପାରୁ ପାଚିମାଚେରି, ଅଡ଼େ ଦାରତିଟି କଡ଼ଝି ଆହାମାନି ସାଡ଼ାକଡ଼ି ସାରି ମାଣା ଲକୁ ପିସ୍‌ପେ ଆମ୍ବାଆରି ଏ ପାରୁ ପାଚାଲି ଆଡ଼ାଆଚେରି । ବାରେ ମାଣ୍‌ସି କୁଡ଼ା ବିତ୍ରାଟି ଖାରଇ ଏଝାରିଦେଁ ଗେଲ୍‌ପି ଆହାମାଚେରି ।

୪ ଏଝାରି ଇୟାସିକା ତଲେ କାଲ୍‌ହାନା ତାମ୍ବୁ ଲାହାରାଇଁ ଦହ କିହାଁ କଡ଼ା ହିଲାଆଚେରି, ଇଚିହଁ ଏଝାରି ଅଟହାରି, ମେଣ୍ଡା ତାଲୁ ଆମ୍ବିୟାଝାକି ହାନେ ଏଝାରି ତାନି କେଟ ହାନେରି, ଏଝାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣ୍‌ସିୟା ବିତ୍ରାଟି ଗେଲ୍‌ପି ଆହାନା ମେଣ୍ଡା ତାଲୁ ନକିତା ହେରପିଆହାମାନେରି ।

୫ ଏଝାରି ଗୁଡ଼ିତା ଏଦି ମିତି ଜଲିନାୟି ହିଲେଏ, ଏଝାରି ଦହ ହିଲାଆ ଗାଟାରି ।

**ତାନି ଜାଣା ଦୂତୁ**

୬ ଏଚେଟିଏ ନାନୁ ହାଗୁଡ଼ି ମାଦି ଉମ୍ବିମାନି ର ଦୂତୁଲ୍ ମେସ୍‌ସେଏଁ, ଏଦି ଦାରତିତା ବାସାଆହାମାନି ବାରେ ଗଟି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକ୍‌ହାଲି କାଲ୍‌କାଲ୍‌ ତାକି ଡ଼ୟିନି ନେହଁ କାରୁ ଝେକ୍‌ହି ମାନେସି ।

୭ ଏଦି କାଜା ଗିୟାଁତଲେ ଏଲେଇଚେ “ମାହାପୁରୁଲ୍ ଆଜାଦୁ ଅଡ଼େ ଏଝାଣାଇଁ ଗାଝୁରମି ହୀଦୁ, ଇଚିହଁ ମାଣ୍‌ସିତି ନୀହାଁୟି କିନି ଦିନା ଏଗାଝାଚେ, ଅଡ଼େ ଆମ୍ବାଆସି ହାଗୁ, ଦାରତି, ସାମ୍‌ଦୁରି ଇଞ୍ଜା ଜାରଣା ଏୟୁଡ଼ି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ ।”

୮ \*ତାନି ତାୟୁ ଅଡ଼େ ର ଦୂତୁ ଇଚିହଁ ରୀ ଲମ୍ବର ଦୂତୁ ଝାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଲ୍ ତାନି ଦାରିକାମା କିଝିକିନି କାଡ଼ ଉଟହାନା ହଚିକିହାମାଚେ, ଏଦି ରିହା ହାଜାମାନେ ।”

୯ ଏଦାଣି ତାୟୁ ଅଡ଼େ ର ଦୂତୁ ଇଚିହଁ ତାନି ଲମ୍ବର ଦୂତୁ ଝାହାନା କାଜା ଗିୟାଁତଲେ ଏଲେଇଚେ, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଚୁତା କି କେୟୁତା ତାନି ସିନା ଇଟା କଡ଼ିନେସି,

୧୦ ଏଝାସି ମାହାପୁରୁତି କପାଗାଟି ସଲ୍‌ତା ଝାକ୍‌ହାମାନି ହାରେକା କାର୍‌ବିତି କାଡ଼ୁ ଗାହନେସି, ଆମ୍ବାଆରି ଈ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୂତୁୟାଁ ନକିତା ହିରୁ ଅଡ଼େ ଗାନ୍ଦାଗାଟି ଗୁଣ୍ଡା ତଲେ କସ୍ତ ବେଟା ଆନେସି ।

୧୧ ଇଲେତି ଲକୁଣି କସ୍ତ ହୀନି ହିରୁ ବୟଁ କାଲ୍‌କାଲ୍‌ ତାକି ହଚେମାନେ, ଆମିନି ଗାଟାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଝାରି ଲାଆଁ ମାଦେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକୁ ଇଚିହଁ ମାହାପୁରୁତି ହୁକୁମି ମାନଝିଆନେରି, ଇଞ୍ଜା ଜୀସୁଇଁ ନାମିନେରି, ଏଝାରାକି ଅରୁହିନାୟି ଲଡ଼ାମାନେ ।

୧୩ ଇଞ୍ଜା ଲାକପୁରୁଟି ଈ ହାଡ଼ା ଝେଚେଏଁ, ଈ କାତା ରାଟାମ୍ବୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଝାରି ନେହେଁ ।” ଅଡ଼େ ନାନୁ ଝେଚେଏଁ ସୁଦୁଜାଝୁ ଝେସିମାଞ୍ଜାନେ, “ଏଝାରି ତାମି କାମାତି ଝାହୁଟି ଜମିନେରି, ଇଚିହଁ ଏଝାରି କାମାତି ପାଡ଼େୟି ଏଝାରିତଲେ ଡ଼ୟିନେ ।”

**ତାସା ଦାନାୟି**

୧୪ ଅଡ଼େ ନାନୁ ମେସ୍‌ସେଏଁ, ଇଚାୟି ଦବଲ୍‌ ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣ୍‌ସି ମୀରଏସି ଲେହେଁତାସି; ତାନି ତାୟୁଁ ତୁା ବାଂଗାରା ଟପେରି, ଇଞ୍ଜା କେୟୁତା ର ଝାହୁନି କଟାତଝେଲି ।

୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୂତୁ ଝାହାନା ହାଗୁତା କୁଗାମାନାଣାଇଁ କାଜା ଗିୟାଁତଲେ ଏଲେଇଚେ, “ନୀ କଟାତଝେଲି ଆସାନା ତାସା ଦାମ୍ବୁ । ଦାରତିତି ତାସା ଦାଃନି କାରୁ ଏଗାଝାଚେୟିଏ ।”

୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣ୍‌ସି ତାନି କଟାତଝେଲି ଅଗିତେସି ଇଞ୍ଜା ଦାରତିତି ତାସା ବାରେ କୁଡ଼ିକିଝିଆଚେ ।

୧୭ ଏଦାଆଁ ତାୟୁ ଲାକପୁରୁତି ମାହାପୁରୁ ଇଲୁଟି ଅଡ଼େ ର ଦୂତୁ ହଚାଝାଚେସି, ଏ ଦୂତୁକି କେୟୁତା ଜିକେଏ ଝାହୁନି କଟାତଝେଲି ମାଚେ ।

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୂତୁ କଟାତଝେଲି ଆସାମାନି ଅର ଦୂତୁଲ୍ କାଜା ଗିୟାଁତଲେ ଏଲେଇଚେ, “କଟାତଝେଲି ଅଗାନା ଦାରତିତି ଅଞ୍ଜୁରି ବାଡ଼ାଟି ଅଞ୍ଜୁରିକା ବାରେ ଡ଼ଡ଼ହା ତୁହମ୍ବୁ; ଏଝି ବାରେ କାମ୍ବାମାମ୍ବୁ ।”

୧୯ ଏମ୍ବାଟିଏ ଦୂତୁ ଦାରତିତା ତାନି କଟାତଝେଲି ଅଗାନା ଅଞ୍ଜୁରି ମାଡ଼ାୟାଁଟି ଅଞ୍ଜୁରି ଡ଼ଡ଼ହେ ଇଞ୍ଜା ଏଝି ମାହାପୁରୁ କାର୍‌ବିତି ଅଞ୍ଜୁରି ପୀଡ଼ିକିନି ଦନିତା ମେଡ଼ହେ ।

୨୦ \*ଗାଡ଼ାଟି ପାଞ୍ଜାତା ମାନି ଏ ଦନିତା ଅଞ୍ଜୁରି ପୀଡ଼ିକିଝିଆଚେ ଇଞ୍ଜା ଏମ୍ବାଟି ଗଡ଼ାୟାଁ ବାକେରି ପାଡେକା ନିଞ୍ଜାମା ତାନି ଝାଞ୍ଜା କିଲମିଟର ହେକ ପାଡେକା ଇଞ୍ଜା ରୀ ମିଟର ଲାକ ପାଡେକା ନେଚେରି ଝାକ୍‌ଚେ ।

**୧୫**

**ସାଡ଼ାଗଟା ରଗ କିନି ସାଡ଼ାଗଟା ଦୂତୁୟାଁ**

୧ ଏମ୍ବାଟିଏ ନାନୁ ହାଗୁତା ଅଡ଼େ ର କାବାଆନି ଲେହେଁତି ସିନା ମେସ୍‌ସେଏଁ, ସାଡ଼ାଗଟା ଦୂତୁୟାଁ ସାଡ଼ାଗଟା ରଗୟାଁ ତାମି କେୟୁତା ଆସାନା ତଞ୍ଜାଆଡୁ, ଏ ରଗୟାଁ ମାହାପୁରୁତି କପା ତହୁନାୟି ରାନାୟି ମାଚେ ।

୨ ଅଡ଼େ ନାନୁ ମେସ୍‌ସେଏଁ, ହିରୁ କାଲ୍‌ହିତି ଦାପେଣି ଲେହେଁତି ସାମ୍‌ଦୁରି, ଆମ୍ବାଆରି ଜନ୍ତୁ, ଏଦାନି ବମା ଇଞ୍ଜା

\* ୧୪:୮ ଝେ ବଲ୍ଲୁ ୧୮:୨ \* ୧୪:୨୦ ଝେ ବଲ୍ଲୁ ୧୯:୧୫

ଏଦାନି ଦରୁତି ଲମ୍ବରଟି ଜୀଣା ଆଡ଼ାରି, ଏଞ୍ଜାରି ମାହାପୁରୁ ହାହାମାନି ସେରକ୍‌ ଆସାନା ଗାଜୁ ଲେହେଁତି ସାମ୍‌ଦୁରି ଗିରୁତା ନିଗାମାରେରି ।

୩ ଏଞ୍ଜାରି ମାହାପୁରୁ ହାତି ରାମଗଂଟା ଝେତିହ୍‌ ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଣ୍ଡା ଡାଲୁତି ପାରୁ ପାଡ଼ିହ୍‌ ଏଲେ ଇଞ୍ଜା ମାନେରି,

“ବାରେତି କିହ୍‌ ବାଡ଼ୁଗାଟି ପ୍ରୁ ମାହାପୁରୁତି,  
ନୀ କାମା ଏରେକା କାଜାୟି ଅଡ଼େ କାବା ଆନାୟି,  
ବାରେ ଲକୁତି ରାଜାତି,

ନୀ କାମାତି ଜିରୁ ବାରେ ନୀହ୍‌ୟି ଗାଗାୟି ଇଞ୍ଜା ସାତାତାୟି ।

୪ ପ୍ରୁ ! ନିଜେ ଆମ୍ବାଆସି ଆଜାଆ ଗାଗାସି ମାନେସି ?  
ଆମ୍ବାଆସି ନୀ ଗାଞ୍ଜୁରମି ଝେକ୍‌ଆଗାଗାସି ମାନେସି ?  
ଇତିହ୍‌ ନୀନୁ ରଅତିଏ ସୁଦୁ ଗାଗାତି;

ବାରେ କୁଡ଼ାତି ଲକୁ ଖାହାନା ନୀ ପୂଜା କିନେରି,  
ଏନାଆଁତାକି ଇତିହ୍‌ ନୀ ଦାମ୍‌ଗାଟି ନୀହ୍‌ୟିତି  
କାମାୟି ବାରେଜାଣା ମେସାମାନେରି ।”

୫ ଏମ୍ବାଟିଏ ନାନୁ ମେସ୍‌ସେଏ, ଲାକପୁରୁତି ସାକି ହାନି ତୁମ୍‌ ଦେଞ୍ଜୁଡ଼ିତି ଦାରା ଦେପିଆଡ଼େ

୬ ସାଡ଼ାଗଟା କସ୍‌ୟି ଆସାମାନି ସାଡ଼ାଗଟା ଦୁତୁୟି ଲାକପୁରୁତି ଦେଞ୍ଜୁଡ଼ିତି ହଟାଞ୍ଜାତୁ; ଏଞ୍ଜି ଅପ୍‌ହି ମୁହ୍‌ନି ହିମ୍ବରକା ହୁଟାମାରୁ ଇଞ୍ଜା ଏଞ୍ଜାସିକା ବକ ସାରିସୁଟ୍‌ ବାଂଗାରା ପାଟା ଦସାମାରୁ ।

୭ ସାରିଗଟା ଜନ୍ତୁୟି ବିଡ଼ାଟି ର ଜନ୍ତୁ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାଡ଼ାଗଟା ବାଂଗାରା ଗିନାୟି ଏ ସାଡ଼ାଗଟା ଦୁତୁୟିକି ହୀତେ ।

୮ ମାହାପୁରୁତି ଗାଞ୍ଜୁରମି ଅଡ଼େ ତାନି ବାଡ଼ୁଗାଟି ହଟିମାନି ବୟ୍‌ ଦେଞ୍ଜୁଡ଼ିତା ନେଞ୍ଜାହାରେ; ସାଡ଼ାଗଟା ଦୁତୁୟି ତାଗାମାନି ସାଡ଼ାଗଟା ରଗାୟି ରାଆ ପାତେକା ଏ ଦେଞ୍ଜୁଡ଼ି ବିଡ଼ା ଆମ୍ବାଆସି ହଡ଼ାଲି ଆଡ଼ାଆତେସି ।

### ୧୭

#### ମାହାପୁରୁ କପାତି ସାଡ଼ାଗଟା ଗିନାୟି

୧ ଏରେଟିଏ ନାନୁ ଝେଚେଏ, ଦେଞ୍ଜୁଡ଼ିତି ରଅସି କାଜା ଗିୟିତଲେ ଏ ସାଡ଼ାଗଟା ଦୁତୁୟିକି ଝେସିମାରେସି, “ହାକୁ, ସାଡ଼ାଗଟା ଗିନାୟିଣା ନେଞ୍ଜାମାନି ମାହାପୁରୁତି କପାତି ଦାର୍‌ତି ଲାକ ଖାକ୍‌ଦୁ !”

୨ ଏରେଟିଏ ମୁଲୁତି ଦୁତୁ ହାଜାନା ତାନି ଗିନାତା ଏନାୟି ମାଚେ, ଦାର୍‌ତି ଲାକ ଖାକ୍‌ହେ; ଦେବୁଣିଏ ଆମ୍ବାଆରି ତାଣା ଜନ୍ତୁତି ସିନା ମାଚେ, ଇଞ୍ଜା ତାନି ବମାତି ପୂଜା କିହାମାଚେରି, ଏଞ୍ଜାରି ଆଜ୍ଞାତା ହାରେକା କସ୍‌ଗାଟି ବୀସା ପଟ୍‌କା ହୁତୁ ।

୩ ଏରେଟିଏ ରୀ ଲମ୍ବର ଦୁତୁ ତାନି ଗିନାତାଣି ସାମ୍‌ଦୁରି ଲାକ ଖାକ୍‌ହେ; ଇଞ୍ଜା ସାମ୍‌ଦୁରିତି ଏୟୁ ହାତି ଲକୁତି ନେତେରିଲେହେଁ ଆଡୁ, ଇଞ୍ଜା ସାମ୍‌ଦୁରିତା ମାତି ବାରେ ଜନ୍ତୁୟି ହାହାହାଚୁ ।

୪ ତାନି ଲମ୍ବର ଦୁତୁ ତାନି ଗିନାତା ଏନାୟି ମାଚେ, କାତା ଇଞ୍ଜା ଉସା ଏୟୁ ଲାକ ଖାକ୍‌ହେ; ଇଞ୍ଜା ଏ ଏୟୁ ବାରେ ନେତେରି ମିଶ୍‌ହା ହାଚୁ ।

୫ ଏଚିବେଲାତା ନାନୁ ଝେଚେଏ, ଏୟୁ ଲାକ ଅଦିକାରା ବେଗାଆହାମାନି ଦୁତୁ ଏଲେଇଞ୍ଜିମାଚେ, “ନୀନୁ ସୁଦୁ ଗାଗାତି, ନୀଏ ମାନାତି ଅଡ଼େ ତଲିଏ ମାଗାତି; ନୀନୁ ତୀରପୁତଲେ ନୀହ୍‌ୟି କିହାମାଞ୍ଜି ।

୬ ଏଞ୍ଜାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି ଆମିନି ନେତେରି ବକ୍‌ହାମାଚେରି, ଏଦାଆଁ ମୀରୁ ଏଞ୍ଜାଲାଇଁ ଉଟ୍‌ହାମାଞ୍ଜି । ଏଞ୍ଜାରି ଏନାଆଁ ବେଗାଆନାଣି ବେଗାଆହାମାନେରି ।”

୭ ଏରେଟିଏ ପୂଜା ପିଣ୍ଡାଟି ର ହାଡ଼ା ଝେଚେଏ, ବାରେତି କିହ୍‌ ବାଡ଼ୁଗାଟି ମାହାପୁରୁ ପ୍ରୁ ! ନୀ ନୀହ୍‌ୟି ବାରେ ସାତା ଅଡ଼େ ଟିକାଣାତାୟି ।

୮ ସାରି ଲମ୍ବର ଦୁତୁ ତାନି ଗିନାତା ମାଗାଣି ଝେଡ଼ା ଲାକ ଖାକ୍‌ହେ, ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା ଲକୁଣି ହୁଡ଼ିତେ ।

୯ ଏଚିବେଲା ଲକୁ କଣ୍‌ଟା ହାତି କାରାତା ଝେହାହାଚେରି, ଅଡ଼େ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନ୍ଦାକିତେରି । ସାମା ହିୟି ବାଦ୍‌ଲି କିହ୍‌ ଏଞ୍ଜାଣି ଗାଞ୍ଜୁରମି କିଆତେରି ।

୧୦ ପାସା ଲମ୍ବର ଦୁତୁ ତାନି ଗିନାତା ମାଗାଣି ଜନ୍ତୁତି ସିଂଗାସାଣି ଲାକ ଖାକ୍‌ହେ । ଜନ୍ତୁତି ରାଜିତା ଆନ୍ଦେରି ଆହାହାଚେ, ଇଞ୍ଜା ଲକୁ କସ୍‌ତଲେ ତାନି ଝେନ୍ଦରିକା କାଟା କଡ଼ିତେରି ।

୧୧ ଅଡ଼େ ଏଞ୍ଜାରି ଆଜ୍ଞାତି ରାଣାରକା ତାକି ଇଞ୍ଜା ପକାୟି ବୀସା ତାକି ଲାକପୁରୁତି ମାହାପୁରୁଇଁ ବାକା ଇଚିତେରି । ସାମା ତାନି ଲାଗେଏତି କାମାତି ମନ୍ ଝେଟ୍‌ଆତେରି ।

୧୨ ସ ଲମ୍ବର ଦୁତୁ ତାନି ଗିନାତା ମାଗାଣି ପରାଡ଼ କାଜା କାତା ଲାକ ଖାକ୍‌ହେ, ଏ କାତାତି ଏୟୁ ଖାୟାହାଚୁ, ଝେଡ଼ା ହପୁ ଖାକିଟି ଖାହିମାନି ରାଜାୟିକି ଜିରୁ ପାର୍‌ଲିଆଡ଼େ ।

୧୩ ଏରେଟିଏ ନାନୁ ମେସ୍‌ସେଏ, ପାନାୟିଲେହେଁ ତଞ୍ଜାଆହିମାନି ତାନିଗଟା ଲାଗେଏତି ଜୀଞ୍ଜୁୟି । ଏଞ୍ଜି ରାଚୁ ଗୁଡ଼ିତି, ଜନ୍ତୁତି ଗୁଡ଼ିତି, ମିଚି ବଲ୍ଲୁ ଝେହ୍‌ନାରି ଗୁଡ଼ିତି ହଟାଞ୍ଜାହିମାରୁ ।

୧୪ ଏ ଲାଗେଏତି ଜୀଞ୍ଜୁଗାଟି ବୁତୁୟି କାବାଆନି କାମା କିହାଲି ଆଡ଼ିନୁ, ଏଞ୍ଜି ବାଡ଼ୁଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାର୍‌ତିତି ରାଜାୟିଣି କୁଡ଼ିକିହାଲି ହାଟାହାଚୁ ।

୧୫ ✨“ଝେଞ୍ଜୁ ! ନାନୁ ସରୁଲେହେଁ ଖାକ୍‌, ଆମ୍ବାଆସି ଜାଗ୍ରାତା ଆହ୍‌ ସରୁ ତାଣାଟି ଜାହାରା ହିମ୍ବରକା ଡ଼କୁହାଲି ଆଡ଼ିମାନେସି, ଏଞ୍ଜାସି ନେହେଁ । ଏଞ୍ଜାସି ନାଗ୍‌ଡ଼ା ଆହ୍‌ ରେଅସି, ଅଡ଼େ ଏଞ୍ଜାସି ଲାଜା ବେଗାଆଅସି ।”

✨ ୧୭:୧୫ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩

୧୭ ପଲ୍‌ଆ ଜୀଝୁୟାଁ ଏ ବେଲ୍‌ତା ଦାର୍‌ତିତି ରାଜାୟାଣି ଆମିନି ଟାୟୁତା କୃତିକିତୁ ଏବି ହାଡ଼ାତଲେ ଏଦାନି ଦରୁ ଆମାଗାଡେନ ।

୧୭ ସାତା ଲମ୍ବର ଦୁତୁ ତାନି ଗିନାତା ମାଚାଣି ଗାଲି ଲାକ ଖାକ୍‌ହେ, ଏଚେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେକ୍‌ଜିତେ, “ଇଦାଆଁ କିଝିଆଡେ !”

୧୮ \*ଦେବୁଣିଏ ବିଲିବାଲା ଆହୁଁ ମୁସ୍ତେ ଇଞ୍ଜାଁ ହାଗୁ ଗୁଣନି ହାଡ଼ା ଆଡେ, ଇଞ୍ଜାଁ ହାରେକା ବୁମି ଖାଡିତେ, ଇତିହୁଁ ଦାର୍‌ତିତା ମାଣସିୟାଁ ଗାଡ଼ିଆଡ଼ି ଦିନାଟିଏ ଏଚେଲ୍‌ଖା ଇଲେଡି ବୁମି ଖାଡ଼ାହିଲାଆଡେ, ଇଦି ବାରେକିହାଁ ଆଜିହପେଡି ବୁମି ଖାଡ଼ିନାୟି ମାଚେ ।

୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡେ ଅଡେ ଦାର୍‌ତିତି ବାରେ ଗାଡ଼ାୟାଁ ବିଡ଼ହାହାଡୁ, ଅଡେ କାଜା ଗାଡ଼ା ବାବିଲନତି ମାହାପୁରୁ ବାଣା ଆହା ହିଲାଆଡେସି, ଏଝାସି ତାନି ଗହନି ସଲ୍‌ଟି ତାନି ହାରେକା କପାଗାଟି କାଡ଼ୁ ଖୁଝାଣାଲ୍ ଉଚ୍‌ହେସି ।

୨୦ \*ସାମଦୁର ମାଦି ମାନି ଦେସାୟାଁ ମେଣ୍‌ଜାହାଡୁ ଇଞ୍ଜାଁ ହରକା ବାରେ ଡୁଗା ହାଡୁ ।

୨୧ \*ରୀ କଡ଼ି ଦସ କେଜି ବଜୁଗାଟି ଆଜିୟାଁ ହାଗୁ ଲାକଟି ମାଣସିୟାଁ ଲାକ ରିତୁ, ଲକୁ ଇ ମରଡ଼ି ତାକି ମାହାପୁରୁଲ୍ ନିନ୍ଦାକିତେରି ।

୧୭

ଝେକ୍‌ଜିତି ଦାରେଣି

୧ ଏମ୍ବାଟିଏ ସାତାଗଟା ଗିନାୟାଁ ଆସାମାନି ଦୁତୁ ବିଡ଼ାଟି ରଣ୍ଡି ନା ଡାଗେ ଖାହାନା ଏଲେଇଞ୍ଜାତେ, “ଇମ୍ବାଆଁ ଖାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଡ଼ି କାଜା ଗାଡ଼ା ଏନି ସାସ୍ତି ବେଟାଆଡେନ ଏଦାଆଁ ତସ୍ତାଲ୍ ।

୨ ଦାର୍‌ତିତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜାଁ ଦାର୍‌ତିତା ବାସା ଆହାମାନାରି ବାରେ ଦାରି କାମାଲେହେଡ଼ି କାଡ଼ୁ ଗୁସାହାଁ ହଡ଼ାମାନେରି ।”

୩ \*ଏଚିବେଲ୍‌ତା ସୁଦୁଜାଝୁ ନା ଡାଣା ଖାଡେ ଇଞ୍ଜାଁ ଏ ଦୁତୁ ନାଙ୍ଗେ ବାଝଲି ବୁମିତା ଅୟାଡେ । ଏମ୍ବାଆଁ ନାନୁ ମେସ୍ତେସ୍, ର ପାରୁ ଖାଣାଗାଟି ଜନ୍ତୁ ଲାକ ର ଇୟା କୁଗାମାଚେ । ଏ ଜନ୍ତୁଟି ଆଙ୍ଗାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାରୁ, ଅଡେ ଏଦାନାକି ସାତାଗଟା ତାର୍କା ଇଞ୍ଜାଁ ଦସଗଟା କମ୍‌କା ମାଚୁ ।

୪ ଏ ଇୟା ହେୟାଁ ଲେହେଡ଼ି ଖାଣା ଅଡେ ପାରୁ ଖାଣାଗାଟି ହିମ୍ବୁରି ହୁଟାମାଚେ, ଇଞ୍ଜାଁ ଏଦି ବାଂଗାରା ଅଡେ ଗାଡ଼ି ଦାରାଗାଟି ମଣି, ମୁଞ୍ଜା ତଲେ ସାଜୁ ଆହାମାଚେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଣ୍ଡୁ ଇଞ୍ଜାଁ ଦାରିକାମା କିନି ଲାଗେଏଡି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାଚେ ।

୫ ଏଦାନି ମୁଞ୍ଜୁତା ଡୁଗାମାନି ର ଦରୁ ରାସ୍‌କି ଆହାମାଚେ, “କାଜା ଗାଡ଼ା ବାବିଲନ ଦାର୍‌ତିତି ବାରେ ଦାରି ଇଞ୍ଜାଁ ଅପାଆଗାଟି କାମାଟି ତାଲି ।”

୬ ନାନୁ ଅଡେ ମେସ୍ତେସ୍, ଏ ଆୟାଟି ମାହାପୁରୁ ଲକୁ ଇଞ୍ଜାଁ ଜୀସୁ ଡାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକୁଡି ନେତେରି ଗସାନା ହଡ଼ାମାଚେ । ନାନୁ ଏଦାନି ମେସାନା ହାରେକା କାବା ଆଡେସ୍ ।

୭ ଅଡେ ଦୁତୁ ନାଙ୍ଗେ ଏଲେଇଞ୍ଜାତେ, “ଏନାଆଁତାକି କାବା ଆହିମାଞ୍ଜି? ନାନୁ ଏ ଆୟାଟି ଅଡେ ସାତା ଗଟା ତାର୍କା ଇଞ୍ଜାଁ ଦସଗଟା କମ୍‌କା ଗାଟି ଏଦାଣି ଡେକାମାନି ଜନ୍ତୁଟି ଡୁଗାମାନି କାତା ନାନୁ ନିଙ୍ଗେ ଝେସିମାଞ୍ଜାଲ୍, ଝେନାମୁ ।

୮ \*ଜନ୍ତୁ ର ଦିନା ନୀଡ଼ାମାଚେ; ନୀସ୍ ଅଡେ ନୀଡ଼ାହିଲେଏ, ସାମା ତବେ ତାଡେପୁରୁଟି ନିଙ୍ଗା ଖାନ୍‌ନେ ଇଞ୍ଜାଁ ଅର ଦେବା ନାସା ଆଡେନ । ଦାର୍‌ତି ଗାଡ଼ି ଆଡ଼ି ନକେଏ ଆମ୍ବାଆରି ଦରୁ ଜୀଝୁଟି ପତିତା ରାସ୍‌କି ଆହାହିଲେଏ, ଦାର୍‌ତିତା ବାସାଆହାମାନି ବାରେ ଲକୁ ଜନ୍ତୁଲ୍ ମେସାଁ କାବାଆଡେନରି । ଏଦି ର ଦିନା ନୀଡ଼ାମାଚେ, ନୀସ୍ ଅଡେ ହିଲେଏ, ସାମା ଅଡେ ର ଦେବା ତଞ୍ଜାଆଡେନ ।”

୯ “ଇ ବାରେ କାତା ତେଲ୍‌ହାଲି ତାକି ବୁଦି ଲଡ଼ାମାନେ । ଜନ୍ତୁଟି ସାତାଗଟା ତାର୍କା ସାତେଏ ସାତାଗଟା ହରକା, ଆମିନି ଲାକ ଆୟାଟି କୁଗାମାନେ । ଏଝି ଜିକେଏ ସାଡ଼ା ଜାଣା ରାଜାୟାଁ ଲେହେଁ ।

୧୦ ଏଝାରି ବିଡ଼ାଟି ପାସାଜାଣା ମେଣ୍‌ଜା ହାଜାମାନେରି, ନୀସ୍ ରଅସି ମାନେସି, ଅଡେ ରଅସି ନୀସ୍ ପାତେକା ଖାହାହିଲଅସି, ଏଝାସି ଖାଡ଼ିସାରେ ଗାଡେକା ତାକିଏ ସାଲ୍‌ଝି କିନେସି ।

୧୧ ଅଡେ ଆମିନି ଜନ୍ତୁ ର ଦିନା ନୀଡ଼ାମାଚେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟାଁ ବିଡ଼ାଟି ରଅସି ଇଞ୍ଜାଁ ଏଝାସି ଜିକେଏ ତବେ ନାସା ଆଡେନସି ।”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେଁ, ଏଝାରି ନୀସ୍ ପାତେକା ସାଲ୍‌ଝି କିହାହିଲଅରି । ସାମା ଜନ୍ତୁ ତଲେ ସାଲ୍‌ଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହାପ୍‌କିଆଡେନ ।

୧୩ ଏଝାରି ରଣ୍ଡିଏ ଅଣ୍‌ପୁ ତଲେ ମାଞ୍ଜାନା ତାନି ବାଡ଼ୁୟୁ ଅଡେ ଅଦିକାରା ଏ ଜନ୍ତୁକି ହୀନେରି ।

୧୪ ଏଝାରି ମେଣ୍ଡା ତାଲୁ ତଲେ ଜୁଜୁ କିନେରି, ଅଡେ ମେଣ୍ଡା ତାଲୁ ଏଝାରାଲ୍ ଜୀଣା ଆଡେନ, ଇତିହୁଁ ଏଝାସି ପ୍ରବୁ କିହାଁ ପ୍ରବୁ ଅଡେ ରାଜା କିହାଁ ରାଜା, ଅଡେ ଆମିନି ଗାଟାରି ଏଝାଣିତଲେ ମାନେରି ଏ ହାଡ଼ାମାନାରି, ଆଡ଼ାମାନାରି ଅଡେ ନାମୁଗାଟାରି ଜିକେଏ ଜୀଣା ଆଡେନରି ।”

୧୫ ଦୁତୁ ନାଙ୍ଗେ ଅଡେ ଏଲେଇଞ୍ଜାତେ, “ନୀନୁ ଆମିନି ଏୟୁଣି ମେସ୍ତି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଚ୍‌କା ଏଚ୍‌କାଟି ଦେସା, କୃଡ଼ା, ଗଟି ଇଞ୍ଜାଁ ହାଡ଼ାଗାଟି କୁଲମି ।

☆ ୧୭:୧୮ ଝେ ବଲୁ ୮:୫; ୧୧:୧୩,୧୯ ☆ ୧୭:୨୦ ଝେ ବଲୁ ୬:୧୪ ☆ ୧୭:୨୧ ଝେ ବଲୁ ୧୧:୧୯ ☆ ୧୭:୩ ଝେ ବଲୁ ୧୩:୧ ☆ ୧୭:୮ ଝେ ବଲୁ ୧୧:୭

୧୬ ନାନୁ ମେସାମାନି ଦସଗଟା କମକା ଇଞ୍ଜା ଏ ଜଡ଼, ଦାରେଣିନି ଅପାଉ; ଏଝି ଏଦାନି ତାଣାଟି ବାରେ ପିସ୍‌ପିକିହା ଅହାନା ନାଗ୍ରା କିହାନା ପିହ୍‌ନୁ । ଏଝି ଏଦାନି ଉଙ୍ଗା ତିଞ୍ଜାନା ହିରୁତା ହୁଡାନା ନାସା କିନ୍ନୁ ।

୧୭ ଏନାଆଁତାକି ଇଚିହ୍‌, ମାହାପୁରୁ ତାନୁ ଅଣ୍‌ପାମାନାଣି କିହାଲିତାକି ଏଞ୍ଜାଆଁତାକି ଇ ଅଣ୍‌ପୁ ହାହାମାନେସି । ଏଝି ରଣ୍‌ସିଏ ମନ ଆହାନା କାମା କିନ୍ନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲଝି କିନି ବଲ୍ଲୁ ଏ ଜଡ଼ କେୟୁତା ପିସାହାନେସି ।”

୧୮ “ଇଞ୍ଜା ଆମିନି ଆୟାଟି ମେସି, ଏଡ଼ି ଆହିମାନେ, ଦାର୍‌ତିତି ରାଜାୟାଣି ସାଲଝି କିହିମାନି ଏ କାଜା ଗାଡ଼ା ।”

### ୧୮

#### ବାବିଲନ ନାସା ଆନାୟି

୧ ଏଚେଟିଏ ନାନୁ ଅଡ଼େ ର ଦୁତୁଇଁ ଲାକପୁରୁତି ରେତା ଝାହିମାତାଣି ମେସ୍‌ସେଏ; ଏଝି କାଜା ଅଦିକାରା ଗାଟାୟି, ତାନି ଗାଝୁରମି ତାକି ଦାର୍‌ତି ବାରେ ଉଜେଡ଼ି ଆହାହାଚେ ।

୨ \*ଏଡ଼ି କାଜା ହାଡ଼ାତଲେ କାଲୁଝି ଆହ୍‌ ଏଲେଇଚେ, “କାଜା ଗାଡ଼ା ବାବିଲନ ମେଶଙ୍ଗିଚେ ! ଏଡ଼ି ବାରେ ମେଶଙ୍ଗିଚେ ! ଏଡ଼ି ବୁଡୁୟାଁ ବାସାଟାୟୁ ଅଡ଼େ ପଲ୍ଲୁଆ ଜୀଝୁୟାଁ ଅଡ଼େ ପଲ୍ଲୁଆ କାମାୟାଁ, ଇଞ୍ଜା ଅପାଆଗାଟି ପଟାୟାଁତି ବାସାଟାୟୁ ଆହାମାନେ ।

୩ ଇଚିହ୍‌ ବାରେ ଜାଡ଼ିତାରି ତାନି ଦାରି କାମାଲେହେଡ଼ି କାଡୁ ଗସାମାନେରି, ଦାର୍‌ତିତି ରାଜାୟାଁ ତାନିତଲେ ଦାରିକାମା କିହାମାନେରି, ଅଡ଼େ ଦାର୍‌ତିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି ।”

୪ ଏଚେଟିଏ ନାନୁ ଲାକପୁରୁତି ଅଡ଼େ ର ହାଡ଼ା ଏଲେ ଇଞ୍ଜିମାନାଣି ଝେଚେଏ, “ଏ ମା ଲକୁଚେରି ! ଏଦାଆଁତାକି ଏଦାନି ତାଣାଟି ହଡ଼ା ଝାଡୁ !

ମୀରୁ ଏନିକ୍‌ ଏଦାନି ପାପୁତା ଆଣ୍‌ଅଡ଼େରି;

ଇଞ୍ଜା ତାନି ଡ଼ଣ୍ଡୁତି ବାଗା ବେଟାଆଅଡ଼େରି;

୫ ଏନାଆଁତାକି ଇଚିହ୍‌ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ, ଅଡ଼େ ଏଡ଼ି କିହାମାନି ଲାଗେଏତି କାମା ମାହାପୁରୁ ମନତା ଅଣ୍‌ପାମାନେସି ।

୬ ଏଡ଼ି ମିଙ୍ଗେ ଏନି କିହାମାଞ୍ଜାନେ ଏଲେକ୍‌ ମୀରୁ ଏଦାନାକି କିଦୁ;

ତାନି କିହାମାନାଣି କିହାଁ ରୀ ଗୁଣ୍ଡୁ ଝେଟ୍‌ଦୁ,

ଏଡ଼ି ଆମିନି ସଲ୍ଲାତା କାଡ଼ୁ ଅୁଆହାମାନେ,

ଏମ୍‌ଆଁ ରୀ ଗୁଣ୍ଡୁ କାଡ଼ୁ ତାନି ସଲ୍ଲାତା ଆଟ୍‌ଦୁ ।

୭ ଏଡ଼ି ଏଚେକା ତାନି ଗାଝୁରମି କିହାମାନେ ଅଡ଼େ ବଡ଼ପଣ ତଲେ ମାଞ୍ଜାମାନେ,

ଏଲେକ୍‌ ଏଦାନାକି ଦୁକୁ କସ୍‌ ହୀଦୁ;

ଏନାଆଁତାକି ଇଚିହ୍‌ ଏଡ଼ି ଜାହାରାଇଁ ମନତା ଝେସା କଡ଼ିମାନେ,

‘ନାନୁ ରାଣି ଆହାଁ କୁଗାମାଇଁ,  
ନାନୁ ରାଣ୍‌ଣିତେଏଁ ଆଏ,  
ନାଙ୍ଗେ ଏଚେଲାଞ୍ଜା ଦୁକୁ କିହାଲି ଆଏ ।’

୮ ଇଦାଣିତାକି ର ଦିନା ବିତ୍ରା ତଣ୍ଡୁ ପାଣ୍‌ନେ,  
ଇଚିହ୍‌ ହାକି, ଡ଼ାକି, ଅଡ଼େ କାରଝୁ ଆନେ,

ଅଡ଼େ ଏଡ଼ି ହିରୁତା ଝେହାହାନେ,  
ଇଚିହ୍‌ ଏଦାନି ନାହାଁୟି କିନାସି ପ୍ରୁ ମାହାପୁରୁ ବାରେ ବାଡ଼ୁୟୁ ଗାଟାସି ।”

୯ ଦାର୍‌ତିତି ବାରେ ରାଜାୟାଁ ତାନିତଲେ ଦାରିକାମା କିହାନା ରାହାଁଟି ନୀତାମାନେରି, ଏଞ୍ଜାରି ଏଦାନି ହୁଡ଼ିମାନି ହିରୁ ବୟ୍‌ ମେହ୍‌ନେରି, ଇଞ୍ଜା ଏଦାନି ତାକି ଦୁକୁ ଆହାଁ ଡ଼ୀନେରି;

୧୦ ଏଞ୍ଜାରି ଏଦାନି କାକୁଲିଟି ଆଜିତାକି ହେକ ନିତାନା ଏଲେଇନେରି, “ଆୟଡ଼ା, ଆୟଡ଼ା, କାଜା ଗାଡ଼ା, ବାଡ଼ୁୟୁ ଗାଟି ଗାଡ଼ା ବାବିଲନ ନୀନୁ ବାକା ପଣ୍‌ନାତି, ଇଚିହ୍‌ ରଣ୍‌ସିଏ ଗଂଟା ବିତ୍ରା ନୀ ତଣ୍ଡୁ ଝାଡ଼େ !”

୧୧ ଅଡ଼େ ଦାର୍‌ତିତି ବେବାରା ଗାଟାରି ଏଦାନି ତାକି ଦୁକୁ ଆହାଁ ଡ଼ୀନେରି, ଏନାଆଁତାକି ଇଚିହ୍‌ ଆମ୍‌ଆରି ଏଞ୍ଜାରି ପାର୍‌ନି ଦିଶ୍‌ସୁ କଡ଼ଅରି,

୧୨ ଇଚିହ୍‌ ବାଂଗାରା, ଝେଣ୍ଡି, ଦାରା ଗାଟି ମଣି ଅଡ଼େ ମୁଲ୍‌ୟାଁ, ସିଲକୁ ହିମ୍‌ରିକା, ହେୟାଁ ଝାଣାଗାଟି ହିମ୍‌ରିକା, ପାରୁ ହିମ୍‌ରିକା, ଏଟ୍‌କା ଏଟ୍‌କାତି ଅଜିତି ହିମ୍‌ରିକା, ଚନ୍‌ନ ଇଞ୍ଜା ଏଦାନି ଲେହେଡ଼ି ଗାନ୍‌ଗାଟି ମାରୁକା, ହାତି ପାଲ୍‌କା, ଦାରା ଗାଟି ଝେସ୍‌କା, ପିତାଡ଼ା, ଲହ୍‌, ଅଜିତି ଡ଼ସୁପା ଝାଲ୍‌କାତଲେ କେପିତି ବାରେ ଆସ୍ତି ।

୧୩ ଡ଼ାକ୍‌ନି ସାଲ୍‌, ଗାନ୍‌ଗାଟି ଆସ୍ତି, ଦୁପ୍‌ଣି, ଗାନ୍‌ଗାଟି ରୁବିନି ନିୟୁଁ, ଗାନ୍‌ଗାଟି ଦୁପ୍‌ଣି, କାଡୁ ନିୟୁଁ, ଗୁଣ୍ଡା, ଗହ୍‌, କଡ଼ିୟାଁ, ମେଶ୍‌ୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲ୍‌ୟାଜା, ଅଡ଼େ ମାଣ୍‌ସିୟାଁତି ଜୀଝୁ ।

୧୪ “ନୀ ଜୀଝୁତି ଜୁପକା ଗାଟି ଅଣ୍‌ପୁତି ପାଡ଼େୟିକା ନୀ ତାଣାଟି ମେଶଙ୍ଗା ହାଡୁ, ଅଡ଼େ ବାରେ ଡ଼ାକ୍‌ନାୟି, ରାହାଁତି ବାରେ ନୀ ତାଣାଟି ଏଟ୍‌କା କିଝି ଆହାଁ ନାସା ଆହାମାନେ, ଅଡ଼େ ଏଚେଲାଞ୍ଜା ଏ ବାରେ ମେଡ଼ା ଆୟେଏ !”

୧୫ ଇ ବାରେ ଦିଶ୍‌ସୁତି ବେବାରା କିନାରି ଏ କାଜା ଗାଡ଼ା ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜାରି ଏଦାନି କସ୍‌ତି ଆଜିତାକି ହେକ ନିତାନା ଦୁକୁ ତଲେ ଡ଼ୀହ୍‌ ଏଲେଇନେରି ।

୧୬ “ଆୟଡ଼ା ! କାଜା ଗାଡ଼ାତି ! ନିଙ୍ଗେତାକି ଏଚେକା ଆଜିହ୍‌ପେତି କସ୍‌ ଝାଡ଼େ, ନୀନୁ ଅଜିତି ହିମ୍‌ରିକା, ହେୟାଁ ଝାଣାଗାଟି ହିମ୍‌ରିକା, ପାରୁ ହିମ୍‌ରିକା ହୁଟାମାଟି, ଅଡ଼େ ବାଂଗାରା, ଦାରାଗାଟି ମଣି ଇଞ୍ଜା ମୁଲ୍‌ୟାଁ ତଲେ ମିଶ୍‌ସି ମାଟି ସାଜୁୟାଁ ତୁରହାମାଟି !

୧୭ ଇଚିହ୍‌ ରଣ୍‌ସିଏ ଗଂଟା ବିତ୍ରା ଏ ବାରେ ଦନ ମେଶଙ୍ଗାହାଚେ ।

ଏୟ ଜାଜାୟାଁ ସାଲୁଝି କିନାରି ଏମ୍‌ଆଁ କୁଗାମାନାରି ତଂଗାଁୟାଁ ସାଲୁଝି କିନାରି ଇଞ୍ଜାଁ ସାମ୍‌ଦୁରିତା ଇତାଲା ଆତାଲା ରେଜିହ୍‌ ବେବାରା କିନାରି ହେକ ନିତାନା,

୧୮ ଏ ଗାଡ଼ାତି ହୁଡ଼ିମାନି ହିରୁ ବୟ୍‌ ମେସାନା କାଜା ଗିୟାଁତଲେ ଏଲେଇନେରି, ଇ କାଜା ଗାଡ଼ା ଲେହେଁ ଆମିନି ଗାଡ଼ାମାନେ ।

୧୯ ଏଝାରି ତାନି ତାକାଁ ଲାକ ଦୂଡ଼ି ଡ଼ାଞ୍ଜା କତାନା ଦୁକୁ ତଲେ ଡ଼ାହି ଡ଼ାହିଁ ଏଲେଇଚେରି, ଆୟତା ଏ କାଜା ଗାଡ଼ାତି, ନିଙ୍ଗେ ଏଚେକା ଆଜିହ୍‌ପତି ତଣ୍ଡ ଆଡ଼େ, ନୀ ବାଡ଼କୁ ତଲେ ସାମ୍‌ଦୁରିତି ଜାଜାଣା ରେଜିହ୍‌ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିଡ଼ା ଏ ବାରେ ମେଣ୍‌ଜାହାଚେ !”

୨୦ ଲାକପୁରୁ, ମାହାପୁରୁ ଲକୁ, ପାଣ୍ଡୁଝି ଆହାମାନାଚେରି, ମାହାପୁରୁ ଅଣ୍‌ପୁଡ଼ି ବଲ୍ଲୁ ଝେହ୍‌ନାଚେରି ! ମୀରୁ ଏଦାନି ନାସା ଆନାଣି ତାକି ରାହାଁ ଆଦୁ, ଏନାଆଁତାକି ଇଚିହ୍‌ ମାହାପୁରୁ ମିଙ୍ଗେ କିହା ମାଞ୍ଜାନାଣି ତାକି ବାଦୁଲି ଅହାମାନେସି ।

୨୧ ଏଚେଟିଏ ତାୟୁ ର କାଜା ଦୂଡ଼ୁ, ର ଜେତାଝାଲି ଲେହେଁତି ର ଝାଲି ସାମ୍‌ଦୁରି ଲାକ ମେଡ଼ହାନା ଏଲେଇଚେ, “ଇଲେକ୍‌ କାଜା ଗାଡ଼ା ବାବିଲନ ମେଡ଼ପି ଆନେ, ଅଡ଼େ ଏଡ଼ି ଏଚେଲାଝା ତଞ୍ଜା ଆଏ ।

୨୨ ସେରଙ୍ଗିୟାଁ ଅଡ଼େ ପାଚିନାରି ହାଡ଼ା, ପୀରୁଡ଼ି ଉକିନାରି, ତୀଡ଼ି ଉକିନାରି ହାଡ଼ା ଏଚେଲାଝା ଏଦାନି ତାଣା ଝେଙ୍ଗେଏ, ନେହ୍‌ ନେହ୍‌ ସାଦୁ ଇଞ୍ଜାଁ ଏଚକାତି ଆସ୍ତି କେପିନାରି ନୀ ତାଣା ତଞ୍ଜା ଆଅରି, ଅଡ଼େ ଜେତାଝାଲକା ତଲେ ନୁୟ୍‌ ନାୟି ଏଚେଲାଝା ହାଡ଼ା ଝେଙ୍ଗେଏ ।

୨୩ ଦୀଝିୟାଁତି ଉଜେଡ଼ି ନୀ ତାଣା ଏଚେଲାଝା ଡ଼ାଞ୍ଜେଏ, ବୀହା ଆନି ମାସ୍କା ଅଡ଼େ ବୀହା ଆନି କକାରି ହାଡ଼ା ନୀ ତାଣା ଏଚେଲାଝା ଝେଙ୍ଗେଏ, ଏନାଆଁତାକି ଇଚିହ୍‌ ନୀ ତାଣା ବେବାରା କିନାରି ଦାର୍‌ତିତା କାଜାରି ମାଚେରି, ଅଡ଼େ ନୀ ମାୟାମତ୍ତରତା ବାରେ କୃତାତି ଲକୁ ମୁଞ୍ଜା ହାଜାମାଚେରି !”

୨୪ ଗାଡ଼ାତା ମାହାପୁରୁ ଅଣ୍‌ପୁଡ଼ି ବଲ୍ଲୁ ଝେହ୍‌ନାରି, ମାହାପୁରୁ ଲକୁ, ଇଞ୍ଜାଁ ଦାର୍‌ତିତା ପାୟ୍‌ଝିଆହାମାନି ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ ।

### ୧୯

୧ ଏଚେଟିଏ ଲାକପୁରୁ ର କାଜା ମାନ୍ଦା ଲକୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏ, “ହାଲେଲୁୟା ! ଗେଲ୍‌ପିନି, ଗାଝୁରମି ଅଡ଼େ କାଜାପାଣା ମା ମାହାପୁରୁଝାୟି ।

୨ ଇଚିହ୍‌ ଏଝାଣି ନୀହାଁୟି ସାତା ଅଡ଼େ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍‌ତିତି ଲକୁଣି ପଲ୍‌ଆ କିହାମାଚେ, ମାହାପୁରୁ ଏଦାନି ତଣ୍ଡ ହୀହାନା ତାନି ହଲିୟାଙ୍ଗାଣି ପାୟିତି ନେଚେରିତି ବାଦୁଲି ଅଡ଼େସି ।”

୩ ଅଡ଼େ ଏଝାରି ରା ପାଲି ଏଲେଇଚେରି “ହାଲେଲୁୟା ! ଏ ଗାଡ଼ା ଝେହିମାନି ବୟ୍‌ କାଲାକାଲାତାକି ହ୍‌ଚେମାନେ ।”

୪ ଏଚେଟିଏ କଡ଼େ ସାରି ଜାଣା ପ୍ରାଚିନାଙ୍ଗା ଅଡ଼େ ସାରିଗଟା ଜନ୍ତୁୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ୍ ହାଲେଲୁୟା !”

### ମେଣ୍ଡା ତାଲୁତି ବୀହା ବଜି

୫ ଏଚିବେଲା ସିଂଗାସାଣିଟି ର ହାଡ଼ା ହଡ଼ାନା ଝେଙ୍ଗିଚେ, “ଏ ମାହାପୁରୁତି ହଲିୟାଙ୍ଗାଚେରି, ଏଝାଣାଇଁ ଆଜିନି କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇଁ ଜହରା କିଦୁ ।”

୬ ଅଡ଼େ ନାନୁ କାଜା ମାନ୍ଦା ଲକୁ ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି ହାଡ଼ା, ଅଡ଼େ ହାଗୁ ଗୁଣ୍‌ହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେଏ, “ହାଲେଲୁୟା ! ଇଚିହ୍‌ ପ୍ରବୁ ମା ବାଡ଼ୟୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି ।

୭ ଝାଦୁ ମାର ରାହାଁ ଆନ, ଇଞ୍ଜାଁ ଏଝାଣି ଗାଝୁରମି ତାକି ଏଝାଣାଇଁ ଜହରା କିନ, ଏନାଆଁତାକି ଇଚିହ୍‌ ମେଣ୍ଡା ତାଲୁତି ବୀହା ଆନି ଦିନା ଏଦାଚେୟିଏ, ଇଞ୍ଜାଁ ଏଝାସି ବୀହା ଆନି ମାଙ୍ଗା ତିୟାରା ଆହାମାନେ ।

୮ ଏଦାନାକି ମୁହ୍‌ନି ଅଡ଼େ ଅପ୍‌ନି ହିମ୍‌ବି ହୁଚାଲି ହୀପକି ଆଡୁ;” ଏ ଦବ୍‌ଲା ହିମ୍‌ବି ଇଚିହ୍‌ ମାହାପୁରୁ ଲକୁତି ଦାମ୍‌ କାମାୟାଁ ।

୯ ଏଚିବେଲା ଦୂଡ଼ୁ ନାଙ୍ଗେ ଏଲେଇଞ୍ଜାଚେ, “ରାଚାମ୍, ଆମିନି ଗାଚାରି ମେଣ୍ଡା ତାଲୁତି ବୀହା ବଜିତା ହାଚ୍‌କି ଆହାମାନେରି, ଏଝାରାକି ନେହେଁ ।” ଅଡ଼େ ଏଡ଼ି ନାଙ୍ଗେ ଏଲେଇଞ୍ଜାଚେ, “ଇ ବାରେ ମାହାପୁରୁତି ସାତା ବଲ୍ଲୁ ।”

୧୦ ଏଚେଟିଏ ନାନୁ ଏଦାନି ଜହରା କିହାଲି ତାନି କତାୟାଁ ଡ଼ଇ ରୀଚେଏ, ଏଚେଟିଏ ଏଡ଼ି ନାଙ୍ଗେ ଏଲେଇଞ୍ଜାଚେ, ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡ଼େ ମୀ ସାକି ଇଞ୍ଜାଁ ମୀ ତାୟିୟାଁ ତଲେ ର ହଲେଏଣା ଲେହେଁ; ନୀନୁ ମାହାପୁରୁଇଁ ଜହରା କିମ୍, ଜୀସୁତି ସାକି ଏଡ଼ି ସାତା, ମାହାପୁରୁ ବଲ୍ଲୁ ଝେହ୍‌ନାରି ଜୀସୁ ।

### ଦବ୍‌ଲା ଗଡ଼ା ମୁହେଁ କୁଗାମାନସି

୧୧ ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେଏ, ଏମ୍‌ଆଁ ର ଦବ୍‌ଲା ଝାଣାଗାଟି ଗଡ଼ା ମାଚେ, ଏମ୍‌ଆଁ ହଡ଼ାମାନାଣି ଦରୁ ନାମାତାୟି ଅଡ଼େ ସାତାତାୟି; ଏଝାସି ନେହ୍‌କ୍‌ ନୀହାଁୟି କିନେସି, ଅଡ଼େ ଜୁଜୁ କିନେସି ।

୧୨ ଏଝାଣି କାଣ୍‌କା ହିରୁ ଗୁଦ୍‌ଝା ଲେହେଁତାଇ, ତାନି ତାୟ୍‌ ଡ଼ା ହାରେକା ଟପେରିକା, ଅଡ଼େ ଏଝାଣି ର ଦରୁ ରାସ୍କି ଆହାମାନେ, ଏ ଦରୁ ଏଝାଣି ପିସ୍‌ପେ ଆମ୍‌ଆରି ପୁନଅରି ।

☆ ୧୯:୯ ମାତି ୨୨:୨,୩

୧୩ ଏଝାସି ନେତେରିତା ଉତ୍‌ହା ମାନି ର ହିମ୍ବରି ହୁତାମାନେସି, ଇଞ୍ଜା ଏଝାଣି ଦରୁ “ମାହାପୁରୁତି ବଲ୍ଲୁ ।”

୧୪ ଲାକପୁରୁତି ଜୁଜୁ କିନାରି ଅପ୍‌ନି ଦବଲ୍ଲା ହିମ୍ବରିକା ହୁତାନା ଦବଲ୍ଲା ଖାଣା ଗଡ଼ାୟାଁ ଲାକ କୁଗାନା ତାନି ଜେତ ହାତେ ।

୧୫ ☆ଏଝାଣି ଗୁଡିଟି ଖାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକ୍‌କୁଇଁ ଚୁଣ୍ଡନେସି; ଏଝାସି ଏଝାରାଇଁ ଲହ ବାଡ଼ଗା ତଲେ ସାଲ୍‌ଝି କିନେସି, ଅଡ଼େ ଏଝାସି ତାନ୍‌ଏ ବାରେ ବାଡ଼ମୁଗାଟି ମାହାପୁରୁ କାଜା କପା ଲେହେତି ଅଙ୍ଗୁରି ପାଡ଼େୟିକା ପାଟିନି ଗାଡ଼ମୁତା ମାନି ପାଡ଼େୟିକା ଝିହନେସି ।

୧୬ ଏଝାଣି ହିମ୍ବରିତା ଅଡ଼େ ଏଝାଣି କୁଦଗୁତା ଇ ଦରୁ ରାସ୍‌କି ଆହାମାନେ, “ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ ।”

୧୭ ଏଚେଟିଏ ନାନୁ ର ଦୁତୁଇଁ ଝେଡ଼ା ଲାକ ନିଚାମାନାଣି ମେସ୍‌ସେଏଁ; ଏଡ଼ି ହାଗୁତି ମାଦି ଉମ୍‌ମାନି ବାରେ ପଟାୟାଁଣି କାଜା ହାଡ଼ାତଲେ ହାଟାନା ଏଲେଇଚେ, “ଝାତୁ ମାହାପୁରୁତି କାଜା ବଜିତା କୁଡ଼ା ଆଦୁ !

୧୮ ଏନିକିଁ ମାରୁ ରାଜାୟାଁ, ଜୁଜୁ ତାକି କାଜାରି, ବାଡ଼ମୁ ଗାଗାରି, ଗଡ଼ାୟାଁ ଅଡ଼େ ଗଡ଼ା ଲାକ କୁଗାମାନାରି, କଡ଼ାମାନି ହଲିୟାଙ୍ଗା, ହଲିୟାଙ୍ଗା ଆଆତାରି, କାଜାରି ଅଡ଼େ ଇଚାରି ବାରେତି ଉଙ୍ଗା ତିଞ୍ଜେରି !”

୧୯ ତାୟୁ ନାନୁ ଜନ୍ତୁତି ଅଡ଼େ ଦାର୍‌ଡିତି ରାଜାୟାଁଣି ଅଡ଼େ ଏଝାରି ଜୁଜୁ କିନାରାଇଁ, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜା ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସ୍‌ସେଏଁ ।

୨୦ ଏ ଜୁଜୁତା ଜନ୍ତୁ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରୀସ୍‌ଇଁ ଆସାନା ଦସ୍‌ପିଆଡେ । ଆମିନି ଲକ୍‌କୁତାଣା ଏ ଜନ୍ତୁତି ସିନା ମାଚେ ଇଞ୍ଜା ଆମ୍ବାଆରି ଏଦାନି ବମାତି ପୂଜା କିହିମାଚେରି, ଜନ୍ତୁ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହିମାଚେ । ଜନ୍ତୁ ଇଞ୍ଜା ନାଡ଼ିକିନି କ୍ରୀସ୍‌ଇଁ ଡ଼ାଞ୍ଜିମାନି ହିରୁତା ଜୀଝୁତଲେ ମେଡ଼ପିଆଡେ ।

୨୧ ଅଡ଼େ ଏଚେକା ଡ଼ୟିତି ଲକ୍‌କୁ ଗଡ଼ା ଲାକ କୁଗାମାନାଣି ଗୁଡିଟି ହଡ଼ିମାନି କାଣ୍ଡାତଲେ ପାୟିଝିଆଡେରି; ଏଚେଟିଏ ବାରେ ପଟାୟାଁ ଏଝାରି ଉଙ୍ଗା ତିଞ୍ଜାନା ବାଣ୍ଡି ପାଞ୍ଜିତୁ ।

# ୨୦

## ର ମାଣା ବାର୍‌ସାତି ରାଜି କିନାୟି

୧ ଏଚେଟିଏ ନାନୁ ର ଦୁତୁଇଁ ଲାକପୁରୁତି ରେଚା ଝାହିମାଚାଣି ମେସ୍‌ସେଏଁ, ଏଦାନି କେୟୁତା ତାଡ଼େପୁରୁ ଗାଡ଼ମୁତି କୁଟିକାଡ଼ି ଅଡ଼େ ର କାଜା ହିକ୍‌ଣି ମାରୁ ।

୨ ଏଡ଼ି କାଜା ରାଚୁତି, ଏ ପ୍ଲାଃଇ ନାଗା, ଇଚିହଁ ଦିୟାବଲ ଅଡ଼େ ସୟତାନତି ଆସାନା ର ମାଣା ବାର୍‌ସା ପାତେକା ଦସ୍‌ପା ଇଚିତେ ।

☆ ୧୯:୧୫ ଝେ ବଲ୍ଲୁ ୧୪:୨୦

୩ ଅଡ଼େ ଏଦାନି ତାଡ଼େପୁରୁ ଗାଡ଼ମୁତା ମେଡ଼ହାନା ଗାଡ଼ମୁତି ଦୁଝେରି ସୁଣ୍ଡାନା ଏଦାନି ଲାକ ହାକିତି ସାଲି ଝେଡେ, ଇଞ୍ଜା ଏନିକିଁ ଏଡ଼ି ର ମାଣା ବାର୍‌ସା ରାଆ ପାତେକା ଦେସାତି ଲକ୍‌କୁଣି ନାଡ଼ି କିହାଲି ଆଡେଏ; ଅଡ଼େ ତାୟୁ ଗାଡ଼େକା ତାକି ପିସ୍‌ପି କିୟାଲି ଆନେ ।

୪ ଏଚେଟିଏ ନାନୁ ଏଚରଗଟା ସିଂଗାସାଣିୟାଁ ମେସ୍‌ସେଏଁ, ଏ ବାରେ ଲାକ ଏଚରଜାଣା କୁଗିଚେରି, ଏଝାରାକି ନାହାଁୟି କିହାଲି ଅଦିକାରା ହାପ୍‌କିଆଡେ, ଅଡ଼େ ଜୀସ୍‌ପି କାତା ଇଞ୍ଜା ମାହାପୁରୁତି ବଲ୍ଲୁ ତାକି ଆମ୍ବାଆରି ତାର୍‌କା ଦାପି ଆହାମାରୁ, ଇଞ୍ଜା ଆମ୍ବାଆରି ଏ ଜନ୍ତୁ ଅଡ଼େ ତାନି ବମାତି ଜହରା କିହାଁ ହିଲାଆତେରି ଅଡ଼େ ତାନି ସିନାତି ମୁଞ୍ଜୁତା କି କେୟୁତା ବେଟାଆହା ହିଲାଆତେରି, ଏଝାରି ଜୀଝୁୟାଁ ମେସ୍‌ସେଏଁ; ଏଝାରି ଝେଣ୍ଡେ ନୀତାନା କ୍ରୀସ୍‌ପୁ ତଲେ ର ମାଣା ବାର୍‌ସା ପାତେକା ସାଲ୍‌ଝି କିଚେରି ।

୫ ଅଡ଼େ ଏଚେକା ହାଡ଼ି ଲକ୍‌କୁ ଏ ର ମାଣା ବାର୍‌ସା ରାଆ ପାତେକା ନୀତାଆତେରି, ଇଦିଏ ତଲିତି ହାକିତି ନିଞ୍ଜିନାୟି ।

୬ ଆମ୍ବାଆରି ମୁଲୁ ଝେଣ୍ଡେ ନିଞ୍ଜିନି ତାଣା ଆଣ୍ଡିନେରି ଏଝାରି ନେହେଁ, ଅଡ଼େ ଏଝାରି ସୁଦୁଗାଟାରି; ଅଡ଼େ ଏଝାରି ମୁହେଁ ତାୟୁତି ହାକିତି ଏଡ଼ି ଅଦିକାରା ହିଲେଏ, ସାମା ଏଝାରି ମାହାପୁରୁ ଅଡ଼େ କ୍ରୀସ୍‌ପି ପୂଜେରାଙ୍ଗା ଆହାନା ଏଝାଣିତଲେ ର ମାଣା ବାର୍‌ସା ପାତେକା ସାଲ୍‌ଝି କିନେରି ।

## ସୟତାନତି ହାର୍‌ଝି ଆନାୟି

୭ ଏ ର ମାଣା ବାର୍‌ସା ରାଡ଼ିସାରେ ସୟତାନ ଦସ୍‌ପି ଆହାମାତି ଇଲୁଟି ପିସ୍‌ପି ଆନେ ।

୮ ଏଚେଟିଏ ସୟତାନ ଦାର୍‌ଡିତି ସାରିସୁଟୁ ମାନି ଦେସାତାରାଇଁ ଇଚିହଁ ସାମ୍‌ଦୁରିତି ବାଃଲି ସମାନା ହାରେକା ଗଗ ଅଡ଼େ ମେଗଗ୍ ଏଝାରାଇଁ ନାଡ଼ିକିହାନା ଜୁଜୁ ତାକି କୁଡ଼ିକିହାଲି ହଟାହାନେ ।

୯ ଏଝାରି ଦାର୍‌ଡିତି ସାରିସୁଟୁ ହାଜାନା ମାହାପୁରୁ ଲକ୍‌କୁ ବାସାଆନି ତାଣା ଅଡ଼େ ମାହାପୁରୁ ଜୀଝୁ ନହାଁମାନି କାଜା ଗାଡ଼ାତା ମୁଚିଚେରି, ଏଚିବେଲ୍ଲା ଲାକପୁରୁତି ହିରୁ ରିହାନା ଏଝାରାଇଁ ନାସା କିଚେ ।

୧୦ ଆମିନି ସୟତାନ ଏଝାରାଇଁ ନାଡ଼ି କିହିମାଚେ, ଏଦାନି ହିରୁ ଅଡ଼େ ଗାନ୍ଧାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ମୁତା ମେଡ଼ପିଆଡେ, ଏମ୍ବାଆଁ ଏ ଜନ୍ତୁ ଇଞ୍ଜା ମାହାପୁରୁ ବଲ୍ଲୁ ମିଚି ଝେହ୍‌ନସି ଜିକେଏ ମାନେସି; ଅଡ଼େ ଏଝାରି ଏମ୍ବାଆଁ ଲାଆଁ ମାଦେନା କାଲ୍ଲାକାଲ୍ଲା ତାକି ଡ଼ଣ୍ଡ ବେଟାଆନେରି ।

## ରାଜି କାଲାତି ନାହାଁୟି

୧୧ ଏଚେଟିଏ ନାନୁ ର କାଜା ଦବଲ୍ଲା ସିଂଗାସାଣି ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍‌ସେଏଁ; ଏଝାଣି ନକିଟି ଦାର୍‌ଡି ଅଡ଼େ ହାଗୁପାକା ହଟାଡୁସ୍‌ସୁ ଏଝାସିକାକି ଅଡ଼େ ଟାୟୁ ମେଡ଼ା ଆଆଡେ ।

୧୨ ଅଡ଼େ ନାନୁ ଇଚାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିତା ନିଚାମାନାଣି ମେସ୍‌ସେଏଁ, ଅଡ଼େ ପତିୟାଁ

ବାରେ ଦେପିଆଡ଼ୁ; ତାମ୍ଭୁ ଜୀଝୁପତି ଇଞ୍ଜି ଅଡ଼େ ର ପତି ଦେପିଆଡ଼େ; ଏ ପତିଣା ରାସ୍‌କି ଆହାମାନି ଲେହେଁ ହାଡ଼ାରି ତାନି କିତି କାମା ଲେହେଁ ନାହାଁୟି କିଝି ଆଡ଼େରି ।

୧୩ ସାମ୍‌ଦୁରି ତାନିତାଣାଟି ହାଡ଼ାରାଇଁ ହେରପିଡେ, ଇଞ୍ଜା ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାଇଁ ହେରପିଡ଼ୁ; ଇଞ୍ଜା ଏଝାରି ବାରେ ତାନି କିତି କାମା ଲେହେଁ ନାହାଁୟି କିଝି ଆଡ଼େରି ।

୧୪ ଏଚେଟିଏ ହାକି ଅଡ଼େ ତାଡ଼େପୁରୁତି\* ହିରୁତଲେ ଡ଼ାଞ୍ଜିମାନି ଗାଡ଼ୁତା ମେଡ଼ପିଆଡ଼େ, ଇ ତାମ୍ଭୁତି ହାକି ଇଚିହିଁ ହିରୁ ଗାଡ଼ୁତା ।

୧୫ ଆମ୍‌ଆରି ଦରୁ ଜୀଝୁତି ପତିତା ରାସ୍‌କି ଆହା ହିଲାଆଡେ ଏଝାରିଆଁ ଡ଼ାଞ୍ଜିମାନି ହିରୁ ଗାଡ଼ୁତା ମେଡ଼ପିଆଡ଼େ ।

### ୨୧

#### ପୁଃନି ହାଗୁପାକା ଅଡ଼େ ପୁଃନି ଦାରତି

୧ ☆ଏମ୍‌ାଟିଏ ନାନୁ ର ପୁଃନି ହାଗୁପାକା ଅଡ଼େ ପୁଃନି ଦାରତି ମେସ୍‌େସ୍‌, ଇଚିହିଁ ତଲିତି ହାଗୁପାକା ଅଡ଼େ ତଲିତି ଦାରତି ମେଶ୍‌କା ହାଜାମାରେ, ଇଞ୍ଜା ସାମ୍‌ଦୁରି ଅଡ଼େ ହିଲାଆଡେ ।

୨\*ଅଡ଼େ ନାନୁ ସୁଦୁ ଗାଡ଼ା ଇଚିହିଁ ପୁଃନି ଜିରୁସାଲମତା ତାନି ବାହା ଆନି ତକ୍‌ାଇଁ ବେଟାଆୟାଲି ତିୟାରା ଆହାମାନି ଡ଼ାଆ ମାକ୍‌ଲେହେଁ ଲାକପୁରୁଟି ମାହାପୁରୁ ତାଣାଟି ରେଟାଝାହି ମାଟାଣି ମେସ୍‌େସ୍‌ ।

୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଟାଣି ଝେଚେସ୍‌, “ମେହ୍‌ଦୁ ମାଶ୍‌ସିୟାଁ ତାଣା ମାହାପୁରୁତି ବାସାଟାମ୍ଭୁ ମାନେ, ଏଝାସି ଏଝାରିତଲେ ବାସା ଆନେସି, ଇଞ୍ଜା ଏଝାରି ଏଝାଣି ଲକୁ ଆନେରି,

୪ ଅଡ଼େ ମାହାପୁରୁ ତାନୁଏ ଏଝାରିତଲେ ଡ଼ୟିନେସି, ଇଞ୍ଜା ଏଝାରି କାନୁତି ବାରେ କାଣ୍ଡୁ କ୍‌ଜେଜାତୁହନେସି; ଏମ୍‌ାଆଁ ହାକି ଅଡ଼େ ଝାଏ; ଦୁକୁ, ଡ଼ାକି, ଇଞ୍ଜା ବାସା ଅଡ଼େ ଡ଼ୟେଏ; ଇଚିହିଁ ପୁଃଆୟି ବାରେ ମେଶ୍‌କା ହାଜାମାନେ ।”

୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍‌ନୁ ନାନୁ ବାରେ ପୁଃନି କିହିମାଇଁ !” ଅଡ଼େ ଏଝାସି ଏଲେଇଞ୍ଜାଡେସି, “ରାଟାମ୍ଭୁ, ଏନାଆଁତାକି ଇଚିହିଁ ଇ ବାରେ କାତା ସାତାତାୟି ଅଡ଼େ ନାମୁଗାଟାୟି ।”

୬ ଏଝାସି ନାକ୍‌େ ଅଡ଼େ ଏଲେଇଞ୍ଜାଡେସି, “ବାରେ ରାଡେୟିଏ, ନାନୁ ଆଲ୍‌ପା ଅଡ଼େ ଅମେଗା, ମାଟ୍‌ନାଡେସ୍‌ ଅଡ଼େ ରାପ୍‌ନାଡେସ୍‌, ଆମ୍‌ାଆସି ଏସ୍‌କି ଗାଟାସି ଏଝାଣାକି ଜୀଝୁହାନି ଜାରଣାଟି ତାବୁୟାଁ ହାଆନା ଏମ୍ଭୁ ଗସାଲି ହାାଇଁ ।

୭ ଆମ୍‌ାଆସି ଜୀଣା ଆନେସି, ଏଝାସି ଇ ବାରେଡି ଅଦିକାରା ଆନେସି; ନାନୁ ଏଝାଣି ମାହାପୁରୁ ଆଇଁ, ଇଞ୍ଜା ଏଝାସି ନା ମୀରଏସି ଆନେସି ।

୮ ସାମା ଆମ୍‌ାଆରି ଆଜିନାରି, ନାମୁ ହିଲାଆ ଗାଟାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାରୁଡ଼ି କିନାରି, ପେଶକା ବମାୟାଁ ପୂଜା କିନାରି, ଏଝାରି ଅଡ଼େ ବାରେ ମିଟି କାତା ଝେହ୍‌ନାରି, ହିରୁ ଅଡ଼େ ଗାନ୍‌ାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୁତା ଟାମ୍ଭୁ ବେଟାଆନେରି, ଏଦି ତାମ୍ଭୁତି ହାକି ।”

#### ପୁଃନି ଜିରୁସାଲମ

୯ ଏଚେଟିଏ ସାଡ଼ାଗଟା ଦୁଡୁୟାଁ ତାମ୍ଭୁତି ସାଡ଼ାଗଟା ଡ଼ଣ୍ଡୁୟାଁ ଆସାମାନି ସାଡ଼ାଗଟା ଗିନାୟାଣା ସାଡ଼ାଗଟା ଦୁଡୁୟାଁ ବିଡ଼ାଟି ର ଦୁଡୁ ନା ତାଣା ଝାହାନା ଏଲେଇଞ୍ଜାଡେ, “ଇମ୍‌ାଆଁ ଝାମ୍ଭୁ, ବାହା ଆହିମାନି ଡ଼ାଆମାକ୍‌ା ଇଚିହିଁ ମେଶ୍‌ା ତାଲୁତି ତକ୍‌ିନି ନିକ୍‌ା ତସ୍‌ାଇଁ ।”

୧୦ ଏଚେଟିଏ ଏ ଦୁଡୁ ନାକ୍‌େ ସୁଦୁଜୀଝୁ ବାଡ଼ୁତୁଟି ର କାଜାୟି ଅଡ଼େ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍‌ାଡେ, ଏଦି ଲାକପୁରୁଟି ଇଚିହିଁ ମାହାପୁରୁ ତାଣାଟି ରେଟା ଝାହିମାଟେ,

୧୧ ଅଡ଼େ ଏଦି ମାହାପୁରୁଟି ଗାଝୁରମି ତଲେ ମ୍ଭିସିମାଟେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡ଼େ ଝେଡ଼ାତି ଅପ୍‌ନି ଦାପେଣିଲେହେଁ ।

୧୨ ଏଦାନି ସାରିସୁଟୁ ର କାଜାୟି ଅଡ଼େ ପାତାଆଡ଼ି କଟା ମାନେ, ଏମ୍‌ାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁଡୁୟାଁ ଇଞ୍ଜା ଦୁଝେରିକା ଲାକ ଇସାୟେଲ ମୀରକାତି ବାର କୁଡ଼ାତି ଦରକା ରାସ୍‌କି ଆହାମାନେ ।

୧୩ ଝେଡ଼ା ହପୁଝାକି ତାନିଗଟା ଦୁଝେରିକା, ଟିଃନିଝାକି ତାନିଗଟା ଦୁଝେରିକା, ଟେବ୍‌ିଝାକି ତାନିଗଟା ଦୁଝେରିକା, ଅଡ଼େ ଝେଡ଼ା କୁଡ଼ି ଝାକି ତାନିଗଟା ଦୁଝେରିକା ।

୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଟ୍‌କି ଆହାମାନୁ, ଏ ଝାଲ୍‌କା ଲାକ ମେଶ୍‌ା ତାଲୁ ତାଣାଟି ବାରଜାଣା ପାଣ୍ଡୁଝି ଆହାମାନାରି ବାରଗଟା ଦରକା ରାସ୍‌କି ଆହାମାନୁ

୧୫ ନା ତଲେ କାତା ଆହିମାଟି ଦୁଡୁତି କେୟୁତା ଗାଡ଼ାତି, ଇଞ୍ଜା ଏମ୍‌ାତି ଦୁଝେରିକା ଅଡ଼େ ସାରିସୁଟୁଟି କଟା ଲାଟାଲି ର ବାଂଗାରା ବାଡ଼ଗା ମାଟେ ।

୧୬ ଏ ଗାଡ଼ା ସାରି କନ, ତାନି ଲାମ୍‌ା ଅଡ଼େ ଅସାରା ରଣ୍ଡିଏ ସମାନା; ଏଝାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା ଆଡେ; ଏମ୍‌ାତି ଲାମ୍‌ା ଅସାରା ଅଡ଼େ ପାଡ଼ଣି ଜିକେଏ ସମାନା ଆଡେ ।

୧୭ ଅଡ଼େ ତାମ୍ଭୁ ଏଦି ଗାଡ଼ାତି ସାରିସୁଟୁ କଟା ଲାଟାଲିଏ ଏଦି ମାଶ୍‌ସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡେ, ଦୁଡୁ ଏ ଲେକାତଲେ ଲାଟି ମାଟେ ।

୧୮ ଏ ସାରିସୁଟୁଟି କଟା ଝେଡ଼ାତି ଅପ୍‌ନି ଦାପେଣି ଲେହେଁଟି ମଣି ତଲେ କେପି ଆହାମାନେ, ଅଡ଼େ ଗାଡ଼ା ଅପ୍‌ନି ଦାପେଣି ଲେହେଁଟି ସୁଦୁ ବାଂଗାରା ତଲେ କେପି ଆହାମାନେ ।

\* ୨୦:୧୪ ହାଡ଼ାରି ମାନି ଦେସାଡି ☆ ୨୧:୧ ୨ପିତ ୩:୧୩ ☆ ୨୧:୨ ଝେ ବଲ୍ଲୁ ୩:୧୨



୧୯ ଗାଡ଼ାତି ସାରିସୁଟୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଖାଲକାତଲେ ଅଜିକିଝି ଆହାମାନେ, ତଲିତି ପୁନାଦି ଜାସପର, ରୀ ଲମ୍ବର ପୁନାଦି ନିଲକାତମଣି, ତାନି ଲମ୍ବର ପୁନାଦି ବଦୁଜ୍ୟମଣି, ସାରି ଲମ୍ବର ପୁନାଦି ମରକତମଣି,

୨୦ ପାସା ଲମ୍ବର ପୁନାଦି ପଲକମଣି, ସ ଲମ୍ବର ପୁନାଦି ମାଣିକ୍ୟ ମଣି, ସାତା ଲମ୍ବର ପୁନାଦି ପୁସପରାଗମଣି, ଆଟା ଲମ୍ବର ପୁନାଦି ପିରଜମଣି, ନ ଲମ୍ବର ପୁନାଦି ଗମେସଦକ ମଣି, ଦସ ଲମ୍ବର ପୁନାଦି ଇସୁନିୟମଣି, ଏଗାର ଲମ୍ବର ପୁନାଦି ଦାରଣକି ଖାଣାଗାଟି ମଣି, ବାର ଲମ୍ବର ପୁନାଦି ନେହଁ ଗାନ୍ଧାଗାଟି ମଣି ମାରେ ।

୨୧ ବାର ଗଟା ଦୁଝେରିକାଣା ବାରଗଟା ମୁଲ୍ଲାଇଁ, ର ଦୁଝେରିତି ର ମୁଲ୍ଲା ତଲେ କେପି ଆହାମାନୁ; ଅଡ଼େ ଗାଡ଼ାତି ଆଂଗେଣିକା ନେହଁ ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ ।

୨୨ ନାନୁ ଏ ଗାଡ଼ାତା ଏନ୍ ଦେଝୁଡ଼ି ଜିକେଏ ମେହଆତେଏଁ, ଇତିହଁ ପ୍ରବୁ ବାରେ ବାଡ଼ୁୟୁ ଗାଟି ମାହାପୁରୁ ଅଡ଼େ ମେଣ୍ଡା ତାଲୁଏ ଏମ୍ପାତି ଦେଝୁଡ଼ି ସମାନା ।

୨୩ ଉଜେଡ଼ି ତାକି ଏମ୍ପାଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇତିହଁ ମାହାପୁରୁତି ଗାଝୁରମିଏ ଏମ୍ପାଆଁ ଉଜେଡ଼ି କିନେ, ଅଡ଼େ ମେଣ୍ଡା ତାଲୁ ଏମ୍ପାତି ଦୀଝଁ ସମାନା ।

୨୪ ଏମ୍ପାତି ଉଜେଡ଼ି ତଲେ ବାରେ ଦାରତିତି ଲକୁ ତାକିନେରି, ଅଡ଼େ ଦାରତିତି ରାଜାୟାଁ ତାମି ହାରେକା ଦନ ଏ ଗାଡ଼ା ବିତ୍ରା ତାନେରି ।

୨୫ ଏମ୍ପାତି ଦୁଝେରିକା ମାଦେନା ବେଲା ଦେପି ଆହଁ ଡ଼ୟିନୁ; ଏଝି ଏରେଲା ଜିକେଏ ସୁଣୁକି ଆଡ଼, ଇତିହଁ ଏ ଗାମୁତା ଲାଆଁୟାଁ ଇନାୟି ହିଲେଏ ।

୨୬ ବାରେ କୁଡ଼ାତି ଲକୁ ତାମି ଗାଝୁରମି ଅଡ଼େ ହାରେକା ଦନ ଏ ଗାଡ଼ାତା ତାନେରି ।

୨୭ ଏନ୍ ପଲ୍ଲଆ ଗାଟାରି କି ଅପାଆଗାଟି କାମାକିନାରି, ମିତି ଜଲିନାରି ଆମ୍ପାଆରି ଏମ୍ପାଆଁ ହଡ଼ାଲି ଆଡ଼ଅରି; ସାମା ଆମ୍ପାଆରି ଦରୁ ମେଣ୍ଡା ତାଲୁତି ଜୀଝୁତି ପତିତା ରାସ୍‌କି ଆହାମାନେ, ଏଝାରି ହଡ଼ାଲି ଆଡ଼ିନେରି ।

# ୨୨

୧ ଡାୟୁ ଦୁଡୁ ନାଙ୍ଗେ ଜୀଝୁହାନି ଏୟୁତି ର କାଡ଼ା ତସ୍ତାତେସି, ଏଡ଼ି ଅପ୍‌ନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଟାନା ଗାଡ଼ାତି ଜିରୁ ମାଦିଟି ହାଜିମାନେ ।

୨ ଏ କାଡ଼ାତି ରିକଝାକି ବାର ଦେବା ପାଡ଼େୟି ଆୟିନି ଜୀଝୁତି ମାର୍‌ନୁ ମାନେ, ଏମ୍ପାଆଁ ଲେଞ୍ଜୁ ତାକି ଲେଞ୍ଜୁ ପାଡ଼େୟି ଆୟିନେ, ଇଞ୍ଜା ଏ ମାର୍‌ନୁତି ଆକା ବାରେ କୁଡ଼ାତାରାଈଁ ରଗଟି ନେହଁ କିନାଇ ।

✧ ୨୨:୧୩ ଝେ ବଲ୍ଲୁ ୧:୮; ଝେ ବଲ୍ଲୁ ୧:୧୭; ୨:୮

୩ ଏମ୍ପାଆଁ ଏନ୍ ବାକା ଡ଼ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜା ଏଝାଣି ହଲିୟାଙ୍ଗା ଏଝାଣି ସେବା କିନେରି ।

୪ ଏଝାରି ତାନି ମୁମ୍ପୁ ଚୁମହ୍‌ନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଡ଼ିନେସି ।

୫ ଏମ୍ପାଆଁ ଲାଆଁୟାଁ ଆଏ, ଏଝାରାକି ଦୀଝଁ କି ଝେଡ଼ାତି ଉଜେଡ଼ି ଲଡ଼ା ଆଏ, ଇତିହଁ ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲାକାଲା ତାକି ରାଜି କିନେରି ।

## ଜୀସୁ ଝେଣ୍ଡା ଖାନାୟି

୬ ଏରେଟିଏ ଦୁଡୁ ନାଙ୍ଗେ ଏଲେଇରେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣ୍‌ପୁତି ବଲ୍ଲୁ ଝେହନାରି ଜୀଝୁୟାଁତି ମାହାପୁରୁ, ତାନି ଦୁଡୁଇଁ ପାଣ୍ଡାମାଞ୍ଜାନେସି ।”

୭ “ମେହ୍‌ମୁ ନାନୁ ତବେ ଝାହିମାଇଁ; ଆମ୍ପାଆସି ଇ ପତିତି ବଲ୍ଲୁତି ମାନଝି ଆନେସି ଏଝାସି ନେହେଁ ।”

୮ ନାନୁ ଜହନତେଏଁ, ଇ ବାରେ ଝେତି ଅଡ଼େ ମେସ୍ତି ଡାୟୁ ଆମିନି ଦୁଡୁ ନାଙ୍ଗେ ଏ ବାରେ ତସ୍ତାତେ, ନାନୁ ଏଦାନି ଜହରା କିହାଲି ତାନି ପାଝଆନା କଡ଼ାଣା ରୀତେଏଁ ।

୯ ସାମା ଏଡ଼ି ନାଙ୍ଗେ ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍‌ପୁତି ବଲ୍ଲୁ ଝେହନି ନୀ ତାୟିୟାଁ ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।”

୧୦ ଅଡ଼େ ଏଡ଼ି ନାଙ୍ଗେ ଏଲେଇଞ୍ଜାତେ, “ନାନୁ ଇ ପତିତି ଡାୟୁ ଗଟଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇତିହଁ କାଲମି ଏଦାତେୟିଏ ।

୧୧ ଆମ୍ପାଆସି ଦାମ୍‌ ହିଲାଆଗାଟାସି, ଏଝାସି ଅଡ଼େ ଦାମ୍‌ ହିଲାଆ କାମା କିପାସି, ଆମ୍ପାଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍ପାଆସି ଦାମ୍‌ଗାଟାସି, ଏଝାସି ଅଡ଼େ ଦାମ୍‌ଗାଟାସି ଆପେସି, ଆମ୍ପାଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି ।”

୧୨ “ମେହ୍‌ମୁ, ନାନୁ ତବେ ଝାହିମାଇଁ, ବାରେଜାଣା ତାକି ତାମି କାମାତି ଲେକାତଲେ ପାଡ଼େୟି ହୀହାଲି ନା ଦାନା ନା ତାଣା ମାନେ ।

୧୩ ✧ ନାନୁ ଆଲ୍‌ପା ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ଡାୟୁତାତେଏଁ, ମୂଲୁତାତେଏଁ ଅଡ଼େ ରାପ୍‌ନାତେଏଁ ।”

୧୪ ଜୀଝୁତି ମାର୍‌ନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍ପାଆରି ତାମି ହିମ୍‌ବିକା ରାଟାମାନେରି ଏଝାରି ନେହେଁ ।

୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାର୍‌ଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣ୍‌କା ବମାୟାଣି ପୁଜା କିନାରି, ମିତିକାତାତି ଜୀଝୁ ନନାରି, ମିତି

କାମାତି କିହାଲି ରାହାଁ ଆନାରି ବାରେ ପାଙ୍ଗାତା ଡ଼ୟିନେରି ।

୧୭ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଙ୍ଗେ ଈ କାତା ଝେସାଲି ନା. ଦୁତୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୂଲୁ ଅଡ଼େ କୂଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ ।”

୧୮ ସୁଦୁଜୀଝୁ ଅଡ଼େ ବାହା ଆନି ଡ଼ାଆ ମାଙ୍ଗା ଏଲେଇନେ, “ଝାମ୍ବୁ !”

ଆମ୍ବାଆସି ଝେନେସି ଏଝାସି ଏଲେଇଶମ୍ବାସି, “ଝାମ୍ବୁ !”  
ଏସ୍‌କି ଗାଗାସି, ଝାପାସି, ଆମ୍ବାଆସି ମନ କିନେସି; ଏଝାସି ଜୀଝୁହାନି ଏୟୁ ଉଜେଏ ଗସ୍‌ପେସି ।

ରାନ୍ତି କାତା

୧୯ ଆମ୍ବାଆସି ଈ ପତିତା ମାନି ତାୟୁ ଗଟଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହିଁ ଝେସିମାଇଁ, ଆମ୍ବାଆସି ଈ ପତିତା ଏନାଆଁ ଆଟନେସି, ଆତିହିଁ ମାହାପୁରୁ ଈ ପତିତା ରାସ୍‌କି ଆହାମାନି ତଣ୍ଡୟାଁ ଏଝାଶାକି ହାନେସି;

୨୦ ଅଡ଼େ ଆମ୍ବାଆସି ଈ ପତିତି ବଲ୍ଲୁତି ମେକ୍‌ନେସି, ଆତିହିଁ ମାହାପୁରୁ ଈ ପତିତା ରାସ୍‌କି ଆହାମାନି ଜୀଝୁତି ମାରୁନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମେକ୍‌ନେସି ।

୨୧ ଆମ୍ବାଆସି ଈ ବାରେତାକି ସାକି ହାହିମାନେସି, ଏଝାସି ଏଲେଇଞ୍ଜି ମାନେସି, ସାତା, “ନାନୁ ତବେ ଝାହିମାଇଁ ।” ଆଟମେନ୍ । ପ୍ରବୁ ଜୀସୁ ଝାମ୍ବୁ !

୨୨ ପ୍ରବୁ ଜୀସୁତି କାର୍ମାମେହ୍‌ନାୟି ବାରେତାୟି ମାଙ୍ଗେ ଆୟାପେ । ଆଟମେନ୍ ।